

道藏 25

無上秘要	目錄	25--1-4
無上秘要	卷三	25--5-6
無上秘要	卷四	25--7-12
無上秘要	卷五	25--13-18
無上秘要	卷六	25--19-22
無上秘要	卷七	25--23-26
無上秘要	卷九	25--27-30
無上秘要	卷十五	25--31-34
無上秘要	卷十六	25--35-38
無上秘要	卷十七	25--39-40
無上秘要	卷十八	25--41-44
無上秘要	卷十九	25--45-48
無上秘要	卷二十	25--49-52
無上秘要	卷二十一	25--53-54
無上秘要	卷二十二	25--55-62
無上秘要	卷二十三	25--63-66
無上秘要	卷二十四	25--67-72
無上秘要	卷二十五	25--73-76
無上秘要	卷二十六	25--77-80
無上秘要	卷二十七	25--81-86
無上秘要	卷二十八	25--87-90
無上秘要	卷二十九	25--91-94

無上秘要	卷三十	25--95-100
無上秘要	卷三十一	25--101-102
無上秘要	卷三十二	25--103-110
無上秘要	卷三十三	25--111-112
無上秘要	卷三十四	25--113-118
無上秘要	卷三十五	25--119-124
無上秘要	卷三十七	25--125-126
無上秘要	卷三十八	25--127-128
無上秘要	卷三十九	25--129-132
無上秘要	卷四十	25--133-134
無上秘要	卷四十一	25--135-138
無上秘要	卷四十二	25--139-144
無上秘要	卷四十三	25--145-148
無上秘要	卷四十四	25--149-152
無上秘要	卷四十五	25--153-160
無上秘要	卷四十六	25--161-166
無上秘要	卷四十七	25--167-170
無上秘要	卷四十八	25--171-174
無上秘要	卷四十九	25--175-180
無上秘要	卷五十	25--181-186
無上秘要	卷五十一	25--187-188
無上秘要	卷五十二	25--189-192
無上秘要	卷五十三	25--193-196
無上秘要	卷五十四	25--197-202

無上秘要	卷五十五	25--203-206
無上秘要	卷五十六	25--207-210
無上秘要	卷五十七	25--211-214
無上秘要	卷六十五	25--215-218
無上秘要	卷六十六	25--219-222
無上秘要	卷七十四	25--223-226
無上秘要	卷七十六	25--227-230
無上秘要	卷七十八	25--231-232
無上秘要	卷八十三	25--233-238
無上秘要	卷八十四	25--239-244
無上秘要	卷八十七	25--245-248
無上秘要	卷八十八	25--249-254
無上秘要	卷九十一	25--255-256
無上秘要	卷九十二	25--257-264
無上秘要	卷九十三	25--265-268
無上秘要	卷九十四	25--269-270
無上秘要	卷九十五	25--271-274
無上秘要	卷九十六	25--275-278
無上秘要	卷九十七	25--279-284
無上秘要	卷九十八	25--285-288
無上秘要	卷九十九	25--289-292
無上秘要	卷一〇〇	25--293-296
三洞珠囊	卷一	25--297-304
三洞珠囊	卷二	25--305-308

三洞珠囊	卷三	25--309-318
三洞珠囊	卷四	25--319-320
三洞珠囊	卷五	25--321-324
三洞珠囊	卷六	25--325-330
三洞珠囊	卷七	25--331-340
三洞珠囊	卷八	25--341-352
三洞珠囊	卷九	25--353-360
三洞珠囊	卷十	25--361-364
雲山集	序	25--365
雲山集	卷一	25--365-372
雲山集	卷二	25--373-380
雲山集	卷三	25--381-388
雲山集	卷四	25--389-396
雲山集	卷五	25--397-404
雲山集	卷六	25--405-410
雲山集	卷七	25--411-418
雲山集	卷八	25--419-422
仙樂集	卷一	25--423-428
仙樂集	卷二	25--429-434
仙樂集	卷三	25--435-440
仙樂集	卷四	25--441-448
仙樂集	卷五	25--449-454
漸悟集	卷上	25--455-466
漸悟集	卷下	25--467-480

草堂集		25--481-494
自然集		25--495-496
玄虛子鳴真集		25--497-500
葆光集	序	25--501-502
葆光集	卷上	25--503-518
葆光集	卷中	25--519-524
葆光集	卷下	25--525-532
西雲集	卷上	25--533-534
西雲集	卷中	25--535-538
西雲集	卷下	25--539-542
勿齋先生文集	卷上	25--543-552
勿齋先生文集	卷下	25--553-558
洞玄金玉集	卷一	25--559-568
洞玄金玉集	卷二	25--569-574
洞玄金玉集	卷三	25--575-582
洞玄金玉集	卷四	25--583-586
洞玄金玉集	卷五	25--587-590
洞玄金玉集	卷六	25--591-594
洞玄金玉集	卷七	25--595-600
洞玄金玉集	卷八	25--601-608
洞玄金玉集	卷九	25--609-614
洞玄金玉集	卷十	25--615-622
丹陽神光燦		25--623-634
悟真集	卷上	25--635-644

悟真集	卷下	25--645-648
雲光集	卷一	25--649-658
雲光集	卷二	25--659-670
雲光集	卷三	25--671-680
雲光集	卷四	25--681-688
重陽全真集	序	25--689-690
重陽全真集	卷一	25--691-698
重陽全真集	卷二	25--699-708
重陽全真集	卷三	25--709-714
重陽全真集	卷四	25--715-718
重陽全真集	卷五	25--719-724
重陽全真集	卷六	25--725-726
重陽全真集	卷七	25--727-732
重陽全真集	卷八	25--733-736
重陽全真集	卷九	25--737-740
重陽全真集	卷十	25--741-748
重陽全真集	卷十一	25--749-754
重陽全真集	卷十二	25--755-760
重陽全真集	卷十三	25--761-768
重陽教化集	序	25--769-772
重陽教化集	卷一	25--773-780
重陽教化集	卷二	25--781-784
重陽教化集	卷三	25--785-788
重陽教化集	后序	25--789-790

重陽分梨十化集	序	25--791
重陽分梨十化集	卷上	25--791-794
重陽分梨十化集	卷下	25--795-798
重陽真人金關玉鎖訣		25--799-806
馬自然金丹口訣		25--807
重陽真人授丹陽二十四訣		25--807-808
礪溪集	序	25--809-810
礪溪集	卷一	25--811-816
礪溪集	卷二	25--817-820
礪溪集	卷三	25--821-826
礪溪集	卷四	25--827-832
礪溪集	卷五	25--833-838
礪溪集	卷六	25--839-844
水雲集	序	25--845
水雲集	卷上	25--845-852
水雲集	卷中	25--853-858
水雲集	卷下	25--859-864
太古集	序	25--865-868
太古集	卷一	25--869-870
太古集	卷二	25--871-874
太古集	卷三	25--875-878
太古集	卷四	25--879-881

無上祕要目錄

叔一

卷之一 關

卷之二 關

卷之三

日品 月品 星品

卷之四

三界品 九地品 靈山品 林樹品

山洞品 洞天品 神水品

卷之五

人品 身神品 人壽品

卷之六

劫運品 帝王品 洲國品 論意

王政品

卷之七

修真養生品

叔一

卷之八

尸解藥石品 此品舊本重出不錄今備見八十七卷

卷之九

靈官昇降品 衆聖會議品

卷之十 關

卷之十一 關

卷之十二 關

卷之十三 關

卷之十四 關

卷之十五

衆聖本迹品中

卷之十六

衆聖本迹品下

卷之十七

衆聖冠服品上

卷之十八

衆聖冠服品下

卷之十九

天帝衆真儀駕品

卷之二十

叔一

仙歌品

卷之二十一

仙都宮室品

卷之二十二

三界官府品

卷之二十三

真靈治所品

正一氣治品

卷之二十四

三寶品 真文品 天瑞品 地應品

卷之二十五

三皇要用品

卷之二十六

靈寶符效品

卷之二十七

上清神符品

卷之二十八

九天生神章品 九天瓊文品

卷之二十九

三十二天讚頌品

卷之三十

經文出所品 叔一

經符異名品 三

卷之三十一

經德品 經文存廢品 遇經宿分品

卷之三十二

衆聖傳經品 傳經年限品

卷之三十三

輕傳受罰品

卷之三十四

師資品 法信品 授度品

卷之三十五

授度齋辭宿啓儀品

卷之三十六

卷之三十七

授道德五千文儀品

卷之三十八

授洞神三皇儀品

卷之三十九

授洞玄真文儀品

卷之四十

授洞真上清儀品開後

卷之四十一

策杖品 策版品 投簡品 奏簡文品

卷之四十二

事師品 修學品

卷之四十三

修道冠服品 說經執度品 誦經品

卷之四十四

洞真三元品誠儀

卷之四十五

玉清下元戒品

玉清上元戒品

卷之四十六

昇玄戒品

正一五戒品

卷之四十七

齊戒品

卷之四十八

靈寶齋宿啓儀品

卷之四十九

三皇齋品

卷之五十

塗炭齋品

卷之五十一

盟真齋品

卷之五十二

三元齋品

卷之五十三

金籙齋品

卷之五十四

黃籙齋品

卷之五十五

太真下元齋品

卷之五十六

太真中元齋品

卷之五十七

太真上元齋品

卷之五十八之六十四

卷之六十五

專誠品 柔弱品 虛靖品 山居品

違俗品

卷之六十六

沐浴品 入室品 明燈品 燒香品

叩齒品 呪請品

卷之六十七之七十三

卷之七十四

啓志願品

卷之七十五開

卷之七十六

服五氣品

卷之七十七開

卷之七十八

地仙藥品

太極藥品

卷之七十九之八十二開

卷之八十三

得鬼官道人名品

得地真道人名品

卷之八十四

得太清道人名品

卷之八十五之八十六開

卷之八十七

尸解品

卷之八十八

易形品

昇月庭品

咽雲牙品

何玄根品

天仙藥品

上清藥品

玉清藥品

得地仙道人名品

得九宮道人名品

得太極道人名品

玉清品上

昇日門品

地仙品

天仙品

卷之八十九之九十開

卷之九十一

昇太極宮品

卷之九十二

昇上清品上

卷之九十三

昇上清品下

卷之九十四

昇太空品

昇紫庭品

卷之九十五

昇紫晨品

卷之九十六

玉清品上

卷之九十七

玉清品下

卷之九十八

昇九天品

卷之九十九

昇太清品

昇太微宮品

昇紫微宮品

昇紫虛品

昇玉官品

卷之一百

昇無形品

入自然品

洞冥寂品

應變化品

會無忘品

無上祕要卷之三

卷一至二原缺

日品

南極上元君曰日縱廣二千四十里金分水
精暉於內流光照於外其中城郭人民七寶
浴池生於四種青紅黃白蓮花人長二丈四

尺衣朱衣與四種花同表同盛故有春秋冬
夏四時行焉日行有五氣一時風二徑風三
勁風四轉風五行風是故制御日月星宿遊
行虛無初不休息皆風之梵其綱

日月運度虧盈者皆四時之會藏伏冠帶故
也金門之上日行通門金門之內有金精治
鍊之池在西關之分故立春之日日受鍊魂
於金門之內曜其光明於金門之外當此之
時則光景素鮮普天氣溫其年中一過如此
經四十五日乃止

順行至洞陽宮洞陽宮是日之上館一名離
羅在浮黎之分以立夏之日日於洞陽宮吐
金冶之精以灌洞陽之宮更鍊八芒於流火
之庭當此之時則日光昏盛陽氣溢散普天
大暑其年中一過如此經四十五日乃止

順行至東井之上東井是月通暉之徑在于
遠之分以立秋日日於東井之中沐浴於景
暉收八素之氣歸於廣寒之宮當此之時則
天景高澄普天氣涼其年中一過如此經四
十五日乃止

順行至廣寒宮廣寒是月宮之上館七星之
華蓋在鬱單之界以立冬之日日伏精於廣
寒之宮更冠帶胎養當此之時日景陰翳普
天大寒其年中一過如此經四十五日乃止
一年日運周度冠帶四鄉合一百八十日是
日所經之分餘一百八十日屬月之度二景
離合陰陽虧盈名分度之限也

右出洞真黃氣陽精經

日中青帝諱圓常无字照龍韜

日中赤帝諱丹靈峙字綠紅映

日中白帝諱皓鬱將字迴金霞

日中黑帝諱澄澹漕字玄綠矣

日中黃帝諱壽逸阜字龜暉象

右出洞真太上玉晨鬱儀奔日經

三天真人呼日為圓光蔚

九天真人呼日為濯耀羅

玉賢天中呼日為微玄

太素天中呼日為眇景

太清天中諸仙呼日為大明

皇上真人呼日為九曜生

太極真人呼日為圓明

東華真人呼日為紫曜明或復呼為圓珠皇

初紫元之天中常有暉暉之光譬如薄霧乃

九日之所出有如一日之照

始暉者日出之鄉

右出大洞正經注

紫微夫人說阿母言曰日圓形而方景月方

精而圓象景藏形內精隱象中景赤象黃是

為日月之魂

右出洞真太丹隱書經

月品

月縱廣千九百里暈圍七千八百四十里
白銀瑤璃水晶映其內矣光明照於其外其
中城郭人民亦有七寶浴池八鸞之林生于
其內月中人長一丈六尺悉衣青色之衣月

中人常以月一日至十六日採白銀琉璃鍊於炎光之治故月度盈則光明鮮太素以十七日至二十九日於審林之下採三氣之花拂日月之光故月度虧其光微玄景運行亦五風梵其網也故制日月星宿遊行虛无初不休息

春分之日月宿金門之上金門之上則有通靈之門以其時月於金精冶鍊之池受鍊於石景水毋瑩飾於華光當此之日灌陽精於金門納黃氣於玉泉皇上真人諸天人皆以其日採審樹之華以拂日月之光月以黃氣灌天人之容故春分之日萬氣溫神景皆和黃氣陽精降之時

夏至之日月伏洞陽宮洞陽宮是日之上館以其時月於流火之庭冶鍊於八芒鮮明於月魂當此之日灌黃氣於洞陽納陽精於火官諸天人皆以其日採空青之林以拂日月之光以陽精灌天人之容故夏至之日景氣激陽精降陰納靈二景接暉之時

池以鍊月魂明八胡之芒當此之日月受鍊陽精於日暉吐黃氣於玉池諸天人皆以其日悉採環樹之花以拂日月之光月以黃氣灌天人之容故秋分是天大會之日黃氣陽精交降之時

冬至之日月伏廣寒之宮廣寒之宮則月之上館以其時育養月魂於廣寒之也當此之日納黃氣於寒池諸天人悉以其日採青花之林以拂日月之光月以陽精灌天人之容故冬至之日運道履長黃氣陽精納暉之時

月度周流四鄉故有朔望之期日通陽月道陰雖同運而轉至於冠帶各居四節故日分一百八十日陽月分一百八十日陰數經三千六百度與日合則陽氣激陰氣石

右出洞真黃氣陽精經

太上曰月中青帝夫人諱娥隱珠字芬豔嬰月中赤帝夫人諱翳遠蒙字婉庭虛月中白帝夫人諱靈素蘭字鬱蓮華月中黑帝夫人諱結連翹字浮屬金月中黃帝夫人諱清管襟字吳容

右出洞真結璘奔月經

星品

太上曰夫五星者是日月之靈根天胎之五藏是以天精結璘以成五星天地賴以綜氣日月繫之而明若天氣不育則三合虧盈地氣不育則萬物枯滯虧盈則天震地動列宿不守則日月薄蝕五星亂度則二象失光天地交泰則五星映清天精合則五星光明上照太虛下朗萬兆兆有得失則五度錯逆兆有和吉則流行順道映洞禍福毫杪必彰玄照織末幽存功過者也五帝上言於星中真皇真皇奏於太上玉君於是以辰光轉燭以示萬生傍行越位以告災祥地建五嶽之山以象五行之星人立五藏之神以擬於五位之用三氣迴合是以天地列備矣星之為精上通眾精下共光津吐納三華漱澤萬靈也五歲星圓鏡木精玄朗東陽之陵星中有九門門中出九鋒芒鋒芒先垂九百萬丈一門輒有一青帝凡九青帝備門奉衛於中央青皇真君

天星圖鏡升精映觀南軒星中有三門門中
出三鋒芒鋒芒光垂三百萬丈一門內輒有
一赤帝凡三赤帝備門奉衛於南真上皇真
君

太白星圖鏡金精映曜西辰太白星中有七
門門中出七鋒芒鋒芒光垂七百萬丈一門
內各有一白帝凡七白帝備門奉衛於西真
上皇道君

五辰星圖鏡水精洞映北冥辰星中有五門
門出五鋒芒鋒芒光垂五百萬丈一門各有
一黑帝凡五黑帝備門奉衛於北真上皇君
鎮星圖鏡土精鎮陰黃道鎮星中有四門門
中有四鋒芒鋒芒光垂四百萬丈一門各有
一黃帝凡四黃帝備門奉衛於鎮元黃真君
右出洞真八素真經

七星去地四十萬里圓七百二十里皆金精
琉璃為其郭七曜紫暉開其光其內則諸天
人象真之遊館廣寒則其華蓋其一晝一夜
則運轉周天一度亦如日月之輪其內亦生
七寶珠林如是戌亥之後生氣之初七星受

鍊於廣寒之宮明鮮紫景於七曜煥落流精
竟天紫景吐津以灌諸天於是舉真帝仙皆
以其時莫不採七曜之暉紫景之蘭
右出洞真黃氣陽精經

第一天樞星則陽明星之魂神天樞星滅而
不曜光而不照潛洞太虛圓九百二十里對
陽明星之西北門
第二天璇星則陰精星之魂神天璇星景而
遠映照而不煥潛洞太虛圓五百五十里對
陰精星之西門

第三天機星則真人星之魂精天機星狂而
不顯煥而不暉潛洞太虛圓七百七十里對
真人星之東南門
第四天權星則玄冥星之魂精也天權星微
而隱隱而洞映潛洞太虛圓八百里對玄冥
星之東門

第五玉衡星則丹元星之魂靈也玉衡星大
而默踊而不煥潛洞太虛圓七百二十里對
丹元星東北門
第六闔陽星則北極星之魂靈也闔陽星明

而潛照輝而不煥洞徹太虛圓七百七十里
對北極之下闔北洞之門
第七搖光星則天關星之魂大明搖光星則
光轉空洞迴機天關潛映太虛圓九百上
對天關星之南門下對北極星

第八洞明星則輔星之魂精陽洞明星則
光迴諸天總輪上宿流陽太虛圓九百九十
里上對輪星西南門在天關之上梁北極之
陽芒

第九隱元星則弭星之魂明空靈隱元星則
隱息華蓋之下潛光曜於空洞之中圓九百
九十里上對弭星之東南門
右出洞真飛行九晨玉經
太上大道君北極真公曰吾昔遊於北天策
駕廣寒足踐華蓋手排九元逸景雲宮遊戲

北玄道遠洞陰之館息于洞臺之門酌遊機
以召運促劫會以備輪歎萬物而雕衰俯天
地而長存乃悟九星之奇妙悟十魂之至靈
夫九星者寔九天之靈根日月之明梁萬品
之淵宗故天有九氣則以九星為其靈紐地

有九州則以九星為其主人有九孔則以九星為命府陰陽九宮則以九星為其門戶五嶽四海則以九星為淵府故五九參為綱維无窮制御天宿迴轉三辰調理四氣致天地長存萬品之所宗神仙之所憑夫天無九星則無以高清地無九星則無以為至靈人無九星則九孔不明上帝兼之以通真神仙憑之以得成五行乘之以致度萬物稟之以得生天清地靜九星煥明天濼地否則九星昏

右出洞真迴元九道飛行羽經

無上秘要卷之三

無上秘要卷之四

三界品

太極真人曰夫修飛行三界之道當使為無不無無有不有能悟有無之間緬然於其際而無際自然得超三界遊宴玉京飛行十方

太黃皇曾天

太明玉完天

清明何童天

玄胎平育天

元明文舉天

七曜摩夷天

右六天欲界陰陽胎生年積萬歲

虛无越衝天

太極濛翳天

赤明和陽天

玄明恭華天

曜明宗飄天

竺落皇炁天

虛明堂曜天

觀明端靖天

玄明恭慶天

太煥極瑤天

元戴孔昇天

太安皇炁天

顯定極風天

始皇孝芒天

太皇翁童天

无思江由天

上襟阮樂天

无極曇誓天

右十八天色界陰陽有色與欲界同不相交接人皆化生年積億歲不夭不傷

三

皓庭霄度天

淵通元洞天

輪龍妙成天

秀樂禁上天

右四天無色界陰陽有形身長數百里不以為累能隱形入微无復色欲唯真相知年歲積劫雖不事學而能行善福報所畢

至于魔王學道未極亦遊此天不得超三界未免洪灾火運交周二十八天一時混

常融玉隆梵度賈奕四天之上其學聖真仙三界者返還人道經歷三塗能超進者

當依功運轉

諸天之上各有生門中有空洞謠歌之章魔王靈屬辭恭高真

第一欲界飛空之章

人道渺渺仙道莽莽鬼道樂兮當人生門天

道貴生鬼道貴終仙道常自吉鬼道常自凶

高上清靈奏悲歌胡太空惟願仙道成不欲

人道窮北都東由府中有萬鬼群但欲逼人

算斷絕人命門阿人歌洞章以攝此羣野東

送妖厲精斬穢六鬼錄諸天悉湯湯我道日

興隆

第二色界魔王之章

落落高張明氣四騫梵行諸天周迴十方无量大神皆由我身我有洞章萬遍成仙仙道貴度鬼道相連天地渺莽穢炁氛三界樂予過之長存身度我界體入自然此時樂兮薄由我思龍漢蕩蕩何能別真我界難度故作洞文變化飛空以試爾身成敗懈退度者幾人笑爾不度故為歌者

第三無色界魔王歌曰

三界之上渺渺大羅上无色根雲層峨峨惟。有元始浩劫之家都制我界統承玄都有過我界身入玉虛我位上王臣御眾魔空中萬變穢氣紛葩保真者少迷感者多仙道難固鬼道易邪入道者心諒不由他仙道貴實人道貴華爾不樂仙道三界那得過其欲轉三道我當復奈何

右出洞玄度人經

九地品

道運御世闢辟玄通三色混沌乍存乍亡運

推數極三氣開光氣清高澄積陽成天氣結凝滓積滯成地

右出洞玄九天經

第一壘名色潤地

第二壘名剛色地

第三壘名石脂色澤地

第四壘名潤澤地

第五壘名金粟澤地

第六壘名金剛鐵澤地

第七壘名水制澤地

第八壘名大風澤地

第九壘名洞淵無色網維地

右九壘之地地各有四色土皇正音土皇行音土皇遊音土皇梵音土皇極下洞淵洞源網維天下制使不落則无窮无境无邊无际皆網維之元九地九壘直下九重各三十六音三十六土皇上應三十六天中應三十六國如是土皇位齊玉皇之號但分氣各治上下之别名耳

九地相去里數

第一地去天九十億萬里

第二地去第一壘地八十億萬里

第三地去第二壘地一百二十億萬里

第四地去第三壘地二十億萬里

第五地去第四壘地二十億萬里

第六地去第五壘地二十億萬里

第七地去第六壘地二十億萬里

第八地去第七壘地八十億萬里

第九地去第八壘地八十億萬里

右九壘之下洞淵洞源網維天下制使不落

上則去第一壘地五百二十億萬里

右出洞真外國放品經

靈山品

鄴都山在北方癸地故東北為鬼戶死氣之根山高二千六百里周迴三萬里

右出洞真天關三圖七星移度經

南方伊沙陀國外有長洲一名青丘其左右有風山其山恒震聲又有炎洲有火林山中有光獸

右出洞真外國放品經

玄壟山在崑崙山之東北

鐘山所處在弱水之北一萬九千里山高萬二千里其上方七千里周迴三萬里日月所不及照光耀晝夜朗然明十萬里外皆星漢所不及聖人言天缺西北是鐘山照九陰之下

下

崑崙山高平地三萬六千里上有三隅面方萬里形似偃盆其一隅正北主于辰星之精名曰閻風臺一隅正西名曰玄圃臺一隅正東名曰崑崙臺又有北戶山承淵山並是其枝幹上通璇璣九天之澳萬仙之宗根天地纏度之柄

右出洞真太霄隱書

東華有雲波山青童君時御圓珠之氣登雲波之山入東華之宮扶桑際有九老京山九老仙皇天帝君二道君時會九老之京出靈戶之符召太真王萬仙受事
太清天中有浮絕空山三天神王所治大道真氣之所結
太極天中有秀華山山下有玉堂五靈真君

之所處比天中有寒童靈山仙真之賓常登此嶽太微天中有玉壽山黃老之所治萬神之所會內景天中有紫空山青精君常乘羽

逸之車携玄景之童時登此山
上清天中有虹映山乃九日之所出月帝之所司光氣之所散又有金華便山其巔有大

老寢堂八黃老君時登此山
玉虛天中有飛霞山能行大洞經可入飛霞山太一上天中有金華山太一元禁君所

處
七晨天中有三寶山有反生之香反衝於此山上皇真人所處
元晨天中有三秀山而元晨天中有黃景之

氣氣之所出起於此山
太極天中有太上日空无景之山其山太霞之中有彭室太虛元君所處

太玄天中有空峯山乃神光之所秀出
玉真天中有高元山萬華先生時登此山寢

寢萬華之宮
玉清天中有玉根山五老上真所處

又有黃霞山是五帝之所處上皇之所遊九天上有滂滯神仙九氣丈人時登此山太无之庭有太霞之嶽名曰五閭之山太无晨中君所處
太无天中有峨嵋山上有洞宮玉戶諸得真

仙道者名刊於其上
右出玉真太洞玉經
靈寶玄都玉京山處於上天之中心
右出洞玄玉訣經

錄那羅衛之國須彌靈飛人鳥山元始天王所別治西王母初學道亦登此山
右出洞玄隱注經

西極西那玉國有鬱察山浮羅之嶽
右出洞玄靈書度命經

太上曰人鳥山是天地之生根元氣之所因人求其域靈仙仰其神於是朝致五獻使役海神

右出洞玄五符經
太上曰太玄都玉京山冠八方諸羅天諸天仙人謂此山有十名

無上秘要 卷四

一曰蓋天首山
 二曰彌玄上山
 三曰羅玄洞虛山
 四曰高上真元山
 五曰衆寶幽結劫刃山
 六曰無色大覺山
 七曰周觀洞玄山
 八曰景華太真山
 九曰不思議山
 十曰太玄都玉京太上山
 右出洞玄玉京山經
 向曲山腴間有金陵之地方三十八頃是金壇之地地肥土良而井水甘居腴地必度世見太平河圖內元經曰乃有地肥土良水清向曲之山金壇之後可以度世上昇曲成又河圖中篇曰向金之山其間既有陵兵病不往洪波不登此之謂也金陵古名之為伏龍之地福地誌曰伏龍之地在柳谷之西金壇之右可以高栖正金陵之福地也向曲山又名為向金之壇以洞天內有金壇百丈因以

致名
 又有積金山亦有金積以號壇矣又名其源澤為曲向之穴按山形曲折後人合名為向曲之山後有三茅君來治其上時父老人傳為茅君之山
 三茅山隱峯相屬皆向曲山一名耳時人因事而喻今故有支條數十作別名此山為岡山也孔丘福地云岡山之間有伏龍鄉可以避水避病
 東方有三蓋山三霍山三台山二金山並名山向曲即金壇之一山
 茅山北垂洞口一山名良常山本亦向曲相連都一名耳
 西去者是葛衍山之別名葛衍有山相連西為玄西山東為鬱絕根山中央為葛山三山纏固方三千里高二千七百里去崑崙七萬里其間有高暉山上有洞光如日照葛衍西玄鬱絕根三山
 右出道迹經
 紫微夫人曰方諸山正四方故謂之方諸一

面長一千三百里四面合五千二百里上高九千萬丈又有長明大山夜月高丘各周迴百里又有玄寒山
 方諸東南西南面又各有小方諸山去大方諸山三千里小方諸亦方面各三百里大方諸對會稽之南看去會稽岸七萬里東北看則有陽谷鄉又去方諸六萬里
 右出真迹經
 林樹品
 東極蒼帝君曰大浮黎國土有青林之樹樹葉生自然紫書風吹樹動其樹聲皆作洞章靈音燦爛朗徹太空其上恒有九色鳳鳥有得其羽皆即飛行
 西極西那玉國有七寶鸞樹樹生赤寶白環上有鳳凰孔雀金翅之鳥晝夜六時吐其雅音
 右出洞玄靈書
 太上曰玉京山自然生七寶之樹一株彌覆一天八樹彌覆八方羅天
 右出洞玄玉京山經

東方呵羅提國外有扶桑在碧海之中生林如桑皆數千丈大者三千圍兩兩同根而生有實赤如桑樵仙人所啖食體作金色其實皆九千歲一熟南方伊沙池之國國外有青丘地生大樹長三千丈大者二千圍

崑崙山上生金根之樹瓊柯丹實之林玉清以為實其樹悉刻題三十六國音上栖紫鸞鳳鸞白雉鴉鷄鷓鴣赤鳥青鵠

右出洞真外國放品經

方諸青宮內有玉樹數百株上有關雞鳳凰九色之鳥下有芝草玉井有自然生泉服之壽同三光

右出洞真青要紫書金根經

日上館洞陽宮之內有空青之林得食其華身生金光之色

月通暉之徑東井之內有廣靈之宮中生三華高環之樹一劫則生自然三蒸之華似芙蓉之暉得食一華年同一劫

月宮之上館廣寒之宮中生青華之樹樹高四千丈其葉似竹而赤其華似鏡而明其子

似李而無核所謂絳樹丹實得食其葉壽長年得食其華與月同靈得食其實遊宴玉清

右出洞真黃氣陽精經

老子西過大龜之山見太真王母食玉文之棗其實如餅又食碧桃紫梨

復北登空洞之嶺見北華真公四華仙人食空洞靈瓜其瓜四劫一熟

安期生謂太真夫人曰昔與女郎遊於息安

西海際食棗異美此間棗永不及憶此未久

說已三十年矣神女云吾昔與君共食一枚

乃不盡此小棗那得相比

右出仙果道迹經

右英夫人曰交梨火棗比即騰飛之藥不比於金丹

右出真迹經

山洞品

五嶽及名山皆有洞室

玉屋山洞周迴萬里

委羽山洞周迴萬里

西城玉山洞周迴三千里

青城山洞周迴二千里

西玄山洞周迴千里

羅浮山洞周迴五百里

赤城山洞周迴三百里

林屋山洞周迴四百里

白曲山洞周迴一百里

括蒼山洞周迴三百里

右出道迹經

洞天品

小有清虛天 大有空明天

太玄總真天 三玄極真天

寶仙九室天 上玉清平天

朱明耀真天 金壇華陽天

左神幽虛天 成德隱玄天

右出道迹經

右大天之內地中洞天

神水品

玉清天中有萬津之海其水波洶湧而連嶽

太初天中有慶元之河號為吉人之津

又有流汜之池中有玉樹周圍蓮花十丈池

廣千里水乃有美金華仙人恒處蓮花之中飲此流汨之水

玄洲有三弱之律非仙人而莫度越

太无之庭有玉簡山山有清淵之池方圓千里又有帝川池在玄洲北玉靈仙母金華仙女常所經遊

右出洞真大洞經

元始天尊於大福垂寶世界鬱單國土皆凝水精琉璃澤地而行國有寒池縱橫五百里池有玉芝一國男女飲食池水面如玉脂

初無疾病无有憂愁壽三萬歲无有中夭命終之後骸骨不灰萬年亦无臭爛之氣

右出洞玄靈書

無上祕要卷之四

無上祕要卷之五

九天人告於三天玉童曰夫天地交運二象合真陰陽降炁上應於九天流丹九轉結氣為精精化成神神變成人故人象天地炁法自然自然之炁皆是九天之精化為人身

含胎育養九月炁盈九天氣普十月乃生其結胎受化有吉有凶有壽有夭有短有長皆稟宿根結炁不純藏胃積滯六府敗傷形神不固體不受靈死炁入孔何由得存陽炁赤

名曰玄丹陰氣黃名曰黃精陰陽既交二炁降精化神結胎上應於九天九天之炁則下布丹田與精合凝結會命門要須九過是為丹田上化下凝以成於人一月受炁二月受靈三月合變四月凝精五月首體具六月化成形七月神位布八月九孔明九月九天炁

普乃有音聲十月司命勒籍受命而生故人皆稟九天之炁陽降陰之精名曰九丹合成人身凡人受生結炁九丹上化於胞胎之中而法九天之炁炁滿神具於胎囊之內而自

識其宿命知有本根轉輪因緣九天之炁化成其身既親陽道開曠三光而自忘其所生

所由之因爾者皆由胞根結滯盤固三關五府不理死炁塞門致靈關不發而忘其因緣

若靈真九炁含鍊瓊胎斲經紫戶運履人道挺秀自然耀景觀靈便騰身於九天非復結精受炁而為人也

凡人生皆稟九天之炁炁凝為精精化成丹丹變成胎結胎含秀法則自然假令七月生則十月胎受液梨杏怒天之炁十一月生則受梵摩迦夷天之炁十二月生則受梵寶天之炁正月生則受化應聲天之炁二月生則受不驕樂天之炁三月生則受寂然天之炁四月生則受須延天之炁五月生則受上上釋善无量壽天之炁六月生則受鬱單无量天之炁

凡人從十月結胎至於六月則受九天之炁已滿至七月合十月則天地炁盈受太陽之運而生

右出洞真九丹上化胎精中記經

太上曰夫人受生結精積炁受胎歛血黃白
幽凝丹紫合煙所以凝骨吐津散布流液四
度會化九宮一結五神命其形體太一定其
符籙忽爾而立悅爾而成罔爾而具脫爾而
生

於是乃九神來入安在其宮五藏玄生五神
主焉父母唯知生育之始我也而不悟帝君
五神來適於其間人體有尊神其居无常出
入六虛

上下三田迴易陰陽去故納新展轉榮輸流
注元津太神虛生內結以成一身渥質化鍊
變景光明

右出洞真九真中經

夫人受生於天魂結成於元靈轉輪於九炁
挺命太一關開三道積神幽宮所以玄液七
纏流津敷澤日月映其六虛口耳運其神器
雲行雨施德擬天地胞胎內而五因來具立
人之道其如此也故五因者是五神也故三
道者是三真也
夫五神者天之魂三真者天之道九炁者天

之胎太一者天之源日月者天之眼玄液者
天之淵六虛者天之光幽宮者天之府神器
者天之化元靈者帝之變凡此言九天者乃
混合帝君之變變而化九是謂九宮九宮混
變而同一矣夫兆所欲修已求生當從所生

之宗所生之宗謂元父玄母也元父主氣化
理帝先玄母主精變結胞胎精炁相成而陰
陽相生雲行兆已道合无名數起三五兆始
稟形七九既而兆體乃成和合三五七九洞
冥象帝之先當須帝營天皇之功九變為靈

功成人體體與神并神去則死神守則生是
以三元為道之始帝君為道之根太一為道
之變九天為道之神九宮為道之宅玄液為
道之津以照三田以致神仙朝適六合夕守
泥丸堅執胎精心中常歡學道之子須此為

右出洞真太丹隱書

緣見是經者始可與言九炁陶注太一運神
天尊言曰炁炁相續種種生緣善惡禍福各
有命根非天非地亦又非人正由心也心則
神也形非我有我所以得生者從虛无自然

中來因緣寄胎受化而生我受胎父母亦非
我始生父母也真父母不在此父母貴重尊
高无上今所生父母是我寄備因緣稟受育
養之恩故以禮報而稱為父母焉故我受形
亦非我形也寄之為屋宅因之為營室以舍

我也附之以為形示之以有无故得道者无
復有形也及我无身我有何患我所以有患
者為我有身有身則百惡生无身則入自然
立行合道則身神一也身神並一則為真身
歸於始生父母而成道也

右出洞玄諸天內音經
人之受生於胞胎之中三元有養九炁結形
故九月神布炁滿能聲聲尚神具九天稱慶
太一執符帝君品命主錄勤籍司命定算五
帝監生聖母衛房天神地祇三界備守九天

右出洞玄諸天內音經

司馬在度東向讀九天生神章九過男則萬
神唱恭女則萬神唱奉男則司命敬諾女則
司命敬順於是而生九天司馬不下命章萬
神不唱恭諾終不生也
夫人得還生於人道擢形太陽驚天駭地貴

亦難稱天真地神三界齊臨亦不輕也。當生之時亦不為陋也。所以能愛其形保其神貴其炁固其根者終不死壞而得神仙骨肉同飛上登三清是炁與三炁合德九炁齊并也。但人得生而不自能尊其炁貴其形寶其命愛其神自取死壞離其本真。

右出洞玄九天生神章經

道曰一切萬物人最為貴人能使形无事神无體以清靜致无為之意即與道合。

右出妙真經

老子曰神生形形成神形不得神而不能自生神不得形而不能自成故形神合同更相生更相成。

右出西昇經

夫人是有生最靈者也但人不能自知而不守神以却眾惡耳知之者則不求祐於天神止於其身則足矣故云一人之身一國之象胃腹之位猶宮室也四肢之列猶郊境也骨節之分猶百官也神猶君也血猶臣也炁猶民也故知治身者則知治國矣夫愛其民所

以安其國恠其炁者所以全其身民散則國亡炁竭則身死亡者不可生是人至人消未起之患治未病之疾堅之於无事之前不追於既逝之後民之難養而易濁故審其威德所以保其治割嗜欲所以固血氣然後真一存焉。

右出皇人經

天老曰人生於陰陽長於元炁未必盡備感五常之性得之者十未有一也感其火者明感其金者剛感其水者清感其木者玉感其土者仁不感者亡故天地五行五五二十五。行人生感得其一者可壽一十年感得二者可壽一百二十年感得三者可壽一百三十年感得四者可修術壽一百四十年感得其五者可為小道可壽二百年感得其六者可為大道无咎感得其七者可知鬼靈之心感得其八者通明神意感得其九者通神祇感得其十者知聰明感得十一者終身无患感得十二者應其天心感得十三者五嶽來朝感得十四者得二十八宿護已感得

十五者致得玉女感得十六者得為聖人感得十七者致得西王母感得十八者致得東王父感得十九者召得太一感得二十者召得北君感得二十一者召得仙人感得二十二者身與天地俱感得二十三神女來配感得二十四者與天帝交感得二十五者與上皇為友。

右出洞神監乾經

身神品

腦神名覺元字道都。髮神名玄文華字道行。皮膚神名通眾字道連。目神名虛監生字道童。項神名靈護蓋字道周。脊神名蓋歷輔字道柱。鼻神名冲龍玉字道微。舌神名始梁峙字道岐。右上部八神若。喉神名百流放字道通。肺神名素靈生字道平。

心神名煥陽昌字道明
 肝神名開君章字道青
 膽神名龍德拘字道故
 左腎神名春元直字道卿
 右腎神名象他元字道圭
 脾神名寶元全字道壽
 右為中部八神君
 胃神名同未育字道展
 窮腸神名兆騰康字道還
 大小腸神名達送留字道厨
 胸神名受辱字道虛
 胃兩神名廣璞宅字道神
 兩脇神名辟假馬字道成
 左陰左陽神名扶流起字道圭
 右陰右陽神名色表明字道生
 右為下部八神君
 右出洞真造形紫元二十四神經
 正月本命日及甲子甲戌日平旦之時帝君
 太一五神共混合變化為一大神在人心之
 內號曰天精君

三月本命日及甲申日辰時帝君太一合會
 五神混化內變為一大神分形散悉盡布在
 諸骨中號曰堅玉君
 四月本命日及甲午丁卯之日巳時帝君太
 一五神混化化生大神大神又歛爾分形而
 為黃炁鬱鬱然盡流入諸精血中號曰元生
 君
 六月甲辰日本命日戊寅日午時帝君太一
 五神變化為一大神來入在人肝中號曰青
 明君
 七月三日及本命日庚午日巳時帝君太一
 五神混合變化為一大神在於脾中號曰養
 光君
 八月十五日及本命日庚申日申時帝君太
 一五神混合變化為一大神在人肺中號曰
 上元素玉君
 九月十九日及本命日戊戌日酉時帝君太
 一五神混合變化為一大神大神忽爾又因
 分形為二神分坐散形在人兩腎中號曰玄
 陽君

十月二十日及本命日辛巳日午時帝君太
 一五神混合變化為一大神在人膽中號曰
 合景君
 十一月二十八日本命日丙子日巳時帝君
 太一五神混合變化為一大神在泥丸紫房
 之中號曰昌上皇君
 右出洞真九真中經
 兩眉間直上却入三分為守寸雙田官却入
 一寸為明堂官却入二寸為洞房官却入三
 寸為丹田官却入四寸為流珠官却入五寸
 為玉帝官明堂上一寸為天庭官洞房上一
 寸為極真官丹田上一寸為玄丹官流珠上
 一寸為太皇官
 一頭中有九官
 玉帝官玉清神母居之
 天庭官上清真女居之
 極真官太極帝妃居之
 太皇官太上君后居之
 明堂官明堯神君明童君明女真君三君共
 居之

洞房宮左无英子右白元君中黄老魂三人居之

丹田宮上元真一帝君帝君之鄉二人居之

玄丹宮泥丸太一真君居之

流珠官流珠真神司命君之所行

右出洞真太上素靈大有妙經
赤子居上丹田宮真人居中丹田宮嬰兒居下丹田宮

右出洞真四官雌一寶名玉訣經

凡人身中亦有三官六府一百二十關節三

萬六千神人身行惡身神亦奏之三官人身

行善則慶其仙名

生死罪福莫不先由身神影響相應在于自

然人禀炁而生炁結成神人能養炁神則長

存内思守真真不離身

右出洞真三元品誠經

頭髮神字壽之

兩目神字英明

項上神字東王父

顛戶神字泥丸君

眉間神字元光

兩耳神字嬌女

人中神字太一

鼻孔神字通虛

口中神字丹珠

上元神字成成

中元神字黃子

下元神字命光子

肩背神字朱雀

兩脾神字隱

陰神字窮史

女子字丹成

兩膝神字握公

兩脛神字隨孔子

兩足神字戴天柱

右一十九神兆姓為姓名即字字即名也

肝老子君

肺太和君

心太尉公

脾子丹華

腎司徒司空司命司錄司謀廷尉

膽太上道君

胃諫議大夫

臍太一

大小腸元梁使者

玄谷大將軍

三焦左社右櫻風伯雨師雷公霹靂

右一十條領一萬八千神人存之則一萬八

千神不散不散者天降一萬八千神附身中

合三萬六千俱舉一身上昇三天則成神仙

變化无窮矣人法地則天外形而神住則形

成神去則形壞

凡人不知存神動止任意意惑事僻神散形

枯仙真聖人守神无替常存自在名在左契

志學之士當知人身之中自有三萬六千神

左三魂右七魄陰陽配合共輔護識神五行

王相之君周衛體内一千二百形影一萬二

千精光備守體外日日存之時時相續念念

不忘長生不死不能長存八節勿替能念身

神康強无病病三呼之常衛子身欲卧之時

左手撫心右手撫臍各二十七陰咒曰

欲具身神從頭起經歷四肢至踝子

咒竟存之委悉乃眠必得吉夢髣髴見神若

有罪過應致灾厄神來語人或示形象付託

物類使人思惟自解意趣吉凶善惡了然知

之避禍就福所向諧也

三魂

第一胎光 第二真靈 第三幽精

七魄

第一尸狗 第二伏矢 第三雀陰

第四吞賊 第五蜚毒 第六除穢

第七曼肺

右出洞神經

人壽品

鬱單无量天其天上人壽九百萬歲

上上禪善无量壽天其天上人壽三千六百

歲

上監天一名須延天其天上人壽一億五千

二百歲

兜術天一名寂然天其天上人壽六億八百

萬歲

不驕樂天一名波尼密天其天上人壽二十

三億四千萬歲

化應聲天一名他化自在天其天上人壽九

十二億一千六百萬歲

梵寶天一名波羅尼耶拔天其天上人壽命

七劫

梵摩迦夷天一名梵泉天其天上人壽命二

劫

波利答瑟天一名大梵天其天上人壽命四

劫

右出洞真太霄瓊書經

東方極蒙林之墟其國音名呵羅提之國人

形長二丈壽四百歲

南方極洞陽之野其國人皆形長二丈四尺

壽三百六十歲

西方之外極浩素之龍其國人形長一丈六

尺壽六百歲

北方之外極朔陰之度其國音則名旬羅之

國其國人形長一丈二尺壽三百歲

上方九方上清陽灰空之內无色无象无形

无影空洞之銘元精青純自然之國其國人

則高上玉皇萬聖帝真受生之根无壽无量

惟劫為年

中國直下極大風澤去地五百二十億萬里

中國音則名大和寶真无量之國其國人形

長九尺壽一千二百歲

右出洞真外國教品經

大福堂國太上道君曰此土男女自眼所照

以來七百五十萬劫不覺國中之人形有兼

老

大得黎國九炁天君曰自入此境以來經九

百九十萬劫初無學仙之人人皆自然不死

赤明國中三炁天君曰自住是境已來經三

百十萬劫未聞是土有悲哀之聲但見不老

之人

西那玉國白帝天君曰自入是境以來經七

百萬劫不聞國人有悲感之聲

鬱單无量五炁天君曰自入是境以來經五

百萬劫此土男女唯知受生不知所從而來

無上祕要卷之五

無上祕要卷之六

叔四

劫運品

天尊言龍漢之後天地破壞其中渺渺億劫无光上无復色下无復淵風澤洞虛幽冥冥无形无影无極无窮混沌无期號為延康

逮至赤明開光天地復位

一劫之周天地又壞復无光明五劫之中幽冥冥三炁混沌乘運而生逮至開皇天地復位

太上道君在大福堂國長樂舍七百五十萬

劫

蒼帝天君在東極碧落空歌大浮黎國九百

九十萬劫

赤帝天君在南極樺黎世界赤明國三十萬

劫

白帝天君在西極衛羅大堂世界極樂國七

百萬劫

黑帝天君在元福葉賢世界壽單國五百萬

劫

右出洞玄靈書經

天真皇人上皇天尊自受日月隨運流遷去來轉持一光一冥一滅一度一死一生身受破壞一敗一成經履天地改易光明幽眇觀非可思議自龍漢以來已九萬九千九百萬重劫

右出洞玄諸天內音經

十方飛天神人告太上道君曰自周三界之中歷行三十二天累經大運交周天地成敗隨運生死非復一反至今赤明開闢已經九千七百億萬劫

右出洞玄空洞靈章經

道曰天關在天西北之角與斗星相御北斗七星則天關之網柄玉宸之華蓋梵行九天十二辰之氣斗網運關則九天並轉天有四候之門九天合三十六候一晝一夜則斗網運關經一候之門晝夜三十六日則經三十六候都竟三十六候竟則是九天一轉三百六十輪為九天一周
九天一周則六天之氣皆還上上三天三天改運促會以催其度三十六百周則為小劫

交

小劫交則九氣改正萬帝易位民亡鬼滅善
存清治六合寧一九千九百周為大劫終

大劫終則九天數盡六天運窮六天欲窮則
氣激於三五羣妖凶橫因時而行放毒成民

此皆運窮數極乘機而鼓以致於此地機在
東南之分九泉之下則九河之口吐喻之靈

機上通天源之洶注旁吞九洞之淵與十二
時紀推四會之水東迴一晝一夜則氣盈氣

盈並濼九河之機晝夜三十三日機轉西北
迴東北張西南翁張則溢翁則虧周於四會

天源下流九泉涌波是為一輪三百三十輪
為一度一度則水母促會於龍王河侯受對

於三天三千三百度謂之陰否陰否則蝕陰
蝕水涌水涌河決山淪地沒九千三百度為

大劫之終陰運之極當此之時九泉涌於洪
波水母鼓行山海冥一六合坦然此陰運之

充地氣之激也
天圓十二網地方十二紀天網運關三百六

十輪為一周地紀推機三百三十轉為一度

天運三千六百周為陽勃地轉三千三百度

為陰蝕天氣極於太陰地氣窮於太陽陽激
則勃陰否則蝕陰陽勃蝕天地氣反天地氣

反謂之小劫交小劫交則萬帝易位九氣改
度日月縮運陸地涌於九泉水母決於五河

大鳥屯於龍門五帝受會於玄都當此之時
凶穢滅種善民存焉

天運九千九百周為陽蝕地轉九千三百度
為陰勃天蝕則氣窮於太陽地勃則氣謀於

太陰故陽否則蝕陰激則勃陰陽蝕則天
地改易謂之大劫交大劫交天隸地覆海涌

河決人淪山沒金玉化消六合冥一
右出洞真三天正法經

天地大劫之欲交諸天至真尊神妙行真人
下遊五嶽遙觀天下至學之人洪流彌天皆

以五龍迎之登福地今得與元始同沒同生
也

右出洞玄玉訣經
太上靈寶治玄都玉京山七寶玄臺十方至

真妙行真人飛仙大聖眾皆得空燒香散花

遊行一日三周手把十絕華幡口誦洞章日

月交迴七星運關三百三十日則天關迴山
一度三百三十度則九氣交三千三百度天

地氣交天地氣交為小劫交九千九百度則
大劫周此時則天淪地沒九海濱一金玉化

消毫末無遺
帝王品

黃帝曰三皇者則三洞之尊神大有之祖氣
也

天寶君者是大洞太元玉玄之首元
靈寶君者是洞玄太素混成之始元

神寶君者是洞神皓靈太虛之妙氣故三元
靈寶號曰三洞氣高虛在於大羅之分故

大洞處於玉清之上洞玄則在千上清之域
洞神總號則在於太極大洞之氣則天皇是

矣洞玄之氣則地皇是矣洞神之氣則人皇
是矣

天皇主氣地皇主神人皇主生三合成德萬
物化焉故天皇起於甲子元建之始治於太

元三玄空天地皇起於甲申太靈之始治於

三元素虛玉天人皇起於甲寅虛成之始治於七微浩鬱虛玉天

天皇之神先天而生後改化治世各一萬八千歲而昇又有八帝次其治即女媧伏羲之前也所受靈書妙術佐聖輔治凡有帝王之

君必應以濟世立教其通行焉

天皇之治料理更始開受皇文以定後化記

盡開立之事三千六百年畢竟天皇化去地

皇受紀追攝政事後上啓太極復受地皇文

以定天地更始之化所受大有之紀以枝新

化之物一以平焉

天皇受大有勅玄妙圖書皇文十四篇召天

地之神九天高上推枝天地更紀萬物更化

之始始之

地皇修續其後復上受皇文又召會羣神以

大有玄中玄妙圖書推枝今之鬼神天地新

化之種類方面屬類數之政定又天地有福

地化而不流物迫而不死得在七百二十門

中化而不改容因而易類而心不移宿命存

者正定天皇地皇各三千六百年畢竟各能

化形為神

人皇復起攝而行之復上受大有之秘文追

召天地之神九天高上諸神之父母更以正

定所有所無復更正定七百二十門中之所

化天下萬品之取正焉

三皇曰天道廣大賢愚混同疆者在西弱者

在東九天定橫九地合縱下成君臣以立國

邦順天者吉不順者凶

右出三皇經

道者萬物之臭善人之實不善人所係美言

可以帝尊行可以加人人之不善何棄之有

故立天子置三公雖有拱壁以先駟馬不如

坐進此道古之所貴此道者何不日求以得

有罪以免邪故為天下貴

右出老子德經

洲國品

東方去中國九萬里外名為呵羅提之國國

外有扶桑在碧海之中一西方萬里上有大

真王之別治

又有生洲在扶桑外西接蓬萊地西方二千

五百里去岸二十三萬里上有仙家數萬人

地無寒暑時節溫和多生神仙之草食之飛

空而行

扶桑東有祖洲在東海之中地方五百里去

岸七萬里上有不死之草

南方有伊沙陀國去中國八萬一千里名浮

黎之國外極洞陽之野一名火庭之國國外

有長洲一名青丘南海地方五千里

又有炎洲在南海中央地方二千里

西方尼維羅綠那之國去中國六萬里外極

浩素之龍寒穴之野國名尼維羅綠那國

外則有流洲在西海之南地方三千里去東

岸十九萬里

鳳麟洲在海中央地方一千五百里

北方句陀羅之國去中國五萬里外極朔陰

鈞陳之庭國名天鏡之國外則有玄洲方

七千二百里四面是海去岸三十六萬里上

有太玄都仙伯真公所治

又有元洲地方三千里去南岸十萬里上方

元精清純自然之國九天之上无色无象无

形无影四覆諸天唯有玉虛紫館結空洞之煙而虛玄清純之內

右出洞真外國放品經

元始天尊告五方道君曰此真文以龍漢之年出於此土時與高上大聖玉帝撰十部妙經出法度人因名此土為大福堂國長樂之舍其國土皆以融金灌地四邊階道並是碧玉琉璃寶飾光明映徹是故此土男女長壽無有中天不履諸苦不經八難東極碧落空歌大浮黎國其地皆是碧玉四邊階道皆以金銀寶飾嚴整光明是國男女無有衰老無有哀憂不履苦毒不履愁惱唯樂為主南極禪黎世界赤明國其國土皆如丹脂恒生赤氣似如絳雲四邊階道並是琉璃光明煥赫洞映一國是土無有悲哀之聲但見不老之人西極衛羅大堂世界西那玉國皆以白玉薦地黃金為階四面瑤寶光明赫赫洞朗一國是境唯聞雅樂之音不聞國人有悲感之聲一土男女皆面有金容

北極元福棄賢世界鬱單之國皆凝水精琉璃灌地而行國有寒池縱廣五百里一國男女飲食池水面如玉脂初無疾病無有憂惱壽三萬歲無有中殘命終之後骸骨不皮國無禮樂唯知直心又名此土為無患之國

右出洞玄靈寶經

論意品

以大居小以富居貧處感卑之谷進大賤之淵微為之本寡為之根恐懼為之宇憂畏為之門禍者禍之先利者害之源治者亂之本存者亡之根上德之君質而無文不視不聽而抱其玄无心意若未生根執守虛无而因自然混沌為一歸於本根上意正於无形理於无聲起福於未有絕禍於未生故莫知其名下德則不然高尊富貴顯榮好美善樂功名生禍而憂之冠害而伐之身辱而報之生長有其力布施有其福事為其方曲為其法賞善罰惡則偽善詐忠如此乃自謂功名見與道反

右出妙真經

王政品

制殺生者天順性命者人也非逆天者勿伐非逆天者勿殺故王法當殺不殺縱天賊當活不活殺天德為政如此使後世條長禁苛興刺德之本德莫大於活也天之道利而不害聖人之道為而不爭故與時爭者昌與人爭者凶是以有甲兵無所陳之以其不爭夫不祥者人之所不爭垢辱者人之不欲能受人所不欲則足矣得人所不爭則寧矣勇於敢者多權善決安靜樂能傳國利民不避彊大威震百僚權傾境外為政如此得善之半柔於不敢者柔弱損退恐懼慎言深思遠慮臨事計慮務長寬和博施為政如此亦得善之半敢者奉天順地莫神於至誠仁以好施義以制斷禮以凱敬智以除害信以立事德以無大教人如赦於己法人如法其子為政如此亦得善之善者也

右出妙真經

不尚賢使民不爭不貴難得之貨使民不盜
不見可欲使心不亂聖人之治虛其心實其
腹弱其智彊其骨常使民無知無欲使夫知
者不敢為則無不治

右出老子道經

治大國若烹小鮮以道蒞天下其鬼不神非
其鬼不神其神不傷人聖人亦不傷人夫兩
不相傷故德交歸焉

○小國寡民使民有什伯之器而不用使民重
死而不遠徙雖有舟輿無所乘之雖有甲兵
無所陳之使民復結繩而用之甘其食美其
服安其處樂其俗隣國相望雞狗之聲相聞
使民至老不相往來

江海所以為百谷王者以其善下之故能為
百谷王是以聖人欲上民以其言下之欲先
民以其身後之是以處上而民不重處前而
民不害是以天下樂推而不厭以其無爭故
天下莫能與之爭
右出老子德經

無上秘要卷之六

無上秘要卷之七

叔五

修真養生品

老子曰天地搆精陰陽自化災沓欲萌淫於
五色之變視不見禍福之形失於五音之變
聽不聞吉凶之聲失於五味之變言不中是
非之情貪於財貨之變慮不見邪正之傾夫
五色重而天下盲矣五音調而天下聾矣五
味和而天下與矣珠玉貴而天下勞矣幣帛
通而天下傾矣是故五色者陷目之錐五音
者塞耳之槌五味者截舌之斧財貨者射身
之矢凡此數者變而相生不可窮極難明易
滅難得易失此殃禍之官患害之室是以聖
人服無色之色聽無聲之聲味無味之味名
者身之害也利者行之穢也是以動為身稅
為榮而得小為善而得少故有名之名喪我
之索無名之名養我之宅
視過其目明不居聽過其耳精泄漏愛過其
心神出去牽於欲事汲汲遽為於利動惕惕
懼結連黨友以自助此非真也雖非道意雖
得之天不祐也

夫非其人而任之則廢非其事而事之則廢故代司殺者必受其咎代大匠者必傷其手有為者效情縱欲快心極意志賤強求貴居貧強求富離本向末殃禍不救

罪莫大於淫禍莫大於貪咎莫大於僭此三者禍之車也小則亡身大則殘家

右出妙真經

五色令人目盲五音令人耳聾五味令人口爽馳騁畋獵令人心發狂難得之貨令人行妨是以聖人為腹不為目故去彼取此

右出老子道經

名與身孰親身與貨孰多得與亡孰病甚愛必大費多藏必厚亡知足不辱知止不殆可以長久

右出老子德經

夫人之為體假合而成本有神識神識有氣無始無終自然而有有精有靈死生苦樂修之習善生樂常存運之好惡死苦屢滅滅亡苦極極則又生生不習善斲桀不久是以上士勲精勇猛積善捨惡

右出洞真玉霞紫映內觀隱書

動合天心靜得地意無言而不從謂之善也善者君子之所本百行之所長吉陽之所舍萬福之所往來流而不滯用而不絕百王所不變異俗人之所不易上以順天下以順人

成萬物覆載羣生者善也

不識元首不覩本根詐天輕地罔鬼欺神屬辭變意抱嫌履疑謂之不善不善者動與天逆靜與地反言傷人物默而害鬼

夫欺天罔地輕侮鬼神專己自是動非聖人當時雖善惡氣歸流事有邪偽而象真也景煙類雲而電不為之動故天道不私人人反行非天也而自誤耳

右出妙真經

天下皆知美之為美斯惡已皆知善之為善斯不善已故有無之相生難易之相成長短之相形高下之相傾音聲之相和先後之相隨是以聖人處無為之事行不言之教萬物作而不辭生而不有為而不恃長而不宰功成不居夫唯不居是以不去

右出老子道經

道言此吉凶禍福窈冥中來禍災非富貴者所求請而可避非貧賤者所不欲而可去修善福應為惡禍來

右出昇元經

老子曰百姓行善者我不知行惡者我不知行忠信者我不知是以積善善氣至積惡惡氣至是故聖人言我懷天下之始復守天下之母而萬物益宗以活身吾意尚不知安能知彼行善惡焉積善神明輔天道猶枯於善人

右出西昇經

紫微夫人說王母言曰聞道難也非聞道之難行道難也非行道難而終道難也

右出洞真太丹隱書

凡生人道難得為男子難生中國難生王侯國師道士儒林家難美容明才難信道難行道難得道難

右出道迹經

道言王侯道士民人得生為人捨女作男難

既得為男才智明達六情完具形容端偉聲有玉音氣若名香眼有日光眾觀欣欣恒如不足難

諸善已備得生有道之國君父賢明為尚道德難

貧窮而好道本五常念施惠不懈難
富貴而信尚道事專奉經書不怠難

能受人之惡而不與計得制身命使不死壞得度世仙道難

待見洞真洞玄洞神太上三洞寶經宗奉誦讀供養燒香難

待值見仙聖真人說法教化同相遇難
是為八難矣自非前世勤修道德積善累功具足者何緣得離愚癡三惡之道而斯靈會乎

右出洞玄自然經訣

真人周君曰道可學也思微實難仙可求也精至為難真人可見也養志性為難玉女可使也修清潔嫩為難
右出洞真洞房內經

紫元大夫曰天下有五難貧窮患施難豪富學道難得制命不死難得見洞經難生值聖世難

右出真運經

君曰然則學道者有九患皆人之大病若審患病則仙不遠本五患人有志無時有時無友有友無志有志不過其師過師不悟悟師不勤勤不守道惑志不固固不能久皆人之九患也人少而好道守固一心水火不能懼其心榮華不能惑其志修真抱素久則遇師不患無也如此則不須友而成亦不須感而動此學仙之廣要
右出洞真太極寶籙上經
真人曰患人得生人道也而不修德養性以全於命

患聞經也而不信

患信經也貪財而不受

患受經也而不講誦

患講誦也而不修其事

患修其事也而不恒其道

患奉師也而不終其身

患服藥也而未應中殆

患道行不備也而誇求昇騰

患靜齋讀經也處幽山而不堪其憂

此十患在人一身也若不戒之身無濟理所以云有大患者及我有身也斯之謂失可不思與可不思與

右出洞玄消魔經
貴堅剛強輕忽喜怒福善出於門妖孽入於戶故舌耳為患齒角不定口舌者患禍之官

右出妙真經

危亡之府言語者大命之所屬刑禍之所部言出患入言失身亡故聖人當言而懼發言而憂常如臨危履冰

右出昇元經

道陵曰末世人民有三可畏善詳焉一者道義嫉妬可畏二者非謗可畏三者貪慾可畏道義嫉妬則經法不行非謗法師則使人信道不濃貪慾財色人所棄薄此三者二在外一在內無此三患乃可傳道當勤奉學
右出昇元經

寵辱若驚貴大患若身何謂寵辱寵辱為下得之若驚失之若驚是謂寵辱若驚何謂貴大患若身吾所以有大患者為吾有身及吾無身吾有何患

右出老子道經

東方九氣青天有九九元運關周迴三十三覆晝夜三十日天氣一交一十二交為一度三百三十度謂天氣王於木青帝用事三千三百度青氣勃黃氣否陽數之九九者天之極謂小陽九六天氣上百官受會謂小百六九千九百度青氣激黃氣蝕陽數九九謂大陽九六天氣反百官收氣謂大百六南方三氣丹天運關三百三十度謂天氣王於火赤帝用事三千三百度赤氣勃白氣否此則赤帝小陽九小百六天氣勃於土宮辰戌丑未之年四氣驅除兵災流行土中生火金王自然天下焦枯九千九百度赤氣激白氣蝕此赤帝大陽九大百六氣激於水宮亥子之年火情絕滅萬里無煙洪災彌天人獸得過萬中遺一

中央一氣黃天運關三百三十度謂天氣王於土黃帝用事三千三百度黃氣勃黑氣否此則黃帝小陽九小百六九千九百度黃氣激黑氣蝕此黃帝大陽九大百六天氣激於木宮寅卯之年九土崩陷

民無立種萬疫驅除萬無遺一西方七氣素天運關三百三十度謂天氣王於金白帝用事申酉之年白帝真人下世教化三千三百度白氣勃青氣否此則白帝小陽九小百六天氣勃於水宮亥子之年金玉

化消橫尸填於江海人民相咬海成血川九千九百度白氣激於火宮巳午之年金石自消兵災驅除人獸滅種

北方五氣玄天運關三百三十度謂天氣王於水黑帝用事三千三百度黑氣勃赤氣否此則黑帝小陽九小百六天氣勃於水宮寅卯之年木稼傷死林木大潰水涌河決洪流彌天人民漂尸骨血分離

九千九百度黑氣激赤氣蝕此黑帝大陽九大百六天氣激於土宮辰戌丑未之年江海

枯竭海底生塵人民鳥獸焦死無遺

五方運關三十二覆九千九百度周五方之氣皆上運元始青陽之氣迴轉靈寶玄都玉京山中關周迴諸天日月星宿十空之外九億九萬九千九百九十九度氣反一劫之交天地萬生山川江海金石人民一時化消又陽氣則轉天關陰氣則轉地機九河之口水之盈縮皆應天分度會亦如之故陽數之九謂之陽九陰數之八謂之八災天地運度人亦同然

右出洞玄玉訣經

運言靈寶自然運度有大陽九大百六小陽九小百六三三百年為小陽九小百六九千九百年為大陽九大百六夫天厄謂之陽九地虧謂之百六

右出洞玄運度經

安期先生謂太真王夫人曰下官先日往九河口見司陽君與西溪夫人共遊見問以陽九百六之期下官荅以年稚不識運厄之紀今既賜坐請問此數夫人曰期運漫汗非君

所能卒知而天地有大陽九六百六小陽九
小百六天厄謂之陽九地虧謂之百六此二
災是天地之否泰陰陽之物蝕大期九千九
百年小期三千三百年而此運所鍾聖主不
能讓至於滅凶遺吉自後快耳夫陽九者天
旱海涌而陸焦百六者海竭而陵崩
右出道迹經

無上秘要卷之七

無上秘要卷之九 第八卷重出目錄
今係九八十七卷

叔六

靈官昇降品

高上玉清太真帝皇有犯明科之目退編皇
之錄降道散真皇治太清中官百年隨格進
號

上清真人不動仙事在局替慢虧廢真任漏
泄寶訣降授非真皆退上真之錄充五嶽都
校之主千年隨格進號

受上元夫人之位元君之號不動帝局虧替
正事降適禮朝晏失節輕泄天寶降授不
真皆削真皇之錄退紫虛之位置於中玄清
微遊散靈官七百年隨動進號

受太清仙人之號不動典局稽替仙事虧廢
真任或泄露天科傳降非所削真仙之錄退
充五嶽都校主者二十四百年隨動進號

受五嶽飛仙之號不任政事虧替仙局輕慢
道文退正仙之錄充補三官都校之主二千
四百年隨動進號

諸受五帝四司三官都校之位不任正局稽
怠虧略替忽天典廢關政事糾罰不當皆削

正真之爵退補都統書吏三千六百年有勤
進號

諸受上真玉札所掌門監玉郎羽仙侍郎上
官典格都統正真領仙侍郎主禁大夫典仙
羽章都官司正各不任其局稽廢正事虧略
天科皆削上真之札責補三官書吏統領鬼
爽七千年有勤者隨善進號

右出四極明科

東聖會議品

高聖帝君曰正月一日三月三日五月五日
七月七日九月九日十一月十一日此一年
六日是天德值合之時七聖定簡五帝記名
西龜勒錄東華結篇當此之日天元合慶四
司羅兵高上顯蓋玉虛迴斬九帝東帶七聖
齊靈德真萬仙皆浮位金庭三晨翼軒七元
炁明天地潔落十界肅清九天帝王遣真皇
使者高上七聖遣定錄左仙西龜王母命五
老仙伯四皓中真東華青童遣領仙玉郎各
部飛仙提輪羽騎周行十天五嶽名山陰察
洞元已得道者遊散仙官及後之學人名步

簡錄身未昇騰或玄記無名而苦行修勤情冠玉虛上感玉皇諸以學身當此之日清齋燒香樂諸異想願合天心存思苦念修行靈文為五帝所舉即勒注白簡青錄記名即遣四極下降授以上真當此之日如有輕慢天寶泄漏玄文身犯七傷為四司所糾有白簡之目者皆勒落青錄注還鬼官

右出洞真七聖元紀經

正月六日日中

一月一日晡時

三月七日夜半

四月九日食時

五月十五日夜半

六月三日中時

七月七日夜半

八月四日中時

九月二日平旦

十月一日平旦

十一月六日平旦

十二月十三日夜半

此十二日五星中上皇太真道君俱登上清見九玄太上道君又十真三十六天帝下逮太清飛仙以上普慶會太極上官論世上求真之勤懈紀書學真者之玉名當刻之金閣定書藥簡

右出洞真八素經

元始靈寶五老尊神諸天帝皇妙行真人常以正月三月五月七月九月十一月一歲六月會於上三天靈都官元陽紫微之臺集算天元推校運度諸天各下天帝太一使者

日月星宿部三官考召五嶽四瀆河海大神周行天下莫不糾察功過揀擇種人當此之月天下地上莫不振肅執齋持戒舉奉天真學者以其月隨科修齋功記三官五帝列名元始靈寶西北天大聖東至真尊神元極大道上帝真皇老人常以月一日上會靈寶玄都西北玉京山紫微上宮奉齋朝天文枝地上人鬼功過其日勅北斗下與三官考召四部刺新周行天下糾察兆民錄列善惡輕重上言其日有奉修直齋不犯科律三官除罪

錄列名玄都萬神衛護得為種民犯惡為非移名地官

元始靈寶北天大聖東至真尊神元極大道太上老君靈寶妙行真人常以月八日上會靈寶玄都北玉京山陰元臺奉齋朝天文枝地上兆民簿錄年命算籍其日勅北斗司殺鬼下與八極司隸周行天下司察善惡功過輕重列言其日犯惡為非移付地官執心奉齋不犯科律三官則除罪名三天記上仙錄告下天神地祇侍衛營護萬安不干

元始靈寶東北天大聖東至真尊神妙行真人元極大道太上萬度萬生神皇无上玄老君常以月十四日上會靈寶玄都玉京山通陽清微宮奉齋朝真文枝天下學道年月功過及鬼神之事其日勅太一使者下與北鄰伯使者周行天地司察人神功過深淺列言上宮有修齋立德即勒錄九天記名仙籍鬼神隨功進秩人鬼有罪移還鬼府元始靈寶東天大聖東至真尊神太清玄元上三天元極大道无上玄老太上老君太上

丈人皇上老君皇上丈人青靈上真天帝君
 天帝丈人天帝君太帝丈人九老仙都君九
 炁丈人等百千萬重道氣千二百官君太清
 玉陛下東極老人青華大神上相司馬青童
 金闕後聖帝君真陽始青神人靈寶九仙君
 等青和玉女主仙四郎常以月十五日上會
 靈寶太玄都玉京山青華玉陛宮奉齋朝天
 文共集校定學仙人名功過深淺其日天帝
 自下日月星宿天上天下地上下五嶽四
 瀆河海神靈莫不慘然俱下周行諸天下地
 上察校學士兆民功過輕重列言青宮其日
 修齋奉戒則五帝保舉上言東華生死為仙
 勅下三界神靈侍衛千灾不干有犯科律移
 付地官
 元始靈寶東南天大聖眾至真尊神无極大
 道南上老君丹靈南極真人太和玉女常以
 月十八日上會靈寶太玄都玉京山洞靈丹
 臺奉齋朝天文集校天民簿錄分別善惡其
 日初天一下周行地上司察兆民功過輕重
 列言靈寶洞靈丹臺其日有修奉靈寶真經

燒香行道齋戒願念不犯科禁則司命勅名
 生錄勅地祇管護福慶日隆萬願如心有違
 科犯禁則除生籍移名鬼官
 元始靈寶南天大聖眾至真尊神无極大道
 南上赤帝丹靈老子太和玉女長生司馬注
 生司命司錄南極度世君萬福君常以月
 二十三日會上會靈寶太玄都玉京山洞靈元
 陽之館奉齋朝天真共集校天民祿命長短
 分別善惡其日初太一八神使者下與三官
 考召周行天下司察天人善惡列言其日有
 修奉靈寶真經燒香行道齋戒願念不犯禁
 忌則司命長生司馬注上生簿廷算益命勅
 下地官管衛祐護別為善民有違科犯戒減
 算縮年
 元始靈寶西南天大聖眾至真尊神无極大
 道天皇老人南極元真君洞陽太靈常以月
 二十四日上會靈寶太玄都玉京朱官共集
 考校三官九府五嶽北鄴太山二十四獄罰
 刑簿目鬼神天人責役輕重之事其日初北
 辰下與三官考召北部勅奸周行天下覆校

諸司兼察萬民善惡列言其日有修奉靈寶
 真經燒香行道執齋持法則北辰列言善功
 上官記名則除罪錄得為種民有違科犯律
 則長充鬼役
 元始靈寶西天大聖眾至真尊神无極大道
 西華金璫玉仙真母金闕後聖上相帝君四
 極真人常以月二十八日上會靈寶太玄都
 玉京山金闕七寶宮奉齋朝天真共集推校
 日月星辰分度并得道人名其日初太一下
 歷校天宿周行學人善惡列言其日星宿琬
 珠玉衡皆慘然俱會天闕之門凡為學者能
 修齋奉戒思仙念道太一所舉言名仙簿得
 為種民違科犯法三官所糾長為罪民
 元始靈寶下元天大聖眾至真尊神无極大
 道下元玄黃洞淵洞靈萬仙五帝四司真人
 常以月二十九日上會高皇天太玄都玉京
 黃房奉齋朝天真算校五嶽四瀆河海水帝
 地靈神鬼之事萬民罪簡深重其日遣中太
 一下與三官九府九部刺奸周行五嶽三官
 水府除正鬼事司人功過罪簡所由輕重列

言其日有奉修靈寶真經燒香行道執齋奉戒則為三官九府所保列言善功削除罪簡上名三天神明衛護千災不干有違科犯禁移名地官長為罪民

元始靈寶上元天大聖眾至真尊神無極大

道上下中央四面八方太上無為大道諸君大人最大至尊無上無顛無極無窮普照普察無量洞明最上正真無執數眾道氣無先家廓無端混沌無形虛無自然太上元根冥寂玄通大智慧源正一盟威太上無為大道道中之道神明君無上初元萬億數無執數道德諸君丈人天地父母神仙所出神仙所聚東王父西王母日帝月夫人五星真君五星皇妃璇璣玉衡七星真君眾仙天官大神等常以月三十日上會靈寶太玄都玉京七寶紫微宮奉齋朝天真萬帝眾神諸天諸地普集校算大劫小劫大小百六天地運度料別善惡學道應得神仙人名其日遣上太一下太一自下其中諸天星辰日月璇璣北斗慘然俱下與五帝五嶽四瀆江河淮海水帝

九部刺姦三官考召地上神祇周行天下司察善惡功過輕重列言上天其日有能修奉靈寶真經修齋奉戒燒香念道為太一所舉列言善功則名上仙簿勅地神營護有違科犯戒移付地官長為罪民

凡人本命之日身中吏兵上計功過三天監

察下考得失常以本命日攝齋燒香太一使者皆錄善功奏上三天上帝則除為監天真人太玄上官北帝常以庚申日制天民三尸魂神餘人罪狀上奏帝君當此日能修齋奉戒晝夜思神則三尸不得上天言人之非地司奏人善功列言帝君太一歡喜即記名左契長為種民太玄上官至真尊神常以甲子日遣太一中臺大使者下周行諸天地檢校神祇枝散雜俗鬼精有其日能攝齋燒香中臺大使者皆條善功奏上三天上帝即除為監天領地上鬼神八節之日是上天八會大慶之日也其日諸天大聖尊神妙行真人莫不上會靈寶玄都玉京山上宮朝慶天真奉戒持齋遊行

誦經各遣天真威神周行天下四海八極五嶽名山學人及得兆庶糾察功過輕重列言其日諸星宿日月璇璣地上神祇莫不板肅凡是修齋持戒宗奉天文皆為五帝所舉上天又別書名玉曆記為種民告下三官神靈侍衛門戶齋肅萬災不干至學之士三界司迎神仙度世上為真人為惡犯戒司考所糾移付地官長為罪民

右出洞玄元始五老赤書玉篇經

無上祕要卷之九

無上秘要卷之十五 十六同卷 原缺第十五十四

叔七

眾聖本迹品中

青靈始老君

道言東方安靈華林青靈始老君往在白氣御運於金劫之中雙生鬱悅金暎雲臺那林之天西婁无量玉國清明玄獻歷名元慶於此天中大建功德初無懈心勲名仰徹朱陵火官書其姓名記於赤簡仙道垂成而值國多姝女元慶遂寄世散想靈魔舉其濁目朱官輟其仙名一退遂經三劫中值火劫改運元慶受氣寄胎於洪氏之胞上天以其先身好色故轉為女子朱靈元年歲在丙午誕於丹童龍羅衛天洞明玉國朱靈之阿改姓洪諱那臺年十四敬好道法心願神仙恒市香膏然燈照暎大作功德諸天所稱名標上清南極上靈紫虛元君託作唐人下世教化見那臺貞潔好尚至法迴駕於丹靈之阿投那臺靈寶赤書南方真文一篇於是那臺志勵殊懇自謂一生作此女子處於幽房無由得道因長齋持戒思念願得轉身為男丹心遐

徹遂致感通上真下降

元始天尊時於琅碧之谿扶搖之丘坐長林扶桑之下眾真侍座是日那臺見有五色紫光曲照齋堂於是心悟疑是不常仍出登壇四望忽見東方五林之下華光赫奕非可勝名去那臺所住數百里中隔閼賜谷滄海之口心懷踊躍無由得往因稽首遙禮稱名那臺光線不厚致作女身發心願樂志期神仙道高法妙不可得攀日夕思念冀得滅度轉形為男歷年無感常恐生死不得遂通彌齡之運有於今日天河隔礙無由披陳今宮授身君海歸命十天莫我形現早得轉輪更建功德萬劫之中莫見道真言單僕從牆上投身擲空命赴滄海極淵之中紛然無浴即為水帝神王以五色飛龍捧接女身俄頃之間已於懸中得化形為男子乘龍策虛飛至道前於是元始即命仙都錫加帝號於火劫受命輪於靈寶青帝玉篇七百年中火劫數極青氣運行隨元始滅度以開光元年於彌梵羅臺會絕家立飛元靈根之都滄霞九雲之

墟元始又錫安靈華林青靈始老帝君號丹靈真老君

道言南方梵寶昌陽丹靈真老君者本姓鄭字仁安大炎之胤生於禪黎世界赤明天中生仍有三氣之雲纏其形朱鳥鼓翮覆其身三日能言便知宿命年及十二面有金容玉顏便棄世離俗遠遊山林於寒靈洞宮遇玄和先生授仁安靈寶赤書五氣玄天黑帝真文一篇智慧上品十誠而去仁安於是奉誠而長齋大作功德珍寶布施以拯諸之割肉餉鳥功名徹天因於胃那國遇天洪災大水滔天萬姓流漂仁安於洪波之上汎舟誦誠書黑帝真文以投水中水為開道百頃之地鳥獸聲虎豹獅子皆往依親悉得無他是時國王百口登樓而漂淪沒歎不能得度仁安見王垂淚乃汎舟而往以所佩真文授與國王王敬而奉之水劫即退翕然得過王既得免真文於是即飛去入雲中莫知所在仁安失去真文退仙一階運應滅度託命告終死於北戎之阿暴露死屍三十餘年形骸不

灰光色鮮明无異生時露在北戎長林之下時國王遊獵放火燒山四面火下是時仁安死屍之間百步之內火不得燃辱鹿虎豹莫不依親王怪而往見此死屍上布三色之光雲霧鬱鬱禽獸摩鹿而繞左右王乃伐薪圍屍放火燒燒死屍屍於火中鬱起成人坐青煙之上指點虛無五色煥爛左右侍者仙童玉女三百餘人肅然而至預是禽獸依親之者並在火中皆得過度仁安以亦明二年歲在丙午於岬摩坦妻子翳天中洞寥之嶽改姓洞浮諱曰極炎受錫南單梵寶昌陽丹靈真老帝君號元靈元老君

道言中央玉寶元靈元老君者本姓現字信然蓋洞元之胤中和之胄生於善忍世界青元天中流生之丘受生一劫朕然不語混沌无心食氣為糧天地未光无常童子於无色之國授信然靈寶赤書赤帝真文一篇於是時惟修一身初不開張廣度天人善功未充運應更滅於青元天中命終流生之州露屍

絕丘之下經一百餘年死而不灰常有黃氣覆蓋其上至水劫流行天下溟然死屍四面涌土連天過塞水道信然應化鬱然而起更生成人改姓通班諱曰元氏水過易位天地開光三象明曜七元高明

元始天尊以開冥元年歲在己丑於高桃厲冲龍羅天及魂林中錫元氏玉寶元靈元老帝君號皓靈黃老君

道言西方七寶金門皓靈黃老君者本乃靈鳳之子也靈鳳以阿羅天中生於衛羅大堂世界衛羅國王取而畜之王有長女字曰配朕意甚憐愛恒與共戲於是靈鳳常以兩翼扇女面上十二年中文忽有胎經涉三月王意怪之因斬鳳頭埋著長林丘中女後生女墮地能言我是鳳子位應天妃王名曰皇妃生得三日有羣鳳來賀玄喃玉霜洪泉曲水八鍊芝英年及八歲執心肅操起群按俗常朝則謁日暮則揖月於重宮之內王設廚膳初不味口天作大雪一年不解雪深十丈鳥

獸餓死王女思憶靈鳳往之遊好駕而臨之於長林丘中歎而歌曰杳杳靈鳳綿綿長歸悠悠我思冰與願連萬劫無期何時來飛於是王所殺鳳鬱然而生抱女俱飛還入雲中王女今於景霄之上受書為南極上元君常乘九色之鳳此女前生萬劫已奉靈寶致靈鳳降形得封南極元君之號皇妃功德遐徹天真感降以上暎之年歲在庚申七月七日中時

元始天尊會於衛羅玉國鳳麟之丘坐壽華之下眾真特座是時皇妃所住室內忽有日象如鏡之圓空懸眼前皇妃朕見天真大神晉在鏡中長林之下一室光明於是自登通陽之臺遙望西方見鳳生丘上紫雲鬱勃神光輝燦非可得名去皇妃所住五百步許逼以女限處在宮內無由得往須臾忽有神鳳來翔集於臺上皇妃白鳳言西方有道心願無緣不審神鳳可得暫駕見致與不於是鳳即教爾使上翻上一舉運至道前元始天尊指金臺玉琴即汝師也便可施禮

皇妃叩頭上啓惟願衆專特垂哀矜則朽骸更生言畢金母封其西靈玉妃之號即命九光靈童披霜羅之繡出靈寶真文白帝一篇以授皇妃受號三百年中仍值青劫改運皇妃方復寄胎於李氏之胞二年於西郡玉國金壘幽谷李樹之下而生化身為男改姓上金諱日昌至開光元年歲在壬申元始錫西方七寶金門皓靈黃老帝君號

五靈玄老君

道言北方洞陰朔單鬱絕五靈玄老君者本姓浩字數明蓋玄皇之胤大清之甯生於元福棄賢世界始青天中年至十二性好幽寂心翫山水遠於家中或去十日時復一還時天下大荒人民餓死一國殆盡數明於地鏡山下遇一頂巨勝身自採取餉係窮之日得數過救度垂死數千餘口隨取隨生三年不還他人往覓莫知其處是時辛苦形體憔悴不暇營身遂致廢頓死於山下九天書其功德金格記其玉名度其魂神於朱陵之宮帝遣金翅大鳥恒敷兩翼以覆其屍七百年中

屍形不灰至水劫改運水捧其屍漂於無涯水過數明屍落貝涓邪源初默天鬱單之國北壘玄丘四十年中又經山火大行熾燒屍形屍於火中受鍊而起化生成人五色之雲覆蓋其上至開明元年於北壘玄丘改姓節諱靈會元始錫靈會洞陰朔單鬱絕五靈玄老帝君號

道言南極尊神者本姓皇字度明乃閻浮黎國宛王之女也生於禪黎世界赤明天中生乃富貴父為國王女居宮內金牀玉榻七色寶帳明月雙珠光照內外王給妓女數千餘人國中珍寶無有所乏恒欲布散大建功德志極山水尋求神仙逼限官裏津路無緣慄慄不樂心自愁煎王意憐愍慰喻百端問女意故女終不言淚落如雨初無一懽王加其妓樂日日作唱度明聞樂恒如不聞獨在一處清淨燒香長齋持誡日中乃餐王知其意登於宮中為踊土作山山高百丈種植竹林山上作臺名曰尋真玉臺度明棄於宮殿登臺棲身過斷道人路不通單影獨宿一十

二年積感浩蒼天帝君遣朱宮玉女二十四人乘雲駕鳳下迎度明當去之夕天起大風雷雨電激揚地舍迴轉驚動一宮王大振懼莫知所從天曉成光失去山臺不見女身帝迎度明於陽丘之嶽丹陵上舍栢林之中朱鳳侍衛神龍翼軒玉童玉女三百餘人王失其女思憶煩怨三日不食於後大劫數交天地易位度明應在棄蕩之例南上感其丹至朱官書其紫名化其形骸於無始之胞一劫而生得為男身於南丹洞陽上館明珠七色寶林赤帝梵寶昌陽丹靈真老君錫度明南極上真之號

赤明天帝

道言昔禪黎世界隸王有女字絳音生乃不言年至十四王怪之為乃棄女於南浮長桑之阿空山之中女之無糧食常仰日咽氣引月服精自然充飽體不損常行山周而忽與神人會於丹陵之舍栢林之下執絳音右手題赤石之上語絳音曰汝雖不能言可憶此也絳音私心自悼受生不幸口不能言棄在

窮山誓心自願得還人中當作功德無有愛惜百劫之後冀與願會天為其感遣朱宮靈童下教絃音治身之術授其赤書八字之音於是能言絃音晨夕朝禮天文道真既降逆知吉凶役使百靈坐命十方於山而出還在國中時天下大旱人民焦燎王大懼怖祈請神明絃音往白玉言嘗聞山中有女不言能感天王識之不乎王於是悟識是王女迎女還宮見女能言玉有愧顏女顯其道真為王仰嘯天降洪水至十丈於是化形隱景而去仍更寄形洪氏之胞運未應轉方又受生還為女身父字福慶名女曰阿丘曾然燈燒香長齋幽室丹誠積感道為之降以開光之年十方大聖尊神妙行真人同會南園丹窠之阿三元洞室青華林中衆真侍座香華妓樂五十萬衆真文奕奕光明洞達朕朗內外雲景燁燁如星中之月去阿丘曾所往舍數十里中丘曾時年十六見舍光明內外朗照疑似不常乃出南向望見道真丘曾喜又手作禮遙稱名曰丘曾今遭幸會身親天尊

非分之慶莫知所陳皈命十方天中之天惟蒙玄監賜以誠言萬劫滅度冀得飛仙魔見丘曾發心大願恐過魔界因託作五帝老人往告丘曾我受十方尊神使命來語女曰靈寶法興吾道方行每欲使女仁愛慈孝恭奉尊長敬承二親如聞女父當聘女身已相許和受人之言父母之命不可不從宜先從之人道既備餘可投身違父之教仙無由成女答魔言我前生不幸致作女身晨夕勉勵誓在一心生由父母命歸十天誠違父教不如君言魔見丘曾執心最正於是便退丘曾自云道既高邈無緣得暢仍聚柴登壇燒身形真我形散得成飛塵隨風自舉飛至道前於是火然丘曾投身紛爾無著身如蹈空俄頃之間已見丘曾化成男子立在道前元始即命南極尊神為丘曾之師授丘曾十誠靈寶真文元始又告南極尊神丘曾前生萬劫已奉靈寶功德未備致寄生轉輪至于今日化生人中見吾出法即得化形當更度人九萬九千乃得至真大神當為陽暎赤明天帝

無上秘要卷之十五

無上祕要卷之十六

眾聖本迹品下

三十六天王

鬱單无量天天王姓混 諱霜霧霏

无形清微天天王姓馮 諱提河沙

波羅摩耨天天王姓雲 諱金零

无景億羅天天王姓王 諱阿衛

右四天王在高一玉清之上四天王恒以八

節月朔之日遊觀高上玉清无崖无極无形

无色太空之巔誦誄四天之音飛玄之章其

日符四司周行天下學仙之人有齋戒誦經

朝禮諸天者即刻名玄簡注錄青官

上上禪善无量壽天天王姓荆 諱靈霜霧

玄微自然上虛禹餘天天王姓羅 諱波黎

茶

上氣那首約誦天天王姓梵 諱摩首波

上清氣稽那邊淨天天王姓鸞 諱首奇

右四天王在高虛玉清之中四天王恒以八

節月朔之日遊觀高虛无崖无極无名玄空

之巔誦誄四天之音飛玄之章其日遣天真

使者周行天下有學仙精苦齋戒誦飛玄之

章朝禮諸天即奏名四天刻書帝簡壽同四

天之人九年飛行上昇天宮

極上須延天天王姓津 諱持靈龜

元精氣羅迦淨明天天王姓周 諱阿迦須

元建上靈赤天天王姓丹地諱清淨瑛

離怒行如天天王姓固 諱分若

右四天王在玄虛玉清之下四天王恒以八

節月朔之日遊觀玄虛无崖无鞅空虛之中

誦誄四天之音飛玄之章其日遣太真使者

周行天下有學仙清齋誦經朝禮者即奏名

四天刻書帝錄上昇天宮

玄洞寂然天天王姓泮 諱露慶

潘羅玄妙天天王姓伯 諱梨沐音

芥謾福德天天王姓王 諱惟離鉢離

近慈除溥天天王姓朱 諱梨藹

右四天王在虛皇上清之上四天王恒以八

節月朔之日遊觀虛皇上清无崖无極空洞

之上誦誄四天之音飛玄之章其日遣上仙

玉蓋周行天下有學仙行道朝禮諸天燒香

誦經即奏名四天刻錄簡籍

玄上洞極无崖不驕樂天天王姓燧 諱覆

靈

梵玄青元精芥起近際天天王姓阿 諱明

秀

梵行紫虛上元首帶快見天天王姓劉 諱

旦肩

虛梵上清化靈須陀結愛天天王姓彭 諱

移那

右四天王梵行上靈紫元之氣在虛皇上清

之中四天王恒以八節月朔之日遊觀虛皇

上清无崖无極空洞之中誦誄四天之音飛

玄之章其日遣玉真定仙周行天下有學仙

行道朝禮諸天燒香誦經之人即奏名天王

刻書青錄

上極无景洞微化應蒼天天王姓暉 諱霖

靈

大梵九玄中元氣阿那給道德天天王姓捷

諱尼姑

行梵元清下靈氣須達天天王姓周 諱難

十七

十二

首

極梵洞微九靈氣須帶阿那天天王姓竺

諱明和

右四天王極寶梵上靈玄清之氣在虛皇上清之下四天王恒以八節月朔之日同遊虛

皇上清无崖无極空洞之下誦誦四天之音

飛玄之章其日遣領真王郎周行天下有學

仙行道朝禮諸天燒香誦經之人即奏名天王刻書玄文

王刻書玄文

无名至極洞微寶梵天天王姓精 諱霧雲

霽

微梵玄天氣帶扇給道德天天王姓浴 諱

須阿摩

虛梵天氣蟬然識慧天天王姓云 諱阿陀

虛梵中天續元伊禮天天王姓朱 諱仲生

右四天王玄微上无梵天之氣在虛无太清之上四天王恒以八節月朔之日同遊虛无

太清无崖无極空无之上誦誦四天之音飛

玄之章其日遣中真人靈仙人周行天下有

學仙行道朝禮諸天誦經念善之人即奏名

王刻書玄文

天王刻書玄文

太極无崖紫虛洞梵迦摩天天王姓玄 諱

靈雲

綠梵自然識慧入天天王姓迦 諱標文羅

玄梵大行无景无所念慧天天王姓伊 諱

檀阿

天雲梵上行維先阿檀天天王姓仲 諱動

勃

右四天王清玄无靈寶梵之氣在虛无太清之中四天王恒以八節月朔之日周遊虛无

太清无崖无極空无之中誦誦四天之音飛

玄之章其日遣上真司仙王周行天下有學

仙行道朝禮諸天誦經念善齋誠奉法之人

即奏名天王刻書玄文

无色玄清洞微波梨谷怒天天王姓王 諱

靈雲

洞微玄上梵氣阿竭合那天天王姓桓 諱

隋世宗

玄上錄梵滅然天天王姓朱 諱陀雲彌

極色上行梵泥維先若那文天天王姓素

諱貫珠

右四天王極无靈洞无色梵之氣在虛无太清空洞玄漢之下四天王恒以八節月朔之日周遊於虛无太清无崖无極空无色色之

上誦誦四天之音飛玄之章其日遣上真王

司四極仙王周行天下有學仙行道朝禮諸

天誦經念善齋誠奉教之人即奏名天王刻

書九天之錄

右出洞真外國放品經

三十二天帝

太黃皇曾天帝鬱繼玉明

太明玉完天帝須阿那田

清明何童天帝元育齊宗

玄胎平育天帝劉度內辭

元明文舉天帝醜法輪

上明七曜摩夷天帝怙憎延

虛无越衝天帝正定光

太極濛翳天帝曲育九昌

赤明和陽天帝理禁上真

玄明恭華天帝空謠醜青

曜明宗飄天帝重光明

竺落皇茹天帝摩夷妙辯

虛明堂曜天帝阿邠婁生

觀明端靖天帝鬱密羅千

玄明恭慶天帝龍羅善提

太煥極瑤天帝宛黎无延

元戴孔昇天帝照真定光

太安皇崖天帝婆婁阿食

顯定極風天帝招真童

始皇孝芒天帝薩羅婁王

太黃翁重浮容天帝閔已狂

无思江由天帝明梵光

上揲阮樂天帝勃勃監

无極曇誓天帝飄誓穹隆

皓庭霄度天帝慧覺昏

淵通元洞天帝梵行觀生

太文翰寵妙成天帝那育醜瑛

太素秀樂禁上天帝龍羅覺長

太虛无上帝融天帝總監鬼神

太釋玉隆騰勝天帝眇眇行元

龍變梵度天帝連上玄玄

太極平育賈奕天帝大擇法門

右出洞玄无量度人經

三十六土皇

第一壘色潤地

正音土皇姓秦 諱孝景椿

行音土皇姓黃 諱昌上父

遊音土皇姓青 諱玄文基

梵音土皇姓蜚 諱忠陣皇

右第一壘色潤地四色土皇地戴周境四垂

不極不窮无邊无際其土皇常以立春之日

上詣鬱單无量天奏地仙得道上學之人言

名於四天之王

第二壘剛色地

正音土皇姓成 諱神父光

行音土皇姓鬱 諱黃母生

遊音土皇姓玄 諱乾德維

梵音土皇姓長 諱皇萌

右第二壘剛色地四色土皇地戴周境四垂

不極不窮无邊无際其土皇常以春分之日

上詣上上禪善无量壽天奏地仙得道上學

之人言名於四天之王

第三壘石脂色澤地

正音土皇姓張 諱維神保

行音土皇姓周 諱伯上仁

遊音土皇姓朱 諱明車子

梵音土皇姓庚 諱父敬士

右第三壘石脂色澤地四色土皇地戴周境

四垂不極不窮无邊无際其土皇常以立夏

之日上詣須延天奏地仙得道上學之人言

名於四天之王

第四壘潤澤地

正音土皇姓賈 諱雲子高

行音土皇姓謝 諱伯元无

遊音土皇姓已 諱父秦車

梵音土皇姓行 諱機正方

右第四壘潤澤地四音土皇地戴周境四垂

不極不窮无邊无際其土皇常以夏至之日

上詣寂然天奏地仙得道上學之人言名於

四天之王

十六

十六

十七

十七

第五壘金粟澤地

正音土皇姓華 諱延期明

行音土皇姓黃 諱辭我容

遊音土皇姓雲 諱深无酬

梵音土皇姓明 諱通八光

右第五壘金粟澤地四音土皇地載周境四垂不極不窮无邊无際其土皇常以立秋之日上詣不驕樂天奏地仙得道上學之人言名於四天之王

第六壘金剛鐵澤地

正音土皇姓李 諱上少君

行音土皇姓范 諱來力安

遊音土皇姓長 諱李季光

梵音土皇姓王 諱駟女容

右第六壘金剛鐵澤地四音土皇地載周境四垂不極不窮无邊无際其土皇常以秋分之日上詣化應聲天奏地仙得道上學之人言名於四天之王

第七壘水制澤地

正音土皇姓唐 諱初生暎

行音土皇姓兵 諱正法岳

遊音土皇姓漢 諱高文徹

梵音土皇姓京 諱仲龍首

右第七壘水制澤地四音土皇地載周境四垂不極不窮无邊无際其土皇常以立冬之日上詣梵寶天奏地仙得道上學之人言名於四天之王

第八壘大風澤地

正音土皇姓葛 諱玄昇光

行音土皇姓華 諱茂雲長

遊音土皇姓羊 諱真洞玄

梵音土皇姓周 諱尚敬原

右第八壘大風澤地四音土皇地載周境四垂不極不窮无邊无際其土皇常以冬至之日上詣梵迦摩夷天奏地仙得道上學之人言名於四天之王

第九壘洞淵無色網維地

正音土皇姓極 諱无上玄

行音土皇姓斗 諱雲无浩

遊音土皇姓趙 諱上伯玄

梵音土皇姓養 諱慇无伯

右第九壘洞淵無色網維地四音土皇下則无窮无境无邊无際皆網維之其土皇常以三月一日六月二日九月三日十二月四日一年四過上詣波黎答怒天奏九地學道得仙人言於四天之王
右出洞真外國故品經

無上秘要卷之十六

無上祕要卷之十七同十八

八

衆聖冠服品上

道君冠服

元始天王建无極洞天之冠披九色雜羅之
帔飛森霜珠之袍帶最光日鈴育延之劔左
佩豁落右佩金真

右出洞真太極金書上經

元始天王頭建九氣流精紫曜之冠衣九色
无縫赤斑自然虎幡腰帶太山火玉

高上玉皇頭建无上七曜寶冠衣玉文明光
飛雲之裙佩丹皇玉章帶治金飛精招山之

劔

右出洞真變化七十四方經

九天丈人著九色斑文之裘頭戴紫宸之冠
坐紫虛之上空玄之中

右出洞真紫書金根上經

中央黃老君佩龍玄之文神虎之符帶流金
之鈴執紫毛之節巾金精巾或扶華晨冠

右出洞真九真中經

太帝君建七寶朱冠披九色自然雲文之帔

飛羅耀光羽袍腰帶鳳章流金火鈴手執命
魔九色之節九老仙都擎金精立空之案

右出洞真太極金書上經

玉珮魂精帝君披珠繡華帔飛錦青裙帶月
銜日首建紫冠執玉珮立左

金瑤魄靈帝君披紫繡珠帔飛羅丹裙帶日
銜月首建華冠執金瑤立右

右出上清寶文

高聖太上大道君佩九色雜羅之帔飛霜珠
錦之裙巾須臾百變之冠帶最光日鈴育延

之劔豁落交帶玉璽鳳章流金耀虛七精激
无上詣九層七映朱宮

右出洞真七聖元紀經

元君冠服

白素右元君上著龍文白錦帔下著白錦華
裙頭建紫華芙蓉冠腰佩神金二虎符左手

執流金火鈴右手執太上智慧經

黃素中央元君上著黃錦雲帔下著黃羅飛
華裙頭建紫華芙蓉冠腰帶神金二虎符左

手執火鈴右手執大洞真經

紫素左元君上著虎錦紫帔下著紫華龍文
裙頭建紫晨扶華冠御紫晨雙珠蓋腰帶流
金火鈴又佩神金明月二虎符左手執太上
消魔經右手執金真玉光章

右出洞真玉晨明鏡雌一寶經

太素三元君乃一真之女子則三素元君之
母頭建寶琅扶晨羽冠服紫氣浮雲錦帔九
色龍錦羽裙腰帶流金火鈴虎符龍書

太素元君長女曰紫素元君即无英君之母
頭建太真晨嬰之冠三角結餘髮散之垂腰

上著紫錦袷下著飛霜羅裙交帶靈飛大
綬

黃素元君即太素之中女中央黃老君之母
頭建太真晨嬰之冠三角結餘髮散之垂腰

上著黃錦袷下著五色飛青錦裙佩鳳文
琳華之綬腰帶流黃揮精之劔

白素元君即太素元君之少女白元君之母
頭建太真晨嬰之冠三角結餘髮散之垂腰

上著白錦光明袷下著飛霜綠錦飛裙佩
六山火玉之珮鳳文之綬腰帶日延耀暉之

劍

右出洞真三元玉檢布經

五極帝君冠服

上清瓊宮東極玉真青帝君頭建九氣通精之冠衣青錦帔碧羅飛裙腰帶流金鳳章手

執甲乙通靈青精玉符

上清瓊宮南極玉真赤帝君頭建三氣進賢之冠衣丹錦帔緋羅飛裙腰帶火精鍊身之

劍手執丙丁通靈赤精玉符

上清瓊宮西極玉真白帝君頭建七氣通天寶冠衣白錦帔素羅飛裙腰帶金光日廷之

劍手執庚辛通靈白精玉符

上清瓊宮北極玉真玄帝君頭建五氣玄寶之冠衣玄錦帔玄羅飛裙腰帶七元丹章手執壬癸通靈玄精玉符

上清瓊宮中極玉真黃帝君頭建通元五炁之冠衣黃錦帔黃羅飛裙腰帶中元命神之章手執戊己通靈黃精玉符

右出洞真瓊宮靈飛六甲經
五帝玉司君冠服

青帝玉司君衣飛青羽衣九色鳳章頭戴九元寶冠手執九色之節治東大明陽臺洞天赤帝玉司君衣絳章丹衣九色鳳章頭戴平天飛神玉冠手執九色之節治南朱陽之臺洞天

白帝玉司君衣素華明光白錦之衣七色鳳章頭戴精曜大寶冠手執七色之節治西羽之野洞天

黑帝玉司君衣阜文衣五色鳳章頭戴玉精通天寶冠手執五色羽節治玄陰大冥洞天中央黃帝玉司君衣黃衣之束備九色之章頭戴通天玉寶宸冠治太玄中宮主統无上无下无内无外无表无裏无執數劫无崖之天

右出洞真四極明科

五方帝冠服

東方安寶華林青靈始老號曰蒼帝頭戴青精玉冠衣九炁青羽飛衣

南方梵寶昌陽丹靈真老號曰赤帝頭戴赤精玉冠衣三氣丹羽飛衣

中央玉寶元靈元老號曰黃帝頭戴黃精玉冠衣五色飛衣

西方七寶金門皓靈皇老號曰白帝頭戴白精玉冠衣白羽飛衣

北方洞陰朔單鬱絕五靈元老號曰玄帝頭戴玄精玉冠衣玄羽飛衣

右出洞玄赤書玉篇真文經
靈童衣服

九氣青天中有元始青靈童衣青羽衣手執青鹿侍文

三氣丹天中有元始赤靈童衣赤羽衣手執赤節侍文

中央黃天中有元始黃靈童衣黃羽衣手執黃鏡侍文

七氣素天中有元始素靈童衣白羽衣手執白旗侍文

五氣玄天中有元始玄靈童衣玄羽衣手執烏幢侍文

右出洞玄赤書玉訣經
三天玉童頭建三華寶曜洞天冠衣青黃七

變錦袍帶朱精禁天之章佩七曜流金之鈴

右出洞真變化七十四方經

洞天混化君冠服

太上神仙洞天元洞元明元曜延靈元君頭

冠飛晨寶冠衣青錦單裙

太上神仙洞天元洞青耀少陽啓明天君頭

冠青建晨玉冠衣青綾之裙

太上神仙洞天元洞黃靈太丹炎薰光大赫

太陽君頭冠三玄寶冠衣黃靈錦裙

太上神仙洞天元洞東陽太歲重華耀靈天

仙元命君建飛晨玉冠衣單青飛裙

太上神仙洞天元洞東極太元皇靈寶魂耀

魄君建青精玉冠衣飛青羽裙

太上神仙洞天元洞歲星延崖青華常陽玉

女作飛雲髻衣青羅飛裙

太上神仙洞天元洞太陽耀靈南極丈人絳

宮玉臺頭作三角雲髻衣青飛裙

太上神仙洞天元洞景陽東皇青陽翠靈氈

童頭作三連雲髻衣青文裙

太上神仙洞天元洞赤皇延齡娥容太丹赤

主玉女頭作頰雲髻衣朱文飛裙

洞地混化君冠服

太上神仙洞地洞真大梵感大洞元生大靈

機皇君頭冠朱寶三梁之冠絳章單衣

太上神仙洞地洞真南陽炎域元執法延壽

司錄君頭冠玄雲寶冠衣丹絳裙

太上神仙洞地洞真中耀五陽五陰中皇洞

極玄天太虛君頭冠遠遊冠衣丹錦裙

太上神仙洞地洞真三天都錄司命司錄司

危司度洞生君冠玄晨玉冠衣朱文飛裙

太上神仙洞地洞真南極大赤星靈寶魂耀

魄君冠玉精寶冠衣絳章單裙

太上神仙洞地洞真皇衡赤陽絳璋通靈仙

童冠通天玉寶之冠衣絳紋飛裙

太上神仙洞地洞真大鎮元黃太素皇機執

忠五靈玉童頭作飛角髻衣黃羅裙

洞淵混化君冠服

太上神仙洞淵洞玄太白子留金城耀耀元

精元導大仙君冠玄晨玉寶冠衣素錦飛裳

太上神仙洞淵洞玄太白皓素天機大星光

君冠遊雲寶冠衣素文飛裙

太上神仙洞淵洞玄太白耀金光少陰吳元

素上皇白人君冠玄晨冠衣白錦飛裙

太上神仙洞淵洞玄大辰玄洞元陰五耀延

靈元華鬱華君冠通天之冠衣玄雲錦裙

太上神仙洞淵洞玄耀鳥洞玄門太極五仙

君冠玄晨冠衣玄文單裙

太上神仙洞淵洞玄北極大仙元皇寶魄耀

魂君冠通天冠衣玄衣

太上神仙洞淵洞玄玄耀陰輝元神太極元

皇耀靈元化玉童作飛雲三建髻衣素文裙

太上神仙洞淵洞玄陰景西皇素陰靈玉童

作三建頰雲髻衣玄錦飛裙

太上神仙洞淵洞玄大白延影九導大洞承

翼玉門金樓玉女作頰雲髻衣白羅之桂

右出洞真素靈大有妙經

無上秘要卷之十七

無上秘要卷之十八

衆聖冠服品下

日帝冠服

日中青帝衣青玉錦帔蒼羽飛華裙翠容扶

晨冠

日中赤帝衣絳玉錦帔丹羽飛華裙建丹扶

露五明之冠

日中白帝衣素玉錦帔白羽飛華裙建皓靈

扶蓋之冠

日中黑帝衣玄玉錦帔黑羽飛華裙建玄山

扶容冠

日中黃帝衣黃錦帔黃羽飛華裙建扶靈紫

冠

月夫人冠服

月中青帝夫人衣青華鎮錦帔翠龍鳳文飛

羽裙

月中赤帝夫人衣丹藥玉錦帔朱華鳳絡飛

羽裙

月中白帝夫人衣白珠四龍錦帔素羽變飛

章華裙

月中黑帝夫人衣玄琅九道雲錦帔烏羽龍

文飛華裙

月中黃帝夫人衣黃雲山文錦帔綠羽鳳華

繡裙

九星君冠服

陽明星天之太尉司正王非上總九天上真

中監五嶽飛仙下領後學真人天地神靈功

過輕重莫不諫焉號曰九晨君頭建九晨玉

冠衣青羽飛裳手執斗中玄圖坐玉樓之上

陰精星天之上宰主祿位上總天宿下領萬

靈及學仙之人諸以學道及兆民宿命祿位

莫不諫焉號曰北上晨君頭建玄精玉冠衣

玄羽飛裳手執五色羽節坐玉樓之中

真人星天之司空主神仙上總九天高真中

監五嶽靈仙下領學道之人真仙之官莫不

諫焉號曰主仙華晨君頭建飛晨寶冠衣青

羽飛裳手執斗中青錄坐玉樓之中

玄冥星天之遊擊主伐逆上總九天鬼神中

領北帝三官下監萬兆伐逆不臣莫不諫焉

號曰玄上飛蓋晨君頭建三華寶晨冠衣丹

錦飛裳手執命靈之節坐玉樓之中

丹元星天之斗君主命錄籍上總九天譜錄

中統鬼神簿目下領學真兆民命籍諸天諸

地莫不總統號曰金剛七晨君頭建七寶飛

天冠衣白錦飛裙手執青元錄簿坐金樓之

中

北極星天之太常主昇進上總九天上真中

統五嶽飛仙下領學者之身凡功勳將進道

轉輪階級悉總之焉號曰北晨飛華君頭建

精華冠衣紫錦飛裳手執九斗玉策坐玉樓

之中

天關星天之上帝主天地機運如四時長短

天地否泰劫會莫不諫焉號曰總靈九蓋北

晨君頭建九元寶冠衣九色錦裳手執靈輝

之章坐玉樓之中

輔星玉帝之星也日帝者常陽主飛仙上總

九天下領九地五嶽四清神仙之官悉由之

焉號曰帝尊九晨君頭建飛精玉冠衣九色

鳳衣手執火鈴坐玉樓之中

弼星太帝真星也日空者恒空隱也主變化

无方號曰帝真元君頭連飛天玉冠九天龍衣手執帝章坐紫館之中

九星内妃冠服

斗第一星中名太上官宮中有帝君變隱廿二内妃著黃錦帔丹青飛裙類雲髻

第二星中名中元官宮中有帝君保胎化形内嬪著青錦帔綠羽飛裙類雲髻

第三星中名真元官宮中有帝君六道七隱元聖母著青錦帔繡羽華裙類雲髻

第四星中名紐幽官宮中有帝君陸影藏光中元内妃著紫錦帔黃華羽裙類雲髻

第五星中名剛神官宮中有帝君變體易景斗中大女著朱錦帔紫青飛裙類雲髻

第六星中名紀明官宮中有帝君隱迹散散斗中中女著朱錦帔青繡飛裙類雲髻

第七星中名關會官宮中有帝君分景萬形斗中少女著丹錦帔青華羽裙類雲髻

第八星中名帝席官宮中有帝君化日月水火斗中高皇左夫人著紫錦帔繡羽飛丹裙類雲髻

類雲髻

第九星中名上尊官宮中有帝君化金石山河斗中高皇右夫人著綠錦帔翠羽華裙類雲髻

右出洞真九真中經
九星夫人冠服

第一天樞星其星則號魁精玄上真皇夫人頭作飛雲華頰之髻衣紫黃青三色之裙

第二天璇星其星則號靈精上玄皇夫人頭作飛雲華頰之髻衣飛錦羅裙鳳文錦帔

第三天機星其星則號靈妃元皇夫人頭建晨舉寶冠衣飛雲明光錦裙

第四天權星其星則號上靈神妃華皇夫人頭建七稱玉冠衣緋羅鳳文之裙

第五玉衡星其星則號北上金蓋中皇夫人頭建紫宸飛華之冠衣九色之裙

第六閭陽星其星則號安上晨華元皇夫人頭建玉晨進賢之冠衣飛青羽裙

第七搖光星其星則號玉華靈皇夫人頭建飛華雲頰之髻衣七色夜光雲錦之裙九色錦帔

錦帔

第八洞明星則號常陽大明常皇夫人頭作飛雲華頰之髻衣飛羅文裙

第九隱元星則號空玄變靈上皇夫人頭建飛天七稱玉冠衣青文錦裙
五星帝君冠服

東方歲星陽元宮中真皇君頭建青玉冠衣青羽飛裙

南方榮惑星洞陽宮中真皇君頭建朱精玉冠衣絳羽飛衣

西方太白星素明宮中真皇君頭建金精玉冠衣白羽飛衣

北方辰星玄斗宮中真皇君頭建玄精玉冠衣玄羽飛衣

中央鎮星上樞宮中真皇君頭建黃精玉冠衣黃羽飛衣

五星夫人冠服
東方陽元宮中有真帝君皇夫人衣青錦帔綠羽飛裙類雲髻

南方洞陽宮中有真皇帝君皇夫人衣丹錦帔丹羽飛裙類雲髻

類雲髻

西方素明宮中有真皇帝君皇夫人衣素錦
帔紫羽飛裙頽雲髻

北方玄斗宮中有真皇帝君皇夫人衣玄錦
帔翠羽飛裙頽雲髻

中央上樞宮中有真皇帝君皇夫人衣黃錦
帔黃羽飛裙頽雲髻

右出洞真迴元九道飛行羽經
五帝冠服

東方青帝君頭建九元通天冠衣青錦帔碧
錦飛裙佩太上九氣命靈之章帶翠羽文靈

之絞

南方赤帝君頭建三氣玄梁寶冠衣緋雲錦
袍丹文之裙佩南極制陽之符帶朱官八光

之劍

西方白帝君頭建七氣明光寶冠衣白錦雲
光之袍素錦飛裙佩素靈之綾龍淵漫延之

劍

北方黑帝君頭建五氣黑晨之冠衣黑錦之
袍五色飛裙佩七元流鈴帶文身通神之劍
中央黃帝君頭建黃晨通天玉冠衣黃錦之

袍玄黃飛雲錦裙佩黃神越元之策帶靈飛

紫絞

五嶽君冠服

東嶽泰山君頭建三寶九元花冠衣青羽章
披九色斑表帶上皇命神之傳

南嶽衡山君頭建八朗寶光玉冠衣赤錦飛
裙披神光緋文之表帶封靈制魔之章

西嶽華山君頭建六丁通神飛冠衣白錦飛
裙披素錦之表帶受靈素絞

北嶽恒山君頭建五氣寶晨玉冠衣黑錦飛
裙披玄文明光之表帶文靈紫絞

中嶽嵩山君頭建中元黃晨玉冠衣黃錦飛
裙披玄黃文表帶黃神中皇之章

四海神王冠服

東海水帝神王頭建大晨寶明之冠衣青文
翠羽飛裙七色獅子虎頭擊靈

南海水帝神王頭建大晨寶明之冠衣赤錦
文裙帶交靈紫絞九色擊靈

西海水帝神王頭建大晨寶明之冠衣素錦
飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

飛裙帶素靈命神之章九色獅子虎頭擊靈

素靈飛與

北海水帝神王頭建大晨寶明之冠衣黑錦
飛裙帶豁落七元五色虎頭擊靈

右出洞真五帝內真經

魔王冠服

大魔王衣玄文之表頭戴橫天之冠腰帶龍
頭之劍

東方青帝大魔王頭戴橫天之冠衣青羽之
表腰帶青絞虎頭擊靈或著絳章單衣或化

為青赤二色之光

西方白帝大魔王頭戴橫天素冠衣白羽之
表腰帶素靈之絞五色虎頭擊靈或著皂紩

單衣或化為老嫗中白巾手持板或化為紫
蒼二色之光

南方赤帝大魔王頭戴橫天朱冠衣赤羽之
表腰帶丹靈之絞虎頭擊靈或著羅黃之衣

或為人頭鳥身如鳳凰或化為黑黃二色之
光

北方黑帝大魔王頭戴橫天黑冠衣黑羽之
表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

表腰帶黑靈之絞虎頭擊靈或著青紗單衣

或為人身蛇頭或為青白二色之光

西北方皓帝大魔王頭戴橫天紫冠衣紫羽

之褰腰帶紫綬虎頭警囊或著白紗單衣或

為女子作飛雲髻手執金杖或化為紫白二

色之光

東南方昊帝大魔王頭戴橫天黃冠衣黃羽

之褰腰帶黃綬虎頭警囊或著紫紗單衣或

為人頭蛇身口銜素綬或化為蒼綠二色之

光

東北方蒼帝大魔王頭戴橫天青冠衣青羽

之褰腰帶青綬虎頭警囊或著綠紗單衣或

為龍頭人身手執節或化為火精

西南方黃帝大魔王頭戴橫天綠冠衣綠羽

之褰腰帶綠綬虎頭警囊或著黃紗單衣或

為一人九頭手執金戟或為紫絳二色之光

右出洞真王清隱書

十六

無上祕要卷之十八

無上祕要卷之十九

叔九

天帝眾真儀駕品

眾真儀駕

行玉清之道出則諸天侍軒給玉童玉女各

三千人建三七色節駕紫雲飛軒十二瓊輪

前導鳳歌後從天鈞六師啓路飛龍翼轅位

准高仙列圖玉清

行上清之道出則五帝侍衛給玉童玉女各

一千五百人建紫毛之節駕飛雲丹輿前吹

鳳鳴後奏天鈞玄龍啓道五帝參軒位准上

清左右公卿

行太清之道出則五帝侍衛給玉童玉女各

八百人建五色之節駕龍輿飛煙前嘯九鳳

後吹八鸞白虬啓道太極參軒

右出洞真八素經

真皇所乘三素之輿左御絳鸞右轡靈鳥

中央黃老君駕鸞華飛龍乘三素之雲

右出洞真九真中經

元始天王與改生共乘碧霞九靈流景雲輿

上登太空瓊臺駕靈紫殿黃華英房

右出洞真變化七十四方經

元始天王與太帝君共乘碧霞流瓊紫輦上

登九玄之崖无色之端徘徊洞天逍遙无極

流躬縱體適意浮輪

右出洞真太極金書上經

上清九天玄神八聖遊於空雲足超靈雲景

浮氣澄大宴太玄玉帝戲參九鳳龍車玉輿

乘九色飛雲從十二龍駕仙官玉女各二十

四人又八鸞白鶴九鳳齊鳴飛雲陳九色

之節十絕華幡三天寶蓋九天乘騎飛遊虛

空選造五嶽名山

右出洞真龜山元錄經

高聖太上大道君乘碧霞九靈八景流雲之

輿從飛仙羽蓋桑林千真紫虛之童三十萬

人顯蓋九霞迴天傾光天丁前驅六師屬天

奔雷揚精四明扶輪九靈啓路五老通津飛

旂瓊塗流眇高清上詣九層七映朱宮

右出洞真靈書紫文上經

元陽元皇玉帝君時乘碧霞九鳳飛舉瓊輪

羽蓋從桑林千真萬乘億騎飛行

九天丈人時乘飛鳳玄龍遊於白水涉明空山之上

右出洞真青要紫書金根經

青精君常乘羽逸之車携玄景之童登紫空之山

玉華三元君乘神回之車登雲輿之宮入流逸之房

太極元君乘凌羽之車上宴上清執震靈之符名萬魔之王

九氣丈人時乘晨回之風登蕩滯神山

八皇老人時乘廣瓊之車把鳳羽之節登華便之山入大老之室

青童君乘玉雕之斬御圓珠之氣登雲波之山入東華之室

九老仙皇大帝君乘合羽之車上登扶桑之杪會九老之京萬仙受事

萬華先生時乘三素之景羽明之軒北登高元之嶽宴寢萬華之室

司禁真伯上帝王君時乘日月之軒上登重漢之山入宴羽景之堂濯纓帝川之池會仙

絕空之宮

右出洞真大洞玉經

上聖太上大道君高上玉帝十方至真並乘五色瓊輪環舉碧輦九色玄龍十絕羽蓋三素流雲

諸天大聖妙行真人皆乘碧霞九靈流景飛雲玉輿神霞煥爛流眇太无五帝神仙桑林千真玉真備命十方天眾上詣

上清紫微上宮建天寶羽服詣元始天尊金闕之下請受元始靈寶赤書五篇真文

右出洞玄赤書經

太上大道君以上皇元年九月十日西遊玉國龍岷山中與太真真王夫人共座一嶠華林之下時有

元始天尊忽乘碧霞綠輿二素飛雲神仙羽蓋三十二天上帝玉真飛仙玉女十億萬人建九色之節十絕靈幡散華燒香浮空而來前導鳳歌後從天鈎椰子白鶴嘯歌邕邕五老啟述太極容軒東真並降於龍岷山中

右出洞真金錄簡文真一經

上皇元年九月二日後聖李君出遊西河歷觀八方值元始天王乘八景玉輿駕九色玄龍三素飛雲導從群仙手把華幡浮空而來同會西河之上

右出洞玄二十四生圖

三十六土皇儀駕
第一壘四音土皇帝以立春之日乘青龍之車執青色之麾從青帝胡老之官巨獸之騎九千人上詣鬱單无量天奏地仙得道上學

之人言名於四天之王
第二壘四音土皇帝以春分日乘黃碧二色之雲十二玄龜執神皇九光之策從青帝胡老之官飛行甲騎八千人上詣上上禪善无量壽天奏地仙得道上學之人言名於四天之王

第三壘四音土皇帝以立夏之日乘降霞之雲十二鳳凰執五色之節從越老之官飛行武騎八千人上詣須延天奏地仙得道上學之人言名於四天之王

之人言名於四天之王

第四壘四音土皇常以夏至之日乘絳霞雲與十二朱鳥執命魔之幡從越老仙官飛行武騎八千人上詣寂然天奏地仙得道上學之人言名於四天之王

第五壘四音土皇常以立秋之日乘素雲之與十二白虎執命靈九元之章從玄老仙官飛天雷騎六千人上詣不驕樂天奏地仙得道上學之人言名於四天之王

第六壘四音土皇常以秋分之日乘素雲飛與十二白虎執九色制神之幡從玄老仙官飛天虎騎六千人上詣化應聲天奏地仙得道上學之人言名於四天之王

第七壘四音土皇常以立冬之日乘黑雲飛與二十四龍執五色命魔靈幡從老仙官騰天之騎五千人上詣梵寶天奏地仙得道上學之人言名於四天之王

第八壘四音土皇常以冬至之日乘黑雲飛與五色飛鱗執九色之節從老仙官騰天之騎五千人上詣梵摩迦夷天奏地仙得道上學之人言名於四天之王

第九壘之地極下洞淵洞源網維天下制使不落九壘土皇常以三月一日六月二日九月三日十二月四日一年四過乘五色雲與九色飛龍執中元命神之章從僖老仙官耀天羽騎萬二千人上詣波梨荅怒天奏九地學道得仙之人言名於四天之王

右出洞真外國放品經

十方神王儀駕

東方无極飛天神王

南方无極飛天神王

西方无極飛天神王

北方无極飛天神王

東北无極飛天神王

東南无極飛天神王

西南无極飛天神王

西北无極飛天神王

上方无極飛天神王

下方无極飛天神王

右十方至真飛天神王並乘飛雲丹與綠輦羽蓋瓊輪參駕朱鳳五色玄龍建九色之節

十絕靈幡前滿九鳳齊唱後吹八鸞同鳴五老啓途群仙翼葆儀乘萬騎浮空而行

右出洞玄无量度人經

八方消魔大王儀駕

北臺金玄洞微玉清消魔大王時乘碧霞九色流雲飛與紫蓋從森林千真上昇太虛遊

宴玉清大魔王常乘羽輪之車飛行雲中

東方青帝消魔大王常以春分之日駕乘青

輪羽車飛行雲中遊宴五嶽

南方赤帝消魔大王常以夏至之日駕乘赤

輪羽車飛行雲中遊宴五嶽

西方白帝消魔大王常以立秋之日駕乘白

輪羽車飛行雲中遊宴五嶽

北方黑帝消魔大王常以冬至之日駕乘黑

輪羽車飛行雲中遊宴五嶽

西北方皓帝消魔大王常以立冬之日駕乘

紫輪羽車飛行雲中遊宴五嶽

東南方吳帝消魔大王常以立夏之日駕乘

黃輪羽車飛行雲中遊宴五嶽

東北方蒼帝消魔大王常以立春之日駕乘

輪羽車飛行雲中遊宴五嶽

輪羽車飛行雲中遊宴五嶽

蒼輪羽車飛行雲中遊宴五嶽
西南方皇帝消魔大王常以秋分之日駕乘
綠輪羽車飛行雲中遊宴五嶽

右出洞真金玄洞章玉清隱書
五嶽帝君儀駕

東嶽泰山君常以春分日乘青霞飛輿九色
蒼龍奏真仙名錄上言高上帝君

南嶽衡山君常以夏至日乘赤霞飛輪奏真
仙名錄上言高上帝君

西嶽華山君常以秋分日乘素霞飛輪奏真
仙名錄上言高上帝君

北嶽恒山君常以冬至日乘黑霞飛輪奏真
仙名錄上言高上帝君

中嶽嵩山君常以三月六月九月十二月戊
辰戌戌己丑己未之日乘黃霞飛輪奏真仙
名錄上言高上帝君

右出洞真九赤班符五帝內真經
五老君儀駕

東方安寶華林青靈始老號曰蒼帝駕蒼龍
建鵝旗

南方梵寶昌陽丹靈真老號曰赤帝駕丹龍
建朱旗

中央玉寶元靈元老號曰黃帝駕黃龍建黃
旗

西方七寶金門皓靈皇老號曰白帝駕白龍
建素旗

北方洞陰翔舉翬絕玉靈元老號曰黑帝駕
玄龍建皂旗

右出洞真元始五老赤書經
五方帝儀駕

東方靈威仰號曰蒼帝其神甲乙服色尚青
駕蒼龍建鵝旗

南方赤飄翬號曰赤帝其神丙丁服色尚赤
駕赤龍建朱旗

中央含樞紐號曰黃帝其神戊己服色尚黃
駕黃龍建黃旗

西方耀魄寶號曰白帝其神庚辛服色尚白
駕白龍建素旗

北方隱侯局號曰黑帝其神壬癸服色尚黑
駕黑龍建皂旗

右出洞真五符經

四海神王儀駕

東海水帝神王常以立春春分之日乘碧華
飛龍上詣

高皇玉帝刑罪簡注仙錄列言上帝之前
南海水帝神王常以立夏夏至之日乘鯨龍
飛行雲輪上詣

高皇玉帝刑罪簡注仙錄列奏玉帝之前
西海水帝神王常以立秋秋分之日乘素霞
飛輿上詣

高皇玉帝刑罪簡注仙錄列奏玉帝之前
北海水帝神王常以立冬冬至之日乘黑霞
飛輿上詣

高皇玉帝刑罪簡注玉篇列言上清玉皇帝
前

右出洞真飛行洞經

無上秘要卷之十九

無上秘要卷之二十

仙歌品

叔十

靈網落天紀 九斗翠玉虛 紫蓋重霄儲
玄精明八岫 上有九晨賓 吟詠隱羽書
飛步遊北漢 長齡天地居

抗轡玄羽臺 飛行九元所 洞靈深幽邃
雲網垂空舉 下有採真士 仰招玉晨旅
三周陽明上 九迴入洞野 高步登帝尊
長歌龍飛語

玉霄映北朔 瓊條翠隱阿 空生九靈臺
煥精曜太霞 天關運重冥 劫會屢經過
乘我羽行駕 飛步織女河 保靈亦常化
永忘天地多

此三章出玉清上官九陽玉童九華玉女皆
恒歌誦之於華晨之上和形魂之交暢啓靈
真於幽闕凡修飛步七元行九星之道無此
歌章皆不得妄上天網足躡玄斗

右出洞真迴元九道經

元始天王授南極司命君上清變化七十四
方於雲房之內時三元監真上元无英帝君

歌上元洞門變真內章之曲其辭曰

三素流五雲 宛轉九領阿 朱靈啓碧室
金暉煥東霞 三晨朝太虛 上清鬱嵯峨
瓊門經曲宇 飛層平參差 森此萬帝宮
真真各有家 元氣本玄一 一變真孰多

結號周百圍 條化生根牙 散靈九度外
飾容非朝華 因此萬劫庭 結秀億椿柯
南極勝實時 妙捷拔世羅 冒禁不容隱
輕蘊膏奈何

中元昔老帝君歌中元洞化內真章曲曰
落落三真布 分流九靈氣 玉虛列八座
輪化无軌迹 結號萬帝縱 運生有无際
瓊官森太霞 金鸞洞幽語 玉臺膏上立
沆精曜紫蓋 皇人據靈墟 飛層茂霞太
含真三丹府 散靈九負外 氣變无端錯

儼忽應靈會 誰能測冥化 迴容反老艾
南極襲冥風 故使結中帶

下元白帝君歌下元洞虛化真章曲曰
嵯峨太霞闕 金門纏九重 丹暉曜瓊天
飛霄鬱玄宮 神變无跡庭 真號有本蹤

散氣九靈戶 分為萬帝宮 帝帝各有鄉

真真各有方 寂寂生霞上 醫醫太虛中
輪轉自有運 萬劫乃一終 洞化丹靈窟
寥寥九玄通 冥思攝寂室 八景可飛空
盤迴變化鄉 妙哉元始公 南極苦心發
故能迴神峯 眇眇躡景遠 遂起萬仙宗

右出洞真變化七十四方經
高聖玉帝命上官玉女徐法容蕭惠忠田四
非李雲門等彈雲鈞之徽合聲齊唱歌大洞
高清真誠之章三陰五苦之詩其辭曰

大洞總三倫 元化有无形 寂若无根教
蕭若有感靈 束誠三塗中 憂苦從是生
至學順茲戒 精善窮劫齡 劫盡化生天
身與日月并 慈濟隨世好 浮學以自榮
宣化无網紀 輕漏天寶經 日科入死門

四極結爾名 鬼神履九難 五苦長爾嬰
食火踐刀山 艱辛无襲寧 歎此禍福原
悠悠中甚明

高上遺履誠 禍福令人歎 仙道本由運
冥中亦已判 无運亦不啟 既悟長苦景

若能崇玄科 自然超霄漢 苟貪愛獄累 何為滛教說 居罪結四明 死鬼履九難 流曳五苦庭 三塗結不散 沉靈九幽下 萬劫无待旦 悲此元始教 能不使人惋 寥寥九玄上 賢賢初化始 无形亦无影 无深亦无淵 二儀啓運彰 結氣以成降 三晨朗元室 五九有綱紀 禍福由人生 善惡竟孰在 若能悟玄教 超然凌高起 苟執伐命斧 積累盈心地 沉罪結四明 宿罰良有已 生身負風刀 五苦無窮解 七祖填幽夜 萬劫方一紀 流連三塗中 未悟有生死

右出洞真四極明科

陽歌九章

控景緬玄階 澄真宴紫清 丹袂揮圓霄 龍帔登大明 解駕高天外 四老迴錦舛 萬仙朝帝房 香煙乘虛生 瑤臺列元人 金書期玉庭 携昇天上寢 飛華煥秀靈 體窮無算期 神濟億運寧 汎浪引明曜 方與日待傾

流風駕八軒 乘欵酌九垂 傾旂靈絕上 霞峯帶天彌 手携西皇真 玉晨為我師 仰翕瓊珠華 乃覺明關開 虎裾玉堂內 眇與兩景飛 結駕出九玄 金房蕭寥閑 龍軒乘三雲 神風扇飛煙 濯浪織女河 携宴高元真 併羅景曜儔 常為空中賓 徘徊二无際 內觀自纏綿 靈運九霞外 永保億萬椿 夕宿西華堂 朝朝扶春公 寥朗眇太虛 神塗无圓方 紫轡總五雲 披霄躡靈風 迴軒窺窈丘 龍軒啓真皇 左錄廣暉賢 右命四海童 靈風唱金簫 神虎羅天鍾 常與玄景元 逍遙展霞中 騰旂扇廣寒 搖蕩魁宸宮 紫曜流景躍 九霞躡太空 朝入希林宇 夕宴丹微房 三氣合飛鳧 重樞運神風 歌唱消魔篇 四座吟靈章 棲鎮宴椿外 宅形萬劫中 數嘗太微觀 後曾九玄所 中有執寂賢 洞簫靜冥處 西有六領師 尋暉與曉語 來非呈人賓 去非飛仙侶 我超騰羽蓋

徘徊清泠渚 豁虛八極上 高煙凌晨舉 控颯適三天 長宴玄房永 北辰結朱館 嶽峙九虛嶺 飛駕侍霞峯 龍裾拂高景 八風揚錦舛 六氣發玉井 暉赫圓輪煥 五霄翳耀足 棲憇无終劫 虛巒宜暇靜 策駕玄中漠 鬱素扶希林 妙微混沌蓬 長扇迴五煙 八景停玉輪 清軒覽明真 左躡飛行遊 右顧凌八天 洞容登協晨 仰携皇中人 至暢玄理會 靈妙體神珍 朝宴南華門 夕拜玉晨庭 眇眇寂中駕 八景扇雲軒 玄臺結九霞 丹排落翠精 隱芝羅幽階 鳳腦耀五城 三元軒緜旂 終風揚威明 上迺空中仙 攝我朱火鈴 十絕命萬魔 永保順氣生 真人歌章太上四華宮中及玄闈瑤臺閻風 玄丘房中神童神女所歌者亦以下教當得 道之人應為仙者使聞詠之

陰歌六章

飛颯沫玄濤 滄浪始暉崖 連波嶽嶽峯 淵瀾邁九垂 超濯瀉津際 容與天刃溪

飛浪垂扶搖 雲水瀝玄梯 汎然上華重
 晨遊四方臺 迴景太玄妃 携帶結纒彌
 應運乃高會 相命促中期 萬劫為一契
 千椿未始離 命駕出三玄 汎零飛雲漢
 鬱儀清虛觀 結璘絕煙際 尋暉七虛煥
 素教凌紫天 洞遊无名館 龍旂迴瓊輪
 四朗應景散 聊且期時通 温之至道且
 二玄絕嶠嶸 玉臺奇浪祭 九氣纏隱芝
 萬齡結翹蔓 寥寥太素景 靈暉曜晨漢
 足步二玄間 仰携圓精選 玉丹享神真
 年與无億算 時翳九靈室 動周二度變
 晨宴景陽宮 攀暉德所鍾 徘徊重玄巔
 翻翻降飛龍 齊驟八落外 高步闡闔房
 散風生丹室 雲合窈窕中 逸域研標子
 鍊素潛太空 長綽中有景 龍煙帶山容
 空絕廣寒宅 至靈道妙同 積靜玄八豁
 素阿蒙長通 我登陽家內 虛颯駕神風
 雲臺曜北玄 龍泉遠幽嶺 玉津迴冥瀾
 白華空洞頂 咀嚼龍房氣 神胎九天永

高玄定金書 二曜披霄穎 疑駕太漠內
 寂寥適長靜 西玄鬱絕根 高暉拂耀明 眇眇兀霞澄
 育光披浩清 房素重離裏 安妙寄蘭生
 命駕飛八景 扇集迴南傾 凌厲陽明上
 虎嘯八極城 萬里何云遐 雙翅不藉靈
 高會有妙娛 端駕講所精 至道深朗豁
 智來温慧經 太上真人八素靈 陰三和歌曲 六章以調紫
 皇玉妃玄鈞瓊笙安節之音矣
 右陰歌陽歌凡有一十五章 太上玉晨大道
 君命太素真人中華公子太極紫陽公路虛
 成造以唱八素之真能恒諷詠者使人精魂
 合樂五神譜和萬邪不侵
 此歌曲之美是太極紫陽公陽歌九章以曜
 九晨之道陰歌六章以利六氣之精詠之者
 疑三神有之者除不祥
 右出太上真人八素陽歌九章
 正一真人告趙昇曰九天帝王命素女陰歌
 九章以和陽歌學士行道誦詠之

東遊蓬嶽標 西之九河津 飛光承虛上
 振聲光于天 棲態華林際 何憂不長年
 北遊遨海島 南適登林墟 重萌鬱以赫
 朱鳳引鳴雛 既忘榮耀契 何不寶仙居
 陰歌悲且吟 諷詠高仙子 放浪萬嶽峯
 起虛登霄裏 詠歌八音停 揚妙隨風起
 徘徊清林中 仙賢相携時 清肅八音詠
 微風梵皇靈 開夜動哀唱 雙陰交來鳴
 織婦吐歸吟 悽切感思生 自非高仙子
 何由保賢真 眇眇靈霄林 仙飛昇玄圖 九五難常居
 八音何足慕 宮商五絃悲 須得九陽顯
 始聽孤魂悲 未樂幽玄戶
 玄梵飛虛上 璨璨引高靈 但患無志契
 不患心不精 既入空洞室 何憂道不成
 我我皇極觀 赫赫瓊林房 沅來飛霞照
 雙雙表玉容 飛鳳銜素籍 高唱怡元功
 遊景揚梵氣 飛歌停玉真 零陰歌誦妙
 西曲入二便 陽歌陰來和 雙儻何翩翩
 當寫榮耀旅 高仙結我親

逍遙遊何境 出入衆妙門 玉京灑蕙澤
金闕布洪恩 相隨龜山館 歌笑扶桑林
長樓太一宇 歸命禮三尊

右出三皇經

龍旂儻太虛 飛輪五嶽阿 所在皆逍遙

有感興冥歌 无待愈有待 相過故得和

滄浪奚足遠 玄井不為多 鬱絕尋步間

俱會四海羅 豈若絕明外 三劫方一過

駕歛發西華 无待有待間 或眇五嶽峯

或躍天河津 釋輪尋虛舟 所在皆纏綿

芥子忽萬頃 中有蓬萊山 小大固无殊

遠近同一緣 彼作有待來 我作无待觀

九華安祀歌 真語首中候夫人歌

无待太无中 有待大有際 小大同一波

遠近齊一會 鳴絃玄霄顛 金蕭運八氣

奚不酣靈酒 眇目娛九齋 有无得玄運

二待亦相蓋

方諸青童君歌 此太虛南岳真人歌
控颯扇太虛 八景飛高清 仰浮紫宸外
俯看絕落冥 玄心空洞間 上下弗流停

无待兩際中 有待无所管 體无則能死
體有則攝生 東廣會高唱 二待奚足爭
中候夫人歌 此紫元夫人歌

玄感妙象外 和聲理自招 靈雲蔚紫宸

蘭風扇綠輶 上真宴瓊臺 邈為地仙標

所期貴遠邁 故能秀穎翹 翫彼八素翰

道成初不違 人事胡可豫 使爾形氣消

南嶽夫人歌

右出真迹經

四真人降南嶽夫人於是太極真人乃發扇

空之歌其辭曰

丹明煥上清 八風鼓太霞 迴我神霄輦

遂造玉積阿 咄嗟天地外 九圍皆吾家

上採日中精 下飲黃月華 靈觀空无中

鵬路无間邪 顧見魏賢安 濁氣傷爾和

勲研玄中思 道成更相過

次方諸青童又歌曰

太霞扇神暉 九氣无常形 玄轡飛霄外
八景乘高滑 手把玉皇袂 携我展中生
眇觀七曜房 朗朗亦冥冥 超哉魏氏子

有心復有情 玄挺自嘉會 金書東華名
賢安密所研 相期陽洛泝
次扶桑神王又歌曰

晨啓太帝堂 越起匏瓜水 碧海飛翠波

連岑亦嶽峙 浮輪雲濤際 九龍同纏起

虎旂鬱霞津 靈風愔然理 華存父樂道

遂致高神擬 拔從三緣外 感會乃方始

相期陽洛宮 道成携魏子

次清虛真人又歌曰

駕歛控清虛 徘徊西華館 瓊輪既晨杪

虎旂遂煙散 惠風振丹旂 明燭朗八煥

解襟墉房裏 神鈴鳴倩瑯 棲景若林柯

九絃玄中彈 遣我積世憂 釋此千年歎

怡盼无極已 終夜復待旦

又歌曰

紫霞儻玄空 神風无網嶺 歛然滿九區

晃爾豁虛靜 八窓无常朗 有冥亦有烟

洞觀三丹田 寂寂生形影 凝神泥丸內
紫房何蔚炳 太帝命我來 有似應神挺
相遇女弟女 雲容車鑠整 愧夫郢石運

益彼自然頡 愬密攝生道 泄替結災音
靈期自有時 携袂乃俱騁

於是夫人受錫事畢王母及金闕聖君南極
元君後九微元君龜山王母三元夫人馮雙
禮朱紫陽左仙公石路成太極高仙伯延蓋

公子等爾乃靈酣終日講寂研无上真徊景
羽蓋參差各命侍女陳曲成之鈞金石揚響
衆聲紛亂風吹迴風鸞吟琳振九雲合節八

音零瑤於是白王母徘徊起立折腰俯唱錦
袂攝霄雲裙乘空流鈴煥射社帶琳琅左佩
龍書右帶虎章澄形容放窈窕四暢徐乃擊

節而歌曰
駕我八景輿 欻然入玉清 龍幡拂霄漢
虎旂攝朱兵 道遙玄津際 萬流無整停

哀此去留會 劫盡天地傾 當尋无中景
不死亦不生 體彼自然道 寂觀合太冥

南嶽擬真軒 玉暎曜穎精 有任靡其事
虛心自受靈 嘉會絳阿內 相與樂未央
三元夫人馮雙禮珠紫陽彈雲璫而答歌曰
玉清出九天 神館飛霞外 霄臺煥嵯峨

靈夏秀鬢蔚 五雲興翠華 八風扇綠氣
仰吟清塵詠 俯研智與慧 萬真啓晨景
唱期絳房會 挺頡德音子 神暎乃高拂
天嶽凌空排 洞臺深幽邃 遊海悟井隘
履真覺世穢 儻輪宴重室 筌魚自然廢

迴我大椿羅 長謝朝生世
右出道迹經
高聖帝君以九玄建氣之始空靈分判上登
九層七暎朱宮徘徊明霞之上蕭條九空之

中西妃擊節天女羅鋒龍嘯虎吹鸞儻鳳鳴
四真合唱八音齊聲雲璫激朗傾駭三清
右出靈樂洞真七聖元紀經

上清西華紫妃及西王母乃各命侍女王廷
賢于廣暉等彈雲璫之徽又命侍女安德音
范曲珠擊昆明之歪又命侍女左抱容韓龍

賓吹鳳鸞之簫又命侍女趙運子李慶玉拊
流金之石
右出大洞真經

南極夫人曰小方諸上仙人常多吹九靈簫
以自娛樂能吹者聞四十里簫有三十孔竹

長二三尺九簫同唱百獸拊儻鳳鳥來和蕭
聲
右出真誥

西王母為茅盈作樂命侍女王上華彈八琅
之徽又命侍女董雙成吹雲和之笙又命侍

女石公子擊昆庭之金又命侍女許飛瓊鼓
震靈之璜又命侍女琬絕青拊吾陵之石又
命侍女范成君拍洞陰之磬又命侍女段安

香作纏便之鈞於是眾聲徹合靈音駭空王
母命侍女于善賓李龍孫歌玄雲之曲其辭
曰

大象雖云家 我把九天戶 披雲汎八景
儵忽適下土 大帝唱扶宮 何悟風塵苦

太真王夫人時自彈琴琴有一絃而五音並
奏高朗響激闐于數里眾鳥皆聚集於岫室
之間徘徊飛翔舉之不去殆天人之樂自然
之妙音

四真降南嶽夫人靜室乃延引夫人問以曲
狹世間之業女典之法雖曰高神无不該覽
於是言宴粗悉四真吟唱太極真人乃先命

北寒玉女宋德消彈九氣之漱

方諸青童又命東華玉女煙景珠擊西盈之

鐘

扶桑暘谷神王又命雲林玉女賈屈庭吹鳳

唳之簫清虛真人又命飛玄玉女鮮于靈金

拊九合玉節

右出道迹經

太上道君清齋持誡於西那玉國鬱察山浮

羅之嶽

元始天尊乘八景玉輿三素飛雲瓊輪羽蓋

五色華光神風玄鼓迴儻旒蓋瓊林振響玉

支激籟雲歌空奏鳳鳴玄天鈞洞響衆音

亂會神妃合唱群仙容裔又命西華金靈上

官飛玄玉女景皇真人彈五合之琴景龍雲

璈吹九鳳之蕭鼓神州之笙諸天各奏神龍

伎樂无鞅數衆

右出洞玄空洞靈章

無上秘要卷之二十

无上秘要卷之二十一

仙都宮室品

大羅天宮臺 七寶玄臺

右在大羅天中玉京山上大劫周時三洞神

經並在其中災所不及

通真房

右皇崖天中內音書於其內

始陽臺

右阮樂天中內音書於其上

上上天宮 靈都宮 元陽紫微臺

右在上上三天五老尊神諸天帝皇妙行真

人歲六會於其上集算天元推校運度

右出洞玄經

九天宮 大有宮

右宮內有上清寶經三百卷玉訣九千篇符

圖七千章秘於其所

九宮

右宮中有神謂之天皇九神各治一宮

玄靈臺 玉房

右五老寶經及十二願玄母八簡三十九章

猶一

經藏於其內

金臺 玉室 素靈房

右三九素語玄丹上化三真洞玄之道藏於

其內

靈都宮 金房 曲室

右太微天帝君秘心丹上仙文之所元始五

老又秘五篇真文於其內

金臺 玉室 九曲丹房

右高上藏三元玉檢三元布經於其內

五靈玉都 金華紫房

右五老秘文藏於其內

无鞅玄臺

右鬱單无量天王治於其內

玉國珠林 七寶瓊臺

右至上禪善天王治於其內

玉京靈都宮

右須延天王治於其內

朱宮瓊臺

右寂然天王治於其內

元映丹宮 九層玉臺

右不驕樂天王治於其內

瓊林宮 朱映房

右化應天王治於其內

七映宮

右梵寶天王治於其內

九玄玉城 紫瓊玉臺

右迦摩天王治於其內

峻嶒玉京 大有妙宮 九曲房

右波黎答惹天王治於其內

九層玉臺

右在九天天關之上臺上有上皇太真高帝

玉名及後聖為真人簿錄太虛玉晨監典之

六層玉臺

右在九天天圖之上臺上有金簡五札及紫

鳳丹章十萬篇太上直玉郎典之

三層玉臺

右在九天天關之上臺上有太清寶經三百

卷及真人學仙簿錄簡目太帝監真玉司郎

典之

右出洞真經

九天玉閣

右江由天中內音書於其內

右出洞玄經

玉清宮 真陽宮

右玉皇之所處

太老寢堂

右八皇老君時入此室

會方宮

右九老仙皇所處

散華堂

右四斗七晨道君治於其上

瑤臺 瓊房

右高上玉帝藏金玄羽章隱音於其內

七映紫臺

右躡步天網空常內名藏於其內

綺合臺 龍山臺 秀朗臺 大暉

右地皇上真之所遊處

三華房

右陽安元君之所處

玉清宮

右高上玉帝元始天王太真之館

紫瑤宮 丹瓊府

右北玄高上虛皇君所居

納靈宮 化生府

右南朱高上虛皇君所居

光音宮 八坦府

右西華高上虛皇君所居

紫微宮 朱雀府

右東明高上虛皇君所居

金靈宮 鳳肅府

右中央中舍虛皇君所居

鳳生宮 洞光府

右五靈上明混生高上君所居

明範宮 輝華府

右三元上玄老虛皇元辰君所居

七瑤宮 北元府

右玄寂元无上虛皇君所居

鬱林宮 八冥府

右大明靈輝中真无上君所居

雲霧宮 霄上府

右三元四極玄上元靈君所居

洞霄宮 演真府

右三元晨中黃景虛皇元臺君所居

反香宮 風滯府

右三元紫映暉神虛生真元胎君所居

瓊容宮 太丹府

右青精上真內景君所居

瓊光宮 通靈府

右太陽九氣王賢元君所居

右出洞真經

雲宮

右五隆天中內音書於其內

陽臺

右賈奕天中內音書於其上

右出洞玄經

无上秘要卷之二十一

无上秘要卷之二十二

三界宮府品

上清宮 黃金殿 煥明臺 陵曹室

右南極長生司命君當登上清經于金池進

禮玉庭遇見元始天王高上玉皇三天玉童

共處此殿室得受七十四方二元玉檢檢仙

衆文之所

太空瓊臺 寥林紫殿 黃華英房

右元始天王命五老上真仙都左公出解形

之道三元布經授南極長生司命君之所

藥珠日闕館 七映紫房

右太上高聖玉晨道君所居

瑤臺 金房 玉室

右元始天王藏白羽中林飛天九符於其內

紫雲屋 黃金殿 鳳闕

右青要帝君所居

琳琅都 月上館

右元始天王出皇民譜錄於其內

六合紫房

右太上秘三天正法於其內

猶二

清微上館

右元始天王結飛玄之炁以歷頌三天之所

洞真室

右元始天王太上高聖君說觀身大誠之所

七映房

右太上大道君付仙都左公藏黃素之書於

其內

寒靈丹殿

右元始天王下教命五老仙都出玉珮金璫

寶經以傳高聖玉晨大道君之所

九幽紫室

右太上玉帝藏天書玉字十二玄歌之曲於

其內

廣靈室

右太素三元君所處

晨燈臺

右元始天王刻書紫微玄宮飛天檢文於其

上

金壙臺

右元始天正刻書元始玄空飛天中書三元

玉檢文於其上

鳳生臺

右九天父母書太真金書九天上空隱文於其上

三元玄臺

右經八千劫則三天九靈上微隱文一見於其上

明真宮 靈暉府

右太初九素金華景元君所居

紫耀宮 七寶府

右九皇上真司令君所居

通妙宮 定微府

右天皇上真玉華三元君所居

天皇宮 玉虛府

右太一上元禁君所居

金華宮 紫生府

右元虛皇房真晨君所居

四明宮 八朗府

右太極四真人元君所居

華晨宮 魁元府

右四斗中真玉晨散華君所居

七靈宮 機玄府

右辰中黃景元君所居

金闕宮 玉真府

右後聖太平李真天帝上景君所居

无量宮 玄闕府

右太虛後聖无影彭室真君所居

太玄宮 玉堂府

右太玄都九氣丈人主仙君所居

清虛宮 洞清府

右三清八景老君所居

方諸宮 青元府

右高晨師王青童君所居

清元宮 賜谷府

右扶桑大帝九老仙皇君所居

金靈宮 通氣府

右小有玉真萬華先生主圖玉君所居

司空宮 仙都府

右玄洲二十七真伯上帝司禁君所居

玄洞宮 太生府

右太元晨中君所居

寶素宮 九玄府

右龜山九靈真仙母所居

常陽宮 九生府

右上始少陽青帝君所居

洞陽宮 朱陵府

右通陽納陰赤帝君所居

金門宮 通光府

右少陰西金白帝君所居

廣靈宮 北黃府

右通陽太陽黑帝君所居

黃元宮 高皇府

右總靈高黃帝君所居

太微靈都 瓊宮 玉房

右太上道君藏神虎真符於其內

七映朱房

右高聖太真玉帝藏上真寶符於其上

金華室

右太上大道君所居

朱臺 瓊宮 玉京闕

右太微天帝君所居

九玄虛生臺

右太微天帝君所登

鳳臺 瓊房 曲室

右五靈登室步虛保仙符在其內

洞真殿 玉室 金華房

右太微天帝君清齋於其內

西華宮

右諸學真人得受以素真經者則未生之前

已書名於此宮

太玄上臺

右得受玉清隱書者則於此臺上皆有五名

南陽瓊宮

右南極上元君所居

陵增之臺 九曲之房

右太真丈人太上大道君所居

金洞素靈館

右九靈金母太素三元君所居

會月宮

右中黃太一上帝所居

太素瑤臺 玄雲羽室

右中央黃老君南極上元君藏高聖八景五

錄於其內

南極紫房

右相青童君藏七星移度經於其內

玄臺

右曲素訣辭憂樂之曲出於其上

九玄臺 七寶琳房 明霞館

右太真雲霧子清齋於其所

東華方諸青宮有六門門內周迴三千里

東門名青華玉門主學仙簿錄所經出入

南門名神華玉門主眾真飛仙所經出入

西門名玉洞門主高上眾真玉皇三十九帝

二十四玉真西龜王母所經出入

北門名玉陰門主真仙及始學者糾犯退降

所經出入

東南門名天關門主宿命因緣簿錄得仙所

由出入

東北門名寒水門主鬼爽轉叙所經出入

右六門內有三宮一名方諸青宮二名玉保

青宮三名玉華青宮宮內各有宮殿瓊房
方諸青宮

右相青童君治於其內宮中北殿上有玉

架架上有學仙簿錄及玄名年月日深淺金

簡玉札有十萬篇領仙玉郎典之

玉保青宮

右玉保王上相大司馬高晨師治於其內宮

中北殿上有金架架上有金章鳳璽玉札丹

青羽蓋昇仙法服給成真之人又有學仙品

目進叙退降簿錄侍仙玉晨典之

玉華青宮

右東海青華小童治於其內宮中東架架上

有寶經三百卷玉訣九千篇主學仙簿錄應

為真人者授之玉晨監仙侍郎典之

金闕宮有四門門內周迴七千里

東門名玉景金融門高上玉清虛皇太真之

寶所經出入

南門名洞實瓊雲門主真人飛仙遊宴八極

周行五嶽出入之所經

西門名玄景玉寶門主學仙受署真人進叙

簿錄出入所經

北門名朔陰極雲門主真人犯非退降皇任學仙素簡所經出入

右四門門有兩闕金闕在左玉闕在右並高九千丈金闕以黃金為柱刻金題衆真飛仙

之號玉闕以青玉為柱刻玉題上皇真人之號他闕悉如此闕上有九層金臺虛上玉晨

領仙君所居
金輝紫殿 瓊房玉室

右後聖金闕帝君所居
青精宮 上華室

右室中有青氣自生號為反香之煙逆風三千里而此香氣猶微聞

西田夜臺
右大帝所居

瑤臺 丹靈雲宮 九折洞室

右上清總真主錄南極長生司命君藏七十四方三元玉檢檢仙衆文等經於其內

九玄玉房
右大洞真經三十九章秘於其上

玉虛七映紫房

右藏四極明科於其上
玉晨宮 瓊闕 七靈臺 金晨華闕

太和殿 寥陽殿 藥珠闈 長錦樓
右玉晨道君所居

太微觀 玉闕紫宮
右太微天帝所居

雲霓宮 流逸房
右玉華三元君所處

瓊琳宮室
右玉華玉女所居

紫碧玄臺
右在絕空之中南極長生司命君修道之日得自然降授太霄琅書瓊文帝章等一十二法之所

絕空宮

右在五雲之中司禁真伯上帝玉君會仙之所

羽景堂

右在太无之庭司禁真伯上帝玉君時宴於

此堂

洞宮 峨嵋宮
右在太无天峨嵋山諸得真仙道者名列於此宮

洞觀堂

右懸在太无之中萬華先生時寢此堂
晨輝宮
右在玉虛天中玉虛司命所處

萬華宮

右在玉真天中小有先生主圖玉君之所治
又藏玉帝之寶經玉清之隱書
華景宮

右在太初天中宮內自生九素之氣氣煙亂化祥雲九色入其煙中者易貌居其煙中者百變

黃闕紫房

右在崑崙天帝之所出入

紫微宮

右在北溟外羽明野玄隴山紫微夫人之所居

洞元三瑤宮

右在委羽山甯先生金仙石公晁夜童子之所居

壙城金臺 流精閣 光碧堂 瓊華室

紫翠丹房

右在崑崙山西王母治於其所

壙臺 壙宮 西瑤上臺

右在崑崙山上西王母所居

紫府宮

右在青丘之左風山上天真神仙玉女遊觀之所

○

九靈館 金丹流雲宮 暉景室

右在崑崙山西王母及真仙女之所遊處

玉殿

右在玄羽野西隴山王母三元君所居

青琳宮 西華堂 丹微房

右在白玉龜山上西王母所居

扶桑宮 明真殿 素林臺 積霄房

右在八溇山天帝君所居

丹闕黃房 雲景閣 琳霄室 那拂臺

右在方諸東華山青童君所居

太丹宮

右在勃陽丹海長離山上保南極元君所居

白山宮

右在白水沙洲中山上傳太素真君所居

總真宮

右在西城山上宰王君所居

紫桂宮

右在玄洲太上丈人所居

雲林宮

右在東海滄浪山右英王夫人所居

方丈臺

右在東海方丈山昭靈李夫人所居

清靈宮

右在西玄山真人裴君所居

紫陽宮

右在葛衍山真人周君所居

金庭宮

右在桐栢樓山右弼王真人所居

太元府 定錄府 保命府

右在句曲山三茅君所居

紫清宮

右內傳妃領東宮中候真夫人所居

紫清上宮

右九華真妃所居

七宮

右在神洲三山其宮七變朝化為金中化為銀暮化為銅夜化為光或化為山或化為水或化為石

○

右出洞真經及道迹真迹經

紫微上宮

右在玄都西北玉京山元始靈寶西北天大聖眾至真尊神无極大道上帝真皇老人常以月一日會於其上奉朝天帝推校地上人鬼功過

陰元臺

右在玄都北玉京山元始靈寶北天大聖眾至真尊神无極大道太上老君妙行真人常以月八日會於其上推校地上兆民簿錄年命算籍

命算籍

○

○

○

○

○

○

通陽青微宮

右在玄都東北玉京山元始靈寶東北天大聖眾至真尊神妙行真人无極大道太上萬度萬生神皇无上玄老元靈老君常以月十四日會於其中推校天下學道年月功過及鬼神之事

青華玉隆宮

右在玄都東玉京山元始靈寶東天大聖眾至真尊神太清玄元上三天无極大道无上玄老太上老君太上丈人皇上老君皇上丈人青靈上真天帝君天帝丈人百帝君天帝丈人九老仙都君九炁丈人百千萬重道炁千二百官君太清玉陛下東極老人青華大神上相司馬青童君金闕後聖帝君真陽始青神人靈寶九仙君華青和玉女主仙四部常以月十五日會於此宮校定學仙人功過深淺

洞靈丹臺

右在太玄都玉京山元始靈寶東南天大聖眾至真尊神无極大道南上老君南極真人

太和玉女常以月十八日會於此臺集校民人簿錄區別善惡

洞靈元陽館

右在太玄都玉京山元始靈寶南天大聖眾至真尊神无極大道南上赤帝丹靈老子太和玉女長生司馬好生君司命司錄南極度世君萬福君常以月二十三日會於此館集校天民祿命長短

朱宮

右在太玄都玉京山元始靈寶西南天大聖眾至真尊神无極大道天皇老人南極元真君洞陽大靈常以月二十四日會於此宮考校三官九府五嶽北鄧太山二十四獄罪刑簿目

金闕七寶宮

右在太玄都玉京山元始靈寶西天大聖眾至真尊神无極大道西華金堂玉仙真母金闕後聖上相帝君四極真人常以月二十八日會於此宮奉朝天真推校日月星辰分度并得道人名

黃房

右在太玄都玉京山元始靈寶下元天大聖眾至真尊神无極大道下元玄黃洞淵洞靈萬仙五帝四司真人常以月二十九日每於其內奉朝天真并校五嶽四瀆河海水帝地靈鬼神之事

七寶紫微宮

右在太玄都玉京山元始靈寶上天大聖眾至真尊神无極大道上下中央四面八方太上无為大道諸君丈人衆仙天官大神等常以月三十日會於其內考召地上神祇周行天下司察善惡功過輕重列言上天

雲宮 黃房

右元始天尊時閑居養素於此房內七寶幃中
玄都元陽七寶紫微宮
右元始天尊恬神安漠寂然无為思念萬兆之所
上清太玄玉都 廣寒丹殿

右太上大道君高上玉帝十方至真等至此

宮內建天寶羽服詣元始天尊金闕之下諸
受元始靈寶赤書五篇真文之所
太空金臺 玉寶殿 九光華房
右元始天尊命引衆真入於其內
靈都紫微上宮

右元始天尊令太上道君衆真等視天音於
金格取俯仰於神王之所

六合玄臺

右藏真一勸誡法輪妙經於其內

長樂舍

右元始天尊說靈寶真文出法度人之所

南丹洞陽上館 栢陵舍

右太上道君請元始天尊智慧罪根之所

金臺 七寶紫闕

右在鍾山天帝治於其上

玄都長樓

右皇曾天中內音書於其上

天西北玉闕

右玉完天中內音書於其上

金華上宮 北元玄闕

右何童天中內音書於其上

太極上宮 洞元臺

右平育天中內音書於其上

融生臺 紫陽館

右文舉天中內音書於其上

紫微臺 北靈館

右七曜天中內音書於其上

元始玄臺 九夜臺

右越衡天中內音書於其上

北斗玄臺 南斗長生宮

右太極濛翳天中內音書於其上

洞陽館 南極上宮

右赤明和陽天中內音書於其上

玉京玄臺 南極上元宮

右玄明恭華天中內音書於其上

龍澤山黃房室

右耀明宗飄天中內音書於其上

紫微上宮 寒靈憲

右皇笏天中內音書於其上

玉京九層臺

右堂耀天中內音書於其上

南宮福堂

右皇崖天中內音書於其上

玄都紫房

右極風天中內音書於其上

南上朱陵闕

右孝芒天中內音書於其上

玄都九層長樓 北靈上館

右翁重天中內音書於其上

明真臺

右江由天中內音書於其上

紫微臺 南陽臺

右阮樂天中內音書於其上

玄都玉臺

右墨拉言天中內音書於其上

扶桑司靈館 東井華林堂

右元洞天中內音書於其上

紫微長樓

右禁上天中內音書於其上

紫微大靈館 南陽上宮紫臺

右梵度天中內音書於其上

右出洞玄經

太極宮 委華玉堂

右五靈真君之所處

紫微玄琳殿

右中央黃老君所居

丹玕殿

右金闕聖君所居

太清宮 太素宮

右太素君所居

太和宮

右太和君所居

金華樓

右仙真玉籙皆在樓中

右出洞真經

天官宮

紫微宮 元黃太極左宮 洞白太極右宮

右天官三宮宮有三府府有一十二曹並在

元陽之上太空之中自然之號考官所治普

統上真

地官宮

洞空清虛宮 南洞陽宮 北艷宮

右地官三宮宮有三府府有一十四曹並在

山洞空玄之中皆自然之號考官所治普統

地上五嶽四維八極神仙真人神靈

洞官宮 易遷館 含真臺

右在洞天中女人得道者所居

童初府 蕭閑堂

右在洞天中處男子之學者

休明總靈洞宮 玄司重正宗虛宮

統仙昇靈希微宮 正真紹靈宛司天宮

雲樓玉紀明朗宮 崇虛赤映雲曲宮

右在鄧都山洞中總領萬神生死

紂絕陰天宮

右北帝君治於此總主諸六天宮凡人初死

皆先詣此官受事

秦殺諒事宗天宮

右西明公所治主殺鬼卒暴死亡所

明晨耐犯武城天宮

右南明公所治主賢聖去世於此受事

恬照罪氣天宮

右北斗君所治主禍福吉凶續命罪害應生

應死皆悉由之

宗靈七非天宮

右東明公所治主在世事俗信道不篤死經

於此

敢司連宛屢天宮

右北明公所治主諸學道破戒不悔假道希

榮託法貪利或受正教而事邪俗殺生淫祀

叛道入魔或無所信順闒任肆心屬於此

水官宮

賜谷宮 一號青華方諸宮

清靈宮 一號南水會宮

北艷都宮 一號羅艷宮

右水官三宮宮有三府府有一十四曹並在

九江洞室皆自然之號考官所治普統水府

一切神靈

右出洞玄經及真迹經

无上秘要卷之二十二

无上秘要卷之二十三

猶三

真靈治所品

五老上真人治於玉清天中玉根山

三天神王治於太清天中浮絕空山之上

真晨仙君治於元虛皇房

四斗七晨道君治於玉清天中散華臺

九老仙皇處於扶桑之際治在九老京

大帝君治於扶桑之杪會方之臺

小有先生主圖玉君治於玉真天萬華宮

右出洞真大洞玉經

○北方有句他羅之國外有玄洲四面是海上

有太玄都山仙伯真公治所

崑崙墟城是西王母治所

右出洞真外國放品經

上相青童君治在方諸清宮之內金殿瓊房

之裏

玉保王上相大司馬高晨師治在玉保清宮

東海青華小童治在玉華清宮

右出上清青要紫書經

太上無極虛皇大道君治在玉京山七寶樹

右出太上玉京山經

玄中有三太空即三官所治上三官太玄之

上玉虛太空之中中三官治上清太空下三

官治於太極太空九府在五嶽玄虛洞室之

中善惡罪罰莫不由於三官九府之司

右出洞真四極明科

高上玉晨大道君治於玄都九曲峻嶒鳳臺

結自然鳳炁以成瓊房處於九天之上玉京

之陽

右出洞真曲素訣辭經

○太微中有三皇一帝一曰皇君二曰皇天三

曰皇老此即三元之炁混沌之真出入上清

太素太和之宮

右出洞真太微黃書經

綠那羅衛之國須彌靈飛人鳥之山元始天

王所別治七寶室高臺慶天

右出洞玄隱注經

鬱單无量天王治化之天有无鞅玄臺紫房

之內

上上禪善无量壽天王所治之天有五圓朱

林七寶瓊臺

須延天王所治之天有玉京靈都宮

寂然天王所治之天有朱宮瓊臺

不驕樂天王所治之天有无映丹房九層玉

臺

化應聲天王所治之天有瓊林上宮朱映之

房

梵寶天王所治之天有南上七映之宮

梵摩迦夷天王所治之天有九玄鳳城紫瓊

玉臺

○波黎答惹天王所治之天有峻嶒玉京大有

妙宮九曲之房

九天丈人治於鬱單无量天

九天真王治於无量天

元始天王治於上監天

元始先生治於兜術天

高上元皇治於不驕樂天

虛皇玉帝治於化應聲天

萬始先生治在梵寶天

紫虛帝君治於梵摩迦夷天

太真王治在波黎答怒天

右出洞真太霄琅書經

正一無治品

太上漢安二年正月七日中時下二十四治上八中八下八應天二十四炁合二十八

宿付天師張道陵奉行布化

上皇元年七月七日无上大道老君所立上品治八品

陽平治上應角宿治在蜀郡界

鹿堂治上應亢宿治在上有仙臺古人度世之處

○

昔永壽元年太上老君將張天師於此治與四鎮太歲大將軍川廟百鬼共折石為約皆從正一盟威之道亦在蜀郡界

鷓鳴山治上應氐宿其山與青城天固山相

連亦言尹先生主之亦在蜀郡界

瀟沅山治上應房宿與鹿堂山相連上有蜀

郡界

葛嶺山治上應心宿與瀟沅山相連上有相

栗山亦在蜀郡界

更除治上應尾宿治山去平地三百九十尺

時有仙人往來可以度厄養性昔張力士得

道之處山有二石室三龍頭在廣漢界

秦中治上應箕宿其山昔韓眾於其上得仙

在廣漢郡界

真多治上應斗宿其山高二百八十八丈上有

芝草神藥亦在廣漢郡界

无極元年十月五日正真无極太上立中治

八品

昌利治上應牛宿昔李八百初學道處遊行

蜀中諸名山常日日出戲於成都市暮宿於

青城山其山南有一石室前三龍門亦在

於廣漢郡界

肆上治上應女宿昔李子先生學道飛仙在

此山有二石室有一神泉白鹿白鳩白鶴時

來飲之亦在廣漢郡界

涌泉治上應虛宿昔馬明生學道得仙太上

老君至此化形往此治上有泉水治萬民疾

病无不際愈時世之人遂傳為呪水治在遂

寧郡界

稠稔治上應危宿治去汶山江水九里山高

去平地一千七百丈昔軒轅黃帝學道之處

也其治左右皆連山岡相續其山西北有沫

江山山亦有芝草神藥在犍為郡界

北平治上應室宿山上有池山縱廣二百步

中有芝草神藥昔王子喬得仙之處亦在犍

為郡界

本竹治上應壁宿山高一千三百丈上有一

水有香林在治北有龍穴地道通峨嵋山昔

郭子得道之處亦在犍為郡界

蒙秦治上應奎宿山高一千丈昔伊尹於此

山學道上有芝英金液草服之得度世在越

嵩郡界

平蓋治上應婁宿前山下有五人長一丈三

尺昔吳郡崔孝通於此山學道遂得飛仙亦

在犍為郡界

无極上皇二年正月七日无為道君玄老立

下治八品

雲臺治上應胃宿昔張天師將諸弟子三百

七十人住山治上教化二年白日昇天其後

一年天師夫人復昇天此即趙昇取桃之處是也在巴西郡界

瀘口治上應昂宿昔陳安世於此山學道得仙山一名平元山在漢中郡界

後城治上應畢宿昔夏子然於此山上學道得仙一名黃陵山在漢中郡界

公慕治上應觜宿蘇子玉於此山學道得仙一名北逢仙山在漢中郡界

平剛治上應參宿昔李阿於此山學道得仙在犍為郡界

主簿治上應井宿昔王興於此山學道得仙一名秋長山在犍為郡界

玉局治上應鬼宿昔水壽元年正月七日太上老君乘白鹿張天師乘白鶴來此坐局脚玉牀即名玉局治在成都南門左

北邙治上應柳宿昔務成子於此山學仙得道在京兆郡界

天師以漢安元年七月七日立二十四治付嗣師以備二十八宿

剛互治在蘭武山以應星宿

白石治在玄極山以應張宿

具山治在飯陽山以應翼宿

鍾茂治在元東山以應軫宿

右巳上四治並在洪陽郡界

祠師以建安二年十月五日天師所布立八品記

品記

滿沅治在玄昌山

利里治在高掌山

平公治在中頭山

公慕治在身維山

天台治在黃牛山

瀨鄉治在小世山

代元治在上黨山

係天師以太元二年正月七日所立八品遊治

峨嵋治在蜀郡界

青城治在蜀郡界

太華治在京兆郡界

黃金治在蜀郡界

慈母治在城山郡界

河逢治在上黨郡界

平都治在巴郡界

吉陽治在魏郡界

右出正一炁治圖

无上秘要卷之二十三

无上秘要卷之二十四

猶四

三寶品

天寶君者則大洞之尊神天寶丈人則天寶君之祖炁丈人是混洞太无元上玉皇之炁九萬九千九百九十億萬炁後至龍漢元年化生天寶君出書時號高上大有玉清宮

靈寶君者則洞玄之尊神靈寶丈人則靈寶君之祖炁丈人是赤混太无元上玉虛之炁九萬九千九百九十九萬炁後至龍漢開圖化生靈寶君經一劫至赤明元年出書度人

時號上清玄都玉京七寶紫微宮

神寶君者則洞神之尊神神寶丈人則神寶君之祖炁丈人是冥寂玄通无上玉虛之炁九萬九千九百九十萬炁後至赤明元年化生神寶君經二劫至上皇元年出書時號三

皇洞神太清太極宮此之三號雖年殊號異本同一也分為玄元始三炁而治三寶皆三炁之尊神

右出洞玄九天經

夫三寶者一曰道寶二曰太上經寶三曰法

師寶

又云三尊者一曰道尊二曰太上經尊三曰法師尊

右出洞玄請問經

夫我有三寶保而持之一曰慈二曰儉三曰

不敢為天下先夫慈故能勇儉故能廣不敢為天下先故能成器長令捨慈且勇捨儉且廣捨後且先死矣夫慈以戰則勝以守則固天將救之以慈衛之

右出老子德經

真文品

元始天尊時與五老上帝十方大聖眾无極至真諸君丈人於赤明世界栢陵舍坐香園之中長桑之下天尊迴駕諸天降席是時雲霧鬱勃四景冥合三日三夜玄陰不解天地

无光有如龍漢之前幽幽冥冥五老上帝前進作禮上白天尊今日侍坐所未嘗經天尊出遊則諸天傾駕上帝高真神仙玉女日月星宿璇璣玉衡三界官屬五嶽神山河海水帝一切神靈莫不振肅侍衛天真天朗炁清

風不搖條地無飛塵河海靜默山嶽藏煙時和氣定生死同歡閉天光明白日晝陰天人

懼怖不審何故所緣如是願垂告誨令眾見明鏡益一切善得安全

天尊告曰今日同座歡樂難遇諸天發瑞靈

應自然玉宇煥爛障蔽天光未通之始致始晝冥日慶時合希所嘗有今當普為四眾開天妙瑞度一切人咸令四座閉眼伏地於是

大聖眾同時閉眼伏地聽命俄頃之間天炁朗除冥闇豁消五色光明洞徹五方忽有天

書字方一丈自然而見空玄之上五色光中文彩煥爛八角垂芒精光亂眼不可得看

天尊普問四座大眾靈書八會字無正形其趣宛奧難可尋詳天既降應妙道宜明使可注筆解其正音使皇道既暢澤被十方

天真皇人稽首作禮上白

天尊曰隨運生死展轉億劫屢經侍座未有今日遭值聖道開諸法門見天書自然至真斯八會之炁合五和之音非愚情短思所能洞明今既廁座次仰觀玄妙被命狼狽不敢

藏情逆用報惶若無神守輒竭所見解注其音莫萬有一合開示來生不及之體惟蒙曲愍於是按筆太真拂筵玉女執巾金童揚香月宮散花日精灌津五老監試三界衛真天真人曰天書玉宇凝飛玄之炁以成靈

文合八會以成音和五合而成章大運啓期琳琅自生神炁虛奏韶響洞鳴煥于諸天之上朗曜太幽之中與龍漢而俱化披赤明於延康鍊水火於生死歷億劫而長存開八坦於幽細植露光於太陽二儀待之以判三景持之以分上聖乘之以无五嶽實之以靈一切得之以炁國祚享之以安落落大範巍巍高尊有中生无為天地之根得之者不死奉之者長存實之者真降修之者神仙度死骸於長夜鍊生魂於朱宮妙化之文出於自然高秀太虛萬帝之宗感靈恢廓難可名焉天真人曰大梵隱語无量之音天有飛玄自然之炁合和五音以成天中无量洞章上演諸天之玄奧讚大有之開明中理自然之炁音度學仙之人下度生死之命放出長夜

之元始妙法億劫長存其音既朗其道行焉大法開明諸天稱慶无極大聖眾至真諸君大人五老上帝十方尊神神仙五女一時行者旋行三市而作頌曰
天尊廻玉駕 降席香圍中 至真大聖眾

无極天中王 神仙導日月 鬱鬱紫雲宮
五帝翼華轅 三界備十方 日度眾真座
歡樂難為雙 妙會自然感 靈瑞發空洞
煥爛啓幽期 障蔽日月光 玄陰不解夜
四眾並虔恭 靈運自應圖 倏歛朗太空
靈書八會字 五音合成章 天真解妙韻
琅琅大有通 五音難為譬 普成天地功
上植諸天根 落落神仙宗 中演玄洞府
坦然八幽房 開度生死命 放出長夜公
地獄五苦解 刀山不生鋒 五道无對覓
億劫並少童 堂堂大乘化 一切不偏功
天尊開大有 落落諸天明 妙哉龍漢道
八會結成形 煥爛飛空內 流光三界度
神圖啓靈會 玉書應景生 天真通妙趣
五和合成經 琅琅玉音響 飄飄聲上清

開度无終劫 九幽受光明 巍巍大法門
教導一切生 斯功不可勝 歡樂慶萬齡
是時惠澤普流恩被十方信向不死皆得長
年老者還少病者即康枯骨生炁死魂還人
五苦咸解地獄寧開預以有心皆得神仙

天尊告四眾至真今日同座一劫之中開天
靈真自然玉書度一切人其福私普廣益眾
生大法既陶恩无不而无極世界皆受光明
九幽開宥長夜救寃生者歡樂死者蒙還諸
天人民俗對種親是男是女善惡命根无始
以來至于今生生死展轉對相牽天地成
敗功過難明今一依大有普告諸天日月星
宿璇璣玉衡南斗北斗司命司殺韓君主錄
南昌土官諸地諸水五嶽靈山三官九署十
二河源長夜之府九幽之中四司五帝一切
神靈探算錄籍推校本原无善无惡輕重之
根生死有別條名列言一切剷除斷絕因緣
普同一度以今為新令此一切咸得道真大
福所普勿使有偏天尊有命諸天教從於是
四眾同起作禮舉手指上俛手指下无上无

下无極无窮无深无遠无幽无隱无大无小
 无數无終一切普度同受光明彈指告衆一
 切咸聞是時四衆同時抗手仰天稽首三十
 二天日月星宿一時俱明地下九幽无極之
 底光景洞徹无復闇冥幽隱普見地藏靈形
 山川溪澗一等緬平冬華結實枯樹發榮慶
 加一切功載衆生魚龍湧躍鳥獸欣鳴靈歌
 交會路无悲聲天靜地默三宮潜寧簡對休
 息五道不生人神歡泰聖道太平

右出洞玄諸天内音經

元始洞玄寶赤書五篇真文生於元始之
 先空洞之中天地未根日月未光幽冥冥
 无祖无宗靈文晦曖乍存乍亡二儀待之以
 分太陽待之以明靈圖革運玄象推遷乘機
 應會於是存焉天地得之而分判三景得之
 以發光靈文鬱秀洞映上清發乎始青之天
 而色無定方文勢曲折不可尋詳元始鍊於
 洞陽之館治於流火之庭鮮其正文瑩發光
 芒洞陽氣赤故號赤書靈圖既煥萬帝朝真
 飛空步虛旋行上宮燒香散花口誦靈章是

時天降十二玄瑞地發二十四應上慶九天
 之靈典讚三天之寶明神風既鼓皇道咸暢
 元始登命太真接筆玉妃拂筵鑄金為簡刻
 書玉篇五老掌錄秘於九天靈都之宮玉女
 典香太華執巾玉童侍衛玉陛朝軒九天上

書非鬼神所聞天寶之以致浮地秘之以致
 安五帝掌之以得鎮三光乘之以高明上聖
 奉之以致真五嶽從之以得靈天子得之以
 致治國祚享之以太平實靈文之妙德標天
 地之玄根威靈恢廓普加无窮蕩蕩大化爲
 神明之宗其量莫測巍巍乎太空

東方九炁青天真文

東方九炁始皇青天碧霞鬱壘中有老人總
 校圖錄攝炁舉仙

右二十四字主召九天上帝校神仙圖錄學
 仙道士常以本命甲子立春之日青書二十
 四字於白刺上記姓名年月於刺下投靈山
 之嶽九年仙官到身得飛仙

歲星輔肝角亢鎮真武房心尾四景迴旋箕
 主七辰正斗明輪承炁捕非掃除災章

右三十二字主召天宿星官正天分度諧以
 東方星宿越錯朱書三十二字於青紙上露
 於中庭九日九夜夕夕依法別呪訖以火燒
 文散反於青煙之中并刻書三十二字於青
 石上埋東方天災自消星宿復位

東山神呪攝召九天赤書符命制會鄧山東
 魔送鬼所誅无蠲悉詣木宮敢有稽延

右三十二字主攝鬼魔正九天炁行此法朱
 書青木刺上以文向東北而依別呪文三呪
 鬼自束形萬妖自滅精心行之

下制東河濱海水神大劫洪災蛟龍負身水
 府開道通徑百千上帝赤文風火无間

右三十二字攝東海水帝大劫天災之數召
 蛟龍及水神事遇水災及欲度大水皆黃書
 三十二字於青紙上依別呪以投水中身自
 得過蛟龍負難河伯奉迎水下可行

南方三炁丹天真文
 南方丹天赤帝玉堂中有大神號曰赤皇上

炎流煙三炁勃光神仙受命應運太陽
 右三十二字主九天神仙圖錄宿名學仙道

士常以本命甲子立夏之日朱書三十二字於白刺上記姓名年月於刺下投靈山之嶽九年仙官到身得飛仙

熒惑輔心井鬼守房柳星張翼抗御四鄉輪總七宿迴轉天常召運促會正道驛行

右三十二字主召星官正天分度諸以南方星宿越錯有諸災異當朱書青紙上露於中庭三日三夜夕夕依別呪訖刻書三十二字於赤石上埋南方天災自消星宿復位

赤文命靈北攝鄴山東送魔宗斬滅邪根符教所討明列罪原南山神呪威伏八方羣妖滅矣萬試摧亡

右四十字主制北鄭正鬼氣行以此法黃書赤木刺上記文向東北而依呪文三行此法鬼精自滅萬魔東形宜精心行之

南河水帝太伯龍王神呪流行普掃不祥洪水飛災上召蛟龍開除水暹千道萬通敢有干試誦送火宮赤書所告莫有不從

右四十八字主南海水帝大運天期洪水四出召蛟龍水神事遇此災及度大水皆黃書四

十八字於青紙上依別呪以投水中身自得過水官奉迎

中央黃天真文

中央總靈黃上天元始生五老中皇高尊攝炁監真總領羣仙典錄玄圖宿簡玉文推運促炁善告萬神

右四十字主神仙玉簡宿名總歸仙氣學仙道士常以本命甲子春分夏至秋分冬至之日黃書四十字於白刺上記姓名年月於刺下投靈山之嶽九年仙官到身得神仙

鎮星輔脾迴度北元魁魁主非截邪斬根魁魁懸魁掃穢除氛魁正玄丰明度天關九天符命金馬驛傳

右四十字主攝星官正天度數諸以中央星宿越錯生諸災異當以朱書四十字於青紙上露於中庭十二日十二夜夕夕向王依別呪法訖以火燒文散之於青煙之中并刻書四十字於黃石上埋中央天災自消星宿復位

勅攝北帝遏塞鬼門剪除不祥莫有當前

右十六字主攝北帝正天炁檢鬼精行此法白書十六字於黃木刺上記文向東北而依別呪文三行此法鬼精自滅天魔東形宜精心行之

中山神呪召龍上雲制會黃河九水河源不得怠縱善惡悉分千妖萬姦上對帝君莫有干試太陽激焚赤書玉字宣告普聞

右四十八字主攝中海水帝四泉之水洪水涌溢之數召水神止蛟龍事如遇洪水之災及度大水皆黃書四十八字於青紙上依法別呪投水中身自得過水官奉迎

西方七炁素天真文
西方素天白帝七門金靈暗映太華流氛白石莪莪七炁氤氳上有始生皇老大神總領肺炁主校九天檢定圖錄制召上仙

右四十八字主召仙炁學仙道士常以本命甲子立秋之日書四十八字於刺上記姓名年月於刺下投靈山之嶽九年仙官到身得神仙
太白檢肺查婁守臈胃昂畢菁主制七關參

總斗魁受符北元

右二十四字主白帝星官正明天度諸以西
五星宿越錯有諸災異當以朱書青紙上露
於中庭七日七夜夕夕向西方依別呪法訖
以火燒之散灰於青煙之中并刻書二十四

字於白石上埋西方天災自消星宿復位

赤書玉字九天正文攝召萬炁普歸帝君

右十六字攝六天鬼炁行此法墨書十六字

於白木上以文向東北而依別呪文七過行

之鬼精自滅萬魔東形宜精心行之

西山神呪八威七傳符水上龍召山送雲在

此校錄同到帝門輔衛上真斬滅邪源若有

不祥截以金關赤書符命風火驛傳

右四十八字主攝西海水帝及水中萬精名

雲龍以防水災欲知水中精物及洪水彌天

欲度此災皆黃書四十八字於青紙上依別

呪法投文水中知水中萬精形象蛟龍負身

以度水災水官奉迎

北方五炁玄天真文

北方玄天五炁徘徊中有黑帝雙皇太微總

領符命仙鍊八威青裙羽編龍文鳳衣上帝
所舉制到玉階

右四十字主諸真人神仙圖籙學仙道士常

以本命甲子立冬之日黑書四十字白刺上

記姓名年月於刺下投靈山之嶽五年仙官

到名上仙籍

北辰輔臂斗牛衛扉女虛危室豁落四開壁

總七星執凶糾非却災掃穢明道洞輝

右三十二字主北方星官正天炁諸以北方

星宿越度有諸災異當以朱書三十二字於

青紙上露於中庭五日五夜夕夕向北方依

別呪法訖以火燒文散灰於青煙之中并刻

書三十二字於黑石上埋北方天災自消星

宿復位

北山神呪激陽起雷流鈴煥落覆天板威北

鄴所部萬妖滅權

右二十四字主攝天魔北帝萬鬼事行此法

青書二十四字於黑木刺上以文向東北而

依別呪文五過行之鬼精滅形宜精心行之

九河傾訖鳥母羣飛蛟龍通道水陌洞開赤

文五書驛龍風馳

右二十四字主北海水帝制水中萬精召蛟

龍以負身欲度大水洪災及遇水難知水中

萬物黃書二十四字於青紙上依別呪文投

水中立知水中萬精物像身得度水災蛟龍

開水道水官出迎

右出洞玄赤書經

迴天九霄白簡青籙上聖帝君受於九空結

飛玄紫炁自然之字玄紀後學得道之名靈

音韻合玉朗稟真或以字體或以隱音上下

四會皆表玄名空生刻書廣靈之堂舊文有

十萬五言字无正類韻无正音自非上聖莫

能意通積七千年後題崑崙之室北洞之源

字方一丈丈蔚煥爛四會垂芒虛生曉曉若

存若亡流光紫炁拂其穢金精治鍊瑩其文

遂經累劫字體鮮明至中皇元年九月七日

七聖齊靈清齋其宮青金盟天跪誓告虔奉

受靈文高上解其曲滯七聖通其妙音記為

迴天九霄得道之篇刻以白銀之簡結以飛

青之文藏於雲錦之囊封以啓命之章付於

五老仙都左公掌錄瓊宮

太上曰總三寶為奇文結三炁為高章其妙

不可測高不可攀深不可極巍巍微哉斯五

篇之德矣子能勤思則白日昇天不死之道

極於靈文也

右出洞真七聖元紀

天瑞品

元始開圖上告十二靈瑞

一者是時无天无地幽幽冥冥靈文問萬无

有祖宗運推自來為萬炁之根空洞結真炁

清高澄成天廣覆修歛自玄

二者是時二象分儀炁流下凝開張厚載一

時成形

三者是時三萬六千日月一時同明照耀諸

天无幽不徹

四者是時上聖大神妙行真人无鞅數眾朝

禮玉庭旋行太空讚誦靈文

五者天發自然效樂百千萬種一時同作激

朗雲宮上慶神真

六者靈風百詠空生十方宮商相和皆成洞

章

七者璇璣停關星宿不行天无晝夜四運齊

晨

八者紫雲吐暉流灑諸天一切萬物普受光

明

九者春秋冬夏不暑不冰四炁柔和枯朽皆

生

十者五鎮安立符圖經文一時開張表見玄

教无窮

是時玄下七寶神奇以散諸地資生

兆民

十二者七寶奇林一時空生光明垂蔭彌覆

十天

右出洞玄赤書經

地應品

赤書真文地發二十四應上慶神真

一者是時天元混沌未有光明晨雞啓旦四

景玄清天朗地張成生五行

二者三萬六千日月於上下同明元向幽夜

照耀无窮

三者青鳥銜書以告五帝正天分度

四者白虎吐金安鎮五靈

五者青龍捧符以告水帝制會促運江海關

張

六者瓊鳳銜璽以獻帝王安國保祚五鎮長

存

七者鸞鳴鳳唱飛鳴邕邕

八者羣鳥翔舞飛欣天端

九者蛟龍踊躍鼓洋淵澤

十者河水停流魚鱗交會

十一者甘露自生芝英滂沱

十二者冬不冰霜枯木並榮

十三者林木禾稼冬夏生華結實繁茂無有

凋傷

十四者四炁調和災疫不行天人悅慶無有

天年

十五者毒螫閉齒不生昏心

十六者師子猛獸依人為隣

十七者天下男女育華啟府一時復形无有

傷疾皆得康強

十八者老年反少年不老華容俾貌精采光明

十九者鳥獸六畜懷胎含孕已生未生皆得生育无有折傷

二十者婦人懷孕普天生男

二十一者地藏發泄金玉露形散滿道路无有幽隱

二十二者地震地裂枯骨更生沉尸飛魂普起成人天下歌唱欣國太平

二十三者地生蓮華天人稱慶莫不欣欣

二十四者五嶽洞開符經並出教導天人是時學者莫不飛仙

其十二靈瑞二十四應上讚元始之靈圖欣五老之開明靈文既振道乃行焉天地開張正法興隆神風遐著萬炁揚津五帝輔翼驅策天仙御役神官運導陰陽固三景於玄根保天地以長存鎮五嶽於靈館制劫運於三關建國祚以應圖導五炁以育民敷弘天元普教十方咸靈恢廓无幽不開神奇堂難可稱焉

右出洞玄赤書經

无上秘要卷之二十四

无上秘要卷之二十五

三皇要用品

猶五

天皇文曰所以為乾洋陽之精日月垂光二十八星有知此文與吾共并第一之要先求長生第二之要當求藏形第三之要當避世祭解此三要道乃成長生以得游於華嶽藏身以訖天食其標素祭去祿天致金玉若欲去求入深山者當語乾皇內經必當相成黃帝曰地皇文者乃生萬物無所不育家有此文富貴之首求仙行約此是其母千變萬化皆地所受包含穢匿能為土主黃帝曰人皇文者皆知死生之錄識百鬼之名記萬神姓名三皇天文大字黃帝得神圖天文字以知九天名山川靈之字若能按文致諸神者可以長生可令召司命削死籍必為人除之然後修道求術必得神仙矣若欲求昇仙皆當絕陰陽乃可求見五女不能求昇仙不能絕陰陽者但可召致素女以自巨輔徊旋當髮有人形像當聞琴樂之音即為是也自是之後必享延壽三

百餘年此地錄天文不可妄傳也若欲傳授子孫先當伏思七日令身无咎乃可傳之家欲昇仙當求此文能修此文萬術之真生於皇道克定乾坤九天以下五嶽四瀆神皆可問吉凶富貧齋而行之劇事嚴君不得傲慢

自害其身若有妄召罪及先人天文曰諸欲致九天九地五嶽四瀆三河四海太一北君日月諸神五帝父母夫人諸女錄吏刺姦諸禁官皆當如此法召之若有疾病時疫疫流行有官急之事皆可為之

- 第一十字是九天印文不可妄觸訶也可
- 召九天校事刺姦吏若病者乃可召之耳
- 第二十二字召都官司命
- 第三十字召九天父母夫人女
- 第四一十字召五帝父母夫人女
- 第五一十字召太一父母夫人女
- 第六一十字召北君父母夫人女
- 第七五字召五嶽父母夫人女
- 第八一十字召四瀆父母夫人女
- 第九五字召三河父母夫人女

第十九字召三公父母夫人女
凡有急召天地諸神父母夫人女以為致任則終身无患

第十一四字召西王母
第十二五字召東王父

第十三七字召老子一名老彭

第十四十五字召日月將軍父母夫人女

第十五一十字召阿侯君以問水事

第十六九字是九天之名也

天皇文第一法

第一一十八字召天帝以救急難書者緋絳

上圓一尺著好地西向叉手屏炁五十息天帝必來見勿得畏恐忽徐徐設有急所患請救必得脫矣

第二一十八字召天神以救刑獄罪法應見備罪如上法請救必吉

第三一十九字召高上若家有大病若犯天神不能自知病者如四肢重炁之者當召

高上請救北向如上法吉

第四一十七字召太一君若家欲求高遷官

爵所求連年不得當召太一求遷白黑書著皂上圓二尺北向如上法太一必付司祿平與官爵位矣

第五一十八字召北君身恐有水厄若水病者如太一法北君必來勸語意如言必无患

也若但書此北君字著衣中行舟萬里風波不起船不沉便可試驗

第六一十字召司命若家有急命盡病困可

以書著紙上東南向著地訖以五絳廣五分

長二尺著紙前須臾司命必來語其意者必吉矣

第七二十四字召司祿若欲求昇仙致行厨

者書青上圓二尺東北向如天帝法司祿將來求天祿行厨避世界仙潔齋而百日必致行厨得昇仙諸不得爵祿者求之必得矣

第八二十字召司危若家不和爭鬪相疑不

相信內外不同者書此文著紙上以和日書

之合日召之司危必來和合家無所患國無

所苦如一人必吉矣

第九三字召天丞相書繪上圓九寸著好地

若犯天文若求願不從亦當作此法召丞相
求所願必得矣

第十一十三字召六丁若家有邪病厭夢忤
過鬼刺心腹絞痛蜚尸入藏此法著紙上召
六丁問意六丁叩頭將為人治之收諸亭長
自相榜吉矣

第十一十二字召日月將軍若家有耳目卒
聾盲者便書此字著日中夜著月中无日月
不為日月將軍來問意必為入治之愈也

第十二一十一字召飛廉若家有小口卒病
若父病者書此法著紙上西向召問意必愈
第十三七字召日游若家有乳婦過疾書此
法著紙上問意即愈矣

第十四一十二字召御史若欲遠行避惡道
路不通書此法召御史問意道路即通餘字
召將軍月殺若家居宅舍葬埋犯將軍月殺
者書此法召之問意即吉无患也

地皇文第二法

第一一十一字召土公若家有病黃瘦身體
腫若欲動土者書此法著黃布上圓二尺以

墨書之須更來語意吉矣

第二一十八字召杜公若家有犯杜者若他
家有社者若欲移社樹若伐社書此法著紙
上西向須更社公來勅之即吉

第三五字召司陰若家有陰匿病者若他陰
謀欲圖己者書此法著紙上召司陰問意即
吉矣

第四二十字召阡陌亭長游激有忤道中卒
得病者書此法著道中亭長游激來問意即
吉矣

第五九字召問門丞戶尉百邪之長書紙北
向須更門丞戶尉即來勅之及以百邪汝護
我家必吉矣

第六二十八字可召百鳥
第七一十三字可召蛇虺蟲鼠各有名在天
文中

第八四字召西嶽
第九一十字召北嶽
第十一十一字召南嶽
第十一一十二字召中嶽

第十二六字召東嶽

第十三五字召四嶽
第十四一十二字召三河餘字召百獸麒麟
之所主所在皆至要在天文中
凡欲知古尸喪處所當問阡陌亭長即可知
處所也

人皇文第三法
第一一十二字召百鬼制六丁
第二一十二字召司命司錄太一天一
第三一十二字召地中百精金銀銅鐵璧玉

寶物問皆知所在欲取者取不取復止
第四一十二字召家中魂魄鬼諸要八獄吏
皆可致之

第五六十二字召九天錄吏令削死籍除死
錄餘字注在夫文中

三皇內音
朱官青胎之符

是九天父母所受於西王母大月旦吞赤書
者小月旦吞黑書者皆宿昔燔香行禮然後
服之既令人不飢又益精補腦使人身輕表

色延年無窮道士不見此文服炁行道徒自苦耳

九天發兵內符

出人皇第七十字始此符可以服虎豹豺獸道士入山不帶此符惡獸不畏人而或犯人

金光自來內音符

出天皇第六十五字始道炁星精之首目矣皆是五星之炁金玉之精炁入人身精入人骨如金玉身如星辰道士服食不吞此符終不得仙矣

天水飛騰內符

出大字第九十三字中天有常數三千歲大水一出諸道士有仙籍者无此符不得過若大水帶此符著頭上可入靈山江河神山精為人開道必過凶難矣一歲輒一服用用壬子日墨書之令人不飢方一尺紙上水服之令書大水日子在其中過此水則除去
神仙昇天大券文
出人皇中第六十八字此券與印同受不受三天大券有所封水三官及山川土地神靈

不畏人忽行有所封亦反受其殃千二百章无券不行所有券不受亦不行

三皇內書秘文

仙人之要第一者以劾召萬神萬神從之馬欲召法丹書白素齋戒百日不交同類於山林之中獨處夜召之也以文向北布著地道士佩九天發兵符須臾一食頃萬神至若鬼物皆從背後來若神皆前來其時意中亦自有所解

三皇傳文

道士无此傳文不得見仙人

五嶽陰符

一名色天生胎經人有五嶽圖无此陰符則五嶽不遣五神衛子矣
太上長存符

出太上經天文中篇八節日齋平旦丹書服之服之三年太上丈人除削死籍拔度長存籙中道士无此符徒學道則故不免死
大字下篇符
道士暮欲求萬福應見仙人或欲知吉凶丹

書方三寸吞之靜思而卧便知明日吉凶事
高上名召高上太和食頃立形見至

天皇名召司命青書一尺清齋七日著庭食頃司命形見可問吉凶

高天名可召司錄

太上名可召司陰帶此符辟兵

皇天名可召司危赤書青著威屋中司危立至可問吉凶

蒼天名可召山神書素五寸以丹著室中

高皇名可召河伯著水中河伯立至可問水事

上帝名可召天丞相丹書黃著室中立至可問立身可否

天帝名可召九天父母丹書問我後世及求願帶此无疾傷

右出洞神經

无上秘要卷之二十五

无上秘要卷之二十六

猶六

靈寶符効品

東方青帝靈寶赤書玉篇文

上二十四字書九天元臺主召九天上帝校神仙圖錄

其下三十二字書紫微宮東華殿主召星官

正天分數

其下三十二字書東臬司靈之館主攝鬼魔

正九天炁

其下三十二字書九天東北玉闕丹臺主攝

東海水帝大劫洪災之數召蛟龍及水神事

合一百二十字皆元始自然之書

東方青帝符靈寶九炁天文化生赤帝炁

少陽炁化生太陽三炁丹天主小劫已大劫

午運交周赤帝行佩此文度其災以朱書青

繒三寸

東方安寶華林青靈始老君符命

元陽之炁生九炁青天玉寶東方青帝始九

九八十一周則九天炁交為大劫更治佩此

文則與運推移度洪災青筆書文

南方赤帝靈寶赤書玉篇文

上三十二字書九天洞陽之館主九天神仙

圖錄金名

其下三十六字書三炁丹臺主召星官明度

數正天分

其下三十二字制北鄴正鬼炁

其下四十八字主南海水帝大運交周洪水

四出召蛟龍水神事題於西南陽正玉闕

合一百四十八字皆南方梵寶昌陽丹靈真

老君自然之書

南方赤帝符靈寶三炁天文化生黃帝炁

太陽之炁化生中元主小劫丑未大劫辰戌

九天炁交黃帝行佩此文防陽九黃書三寸

繒繒上

南方梵寶昌陽丹靈真老君符命

洞陽之炁生三炁丹天梵寶南方赤帝治九

天運周陽炁激大劫終佩此文度災橫見太

平丹筆書文

中央黃帝靈寶赤書玉篇文

上四十字書太玄玉寶玄臺主神仙玉簡宿

名總仙炁

其下四十字主攝星官正天度數

其下十六字攝北帝正天炁檢鬼精

其下四十八字攝中海水帝四泉之水洪災

涌溢之數召水神止蛟龍事此文皆題玄都

之臺四壁

合一百四十四字皆中央玉寶元靈元老君

自然之書

中央黃帝符靈寶一炁天文化生黃帝炁

元一之炁化生少陰七炁素天主小劫申大

劫酉大運交會洪災掃天白帝行佩此文得

過太陽九白書黃繒上三寸

元高皇之炁生元一黃炁之天中央黃帝治

九九運終陽炁激陰炁勃大災涌水彌天掃

穢佩此文度天災見太平君黃筆書文

西方白帝靈寶赤書玉篇文

上四十八字書九天素靈宮北軒之上主仙

炁

其下二十四字題金闕之玄憲主攝白帝星

官正明天度

其下十六字攝六天鬼炁

其下四十八字主攝四海水帝及水中萬精召雲龍以防防水災此文皆題九天金闕三圖之館

合一百三十六字皆西方七寶金門皓靈皇

老君自然之龍書

西方白帝符靈寶七炁天文化生玄帝炁少陰之炁化生太陰五炁玄天主小劫亥大劫子陽炁之極百六乘九玄帝行佩此文度甲申大水洪災以墨書白繒七寸佩身

西方七寶金門皓靈皇老君符命

元陰之炁生七炁素天靈寶西方白帝治九陰炁涌陽炁否九天炁交為大陽九之災佩此文其行時則宴鴻毛而高翔觀洪波於天際也當白筆書文

北方黑帝靈寶赤書玉篇文

上四十字出鬱單无量玄元紫微臺北軒之書主諸真人神仙圖錄其下三十二字是北元玄斗中書主北方星官正炁

其下二十四字主攝天魔北帝萬鬼事

其下二十四字主北海水帝制水中萬精召蛟龍以負身皆書北朔鬱絕元之臺

合一百二十字皆北方洞陰朔單鬱絕五靈玄老君自然之書

北方黑帝符靈寶五炁天文化生青帝炁

太陰之炁化生少陽九炁天主大劫寅小劫卯陰炁劫天地周青帝行佩此文度洪流大水之災以青書繒五寸佩身

北方洞陰朔單鬱絕五靈玄老君符命

洞陰之炁生五炁玄天靈寶北方黑帝治九大運交陰炁勃陽炁激九天炁交為天地大災佩此文則免洪流萬瀉之中當墨筆書文

元始五老出五帝真符以度五帝真人天光開陽出此文玄都宮

元始青帝真符召直符更生守靈寶天文道士吞之靈炁鎮肝生青精寶華九葉神為役使通靈致神仙道士命屬東嶽青書繒佩身并本命日朱書向東服之九枚

元始赤帝真符召直符昌中守靈寶天文道士吞之靈炁鎮心生丹精寶華三葉神為役使通靈致神仙道士命屬南嶽赤書黃繒上佩身并本命日朱書向南服之三枚

元始黃帝真符召四方直符守靈寶天文道

士吞之靈炁鎮脾生黃精寶華十二葉神為役使通靈致神仙道士命屬中嶽自可黃書白繒佩身并本命日朱書向壬服之十二枚元始白帝真符召直符曲正守靈寶天文道士吞之靈炁鎮肺生白精寶華七葉神為役使通靈致神仙道士命屬西嶽白書黑繒佩身并本命日朱書向西服之七枚

元始黑帝真符召直符尹豐守靈寶天文道

士吞之靈炁鎮腎生黑精寶華五葉神為役使通靈致神仙道士命屬北嶽黑書青繒佩身并本命日朱書向北服之五枚

右出洞玄元始五老赤書玉篇經下

三天太上召伏蛟龍虎豹山精八威策文此是赤精受天炁後其文明於南丹洞靈枯林之下

佩元始上三天太上大道君制六天總地八
威策文召天下神攝地東靈封山呼靈制河
上龍

九天太素陽生符

丹書白素方五寸清齋百日入室思日精舍

而吞之與日同壽天地俱存思靈念真形自

能飛存濁炁於口符即出而死也一名生真

券一名八威龍書

三天太玄陰生符

墨書黃縑方五寸清齋百日入室思月精舍

而吞之與月同壽道士欲尸解者墨書木刀

劍把之而卧即為代人形而死也行此宜精

他念穢濁于口符即出身即死此符一名化

形券一名九陰靈書

九天玉真長安神飛符

朱書白素上以佩身履太陽九六大百六劫

之交洪災四會佩之千毒不如身過水火之

難得見太平為聖君種民

三天真生飛神符

墨書黃縑上以佩身履小陽九小百六小劫

之交萬災四充佩之千害不如身過萬瘍之
中得見太平為聖君種民

東方安寶華林青靈始老帝君出下元符命

小陽九巳小百六午其年天災降民以此文

固天炁安國存種民度陽九百六之會青書

白縑

大陽九申大百六酉其年天災激林木未稼

一時消滅驅除兆民出此文以固天炁安鎮

存國以度種人大災出青書白縑

大劫交天地改易金玉山海人民鳥獸一時

消滅天地溟滓无復光明以此文固天元始

之炁佩之皆即得化生始分之中刻書金札

以佩身

南方枕寶昌陽丹靈真老帝君出下元符命

小陽九辰戌小百六丑未其年土中生火金

玉自然天下焦燒萬民自死出此下元符固

天炁穰此災度陽九百六之會赤書黑縑

太陽九亥大百六子其年火精消滅萬里无

煙洪水四出天災蕩民中元出此文固天炁

穰此災赤書黑縑

大劫交天地改易金玉山海人民鳥獸一時
消滅天地溟滓无復光明以此文固天元始

之炁佩之皆即得化生始分之中刻書金札

以佩身

中央玉寶元靈元老帝君出下元符命

小陽九申小百六酉其年土中出霧障炁障

天晝夜不分七年除民出此下元符固天炁

穰此災度陽九百六之會黃書青縑

大陽九寅大百六卯其年山陵丘壘土地陷

沒民无立錫中元出此文固地炁穰此災黃

書青縑

大劫交天地改易金玉山海人民鳥獸萬物

一時消滅天地溟滓无復光明此文固天元

始之炁佩之即得化生始分之中刻書金札

以佩身

西方七寶金門皓靈皇老帝君出下元符命

小陽九亥小百六子其年金玉化消人民水

居飄尸洪流血為海川出此下元符固天炁

穰此災度陽九百六之會白書赤縑

大陽九巳大百六午其年金石自消兵災蕩

民中元出此文固天炁禳此災白書赤繒
大劫交天地改易金玉山海人民鳥獸萬物
一時消滅天地溟滓無復光明此文以固天
元始之炁佩之即得化生始分之中刻書金
札以佩身

北方洞陰朔單鬱絕五靈玄老帝君出三元
符命

小陽九寅小百六卯其年洪水四出水與天
連人民流散死者無遺出此下元符固天炁
禳此災度陽九百六之會墨書黃繒

大陽九辰戌大百六丑未其年天地枯旱江
海竭乾海底揚塵人民焦死萬無遺一中元
出此文固天炁以禳此災墨書黃繒

大劫交天地改易金玉山海人民鳥獸萬物
一時消滅天地溟滓無復光明此文以固天
元始之炁佩之即得化生始分之中刻書金
札以佩身

右出洞玄元始五老赤書玉篇經下

東方赤書玉文十二字則九炁青天之名導
引青帝九炁服食青牙皆朱書白紙上存思

訖而頓服之則九炁不招而自降青帝應聲
而見形五牙堅固於東嶽肝府玉芝而自生
靈童齋真文於寢側青要輔翼而使令九年
積感變化立成神仙度世萬劫不傾
南方赤書玉文十二字則三炁丹天之名導

引赤帝三炁服食丹牙皆赤書白紙上存思
訖而頓服之則引赤炁而流溢芳芝玄注於
絳宮赤帝降真於存思受赤文於靈童保丹
牙以永固食三炁於祝融策赤珪以通靈運
五篇以召神長齋感於大寂上天書名於南

憲可謂坐致之而不難永享之而無窮也
中央赤書玉文十六字則中黃天名導引黃
帝十二炁服食黃牙皆赤書白紙上存思訖
頓而服之則上引元炁於九天下注玄膺於
妙門太倉無糧而自充脾胃不燥而自薰黃

老應響以玄和靈童披禁而告文黃素運走
給命東西妙哉玉訣為萬仙之端

西方赤書玉文十二字則西方七炁素天之
名導引白帝七炁服食素牙皆赤書白紙上
存思訖頓而服之七炁天神玄注素暉以灌

溉明石自生玉芝以澳肺宮開明而納真大
食不哺而自薰素靈應響而驅策參承九天
之門食之不休壽與元始同年

北方赤書玉文十二字則北方五炁玄天之
名導引黑帝五炁服食玄牙皆赤書白紙上

存思訖頓而服之則玄老負籍於朱陵靈童
題簡於赤文五炁流芝澳於枯宅玉泉滂沱
生於端門神鎮靈關腎府生薰太玄玉女役
使東西萬劫不衰玄老同存

右出洞玄靈寶玉訣妙經下

老子曰東方歲星太帝勾芒靈寶東稱符字
通明東嶽泰山官屬四十三百人姓劉字孟
卿直符青要玉女主之於肝於體主兩目左
手脅主東方其時春其行木其音角其色青
其數九法天少陽之炁其獸青龍其日甲乙

諸道士欲求神仙長生不老役使萬神以青
繒為地朱書為文盛以青囊著左肘修德行
道其神自詣諸百姓取青石朱刻符文鎮東
方

老子曰南方熒惑星赤帝太皓靈寶南稱符

字太陽南嶽衡山官屬九百九十九人姓黃一姓陳字幼林直符赤圭五女主之於心於體主口脣舌曾王南方其時夏其行火其音徵其色赤其數三法三光太陽之炁其獸朱雀其日丙丁諸道士欲求神仙長生不老役使神靈以赤縵為地黃筆為文威以赤囊著心前修德行道其神自詣諸百姓取赤石黃刻符文鎮南方

老子曰西方太白星帝少皓靈寶西稱符字通陰西嶽華山官屬十人姓周字元起直符素女主之於肺於體主兩耳右手脅王西方其時秋其行金其音商其色白其數七法七星少陰之炁其獸白虎其日庚辛諸道士欲求神仙長生不老役使萬神以白縵為地墨筆為文威以白囊著右肘修德行道其神自詣諸百姓取白石墨刻符文鎮西方

老子曰北方辰星帝顛頊靈寶北稱符字通神北嶽恒山官屬二十人姓徐字子雅直符玄女主之於腎於體主腰膺陰兩足王北方其時冬其行水其音羽其色黑其數五法太

陰之炁其獸玄武其日壬癸諸道士欲求神仙長生不老役使萬靈以墨縵為地青筆為文著背上今當心修德行道其神自詣諸百姓取黑石青刻符文鎮北方

老子曰中央鎮星帝文昌靈寶中稱符字萬福中嶽嵩高山官屬九百人姓武字太倉直符黃素五女主之於脾於體主腹其王中央治四季其行土其音宮其色黃其數一法地中和之炁其獸騰地其日戊己諸道士欲求神仙長生不老役使萬神以黃縵為地白筆為文威以黃囊著衣領中今綠頸亦可頭上修德行道其神自詣諸百姓取黃石白刻符文鎮中央

右出洞玄自然真一五稱經
无上秘要卷之二十六

无上秘要卷之二十七

續七

上清神符品

佩此符可以經危冒嶮越山跨海召神制鬼封掌靈嶽所之所向千妖伏側萬靈東形羣仙侍衛身生異光

右出洞真神虎內真符

佩此符者威制天地訶叱羣靈控景駕龍位司高仙瓊音既震則玉華侍側金真衛兵千妖喪眸萬鬼滅形

右出洞真金虎真符

佩太極帝君三元真符威以錦囊佩於頭上勿履污穢服符五年得與真相見九年通靈徹視坐在立亡役使六甲天給玉童玉女各十二人乘雲駕龍遊宴玉宮

佩太上寶章符朱書素佩右肘勿污佩之八年三二俱見矣三一相見之後以金為質長

白紙雖黃書之本命日中南向服之畢以白紙丹筆書之以本命日暮向本命服之太一制三魂七魄寶命符常以本命之月本命之日本命之時未書白紙北向服之若不

知生月日時者唯取知一耳亦可以戊午日
日中時服之

太上寶神招帝君符以八節日日中時朱書
白紙服之

帝君太一內精符合十二首皆太上元精
之氣也至真至祕不得妄傳也其別復有太
一外訣符文

右出洞真太丹隱書經

雲精玉景飛玄生符行事朱書青紙服之朱
書青繒佩之五霞之精能知五霞上昇金華
行之七年同景曜羅

命河九源寶章符行事墨書白紙服之墨書
白素佩之此洪波玉精之炁能知九河內名
變化分形上遊九源下沈水靈行之五年萬
變立成

龍胎保精符行事黃書白紙服之黃書白繒
佩之此龍精九化之炁能知龍胎變景昇崖
上遊九玄下戲九嶷行之五年歷劫不期
解形七變符行事青書黃紙服之青書黃繒
佩之此雷電始疑之精此道極妙分景散形

流光萬化與真合冥

七元耀靈玉符行事朱書青紙服之朱書黃
繒佩之身此七星之精變化隱藏昇景玉庭
右出洞真七轉七變備天經

內觀開明玉符當以朱書白紙投水中東向
叩齒三通祝修之八年紫雲覆兆身自朗徹
視洞觀九天體生奇光縱景萬變飛行太空
此道至妙傳已成真人不行於世

流霞開明洞觀玉符東向朱書白紙上叩齒
十二通祝修行九年尅得上仙白日昇天遊
宴玉京

黃炁陽精洞明靈符東向以黃書青紙上叩
齒十二通祝修行九年尅得上仙白日昇天
遊遊帝房

大劫度厄寶命長存符大陽九之會洪水滔
天當以青書白絹佩之頭上浮翔清波之上
萬災不能傷保身長命久佩神仙
小劫度厄寶命長存符小陽九之周水火交
橫萬災並興當以朱書白絹佩之左肘入淵
不沉入火不然萬害不能害保身長命與天

同壽久佩神仙

右出洞真青要金根聚經
天帝君受九天丈人九天玉文
當以壬癸日刻青石墨書文埋所住嶽東方
東向叩齒九通祝曰

制萬魔致神仙真人來見玉女衛形
當以甲乙日刻赤石青書文埋所住嶽南方
南向叩齒九通祝曰

制萬魔致神仙真人來見玉女衛形
當以戊己日刻白石黃書文埋所住嶽西方
西向叩齒九通祝曰

制萬魔致神仙真人來見玉女衛形
當以庚辛日刻黑石白書文埋所住嶽北方
北向叩齒九通祝曰

制萬魔致神仙真人來見玉女衛形
當以丙丁日刻黃石赤書文埋所住嶽中央
向壬叩齒九通祝曰
制萬魔致神仙真人來見玉女衛形
真訣自明白日昇天祕慎勿傳
右出洞真三九素語玉精真訣

太上甲乙入木九炁班符朱書立春之日平旦東向服之

又以正月二月甲寅乙卯之日青書桐板之上今廣九寸長一尺二寸埋之所住東嶽令深九尺惟一日也如此法三年一埋不年年也但存思服御依節行之爾九年青帝及泰山君无感降監映兆身也
太上丙丁入火三炁班符朱書立夏之日正中南向服之

又以四月五月丁巳丙午之日朱書桐板之上今廣八寸長一尺二寸埋之所住南嶽令深三尺丙丁惟一日也如此法三年一埋不年年也但存思服御依節行之爾九年赤帝君及霍山君无不降見於兆形也
太上庚辛入金七炁班符朱書立秋之日曠時西向服之

又以七月八月庚申辛酉之日朱書桐板之上今廣六寸長一尺二寸埋之所住西嶽令深七尺庚辛惟一日也如此法三年一埋不年年也但存思服御依節行之爾九年白帝

君及華山君无不降見於兆形也
太上壬癸入水五炁班符朱書立冬之日夜半北向服之

又以十月十一月癸亥壬子之日朱書桐板之上今廣五寸長一尺二寸埋之所住北嶽令深五尺壬癸惟一日也如此法三年一埋不年年也但存思服御依節行之爾九年黑帝君及恒山君无不降見於兆形也
太上戊己入土一炁班符朱書太歲之日日中後向四季服之

又以三月六月九月十二月戊辰巳未戊戌己丑之日朱書桐板之上今廣三寸長一尺二寸埋之所住中央今深一尺二寸四季惟四一日也如法三年一埋不年年也但存思服御依日而行之九年黃帝君及嵩高山君无不降見於兆形也

太上九源青炁班符常以立春春分之日平旦朱書青紙上東向服之行事訖朱書符桐板上記年月日子某郡某縣某鄉某里某嶽先生某甲年若干歲某月生於符下以青石

九兩青絲纏之著符投之東流之水

太上洞源赤炁班符常以立夏夏至之日正中朱書青紙上南向服之行事訖朱書符桐板上記年月日子某郡某縣某鄉某里某嶽先生某甲年若干歲某月生於符下以赤石八兩赤絲纏之著符投於南流之水

太上洞淵白炁班符常以立秋秋分之日曠時朱書青紙上西向服之行事訖朱書符桐板上記年月日子某郡某縣某鄉某里某嶽先生某甲年若干歲某月生於符下以白石

六兩白絲纏之著符投於西流之水
太上洞川玄炁班符以立冬冬至之日夜半時朱書青紙上北向服之行事訖朱書符於桐板上記年月日子某郡某縣某鄉某里某嶽先生某甲年若干歲某月生於符下以黑石五兩黑絲纏之著符投於北流之水

右出洞真九赤班符經
飛靈玉符太極真人所受服之一年與神同體萬變縱橫形藏玉房其有秘諱不得文書立春之日東北向服符先微呼八景陰名

飛靈玉符服之二年能乘虛駕晨其有秘名不可語人春分之日東向服符先微呼八景陰名

飛靈玉符服之三年隱淪玄霄當以立夏日東南向服符先微呼八景陰名

飛靈玉符服之四年運身玄虛出幽入无當以夏至之日南向服符先微呼八景名諱

飛靈玉符服之五年遊宴八宮出入虛房當以立秋之日西南向服符先微呼八景名諱

飛靈玉符服之六年解形為萬化身為千當以秋分之日西向服符先微呼八景名諱

飛靈玉符服之七年則上宴太清迴化五晨參龍登虛當以立冬之日西北向服符先微呼八景陰名

飛靈玉符服之八年則登玉清任適周遊當以冬至之日北向服符先微呼八景陰名

右出洞真隱地八術經

高上玉晨命魔靈幡白書青繒上主制東方青帝魔靈大王咸保負某嶽先生某甲體真合仙俯仰遣東嶽仙官羽輪奉迎甲身上登

玉清宮紫鳳臺如九天信

高上玉晨命魔靈幡黑書綠繒上主制南方

赤帝魔靈大王咸保負某嶽先生某甲體真

合仙俯仰遣南嶽仙官羽輪奉迎甲身上登

玉清宮紫鳳臺如九天信

高上玉晨命魔靈幡朱書白繒上主制西方

白帝魔靈大王咸保負某嶽先生某甲體真

合仙俯仰遣西嶽仙官羽輪奉迎甲身上登

玉清宮紫鳳臺如九天信

高上玉晨命魔靈幡黃書黑繒上主制北方

黑帝魔靈大王咸保負某嶽先生某甲體真

合仙俯仰遣北嶽仙官羽輪奉迎甲身上登

玉清宮紫鳳臺如九天信

高上玉晨命魔靈幡黃書黃繒上主制中央

黃帝魔靈大王咸保負某嶽先生某甲體真

合仙俯仰遣中嶽仙官羽輪奉迎甲身上登

玉清宮紫鳳臺如九天信

曲素訣辭玄丘大真書隱文朱書白繒佩身

以威六天之鬼役衆精之神命五帝札五嶽符川澤召百鬼素經以攝召山之虎豹御百

川之蛟龍駐使萬邪之訣文

九天鳳炁玄丘真書命魔靈幡連書九尺素

繒上投書佩身若絕世出居則書五色繒畫

命魔靈幡置五方也則制萬靈仰天魔致仙

官

青精保命秘符青書白紙男先服保命符後

服化生丹霞靈符

化生丹霞靈符朱書白紙女先服丹霞靈符

後服青精保命符

朱明保身長存秘符朱書白紙男先服後服

中原黃精符

中原黃精符黃書白紙女先服後服朱明保

身長存符

中元度命保寬秘符黃書白紙男先服後服

金光自然秘符

金光自然秘符白書白紙女先服後服中元

度命保寬符

素靈召神保命秘符白書白紙上男先服後

服玄陰生形上化符

玄陰生形上化秘符黑書白紙上女先服後

服素靈召神保命祕符

通靈長命祕符黑書白紙男先服後服飛仙騰化祕符

飛仙騰化祕符青書白紙女先服後服通靈長命祕符

右出洞真鳳臺曲素經

八鍊金治化仙真符以立春之日黃書青紙投水中沐浴則通身鍊化招日月之玄暉降真人於玉庭并黃書青絲佩身八年與真人交言降致雲輿飛昇金門之上受鍊於金治之池

八鍊丹胎玉符以立夏之日正中丹書黃紙上投水中沐浴則內外鍊化招仙根於陽精致黃炁於黃華迴日月以玄暉感真人於玉宇又丹書黃縉佩身八年真人下降授兆真人飛行太空中昇洞陽之宮

龍景九鍊之符以立秋之日晡時青書白紙上投水中沐浴則骨髓鍊變招玄暉於紫景致陽精於飛根納黃炁於水母降真人於紫軒又青書白縉佩身八年頭有日圓之明飛

行太空中昇廣靈之堂

日毫鍊精陰符以立冬之日夜半黑書青紙上投水中沐浴一身血精並被鍊化致日精於紫景降飛華於八竈鍊五府於玉池運兆身於廣寒又黑書青縉佩身八年身發金光項有圓明真人下降授兆真文飛行太空中昇廣寒之宮

右出洞真黃炁陽精經

太上洞文龜山真符以青書紫縉上此符服之九年閉目存思一旦一夕當見九天仙屬乘龍駕虬飛遊紫虛上造玉庭身與神真不得與世同遊水得長安

東明通真變景陽霞符

春三月行道思神招靈以黑書青紙東向服之百日通靈千日見神徹視萬里坐觀自然役使青真玉女九人致青宮寶書神仙真文又青書黃縉上安所卧席東面以青錦衣之百日則致青老降座青帝神官侍衛神文營護行符者身九年自致青霞之雲載兆飛行所謂精感神降坐致飛仙

南光八鍊丹景四玄符

夏三月行道思神招靈以青書赤紙南向服之百日通靈千日見神萬日飛仙役使太丹玉女八人致流金火鈴登仙丹章又赤書白縉上安所卧席南面以赤錦衣之百日則致赤老降房赤帝神官侍衛神文營護行符者身八年則致絳霞之雲載兆身

西精皓靈化景扶文符

秋三月行道思神招靈以黃書白紙西向服之百日通靈千日見神上真下降與神接願役使太素玉女六人致金精日華治鍊之英又白書青縉上安所卧席西面以白錦衣之百日白老降房白帝神官侍衛神文營護行符者身六年則致三素雲輶降覆兆身北玄鬱真鍊景蕭風符

冬三月行道思神招靈以白書黑紙北向服之百日通靈千日能徹視幽微與神接顏役使太玄玉女五人致五星上妃夫人靈真斗中玄圖神仙寶文又黑書絳縉上安所卧席北面以玄錦衣之百日玄老降房黑帝神

官侍衛神文管護行符者身五年則致玄雲降覆兆身

中央四季之時行道招靈以赤書黃紙向王服之百二十日通靈徹視通知吉凶千日天真下降與神交顏役使黃素玉女十二人致

黃上八道交真玄錄飛仙鳳衣九天靈章又黃書黑縉上安著所座卧席中央以黃錦衣

之百日黃老諸房黃帝神官侍衛神文管護行符者身十二年致黃雲降覆兆形玉輿羽

輪昇兆飛行上入太玄之宮

右出洞真龜山元錄經

上元檢天大錄文以青筆書九尺黃縉上佩身當詣本命之嶽祭天真告九玄盟五靈然後佩焉九年道未降當繕書二通如法登嶽更祭天畢便燒之餘灰揚青煙之霄一通埋

之本命之嶽令深九尺所謂上告九天下告

五靈中告萬神永得長生

三元玄臺玉檢紫文受者當以黃筆書青縉上同祭之於本命之嶽然後佩身九年未昇富又書一通燒之令灰揚於青煙之霄又書

一通埋之本命之嶽令深三尺佩此文以遊八方涉五嶽履河源制地靈使萬神九年得乘三元之輶上昇三元之宮不得冒穢入殮觸忤天真輕告宣靈七祖充責身主失仙

右出洞真三元玉檢布經

高聖帝君曰金闕之內有隱書玉名金闕騰景上清佩之者則金闕刻玉簡注仙名四瀆五嶽靈山營衛送迎九年得乘飛雲役玉女十二人丹書白縉

高聖帝君曰上清金書玉錄上文

有知者飛昇上清位齊四真佩之者則上清刻書金簡注名神仙告下五嶽以仙官扶迎

青書白縉

高聖帝君曰太極白簡文

有知者飛昇太極宮騰景金闕之中佩之者太極刻書於簡文注名於神仙四極營衛九年飛行青書白縉

高聖帝君曰方諸玄素紫名隱文

知者飛昇方諸宮佩之則方諸刻書玄素紫名九年飛行神仙衛迎五嶽記名青書白縉

高聖帝君曰太清玉籍絳名隱文

知者飛昇太清騰景瓊宮佩之者太清刻書絳名於玉籍九年通神飛行給玉童十二人丹書白縉

高聖帝君曰太素瓊簡金書隱文

知者飛昇太素宮上朝三元君得佩之者大素刻書瓊簡九年降致飛雲白日昇天黃書白縉

高聖帝君曰南極有丹文紫錄上文

知者白日飛昇上謁南極上元君得佩之者則南極注名於紫錄九年三元下降授于真書白日昇天丹書白縉

高聖帝君曰玄宮上元青金赤書隱文

知者飛昇玄宮騰景上清佩之者目見上元真形九年降兆之房授兆真書即得神仙青書白縉

高聖帝君曰玄都丹臺白玉金字隱文

知者白日飛玄都佩之者刻書丹臺之名九年乘空景而行黃書白縉

高聖帝君曰三元宮琳札青書隱文

知者白日昇天上翔三元宮得佩之者刻名於瓊琳之札九年三元詣房授兆真文神仙飛行青書白繒

高聖帝君曰玄斗之中玄名錄籍隱文知者得昇玄斗之中飛行上清之宮刻書玄斗之名九年神人下降授兆真書行之神仙黑書白繒

高聖帝君曰五嶽有丹書瓊簡紫錄之名知者白日昇天飛行五嶽佩之五嶽仙官防衛兆身五帝刻名於五嶽之簡九年乘空飛行上昇玄宮青書白繒

太上六甲素奏丹符
甲子素奏丹符朱書白繒佩之以甲子日平旦朱書東向服之願祝悉自存直甲玉女執符在前

甲午素奏丹符朱書白繒佩之以甲午日平旦朱書東向服之
甲戌素奏丹符朱書白繒佩之以甲戌日平旦朱書東向服之
甲辰素奏丹符朱書白繒佩之以甲辰日平

旦朱書東向服之

旦朱書東向服之

甲申素奏丹符朱書白繒佩之以甲申日平旦朱書東向服之

甲寅素奏丹符朱書白繒佩之以甲寅日平旦朱書東向服之

六甲丹書符文依甲子日醮受而佩身命神召靈攝海封山遊行五嶽萬神敬迎役使六甲上天入淵分形散景七十四方所願立得所向立成修之九年除致三元乘空飛行靈飛六甲左右玉女內名玉符

甲子太玄宮甲戌黃素宮甲申太素宮三部左靈飛玉女頭並額雲三角髻餘髮散垂之至腰手中並執玉精神虎之符

甲午絳宮甲辰精宮甲寅青要宮三部右靈飛玉女頭並額雲三角髻餘髮散垂之至腰手中並執玉精金虎符

太極玉精真訣上符以甲子日始二日服一以平旦服八節日中又服之

太極玉精真訣上符以乙丑日如二日服一以平旦服八節日夜半又服之

此二符是靈飛六甲之宗符也服先齋六日乃服服之六十日乃得服六十五女符也主招神開靈通達萬精長服不廢飛仙長生既服六十五女符故當蕪修之也男女各符隨名而用之每至甲子及餘甲日服上清大符十枚又服太陽符十枚先服太陽也勿令人見之陽符朱書陰符黑書

右出洞真七聖元紀經

東方始青陽靈寶真玉符兆欲致青帝玉司君當以立春春分之日黑書青紙東向服之

并墨書青繒佩之九年玉司削兆死過度兆生宮遣青霞綠輶迎兆之身

西方少陰皓靈通真玉符兆欲致白帝玉司君當以立秋秋分之日黃書白紙西向服之

并黃書白繒佩之九年玉司削兆死過度兆生宮遣飛霞素雲迎兆之身

南方太陽丹靈洞天真玉符兆欲致左宮赤帝玉司君當以立夏夏至之日青書赤紙南向服之并青書絳繒佩之九年玉司削兆死過度兆生宮遣丹霞絳輶下迎兆身

度兆生宮遣丹霞絳輶下迎兆身

北方太陰玄精玉符兆欲致玄帝玉司君當以立冬冬至之日白書黑紙北向服之并白書黑繒佩之九年玉司削兆死過度兆生宮遣黑雲綠輶下迎兆身

九河玄靈龍嶠玉符兆欲去離負石填河之役當以本命之日青書黃紙服之三年宿罪滅根九年河伯出迎入水不沉洪泉萬丈翱翔青淵大妙之道非真不傳

清微九玄神生洞元之符兆欲不經清微之天_七左右三官當以月生三日本命之日青書白紙服之青書白繒佩身清微天官下衛兆身九年尅致飛蓋下迎兆身

禹餘玄精保神玉符兆欲不經禹餘天_六左右三官當以月生十五日本命之日黃書青紙服之黃書青繒佩之禹餘天官下衛兆形九年尅致黃霞玄蓋下迎兆身

赤陽洞炎玄精生身玉符兆欲不經大赤天_五左右三官當以月末生十五日本命之日朱書白紙服之朱書帛佩之赤天之官下衛兆身九年尅致丹霄飛輿下迎兆身

右出洞真四極明科

无上秘要卷之二十七

无上秘要卷之二十八

九天生神章品

猶八

天尊告飛天神王此九天之章乃三洞飛玄之炁三會成音結成真文混合百神隱韻內名故太一試觀攝生十方領會洞虛啓誓丹青自无億劫因緣宿名帝圖不得參見得眇篇目九祖同仙

鬱單无量天生神章第一

帝真胞命元元一黃演之炁

混合空洞炁 飛蹇浮幽冢 延康无期劫

眇眇離本條 苦菟沉九夜 乘晨希陽翹

大有通玄戶 鬱單降晨霄 黃雲凝靈府

陰陽炁象交 胞元結長命 惡根應化消

桃康合精延 二帝秀玉標 灌漑胞命元

精鍊神不凋 九天命靈章 生神神自超

元君過死路 司馬誦洞謠 一唱萬真和

九遍諸天朝 稽首恭劫年 慶此榮舊苗

上上禪善无量壽天生神章第二

帝真胎命元洞冥紫戶之炁

无量結紫戶 无尊天中王 開度飛玄奕

變化輪空洞 故根離昔愛 緣本思舊宗

幽夜淪遐劫 對盡大運通 帝真始明精

號曰字元陽 嬰兒史百華 結胎守黃房

斬根斷死尸 熙順養嬰童 禪善導靈炁

玄哺飛天芳 華景秀玉質 精鍊自成容

務玄育尚生 羅列備明堂 太虛感靈會

命我生神章 一唱動九玄 二誦天地通

混合自相和 九遍成人功 大聖慶元吉

散華禮太空 諸天並歡悅 一切稽首恭

梵監須延天生神章第三

帝真竟命元長靈明仙之炁

須延總三靈 玄元始炁分 落落大範布

華京翠玉尊 明梵飛玄景 開度長夜竟

遊奕赴期歸 炁炁反故根 大帝號陽堂

字曰八靈君 九開迴祿道 胎炁生上元

陵梵度命籍 太一輔精延 泥丸數帝席

三部八景分 竟生攝遊炁 九轉自成仙

琅琅九天音 玉章生萬神 三遍列正位

炁參八晨門 玄關過死尸 靈鎮津液源

應會感靈數 明道潛迴輪 慶此嬰兒蛻

稽首讚洞文

寂然兜術天生神章第四

帝真竟命元碼尸冥演由之炁

寂然无色宗 兜術抗大羅 靈化四景分

萬條翠朱霞 遊竟不顧反 一逝洞羣魔

神公攝遊炁 飄飄鍊素華 榮秀椿劫期

乘運應靈圖 空洞生神章 瓊音逸九霄

一唱萬真會 騫奕合成家 九轉景靈備

鬱鬱曜玉葩 兜術開大有 一慶享祚多

上聖迴帝駕 嬰兒歛以歌 不勝良辰會

一切稽首和

波羅尼密不驕樂天生神章第五

帝真藏府命元五仙中靈之炁

翩翩五帝駕 飄飄玄上門 進步黃華野

迴靈驕樂端 採集飛空景 舊奕多不存

太微迴黃旗 无英命靈幡 攝召長夜府

開度受生竟 公子輔黃寧 總錄具形神

玉章洞幽靈 五轉天地分 炁鍊元藏府

紫戶自生仙 數周泉真會 啓陽應感繁

玉女灌五香 聖母慶萬年 三界並歡樂

稽首禮天尊

洞元化應聲天生神章第六

帝真靈府命元高真沖融之炁

應聲无色界 霄映冠十方 迴化輪无影

冥期趣道場 靈駕不待轡 朗然生神章

空洞諒无崖 玄奕亦為強 練胎反本初

長年飛玄梁 斬畜喪天真 散思候履常

斬伐胞樹滯 心遊超上京 願會既玄玄

悟我理無忘 介福九天端 交禮地辰良

混化歸元一 高結元始王 稽首侍靈運

長謝覽慶張

靈化梵輔天生神章第七

帝真元府命元高仙洞笈之炁

玄會統无崖 混炁歸梵輔 務猷運靈化

潛推无寒暑 乘數構真條 振袂拂輕羽

瓊房有妙韻 汎登高神所 圓輪无停映

真仙森列序 上上霄衢邈 洞元深萬巨

秀葉翳翠霞 停蔭清泠渚 邀翫怡五神

繁想彌明侶 五難緣理去 冲心自怡處

奕竟隨本根 壘壘空中佇 七誦重開開

豁淨非神武 運通申中發 高唱稽首舉

高虛清明天生神章第八

帝真華府命元真靈化疑之炁

清明靈霄上 合期慶雲際 玉章散沖心

孤景要靈會 煥落景霞布 神襟虛不道

玉條流逸響 從容虛妙話 靈音振空洞

九玄離幽裔 感奏无凝滯 去留如解帶

明識生神章 高遊无終敗 玄景曜雲衢

跡超神方外 應感无方圓 聊以運四大

研心稽首誦 衆聖垂稱快

无想无結无愛天生神章第九

帝真藏府命元自然玄照之炁

无結固无情 玄玄虛中澄 輪化无方序

數來亦巨衆 誰云无色平 栽栽多丘陵

冥心縱一往 高期清神微 良遇非年歲

劫數安可稱 浮奕緣故條 反胎自有恒

靈感洞太虛 飛步霄上冰 津趣鼓萬流

潛凝真神登 无愛故无憂 高觀稽首昇

右出洞玄九天生神章經

九天瓊文品

太霄瓊書乃九天王飛霄之曲瓊文帝章乃

九天之上文並以元始之初生於自然虛洞

之中虛皇玉帝受之於是天王仍記名焉

鬱單无量天王瓊文第一

太霄空洞炁 結炁成雲營 我王挺神匠

有化若无形 无形中有真 有真无中生

眇莽玄虛上 蕭蕭元始精 法景朗妙覺

玄運來相征 列宿羅玉宇 飛霞起綠瓊

煥落三晨曜 流光鬱紫清 携於玉景臺

解懸藏鳳城 迴霄登九嶺 以啓不窮齡

誰能同此遊 可來尋余名 余名甚易知

安在東華庭 自可朝玄都 精微思帝靈

棄去雲外念 專一守黃寧 披誦太霄章

三關自當明 玄降徘徊輦 虛遣飛霞耕

九天雖云遐 妙想安爾形

上上禪善无量壽天王瓊文第二

靈運登空洞 金真秀瓊胎 法景大寂庭

玄化自相推 歷劫淪九冥 與真契幽期

三晨告元始 運通自來絃 巨巒明霞上

流精耀玉支 顧盼无中有 混合似嬰兒

父寧與母精 逍遙戲鳳臺 落景遊雲房

獨妙誰能知 合慶離羅門 解袞紫霄崖

若欲相尋索 精研琅書辭 迴轉瓊文章

天王自當之 洞存帝一尊 以為求仙基

絕念棄外想 常使心神爽 積感致真降

鬱然煥羽儀 披度七祖根 咸同登雲階

玉章映高靈 瓊文難暴忠 二妙以相和

各稱本不齊 子欲戲九玄 但誦太霄詩

萬劫在俄頃 勿憂天應運

梵監天王瓊文第三

澄清无毫穢 結炁成紫暉 丹霄映監天

羅布西南迴 三晨明列宿 七轉朗太微

靈風迅奇香 玉籟聲何悲 神鳳翔瓊林

群仙振羽衣 天王乘運征 握節總萬機

虛輪擲空洞 遼朗九天扉 攜提霄中寶

解衿入瓊幃 敷爛扶晨炁 耀羅煥玉階

陵梵映朱日 千景翼靈輝 颯颯元化內

玉輦正徘徊 公子命虎符 總攝萬神歸

拔滅七祖根 窮竟皆仙飛 琅書慶雲庭

瓊文洞虛微 精研道日鮮 憶劫重不衰

萬化隨運遷 乃知妙者希

寂然天王瓊文第四

寰景太寂鄉 迴風迅瓊輪

神公輔帝尊 翳翳九化外

徘徊金羅上 嘯歌慶靈雲

五迴道乃分 金房煥嵯峨

左顧見无英 右眇覩白元

太一挺命根 為我記仙籍

清唱運天真 靜息理百關

法服飛青帟 相與契何許

有日若无期 皇華正四貞

道從玄中傳 靈感各有運

不驕樂天王瓊文第五

空中生紫煙 鬱勃翳華宮

丹霄映綠房 翼輔虛中景

萬帝由真運 莫若九天王

含蕊挺虛宮 理化止四維

落景兼八煙 總統輪空同

夕懸扶桑宮 攝板玄園錄

桃康定命籍 明初保劫功

流眇无崖際

丹霄翼綬與

離離開趣門

三唱朗玄覺

流精何紛紛

復昌度黃籙

授我度命文

帝一鎮靈宮

合會九天端

至念棄餘念

至學故多全

流明順運迴

耀靈煥十方

體結自然秀

號為眾帝宗

朝遊西臺館

拔度華青童

流眇无崖際

萬化隨運通

飛步誦太霄

積思感至寂 以致登玄聰

七祖返南宮 五苦非所履

靈歎非常宅 飛雲是我龍

偶景以成雙 何為坐囂穢

化應聲天王瓊文第六

高靈秀空洞 凝炁結朱煙

飄飄天帝真 瓊臺耀巖阿

虛歌逸幽宮 蕭條雲上人

金羅煥中田 天王正九色

洞陽鬱靈標 為兆度命年

流芳灌兆身 仰掇月中漿

水保不終劫 內外洞虛鮮

洞得无極淵 形與混合同

梵寶天王瓊文第七

三晨朗幽夜 流霞耀金日

雪香繞瓊室 公子合慶堂

三元混合宮 微言甚幽密

靜思勿雜匹 寂若雖云无

慶如靡不周 七玄自蒙拔

積福有重基

宿根咸消滅 瓊文有妙章

存念至靈諱 道降同玄一

梵摩迦夷天王瓊文第八

九玄洞元炁 紫素凌玉霄

神融茂瓊條 豁落紫虛館

淵響叩靈機 法鼓振太幽

沈迴薄雲緋 巨響九天外

徘徊紫霞峯 容冶玉皇朝

修欲二象交 虛庭无稽遲

大化不改度 三晨洞靈標

瓊文理清謠 含秀自玄挺

波梨答想天王瓊文第九

玄炁結九霄 紫虛朗太陽

流精凝玉霜 天真乘運迴

冥會自相感 丹霄映輕行

攜契朝玉京 靈化沖漠東

流芬翳朱日 迴風迅奇香

瓊臺吐玉英 蘭芝盈玄谷

神逸感寂宮 幽思徹洞鄉

師真瓊帝章

煥爛金門上

仰燕六胃昌

執契太霄館

斯篇慎忘失

靈秀煥金門

慶雲隨化消

寰景玄晨闕

運駕以逍遙

萬劫不俄頃

去來順運家

琅書慶神室

反容非華翹

飛瓊凌華英

薄雲茂玄梁

幽期高晨府

寥寥冥運鄉

煥爛金門上

仰燕六胃昌

執契太霄館

執契太霄館

執契太霄館

執契太霄館

執契太霄館

執契太霄館

執契太霄館

執契太霄館

太霄琅書瓊文帝章皆以九玄微辭九天王
於空洞之中元始之先玄歌理命遊廣霄庭
青句虛微玄中而生神真實訣故著靈篇得
行此道位同九天微思至諱存神念真靈垂
告感自然登晨

右出洞真太霄琅書瓊文帝章

无上秘要卷之二十八

无上秘要卷之二十九

猶元

三十二天讚頌品

太上道君清齋持戒於西那玉國鬱察山浮
羅之歡敷黃金薦地白玉綠階七寶瓔珞光
明煥日黃雲四纏紫霞三市

元始天尊皆諸天大聖十方至真元極神王
天仙飛仙地仙五帝真人浮空降席流光朗
徹二景冥合太上道君不勝喜悅前進作禮
上白天尊今日衆聖迴降空山羣真歡樂不
比於常伏願天尊賜命西宮上玄真人披空
洞之弦和自然之靈章使未見者見未聞者
聞天尊歡喜而言空洞靈章諸天王音上宮
所重秘不下傳今既良譙歡樂難稱運非常
會理不容藏今當普告三十二天齊真合和
披誦靈章於是道君稽首稱慶諸天歡喜而
各作頌曰
太黃皇曾天頌
梵行冠大羅 薄風抗玄紀 天形有常存
觀世翻然理 屢踐不終劫 探幽度生死
三乘通便路 清虛无塵滓 長夜息對鬼

地獄五苦解 劍樹不搖條 刀山不傷體

門有浩劫公 地无天年子 今日慶期會

諸天並歡喜 不勝情欣悅 高唱稽首禮

大明玉完天頌

宴景玉完上 遊輪躡玄都 逍遙太明中

長燈煥翠羅 靈風拂重雲 龍阜鬱嵯峨

上有飛天人 羽衣互紛葩 下有龍漢民

皆是浩劫家 五道息對鬼 九幽罷三塗

天馬運東井 長源无巨沙 不聞孤寃聲

但作興樂歌 斯樂今无極 當奈來運何

清明何童天頌

无色何童上 梵元理太清 華綺麗玉京

黃雲纏四轡 紫林翠南阜 飄風振朱瓊

鳳嘯長夜閑 十轉九幽明 鳥母過天河

龍負寒井餅 五道絕對根 三塗不羈兵

迴旗徵天魔 黃幡校北營 洞章度幽寬

三界無謠聲 上有福德宮 下有更生形

是為元始法 妙哉空洞經 喜慶稽首誦

高唱歡萬齡

玄胎早育天頌

平育抗三層 迴梯度十方 上披長夜戶
 下朗九幽房 苦魂乘慶歸 飛行入福堂
 山无對怨人 但有浩劫公 元始迴玉駕
 黃旗召靈風 掃除五道場 緣對乘運通
 飛天並歡樂 慶我長生宮

元明文舉天頌

圓網倂空洞 紫輪偉玉庭 文舉敷丹輝
 三便理玉清 離羅曜長庚 九夜煥高明
 三界无死魂 億劫皆成靈 巍巍十聖公
 梵行飛天經 一誦諸天禮 十轉枯骨生

七玄昇朱宮

享福入无形

上明七曜天頌

舞景遊三素 高奔日月宮 七耀煥上清
 鬱儀晞琳房 消魔非洞友 結璘以我朋
 迴度十天人 齊啜飛華皇 朝食五雲炁
 夕喻三晨光 魔夷无世界 偏无五道場

虛无越衛天頌

稱爲福德堂 推度總元紀
 虛无梵大羅 飛網倂天關 號曰越衛門
 四悉晝夜分 九會非常運

天地理自定 歡樂豈常存 此爲福德界
 自生不惡根 奈何來運促 代謝不齊辰
 度今悼來生 故誦哀樂文
 太極濛濛天頌
 濛濛煥重虛 曜靈映朱扉 三十二天童

赤明和陽天頌

長歌昇紫微

赤明開元圖

陽和迴上虛

十部飛天書

開度九幽祖

五阜秀琳宮

生死福德廬

苦根馬得除

長齋誦靈章

功成天地基

世世慶有餘

玄明恭華天頌

數行遍五道

恭華十方經

迴解諸天音

拔度好尚心

黃魔徹大魔

三界通玄路

天心悲魂吟

逍遙玉綺岑

身入衆梵行

長樂七寶林

長樂七寶林

永享无極慶 劫劫自相尋

曜明宗飄天頌

宗飄通玄

曜明高映

元始開圖

敷落五篇

赤童掌錄

八威備衛

靈獸侍真

反香拂塵

綺合長阜

高唱空洞

遊迴十天

灰散還人

飛步入玄

禮誦靈章

神王度命

與劫同年

無虛駕煙

竺落皇茹天頌

與劫同年

皇茹攝元

竺落總神

青籙定仙

黃江迴靈

靈風鼓旗

十絕繞蹇

枯散生津

日精鍊蒐

洞章命魔

十轉八難

斷絕胞根

功登飛天

虛明堂曜天頌

減落九夜

虛明大梵

保命三便

司命執算

梵行大館

錦雲仰迴

元公臨正

是日嘉慶

五道披散

月華下灌

朱童度苦

靈章拔難 七玄昇軒 十轉登漢

七寶林中 歡樂璀璨

觀明端靖天頌

端靖理運 十迴觀明 龍漢蕩蕩

五欲不生 下有泚民 上有三靈

減度九道 轉輪菟形 五帝監度

魔王保明 休息宿對緣 來運乘福生

歡樂無終已 逍遙三界度 諸天齊十聖

稽首誦洞經

玄明恭慶天頌

玄明洞虛 流暉九霞 恭慶承梵

靈風散華 長魔迴仙 赤文攝魔

召龍負水 鳥母卑河 九幽開夜

休息三塗 五苦長解 地獄清和

斬根絕對 反生王家

太煥極瑤天頌

太煥既振 極瑤承浮 開清九門

三便飛流 長更續命 玉燈朗岫

圓華管瑛 黃雲四敷 迴風混合

百神召无 公子執籍 太一度符

司命拔死 生骸起友 逍遙七寶

林中熙遊 十聖齊真 飛天同儔

出入法門 萬劫何憂

元載孔昇天頌

元載眾梵炁 孔昇網八羅 敷雲迴金門

虹映燦朱霞 上有授生童 飛天互參差

食炁長息穴 嚙津黃水華 開夜技巧體

還童反素牙 身入不死劫 名繼玉靈都

神玉定仙錄 五帝符大魔 保明三界難

世世為仙家

太安皇崖天頌

太安皇崖天 紫微映朱日 上有八會炁

靈風鼓慶室 五老攜寶駕 宴景西鬱察

金童敷帝席 神公輔太一 命靈盟五符

攝魔度仙秩 寒庭開夜窓 對魂被幽出

萬萬善緣生 億億惡根絕 天有福堂寶

地无牢獄結 不勝三界清 五神歡且悅

顯定極風天頌

極風羅八員 碧難啓扶搖 風轉八員迴

長更朗幽遠 天通九夜清 眾聖命羽飄

飛步七寶園 大小悉逍遙 高唱誦靈章

一過諸天朝 十轉眾生度 苦魂返舊條

朗朗大有明 惡緣應神消 斯運真難喻

奈何來運彫

始皇孝芒天頌

始皇元一炁 上梵玄中精 運周塵沙劫

開化度眾生 龍漢承康界 開圖號赤明

妙哉元始公 條款敷三靈 五帝承符會

赤書朗長冥 十部大垂門 眾聖讚洞經

飛步旋玄都 三洞繞宮城 神王稽首唱

魔王伏真形 三徒息不掠 朽骸自然榮

南堂多福寶 世為歡樂庭 但恐塵沙訖

福盈天地傾 運來非時求 苦哉難為情

太黃翁重天頌

太黃翁重天 德為三界宗 上有鑒天君

總領鬼神宮 開度生死戶 安置善惡方

緣對互相尋 勞心總陰陽 諸天並慶集

歡樂不比常 於是三塗解 罷除五難場

刀山落鋒刃 九幽開夜光 苦魂披重幽

颯颯昇福堂 輪我三乘門 世世生仙王

无思江由天頌

无思无色界

煥落五篇舒

五老食園宮

練胎反嬰孩

九幽无死鬼

劫劫生仙廬

上撰阮樂天頌

阮樂飛玄景

鐘鼓召天魔

飄飄无色上

窠樹秀玉霞

雙成陽妙曲

夜魂披重羅

福堂饒清實

於是息三塗

无極覺菩天頌

星菩高澄

元炁數暉

五符流煥

眇眇元始初

十天綠羅室

妙童喰靈墟

太一保命錄

門有更生軀

諸天並稱慶

丹雲敷三羅

掃通九幽遜

清元蕩難波

衆聖集琳宮

一唱飛天和

七神返靈胎

地獄无對家

一場萬劫感

一暢萬劫感

虛落十迴

大有通明

元公故威

萬靈伏奕

江由映高玄

義和較重虛

仰喻長更井

南陵按夜居

宿對五苦齋

蕭條誦靈書

迴旗微萬靈

龍鳥負長河

紫微煥七臺

金母命清歌

十唱五苦解

朽骨還更華

運役自然炁

慶賀西玉那

青精始周

赤帝徘徊

萬靈伏奕

羣魔消摧

億劫苦對

死尸生輝

滅度无極

皓庭霄度天頌

皓庭映十

策靈九丘

總炁御運

大象交周

十轉迴玄

金玉滿陽

道遙高臺

淵通元洞天頌

元洞皓明

號曰素靈

七元吐光

灼赫奔星

炁不鏡死

上有劫名

欲得羽衣

天清地除

承運各歸

七祖受靈

福慶巍巍

素暉西浮

飛步攝魔

元始熙遊

元始熙遊

歷度開生

法澤滂流

死氣競歸

飛天爲儔

太白上精

右俠月女

左帶扶生

日童擲鈴

威振淵通

總歸萬方

梵行生生

功滿昇度

富妙朱嬰

九幽廓開

斬根絕胞

皆得仙飛

朱童振杖

制靈召无

倏歛四八

五帝煥符

地藏發泄

白骨生軀

金仙黃母

受度仙庭

金關積簡

月宮鍊形

朱嬰相度

簡入華青

七祖同歡

翰寵妙成天頌

妙成上京

彌落十方

左日右月

生死普隆

冠帶南治

飛登太空

元始同緣

秀樂禁上天頌

秀樂劫運

三十二關

諸聖朝慶

蕭條靈篇

月水瑩華

金玉纏旋

生死同樂

遊宴紫晨

无上常融天頌

俱登上清

玄範化通

无形乘運

德有威光

諸苦拔難

林落朽容

道遙玄虛

世世仙王

禁上迴神

輪儻空洞

齊禮玉門

慶霄流明

日精鍊仙

大運冥會

熙怡欣欣

握運留年

飛景四滂

萬劫蒙遷

飛天攜提

永享自然

降致飛軒

一明天地

長離北鬱

朽骸起步

衣食福堂

周迴梵行

觀世大公

周歷諸天

倏歛上軒

飛行步虛

反香瑞塵

常融灌靈炁 諸天承其真 集採日月華

奔景步結璘 上覈无上道 長更續暮年

不樂騰天飛 取度經北玄 蕩蕩龍漢始

无有惡對民 但患仙者苦 樂為遊方圓

飄飄乘運歸 亦不為苦辛 經古履來會

今得同天賓 齊景西那都 肆歡善因緣

開度七祖奔 萬始集福堂 冠帶飛天羣

振翻洪波上 麾我度命幡 俄頃二儀判

倏歛謁帝尊

太極賈奕天頌

眇眇大羅天 太極玉清籤 賈奕沌元炁

八通坦幽微 梵行无景色 高固无傾危

數盡大劫交 獨為澄清暉 天地並化消

衆聖皆競歸 旋繞七寶臺 躡空振羽衣

遨遊玉園圃 瓊林何萋萋 熙怡不悟朝

修歛大運迴 此時樂何樂 靈寶煥真儀

五文植玄根 豁落諸天開 生過大羅界

大小悉仙飛 今日衆真會 元始難常希

撫掌和空洞 絃歌一何悲 高唱稱萬劫

太上命長麾

右出洞玄空洞靈章經

无上秘要卷之二十九

无上秘要卷之三十

猶十

經文出所品

九天之王萬炁之本宗衆帝之祖先乃九炁之精源以天地未凝三晨未明結自然而生於空洞之內溟滓之中歷九萬劫而分炁各治置立九天日月星辰於是而明萬炁流演結成道真元始上皇高上玉虛並生始天之中三十九帝二十四真遂有宮闕次序之官上皇寶經皆結自然之章以行長生之道不死之方符章玉訣皆起於九天之王傳於代之真至三五改運九靈應期後聖九玄道君推校本元以歷九萬億九千累劫上皇典格多不相參道君以中皇元年九月一日於五天瓊房金闕上宮命東華青宮尋俯仰之格揀校古文改定撰集靈篇集為寶經三百卷以付上相青童君
太霄琅書乃九天王飛霄之曲瓊文帝章乃九天之上文並以元始之初生於自然虛洞之中虛皇玉帝受之於九玄
太微黃書八卷素訣乃合於九天玄母結文

空胎歷稔劫數以成自然之章太皇中年歲

右出洞真太霄琅書妙經

洞真金真玉光八景飛經

元始天王名之八景飛經

廣生太真名之八素上經

青真小童名之豁落七元

大道君名曰隱書玉訣金章

右出洞真金真玉光八景飛經

洞真大洞真經

東華上仙曰太上八素隱書

南華上仙曰大洞真經

北華上仙曰蕭條九曜豁落七元上經

玉皇中仙曰太上高聖八景玉錄

右出洞真大洞真經

洞真太上九真中經

一名天上飛文

一名外國故品

一名神州靈章雖有四號故一書耳

右出洞真太上九真中經

洞真玉晨明鏡金華洞房雌一五老寶經

一名三元五晨法

一名雌一隱玄經

右出洞真玉晨明鏡金華洞房雌一五老寶經

寶經

洞真中央黃老君八道秘言經

太虛真人南嶽赤松子曰此經或名九素上書或名太極中真玉文或名八道金策

右出洞真中央黃老君八道秘言經

洞秘神籙經

小有經下記曰三皇治世各受一卷以治天下有急召天上神地下鬼皆勅使之號曰三墳

後有八帝次三皇而治又各受一卷亦以神靈之教治天下上三卷曰三精次三卷曰三變次二卷曰二化凡八卷號曰八素

墳

右出洞秘神籙經

洞玄真文赤書玉訣經

東方九炁青天真文赤書

一名生神寶真洞玄章

一名東山神呪八威策文

南方三炁丹天真文赤書

一名南雲通天寶靈符

一名九天神呪

一名赤帝八威策文

中央黃天真文赤書

一名寶劫洞清九天靈書

一名黃神大呪

一名黃帝威靈策文

西方七炁素天真文赤書

一名金真寶明洞微篇

一名西山神呪

一名八威召龍文

北方五炁玄天真文赤書

一名元神生真寶洞文

一名北山神呪

在西旬九月上甲之日放梵寶王國之天神化奇挺法運皇篇靈圖隱方結成真文紫度炎光神玄變經者非紫度炎光有本文乃是神經自生空虛之中凝炁成章玄光炎映積七千年其文乃見太微天帝君以紫簡

結其篇目金簡正書其文仍記為紫度炎光
神玄變經者從玄中變而名焉

九天丈人告三天玉童曰九丹上化胎精中
記乃生九玄之初結太空自然之炁以成寶
文二十四真三十九帝悉所修行

隱地八術乃紫清帝君遊隱之道去變之訣
舊文乃有八卷變化八方藏形隱景之事

外國放品經皆玄古洞空之書自然之章謂
是上真帝皇以下及學仙得道莫不受音於
太空

太上黃素四十四方皆九天之上書八會之
隱文也是以太上大道君命上清高仙太極
真人科集品目陳其次序合為黃素神方四
十四首太上九赤班符五帝內真經乃九天
之炁飛玄羽章結成玉文

太上神虎真符太真九天父母所出
太微天帝君金虎玉精真符乃太元上景自
然金章之章

太上神宗玉綬神虎內真符太真九天父母
所出

高上玉晨鳳臺曲素如是九鳳文憂樂之曲
玄丘太真皆九天自然之炁結而成焉

又高上玉晨憂樂之曲空生鳳臺之上靈文
明於五方金音逸朗於十天九曲上真皆鑄
金為簡紫筆書文

八素真經乃玄清玉皇之道
又有地仙自復有八素經論服王氣吐納之
道也

又有九素經論召鬼使精行厨檢魂魄之事
神州七轉七變舞天經凡上清寶經三百卷
玉訣九千篇符圖七千章皆出元始高上玉
章稟承自然之章玄古之道

右出洞玄真文赤書玉訣經
三九素語玉精真訣
上相青童君曰三九素語出於九帝三真命

呪之辭理炁停年開解靈關五藏華鮮
右出三九素語玉精真訣
龍景九文紫鳳赤書

太上閑居峻嶒之臺金華九曲之房說
龍景九天紫鳳赤書

瓊宮五帝靈飛六甲內文
太上六甲素奏丹符

五帝內真通靈之文
靈飛左右六十上符
右並生於九玄之中結清陽之炁以成玉文

右出龍景九文紫鳳赤書
玉珮金璫太極金書
元始天王與太帝君欣靈瑞於太空請上法

於九天啓誓告靈清齋霄庭是日忽天光昏
翳日月晝冥三日三夜碧雞啓晨時有九日
煥明東方玄光朗曜天元復真青鳥來翔口
銜紫書集于玉軒飛空下降玄授天王太帝

二君剋齊高天奉受真文
青要紫書金根眾經乃九天真王受空玄自
生之章

三天正法乃與元始俱生太上所受
石精金光藏景錄形神經乃是高聖玉帝所
出

金真玉光太上隱書太上大道君所受九玄
之精

右出玉珮金鑑太極金書

大洞真經三十九章

此經之作乃自古玄微十方元始天王所運

右出大洞真經三十九章

洞玄赤書經

元始洞玄靈寶赤書五篇真文生於元始之

先空洞之中

又云五老靈寶五篇真文元始天書生於空

洞之中為天地之根

又云元始赤書五篇真文上清自然之書九

天始生之玄扎空洞之靈章成天立地開張

萬化

右出洞玄赤書經

洞玄智慧大戒經

元始天尊以開皇元年七月一日於西那玉

國靜察山浮羅之嶽長桑林中授太上大道

君智慧上品大戒法文

右出洞玄智慧大戒經

洞玄通微定志經

天尊曰卿並還坐吾欲以恩微定志旨訣告

之其要簡易從易得悟不亦快乎二真曰思

微定志為有經也天尊曰都无文字二真曰

斯徒單壁无底大癡如无文字何從得悟答

曰即時一切經書本无文字也今日之言不

亦經乎

右出洞玄通微定志經

經符異名品

洞真黃庭內景經

一名太上琴心文

一名東華玉篇

右出洞真黃庭內景經

洞真高上滅魔玉帝神慧隱書經

高上滅魔殺鬼上法

一名九天命靈文

高上九天驅除玉帝神慧

一名九天驅除神呪內法

右出洞真高上滅魔玉帝神慧隱書經

洞真金根經上

上清玉霞紫映內觀上法

一名金精石景水母玉胞經

一名採服日根招霞之道

右出洞真金根經上

洞真九赤斑符五帝內真經

一名白羽中林飛天九符

右出洞真九赤斑符五帝內真經

洞真丹景道精隱地八術經

一名乘虛馭空

一名隱輪飛霄

一名飛靈八方

一名解形道變

一名迴晨轉玄

一名隱地舞天

右出洞真丹景道精隱地八術經

洞真三元玉檢三元布經

一名三元玄臺玉檢紫文

一名九天真書元始檢地之錄

一名三元虎書

一名飛天上真

一名檢仙真書

一名太真陰陽靈錄三元章

右出洞真三元玉檢三元布經

洞真黃氣陽精三道順行經

一名藏天偃月

右出洞真黃氣陽精三道順行經

洞真九丹上化胎精中記

一名瓊胎靈曜

右出洞真九丹上化胎精中記

洞真太丹隱書

一名帝君七化變景九形

一名太一三度帝寶五精

右出洞真太丹隱書

洞真玉珮金璫太極金書上經

玉珮以九天寬精九天之上名曰晨燈

一名太上隱玄洞飛寶章

金璫以九天寬靈九天之上名曰虹映

一名上清華蓋陰景之內真

右出洞真玉珮金璫太極金書上經

洞真瓊宮左右靈飛六甲上符

一名玉精真訣

一名景中之道

一名白羽烏翮

右出洞真瓊宮左右靈飛六甲上符

隱元上經

洞真經三十九章高上元皇道君元始自然

玉章

一名太真道經

一名三天龍書

右出隱元上經

洞真神州七轉七變舞天經

一名藏景匿形

一名出有入无

右出洞真神州七轉七變舞天經

洞真太微黃書八坦上經

第一名八坦四門高上經

第二名九重中華紫素

第三名上元錄金安明

第四名玉室寶雲中曜

第五名三氣九變水火母

第六名太微中神五道步空飛行

第七名石景金陽素經

第八名九天八錄交帶真文

一名八威制天文

右出洞真太微黃書八坦上經

洞玄太極隱注經

太上玉經隱注曰上清之高首極真之微辭

飛仙之妙經也靈寶經或曰洞玄或云太上

昇玄經皆高仙之上品虛无之至真大道之

幽寶也三皇天文或云洞神或云洞仙或云

太上玉策此三洞經符道之綱紀太虛之玄

宗上真之首經矣豈中仙之所聞哉

右出洞玄太極隱注經

无上秘要卷之三十一

无上秘要卷之三十一 猶上

經德品

五老靈寶五篇真文元始天書生於空洞之中為天地之根靈尊妙貴法教威嚴三元開張德冠諸天有一十四德

- 一者其德如太虛空无蕩蕩為元始之宗
 - 二者其德如虛无无中生有有中歸无
 - 三者其德如大道威靈恢廓為神明之寶
 - 四者其德如天澄清高虛廣覆无邊
 - 五者其德如地開張廣納无毫不載
 - 六者其德如三光照耀諸天普受光明
 - 七者其德如高真敷演玄教為天中之尊
 - 八者其德如神人廣度一切普受自然
 - 九者其德如太玄清開廣置為神仙之都
 - 十者其德如雲雨一切萬物普受其蔭潤
 - 十一者其德如風一切萬物受其施洩
 - 十二者其德如四時一切萬物受其成生
 - 十三者其德如泰山保固元祚安靈鎮神
 - 十四者其德如大江蕩蕩无礙莫不開容
- 靈文妙重斯一十四德其德如之巍巍高範

量難可勝嶽蔭神流萬劫无窮開明元化莫不由焉

右出洞玄赤書經

老子曰太上靈寶常先天地始生從本无數劫來混沌自然道真者也在道為道本在法為法先十方神人皆始於靈寶

老子曰混沌之初微妙之源開闢以前如有靈寶自然真文象帝之先吾為靈寶大道之淵門受其精妙即為天地人之神

老子曰太上靈寶生於天地萬物无象空洞

大道之常運于无極无為而混成自然貴不可稱尊无有上故曰太上天无包細无不入理妙巨尋天地人所由也在天五星運炁日月耀光在地五嶽致鎮山高海淵在人五體安全

夫天无靈寶何以耀明地无靈寶何以表形人无靈寶何以得生是故萬物芸芸以吾為根以我為門何以為根門吾有靈寶文

老子曰蛇得靈寶化為神龍鳥得之變為鳳凰凡獸得之改為麒麟凡夫得之號曰聖人

何謂聖人子有通聖真文能服之遊戲五嶽道遠于空改易五内變化形容役使鬼神通微十方隱见无常登高乘雲遠遊高濤

老子曰靈者通道也能通大道至靈致役萬神寶者能與天地相保故曰靈寶太上道之極尊

極尊

老子曰國之將興修致此文人欲富貴不老能致靈寶天子得之鳳凰來儀五星合度日月光耀四方賓伏天下清晏妖惡不生諸侯同歸壽與天地萬兆不衰諸侯得之列宿合

光利國宜家位主昇遷長生久視終保无殃

大夫得之長延无窮貴位重祿昇進王侯

右出洞玄五經

高上三元布經乃上清三天真書上真玉檢飛空之篇上元檢天大錄下元檢地玉文中

元檢仙真書

三元篇曰玉檢之文出於九玄空洞之仙結自然之炁以成玉文九天分判三道演明

天无此文則三光昏翳五帝錯位九運翻度七宿奔精

地无此文則九土淪淵五嶽崩潰山河倒傾
學无此文仙官不降地官不管九天之上不
書玄名徒勞為學道无由成其法高妙三元
秘篇有得其文位加仙卿
右出洞真三元玉檢經

道言昇玄經者蓋天地之要道德之宗上聖
所專貴鬼神所畏服其高則出九天之上其
深則通九地之下千變萬化道盡於此
太上曰吾前世為求神仙鍊石服芝正得延
年雖壽千年萬歲死輒更苦雖有力能移山
駐流懷藏日月故不免三塗八難後遇无上
天尊得聞靈寶經并齋法案經修行千有七
載得成真道遂見過去將來現在三世善惡
之事

道陵曰不審昇玄以何義故願垂哀念分別
解說使將來有緣得了幽奧
道言汝所諸問甚為真要吾當判說諦聽勿
忘夫昇者上也是諸十方大聖不生不死真
人得道者莫不昇度三界上登金闕身生水
火與空合德彌綸至精遠豁无窮上包諸天

羅於无涯下入无底妙於細微昇上无形湛
體自然

玄者无光之象无物之狀迎之无首追之无
後近不可以親遠不可以踈總統大妙天中
之天真中之真神中之神有得之者即名昇
玄

道陵曰弟子成真以來身登玄宮經今九載
方得受聞昇玄妙經

右出昇玄經

高上老子曰道家經之大者莫過五千文洞
玄洞真之訣也此書虛速誦之致大聖為降
雲車寶蓋馳騁龍駕白日昇天五千文是道
德之祖宗真中之真不開穢賤終始可轉讀
數演妙義則王侯致治齊而誦之則身飛仙
右出洞玄詩問經

經文存廢品

天尊言我歷觀諸天從億劫以來至于今日
上天得道高聖大神及諸天真人九宮五嶽
飛仙之人莫不悉從靈寶受度而得為真斯
經專妙度人无量大劫交周天崩地淪四海

溟合金玉化消萬道執訖而此經獨存其法
不絕凡是諸雜法導引養生法術變化經方
支散雜俗並係六天之中慾界之內遇小劫
一會其法並滅无復遺餘其是太清雜化符
圖太平道經大小品經並周旋上下十八天

中在色界之內至大劫之交天地改度其文
仍没无復遺餘其玉清上道三洞神經神真
虎文金書玉字靈寶真經並出元始處於二
十八天无色之上八劫周時其文並還无上
大羅天中五京之上七寶玄臺災所不及

右出洞玄靈書度命經

道言吾法輪妙經从无數劫來有如塵沙塵
劫不足為譬天地成敗非可勝數眾經盡消
而吾經不滅隨運轉輪開化日隆廣度无極
經中之尊猶如諸天開化无有是經其法不
行如是一切施張教法此經最為其先如眾
星普耀此經如月盛最為其明照耀十方猶
如三界闡冥不消是經如日之出普照諸天
无不朗清猶如萬川之流是經如湯谷之淵
為巨海之源无不歸宗猶如須彌之高是經

如玉京之山无不包藏此經微妙與天地長存諸天元王高仙上真无億數量莫不奉命此經如是普濟衆生學與不學廣闡法門上理三光中調陰陽下開萬生皆從受覆陰枝度七祖開濟窮魂生死傷敗莫不成就輪轉不滅如船渡人

右出洞玄法輪妙經

遇經宿分品

七聖玄紀迴天上文或以韻合或支類相參或上下相會以咸字音或標其正諱或單復相薰皆出玄古空洞之中高聖撰集以明靈文後學之士名參其篇得受寶訣自然上仙然有六合復有七傷寶之則合忽之則亡有分之身勤加精誠長齋重阜遠尋幽山燒香行禮晨夕誦經兼諸雜想心注太真尅得玄降白日飛騰
凡後學之士或不書玄簡而備得寶經者皆以已身有宿世重德豐柯垂蔭慶達其身或身有冥功志分出群單心苦行上感玉皇四極所奏五嶽記名致遇經師得受寶文如

使精勤不犯七傷則致真人下降授其真文得見上聖玄紀之文者皆以玄古有飛仙之分尅書於未生之象逆注於玄虛之篇既稟人道青官疏名四司所保五帝所證玉虛結藏紫絡植根骨有奇光舉形合仙四極潛降陰授寶文太一定籍司命改年蒐固鬼安六骨結真萬神總具尅成上仙

高聖帝君曰凡得七聖玄紀迴天九霄雖未昇騰皆青官疏名告下五嶽符諸靈山河海司官防衛其身玉童玉女各十二人侍衛靈

文奉經行真此玄挺應會理合自然上聖皆以逆注青籙位准仙卿須以道備四真諸房降下靈輿白日登晨俯仰之格隨品進仙此道遐妙非以常學所可闡聞
高聖帝君曰凡有五骨丹文列名帝國得見七聖玄紀

凡有金髓紫臟名題金札得見隱書內文凡有神奇異毛紫胞玉絡名標上清得見白簡上篇

諸有流精紫光內照外纏寶藏金容名書玉

虛得見青籙之文

諸有神挺應國瓊胎紫虛名題東華得見七傷檢文

高聖帝君曰後學有好尚務勤修人和行柔包弘四大觸類有容如此之人皆玄名題於帝籍紫字結於玉篇納烝啓於神圖德尚顯於合仙內則太極監映外則總大匠之宗功滿道備則自然白日昇天
右出洞真七聖元紀經

紫微夫人說王母言曰九炁陶鑄太一運神子既得為人人亦衆矣自无太一靈簡三元金名司命隱符五老紫籙雖受天炁而生皆不得聞見至道

子又无玄官紫札上皇寶名太一玉籙東華隱圖三元銘神太帝參魂者雖受天之性既得暫聞至道亦不能修為不能久久如不固固而不專專不能洞適可隱存五嶽登行常生之塗耳不得八景超霄浮煙控暉飛騰靈羽踊躍太无

又无瓊臺羽札流雲五板太一金闕五皇隱

錄後聖七符空山石函丹臺素章玄黃五行
天母抱圖太上圖名保真秀景光鍊神軀之
錄者皆不得見洞真玄經觀帝君之變又不
得聞消魔神虎智梵之詠又不得聞太上隱
書八素之辭又不得聞太洞真經三十九章

金真玉光豁落七元

諸學真之人而受此書皆有太帝自名西華
宮有琅簡藥書於紫宮當為真人者乃得此
文乃是子未生之前五千歲已有玄名定錄
當遇此經子勿以始受此書而謂非宿命之
分。

右出洞真太丹隱書經

凡名參上清金書玉錄者得見太上衆文錄
凡名參太極白簡青文者得見除六天文三
天正法

凡名參方諸玄素紫名者得見太微靈都媯
轉真文

凡名參金闕玉名者得見九老仙都玄流紫
極元君真書

凡名參太清玉籍諱名者得見清和宮天帝

君真書

凡名參太素瓊簡金字者得見紫微玄宮五
帝飛天真書

凡名參玄都丹臺白玉金字者得見玄洲仙
伯關天萬仙真書

凡名參南極丹文紫錄者得見崑崙壺臺飛
天真文

凡名參玄宮青金赤書者得見蓬萊高上真
書

凡名參三元宮琳札青書者得見天帝丈人
黃上真書

右出洞真三天正法經

若有金名東華綠字存上清者得遇此符

右出洞真神虎內符
非有瓊錄玉名刻簡三清者皆不得金虎內
符及聞太上之玉篇

右出洞真太微天帝君金虎真符

自无金名蘭臺丹字紫房不得見聞此書
右出洞真金元羽章玉清隱書

有金名玉字列圖者骨藏生華當得此文

右出洞真消魔大王白神內祝文

若有金骨玉名參清宮得有此文
右出洞真高上滅魔神慧隱文

若有玄圖帝簡綠字上清金骨玉藏當得此
文

右出洞真金房度命內真經

凡有金名帝簡紫字上清得受此文皆宿挺
應仙青宮記名

兆身无奇杰特鍾自然合神神光內照羽暉
映玄太素生五藏七靈入泥丸骨有五帝之
玉暉血有流金之浩泉如此皆天仙之相自
无此天相亦終不與此經師相遇

右出洞真高聖金元八景玉錄經

上相青童曰凡有金骨玉體名參青宮得有
此文

右出洞真素靈天有妙經

自非有金闕玉名及綠字東華皆不聞見此
二章之篇目

又云自非宿有飛玄天仙之骨錄者莫得而
見聞

右出洞真鬱儀奔日赤景玉文太上玉晨
結璘奔月黃景玉章

若有金書東華得見此文則宿運應仙

又云自非金名玉格莫得聞見求仙之夫无
五符佩身五嶽仙官不衛兆形

右出洞真紫度炎光神元經

若有骨相值合或精求苦念感徹上清得見
此文其名便已逆注青宮依科奏簡便成真
明矣

右出洞真青要紫書金根衆經

玄映上道玉清高靈之文皆授宿有玄名九
天刻簡來生金書玉錄琅玕瓊文應為真人
者

右出洞真迴元九道飛行羽經

若有金名東華綠字紫庭得受妙篇位登玉
清又云子有玉骨得見此文

右出洞真三九素語經

若有玄圖帝簡錄字紫清金骨玉髓名書青
宮九天王自當遣四極真人下授兆身瓊文
帝章也若有宿緣遭遇明師玄挺運會應得

此文剋成上仙

右出洞真太霄瓊書瓊文經

夫有宿命應得見此文者皆玄挺開會必有
神仙定分

右出洞真黃炁四四方經

有金名玉骨寶字上清得有此符佩之三年
便得為五嶽真人

右出洞真九赤斑符五帝內真經

宿有五名應為神仙真人者有能究其篇者
有金名東華書字鳳闕乃得見此文

右出洞真玉晨鳳臺曲素上經

若有金名玉字列奏玄圖應得此文

右出洞真黃炁陽精三道順行經

南極上元寶秘玉檢之文自无金骨玉髓玄
名帝圖不得見其篇第

右出洞真三元五檢布經

有骨相合仙名書帝錄之人乃得有其文

右出洞真九丹上仙胎精中記經

當傳骨相合仙之人有得見者太極書名奏
之上清

右出洞真玉佩金璫太極金書上經

有金名列於上清精丹感於九天得見此經
右出洞真元真洞飛二景寶經

无上秘要卷之三十一

十一

十二

无上秘要卷之三十二

猶三

衆聖傳經品

黃帝曰大洞玉清之文皆皇上高真所修不傳地上之士洞玄上清之經時當下教以授至學之士洞神三皇之書傳訓下世鎮化佐國扶濟兆民

右出洞神經

高上帝君告上相青童君曰凡諸天文三十六國九地之音皆玄古洞空之書自然之音諸天上真帝皇以下及學仙得道莫不受音於太空佩文以遊行

右出洞真外國放品經

結九元正一之炁以成憂樂之辭明於玄臺之上字方一文蔚煥爛洞明九天七寶華光流耀上清玄都丈人受之於太空後以鳳文真書玄授於太上大道君道君傳太極真人太極真人以傳東海方諸青童大君

右出洞真鳳臺曲素上經

神虎真符太真九天父母所出太真丈人以傳東海小童九天真王以傳太上道君

右出洞真神虎真符

高上玉帝以傳太微天帝太微天帝以授後聖太平道君

右出洞真高上神慧隱書

上相青童君曰九天丈人三天玉童同時傳太帝君太帝君以傳南極上元君上元君以傳西王母西王母以傳太微天帝君天帝君以傳金闕聖君金闕聖君以傳上相青童君青童君傳西城王君使付後學應為真人者

右出洞真三元素語玉精真訣

太霄琅書者乃九天仙王飛霄之曲瓊文帝章者乃九天之上文并以元始之初生於自然虛洞之中虛皇玉帝受之於九玄經萬劫傳於太真王太真王以傳太華真人三天長生君太和真人東華老子南極總司禁君西臺中候北帝中真九靈王子太靈真妃赤精玉童玄谷先生南嶽赤松中山王喬紫陽真人西城王君中皇先生趙伯玄等並修受此經

右出洞真太霄琅書經

金鑑太霄隱書玄真洞飛二景寶經以傳高聖玉晨太上大道君三天玉童西龜王母紫精太素三元君中央黃老帝太帝以傳天帝君太微帝君南極上元禁君皇天上清金闕帝君

右出洞真玉佩金璫經

太真九都上皇太極四真人受之於太上玉晨高聖道君

右出洞真靈飛六甲內文經

九天丈人曰九丹上化胎精中記太帝君以傳南極夫人南極夫人以傳太微帝君太微帝君以傳後聖金闕帝君金闕帝君以傳上相青童君青童君更撰集施用上下次第付西城真人

右出洞真胎精中記

太上玉晨高聖君受之於九玄七千年乃傳太極真人東華大神方諸青童扶桑暘谷神王清虛真人告盟於上清裂金以誓身有其文者即隱淪八方有修其術則乘虛駕空口而受不得妄傳

右出洞真丹景通精隱地八術經

凡上清寶經三百卷玉訣九千篇符圖七千
章皆出高上玉帝稟承自然之章玄古之道
其道秘在九天之上大有之宮相傳五文以
付上相青童君

右出洞真七轉七變儻天經

八素真經者乃玄清玉皇之道也上皇天帝
以此書授太微天帝君三元紫精道君真陽
元老君此三君受書施行道成後以付太上
道君太上道君以傳後聖李君李君以付太
虛真人南極赤松子使下授學道宿有金名
者

服日月皇華之道元始以經傳高上玉皇九
天王九天丈人於空玄之中表文於西龜之
山玄授於西王母太上大道君受之於九玄
以傳扶桑大帝君金闕帝君受之於北元以
傳上相青童君大帝以傳四極真人玄古之
道炁炁相胤真真相傳

右出洞真太上八素真經

太帝天帝太微天帝三君昔受玄丹上經於

太上大道君施行道成上稱玉帝之真臨昇

霄之日太帝以經傳西王母太上天帝君以
經傳南極上元君太微天帝君以經傳金闕
聖君聖君傳上相青童君青童君傳消子

右出洞真太微天帝君玄丹上經

太上寶章傳於大帝君天帝君傳天帝君天
帝君傳太微天帝君天帝君傳金闕帝君金
闕帝君付東海青童君

右出洞真素靈大有妙經

九赤者乃九天之炁飛玄羽章結成五文元
始丈人以傳太上大道君元始天王以傳南
極上元君太上以傳扶桑大帝太帝以傳太
微天帝君太微天帝君以傳後聖金闕帝君
金闕帝君以傳上相青童君青童君以傳南
極上元君上元君以傳洪崖先生洪崖先生
以傳太極四真人皆炁炁相傳

右出洞真九赤斑符內真經

如是九天鳳文慶樂之曲玄丘太真皆九天
自然之炁結而成焉靈文表異於空玄之中
經九萬之劫玄都大人受之於太靈以傳太

上大道君道君傳太極真人真人以傳東海

方諸青童君

右出洞真鳳臺曲素上經

昔上元夫人以隱文授太和玉女太和玉女
授切陽君

右出洞真玉清隱書經

玄都仙王昔受之於太微三老西城王君昔
受之於龜山王母

右出洞真太微黃書經

青要紫清帝君之別號受元皇帝紫書妙訣
皆衆經之要秘九天之上書八會之隱文也
玉帝命高上總仙君科集寶目合為衆經以
紫光繒文金簡為篇皆出上皇玄古之道高
聖所撰集以成傳於青要帝君帝君傳上虛
皇九靈道君道君傳太素高靈洞耀道君道
君傳南極上元君上元君傳天帝君天帝君
傳太微天帝君天帝君傳後聖九玄帝君帝
君傳上相青童君披九天三關之大法太帝
之上篇以傳天帝君天帝君以傳南極上元
君上元君以傳太微天帝君太微天帝君以

傳金闕帝君金闕帝君以付上相青童君使
教後學應爲真人者

右出洞真青要紫書經

金真玉光八景飛經乃生九天之上元景之
先玄光流映若亡若存玄精曉霽洞耀理宮
積七千餘劫其文甚明仰著空玄之上太虛
之中覽之不測毀亦不亡於是九天丈人以
建始元年受之於空玄以傳元始天王廣生
太真太上大道君青真小童五老上真三十
九帝上皇先生萬始道君南極上元紫素三
元君西龜王母太素三元君太真夫人上皇
先生以傳紫清帝君元始天王以傳黃石先
生三天玉童太上大道君以傳東海小童紫
微夫人後聖九玄金闕帝君以付上相青童
君太極四真人西城王君如是寶訣皆上真
口口相傳

右出洞真金真玉光八景飛經

如是寶文大帝君常所寶秘以傳天帝君天
帝君以傳南極上元君南極上元君以傳太
微天帝君太微天帝君以傳金闕聖君金闕

聖君以付上相青童君使教應仙之人

右出洞真天關三圖七星移度經

八天虛皇帝君受之於九空太上以傳玉清
帝君帝君以傳消魔大王十王以傳五帝上
真君真君以傳高上玉皇玉皇以傳太帝太
帝以傳太上大道君大道君以傳太微天帝
君天帝君以傳後聖九玄金闕帝君帝君以
付上相青童君

玉清鬱悅那林昌玉臺天九暉大晨隱書金
玄內文元始先生所佩以傳鬱羅真人

玉清高桃厲冲龍羅天觀靈元晨隱書金玄

內文九老仙都所佩以傳廣靈丈人

玉清碧落空歌浮黎天總晨九極隱書金玄

內文玉清高元君所佩以傳南極上元君

玉清岬摩坦婁于翳天昏曜旋根隱書金玄

內文九天真王所受以傳太上大道君

玉清扶刀蓋華浮羅天玄景晨平隱書金玄

內文太素三元君受之於元始天王以傳太
和玉女

玉清貝涓耶渠初然天合暉晨命隱書金玄

內文扶桑大帝受之於大霄真王以傳太微
天帝君

玉清冲容育鬱蔽沙天齊暉晨玄隱書金玄

內文西王母受之於北極皇上先生以傳赤
精上真君

玉清單綠察實輪法天高上龍煙隱書金玄

內文後聖九玄金闕帝君受之於高元虛皇
浮景君以傳上相青童君

右出洞真高上金玄羽章經

太上大道君告北極真公曰九星上法玄映

之道吾昔受之於元始于今七億萬劫經天
地成敗萬品衰滅而其道獨存今猶修之於
雲景之上而不能忘之於時節者意玩此道

高妙愛樂夫人之接過也況來生始學飛鷲
之舉而不知幽尋空之法何由得重霄之

門觀天地之始終子既無此道特與九晨非
域夫人絕遊也徒有玄名帝錄超卓高騰正

可得策駕雲龍遊眇五嶽但不死而已矣如
望踐斗魁遊步華晨騰景玉清當未期也當

臣御劫運封掌十天科簡玄錄理判神仙宜

受此法以綜萬生今出相付子祕而修焉真公於无量壽天以金羊銀鴈列帛華晨之下奉受訣文修之以傳方諸青童君

右出洞真迴元九道飛行羽經

太上大道君昔受飛行羽經九真身玄上記

寶言紫文綠金之字超空躡虛浮景之道於玄清上宮虛皇真道君後太上道君以其要

傳上清帝君帝君傳上元太素君又傳太微

天帝君帝君施行真祕以傳晨中黃景君黃

景君以傳皇初紫靈君紫靈君以傳中央黃

老君黃老君以傳九微太真玉保金闕上相

大司命高晨師青童大君以此文教授當為

真人者

右出洞真太上飛行羽經

上清清微天始青正法六天文元始傳九天

父母萬始先生

三天真書一名金陽洞靈文三天玉章所出

傳皇上先生

太上衆文錄太上傳金闕帝君三元玄臺告

六天符傳太上玄老

三天正法傳鬱絕真王

三天九微玄都太真陰陽靈錄上元章太帝

大人受之於太虛无上真君

太微靈都宛轉真炁三方文九天真王以授

太上丈人

九老仙都玄派紫極真元君受之於三天玉

童驪虎豹符九炁文人受之玄私陰陵上帝

清和宮天帝君皇熙真書太上元君以授黃

軒紫微玄宮玉飛天真書太清元始天王以

授西王母

玄洲仙伯闕天萬仙真書東海小童以授得

道人崑崙墟臺靈飛天真太上大夫以授衆

仙得道者蓬萊高上真書玄成清天上皇上

皇以傳靈封

右出洞真三天正法經

南極上元君受之於高上投盟天空以傳太

微天帝君帝君傳西龜王母王母傳金闕帝

君帝君以付上相青童君使授後學

右出洞真黃氣陽精經

智慧觀身大誠元始天王太上高聖君相與

登洞真之室說而誦之以傳太微天帝及太極高仙王公口口而已不書於文

右出洞真觀身大誠經

智慧隱經道行大願上誠寶真品太上虛皇

傳太上大道君道君傳太微帝君帝君傳九

微太真太真傳太極大法師及傳太極高仙

王公不告諸中仙

右出洞玄安志經

太上玄一真人曰太上真一勸誡法輪妙經

太上虛皇昔傳太上大道君道君傳太微天

帝君天帝君後聖金闕上帝君命付仙卿

仙公仙王已成真人不傳中仙

右出洞玄法輪經

傳經年限品

凡上清寶經三百卷玉訣九千篇符圖七千

章舊科皆萬劫一傳自六天罷退三道正明

運度相促至道應行改科七百年聽傳若七

百年內有至心骨相應玄錄字上清者皆得

依盟而傳

右出洞真七轉七變儻天經

諸有太上飛行羽經昇玄九道者聽三千年六傳遇其人一日頓授之

依九天格九萬年一出太上大道君又告青童君曰九天有禁萬劫一傳今運度交周炁反上清道運應行於金臺依玄科七百年有其人聽三傳

太上羽經躡步天綱九晨君及九星夫人空常內名步玄隱化高虛上道及高皇玉帝之禁書也依九天格萬劫一出自開皇以來推運歷數其運度促皇上出命使太上大道君傳於後學應為真人者九十年聽三傳若九千之中有其人聽頓傳授限竟不得復出

右出洞真迴元九道飛行羽經
百年之中有上學真人未見是文聽傳二人
右出洞真三元玉檢布經

洞真天關三圖七星移度經七百年一出
依四極明科使七百年中得傳三人

右出洞真黃素四四方經
依上皇之初舊經萬劫一傳三天立正改七千年聽得三傳七百年內有其人亦聽三傳

右出洞真太上素靈大有妙經

初今三百年得宣傳一人却七百年乃復得傳一人

右出洞真九真中經
依四極明科七百年內聽三傳百年內有其人聽再傳

右出洞真元始變化寶真上經
玉清隱書有四卷乃高上玉皇昔受之於玉

玄太皇道君禁書玉皇所寶妙松以付太極四真人使掌秘藏之五十年內聽三授授於上清之真人若一年遇三人亦聽授之限過不得復傳

右出洞真太上隱書經
依科七千年有骨相合仙名書帝錄之人得傳今有其人七百年中聽得傳三人

右出洞真九丹上化胎精中記經

太上素靈有大玉篇九真明科皆傳骨相合真之人依上皇之初舊經萬劫一傳三天立正改七千年聽得三傳七百年內有其人亦聽三傳

右出洞真雌一內神寶玉名經

九赤者乃九天上炁飛玄羽章結成玉文其道至妙依科七千年一傳

右出洞真九赤斑符內真經
靈文表異於空玄之中經九萬之劫玄都丈

人受之於太虛後青童君傳宿有玉名應為神仙者七百年三傳百年有可授者聽傳二人

右出洞真高上曲素上經

昔上元夫人以隱文授太和玉女七百年當授合真通玄之人

右出洞真玉清隱經

洞真高上金玄羽章經依科皆七百年聽傳合仙之人

四真人曰依四極明科七百年內傳三人當為真者

右出洞真神丹籙形靈九經

洞真青要紫書經依玄科七百年內聽三傳舊科皆經萬劫一傳自六天罷退三道正明運度相促至道應行改科七千年聽傳若七

百年有至心骨相應玄者依盟而傳

右出洞真高上元始道章經

三天頌文三天元始秘於三素之房九曲瓊

室千年一傳

青童君曰自唐之後得此文乃七千人皆得

馭飛龍而玄昇晏鴻翮而騰翔或託形輪化

潛引而飛空也如此不可具記依三天格制

七百年一出

右出洞真三天正法經

洞真太霄琅書經萬劫傳於太真王

太虛真人曰此太上之靈文登辰妙道七百

年聽三傳上宰王君曰百年之內有二人可

授之

太上曰修行五星之道出傳之始七百年中

得三傳限盡藏之五嶽不復得出

右出洞真八素真經

奔日月之道上清太極九皇四真人之所寶

秘玄虛元君之玉章三百年得傳一人却後

七百年仍復得傳一人

右出洞真結璘奔月經

此皆太上之書皆有定科七百年中得三傳
過此不得復出

右出洞真金書玉字上經

依科七百年內若有金名東華紫字上清合

真之人聽得三傳自無此骨秘之玉闕萬劫

不宣紫書丹字月寬隱音百年之內有金名

帝圖錄字者得傳一人

右出洞真黃氣陽精三道順行經

招靈致真豁落七元之符上古之科萬劫一

傳今有其人七百年中聽得三傳

右出洞真金真玉光八景飛經

迴天九霄得道之篇五老仙都左公堂錄瓊

宮依四極明科萬劫一傳

右出洞真七聖元紀迴天九霄經

秘於九天之上太微靈都之宮依四極明科

萬劫一傳若有玄圖錄字骨命值仙七百年

聽三傳

右出洞真太微黃書經

太上天極真人曰學道者受此經後四十年

傳一人已延壽者四百年傳一人得地仙者

四千年傳一人得天仙者四萬年傳一人得

无上洞寂太上至真者四萬劫傳一人得太

上靈寶大法傳授法科備矣

右出洞玄五稱文經

太上大道君曰吾昔受之於元始天王使授

仙玉仙鄉上真真人不傳中仙自無玄圖帝

簡玉名上清不得見聞九天禁書四萬劫一

傳

右出洞玄真文要解經

洞玄智慧經千年三傳

洞玄法輪經九天有命皆四萬劫一出

天事告飛天神人曰明真格四萬劫一行今

胃禁相付子慎之又云七百年依盟而傳

右出洞玄九天經

洞玄安志經千年三傳

大虛真人告太極左仙公曰依太上大法四

萬劫得傳一人吾受經得成真已授五十四

人仍子五矣

右出洞玄自然經

依明真大科四萬劫一行又云四百年中有

其人聽傳

右出洞玄黃籙簡文經

无上秘要卷之三十二

无上秘要卷之三十三 三十四同卷

子一

輕傳受罰品

扶桑大帝當以經傳太極四真人語於西龜王母王母告大帝曰上皇之年所以為學得見寶文便位登玉清者皆密脩寶道祕靈不宣於口不形於人潛感至寂以致上真故道貴隱寂化于無形出于無聲自我受真經於九空已經累億之劫未傳三人至中皇元年未乃到北元天中經西那之國靈鏡人鳥之山耆菜之岫於靈宮之中凝九玄正一之炁結而成字後聖九玄金闕帝君來見靈文使命仙都運毫寫而盟天修行道成位登金闕高上以我輕洩天寶削我真元之號退降散靈官五百年中方得復於本真元始所以置四司五帝之官部於神兵者正以欲檢於漏洩罰於風刀如此可不慎哉後學如林無一人得仙何意皆由輕洩道文流放天真道既不降天罰潛彰進退失志獨死空山徒勞無獲痛恨可言道非勤而不告非勤而不行得見真經當密行求靈神真易感計日成仙

右出洞真八素真經

上清天皇地皇人皇大字皆大有清虛妙法洞玄寶文自無金名方諸青宮不得知聞有其文者傳非其人冒殫履穢不恭有靈違犯其禁七祖受考責充右官經山食火經一掠化生非人之道

洞玄靈寶上經大劫小劫符玉訣上清寶文玄洞之道自無玉骨玄圖紫字綠名不得見聞有其文者而不崇奉穢慢真文輕露宣洩流放非真有犯其禁七祖充責考屬右官罰以刀山火鄉之難三塗五苦三掠得過生非人之道

高上大洞真經三十九章素靈大有妙經唯一玉檢五老寶經金華洞房紫書上文龜山元錄白簡金根上清太霄琅書瓊文帝章上官寶篇凡三十一卷此獨立之訣乃高上玄映之道洞天玉清寶文極於已成真人有金官玉藏名書帝簡錄扎紫庭得受此經不恭科怠慢不信天真輕洩聖文使世見聞為玉童所奏七祖父母被考

右出洞真四極明科

紫書丹字月窟隱文妄說以告三人死沒鬼官不得成仙

右出洞真黃炁陽精經

太上曰洩漏天文隱書已告天帝誅其三祖

又下三官絕其身命生被水火死為下鬼

右出洞真太上八素真經

高聖君曰受七聖玄紀迴天九霄白簡青籙之文師授不盟輕洩寶文弟子受而無信竊披玉篇同被風刀之考七祖充責三塗五苦萬劫不原五帝神兵恒糾漏洩明慎奉行

右出洞真七聖元紀經

受曲素訣辭之法不交人物求感冥應必可授者乃得傳之傳非其人妄洩寶經則七祖父母受冥拷於地獄

右出洞真曲素訣辭經

夫有宿命應見此文者必有神仙定錄也玉帝寶秘不傳於世妄說之者則九天刺姦奏於帝君言之罪太上使五帝神兵罰子之身七祖父母受考水官

右出洞真青要紫書經

自無玄名於丹臺綠字於玉清不得而輕傳自非神挺異骨登玄嶽而告盟列金書以誓靈此文不可得而授其音不可得而聞輕洩七祖充責已身殞喪負考三塗

右出洞真玉珮隱元洞飛內文經

太上道君曰夫有宿命應得見此文者皆玄挺開會必有神仙定分此之神經不傳於世又妄說之者則三天刺姦上閻帝君告子之罪以為宣漏之愆

右出洞真黃素四十四方經

傳之違科負盟三祖考于水官已無仙冀死為下鬼

右出洞真藏景錄形神經

合真之人當得此文得者寶秘勿妄輕傳洩

露靈篇九祖被考充責鬼官

右出洞真太霄琅書經

傳授之法皆師及弟子相授以崇玄秘授非其人不得法度為洩宣天寶漏慢違誓死為下鬼及七祖受風火之罪自非同契寧嘗閉

口

右出洞真九真中經

師不依年限而授弟子則身受風刀之考

右出洞真變化寶真上經

九赤者乃九天之炁飛玄羽章結成玉文輕

洩宣露傳非其人七祖獲考身沒河源

又曰受者不關天靈待經玉童玉女列奏高

上罰以五帝神兵輕洩者罰於九祖考滅已

身受而不盟殃延七祖身被風刀自然天經

故上元君告於五帝曰經非盟而不告受不

關而失真彼此死生之責學者宜依文而奉

焉

右出洞真九赤班符五帝內真經

輕洩寶文失盟形殘七玄之祖受考鬼官

右出洞真龍景九文赤書經

傳非其人入身入風火七祖父母長考于水官

右出洞真金虎真符

傳非其人為北帝所奏殃延七祖長充鬼責

身設形殘

右出洞真高上玉清刻名內文

无上秘要卷之三十三

子

五

无上秘要卷之三十四

師資品

太上曰汝等將來世欲流通靈寶內教者有

十一事信者萬民爾可得宣傳此經

一者奉誠完具內無毀滅

二者賑給孤老貧窮有慈愍心

三者勸人遠惡修善殷勤如父子

四者不求名譽稱虧若一也

五者幽隱之處勤行禮拜修諸功德如處大

衆

六者不欺使民信之如四時

七者忽棄榮華位不加身

八者捨遠妻子獨處閑靜

九者親近賢智博問善道

十者道在幽冥不可固必與賢者論議莫自

專執

十一者常行謙卑恭敬於人是為十一事通

內教行當勤奉學

太上告子明曰學道之人聞法如饑欲食見

可師之人如病得醫何惜謙下當如世間貧

窮之民為衣食故債力自役為人給使不辭

勤劇不避貴賤長幼唯財是與學道之人亦

復如是求法事師莫擇貴賤勿言長幼言我

年以大而彼年少彼是賤人我是高士夫若

生此心者故懷死生俗間之態不解至真平

等之要此人學道徒望其功耳人无貴賤有

道則尊所謂長老不必者年要當多識多見

以為先生不得言彼學在我後我學在前云

何更反師彼作此念者是愚癡嫉妬之黨非

吾弟子道當謙下推能讓德唯善是從不得

自高慢物獨是非彼此是學道深病汝等教

將來世慎之慎之

太上曰弟子受道雖多猶應敬其本師本師

亦應謙下弟子所以然者夫得道度世莫不

由師學之有師亦如樹之有根緣有根故枝

條扶疎夫學道之人亦以本師為基漸次成

就大智大智既能成就復能成就小智如樹

由根生子子復生根展轉相生則種類不絕

從師受道漸漸增益德過於師還教於師所

謂道貴人賤義類如此

道陵曰若如尊教本師者復為弟子之義若其受道儀執法式當復云何先師後師誰應施敬

太上曰先師後師並皆有敬所以爾者本師者學之根也譬如為山由于一匱之土漸漸得其高大本師者亦復如是乃為發蒙之基後師者備成也喻如嚴裝服飾眾事已辦唯未加冠不可以行人事後師亦復如是學道雖久上法未備不能得道

右出昇玄經

陰君曰惟余垂髮少好道棄家隨師東西南北委放五經避世自匿二十餘年名山之側寒不遑衣饑不暇食思不敢歸勞不敢息奉事聖師承顏悅色面垢臍臑乃見哀識齒

右出道迹經

善人不善人之師不善人之資不貴其師不愛其資雖知之逆是謂要妙

右出老子道經

老子曰學不得明師焉能解疑難吾道如毫毛誰當能明分上世始以來所更如沙塵動

則有載劫自惟甚苦勤

右出西昇經

太上玄一真人曰師者實也為學無師道則不成非師不度非師不仙故師我父也子不受師道則不降魔環爾身八景龍與焉可得馭太極玉闕焉可得登子今學上清之道希求昇騰永享无量之福慢師行道求肉飛之舉謂投之夜光夫爾一往也

太上玄一真人鬱羅翹告太極左仙公曰子積劫念行損身救物開度有生惠逮草木託身林阜守清忍色恭禮師宗勞弗厭極苦志篤勵乃有至德致紫蘭臺金闕上清宮有瓊文紫字功德巍巍行合上仙太上命太極真人為子三洞大法師今復命我來為子作第一度師子可復座我當告子開度法輪勸誡

要訣

太上玄一第一真人先妙音告左仙公曰子輪轉生死與善結緣歷劫積稔代代不休棄榮委祿投身幽阜饑寒嶮嶮念道不言欽仰師寶恒如對神仁和心榮坐起欣欣長齋苦

思時不敢虧精感凝徹故名標上清太上命我為子第二度師當具告子三塗五苦生死命根勸誡要訣

太上玄一第三真人真定先告左仙公曰子七世有惠割口救窮仁及鳥獸潤灑子身子又積勤躬奉師實寒不思裝饑不與口艱苦林岫注心不替紫藏納真項生奇光致高上曲降錫加仙卿以酬昔德豈不巍巍乎太上命我為子第三度師今當告子无量妙通轉神入定勸誡要訣

右出洞玄法輪經

夫經不師受則神不行若世無法師又無錄傳者當以法信投清冷或可密室啓玄師者君北向三拜然後以物布地施於饑乏之人平等一心而用經世有師不須用此法

右出洞玄隱注經

中元玉籙簡文神仙品曰奉師威儀經師則經之始故宜設禮三曾之宗籍師則師之師故宜設禮生死錄籍所由度師則受經之師度我五道之難故應設禮為學不尊三師則

三寶不降三界不敬鬼魔害身

下元黃籙簡文靈仙品曰功德威儀奉師之法當為經師開度弟子三人受法師皆即為列功諸天功名既建則交遊三界五帝為賓黃籙簡文靈仙品曰功德威儀奉師之法當

為籍師開度弟子七人受法師皆即為列功諸天言名仙品選上七祖進昇天堂

黃籙簡文靈仙品曰功德威儀奉師之法當為度師開度弟子九人受法師皆即為列功諸天言名白簡功德之大九祖同昇皆得道

逸七寶林中
黃籙簡文靈仙品曰為三師開度弟子若經師已昇當并度籍師籍師復昇當并度師依科條列功名奏諸天若三師並昇當開度三人付同學有德之人同學具依科旨列言

諸天不得闕略

右出洞玄金籙簡文經

太上中經曰夫師因經業故稱之曰生受者習焉以同其誠纏綿愛樂義養生死於是始驗剋終俱朝仙庭爾乃東拜諮受修盟曲室

尊卑以顯三契分別孜孜之心寶經藏密施行要言誠存專一保敬師經方寸敢墜如此始可與言神靈之交道德之契秉奉經而秘其道行事而遵其誓則上以刊名於玉簡書帝錄於太極

右出洞真太丹隱書經

法信品

飛天神人曰受靈寶真文十部妙經以金龍三枚投於水府及靈山所住宅中合三處為學仙之信

又曰當以文縉^子五方之絲各四十尺以關五

帝為告誓之信

又曰法用上金五兩以盟五嶽為寶經之信又曰法用金錢二萬四千以質二十四生官為重真之信無金錢者銅亦可准

又曰天文秘重非信不實故上聖以信効心無信則為賤道無盟則為輕寶

又曰受經之身先信未備後遇賢人齋信請受皆當以所受之信充備先師之服餘者可為身法用

又曰受經法信當十分折二以送祖師又二散乞貧人山棲道士餘信營已法用燒香然燈為弟子立功

又曰天王帝主穰災度厄用五色紋縵隨方大數龍用上金命縵用紫紋庶民用縵縵龍用中金然燈請乞同如上法

右出洞玄明真經

天尊曰大道何其貴人財寶強使作功故觀其慳心質求其意有而弗散將何求哉窮而發心志意堅明勤苦師門勞不為憚造已鑿

之如此之輩則功德諸天故施財以對心推

心以對財其功等爾古人求心末世求財古人非心不仙末世非財不度所以爾者末世貴財而不貴道以黃金萬斤仙經一部施於窮山末世乃當貪取此金豈貪仙經黃金剋

為身患仙經剋得命長亦公知如此只自不能免於慳貪既自不能免於慳貪安得名為道耶故非道弘人此之謂也

右出洞玄三元品誠經

太上曰法信以營齋供養經道香油為一切

作福田及施散山林寒樓道士世間窮厄六疾者法師不得私用其罪甚重誤人學道學道之士慎之慎之

右出洞玄自然經

天專告左玄真人曰卿投此經當依冥典法信用金錢紋繒等物皆令如式此法出自虛无浩素元君之凝思五方元老常所寶修受者齋上金五分素絲五兩以晚五方元老之靈本命紋繒上壽百二十歲計歲餘一公王一疋中人一丈貧者一尺此三種物慎不可闕闕而強受受者有罪其中增降貧富量之

右出洞玄微定志經

真人曰五文仙人傳授之科素與案案員同限高才志士好諷誦求自然飛仙之道者具法信紋繒五十尺與靈寶一時於名山峯上受之

仙公曰世有高德人欲諷誦期昇仙者當與靈寶同時受之

右出洞玄敷齋經

太微天帝君告上相青童君西城王君曰其

心好道樂真動心注玄者無吝財物輕物貴道道無不存如此之士始可與言內愛財實外心浮好者道亦已照閉之玉笈加以金關昇度之後藏之名山

右出洞真太上神虎玉經

傳授真諱隱術依四極明科盟紫金八兩丹文錦八十尺

右出洞真丹景道精隱地八術經

凡經師之受盟物當施散於寒窮救貧病之急厄拯山川之饑夫營神靈之公用若私割以自贍貪溢以為利者則經師之七祖受長考於地獄身入風刀

右出洞真高聖金玄經

凡受大洞真經三十九章太上大道君八景玉錄八風徘徊帝一之道太丹隱玄迴元五通十二上願玄母八間先進洞房金華雌一凡九玄列紀靈書紫文填生五藏琅玕華丹當啓錄割繩乃得傳之節度如左

紫金為環環徑一寸截破一環分為兩半經師及弟子當各帶一半終身佩之青絲為繩

繩長九尺各割半以纏繞縛此半環又合帶之青錦一尺八寸各分半為囊以盛此金半環及青絲繩分環各畢弟子三拜受經

右出洞真大洞真經

受太上素靈大有玉篇九真明科素科齋上金三兩紫紋百尺青繒二十七尺赤絲五兩沉香一斤丹一兩詣師以為盟信

右出洞真四官內神寶名玉訣經

五色錦各五十尺以請五帝仙官紫金五兩以晚誓五方之信

沉香五斤以上開三元官

真珠一斤以為盟丹之信

書刀子一枚以斷死炁之路

金珠七枚以奉請七元之精

絳紋七十尺以為炎光之信

右出洞真紫度炎光神玄靈經

凡受玄丘大真書隱文者白絹四十尺青縑一十尺金鏤三雙香九兩

白絹以代曲素之歎血

青縑以為七百年三傳之誓

金環以為誓心不洩之約

跪香以為明靈之盟

凡受曲素訣辭之法用丹帛四十尺金鈕兩雙以為帝玄真之信

右出洞真曲素訣辭經

凡紫書丹字之文弟子齋上金七兩黃紋四尺青縹三十二尺告盟而傳

右出洞真黃炁陽精經

凡傳授招靈致真攝魔豁落七元之符者依明科之法弟子齋金魚玉龍各一枚紫紋百尺上金三兩以奉有經之師誓於九天之信

右出洞真金真玉光八景飛經

古者盟誓皆歃血斷髮立壇告天以為不宣求信之約今自可以金青之陳以代髮膚之體列於別靜祝啓上皇法用金鏢三枚鮮明亦而有光者青帛三十九尺以代三契之盟亦可相連為二十七尺盟物備錄不得私用以自營

右出洞真太丹隱書經

凡受七聖玄紀迴天九霄白簡素錄之文弟

子齋上金七兩紫紋七十二尺上朱七兩詣師北向命高聖盟天而傳

右出洞真七聖玄紀經

凡受九真玄經者皆先歃血累壇剪髮立盟為不宣不洩之信誓後聖以歃血犯生炁之

傷剪髮違膚毀之犯謹以黃金代刺血之信

青柔之帛三十二尺當割髮之約師受誓物不得散為私利藉以濫用皆當施山樓高隱單棲貧道者

右出洞真太上飛行羽經

凡受大有妙經者齋上金三兩紫紋百尺青縹二十七尺赤絲五兩沉香一斤丹一兩詣師求受

右出洞真素靈大有妙經

凡受胎精中記經齋上金一斤白絹八十尺丹一斤以代列誓北向跪盟而傳不得輕盟無信

右出洞真九丹上化胎精中記經

凡受九赤斑符經弟子齋上金三兩五色紋縹各五十尺錦縹三十尺上香一斤詣五色

之巖告五帝而傳

右出洞真上清九赤斑符經

凡受紫鳳赤書弟子齋金虎札各一枚紫紋九十九尺朱一斤共告祝盟而傳

右出洞真龍景九文紫鳳赤書經

凡受金虎真符者齋金虎玉鈴素錦玄羅各三十尺以為金真之誓盟於天地不宣之約

右出洞真太微天帝君金虎真符

凡受真虎符者齋上金十兩以為神真之信錦九十九尺以誓九天青縹三十尺以盟其心

好道樂真勤心注玄無吝財物

右出洞真太上玉綬神虎真符

凡受八素真經者跪有經之師白絹四十尺銀鏢二雙

凡受修五通之事者跪有經之師青布三十尺為終身不洩之約

右出洞真八素真經

凡受三元玉檢弟子齋上金五兩鳳文之羅九十九尺縹文之縹三十二尺詣師共登本命嶽受經

右出洞真三元玉檢布經

凡受寶真上經弟子齋上金九兩丹地黃錦四十七尺青布二十二尺金魚玉龍各一枚登盟北向告九天而傳

右出洞真元始變化寶真上經

凡受黃庭經者經盟立誓期以勿洩古者用玄靈之錦九十尺金簡文鳳之羅四十尺金鈕九雙以代割鼠軟血勿洩之約此物是神鄉之奇帛非赤縣之所有今錦可用白縮羅可用青布鈕可用金銀亦足誓信九天制告

三官皆奉有經之師

右出洞真黃庭內景經

凡受外國放品經弟子齋上金九兩縹文之縉三十六尺為信

右出洞真外國放品經

凡受紫書者依九真玄科修行法度素盟齋信金魚玉龍各一枚紫縉百尺青紋四十八尺詣經師跪而授之

右出洞真青要紫書經

凡受金書者弟子齋上金二兩青紋四十八尺

白羅九十尺告盟而傳

右出洞真玉珮金璫太極金書上經

凡受太上黃素四四方經盟用玉札一枚長一尺五分廣一寸四分以跪四極上真之盟又用黃素四十尺金銀兩雙以代軟血敢宣之約

右出洞真黃素四四方經

凡受七星移度者齋青紋三十一尺赤縉七十尺鳳紋之羅九十尺金鈕七雙金魚玉龍各一雙以為告盟之信

右出洞真天關三圖七星移度經

凡受太霄琅書受者齋上金九兩紫紋九十九尺以誓九天之信師然後盟傳

右出洞真太霄琅書

授度品

凡傳授之時有經之師當先求感應然後傳之當入室燒香密願神明乃心拜經前微祝之曰

太上元君仙都大神今日吉日八願開陳欲傳其上法敢告靈元未知可否須應乃宣祝

畢便寢必獲靈應子自知其善否之心審可授之方

凡經師傳經之法先心拜四方以祈神明為宗師之主徐乃執經起立仰天而祝告誓神靈以為玄科之約當說受經者之姓名并啓大神陳授經之品目為之科條銘策令麗文傳辭而陳之祝畢弟子再拜跪受受畢又再拜此真人告神之盟內法不必盡存割血為盟敢漏之約

凡經師傳授之時皆當如法清齋別處不交人事先啓告神明求諸密感徐乃傳之若真應橫錯所感非祥者此天靈顯報不使傳也

若子不慎神明違而傳二人依黃素之科子受冥考七祖冤魄長閑地獄身亦將亡仙安可冀

右出洞真黃素四四方經

太上曰道陵當知欲受法人有十相可與此

一者好求勝法從善如流
二者好近賢智無疑行

三者聰詰賞別真偽
 四者謹慎言不過行
 五者柔和少无過惡
 六者能師勝已无憍慢心
 七者敬師重教如貧得寶
 八者能奉師長不辭勤勞
 九者已於先師有報復心
 十者慇懃請受晝夜不懈是為十相子明啓
 太上曰若將來世有學真道士未見真經忽
 於山巖或於異學道士外道諸邪見家得此
 經者披尋首尾知是真要无師可受使得奉
 行得傳度以否
 太上曰便得奉行身自修之一如經至不得
 以傳授餘人所以者何學當師受學不師受
 不可以教人何以故一者恐誤後學二者既
 不師受人或不信儻生不信便有誹謗故不
 得傳要須覓師受而傳之若使四海之內推
 求无師者便於靜室關啓伏誓修行若見至
 信之人具上十相來欲請受慇懃懃懃先責
 信金跪素試之無退心愈堅固亦可傳授若

四海之內人跡所及求師可得者要須得師
 不應妄傳
 子明復啓曰若後末世中諸學真道士已受
 靈寶外教券契奉行五篇未見此內教若其
 後見便可得傳與奉修

太上答曰要須受此方素七十二字契經之
 盟无上大錄然後可與經何以故二教經契
 无有十方太上大祝故十方官屬天神地祇
 天龍鬼神等不來為經作營護契力

右出昇玄內教經
 子一
 二十

无上秘要卷之三十四

无上秘要卷之三十五
原缺三
十六

授度齋辭宿啓儀品

子三

諸行道皆用御製新儀其用日數十戒一日
 五十文三日三皇五日真文七日上清九日
 先須沐浴清淨齋香火詣師禮三拜叩頭長

跪投辭

投辭文

某郡縣鄉里男女

若受十戒五十文三皇可云清信弟子某甲

年若干

若受真文可云洞神弟子某甲年若干

若受上清可云洞玄弟子某甲年若干

若不次第直受真文上清者可云清信弟子

某甲年若干

若五等同場共受者可云清信弟子某甲若

千人洞神弟子某甲若干人洞玄弟子某甲

若干人等稽首乞道辭今日之日流映已蹉

恒恐微恙奄同彼昧昧而无曉長夜難脫孤

輿困苦求免无所伏聞

天尊大聖所頒有

若受十戒可云十戒十四持身之品

若受五千文可云道德五千文經

若受三皇可云洞神三皇符圖玉字

若受真文可云靈寶真文符圖玉字

若受上清可云洞真上清符圖玉字

若五等同場共受可總錄前五等法云文簡

事要无細不度肉人專專實希奉受朝夕

浚永无責恨輒自盤竭辦信如法叩頭稽首

奉辭以聞唯乞成就謹辭

太歲共甲共年共月共日奉辭

次入道場密祝法

四上功曹龍虎使者正一生炁侍靖素女夜

有所啓請得開明童子上玄少女與我俱入

黃房之裏通達所啓皆使上聞

右出金籙經

次入靜思三師法

先思經師所在之方心拜三過願師得仙道

我身升度

次思籍師所在之方心拜三過願師得飛仙

為我開度七祖父母早升天堂我得真道升

入无形

次思度師所在之方心拜三過願師得升度

上登高仙為我開度五道八難名入仙籙永

成真入

右出玉籙經

次發爐法

无上三天玄元始三炁太上老君召出某等身

中三五功曹左右官使者左右捧香驪龍騎

吏侍香金童侍香玉女五帝直符各三十六

人出關啓此間土地里域真官正神巨今正

爾燒香宿啓願得

太上十方正真之炁來入某身中所啓速達

運御

太上无極大道昊天玉皇上帝凡前

右出明真科

次啓事法

太上靈寶无上三洞弟子某嶽先生某甲等

上啓

太上三寶十方至真某等宿命因緣生值道

化玄真啓拔得入信根先師盟授三洞寶經

供養尊禮修行齋直但受法之日要當竭其

愚短奉宣法化教導一切使未聞者聞未見

者見願元始之風咸被於十方太上慈澤普

沾於幽顯凡有歸向敢不上聞謹言

右出金籙經

次讀辭

某甲等辭情殫苦翹募勇猛今齋信未受

若受十戒可云十戒十四持身之品

若受五千文可云道德五千文經

若受三皇可云洞神三皇符圖玉字

若受真文可云靈寶真文符圖玉字

若受上清可云洞真上清符圖玉字

若五等同場共受可總錄前五等法永為身

實謹依法清淨燒香行道明且為始并按威

儀舊典詮舉職僚宣告科禁令諸學者咸服

法教恩惟

太上衆尊三寶威神監齋大法師侍經眾真

垂神監映省覽所言勅下三界官屬及此間

土地里域真官營衛某甲等身使定舍清淨

消滅妖穢所向必感請如所陳明且辰曉依

法行道續更啓闡

次智慧誦三首

智慧起本无 朗朗超十方 結空峙玄霄

諸天挹流芳 其妙難思議 虛感真寶通

有有竟不有 无无无不容

智慧恒觀身 學道之所先 眇眇入玄肆

自然錄我神 天尊常擁護 魔王為保言

晃晃金剛軀 超超太上仙

智慧生戒根 真道戒為主 三寶由是興

高仙所崇受 泛此不死舟 候歛濟大有

當可說戒時 諸天並稽首

右出玉清戒

次歸命一切天尊

至心歸命北方玄上玉晨天尊

至心歸命東方度仙上聖天尊

至心歸命東方玉寶皇上天尊

至心歸命東南方好生度命天尊

至心歸命南方玄真萬福天尊

至心歸命西南方太靈虛皇天尊

至心歸命西方太妙至極天尊

至心歸命西北方无量太華天尊

至心歸命上方玉虛明皇天尊

至心歸命下方真皇洞神天尊

至心歸命過去高上玉皇天尊

至心歸命見在元始天尊

至心歸命未來太極天尊

至心歸命玉京玄臺紫微上宮

至心歸命一切真仙得道聖眾

右出金籙經

次師西面平坐說戒諸眾伏受

天尊告太上道君曰今當普告宣通法音開

悟群生為諸男女解災却患請福度命拔諸

苦根使生者見道身脫八難死者歡樂飲食

天堂早生人中轉輪聖王修齋求道皆當一

心請受十戒諦受勿忘專心默念洞思自然

勿得雜想攙亂形神能如是者便當靜聽

第一戒者心不惡妬无生陰賊檢口慎過想

念在法

第二戒者守仁不殺懲濟群生慈愛廣救潤

及一切

第三戒者守貞讓義不姪不盜常行善念損

已濟物

第四戒者不色不欲心无放蕩真潔守慎行

无玷汗

第五戒者口无惡言言不華綺内外忠直不

犯口過

第六戒者斷酒節行調和氣性神不損傷无

犯眾惡

第七戒者不嫉人勝己爭競功名每事遜讓

退身度人

第八戒者不得評論經教訾毀聖文躬心承

法恒如對神

第九戒者不得鬪亂口舌評議四輩天人咎

恨傷損神炁

第十戒者舉動施為平等一心人和神穆行

常使然

天尊言建齋行道四天帝王皆駕飛雲綠鞞

八景玉輿從真人玉女手把華幡前導鳳詩

後從天鈞白鶴獅子嘯詞和鳴燒香散華淨

空而來瞻禮行道觀聽法音天王下降萬靈

朝焉如是豈可不盡其法也當先受十戒然後行道庠序推步靜心閉意坐起卧息不離儀格天王歡悅列名上清可謂得道方寸之間

右出大戒經

次署眾官

署高功大法師當舉高德玄解妙義

次署都講法師當舉才智精明閑練法度

次署監齋當舉司察眾違彈糾愆失

次署侍經當須營侍經文整理巾盥

次署侍香當須料理鑪器使香火不絕

次署侍燈當須景臨西方備辦燈具

次署侍座當令四坐席地拂飾齊整

次科罰愆失三十六條

若到齋堂鞋履不正

若唱善聲不齊

若法服巾冠不正

若於法座垂髮

右件各罰禮十拜

若坐起揖讓失儀

若侍燈燈火中滅

若不注念清虛為眾所悟

若於法座睡眠

右件各罰禮二十拜

若鐘聲已絕不及行件

若不及朝師

若禮拜上下不齊

若侍香香煙中絕

右件各罰禮三十拜

若都講不讚唱

若出入去來不禮三寶

若讀經忽亂請問啟句

若馳步不庠序

右件各罰禮四十拜

若讚詠不唱善

若起居出齋堂不相關白

若聽經倚據坐不正

若反著法服

右件各罰禮五十拜

若巡行不次第

若都講鳴鐘早晚失時

若登壇越級

若監齋見過不彈為眾所糾

右件各罰禮六十拜

若著褐衣及行道巾冠出入

若翻覆香爐燈火

若燒香不洗手

若臨事與外人語

右件各罰禮七十拜

若唱靜思訖後至

若侍座不整飾觸事有問

若言語及世務

若因起出不還

右件各罰禮八十拜

若於法座戲笑

若於法座綺語

若闕一時不赴

若於齋限高聲厲色

右件各罰禮九十拜

右出數齋經

次宣科訖各禮師再拜

次師東面長跪啓請仙官

太上靈寶无上三洞弟子某嶽先生某甲等

上啓

虛无自然元始天尊无極大道太上道君高

上玉皇已得道大聖眾至真諸君丈人三十

二天帝玉虛上帝玉帝大帝東華南極西靈

北真玄都玉京金闕七寶玄臺紫微上宮靈

寶至真明皇道君某等宿命因緣生值道化

玄真啓拔得入信根先師盟授三寶神經供

養尊禮立功為先今謹有某甲等傳度

若受十戒可云十戒十四持身之品

若受五千文可云道德五千文經

若受三皇可云洞神三皇符圖玉字

若受真文可云靈寶真文符圖玉字

若受上清可云洞真上清符圖玉字

若五等同場共受可總錄前五等法沐浴清

淨燒香然燈轉經行道依法上請天仙飛仙

地仙真人神人聖人三十二天監齋直事侍

香金童散華玉女五帝直符各三十二人傳

言奏事飛龍騎吏等一合來下監臨齋堂捨

香願念應口上徹須行事竟啓還仙官

右出明真科

次復爐法

香官使者左右龍虎君侍香諸靈官當今靜

室之中自然生金液丹精芝英眾真百靈交

會在此香火之前願甲等受福天下蒙恩十

方玉童玉女侍衛香煙傳奏所言逕御

太上无極道前

右出明真科

次奉戒頌

道為无心宗 一切作福田 立功无定主

本願各由人 虛己應衆生 注心莫不均

大聖弘至教 亦猶雨降天 高陵靡不周

常早故成淵 海為百川王 是能舍龍麟

萬劫保智用 豈但在厥年 奉戒不暫虧

世世善結緣 精思念大乘 會當體道真

右出仙公請問經

次出道場密祝法

玄上太陰八憲開明向有所啓少女通靈事

畢復位萬神潛寧

右出金蘇經

無上祕要卷之三十五

无上祕要卷之三十七三十八

授道德五千文儀品

子三

受五千文法信

人須齋白綾五十尺 金龍一枚

若有功行貧窮不堪獨辦者宜隨分量之不

可依經為準

右出隱注經

初入道場密祝法

四明功曹通真使者傳言功曹侍靖玉女為

我通達道室正神上元生炁入我身中

右出金錄經

次唱靜念如法

次思三師法

先思經師所在之方心拜三過願師得仙道

我身升度

次思籍師所在之方心拜三過願師得飛仙

為我開度七祖父母早昇天堂我得真道升

入无形

次思度師所在之方心拜三過願師得升度

上登高仙為我開度五道八難名入仙錄永

為真人

右出玉錄經

次發爐法

无上三天玄元始三炁太上老君召出某等

身中三五功曹左右官使者左右捧香驛龍

騎吏侍香金童傳言散華玉女五帝直符各

三十六人出出即嚴裝開啓此間土地里域

真官正神臣今正爾燒香授度願得

太上十方正真之炁來入某等身中臣今所

啓達運御

太上无極大道至真玉帝几前

右出真經

次禮三寶法

至心稽首太上无極大道

至心稽首三十六部尊經

至心稽首玄中大法師

右出金錄儀

次師徒長跪讀盟文

太歲甲乙某月甲乙朔某日甲乙某郡縣鄉

里清信弟子某甲年若干某等既耳目貪於

聲色身心染於榮寵常存有欲无由自返伏

聞皇老以无極元年七月甲子日將欲西度

函關令尹喜好樂長生欲從明師受一言之

書老子曰善哉子之問也吾道甚深不可妄

傳生道入腹神明皆存百節關孔六甲相連

徘徊身中錯綜无端胎息守中上與天連行

之立仙拜為真人傳不得法殃及其身身死

名滅下流子孫某既肉人无識竊好不已專

志顯願實希奉受今具依明真科齋信誓心

詣某郡某州某縣某鄉某里三洞法師某獄

先生某甲求受道德五千文修行供養未為

身寶斷金為盟違科犯約幽宰長夜不敢有

言

右出傳授五千錄儀

次師執經各鳴法鼓三十六通

存思法

先思左青龍右白虎前朱雀後玄武足下八

卦神龜三十六獅子伏在前頭巾七星五藏

生五炁羅文覆身上三一侍經各從千乘萬

騎衛之

右出隱注經

次作傳經誦一首

飄飄太虛嶺 流景在上玄 終始无終劫

常保天地人 世主學致梵 道士誦得之

賢者今奉受 依法以相傳 時无至真人

寶祕不安宣 宗之昇太清 棄之墮九玄

我說无為道 恬靜得自然

右出傳授五千文錄儀

次師付經弟子跪受乃還本位都訖各禮師

三拜

次歸依一切尊道

至心歸命北方玄上玉晨天尊

至心歸命東方度仙上聖天尊

至心歸命東方玉寶皇上天尊

至心歸命東南方好生度命天尊

至心歸命南方玄真萬福天尊

至心歸命西南方太靈虛皇天尊

至心歸命西方太妙至極天尊

至心歸命西北方无量太華天尊

至心歸命上方玉虛明皇天尊

至心歸命下方真皇洞神天尊

至心歸命過去高上玉皇天尊

至心歸命見在元始天尊

至心歸命未來太極天尊

至心歸命玉京玄臺紫微上宮

至心歸命一切真仙得道聖眾

右出靈寶經

次誦三首旋行一用

大賢樂經戒 受之為身寶 就學恒苦晚

治身恨不早 皆當披幽膜 倏忽年已老

執卷吸爾極 將更死痛惱 吾故及弱齡

棄世以學道

學仙行為急 奉誠制情心 虛衷正氣居

仙聖自相尋 若不信法言 胡為棲山林

右出消魔經

學仙絕華念 念念相因積 去來亂我神

神躁靡不歷 滅念停虛閑 蕭蕭入空寂

請經若飢渴 持志猶金石 保子飛玄路

五靈度符籍

右出太極隱注經

次師東面還仙官法

太上靈寶无上三洞弟子某獻先生某甲等

上啓

虛元自然元始天尊无極大道太上道君高

上玉皇已得道大聖眾至真諸君丈人三十

二天帝玉虛上帝玉帝大帝東華南極西靈

比真玄都玉京金闕七寶玄臺紫微上宮靈

寶至真明皇道君某等宿命因緣生值道化

玄真啓拔得入信根先師盟授三寶神經供

養專禮立功為先去某月某日謹與某甲

等傳經行道建立齋直燒香懺願今傳授事

畢所請天仙子飛仙真人神人聖人監齋

直事侍香金童散花玉女五帝直符傳言奏

事飛龍騎吏等監臨齋所管衛勳勞各隨功

受賞進品上秩復諸天位謹上啓聞

次復爐法

香官使者左右龍虎君侍香諸靈官當令靜

室之中自然生金液丹碧芝英眾真百靈交

會在此香火之前願某甲等受道已後眾神

擁衛早得仙真

皇帝萬福天下蒙恩十方玉童玉女侍衛香
煙傳奏所言逕御
太上无極道前

右出明真經

次作奉戒頌一首

道為无心宗 一切作福田 立功无定主
本願各由人 虛已應衆生 注心莫不均
大聖弘至教 亦由雨降天 高陵靡不周
常卑故成淵 海為百川王 是能合龍麟
萬劫保智用 豈但在厥年 奉戒不暫虧
世世善結緣 精思念大乘 會當體道真

右出仙公請問經

次出道場密祝法

玄上太陰八窻開明向有所啓少女通靈事

畢復位萬神潛享

右出金錄經

无上秘要卷之三十七

无上秘要卷之三十八

授洞神三皇儀品

設壇法

次設壇宿露壇縱廣三丈二尺亦可二丈四
尺高下廣狹隨人多少作之開三門天皇門
在子地皇門在申人皇門在寅各施牌題之
欄纂燈火以意消息出入當從人皇門行也

右出靈寶齋經

三皇鎮坐法
天皇鎮坐綵皂繒一十八
地皇鎮坐綵白繒一十六
人皇鎮坐綵青繒一十六

右出靈寶齋經

三皇本命信

本命隨年數天子用疋數公侯用丈數庶人
用尺數三坐亦爾天子用紫綾自用銷隨
方色悉置人皇案上金龍三枚庶人用金環

右出靈寶齋經

三皇法信

信用白絹四百尺貧者四十尺其鎮坐本命

右出靈寶齋經

三皇法信

信用白絹四百尺貧者四十尺其鎮坐本命

及信三種若有功行貧窮不堪辦者可隨分
量力為之不可以此為准

右出靈寶齋經

次入壇燒香發爐法

香煙之女王白皇君小兆真人姓名甲清齋

絕塵期靈五通上願成真滅禍生福上昇三

天

右出靈寶齋經

次北向再拜天皇真君

次向西南再拜地皇真君

次向東北再拜人皇真君

次以所受經首二尺舒之於案上俱再拜第

子在西面東伏師西面長跪稱位號

三洞弟子小兆真人姓名甲上啓

太上元君仙都大神三皇真君今欲授某郡

縣鄉里某甲等三皇寶文未知可否伏地須

告命便伏一時頃无風便起再拜弟子又伏

地師長跪讀盟文

太歲某乙某月某朔某日某乙某郡縣鄉里

清信弟子某甲年若干歲今詣師某嶽先生

姓名甲受三皇內文天文大字并及衆符齋
信如法約以長生丹水爲盟畫一爲信某甲
授道不得隱真出偽某甲受道當承師之盟
誓不得不孝不仁不忠不良貪淫兇勃妄傳
非其人欲師怨道口是心非得道之後背叛

本師謗誣真正當身受大殃延及子孫

次共諭丹水以朱筆共畫一於盟文之下

次弟子對信伏地師執經長跪

存思三宮神存思三宮各有一真人如嬰兒
之狀不著衣口吐紫炁以熏經師徒衆

次傳經詠

太上之天文傳說天地初皇人宣玄旨是爲
至真書賢者今奉受志願昇太虛

右出太極隱注經

次弟子長跪受經訖禮師再拜訖師徒各再
拜

三皇君詠

次詠陽詩三首三周

青角陽詩梵 飄飄激十方 青青方世曜
携我造九重 西絃抗音調 感悟東皇公

元洞啓運首 始陽萌萬牙 和風振瓊條

高林曜雲羅 勾芒勸農素 日羽煥東霞

仙賢遊玄圃 飛梵起鳴笳

控景太霞室 齊輪九天庭 衆仙抗飛梵

陽詩時時鳴 自非靈人德 焉能禮化員

右出洞神經

次還仙官法

太上靈寶无上三洞弟子某嶽先生某甲等

上啓

虛无自然元始天尊无極大道太上道君高

上玉皇已得道大聖衆至真諸君丈人三十

二天帝玉虛上帝玉帝大帝東華南極西靈

北真玄都玉京金闕七寶玄臺紫微上官靈

寶至真明皇道君某等宿命因緣生值道化

玄真啓拔得入信根先師盟授三寶神經供

養尊禮立功爲先以某月某日謹與某等傳

經行道建立齋直燒香懺謝今傳授事畢所

請天仙地仙飛仙真人聖人監齋直事

侍香金童散華玉女五帝直符傳言奏事飛

龍騎吏等監臨齋所營衛勤勞各隨功受賞

進品上秩後詣天位謹上啓聞

右出明真經

次復爐法

香煙之水上白皇君小兆真人姓名甲清齋
絕塵期靈五通上願成具滅禍生禍上昇三

天

次遊誦一首而出

學仙行爲急 奉誠制情心 虛夷正炁居

仙聖自相尋 若不信法言 胡爲棲山林

右出消魔經

无上秘要卷之三十八

无上秘要卷之三十九四十四卷

子四

授洞玄真文儀品

設壇宿露法

靈壇之法壇縱廣二丈四尺亦可三丈二尺
隨人多少作之四面門幕各長九尺作五門

廣五尺亦可四尺餘幕各長七尺青繩兩道

連門榜廣三十二分長三寸四分

青華元陽門在東方朱書青榜

洞陽太光門在南方黃書赤榜

通陰金闕門在西方黑書白榜

陰生廣靈門在北方青書黑榜

元黃高晨門在王門下四季上白書黃榜

上仙眾真門在王門上紫書黃榜

右六門從省而用若用重壇十門者自依黃

籙經中安置

中央門在四時王門下四季上眾真門王門

上四孟上春王在卯中央門在丑眾真門在

巳夏王在午中央門在辰眾真門在申秋王

在酉中央門在未眾真門在亥冬王在子中

央門在戌眾真門在寅王无別門春用青華

夏用洞陽秋用通陰冬用陰生取此以為王
門出入從眾真門行

次六等信物法

五色絲五疋為五帝信

金龍九枚以為九天之信各官秤一兩

金龍五枚以為五嶽之信各官秤一兩

金錢二萬四千以為二十四生炁之信

本命絲隨年數

天子用疋公王用丈庶民用尺數經料如此

若不堪獨辦者可眾共出之若眾不能辦者

隨貧富量之

次設案法

五門各安一案案置一香火一龍一線隨方

色一案盛經丹中在下青巾覆之置尊像前

一案啓奏度事於師前

一案置九龍金錢等信置尊像前

次宿露入壇發爐法

无上三天玄始三炁太上老君召出某等

身中三五功曹左右官使者左右捧香驛龍

騎吏侍香金童傳言散花玉女五帝直符各

三十六人出出即嚴裝闌啓此間土地里域
真官正神正爾燒香宿露壇上黃繒表章願
得

太上十方正真之炁來入某等身中令巨所

啓速達選御

太上无極大道至真玉皇上帝几前

次讀黃繒章法

太上靈寶无上三洞真人某嶽先生姓名等

稽首再拜

上言

元始五老上帝至真大聖尊神玉陛下某素

質下世生值因緣九天之劫轉輪不滅宿慶

福祚延流今身得生法門昔以某年某月某

朔某日甲乙承先師三洞真人某嶽先生某

甲奉受靈寶洞玄經符圖玉字修行佩身今

有上學道士某甲年若干某甲等信向精勤

齋信自誓求受洞玄靈寶經文符圖玉字五

卷若更有經卷隨多少載修行供奉水為身

寶察某等心翹勤好尚宿福所鍾得參靈文

披躬篇目宜極道真但恐某甲先无玄名善

功三界不舉五帝不明今按明科露文中壇
合法以傳謹伏地啓奏上聞

九天願高聖尊神曲照所陳垂應丹心仰惟
九天至真大道无極尊神分別哀憐伏須告
報某等誠惶誠恐稽首再拜

以聞

臣姓某屬某郡縣

无上元始大道君洞玄靈寶五老玉帝大聖
玉陛下

太歲甲乙某月某日某郡縣鄉里中拜

上

右出明真經

次復爐法

香官使者左右龍虎君侍香諸靈官當令靜
室之中自然生金液丹碧芝英眾真百靈交
會在此香火之前願某等衆神擁衛早得仙
真

皇帝萬福天下蒙恩十方玉童玉女侍衛香
煙傳奏所言遍御
太上无極道前

右出明真經

次奉戒頌

道為无心宗 一切作福田 立功无定主

本願各由人 虛己應衆生 往心莫不均

大聖弘至教 亦備而降天 高陵靡不周

常卑故成淵 海島百川王 是能含龍麟

萬劫保智用 豈但在厥年 奉戒不暫虧

世世善結緣 精思念大乘 會當體道真

右出請問下經

次出道場密祝法

玄上太陰八憲開明向有所啓少女通靈事

畢復位萬神潛寧

右出金錄經

次明旦度事於戶外密祝法

四明功曹通真使者傳言玉童侍靖玉女為
我通達道室正神上元生炁入我身中

右出金錄經

次發爐法

无上三天玄元始三炁太上老君召出某等
身中三五功曹左右官使者左右捧香驛龍

騎吏侍香金童傳言散花玉女五帝直符各
三十六人出出即嚴裝關啓此間土地里域

真官正神臣今正爾燒香為某等度事願得

太上十方正真之炁來入臣等身中令臣所

啓速達逕御

太上无極大道至真玉帝几前

次禮三寶

至心稽首太上无極大道

至心稽首三十六部尊經

至心稽首玄中大法師

次師西面長跪讀盟文

弟子對信而伏

太歲某年某月某朔某日甲乙某嶽先生甲

乙本命某年某月生某天領籍係某天君

今於某炁天從師某嶽先生某甲受符圖四

十三章玉文九百二十四字七靈鎮真金縉

誓心告靈盟天約為身寶奉承大法俯仰真

典上告三十二天監真度文命侍經仙郎韓

司主錄飛天真入三界神王落某死籍勒上

仙名金格玉錄三元品中依大宥威儀降下

真仙之氣入某身中三十三天監仙司馬典
 經羽郎各依格遣玉童玉女神真之炁各一
 合來下侍衛靈文奉給某甲身普關諸天諸
 地无極世界日月星宿三界官屬五嶽名山
 九江水府三官司署九幽長夜泉曲之中无
 影无色无形无名无音无響无大无小无高
 无下无尊无卑一切神靈咸各明某甲身奉
 大法佩帶天文名入仙籙三元品中出入遊
 行依具司迎一月三朝如紫微上官削落地
 簡九幽目錄滅絕宿對斬息惡根不得俱逮
 億劫无連七祖同福皆得上昇逍遙玄都七
 寶林中竟受鍊度時得更生某甲約承奉大
 法一如明真檢身順誠生死成仙五帝交友
 遊戲諸天愆盟負誓泄漏天文傳非年限生
 死謝對長負河源風刀萬劫填夜槿山罪福
 對報悉如盟文
 次師鳴法鼓三十六通師徒各心存五藏五
 色令備具合成寶蓋之雲羅覆經師徒衆
 右出明真經
 次作傳經詠一首

天書簡不煩 道德自備足 修之必神仙
 當復何所欲 文耀太无間 煥然而朗郁
 傳授悉依法 泄慢墮地獄
 次弟子於師前長跪受經及神林策板訖各
 復位禮師三拜
 其安杖中符及策板法若人少可依後文呪
 法安置若人多者宜於齋中悉內符封訖與
 經一時付度
 右出隱注經
 次禮十方方法
 歸命一切天尊
 至心歸命北方玄上玉晨天尊
 至心歸命東方玉寶皇上天尊
 至心歸命南方好生度命天尊
 至心歸命東方好生度命天尊
 至心歸命南方玄真萬福天尊
 至心歸命西南方太靈虛皇天尊
 至心歸命西方太妙至極天尊
 至心歸命西北方无量太華天尊
 至心歸命上方玉虛明皇天尊

至心歸命下方真皇洞神天尊
 至心歸命過去高上玉皇天尊
 至心歸命現在元始天尊
 至心歸命未來太極天尊
 至心歸命玉京玄臺紫微上宮
 至心歸命一切真仙得道聖衆
 右出靈寶經
 次詠三真人頌
 太上大道君 出是靈寶篇 高妙難為喻
 猶彼玄中玄 自然十方土 共仰无上仙
 大乎洞虛經 安坐朝諸天 上寶紫微臺
 下藏諸名山 煥爛龍鳳文 戰耀在无間
 妙哉太上道 无為常自然 王侯及凡庶
 所貴唯忠賢 宿命有福慶 卓拔在青綠
 法師輪相授 寶信劫數年 廣念度一切
 大福報爾身 供養必得道 奉行成至真
 大道无彼我 傳當得其人 虛无常自然
 疆名字大道 緬邈无边際 衆妙歸靈寶
 閉眼存至真 精思降十老 昇仙永无為
 靈顏恒妙好 渴飲玉池醴 饑食金光草

淨慧度八難 濟世諸苦惱 衆妙出洞玄
 煥爛耀太清 奉者號仙人 體无永長生
 逍遙戲玄虛 宮殿羅无形 瑋璫七寶林
 晃朗日月精 龍麟交橫馳 鳳凰翔悲鳴
 太上治紫臺 衆真誦洞經 捨香稽首禮
 旋行繞宮城 三周歸高座 道玉為應聲
 人主弘至道 天下普安寧
 次師東面長跪還仙官
 太上靈寶无上三洞弟子姓名等上啓
 虛无自然元始天尊无極大道太上道君高
 上玉皇已得道大聖衆至真諸君丈人三十
 二天帝玉虛上帝玉帝大帝東華南極西靈
 北真玄都玉京金闕七寶玄臺紫微上宮靈
 寶至真明皇道君某等宿命因緣生值道化
 玄真啓拔得入信根先師盟授三寶神經供
 養尊禮立功為先以去某月日謹與某甲等
 傳經行道建立齋直燒香懺願今傳授事畢
 所請天仙地仙飛仙真人神人聖人監齋直
 事侍香金童散華玉女玉帝直符傳言奏事
 飛龍騎吏等監臨齋所管衛勤勞各隨功受

賞進品上秩復諸天位謹上啓聞

右出自然經訣

次復爐法

香官使者左右龍虎君侍香諸靈官當令壇
 靖之中自然生金液丹碧芝英衆真百靈交
 會在此香火案前願某受道已後衆神擁衛
 早得仙真

皇帝萬福天下受恩十方玉童玉女侍衛香
 煙傳奏所啓還御

太上无極道前

右出明真經

次誦奉戒頌

道為无心宗 一切作福田 立功无定主
 本願各由人 虛已應衆生 注心莫不均
 大聖弘至教 亦猶雨降天 高陵靡不周
 常早故成淵 海為百川王 是能舍龍麟
 萬劫保智用 豈但在厥年 奉戒不暫虧
 世世善結緣 精思念大乘 會當體道真
 右出請問下經
 次出道場密祝法

玄上太陰八憲開明向有所啓少女通靈事

畢復位萬神潛寧

右出金籙經

无上秘要卷之三十九

无上秘要卷之四十

授洞真上清儀品

設壇法

先設壇廣長二丈四尺或三丈二尺高下大小隨人多少作之四方標纂立四角之門門

廣四尺不正面法天門

次須金龍明鏡鑲絲本命布設法

金九兩每兩作一龍安中央案上

明鏡五面以鎮五方案上

五色繒各四十尺以鎮五方案上

○本命繒依年數隨方色天子用足數王公用

大數庶人用尺數天子王公用綾庶人用繒

置隨本命色案上

次安置案法

一案盛經置丹青二色巾中壇

一案置中央安九龍

五案具香火及綵鏡置五方

次夜靜宿露壇

夜布置壇中既了師與弟子從西北天門入

叩齒三十六通思紫氣覆冠一壇五帝神兵

十萬人來迎兆身便祝曰

神真出遊萬帝駭驚玉虛玄衛天宿倒傾五

獄司官莫不輸靈制召十方驅策天兵率天

已下咸到皇庭令我登仙洞得道精審知不

祥通幽冥究所向所陳悉合玉清

次入壇旋行一周東向叩齒三十六通發爐

祝法

无上三天玄元始三炁太上道君召出某等

身中虛无自然飛仙功曹神仙使者左右飛

龍太真玉女五帝直符各三十六人開啓此

間土地真官正神子臣今正爾燒香宿露令所

啓速達逕御

无極玉帝至真高上萬聖几前

次北向叩齒三十六通誦制魔祝法

天魔乘空發萬精駭神庭託化謠譎章隨變

入无名著悉何紛紛穢道營塗生雲中舍朱

宮北帝勇神兵鼓洋自知道玄運來相征上

景宴飛轡迅駕檢雲營促校北帝錄收攝群

魔名豁落張天羅放威擲流鈴金真捕空洞

玉光煥八冥金玄守上官神虎戕天精剪滅

萬妖悉德德悉齊早上承九天信肅命靡不

傾招真究三洞慧誦朗旦清八道望玄霞七

轉緯天經混合帝一真拔度七祖程削滅五

苦根反寃更受榮金光輝寂室神燭自然生

華香散玉宇煙炁徹玉京帝遣徘徊輦三元

降綵輶迅駕騰九玄朝我玉皇庭

次迴心西北九拜

至心稽首鬱單无量天尊

至心稽首至上禪善天尊

至心稽首梵監須延天尊

○至心稽首寂然梵術天尊

至心稽首波羅不驕樂天尊

至心稽首洞元化應聲天尊

至心稽首靈化梵輔天尊

至心稽首高虛清明天尊

至心稽首无愛天尊

次迴心東南下方再拜

至心稽首下方九地玉皇真尊

至心稽首下方洞淵得道眾聖

次即北向長跪叩齒九通讀啓文法

十四

十三

玄都大洞三景弟子小兆真人某嶽先生姓
某甲上啓

高上元皇九天靈神上真玄遐首幽瓊軒三
五運推七宿改晨虛皇控纒玉帝定仙青宮
採籙符命靈山是日元吉萬具開陳上學甲

乙宿命因緣得遇神經上清靈篇謹於靈壇
上盟九天下告五帝十二河源乞巧記領奏
上高晨普告萬靈淨位皇壇營衛滅試案如
大真須到明日令御啓傳即露啓文案上
次東向平立叩齒三通復爐祝法

五嶽五帝神仙使者三元正真左右龍虎天
仙地仙飛仙五靈香官當令招致十方正炁
自然金液丹碧芝英九玄玉真交會壇中洞
灌其等身使其等求道得道求仙得仙飛行
太空騰景九天玉童玉女侍銜香煙奏達所
啓上御

高上無極大道玉皇上帝几前
次旋行頌一周
大道洞玄微 高虛總三輪 金仙啓靈扇
煥若九天分 文華散紫宮 八真映素雲

玄母結上願 行間之八門 萬慶交靈會
揚煙唱下元 妙誦感重虛 得結高仙群

旋行禮空洞 稽首朝帝君便於東南
地戶出
登壇度法儀
宿露既畢明旦度法若旦起有風雨經
云聽室中度之

師徒俱詣西北天門叩齒三十二通思紫炁
覆冠一壇五帝神兵十萬人來迎兆身便密
祝曰
神真出遊萬帝駭驚玉虛玄衛天宿倒傾五
嶽司官莫不輔靈命召十方驅策天兵率天

已下咸到皇庭令我登仙洞得道精審知不
祥通幽究冥所向所陳悉合玉清
次入壇東向叩齒三十六通發爐祝法
无上三天玄元始三炁太上道君召出某等
身中虛无自然飛仙功曹神仙使者左右飛
龍太真玉女五帝直符各三十六人開啓此
間土地真官正神正爾燒香度經今日所啓
速達還御

无極玉帝至真高上萬聖几前
次北向叩齒三十六通誦制魔祝法

天魔素空發萬精駭神度託化謠誦章隨變
入无名翬炁何紛紛穢道當塗生雲中含朱
官北帝勇神兵鼓洋自知道玄運來相征上

景冥飛翬迅駕檢雲營促校北帝籙收攝群
魔名谿落張天羅放威擲流鈴金真捕空洞
玉光煥八冥金玄守上宮神虎戮天精剪滅
萬妖炁億億悉齊平上承九天信嘯命靡不
傾招真究三洞慧誦朗旦清八道望玄霞七

轉緯天經混合帝一真拔度七祖程削滅五
苦根反寬更受榮金光耀寂室神燭自然生
華香散玉宇十四煙炁徹玉京帝遣徘徊輦三元
降綠軒迅駕騰九玄朝我玉皇庭
次向上方九拜如前法

次長跪叩齒九通啓
某今傳弟子某甲等九天寶經至上玉諱清
高宿奏炁命合真乞願下監真玉仙典錄侍
郎衛雲司馬下監盟文所啓所付必得上聞
次向下方再拜跪又啓

高上元始天今上願八會日吉時清謹於靈
闕後

无上秘要卷之四十

无上秘要卷之四十一

子五

策杖品

洞玄玉訣上經

元始五老出

五帝真符以度五帝人天光開陽出此文玄

都宮

元始青帝真符召直符吏更生守靈寶天文

道士吞之靈炁鎮肝生青精寶華九葉神為

役使通靈致神仙

右始天光文出青帝真文篇以安東方九

炁之天

青帝受此文以鎮東嶽封一通九靈洞室四

萬劫一開

道士命屬東嶽青書絳繒佩身又當青書絳

文內神杖上節中衣以神衣青腰玉女九人

侍衛勿不精有考吏

元始赤帝真符召直符昌中守靈寶天文

道士吞之靈炁鎮心生丹精寶華三葉神為

役使通靈致神仙

右上陽明文出赤帝真文篇以安南方三炁

之天赤帝受此文以鎮南嶽封一通南霍之
阿四萬劫一開

道士命屬南嶽赤書黃繒上佩身又當赤書

黃繒內神杖次青帝下節中太丹玉女三人

侍衛勿不精有考吏

元始黃帝真符召四方直符守靈寶天文无

中央正吏

道士吞之靈炁鎮脾生黃精寶華十二葉神

為役使通靈致神仙

右總靈文出黃帝真文篇以安中央五炁之

天黃帝受此文天炁中關運應轉輪此文始

見天關侍輪无復晝夜元始收其本文還於

上元之炁黃帝中嶽則闕此文今所以書

於舊經者為使存之不絕四帝共典衛於上

宮無正吏可守道士命屬中嶽自可黃書白

繒佩身又黃書白繒內神杖次赤帝下節中

道士所以偏得佩此文者直以有黃帝主人

使以應天之炁雖爾亦闕无守吏勿不精有

考吏

元始白帝真符召直符曲正守靈寶天文

道士吞之靈炁鎮肺生白精寶華七葉神為役使通靈致神仙

右光元靈文出自帝真文篇以安西方七炁之天白帝受此以鎮西嶽封一通於金穴九掖洞口四萬劫一開

道士命屬西嶽白書黑縉佩身又當白書黑縉內神杖次黃帝下節中太素玉女七人侍衛勿不精有考吏

元始黑帝真符召直符尹豐守靈寶天文道士吞之靈炁鎮腎生黑精寶華五葉神為役使通靈致神仙

右通明文出黑帝真文篇以北方五炁之天玄帝受此文以鎮北嶽封一通於玄陰洞室四萬劫一開

道士命屬北嶽黑書青縉佩身又當黑書青縉內神杖次白帝下節中太玄玉女五人侍衛勿不精有考吏

五帝真符上精在天為五星中精在人身為五藏下精在地為五嶽故三元之炁各有所屬天元五文三炁不明人元五文无以立形

地无五文五嶽不靈五帝真符以元始同生舊文今秘於玄都紫微宮侍真五帝神官五億萬人諸天皆一月三朝真文有火水陰陽官考禁於漏泄

元始天尊封於神杖之中恒以隨身所爾者秘價天真不欲離形類吏爾

元始神杖用靈山太陽之竹七節五符以次置中央空下一節空上一節以應天象地也當取靈山向陽之竹令長七尺有七節作神杖使上下通直甘竹乃佳書黑帝符著下節

二節中白帝符第三節中次黃帝符第四節中次赤帝符第五節中次青帝符第六節中空上一節以通天空下一節以立地蠟封上節穿中印以元始之章蠟封下節穿中印以

五帝之章絳文作韜長短大小足容杖卧息坐起恒以自隨行來可脫杖衣隱以出入每當別著淨處以杖指天天神設禮指地地祇司迎以杖指東北萬鬼東形乘杖行來及欲施用當叩齒三十六遍思五帝真符吏各一人衣隨方色有五色之光流煥杖上五帝玉

女各一人合共衛杖左右微呪曰

太陽之山元始上精開天張地甘竹通靈直符守吏部衛神兵五色流煥朱火金鈴輔翼上真出幽入冥召天天恭攝地地迎指鬼鬼滅妖魔東形靈符神杖威制百方與我俱成

與我俱生萬劫之後以代我形景為五解神昇上清承符告命靡不敬聽畢引五方炁二十五咽止行此道九年精謹不慢神真見形杖則載人乘空飛行也

若欲尸解杖則代形條歛之間已成真人月朔月望本命八節日當燒香左右朝拜此杖則神靈感降追則成矣

右出洞玄玉訣上經

策版品

當朱書三天太上召伏蛟龍虎豹山精文者

一金版上又書記年月師姓諱著一版上合二版內囊裹朱書次文著一版上著囊外凡

三版合封為神策如傳之狀版悉用樛木長一尺四寸廣二寸四分以絳文之縉作囊令長一丈二尺衣之封外版上下頭印口中元

始五老之章

當以栢函絳紋作水衣函以盛諸策文著別室燒香左右精心供養受以佩身天下神靈奏名朝門給五帝玉童玉女各一十二人出入遊行五帝侍衛三界司迎生死无復三惡之難不經泰山十五遊昇九天衣飲自然位同太極要自成仙

受學道士佩此文施行神呪以策文指天天神下指地地祇朝拜三界束帶指神神禮指鬼鬼自滅奕指水水神通道大劫一交洪災

四會以策召龍為負長修積感神靈交會所在施召舉嚮立到千變萬奇適意所從出入行來位准太極皆前從飛龍後導天鈞鳳嘯驚鳴十二華光建三七色節命靈之播精思九年天儀自備靈寶八威神呪曰

元始太真五靈高尊太華皓映洞朗八門五老告命无幽不關上御九天中制鄴山下領河海十二水源八威神呪靈策玉文召龍負水收炁聚雲東魔送鬼掃妖群萬精摧落所誅無燭日月五星北斗七元諸天諸地諸

水諸山玉真所部冥靈大神仙王遊宴五帝仗幡天丁前驅金虎後奔獲天猛獸備衛四門所呼立到所召立前赤書煥落風火无間有所攝驗金龍驛傳畢叩齒九通仰天三喻引天炁三咽以策杖指所告之地閉炁九息而止

右出洞真青要紫書金根經

投簡品

上相青童君曰後聖來真莫不先奏金簡於東華投玉札於上清然後得受大洞真經精齋苦修上為真人末學之徒而青宮无有金簡之錄玉格无有玄編之名神經亦不可得而披天魔亦不可得而收真靈終亦不降玉女亦不衛子之身今故稟上皇之科抄集品次以為後學開津之逕有心者宜加清齋督志勤尚十五注念玄真感徹玉皇奏簡青宮便得誦誦神經通釋幽窮太上剋遣丹臺飛輶來迎兆身上登玉清然此禁尤重非真不傳太上常以正月一日七月七日九月九日一年三遣玉晨元皇太極真人領仙玉郎詣東華

青宮校定真仙簿錄其有金簡玉名者即奏三元隨學深淺玉童玉女防衛其身若有泄漏輕真慢法為玉童所奏雖有金簡即被削除移名鬼官身被風刀之考七玄之祖運蒙山之石填積夜之河

凡修學之士每以其日當夷心寂室清香靜念散香左右朱書金簡八通紫繩結編以奏高上玉皇東華青宮玉札八枚以奏三元先於靖內東向叩齒九通讚禮一通畢謹上啓太上高上玉皇三十九帝二十四真某甲受

生末世久染塵塵幸緣先慶福祚所鍾得觀靈都今奏金簡言名玉清封付靈嶽長為天巨乞丐高上上記名三元賜給玉童玉女侍衛身乘飛霞上昇帝宮畢起再拜

奏簡文品

奏高上玉皇十五薦

某嶽先生某甲本命某某月生某年某月某

某日某子奏金簡紫錄玉籍文上詣太上高上玉皇三十九帝二十四高真金簡紫輝玉景瓊宮

右書紫文上一尺連金簡投

條高上虛皇玉清東華青宮真人某甲稽首再拜

右書一簡上

奏言

右書一簡上

高上虛皇玉晨太上大道君二十四玉皇三十九帝尊某甲李世小臣忝染餘慶福祚所

充得參上真謹依玄格正月一日上奏金簡

記名東宮乞賜編錄降下真靈得乘飛霞上

昇帝晨身登金闕朝謁玉皇謹奏

右三簡上合是某郡某縣某鄉里某嶽學士

某甲年如千歲字某甲

右書一簡上

某子生某月子命屬某嶽某帝某里

右書一簡上

太歲某子正月某子朔一日某子於某郡縣

鄉里中封某嶽奏

右書一簡上

合用金簡八枚紫繩編之北向讀簡一過畢

起執簡再拜

奏三元君某嶽先生某甲字某甲本命某子某月生某年正月某朔一日某子奏金簡玉

札仙簿錄籍文上詣

白素元君黃素元君紫素元君三元紫蓋金

輝洞房宮

右書一尺白上連玉簡投

條三元玉清始學真人某甲稽首再拜

右書一札上

奏言

右書一札上

太素三元君甲昔有因緣福慶所鍾得受神

經未敢披看謹依青華玄格奏玉札記名

青宮上言三元乞賜編錄降下真靈得昇帝

晨上朝玉真謹奏

右書一札上

某郡某縣某鄉里某嶽始學真人某甲年如

千字某甲

右書一簡上

某子生某月子命屬某嶽某帝某里

右書一札上

太歲某子正月某朔一日某子於某郡某縣鄉里中封某嶽奏

右書一札上

合用玉札八枚以紫繩編之西向讀玉札一

過畢謹上啓

太素元君黃素元君紫素元君甲昔蒙真師

盟授真經金簡玉札記名三清乞賜給玉童

玉女真靈降身得乘紫霞上登帝宮畢起再

拜

奏東華青宮篇

某嶽先生某甲字某甲本命某子某月生某

年正月某朔一日某子奏金簡青錄仙籍文

上詣

玉寶金闕上相高晨師東海青童君東華方

諸青宮

右書青文一尺上連簡投

條高上玉清青宮上相始學真人某甲稽首

再拜

右書一簡上

奏言

右書一簡上

太清玉寶金闕上相高晨師東海青童君甲
沉深下俗慶運充加福祚下流得生入道參
真係悉志在絕跡棲身林阜託蔭靈嶽謹按
玄科奉奏金簡記名上宮乞賜上編玉清降
下神真得離下世上昇金闕進謁玉皇謹奏
右書三簡上

其郡縣鄉里其嶽始學真人其甲年如干字
丙丁

右書一簡上

其子生其月子命屬其嶽其帝里

右書一簡上

太歲其子正月其朔一日其子於其郡縣鄉
里中封其嶽奏

右書一簡上

合用金簡八枚以紫繩編之東向讀簡一過
畢謹上啓

太清玉寶金闕上相高晨師東海青童君其
乙辛緣宿福慶充後代蒙真師成就得受上

經謹奏金簡記名青宮乞賜編錄掌付玉郎
普告諸天諸地洞清洞淵洞源五嶽衆仙咸
見右別降以真靈得垂飛霞上昇三清舉起
再拜

三面奏簡都畢還東向叩齒九通呪曰

元網玄邈天真幽冥蒙受先慶福加末生普
緣真師誠授寶經敢告三元上奏玉清金書
東華錄籍記名長為帝臣希降真靈賜給玉
童玉女衛形得垂飛霄上昇金闕拜謁玉庭
畢仰咽液九過止

都訖以簡札埋於所屬嶽令玉皇篇在北三

元篇在西青宮篇在東入土三尺堅築其上
畢北向伏地叩齒九通又呪曰

名奏玉格錄字上清金簡玉札結篇皇庭高
上玄遐三元幽冥真官未降謹開有靈封簡

神嶽錄奏三清列上東華著我玉名得垂玄

舉飛霞綠輦上造三元騰身帝晨訖起再拜
元始天王所受太上投簡求仙上法三奏簡

扎九年之內玉皇剋降丹精玉芝金璽鳳章
太極真人降子之房三元剋遣玉童玉女三

十六人上相青童剋告五嶽給以仙官飛霞
之蓋迎子之身上昇金闕之宮

靈寶其帝先生其甲年如干歲其月生願神
願仙長生不死三元同存九府水帝十二河
源江海淮澤溟泠大神乞削罪名上聞九天
請詣水府金龍驛傳

其歲其月朔如干日其子於其國告文

右朱書錄簡上以青紙裹簡青絲纏之金龍
負簡以投三河之淵初用金鈕九隻連簡沉
之後投不須三過都止投簡當於清泠之淵

北向叩齒三通讀文竟呪曰

元始五老上帝高尊十方至真太華靈仙赤
文告命无幽不聞上御九天請下告文日月
五星北斗七元中告五嶽四方靈山下告河
海十二水源九府水帝真靈大神今日上告

萬願開陳請投玉簡乞削罪名千曾萬祖九
族種種罪名連染及得我身並蒙削除絕滅
種根記名水府言上帝前七祖父母去離八
難上登九天衣飯自然我罪釋放萬神咸聞
請以金鈕關盟水官請如所陳金龍驛傳

右出洞玄玉訣上經

靈寶其帝先生其甲年如千歲其月生命屬赤帝名係霍山願神願仙長生度世飛行上清五嶽真人至神至靈乞削罪籍上盟九天請詣靈山金龍驛傳

其年其月朔如千日其子於其嶽告文

右朱書銀簡青紙裹之青絲纏之金鈕九隻金龍一枚埋本命之嶽悉如上法

於本命之嶽東向叩齒九通讀簡竟呪曰

玄上開明元始監真上帝五老赤書丹文天

地本始總領三元攝炁召會催促舉仙高上

符命普告十天日月星宿五嶽靈山天下地

上冥靈大神監生主錄南上三門開領玉簡

勒名丹編削落罪書上補帝臣億曾萬祖九

族種親皆蒙解脫五道八難去離三惡竟升

九天生死開度萬劫長存今日上告萬神咸

聞請以金鈕關盟真官請如所告金龍驛傳

右出元始靈寶告五嶽靈山除罪求仙上

經

靈寶赤帝先生其甲年如千歲其月生命係

九天南斗領籍願神願仙長生度世飛行上

清中皇九地戊己黃神土府五帝乞削罪錄

勤上太玄請詣中官投簡記名金鈕自信金

龍驛傳

其年其月朔日其子於其鄉里中告文

右朱書銀簡青紙裹之青絲纏之金鈕九隻

金龍一枚埋所住宅中宮悉如上法於中庭

向王叩齒十二通讀簡竟呪曰

天開地張九炁分靈三元同符十方朗清五

老上帝開真願生丹書赤文元始上精普告

天下九土皇靈今日上告萬仙定生我願我

仙請投玉名土府太皇勒除罪刑奏簡上宮

列簿華青早得飛騰天地同靈九祖種親腐

敗更榮竟昇南宮受化仙庭日吉告命萬種

咸聽請以金鈕表盟至情請如所告金龍驛

傳

右出元始靈寶告九地土皇滅罪言名求

仙上法

无上秘要卷之四十一

无上秘要卷之四十二

于六

事師品

詣師有所請求規問法事當先禮經師籍師

各一拜畢再拜啓度師而自陳詣師當夙昔

齋戒嚴裝法服端恭待旦載馳載忻詣師當

正已趣行稽首俯仰安徐容序懼若對神詣

師每當重掌併足警行欽手心存上真詣師

每當一心恭修禮敬欽手直視注念分明詣

師當專心正已意志玄虛恭修禮拜動止安

徐詣師揖讓禮拜崇向無為歡樂玄虛喜慶

交至詣師當濯洗手足衣服素潔體有香熏

炁合神景詣師施問訊畢當入齋堂燒香願

念禮於三寶詣師當正理法服科次左右端

詳聽思中外應承詣師當振喜交集正顏直

視祇畏悚惕如履薄冰詣師當執手平坐儼

然无虧為眾所觀詣師修禮既畢當思已身

受生所犯念自改勵詣師念罪既畢當靜思

清虛存念神炁不相遠離詣師諸念既畢當

起掃灑內外奉宣功勤效於恭禮詣師有所

啓稽顙當起施禮然後還坐陳啓心事詣師

當安徐聲氣吐納柔和勿得高剛傷忤真氣
 詣師當擇言而道言以法意勿得輕忽妄及
 私吞詣師當正行直造勿得遊過傍徨二心
 詣師當正已求真勿得懷向背不專詣師當
 清虛心口以注正真勿得飲酒濁亂神炁詣
 師當持戒自檢守死不移勿得雜念勞務塵
 濁詣師當令同氣形心齊平勿廣招引異類
 之人詣師宿止則息當著衣服思真安定勿
 得解脫靈形詣師冠帶每令整頓不得露頭
 輕慢尊貴詣師當惟心欣喜如對大聖勿得
 嗔恚忿怒詣師當念施忠孝仁義勿行嫉妬
 懷抱不道詣師當藏惡當善每弘四輩勿得
 毀謗抑遏賢良詣師當思開化廣度天人勿
 得閉匿遏塞頑人詣師聞悟愚短令入法門
 勿得蔽道隱真自取功名詣師當念普天同
 見法門勿得異念存想邪徑詣師當念師家
 善得飛行身得侍從上登大聖師有哀憂弟
 子皆當抱憂感出入无喜師有疾苦弟子皆
 當侍近左右視炁息有如父母師有災厄弟
 子皆當率請同學建齋祈請以立功德弟子

與師別經年月朔皆冠帶執板禮三拜長跪
 問訊訖復再拜合五拜別亦如此明識之不
 得抹略取爾無敬弟子經宿行皆再拜長跪
 別還亦如此若同姓兄弟宗祖祠祀衰麻同
 者皆不得相為師宗所以爾者受度日皆證
 其三曾五祖七世父母來監臨子孫所受若
 違盟負約九祖代其受罪皆殃及受法身是
 故不合弟子若云為所作及出入行止每先
 諮啓所為不得專輒自恣弟子與師共行不
 得踐師影弟子與師共坐不受他人跪拜所
 以爾者座无二尊弟子與師同坐室席師若
 出入起居行止弟子皆起下地倚不爾俱伏
 不得安然端坐弟子始詣師諸受道法皆當
 冠帶執板謙苦求請不得取爾抹略安然而
 說弟子捧師書皆置書於案上燒香再拜竟
 開書看之對句稱爾竟復再拜與師書答師
 書皆如之弟子不得犯師名諱若有人問師
 名諱三問不止皆逼齒弟子不得擔挾師左
 右左右皆有司察之官
 右出洞玄金錄簡文經

修學品

太上曰凡學當從下上漸次而修不得越略
 虧天科餘經有三品道有三真三皇內天文
 文大字九天之錄黃白之道亦得控壘玄霄
 遊涉五嶽故為下品之第

靈寶洞玄亦元始俱生淵廣深奧妙趣罔源
 齊淨芳蘭五稱映玄拔度七祖解釋罪根亦
 致真人下降飛騰上清中品之妙不妨地仙
 上清道經太丹隱書凡三百寶名玉訣九千
 此上真之首目玉帝之內篇得之者名參玉
 簡錄字青宮白日昇晨上造帝堂上品之訣
 太上曰人之為學皆有先勤而末怠垂成而
 中替悉由有志而不堅堅而不固便致不應
 天不誣人示之以響地不欺人應之以影影
 響不至神便遠也此豈天真不驗由於子身
 耳

右出洞真太上素靈大有經

夫仙者心學心誠則成仙道者內求內密則
 道來真者修寂洞靜則合真神者須感積感
 則靈通常能守此則去仙日近若夫心競神

驚體和不專動靜夜精耳目廣明者徒積念
索道道愈遠也

導引服炁之法胎息閉心存念之術幽神中
篇金匱隱音黃庭內外太清守記凡如此道
數千餘事皆流傳俗間先所知聞自中世以
來軒轅之後以此諸道而登度者人以獄積
不可勝數此勤心至矣守精篤矣乘探堅矣
志尚定矣行此四德余將為兆破券昇仙也
至於不固之人有為之者或彌年歷紀不得
其益何也或服炁呼吸不得其理或為他物
所惑將成而敗或覺得其益過疾則止或師
將告之而不知別或心不能專精神紛錯或
種罪作咎以犯天忌或虛增經方以意損益
凡如此者往往相尋此皆浮華之人傲穢之
士為有虛言不可教也故使大道不布於天
下真仙希遊於世間皆人之深責非吾黨之
咎累矣

右出洞真太上隱書經

真人周君曰人生自然爾者少生而知道者
寡修而行之學而精之老子曰上士聞道勤

而行之信哉言也

右出洞真酒房內經

三皇曰夫欲修道與三天同命者當忽彼奢
廣樂此儉約輕彼榮貴安此賤辱惡披錦繡
被褐懷王不感慮於貧鄙不孜孜於勢祿此
延命之要也又曰夫為道者退有所滯進有
所由烏白異品清濁分流无善不拔无賢不
拙天愛不止神敬不休此修道之長也
又曰浩浩三天益育萬物人好其華我取其
實人取其文我受其質靜心隱止不勞家室
此益壽之道也
又曰世剛則順當恭其心外藏其翼內寬其
鱗禁不累已寵不加身幽光匿景達世守真
存其目光還思五神此增年之大要也
天老曰俗人修道心懷萬端目見華色意亂
心煩五神失主道君不還小人修之不經日
旬謂之立至手執口宣未得一文謂可全身
但見涓流之激速未知江海之沈深觀進趣
之末利未知懷道以養神
黃帝曰兆得三皇天書皆有宿名玄錄既受

神文必行其法當先臣濟帝王解除禍患使
國寧民安然後乃得隱靖修學

右出洞神監乾經

修之身其德乃具修之家其德乃餘修之鄉
其德乃長修之國其德乃豐修之天下其德
乃普故以身觀身以家觀家以鄉觀鄉以國
觀國以天下觀天下吾何以知天下之然哉
以此

右出老子德經

夫道德治之於身則心達志通重神愛炁輕
物賤名思慮不惑血脈和平肌膚潤澤而有
光瑩精神專固身體輕靈虛實相成髮長潤
光佼好難終治之於家則父慈子孝夫信婦
貞兄宜弟順九族和親耕桑時得福實積穀
六畜繁廣事業修治常有餘矣治之於鄉則
動合中和賭正綱紀白黑分明曲直異理是
非自得姦邪不起威嚴尊顯奉上化下公如
父子愛敬信向上下親善百姓和集官无留
負職修名榮沒身不殆治之於國則主明臣
忠朝不隱賢士不妬功邪不蔽正讓不害公

和睦順從上下无怨百官皆樂萬事自然遠人懷慕天下向風國富民實不伐而彊宗廟尊顯社稷永康陰陽和合禍亂不生萬物豐熟界內大亨隣家託命後世警昌道德有餘與天為常

右出妙真經

大道雖无心可以有情求佇駕空洞中坦勝醫滄流淨明三界外蕭蕭玉京遊自无玄挺運誰能悟冥趣落落天漢澄俯仰即虛絜七玄散幽夜反胎順沉浮冥期苟潛凝陽九无娛憂觀此去來會時復為淹留外身而身存真仙會良傳

右出洞玄九天經

真人曰夫學道之為人先孝於所親忠於所君愍於所使善於所友信而可復謙惡揚善无彼无此吾我之私不違外教能事人道也次絕酒肉聲色嫉妬殺害貪驕恣也次斷五辛傷生滋味之肴也次令想念兼冥心觀清虛也次服食休糧奉持大戒堅質勤志專引胎息吐納和液修建功德

學仙行為急奉戒制惜心虛夷正炁居仙聖自相尋若不信法言胡為棲山林

大賢樂經戒受之為身實就學恒苦晚治身恨不早此當披幽蹟倏忽年已老執卷吸爾極將更死痛惱吾故及弱齡棄世以學道

右出洞玄安志經

老子曰當持上慈深智亦不獨生皆須對因緣各有行宿本命祿之所聞同道道得之同德有德根宿世不學問今復與夫隣是以故得失不樂於道文

右出西昇經

太上大道君曰夫陰丹內御房中之術黃道赤炁交接之益七九朝精吐納之要六一迴丹雌雄之法雖養仙名而上清不以此德雖均致化而太上不以為貴此穢仙濁真固不得闕於玉闈矣且吟噦履冰多見側車之欺縱有全者臭亂之地仙耳

右出洞真太上說智慧消魔經

清靈真人曰黃赤之道混炁之法是張道陵受教施化為種子之一術非真人之事吾數

見行此而絕種未見種此而得生百萬之中莫不盡被考者與千萬之中誤有一人得之得之速至於不死張道陵承此以教世耳道陵之變舉亦不行此爾慎言濁生之下道壞真霄之正炁也思懷淫怒存心色觀而以兼

行上道者適足明三官之罰所謂抱玉赴火以金棺葬狗色觀謂之黃赤上道謂之隱書人之難曉乃至於此

紫微夫人曰黃書赤界雖長生之秘要實得生之下術非上宮天具流辨宴景之夫所得

言也此道在於長養分生而已非為上道有懷於姪炁兼以行乎隱書者適足搖三官之筆為三官之鼓玄挺亦不可得恃解謝不可得賴要而言之貞則靈降專則神使矣

右英夫人曰夫學道者當得專道注真情无散念撥奢修保冲白寂焉如窳有所觀希然

如潛有所得兢兢似臨深谷戰戰如履冰炭始得道之門猶未得道之室所謂為難者學道也所謂為易者學道也寂玄沉味保和天真法神棲靈耽研六府惜精閉牝无視无聽

真法神棲靈耽研六府惜精閉牝无視无聽

此道之易即是不能行此者所以為難

右英夫人曰自古及今死生有津顯默異會藏往滅智與世同之皆得道之行若夫瓊丹

一御九華三飛雲液晨酣流黃徘徊仰咽金漿咀嚼玉蕤者立便控景登空玄昇太微自

世事乖牙期業未就便當雙履子六太陰潛生冥鄉外身棄質養胎虛宅陶炁絕籥受精玄漢

故改容於三陰之館童顏於九鍊之戶然後知神仙為奇死而不亡去來之事理之深也

後東卿司命君曰夫為道者精則可矣有精不勤則无所能為勤而不專亦不能有成也

要當令吝心消豁穢疾開散

定錄君曰違內負心三鬼夫真真既錯散竟乘其開夫為道者當使內心鏡徹官商相應靈感於中神降於外信不虛也

玄清夫人曰為道者猶木在水得流而行亦不左觸岸亦不右觸岸不為人所取不為鬼神所遮又不腐敗吾保其入海夫人為道不為穢慾所惑不為眾邪所誑精進不疑吾保其得道矣

定錄中候曰為道者常淵淡以獨性每操神以避閑安飲啄以自足无祈盼於籠網哀樂所以長去天關无所由臻手

稟志各有所定資性咸有其韻豈可履逐物之邪踈矯我之正業何不肆天標之極蹤適

求真之內娛從幽靜以怡心援所託以棲意處東山以晦跡握玄筌於妙嶺保隋珠以含照遠五難於胸心

司命君曰為道當令三關恒調是積精固骨之道三關者口為天關足為地關手為人關

謂之三關三關調則五藏安五藏安則舉體无病

紫元夫人告曰為道者譬彼持火入冥室中其冥即滅而明獨存學道存正愚癡即滅而正常存

太上問道陵曰人命在幾間或對曰在數日之間太上曰子未能為道或對曰人命在飲食之間太上曰子去矣未謂為道或對曰在呼吸之間太上曰善哉可謂為道者矣吾昔聞此言今以告子子善學道庶可免此呼吸

弟子雖去吾數千萬里心存吾戒必得道矣精研玉經寶書必得仙也處吾左側者意在邪行終不得道也人之為道讀經行事者譬若食蜜遍口皆甜六府皆美而有餘味能行如此者得道矣

右出真語

清靈真人說寶神經曰夫注心道真玄想靈人冥冥者亦具鑿其意也若外難未披假詠兼存實復未能迴西榆之年還疑玄童矣苟耽玄為志之勤純縱今牙彫面皺頂生素華者我道能變之子六為嬰兒在須臾之間耳但問志之何如老少之學无所在也吾即其人也

右出道迹經

无上秘要卷之四十二

无上秘要卷之四十三同卷十四

子七

修道冠服品

三皇道士法服

洞神三皇經

受道之身改易世衣者身之章號為法服人

或有衣玄青及白三色為科存甲子甲寅甲

申之炁固身形也玄冠烏巾青縹單衣白芒

草屣謂為法服得道昇天文衣自至

凡兼參三洞通服裙褐履板冠巾共得用取

靈寶道士法服

洞玄真一自然經訣

太極真人言受道執經法衣巾褐褐皆長三

尺六寸三十二條若鹿皮巾褐至佳皮褐无

條數也黃裳對之足下草履皮履彊可著耳

洞玄太極隱注經

草履

法曰轉經坐小牀上高五尺廣長悉等巾鹿

皮巾披鹿皮帔不須著褐也无皮用布帔者

太極真人讀經法服披離羅九光錦帔丹羅

寶曜之巾足下獅子文履今道士讀經勤苦

於法事鹿皮帔服後得道日天帝授子離羅

九光之帔天寶縷絡飛仙法服以酬佳德

洞玄請問經下

夫學道常淨潔衣服別靜燒香安高座盛經

禮拜精思存真吐納導養悔謝七世父母及

今世前世重非惡緣布施立功長齋幽靜定

其本願當令心虛意玄然後其道可成也善

備巾褐單裙讀經帔衣法制則不得妄借人

著不淨處名曰法服恒有三神童侍之

昔有一賢者迎待道士道士不得往即以帔

褐付之行至家其人敬信燒香禮之如見道

士神童見形云道士使我來也主人于時不

知是神童主人病者即除愈家門无恙神童

語主人病者已愈道士无煩復來賢者可送

法服還道士也主人如其語送至道士主人

問曰一日病苦奉請先生齋先生多事但遣

信竟不見顧齋病人今已愈奉送法服道士

愕然駭聽言畢答曰貧道一日須法事竟往

賢者更不來貧道是以不去非為負信亦無

心盡所致問往人形貌何似主人答言年可

十五六姿容端正佳麗出入道士思惟我弟

子都無此人恐神人降耳故法服當必令淨

潔制作得法不爾鬼反害人若敗壞當自衣

之不得他用也

昇玄經

有一仙人實子明者黃褐戴玄巾即前作禮

行讚繞太上七市

上清道士法服品

洞真四極明科

凡修上清道經大洞真經三十九章入室之

日當身冠法服作鹿皮之巾葛巾亦可當披

鹿皮之帔無有紫青可用當以紫為衣青為

裏帔今廣四尺九寸以應四時之數長五尺

五寸以法天地之炁表裏一法表當今二十

四縫裏今一十五條內外三十九條以應三

十九帝真之位身備帝皇之帝便應冠帶帝

皇之服故也無有此服不得妄動寶經詠一

句則響徹九天九真侍位所應不輕單衣誦

經天魔侵景萬精亂者神喪炁散死入幽泉

又不得仙有此服者給玉童玉女各二人典衛侍真不得妄借異人輕慢神服五犯身無復仙冀十犯被拷左官

凡女子學上清白日昇天之法受靈寶玉訣騰行大洞皆充元君夫人之位入室之日當冠元君之服用紫紗作褶令用二丈四尺身袖長促就令取足當使兩袖作十六條身二十二條又作青紗之裙今用四十五尺作八幅幅長四尺九寸餘作襟腰分八幅作三十二條此作飛青之裙元君之服也身冠此服萬靈束帶千魔滅形給玉童玉女各十二人典掌法服也無此服不得誅於上清寶經輕以常服誦詠上經天魔侵景萬精亂音神散烝離又不得仙

讀經執度品

真迹經

列紀曰侍文玉童玉女並司察有書之道士言功糾罪上聞上清玄中先師大過被拷於三官小過奪紀以促牟大罪禍及於三祖小罪止身身受殃輕慢則神去汗穢則文藏學

仙者開視靈文皆當起拜燒香天靈司察可不慎敬諸非傳授皆不得妄說篇目說則犯泄漏天文之科

洞真黃素四四方經

凡道士修受上法欲有所誦讀經文發帙之時皆當燒香心拜經前叩齒五通乃微呪曰玉帝上法上聞三清吉日齋戒敢闢神經萬試隱伏所向皆成玉童侍護玉華散磬上告三元與我女生呪畢開經然後乃得誦讀之此名為大帝開經之法令玉童玉女侍守燒香啓降神靈上聞九天

洞真四極明科

學士入室誦經皆五帝束帶四司浮位不得臨經住音與外人交言失略言句稽挾天真想念不專三犯伐功斷事不得成仙十犯身

被左官拷

入室誦經當令言句相屬不得越略天音失一句更却百言而讀失二句却還二百言失五句却還五百言始就誦失一句便誦一篇而補之十犯至三十犯廢功斷事不得成仙

五十犯至百犯延七祖已身並被左右官考罰刀山食火二十四獄三塗之役

入室誦經當令目注經文心念神真不得臨經他念異想以亂天音十犯至三十犯伐功斷事不得成仙

入室誦經千言以下不得臨經進飲千言以上至五千言得一進飲五千以上至萬言得二進飲萬言以上得三進飲不得妄進飲食以充烝音五犯至十犯伐功斷事不得成仙入室誦經萬言疲極得聽中住消息後得讀句竟徧雖爾不得經宿殘句虧廢天度五犯至十犯伐功斷事不得成仙

入室誦經若有男女同學亦得同室但男女異牀北向誦經當令男在東女在西不得座起卧息混同一席三犯斷功廢事不得成仙五犯身被左官所拷

讀大洞真經三十九章迴風混令帝一百神寶名玉檢雌一五老寶經洞玄素靈大有妙經大丹隱書上品高真之文北向心拜四方叩齒三十六通咽液三十六過存五藏之內

生有五色之光氣注五星之精然後先讀神州七轉之道次讀百神內名乃得誦大洞真經誦經當令心目相應不得雜念異想錯亂真神當使徧句畢子不得中住越略言句左官所執三犯不得成仙

讀上清寶經三十卷獨立之訣存思修行皆北向心拜四方叩齒二十四通咽液二十四過存五星日月三精玄注於兆身然後誦經行事當令心口相應无有異念披卷悉令言句周竟不得中止疑聽越略三犯乃不得仙

五犯七祖父母己身並為左右官所執凡誦靈寶經或洞玄或昇玄之經皆東向叩齒十二通咽液十二過再拜存紫雲之炁覆冠兆身然後誦經當令心目相應目无他視心无異念披卷言句周竟不得中住越略天音三犯萬不得仙五犯以上考屬左官凡讀天皇地皇人皇大字修行其道皆向南再拜叩齒十二通咽氣十二過存天皇君身長九寸披青帔著青錦裙頭戴九光寶冠手執飛仙玉策在左人皇君身長九寸披黃帔

著黃錦裙頭戴七色寶冠手執上皇保命玉策在右地皇君身長九寸披白錦帔著素錦之裙頭戴三辰玉冠手執元皇定錄之策在後三皇真君在兆左右然後披卷行事修此道不得交接陰陽履踐入穢輕慢天文觸犯真靈身被左右官之考

誦經品

洞玄空洞靈寶經

善信男女香燈供養見世光明身入无為受福自然若能長齋誦經靈寶萬徧道成身生水火立致飛行其道高妙不得漏泄

洞玄玉京山經

兆若能長齋久思誦道德洞經而叩齒咽液吐納太和身作金色項負圓光頭簪日華手把月英玄景靈符十絕之幡斯德巍巍道之至尊无窮玄化太上之真人矣將感太无動天老致飛龍降天仙也

洞玄九天神章

九天生神章乃三洞飛玄之炁合成至音結成靈文混合百神隱韻內名生死結形自然

之章天寶誦之以開天地之光靈寶誦之以開九幽長夜之鬼神寶誦之以制萬靈太一誦之以具身神帝君誦之以結形九天誦之以生人學士誦之以昇天鬼神聞之以昇遷凡夫聞之以長存幽鬼聞之以開度枯朽聞之以發煙嬰孩聞之以能言死骸聞之以還人三寶神與萬品生根故非鬼神所知凡夫所聞三元宮中宿有金名紫字刻書來生應為三清神仙之人當得此文誦之一過聲聞九天誦之二過天地設恭誦之三過三界禮房誦之四過天王降仙誦之五過五帝朝真誦之六過魔王束身誦之七過星宿停關誦之八過幽夜光明誦之九過諸天下臨一切神靈莫不銜軒一過徹天胞源宣通二過響地胎結解根三過神體寬門鍊仙四過天王降鑿幽夜開關五過五帝朝真藏府清涼六過魔王伏諾冒管生津七過星宿朗明孔竅開聰八過幽夜顯光三部八景整具形神九過諸天下臨三關五藏六府九宮金樓玉室十二重門紫戶玉閣三萬六千關節根源本

始一時生神九過為一徧一徧周竟三界舉
名五帝友別稱為真人十徧通炁制御萬靈
魔王保舉列上諸天百徧通神坐致自然太
一度符元君受生千徧通靈坐在立亡仙童
玉女役使東西萬徧道備馳騁龍駕白日登
晨

洞玄五稱經

太上玄一真人曰道德五千文經之至微宣
道之意正真之教煥乎奇文誦之十日虛心
注玄白日昇仙上為西華真人此高仙之宗
也亦能致慶於七祖

洞玄无量度人經

道言上學之士修誦是經皆即受度飛昇南
宮世人受誦則延壽長年後皆得作尸解之
道竟神暫滅不經地獄即得返形遊行太空
此經微妙普度无窮一切天人莫不受度无
量之福生死蒙惠
本命之日誦詠是經鬼神澄正萬炁長存不
經苦惱身有光明三界侍衛五帝司迎萬神
朝禮名書上天

道言夫末學道淺或仙品未充運應滅度身
經太陰臨過之時同學至人為其行香誦經
十徧以度尸形如法鬼神運上南宮隨其學
功計日而得更生轉輪不滅便得神仙
道言夫天地運終亦當修齋行香誦經星宿

錯度日月失昏亦當修齋行香誦經四時失
度陰陽不調亦當修齋行香誦經國主有災
兵革四興亦當修齋行香誦經疫毒流行地
民死傷亦當修齋行香誦經師友命過亦當
修齋行香誦經夫齋戒誦經功德甚重上消

天災保鎮帝王下禳毒害以度兆民生死受
賴其福難勝故曰无量普度天人
道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛

道言此諸天中大梵隱語无量之音舊文字
皆廣長一大天真皇人昔書其文以為正音
有知其音能齋而誦之者諸天皆遣飛天神
王下觀其身書其功勳上奏諸天萬神朝禮
地祇侍門大勳魔王保舉上仙道備剋得遊

行三界昇入金門
洞真金房度命經
此經高上之玉章大洞之靈篇羅列一形之
內誦之一徧妙理自解誦之十徧反容童顏
誦之百篇內化胎仙誦之千徧坐在立亡萬
徧道備白日登晨長齋寂處不關風塵道无
弗降計日昇仙
誦經十過為一徧徧則服金房保命符各一
枚十徧便十服符限徧此則通神致真坐見
八方條理百關節度納靈萬炁惚歸則能長
生壽極天地三光同年
洞真龍景紫鳳赤書經
赤書九十一言是西城真人所受別抄崔旻
旨所修求仙之本乃風氣之隱音得佩之者
神仙行之成真凡人奉之者獲惠若能長齋
苦行栖身幽阜誦詠萬徧則策龍駕虛上登
玉清隱在人間佩文誦音神官來朝誦詠一
徧神朗氣清千秋束身萬魔滅形
洞真素靈大有妙經
太極真人曰太上素靈洞玄妙經與元始同

生靈文既存衆真詣座燒香禮經遊行誦此
二十一篇之章以慶於神庭也玉音激朗清
徹九天其句幽微妙趣傍通誦誦一過萬神
啓靈恒當究習與帝合真解宿對之重責拔
七玄於幽宮釋五苦於愁鬼度身上於三天
妙乎微哉斯之靈文也

洞真三天正法經

三天頌文凡受此文誦之於別室千徧通神
萬徧通真道神則與神交言逆知吉凶道真
則與元始親類入水不沉入火不燃經災履
厄騰景三清

洞真太霄琅書瓊文帝章經

凡修衆經以瓊文為先誦誦寂室靜慶霞軒
群魔伏使萬試敢前隨意所修乃得道直萬
徧道備騰身大清

洞真智慧觀身大戒經

太微天帝君曰道學不奉觀身大戒而誦經
萬徧隱處山林昇仙之舉恐未可希耶

洞真外國故品經

當燒香靜室禮願修行誦之一徧萬真交會

五老降形天魔仰伏招仙致真

洞真三元玉檢布經

玉清上宮瓊瑤蕭條之唱乃九十章三元君
主之元君恒誦其曲以和於形鬼之氣慶於
九府之真行三元道當誦誦其唱求感至靈
招於玄虛降之津路

洞真素奏丹靈六甲符經

上清瓊宮玉女皆以金簡刻書上宮歌章各
聲合唱逸朗玉清上慶神真解滯常陽有得
此文六甲降形能常清齋誦誦靈音刻率白
驚上昇瓊宮學失此道徒損形神天真不降
無由成仙

凡修六甲之道每以甲日入室服符誦誦六
宮歌章六年通感玉女降房與兆面言運龍
飛霄上昇兆身秘則靈降泄則受殃

洞真玉清隱書經

大洞玉清隱咒九天上文出自高上口訣解
滯散源大洞真經三十九章理極於此上則
引致高靈之霞映下則滅於萬魔之凶殃誦
之一徧開明幽關三十九戶納受玉津死氣

沉塞百神內歡百神既暢則聲達九玄氣朗
紫霄響叩玉晨五帝東帶萬靈朝軒生來
歸七祖昇遷身致羽翼駕景無雲飛行玉清
位參紫宸此高玄之妙道玉清之秘篇
无上祕要卷之四十三

子七

十二

无上秘要卷之四十四

洞真三上品誠儀

上品誠

上真禪號高下尊卑功過儀典

上真衆聖朝禮旋行功過儀典

上真大聖遊宴從駕功過儀典

上真總校生死圖錄功過

上真總領生死命籍算錄功過

上真總領生死功德輕重功過

上真總領鬼神功德報叙輪轉功過

上真總領鬼神幽責開度功過

上真總領昇度死寃更生輕重功過

上真總領死寃受錄安靈功過

上真總領神仙得道年月品秩功過

上真總領萬魔謔譎之音功過

學上道不信經誠懷疑兩心罪

學上道輕慢聖文評論經典罪

學上道輕慢師主違背盟誓罪

學上道毀謗師父不崇大義罪

學上道竊取經書无有師宗罪

十七
十三

學上道學无師而授弟子罪

學上道誘取經書而傳弟子罪

學上道得經書无師盟度罪

學上道受經不依經科年月傳授罪

學上道受經傳授非其人罪

學上道受法師門无開度之功罪

學上道无功而傳授弟子罪

學上道傳法宿奏不合而傳罪

學上道傳經不宿奏五帝罪

學上道受經无信賤道罪

學上道過斷賢路自取功名罪

學上道月朔月望八節不禮師罪

學上道不修齋直之罪

學上道齋直不精之罪

學上道誦經越畧之罪

學上道旅行越次評競罪

學上道恚怒師父罪

學士及百姓子攻擊善人罪

學士及百姓子惡口亦舌罪

學士及百姓子評論師主罪

學士及百姓子飲酒失性罪

學士及百姓子殺生陰賊罪

學士及百姓子貪慾驕逸罪

學士及百姓子穢濁道法罪

學士及百姓子呪詛神鬼罪

學士及百姓子殺害衆生罪

學士及百姓子綺語兩舌不信罪

學士及百姓子姦淫穢濁罪

學士及百姓子盜竊人物罪

學士及百姓子嫉賢妬能罪

學士及百姓子背師恩愛罪

學士及百姓子欺師背道罪

學士及百姓子泄露天文罪

學士及百姓子毀謗經法罪

學士及百姓子修經中悔罪

學士及百姓子不忠於上罪

學士及百姓子罔畧於下罪

學士及百姓子欺罔同學罪

學士及百姓子欺罔百姓罪

學士及百姓子口善心惡罪

十四

學士及百姓子說人過惡罪

學士及百姓子輕慢三光罪

學士及百姓子穢慢神鬼罪

右六十條罪由天官一宮中府十三曹地官一宮中府十四曹水官一宮中府十四曹風

刀考官主之

中元品誡

學士及百姓子始如同學罪

學士及百姓子浮華妄語罪

學士及百姓子貪利入己无厭罪

○學士及百姓子積祿重寶不施散罪

學士及百姓子樂人寶物入己罪

學士及百姓子願人傷敗流散罪

學士及百姓子私畜刀杖兵器罪

學士及百姓子屠割六畜殺生罪

學士及百姓子射刺野獸飛鳥罪

學士及百姓子燒山捕獵罪

學士及百姓子捕魚張筌罪

學士及百姓子金銀器食罪

學士及百姓子貪樂榮祿酷政罪

學士及百姓子燒敗見物成功罪

學士及百姓子飲食投水中罪

學士及百姓子貪濁滋味肥羶罪

學士及百姓子貪食五辛罪

學士及百姓子草書偽意罪

學士及百姓子合聚群衆罪

學士及百姓子圖謀人婦女罪

學士及百姓子心謀國事罪

學士及百姓子圖謀人家物事罪

○學士及百姓子以粗物易好物罪

學士及百姓子交關天子王侯罪

學士及百姓子干知天時星宿罪

學士及百姓子火燒田野山林罪

學士及百姓子斫伐樹木採草華罪

學士及百姓子與惡人交遊親近罪

學士及百姓子交關流俗華競罪

學士及百姓子在人中獨食罪

學士及百姓子放逸世間伎樂罪

學士及百姓子面譽世人陰毀人罪

學士及百姓子說人專上善惡罪

學士及百姓子泄露人陰惡私鄙罪

學士及百姓子攻擊善人橫生无端罪

學士及百姓子妄視人書疏私微罪

學士及百姓子與女人獨行邪語罪

學士及百姓子男女同座群居罪

學士及百姓子男女共食交錯衣物罪

學士及百姓子男女教化不善罪

學士及百姓子與世間交關婚事罪

學士及百姓子自貴驕色罪

○學士及百姓子因恨報怨罪

學士及百姓子離別家室罪

學士及百姓子落子傷胎罪

學士及百姓子疎宗族親異姓罪

學士及百姓子毒藥投水傷生罪

學士及百姓子娵愛弟子罪

學士及百姓子收集人衆罪

學士及百姓子投書譖世人罪

學士及百姓子自許用性罪

學士及百姓子妄作忌諱罪

學士及百姓子希人物罪

十七
十六

十七

學士及百姓子評論師友長短罪

學士及百姓子輕慢經教法言罪

學士及百姓子薄賤天人老病罪

學士及百姓子棄薄乞人罪

學士及百姓子承威勢以凌世間罪

學士及百姓子阿黨所親罪

學士及百姓子父母兄弟別離各居罪

右六十條罪由天官左官左府十二曹地官

左官左府十四曹水官左官左府十四曹太

陽水官考吏主之

○ 下元品誠

學士及百姓子恚責弟子罪

學士及百姓子恚責世人罪

學士及百姓子不放生度免罪

學士及百姓子富貴忘師罪

學士及百姓子諸天齋日不念道罪

學士及百姓子信人言恚師主罪

學士及百姓子唱論人惡事罪

學士及百姓子笑人頑闊貧賤罪

學士及百姓子親人為惡事罪

學士及百姓子禁人作善事罪

學士及百姓子快人過失罪

學士及百姓子去就背向罪

學士及百姓子五嶽三河無簡名罪

學士及百姓子汗穢五嶽三河罪

學士及百姓子奪人所欲罪

學士及百姓子馳騁流俗求競世間罪

學士及百姓子慶弔世間求悅衆人罪

學士及百姓子仍他人之功為己德罪

○ 學士及百姓子召人飲食惡罪

○ 學士及百姓子驚惶百姓衰厄罪

學士及百姓子驚惶鳥獸促者窮地罪

學士及百姓子驚怖老小罪

學士及百姓子輕凌官長有司罪

學士及百姓子論議世間曲直罪

學士及百姓子妄論國家衰盛罪

學士及百姓子施惠追悋罪

學士及百姓子邀遊无度罪

學士及百姓子登高望下罪

學士及百姓子籠飛鳥走獸罪

學士及百姓子快人家喪禍罪

學士及百姓子以棘刺橫人行道罪

學士及百姓子不拜禮鬼神罪

學士及百姓子裸形三光罪

學士及百姓子呵罵風雨罪

學士及百姓子換借不還罪

學士及百姓子罔人求榮稱罪

學士及百姓子傲慢三寶輕忽天尊罪

學士及百姓子謀人君長師父罪

○ 學士及百姓子觀人不孝父母兄弟罪

○ 學士及百姓子矯稱自異號真人罪

學士及百姓子信用外道雜術邪見罪

學士及百姓子無經師託學欺詐神人罪

學士及百姓子衣服盈餘弗散窮人罪

學士及百姓子竊寫人經戒輕慢罪

學士及百姓子榮飾衣褐華麗罪

學士及百姓子身不潔淨上高座罪

學士及百姓子穢慢師門不恭罪

學士及百姓子師有哀憂不建齋請罪

學士及百姓子棄師父追世盛罪

學士及百姓子師豪貴隨逐希望罪

學士及百姓子師疾厄不侍省罪

學士及百姓子遠厄急逐寬樂罪

學士及百姓子出入道戶不關啓罪

學士及百姓子妄與他人入道戶語罪

學士及百姓子齊請不為三官遷功罪

學士及百姓子自愁家門不念他人窮厄罪

學士及百姓子家有喪疾怨道殺師罪

學士及百姓子得師經道而自稱已得罪

學士及百姓子傳師道法不折送功信罪

學士及百姓子^{十七}八節不請師言名五帝罪

右六十條罪由天官右宮右府十二曹地官

右官右府十四曹水官右宮右府十四曹太

陰水官考吏主之

三部品誠部有六十條合一百八十條誠合

有陰陽左右水火風刀考官典之

無上祕要卷之四十四

無上祕要卷之四十五

玉清下元戒品

道學不得煞生蠕動之蟲

道學不得教人煞生蠕動之蟲

道學不得飲酒

道學不得教人飲酒

道學不得綺語兩舌不信

道學不得教人綺語兩舌不信

道學不得姪犯百姓婦女

道學不得教人姪犯百姓婦女

道學不得盜竊人物

道學不得教人盜竊人物

道學不得嫉賢妬能

道學不得教人嫉賢妬能

道學不得背師恩愛

道學不得教人背師恩愛

道學不得不忠其上

道學不得教人不忠其上

道學不得調其下

道學不得教人調其下

子八

道學不得欺誑同學未解之人

道學不得教人欺誑同學未解之人

道學不得輕慢弟子

道學不得教人輕慢弟子

道學不得口善心懷陰惡

道學不得教人口善心懷陰惡

道學不得說人惡過

道學不得教人說人惡過

道學不得重積七寶不施散四輩

道學不得教人重積七寶不施散四輩

道學不得樂人錢財雜物為己重擔

道學不得教人樂人錢財雜物為己重擔

道學不得蓄刀杖兵器

道學不得教人蓄刀杖兵器

道學不得養六畜

道學不得教人養六畜

道學不得金銀器食飲死厚葬骸骨

道學不得教人金銀器食飲死厚葬骸骨

道學不得貪樂榮祿王位

道學不得教人貪樂榮祿王位

道學不得燒敗世間寸土之物

道學不得教人燒敗世間寸土之物

道學不得以世間堪食之物投水火中

道學不得教人以世間堪食之物投水火中

道學不得貪世滋味

道學不得教人貪世滋味

道學不得貪食五辛

道學不得教人貪食五辛

道學不得為草書

道學不得教人為草書

道學不得以羸物易人好物

道學不得教人以羸物易人好物

道學不得知預軍國事物

道學不得教人知預軍國事物

道學不得設權變謀

道學不得教人設權變謀

道學不得无故見天子王侯

道學不得教人无故見天子王侯

道學不得干知天時指論星宿

道學不得教人干知天時指論星宿

道學不得以火燒田野山林

道學不得教人以火燒田野山林

道學不得无故摘眾草之華

道學不得教人无故摘眾草之華

道學不得親近惡人

道學不得教人親近惡人

道學不得无故伐樹木

道學不得教人无故伐樹木

道學不得人中多語言參豫流俗

道學不得教人入中多語言參豫流俗

道學不得人中獨食

道學不得教人入中獨食

道學不得與世間婚姻事

道學不得教人與世間婚姻事

道學不得習世間伎樂

道學不得教人習世間伎樂

道學不得泄人陰惡私鄙

道學不得教人泄人陰惡私鄙

道學不得妄求視人書疏

道學不得教人妄求視人書疏

道學不得與女人獨語獨行

道學不得教人與女人獨語獨行

道學不得與女人同座男女群居

道學不得與女人同食交借食物

道學不得親教女人

道學不得說人祖父善惡

道學不得教人說人祖父善惡

道學不得面譽世人

道學不得以毒藥投淵池江海中

道學不得教人以毒藥投淵池江海中

道學不得踈宗族

道學不得親異姓

道學不得落子傷胎

道學不得教人離別家室

道學不得因恨報怨

道學不得教人因恨報怨

道學不得輕凌弟子

道學不得教人輕凌弟子

道學不得妄聚集人眾

道學不得教人妄聚集人眾

道學不得投書諧世人

道學不得教人投書諧世人

道學不得自貴

道學不得教人自貴

道學不得自驕

道學不得教人自驕

道學不得自是用性

道學不得教人自是用性

道學不得為世間妄多忌諱

道學不得教人為世間妄多忌諱

道學不得希望人物

道學不得教人希望人物

道學不得竭陂池

道學不得教人竭陂池

道學不得評論師友才思長短

道學不得教人評論師友才思長短

道學不得輕慢經書譬毀法言

道學不得教人輕慢經書譬毀法言

道學不得薄賤老病

道學不得教人薄賤老病

道學不得棄薄乞人

道學不得教人棄薄乞人

道學不得持威勢以凌世間

道學不得教人持威勢以凌世間

道學不得阿黨所親

道學不得教人阿黨所親

道學不得與父母別門異戶

道學不得教人與父母別門異戶

道學不得瞋恚弟子

道學不得教人瞋恚弟子

道學不得恚責世人

道學不得教人恚責世人

道學不得罵人為奴婢畜生

道學不得黥奴婢面傷其四體

道學不得快人過失

道學不得教人快人過失

道學不得飲告煩擾世間

道學不得教人飲告煩擾世間

道學不得為世俗人作禮主

道學不得為人圖山立宅

道學不得占知世間吉凶

道學不得教人占知世間吉凶

道學不得去就背向

道學不得教人去就背向

道學不得與世人群處

道學不得無故見貴人

道學不得乘車載馬

道學不得奪人所欲

道學不得教人奪人所欲

道學不得馳騁流俗求競世間

道學不得慶弔世間求悅眾人

道學不得仍他人之功名為己德

道學不得臥寢金寶彫牀

道學不得名人飲食好惡

道學不得驚但百姓妄說衰厄

道學不得教人驚但百姓妄說衰厄

道學不得驚恒為獸促以窮地

道學不得妄驚怖老小

道學不得輕凌官長有司

道學不得豫世間論議曲直

道學不得施惠追悖

道學不得遊遨无度

道學不得妄登高樓

道學不得籠飛鳥走獸

道學不得教人籠飛鳥走獸

道學不得塞井及溝池

道學不得快人家喪禍

道學不得以棘刺橫人行道

道學不得教人以棘刺橫人行道

道學不得祠祀神祇

道學不得教人祠祀神祇

道學不得向鬼神禮拜

道學不得教人向鬼神禮拜

道學不得裸形三光妄呵風雨

道學不得換舉人物不還債主

道學不得斷割人財

道學不得勸人為惡事

道學不得禁人為善事

道學不得諸天齋日而不齋戒念道

道學不得違歲六齋月中十齋

道學不得違經教科戒禁律

道學不得為人作辭訴

道學不得唱論人惡

道學不得信人言以恚世間

道學不得笑人頑闇貧窮

道學不得以意增減經戒一字八輒添

一後生不語中

道學不得傲慢三寶輕忽天尊

道學不得勸人謀反君長師父

道學不得勸人不孝父母兄弟

道學不得矯稱自異號為真人

道學不得信用外道雜術邪見不真

道學不得求物盈餘

道學不得強人道學

道學不得无經託學欺詐人神

觀身戒從五戒至一百八十君臣父子之

道名玉清智慧下元品誠

玉清中元誠品

道學不得望人禮敬

道學不得竊寫人經戒

道學不得榮飾衣褐

道學不得身不潔淨上高座讀經

道學不得同行當讓入以前

道學與人同學夏執爨供水

道學與人同學冬執瓶供水

道學與人同食當食其麤及菜

道學與人同食當食正己前

道學與人同學當敬先勝己

道學與人同住當任人處分

道學與人同學當念教解

道學與人同學當請問先進

道學人施惡於己已受惡不得有怨

道學不得懷怨志報於人

道學與女人共語不得正視面容含笑相對

道學與人同渡水不得正眼視人

道學失物不得疑似同學及衆人

道學失物當委還自悔多罪

道學多災病當恭己自責念改往修來

道學當忍人所不能忍

道學當割人所不能割

道學當及人所不能及

道學當食人所不能食

道學當學人所不能學

道學當容人所不能容

道學當受人所不能受

道學當斷人所不能斷

道學無經業精神浮散真想不通

道學身不潔淨冤鬼離人

道學有心天真高逝魔官不服

道學有家則三毒不滅三真不居

道學有身則來欲不去精思無應

道學當虛心靜漠寂與真對

道學當安守玄泉不使妄動生元

道學當滅識識見然後真人見

觀身戒從第五至二百一十六无上正真

之道名玉清智慧中元戒品

玉清上元戒品

道學當念菜食為常

道學當念先度人後度我身

道學當念居山林幽靜精思

道學當念安貧讀經行道無倦

道學當念燒眾名香流芳諸天徹魔境界

道學當念在賢眾聽受妙音

道學當念請受三寶洞經勤身供養

道學當念立功度人終始不倦

道學當念報師友本終劫弗殆

道學當念國中清靜王化太平無有不道

道學當念鄰國有道各守境界

道學當念祝願百姓念常安完

道學當念萬物為先不得道已

道學當念遠鬼神不敬不慢

道學當念遠外術禁忌之道

道學當念遠聲色誦舞之術

道學當念遠卒效鬼語妖妄之人

道學當念崇本守真

道學當念口不達心心不負形

道學當念無疑惑聖文損益科法

道學當念无求无欲

道學當念清白守真

道學當念心无異想唯空唯寂

道學當念家家安寧咸无苦痛

道學當念世間憂厄之人罪繫苦惱

道學當念天子聖明弘道室家日盛

道學當念主相弘輔常保有道

道學當念天地日月風雨積雪以時

道學當念父母養我因緣

道學當念七祖父母未昇天堂

道學當念我師未得昇度

道學當念我同學未測道淵與典章

道學當念同志轉相教導令人正道

道學當念不違其口所誦之文

道學當念視人父母如己父母

道學當念視人子如己子

道學當念視人身過己身

道學當念視人傷身痛過己身

道學當念視人辱惡過於己身

道學當念我宿命因緣根斷

道學當念我胎根已絕不復世生同緣種親

道學當念我生樹已枯神合太无無數之劫

體道合真

道學當念三塗路塞地獄長休

道學當念中食養神葉諸肥滋

道學當念慎大法常存三宮真人元丹子

道學當念觀世和光不矯於俗

道學當念係三寶經戒常誦不輟

道學當念存雌十八一誦大洞經十二若對神

道學當念登仙度世乘雲駕龍

道學當念欲見師友同學之人

道學當念見真人道士修行法事

道學當念見聖王治世海外稽首乘風向化

道學當念食天厨自然之膳无饑渴之想

道學當念與天真共對澹然无為

道學當念使玉童玉女

道學當念東遊青林東華

道學當念西遊安養西華

道學當念北遊碧羅北華

道學當念南遊太丹南華

道學當念遊遨留秦須彌崑崙中華

道學當念遊志齋堂講肆聖道教釋淵廣

道學當念遊上清金闕禮見真人太老

道學當念遊玉清七寶宮禮三元天尊

道學當念遊玉清丹霞宮禮太上二十四高

聖

道學當念遊太上玉京七寶流霞臺蓋玉

京林禮太上天尊十方大聖終劫復始

道學當念遊紫雲宮禮洞真三十九高聖

道學當念遊三十六天黃金宮禮天帝

道學當念遊九天黃金輝宮禮天帝

道學當念遊諸天宮宅與天帝問道論經

道學當念遊六天七寶宮觀化大魔王見度

我符籍以入仙品永離泉曲之簿

道學當念遊日月宮殿光明煥赫禮見日月

王飲以日月華金液之漿

道學當念遊大梵天流景宮禮拜及天帝聽

諸天讚誦霄絕雅妙

道學當念遊諸天七寶林反生靈香流芳逆

風聞三千里外獅子飛龍鳴嘯其間

道學當念遊諸天浴池安座蓮花之上香潔

自然流泊諸天百千池皆如一處人人快樂

道學當念遊諸天聽諸天伎樂无世間之想

道學當念遊十方外天禮大聖眾无上正真

人

道學當念遊下方无極金剛天宮禮諸九老

真人

道學當念遊天地名山隱宮洞室禮聖眾先

得道人

道學當念以心為道終无邪見異念恒令心

虛意泰不思不慮安雅空寂

道學當念隱秘天真名諱不出我口

觀身戒從第五至三百首太上无極之道

名高上玉清智慧上元戒品

洞真智慧觀身大戒經品

元始天王曰夫高上洞真智慧經不宣世上

學士皆多傳已成真人見故難見見而難盡

是以希見於世矣是戒尊重不可以言宣觀

於人身諸神三百關節真靈不得妄出魔試

不能得犯人受誦此戒不違其禁亦可不學

而仙雲霞碧舉自然迎于白日昇天浮身空

洞放浪十方項生圓光煥耀太无率天眾聖

莫敢不敬仰於子也六天大魔王是時即舉

奉戒之士東華宮言名大梵天宮大梵天宮
言名玉京金闕刻以上仙之品焉

元始天王曰大洞真經言詠之萬編雲駕下
迎靈寶洞玄經有度劫之文其人修之而成
不仙及合金丹靈藥不成何也故由不得修

奉智慧觀身戒故耳是戒衆妙之妙威神極
尊金華仙人九百立侍燒香焉是真祕之道
不傳於文當誦詠而已夫道學不受此戒終
不成仙或造業墮於聲色或始勤末懈或入

山居家為衆魔所試敗或生異念疑惑真經
或還從俗无復道心或輕慢師友毀辱同學
或卒發狂癡性恣倒錯更貪財愛色及薄三
寶或家道輒軻怨懟恚會或惡夢亂想精神

愁悶皆由无大成以攝其身神三毒淨尸攬
作五府是致斯患也魔王不削泉曲死名三
界不過仙品

元始天王曰是戒因靈仙而見今諸天諸地
名山仙人悉奉而行焉每至朔望八節本命
之辰諸天齋日同學師友入室說戒一周先
禮十方方一拜諸天聞說戒音皆各禮焉弟

子願欲奉當資上金五兩以為五帝之信丹
錦十丈為十方之質代夫落簪之盟不泄戒
律以奉有戒之師師弟子對齋三日思念戒
旨是夕當然十燈供養光明十方十方大聖
以表我心矣天氣和靜若其時風雨雷霆激

迅未可得受也當更齋戒重自恭肅臨時亦
將神開意散矣奉戒九年身燭自明日月華
丹自至金容內發重顏充肌神通四達與高
仙齊德出入无間能奉此大成律則羅縷千

流汨之池解矜于七寶之臺遊觀蓮花之上
。蔭以及生香林光明鮮蔚從劫到劫永享道
真本命日正中若夜半北向誦大上徊玄大
品章以洞十方

太微天帝曰是戒名智慧觀身戒一名保仙
靈文一名高上洞真度命靈章自非有宿世
功德垂慶累業福祚所延者終不令見此寶

秘矣東華元金簡玉名亦不使與是師相遇
也能奉之者是子命應仙矣有經而无戒猶
欲涉海而无舟楫猶有口而无舌何緣度死
身耶夫學者不知尋經而不知尋戒是未悟

真要之根長夢而不覺可為痛心矣皆當量
己能奉者資信受之受者九百年得口授一
人不得過一人是為泄戒罪及七祖父母幽
厄地獄身履三塗五苦八難終劫復始轉輪
惡道去仙日遠冤家債主因時一會各慎身

馬
太微天帝曰敢有竊聽說戒者即為天下惡
魔所中必至之禍萬无疑矣若奉戒弟子獨
處山林可畏之地鳴天鼓二七通心存戒神

戒神衛已三重妖魔鬼魅不敢近福德恒隨
身諸天善神各各擁護也先是冤家債主皆
生慈心矣

太微天帝曰我昔始學之時唯知請經不知
尋戒乃歷劫生死太上愍我道心高聖哀我
不懈見告云子學彌勤而不知奉觀身大戒

當何由得仙乎我於是稽首金闕之下三千
日太上見投要戒奉而修之九年之中雲舉
來迎三界十方真人交會於玄虛矣故道學
當以戒律為先道家之宗尊焉法憲習誦上
口古聖皆秘而不書也今奉之亦然弗令真

文脫泄凡俗矣

太微天帝曰道學不奉觀身大戒而誦經萬
徧隱處山林昇仙之舉恐未可學耶若能戒
全於內和光於外猶庶幾乎靈標之產也非
道學難奉戒難耳子能全戒餘及十方太上
將保子登仙也戒全而誦寶經佩大符若復
不仙天下无有不死之道矣我之所說世求
其人難得耳末葉多託聲名於浮華罕見道
德之真心是以三寶沉昧聖人潛處豈道之
不弘耶受戒若全十方真聖自然見於子也
○是不學而仙道成矣不虛言虛言欲何為哉
正愍世間之志士耳因緣運會當有可教者
乎子其勗之子其勤之仙道既就何樂如之
道遠于太上之京放任于自然之域是為歡
樂太上前萬劫猶未始此之謂矣真非翰札
所能宣也

太極真人曰吾昔聞道於太上言誦三寶洞

經而不奉是大戒仙道衆妙胡緣而成耶故
口口而已不宜於文將獨逸於三寶之苑圃
矣宿无上仙之相好者亦終不令見也自非

七祖積慶繁華垂蔭因緣累業實功彌劫豈
知願樂太上觀身之戒乎能奉是戒者便為
太大大法師三寶之宗焉十方皆敬子於雲
漢群仙將引子於東華坐朝天魔魔王舉光
符命於三界六天泉曲之府泰山主者地官

无復有應死之錄籍也青宮仙名乃定於是
耳將當為玉京之高仙太上之真人焉

太極真人曰夫道要在行合冥科積善內足
然後始陟大道之境界耳自非能爾者皆為
徒勞於風塵无益生命之修短也道在我不

由彼唯慈唯愛唯善唯忍能行此四等亦與
道為隣矣能動能信能離能終能諫諍能棄
色酒矣是為六度之法亦與真為儔矣能受
非不自中能讓德於人能不欲人之欲能容
无理不諍能遠无道藏身幽處能不違心能

不負經戒能不代口所誦此八能亦與善為
友矣

太極真人曰戒律之為道威嚴神妙恐人不
能有心奉故當秘而不書耳是以智慧經篇

終不悉顯於末學之士矣口口相傳將亦何

由而泄耶當其說戒之時十方天人又手敬
聽鬼神皆禮於所聞豈可輕而哉

太極真人曰夫古人之為道也玄寂靜神念
无所存口无所言身无所修兀然无際湛然
不動坐忘直道已成端拱雲車立迎矣或乘

鳳凌空或駕龍騁虛舉身躡无飛昇太極運
體於空洞而无待也是以迹不可見世无我
知知我者希則我者貴矣此之謂乎合符契

為師友特詭言而為因此非上古之法末學
所刺耳若必是學士願請寶經審觀其人意

既洞悟便對經於太上前啓告而付之案文
而宗奉焉乃合太上玄科大法矣苟无弘道
之才故以七祖證十方而當遠此哉自可先

深思省子身能奉與否三塗地獄十苦八難
豈可輕耶視之令人心寒於諸賢善慎明戒
福自然矣背爾之心禍亦自然矣苦痛切身
時刻巨過何況彌劫乎

太極真人曰雖復終劫始劫是戒不易之道
古人口受而身行道成之日速或顯或隱於
後世故不測其所修為矣是以上古以披衣

坐忘而得道軒轅鑄鼎而龍迎故能洞觀十方超凌三界王喬赤松所以乘紫煙而高翔天庭皆其類也不能具記此賢所謂不學而仙道自成者乎
无上秘要卷之四十五

无上秘要卷之四十六四十七

子九

昇玄五戒
昇玄戒品

道言夫色慾敗事實不可行而世間賢愚賤貴亦同願唯有道士乃能執志堅持教戒以自檢縛行止舉動心不傾邪在於愛欲之間終不一違

若見色利榮華豔彩以戒掩目

若聞好惡之言五音之屬以戒塞耳

若有八珍之饌甘香之美以戒杜口

若願想財貨七寶奇珍放情極欲以戒挂心

若憶姦媼貪趣惡事以戒折意

能行此五事者七祖生天衣飯自然身得神仙白日登晨如其尸解轉輪成真賢者精誠奉之也若男若女不能承用不肯受持無可

如何吾寧與人子九萬金不書此言道陵子當擇人而授勿泄真文太上道君仍頌偈曰

煩惱是何物 悉從身中生 目觀榮麗色

耳洞五音聲 口甘八珍味 心想財貨榮

意貪姦媼事 手足為之行 五惡既不住

考對在兆形 永與生道隔 幽窺致鬼困
罪畢出所在 有人而無情
奉戒不行惡 掩塞五心門 目不視綺容
耳不采聲煩 口不饜美甘 心不受錢財
意無姦向想 手足不去來 五惡寂住停
考對焉從宜 永與真道合 不復零鬼官
功積從戒起 白日登玉晨
目以色為僻 初不欲一見 耳以音為僻
初不願欲聞 口以味為苦 初不以自薰
心以寶為石 初不為想戀 意以奸為賊
初不欲同貫 足以夷為咀 初不樂步端
五者同一路 初不傾邪看 若能如是者
所謂妙中難 難中既能通 萍滯無由安
身清神則寧 皇一守丹田 行備由內起
致得昇冲天

道言奉法行道子九當勤修身當堅精進當久持戒當固專念當執諦想莫不存道去邪去惑去妖去偽去姦去慾除業眾非以為包真是先勞後報度身昇仙當期當來勿觀目前一者不得姦泆志念在邪勞神損精蒐蒐不

守正氣離去邪來合前

二者不得情性忿怒心湧發憤口泄揚聲呪詛罵詈振動天地神不佑人身中真官上訴

三天注名罪目萬不得仙

三者不得妄想毒念嫉妬於人天人糾筆地

官奏言注名黑簿考至殺身最不可犯害及子孫

四者不得飲酒迷亂荒濁穢身變易常情不

崇戒文不畏官法不敬父君不識骨血為怨

姪牽冤鬼悲號穢注五神罵詈恣口反逆不

順天遺其殃身受禍患

五者不得貪利錢財末世多傷人情凶弊或

於便宜動謀賊害財是身難何用財為有而

不積當種福地空堂清室名為仙家

有此五者不可一犯喻如履冰之險蹈室之

危罪定考至而不悟知賢者坐起卧息深用

自戒

右出昇玄內教經卷第七

昇玄九戒

太上告道陵曰夫欲慕道求修大乘之法當

樂志虛无要修行順戒奉而行之道立可得但當奉受其戒動行其事吾當遣衛戒將軍吏兵二十四大神以相衛護斷絕惡道度著善地動遇吉祥不遭凶橫早絕死道速致仙度脫空無訣明虛無意必獲上道也

第一戒曰身不得貪狼恣性驕者放逸蒙冒

身禍誕縱自恣甘惡為非過有華飾口耽耽

滑柔軟自適無有厭足不知勤入罪目不能

自覺身之罪大不可稱計不得身犯不得教

今於人攝意持戒終身奉行是吾太上太上

太乙第一戒也

第二戒曰心不得與惡想惡念不得形想評

想貪欲務得蒙官財利貪毒陰賊謀議高戾

貪欲饕味無有厭足不知勤入罪網不能自

覺心過之罪大無有極不自心與不得教今

於人攝意持戒終身奉行是吾太上太上太

乙第二戒也

第三戒曰口不得妄言善惡呪詛罵詈欺誑

妄語幻惑兩舌關訟交疏持人長短自作是

非生災造害興出無端驚街道法誦誦誦誦

吟嘯歎息食美味無有厭足不知勤入罪網不能自覺口過之罪大無有極不得口犯不得教今於人攝意持戒終身奉行是吾太上太上太乙第三戒也

第四戒曰手不得殺害眾生岐行蠕動含血

之屬皆不得殺劫掠強取奪盜偷竊取非其

物捨遠取施執持兵器與用非法不知勤入

罪網不能自悟手過之罪罪之莫大不自手

犯不得教今於人攝意持戒終身奉行是吾

太上太上太乙第四戒也

第五戒曰目不得視非道非法非義榮華容

飾姪視女色照耀盈目貪欲淫濫綺麗珍寶

姪邪妖豔不正之色目為心候主收百凶來

致禍毒罪疊致集一皆目致心目口手致殃

禍主動為惡端收罪之首心目口手致罪之

府不可不述不可不伏不可不慎不可恣之

不知勤入罪網不能自悟目過之罪罪之莫

大當宜目戒勸化一切豈能戒目心想自一

滅想滅意意空空無無者入無便得道慧攝

意持戒奉行不廢是吾太上太上太乙第五

戒也

第六戒曰耳不得聽八音五樂淫聲妖孽感亂亡國妖偽之樂無有厭足不知動入罪網不能自悟耳過之罪罪亦復大不自耳犯不得教令於人攝意持戒終身奉行是吾太上太乙第六戒也

第七戒曰鼻不得貪香惡臭妄察善惡不知動入罪網不能自悟鼻過之罪罪亦為次不自鼻犯不得教令於人攝意持戒終身奉行是吾太上太乙第七戒也

第八戒曰足不得蹈非義踐非法不涉惡履非妖淫境界不知動入罪網不能自悟足過之罪罪亦為次不自足犯不得教令於人攝意持戒終身奉行是吾太上太乙第八戒也

第九戒曰不得放情任意強興神器攻非勝敵精消神散三氣亡逸放心縱恣無有厭足不知動入罪網傾宗滅族不能自悟如斯之罪罪之莫大不自身犯不得教令於人攝意持戒終身奉行是吾太上太乙第九戒

也

右出昇玄內教經卷第九

洞玄戒品

洞玄十戒

天尊言能受是十戒修行如法十方天官無不衛護必至得道子若遍世累不盡十者九八七六乃至於五擇其能者然五戒之福福亦難稱子其廣勸衆生苟重聞或不喜猶一二觀縷委曲開悟
一者不殺當念衆生
二者不淫犯人婦女
三者不盜取非義財
四者不欺善惡反論
五者不醉當思淨行
六者宗親和睦無有非親
七者見人善事心助歡喜
八者見人有愛助為作福
九者彼來如我志在不報
十者一切未得道我不有望
右出洞玄思微定志經

洞玄十善戒

一者不得嫉妬勝已抑絕賢明
二者不得飲酒放蕩穢亂三官
三者不得淫犯他妻好貪細滑
四者不得妻薄老病窮賤之人
五者不得誹謗善人毀敗同學
六者不得貪積珍寶弗肯施散
七者不得殺生祠祀六天鬼神
八者不得意論經典以為虛誕
九者不得背師恩愛欺詐新學
十者平等一心仁孝一切
諸行著足當避十惡遠於盲道
洞玄十惡戒
一者飲酒淫色貪慾無已
二者陰賊世間訛謗道士
三者輕師慢法傲忽三寶
四者竊取經書妄宣道要
五者借換不還欺誘萬民
六者殺生貪味口是心非
七者不孝背恩違義犯諸禁戒

八者誦經忽略質嘯自是

九者責望人意噴恚四輩

十者意斷經音損益聖典不信宿命快情所為穢慢四大不念生道

右出洞玄智慧經

洞玄智慧十戒

天尊告曰第一戒者心不惡妬無生陰賊檢口慎過想念在法

第二戒者守貞讓殺懲濟群生慈愛廣救潤及一切

第三戒者守貞讓義不姪不盜常行慈念損己濟物

第四戒者不色不慾心無放蕩貞潔守慎行無玷汙

第五戒者口無惡言言不華綺內外中直不犯口過

第六戒者減酒節行調和氣性神不損傷無犯眾惡

第七戒者不嫉人勝己爭競功名每事避讓退身度人

第八戒者不得評論經教管毀聖文躬心承法恒如對神

第九戒者不得鬪亂口舌評詳四輩天人各恨傷損神氣

第十戒者舉動施為平等一心人和神務行常使然

洞玄智慧十二可從戒
天尊言夫為學者修齊求道開度天人作諸善功當行十二可從戒

第一者見真經出法開度一切便發道意心願後世得登大聖

第二者常行慈心願念一切善得見法開度廣遠無有障礙

第三者好樂經教深達見達意志堅明開化愚闇

第四者專受師訓廣開勸化今入法門遠離盲道

第五者信向玄妙專奉經訣晨夕誦習無有怠倦

第六者不務榮華斷俗因緣專心定志所營

在法

第七者勤誦大經願念一切廣開橋梁為來生作緣

第八者恒生善心不邪不傷無嫉無害無惡無妬

第九者在所隨生常值聖世與雲寶法教相值不絕

第十者潔身持戒修齊建功廣救群生成得度脫

第十一者學業廣覽宣通同法預以天人普今開度

第十二者常與明師世世相值受教宣化度人無量一切善心皆得道真

智慧開塞六情上品戒
第一戒者目無廣瞻亂諸華色亡精失瞳光不明徹

第二戒者耳無亂聽混於五音傷神敗正惡聲啼吟

第三戒者鼻無廣芳雜氣臭腥易有混濁形不正

第四戒者口無貪味脂薰之屬濁注五神臟腑憤憤

第五戒者手無犯惡不竊人物貪利入己禍不自覺

第六戒者心無愛慾搖動五神傷精喪氣體發迷亂

智慧度生死上品大戒

其一者見人窮急度其死厄見世明達能制凶逆年命長遠世享无極

其二者見人窮乏饑寒困急損身布施令人富貴福報萬倍世世歡樂

其三者含血之類有急投人能為開度濟其死厄見世康強不遭橫暴

其四者施惠鳥獸有生之類割口飴之無所愛惜世世飽滿常在福地

其五者度諸蠢動一切眾生咸使成就無有天傷見世興盛不履眾橫

其六者常行慈心愍濟一切放生度死其功甚重令人見世居危得安居疾得康居貧得富舉向從心

智慧十善勸助上品大戒

一者勸助禮敬三寶供養法師令人世為君子賢孝高才榮貴巍巍生為人專門族昌熾

二者勸助治寫經書令人世世聰明博聞妙曠恒值聖世見諸經教能誦章句

三者勸助建齋淨供令人世世門戶高貴身登天堂衣食自然常居无為

四者勸助香油眾之令人世世芳盛香潔光明容眸絕偉天姿高秀

五者勸助法師法服令人世世長雅逍遙中國不隨邊夷男女端正冠冕玉佩

六者勸事國王父母子民忠孝令人世世多嗣男女賢儒不更諸苦

七者勸助齋靜讀經令人世世不墮地獄即昇天堂禮見眾聖速得反形化生王家在意

所欲玩服備足七祖同歡善緣悉會終始榮樂法輪運至將得仙道

八者勸助道士眾人經學令人世世才智洞達動靜威儀常為人師

九者勸助一切布施諫諍令人世世壽考富

樂常无怨惱

十者勸助一切人民除嫌去怨履行眾善令人世世安樂禍亂不生病者自愈仕宦高遷

為眾所仰莫不吉祐門戶清貴天人愛育神魔敬讓常生福地

右出洞玄智慧上品經

洞神戒品

洞神三界戒

帝栗陸氏說受經戒日宜各努力急共勤行故重丁寧諦受之

第一戒者諦識因緣勿忘本逐末

第二戒者諦守少私勿利我損物

第三戒者諦習勤行勿混任失真

右三上戒上皇所重上帝所奉上士所修修行奉持全而不破三氣正神降輿為一身神

又一二無二為得道常存號曰太上不行此戒服佩符文勞而無驗非太上弟子

洞神五戒

黃帝曰人不持戒吏兵不附其身所得無驗徒勞用心若不信至道承事師若欲使吏兵

防身護命却死來生獲疾延壽為人消災救

治厄患存思求微剋期取驗者受五戒

第一戒者目不貪五色誓正教學長生

第二戒者耳不貪五音願聞善從無惑

第三戒者鼻不貪五氣用法香遠臭穢

第四戒者口不貪五味習胎息絕惡言

第五戒者身不貪五綵履勤勞以順道是為

五戒五老帝君各遣一十五神防護受持者

身

洞神八戒

黃帝曰余嘗閑居太上垂降見問經戒大小

始終余雖受持多所不了未測次序具啓太

上太上答曰凡諸戒律通應共行其間緩急

繁簡高卑各有意義准擬玄源變化生數皆

漸相成三五八九十百千萬雖隨緣所堪亦

不可越略知因向正法修長生不死三五兼

參宜受八戒

第一學解五備五德

第二勤習五事不可無恒

第三平理八正行藏順時

第四明識五紀與氣同存

第五精審皇極上下相和

第六修行三意期會三清

第七決定疑惑化偽入真

第八考校微驗消禍降福錄凡登聖無負三

尊此為八戒

凡人有心學求度世先能持戒解而不滯戒

無多少皆屬太无太无太空是戒根本守本

究末外惡自消內患不生又先修齋乃精能

通神命召速效久積塵垢蕩之須防不可開

排頓盪雖建此心塵終不去魔來惱之更增

災殃防治此弊以戒為漸能持多少隨才所

堪犯則首悔改革自新合則又進得道有期

右出洞神經

正一五戒品

凡存一守五神要在正心心正由靜靜身定

心心定則識清清明則會道道會神符號曰

真聖動則志一邪亂五神五神紛紜躁競煩

憑失道陷俗三業肆行違善造惡六通運塞

七覺一昏貪欲無數無數之慾念念叢生不

可勝言大略有五

一曰目欲觀五色色過則使意勞

二曰耳欲聞五音音繁則意苦

三曰鼻欲嗅五香香溢則精流

四曰口欲甘五味味豐則神濁

五曰身欲恣五體體慢則志散志散則脾傷

而色神濁則心亂而口與精流則腎虛而迷

狂鬼苦則肺損而耳聾意勞則肝困而目盲

五者混閤則身滅命亡五者淨明則體全年

永年永在於持戒能持五戒可以長生

一曰行仁慈愛不殺放生度化內觀妙門目

久久視肝寬相安

二曰行義善善伐惡謙讓公私不犯竊盜耳

了玄音肺寬相給

三曰行禮敬老恭少陰陽靜容貞正無姪口

盈法露心神相和

四曰行智化愚學聖節酒無昏昏腎精相合

五曰行信守忠抱一幽顯效微不懷疑感始

終無忘脾志相成則名入正一一入無復

憂慮五欲既遣五惡自消五災永滅五苦長

乘五神既定五善自興三福日盛五樂唯新

右出正一法文

无上秘要卷之四十六

无上秘要卷之四十七

齋戒品

太極真人曰夫學道以齋戒為本也誦經必齋校經必齋書經必齋書符必齋篆籙必齋作金丹必齋詣師請問必齋禮拜必齋受經必齋救病消災必齋致真人必齋齋者

太上所敬重老君所管護諸聖所倚賴齋法甚多在兆所受修

太極真人曰夫人清齋久靜精思耽玄誦經悔罪燒香禮拜特見飛天人矣十五童玉女降於子矣十九或聞空中為稱善或光影照身或聞金玉之響八音之聲皆子道欲成也慙之慙之太上不負子矣所以患子不固不盡不終是以仙道之難

右出洞玄太極隱注經

太極真人曰常念齋誦經行大慈先人後身揚善化惡斷絕眾緣滅念守虛心如太玄唯道是求始謂能言神仙之道也

右出洞玄安志消魔經

高上老子曰夫道家所先莫近于齋齋法甚

多大同小異其功德重者唯太上靈寶齋但世希能學之矣學之者皆大乘之士前世積慶所鍾去仙近也又有三天齋法與靈寶相似

仙公曰三天齋者是三天法師所受之法名曰旨教經抑亦其次但天書弘妙非世賢可思能究之者皆上仙真人玄同於太上者也故中仙及天人莫有闕其文旨矣徒見而不知復何所言哉

高上老子曰清齋誦經修德立功仙道亦自成何必藏山數也直欲避可慙去穢亂耳山林非獨有道士者

右出洞玄請問上經

仙公登勞盛山靜齋念道是日中時有地仙道士三十三人詣座燒香禮經都畢各還仙處安住如也

仙公曰天師言月旦十五日能齋於靜室讀所受道經及諸仙道迹者皆當為後聖之民生值斯世豈不樂乎

右出洞玄眾聖難經

十九

十六

天尊言道尊法妙人身亦貴故道開法遺戒經文以度人身身既度上與道同宜為精行持齋奉戒衷心靜默志念分明一意歸向專想不二滌蕩六府過中不味內外清虛每合自然是其齋日捨香啓願應心上徹四天天司邏十部威神即下履行觀聽法音監映爾心如戒行道皆列功諸天禍福立彰道不負人

天尊言建齋行道四天帝王皆駕飛雲綠辮八景玉輿侍從真人玉女手把華幡前導風誦後從天鈞白鶴獅子嘯誦鬘鬘燒香散花浮空而來瞻禮行道觀聽法音天王下降萬靈朝焉

右出洞玄智慧大戒經

太上道君時於南丹洞陽上館栢陵舍稽首禮問

元始天尊自顧宿世福慶因緣德劫運通得會聖明昔蒙顯擢過忝上真加見訓喻三寶神經賜以大戒告以法音過泰之歡實為无量自受訓厲長齊空山蓮承法戒不敢怠倦

道業成就開度天人一切男女普見法門

右出洞玄智慧罪根戒經

道言昔有道士持齋誦經有一凡人為貨作治除齋堂道士見其用意至日中持齋因與與同食食竟為其說法語此貨人令隨吾持齋功德甚大可至明日中時復食勿壞爾齋徒勞無益能如此者將得免見世窮厄此人稽首受戒而去暮還家其婦一日待塔還食塔具以道士戒言喻婦其婦不解遂致嗔怒貨人不能免其婦意遂壞其齋與婦共食其後命過天使其主蜀山千歲樹精恒給其中食其樹茂盛暑夏之月有精進賢者三人經過依樹而息賢者歎曰此樹雖涼日已向中何由得食此人於樹空中曰當為賢者供設中食無所為憂須臾食至賢者共食食竟言曰我今覓道在何許即此自然豈非道也因問樹曰不審大神可得暫降形見與不此人於樹空中答曰我非能使人得道者也具說姓字處所昔常為道士勸使持齋為婦人所壞功德不全致令使我守此樹精不能得

出天以我昔經齋中食今每至中給我齋食口腹之饒無緣得遷欲屈賢者為至我舍道我如此能為我建三日齋戒我身便昇賢者感此人意為尋其家具以其言語家人如此家人即為建齋請諸道士燒香誦經三日謝過此人即得飛行昇入雲中於景霄之上受書為遊散仙人故齋之功德甚重不可不修此人半日持齋死經一日即得出身不拘一年而得為仙故天計功過明知不虧也夫為學者可勤持齋戒以期冥感能修之者必獲昇騰之舉

昇騰之舉

右出洞玄本行妙經

太極左仙公於天台山靜齋拔罪燒香懺謝思真念道一百日中神明髮鬚於空玄之上雲景輝燦若存若亡或飛或集曲映齋堂仙公目覺苦徹遐感天真於是研思玄業志勵殊勤齋未一年遂致感通上聖降曲躬幽房以元正之月庚寅日夜忽有飛雲丹霄八景玉輿寶蓋洞耀流煥太无燒香散華浮空而來千乘萬騎不可稱焉

右出洞玄真一勸戒法輪妙經

受法持齋品

洞真太上神虎玉經

右師對齋九十日或三十日或七日

金虎真符

右受之者先齋七十日

洞真太上黃庭內景玉經

右受者齋九日或七日或三日

洞真消魔金元百神內祝隱文

右師對齋八十日或二十七日

洞真高上滅魔神慧隱書

右凡受玉清隱書先清齋七十日

洞真金房度命綠字迴年真經

右師弟子各齋九日或三日

洞真大洞真經三十九章

右師與弟子對齋一百日中齋七十日下

齋三十九日

洞真金元八景玉錄經

右當先清齋三年或齋七十日或齋一百

四十日

洞真素靈大有妙經

右受者告齋百日或三十日

洞真九真中經

右傳授法人各共對齋二十四日又告齋

前後各一日

洞真太丹隱書元經

右傳授之際各齋七日或十日先後又一

日告齋

洞真紫度炎光神元變經

右凡受經詣師清齋三日

洞真青要紫書金根上經

右師與弟子對齋七百日又對齋九日或

三日

洞真太上飛行羽經

右授者當清齋百日或三十日

洞真迴元九真飛行羽經

右授者清齋三月

洞真天關三圖七星移度經

右師弟子對告齋七日

洞真除六天之文三天正法經

右男受投書不祭女受當祭不投書皆齋

七日或三日

洞真八素真經

右師弟子皆清齋七日

洞真太霄琅書瓊文帝章

右師弟子清齋九十日或九日

洞真智慧親身大成品經

右師弟子對齋三日

洞真黃素四四方經

右師及弟子各齋四十五日

洞真九赤班符五帝內真經

右弟子與師對齋四十日或七日

洞真金真玉光八景飛經

右師弟子對齋九十日

洞真太上曲素訣辭

右師弟子對齋三日又齋七日

洞真黃氣陽精藏天隱月上經

右師與弟子對齋九十日或二十七日或

三日

洞真九靈太妙龜山元錄經

右師弟子對齋百日或七十日

洞真太上玉檢三元布經

右受此文齋九十日或對齋七十日或二十七

洞真九丹上化胎精中記經

右師與弟子對齋九十日或三十日

洞真玉珮金鑑太極金書上經

右師弟子對齋百日或三十日

洞真七聖元紀迴天九霄經

右師弟子對齋九十日或三十日

洞真太上素奏丹符靈飛六甲經

右受者對齋七日

洞真三華寶曜瓊文琅書靈曜上籙七晨素經凡三訣

右師弟子對齋六十日或三十日

洞真隱書龍文八靈真經二訣

右師弟子對齋五十日

洞真玉清神虎內真紫文丹章二訣

右師弟子對齋三十日

洞真玉清隱書四卷八訣

右師弟子對齋二十七日

洞真金書秘字上元真書

右師弟子對齋九日

洞真太清真經丹字紫書三五順行凡三訣

右師弟子對齋百日

洞真紫微始青道經含元上籙

右師弟子對齋九日

洞真太微黃書八卷

右師弟子共齋九十日或三十日

洞真三元流珠經玉帝九鍊上真八道命籍

金仙紫字凡四訣八卷

右師弟子各告齋九日

洞真玉精洞元三氣金章太極錄景真經四卷二訣

右師弟子對齋三十日

洞真上皇玉籙五帝黃錄紫書凡三卷

右師弟子對齋各九日

洞真青牙始生經丹景道精經還童採華法凡三卷

右師弟子對齋二十日

洞真金房度命綠字迴年三華寶曜景真經

右師弟子對齋九日

洞真解形遊變流景玉經

右師弟子對齋百日

洞真還展中玄紫虛玉帝所受上玄虛生之章

右師弟子對齋九日

洞真紫鳳赤書八景展圖二卷

右師弟子共齋九日

洞真寶洞飛霄絕元金章

右師弟子對齋九日或三十日

洞真寶洞飛霄絕元金章

右師弟子對齋二十七日

洞真雌一玉檢五老寶經靈書紫文

右師弟子對齋九日

洞真消魔智慧七卷

右師弟子對齋九日或三十日

洞真飛步天綱躡行七元白羽黑翮飛行羽經

右師弟子對齋九日

洞真三九素語玉精真訣八素真經服日月

黃華一名八坦四門高上經八卷太霄琅書

右師弟子對齋二十日

洞真三九素語玉精真訣八素真經服日月黃華一名八坦四門高上經八卷太霄琅書

瓊文帝章三訣十卷

右師弟子對齋百日或三十日

洞真丹景道精隱地八術

右師弟子對齋八十日

无上秘要卷之四十七

无上秘要卷之四十八

靈寶齋宿啓儀品

齋官尊早次序入治戶於戶外叩齒三通呪

曰

四上功曹龍虎使者正一生氣侍靖玉女夜

有所啓願得開明童子上玄少女與我俱入

黃官之裏通達所啓皆使上聞

右出金籙經

初入齋堂法師在前衆官以次隨之各三捻

香左回繞高座一周東向叩齒二十四通呪

曰

无上三天真元始三氣太上老君召出臣等

身中三五功曹左右官使者左右捧香驛龍

騎吏侍香金童傳言散花玉女五帝直符直

日香官各三十六人出出者嚴裝關啓此間

土地里域真官正神臣今正爾燒香行道願

得

太上十方正真生氣入臣等身中今臣所啓

速達徑御

太上无極大道至真玉帝御前

右出明真經

次啓事法

太上靈寶无上洞玄弟子某獄先生某甲等

上啓

太上无極大道至真靈寶三十六部尊經太

上三尊十方衆聖玄中大法師三界官屬一

切神明臣等有幸宿世因慶九天之劫延及

今身遭遇明運大法流行得以穢質參深靈

文上清金書三洞寶經供養尊禮修行齋直

思深施重實非所勝但某等穢陋未能抗跡

靈嶽陶瑩心神而耽酒世榮栖遲人間與時

推遷隨俗沈浮乘愆蹈過日深月積常恐考

至負愧幽冥夙夜戰懼若履冰薄誠宜守短

不敢有言但受法之日告誓三官要當竭其

愚之自效毛髮讚揚大化以救度為業謹有

同道某郡縣鄉里男女某甲年如干歲操辭

列款歸命大道并撰辦香燈供養之儀求乞

齋直某等職任所司敢不申奏當為修建无

上大法靈寶自然齋直如干日夜剋今月某

日為始即日輒相携率齊到某處依法清淨

謹以啓闡并接威儀舊典詮舉職僚宣告科
禁令衆官等咸服法教恩惟

太上衆尊三寶威神監齋大法師侍經衆真
垂愍鑒映省覽所陳救下三界官屬及此間

土地真官管衛某等及某家大小清蕩宅舍
消滅妖穢明旦晨晚依法行道續更啓闡

右出金錄經

咨奏畢一時東向平立誦智慧三首

智慧起本无 朗朗起十方 結空峙玄霄

諸天挹流芳 其妙難思議 虛感眞實通

有有无不有 无无无不容

智慧恒觀身 學道之所先 眇眇入玄肆

自然錄我神 天尊常擁護 魔王爲保言

晃晃金剛軀 超超太上仙

智慧生戒根 眞道戒爲主 三寶由是興

高聖所崇受 汎此不死舟 條歟濟大有

當此說戒時 諸天來稽首

右出玉籙清誠

次歸命一切天尊

至心歸命北方玄上玉晨天尊

至心歸命東北方度仙上聖天尊

至心歸命東方玉寶皇上天尊

至心歸命東南方好生度命天尊

至心歸命南方玄眞萬福天尊

至心歸命西南方太靈虛皇天尊

至心歸命西方太妙至極天尊

至心歸命西北方无量太華天尊

至心歸命上方玉虛明皇天尊

至心歸命下方眞皇洞神天尊

至心歸命過去高上玉皇天尊

至心歸命見在元始天尊

至心歸命未來太極天尊

至心歸命玉京玄臺紫微天尊

至心歸命一切眞仙得道聖衆

吹法師還東面向西說戒

天尊告太上道君曰今當普宣法音開悟群

生爲諸男女解灾却患請福度命拔諸苦根

使生者見道身脫八難死者歡樂飲食天堂

早生人中轉輪聖王修齋求道皆當一心請

奉十戒諱受勿忘專心默念洞思自然勿得

雜想擾亂形神能如是者便當靜聽

第一戒者心不惡妬无生陰賊檢口慎過想

念在法

第二戒者守仁不殺懲濟群生慈愛廣救潤

及一切

第三戒者守貞讓義不姪不盜常行善念損

己濟物

第四戒者不色不慾亦无放蕩貞潔守慎行

无玷汙

第五戒者口无惡言言不華綺内外中直不

犯口過

第六戒者減酒節行調和氣性神不損傷无

犯衆惡

第七戒者不嫉人勝己爭競功名每事遜讓

退身度人

第八戒者不得評論經教管毀聖文躬心承

法恒如對神

第九戒者不得鬪亂口舌評論四輩天人各

恨傷損神氣

第十戒者舉動施爲平等一心人和神穆行

常使然

天尊言修奉清戒每合天心常行太慈願為一切普度厄難慊懃尊教不得中怠寧守善而死不為惡而生於是不退可得度五道不履三惡諸天所護萬神所敬長齋奉戒自得度世

天尊言道專法妙人身亦貴故道關法遺戒經文以交人身身既度上與道同宜為精行持齋平戒夷心靜默志念分明一意歸向專想不二滌蕩六府過中不味內外清虛每合自然是其齋日捨香啓願應聲上徹四天司邏十部威神即下履行觀聽法音監映爾心如戒行道皆列功諸天禍福立彰道不負人勤行諦受勿使魔言

天尊言建齋行道四天帝王皆駕飛雲綠軒八景玉輿從真人玉女手把華幡前導鳳歌後從鈞天白鶴獅子嘯歌邕邕燒香散花佇空而來瞻禮行道觀聽法音天王下降萬靈朝焉如是豈可不盡其法也當先授十戒然後行道庠序雅步靜心閑意坐起卧息不離

儀格天王歡悅列名上清可謂得道在方寸之間

右出金錄經

次署置眾官

署高功大法師當舉高德玄解妙義

次署都講法師當舉才智精明閑練法度

次署監齋當舉司察眾違彈糾愆失

次署侍經當須營侍經文整理中蘊

次署侍香當須料理鑪器使香火不絕

次署侍燈當須景臨西方備辦燈具

次署侍座當令四坐席地拂拭齊整

次科罰愆失三十六條

若對齋堂鞋履不整

若唱善聲不齊

若法服巾冠不整

若於法座垂髮

右件各罰禮十拜

若坐起揖讓失儀

若侍燈燈火中滅

若不注念清虛為眾所悟

若於法座睡眠

右件各罰禮二十拜

若鍾聲中絕不及行伍

若不及朝師

若禮拜上下不齊

若侍香香煙中絕

右件各罰禮三十拜

若都講不讚唱

若出入去來不禮三寶

若讀經忽亂請問敗句

若起坐不詳序

右件各罰禮四十拜

若讚詠不唱善

若起居出齋堂不闕白

若聽經倚據坐不整

若反着法服

右件各罰禮五十拜

若巡行不依次第

若都講鳴鐘早晚失時

若登壇越級

若監齋見過不彈為衆所糾

右件各罰禮六十拜

若着褐衣及行道巾冠出入

若翻覆香爐燈火

若燒香不洗手

若臨行事與外人語

右件各罰禮七十拜

若唱靜思訖後至

若侍座不整飾觸物有關

若論語及世務

若因起出不還

右件各罰禮八十拜

若於法座戲笑

若於法座綺語

若闕一時不起

若於齋限高聲厲色

右件各罰禮九十拜

右出敷齋經

次宣科訖各禮師再拜

次師東面長跪啓請出官

太上靈寶无上三洞弟子某獻先生某甲等
上啓

虛无自然元始天尊无極大道太上道君高

上玉皇已得道大聖衆至真諸君丈人三十

二天帝玉虛上帝玉帝大帝東華南極西靈

北真玄都玉京金闕七寶玄臺紫微上宮靈

寶至真明皇道君某等宿命因緣生值道化

玄真啓拔得入信根先師盟授三寶神經供

養尊禮立功為先謹有某郡縣鄉里男女某

甲投辭列諸某等丹心慳慳求乞平省輒為

宣奏謹伏請辭文宣辭訖某等按如所言言

款事切在可哀慙不勝所見輒共相携率沐

浴清淨燒香然燈轉經行道依法上請天仙

飛仙地仙真人神人聖人三十二天監齋直

事侍香金童散華玉女五帝直符各三十二

人傳言奏事飛龍騎吏等一合來下監臨齋

堂捨香願念應口上徹行道事竟啓還仙宮

右出明真經

次復爐法

香官使者左右龍虎君侍香諸靈官當令靜

室之中自然生金液丹碧芝英聚真百靈交
會在此香火之前願某等受福天下蒙恩十
方玉童玉女侍衛香煙傳奏所言徑御
太上无極道前

右出明真經

次奉戒頌

道為无心宗 一切作福田 立功无定主

本願各由人 虛己應衆生 注心莫不均

大聖宗至教 亦猶雨降天 高陵靡不周

常卑故成淵 海為百川王 是能合龍麟

萬劫保智用 豈但在厥年 奉戒不整虧

世世善結緣 精思念大乘 會當體道真

右出仙公請問經

次出道戶呪法

玄上太陰八憲開明向有所啓少女通靈事

畢復位萬神潛寧

右出金籙經

无上秘要卷之四十八

无上秘要卷之四十九

比二

三皇齋品

靈壇壇方二丈四尺幕開四門辰戌丑未幕內方方各列九燈對壇設醮一盤一杯方合用杯杯量一升盤菓三枚脯九片合酒九升菓二十七枚共一席焚香一爐

三皇座各一案天皇在子地皇在申人皇在寅各一盤一杯一席一香火杯各量酒三升梓菓九枚三座合酒九升菓二十七枚碧幡三首幡長五尺各朱書三皇內文於幡上隨字多少大小稀稠取令滿上安帶如上青竹竿三條竿長一丈二尺並作跌安之各作本位施菓後也壇中央又施一香菓一香火以素齋王本命之蠟燭盤缺一具燭三挺到供讀文回轉用壇上舒席令滿都合用香火八具菓子四枚香燈如法七寸盤三十九枚升杯三十九枚七奠合二具盛一日所設脯菓用一日用酒四斗五升菓一百三十五枚脯四十五片若三日則酒用一石三十五升菓四百五枚脯一百三十五片依方合上元香

珠并鍊雲腴沐浴雲水若貧之處止作香湯

五和香新清油亦足又燈檠三十六枚布燈

副餘處亦可然燈隨多少晚信物齋主本令

續隨所屬辰色年一尺天皇半續九丈地皇

白續七丈人皇碧續七丈貧者並可尺數富

足家又各依方面舒一幅巾靈席上以施杯

為神座位東碧南絳西白北平各二又門處

開置

此齋依經應于午時食令人多不能猶依常

法唯夜半行道畢下醮於座共受福有餘聽

分家人敬信者法雖三日亦可一日一夜山

中窮之處亦可停醮止然燈而已

右齋具所用照器四幅席並出法師香油信

俱悉出齋家事畢仍為散施

宿啓儀夕登壇風雨入室

北向叩齒十二通曰

香煙玉女上奏三皇真君三十六天神仙靈

官巨等謹為某郡縣某甲有某事達洞神三

皇齋請正爾登壇入室燒香宿啓即日聞

徑進紫宮仰達

三皇真君前乃上香再拜

又上三座香天皇子地皇中人皇寅三再拜

立曰臣某等今燒香拜禮願以此功德上為

國王帝主公卿士庶州郡守宰群臣百司及

臣等存亡父母下遠臣等身并黔黎兆民地

府幽魂山靈水精鳥獸魚蟲一切眾生願各

得其道赦除積罪解釋考訟書名丹簡定宇

青篇巨等得與三宮之神俱登玄晨上朝上

清奉見聖君賜書受事永成高真仍誦曰

浩浩三天氣 育養萬化物 世情樂其華

真道貴其實 愚俗競末榮 神仙愛本質

精修三皇文 玉靈映幽室 高唱期太微

稽首朝皇一

又再拜各稱名位曰

太上洞神三皇弟子臣某謹上啓

太上道君太上老君太上丈人三皇玉君九

老仙都君九氣丈人玄都仙官太玄真神上

下三十六天靈司官君太清之神五方天帝

二十八宿中外星官五嶽真官佐命諸山四

海四瀆八澤九源名山洞府水神潛官宇宙

之內一切衆靈_臣等施功昔運挺報今生業
習虛遠識尚清真遂得出形俗外棲光林表
服道思玄奄有歲月雖未能智洞幽元神朗
妙極而注想靈祇不敢虧替自昔稟受三皇
內文天書玉字上可以列名萬神封掌群靈
下可以救解灾患立降福祉按寶齋上錄有
祈謝之篇仙都內訣顯禮醮之典上元名香
氤氳太空玄腴朱燈焰烁深夜實趣聖之祕
領招真之要法其廣濟四維不限貴賤洪潤
八表无隔道俗今有某郡縣鄉里某甲信識
真典希尚功福遠到此山申訴誠慊求為建
三皇齋謝以悔禍析福_臣謹讀辭以聞入辭
按詞事歎詣情慊篤_臣等既佐世臣危職
在扶救并不勝投誠之至謹相携勞沐浴靈
水清身潔已以今月某日共登靈壇入齋堂
宿啓陳言當三日三夜一十二時行道禮醮
奏聞上宮伏願

皇一三真洞府仙官賜垂監察特教某郡縣
鄉里中真官正神杜里邑君諸侍真吏兵并
香煙玉女監齋神官咸共輔衛齋所誅截精

邪使天清氣朗風捲雲澄功成事遂並可言
勞酬賞其軌儀之典須明展啓聞因再拜回
行頌曰

世人修至道 心意懷萬端 耳目亂華色
情志恒不專 小智雖自強 安能保終身

五神失其主 真氣逆不還 若能苦心行
長生保命根 奉戒為我寶 恒執天老言

衆真並懽悅 相與迎皇君
至東南向西跪曰

_臣等伏自思省雖備聞法教具稟成規而未
能冥懷豁想今諸漏頓消猶須篤勵以全真
業今謹敷經說禁告示同氣并詮授任掌各
遵典職請使齋官伏以聽命

謹按上宰西城真人王君曰夫皇文天書者
乃是三皇之時所受上真皇一雲篆之大章

者也夫三皇安業則天和地樸紀綱陰陽維
制鬼神可以養身安命長存保延乃西王母

之所秘說仙官之所崇仰蓋真人寶文矣世
人得此書者甚少若能有之則太玄仙都九

老仙君輒遣直符衛此真文但旦夕朝敬便

可享其天年五兵五毒災沴不干若能施召
豈可得論泄慢之禍天科告罰皇人錄書過
可不慎哉

西城真人又曰夫為名之名喪我之德為事
之事亂我之業為欲之欲增我之感為情之
情喪我之賊罪莫大於淫禍莫大於貪咎莫
大於饒此謂載禍之舟車也小則危身大則
殘家真人王君又戒曰夫欲學道求生先慎
諸禁忘然後得與神明通接乃能永保身命
如其屢致犯忤則為冥司所執作人尚不可
得而況於仙乎今以相告于奉之焉

第一之禁勿淫慾施泄令身命夭殁

第二之禁勿陰賊凶虐則三官執罰

第三之禁勿殺傷含氣則生死執對

第四之禁勿讒嫉邪佞則人鬼加害

第五之禁勿竊盜欺濫則身行黜缺

第六之禁勿憂悲思念令精靈恍惚

第七之禁勿憤怒洩樂令神爽離越

第八之禁勿醉酒淫亂令三宮奔潰

第九之禁勿食五辛血腥令臟腑臭穢

第十之禁勿飢飽寒熱令百病攻結

第十一之禁勿多語多笑則虧損神氣

第十二之禁勿久視久聽則耳目昏聩

第十三之禁勿穢慢怠惰則形神醜悴

此十三禁者人身之大患也奉之則生逆之

則死老子所謂生之徒十有三死之徒十有

三其斯之謂乎夫輕則曰戒重曰禁禁戒者

輔身之良方也學仙家以禁戒為鎧甲雖入

三軍矢刃不能傷雖處世間灾禍不得入誠

哉斯言明各勗之

因讀簡授任畢起以向復鑪曰

香煙玉女侍直眾官當令露壇之上齋堂之

中有隱芝玉精在此香燈前令臣等得仙身

生紫絡羽衣其家享福天下同歡侍壇侍堂

玉女傳奏臣言上達

三皇真君前

依法登壇巡行正立北向叩齒三十六通讀

攝精祝曰

混混皇皇上封乾章我受神文開告三皇西

路金門東昇扶桑吐履玄陰南駕正陽進登

大角退躡文昌徘徊奎婁遊宴民房入御玉

女出攜仙王與天同壽與日合光二十五氣

拂除凶殃

又叩齒十二通祝曰

香煙玉女上奏三皇真君三十六天神仙靈

官小兆男生臣甲謹為某郡縣某甲某事達

洞神三皇齋請正爾登壇入室燒香開啓即

日上聞徑進紫宮仰達

三皇真君前

又上香畢再拜曰

臣清齋絕塵燒香禮謝上為七祖父母速及

家門並乞原赦積惡結罪解除考訟書名丹

簡定字青篇且得與三宮之神俱登玄晨上

朝上清奉見聖君賜書受事永成高真

初酌天皇酒畢再拜曰

臣今奉請太元三玄空天甲子元建天皇真

一君願垂臨饗

又曰臣今清齋絕塵為某甲建立洞神三皇

齋謝願以今行道燒香謝醮之誠仰降天皇

太元三玄真氣為某甲身乞解除先世以來下

達某甲犯逆上天懸象日月星辰穢慢光景

忿怒風雲毀廢祠祭干觸靈神如此之類凡

一千二百條事皆令消釋乞某甲命係天府名

書天曹定生天簡刊功天閣天上諸神並垂

營護使某甲疾患除愈身體輕強灾厄度脫永

保无窮

次酌地皇酒再拜曰

臣今奉請三元素靈玉天甲申太虛地皇真

一君願垂臨饗

又曰臣今清齋絕塵為某甲建立洞神三皇

齋謝願以今行道燒香謝醮之誠仰降地皇

三元素靈真氣來輔某甲身乞解除先世已來

下達某甲犯逆后土九地之精諸立山水源

金石草木鳥獸昆蟲殺害之愆如此之類凡

一千二百條事皆令消釋乞某甲形離地官名

除地錄魄脫地府神超地域地下諸神咸共

擁衛使疾患除愈身體輕強灾厄度脫永保

無疆

後酌人皇酒畢再拜曰

臣今奉請七微浩鬱虛天甲寅虛成人皇真

一君願垂臨饗

又曰臣今清齋絕塵為某甲建立洞神三皇

齋請願以今行道燒香醮之誠仰降人皇

七微浩鬱真氣來輔其身乞解除先世已來

下逮其身犯逆人倫禮義忠孝之尤姪穢貪

濁虛妄之罪嚴虐苦剋之愆違負神祇之責

如此之類凡一千二百條事皆令消釋乞其

年踰人分智出人表德宣人綱舉滿人望人

中諸神僉同扶濟使疾患除愈身體輕強灾

厄度脫永保无疆

又酌東面酒九再拜曰

臣今奉請東上九天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願以今行道燒香醮之誠仰降東上

九天始陽碧城九氣垂霞來輔其身乞解除

先世以來下逮其身上犯九天之君歲星木

神蒼龍七宿中外諸星官下逮東嶽山陵丘

阜江海川谷一切眾靈其身於春三月之中

甲乙寅卯辰日時有行年本命衝破厭殺元

辰刑害灾禍疾病流風毒注虛弱一切諸摧

折墮落之厄者皆令消釋乞其身與真氣合

德景福流光萬禍絕滅年命脩長

又酌北面酒九再拜曰

臣今奉請北上天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願以今行道燒香醮之誠仰降北上

九天玄陰蒼玄宮五氣飛煙來輔其身乞解

除先世已來下逮其身上犯九天之君辰星

水神玄武七宿中外諸星官下逮北嶽山陵

丘阜江海溪谷一切眾靈其身於冬三月之

中壬癸亥子丑日時有行年本命衝破厭殺

元辰刑害灾禍疾病水腫泄痢疾厄痞滿諸

風波沉溺之厄者皆令消釋乞其身與真氣

合德景福流光萬禍絕滅年命脩長

又酌西面酒九再拜曰

臣今奉請西上天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願以今行道燒香醮之誠仰降西上

九天素華浩闢七氣流光來輔其身乞解除

先世已來下逮其身上犯九天之君太白金

精白虎七宿中外諸星官下逮西嶽山陵丘

阜江海川谷一切眾靈其身於秋三月之中

庚辛甲酉戌日時有行年本命衝破厭殺元

辰刑害灾禍疾病及白刃流矢刀兵凶賊諸

血傷殘毀之厄者皆令消釋乞其身與真氣

合德景福流光萬禍絕滅年命脩長

又酌南面酒九再拜曰

臣今奉請南上天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願以今行道燒香醮之誠仰降南上

九天朱光丹臺三氣懸光來輔其身乞解除

先世已來下逮其身上犯九天之君熒惑火

神朱鳥七宿中外諸星官下逮南嶽山陵丘

阜江海川谷一切眾靈其身於夏三月之中

丙丁巳午未日時有行年本命衝破厭殺元

辰刑害灾禍疾病癰疽瘡瘡温病疫癘諸暑

蒸毒螫之厄者皆令消釋乞其身與真氣合
德景福流光萬禍消滅年命脩長

四方畢乃誦曰

浩浩三天氣 育養萬化物 世情樂其華
真道貴其實 愚俗翫末榮 神仙愛本質

精心脩皇文 玉靈映幽室 高唱期太微

稽首朝皇一 仍再拜畢

更還北向九再拜跪曰

太上洞神三皇內景弟子小兆 某甲等謹

上啓

太上道君太上老君太上丈人三皇玉君九

老仙都君九氣丈人玄都仙官太玄真神上

下三十六天靈司官君五方天帝太清諸靈

官二十八宿中外星官五嶽真君佐命八山

四海四瀆八澤九源名山洞府水神潛官宇

宙之內一切衆靈 謹重奉 誦上聞上宮

入詞按某甲以輕生賤質尸行凡品幸藉先

慶逢識正化寶經真訣時蒙遵靈動靜知教

與居入善非唯一身遺荷抑亦七葉沾賴但

其體倫庸伍馳競人世崖逾引滿易生恠悔

加以先世殃譴未息考訟猶繁三災驅除百
害競起某甲氣命卑危兼多疾厄夙夜憂惶

肝心震越伏見玉皇寶齋上蘇有祈謝之篇

仙都內訣處禮懺之典此法雖曰高妙而不

限賤賤可以救解灾患延降福祉 謹率道

士弟子如千人沐浴玄雲之水使身神潔練

割遺饋餼之味令腑臟馨潔懸碧林之繪敷

雲蒙皇文幡上元香珠遠徹九天真人燎玄

液之陳薦玄黃玉庭列四九之燈法象三十

六天禮脯微饋降饗神玄三日三夜行道悔

請至於今如于時乞以此微誠仰願皇君上

帝至聖火神天真衆靈領校仙官賜各告下

群司撤命職宰咸聽察 等啓奏使還拔某

家七祖父母及餘親族亡魂苦莖並乞解脫

牢檻原放徒繫休息謫役克離眾罰使各得

還居福堂優遊閑樂佑利子孫不與詞訟年

滿限畢更生人中富貴之家永保懽泰乞請

勅天官吏兵杜里邑君直日直符並擁衛某

宅舍堂寢之中每誅却精崇消絕鬼殃蕩滌

妖邪宣布正氣若某先亡遺考塚氣相干或

莖送禁忌死喪注氣或館宇廨舍之中藏埋
枯骨奴婢死鬼傷殘客死流殃百害或呪誓

相引或元辜致命皆深殃不絕以生禍患者

並乞和釋執對解離考訟使存亡異境不相

闕涉若某身行年本命生胎之月與今年

中歲月日時有三刑六害衝破殺天年歲

星納絞羅網及刀兵水火疾病灾疫毒蟲劫

盜惡人官符口舌諸不利之死者皆乞從月

到月從日到日從時到時更相傳付依事消

釋必使過度不為患害并 等身恒蒙公私

宗敬遠近依結道業崇真心目固修行咸

驗服餌效益過度厄運剋成種民永受洪恩

享福无極 某誠惶誠恐稽首頓首再拜以

聞

因稽顙三十下又再拜起誦曰

精心立齋戒 燒香拜皇文 沐浴玄雲水

燔煙通上元 結齋列四九 八帝命神篇

叩心發願念 上聞入三天 七世禍債除

負考亦都歸 過度五道中 削罪成上仙

一日修此法 萬劫為因緣 真道既成就

乃見三皇君

仍復鑪曰

香煙玉女侍直眾官當令靈壇之上有隱芝玉精在此香火前令臣等得仙身生紫絡羽文某家享福天下同懽侍壇玉女傳奏臣言上達

三皇神君前畢

入壇北向叩齒十二通祝曰

香煙玉女上奏三皇真君三十六天神仙靈官小兆男生臣某甲為某郡縣某甲某事建

洞神三皇齋請事畢正爾登壇入室燒香言功即日上聞徑進紫宮仰達

三皇真君前

又上香畢再拜曰

臣清齋絕塵燒香禮謝上為某七祖父母連

及某家門並乞原赦積惡結罪解除考訟書

名丹簡定字青篇臣某甲得與三官之神俱登玄晨上朝上清奉見聖君賜書受事永成

高真

向天皇再拜次向地皇次向人皇並再拜曰

向天皇再拜次向地皇次向人皇並再拜曰

臣某甲等清齋絕塵為某甲建立洞神三皇齋請事畢願以此燒香禮謝之誠乞解除某先世以來下逮某身存亡千罪萬過皆令消釋使某疾患除愈灾厄度脫長生度世得為種氏

次向四方

東上九天帝王神君眾仙靈官心存九再拜

南上九天帝王神君眾仙靈官心存九再拜

西上九天帝王神君眾仙靈官心存九再拜

北上九天帝王神君眾仙靈官心存九再拜

臣今清齋絕塵為某甲建洞神三皇齋請事畢願以此燒香禮謝之誠乞除先世以來下

逮臣身千愆萬罪皆令消釋疾患除差灾厄

過度長生久視永保无殃

又北向九再拜曰

太上洞神三皇內景弟子小兆臣某甲謹上啓

太上道君太上老君太上丈人三皇玉君九

老仙都君九炁丈人玄都仙官太玄真神上

下三十六天靈司官君五方天帝太清諸神

二十八宿中外星官五嶽真君佐命八山四

海四瀆八澤九源名山洞府水神潛宮宇宙

之內一切眾靈臣謹率同學道士弟子如干人身沐玄雲之水列四九之燈法象三十六天以今某月某日建集某日平旦行通凡三日夜一十二時事畢今晚所言所奏感應御聞所祈所請必降慈澤三皇所奏太上有勅當賜順來請使某七祖父母幽魂普爽即蒙昇度自今以後某家門昌泰永蒙安吉世道俱榮公私元會齋功成就諸神仙官屬香煙玉女監齋君吏及上邦城社里邑君輔導宣贊並有勤績謹為言功造賞酬勞報德某等數階級一依玄都科典事竟各還本職司蒞如故今毀壇徹席事事復舊臣某甲自啓奏對揚神典而冥途遠理實遐微法妙難究多有漏失且拜伏不恭心形怠愒香煙參差酒果歌薄行過之源事貽幽譴私心屏營懼見裁謫伏願上帝眾真賜垂哀亮曲從三赦剋免罪罰仍叩頭再拜復鑪曰

香煙玉女侍直眾官當令靈壇之上有隱芝

玉精在此香火前令_臣等得仙身生紫絡羽
文某家享福天下同歡侍壇玉女侍_臣齋竟
言功上達

三皇神君前

右出三皇齋立成儀

无上秘要卷之四十九

无上秘要卷之五十

塗炭齋品

此三

宿啓先依常朝法竟稱治職位號上啓

太上无極大道太上大道君太上老君太上

丈人无上玄老十方靈寶天尊已得道大聖

衆至真諸君丈人玄中大法師天師君上相

上宰四司五帝三界官屬一切神靈_臣等蟲

蟻與穢至微至賤謬藉宿慶生值大化三洞

御運真經下世三師開度授以妙法金書玉

字神仙秘訣受法之日要當聲竭愚聾盡效

筋骨承行經旨奉宣慈澤輔佐師老弘贊幽

顯開濟一切救度天人凡有歸告不敢寢塞

謹有讀詞_臣等案如其辭言款事切實可哀

懇謹相薦率爲承天師旨教建義塗皮露身

中壇束骸自縛散髮泥顏懸頭銜髮於欄格

之下依靈寶_{凡三}下元大謝清齋燒香稽顙乞息

剋以今某月某日於某郡某縣某鄉里某館

靈壇之上或某家修齋清謝然燈續明照耀

諸天三日三夜各六時行道懺謝某家德曾

萬祖父母伯叔兄弟先亡後死下及某身无

執數劫億宗以來所行罪咎謹依齋法齊到
某家沐浴清淨宿以啓聞恩惟

太上三尊十方至真玄中大法師垂神鑒映

省覽所言乞教勸靈寶衆官侍經威神三界

官屬及此間土地真官一合同心併力營衛

_臣等身并某家大小掃蕩齋所館宅内外誅

滅鬼賊降伏四魔乞_臣等心安神定思念分

明天清地朗啓奏上達齋功成就无有窒礙

_臣等雖復叨忝大法佩服至真既處身五濁

塵穢之中三關未調六情放誕仰賴禁戒以

自檢御輒依齋法說戒威儀使衆官主人咸

服法訓須明且晨曉依法行道續更啓聞

次智慧頌三首

智慧起本无 朗朗超十方 結空峙玄霄

自然挹流芳 其妙難思議 虛感真實通

有有竟不有 无无无不无

智慧恒觀身 學道之所先 眇眇入玄肆

自然錄我神 天尊常擁護 魔王爲保言

晃晃金剛軀 超超太上仙

智慧生戒根 真道戒爲主 三寶由是興

高聖所崇受 泛此不死舟 儵然濟大有
當此說戒時 諸天來稽首

右出玉清誡

次法師還東面向西說戒諸眾伏受

天尊告太上道君曰今當普宣法音開悟群

生為諸男女解灾却患請福度命拔諸苦根

使生者見道身脫八難死者歡樂飲食天堂

早生人中轉輪聖王修齋求道皆當一心請

奉十戒諦受勿忘專心默念洞思自然勿得

雜想撓亂形神能如是者便當靜聽

○第一戒者心不惡妬无生陰賊檢口慎過想

念在法

第二戒者守仁不殺愍濟群生慈愛廣救潤

及一切

第三戒者守貞讓義不姪不盜常行善念損

已濟物

第四戒者不色不慾心无放蕩貞潔守慎行

无玷汚

第五戒者口无惡言言不華綺内外中直不

犯口過

第六戒者減酒節行調和氣性神不損傷无
犯眾惡

第七戒者不得嫉人勝已爭競功名每事遜

讓退身度人

第八戒者不得評論經教訾毀聖文躬心承

法恒如對神

第九戒者不得鬪亂口舌評論四輩天人各

恨損傷神氣

第十戒者舉動施為平等一心人和神榜行

常使然

○天尊言修奉清戒每合天心常行大慈願為

一切普度厄世慊慊尊敬不得中怠寧守善

而死不為惡而生於是不退可得拔度五道

不履三惡諸天所護萬神所敬長齋奉戒自

得度世

天尊言道尊法妙人身亦貴故道開法遺戒

經文以度人人身身既度上與道同宜為精

行持齋奉戒夷心靜默志念分明一意歸向

專想不二滌蕩六腑過中不味内外清虛每

合自然是其齋日捨香啓願應聲上徹四天

司邏十部威神即下履行道觀聽法音鑒映
爾心如戒行道皆列功諸天禍福立彰道不

負人勤行諦受勿使魔言

天尊言建齋行道四天帝王皆駕飛雲綠輶

八景玉輿侍從真人五女手把華幡前導鳳

歌後從天鈞白鶴獅子嘯歌邕邕燒香散華

浮空而來瞻禮行道觀聽法音天王下降萬

靈朝焉如是豈可不盡其法也當先受十戒

然後行道庠序雅步靜心閑意坐起卧息不

離儀格天王歡悅列名上清可謂得道方寸

之間

右出大誡經

次復爐法

香官使者左右龍虎君侍香諸靈官當令靜

室之中自然生金液丹碧芝英眾真百靈交

會在此香火之前願共享受福天下蒙恩十

方金童玉女侍衛香煙傳奏所言徑御

太上无極道前

右出明真經

次奉戒頌

道為无心宗 一切作福田 立功无定主

本願各由人 虛已應眾生 注心莫不均

大聖弘至教 亦猶雨降天 高陵靡不周

常卑故成淵 海為百川王 是能舍龍鱗

萬劫保智用 豈但在厥年 奉戒不暫虧

世世善結緣 比 精思念大乘 會當體道真

右出仙公請問經

明且相率入壇依舊禮師思神如法

次衛靈神呪

東方九炁青天明星大神煥照東鄉洞映九

門轉燭陽光掃穢除氛闡明童子備衛我軒

收魔東妖上對帝君奉承正道赤書玉文九

天符命攝龍驛傳普天安鎮我得飛仙

南方丹天三炁流光熒星轉燭洞照太陽上

有赤精闡明靈童總御火兵備守三官斬邪

束妖剪截魔王北帝所承風火八衝流鈴交

煥敢有不從正道流行我享上功保天長存

億劫无終

西方七炁之天太白流精光耀金門洞朝太

冥中有素皇號曰帝靈保神安鎮衛我身形

斷截邪源王道正明宮宅整肅三景齊并道

合自然飛昇紫庭靈寶符命普惠萬生功加

一切天地感寧

北方玄天五炁徘徊辰星煥爛光耀太微黑

靈尊神飛玄羽衣備衛五門檢精捕非敢有

干試豁落斬摧玉符所告神具八威邪門閉

塞正道明開映照我身三光同輝策空駕浮

舉形仙飛

中央黃中理炁總統玄真鎮星吐輝流煥九

天開光童子一十二人元氣陽精爛上朱煙

洞照一宅及得我身百邪摧落殺鬼萬千中

山神呪普天使然五靈安鎮身飛上仙

次鳴天鼓二十四通

次發爐

无上三天真元始三炁太上老君召出_臣等

身中三五功曹左右官使者左右捧香驪龍

騎吏侍香金童傳言散花玉女五帝直符直

日香官各三十六人出出者嚴裝關啓此間

土地里域真官正神_臣今正爾燒香行道願

得

太上十方正真之氣下降流入_臣等身中令

_臣所啓速達徑御

太上无極大道至真玉皇上帝几前

祝爐畢眾官長跪鳴天鼓二十四通便出官

啓事

謹出_臣等身中五體真官功曹吏出_臣等身

中上三天執法開化陰陽功曹度道消災散

禍解危君吏各十二人出_臣等身中治職君

吏_臣治中建節監功大將軍前部效功後部

效殺驛亭令驛亭丞四部監功謁者_臣等身

中仙靈直使正一功曹治病功曹左右官使

者陰陽神決吏科車赤符吏剛風騎置吏驛

馬上章吏飛龍騎吏等各一人出出者嚴裝顯

服冠帶垂纓整其威儀直使功曹戴通天之

冠衣阜統單衣正一功曹冠朱陽之情絳章

單衣使者冠九德之冠五色壽命單衣腰帶

虎符齊執玉板直使功曹住立四方正一功

曹住立中央治病功曹營衛_臣等身左官使

者建節在前右官使者持幢在後陽神決吏

立左陰神決吏立右上部功曹住立上方中

部功曹住立_臣等身中促_丞功曹催促十方
上部使者遠望上天中部使者遠瞻八方都
官使者市遠_臣等身郎吏虎賁察奸鈎騎都
官僕射天丁力士收氣食氣吏收神食神吏
收鬼食鬼吏收邪食邪吏收精食精吏收毒
食毒吏誅符破廟吏科車赤符吏剛風騎置
驛馬上章吏飛龍騎吏等屯住_臣等前後左
右功曹使者嚴裝事竟羅列函簿關啓靈寶
官屬領仙監齋君吏天師所布下二十四治
三十六靖廬七十二福地三百六十名山崑
崙等上宮三萬六千神日月星宿璇璣玉衡
天地五帝三界官屬諸君將吏及道上二玄
三元四始四面方位風氣注氣甲子諸官將
吏考召君東九夷胡老君南八蠻越老君西
六戎氐老君北五狄羗老君中央三秦僖老
君五嶽四瀆丘泥君諸廟神祇所在高山山
川溪谷山林孟長士二溪女根源本始土地
之主社稷將吏一時嚴裝與_臣等身中功曹
使者飛龍騎吏上啓
太上无極大道太上大道君太上丈人无

玄老十方无極大道道德衆真天尊至真大
帝天帝天師君靈寶監齋大法師諸官君_臣
等生長魔俗沈淪季葉詭樂華華十載慶會
謬見標拔得預大化三師盟授三寶神經供
養尊禮以求所願荷恩隆重喜懼交_臣等
受法之日要當齋竭愚短自效毛髮奉脩經
旨宣暢靈音慈心愛物開度天人謹有某郡
縣鄉里男女官生民某某甲投詞列訴詣於_臣
等丹心慳慳求乞平省輒爲申奏謹伏讀辭
文讀解_臣等按如詞言言敘事切實可哀慙
不勝所見謹相携率承天師旨教建議塗炭
露身中壇束骸自縛敬髮泥額懸頭銜髮於
欄格之下依靈寶下元大謝脩齋立直燒香
然燈照耀諸天三日三夜各六時行道懺謝
某家億曾萬祖父母伯叔兄弟先亡後死无
鞅數劫億宗以來逮及_臣身所行罪負存亡
谷繫披露丹赤至心稽顙願上請天仙兵馬
九億萬騎地仙兵馬九億萬騎飛仙兵馬九
億萬騎神仙兵馬九億萬騎星宿兵馬九億
萬騎九宮兵馬九億萬騎五嶽兵馬各九億

萬騎三河四海兵馬各九億萬騎三十二天
監齋直事三十二人侍香金童三十二人散
華玉女三十二人五帝直符各三十二人傳
言奏事飛龍騎吏等一合來下監臨齋堂檢
香願念應口上徹須行道事竟有勤謁功仙
官願功曹官屬功曹使者飛龍騎吏分別關
奏以時上達列啓事竟各還_臣等身中復於
官室須名又到一如故事鳴鼓三通
次第一上香
係天師某治祭酒太上靈寶无上三洞法師
某嶽先生_臣某等上啓
虛无自然元始天尊无極大道太上老君高
上玉皇十方已得道大聖衆至真諸君丈人
三十二天帝玉虛上帝玉帝大帝東華南極
西靈北真玄都玉京金闕七寶玄臺紫微上
宮靈寶至真明皇道君玄中大法師天師君
_臣等宿世緣會生遭道教謬蒙師真所見啓
拔開道腐骸參以經法過太之恩實在罔極
受法之日與三官有誓要當竭盡驅命輸效
筋骨奉宣大化質對幽冥輔助師老救濟一

切謹有於此讚辭臣等謹相薦率為某承天師旨教建議塗炭束縛骸骨銜髮泥額五心塗地於欄格之下依靈寶下元大謝清齋燒香晝夜六時行道為某首謝億曾萬祖父母伯叔兄弟无缺數劫億宗以來逮及某身家門大小前身今生積行所犯天所不原地所不赦人所不哀鬼所不放億罪先過觸犯三元百八十條律三官九府百二十曹陰陽水火左右中官考吏之罪今故燒香願以是功德為某家億曾萬祖父母先亡後死亡父母等免脫憂苦上升天堂分福南宮歸身歸神歸命大道臣等首體投地歸命太上三尊願以是功德歸流某億曾萬祖父母先亡後死亡免離十苦八難上登天堂衣食自然常居无為今故燒香自歸師尊大聖眾至真之德得道之後昇入无為與道合真比二次第二上香祝曰

臣等謹重燒香願以是功德為帝王國主君臣吏民臣等受道法師父母尊親同學門人諸隱居山林學真道士及諸賢

者願各得其道歸身歸神歸命大道臣等首體投地歸命太上三尊願以是功德歸流帝王國主君臣吏民臣等受道法師父母尊親同學諸道士賢者願免離十苦八難各保福祚終入无為今故燒香自歸師尊大聖眾至真之德得道之後昇入无形與道合真比三次第三上香祝曰

臣等謹重燒香願以是功德歸流某身及家門宗室九親姻族國中吏民諸官祭酒天下人民及蠶飛蠕動歧行喘息一切眾生歸身歸神歸命大道臣等首體投地歸命太上三尊願以是功德歸流某家使灾消禍散福慶來生宅舍寧吉門戶興隆今某身得仙度昇入无為與四大合德家門大小天下民人蠶飛蠕動一切眾生並得免離十苦八難五毒水火賊疫鬼害眾厄各保福祿安居无為今故燒香自歸師尊大聖眾至真之德得道之後昇入无形與道合真比五次禮十方懺文

東方 南方 西方 北方
 東北方 東南方 西南方 西北方
 上方 下方

謹有男官祭酒某甲家操墨辭稱比年以來為居不利所向乖意疾病相連懼恐存亡殃咎事結玄司厄運交會不蒙免度臣等謹依靈寶下元塗炭謝法露身中壇稽顙乞哀特乞大慈開宥之恩原赦某身及億曾萬祖父母伯叔兄弟家門大小前身以來逮至今日所行所犯不敬大聖尊神日月星宿四時五行師父尊長五嶽四瀆三河四海諸真神仙玉女三界地祇三官九署一切神明无億醜惡无量大罪欺師罔道穢藉天經貪利入身私相教授五帝无盟謀圖反逆執行不忠不慈不孝不愛不仁上逆君父下殺眾生掠奪人物姪犯他妻嫉妬勝已爭競功名口是心非攻擊賢人飲酒食肉濁注五神罵詈咒詛自作无端八齋吉日喜怒无常輕孤寡棄薄老人凌踐貧窮遂寵豪彊諸如此罪不可稱計乞令燒香悔謝並蒙釋散賜與更始某

身及億曾萬祖幽塗死塊開諸光明威蒙解
脫轉入信根去離五道開度因緣死者長樂
生世蒙恩其業考釋散謫罰除滅乞刑罪錄
右官黑籍度名左府青錄之中道氣覆蓋神
明佑護轉禍為福及凶成吉攘灾却害誅滅
鬼賊兵氣降流溫潤骨節調和五藏宣理百
脉使所苦除差衆治獲力增光附潤安定精
神生活保全永荷遺恩
次禮四方懺文

西方 北方 東方 南方

○謹為男官祭酒某甲家達齋行道請福消灾
懺悔存亡罪結一切和釋道氣覆蓋幽顯開
濟人口安休尊卑萬福門戶清茂福祚所歸
常居吉慶善緣悉會不墮三惡所願者合
次存思命魔步虛三首禮經如法
次書則向西夜則向北各散髮泥頭衆官復
立各稱位號
係天師某治祭酒太上靈寶无上三洞弟子
奉行靈寶法事某獻先生某甲上啓
上下中央四面八方太上无為大道諸君文

人至大至尊无上无頂无極无窮普照普察
无量洞明最上至真无鞅數重道氣元始元
先宸廓无端混沌无形虚无自然太上元根
冥寂玄通大智慧源正一盟威太上无為大
道道中之道神明君无上元初萬億數无鞅
數眾道德諸君丈人太上道德君道德丈人
无上萬元君萬元丈人无上萬福君萬福丈
人无上萬氣君萬氣丈人溟滓天神諸君丈
人玄元老君太清玄元无上三天无極大道
无上丈人太上三氣君三氣丈人太上老君
太上丈人太玄上一君太玄丈人中黄正一
君中黄丈人太元君太元丈人太始君太始
丈人太初君太初丈人太素君太素丈人太
虛君太虛丈人太真君太真丈人太一君太
一丈人太儀君太儀丈人太平君太平丈人
太淵君太淵丈人天帝君天帝丈人九老仙
都君九天仙都丈人玉曆君玉曆丈人九氣
君九氣丈人等百千萬億億萬億无鞅數萬
重道氣君道氣丈人千二百官君千二百官
丈人太清玉陛下

太上玉真君玉真丈人五仙君五仙丈人九
靈君九靈丈人太清十二真君十二真丈人
二十四神人君二十四神丈人太清三十六
真君太清三十六真丈人五氣君五氣丈人
陰陽生氣君陰陽生氣丈人五氣符契諸君
丈人慈父聖母上上太一君上上太一丈人
皇天上帝无極太上元君太上元君丈人
太一君太一丈人神寶君神寶丈人真寶君
真寶丈人天寶君天寶丈人靈寶君靈寶丈
人元神君元神丈人元真君元真丈人元靈
君元靈丈人太上高皇帝王神氣都官考行
狀六質六直六忠六積六積六德等二十四
官三十六神天皇老君天皇老丈人南極老
君南極丈人黃神老君黃神丈人黃老君黃
老丈人太和君太和丈人太上皇真道君諸
君丈人天師女師天師女師地師女師水師女師火師女師金師女師木師女師土師
君門下典者諸官君將吏監察五氣君萬道
父母萬氣父母萬德父母天地父母神仙所
出仙聖所聚東王父西王母日君月夫人衆
仙天官大神等皇等宿世緣會得遭造化課

蒙師真所見啓拔開導腐骸參以經法過太
 之恩實在因格受法之日與三官有誓要當
 竭盡軀命輪救筋骨奉宣大化質對幽冥輔
 助師老救濟一切謹有於此讀詞按如并辭
 言啟事切實可哀愍巨等既叨忝大兼職在
 扶救不勝所見謹相攜率為某承天師旨教
 建議塗炭束縛骸骨銜髮泥顛五心塗地於
 欄格之下依靈寶下元大謝清齋燒香晝夜
 六時行道為某首謝億曾萬祖父母伯叔兄
 弟無鞅數劫億宗以來逮及某身家門大小
 前身今生積行所犯天所不原地所不赦人
 所不哀鬼所不放億罪非過觸犯三元百八
 十條律三官九府百二十曹陰陽水火左右
 中官考吏之罪解釋尼運過度災難披心露
 肝不敢虛餘恩惟

太上衆尊至真高神特垂哀省開大慈之澤
 回罔極之恩救除某上世億曾萬祖無鞅數
 劫億宗以來逮及某身及見在大小一切衆
 生犯惡為非無鞅數罪愆考罰負千罪萬責
 哀原矜赦怨對和解考訟復往一切斷絕流

殃積逮並乞消滅塚墓安穩禍害不生乞先
 亡後死惡魂苦業咸受福樂其業考釋散謫
 罰除滅乞削罪錄右官黑簿度名左府青錄
 之中道氣履蓋神明祐護轉禍為福反凶成
 吉禳災却害度脫危難徹滅短算著名長曆
 家門眷屬厄過病愈咸保萬福瘟癘鬼魔百
 毒千災驅逐八表門戶興盛萬善所歸存亡
 休泰仰荷

道恩畢法師上香向東立

次說十二念願畢復爐

香官使者左右龍虎君侍香諸靈官當令露
 壇之上自然生金液丹碧芝英百靈交會在
 此香火之前願

皇帝萬福天下蒙恩十方金童玉女侍衛香
 烟傳奏等所言徑御

太上無極大道玉帝几前

齋竟高功法師向東各鳴天鼓二十四通各
 稱名位

太上靈寶无上洞玄弟子奉行靈寶法師
 某甲等稽首拜上啓

太上無極大道太上大道君太上老君太上
 丈人无上玄老十方無極大道道德衆聖天
 尊至真大帝天帝天師君靈寶監齋大法師
 等素出凡愚不以穢賤好道樂仙謬受法
 任得騰景九玄志竭愚短自效毛髮謹有同
 法男女官某甲操辭自列投誠歸命告於
 等求乞救理等謹相攜率登以今月某日

寅時於此某郡縣里中承天師旨教建議塗
 炭謝法露身中壇行靈寶下元大謝清齋燒
 香誦經思神念真三日三夜各六時行道訖

某月某日丑時修行事竟所啓上請天仙地
 仙飛仙真人神人日月星宿九宮五帝三河

四海五嶽四瀆神仙兵馬各九億萬騎監齋
 直事侍經侍香金童玉女監齋衆真靈寶官
 屬傳言奏事飛龍騎吏等四方監察真官靈
 仙謁還真官進品上仙加爵帝秩隨品署真
 當如太真之儀令等行道得道求仙得仙
 今且等分形變化七十四方三元下降皆致
 綠鞵飛行上清騰景九天日月同暉三寶齋
 輪惟蒙至真鑒映丹情等學法未備俯仰

輪惟蒙至真鑒映丹情等學法未備俯仰

之格齋法難精不合儀式進止犯科為四司
所糾五帝所執千愆萬罪乞蒙矜赦東原未
悟不見罪罰臣等身中五體真官隨功上詣
玄都受秩事竟各還臣等身中與臣等同昇
飛行太空謹上啟聞伏須告報臣等誠惶
誠恐稽首頓首再拜以聞

无上秘要卷之五十

无上秘要卷之五十一五十二

盟真齋品

此四

太上大道君前進作禮上白

天尊今日侍座得見諸天童子受諸威光先
明普照諸天福堂及无極世界地獄之中善
惡報應苦樂不同善者歡泰道遠无窮惡者
塗炭流曳八難无復身形甚可哀傷凡如此
之輩受惡因緣德劫長對不識命根不審可
有功德拔贖關度死魂長夜九幽之中身入
光明更生福門如蒙慈愍生死荷恩亡者歡
樂見世興隆富貴昌盛壽命長久則雲隆八
遐風灑蘭林來生男女得聞法音唯願
天尊分別解說授以訣言令眾見明
天尊告

太上道君諦聽吾言善思善識封於中心晨
夜存念慎勿使忘言吾今為汝解說妙音可
得依用拔贖罪魂關出長夜九幽八難宿對
披散轉入信根生死權樂世世因緣其法高
妙四萬劫一傳世有賢明普而告焉密則降
福泄則禍臻風刀之戒出於盟真違科犯律

勿怨諸天於是

天尊命飛天神人說罪福緣對拔度上品當
說經時諸天日月星宿朗曜普照九地无極
世界長夜之府九幽之中長徒餓鬼責殺死
魂身受光明普見命根於是自悟一時回心
咸使思善念還福門五苦解脫三塗蒙遠宿
對解釋地獄寧闕是時男女普聞法音豫以
有心悉得神仙

飛天神人曰九幽玉曆拔度死魂罪對上品
常以正月三月五月七月九月十一月一年
六齋月一日八日十四日十五日十八日二
十三日二十四日二十八日二十九日三十
日一月合十日及八節日甲子日庚申日於
家中庭安一長燈令高九尺於一燈上然九
燈火每令光明上照九玄諸天福堂下照九
地无極世界長夜之中依威儀舊法關啓上
請天仙子真人飛仙日月星宿九宮五帝
五嶽三河四海兵馬各九億萬騎三十二人
散華玉女三十二人五帝直符等各三十二
人傳言奏事飛龍騎吏等一合來下監臨齋

堂檢香願念應口上徹行道事竟皆啓遠天宮蓋則燒香夜則然燈使香烟不絕悉露經中庭於九燈之下繞燈行道上香願念畢

便東向九拜言曰今某甲歸命

東方无極靈寶天尊已得道大聖衆至真諸

君丈人九炁天君東鄉諸靈官今故立齋燒

香然燈願以是功德照耀諸天善為

帝王國主君臣吏民受道法師父母尊親同

學門人隱居山林學真道士諸賢者及螻飛

蠕動蚊行喘息一切衆生並得免度十苦八

難長居无為普受自然其家億曾萬祖因徒

死魂開諸光明咸得解脫轉入信根去離五

道開度因緣死者長樂生世蒙恩天下太平

道德興隆今故燒香自歸師尊大聖衆至真

之德得道之後昇入无形與道合真畢脫中

叩頭持頰八十一過止

次南向三拜言今某甲歸命

南方无極靈寶天尊已得道大聖衆至真諸

君丈人三炁天君南鄉諸靈官願念如上法

畢脫中叩持頰各二十七過止

次西向七拜言今某甲歸命

西方无極靈寶天尊已得道大聖衆至真諸

君丈人七炁天君西鄉諸靈官願念如上法

畢叩頭持頰各六十三過止

次北向五拜言今某甲歸命

北方无極靈寶天尊已得道大聖衆至真諸

君丈人五炁天君北鄉諸靈官願念如上法

畢叩頭持頰各四十五過止

次東北一拜言今某甲歸命

東北无極靈寶天尊已得道大聖衆至真諸

君丈人梵炁天君東北鄉諸靈官願念如上

東方法畢叩頭持頰各九過止

次東南

次西南

次西北

四隅俱一拜叩頭持頰並各九過歸命悉如

東北之法四隅畢

次向西北上方三十二拜言今某甲歸命

上方三十二天无極靈寶天尊已得道大聖

衆至真諸君丈人三十二天帝君玉京玄都

紫微上宮諸真人玉女神仙諸靈官願念悉

如東方之法畢叩頭持頰各二百八十八過

次向東南下方十二拜言今某甲歸命

下方无極靈寶天尊已得道大聖衆至真諸

君丈人九土高皇四司五帝十二仙卿五嶽

四瀆九宮真人神仙玉女无極世界九地諸

靈官今故立齋燒香然燈願以是功德照耀

地下无極世界長夜之府九幽之中普為

帝王國主君臣吏民受道法師父母尊親同

學門人隱居山林學真道士諸賢者及臣家

億曾萬祖長夜死魂先身所行犯天禁地忌

罪惡纏綿死受宿對往反塗炭因緣不絕流

曳五苦長夜无脫乞今燒香然燈懺謝以自

拔贖光明普照長夜之府九幽地獄解出幽

魂罪根散釋三官九署不見拘閉開度昇遷

得入福堂去離惡道恒居善門侯王之家生

世歡樂善天安寧今故燒香自歸師尊大聖

衆至真之德得道之後昇入无形與道合真

畢叩頭持頰各一百二十過止

右出洞玄明真九幽玉匱罪福緣對拔度


比四

五

无上秘要卷之五十二

三元齋品

壇圖 以紅泥為壇三層上頓音几案五隻每隻上各放香爐一座



天尊言常以正月十五日七月十五日十月十五日平旦正中夜半三時沐浴身形五香自洗臨沐浴時向西南以金杓回香湯東南左轉三十二過閉眼思日光在左目上月光在右目上五星纏絡頭上五色之雲巾遠一

身青龍白虎朱雀玄武獅子白鶴羅列左右仙童執巾玉女散華飛仙乘騎侍衛身形便叩齒三十二通呪曰

天澄氣清五色高明日月吐輝灌我身形神津內盥香湯練精光景洞耀煥映上清氣不

受塵五臟納靈罪滅三塗禍消九冥惡根斷絕福慶自生今日大願一切告盟身受開度昇入帝庭畢仰籙二十二過止便洗沐五神也沐浴畢冠帶衣服又叩齒十二通呪曰五濁已清八景已明今日受練罪滅福生長與五帝齊真上靈便出而入室依法行道也入室東向燒香叩齒三十二通呪曰

无上三天玄元始三炁太上老君召出臣身中三五功曹左右官使者左右龍虎君捧香

驛龍騎吏侍香金童傳言玉女五帝直符各

三十二人出出者嚴裝闊啓此間黑域土地

真官正神臣今正爾燒香行道陳乞所願願

得十方正真之炁入臣等身中臣所啓速

達上聞

无極天尊太上大道至真玉帝几前

无上洞玄靈寶弟子某嶽先生臣某甲宿世

緣會得生道化蒙三洞法師先生某甲所見

啓拔開度腐骸奉以經法過泰之恩實在罔

極而臣生長流俗五神諍競塵深罪穢永不

自覺與罪同長山海彌積前生至今不知緣

來凡以幾劫逮及今日罪結天地在何簿目
為三官執舉拘逮地役雖自修厲而无感徹
真靈不降衆魔所伐致思念不專五神飛越
常恐一旦歸命幽壑彌淪萬劫終天无拔護
以三元大慶吉日清齋燒香首謝前身及得

今日積行所犯天所不原地所不赦神所不
宥鬼所不放億罪死過觸犯三元百八十條
三官九府百二十曹陰陽水火左右中官考
吏之罪今故燒香歸身歸神歸命

无極天尊太上道君三十二天上帝十方大
聖眾至真諸君丈人飛天神王天仙飛仙神
仙地仙五嶽諸真人玉女諸天日月星宿璇
璣玉衡及地上十方无極諸靈官三界五帝
三官九府百二十曹三河四海九江八極衆
神靈司諸官乞丐大恩一切原除宿身今生

所犯之罪以令燒香功德拔度罪根願削除
地簡絕滅右府黑簿罪錄度上南宮左府長
生青錄之中神仙度世永享无窮得道之後
昇入无形與真合同

第一東向九拜長跪言臣某甲今歸命

東方无極太上靈寶天尊已得道大聖眾至
真尊神太清玄元上三天无極大道无上玄
老太上老君太上丈人皇上老君皇上丈人
青靈上真諸天帝君諸天帝丈人天帝君太
帝丈人九老仙都君九炁丈人等百千萬重

道炁千二百官君太清玉陛下東極老人青
華大神上相司馬青童金闕後聖帝君真陽
始青神人靈寶九仙君等青和玉女主仙五
郎東方无極世界一切神靈乞丐直垂大慈
開宥之恩原赦臣身前生緣來逮及今日受

生所犯上不敬
諸天大聖尊神東方无極世界一切神靈日
月星宿四時五行風雨雷電雲霧時節下不
敬師父尊長五嶽四瀆三河四海九江八極
諸真人神仙玉女東鄉諸靈官三界地祇三
官九署一切神明欺師罔道穢藉天經竊盜

聖文改易靈音宣傳正法貪利入身私相化
授五帝无盟謀圖反逆執行不忠不慈不孝
不愛不仁上逆君父下殺衆生掠奪人物姪
犯他妻骨肉相加門族交通嫉妬勝已爭競

功名口是心非攻擊賢人飲酒食肉濁注五
神罵詈呪詛自作无端八齋吉日喜怒无常
輕孫藉寡棄薄老人凌踐貧窮逐寵豪強諸
如此罪不可勝託積世結固纏綿不解乞今
燒香歸命

東方乞丐大慈直垂哀原赦除臣身前生億
劫以來乃至今身所犯坐如上的罪乞賜更
始於今自改伏從禁戒不敢有犯乞削地簡
三官罪錄右官黑簿惡對重根度品左府青
錄之中今日大慶萬願開陳謹自首謝歸命

天尊乞神乞仙與真合同門戶興泰善緣來
生世世罔極長享自然畢便解中叩頭自搏
各九十過
謝東方畢次起左行向東南一拜長跪言臣
甲今歸命

東南无極太上靈寶天尊已得道大聖眾至
真尊神南上老君丹靈老子南極上元長生
真人度世司馬司命司錄好生韓君起死更
生鍊骨遠神大聖神王萬福君萬神丈人太
和玉女東南无極世界一切神靈乞丐謝如

此

此

東方法畢叩頭自搏各一十二過

謝東南畢次起左行向南方三拜長跪言臣

甲今歸命

南方无極太上靈寶天尊已得道大聖眾至

真尊神无極大道南方亦帝丹靈老子太和

玉女長生司馬好生君司命司錄南極度世

君飛天真人開度受生神仙玉曆注生神仙

度世君萬福萬度萬生萬氣君南方无極世

界一切神靈謝如上法畢叩頭自搏各三十

過

謝南方畢次起左行向西南方一拜長跪言臣

甲今歸命

西南无極太上靈寶天尊已得道大聖眾至

真尊神天皇老人南極元真君洞陽大靈神

生氣飛真神王神仙玉女西南无極世界一

切神靈乞叩謝如上法畢叩頭自搏各一十

二過

謝西南畢次起左行向西方七拜長跪言臣

甲今歸命

西方无極太上靈寶天尊已得道大聖眾至

真尊神无極大道西華太妙至極上帝金堂

玉仙真母金闕後聖上相帝君玄古天師萬

聖道主四極真人神仙玉女西方无極世界

一切神靈乞叩謝如上法畢叩頭自搏各七

十過

謝西方畢次左行向西北方二拜長跪言臣

甲今歸命

西北无極太上靈寶天尊已得道大聖眾至

真尊神无極大道上帝真皇老人飛天神王

度仙上聖監靈真人神仙玉女西北方无極

世界一切神靈乞叩謝如上法畢叩頭自搏

各一十二過

謝西北畢次左行向北方五拜長跪言臣

今歸命

北方无極太上靈寶天尊已得道大聖眾至

真尊神无極大道太上老君太上丈人高上

玉晨壯極真公萬聖道主妙行真人太陰司

命典死錄度算司馬總司殺神皇太真神仙

玉女北方无極世界一切神靈乞叩謝如上

法畢叩頭自搏各五十過

謝北方畢次左行向東北方一拜長跪言臣

今歸命

東北方无極太上靈寶天尊已得道大聖眾至

真尊神无極大道飛天神王神霄魔王制靈

監真都統神人萬生神皇上玄老君真人玉

女東北方无極世界一切神靈乞叩謝如上法

畢叩頭自搏各一十二過

謝東北方畢次左行向西北上方一拜長跪言

甲今歸命

上方无極太上靈寶天尊已得道大聖眾至

真尊神太清玄元上三天无極大道无上玄

老太上老君太上丈人皇上老君皇上丈人

青靈上真諸天帝君諸天帝丈人九老仙都

君九氣丈人等百千萬億億萬數无軟數萬

重道氣君道氣丈人千二百官君千二百官

丈人太清玉陛下太玉真君玉真丈人五

仙君五仙丈人九靈君九靈丈人太清十二

真君十二真君丈人二十四神人君二十四

神丈人太清三十六真君三十六真丈人五

氣君五氣丈人陰陽生氣君生氣丈人上上

太一君太一丈人皇天上帝元極太上无
 君太上元君丈人太一君太一丈人神寶君
 神寶丈人真寶君真寶丈人天寶君天寶丈
 人靈寶君靈寶丈人元神君元神丈人元真
 君元真丈人元靈君元靈丈人天皇老君皇
 老丈人南極君南極丈人黃神老君黃神丈
 人黃老君黃老丈人太和君太和丈人太上
 皇真道君諸君丈人上古天師君天師丈人
 三師君三師丈人萬道父母萬德父母天地
 父母神仙所出神仙所聚東王父西王母日
 君月夫人五星君五星皇妃璇璣玉衡九星
 真君眾仙真人聖父聖母神仙玉女上方彌
 羅无極世界一切神靈乞巧謝如上法畢叩
 頭自搏各三百二十過

謝上方畢次左行向東南下方一拜長跪言

臣甲今歸命

下方无極太上靈寶天尊已得道大聖眾至
 真尊神九土高皇四司五帝十二仙官九宮
 真人神仙玉女下方无極世界一切神靈乞
 巧謝如上法畢叩頭自搏各一百二十過

謝下方畢次左行向東北日宮三拜長跪言

臣甲今歸命

日君夫人日中黃華洞明太光童子散暉玉
 女日中諸神仙乞巧原受生所行罪負上
 觸天光生死殃對並蒙赦除身得光明與日

同景長享无極受福自然畢叩頭自搏各三
 十過

謝日宮畢次起左行向西南月宮七拜長跪

言臣甲今歸命

月君夫人石景水母圓光玉女散暉童子月
 中諸神仙乞巧原受生所行罪負與月同

景長享无極受福自然畢叩頭自搏各七十
 過

謝月宮畢次左行向北九拜長跪言臣甲今

歸命

諸天星宿璇璣玉衡七星灶斗九皇三台五
 星夫人二十八宿周天三百六十五度星中
 大神星中真皇夫人靈妃神仙玉女乞巧原
 受生所行罪負上觸天光生死殃對並蒙
 原除身得光明與星宿同景長享无極受福

自然畢叩頭自搏各三百六十五過

謝星宮畢次左行向東嶽再拜長跪言臣甲

今歸命

東嶽泰山青帝大神飛仙真人神仙諸靈官
 名山大澤一切神靈乞巧原受生以來所

行罪負上觸東嶽名山大神元惡之罪並蒙
 赦宥削除罪簡名上仙錄得與大神交友自

然畢叩頭自搏各二十過

次向南方再拜長跪言臣甲今歸命

南嶽衡山赤帝大神飛仙真人神仙諸靈官
 名山大澤一切神靈乞巧如東嶽法

次向西南再拜長跪言臣甲今歸命

中嶽嵩山黃帝大神飛仙真人神仙諸靈官
 名山大澤一切神靈乞巧如東嶽法

次向西方再拜長跪言臣甲今歸命

西嶽華山白帝大神飛仙真人神仙諸靈官
 名山大澤一切神靈乞巧如東嶽法
 次向北方再拜長跪言臣甲今歸命
 北嶽恒山黑帝大神飛仙真人神仙諸靈官
 名山大澤一切神靈乞巧如東嶽法

謝五嶽並如東嶽法但言至東嶽便改其方嶽名耳叩頭自搏並各二十過

謝五嶽畢次左行向北方十二拜謝水官言臣甲今歸命

扶桑大帝賜谷神王洞源洞淵清冷大神三

河四海九江水帝十二河源河伯河侯河中

二千石清河夫人水府神仙一切諸靈官乞

丐原臣前生以來至于今日所行罪負無數

愆目觸犯水官元惡之罪乞見原赦今日燒

香首謝歸命水府大神乞得生活免諸罪根

削水簡對上名生錄神比四仙簿中長享无極與

道合真叩頭自搏各二百八十過

謝水府畢次向北方三拜謝三寶神經長跪

言臣甲今歸命

太上无極大道至真无上三十六部尊經三

寶靈文神仙圖籙符章自然天書金書玉字

侍經玉童玉女三部威神乞丐謝如上東方

法畢叩頭自搏各三百六十過

謝畢左行還西向東三上香祝曰
香官使者左右龍虎君捧香驛龍騎吏當令

臣靜室齋堂生自然金液丹精芝英百靈交會在此香火前令臣得道遂獲神仙舉家萬福天下受恩十方玉童玉女侍衛香烟傳臣所啓徑御

无極太上大道御前

天尊言其三元品誠謝罪上法三元宮中隱

存形神精思罪根修仙上道學士一歲三過

行之行之當令心丹意盡神形同苦无有息

倦感徹諸天三元削罪於黑簿北帝落死而

上生三官保舉於學功太玄記錄於上仙比五

无上秘要卷之五十二

无上秘要卷之五十三

金錄齋品

太上道君稽首上白

天尊今聞飛天神人說罪福緣對拔度上品

陳請禮謝解釋宿根來生男女當受其恩普

得開悟身入光明為盡如是復有餘方不審

天有重灾國祚不安星宿越錯四氣失常兵

寇疾厄帝王不寧毒癘流布天人死傷當作

何法以攘其灾拔度厄難解諸不祥願垂教

旨可得修行和天安地佐國之功如見訓勅

則恩布十方國祚安鎮帝王興隆天人懽泰

福慶无窮來世一切普聞法音於是

天尊告飛天神人曰所說罪福緣對拔度上

品救度國土灾疾危厄未盡者便可盡為

太上道君一比五說之使未見者見未聞者聞

普救一切令衆見明於是說之善受訣言

飛天神人曰長夜之府九幽玉墮明真科法

帝主國土灾疾兵寇危厄難當丹書靈寶

真文五篇於中庭五案置五方一案請一篇

真文以金五兩一兩作一龍五兩合作五龍

以鎮五篇真文上

又以五色紋縉之信以鎮五帝有灾之身隨
年齋紫紋之縉拔度身命安國鎮祚禳解天

灾明星列宿

春則然九燈亦可九十燈亦可九百燈

夏則然三燈亦可三十燈亦可三百燈

秋則然七燈亦可七十燈亦可七百燈

冬則然五燈亦可五十燈亦可五百燈

四季之月則然十二燈亦可百二十燈亦可

千二百燈

又安一長燈長九尺於上安九燈大置中央

以照九幽長夜之府明達大法師於中央披

頭散髮依訣塗炭六時請謝中央行事若清

信男女佐國祈請當於門外散髮塗炭陳請

春則九日九夜

夏則三日三夜

秋則七日七夜

冬則五日五夜

四季月則十二日十二夜

羅列光明照耀諸天无極世界長夜之中則

九幽開明光入无窮三景朗照天地安寧星

宿復位四時和平萬灾咸消兵疫不行天人

權奉國祚興隆行道日竟當燒真文散之青

烟飛天神人日法師從地戶入繞香燈三過

還東向立叩齒三十二通訖誦發爐祝都講

唱各稱名位

三洞大法師小兆真人臣某甲上啓

虛无自然元始天尊无極大道太上道君高

上玉皇已得道大聖衆至真諸君丈人三十

二天帝玉虛上帝玉帝大帝東華南極西靈

北真玄都玉京金闕七寶玄臺紫微上宮靈

寶至真明皇道君臣宿命因緣生落法門玄

真啓拔得入信根先師盟授三寶神經法應

度人九萬九千位登上真臣祖世以來逮及

今身生值經教常居福中功德微少未能自

仙志竭軀命佐國之功今國土失和兵病並

興陰陽否激星宿錯行危灾重厄及云某事

誠由

帝主受天禪祚總監兆民不能施惠廣潤十

方使天人豐沃興國太平而恩无歌詠路有

怨聲致三景昏錯天灾流行帝主憂傷兆民

无寧今謹依大法披露真文燒香然燈照曜

諸天信誓自效行道謝殃上請天仙兵馬九

億萬騎地仙兵馬九億萬騎真人兵馬九億

萬騎飛仙兵馬九億萬騎神仙兵馬九億萬

騎日月兵馬九億萬騎星宿兵馬九億萬騎

九宮兵馬九億萬騎五帝兵馬各九億萬騎

五嶽兵馬各九億萬騎三河四海兵馬各九

億萬騎三十二天監齋直事三十二人侍香

金童三十二人散花玉女三十二人五帝直

符各三十二人傳言奏事飛龍騎吏等一合

來下監臨齋堂捻香願念應口上徹須行道

事竟有功勤者謁言仙官便起東向三上香

祝曰

三洞大法師小兆真人臣某甲今故立直燒

香願以是功德為

帝王國主君臣吏民普天七世父母去離憂

苦上昇天堂今故燒香歸身歸神歸命

太上三尊願以是功德歸流普天七世父母

乞免離十苦八難上昇天堂衣食自然長居

无為今故燒香自歸師尊大聖眾至真之德
得道之後昇入无形與道合真

次又三捨香祝曰

臣今故燒香願以是功德為

帝王國主君臣吏民受道法師父母尊親同

學門人隱居山林學真諸道士賢者願各得

其道歸身歸神歸命

大道巨等首體投地歸命

太上三尊願以是功德歸流

帝王國主君臣吏民受道法師父母尊親同

學門人隱居山林學真諸道士賢者願各得

其道安居无為長享福祚今故燒香自歸師

尊大聖眾至真之德得道之後昇入无形與

道合真

次又三捨香祝曰

臣今立直燒香願以是功德令臣速得仙道

及九姻親族國中同法學士天下人民及煇

飛鷲動致行喘息一切眾生已生未生並乞

成就歸身歸神歸命

大道巨等首體投地歸命

太上三尊願以是功德歸流臣身令得仙度
終入无為與四大合德天下人民一切眾生

並得免離十苦八難五毒水火疾疫鬼害灾

厄之中國土安寧天下興隆今故燒香自歸

師尊大聖眾至真之德得道之後昇入无形

與道合真

三上香願念畢東向九拜言曰

天地否激陰陽相刑四節失和祲灾流生星

宿錯綜以告不祥國土不靜兵病並行帝王

憂傷兆民无寧謹依大法披露真文歸命

東方无極天尊已得道大聖眾至真諸君丈

人九氣天君東鄉諸靈官今故立齋披心露

形叩頭自剋為國謝殃燒香然燈照曜諸天

下映无極長夜之中九幽之府開諸光明以

是功德為

帝王國主君臣吏民解灾却患三景復位五

行順常兵止病愈國祚興隆兆民懽奉人神

安寧今故披心歸命師尊大聖眾至真之德

得道之後昇入无形與道合真畢便解巾叩

頭自搏各八十一過

次南向三拜願如上法今歸命

南方无極天尊已得道大聖眾至真諸君丈

人三氣天君南鄉諸靈官願畢叩頭自搏各

二十七過

次西向七拜願如上法今歸命

西方无極天尊已得道大聖眾至真諸君丈

人七氣天君西鄉諸靈官願畢叩頭自搏各

六十三過

次北向五拜願如上法今歸命

北方无極天尊已得道大聖眾至真諸君丈

人五氣天君北鄉諸靈官願畢叩頭自搏各

四十五過

次東北向一拜願如上法今歸命

東北方无極天尊已得道大聖眾至真諸君

丈人梵炁天君東北鄉諸靈官願畢叩頭自

搏各九過

次東南向

次西南向

次西北向

四隅俱一拜叩頭搏頰並各九過祝如東北

之法

次向西上方三十二拜願如上法今歸命上方三十二天无極天尊已得道大聖眾至真諸君丈人三十二天帝君玉京玄都紫微上宮諸真人五女神仙諸靈官願畢叩頭自搏各二百八十過

次向東南下方十二拜願如上法今歸命

下方无極靈寶天尊已得道大聖眾至真諸君丈人九土高皇四司五帝十二仙官五嶽四瀆九宮真人神仙玉女无極世界九地諸靈官願畢叩頭自搏各一百二十過

十方願念禮謝都畢當旋行三帛繞香燈口誦步虛洞章竟還東向復爐祝

飛天神人曰凡行道日數多少自適人所為雖有四時日數依五行用度至於三日三夜苦請丹心亦感徹於諸天學士自可量節而行事也

右出洞玄明真科經

无上秘要卷之五十三

无上秘要卷之五十四

比六

黃籙齋品

立壇

下元黃籙簡文靈仙品曰拔度罪根威儀當於中庭開壇四面四隅上下方合十門中央縱廣令長二丈四尺四面標纂榜題門位上下整飭

十門畢當於十門外開天門地戶日門月門四隅合作四門縱廣令長三丈二尺名四界都門安八卦標榜上下整飭法師一人於中央行道

題榜

當安十門榜作榜廣三寸二分長二寸四分各隨方色

東方榜題青華元陽之門以朱書青榜

南方榜題洞陽太光之門以黃書赤榜

西方榜題通陰金闕之門以黑書白榜

北方榜題陰生廣靈之門以青書黑榜

東北榜題通靈禁上之門

東南榜題始生元陽之門

西南榜題元黃高晨之門

西北榜題九仙梵行之門四隅悉以白書黃色榜

上方門榜題大羅飛梵之門以青書白榜上安西北隅

下方門榜題九靈皇真之門以黃書青榜上安東南隅

十門榜令標長九尺整頓合天式

十門榜畢當安都門八卦榜榜廣長令如前十方榜法

東方榜題震宮洞青之炁以青書黃榜

南方榜題離宮洞陽之炁以朱書白榜

西方榜題兌宮少陰之炁以白書青榜

北方榜題坎宮洞陰之炁以黑書朱榜

東南榜題巽宮梵行之炁

西南榜題坤宮梵陽之炁

西北榜題乾宮梵通之炁

東北榜題艮宮梵元之炁

四隅悉以黃書黑榜上標長九尺令如上式然燈安門榜畢當十方安九燈合九十燈

在都門之外

其太歲行年大小兩基本命所候門然燈隨

主人所安多少每令光明徹照竟夕勿使中

滅

香火

當門安一香火十門合十香火侍香監視令

香煙不絕以招神炁

鎮龍

以上金作十金龍以鎮十方拔度罪魂十方

方安一枚

命繪

主人當齋本命紋繪隨年國王公主悉用紫

紋以法天象庶民則用隨命所屬正方之色

以置中央拔度年命

方綠

齋十方紋繪之信

東方青紋九十尺亦可九尺

南方綠紋三十尺亦可三尺

西方白紋七十尺亦可七尺

北方黑紋五十尺亦可五尺

四隅悉用黃紋每一隅一百二十尺亦可一

十二尺

上方青紋三十二尺

下方黃紋三十二尺

隨其方色以安十方拔度長夜之魂

天子則用尺數國王則用丈數庶人則用尺

數尊卑有降悉如明科

署職

施安都畢請法師一人中央行道同法四人

隨位尊卑署一人監齋一人直事一人侍香

一人侍燈於都門隨師遊行為主人叩頭祈

請拔罪更相關度

師從地戶入中央左回繞香火至西面向東

三上香

次至東南三上香

次至西南三上香

次至西址三上香

次至東址三上香

次還下方三上香

十方畢還西面立向東

弟子亦從地戶入都門左回隨師三上香十

方畢還都門內面向東立

祝香

師於中央叩齒二十四通祝曰

香官使者左右龍虎君捧香驛龍騎吏侍香

金童傳言玉女五帝直符各三十六人出所

在土地里域真官速出嚴裝臣今正爾燒香

行道願得

太上十方正真之炁入臣等身中令臣所啓

速達徑御

太上元極大道至真玉皇上帝御前

請仙官

上請天仙兵馬地仙兵馬飛仙兵馬真人兵

馬神人兵馬日月兵馬星宿兵馬九宮兵馬

五帝兵馬三河四海兵馬五嶽四瀆兵馬各

九億萬騎監齋直事各三十二人侍香金童

散華玉女五帝直符各三十二人傳言奏事

飛龍騎吏等一合來下監臨齋堂為同法某

甲家九祖父母拔度死魂得出長夜某甲今

齋信效心歸命

十方无極世界已得道大聖眾至真諸君丈人十方諸靈官今故燒香自歸師尊大聖眾至真之德得道之後昇入无形與道合真

三上香

師弟子一時左回三上十方香從東方起周下方如上法還西面東倚師祝曰

第一上香為同法某甲拔度九祖父母九幽五匱長夜之府死魂惡對宿身罪根功德開度建齋燒香請謝十方願為九祖父母拔出幽苦上昇天堂今故燒香歸身歸神歸命大道巨等首體投地歸命

太上三尊願以是功德歸流九祖父母乞得免離十苦八難長夜之身得見光明上昇天堂衣食自然長居无為今故燒香自歸師尊大聖眾至真之德得道之後昇入无形與道合真

第二上香畢師弟子一時左回三上十方香從東方起周下方如上法還西向東祝曰日今為同法某甲拔度九祖父母九幽五匱

長夜之府死魂惡對宿身罪根功德開度建齋燒香請謝十方願為某甲九祖父母拔出憂苦上昇天堂歸身歸神歸命

大道巨等首體投地歸命太上三尊願以是功德歸流

帝王國主君臣吏民受道法師父母尊親同學門人隱居山林學真諸道士賢者願各得其道安居无為今故燒香自歸

師尊大聖眾至真之德得道之後昇入无形與道合真

第三上香畢師弟子一時左回三上十方香從東方起周下方如上法還西面向東祝曰日今為同法某甲拔度九祖父母九幽五匱長夜之府死魂惡對宿身罪根功德開度建齋燒香請謝十方願為某甲九祖父母拔出

憂苦上昇天堂甲身早得仙度及家門宗室九親姻族國中吏民諸同學師友恩流弟子天下人民蝗飛蠶動蚊行蝻息已生未生一切象生並得免離十苦八難五毒水火千灾萬害賊役鬼氣刑厄之中今故燒香自歸

師尊大聖眾至真之德得道之後昇入无形與道合真三上香畢謝十方

師弟子一時東向九拜師長跪言曰同法某甲九祖父母生世之日所行元惡罪

結九幽長夜之府魂充考撻諸痛備嬰形體毀悴苦毒難任長淪萬劫終天无解今依盟真王匱女青上官拔度科品齋青紋之繒九十尺或九尺金龍一枚歸命

東方无極太上靈寶天尊九炁天君東鄉諸靈官拔贖某甲九祖父母惡對罪根三界同筭女青上官削除罪錄開度窮魂身入光明上昇天堂衣食自然早得更生福慶之門甲得道真與神合同早解結叩頭擗額各九十過

次師弟子一時左行向東南一十二拜長跪言曰

同法某甲九祖父母生世之日所行元惡罪結九幽長夜之府魂充考撻諸痛備嬰形體毀悴苦毒難任長淪萬劫終天无解今依盟

眞玉匱女青中官拔度科品齋黃紋之繪一百二十尺或一十二尺金龍一枚歸命

東南无極太上靈寶天尊梵炁天君東南鄉諸靈官拔贖某家九祖父母惡對罪根三界司筭女青中官削除罪錄開度窮魂身入光明

明上昇天堂衣食自然早得更生福慶之門甲得道眞與神合同畢解結叩頭搏頰各一百二十過

次師弟子一時左行向南方三拜長跪言曰同法某甲九祖父母生世之日所行元惡罪

結九幽長夜之府魂充考捷諸痛備嬰形體毀悴苦毒難任長淪萬劫終天无解今依盟眞玉匱女青陽官拔度科品齋綠紋之繪三千尺或三尺金龍一枚歸命

南方无極太上靈寶天尊三炁天君南鄉諸靈官拔贖某家九祖父母惡對罪根三界司筭女青陽官削除罪錄開度窮魂身入光明

上昇天堂衣食自然早得更生福慶之門甲得道眞與神合同畢解結叩頭搏頰各三十過

次師弟子一時左行向西南一十二拜長跪言曰

同法某甲九祖父母生世之日所行元惡罪結九幽長夜之府魂充考捷諸痛備嬰形體毀悴苦毒難任長淪萬劫終天无解今依盟

眞玉匱女青下官拔度科品齋黃紋之繪一百二十尺或一十二尺金龍一枚歸命

西南方无極太上靈寶天尊梵炁天君西南鄉諸靈官拔贖某家九祖父母惡對罪根三界司筭女青下官右官削除罪錄開度窮魂

身入光明上昇天堂衣食自然早得更生福慶之門甲得道眞與神合同畢叩頭搏頰各一百二十過

次師弟子一時左行向西方七拜長跪言曰同法某甲九祖父母生世之日所行元惡罪

結九幽長夜之府魂充考捷諸痛備嬰形體毀悴苦毒難任長淪萬劫終天无解今依盟眞玉匱女青右官陰官科品齋白紋之繪七十尺或七尺金龍一枚歸命

西方无極太上靈寶天尊七炁天君西鄉諸

靈官拔贖某家九祖父母惡對罪根三界司筭女青右官陰官削除罪錄開度窮魂身入光明上昇天堂衣食自然早得更生福慶之門甲得道眞與神合同畢叩頭搏頰各七十過

次師弟子一時左行向西北一十二拜長跪言曰

同法某甲九祖父母生世之日所行元惡罪結九幽長夜之府魂充考捷諸痛備嬰形體毀悴苦毒難任長淪萬劫終天无解今依盟

眞玉匱女青太陰官水官科品齋黃紋之繪一百二十尺或一十二尺金龍一枚歸命

西北方无極太上靈寶天尊梵炁天君西北鄉諸靈官拔贖某家九祖父母惡對罪根三界司筭女青太陰官水官削除罪錄開度窮

魂身入光明上昇天堂衣食自然早得更生福慶之門甲得道眞與神合同畢叩頭搏頰各一百二十過

次師弟子一時左行向北方五拜長跪言曰同法某甲九祖父母生世之日所行元惡罪

結九幽長夜之府魂充考捷諸痛備嬰形體
毀悴苦毒難任長淪萬劫終天无解今依盟
真玉匱女青太陽官火官科品齋黑紋之縵
五十尺或五尺金龍一枚歸命

址方无極太上靈寶天尊五炁天君北鄉諸

靈官拔贖某家九祖父母惡對罪根三界司
算女青太陽官火官削除罪錄開度窮魂身
入光明上昇天堂衣食自然早得更生福慶
之門甲得道真與神合同畢叩頭搏頰各五
十過

次師弟子一時左行向東北十二拜長跪
言曰

同法某甲九祖父母生世之日所行元惡罪
結九幽長夜之府魂充考捷諸痛備嬰形體
毀悴苦毒難任長淪萬劫終天无解今依盟
真玉匱女青左官禁官科品齋黃紋之縵一
百二十尺或一十二尺金龍一枚歸命
東址方无極太上靈寶天尊炁天君東址
鄉諸靈官拔贖某家九祖父母惡對罪根三
界司算女青左官禁官削除罪錄開度窮魂

身入光明上昇天堂衣食自然早得更生福
慶之門甲得道真與神合同畢叩頭搏頰各
一百二十過

次師弟子一時左行向東南下方十二拜長
跪言曰

同法某甲九祖父母生世之日所行元惡罪
結九幽長夜之府魂充考捷諸痛備嬰形體
毀悴苦毒難任長淪萬劫終天无解今依盟
真玉匱女青下官四司官科品齋黃紋之縵
三十二尺金龍一枚歸命

下方无極太上靈寶天尊九土高皇四司五
帝十二仙君九宮真人神仙玉女无極世界
下鄉諸靈官拔贖某家九祖父母惡對罪根
三界司算女青下官四司官削除罪錄開度
窮魂身入光明上昇天堂衣食自然早得更
生福慶之門甲得道真與神合同畢叩頭搏
頰各一百二十過
次師弟子一時左行向西北上方三十二拜
長跪言曰

同法某甲九祖父母生世之日所行元惡罪

結九幽長夜之府魂充考捷諸痛備嬰形體
毀悴苦毒難任長淪萬劫終天无解今依盟
真玉匱女青上宮都禁官科品齋青紋之縵
三十二尺金龍一枚歸命

上方无極太上靈寶天尊三十二天帝君玉

京玄都紫微上宮諸真人玉女神仙上鄉諸
靈官拔贖某家九祖父母惡對罪根三界司
算女青上宮都禁官削除罪錄開度窮魂身
入光明上昇天堂衣食自然早得更生福慶
之門甲得道真與神合同畢叩頭搏頰各三
百二十過

謝日月星
次師弟子一時左行向東北日宮三拜長跪
言曰

同法某甲九祖父母逮及甲身受生所行罪
結難稱死魂殃對流曳長夜九幽之中魂受
考捷諸痛備嬰長淪萬劫終天无解今故燒
香歸命
日君夫人童子日中諸神仙乞丐原赦所行
罪員上觸天光生死殃對赦度九祖囚徒死

魂開出光明上昇天堂衣食自然甲身得道上與日君同光自然畢叩頭搏頰各三十過止

次師弟子一時左行向西南月宮七拜長跪言曰

同法某甲九祖父母逮及甲身受生所行罪結難稱死魂殃對流曳長夜九幽之中魂受考捷諸痛備嬰長淪萬劫終天无解今故燒香歸命

月中夫人圓光玉女月宮諸神仙乞丐原赦所行罪負上觸天先生死殃對拔度九祖因徒死魂開出光明上昇天堂衣食自然甲身得道上與夫人同光自然畢叩頭搏頰各七十過

次師弟子一時左行向北九拜謝諸天星宿長跪言曰

同法某甲九祖父母逮及甲身受生所行罪結難稱死魂殃對流曳長夜九幽之中魂受考捷諸痛備嬰長淪萬劫終天无解今故燒香歸命

諸天星宿璇璣玉衡周天三百六十五度星中大神星中夫人星中諸神仙乞丐原赦所行罪負上觸天先生死殃對拔度九祖因徒死魂開出光明上昇天堂衣食自然甲身得道上與星宿同明自然畢叩頭搏頰各三百六十五過

謝五嶽次師弟子一時左行向東嶽再拜長跪言曰

同法某甲九祖父母生存所行元惡醜逆觸犯東嶽泰山神仙靈官罪結九幽謫役東嶽幽執泰山地獄之中魂充考楚萬痛備嬰長淪萬劫終天无解今故燒香歸命

東嶽泰山神仙諸靈官乞丐原赦所行罪負上解東嶽元惡之罪放赦囚徒身出光明上昇天堂衣食自然甲身得道與青帝合真畢叩頭搏頰各二十過

次師弟子一時左行向南嶽再拜長跪言曰同法某甲九祖父母生存所行元惡醜逆觸犯南嶽霍山神仙諸靈官罪結九幽謫役南嶽幽執霍山地獄之中魂充考楚萬痛備嬰

長淪萬劫終天无解今故燒香歸命南嶽霍山神仙諸靈官乞丐原赦所行罪負上觸南嶽元惡之罪放赦囚徒身出光明上昇天堂衣食自然甲身得道與赤帝合真畢叩頭搏頰各二十過

次師弟子一時左行向西嶽再拜長跪言曰同法某甲九祖父母生存所行元惡醜逆觸犯西嶽華山神仙諸靈官罪結九幽謫役西嶽幽執華山地獄之中魂充考楚萬痛備嬰長淪萬劫終天无解今故燒香歸命

西嶽華山神仙諸靈官乞丐原赦所行罪負上觸西嶽元惡之罪放赦囚徒身出光明上昇天堂衣食自然甲身得道與白帝合真畢叩頭搏頰各二十過

次師弟子一時左行向北嶽再拜長跪言曰同法某甲九祖父母生存所行元惡醜逆觸犯北嶽恒山神仙諸靈官罪結九幽謫役北嶽幽執恒山地獄之中魂充考楚萬痛備嬰長淪萬劫終天无解今故燒香歸命

上觸吐獄元惡之罪赦赦囚徒身出光明上
昇天堂衣食自然甲身得道與黑帝同真畢
叩頭搏頰各二十過
次師弟子一時左行向西南中獄拜長跪
言曰。

同法某甲九祖父母生存所行元惡醜逆觸
犯中獄嵩山神仙諸靈官罪結九幽誦役中
獄幽執嵩山地獄之中魂充考楚萬痛備嬰
長淪萬劫終天无解今故燒香歸命

中獄嵩山神仙諸靈官乞丐原赦所行罪負
上觸中獄元惡之罪赦赦囚徒身出光明上
昇天堂衣食自然甲身得道與黃帝合真畢
叩頭搏頰各二十過
謝水官

次師弟子一時左行向北方十二拜謝水官
長跪言曰
同法某甲九祖父母生存所行元惡醜逆觸
犯三河四海九江水帝十二河源河伯河侯
河掾水府諸靈官罪結九幽誦役水官畢塞
長源幽執寒夜魂魄苦痛塗炭備嬰長淪萬

劫終天无解今故燒香歸命
水府三河四海九江水帝十二河源河伯河
侯河掾水府諸靈官乞丐原赦所行罪負觸
犯水官元惡之罪乞赦囚徒得離寒鄉長河
之責削除簡錄身入光明上昇天堂衣食自
然甲身得道與水官合真畢叩頭搏頰各一
百二十過

謝三寶
次師弟子一時起向北方又三拜謝三寶神經
符圖長跪言曰

同法某甲九祖父母前生今世生死所行重
罪惡過諸所為罪積世結因纏綿不解今故
燒香歸命

太上无極至真三十六部尊經寶符侍經金
童玉女乞丐原赦生死所犯願以此功德拔
度九祖罪魂得去三徒五苦之中刀山劍樹
長河寒庭身出幽夜得入光明上昇天堂衣
食自然甲身得道與真合同畢叩頭搏頰各
三百六十過
畢師弟子一時左行繞香一周還西面向東

存恩祝曰
香官使者左右龍虎君捧香驛龍騎吏當今
日華齊所生自然金液丹精芝英百靈交會
在此香火之前今日等得道遂獲神仙舉家
萬福天下受恩十方金童玉女侍衛香煙傳
十六

无極太上大道御前
下元黃籙簡文靈仙品曰拔度罪根威儀申
謝都畢當依玉訣投金龍一枚丹書玉札青
絲纏之以關靈仙五帝昇度之信封於絕巖
之中一依舊法

下元黃籙簡文靈仙品曰關五帝威儀畢當
丹書玉札一枚金龍一枚青絲纏石沈之三
江以關水帝昇度之信一依玉訣舊文
右出洞玄黃籙簡文

无上秘要卷之五十四

无上秘要卷之五十五

比七

太真下元齋品

太真齋法

上學之士欲求飛仙致靈通真騰景太空上昇九天之道當須下元三日齋直行香轉經
拔解七祖令死魂更生去離三塗上昇南宮
釋結解滯斷滅惡根七祖既歎身自成仙其
法高妙勿傳非人

行下元齋法未至前一日沐浴形軀宿潔齋
心上至九人下極三人宿入室北向叩齒十
四通捨香三過長跪上啓

无上空洞自然九玄道君虛皇太真下元齋
官五方五帝五嶽飛仙等當以今月某日於
某處齋直行香然燈誦經願請下元監真使
者直齋仙官玉童玉女各十二人一同降下
監臣等行至上聞九天謹宿啓奏徑御奉行
畢明日清旦入室高下列次齋主先於齋堂
戶外叩齒三通思室內生自然紫炁之雲布
滿齋室之中玉童玉女羅列左右微言正爾
入室燒香行道願直齋仙官營衛身通致

玄虛動靜以聞便入東向向香爐祝曰
下元元靈五帝神真金仙玉童素靈玉女左
右侍香飛仙靈官關啓

九天元始天王虛皇五帝上聖天尊等即
時燒香旋行禮經願得

无極自然正真之炁降入臣等身中受臣等
口中秘言所啓速聞徑御

玉皇高上五帝几前

左回北向長跪叩齒十二通臣等身中四肢

五體三十九戶上真靈官左右飛仙玉虛侍

郎五帝五色元皇太真飛龍功曹神仙使者

各三十六人出玉虛侍郎執飛仙羽節九色

耀天之麾五帝五色元皇太真手執五帝命

魔靈幡飛龍功曹冠帶羽服金真鳳章神仙

使者交絡七元擎持玉案對主臣等前衛臣

等口中秘言乘金根紫蓋丹轅輿飛雲之

輪從金仙玉童太華玉女各十二人左右龍

虎騰天羽騎二十四萬衆飛到紫蓋上登九

天之上金闕玉殿瓊房丹室之內上啓

上上无極无窮至上洞真九玄元父太虛玄

母元始天王高上玉虛萬道丈人鬱單无量
天王上上禪善无量壽天王須延天王寂然
天王不驕樂天王化應聲天王梵寶天王梵
迦摩夷天王波梨答怒天王九天丞相三天
玉童高上三十二帝二十四真玄古先生萬

始丈人高聖玉晨太上大道君扶桑暘谷神
王四司五帝西靈龜母上清太真玉寶上相
大司命高晨師東華玉門青華小童君太清
玄元无上三天无極大道太上老君太上丈人
天帝君九老仙都君九炁丈人等百千萬重

道炁千二百官君太清玉陛下无鞅數道上
皇真人无極天尊慈德自然玄都元皇大洞
三皇弟子小炁真人某嶽先生某等今謹
相率建齋立直誦經行道燒香明燈建立功

德拔贖七祖解釋宿根脫離幽陰上昇南宮
解拔窮魂度身生天特從

高上无極天尊無神曲映監臣所陳上清高
上三寶領仙侍郎五方五帝監靈大夫監齋
大神典齋使者直齋上真飛仙天仙五嶽神

仙兵馬騎乘各九億萬衆一合降下營衛護

臣等身誠魔消試辟凶穰惠招致九天自然
正氣金液丹精之英神仙交會齋堂洞映臣
等玉女玉童侍衛香煙令臣等行道得道求
仙得仙飛行太空騰景九天舉心願合與三
寶齋直七祖父母拔度三塗乞死魂生天一
切諸苦咸蒙度脫上受太真无量之恩修行
事竟啓還本宮惟蒙監納須報奉行

次出吏兵

次回還東向向香爐三上香

第一上香上清玄都大洞三景弟子小兆真
人某燬先生臣甲等今建齋立直燒香明燈
思真誦經行道求仙願以是功德拔度臣某
家七祖窮魂斷滅宿根解贖幽塗乞死魂生
天免離五苦受福南宮今歸身歸神歸命
无上至真至極九玄元始玉皇鬱單无量天
王上上禪善无量壽天王須延天王三十九
帝二十四真九天丞相高上玉晨太上大道
君萬仙上聖无極天尊願以是功德歸流臣
等身令七祖怨魂上昇天堂衣食自然長居
无爲臣身飛騰今故燒香自歸

高上至極天尊得道之後昇入无形與

三寶齋輪

第二上香願曰臣甲等今齋直燒香明燈誦
經思真行道求飛仙持以功德願為諸天
十方无量无億无數道及諸名山隱學法
師父母尊親及同學門人道士賢者願各得
其道飛行上清七祖窮魂免離幽牢上昇仙
堂今歸身歸神歸命

无上至極九玄元始玉皇寂然天王不驕樂
天王化應聲天王三十九帝二十四真九天
丞相高上玉晨太上大道君萬仙上聖无極
天尊願以是功德歸流諸名山隱學法門同
學門人道士賢者令七祖窮魂上昇天堂衣
食自然臣身飛騰今故燒香自歸

高上至極天尊得道之後昇入无形與

三寶齋輪

第三上香願曰臣甲等今齋直燒香明燈誦
經思真行道求飛仙持以功德願為諸家
門九族姻親
帝王國主君臣吏民四隣邊國羌夷臣僚

壇飛蠕動蛟行喘息一切眾生已生未生願
各全其生道長保自然歸身歸神歸命

无上至極九玄元始玉皇梵寶天王梵迦摩
夷天王波梨答惹天王三十九帝二十四真
九天丞相高上玉晨太上大道君萬仙上聖
无極天尊願以是功德歸流臣等九族姻親
帝王國主君臣吏民四隣邊國及蛟飛蠕動
一切眾生咸得免離十苦八難五灾六害九
厄七傷各保福祿長居自然今故燒香自歸

高上至極天尊得道之後昇入无形與

三寶齋輪

次左回向西北一拜長跪願曰臣今建齋立
直燒香明燈誦經思真行道求仙上解七祖
拔贖幽魂度仙南宮願從
太空无極元始九玄元父高上玉皇至極天
尊特垂曲映令臣行道得道求仙得仙飛行
太空騰景玉清拔度七祖解脫怨魂三塗五
苦免離火鄉乞身生天受福南宮闔門昇度
普天獲恩
次向東南一拜長跪願曰臣今建齋立直燒

香明燈誦經思真行道求仙上解七玄拔贖
幽魂度仙南宮願從

太空中極元始九玄母高上玉虛至極天

尊特垂曲映令臣行道得道求仙得仙飛行

太空騰景玉清拔度七祖解脫怨魂三塗五

苦免離火鄉乞身生天受福南仙闔門昇度

普天獲恩

次向西北一拜長跪願曰臣今建齋立直燒

香明燈誦經思真行道求仙上解七玄拔贖

幽魂度仙南宮願從

太空元始鬱單无量天王高上玉虛至極天

尊特垂曲映令臣行道得道求仙得仙飛行

太空騰景玉清拔度七祖解脫怨魂三塗五

苦免離刀山乞身生天受福南仙闔門昇度

普天獲恩

次向正北一拜長跪願曰臣今建齋立直燒

香明燈誦經思真行道求仙上解七玄拔贖

幽魂度仙南宮願從

太空元始上上禪善无量壽天王高上玉虛

至極天尊特垂曲映令臣行道得道求仙得

仙飛行太空騰景玉清拔度七祖解脫怨魂
三塗五苦免離河源乞身生天受福南仙闔

門昇度普天獲恩

次東北又一拜長跪願曰臣今建齋立直燒

香明燈誦經思真行道求仙上解七祖拔贖

幽魂度仙南宮願從

太空元始須延天王高上玉虛至極天尊特

垂曲映令臣行道得道求仙得仙飛行太空

騰景玉清拔贖七祖解脫怨魂三塗五苦免

離八難乞身生天受福南仙闔門昇度普天

獲恩

次正東又一拜長跪願曰臣今建齋立直燒

香明燈誦經思真行道求仙上解七玄拔贖

幽魂度仙南宮願從

太空元始寂然天王高上玉虛至極天尊特

垂曲映令臣行道得道求仙得仙飛行太空

騰景玉清拔度七祖解脫怨魂三塗五苦考

掠之中乞身生天受福南仙闔門昇度普天

獲恩

次東南又一拜長跪願曰臣今建齋立直燒

香明燈誦經思真行道求仙上解七玄拔贖
幽魂度仙南宮願從

太空元始不驕樂天王高上玉虛至極天尊

特垂曲映令臣行道得道求仙得仙飛行太

空騰景玉清拔度七祖解脫怨魂三塗五苦

考楚之中乞身生天受福南仙闔門昇度普

天獲恩

次正南又一拜長跪願曰臣今建齋立直燒

香明燈誦經思真行道求仙上解七玄拔贖

幽魂度仙南宮願從

太空元始化應聲天王高上玉虛至極天尊

特垂曲映令臣行道得道求仙得仙飛行太

空騰景玉清拔度七祖解脫怨魂三塗五苦

風刀之中乞身生天受福南仙闔門昇度普

天獲恩

次西南又一拜長跪願曰臣今建齋立直燒

香明燈誦經思真行道求仙上解七玄拔贖

幽魂度仙南宮願從

太空元始梵寶天王高上玉虛至極天尊特

垂曲映令臣行道得道求仙得仙飛行太空

騰景玉清拔度七祖解脫怨魂三塗五苦之
難乞身生天受福南軒闔門昇度普天獲恩
次正西又一拜長跪願曰目今建齋立直燒
香明燈誦經思真行道求仙上解七玄拔贖
幽魂度仙南宮願從

太空元始梵迦摩夷天王高上玉虛至極天
尊特垂曲映令目行道得道求仙得仙飛行
太空騰景玉清拔度七祖解脫怨魂三塗五
苦萬劫之中乞身生天受福南軒闔門昇度
普天獲恩

次向太歲上再拜長跪願曰目今建齋立直
燒香明燈誦經思真行道求仙上解七玄拔
贖幽魂度仙南宮願從
太空元始波梨答怒天王高上玉虛至極天
尊特垂曲映令目行道得道求仙得仙飛行
太空騰景玉清拔度七祖解脫怨魂三塗五
苦二十四獄之中乞身生天受福南軒闔門
昇度普天獲恩

次還向西再拜長跪願曰
西方玉虛高玄上聖至真諸君丈人无極天

尊願垂曲恩降賜目所學從心行道得道求
仙得仙飛行上清騰景九天七祖父母去離
五苦拔度八難上昇仙堂受福南宮
次北向再拜長跪願曰

北方玉虛高玄上聖至真諸君丈人无極天
尊願垂曲恩降賜目所學從心行道得道求
仙得仙飛行上清騰景九天七祖父母去離
五苦拔度八難上昇仙堂受福南宮
次東向再拜長跪願曰

東方玉虛高玄上聖至真諸君丈人无極天
尊願垂曲恩降賜目所學從心行道得道求
仙得仙飛行上清騰景九天七祖父母去離
五苦拔度八難上昇仙堂受福南宮
次南向再拜長跪願曰

南方玉虛高玄上聖至真諸君丈人无極天
尊願垂曲恩降賜目所學從心行道得道求
仙得仙飛行上清騰景九天七祖父母去離
五苦拔度八難上昇仙堂受福南宮
畢還向西方叩齒三通願曰如前
大道洞玄微 高虛總三輪 金仙啓靈扉

煥若九天分 太華散紫空 八真映素雲
玄母結上願 行間之八門 萬慶交靈會
揚烟唱下元 妙誦感重虛 得結高仙群
遊行禮空洞 稽首朝帝君
畢再拜咽炁三過止

下元篇曰是時當於此願誦太霄琅書九天
之章繞香三周於南方正向北便九拜都畢
便出皆不得後願

朝禮三時食息誦念悉如上元之法
三日齋竟啓遷齋官亦依上元之格但增解
七祖之功耳

下元篇曰修此齋直當書豁落七元帝皇威
章隨其所安置於方面

三元篇曰登齋之日當選高稱通靈釋微才
智慧朗之人以為齋主上高座誦說法義次
者之和目同齋皆靜坐閉聽伏受法化不得慢
略外形託齋內懷異念虧忽天格為司官所
糾罰以五帝神兵移名北鄰不得又登齋堂
三元篇曰登齋之日男女當以學深淺次之
容序雅步旋香禮願每令如法坐起卧息不

得混雜更相戲笑无有專卑為諸天所笑鬼神所慢犯者為司官所糾罰以五帝神兵移名北鬱不得又登齋堂

三元篇曰凡有同學過失被厄疾病縣官口舌非橫之事皆修中元之法富貴香油為信告齋主隨其情事列奏高虛也

三元篇曰凡行此道學法亦齋合丹亦齋入山亦齋傳經亦齋八節日亦齋甲子日庚申日太歲日本命日亦齋富貴亦齋貧弊亦齋有樂亦齋有憂亦齋疾病亦齋口舌亦齋有厄亦齋師有憂亦齋國不寧亦齋師有厄亦齋同盟者有憂亦齋諸如此等其功至重於常若能恒修此法三年剋得真人下降但依常修行九年感靈能乘空飛行其道祕重慎勿妄傳

三元篇曰太真科高上元始受之空洞九玄之先置於齋直以行神仙之訣如是玄都上室真人皆有於月上旬修上元中旬修中元下旬修下元况於世學而不能修三元之道空思之微真豈為降徒勞動事求仙速也若

有志心當依明科齋錄紋之繪三十尺金銀九隻齋師告誓授度真人修之九年剋得飛仙上登玉清之宮輕世實文七祖死貴已身亡命不得又仙

无上秘要卷之五十五

无上秘要卷之五十六

比八

太真中元齋品

太真科文為學之本當先修中元齋直之法以贖已身積澤之愆解過於太真謝罪於三元宿愆既散高上降真書名玄圖剋成上仙學无此法徒勞損功无感於自然有修其道飛騰九天輕世靈文身沒鬼官

修中元齋法宿自沐浴入室燒香西向叩齒二十四通捻香三過長跪上啓

高皇玉帝九玄道君太真中元无極天尊願蒙
以今月某日於此齋直行香然燈悔過謝愆願蒙

天真中元靈官宣告五方五帝五嶽天仙地仙飛仙監真使者直齋仙官玉童玉女各二十四人由垂降鑿營護自身通術致真上聞

九天謹以宿啓奏須御奉行

到明日清旦入室先入齋堂戶外叩齒三通思齋堂之內生自然紫炁芝英丹精滿於齋堂玉童玉女羅列左右微言正爾入室燒香行道願直齋仙官營衛臣等身通致玄虛動

靜啟聞

便進齋堂內東向香爐祝曰

中元五靈五老神真金仙玉童太華玉女左

右龍虎侍香仙官關啓

九天元始天王虛皇玉帝上聖天尊臣今燒

香旋行禮經願得

中元无極自然正真之炁降入臣身中受臣

口中祕言所啟速聞徑御

高上玉帝九前

東向長跪叩齒二十四通

謹出臣身中五體真官玉門紫戶三十九關

上真靈官左右飛仙玉虛侍郎五帝五色元

皇太真飛龍功曹神使者三十六人出侍

即執飛仙羽節九天耀天之魔五帝五色元

皇太真執五帝命魔靈樞飛龍功曹冠帶羽

服金真鳳章神八使者交落七元八擎持玉案

對立臣前街臣口中祕言乘金根紫蓋丹轆

瓊輿飛雲之輪從金仙玉童太華玉女各十

二人左右龍虎騰天羽騎二十四萬眾飛行

紫虛上登九天之上金闕玉殿瓊房丹室之

內上啓

上上无極无窮至上洞真九玄元父太虛玄

母元始天王高上玉虛萬道丈人九天真王

三十六天王萬始先生三天玉童九天丞相

太真天王高上三十九帝二十四玉皇玄古

先生萬始丈人高上玉晨太上大道君後聖

金闕帝君扶桑賜谷神王四司五帝南極上

元禁君西臺龜母上清太真玉保上相大司

馬司令高晨師東海玉門青華小童君太清

玄元上三天无極大道太上老君太上丈人

天帝君九老仙都君九炁丈人百千萬重道

炁千二百官君太清玉陛下太極四真无缺

數眾上皇真人无極天尊炁流自然玄都元

皇大洞三景弟子小兆真人某嶽先生臣某

本生胎穢遭遇靈運因緣福慶輪轉法門得

生人道蒙高虛餘光曲映啓悟愚蒙得以

覺質仰披聖文法師某甲等授臣實經三十

一卷身染穢累未能騰景浮輪九玄沈淪下

世修行虧替舉止羅愆為四司所執結報科

門敢緣聖典盟受齋文太真中元拔贖宿愆

今入室登齋誦經行道思真燒香明燈朝禮

五天悔罪謝過上求神仙願上頌

高上三寶領仙侍郎五方五帝監靈大夫監

齋大神典齋使者直齋上真飛仙天仙地仙

五嶽神仙兵馬騎乘各九億萬眾一合降下

營衛臣身滅魔消試辟却妖凶招致九天自

然正炁金液丹精芝英神仙交會齋堂洞映

臣身玉童玉女侍衛香煙令臣行道得道求

仙得仙飛行太空騰景九天舉鶴願合與三

寶齋真炁消中元罪滅太陰千愆萬咎並蒙

度原板度七祖死魂生天一切諸天威蒙免

離十苦八難彼受中元无極无量濟度之恩

修行事竟臣還本官惟速御聞須報奉行出

第一向香爐三上香稱玄都大洞二景弟子

小兆真人某嶽先生臣某甲謹建齋立直燒

香然燈誦經行道解拔宿愆謝罪三元上求

神仙願以是功德為臣七世父母解脫憂苦

上魂生天除臣千基萬考宿對重愆今歸身

歸神歸命

无極元始高上玉帝太真天尊願以是功德歸流自身上及七祖千罪萬愆普蒙哀原乞免離十苦上登仙官今故燒香自歸依高上无極天尊得道飛仙騰景九天逍遙金闕與三寶合真

第二上香願曰臣今建齋立直燒香然燈誦經行道解拔宿愆謝罪三元上求神仙願以是功德為臣七世父母解脫幽苦上魂生天除臣千罪萬愆對重愆今歸身歸神歸命无極元始高上玉帝太真天尊願以是功德

歸流自身七祖父母千罪萬愆普蒙哀原一切大恩惠及諸天臣受道法師父母尊親山林隱學諸道士賢者普得升度免離罪門今故燒香自歸依高上无極天尊得道飛仙騰景九天逍遙金闕與三寶齊真

第三上香願曰臣今建齋立直燒香然燈誦經行道解拔宿愆謝罪三元上求神仙及臣家門宗室九族姻親帝王國主君臣吏民四隣邊域諸天民人及

煇飛蠕動蚊行喘息一切衆生歸身歸神歸命无極元始高上玉帝太真天尊願以是功德歸流自身家門千罪萬愆普蒙哀原一切大恩惠及諸天宗室九族姻親

帝王國主君臣吏民四隣邊域天下民人煇飛蠕動一切衆生已生未生普得升度各保自然今故燒香自歸依高上无極天尊得道飛仙騰景九天逍遙金闕與三寶齊真

東向三拜長跪願曰臣今齋直燒香然燈思真轉經解拔宿愆謝罪三元歸命東方无極元始高上玉帝太真天尊乞垂曲映原臣所陳賜臣學道得道求仙得仙飛行太空騰景九天七世父母免離三塗上升南宮被受

天尊濟度之恩便三叩頭三搏頰止次東南如上法次正南如上法

次西南如上法次正西如上法次西北如上法次正北如上法次東北如上法

次西北上方如上法次東南下方如上法右十方皆如東方之願悉三拜叩頭三搏頰以謝十方之罪太真科長齋疲極亦得心拜但叩頭搏頰不得闕

次向西方再拜長跪願曰臣今齋直燒香然燈思真轉經解拔宿罪千咎萬愆願從西方无上玄空洞太始九玄元素玉真丈人高聖上仙龜臺玉妃玉虛太靈无極天尊垂恩曲映特見臣哀原賜臣行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次北向再拜長跪願曰臣今齋直燒香然燈思真轉經解拔宿罪千

答萬愆願從

北方无上太空玄洞紫虛元始真人三天玉
童高上玉晨太上大道君太真人太真神
王北侏中真高玄萬仙上聖天尊垂恩曲映
特見哀原賜日行道得道求仙得仙飛行太
空騰景九天拔度七祖上昇南宮長居无爲
衣食自然被受上聖濟度之恩

次東向再拜長跪願曰

臣今齋直燒香然燈思真轉經解拔宿罪千
答萬愆願從

東方高上九玄玉虛太帝太清玄元上三天
无極大道太上老君諸君丈人賜谷神王扶
桑大帝君天帝君太微帝君中黃老君九老
仙都君九炁丈人太清玉陛下上清太真玉
保王上相東海玉門青華小童君高仙萬聖
至極天尊垂恩曲映特見哀原賜日行道得
道求仙得仙飛行太空騰景九天拔度七祖
上昇南宮長居无爲衣食自然被受
上聖濟度之恩
次南向再拜長跪願曰

臣今齋直燒香然燈思真轉經解拔宿罪千
答萬愆願從

南方无上太空九玄元始洞靈虛皇玉帝南
極上元禁君南昌司命長生君洞陽高聖上
仙天尊垂恩曲映特見哀原賜日行道得道
求仙得仙飛行太空騰景九天拔度七祖上
昇南宮長居无爲衣食自然被受
上聖濟度之恩

次向中央太歲上再拜長跪願曰

臣今齋直燒香然燈思真轉經解拔宿罪千
答萬愆願從

中央无上无顛无極无窮太虛空洞玄古先
生萬道父母紫虛青要帝君後聖九玄金闕
帝君太華玉靈中玄四真高聖中皇上仙天
尊垂恩曲映特見哀原賜日行道得道求仙
得仙飛行太空騰景九天拔度七祖上昇南
宮長居无爲衣食自然被受
上聖濟度之恩
禮五帝竟當還向東方誦五帝憂樂之曲旋
行今三周周於南方向北止但誦經而已不

須又拜也

旋行竟當還北向誦四極五苦頌三篇畢又
三拜九叩頭九擗頰以謝四極之罪謝四極
竟當還東向叩齒三通三捨香祝曰

五嶽五帝神仙使者二炁正真左右龍虎天
仙地仙飛仙大八五嶽香官當令招致十方正炁
自然金液丹精芝英九玄玉真交會齋堂洞
觀且身中使且學道得道求仙得仙飛行太
空騰景九天玉童玉女侍衛香煙奏達所啓
上御

高上无極太上大道玉皇几首

叩齒九通咽炁九過都止出戶勿反顧
中元篇曰修中元齋法當書五帝命魔靈禱
置於五方所以爾者上學皆為大魔王干試
令思念不專真不得降故以命魔制之耳事
竟感之錄彙
朝禮三時食息悉如上九之法
齋竟感還齋官亦依上元之格但增首謝宿
愆解過之意爾
三元篇曰脩上元之法然燈上極九十燈中

可六十燈下可三十燈羅列齋堂左右門闕
太歲月逢日辰本命行年之上修中元之法
然燈上極六十燈中可三十六燈下可十二
燈修下元之法然燈上極三十六燈中可二
十四燈下可九燈可得悉依上元然燈數亦
佳无者亦得依下元之法也

三元篇曰然燈太歲年命上二處令晝夜恒
明餘燈白日不須明也

若天雨者但於齋堂然太歲本命二處燈使
足餘者可闕也

○三元篇目結齋士同齋行者畢當各依其本
命燈再拜及太歲上啓乞求願隨其所言也

无上秘要卷之五十六

无上秘要卷之五十七

太真上元齋品

炁

高上洞真三元齋上元主天下元主地中元
主人三元合真上應九玄上元九日以轉經
行道思真念神合丹鎮生上求神仙中元六

日乞解已身犯科違戒宿結之愆下元三日
以拔度七祖解釋九陰死魂生天此高上妙
法求仙之本根修之成真輕泄漏慢獲罪三
官

欲修行大洞真經三十九章雖一玉檢五老
寶經玄母八門修行十二上願誦誦高上五
丈飛玄之章思真行道上求神仙及合神丹
飛騰虛空

凡修上元齋法九日清齋未至一日五香沐
浴宿齋心上至九人下極三人宿入室北
向叩齒三十六通捨香三遍長跪上啓

上元太真皇老高上仙都五帝靈官_臣等當
以今月某日明燈燒香旋行誦經_{或合神丹}
上請監真使者直齋仙官五童玉女各三十
六人監_臣等行真上聞

九天高上虛皇玉帝凡前

明日登齋奉行上真宿昔啓奏惟蒙納聽畢
明日清旦齋心入室先向齋堂戶外齋主叩
齒三通思室內生自然紫炁之雲布滿一室
玉童玉女羅列左右微言某正爾入室燒香

行道願直齋仙官監衛上真通致玄虛動靜
以聞便入室左回東向向香爐祝曰
上元元靈五老神真金仙玉童素靈玉女左
右侍香飛仙靈官闕九天元始天王虛皇玉
帝_臣等即時燒香誦經願得无極正炁來降

入_臣等身中受_臣口中祕言所啓速聞徑御
玉虛高上几前
次左回北向長跪叩齒三十六通祝曰
謹出_臣等身中四肢五體三十九戶上真靈

官左右飛仙玉虛侍郎五帝五色元皇太真
飛龍功曹神仙使者各三十六人出玉虛侍
郎飛仙羽節九色耀天之麾五帝五色元皇

太真手執五帝命魔靈橋飛龍功曹冠帶羽
服金真鳳童神仙使者交落七元擎持玉案
對立_臣前衛_臣等口中祕言乘金根紫蓋丹

轅瓊與飛雲之輪從金仙玉童太華玉女各十二人左右龍虎騰天羽騎二十四萬眾飛行紫虛上登九天峻嶺瓊房金暉玉殿紫蘭之內上登无極无窮至上洞真九元元父太虛玄母元始天王高上玉虛三十九章二十四真高聖玉晨太上大道君四司五帝无極天尊係自然玄都元皇大洞三景弟子小兆真人巨某甲等因緣福慶轉輪法門得生人道忝次高玄九天龍書上清寶文貪道樂真志願神仙今當入室登齋誦經思真行道。燒香明燈或合神丹謹相率齊心朝禮玉天上清高上三寶領仙侍郎五方五帝監靈大夫典齋使者飛仙地仙五嶽靈仙兵馬騎乘各九億萬眾一合來降營臣等身滅魔消試辟凶穰惠招致自然正炁金液丹精芝英神光仙交會齋堂洞映臣等身玉童玉女侍衛香煙令臣行道得道求仙得仙飛行太空騰景九天與心願合三寶齊真修行事竟啟還本宮惟蒙監納須報奉行畢

次回還東向向香爐三捻香稱玄都大洞三

景弟子小兆真人某微先生臣某甲今建齋立直明燈誦經思神念真行道求仙飛騰九天或合神丹持是功德為臣等解愆釋罪滅斷死根降致九天自然正真列名帝簡書字上清飛行玄虛得為真人歸神无上九玄元始玉皇三十九帝二十四真高上玉晨太上大道君萬仙眾聖无極天尊願以是功德歸流鍊度臣身變化空洞飛行玉清金闕之宮今故燒香自歸

高上至極天尊得道之後升入无形與三寶齊輪

第二上香願臣某甲等今謹齋直明燈誦經思神念真行道求仙飛騰九天或合神丹持是功德願為十方无極无窮四隣邊域諸名山陰學已得道法師父母母親及同學門人道士賢者各得其道飛行上清歸命

太真上元九玄眾聖萬仙玉皇天尊願以是功德一切濟度之恩感令早得升度飛行上清今故燒香自歸

虛无太真上元高聖太上至真天尊得道之

後升入无形與三寶齊輪

第三燒香願曰臣某甲等今謹齋直明燈誦經思神念真行道求仙飛騰九天或合神丹持是功德為臣等家門九族姻親普天帝地帝王國主君臣吏民及螻飛蠕動蚊行啄息一切眾生已生未生歸身歸神歸命

九天高上眾真玉虛天尊願以是功德一切濟度之恩感荷免離十苦八難五灾六害九厄七傷各保福祿長居自然今故燒香自歸

高上无極天真得道之後升入无形與三寶齊輪

左回向西北再拜朝禮上方長跪願曰

臣今燒香齋直明燈誦經思神念真行道求仙飛騰九天願太真上元元始天王九玄元父高上玉皇萬聖帝君至極洞元太虛天尊特垂高展玉真之炁曲映臣身令臣等行道得道求仙得仙合丹成丹鍊金成金飛行玄虛騰景太空侍衛聖君上登玉清金闕之宮次向東南再拜朝禮下方長跪願曰

臣今燒香齋直明燈誦經思神念真行道求

仙飛騰九天願太真上元始天王九玄玄
母萬始先生上皇紫虛萬聖帝君至極洞元
太虛天尊特垂明晨之炁曲映臣身令臣等
行道得道願仙得仙合丹成丹鍊金成金飛
行玄虛騰景太空侍衛聖君上登玉清金闕
之宮

次北向再拜長跪願曰

臣今燒香齋直明燈誦經思神念真行道求
仙飛騰九天願无上太空玄洞紫虛元始丈
人三天玉童高上玉宸太上大道君太真丈
人太真玉皇址催中真高玄萬仙上聖天尊
特垂明晨之炁曲映臣身令臣行道得道願
仙得仙合丹成丹鍊金成金飛行玄虛騰景
太空侍衛聖君上登玉清金闕之宮
次西向再拜長跪願曰

臣今燒香齋直明燈誦經思神念真行道求
仙飛騰九天願无上玄元空洞太始九玄元
素玉真丈人高聖上仙龜臺玉妃玉虛太虛
天尊特垂明晨之炁曲映臣身令臣等行道
得道願仙得仙合丹成丹鍊金成金飛行玄

虛騰景太空侍衛聖君上登玉清金闕之宮
次東向再拜長跪願曰

臣今燒香齋直明燈誦經思神念真行道求
仙飛騰九天願高上九玄玉虛帝皇太清玄
元上三天无極大道太上老君諸君丈人賜
谷神王扶桑大帝君太微帝君中央黃老君
九老仙都君九炁丈人太清玉陛下上清太
真玉寶皇上上相東海玉門青華小童君高
仙萬聖玉極天尊特垂明晨之炁曲映臣身

令臣等行道得道願仙得仙合丹成丹鍊金
成金飛行玄虛騰景太空侍衛聖君上登玉
清金闕之宮
次南向再拜長跪願曰

臣今燒香齋直明燈誦經思神念真行道求
仙飛騰九天願太空九玄元始洞靈虛皇玉
帝南極上元禁君南昌司命長生君洞陽高
聖上先天尊特垂明晨之炁曲映臣身令臣
等行道得道願仙得仙合丹成丹鍊金成金
飛行玄虛騰景太空上登玉清金闕之宮
次向中央太歲上再拜長跪願曰

臣今燒香齋直明燈誦經思神念真行道求
仙飛騰九天願无上元巔无極无窮太空洞
玄玄古先生萬道父母紫虛青要帝君後聖
九玄金闕帝君太華玉靈中玄四真高聖中
皇上先天尊垂恩曲映特見哀原令臣等行
道得道願仙得仙合丹成丹鍊金成金飛行
玄虛騰景太空上登玉清金闕之宮

畢還立西方向東叩齒九通三捻香願曰
臣等燒香齋直誦經行道求仙今上慶交會
萬願開陳太華啓靈金仙揚煙四司監映五
帝衛軒聖聖回降旋行三輪飛步允虛朝禮
玉天願道得道願真得真願聖得聖願神得
神願飛得飛願仙得仙六願八會咸度臣身
得乘飛景上昇九玄畢咽炁九遍止
青童君曰時當於西面起旋香行誦西華素

靈之曲繞香爐三周於南方臣向便九拜都
止
青童君曰凡朝禮之儀亦得心拜而已上元
之品清且嚴裝一時燒香畢聽坐進飲粥心
中又一時燒香畢進食自後誦經聽進飲食

卧息養神通炁至于時又一時燒香此三時悉上元生炁之時故行道求仙之會世所以一時三願願問九歸於九玄之禮也

九日燒香都畢清旦入室朝禮如法還向東長跪叩齒九通稱玄都大洞三景弟子小兆

真人某嶽先生臣某甲等稽首再拜上啓

上元太真空洞九玄太虛高上玉皇三十九帝二十四真高聖玉晨太上大道君四司五

帝萬道元始上聖至極天尊臣等好道樂仙志騰九玄上詣上真以今月某日於某郡縣

鄉里中關啓齋直燒香誦經思神念真行道

求仙賦給神丹修行事竟所啓上清高上三寶領仙侍郎五方五帝監靈大夫典齋使者

飛仙天仙地仙五嶽四瀆四方監察真官靈仙謁還真官進品上仙加爵祿秩隨品署真

當如太真之儀令臣等行道得道求仙得仙

合丹成丹鍊金成金分身變化七十四方下降之綠輶飛行上清騰景九天日月同暉三

寶齋輪帷蒙至上監映丹情臣學法未備俯仰之格多不合儀進止犯科或為四司所糾

五帝所執千愆萬罪惟蒙赦貸蒙原未悟臣等五體真仙隨功上詣玄都受秩還臣身中同升飛行太空謹以啓

聞伏須告報臣某誠惶誠恐稽首再拜建齋之日當輸金真玉光九天之信置於五

方以招神致靈以九

无上秘要卷之五十七

卷五十八至六十四原缺

無上秘要卷之六十五 兒一

專誠品

真君曰秀玄栖標者雖山河崩潰而不虧志道存真者雖寒熱飢渴猶不廢此一往之至也或因風以投間或挾魅以結病持一切撥之而勿取昔之道非今道也靈悟苟殊宵際其如子何人關之亦足以檢撲

真君曰昔莊伯微少時好生道常以入時正西北向別目握固想見崑崙積二十一年後

服食入山中學道猶存此法當復十許年後閉目乃奄見崑崙存之不止遂見仙人仙人授以金液之方遂得道猶是精感道使之然也

定錄君曰昔有一人好道而不知求道之方唯朝夕拜跪向一枯樹輒云乞長生如此二

十八年不徒枯木一旦忽然生華華又有汁甜如蜜有人教令食之遂取此華及汁並食

食訖即仙如是用心精感之至枯木枯能生此繁華甘津況三秀之靈阿五芝所播植而不數奉山岫洗拔滓穢者良可悲也

不數奉山岫洗拔滓穢者良可悲也

昔有傳先生者其少好道入霍山石室中積七年而太極老君詣之與之木鑽使穿一石盤厚五尺許云穿此盤便當得道其人晝夜穿之積四十七年鑽盡石穿遂得授神丹方昇大清為南嶽真人此有志之士也子其識之

昔有劉少翁曾數入華山中拜禮向山如此二十年遂忽一旦得見西嶽丈人授其仙道昔有一人數旦詣河邊拜河水如此十年河侯河伯遂與相見與其白璧十雙教授水行不溺法此人見在中嶽得道

左慈初來亦勤心數拜禮靈山五年許得深進洞玄

右出真誥

是時南園丹霍之阿比室有精進賢者王福度有女各曰阿丘曾厥年十六時在浴室中浴香湯自洗見含光明曲照疑有不常出宇登樹南向望見道真精神煥燦容景煥日女意歡喜叉手作禮遙稱名丘曾今逢幸會身親天尊歸身十方天中之天願賜禁戒遵承

法文按諸惡根早得轉輪改為男形萬劫之後冀得飛仙五帝魔王見女發心大願恐過魔界因化作五帝老人往告女曰我受十方尊神使命來語汝靈寶法典吾道方行法使仁愛慈孝為本如聞汝父當出汝身已受人言不可得違宜先從之違父之教仙无由成

女答魔言我前生不幸宿無因緣功德未充致作女身晨夕悔念誓守一心用意堅固出於自然生由父母命歸十天誠違父教不如君言魔見女執心秉正不可得干於是便退

丘曾自云道既高邈無緣得暢仍聚柴登壇焚燒我身冀我形骸天中之天願得時暢如之散塵便投身火中紛爾無著身如擲空俄頃之間已見女身化成男子徑至道前

右出洞玄玉訣經

柔弱品

老子曰天下柔弱莫過於燕燕之柔弱莫過於道道之所以柔弱者也畏天地貫穿萬物夫柔之生剛弱之生強而天下莫能知其根本所從生者乎是故有以无為母无以虛為

母虛以道為母自然者道之根本

右出西昇經

夫水之為物柔弱通也平靜清和心無所操德同天地澤及萬物大無不包小無不入金石不能障故山陵不能壅塞其避實歸虛背高趣下浩浩蕩蕩流而不盡折衝漂石疾於風矣廣大无疆脩遠大道始於无形終於江海昇而為雲降而為雨上下周流無不施與消而復息生而復死是故聖人去耳去目歸志於水體柔守雌去高就下去好就醜受辱如地含垢如海恬澹无心蕩若无已變動无常故能與天地終始

右出妙真經

知其雄守其雌為天下溪為天下溪常德不離復歸於嬰兒知其白守其黑為天下式為天下式常德不忒復歸於无極知其榮守其辱為天下谷為天下谷常德乃足復歸於樸樸散則為器聖人用之則為官長故大制不割

右出老子道經

天下之至柔馳騁天下之至堅无有入於无間吾是以知无為之有益不言之教无為之益天下希及之

反者道之動弱者道之用天地之物生於有有生於无

天下柔弱莫過於水而攻堅強者莫之能勝其无以易之故柔勝剛弱勝強天下莫不知莫能行是以聖人言受國之垢是謂社稷主受國不祥是謂天下王正言若反

民之生也柔弱其死也堅強萬物草木生也柔脆其死也枯槁故堅強者死之徒柔弱者生之徒是以兵強則不勝木強則共強大處下柔弱處上

右出老子德經

虛靖品

致虛極守靜焉萬物並作吾以觀其復夫物芸芸各歸其根歸根曰靜靜曰復命復命曰常知常曰明不知常妄作凶知常容容乃公公乃王王乃天天乃道道乃久没身不殆

右出老子道經

老子曰一日遺形忘體泊然若无謂之虛

二日損心棄意廢去欲謂之无

三日專精積神不與物雜謂之清

四日反神服炁安而不動謂之靜

五日深居閑處功名不顯謂之微

六日去妻離子獨與道遊謂之寡

七日呼吸中和滑淖細微謂之柔

八日緩形縱體以奉百事謂之弱

九日憎惡尊榮安貧樂辱謂之卑

十日避盈逃滿衣食麤疎謂之損

十一日動作隨陽應變却邪謂之時

十二日不飢不寒不喜不怒不衰不樂不遲不疾謂之和

十三日愛視愛言愛聽愛慮堅固不費神明內守謂之貴

凡此十三混沌為一虛无為大要自窮自極无為之道乃畢一事不通唯虛為善未成而體之精神自息和炁流行入藏筋骨炁鍊形易與兆俱集輕舉遠遊壽終天畢非獨治身平首萬國

右出虛無經

山居品

太上曰居山有十事

一不得領户化民

二不得交遊貴勝以求名利

三不得復修行邪呪禁術

四不得賣藥行醫取人錢物

五當與人物有隔不得與世間兒婦黃赤祭酒同牀席坐

六當朝中日没人定夜半雞鳴禮敬十方天尊悔過滅惡

七中後不得食穀炁物有穀炁者不得以近口水玉芝石松木黃精雲英靈飛散苟杞等藥食无時不在禁例

八山行採藥時三步一彈指十步一警款舉足下足當常念道想有神人於崖間路側授我仙術

九若少得道分未能通達者无自顯揚輕慢不及

十當念父母生長之恩勿忘此謂十居山修

不及

不及

不及

不及

不及

不及

不及

道之要也

右出昇玄經

凡修六天之文三天正法遊行五嶽履涉川

澤當行三天正一之祝威凶滅試召靈致仙

之法登山之初當先於山外叩齒九通閉目

思五色之雲勃勃四會掩冠一山及我身在

雲炁之中良久見五嶽仙官及山形林木草

澤禽獸萬物悉來朝已仰祝曰

上帝出遊日吉時良玉華覆蓋太一扶將左

翼白元右輔元英八帝九真陵逢覆昌道我

送我與我同光復行五嶽群仙奉迎出入河

海萬道開張役御六丁旋攝五行三天有命

蕩除萬凶剗落掃穢流金滅殃正法清通嚴

如威霜華精奔奔龍與昂昂流音翠羽飛錦

羅裳所向所之靡不吉昌萬真來朝齊昇玉

京畢引炁三十六咽

右出洞真三天正法經

太極真人曰道士欲山居幽處宜先受經業

恭肅事師修諸善功以伏山神山無大小皆

有神靈山大則神大山小則神小山神壞人

亦不立也人不解至法不知修善立功此何以能入山栖乎

右出洞玄請問經下

道言夫學上法思神念通山居靜志修齋誦

經轉度七祖身求神仙當行五老赤書真文

上法依按舊文皆先叩齒十二通祝曰

玄上高靈元始尊神大聖徘徊萬真臨軒三

景敷暉慶雲四陳上吉校圖推算九天今日

啓願投刺靈山丹書赤字自然真文上告五

帝記名玉篇萬神鑿映日月明言願度願仙

天地星宿玄照我身三官九府五嶽大神普

告无窮消除罪根元始大開莫不納言七祖

幽魂受福自然三徒五若永離八難得與三

景同暉紫晨轉輪不滅身得飛仙畢讀刺竟

投於絕巖之中便散香靈山之上

又叩齒三通向本命祝曰

元始鑒映仙名已書三官九府罪莫不除散

香五帝告盟太座諸如所陳萬劫長居畢仰

咽九炁止

右出洞玄赤書玉訣經

呂公口訣入山之日未至百步先却行七步反足乃登山山精不犯人衆邪伏走百毒藏匿

右出真誥

太元真人曰若夫能眇遊於當世則所重唯

身也周管外難者則无死地矣是以古之學

者握玄籤以藏嶺匪領鏡於紛霧澄神于山

巖之庭願真於逸谷之畔於是散髮高岫經

緯我生暉暉景暉暉吸五靈遊躡九道登无

澤形投思絕空人事无管關存三炁研諸妙

精故能迴日薄之年反為嬰童則入道入道

得仙得道成真

右出真迹經

遺俗品

老子曰夫外天地者有天地外其身者而壽

命存是以君子善人之所不善壽人之所不

壽樂人之所不樂為人之所不為信人之所

不信行人之所不行是以道德備矣

老子曰經戒所言法義所推赫赫與威不如

眇微實以知虛數不如希邪多卒效疾不如

遲興者必廢盛者必衰聖人絕智而為无所為言无所言行无所施孰能知此偶不如奇多不如寡孰賢難隨孰仁難可其義少依能知无知道之樞機空虛滅无何用仙飛大道曠蕩无不制圍若能明之所是反非經言審諦孰之能追

右出西昇經

衆人熙熙如享太平如登春臺我獨怕兮其未兆如嬰兒之未孩乘兮若无所歸衆人皆有餘而我獨若遺我愚人之心也哉純純兮俗人昭昭我獨若昏俗人察察我獨悶悶忽若晦寂兮似无所止衆人皆有以我獨頑似鄙我獨異於人而貴求食於母

右出老子道經

太極真人曰至人之學道行當取人所不能取忍人所不能忍斷人所不能斷學人所不能學居人所不能居成功不名度物无極去來守本棄華抱朴執志專一可謂大道之行業

右出靈寶自然經

太極真人曰忍人所不能忍割人所不能割行人所不能行居人所不能居衣人所不能衣食人所不能食守人所不能守學人所不能學也乃鎮以靈藥餐於雲牙尸蟲沉落穢濁消滅三宮調暢五藏安閑將長齋久思靜詠洞經耽味衆妙兼以丹液也如是者豈有不得昇仙之道乎

右出洞玄安志經

夫人生身各有眼耳鼻口心意而行各異唯^有愚者目專利色耳貪音聲意想不端心念不清手為之行惡隨時積罪結天靈夫唯賢者獨自不然與彼俗人事事有反目不多瞻見好不驚耳不信謹不聽亂聲鼻不嗅香芬芳之腥口不嘗甘茹犯衆生心不想欲財色華榮手不姦用足不惡行此是道士之行

右出昇玄經

无上祕要卷之六十五

无上祕要卷之六十六

兒三

沐浴品

天尊言夫為學者經三元上吉之日香湯自鍊沐浴五神則炁澄形正神爽結真體不受穢炁不受塵三關清虛萬邪不千三部八景洞明身中服御導引五府生薰內外充溢自然成仙

天尊言常以正月十五日七月十五日十月十五日平日正半夜半三時沐浴身形五香自洗臨沐浴時向南以金杓茴香湯東南左轉三十二過開眼思日光在左目上月光在右目上五星纓絡頭上五色之雲匝繞一身青龍白虎朱雀玄武師子白鶴羅列左右仙童執中玉女散華飛仙乘騎神衛身形便叩齒三十二通祝曰

天澄氣清五色高明日月吐輝灌我身形神津內與香湯鍊精光景洞耀煥映上清炁不受塵五府納靈罪滅三途禍消九冥惡根斷絕福慶自生今日大願一切告盟身受開度昇入帝庭畢仰咽三十二過止沐浴畢冠帶

衣服又叩齒十三通呪曰

五濁已清八景已明今日受鍊罪滅福生長
與五帝齊真上靈便即入室依法行道

右出洞玄三元品誠經

青童君曰夫建志內學養神求仙者常當數
沐浴致靈炁玉女降不沐浴者故三宮穢污

右出南嶽夫人傳

紫微夫人曰太上九變十化易新經云若履
穢穢及諸不淨處當先澡浴盥解形以除之
其法用竹葉十兩桃皮削取白四兩以清水

一斛二斗於釜中煮之不令沸出適寒溫以
浴形即蕩穢消除也既以除穢又辟濕痺瘡

癢之疾且竹蘆青而內白桃即却邪而折穢
故用此二物以削形中之滓濁天天下遊既

反未曾不用此水以自蕩至於世間符水祝
漱外舍之近術皆莫比於此方也若沐者並

佳
南嶽夫人曰浴不歇頻患人不能耳數則蕩

鍊尸臭而真炁來入

清虛真人曰每至甲子必當沐浴

紫微夫人曰沐浴不數魄之性也違魄反是
鍊其濁穢魄自亡矣

右出真誥

凡存念上道祝除三尸之時常當採取白芷
草根及青木香合以東流水煮取其汁以沐

浴於身辟諸血尸惡炁亦可和香燒之以致
神明若无青木香者亦可單用白芷

右出洞真太上黃素四四方經

黃帝曰天老以小兆未知天炁故受兆靈寶
五稱符經諸案東井識清潔吉日沐浴齋靜

受靈寶符也

正月十日人定時

二月八日黃昏時

三月六日日入時

四月四日日昃時

五月一日日中時二十九日巳時

六月二十七日食時

七月二十五日早食時

八月二十二日日出時

九月二十日雞三鳴時

十月十八日鷄初鳴時

十一月十五日過夜半時

十二月十二日夜半時

此皆天炁月宿東井與神仙合香此日沐浴
神降已也

右出洞玄真一五稱經

天河灌東井 石景水母精 圓光拂靈曜

玄暉瑩高明 元始披重夜 天人逐月生

沐浴瀾池上 龍負長綆餅 金童麗香華

玉女流五星 冠帶濯玉津 鍊度五仙形

體香萬神降 乘景登高明

右出洞玄二十四生圖經

用水三斛 青木香四兩 真檀香七兩

玄參二兩

合治煮之令得一沸畢澄適寒溫以自沐浴

此天真玉女玄水之法名鍊胎神水

右出洞神經

入室品

南嶽夫人曰入靜戶先前右足著前後進左
足今與右足齊畢乃趣行如故使人陳啓通

達上聞

右出真誥

明燈品

帝君帝居朗瓊之臺金房紫戶之內明玄燈
 以自映通遐光於八窓念太具於五形披三
 願於帝房虛上降以紫蓋无中給以金童自
 然號我帝位總掌於玄宮大品生于始妙道
 在微芒今以相告子勤奉馬告
 南嶽上元君曰子學神真之道處虛宮之上
 瓊房之內不知明燈以自映通玄光於五臟
 之內因得明矣形體之神因得歸也子若能
 暮明燈於本命朝明燈於行年恒明燈於太
 歲上三處願念即體澄炁正真光內照萬神
 朗清元君奉法施行三年即致夜光童子二
 十四人玄光自然而明又不明燈而通光也
 得吾此道行之九年身體光明徹視萬里朝
 觀自然夜光童子降子之房
 常明燈於所住靜室本命之上暮入室向燈
 長跪叩齒十二通祝曰
 玄光映太陰 八達朗旦明 澄身曲室裏

仰徹曜上清 五清發朗臺 玉芝自然生
 洞照通太真 萬神監我形 削滅九陰炁
 記上東華名 保我无終休 長與日月并
 拔度七玄難 南宮更受榮 明光啓玉皇
 上受內觀經 天降飛霄輦 騰空馭綠輶
 得謁太帝館 進拜玉皇庭
 畢再拜向本命仰頭咽液七過止
 又恒明燈於行年之上朝向燈叩齒十二通
 祝曰
 明燈照行年 散光煥八方 嬰嬰色象澄
 內觀朗空洞 披釋神矜子 上與玉真通
 仰宗高上道 修逸无行蹤 思得玄靈降
 控轡御飛龍 却我百年期 還反嬰孩容
 賜我西華女 給我金晨童 侍香履年命
 稽首玉帝房 神來道亦暢 歡適香煙中
 整心注太玄 精感洞虛空 室招神霄降
 目瞻仙都公 技過七祖難 度形還南宮
 畢再拜向燈咽炁二十七過止
 恒於太歲上明燈以通神復願以求真三年
 玄光內映神真降授子不死之方當時自有

感應當朝夕燒香叩齒十二通向燈祝曰
 燈火映太真 明光徹玄虛 披朗无上道
 心注玉帝廬 洞達空同內 神觀形自舒
 積感致靈降 心恬理潛敷 朝禮太帝堂
 夕誦金真書 逍遙玄洞裏 萬歲反嬰孩
 天冠紫霄霞 帝給綠瓊輿 浮遊五嶽巔
 適意得所知 七祖免三塗 福慶有盈餘
 畢再拜咽液二十七過止
 若能恒於三處明燈不滅七玄之祖即得去
 離十苦上昇南仙一身澄正神真來降夜光
 自明通於表裏
 右出洞真天關三圖七星移度經
 明燈頌
 太上散十方 華燈通精誠 諸天皆亦然
 諸地悉朗明 我身亦光徹 五臟生華榮
 炎景照太无 遐想繁玉清 丹精寄太无
 玄陽空中響 舍形滅苦根 幽妙至真想
 垂華不見實 因緣示光象 我身亦如之
 乘化託流景 夜光表陽丹 迢迢照靈室
 諸天普光顯 諸陰即已滅 我神亦聰明

恒玩智與慧 逍遙適道運 遷謝任天勢
攀形躡空洞 夜燭煥流萃

凡見然燈皆當微叩齒三通而誦此文

太微天帝曰徒然燈而不知此誦六天魔府
不過人死命八方諸天不遣玉童玉女飛天

神人不降於子矣十方三界不度兆仙名於
東華南宮不受子七祖父母化生之道

右出洞真智慧大戒經

作香玄腴法

用麻腴一斛 真檀一斤 青木香一斤

玄參一兩 香珠三兩

搗碎內腴中密蓋之微火煎之半日成以為
燈

右出洞神經

燒香品

合上元香珠法

用沈香三斤 薰陸香二斤 青木香九兩

雞舌香五兩 玄參三兩 雀頭香六兩

占城香二兩 白芷二兩 真檀四兩

艾香三兩 安息膠四兩 木蘭三兩

凡十二種別搗綿徒之畢內裹十兩更搗三
萬杵內器中密蓋蒸香一日畢更蜜和搗之
丸如梧子以青繩穿之日曝令乾此三皇真
元香珠燒此皆香徹九天

右出洞神經

南嶽夫人曰燒香時勿反顧反顧則忤真炁
便致邪應

右出真誥

青童君曰夫精思者當先燒香於左右

右出道迹經

叩齒品

叩齒之法左左相叩名曰折天鐘

右右相叩名曰折天磬

中央上下相對叩名曰鳴天鼓

若卒遇凶惡不祥當折天鐘三十過

若經山辟邪威神大祝當推天磬

若存思念道致真招靈當鳴天鼓

叩齒雖一其實有左右上下也故凶惡而畏

天鐘之響山神而憚天磬之動招神而肅天

鼓之震矣宮商有節希微內感不可以一槩

求也千章萬事皆當如此叩齒之道演矣鐘
鼓之音別也是以道數不可乖錯術法不可
雜亂乖錯則有暗昧之敗雜亂則有罷毀之
禍非冥冥之无貫行冥貫之无序道之不成
事之不驗良由求真之塗不可履轍迹而多

愆折天鐘三十過謂无他祝姑行此以除不
祥耳若有所案行隨本法叩齒之多少不必
須折三十過

右出洞真太上隱書經

凡上請叩齒咽唾法皆各有方先後有次不
得亂雜使真靈混錯也夫叩齒以命神咽炁

以和真納和咽六液以運入制神須鳴鼓而
行列凡存修上法禮祝之時皆先啄齒上下

相叩勿左右也一呼一吸令得三叩為善須
禮祝畢更又叩齒乃得咽諸炁液此名為呼

神和真以求昇仙

右出真誥

呪請品

凡道士隱跡山林精思感靈或讀洞經發響

之時多為北帝大魔試敗於人兆每至昏夜

當叩齒三十六通畢乃祝曰

北帝大魔王受事帝君前臬曲之鬼四明鄧山千妖混形九首同身神虎放毒鹹滅雷霆神公吐祝所戮无親太微有命攝録山川鳴鈴交擲流煥九天風火征伐神鋒千陳凶邪伏滅萬精集殘妖毒敢起愛閉三關請依洞法莫不如言祝畢又叩齒三十六通此為三天正法祝魔神方常能行之則神兵侍衛山川攝精千妖交閉萬邪不干

凡道士行來獨宿山林廟座之間饒有魔精惡鬼之地當先咏齒三十六通閉炁微祝曰大帝陽炁四羅幽開千妖萬毒敢當吾前神獸重吻剝腹屠肝神功使者守衛營蕃黃元師兵斬伐妖鬼鹹滅千魔摧落凶姦絕種滅類取命集殘玉帝上帝清蕩三元祝畢又叩齒三十六通此名為太帝揮神內祝塞滅萬魔之法常能誦之則神兵見衛萬鬼受事千妖永伏

右出洞真黃素四四方經
諸以啓願求道投刺行事莫不悉先東向叩

齒三通捻香呪曰

无上三天玄元始三炁太上老君召出我身中三五功曹左右官使者左右捧香驛龍騎吏侍香金童傳言玉女五帝直符各三十六人出關啓此間土地四面真官我正爾燒香開啓願得十方正真之炁入我身中今所啓上聞徑仰

无上至真大聖尊神玉帝凡前

凡學道有所求願及修行上法不先開啓則為魔邪所干不得上達所修无感神明不鑒徒勞无益

道言夫學上法思神念道山居靜志修齋誦經轉度七祖身求神仙當行五老赤書真文上法依按舊文皆先叩齒十一通呪曰

玄上高靈元始尊神大聖徘徊萬真臨軒三景敷暉慶雲四陳上吉校圖推算九天今日啓願投刺靈山丹書赤字自然真文上告五帝記名玉篇萬神鑒映日月明言願度願生願神願仙天地星宿玄照我身三官九府五嶽大神普告无窮消除罪根元始大開莫不

納言七祖幽魂受福自然三徒五苦永離八難得與三景同暉紫宸輪轉不滅身得飛仙畢讀刺竟投於絕巖之中便散香靈山之上又叩齒三通向本命祝曰
元始鑒映仙名已書三官九府罪莫不除散香五帝告盟大厯請如所陳萬劫長居畢仰咽九炁止

右出洞玄真文赤書玉訣

无上祕要卷之六十六

卷六十七至七十三原缺

无上秘要卷之七十四

見三

啟志願品

帝君五願求仙上法常以九月九日十月五日三月三日四月八日七月七日此五願十會之時也上登太極瓊臺玉殿金室之內存五願於閨宮希玄真以自降虛无啟以玉章金音暢於太空召五帝以衛靈慶萬會於丹房故有感而致真真感發而降焉是其日當沐浴清齋入室燒香心拜四方正東向平生東向是常陽始暉之方也叩齒三十六遍

第一上願我生自然之氣氣結成我身身與三光齊輪長享无極之振

二願我身常處太空之上瓊宮玉房之裏朝與玉帝同宴夕與玄母同几渴滄液并洪泉玉芝飢餓龍胎瓊腴絳樹赤子

三願我身生萬怪七十二光奇毛異骨飛羽衣裳乘虛駕空出入帝宮衆慶來臻萬壽无疆

四願與无俱生與无俱死死而又生生為帝主封掌十天總領羣生

五願一切衆生已生未生同保日月三光有道之人七玄之祖上昇南宮天下之福靡有不當四方五願並會玉堂

次上願九玄扶養我魂魄真神恒居我宮上通天仙下達洞淵願天願地願風願雲願神五願一合定籍長生天降紫煙地衛五靈乘雲駕虛飛輦綠辮上造金闕進登玉清慶及七祖更受胎生

中願亦五得道本根願陰願陽願太空願太无願太玄上宴玉房與帝因緣遊眇生關披浪九天元父定籍玄母記年挑康結精保固丹田身騰金闕名書玉篇七祖解脫福慶來臻

下願亦五願太虛願太有願太真願神仙運身於五嶽之頂飄飄九霄之際出入開關之裏移脫死戶之外願天地為我父母三光衛身壽年萬神守九源之孔真靈降自然之氣八方五願舉嚮而會五願既畢叩齒二十七遍

太帝上元帝一玄經五雲散景蔭微三清玉呪曰

童玉女燒香侍靈上願開陳與我合形使我神仙上昇帝庭北帝落死南極注生東華金格得上我名无窮之願與我齊并呪畢又叩齒三七通仰咽炁五通止

此帝君開陳上願與靈合形之道常能爾者則玉華侍衛玉童散香上徹九天感應帝皇五年如此真神見形天下十方有道之願无不降子之情

右出洞真天關三圖七星移度經

帝君十二願篇目曰

願天願地願風願雲願陰願陽願太空願太无願太虛願太有願自生願神生

玄母八間篇目曰

願玄母與我俱生於生氣之間與我俱存於日月之間與我俱保於九天之間與我俱食於自然之間與我俱飲於範河之間與我俱息於玉真之間與我俱寢於仙堂之間與我俱遊於三玄之間光在別室常當讀是經不忘須臾此為內願帝君開善八間者矣今五嶽諸仙及神州仙女猶乃酌瓊膏而嚙麟脯

說大願陳八間期太素奉三元志霄晨為玉
真校七世入廣寒豈況世中之庸猥五濁之
微賤者哉當何可措而不修間而不為邪夫
形神雖精苦於生生而七世有罪而不解者
已亦必无仙冀也是須啓大願陳八間以釋
其積結耳七考既福兆乃不死不死者乃得
道之宗本為仙之根始志行是業者可不免
屬於長存哉

九天帝君十二願篇目曰

上願九靈玄母八門神簡迴元五通禳除世
殃上福七祖身致神仙靜於窻室散香正煙

而讀大洞金華經曰

北極天皇太乙帝君玉清紫虛二景明圓无
上大道太素三元四方五老六蓋七晨八上
九靈隱道迴元玄母五通金華高仙司命天
師主生天神太微天氣以融因緣上願九玄
護魄扶魂明真元氣並來在身仰招元上五
通太仙俯逮无下隱道迴元七世積罪今為
告散受福南宮灑香八門願天願地願風願
雲四願一合定籍長生天益胎根地助曜靈

神風八扇景雲流盈我與帝君同颯上清觀
眇北玄解帶玉庭慶加七祖玄考利貞上願
四達壽與日頌

中願亦四領理帝書願陰願陽願太空願太
无三五明神七九所居帝君元父定生之初

玉皇凝駕常在我廬我存紫房泥九桃康凝
陰固血魂生太陽靈空映暉太元履長空无

九氣與我黃裳七考介福受仙南宮
下願亦四長生仙府乃願太虛又願大有神

存九天形遊真宇帝君混合迴旋七九禍去
我室福來我取惡言消忘順言善愈

復願自生天地為父復願神生和氣為母迴
元五通有除罪垢福冠七葉超生彌久願言

高皇帝君合唱唱音逸霄八響萬暢靈輪逆
衡千真同賞從劫至劫中常會十二慶大哉

帝君恩萬福迴元鏡又願八間玄母造神八
間之唱九靈洞賜

上願玄母與我俱生於生氣之間得使紫景
映虛天人合符飛真凌羽我與之俱天樂娛

心脫離百憂七玄搆慶上靈所扶

次願玄母與我俱存於日月之間三光之際
大帝併執青旄綠芒華軒繡帳錦服玉帶携
提五老同賓四大入宴華鸞出眇八外

三願玄母與我俱保於九天之間乃凝真圓
雕夷心內練氣溢雲靈感神萬千身升九霄

考福重玄散帶空洞撫輪累天吉亨七世更
生為人我保太真與日同年

四願玄母與我俱食於自然之間永離三塗
長會自然七寶玉胎金丹紫芒隱芝右授左

拾夜光鳳腫虎沫雲瓊瓊霜奇味一御身拂
太空

五願玄母與我俱飲於匏河之間而流津萬
崖既清且甘迴水玉精靈潤碧藍上注絕霄

流源神堂橫波鬱踊鼓扇太空浮遊浩清飲
嗽東蒙高揖霞裳寄樂滄浪七考得仙介福

洋洋體誓九河所向咸康

六願玄母與我俱息於玉真之間浩哉上座
淵邈霄清五老羅室玉華告靈西王飛軒策

羽流軒與我俱息九玄之庭慶鍾七考受胎
更生身繫瓊宇神栖圓明

七願玄母與我俱寢於仙堂之間幽眇靈房
玄華四陳朱宇鳳構明光映軒金床玉榻紫
帷龍門上座玄皇中席天真我處其右携帶
纏綿大福七考受書更仙

八願玄母與我俱遊於三玄之間乃逸轡太
漠迴軒三玄五靈扶骨王母比有舞輪神丘
停駕九天定書太上受位為真雌一元混從
億至千洞經八響七祖獲仙從劫至劫常會
八間八間在何永哉因緣五老降福道德說
說萬氣上生固保泥丸言願既畢日月同年
○太哉產生母動靜八門間

右出洞真隱元五晨金華玉經

凡八節之日皆三天仙靈朝宴禮會之日也
兆修行禮願朝神之時皆當齊用此日至於
朔望朝禮非上法凡是其日欲行禮願陳祝
之時當先叩齒七通心拜四方微祝曰
上清玉帝三素元君太上高靈仙都大神今
日吉日八願開陳上願飛霄長生神仙中願
天地合景風雲下願五藏與身常存次願七
祖釋羅脫愆又願帝君破伐胞根六願世世

智慧開分七願滅鬼馘斬六天八願降靈徹
見東西上願一合莫不如言願神願仙上朝
三元祝畢又拜如初亦適意所陳求解脫七
祖之愆羅及首身之罪狀以續於行事之後
也此名為三元八朝隱祝上願神仙之要法
也行之三年則七祖父母及己之罪都解釋
矣後玉華降衛感會神明八願開陳必獲靈
要之要契

右出洞真黃素四十四方經

道言若見居家妻子當願一切早出愛獄攝
○意奉戒

若見飲酒當願一切制於命門以遠禍亂
若見彩女當願一切守情忍色志慕在賢
若見淫人當願一切除棄邪念翹心禁戒
若見婦人當願一切履信正化日入法門
若見衆生當願一切推人無爭懷道安世
若見善人當願一切時刻存念仰軌其道
若見惡人當願一切棄凶即吉不犯王法
若見貧人當願一切損身施惠後受大福
若見富人當願一切救濟萬物世世受祿

若見貴人當願一切承其教旨悉合典訓
若見賤人當願一切勤修匪懈各得所為
若見帝王當願一切奉仰王道孝如父母
若見主相當願一切受其教制四方歸仁
若見兵甲當願一切各念仁心天下讓賢
若見王子當願一切日歌太平係國承家
若見賢人當願一切履行其德道為世宗
若見異學當願一切明解教本得道如神
若見栖山道士當願一切悉見道門速得昇
○仙

若見教化當願一切親受聖教皆為淵博
若見聖人當願一切尊禮侍見諸國普瞻
若見仙人當願一切真道悉成飛昇天堂
若見城郭當願一切嚴整修飾以道為基
若見大國當願一切歸崇慕德若水注海
若見小國當願一切知止虛冲安其所居
若見市朝當願一切羣賢羣萃悉弘正道
若見靜觀當願一切功德巍巍天人得志
若見齋戒行香當願一切道德日新庠序雅
正

若見誦經當願一切盡上高座咸聽聖旨
 若見樓觀當願一切洞視十方元有隱藏
 若見高山當願一切立德如彼无復退轉
 若見大海當願一切智思无量輔成家園
 若見栢樹茂林當願一切學成儒宗養徒教
 教

若見淨手當願一切常執經書无時暫輟
 若見善口當願一切耽詠洞經日新不厭
 若見動足當願一切超步三界飛行上清
 若見靜止當願一切減量停真安閑空寂
 若見飲食當願一切棄累入淨存得道味
 若見大藏當願一切除其災害施為福田
 若見疾病當願一切以道自庇免此苦厄
 若見死喪當願一切學道常存濟度三塗
 若見漁獵當願一切不為罪始終入无為
 若見夷狄當願一切賓王中國不生邊地
 若見少年當願一切及時學問遂成令名
 若見老病當願一切以道攝生不更衰老
 若見三光當願一切並明靈曜開冥即消
 若見雲雨當願一切惠澤盈溢无所不宜

若見素雲當願一切常居紫白道遙自在
 若見靈風當願一切益懷救世流遐遐通
 若見深水當願一切洗垢清虛平等其心
 若見名香當願一切受華芳感眾穢肅然
 若見好華當願一切樂散諸聖相好具足

若見車馬當願一切得道无為乘鳳駕龍
 若見絃歌當願一切玩經散說以道娛樂
 若見福食當願一切无不飽滿世享天厨德
 流主人如水歸海宗廟胤胤長居貴盛世與
 四華俱生王家

若見致悔當願一切禍滅九陰福起十方德
 如山海莫不興隆七世生天子孫賢忠富貴
 龜龜所欲皆從學道飛仙駕雲乘龍道士坐
 卧常念願我四大合德同體道真

右出洞玄定志經
 學道由丹心 奉師如至親 抱景偏清虛
 孜孜隨日新 衆人未得度 終不度我身
 大願有重報 玄德必信然 陰惡罪至深
 對來若轉輪
 右出洞玄隱注經

仙公請問太極真人高上法師曰人根本行
 何修而見世受福家門端正子孫昌盛與善
 因緣世世不絕上生天堂下生人間侯王之
 家聰明儒仁敬信經教愛樂山水常誦微言
 終得仙道

法師答曰善哉子之問也夫人生各有本行
 宿緣命根種種相因願願相隨以類相從展
 轉相生禍福相引是以世世不絕玩好不同
 用心各異皆由先願也欲修道結緣賢聖當
 奉行大戒廣建福田弘始功德或致飛仙或
 致天仙或致地仙或致命過生天堂或致為
 鬼神或致為六天大魔王官屬或致命過徑
 生侯王之家人中之尊或為一切所仰賴富
 有天下或致才智聰明或致容端偉聲氣
 清香或致人愛心孝貞簡素或致善為文
 翰動靜可則或致威嚴震肅禮越所難或致
 為好三寶供養彌勤愛樂山水清淨既經燒
 香齋戒或致禮拜玄宗或致轉女為男華容
 秀穎或致家門肅清世世因緣願其本願善
 賢來生為我子孫安貴无極或致見世收福

命終受報或致後生復慶得我宿功夫道何為哉以無心而應衆生四輩修福德當有本願福之報也皆緣于時立願耳功德既設志願亦定其報乃猶暮以待旦矣世間人民偽薄不信法言各稱鬼魅自用其意輕忽宿命以為妄造誹笑至經以為虛誕而厚積嗜慾坐施立待報望速而應悠遠令玄教遲昧世道交喪天人塗炭皆由其身立行致之太

上所痛心矣

南極上元君曰夫求仙之道皆當先願而後求願感而致靈亦願之大也願亦无所不包福亦无所不覆慶亦无所不流可謂觸願善矣若能精意在願願亦无不響應

右出洞玄請問經

元上秘要卷之七十四

卷七十五原缺

元上秘要卷之七十六

見

服五氣品

元始赤書五篇真文生於太空之中天地未光開闢未明潛結元根三景成玄五氣行焉五色分彩煥照五方置以五帝導以陰陽輪轉九天之紐運明五星之光植五嶽以安鎮澳五府以養神是以至真之人常依陽光之始明上導元始之炁下引玉泉之流芳致元精於太極招五帝於靈重溉之者不妄存之者无窮迴萬劫而更始保五牙於頽容實靈寶之妙訣恢萬聖之玄宗

修養青牙導引東方九氣青天之法

常以立春之日雞鳴入室東向九拜平坐叩齒九通思東方安寶華林青靈始老君姓爛

諱開明字靈威仰形長九寸頭戴青精玉冠衣九氣青羽飛衣駕乘蒼龍之輿建陽旗從

神甲乙胡老之官九十萬人從九氣青天中下來降室內須臾化生青氣鬱鬱如雲之香

煙貫覆已形從已口中而入直下肝府又思木星煥明東方光無我身者今分明竟使開

目仰呪曰

九氣青天元始上精皇老尊神衣服羽青役御天官煥明歲星散暉流芳陶流我形上餐朝霞服引木精圓養青牙保鎮朽蒙肝府充溢玉芝自生迴年億劫色反童嬰五氣混合天地長并畢引青氣九咽止便服東方赤書玉文十二字

右十二字則九氣青天之名導引青帝九氣

服食青牙皆朱書白紙上存思訖而頓服之

則氣不招而自降青帝應聲而見形五牙堅

固於東嶽肝府玉芝而自生靈書真文於

寢側青要輔翼而使今九年積感變化立成

神仙度世萬劫不傾

常以雞鳴陽光始分東向叩齒九通摩兩掌

今熱以手掌拭面自九過仰呪曰

東方九華服食青牙延我壽算飲以朝霞早

便以舌料上齒之裏融膏三過令玉泉滿口

咽之三過又引青氣九咽令鎮肝府之中畢

修養丹牙導引南方三氣升天之法

常以立夏之日雞鳴入室南向三拜平坐叩

齒三通思南方梵寶昌陽丹靈真老君姓洞
 浮諱極炎字赤颯翳形長三寸頭戴赤精玉
 冠衣三氣丹羽飛衣駕乘丹龍玉興建赤旗
 從神丙丁越老之官三十萬人從三氣丹天
 中下來降室內須臾化生赤氣煥煥如火之
 明貫覆已形從已口中而入直下心宮又思
 火星煥明南方光照我身皆令分明竟便開
 目仰呪曰
 三炁丹天朱宮靈童元始上老參駕赤龍丹
 羽飛衣錦帔明光驅策天宮運導陰陽三氣
 吐暉灌我終官赤子保鎮練牙飾容朝餐朱
 景玉芝滿充迴停劫年朽骸反童長齡天地
 永享無窮身生水火變化百方畢引赤氣三
 咽止便服南方赤書至文十二字
 右十二字則三炁丹天之名導引赤帝三炁
 服食丹牙皆赤書白紙上存思訖而頌服之
 則引赤氣而流溢芳芝玄注於絳宮赤帝絡
 真於存思受赤文於靈童係丹牙以永固食
 三炁於祝融策赤圭以通靈運五篇以召神
 長齋感靈於太寂上天書名於南宮可謂坐

致而不難水享而無窮
 常以鷄鳴陽光始分南向叩齒三通摩兩掌
 令熱以手掌拭面目三過仰呪曰
 南方朱丹服之益顏飲以丹池水保長安畢
 以舌料下齒表舐背漱口令玉芝滿口而三
 咽之又引赤氣三咽令鎮心宮之中其道畢
 修養黃牙導引戊己十二氣中黃天之法
 常以春分夏節秋分冬節四日鷄鳴入室向
 王十二拜平坐叩齒十二通思中央玉寶元
 靈玄老君姓通班諱元氏字含樞紐形長一
 尺二寸頭戴黃精玉冠衣五色羽衣駕乘黃
 龍玉輿建黃旗從神戊己儉老之官十二萬
 人從十二氣黃天中下來降室內須臾化生
 黃氣勃勃如景雲之吐暉貫覆已身從口中
 而入直下脾府又思土星煥明中央光照我
 身皆使分明開目仰呪曰
 中黃太山元氣徘徊上有元老總統四垂參
 駕黃龍五色羽衣運導九天轉輪璇璣煥明
 土星流光散輝玉英芳芝充溢四飛陶灌我
 身脾府鮮開養牙餐精萬神總歸檢視制魄

仙練八威表裏洞明常生不衰通真達靈昇
 入太微畢引黃氣十二咽止便服中央赤書
 玉文十六字
 右十六字則中黃天名導引黃帝十二氣服
 食黃牙皆赤書白紙上存思訖頌而服之則
 上引元氣於九天下注玄膺於妙門太倉无
 糧而自充脾府不澗而自薰黃老應響以玄
 和靈童披襟而告文黃素運走給命東西妙
 哉玉訣為萬仙之端
 常以鷄鳴陽光始分向王叩齒十二通摩兩
 掌熱以摩拭面目十二過仰呪曰
 中央戊己昂昂太山服食精氣飲以醴泉畢
 以舌料上玄喉取玉泉舐脣三通咽之又引
 黃氣十二咽令鎮脾府之中其道畢
 修養素牙導引西方七氣素天之法
 常以立秋之日鷄鳴入室西向七拜畢平坐
 叩齒七通思西方七寶金門皓靈皇老君姓
 上金諱昌開字伯實形長七寸頭戴白精玉
 冠衣七氣白羽飛衣駕乘白龍建素旗從神
 庚辛氐老之官七十萬人從七氣素天中下

來降室內須史化生白氣浩浩如秋雲之羅天貫覆已形縱口中而入直下肺府又思金星煥明西方光照我身皆使分明便開目仰

呪曰
金靈七門皓映西華中有素皇元始之家參駕白龍七氣差戔^凡排御玉門散精朱霞金星吐暉芳芝滂沲玄澳我身養我素牙明石鮮

光萬劫不粗服以流泉餐以太和九天上帝給以玉華保年住顏三景敷羅長存天地三

光同霞畢引白氣七咽止便服西方赤書^天文十二字

右十二字則西方七炁素天之名導引白帝七炁服食素牙皆赤書白紙上存思訖頓而

服之七炁天神玄注素暉以灌漑明石自生玉芝以澳肺官開明而納真太倉不哺而自

薰素雲應響而驅策叅乘九天之門養之不休壽與元始同年

常以鷄鳴陽光始分向西叩齒七通摩兩掌今熱以摩拭面目七過仰呪曰

西方明石服之延年飲以靈液可期神仙畢

以舌料齒上砥脣漱口令玉芝滿口便三咽之又引白炁七咽令鎮肺府之中其道畢

修養玄牙導引北方五氣玄天之法
常以立冬之日鷄鳴入室北向五拜畢平坐叩齒五通思北方洞陰翔單鬱絕五靈玄老

君姓黑節諱靈會字隱侯局形長五寸頭戴玄精玉冠衣五氣玄羽飛衣駕乘黑龍玉輿

建皂旗從神士癸羌老之官五十萬人從五氣玄天中下來降室內須史化生黑氣暉暉

相沓光若流星之煥耀貫覆已形從口中而入直下腎府又思水星煥明北方光照我身

皆使分明便開目仰呪曰
北方玄天五氣散靈上有大神始老无精駕龍建旗遊宴上京是日元吉慶雲敷紫飛芝

流灑玉池四盈玉女玄澳灌我身形腎宮充鎮朽牙堅生府納真氣上通神明五老降接

仙道早成變化水火衣服羽青飛行太空遊造紫庭壽同三景萬劫長齡畢引黑氣五咽

止便服北方赤書玉文十二字
右十二字則北方五氣玄天之名導引黑帝

五氣則食玄牙皆赤書白紙上存思訖頓而服之則玄老負籍於朱陵靈童題簡於赤文

五氣流芝澳於枯宅玉泉滂沲生於端門神鎮靈關腎府生薰太玄玉女役使東西萬劫

不衰玄老同存
常以鷄鳴陽光始分北向叩齒五通摩兩掌今熱以摩拭面目五過仰呪曰

北方玄滋服食去尸欲以玉飴身騰太虛畢以舌料下齒裏砥脣漱口令玉芝滿口三咽

之又引黑氣五咽令鎮腎府之中其道畢
右出洞玄元始赤書經

咽雲牙品
太極真人服四極雲牙神仙上方而徵夫人受清虛真人方

常以鷄鳴平旦眠坐任意叩齒九通乃陰呪
東方青牙紫雲流霞三素徘徊玄霜玉羅服食晨暉飲以朝華呪畢以舌砥接上脣之外

取津而咽液三十過行之十年東極老人來至授子丹青真文

次又陰呪曰

南方朱丹霞曜太微九道絳煙散布景輝服
食靈晨飲以丹池呪畢以舌舐接下脣之外
取津咽液三十過行之十年南極老人來至
授子丹景

次又陰呪曰

西方明石飛霞金液服食太明素靈之精飲
以玉酒神華啟靈使我登虛上昇高清呪畢
以舌舐上脣之內接取津咽液三十過行之
十年西極老人來至授子素符威神

次又陰呪曰

北方玄滋慶雲啟胎綠霞敷晨紫蓋蒼旗服
食月華飲以瓊飴呪畢以舌舐下脣之內取
津咽液三十過行之十年北極老人來至授
以玄錄寶明

次又陰呪曰

戊己之元黃素五雲四霞紫觀八景九晨二
時徹暉七明靈尊和精灌氣服食中元琳華
龍胎飲以醴泉呪畢以舌漱滿一口之中玄
膺內外及齒舌之間上下表裏通而取津液

隨咽之三十過行之十年中央元君上皇玄

黃老君來降授子黃氣陽精藏天隱月遯景
綠章有青腰虎書俱與四老一合上昇
此玉經上訣致五老之道絕殺去尸面華生
童寒暑不避灾苦无傷神仙精明延年進紀
益壽一萬萬限之期當得九琳玉液八瓊飛

精則合終二景天地同符

五陰呪皆當叩齒九通可恒脩行不必得鷄
鳴早旦也夜半平寂體清神閑乃可按之備
此道極可食菓若聞飢當食麩物以漸遠殺
不得一日頓棄所謂損之又損之以至於无

為此虛映之道自然之法所謂遠取天地之

精近取諸身此之謂也
雲牙者五老之精氣太極之霞煙故採暉景
之鋒以充六液之和洞微冥感萬神來降幽

映相求不唱而應是以龍吟方淵故景雲落
宵虎嘯靈丘故衝風四振陽燧招明而朱火
辯起方諸用陰而玄流湛澁自然然而不
覺所測況學者方栖心注玄精研道根穢累
訟於胃中真正存乎三宮採五晨之散暉服

六醴之霞漿元九天之青膏吐妙靈之秘言

龍躍發曜明光七煥味三華於皓齒取飲液
於脣鋒內鍊六府開聰微明呼吸天元魂魄
練形朝玄使元以至於靈悠悠十年末乃五
神來降將何足多稱

右出道述經

餌玄根品

食玄根之氣使人體中清朗神明八體身有
日映面有玉澤眼生明光齒合紫氣長生不
死服吸朝液懸糧絕粒道要於金醴事妙於

水玉所謂吐納自然之太和御九精之靈氣
者也天道之為用貴自然也德之為靜專恬
愉也攝自然以裁真抱恬漠以却邪者則橫
犯不生飛害自滅此乃三五七九之義可謂
要道之旨

北卦旦起之時存口中有一白氣大如鷄子
黃鷄子黃之外又有五色五色氣宛轉自生
結溢外須臾乃滿口中名曰三五七九之
氣玄根之精也又存心胃口之中有一女人
如嬰兒之形无衣服也正立胃管中張口向

胃管門口號曰九天玄女灌注魂液仰嚙口中鷄子黃之五氣也常漱滿口中內外上下以舌迴吸日氣五色津液滿口吞之存使津液下入玄女之口如此五過畢又叩齒三過微祝曰

玉清高上九天九靈治存玄中人胃清冷金和玉映先自虛生名曰海錄字曰元精練魂拘魄心開神明服食日子金華充盈良久都畢以手拭兩目二七又以兩手相拭極摩面眉之間戶牖之際小令熱使熏然此太上服三五七九日子玄根之道

无上秘要卷之七十六

卷七十七原缺

无上秘要卷之七十八

見五

地仙藥品

太上道君曰其下藥有

松柏陰脂 山薑伏精 菖蒲門冬

巨勝黃精 菊華枸杞 崖蜜茯苓

桃皮澤瀉 萹蕪黃連 椒麻地黃

赤板朱英 靈飛水桂

右其類繁多略舉一端服之為能小益不能

永申高可七百年下可三四百歲恐不便長

享无期上昇清天也亦能身生光澤連白童

顏役使千神得為地仙陸行五嶽遊浪名山

故曰不辟其必使也

又漸求上藥以自改新則易為階級之進何

必守故而不遷取其限以沒齒然此等道宜

柔弱温仁至心一意潔體清淨調和五藏安

形合景存保百神守魂鍊魄蕩蕩淨穢遊心

重玄情无流華之慾抱一獨徃懷无嬰塵之

累薰辛五刺不近於口肥滋血味不經於腸

山居空處不管外事乃上可以耽玄存真召

神符靈下可以餌食八石呼吸液津也

其次又有

三十六芝 飛鍾鍊煙 陽水月華

五公之腋 填生五藏 鍊貌易經

瑰葩雲屑 金粉玉米

右亦能延年益壽可至萬歲

其次又有

玄水雲華之漿 五黃鬱靈 中精干石

凝飯衆青 朱英白車 飛節之寶

流馬紫木

右服之立使人長算千紀日服日延年隨藥

進令與藥遷无窮之靈物不死之奇方夫長

算千紀時但服一劑而已

天仙藥品

東嶺白香 滄浪青錢 高丘餘粮

積石飛田 太虛還丹 大秦玄堅

長光流草 雲童飛干

右亦能使上飛輕舉超體霄真矣此天仙之

所服飛神之所研非陸遊之所聞山客之所

見又當知九化十變陸地八術然乃復能廣

遊玄空倒去天阿乘雲駕龍凌騰天矣

第五芝名白科玉芝剖食其脏拜為三官真直御史

右出洞真太上智慧經

太清藥品

太清九轉 五雲之漿 玄霜絳雪

騰躍三黃

第三芝名鷓胎芝其色紫形如葵葉上有鷓像如欲飛狀光明洞徹得食一株拜為太清龍虎仙君正一郎中

又云第四芝名夜光洞草芝其色青其實正

白大如李子高三四尺其葉似拍夜視其實如月光洞照一室一株有九實實墮地須臾轉大如徑七寸鏡鑿著地厚二寸許夜視如牛目動眙以視人得食一枚拜為太清仙宮左御史

太極藥品

其次太極之品

四真常珍 乃曰九石鍊煙 丹液玉滋 冠首流珠 琳華石精 丹鑑金液 紫華虹英

第一芝名龍仙芝似交龍之相負也以葉為鱗其根如蟠龍得而食之拜為太極仙卿又云第三芝名參成芝赤色有朱光煇煇扣其枝葉如金石之音折而續之即復如故得而食之拜為太極真人

上清藥品

其次上清幽芝

太上九時 有八光太和 斑龍黑胎 文虎白沫 出于西丘 七玄飛節 九孔瓊珠 雲漿琳酒 玄圃琅腴 鍾山白膠 金生青敷 閭風石脂 黑河珊瑚 蒙山白鳳 玉腴靈丘 倉鸞金血 東英朱菜 九卿交結 大微紫麻 瓊華玉實 流淵鯨珠 赤河絳壁 比汲太極之井 中樞文朱之脉 雲庭神桃 昆園平雀 夜精日草 青津碧秋 真宮鬱壇 玄都三蓋 左履玉童之光 右挹玉女之氣 上招神光 下飲玄瀨 俯攝蘭園之瑤精 仰攝閭風之紫絲 白水靈蛤 八天赤鍾 萬載一生

流光九隊

右有得食之後天而逝此天帝之所服太上之寶貴非太極之所聞中真之所逮誦其章可以奇流永生諷其名可以起疾斬邪精

玉清藥品

六淳發榮 玄光八角 風實雲子 帝垣玉闥 金敷英英 廣天黃木 昌成玉蕊 夜山火玉 建乃鳳林鳴酢 西瑤瓊酒 中華紫蜜 北陵綠阜 絳津金髓 日精月華 朱河琅子 蓬山文醜 濯水七莖 崩嶽雷柳 採玉郭之綺蕊 仰獻雲山之朱蜜 夜牛伏骨 神吾黃沫 空洞靈瓜 四劫一實 冥域麟膺 夾山夜日 東掖扶桑之丹楛 備探長淵之文藻 上和九轉之乘玉 下咽青玄之靈寶 太虛結錄 素女懷抱 紫虬童子 九色鳳胎 太極隱芝 絳樹日道 太上虹李 天漢大草 南宮巨珠 西鄉扶老 三梁龍華 靈妃所討 右有得食之後天而老此玉清之所服太上

之所寶可以上飛景霄分晨億道守鎮皇精
朝注九腦然斯道至大妙靈映邈非血食肉
人所得備悉但聞玄音以散濁聽風氣而逐
穢上可浮絕太素下可禳妖訟疾

右出道迹經

无上秘要卷之七十八

卷七十九至八十二原缺

无上秘要卷之八十三

得鬼官道人名品

兕六

鄧攸晉僕射

王逸少

劉慶孫

馬融

杜瓊

項梁成

趙簡子

楚嚴公

何曾字穎考南巴侯魏司徒

劉陶字正與東越大將軍晉揚州刺史

曹仁字子孝廬龍公魏武從弟大將軍

顧象字長始將軍晉丹陽僕射

桓範字允則長史

曹洪字子廉大司馬魏武從弟

荀顛字景籍泰山君晉太尉

蔣濟字子通南山伯魏太尉

魏劄廬山侯晉左氏尚書

陶侃字士行西河侯晉太尉

蔡謨字道明長史晉揚州司徒

鮑勳字叔業北彈方侯魏中丞

韋遵司馬晉江州刺史

許嗣南彈方侯

留贊司馬吳將

嚴白虎主非使者

殺鬼地殃日遊三鬼北帝常使殺人者無姓名

名

王廙字世將部恩將軍晉荊州刺史

顧和字君孝北帝執蓋郎晉吏部尚書領軍

周魴字子魚典柄侯吳鄱陽太守

王允之王敦同堂弟期門郎

臧洪字子源後漢末東郡太守

王波晉尚書令史 臧洪等二人北斗君天

門亭長

周撫字道和晉益州刺史

田銀先亦為之銀魏河間太守

虞諱字思與晉衛將軍

紀瞻字思遠晉驃騎 此四人北斗南門亭

長

戴淵字若思晉驃騎

公孫度字昇濟晉末僭王

劉封備養子

郭嘉字奉孝魏武謀臣 此四人中旣直事

劉備字玄德為蜀帝者

韓遂字文約為魏所伐者 此一人北河侯

徐庶字元直為諸葛孔明者

龐德字令明魏武將

夏瑜字世都晉武中書監

王嘉蜀人不臣公孫述者

何晏字平叔魏尚書善老易者

李廣漢武名將

解結字仲連晉尚書

殷浩字淵源晉荆揚刺史 此八人北帝侍

帝晨

溫太真名嶠監海開國伯治東晉驃騎

杜預長史晉安南將軍

孔文舉名融魯國人後漢中衛大將軍

唐固長史兵尚書僕射

張繡司馬後漢將軍中衛大將軍

郭長翔武昌人長史

華歆魏司徒太尉司馬

庾亮字元規右禁監侍帝晨晉太尉

司馬馮懷字祖恩晉太常

謝幼輿名緄左禁監晉太常

郝鑒先是北帝南朱陽天門靈關侯今為高

明司直晉司空

顏懷字思季中禁晨

劉秀漢光武大禁晨

晉文公姓姬名重耳水官司命

齊桓公姓姜名小白三官都禁郎

周武王文王子名發鬼官北斗君

吳季扎吳王壽夢之子闔閭叔姬北明公

荀彧字文若漢尚書令賓友

邵奕南明公一云東明公

漢高祖劉季賓友

夏啟禹子東明公領斗君師

孫策伯符權之兄賓友

許肇右師晨

周伯仁名顛晉僕射中都護

周文王姬昌西明公領北帝師

晉宣帝司馬懿賓友

曹操北帝太傅魏武帝

秦始皇北帝上相

慶甲炎帝大庭氏鄴都北大帝君

右件七十八人並是鬼官之任

得地仙道人名品

王延 范強 傅晃 徐術 此四人武解

得道

鮑靚字太玄瑯琊人晉元明帝時為南海太

守陰君授其解法得道

李東曲阿人晉元明帝時為祭酒甚清勤得

道 此二人文解得道

馮夷華陰人南仙人云馮夷得道以遊大川

琴高太清真人云琴高乘朱鯉於重淵 此

二人洞淵仙人得道

何充字次道晉尚書今有陰德在南宮承華

臺已得道受書行至南獄中

李廣利漢貳師將軍有陰德行忠孝得道在

南宮受化

辛玄字延期隴西定谷人辛隱之子辛毗七世祖也好道行度秦川溺死西王母酆都北帝愍之勅命三官攝取形骸還成人度名南宮今差領東海侯禁元中郎將為吳越鬼神之神

比于紂之叔史父剖心諫死在戒山

李善後漢家客抱主兒逃難者在少室務光不受湯讓投水死者

宋金漂女乞伍子胥食投水死者 此七人南宮錄化者

謝稚堅

王伯遠

繁陽子漢越騎校尉

何苗字叔達即何進弟

馮良南陽冠軍人年六十乃學道

郎宗字仲綏北海安丘人為吳令

王叔明

鮑元治

尹蓋婦 此九人鹿跡華山絕洞主者

張祖常彭城人

劉平河漢末九江人平河長行醫術救人

呂子華山陽人陰君弟子師東卿

蔡天生上谷人少為孺父遇河伯授道

龍伯高後漢人本隱士師定錄 此五人方山下洞主者

杜契字廣平京兆杜陵人建安時渡江受行

玄白法能隱形居大茅山東

一女弟子孫寒華孫貴女

一男弟子陳世景孫休侍郎

徐宗度晉陵人呂佛司馬善氣禁

晏賢生安隲外甥

趙熙漢幽州刺史即素父 此六人山外去來者

寶瓊英靈武妹

韓太華韓安國姊李廣利婦

劉春龍漢宗正劉奉先女

李奚子晉東平太守李忠祖母

王進賢晉尚書令王衍女愍太子妃

郭叔香王脩母

趙素漢漢幽州刺史趙熙女

鄭天生鄧伯母

許科斗許長史婦陶成女

李惠姑齊人夏侯玄婦

張姜子西州人張濟妹

施淑女山陽人施續女 此十二人高業才勝者

勝者

黃景華漢司空黃瓊女受命來教諸女人道法 此一人九宮真人協晨夫人為師

張微子漢昭帝之匠張慶女

傅禮和桓帝外甥侍郎傅達女 此二人易遷館舍真臺女真為主

王少道漢山陽太守王遵兒

范叔勝北地人魏文帝黃門郎

李伯山漢白馬令李冲父 此三人童初府蕭闕堂中學

蕭闕堂中學

范幼冲遼西人漢尚書郎解地理

魏末李整河內人常道卿公傳臣初在洛陽

後來方山採石腦 此二人監

夏縹字子治陳留人桐柏之弟子

周愛文汝南安城人河南尹周暢之女

張桃枝沛人司隸朱寯之母 此三人明晨

侍郎

趙威伯東郡人

樂長治咸陽人

鄭稚政戴孟弟子

唐公房蜀西山人李八百弟子 此四人丞

劉寬字文饒弘農人後漢南陽太守司徒太

尉仁和善政年七十三入太華山服丹來為

童初府師正侯

張玄寯定襄人魏武時舉茂才善論空無入

天柱山來為理禁伯職

淳于斟字叔顯會稽上虞人桓帝時除縣令

後入山服丹來為典柄執法郎職

劉翊字子翔後漢書云子翔潁川人世富以

濟窮為事為陳留太守去職入山度名東華

任右理中監職

韓崇字長季吳郡毗陵人漢明帝時宛陵令

汝南太守年七十四隱解入大霍山又來為

左理中監職

桃浚字公仲錢唐人少為郡幹佐俊為交趾

太守棄世入增城山得道來兼此職向曲茅

山下華陽洞宮北河司命禁保侯

赤魯本姓黃名初平南嶽赤君也入金華山

尋弟而改姓易名

劉安之裴君為冀州時作別駕棄官相隨

叔田公先居雷平山北柳沂下今謂田公泉

雷周時養龍在雷平山東若

周君二弟俱讀素書一卷萬遍未畢之時起

看白鹿還失書更受餘法得仙

張兆期與人共合丹成不敢服出山去後服

茯苓為地仙

劉奉林周時人三合丹不成在委羽山

施存一號壺公又號婉苑子孔子弟子三千

之數得道變化受行運火符在中嶽及少室

即費長房之師

謝允歷陽人戴孟弟子晉成帝時得道戴孟

本姓燕名濟字仲微漢明帝末入華陰山及

武當山受裴君玉珮金鑄經又受石精金光

符復有太微黃書能周旋名山云止得不死

非仙人

姜伯子 鄭思遠即葛玄之弟子晉永康元

年入括蒼山去

葛玄字孝先丹陽句容人初在長山又入蓋

竹山善於變幻能乘虎使鬼无所不至幾當

受職

謝稚堅一云在鹿迹山為洞主一云與毛伯

道共合丹不敢服一云與葛玄常相逐

郭聲子 黃子陽一云魏人食桃皮事司馬

季圭一云與葛玄常相隨

翁道遠 姜伯真一云在猛山學道採藥仙

人今向日正心一云在方山北取石腦服之

一云許遠遊之徒

許邁字叔玄小名映改名遠遊仙侯同生第

三兄少好道棄家遊山於臨安西山後入赤

山被三試得過又移蓋竹山度名東華玄為

地仙

龍幼節 李開林 此二人許遠遊之友也

趙道玄 傅太初 此二人渡江入臨海赤

山中許遠遊後隨之

王世龍許遠遊之師

陳仲林 許道 居林子 趙叔道 此四
人以漢末入竹葉山

劉綱妻善氣禁劾召
嚴青善劾召

介琰白羊公弟子為孫權所殺尸解去入建
安方山並能禁劾

白羊公西嶽公弟子
介象兵時人善氣禁服甘草丸

劉根善劾召受服甘草丸
崔文子善以藥救人病者

商丘子高邑人牧猪服菖蒲不老
○

覆丘子武帝時在泰山下
脩羊公漢景帝時臺上化為白石者

梁伯鸞名鴻漢末人遁海濱者
劉少翁入太華山拜禮得道

范丘林漢樓船將軍衛行道之婦保命趙丞
受六甲師

唐公成鶴鳴山
張季連 趙叔達 郭子華 此三人在霍
山欲師司命君者

刁道林方山龍伯高之師

周正時方山劉平阿之師
鄧雲山唐覽西河劄公此應是子訓者亦張
理禁之師

鄭子真云康成孫在陽濯山

東郭幼平秦時人久隱城山得道即挑北河
之師

惠車子淳于典柄之師
青谷先生劉上師之師

石長生周明晨之師
○

赤鬚先生夏明晨之師
山園公子周哀王時大夫張禁保之師

林屋仙人王瑋玄楚莊王侍郎受術於王君
韓左監之師

龍威丈人吳王闔閭使入包山洞得五行者
盧生 侯公 石生 此三人秦始皇使入
海者

支子元作道人裴君小時師
蔣先生支子元師

趙太子受服米丸者

扁鵲治趙太子者

子容 子明 子義 子戲 子游 子容
等五人弟子

中嶽李先先生樂丞之師

中嶽仙人宋來子先為楚市長馮延壽者
右件一百三十九人地仙有姓名此皆內
為陰德外行忠孝但世功未就不得上昇

三境且為地仙之任昇進之科別有年限
得地真道人名品

○ 真人樊子明張理禁之師

白水仙都朱交甫
杜陵朱夫人 宜安宋姬 此二人並受西
梁真人青精方而不書位號未知何仙真且
在地真之例

九疑山女真羅郁昇平年中來降羊權自稱
華綠華今在湘東山已年九百歲

左元放名慈漢魏時人李仲甫弟子服鑪火
九華丹晉初來華陽洞積年復出今已受職

王真上黨人 孟君京兆人 魯女生在中
嶽 王真等三人受行五斗真一之道

許虎牙名聰字元暉仙侯第二子栖身信向永康縣令衛尉丞輔國司馬受楊君守一之道

傳道流北地人漢靈帝殿中將軍言城生具人劉聖公時生為武當都尉

李叔勝涿郡人漢元帝時生

賈玄道河東人周威王時生 此四人並得地真在泰山支子小陽山中受東卿司命節度主試學道者

范安遠

荀中候名不顯

王附子三官大理守如今廷尉監職

李豐三官大理都魏中書令為司馬 此四人主三官之獄如今廷尉卿職

鮑元節東海人俗神侯領羅鄴右禁司主領使鬼神司二官及試教學真者

茅衷字思和司令君小弟所受行與中君同

而受書為三官保命司治良常山帶北洞口鎮陰宮門總括岱宗領死記生勸導童蒙治

法百鬼

定錄君已度在太清 茅衷等二人主司察三官領教男女學人

得九宮道人名品

許肇字阿仙侯七世祖先在鄧都為東明公右師晨

許副字仲先仙侯父也先在鄧都為彈方侯

此二人仙侯既修大洞今並已上補九宮之仙

右保召夷即周威王太保召公封於燕周公弟先在鄧都為南明公年限未滿而多陰德

故先得上補此位

孫登麋長生 此二人周太賓弟子

西嶽公黃盧子姓葛名越禁人善氣禁能召龍使虎後乘龍昇天以符法傳弟子

白羊公朱孺子吳末入赤水山服菊花木餌受西歸子入室存泥丸法西王母遣迎在積

石臺

虞翁生會稽人吳時入海中狼伍山受介君食日精法行雲氣迴形之道太帝遣迎在賜

谷山

趙廣信陽城人魏末來到小白山受服氣法守玄中之道七八十年後合九華丹一服太一道君遣迎在東華

平仲節河東人來括蒼山受行心玄具百神行洞房積四十五年中黃老君遣迎在滄

浪靈臺

鄭景世 張重華 此二人晉初人俱在潛山中受行守五藏吞日法服胡麻及玄丹北

玄老君太一遣迎在玄洲

張禮正後漢末人 治明期魏末人 此二人俱在衡山中受服王君虹景丹積四十三

年又守一三十年東華遣迎在方諸瓊室為

上仙

尹虔子 張石生 李方回 此三人並晉

武時人俱在華山受蒸丹餌法服丹霞之道

五十年太一遣迎在玄洲為高仙人石生為

源伯

鄧伯元 吳王玄甫沛人 此二人俱霍山

受服青精石飯吞丹景思洞房積二十四年太帝遣迎在比玄圖臺受書為中真

管成子 蘇門先生 周壽陵 此三人是
度子等師

孟德然 鄭景世等師

宋君平 仲節師

李法成 趙廣信師 此六人亦或在太清者

亦或在地真地仙者不可品定雖是後諸人

之師而修學成道未必為勝

朱陵嬪 丁淑英 郝綜婦 此三人好行

陰德

協晨夫人 黃景華 此二人在易遷中

○ 文德右仙監張叔隱受青精方者

仙伯辛夷雲胡姓安名法曇赤君弟子

石仙公王遙有胡姓竺名石賓亦君弟子

左仙公郭四朝燕人兄弟四人得道四朝最

長先治句曲司三官領羅酆帥晨侯六百年

職滿上補九宮左仙公領玉臺執蓋郎

真人虞尹章上洛人受青精方者

右真公郭少金撰甘草丸者

右保司展上公高辛時人於伏龍地種李者

尚書一人度在太極

九宮上相二人度在上清

右件四十一人得九宮中真仙亦應有進

太清太極或猶在地真者

无上秘要卷之八十三

无上秘要卷之八十四

得太清道人名品

飛天文人

太一中皇

玄上玉童

猛獸先生 此四條主天下山川鬼神禽獸

應是自然之神非人學所得

西嶽丈人

三天玉童

洛水神女 此應是靈妃此三條亦應是人學

所得

五嶽君此職五百年一代

河侯河伯

又有河伯少女者非必胎生皆化附而已

此三條是得道人所補

五帝東方靈威仰

西方曜魄寶

南方赤飄怒

北方隱侯局

中央含樞紐

見七

又各有五方天官大夫玉女諸靈官 此太清之五帝亦是自然之神非太常所使五方天帝君者二十四官君將吏定有二十五官以應身中二十五神十二百官君將吏 此並氣化結成非人學所得

却飛使者

九龍使者

九天真王使者

高仙啓天使者

遊天使者

太清使者

六乙使者

六丙使者

六丁使者

六壬使者

六癸使者 此十一使者號多是自然之神

非盡世學

高上將軍四人領天帝兵十萬人

衝山使者領天帝十萬人

上天力士

天丁力士 此四將軍使天兵號

登天上錄玉女四人

上天玉女四人

三天玉女百人

百等玉女

北宮玉女

五帝玉女

太素玉女

青腰玉女官十人

青天益命玉女

天來玉女

平天玉女

白素玉女十人

六戊玉女

神丹玉女

五流玉女侍人 此十五玉女神女號

五仙夫人

郭內女天 此二夫人女號

百神氣丈人

百千神氣丈人

永安丈人

九道丈人

飛真丈人

益命丈人

大氣丈人

南上丈人

北上丈人

太玄丈人

北陵丈人

九氣丈人

天帝丈人

太上丈人

夜光大夫

和適大夫

此十四人丈人號

此二大夫號

司命元君定錄紫臺真人

監山真人

定氣真人

景雲真人

此四真人號並有姓名

北斗真符

九天郎吏

大精生神

八威 司命 司厄 司危 此七真雜號

司祿君

三天萬福君

七星瑤光君

摩病上元君

上虛君

太一元君 此六君號

四海司陰王

九都去死王

飛真虛王

佐命君王

四天君王

昌命天王

左東充上王 此七王號

九氣丈人此太清之丈人上三天東宮之真

官章奏所關主諸神鬼之職

九老仙都君此太清之仙都非玄洲者

天帝君此太清中東宮之一帝

太上丈人此太清丈人中之尊者

太上老君此太清老君中之尊者

南上大道君此太清南宮之道君

上皇太上北上天道君此太清北宮之太上

高真 此七條並太清之高真領理兆民者

悉應是學道所得

皇人此為太帝所使在城嶺黃帝往受真一

五牙者

玄成清天上皇此太清玄成清天中之皇君

元始天王此蓋太清元始天中之王西王母

初學道之師 此三條太清之尊位不領兆

民

右件九十九條係太清中略有位號无姓

名德業或是世學所得或是自然之神

葛洪於羅浮山合太清金液服之隱化

樂巴後漢豫章桂陽太守脩劍兵解之道入

鶴鳴山中

鮑察上黨人鮑宣五世孫受道於王君

華子期九江人受角里先生靈寶赤杯方

帛和字仲理王西城弟子受三皇天文太清

丹方

徐福秦時人

尹軌字公度晉時人善煮石

張巨君授許季山易法

黑羽 疑是墨翟 徐福等四人並見二星

王魯是魏明帝城門校尉范王伯綱女

趙愛兒劉虞別駕滌陽趙設姪

郭芍藥漢渡遼將軍東平郭騫女 此三人

並受行靈飛六甲之道

仇季子咽金液而臭聞百里

鹿皮公吞玉華而龜流 此二人並服丹而

尸解

徐季道受仙人五神事者

趙叔期尋卜師受胎精中記者

周君受老君素書七卷讀萬遍得道者

郭聲子洛市作卜師者

郭崇子彭祖弟子譽惡人者

劉偉道中山人服金丹者

莊伯微合服金鈞者

李明向曲山下合丹升玄洲者

劉道恭 毛伯道 此二人共合丹服託死

而仙

燕昭王 竇仲君 張子房 臧延甫

劉子先 趙伯玄 此六人並服丹而解化得仙者

赤將子黃帝時人授西嶽公禁山符又服火法

青鳥公 黃山居 此二人彭祖弟子

東方朔服初神丸仕漢武帝者

方明 力牧 昌宇 此三人黃帝臣

審封服石腦而赴火則作火解

淮南八公即是八老先生

東園公 綺里季 夏黃公 角里先生

此四人商山四皓

樂子長齊人吳羌時受韓君靈寶五符乃數

天書藏於東海勞盛山中為吳王所得

韓終秦時人為霍林仙人

鳳網能作藥起死者

彭篋殷時人善房中之道道授彭真人

陰長生南陽人師馬君受太清丹法

馬明生臨淄人遇太真夫人以靈光後師安

期生受服太清丹在世五百年去世

墨翟宋人善機巧咽虹丹以投水似作水解

秦叔隱 馮翊 此二人華山仙伯

劉千壽沛人少室仙伯北臺郎

趙祖陽涿郡人潛山真伯

張上貴楚人九疑仙侯

白石生煮石方者東華左仙卿

周大賓 姜叔茂 此二人秦人蓬萊左卿

賈寶安鄭人蓬萊右公

宋晨生與張理禁共論空者蓬萊左公

李抱祖岷山人受青精餼飯者太清右公

王道寧常山人主西方錄善

籍保舉學道嶠家真人左禁郎

茅季偉受行上清下真品經又服太極九轉

丹受書為地真上仙句曲真人定錄右禁郎

山世遠晉人傳說識記者太和真人

魏顯仁大梁真人

陰友宗岷山真人

韓偉遠受宋德玄靈飛六甲者九疑真人

洪崖先生青城真人

傅先生南嶽真人

馮延壽西嶽真人

孟子卓中嶽真人

宋德玄周時人行靈飛之道中嶽真人

高丘子中嶽真人

衍門子中元仙卿

叔度胡姓康名獻師赤君五嶽司西門

鄧離子師赤君小有仙王

李元容師赤君太清仙王

趙車子太清仙王

茅初成一名本初司命君高功師鬼谷先生

入華陰山學道乃乘雲駕龍白日昇天

鬼谷先生周時人在城陽山鬼谷中

正一真人三天法師張道陵學道至漢安元

年壬午歲五月一日於鶴鳴山仙官來降授

以正一盟威之教施化領民之法流行以至

于今號天師

又妻亦得道為女師至孫魯傳藝道法魏武

拜為鎮南將軍真受云張鎮南之夜解者是

為系師

有弟子二十四人入室弟子主長趙昇餘者

皆不顯

右件八十五人係太清中真仙姓名事迹
粗顯者今亦應進登太極者

得太極道人名品

韋編郎莊周受長榮微言作內外篇隱抱積
山服火丹白日昇天

長榮公子莊周師授為鶴起死方者 此二
人真仙

被衣王倪師
王倪齧缺師

齧缺許由師
巢父洗耳師

支離問柳生者
蒲衣莊子云猶是被衣

雲間老君姓李字伯陽是太清之老君也
尹喜周函谷關令

許由不受堯禪者
卞隨投水者

華封祝堯者
子州 番卷 石戶 北人 馬皇治龍病
者

安公姓陶乘赤龍

大項項橐者
秦佚吊老聃化者

接輿上峨嵋號陸通者
伯昏臨危引弓者

庚桑善化道者
蕭史善吹簫者

弄玉秦穆公女奔蕭史者
二女白水陽見禹者

邯鄲張君前漢末人
劉京張君弟子 此二十七人並受行飛步
之道非盡太極猶多有在太清者

蘇林字子玄濩陽曲水人師涓子道學受三
元真一遊徧人間數百年玄洲遣迎雲車羽

蓋驂駕龍虎錫玄洲上卿領太極中候大夫
涓子名未顯青童弟子蘇君之師少解術精

受守一玄丹之道中黃四司大夫領北海公
郭幼度陸渾真人太極監

范伯華幽人戎山真人右仙公
淳于太玄石城人陽洛真人領西歸傳

李翼字仲甫京兆人與茅司命俱事王君

左元放師西嶽卿嗣司命別主西方錄籍
王忠正一上玄玉郎

鮑丘太極宮官 南陵玉女
司馬季主漢時人受西靈子都劍解之道託

形枕席在委羽山大有宮服明丹之華挹扶
晨之暉真授云如似作劍兵解法兵解則不
得在太極 弟子四人

一人鮑陽廣審人脩劍解託死於山洞
一人王養伯太原人與張良共採藥不反

一人劉偉惠穎川人漢景帝公車司馬劉諷
也尸解託形杖履於桑樹之下

一人段季正代郡人本隱士託形尸解渡南
鄭秦川而溺死

太玄仙女西靈子都季主之師

八老先生姓名未顯應是淮南八公此中亦
有在太清者

洞臺清虛七真人姓名未顯同在王屋山宮
此中亦有在上清限者

絳文期玄洲仙都降南真於陽洛山者

蓋公子太極高仙伯延

張奉字公先河內人先為東華北河司命禁保侯

激子久在東華宮已為太極所署又領九宮尚書令太極仙侯

黃觀子學道服金丹讀洞經得道太極左卿范明期受西梁餽飯紫陽既右真人紫陽有左右則周君為左真人位秩高此已在上清青精先生

大宛北谷子 此二人受西梁餽飯得道

朱大丹陵官龔仲陽

龔幼陽 此兄弟二人受青童君仙忌真記得道

東極老人扶陽公子

西極老人表靈子期

南極老人丹陵上真

北極老人玄上仙皇

中元老人中央上玄子 此五人脩五辰所致五方老人

東極真人陵陽子明

北極真人安期生 此二久并赤君王君號為四極真人

文始先生

西歸子

半車童子 此三人並栢成之師友

栢成子高脩步綱之道真授云栢成納氣而腸胃三腐似為解化之迹

風后黃帝之師

周穆王姓姬成王之曾孫遊行天下宴瑤池會王母

會王母

夏禹姓姁名文命承舜王天下受鍾山真公靈寶九行九真又行玄真法得道

帝舜姓姚名重華服北戎長胡所獻千轉紫霜得道

王子者黃帝之曾孫受靈寶五符又詣鍾山受九化十變之經以隱遁日月遊行星辰脩劍解之道

玄帝顓頊黃帝之孫遊行四海埋寶鼎於洞山受靈寶五符得道

黃帝軒轅姓公孫行步綱之道用劍解之法

隱學橋陵駕龍玄圃乘雲閣風得道太極左公北洛先生八真限

五老上真仙都左公撰靈書紫文者玄和陰陵上帝是太極中天之帝

清和宮天帝君是太極中天之帝

第一中央黃老君在左最尊已度上清

第二紫陽左仙公中華公子石路虛成

第三西梁子文授王清虛青精餽飯雲牙者

第四安度明初降南真於脩武縣中者 此

四人太極金闕四帝君後聖李君在左最尊

已度上清餘三帝是太極之天帝

右件九十三人係太極真仙今亦有進上清者

无上秘要卷之八十四

卷八十五至八十六原缺

无上秘要卷之八十七

兒

尸解品

司命東卿君曰夫尸解者形之化也本真之練蛻也輕質之適變也五屬之隱遁也雖是仙品之下第而其禀受所承亦未必輕矣或未欲昇天而高栖名山或欲崇明世教令死

生道絕或欲斷子孫之近戀蓋神仙為難希或欲長觀世化憚仙官之劬勞也妙道一備則高下任適固不可用明死生以制其定格所謂隱迴三光白日陸沉者也

飛瓊玕之華而方營丘墓者高丘子衍門子洪崖先生是也而不知高丘子時以尸解入六景山後服金液之水又受飛瓊玕之華於中山方復託死乃入玄洲受書為中嶽真人衍門子今在蒙山大洞黃金之庭受書為中元仙師洪崖先生今為青城真人

漱龍胎而死訣飲瓊精而叩指者先師王西城及趙伯玄劉子先是也服金丹而告終者臧延甫張子房葛稚子是也

抱九轉而尸臭吞刀圭而蟲流者司馬季主寧仲君燕昭王王子晉是也

周穆王北造崑崙之阿親飲絳山石髓食玉樹之實而方基于沒那

夏禹詣鍾山噴紫漆醉金酒服靈寶行九真而猶隱于會稽

北戎長胡大王獻帝舜以白珠之霜十轉紫華服之使人長生飛仙與天地相傾舜即服之而方死葬蒼梧之野

此諸君並已龍奏靈河鳳鼓雲池而猶尸解託死者正欲斷以死生之情示民有始終之限耳豈膏腐骸太陰以肉餉螻蟻者哉直欲

遏違世之夫塞俗人之願望至於青精先生彭鏗鳳網及商山四皓淮南八公並已服上藥不至一劑自欲出處默語肥遁山林以遊

化為樂以昇虛為感非不能登天也弗為之耳以此諸君自展轉五獻改名易字不復作尸解之耳

夫尸解之道如為少妙既今希有情阻聞者不及一以死鎮其路示無所復論雖彭鏗遊

山鳳網市朝四皓假首以素八公變形萬化亦吾所不願矣自有方諸刻名應得尸解之仙者或禀受使然或志行替敗或學尋淺狹情向頽住此自希尚所及正以分得之耳非向所論諸君衍門子輩既飽上藥而故為尸

解者也吾昔受先師尸解上方委化之道雖不得復用常所依依今向塵垢四會交兵激合三官驅除嫉賢害道言神仙者致痾尋姦利者富貴志道求生者亦何為汲汲於風火之中束帶以入鄧市哉今案出尸解之方可

各以傳示弟子應為真人者用之潛遁足以遠凶患施之而逝可以蓋子孫之近戀隱之而遊可以登名山也若夫道敦兼備萬術斯明役使百鬼招召衆靈坐在立亡分氣散形雖處三軍而颯鋒不能兵雖行凶危而災癘不能干雖入市朝而百言不能生者可无復

施尸化之遷耳夫此之解者率多是不汲汲於龍輪樂安栖於林山者

以錄形靈丸以合嗒墜所持杖與之俱寢三日則杖化為已形在被中自徐遁去傍人皆

不覺知

以藥塗火炭則他人見形而燒死謂之火解
以一丸和水而飲之抱草而卧則他人見已
傷死於空室中謂之兵解

凡自從任故自得還其故邑也但當改姓名
變容貌昔有人作此去入林慮山積十三年
而復還家也

上解之道名配紫簡三官不復關其間際妄
以死加之

錄形靈丸亦可與人作尸解但營曉示其去
止節度耳欲特得意弟子俱行遊者當按之
其用他藥得尸解非是靈丸之化者皆不得
反故鄉反故鄉三官執之

尸解之法有死而更生者有頭斷已死乃從
傍出者有死畢未殮而失骸者有人形猶存
而充復骨者有衣在形去者有髮既脫而失
形者

白日去謂之上尸解也夜半去者謂之下尸
解向曉向暮而去者謂之地下主者雖獲隱
遁而跡兆不滅為人所疑今世志未厭不及

遊故鄉遊栖靡定深所疑惑意任於此自先
世有功在三官流遠後嗣或易世練化改氏
更生者此七世陰德根葉相及既終當遺脚
一骨以歸三官餘骨隨身而遷男留左骨女
留右骨皆受書為地下主者二百八十年乃
得進受地仙之道矣臨終之日觀其形如生
人之肉既死之時尸體香潔足指不青手皮
不皺者謂之先有德行自然得尸解

右出洞真藏景錄形神經

四紀篇曰九真中經或曰飛行烈經有之者
白日尸解

六紀篇曰靈書紫文或曰五老寶經有之者
尸解

右出洞真瓊文帝章經

諸尸解地下主者按四極真科一百四十年
乃得補仙官復一千三百年乃得補真官於
是始得飛華蓋乘群龍登太極遊九宮也

右出洞真太上隱書經

有此經未能勤備思真念靈與俗无別者故
不失隱存下仙白日尸解

右出洞真八素真經

太極真人遺帶散白粉服一刀圭當暴心痛
如刺三日欲飲飲計足一斛氣乃絕死既殮
失尸所在但餘夜在耳是為白日解帶之仙
若知藥名者不復心痛但飲足一斛仍絕也
既絕已自悟所遺尸者在也臨時自有玉
女玉童以青輶與載共來之欲停者當心痛
三日節與飲耳其方亦可合亦可舉家用

右出真迹經

太極金華真人以此經文刻於太微天帝紫
微宮玄琳玉殿東壁牖上其文曰

五氣異方津光合形有終而死有始而生萬
類反本千條歸冥氣適浮煙血奔流清衰哉
兆身非真不成何不竭以雲華玄清徇以丹
醴華英會以五光七白靈蔬和以白素飛龍
沐浴平旦正心向東凝精勵魂上帝五公再
拜朝靈鎮固五方長生天地出入流通各安
其位生華五藏

此文乃上清八會交龍大書非世之學者可
得悟了者也太素真人顯別書字受而服之

求其釋注於太極帝君焉

雲草玄波者黑莖藤是也一名玄清丹醞華

英者密也五光七白靈蔬者薤菜也白素飛

龍者石英也

法當種薤菜使五月五日不掘拔者唯託鋤

壅護治之耳經涉五年中乃取任藥名為五

光七白靈蔬擇取薤白精肥者十斤黑莖藤

五斗白蜜凝雪者五斗高山玄巖絕泉石孔

之清水三十六斛白石英精白無有礪石者

五枚先好於磨石上礪護使正圓如雀卵之

之小小者好筭治令如珠狀勿令有礪石之

餘速先清齋一百六十日令齋日訖於九月

九日先築土起基高二尺作窰屋屋成作好

窰以窰口向西屋亦開西戶也當得新鐵釜

安窰上是九月九日中酉之時向窰口跪東

向內五石子於釜中於是乃先投一枚於釜

中祝曰

青帝公石三素元君太一司命玄母理魂固

骨填肝守養肝神肝上生華使肝水全
次又投一枚於釜中祝曰

白帝公石太一所憇元父理精玄母填肺守

養肺神使無朽廢肺上生華千萬億歲

次又投一枚於釜中祝曰

赤帝公石帝君同音玄母理血桃康填心守

養心神使無灰沈心上生華一成玉林

次又投一枚於釜中祝曰

黑帝公石太一同筭玄母元父理液混變守

養腎神使無壞亂腎上生華常得上願

次又投一枚於釜中祝曰

黃帝公石老君同威太一帝君理魄鎮脾守

養脾神使無崩頽脾上生華白日晨飛

投石時皆各閉氣五息然後乃投石都畢起

向窰五再拜

又取薤白五斤好積覆於五石之上畢內蜜

灌灌上畢內巨藤五斗灌窰上畢乃格度巨

藤入釜際淺高下處所也然後稍入清水使

不滿釜小許止木蓋游覆釜上九月十日平

旦發火當取直理之木燒燥好薪不用蠶蟲

及木皮之不淨薪火煮之繞令覺劣沸而已
勿使涌溢大沸當畢發視調其下火

當先視腴格處所若煮水煎竭輒當益水所

盡三十六斛水而止又水盡之後更加煎令

鹹先腴二寸格籌量以意斟酌視之都畢成

也寒之於釜中去下火灰密蓋其釜上五日

乃徐取五石平旦向五方各再拜畢跪以此

腴雜以東流水以次服之飲水及腴取令送

石子入口下喉中耳

服之時亦如初投石於釜中時一二按祝而

服之也畢又五再拜畢

若藥煎既成而視無復石者非有他也直五

精伏散隱靈化形故自流避於雲腴之中无

所疑也但當日服五合以清酒飲送之神變

反質各自鎮養五藏矣自於五藏之內更生

成五石也

慎不可猛火火猛石精飛去滓濁壞爛雲腴

熱臭不可服御

又雲腴之味香甘異美強血補精填生五藏

守氣凝液長養魂魄真上藥也以好器盛之

密蓋其上即日服二合為始日日以常若腴
蜜煎強者亦可先出服石然後加腴更和煎

之取今擬如割肪也人亦有九服之者日三十九大都九不如腴服之佳也趣復任人所便耳便則安於體體便則無不佳常能服此腴者乃佳若先腴已盡當更合如前之法用白石英五兩填釜底一兩輒一投祝說如法

但不復礪石使圓而重服之耳藥成出此石沈東流水中不嘗燥竭之淵若不欲更合此腴者亦无損於前五石也此腴名玄水玉液一名飛龍雲腴一名鍊五石之華膏服之十五年身有玉光內外洞徹長生天地役使鬼神三年之後眼可夜書真人云此方愈於鍊

八石之餌金必勝於桂水雲母之玉漿也既服此五石石入喉徑實填五藏五藏常生華一藏中輒有一石以守藏孔藏孔之上皆生五色華也若其人或斃死而適太陰權過三

官者肉既灰爛血沈脉散者而猶五藏自生白骨如玉七魄營侍三魂守宅三元歡息大神內閉太一錄神司命秉節五老扶華帝君寶質或三十年二十年或十年五年隨意而出當生之時即更收血育肉生津結液復質

反胎成形濯質乃勝於昔未死之容也真人練身於太陰易貌於三官者此之謂也太微天帝君詠曰太陰練身形 勝服九轉丹 華容端且巖 面色合靈光 五石會天真 太一寶神關 上登太極關 受書為仙人 南嶽真人赤松子曰昔有趙成子者學仙之士也初受吾鎮生五藏上經乃按而為之成子後故欲還入太陰求改貌化形當是時自故死亡於幽州上谷玄丘山中石室之下即為死尸白骨也後五六年忽有他人經山行者見此尸在石室中肉朽骨在又見腹中五藏自生又香而不爛如故以液血纏裹五色之華瑩然於內紫胞結絡交纏於外彼人乃歎曰昔聞五藏可養以至不朽者今見其人矣此子將有道而不終乎因手披死尸五藏之內藏中各見有一白石子在焉彼人又曰使汝五藏不朽者必此五石也子已失道可以相與因採取而仰吞石皆以入喉也彼人別去十餘年而成子之尸當生當生之時

彼人先服石子即日皆飛從口出如飛蟬之狀還還死尸之藏因此成子改形而起矣彼人既見石飛心震意惕後自故入此山尋視死尸所在彼人既到石室之前方見成子散髮偃據洞壙靈谷面有玉光髮色流澤於是彼人惶震累息匍匐於巖岫之間林竹之側成子問之曰子何人哉爾乃忽見成子前有五老仙公披錦帶符手秉羽節頭建紫冠足蹈空虛並切齒而言於成子曰昔盜吞先生五藏之寶石者今此癩面人是也言畢彼人面上即生惡瘡又噤而失言狼狽而歸比及達家癩瘡已遍於一門而同時俱死族即滅矣

夫得道之士而暫遊太陰者太一守尸三魂管骨七魄衛肉胎靈錄氣非不欲拚惡人之心性閉凶愚之耳目也直欲觀靈驗於八方示真威以流赫耳況加含五帝之神石靈靈公之精英欲盜服以延壽竊以希長生不可冀也豈可為哉南嶽真人故復書而記之以祛盜濫之凶心事

盜濫之凶心事

盜濫之凶心事

盜濫之凶心事

右出洞真太極帝君填生五藏上經

无上秘要卷之八十七

无上秘要卷之八十八

兒丸

易形品

老子曰蛇得靈實化為神龍鳥得之變為鳳
風凡獸得之改為麒麟凡夫得之號曰聖人
何謂聖人子有通聖真文能常服之遊戲五
嶽道遙于空改易五內變化形容一年易氣
二年易血三年易肉四年易筋五年易骸六
年易骨七年易髓八年易髮九年易形形體
盡易大道畢矣

右出洞玄自然五稱經

太一神仙生五藏填六胃養九竅和九關鍊
三魂曜二童保一身長生萬歲四填丸方
太一萬餘糧四兩定六府填五藏
真當歸一兩以和萬餘糧止節百病
薰陸香一兩以和當歸薰五藏內
人參一兩補六府津液助餘糧之勢
雞舌香一兩除胃中客熱止痰悶
已上五種以餘糧為主四物從之先內主
搗百杵乃次內四物為散
丹砂四兩攝魂魄填三種理和氣

甘草一兩以和丹砂益肌膚去白髮
青木香一兩以助甘草去三蟲伏尸
乾地黄一兩和百髓滿腦血
降真香一兩益目瞳薰下關
已上五種以丹砂為主四物從之先內主

搗百杵乃次內皆令成散

茯苓四兩填七竅補九虛和靈關
木一兩以和茯苓益神氣明目瞳
乾薑一兩以補木勢除痰熱開三關去寒冷
防風一兩補源痺除穢津止飢渴

雲母粉一兩澤形體面生光補骨血

已上五種以茯苓為主四物從之先內主
搗百杵乃次內皆成散

麥門冬四兩去心填神精養室液固骨
乾棗膏一兩以助門冬凝血脉去心穢

附子一兩無之益眩中氣填藏內冷去痰

胡麻一兩無之和喉口液填下關泄澤三神

龍骨一兩益六液養窮腸烏髮止白

已上五種以麥門冬為主四物從之先內
主搗百杵乃次內之皆成散

凡四填神丸合二十種藥令精上其五物為一部皆各合成散先內禹餘糧部搗三千杵次內丹砂部搗四千杵次內茯苓部搗五千杵次內麥門冬部搗六千杵又內白蜜四分又搗七千杵又內白蠟十二兩又搗八千杵

又更下蜜令可丸若剛者當下蜜柔者不須又更下蜜但多下蜜亦更搗三萬杵藥成丸如雞子中黃亦可計黃以為細丸而服之以正月九月上建日合之滿日起服之百日中籌量服五丸當先一日不食後日平旦乃服畢乃飲食如故千日之後二百日中服七

九二千日之後三百日中服二十九三千日之後四百日中服三十九計此為度填神守中與天地相畢此藥萬年不敗若常服此藥一切不復服餘雜食餌之輩也

合藥先禁戒七日永不復令房室三今雖夫小兒婦人見之合藥時當燒香設一神席於東面為太一帝君太一君太一上元君之生也心常存呼祝之服藥時亦當心存之以向月王此所謂四大以填四神以治百病也今

人不修選視萬里之外白髮還黑齒落更生面目悅澤皮理生光服之一年宿疾皆除二年易鳥三年易氣四年易脉五中易髓六年易筋七年易骨八年易齒九年易形體十年役使鬼神威御虎狼

右出洞真九真中經

長生品

天尊成就五方國土度一切人時還長樂舍中諸是雜國五大无小傾國人來非可禁止天尊爾時三目三夜閉天光明使光不照聚

柴高地二百丈許天尊坐於柴上以火自燒。大然光照四方朗明諸國男女遇見天尊坐在火上无緣得往披陳其心天尊欲觀其心因告來者欲得長壽當入火中就我受法真有至心好慕大法者有七萬二千四百五十

人投身赴火皆至道前天蓋即於火中授其經法隨入隨授身並得度心形而去餘不入者有三十萬人遇見入者身不得出皆云燒死於是便退各還本土預是入火受度之人皆先以至家其不入者皆在後至既還相見

方懷悅歎悔无復及受度之身皆得長壽

右出洞玄靈書經

道言皆於始青天中碧落空歌大浮黎土受元始度人无量上品元始天尊嘗說是經周迴十過以召十方始當詣座天真大神上聖

高尊妙行真人无輒致象垂空而來飛雲丹霄綠輿瓊輪羽蓋垂陰流精玉光五色鈔勃洞煥太空七日七夜諸天日月星宿璇璣玉衡一時停輪神風靜默山海藏雲天无浮翳四杰朗清一國地土山川林木緬平一等无復高下土皆作碧玉无有異色眾真侍座

元始天尊玄座空浮五色師子之上說經一遍諸天大聖同時稱善是時一國男女龍耳病耳皆開聰說經二遍盲者目明說經之遍瘡者能言說經四遍跛病積遠皆能起行說經

五遍久病痼疾一時復形說經六遍髮白反黑齒落更生說經七遍老者反壯少者皆強說經八遍婦人懷妊鳥獸合胎已生未生皆得生成說經九遍地藏發泄金玉露形說經十遍枯骨更生皆起成人是時一國是男是

女莫不傾心皆受護度咸得長生

右出洞玄无量度人經

雲腴名玄水玉液一名飛龍雲腴一名鍊五石之華膏服之十五年身有玉光內外洞徹長生天地

右出洞真填生五藏經

道人圖生蓋不謀名衣弊履穿不慕尊榮守中純白意无所傾志若流水居處市城積守无為乃能長生

右出妙真經

治人事天莫若嗇夫唯嗇是謂早復早復謂之重積德重積德則无不克无不克則莫知其極莫知其極可以有國有國之母可以長久是謂深根固蒂長生久視之道

右出老子德經

紫微夫人說阿母言曰服日氣以平旦採月華以夜半存之去面前九寸令光景照泥丸下及五藏洞徹一形引氣入口先色蔚明良久乃畢常行得長生

右出洞真太一帝君太丹隱書經

真人曰食日之精子必長生緣以上天謁元君先常以月一日三日五日七日九日十五

日日出時至日中食先念心中有日日中有玄蓋蓋下有童子正氣適身中外九重思赤氣滿頭從頂出上昇天繞日九重呪曰

日君元陽還歸絳宮與我合德俱養小童因

思日精來下入頂鼻孔中咽之三九滿心中心有三人左即太一父也右即玄元母也中央即赤子小童也坐金牀玉榻執玉梓玉杯中玉英神酒并天芝草見在食飲之仍不飢渴而長生

食月之精可以長生緣之以上天常以十五

日夜半時向月再拜呪曰月君子光運歸丹田與我合德俱養小童因思月白氣黃精來下入鼻口中咽之三七而止月精託腎根即得長生

食星之精上昇太清常以日出時日中夜

半上念北極太黃星呪曰皇天上帝太上道君曾孫小兆某甲好仙道願得長生因念星精來下在兩眉間流入鼻

口中咽之三思氣滿心膽脾中有道母主哺養赤子即不飢不渴即得長生

右出洞玄五符經

大極真人曰立三百善功可得長存地仙若一功不全則更從一始而都失前功常有其念在於心督者則是也子導人作善即為善功矣

右出洞玄定志經

道言下士修身斷情忍色服御養神遠棄榮麗棲憩幽林愛山樂水耽翫靜真淡泊守固絕穀休糧長齋念道適中不養端坐則與師寶相對出入則與鳥獸為群孤旅巖穴獨景空山思不慕歸悲不悼形契關林澗怡神擬餐面有餓容心如懷丹艱苦備嬰玄有和顏見試不恐心靜敬安如比之行上感虛皇九減九生志願不退執固殊堅利得變化乘空飛行遊宴五嶽

右出洞玄法輪經

大劫度厄實命長存元始九玄之精經大陽九之會洪水滔天當青書白絹佩之頭上浮

翔清波之上灾不能傷保身長命久佩神仙
小劫度厄實命長存符九天太真符經小陽
九之周水火交橫萬灾並興當以朱書白絹
佩之左肘入淵不沉入火不然萬害不能干
保身長命與天同壽久佩神仙

右出洞真青腰紫書

天皇地皇人皇大字皆有清虛妙法洞玄寶
文自无金名在方諸青宮不得知聞有其文
者成地仙

右出洞真四極明科

天仙品

右中真下元紫元大仙洞氣陽靈之文此則
大仙洞氣陽生之精化生玉文以輔上清帝
真變化八方之氣通神招真保命長存服之
八年則紫元臺玉童九人給兆通靈召八景

神宮雲輿羽蓋給兆飛行

右真下元陽靈真文變化靈符此則洞陽
演靈之精化生玉文以轉上真帝尊變化八
方之氣通神招真保命長存服之八年則太
陽玉童九人給兆通靈召八景神官命雲輿

羽蓋給兆飛行

右中真中元洞陽大靈真文變化靈符此則
大靈陽生之精化生玉文以輪上真帝尊變
化八方之氣通神招真保命長存服之八年
則南極玉童九人給兆通靈召八景神官命

雲輿羽蓋給兆飛行

右中真中元洞陰太玄變化靈符此則北戶
陰極之精化生玉文以輔中元中真八景神
宮上通天氣下衛學真者招靈致真千乘萬
騎之官服之八年則玄宮玉女八人降形致
九天鳳衣命真之策以召八景之輿載兆飛

騰

右出洞真變化七十四方經

天尊言若善男子善女人能發自然道意來
入法門受我十戒行十二可從則為大道清
信弟子清信弟子皆與勇猛飛天齊功飛天
未得道者也是道十轉弟子飛行空虛為諸
天策駕清信弟子見在世上可得免於憂惱
度於衆苦身入光明形內澄正招鬼使神制
伏魔精十轉即得上為飛天若在一轉而行

精進心不懈退作諸功德長齋苦行晨夕不

倦即飛天齊功

天尊言其六戒者皆以六通智慧能施其德
行合自然福慶恒居其身禍害恒遠其門說
好不絕世世因緣一轉受報飛天齊功起輪

九轉位及大道十轉弟子名書諸天七祖同昇上生天堂

天尊言其十善勸戒自非大道十轉弟子莫
能行之者與飛天齊功心與六通智慧恭同
洞虛无也身後皆得飛行雲中衆聖策駕遊
行十方

右出洞玄大戒經

明真科曰脩奉智慧上品十誠積諸善功供
養法師燒香然燈佐天光明照耀十方施惠
布德念度衆生死昇東華受號飛天位比太
上十轉弟子為衆聖策駕遊行雲中又云敬
信奉十戒燒香恒明燈功滿十轉報位得及
飛天

右出洞真明真經

昇月庭品

夫欲採月黃華之道當以月臨東井之日清
旦取井華之水一瓮露於中庭夜半書陽精
玉胎練仙之符置於水中東向叩齒二十四
通臨水呪曰

黃氣除華陽精洞鮮沐浴九魂冠帶金晨圓

明啓告玉胎練仙華光交換流芳陶津九陽

齊化玄霞散煙元景迴靈曲映我身飛身上

宮洞觀瓊軒畢取水一斗向月服之便握固

存月中五色流精皆來冠接一身五色之中

又有月光黃氣大如目瞳累重數十在月精

五色之內並從口中而入洞匝五藏使向月

吞精五十咽咽液十過又叩齒十通微呪曰

黃氣流精三合凝光玄暉反正冠帶八芒練

魂東井受明飛皇金華散靈五君流芳夫人

降醴潤灑十方洪芝下注六府溢充金精九

化易景反容垂虛落煙遊宴太空上造月庭

與真齋雙變化八道出有入无三晨洞輝永

保无窮畢以餘水洗俗訖還室東向服陽精

玉胎練仙符又叩齒十二通微呪曰

藏天色光黃氣鬱散結精凝暉八芒明煥瑩

飭華黃石景陶灌玉芝盈溢潤充大漢普天
受練啓明晨旦駕景登空得騰帝館長離下
世超度八難與日齊暉與月同幹畢咽氣五
十過止此服月華之道元始妙法行之一年
面生玉澤七年靈降身發金光九年飛行上

造月卿

陰精飛景玉符太歲之日黃書竹膜之上向

太歲服之三年流光下映徹照六府五藏通

明面有玉光九年飛行上造月庭

三素飛精扣仙上符秋分日黃書竹膜上清

旦西向服之三年五嶽仙官來到上真形見

中士淹藹若見若亡下士夢睡與仙共言九

年得仙官雲輅來迎上造日庭

黃華石景內化靈符以本命之日青書竹膜

之上向本命服之三年頂生金光先光照一里

九年與月夫人共言飛行太空上造月庭

右出洞真八素真經

日魂練精陰符以冬至日夜半黑書青紙上

投水中沐浴一身血精並被練化致日精於

紫景降飛華於八竅練五府於玉池運光身

於廣寒又黑書青繒佩身八年身發金光項
有圓明真人下降授兆真文飛行太虛上昇
廣寒之宮

右出洞真黃氣陽精經

昇日門

右飛華日景玉胎靈符以本命之日朱書竹

膜之上向本命服之三年流精紫光洞照身

形面生金容九年飛行太虛上造日門

陽精飛景玉符太歲之日朱書竹膜上向太

歲服之三年胃管通明真暉充溢填靈玉戶

面生日光七年飛行上造日門

右出洞真八素真經

八鍊金治化仙真符以立春之日黃書青紙

投水中沐浴則通身鍊化招日月之玄暉降

真人於玉庭并黃書青繒佩身八年與真人

交言降致雲與飛昇金門之上

八鍊丹胎玉符以立夏之日正中丹書黃紙

上投水中沐浴則內外鍊化招仙根於陽精

致黃氣於黃華迴日月以玄映感真人於玉

宇又丹書黃繒佩身八年真人下降授兆真

文飛行空玄上昇洞陽之宮

龍景九鍊之符以立秋之日晡時青書白紙上投水中沐浴則骨髓鍊變招玄暉於紫景致陽精於飛根納黃氣於水母降真人於紫軒又青書白縉佩身八年頭有日圓之明飛行太虛上昇廣靈之堂

求仙之道當以夏至之日夜半入室南向眠

坐任意閉目內思月中丹光夫人姓某諱某

形長八寸八分頭作類雲之髻著丹錦飛裙

口銜月光下入兆身心終宮之中須臾月光

散為黃氣而降一形夫人在月中央採空青

之華散拂黃氣之中口吐陽精赤氣以灌兆

形從內而外黃赤二氣更相纏繞洞映一身

夫人以紫書丹字六音授於兆身使引黃氣

二十四咽引陽精十二咽止叩齒二十四通

仰呪曰

流火萬頃洞陽之精陽安之館三華玉城金

仙內映八素四明九曜降氣元上高靈夫人

降香散華玉清丹書紫字結音空青蘭池玉

潤流麗八冥朱光流翳普天鮮榮迴震曲曜

映監我形形與宋日同死同生乘空駕屋駭

御飛駟玉女弼位金童輔靈翠羽輕蓋上造

帝庭單咽氣二十四過咽液十二過止便服

紫書丹字行此道八年夫人授兆丹書真文

日中玉璫今兆飛昇上造洞陽之宮

右出洞真黃氣陽精經

无上秘要卷之八十八

卷八十九至九十原缺

無上秘要卷之九十一

孔一

昇太極官品

太極鍊變定真靈生符舊文出太上變化空

洞第一玉景篇中藏之太極大宮

諸行道求仙思神存真謝罪解過上希神明

感會之恩當以立春之日青華書文東向服

之一枚宿懃並散則太極記名玉簡修行八

年勿失一節太極給玉童八人存懃感會天

真下降得見神形致八景之與飛昇太極宮

右出洞真八道玉景隱符

上真中元六甲陽生變化靈符此則上甲陽

靈之精化生玉文以輔上真高展變化八方

之氣通神招真保命長存服之八年則太極

上宮玉童九人給兆通靈召八景雲與迎兆

飛行上造太極朱官上真變化下元化生八

景神宮以輔學者之身有知上真寶名官府

鄉居服御靈符以招八景之氣以降上真之

形下映兆之身招靈致氣役御千乘萬騎之

官服符修行八年則高上感悅真靈降見致

八景神官飛雲羽蓋還兆昇清變化八方上

造太極宮此九天靈文授宿有金簡玉名於
太極之人得見其篇目生死獲仙輕淺至諱
罰以九天刺殺身將充濛山之役也

右出洞真變化七十四方經

道言夫輪轉福慶不滅不生而好學宗奉師

寶與道結緣世不絕皆由先身積行所致

如此法輪上士勲尚廣開法門先人後身故

度國王損口拯之標形衣寒仁及鳥獸惠逮

有生恭師奉法恒如對神長齋苦思精研洞

玄吐納氣液心灰意懇到素色累萬想都泯

情和氣柔人神並惟如此之行一滅一生志

不退轉尅成上仙三師備足身登太極位加

仙卿無量妙通思念轉神偈頌

妙通轉我神 弘普無量功 道成天地劫

轉化發九重 滅度更生死 緣對各有宗

熟悟去來幸 形魂無始終 積慶籍福基

身拔五難峰 脫離三惡道 蕭蕭入閻堂

念度無邊境 思定感神通 法輪三度揚

輔成高仙公 迴我大椿步 飄昇太極宮

太上玄一真人告仙公曰吾受太上命使授

子勸戒妙經演法說教事妙極此其文秘於
太上紫微宮中自非仙公之任其文弗可見
乎今說其戒以戒子仙子宜寶錄勤行道成
當更迎子於太極宮也仙公稽首受戒而辭
去也

右出洞元真一勸戒法輪妙經

昇太微宮品

太上曰真人所以貴一為真一者一而已矣

一之所契太無感化一之變適天地冥合是

以上一為身之天帝中一為絳宮之丹皇下

一為黃庭之元王而三一之真並監統身中

二十四氣氣以受生生立一身上應太微二

十四真真氣和品物成形神氣渾分紫房

香冥夫氣者結虛煙而成神也神者託三一

以自生也變化者三一之所造得化者皆由

神以自隱混黃相成得玄之極三一元君各

有真氣真氣結成自為千乘萬騎雲車羽蓋

常以內入紫宮以登玉清列係元圖化胞保

胎三一養身得為真人飛行九霄受事高上

所以一之所濟者乃生乎天地也非但蜉蝣

蟪蛄小事而已子若能守之彌固則精應感
暢精應感暢則三元可見三元可見則白氣
鬱變白氣鬱變混分自生即千乘萬騎忽焉
至矣羽蓋可御雲耕可乘爾乃白日升天上

造太微太微天中有二十四氣混黃雜聚結

氣變化有時忽爾而分恍然生也化氣中生

有二十四真人結虛生成不由胞胎皆三一

帝皇之氣所以致分道變化託玄立景矣既

能守身中三一則太微天中三元帝皇之真

君而降見於外亦與子面言也

身中復有二十四真人亦體中玄氣精靈所

結而造致分化而造萬也若雲耕既至合氣

晨景以登太微太微二十四真人俱與身中

神明合冥於混黃之中共景分於紫房之內

託形氣於千塗迴者艾以及嬰改死籍於北

鄭受長存乎帝鄉出入玉清寢止太微

若單得受一道者則三元不備但注心於一

亦可長生不死得入泰清而已不得遊景太

微之天北登上清之宮
右出洞真大丹隱書經

太微靈都幽昇符舊文出太上變化空洞第
六玉景篇中藏之太微觀

諸行道求仙思神存真謝罪解過上希大帝
大聖尊神原赦宿罪之恩當以秋分之日白
筆書文西北向服之六枚則衆神削除罪名

注算玉簡司命度生保命神仙修行八年勿
失一節大帝給玉女十二人通真致靈神人
下降所願皆成致六景之與飛昇上清太微
宮

右出洞真八道玉景隱符

始生上真下元陰陽變化二符青書上符白
書下符以立春日先服下符後服上符秋分
日先服上符後服下符臨服符時叩齒十二
通微祝曰

二精上靈通神致真招景八氣下降我身千

乘萬騎呼喻成煙玉景徘徊三宮布神內外
齊合飛凌九天變化帝晨朝謁玉尊舉仰嚙
八氣止行之八年上真曲映八景見形萬騎
神官將兆飛行上入太微之宮

右出洞真變化七十四方經

上真中元陰極變化靈符此則太甲洞陰極
之精以輔上元中真八景神官上通天真下
降人身招靈致氣千乘萬騎之官服之八年
則靈飛玉女八人降形使令致靈丹芝英變
化之衍召八景之與昇兆飛行上登太微之
宮

宮

始生上真中元陰陽變化二符青書上符白
書下符以立春日先服下符後服上符秋分
日先服上符後服下符臨服符時叩齒十二
通微祝曰

上甲真父真母合靈二氣交灌六元化生八
景洞神變化上清迴真曲降來鑒我形使我
得乘八景之與飛昇太極雲庭畢仰嚙氣八
過止行之八年將感八景神官降見運爾上
昇太微之宮

右出洞真青要紫書金報上經

學者當明中真寶名宮府鄉居服御靈符以
招八景之氣上降中真之形下映兆房招靈
致仙役御千乘萬騎之官服符修行八年則
高上感悅三部八景神官降見兆身致八景

雲與運兆昇清變化八方上昇紫微宮方諸
東華也其文法投有宿名東華金簡玉宇之
人自無此挺不得參聞見其篇目皆九祖昇
仙輕洩漏慢身充風刀之考九天刺姦罰爾
年命也

中真變化下元化生八景神官以輔學者之
身學者宜知中真寶名宮府鄉居服御靈符
者以招八景之氣以降上真之形下映兆身
招靈致氣役御千乘萬騎之官服符修行八
年則高上感悅真靈下降致八景神官飛雲

玉與迎兆上昇紫微之宮其道高妙不行下
世得者生死獲生輕洩靈文罰以風刀之考
充役河源也

中元散二十四氣化生三氣八景洞真二十
四神官下治學者之身中元官中赤混氣變
化憑虛而生也皆有千乘萬騎鎮衛身形若
存天真於心自招靈顏於寂房則三八部神
不移年而見形玉童玉女立可使令八年之
中千乘萬騎克致八景玉與運兆上昇紫微
之宮也凡修九真八道而無此文亦當絕思

中元散二十四氣化生三氣八景洞真二十
四神官下治學者之身中元官中赤混氣變
化憑虛而生也皆有千乘萬騎鎮衛身形若
存天真於心自招靈顏於寂房則三八部神
不移年而見形玉童玉女立可使令八年之
中千乘萬騎克致八景玉與運兆上昇紫微
之宮也凡修九真八道而無此文亦當絕思

於玄尚無煩徒損口目之功也故二十四神
在人身中上招二十四真中安二十四宮下
通二十四氣一神不鎮則萬神不安宮宅空
廢赤子飛揚邪魔來入萬病並生學不知此
仙焉可蒙千乘萬騎焉可得致八景之與焉
可得乘乎

上真下元陰生變化靈符此則北方玄陰之
精化生靈文以輔上元下真八景神官上通
天氣下輔學者身招真致靈千乘萬騎之官
服之八年則太玄玉女八人降形使令致九
天真書玉嶽神圖召八景玉與飛行上清其
文秘太微上觀依玄科四萬劫一出

右出洞真變化七十四方經

通靈次精八史圖

上部第三真氣

三景吐靈華晃朗八門開中有智慧神被服
飛天衣八史通靈氣玉符洞精微寶雲映玉
字巨獸振天威煥爛八會宮紛紛靈人飛精
思招真氣五符生光輝八景策玉與登空入
紫微

右出洞元靈寶二十四生圖經

無上秘要卷之九十一

無上秘要卷之九十二

北二

昇上清品上

夫欲騰身九清宴景南軒迴玉珮於明堂引
金璫於泥丸降魂真於展燈招飛景於帝君
凡行此道以暮卧兩手撫心閉目內思存玉
珮青陽之氣光色氾沲如日月之圓虛映光
身洞達魂精帝君姓闕元諱開明形長九寸
頭建紫冠披珠繡華帔飛錦青裙帶月銜日
乘御青鳥在青光之中下降兆身安鎮泥丸
兆當叩齒九通嚙液二十七過陰呪曰
玄元太虛九天魂精晨燈朗映結氣沆青號
曰玉珮洞曜大明帶月銜日建符執鈴華光
流煥普天鬱冥乘青控翮丹轅紫耕先宴三
元迴降我玄鎮在泥丸下流黃庭檢魂制魄
萬神安寧五藏結絡九穴華榮八景騰飛昇
入玉清畢以手按額髮際九過拭目二七過
嚙氣三過止便卧如此則魂安魄寧萬神鎮
宮內固靈氣外塞邪源八景變化鍊真受仙
九年尅能洞觀幽窮逆究未然坐在五亡與
神返顏一十八年道成降真飛行上清

右出洞真玉珮金璫太極金書上經

紫書丹字月魂隱音皆書月中西境審樹之林結自然之書也

皇上諧天人皆以春分之日採紫書丹字而服之得服此六字則炎光映兆之身月中玉

珮七寶可得而明當以春分之日晡時白書

黃紙上服之叩齒十二通微呪曰

太暉曜中天明霞煥金房玉宇羅慶雲丹書結成叢飛歌散朱林窈窕太漠中靈音自然

唱微辭八素宮諸天嗽金香流津灌我容靈同天人德皇上降紫童運我凌九虛上造朱

月宮畢燕氣二十四過止又丹書紫上佩頭三年則生自然紫光映兆之形飛行上清

求仙之道當以春分之日晡時入室西向眠坐任意閉眼內思月中青光夫人姓諱形長

九寸頭作頰雲之髻著錦雲飛羽之裙口銜

日光下入先身兩目之上須臾月光散為黃氣流布一形夫人在月中央採審林之華散拂黃氣之中口吐陽精赤氣以灌注兆形從內而外黃赤二氣更相纏繞洞映一身夫人

以紫書丹字六音授於兆身便引黃氣二十四嚙引陽精十六嚙止叩齒二十四通仰呪曰

金治八鍊丹池浩淵玉膏滂沱流灑八審黃氣鬱昇陽精結煙採華蘭庭飛裙詵詵夫人

嗽香皇上灌津柔景時融閔市諸天丹暉八朗光明洞鮮迴曜曲映下降我身得與月魂

長保靈年乘空駕浮之造無間止嚙氣二十四過嚙液十六過止便服紫書丹字行此道

八年夫人授兆身丹字真音月中飛華以拂兆身也面有金容飛行上清

右出洞真黃氣陽精經

高聖帝君曰欲記名玄簡騰身上清之法當

以三月三日上合之時沐浴清齋食時入室燒香北向九拜朝禮玉天畢北向叩齒十二

通思齋堂之內有紫氣之雲虛生鬱勃冠而

一室存五老仙伯在紫雲之中披飛青羽帔冠通天玉冠手執青文之籙司領仙玉郎著雲錦之袍冠七寶玉冠手執白銀之簡思見二真為我記名於白簡之上結錄於青文之

編以我簡錄付監真使者定錄於左仙上疏九天帝王七聖凡下簡錄定名五老仙伯領仙玉郎化入我身洞房之中微呪曰

天元慶吉上合六陳九帝命靈七聖敷真空玄記錄東華結篇名勒帝簡永保上仙音韻

相和我體自然紫胞玉秀瓊琅內鮮面彩金暉骨化如銀奇毛異色上下纏綿玄降九霄

迴天紫軒六領五龍飛昇帝庭三元合慶得如所言畢又七拜禮七聖嚙七氣止行之七

年真人見形自注簡錄降致三元乘空虛昇行上清

高聖帝君曰欲書名太極白簡青文飛行太極之宮者當以三月三日青書白簡青文十

音向辰上服之叩齒十二通微呪曰三合成契玄綱總辰五體法圖玄簡青文名

題太極位准上仙三元已布六氣敷陳金音

玉字我欲自然得乘飛景上造帝晨畢燕氣十過向辰四拜朝太極四真止行此九年太極書名四真下降授兆真文自解明音飛行上清高聖帝君曰欲書名玄宮上元青金赤

書隱文飛行玄宮之上當以八月八日青書
青金赤書十音向西方而服之叩齒九通微
呪曰

天迴氣布四綱正方三五結終九道成叢青
金赤書文耀太空玄圖垂音八達四通洞得

幽微朗觀無窮得朝三元進登紫房出入三
清長保華元畢嘖氣六過六拜朝玄宮上真
止行此九年則上元刻書青金赤書隱篇自
然解曉究幽窮微與神交通乘虛飛行上昇
上清

○ 右出洞真七聖元紀經

黃帝招靈致真攝魔之符朱書黃木版上令
廣九寸長一尺二寸置室中央修行誦經入
室百日與神人共言三年室生自然黃霞之
靈欲致天仙當書如法著符南面精思百日
真人降形仙人詣房授子神真人道兆欲攝
魔當書如法以著北面誦太空之章一篇則
北帝操兵天魔喪形萬精滅影內外肅清又
朱書黃縑九寸佩身八年帝遣徘徊之輦下
迎兆身上昇上清

右出洞真致真攝魔之符經

始生中真下元陰陽變化二符朱書上并黑
書下并以立夏日先服下符後服上符冬至
日先服上符後服下符臨服符時叩齒十二
通微呪曰

紫元交泰二氣合靈太一變神洞元開生陰
陽導養營鍊光明上灌下溉六度吐精迴真
曲映來降我庭通幽徹視朗觀神形八景翼
仙使我道成變化玄應坐起三清長齊天地
萬劫不傾卑仰嘖八氣止行之八年上真八
景冠降先身飛行上清

○ 右出洞真青要紫書金根上經

上真下元陰生靈符此則北上玄陰之精化
生靈文以輔上元下真八景神宮上通天氣
下降學者身招真致靈千乘萬騎之官服之
八年則太玄玉女降形使令致九天真書五
嶽神圖召八景玉與飛行上清

○ 右出洞真變化七十四方經

梵摩迦夷天魂精秘音內諱玉珮正陽之符
則梵摩迦夷天正陽之氣主合玄谷宮上真

內神黃書白素佩身又書白紙本命八節日
服之內恩玄谷宮上真三年審定刻見真形
取一十八年得乘八景雲輿飛行上清

○ 右出洞真九真陽符

六月受鬱單無量天之氣當以其月九日旦
十九日正中二十九日夜半一月三日三時
香湯沐浴入室燒香西北九拜朝元父東南
三拜朝玄母還向月建平坐叩齒三十六通
閉眼思鬱單無量天王姓混諱霜霜霧羅衣九
色無縫自然斑文之裘頭戴耀精日圓冠乘
九騎瓊輪從玉仙二十四人下入兆身絳宮
之中存見赤色之雲氣鬱鬱冠而兆形良久
口引雲氣九嘖微呪曰

九天之氣氣已滿充安置八景羅列三宮萬
神備位靈真交通司命定錄太一扶將三五

齊契運觀太陽三變九轉返我帝鄉金與瓊

蓋夾引玉光來降我身安我金堂與我相保

與我同翔騰飛太玄上宴帝房畢嘖氣九過

止如此三年心生五華萬氣變化觀幽察冥

與神共言九年得乘八景飛行上清

與神共言九年得乘八景飛行上清

右出洞真九丹上化胎精中記

十月十一月四月八月朔日平旦向王再拜以東流水服琅玕華丹一兩即頭主七色之氣面有金華玉映閉氣則立致八玄之與唾地則化為飛龍左嘯則神仙立朝右指則三

素合風千乘萬騎飛行上清

右出洞真太微靈書紫文上經

中央大黃萬始玉符先欲致黃帝玉司君當以太歲本命之日向歲上赤書黃紙服之赤書黃繒佩之九年玉司若削兆死過度兆生宮遣黃霞飛軒下迎先身上昇上清之官。

右出洞真四極明科

四十五念功齊天地數法自然福履無量轉神入妙通微究玄同體道真忘念既定則坐降雲龍八景玉輿上昇上清

右出洞元法輪經

玉清鬱悅那林昌玉臺天九輝太晨隱書金玄內文

凡修神仙之道當以白書青版上置東方以滅青帝大魔王官屬招致東方仙官行之九

年則青真上聖皇上天人降形於兆身彼使仙官取自然靈藥又以白書青繒佩身行東方則致安大堂鄉納善之世界大魔王東帝稽首禮迎仙官侍衛入東嶽則致青雲羽蓋九年飛行上清

右出洞真高上金元羽章玉清隱書經

六素飛精通靈玉符以立夏之日朱書竹牒之上清旦東南向服之一年日中童子見行三年與形神共言九年九空真人授非真經變化八方坐在立亡飛行上清

八素飛精玉符以立春之日青書竹牒之上向東北正中服之二年九孔通明三年神華

內鮮九年與真合靈飛行上清
登飛木星之道歲星圓鏡木精玄朗東陽之

際星中有九門門中出鋒芒鋒芒光垂九百

萬丈一門輒有一青帝凡九青帝並備門奉

衛於中央青皇真君星中央有始陽上真青皇道君諱澄瀾字清凝夫人諱寶容字飛靈治在木星之內鎮守九門運青光流鋒以照上下之真欲飛登之法常思見歲星宮正心

視星以右手撫心而禮之左手掩兩目乃九閉氣又叩齒二十七通嚙液九過使目閉於手下心呼歲星中真皇之君夫人名諱字三過畢曰願得與始陽青皇真君夫人共乘八景碧輿上登太上宮言畢乃開目於手下

向星微祝曰

天光交和精流東方仰望九門飛霞散鋒始陽碧臺中有青皇青牙垂暉映照九方鬱祭夫人字曰飛雲齊服雲錦龍帔虎裙腰帶鳳符首中華冠出無入虛遨遊太元前策青帝

後從千神來見迎接得為飛真上登玉清高上之房祝畢去手臨目對星服星之光二十七吞存視星九芒使盡來入喉中也都畢又叩齒三通常行之十四年木星中青皇太君奏聞高上玉清宮刻太微籙簡定名玉書位為上清真人

木星有九門門內有九青帝其一帝輒備一門以奉承於中央青皇上真大君也青皇者東方之上真始精之尊神也出入玉清與高上為友也其門內青帝或號青靈之公或號

青神或號青帝

飛登火星之道火星玄鏡丹精映觀南軒星中有三門門中出三鋒芒鋒芒光垂三百萬丈一門內輒有一赤帝凡三赤帝並備門奉衛於南真上皇真君星中央有丹火朱陽赤

皇上真道君諱維淳字散融夫人諱華瓶字玄羅治在火星內鎮守三門運赤光飛芒以朗天下之真人也欲飛登之法思見愛感星當正心視星左手撫而禮之右手掩口乃三閉氣叩齒二十七通嚙液九過臨閉兩目心

呼愛感真皇君夫人諱字三過畢曰願得與丹火赤皇君君夫人共乘八景丹輿上登玉清宮畢乃向星微祝曰

玄象流映丹光南冥仰望三門朱雲絳城中有丹皇名曰維淳夫人內照是為華瓶齊服雲霜鳳華龍鈴腰帶虎書首中飛青出入

玄翔邀五城前導赤帝後從六丁來凡招延得真之名上登虛玄金書玉清祝畢云手勿復掩口故臨目視星服星之光二十七吞存令星三芒盡來入喉中都畢又叩齒三通常

行之四年愛感星中赤皇上真道君奏聞三元玄上官刻玄圃瓊簡定名金書位為上清真人

愛感星有三門門內有三赤帝其一帝輒備一門以奉屬於中央赤皇君也赤皇者南方之上真丹宮之貴神出入玉清與三元上皇為友也其中有赤帝君者或號赤靈之公或號曰赤神或號赤精或號赤帝並受事於中央赤皇上真大君

飛登金星之道太白星圓鏡金精煥曜西辰太白星中有七門門中出七鋒芒鋒芒光垂七百萬丈一門內各有白帝凡有七白帝並備門奉衛於西真上皇道君星中央有太素少陽白皇上真道君諱家凌字振尋夫人諱

颯英字靈恩治在金星之內鎮守七門運白光飛精以映上真人欲飛登之法思見太白星當正心視星以右手撫心而左手掩兩鼻孔乃七閉氣又叩齒二十七過嚙津九過臨閉兩目心存太白真皇君君夫人諱字三通畢曰願得與太素少陽君君夫人共乘八

景素輦上登玉清宮畢又向星微祝曰七氣艷飛光照西方仰望七門靈關激鋒素暉燭映德標金宗中有少陽號曰白皇夫人靈恩治在玉房齋服結錦流鈴虎章首中扶晨腰珮金璫出空入虛遊步玉剛前導白帝

後從六庚來下見迎北登墉官名書上清得為真公祝畢去手勿復掩鼻故臨兩目視星服星之光芒二十七吞存令七芒盡來入喉中都畢又叩齒三通常行之十四年太白星中少陽白真人皇君奏聞太帝玉皇宮刻上清金闕定名玉簡位為上清左真公

太白星有七門門內有七白帝其一帝輒備一門以奉屬於中央白皇道君也白皇者西方之上真太素之尊皇出入玄清與皇初道君為友也其門白帝君或號曰白靈之公或號白神或號白精或號白帝之君並受事於中央白皇上真大君也

飛登水星之道辰星圓鏡水精洞映北冥辰星中有五門門中出五鋒芒鋒芒光垂五百萬丈一門各有一黑帝凡五黑帝並備門奉

衛於北真上皇星中央有太玄陰元黑皇道君諱啓啞字精源夫人諱玄華字龍城治在水星之內鎮守五門之中運玄光流明之氣以朗曜北元之庭當為真人者欲飛登之法思見水星正心視星以兩手撫心舉兩手以掩兩耳乃五閉氣又叩齒二十七過嚙液九過臨閉兩目心呼辰星真皇道君君夫人名字三過畢曰願得與君君夫人共乘八景蒼輿上登上清上元宮畢又向星微祝曰五氣玄飛光流北方仰望五門蒼闕鬱繁激芒達觀靈映景雲中有黑皇厥字精源龍娥紛萬俱理玄關齊服蒼帔紫錦飛裙腰佩虎符首中蓮冠出凌九虛入響玉津前導黑帝後從六壬來下見迎上登紫房名書太上得為玉真祝畢去手勿復掩耳故臨目視星光芒二十七過存令五芒盡來入喉中都畢又三叩齒常行之十四年辰星中太玄上星真君奏聞高上宮刻琳房玉札定玉清紫文位為上清真公辰星有五門門內有五黑帝其一帝輒備一

門以奉屬於中央玄皇君也玄皇者北方之上真太玄之尊君出入上虛與紫精道君為友也其門內黑帝或號為黑靈之公或號為黑神或號為黑精或號為黑帝君並受事於中央太玄黑真上皇君

飛登土星之道鎮星圓鏡主精鎮蔭黃道鎮星中有四門門中有四鋒芒鋒芒光垂四百萬丈一門各有一黃帝凡四黃帝備門奉衛於鎮元黃上真君也星中央有黃中真皇道君諱藏睦字既延夫人諱空瑤字非賢治在鎮星之內鎮鑿四門運黃裳流氣朗映中元照時學真者欲飛登之法思見鎮星正心視星以兩手撫心而禮之畢舉左手以掩洞房上乃四閉氣又叩齒二十七過嚙液九過臨閉兩目心呼鎮星真君夫人諱字三過畢曰願得與中央太皇道君君夫人共乘八景黃輿上登上清宮畢又向星微祝曰四氣徘徊合注中元仰望九極傍觀四門黃臺紫房垂鋒散芒靈光鬱散天華落盆中有黃皇厥字既延夫人潛德是為非賢理命和

氣導玄灌元齋服黃雲龍錦虎裙腰佩金符首巾紫冠出凌玄虛展光金門前導黃帝六已衛軒來下見迎上登天關金書太上琅簡刻名飛行太空得為玉卿祝畢去手勿復掩洞房上故臨兩目視星服星之光二十七過存令四芒盡來入喉中都畢又三叩齒常行之十四年鎮星中黃上真皇奏聞太上宮刻署玉臺碧簡定九玄丹文位為上清真公鎮星中有四門門內有四黃帝其一帝輒備一門以奉屬於中央黃真皇君也中央黃真上皇者中極之高尊出入太微與皇初道君為友也其皇帝守門或號曰黃靈之公或號黃神或號黃精或號黃帝君並受事於中黃上真之君也一夕服五星令常周徧春服星光以東方為始夏服星光以南方為始隨王月以玉星為先星行不必在方面亦隨星所向隨行天陰無星之時皆於寢室施行同存五方也真人云在室內存星亦不異於見星也勿謂不見星而當廢之也此太上之隱道登晨之

秘法也

吞服星光時當悉存星真上皇上皇夫人
乘光中來下入口嚙之臨目彷彿如有其形
也恒修太上隱法招存五星之上皇者五年
之內髮鬚形見七年覩見與之同行十四年

五星一合來下共乘玄華之輿三素紫雲前
導五帝後從萬真五星携之共載白日登晨
上朝玉清受書為上清真人

右出洞真八素真經

東嶽青帝內思甲乙入木九赤班符東方青
帝君姓常諱精萌頭達九元通天冠衣青錦
恍若錦飛裙佩太上九氣命靈之章帶翠羽
交靈之發常以立春之日乘碧霞九龍雲輿
從青腰玉女十二人手持青林之華九色杖
捲遊行東嶽太山投定真人仙官錄札時詣
東海水帝考筆學道功過罪目迴降佩符者
身學者服其符以招其神存其氣以降其真
求則水帝之簡上名玉札之篇當以立春之
日平旦沐浴齋入室燒香服甲乙入木九
赤班符行之九年則能書符投山山降雲雨

條歎奄冥書符投水水上蛟龍能入萬丈之
淵如行人中書符於木削之不滅其文轉明
帶符抱木身成山林東嶽衛以仙官十二人
行之十八年則能飛行上清
北嶽恒山君常以冬至之日列奏真仙已得

道始學之人名錄上言高上帝君錄校玄名
區別功過修飛仙之道當以其日夜半沐浴
齋戒入室燒香北向思恒山君姓伏諱通萌
頭達五元寶晨玉冠衣黑錦飛裙披玄文明
光之裘帶交靈紫綬乘玄霞飛輪從北嶽仙
官十二人悉乘飛龜手把五色華幡西北而
迴上登無崖之上玉清之天徘徊空虛之內
黑雲之中當叩齒五通心言今日上吉八節
迴還道君曲躬來降我身領掌命錄長保天
年畢思恒山君乘黑霞飛輪下降先房黑氣
勃勃霞滿一室君在黑氣之中手執紫簡注
上我名於紫簡之房微呪曰
玄陰迴靈乘自御晨五氣總真普統群仙案
景上官徘徊雲陳由降監映來我房軒書名
玄簡記上玉篇使我道明洞微入真制命五

靈封河召山降龍起雨導雲興煙飛霄輕輪
昇入帝晨畢仰嚙五氣正修之九年則恒山
君為兆降致黑龍雲輿給以仙官五人招北
方神真靈藥洞明北方未然之事吉凶之兆
行之十八年飛行上清

右出洞真九赤班符五帝內真經

青帝甲乙通靈玉符空青書絳繒佩身又以
甲乙日青書絳紙上東向服一枚三年甲乙
青腰玉女降見先身通靈知東方萬里之事
致東嶽仙官送自然之廚九年青帝自降於
寢房迎以青霞飛輪上身上清宮
赤帝丙丁通靈玉符朱書黃繒佩身又以丙
丁日朱書黃紙上南向服一枚三年丙丁赤
素玉女降見先身通靈知南方萬里之事致
南嶽仙官送自然之廚九年赤帝自降於寢
房迎以絳霞飛輪上身上清宮
白帝庚辛通靈玉符白書黑繒佩身又以庚
辛日白書黑紙上西向服一枚三年庚辛白
素玉女降見先身通靈知西方萬里之事致
西嶽仙官送自然之廚九年白帝自降於寢

房迎以素霞飛輪上昇上清宮

黑帝壬癸通靈玉符黑書青縉佩身又以壬癸日黑書青紙上北向服之一枚三年壬癸玄素玉女降見兆身通靈知北方萬里之事致北嶽仙官送自然之廚九年黑帝自降於

房迎以玄霞飛輪上昇上清宮十六

黃帝戊己通靈玉符黃書白縉佩身又以戊己日黃書白紙上向太歲服一枚三年戊己黃素玉女降見兆身通靈知中央萬里之事致中央仙官送自然之廚九年黃帝自降於房迎以黃霞飛輪上昇上清宮矣

右出洞真素奏丹符靈文

無上祕要卷之九十二

無上祕要卷之九十三九十四

昇上清品下

孔三

夏三月九元上虛皇君則變形為九日更相累連光明流曜映照上清思之還返真形修行上虛皇君之道常以冬至之日入室北向

拜朝虛皇君畢叩齒三通思虛皇君隨四時形景在玉清七寶宮北元府恬水鄉上善里中迴真下映入兆兩腎幽關之中便呪曰

玄寂通微散精虛皇三元混合飛仙流光神童溉灌玉女散芳元父交慶福祚我當八景輔翼五老降房得觀上靈接顏仙王永享固極仰飛太空輕羽飛行昇入上宮畢仰嚙十氣止此玄寂上道秘於太上六合紫房依科萬劫一出玄授上仙之人得者神仙行上清也

玄寂九元無上虛皇君元飛皇之氣諱字形長五千萬丈

冬三月頭建飛天紫冠衣五色斑衣虎裘佩流金之鈴帶交靈素綬立玄龜之上在玄雲之中光明煥煥朗照上清思之還長五寸五

分

春三月九元上虛皇君則變形為老人頭建黃巾身衣玄羽之衣手執金戟足立紫雲之上思之還反真形

秋三月九元上虛皇君則變形為黃黑二色之光光明奔照明北方此則反玄寂之氣更受鍊元飛皇之精思之還反真形

右出洞真元始變化上經

春分之日月宿金門之上金門之上則有通靈之門也以其時月於金精冶鍊之池受鍊於石景水母瑩飭於華光當此之日灌陽精於金門納黃氣於玉泉皇上真人諸天人皆以其日採壽樹之華以拂日月之光月以黃氣灌天人之容故春分之日萬氣並溫神景偕和黃氣陽精降接之時也

求仙之道當以春分之日晡時入室西向眠座任意閉眼內思月中青光夫人姓諱形長九寸頭作頽雲之髻著青錦飛雲之裙口銜月光下入兆身兩目之上須臾月光散為黃氣流布一形夫人在月中央採壽林之華散

拂黃氣之中口吐陽精赤氣以灌注於兆形
從內而外黃赤二氣更相纏繞洞映一身夫
人以紫書丹字六音授於先身便引黃氣二
十四嚙引陽精十六嚙止叩齒二十四通仰
呪曰

金冶八鍊丹池浩淵玉膏滂沱流灑八審黃
氣鬱昇陽精結烟採華蘭庭飛樞說夫人
漱香皇上灌津柔景時融閣而諸天丹暉八
朗光明洞解迴曜曲映下降我身得與月魄
長保靈年乘空駕浮之造無間止嚙氣二十
四過嚙液十六過止便服紫書丹字行此道
八年夫人授先丹字真音月中飛華以拂先
身也面有金容飛行上清

右紫書丹字月魄隱音題月東境窳林之樹
樹葉結自然之書也得服此字壽萬年施日
月之道乃有數十法至於此音秘不行也輕
洩身見世負風刀之考七祖充無極鬼責三
塗五苦萬劫不原當以秋分日平旦東向丹
筆書紫紙上服之叩齒十二通微呪曰
玄暉明白紫氣豔光鬱颺乘日四六相通外

拂朱華內結八芒紫道流煥我身逸充得乘
景輿上造帝堂畢嚙氣二十四過止又丹書
生紫上佩頭三年頂生紫光三人得給玉女
六人口受靈音妄洩之人死沒鬼官百年有
金名玉字之人得傳一人秘則神仙飛行上

清

凡學道之士服日月之道當以立夏之日正
中取真珠八分又丹書八鍊丹胎玉符黃紙
上投於清水之中向南沐浴臨盆叩齒二十
四通微呪如立春之文畢引氣八嚙止還室
內燒香以鍊丹和紫粉囊諸粉以粉身摩兩
手合熱拭面及通身首而叩齒九通瞑
目握固思日光紫氣累重下灌己身思已在
日景之內日景迴己身上昇洞陽之宮在空
青之林流火之庭思南極洞陽真人諱融珠
形長八寸衣絳章單衣頭戴日精通陽之冠
口吐赤氣勃勃如火之炎以燒己身須臾嘔
取青林之華以與己身已食華味甘覺體而
熱嚙氣八十過止微呪曰
日景耀羅綺合玄阿流火洋洋萬津揚波空

林鬱青金翅婆娑八鍊朱母芳芝恬和金闕
四張皇人之家靈暉吐精仰嘔飛華左鬱玄
上右策命魔身登高臺遊盼綠那八景翼霄
紫瓊丹霞氣同玉真命齊靈柯長宴元玄路
無傾嗟畢便服八鍊丹胎玉符嚙氣八十過

嚙液三十六過止

行此之道暮卧又當以立夏之日始至立秋
以兩手摩心上左右各八十過思日在心中
月在心下日月二光映照而身叩齒十二通
呪曰

朝遊青林夕宿高臺流火萬文受鍊玉胎魂
寧魄悅萬神熙熙極日永月三光齊畢便
卧行此八年則身入火不然而有朱容得與
融珠面共語言降致丹霞飛行上清
右出洞真黃氣陽精王道順行經

上無二十四氣結成二十四官府鄉里名號
置二十四帝尊處於玉清之上無崖之巔空
洞之內太虛之中帝君憑虛而生感靈和而
為人官府皆結玉氣而成號以輔上元上真
光明洞曜虛映上清二十四帝以立春秋分

之日服御始生之氣鍊真變神下降學者真
 人之身是其日常清齊沐浴燒香入室先思
 青氣從左右目中出白氣從左右目中出二
 氣混合翁鬱相覆滿於一室思己身在二氣
 之中見神真形每令分明審定先色便行服
 御呪說之辭也極思寂注勿異念也所以專
 則致感精則致妙故能迴紫輶以扇空駕飄
 輪以上昇也自無太極金名玉字不得知聞
 見其篇目皆玄挺應會剋成上仙秘則靈降
 洩則禍累上元散二十四氣化生三部八景
 二十四元洞神官下治學者之身上元中官
 中亦混氣變化憑虛而生也皆有千乘萬騎
 鎮衛身形若存天真於寂室精思神頽於靈
 宇則三八部神安鎮官府不移年而神見玉
 童玉女立可役使八年之中千乘萬騎必共
 致八景玉輿載兆身飛登上清之宮也
 太素三元君乃一真之女子則三素元君之
 母也太素元君虛結空胎憑華而生誕於高
 上上清寶素九玄玉皇天中厥諱正蒼條宇
 雲淨嬰頭連寶瓊扶晨羽冠服紫氣浮雲錦

帔著九色龍錦羽裙腰帶流金火鈴虎符龍
 書坐於太空中騰下常有丹綠青三素之
 雲雲氣冠覆元君之身夫欲行飛仙之道佩
 三元玉檢之文當以夜半時於窈室之中北
 向瞑目叩齒三通存思太素三元君服色諱
 字乘丹綠青三素璣輪從玉皇天中來下降
 室內使心拜於元君微呪曰
 三氣元精九天上靈晨暉朗曜玉華洞明三
 素飛璣丹轅綠輶八風揚輪流映霄庭招真
 致仙下降我形上願利亨單向皆成金顏華
 容內府鮮明八景扶輿骨飛肉輕上昇丹臺
 朝謁玉清畢嘖氣二十四通止開目便飄玉
 清上官瓊瑤蕭條之唱以和於形魂之氣欣
 於太素之高真唱曰
 太元連玉清 三曜洞高明 八景迴晨風
 散雲萬飛靈 圓輪擲空洞 金映冠天精
 玉華結五老 紫煙運霄輶 乘氣蕩玄房
 委順拔所經 金姿曜九霄 玉質躍寒庭
 幽童迴駭盼 老艾還反嬰 帝一固泥丸
 九真保黃寧 視野萬劫外 齊此九天傾

畢心拜嘖唾三過都止也
 上真元父結九天玉精之氣化生道一內神
 遂無為道極之官下真玄母結九陰玉靈之
 氣化生陰極內神真元中靈之官二氣上治
 九天極洞之官下治人身金門陰陽之房元
 父玄母常以立春春分之日受交虛映之氣
 散精灌靈合會天元中鍊玉仙下變形真當
 此之日普天內新為學之本當以其日沐浴
 清齋入室燒香存思二真形象諱字衣服官
 府鄉里服御陰陽二真靈符固神官於幽府
 定保錄於元圖陽離北朔之鄉陰會金雲之
 州交二氣以變鍊合陰陽以相扶則元始勒
 命於南極三真書簡於東華宛轉反香之烟
 遊觀紫霄之崖滅死結於元胞輔上真於幽
 都八景策轡三元迅虛飛行上清變化太無
 則七十四方與形合廬也
 上清變化七十四方上真始號上元上真高
 明元玄靈之氣結玉清瓊上官丹明府三素
 卿元正里號曰上三天玉童諱字頭達三華
 寶曜洞天玉冠衣青黃七變錦袍帶朱精葉

天之章佩七曜流金火鈴治玉精瓊上宮下散元九道之氣化生洞仙中元五陽洞耀洞極虛上高皇之宮下治真人之身中黃長命宮中三天玉童常以立春秋分之日服御元玄虛之氣以鍊真變神散元九道之氣以灌學真之身修飛仙之道常以其日平旦晡時夜半入室東向服上真上元靈符叩齒三通閉眼思三天玉童諱字服色乘玄虛之氣下降已身與九道之氣混合同一宮便引氣三燕密呪曰

浩浩玄虛金室瓊廬三靈啓運六元散敷流真下降授我玄符光映八圓道明恢扶金扎玉宇紫文丹書勳位九天靈真同降致綠輶飛雲龍輿飛行上清昇入玄虛長保劫年福慶有餘畢仰嚙三氣止

右出洞真七十四方變化上經

檢仙真書一名太真陰陽靈錄三元章乃三天九靈上微隱文天地有大劫之數經八千劫其文則一見三元玄臺直符三百人玉女九十一人佩者一形之神皆受號自然玉仙

也無此文則形神不變垢魂彷徨不定則神與邪交則有灰落之期形神不變則不得召仙官命上真及誦萬福玉章也萬福玉章皆九天太真萬神之隱名誦之則九天駭聽萬仙束帶身無檢仙之文而輕命仙官搖動九天仙不為降天不為納音魂飛魄散神驚氣奔宮宅振潰赤子擾喪天魔生禍身則灰亡學有此文則不修自仙太平期至奉迎聖君於上清宮自無玄圖帝簡刻書丹文不得妄告寶篇輕洩七祖充責長閑鬼官已身亡命不得入仙也

上清玉景丹靈洞天上元君三元玉檢文以授上清真人佩遊諸天檢御太空攝領群真得佩此文位同靈仙諸天敬護五帝司迎九年得三元君奉詣上清宮

受此文齋九日青筆書九尺黃縑上祭之於本命之巖然後佩身九年未昇當又祭投書於青煙之霄則得上清玉景宮給以五色雲車奉迎受者身清虛元年歲在庚寅九月九日上甲直晨元始天王清齋上清宮告盟無

上無巔無色無影無形無名無粗無宗無極洞清九玄自然無數劫道授三元玉檢文檢三天玉童使付後學有玄名應為上清真人者定名於丹臺金藏玉策紫文瓊札奉迎聖君飛行上清宮

太素三元君處於高上上清之官廣靈之室晨燈映乎玉真明光煥乎丹房三華吐曜於自然神暉洞朗於九玄慶雲翳乎玉臺飛煙鬱於紫軒明玄圖於上館理五符於胎亭布三元於太素主生籍於玉門蕭條高軒獨翫妙淵出遊霄觀則日月傾曜列燭拔根八風迴波颺蕩幽源瓊暉映朗高霄舞晨絳霞鬱敷黃雲七籟五老啓途太帝扶輪西皇聿節東華揚播九天為之巔徊大無為之起煙幽氣隱藹八景拂塵顧盼羅於無上俯仰周手百圓可謂至真之高遊妙化之難量也

右出洞真玉檢經

此派霞開明內觀玉符東向朱書白紙上叩齒十二通呪曰
太陽九道八真齊明三五迴化混合丹靈石

景玉胞朱丹之精採納飛玄來降我形長與
三晨同死俱生畢以符投於石景水母之中
右李清玉霞紫映內觀上法一名金精石景
水母玉胞經一名採服日根招霞之道

常以月生一日取東井黃華之精三升并華

水也威以金器亦佳著於中庭至月十六日

夜半令月精光玄映於黃華之中北東向書

黃氣陽精洞明靈符投著黃華器中轉西向

叩齒二十四通仰呼月魄云云凡二十四字

畢閉目存月中五色流精紫光下灌光身洞

巾一形存月中有一真人形長九寸頭戴紫

冠通身衣黃錦飛裙下在光頭上口引月中

黃華以灌溉光形便臨黃華器中映月光而

微呪曰

靈舒耀華三五洞清紫黃文降二氣混并天

元離合運度^{九三}虧盈皇芝流溢黃胎結精景中

真人陶灌我形月君夫人固我黃寧金鑄玉

珮使我徹明與月俱虧與月俱生長養黃華

并入帝庭浮遊太空臣御飛駟上享無極億

兆劫齡畢仰向月二十四嚙止取黃華向月

洗目及通身自盥洗畢餘殘悉放東流之川

行此九年目觀空洞徹見萬里逆究吉凶錄

容易體面有玉精體生紫光乘空駕虛飛行

上清三闕啓機九戶受靈面發金容五藏華

榮金真啓暢豁落洞明神燭潛照寶光夜生

流金交擲煥落火鈴嘯命立到驅策神兵三

元詣房降致綠軒垂空駕虛飛騰上清

右出上清玉霞紫映內觀上法

無上秘要卷之九十三

無上秘要卷之九十四

昇太空品

上清金闕靈書紫文採服日華飛根以散解

死結係凝泥九混生雌雄固魂養神身得玉

皇氣同三光案此吞氣之法昔受之於太微

天帝君一名赤丹金精石景水母玉胞之經

也當常伺見日初出之時乃對日東向叩齒

九通畢心中陰祝呼日魂之名日中五帝之

字日魂珠景照韜綠映迴霞赤童玄交颯像

凡心祝呼此十六字畢仍瞑目握固存見日

中五色流霞皆來接一身下至兩足又存令

五氣上至頭頂於是日光流霞五色俱來入

口中又日光霞之中自復有紫氣大如日瞳

者累重數十焔煥在五光之中名之日華飛

根玉胞水母也並俱與五氣來入口中向日

吞霞作四十五嚙氣嚙氣畢又嚙唾九過畢

又叩齒九通微呪曰

赤鑪丹氣負天育精剛以受柔炎水陰英日

元晨景號曰大明九陽齊化二煙俱生凝魂

和魄五氣之精中生五帝垂光御形採飛以

虛撥根得盈首中龍華披朱帶青鸞鳥流玄霞映上清賜書玉簡金闕刻名服食朝華與真合靈飛仙太微上昇紫庭祝畢向日再拜真仙之中百萬人以上無有一人知日魂之名此道玄妙非腐食是骸可得聽聞天陰無日可於密室中所卧潔淨處存而為之清修道士精通上感者可不待見日而修之也若學者休糧山林長齋五嶽絕塵人間速思清真者得日日服日根之霞吞太陽之精則身生玉澤面有流光如其外累人事未獲靜形浮遊世路心拘縈網者要以月朔日月三日月五日月七日月九日月十三日月十五日月十七日月十九日月二十五日案而為之如上法一月之中十過也此日是日魂下接飛根盈滿水毋玉胞行之一十八年玉清太素三元君當錄以金真映以玉光位為玉皇飛行太空

右出洞真靈書紫文

紫書訣凡修上真之道當行上清玉霞紫映內觀上法常以本生上旬之日沐浴清齋虛

潔法服平旦入室以內觀開明玉符清華之水東向洗眼并漱滂口腸令內外清虛口無餘味腹無餘熏眼無餘視體無餘塵恬潔淨默唯道是身然後還南向平坐瞑目內思紫氣出先頭頂之上勃勃充天氣灌已形內外鬱冥便引紫氣仰嚙三十九通氣隨嚙入先口腹之中無訖開眼朗然豁除便叩齒三通仰呪曰

上清流霞暉真告曰紫雲映靈揚精交煥內注金門玉戶受灌寶神藏景魂魄無散明皇九真八道深溪攀雲招虛靈降河漢洞徹幽元三晨齊宴遊騰玉室上拜帝館畢仰嚙三過止

此內觀開明玉符當以朱書白紙投水中東向叩齒三通呪曰

天無飛翳地無遊塵玉符蕩穢洗除非真洞明玄虛招致靈仙畢以水洗目漱盟內外餘符水悉放之東流此一訣出上清玉霞紫映內觀經中篇修之八年紫雲覆光身自朗徹視洞觀九天體生奇光縱景萬變飛行太空

右出洞真青要紫書上經

十二月則受梵寶天之氣當以月三日平旦十三日正中二十三日夜半一月三日三時香湯沐浴燒香入室西北九拜朝元父東南三拜朝女母還向月建平坐叩齒三十六通閉眼存呼梵寶天王姓諱行此三年骨化成玉神懽氣盈逆知方來未然之事九年形變飛行太空

右出洞真九丹上化胎精中記

右八素飛精二景玉文生於空洞之中明於龜山之巔玄圃之上積石之陰萬氣所內總御諸天日月隱文秘於九天之上萬劫一傳有得靈文日月同年變化縱景出有入無項生紫光面發金容萬靈稽首十天同迎九年修行飛昇太空

右出洞真八素真經

金精石髓鍊變九元真符先欲去離刀山之難當以本命之日白書青紙服之三年宿罪消滅真靈下降九年尅得乘龍策虛飛行太空

右出洞真四極明科

昇紫微官品

黃水月華丹掇而取之食其華飲黃水一升則分形萬化眼光變為明月浮遊太空飛行紫微上宮

右出洞真靈書紫文上經

十四

始生中真上元陰陽變化二符朱書上符墨書下符以立夏先服下符後服上符冬至先服上符後服下符臨服符時叩齒三通微祝

曰

陰陽順化二氣流通元父保真玄母衛宮二靈交變道明光充八元玄灑我道開張三部合景變化無方靈符停年玉氣還童壽齊劫齡長天無窮畢仰嚙八氣止行之八年將八景神官為兆策轡上昇紫微之官也

中真上元陽生丙子變化符此上元王門陽靈之精化生玉文以輔中真高清變化八方之氣通神招真係命長存服之八年則紫微上宮玉童八人給先通靈召八景雲輿迎兆飛昇上造紫微官

右出洞真變化七十四方經

紫微靈都真符舊文出太上變化空洞第三

玉景篇中藏之紫微官中

諸行道求仙思神存真謝罪解過上希五帝衆仙原祐之恩當以立夏之日朱筆書文南

向服之三枚萬罪並消五帝保舉記名丹房

修之三年勿失一節則紫微給玉童八人存

思感會五帝降形致三景玉輿給兆飛行上

昇紫微官

右出洞真靈真八道玉景隱符

昇紫庭品

高聖帝君曰欲記名西龜之山騰形七映之

房當以七月七日上合之時沐浴清齋晡時

入室燒香北向九拜朝禮玉帝畢北向叩齒

十二通思齋室之中有白素之雲虛生翁語

滿巾一室存五老仙伯在素雲之中披飛青

之帔冠通天玉冠手執青文之錄思領仙玉

郎著雲錦之袍冠七寶玉冠手執白銀之簡

思見二真為我記名於白簡之上結錄於青

文之篇以我簡錄付監真使者定錄左仙上

疏九天帝玉七聖机下簡錄定名五老仙伯

領仙玉郎化入我身太素宮中微呪曰

天慶普降上合萬神大空記名東華刻篇結

以青錄簡以白銀四韻合一齊音成真高聖

玄授以度我身二氣下填迴天九煙化為仙

伯玉郎并真八景携輿上造帝展朝禮上聖

福慶九纏長係三光天地同年畢又七拜禮

七聖嚙七氣止行此之道則龜母注錄東華

記名三元下降昇到紫庭

右出洞真七聖元紀經

陰陽玉景開雲符朱書青紙服之朱書青縉

佩之此日月二景之精能知二景之精隱景

藏形行之十八年上昇紫庭

右出洞真神州七轉七變舞天經

昇紫虛品

太上真人招五辰於洞房飛仙秘道南極元

君受傳夜半清靜坐卧任意安體靖心寬氣

調神臨目內視存西方太白星在面兩目上

名為玉璫紫闕次存北方辰星在天中帝

鄉玄鄉玄宮從鼻上來至髮際五分直入一

寸

次又存東方木星在洞關朱臺在目後一寸直入一寸

次又存南方紫微星在玉門華房兩目內皆際五分直入五分

次又存中央鎮星在金匱黃室長谷金匱黃室在人中中央直入二分星如緞懸於上存思都訖髮鬢令星處其位當悟使五星出光芒放五色煙貫我一身洞徹內外體中如有薰薰星精來入也乃叩齒五通嚙液二十五過訖乃微呪曰

高元紫闕中有五神寶曜敷輝放光衝門精化積生變為老人首巾素容綠帔絳裙右帶流鈴左佩虎真手執天剛散絳飛辰足躡華蓋吐芒鍊身三景保守令我得真養魂制魂乘風飛仙上畢常能行此十五年者上於是南極老人丹陵上真迎以綠雲之輿西極老人素靈子期迎以黃輿之車北極老人玄上仙皇迎以玄景之龍東極老人扶陽公子迎以青駢之輦中元老人中央上玄子迎以曲辰之

蓋五老一合俱丹紫虛

右出洞真金真玉光太上隱書經

無上秘要卷之九十四

無上秘要卷之九十五

孔四

昇紫展品

凡有神州七轉七變備天之道役使玉童玉女各二十一人遊行五嶽玄絡青毛之節駕青景之龍佩神虎之符戴芙蓉之冠著紫縹毛帔丹青飛裙鳴金鈴玉真紫蓋華幡帶九赤斑符封山召雲上遊紫極金堂之中若未能變景騰霄故在人中修行此道九天父母上皇紫晨亦以法服飛仙羽章給子之身但不顯於萬塵之中耳子修此道當恒存己身著此章服乘龍御雲七年剋得真靈見形上昇紫晨

上皇先生紫晨君蓋二暉之胤結玉晨之精育龍烟於太空包紫虛以通靈託九玄以含秀凝洪露以成神陶三氣以自灌經玄母以法生任歷劫而受化感日告而曜形於是上皇元年天甲啓晨誕於神州八景之天平丘中域洞淵之瀆厥名諱波帝字曰虎颯既生之旦面發金容體映玉光五色紫章七十二變精耀玉顏神龍吐芝以灌漑鸞鳳撫翼以

蓬玄丹靈散景於瓊軒流光煥爛於遐真二
景停暉於八朗七元迴精以巨晨金仙散香
以亂氣神妃擲華以發烟五緯結絡神秀紫
天年冠二九道遙中元餐精嘔氣吐納靈津
含芝內灌疑神胎仙扼漱守默澹泊自然思

微念氣時不虧間積感洞元名超上清受號
元皇位登紫晨蘭鳳應瑞順運流還神素五
曜形磐七元飛霄迴輪乘空落烟群仙啓路
三道合明流電吐威逸駕九玄再登玉陛三
謁紫庭遊眄瓊闕宴景三元携契五老玉霄

上賓飛獸攘踞神鳳撫鳴巨虬巨靈靈風散
香流芬激揚翳藹玉清金童攀雲而侍輪玉
女躡虛而衛靈東遊碧水桑林之館洞淵浩
靈極清之源賜谷神王總仙玉司請九玄元
圖青精翠雲九變之光日景啓明之章以鍊

真化形遊洞上宮西之玄羽素野西龍濛氾
之濱紫微玉堂王母請皓靈素章龜山元籙
定真玉格以禪紫皇之號南造朱陵太丹極
炎流火之鄉太陽瓊宮九層玉臺南極上元
君請太丹洞元炎鈴七耀瓊章金真玉光以

招二景玉精鍊化七變之容北造朔陰九玄
寒鄉太陰玉晨九元真妃受流精飛景寶章
蕭條九耀鎔落七元以披天關朝宴玉宮上
登始天元景玉京峻嶒之臺九曲之房太真
丈人太上大道君受三天正法威制六天受

九絳飛精章衣流金鳳璽位登紫晨
上皇先生於是靈耀暉姿金容暢顏體冠法
服頭戴紫文飛霜七色之冠侍女衆仙十億
萬人飛龍毒獸備衛玉軒夜明自然神燭室
散虛馥之烟風鼓玄旂迴儻紛藹嘯朗太無

玉音激籟虛唱飛歌八響應會鸞鳴風吹清
奏玄籟玄精曲映三晨停蓋萬真禮慶莫不
宗賴願神州之闕蕭條無崖之館巨制三
五之運極化承唐之難理二儀於玄圖總上
皇之遺翰靜詠瓊軒俯眄冥說蔚蔚三關幽

章啓韻合唱玄闈明範應讚虛音朱騁洞慧
朗煥激八風以迅驅攝流電以揚精召六甲
於五行役武卒於天丁符五嶽以伺駕檄威
章以震靈變儻天於神州迴七轉於妙庭招
虛無以自灌服玉符以升形落玄象於日月

運七氣於斗星於是飄飄九域公子同軒司
命齊輪遊宴紫晨頡洞淵總御群仙自天
以下莫不受事於上皇由七變之道妙哉焉
七轉七變之道上皇紫晨君受於九天父母
修行道成以傳玄感清天上皇君上皇君以

傳三天玉童三天玉童以傳紫極真元君紫
極真元君傳天帝君天帝君傳南極上元君
南極上元君傳太微天帝君太微天帝君傳
後聖金闕君後聖金闕君傳上相青童君承
真相係皆經萬劫一傳小有天王後撰一通

以封於西域山中得者皆奉迎聖君於上清
官給玉童玉女各二十一人典衛靈文營護
有經者身
上皇七轉之道絡簡紫書秘於紫天元臺玉
室金房之內授於已成真人不教於始學凡

受洞真三十九章雌一玉檢大有妙絃解結
散滯拔度七玄而不知七轉之法皆不得誦
詠於玉篇夫七轉之章皆神洲之曲高上之
音運於天地參落三晨左迴右轉合會洞門
變五還二上應七元轉三還五緯度天關其

道甚妙故為僂天誦之一篇朗徹無間七轉
八誦三光齊真五老定籍司命改年解散宿
結斷絕胞根上開九祖更反胎仙制御千妖
萬魔束身修之萬徧位登紫宸

右出洞真神州七變僂天經

昇玉官品

大帝君素語內祝第一

靜室獨處平坐東向叩齒九通瞑目陰祝曰
蒼元浩靈少陽先生九氣還肝使我魂寧敢
有犯試摧以流鈴上帝玉錄名上太清畢咽

閉氣九息嚙液九過止

天帝君素語內祝第二

正南向瞑目叩齒三通陰祝曰
赤庭絳宮上有高真三氣歸心是我丹元騰
我淨躬迓奏以闡太微錄字書名神仙畢閉

氣三息嚙液三過止

南極上元君素語內祝第三

正西向瞑目叩齒七通陰祝曰
素元洞浮天真神廬七氣守腓與神同居澄
誠明石遊御玄虛白玉金字九帝真書使我

飛仙死名已除畢咽閉氣七息嚙液七過止
太微天帝君素語內祝第四

正向本年命之上瞑目叩齒十二通陰祝曰
黃元中帝本命之神一氣侍脾使我得真復
物而傾千神來臣老君玄錄書名神仙長生

久視與天同存畢因閉氣一息嚙液十二通
止

後聖帝君素語內祝第五

正北向瞑目叩齒五通陰祝曰

玄元八極太之上機五氣衛腎龜玉參差著
名玉札年同二儀上皇太帝峙然不逮役使
六甲以致八威畢因閉氣五息嚙液五過止

衆真素語內祝第六

還東向存五方之氣都畢又嚙液九過叩齒
畢北向再拜陰祝曰

謹白太上太極四真請存五方五帝五靈神
刺其錄字駮厲十天萬炁東氣衆邪絕烟使
其相見得共語言畢乃精思

太上曰凡欲修行絳方存念神真守一之法
不先通釋三官闡明九孔調理五府然後修

行則神氣不權真靈不降亦徒勞於精思無
益於自補也有志者精行其事五方素呪訖
還存思氣理和調內神欣喜影響相對無不
朗然也兆勤勗之必得神仙至妙上法非賢
不傳

凡修長生之道白日昇晨之法每當清齋苦
念為先故至人之學望雲霞而致降思招無
而致感者豈復虛緣哉天道玄默望之泯泯
子既有心要在子身諒由精誠守固握真道
不期速正在數年與氣相應道便降焉此太
上之妙訣得者神仙

凡學當從下上素次而修不得越略虧天科
條絳有三品道有三真三皇內文天文大字
九天之錄黃白之道亦得控轡玄霄遊盤五
嶽故為下品之第靈寶洞玄亦元始俱生淵
賡深奧妙趣同原齋淨芳蘭五稱映玄拔度
七祖解釋罪根亦致真人下降飛騰太清中
品之妙下方地仙上清道經太丹隱書凡三
百寶名玉訣九千此上真之首目玉帝之內
篇得者名參玉簡錄字青宮白日昇晨上造

帝堂上品之訣秘在九天之上大有之宮夫學當從下品造於玉清也道者三奇第一之奇大洞真經三十九章第二之奇雌一寶經第三之奇太上素靈洞玄大有妙經此傳已成真人不傳於始學也忽遇因緣得見篇題不得便妄披於靈文皆當先錄於涉學然後造真道無不備萬無不仙學者詳而奉之勿虧此言

學道不先備科而學亦萬無成也科以制犯知科便改自然應真也太真科有九品品有十二條九真科有三品品有九條四極明科有四品品有二十四條識於輕重罪福之制故學者宜先尋之此科亦單行於始學不必悉備於衆經也

太上素靈大有玉篇九真明科皆傳骨相合真之人依上皇之初舊經萬劫一傳三天立正改七十年聽得三傳七百年內有其人亦聽三傳案科齋上金三兩紫紋百尺青縉二十七尺赤絲五兩沉香一斤丹一兩詣師告齋百日或三十日上誓九天北帝大靈萬真

領仙玉司以為盟信誓約寶秘修行靈文不得輕洩宣露神真愆盟負科殃及九祖考捷死魂長閉地獄萬劫不原身沒形殘終不得仙

凡受素靈洞玄當依年限而傳過此不得復出篇目以暢三奇素靈經妙可識於後學使勤尚之人告慎於明科

諸天帝王後聖九玄帝君上相青童太極真人稽首敢問

太上天尊至真上法高秀玄澄羅絡萬物宗寂虛變妙起激玄法化三乘彌綸億劫量何可勝豈復稽於明科乎

太上曰善子之言夫後生之徒自非玉虛之胤結自然而生者皆孕於混氣滌係於羶穢也結有不純之行性有不專之善雖希慕玄蹟故心恒背我舉止所乘莫不犯於過過生手外滅命乎內承此而學豈不去真遠哉如使三官執咎對在幽司考延七祖罪累於身有犯斯過者而使悟於玄都有糾罰之制靈化之大復許有贖罪之法案科而用如此期

真將必近矣為學之士而無此檢亦徒勞於精思無益於苦念也今故標出九真三品明章太極真人於是退齋上清奉受素靈大有妙經九真科檢秘於金藏玉匱衛以玉童玉女各三千人侍典靈文散香虛庭飛龍奏歡

巨虬千尋奮爪雲牆備衛玉闕也如是十天大聖九宮真仙三月一過莫不上登玄宮稟承明科禮拜於靈文也

上相青童君曰凡有金骨玉髓名叅青官得有此文秘而施行於是承受之儀玄合上典施用節度與真同功贖罪拔難宿結咸解七玄之祖於是而欣己身昇騰上宴玉宮也

右出洞真太上素靈大有妙經

無上秘要卷之九十五

無上秘要卷之九十六

孔五

玉清品上

玉清高桃厲冲龍羅天觀靈無晨隱書金玄
 內文九老仙都所佩行神仙之道當以赤書
 白版上置西方以滅西方白帝大魔王官屬
 招致西方仙官行之十二年則白景素靈七
 聖金靈君降形先身役使仙官取自然靈藥
 又以朱書白繒佩身行來西方福堂淵盛行
 之世界大魔王東帶稽首禮迎仙官侍衛入
 西嶽則致素雲羽蓋十二年飛行玉清宮。
 玉清碧落空歌餘黎天總晨九極隱書金玄。
 內文玉清高元君所佩行神仙之道當以墨
 書丹版上置南方以滅南方赤帝大魔王官
 屬招致南方仙官行之一十八年則洞陽丹
 靈真景君降形於兆身役使仙官取自然靈
 藥又以墨書絳文佩身行之南方宛利城境
 棄賢之世界則大魔王東帶稽首禮迎仙官
 侍衛入南嶽則得南極寶書致丹雲羽蓋一
 十八年飛行玉清宮
 玉清邛摩坦婁子翳天昏曜旋根隱書金玄

內文九天真王所受行神仙之道當以黃書
 墨版上置北方以滅北方大魔王官屬招致
 北方仙官十五年則致北極玄上玉真君授
 兆高上寶書役使仙官五十人又以黃書皂
 文佩身行之北方鬱壘野清靜之世界則萬
 靈東帶魔王稽首禮迎仙官侍衛入北嶽則
 致玄雲羽蓋飛行玉清宮

玉清扶刀蓋華浮羅天玄景晨平隱書金玄
 內文太素三元君受之於元始天王行神仙
 之道當以紫筆書黃版上置西北方以滅皓
 帝大魔王官屬招致西方福德之野廷賢世
 界仙官十二年則致上宮玉女降兆寢房授
 兆神真之道又紫筆書黃文上佩身行之西
 北廷賢世界則萬靈東帶魔王稽首禮迎得
 乘飛雲羽蓋遊行玉清宮

玉清具涓耶渠初默天合暉晨命隱書金玄
 內文扶桑太帝受之於太霄真王行神仙之
 道當以黃筆書蒼版上置東南方以滅昊帝
 大魔王官屬招致東南元福田用賢世界是
 帝仙官十五年則致玉女二十人給兆驅使

取自然靈藥又以黃書綠文上佩身行之用
 賢世界則萬靈東帶魔王稽首禮迎得乘綠
 雲羽蓋飛行玉清宮

玉清冲容育鬱敵沙天昏暉晨玄隱書金玄
 內文西王母受之於北極皇上先生行神仙
 之道當以青書紫版上置東北以滅蒼帝大
 魔王官屬招致東方福集都長安世界蒼
 帝仙官十年則致仙童十八人給兆驅使取
 自然靈藥高上飛玄羽章又以青書生紫紋
 上佩身行之東北長安世界則萬靈東帶魔
 王稽首禮迎得乘紫雲羽蓋飛行玉清宮。
 右出洞真高上金玄羽章隱書

陽臺靈生玉符

諸行道求仙思神念真謝罪解過上希陽臺
 真人仙官玉女原赦之恩當以立冬之日墨
 筆書文北向服之七枚則仙官玉女書名仙
 簿列字金簡修行八年勿失一節真人給玉
 童八人思真感會真人降形致七景之興飛
 行玉清

洞真九赤斑符

東嶽太山君常以春分之日列奏真仙已得道及始學之人名錄上言高上帝君錄校玄名修飛仙之道當以其日日出之時沐浴齋戒燒香入室東向思東嶽太山君姓玄丘諱目陸頭達三寶九光夜冠衣青羽章裙披衣

九色斑叢帶上皇命神之符乘青雲飛輿九色蒼龍從十二仙官手把五芝東北而迴上登無崖之上玉清之天徘徊玄虛之內青雲之中當叩齒九通心言今日上節八願開新願迴神曲蓋來降我聞納我所求奏我所陳得上玉札位係紫篇道君迴映我獲上仙畢。○思太山君乘雲輿下降青氣鬱鬱覆滿一室君慶青氣之中手執青簡注上我名於青簡之篇微呪曰

玉真徘徊煥明東方乘龍駕輿飛行太空迴靈曲映下降我房青陽告始上願開通納我所陳削過記功刻名青簡列奏高皇西龜結錄東華勒方五靈輔翼八帝齊光驅甲御乙出木入商六丁侍衛玉女扶將攝山召海命制蛟龍嘯風興雨靡不立躬天魔伏試萬靈

敬從變景化形上昇玉宮年享太山永保無窮畢仰嚙九氣止修之九年則太山君見形於先前降於青氣之雲給神童九人致自然神芝能知東方萬里之事一十八年則致龍興乘空飛行上昇玉清

南嶽衡山君常以夏至之日列奏真仙已得道及始學之人名錄上言高上帝君錄校玄名區別功過修飛仙之道當以其日中之時沐浴齋淨入室燒香南向思南嶽衡山君姓爛諱洋光頭達八朗寶光玉冠衣赤錦飛裙披神光緋文之表帶封靈制魔之章乘赤霞飛輪從南嶽仙官十二人悉乘飛鳳手把神芝東南而迴上登無崖之上玉清之天徘徊空虛之內赤雲之中當叩齒三通心言今日上吉之日良辰應真玄願普降玄天納新願

乞道君值迴上仙飛輪羽蓋下降我身名言上清東華結篇畢思衡山君乘赤霞飛輪下降先房赤氣鬱鬱覆滿一室君在赤氣之中手執赤簡注上我名於赤簡之篇微呪曰朱陽乘晨徘徊九霄丹輿飛蓋洞煥霞容曲

迴下映監我心翹上願所陳莫不感幽仰披靈衡形與神交書名丹臺結字南瑤六丙翼真乘丁入鸞攝山封海命制萬妖千精伏竄群魔皆消南嶽既掌三元來招降致朱耕昇入皇朝二景齊靈後天而彫畢仰嚙三氣止

修之九年則衡山君授非寶書給仙官八人降致神芝奇異之物能知南方萬里之事情之十八年則致赤雲之輪飛行太空上昇玉清西嶽華山君常以秋分之日列奏真仙已得道及始學之人名錄上言高上帝君錄校玄名區別功過修飛仙之道當以其日曠時沐浴齋戒入室燒香西向思華山君姓浩丘諱元倉頭達六元通神飛冠衣白錦飛裙披素錦之表帶交靈素綾乘素霞飛輪從西嶽仙官十二人悉乘十二白虎手把七色華旛西南而迴上登無崖上清之天徘徊空虛之內白雲之中當叩齒七通心言我願飛仙上昇上清飛入華嶽與帝同靈乞馬道君降我真形為我致仙書我玄名畢思華山君乘白霞

形為我致仙書我玄名畢思華山君乘白霞

飛輪下降北房白氣奔覆滿一室君在白
氣之中手執白簡注上我名於白簡之篇微
呪曰

金門煥明白雲我我四會交真八氣結羅上
告玉晨帝靈昇霞迴神下降曲眄我家記我

白簡書名西華七真部仙制御群魔上承皇
威攝山命河與雲降雨龍輪立過運我飛虛

上造靈阿所願立至所剪立權十變萬化洞
明玄霞畢仰嚙七氣止修之九年則華山君

為兆致神仙之藥給仙童七人九年能知西
○方萬里之事吉凶之兆行之十八年致白雲

之輪飛行太空中昇玉清之宮
中嶽嵩高山君常以三月六月九月十二月

戊辰戌戌己未己丑之日列奏真仙已得道
及始學之人名錄上言高上帝君錄校玄名

區別功過修飛仙之道當以其日日中後沐
浴齋戒入室燒香向四季思中嶽君姓角諱

普生頭達中元黃晨玉冠黃錦飛裙披玄
黃文表帶黃神中皇之章垂黃霞飛輪從中

嶽仙官十二人悉乘飛騎手把玄黃十二節

鹿西南而迴上登無崖之上玉清之宮徘徊
空虛之中黃雲之內叩齒十二通當心言天

垂上願我享其思念虛降靈恩微致仙中嶽
之君結我同軒使我飛行昇到金門畢思嵩

高山君乘黃霞飛輪下降北房黃氣之中勃
勃覆滿一室君在黃氣之中手執黃簡注上

我名於黃簡之篇微祝曰
皇靈中玄道翳紫天三合成一結虛而仙學

錄保篇固命度年冠名東華記仙中泰五靈
○監映使我道鮮出虛入微洞徹九玄身生水

火變景億千乘空步虛飛行無間畢仰嚙十
二氣修之九年則與中嶽君對面共言為先

降致黃龍飛輿給以仙官取自然之物以與
先身行之十八年道成飛仙上昇玉清

右出洞真八道玉景隱經

金書秘字三元九真陽符

上監天魂精秘音內諱玉佩始陽之符則上
監天始陽之氣主上丹田下真內神青書白

素佩身又書白紙本命八節日服之內思丹
田中真三年則觀真形九天丞相書名九天

之錄得見九天父母帝君降形八景同飛上
昇玉清

兜術天魂精秘音內諱玉佩太陽之符則兜
術天太陽之氣主洞陽宮上真內神朱書白

素佩身又書白紙本命八節日服之內思洞
陽上真三年不闕則觀五頭一身真形內神

九天書名南臺帝君下降寢房鍊魂制魄變
景八神一十八年飛形九霄上昇玉清

右出洞真太極金書上經
無上秘要卷之九十六

無上秘要卷之九十七

孔六

玉清品下

迴神飛霄登空招五星上法

迴神哺飴上招五星登空之道上衛七玄下

解光形混合萬變主昇玄網沐浴焚香入室

清齋修行其方五內映明七孔朗然神填絳

府形登五星至極妙法非真不傳所謂知道

者易修方者難難修之道可不秘乎

常當甲子甲午乙酉乙卯己丑己未戊辰戊

戌之日沐浴清齋入室坐卧任意臨目執手

於心髮鬚存東方青帝諱通明字蓋卿中青

巾衣青衣青冠青履帶通光陽霞之章入我

身中又思肝中四真名清明君字明輪童子

恒填我肝中守我胃管之戶膏膜之下固塞

死氣為我降青精青水玉芝因存歲星精光

口引嚙之九十過止令青氣極充於肝府行

之九年使東方青要玉女九人侍側

次思南方赤帝諱太陽字幼林中赤巾衣赤

衣赤冠赤履帶四朗朱碧之章入我身中又

思絳宮中一元丹皇君名神運珠字子南丹

一名生上伯一名史雲拘恒鎮我絳宮中守我頭骨首之戶斷絕死氣之路為我降丹精赤水玉芝因存榮感星精光口引嚙之八十過止令赤氣充布絳宮中行之九年後使南方赤圭玉女八人侍側

次思西方白帝諱通陰字元起巾白巾衣白衣白冠素履帶皓靈扶希之章入我身中又思肺中六真名上元素玉君字梁南中童恒填我肺中守我十二關門斷絕死氣之路為我降素之白水玉精之丹因存太白星精光口引嚙之六十過止令星氣布充於肺府行之九年太素玉女六人侍側

次思北方黑帝諱通神字子規巾蒼巾衣蒼衣蒼冠蒼履帶鬱真蕭鳳之章入我身中又思腎中七真名玄陽君字冥光生恒填我兩腎中守我背骨地府斷塞死氣之路為我降玄陰丹芝九液之水因存北方辰星精光口引嚙之五十過止令星氣充布兩腎之中行之九年太玄玉女五人侍側

次思中央黃帝諱萬福字大倉巾黃巾衣黃

衣黃冠黃履帶中元八惟玉門之章入我身中又思脾中五真名養光君字太昌子恒填我脾中守我極根之戶斷絕死氣之路為我致黃水月華玉胎丹芝因存中央鎮星精光口引嚙之十二過止令氣充於脾府行之九年黃素玉女十二人侍側

次思上玄元父名高同生字左迴明下元玄母名叔火王字右迴光二神守我本命之根塞我死氣之原為我致陽之陰精哺飼我身存日月二景之光映照一形口引光色三十六嚙止令光氣充盈臍下丹田官行之九年面生金容自有流光後使六甲召制六丁隨意所欲真人詣房存思五帝二景真神事訖

呪曰
五星纏絡光流內明二景飛霞灌灑五精真神填藏長保黃寧太一務猷變胎迴嬰肝肺結華心腎充盈脾保中元五芝受生日月寶光與帝合昇飛空騰虛上朝玉清
次思精血三真名元生君字黃寧子恒填我兩孔之下源骨節二真名堅玉君字凝羽珠

填我太倉之府五腸之口中一真名天精液君字飛生上英填我胃中四極之口九元之真男名拘制字三陽鎮我左耳伏晨之尸皇一之魂女名上歸字帝子填我右耳伏晨之尸紫素左元君名騎爵無刃字安來上填我頭面之境黃素中元君名圓華黃刃字太張上填我胃腹之境白素右元君名啓明蕭刃字金門上填我下關之境日中司命君名接生填我左手月中桃君名方盈填我右手胎中元白氣君名務玄子字育尚生太一精魂名玄歸子字盛昌二神填我五藏之上結喉之本結中青氣君名案延昌字合和嬰元君精魂名保谷童字明夫二神填我五藏之下大胃之上節中黑氣君名斌來生字精上門帝真精魂名幽臺玉字灌上生二神填我九腸之口伏源之下胞中黃氣君名祖明車字神無極天帝精魂名理維藏字法珠二神填我少腹之內二孔之本血中赤氣君名混離子字叔保堅司命精魂名發紐子字慶玄二神填我百關之血絕節之下上玄元父君

名高同生字左迴明下元玄母名叔火王字右迴光帝皇太一名重冥空字幽寥無九帝尊名曰明真字衆帝生大帝精魂名陽堂玉字八靈九關魂名綠回道字絕冥天紀帝魂名照無阿字廣神七神填我本命之根塞我死路之門存祝天象真從頭至臍無不朗然使金液流而玉華映魂神鉛溢於窮腸帝氣充於九關七祖披釋於三塗受更胎於南宮填生神於一身布真氣以固年畢叩齒三十九通祝曰

氣生於無結氣生神陽氣外貢陰氣內升二象翻錯交結元靈內真填衛九孔受生保魂固魄萬神安停係我三關華芝充盈與我同昇俱造玉清畢嘯氣三十九過以填三十九戶氣澤而涸流布一身若能棄累不拘世塵靜心夷意朗觀虛房眇想內視填神固魂絕死氣於九戶填生官於上關回市存祝如面共言晝夜三年真神見形皓華反根朽齒牙生五藏結絡內補充盈役召六甲驅策六丁室致九霄之寶神降三素之輶神飛形舉白

日登晨

右上天之神實名內字而填在人身之內運於九天之氣固人六府機關萬精化生皆由於神神填則生神逝則亡動心積感則能舉人身形上昇玄宮求仙之道不知形神內名又不知填塞死尸生豈可冀乎夫修此道不得冒履厭穢食五辛之屬觸忤正氣神則去矣知豐者以甘口爵祿以榮身而不顧甘口之食是傷命之斧爵祿奢麗是消真之源故神人愛幽寂而棲身不顯形於風塵者也修生之家可不慎乎

高聖帝君曰欲書名上清金書玉錄之文飛行上清之官當以二月二日青書玉錄十音白紙上向正東服之叩齒九通微呪曰胤元玄靈承古法虛骨像應圖玉錄金書河魁絡已五神煥舒次慶二元玄真降魔名題上清得乘飛與永享無窮福慶有餘畢嘯氣八過八拜朝上清之宮八帝尊神止行之九年則上清刻書玉錄飛雲丹與上昇玉清之官

高聖帝君曰凡有玉骨丹文列名帝圖得見七聖玄紀凡有金髓紫藏名題金札得見隱書內文凡有神奇異毛紫胞玉絡名標上清得見白簡上篇諸有流精紫光內映外纏實藏金容名書玉虛得見青錄之文諸有神捷應圖瓊胎紫虛名題東華得見七傷檢文自無此捷靈篇不可得而妄披實文不可得而看也得見此文皆玄質合仙九年修行尅得飛行玄虛上昇玉清也

五鈴登空虛保仙上符一名火鈴

太微天帝君受氣之始玄象初分登九玄虛生之臺五帝神官衛於八方五符空映若存若亡蒼鵠鳳臺之上瓊房曲室之內積七千年其文見矣流光曜於九霄文鬱煥乎玉清左擲則為流金火鈴右振則為豁落七元攝制極天之魔威布九退之庭至極妙道洞微難勝帝君清齋太空瓊臺洞真之殿玉室金華之房侍女衆真五色神官十億萬人飛獸毒龍俠闕備門巨虬千尋衛於牆岸鳳鳴龍嘯百音激館威揚廣庭獅子嗥喚衆吹靈歌

玉響流璿神妃合唱而奏音玉女鳴弦而拊彈徐乃引中央黃若君太極四真人設流霞之醴鏗剛之果赤樹白子隱芝離結衆香芬落積九十日於是龜母紫筆太一拂筵天妃侍香玉華結篇以白玉為簡金書其文以付

仙都左公封以玉笈雲錦之囊傳付中央黃老君君依盟奉受五符稽首而退即致九靈流景雲與五色神官五萬飛青翠羽龍帔上登金闕玉清之宮

流金火鈴內視振威大呪神慧

佩流金火鈴出入遠近經履危嶮寇病之中厄害之下當存真光以自衛開通萬里之路發行之始正向其方叩齒二七通嘍氣三十六過便思所之處所形象山林草木人民禽獸神靈分明朗然皆來朝拜我身思北斗七星覆我頭上仍存我左目為奔星右目為迅電其光煥赫奔流九萬里外見所之道路隨光開通山林草木人民屋宅兵寇鬼氣悉令消除無復子遺四道豁然因呪曰前闕後閉天平地昂神公出遊四道開張當

今天地通我橋梁前後左右洞達八方我左擲奔星右迅電流光流火萬里何敢敢當太一將送萬神來迎之所向靡不吉良乘雲駕虛上昇太空卑便引二目之精各還其宮左取七氣右取七氣嚙之畢也如此可以冒焮涉難攻鬼伐兵無不應響蕩然其法至妙不得妄傳口而已明慎之焉

五帝流鈴五符威制極天之魔召攝五方神靈上應五星來落七元下應人身九孔七明周天竟地靡有不闕無幽不測無細不鑿存符則光見擲符則振威子若佩之口受師言若在人間遇惡鬼之地當作振威大呪北向閉氣十二息思五方氣覆冠一身內外陰冥都無所見因叩左齒三十六通嘍五方氣方各三嚙氣氣除盡入兆身存我兩目童子光如流星煥落五方呪曰

天元七精五帝流鈴煥擲電光如天奔星米耀十方照鬼真形有何小妖當我生門太上有命誅戮無親屠肝剝腹絕滅鬼精千十皆摧萬萬皆傾神威吐呪攝錄無停便嚙氣三

十六過止如此一呪則五方神官皆保甲命卒攝錄所在有靈之氣束縛詣庭三呪則鬼氣滅種

若入五嶽周遊山川冒嶮履峻皆當未及其處百步叩左齒三十六通若之東嶽便存東方青帝希林珠官屬九千人衛我前後以青霞之氣覆我身若之南嶽當存赤帝丹玄子官屬八千人衛我前後以絳雲之氣覆我身若之西嶽當存西方白帝少皓靈官屬六千人衛我前後以素雲之氣覆我身若之北嶽當存黑帝玄冥皓官屬五千人衛我前後以玄雲之氣覆我身若之中嶽當存黃帝執中元官屬萬二十人衛我前後黃氣覆我身呪曰

乾天耀靈七晨玄精五斗華蓋繞給我形五色飛覆混合交并身佩七元流金火鈴煥擲無方極天鬱冥五帝神官驅策天兵為我攝制山川土地千鬼萬靈皆令束首自送真形前誅後戮所捕無停畢如此一呪天魔滅迹萬神來朝遊行五嶽履涉山川無復試觀之

患五嶽仙官自未送五芝五英來給子身

若在軍寇之中懸白刃之下厄難之中當叩右齒十二通存北斗覆身玄光洞映周巾一體叩左齒十二通存肝為歲星出在左肺為太白星出在右心為熒惑星出在前腎為辰星出在後脾為鎮星出在胃上令五星精氣纏繞前後我身居斗魁之中五星之下冥思五帝神官衛我左右仍呪曰

天為我屋地為我林五嶽山川為我橋梁玄斗元精為我衣裳藏身七元之內流火之鄉渡我者太一務猷過我者白元無英災不能干兵不能傷當令我身上詣金闕九老之京畢如此在屈尼之中便得解脫五色錦各五十尺以請五帝仙官 紫金五兩跪著五方之信 沉香五斤上聞三元官

真珠一斤以為盟丹之誓 書刀子一枚以斷死氣之路 金珠七枚以奉請七元之精 絳文七十尺以為炎光之信

凡受符經之身當齋信詣師清齋三日沐浴燒香書符及經露著高壇之上宿明朝共

登壇告

北帝啓盟符經度付弟子自登壇告誓不得妄開篇目師輕洩經文身被風刀之考弟子不受而披卷殃及七女身殘失明四極之糾禁輕洩經文太真之律禁無盟信自非金名

玉格莫得聞見求仙之夫無五符佩身五嶽仙官不衛死形三官鬼錄不落死名棲身山岫則為九天魔王所敗出入人間則不免縣官兵刀得佩之者上天履淵縱橫無方適意周旋存思真神還復本官五芝自生身映玉光仙官防衛三元詣房乘雲駕虛上升玉清

右出洞真紫度炎光神元變經 若見龍頭鳳身之人或一鳥九頭鳳身此則元始天王左治虛映上真之官下降兆身道欲成也慎勿言叩齒九通嚙氣三十二過密

呪曰 二道順行元始徘徊玄真映朗九靈散開流盼無窮降我光輝上披朱景解滯豁懷得御飛震騰身紫微畢心拜三過止行之三百日尅見元始真形授兆九天上書飛行玉清也

右出洞真三元玉檢經

中央太黃萬始玉符兆欲致黃帝玉司君當太歲本命之日向歲上赤書黃紙服之赤書黃縉佩之九年玉司削兆死過度兆生官遣黃霞之輦下迎兆身上昇玉清之宮也

太玄都四明科曰青要紫書金根衆經乃九天真玉受空玄自生之章付九陽元皇玉帝封秘九天之上玄靈七寶玉臺侍與玉女三千人萬劫傳付青要帝君高上虛皇元靈道君太素高靈洞耀道君南極上元君衆帝令封一遺於王屋山若有金骸玉骨名書帝錄七百年內遇其人聽德三傳傳者當齋金魚玉龍各一枚紫縉百人青縉四十人師弟子對齋百日告盟而傳給玉女玉童各二十四人管衛受身修行百日通靈致真九年乘雲飛行玉清有犯科禁三犯不得入仙五犯七祖父母己身被考左右三官罰以刀山火鑊二十四獄萬劫乃得還充下鬼負石之役玄都左宮女青律文受者明慎奉行高上玉晨命魔靈幡主制東方青帝魔靈大

王咸保負某嶽先生王甲體真合仙俯仰遣東嶽仙官羽輪奉迎甲身上登玉清宮紫鳳臺如九天信

右白書青縉上

高上玉晨命魔靈幡主制南方赤帝魔靈大

王咸保負某嶽先生王甲體真合仙俯仰遣南嶽仙官羽輪奉迎甲身上登玉清宮紫鳳臺如九天信

右黑書綠縉上

高上玉晨命魔靈幡主制西方白帝魔靈大

王咸保負某嶽先生王甲體真合仙俯仰遣西嶽仙官羽輪奉迎甲身上登玉清宮紫鳳臺如九天信

右朱書白縉上

高上玉晨命魔靈幡主制北方黑帝魔靈大

王咸保負某嶽先生王甲體真合仙俯仰遣北嶽仙官羽輪奉迎甲身上登玉清宮紫鳳臺如九天信

右黃書黑縉上

高上玉晨命魔靈幡主制中央黃帝魔靈大

王咸保負某嶽先生王甲體真合仙俯仰遣中嶽仙官羽輪奉迎甲身上登玉清宮紫鳳臺如九天信

右青書黃縉上

右出洞真太元左宮女青四極三十一獨

立寶經明科律文

九天丈人三天玉童以上始元年天甲告辰時加北維移度停軒三元齊景九帝迴真登高上玉館紫虛之天三九素語披解靈關玉

精真訣理命長存闕究寥朗清暢蕭條玉旨秀虛瓊音逸霄香風激無慧唱遐遠流芳深贖氣冠神騰玉檢總御萬仙來朝斯玄古之妙化經萬劫而不凋撰真訣以遺觀試來心於勤翹若金名東華綠字紫庭得受妙篇位登玉清

右出三九素語玉精真訣

上皇先生紫晨君上經

神州在天關之北日月迴度其南七星轉輪其中央畫左迴八緯夜右轉七絳七星運周天光迴靈此上皇紫晨受化之庭便修七轉

之法位登於玉清也

凡修七轉之道每以月朔十五日及八節之日齋戒正中入室東向讀七轉之章八過止至夜半北向又讀七過止一日晝夜合十五轉此則上應天關運度三光中整一形通津

固神下制萬魔卒滅千靈輪轉相和三五齊

明學失此道死入幽冥精修苦念尅棄飛躡上登紫晨遊宴玉清

太上大道君道章第五

神州玉章曰景化九玄闕玉晨徊紫精內映

絕宅府乘虛造四明法輪比三周七變還無

英太一檢天魔迴章校千靈左嘯洞玄微右

唵九天傾整落彌八荒流疇策神兵拔過七

祖難越度仙皇庭司命保元籍東宮注玉名

迴光泥丸府五臟秀華榮耀景負圓珠固魂保劫齡上宴九霄館蕭蕭登玉清

右出神州七轉七變儻天經

秋三月行道思神招靈當以黃書白紙上西向服之百日通靈千日見神上真下降與接仙顏役使太素玉女六人致金精日華治鍊

芝瑛又白書青繒上安所座卧席西面以白綿衣之百日白老降房白帝官侍衛神文營護行符者身六年則致三素雲耕降覆兆身昇形太空飛行玉清

西華高上虛皇君元上皇之氣諱字形長六

千萬丈

秋三月頭建三光玉華珠冠衣自然靈文之裘佩九天制魔靈幡帶交金日精之劍坐素雲之上手執金符光明煥煥洞映上清在素雲之中八冥之裏思還長六寸六分

冬三月西華虛皇君則變形虎頭人身衣七色虎衣紋綵斑斕上清之上白雲之中思之還返真形春三月西華虛皇君則變形為直人色如黃金項負圓光衣三十二條九色之衣光明洞徹照應十方在玉清之上紫雲之

中思之還返真形

夏三月西華虛皇君則變形為赤白二光色

沌沌如玉之精照明上清此則反西華之氣

更受錄上皇之精思之還反真形

修行西華之道當以立秋之日入室西向六

拜朝虛皇君還北向叩齒九通思虛皇君隨

四時形景在玉清音光宮八垣府四明鄉極

微里中迴真下映入兆肺之後門便呪曰

西華舒靈金門煥精鍊化四度是曰玉清神真交合慶流福生氣布魂安神鎮魄寧太一

保錄司命記名胞根絕滅胃管華榮長享元

吉三光齊齡畢仰嚙六氣止行此道九年西華曲映神真降形洞虛達微變化立成坐在

立亡飛行玉清

求仙之道當以冬至之日正中入室北向眠

坐任意閉眼內思月中玄光夫人姓諱形長

五寸五分頭作頽雲之髻著玄錦飛裙口銜

月光下入兆身心中須史月光散為黃氣洞

而兆身夫人在月之內採青華之林散拂黃

氣之中口吐陽精赤氣以灌兆形從內而外

黃赤二氣更相纏繞洞映一身夫人授光紫

書丹字六音便引黃氣三十二嚙引陽精二

十四嚙止叩齒二十四通併呪曰

玄陰寒池流泉陪庭飛華散景吐黃納精一氣纏綿玉芝虛生玉女嗽香夫人真靈蘭池

滂沱流黃鬱浮普天納暉降及我形還童鍊容反白結青紫宇東宮丹書綠名飛騎羽益四真直耕携我同昇俱造玉清止使嘍氣三十二過嚙液二十四過止服紫書丹字行此道八年夫人授光明月之璫丹字之道飛行

玄虛上昇玉清

右紫書丹字月魂隱音皆書月中南境空青之林結自然之書也八素真人諸天人皆以夏至之日採紫書丹字而服之得服此六字與八素同年則項負圓明映照十方其音至秘皇上八素真人書此音於八素玉章之篇故為高上之妙經輕洩靈音七祖充責長役刀山身被風刀不得又仙當以立夏之日夜半朱書白紙上服之叩齒十二通微呪曰陽精丹池流火鬱金軒翼虛玄暉拂霄八青採蘭散香玉朝青林垂柳風振瓊條丹書紫文含秀榮翹流芳灌津普潤無違得與玄景齊光紫霄畢嘍氣二十四過止又丹書紫文上佩頭三年日月玄暉映光之形月光夫人授此真書給玉女六人輕傳非真七祖充

責萬劫不原秘修八年則雲輿之來降白日昇天飛行玉清

凡上學之士服日月之道當以立秋之日時取龍脂三合龍骨亦佳又青書龍景九鍊之符白紙上合投清水之中向東沐浴臨盆叩齒二十四通微呪曰如立春畢引氣九嚙止還室內燒香以龍骨為粉粉身兩手摩拭面目通身東首而卧叩齒九通瞑目握固思日光紫氣累重下降巾已身在日景之內日景運兆身上昇廣寒之堂東井之中高環

樹之下思丹靈少陽真人諱向上真形長九寸著青羽飛衣頭戴通精曜光之冠口吐青氣以灌哺光身琉璃之器請玉泉青芝之膏以灌兆形食以三氣之華覺其味甘香體覺市熱因嘍氣九十過止而微呪曰

玉門蘭室日華高竈三華結秀妙景拂晨太素迴真曲灌玉泉形樓廣寒虹映朱軒洞陽吐精東井鍊魂五帝冠帶變貌金顏怡願明鮮以成玉仙丹靈少陽使其自然金翅拂飭羽服耀晨樞然凌虛上躐日根體鏡水精光

欣龍與羽駕來迎上達玉皇之前畢便服龍景九鍊之符嘍氣九十過嚙液二十四過止凡修行此道暮時又當以立秋之日始至立冬以兩手攝兩肩并各三十二過日在左肩并中月在右肩并中二光映照巾身叩齒十二通微呪曰

二通微呪曰

左日右月二景監靈暮息少陽朝登玉清三魂守室七魄同形萬神輔翼與景齊昇畢便叩行此八年通身光明面生青暉之精與少陽同言降致綠耕飛行玄虛上昇玉清

廣寒之宮中生青華之林高四千丈枝起行千二百里圍二百四十里其葉似竹而赤其華似鏡而明其子似李而無核所謂絳樹丹實得食其葉壽萬年得食其華與日同靈得食其實遊宴玉清上有金翅之鳥拊翼周市其境下有廣寒之池生自然九鍊洪泉深五千里縱廣五千里上真帝皇高仙真人皆以立冬之日登廣寒之宮採青華以自拂臨廣寒之池灌洪泉以鍊其真也諸以役學道成及學士七祖應昇天堂者莫不經廣寒之宮

入九鍊之池受鍊而昇天也受鍊過便得食
青林之華實也金翅之鳥皆以羽衣結為飛
仙之服給於受鍊者身以登玉清上宮也

右出元始變化寶真上經

無上秘要卷之九十七

無上秘要卷之九十八

孔七

昇九天品

二月受不驕樂天之氣當以其月五日平旦
十五日正中二十五日夜半一月三日三時
香湯沐浴入室燒香西北九拜朝元父東南
三拜朝玄母還向月達平坐叩齒三十六通
閉眼存呼不驕樂天王姓疑諱霍霍霄衣九
色飛霜雲文斑表頭戴青華歲星玄精冠象
白鹿丹霞之輿從上宮玉仙官二十六人來
下入兆身紫微宮中存見青色之雲氣冠巾
兆形良久仍口引雲氣九嚙微呪曰
三合成綱三靈交泰九真流降日月翼萬七
星玄映五宿迴蓋三闕明曜萬神冠帶九孔
清通六府受溉內昌表逸洞觀無外長保天
地永享四大畢嚙氣九過嚙液九過止行此
三年肝結紫絡玉秀內發洞明表裏逆觀未
然九年靈降飛昇九天
三月受寂然天之氣當以其月六日平旦十
六日正中二十六日夜半一月三日三時香
湯沐浴入室燒香西北九拜朝元父東南三

拜朝玄母還向月達平坐叩齒三十六通閉
眼存呼寂然天王姓津諱需慶衣七色龍文
通光之表頭戴陰精夜光冠乘八景飛輪從
玉仙十二人下入兆身長命宮中存見綠色
之雲氣鬱鬱冠巾兆形良久仍口引雲氣九
嚙微呪曰

至道冥冥玄氣潛分九五演流八會命門丹
宮赤子受氣帝君桃康命籍列奏三元泉真
監映鍊魄寶魂內鮮外光靈鎮幽關八景翼
軀九氣降雲飛騰玄虛昇造帝門畢嚙氣九
過止如此三年膽化玉霜內結紫烟九孔納
靈與赤子共言九年得乘玄雲紫蓋上昇九
天

右出洞真九丹上化胎精中記經

五素飛精洞天靈符以立夏之日朱書竹膜
之上清旦南向服之一年微視千里三年自
知神仙九年洞觀九天拜謁九天與靈通言
飛行九天

右出洞真八素真經

兜術天魂精秘音內誦玉佩太陽之符則光

術天太陽之氣主洞陽宮上真內神書白素佩身又書白紙本命八節日服之內思洞陽上真三年不闕則觀五頭一身真形內神九天書名南華帝君下降寢房錄魂制魄變景八神一十八年飛形九霄

不驕樂天魂精秘音內諱玉佩上陽之符則不驕樂天上陽之氣主絳宮中真內神朱書白素佩身又書白紙本命八節日服之內思絳宮中真三年不闕則見真形或見人身九頭之神授兆丹瓊之板位書南嶽先生總錄萬氣固神保真一十八年三元下降迎以飛輪上登九天

上上禪善無量壽天魂精秘音內諱玉佩陽明之符則上上禪善無量壽天陽明之氣主明堂中真內神青書白絹佩身又書白紙本命八節日服之內思明堂中真三年則觀真形自然明知九天上音得九天之書帝若下降八景舉形上昇九天
波梨答怒天魂精秘音內諱玉佩萌陽之符則波梨答怒天萌陽之氣主臍下丹田宮下

真內神黃書白素佩身又書白紙本命八節日服之內思丹田宮下真三年審見即真形對願三元下降錄化形神三部八景運光昇仙飛行太虛上造九天
右出洞真九真陽符

洞淵九地三十六音

第一壘色潤地正音土皇姓秦諱孝景椿行音土皇姓黃諱昌上父遊音土皇姓青諱玄父基梵音土皇姓黃諱忠陳皇

右一壘之土四色土皇地載周境四垂不極不窮無邊無際無色之氣

如是第一壘二皇常以立春之日乘青龍之車執九色之麾從青帝胡老之官巨鱗之騎九千入上詣鬱單無量天奏地仙得道上學之人言名於四天之王

凡修上法當以立春之日平旦入室東向以青筆書土皇內音白紙上而服之叩齒九通仰存四土皇姓諱悉著青羽裙頭達九元通天之冠乘青龍羽車飛行上昇無量天微呪曰

青陽告昇土皇鑿晨總領四司普與萬仙天老定錄上願開陳精勤上願得道無親上書帝簡刻名玉篇九壘滅跡飛景瓊軒得齊四皇永保監乾畢東向心拜九過嚙氣九通止如此則土皇刻名九天九地滅跡九陰地官

營衛胡老司迎三十六年得乘青羽飛蓋上昇鬱單無量天

第二壘剛色地正音土皇姓成諱神父先行音土皇姓鬱諱黃母生遊音土皇姓玄諱乾德維梵音土皇姓長諱皇萌

右二壘之地四色土皇地載周境四垂不極不窮無邊無際無色之氣

如是第二壘土皇常以春分之日乘黃碧二色之雲十二玄龜執神皇九元之策從青帝胡老之官飛行甲騎八千入上詣上上禪善無量壽天奏地仙得道上學之人言名於四天之王

凡學上法當以春分之日平旦入室東向以青筆書土皇內音黃紙上服之叩齒九通仰存四土皇姓諱悉衣黃錦飛裙頭戴平天之

冠乘黃碧二色雲車十二玄龜執九天之策
從青帝胡老之官飛行甲騎上昇上上禪善
無量壽天微呪曰

三道行運季節臨無總鑿地仙上聞帝君天
老定錄土皇記文上古之日我道畢分落跡

九陰飛景素雲四氣同符皇人齊群畢更東
向心拜八過嚙氣八通止行之三十六年得

乘飛雲之車上昇上上禪善無量壽天
第三壘石脂色澤地正音土皇姓張諱維神

係行音土皇姓周諱伯上仁遊音土皇姓朱
諱明車子梵音土皇姓庚諱文敬士

右三壘之地四色土皇地載周境四垂不極
不窮無邊無際無色之氣

如是第三壘土皇常以立夏之日乘絳霞之
雲十二鳳皇執五色之節從越老之官飛行

武騎八千人上詣須延天奏地仙得道上學
之人言名於四天之王

凡學上法當以立夏之日食後入室南向朱
筆書土皇內音白紙上服之叩齒九通仰存

四土皇姓諱悉衣絳紋飛裙頭戴無極進賢

之冠乘絳霞之雲十二鳳皇執五色之節飛
行上昇須延之天微呪曰

四氣總中八表合朝吉晨臨正九壘發翹執
錄命仙上昇紫霄列名皇文補仙上僚得乘

朱景道遙飛騰年齋三光極天不彫畢南向
心拜八過嚙氣八通止行之三十六年得乘

飛雲車上昇須延之天
第四壘潤澤地正音土皇姓貫諱雲子高行

音土皇姓謝諱伯元無遊音土皇姓已諱父
奉車梵音土皇姓行諱機正方

右四壘之地四音土皇地載周境四垂不極
不窮無邊無際無色之氣

如是第四壘土皇常以夏至之日乘絳霞雲
與十二朱鳥執命魔之旛從越老仙官飛行

武騎八千人上詣寂然天奏地仙得道上學
之人言名於四天之王

凡學上法當以夏至之日正中入室南向朱
筆書土皇內音黃紙上服之叩齒九通仰存

四土皇姓諱悉著綠紋之裙頭戴遠遊之冠
乘絳霞雲與十二朱鳥執命魔之旛飛行上

昇寂然天微呪曰

天清地澄九土鬱玄四運御晨上參紫天排
徊飛與景景無間八會交慶玉虛關陳皇老

列名天王題篇九壘削死司命勒年身八華
晨永保上仙畢南向心拜八過止行之三十

六年得乘絳雲之與上昇寂然之天
第五壘金粟澤地正音土皇姓華諱延期明

行音土皇姓黃諱齡我容遊音土皇姓雲諱
深无淵梵音土皇姓萌諱通八光

右五壘之地四音土皇地載周境四垂不極
不窮无邊无際无色之氣

如是第五壘土皇常以立秋之日乘素雲之
與十二白虎執命靈九元之章從五老仙官

飛天電騎六千人上詣不驕樂天奏地仙得
道上學之人言名於四天之王

凡學上法當以立秋之日晡時入室西向白
筆書土皇內音青紙上服之叩齒九通仰存

四土皇姓諱悉著素羅飛裙頭戴九元通明
寶冠乘素雲瓊與十二白虎執命靈九元之
章飛行上昇不驕樂之天微呪曰

九重四運梵維告皇元景理命記錄天王刻書帝簡上奏青宮九陰滅尸騰身華房永保上仙三晨齋光畢西向心拜六過嚙氣六過止行之三十六年得乘素雲瓊與上昇不驕樂之天

第六壘金剛鐵澤地正音土皇姓李諱上少君行音土皇姓范諱來力安遊音土皇姓長諱李季无梵音土皇姓王諱駟女容

右六壘之地四音土皇地載周境四垂不極不窮无邊无際无色之氣

如是第六壘土皇常以秋分之日乘素雲飛與十二白虎執九色制神之魔從五老仙官飛仙虎騎六千人上詣化應聲天奏地仙得道上學之人言名於四天之王

凡學上法當以秋分之日晡時入室西向白筆書青紙上土皇內音服之叩齒九通仰存四土皇姓諱悉著素錦飛裙頭戴无極進賢之冠乘素雲飛與十二白虎執九色制神之魔飛行上昇化應聲天微祝曰
白土九壘氣通太微皇老臨晨騰景徘徊未

簡映陳八華揚輝昇入帝庭上披瓊扉五願玄會降致羽衣八景齋其形得昇飛命同天地永保二儀得乘素雲瓊與上昇化應聲天第七壘水制澤地正音土皇姓唐諱初生映行音土皇姓吳諱正法圖遊音土皇姓漢諱

高父微梵音土皇姓京諱仲龍首
右七壘之地四音土皇地載周境四垂不極不窮无邊无際无色之氣

如是第七壘土皇常以立冬之日乘玄雲飛與二十四玄武執五色命靈之幡從老老仙官騰天之騎五千人上詣梵寶天奏地仙得道上學之人言名於四天之王

凡學上法當以立冬之日子時入室北向墨書土皇內音白紙上服之叩齒九通仰存四土皇姓諱悉著黑雲皂紋飛裙頭戴无極進賢之冠乘黑雲飛與二十四玄武執五色命靈之幡飛行上昇梵寶天微祝曰
二氣交帶以神迴庭三元臨正土皇命靈雲與羽蓋上昇高清大願開陳我合無形九壘滅跡天真刻名結編玄圖受號華青得乘飛

景化入帝庭畢心拜五過嚙氣五通止行之三十六年得乘黑雲之與上昇梵寶之天第八壘大風澤地正音土皇姓葛諱玄昇先行音土皇姓華諱茂雲長遊音土皇姓羊諱真洞玄梵音土皇姓周諱尚敬原

右八壘之地四音土皇地載周境四垂不極不窮无邊无際无色之氣

如是第八壘土皇常以立冬之日乘黑雲飛與五色飛驎執九色之節從老老仙官騰天之騎五千人上詣梵摩迦夷天奏地仙得道上學之人言名於四天之王

凡學上法當以冬至之日子時入室北向墨書土皇內音白紙上服之叩齒九通仰存四土皇姓諱悉著玄雲錦裙頭戴通天寶冠乘黑雲羽與五色飛驎執九色之節上昇梵摩迦夷天微祝曰
天敷地陳九象法玄四度昇降八氣明新土皇簡錄玉帝定真名題圖札我獲上仙飛行太虛縱景自然與靈同符與氣長存三變九化昇入帝晨畢心拜四過嚙氣四通止行之

三十六年得玄靈之與飛昇梵摩迦夷之天
第九壘无色網維地正音土皇姓極諱无上
玄行音土皇姓斗諱靈无浩遊音土皇姓趙
諱上伯玄梵音土皇姓眞諱無無伯

右九壘之地極下洞淵洞源網維天地制使

不落无窮无境无邊无際皆網維之氣

如是第九壘土皇常以三月一日六月二日

九月三日十二月四日一年四過乘五色雲

與九色飛龍執中元命神之章從蒼老仙官

耀明羽騎萬二千入詣波梨答愁天奏九

地學道得仙人名言於四天之王

凡學上法當以其日日入時入室向太歲黃

書四土皇內音白紙上服之叩齒十二通仰

存四土皇姓諱著玄黃五色之衣頭戴九元

通天寶冠足著五色獅子交文之履執文身

保命之符乘黃霞飛與從五帝玉女三十六

人飛行上昇波梨答愁天微呪曰

二象迴周九精洞靈皇老應符騰虛入清四

通八達飛霞紫瓊上登金華奉對帝靈記仙

元錄青宮刻名得道日簡封字七靈九壘滅

尸東井鍊形三元降真我道已明得乘飛景
上登玉庭畢心禮九拜燕氣十二通止行之
三十六年得乘黃霞飛軒上昇波梨答愁之
天

右出洞真外國放品經

右九天魄靈太實陰生上景之符刻書金璫

虹映陰景之內則九天之關樞上清之華蓋

天無此文則無以為畫冥太空無此文則無

以為上清故元始刻文於金札之上名曰上

清金字玉文也其音則天魄之內名也修其

道服其文九年尅有魂靈帝君九天空相乘

白鸞雲輿下降寢房投兆神真之道三部八

景運兆飛空上昇九天

右出洞真太極金字玉文九天陰符

無上秘要卷之九十八

無上秘要卷之九十九

昇太清品

孔八

春分之日太微天帝君上詣

高上玉皇遊宴之時始景行道受仙日也至

其日如上法夜半東向叩齒九通仰思玄青

黃三色之雲向東北而迴便心念微言太微

天帝君乞迴神駕下降我身上我帝簡賜我

神仙畢還思東方青陽上府玄微宮中始景

老子道君姓羽諱兩幽宛形長九寸

身著紫青之綬戴九色通天寶冠足躡九色

之履手執命神之章從太陽仙童三十六人

乘八景之輿青雲之車參駕蒼龍下治先身

明堂宮中仍微祝曰

始景上元招靈致真承炁命節法典帝先迴

精玄益上宴玉晨迴靈下降鎮固我身保精

鍊炁五臟潔鮮紫氣流映洞得御神恭乘飛

景上宴瓊軒畢仰咽九炁此始景之道行之

八年則玄雲飛輪來迎兆身上昇太清

立夏之日太極上真三元真人上詣

紫微宮遊宴之時玄景行道受仙之日也至

其日清旦東南向叩齒九通仰思紫青黃三色之雲西北而迴便心念微言太極上真三元真人乞迴神駕下降我房書我玉名使我神仙畢還思東南少陽上府太微宮中玄景玉光无極道君姓王諱白明光无英形長八寸八分身着丹錦之綬頭戴无極進賢玉冠足躡九色之履手執招靈之章乘玄景綠輿五色雲車參駕鳳凰從靈飛仙童三十九人下治兆身洞房宮中仍微祝曰

玄景上靈參宴八炁造景九玄翔翔無外迴真下降解我宿滯駕以青龍騰以紫蓋得乘八景上昇霄際畢仰咄八炁止行此玄景之道行之八年則紫素三色之雲玄景綠輿來迎兆身上昇太清

夏至之日扶桑公大帝君上詣太微宮遊宴之時虛景行道受仙之日至其日如上法清旦南向叩齒八通仰思赤白青三色之雲東南而迴便心念微言扶桑大帝君乞迴神光下盼兆身記名東華得乘飛煙畢還南向思太陽上府紫微宮中虛景太尉

元光道君姓玄諱昭琳伯史形長八寸八分身着絳錦舟綬頭戴平天耀精玉冠足躡九色之履手執制魔之章乘光明八道之輿赤雲炁之車參駕鳳凰從丹靈上宮玉童三十六人下治兆身中元丹田宮中仍微祝曰

虛景啓雲乘炁旋迴迅駕八道明光吐威下降我房映我丹輝攝魔御神萬靈悉摧使我洞幽與景齊飛畢仰咄八炁止行此虛景之道行之八年則致光明八道之輿來迎兆身上昇太清

立秋之日太素上真白帝君上詣

五天玄皇高真元景行道受仙之日至其日清旦西南向叩齒十二通仰思白赤紫三色之雲西南而迴便心念微言太素真人乞迴神光下降兆身奏名玉天得為真人畢思西南少陰上府靈微陽宮之中元景太一炎天道君姓黃諱雨運珠形長七寸八分着玄黃素綬頭戴七寶進賢之冠足躡九色之履手執命神之策乘蕭條玉輦五乘朱蓋

紫雲之車參駕六龍從黃素上宮仙童二十四人下治兆身下丹田宮中仍微祝曰

元景上真八道玄靈上治黃母下治兆形徘徊神輦流映紫清歷運御氣三五煥明制神攝魔我道洞精長保上景飛仙長生畢仰咄七炁止行此元景之道行之八年則致蕭條玉輦來迎兆身上昇太清

秋分之日南極上真赤帝君上詣

閭風臺詣九靈夫人遊宴之時明景行道受仙之日至其日如上法清旦西向叩齒十二通仰思青黃赤三色之雲西南而迴便心念微言南極上真上皇赤帝君乞迴神光下降兆房賜書玉簡上奏九靈得乘飛景昇入無形畢思正西太陰上府精微允宮中明景太和道君姓浩諱如珣仁義形長六寸八分身着白紋素靈之綬頭戴无極寶天之冠足躡九色之履手執度命保生玉章乘絳琳碧輦白靈之車參駕白虎從素玄玉童二十二人下治兆身華蓋宮中仍微祝曰

明景道宗總統九天匡絡紫霄迅御八煙迴

停玉輦下降我身啓以光明授以金真谿落
招靈身无稽延得乘飛景上宴宵晨畢仰咽
七炁止行此明景之道行之八年則致絳琳
碧輿來迎兆身上昇太清

立冬之日上清真人帝君皇祖上詣

高上九天玉帝遊宴之時洞景行道受仙之
日也至其日清旦西北向叩齒九通仰思綠
紫青三色之雲西南迴便心念微言上清真
人帝君皇祖乞迴神駕下降兆房賜書玉名
上奏上清得乘飛景昇入無形畢思西北陰
暉上府清微宮中洞景司錄太陽道君姓玄
諱幽元輔形長五寸八分身着玄黃
之綬頭戴九玄飛晨玉冠足躡五色之履手
執攝殺之律乘玄景八光丹輦紫雲之車參
駕玄武從太玄仙童二十四人下治兆身舍
命宮中仍微祝曰
洞景帝尊玄靈陰神乘霞御龍得參飛煙上
遊玉清下治太玄迴降紫輦來入我身得乘
八景位同真人畢仰咽五炁止行此洞景之
道行之八年則致玄景八光丹輦下迎兆身

上昇太清

冬至之日太霄玉妃太虛上真人上詣

太皇宮太微天帝君遊宴之時清景行道受
仙之日也至其日清旦正北向叩齒十二通
仰思朱碧黃三色之雲東北而迴便心念微

言太霄玉妃太虛真人乞迴神駕下降兆房
賜建玉名奏上太霄得為真人遊宴上宮畢
思北方陰精上府道微宮中諫議玄和道君
姓王諱聖陰精形長五寸八分身着
玄雲五色之綬頭戴玄晨寶冠足躡五色師
子之履手執招靈之策乘徘徊玉蓋錦雲之
珠玉之車參駕玄鳳黑翻從太玄上宮仙
童三十六人下治兆身玄谷宮中仍微祝曰
清景素真元始同靈受化九元含炁朱嬰非
徊玉輦昇入紫清輪轉八節經度天經削我
元錄保我南生得乘飛景案戀綠辮畢仰咽
五炁止行此清景之道八年致徘徊玉輦下
迎兆身上昇太清
右出洞真金真玉光八景飛經
梵寶天魂精祕音內諱玉佩通陽之符則梵

寶天通陽之炁主陰極宮中真內神黃書白
素佩身又書白紙本命八節日服之內思三
年審定剋見真神九天玄母授兆九天上書
八鍊芝英得自然之道白日飛空上昇太清
洞真招靈致真攝魔符

白帝招靈致真攝魔之符以黃書白木版上
令廣九寸長一尺二寸置室西面修行誦經
入室百日與神人共言三年室生自然白霞
之雲欲致真人天仙當書如上法着符中央精
思百日真人降形仙人詣房授子神真之道
先欲攝魔當書符如上法安着東面誦太空
之章一過則北帝操兵天魔喪形萬精滅景
內外肅清又黃書白繒九寸佩身八年帝降
玄景綠輿下迎兆身上昇太清
黑帝招靈致真攝魔之符以白書黑木版上
令廣九寸長一尺二寸置室北面修行誦經
入室百日與神人共言三年室生自然黑霞
之雲兆欲致真人天仙當書如上法着符西
面精思百日真人降形仙人詣房授子神真
之道兆欲攝魔當書符如上法安着南面誦

太空之章一過則比帝操兵天魔形萬精滅景內外肅清又白書黑縉九寸佩身八年帝遣光明八道之輿下迎兆身上昇太清

右出洞真九真陽符經

全書祕字三元九真陽符梵寶天魂精秘音

內諱玉佩通陽之符則梵寶天通陽之炁主陰極宮中真內神黃書白素佩身又書白紙本命八節日服之內陰極宮中真三年審定尅見真神九天玄母授兆九天上書八鍊芝英得自然之道白日飛空上昇太清

右出洞真玉佩金鑑太極金書上經

大百六度厄寶命長存符

朱書白絹佩之頭上洪災暴厄所不能傷保身長命壽同三光佩之九年白日飛仙上昇太清

小百六度厄寶命長存符

黃書白絹佩之左肘千妖萬精疫癘橫流災所不傷保身長命壽同天地佩之九年白日飛昇太清

陰陽度厄寶命長存符

黑書白絹佩之與天地同年與日月同光九年飛行上昇太清

右出洞真青要紫書經

菖蒲五分 威喜三分 蜀椒二分 乾薑二分

凡五物皆取真新好者清潔治之以王相日童男擣勿易也各異治下細細篋五物各萬杵五物各異置赤杯中凡五杯羅列赤案上露一宿明日平旦乃以神斗分合和如法和白蜜若白飴復更擣三萬杵丸如梧子平旦向日長跪吞三九訖言長得所願暮日入復跪西向復吞三九如旦法以為常禁食生魚猪肉葷菜禁見喪尸猪犬產汗慎之甲子建癸亥數終日辰為期慎勿廢忘六十一節天地之常服之如法甲癸為期甲子建日服至癸日為一節若甲子無建者滿定開亦佳服藥皆先齋三日燒香存神然後即事也滿六十日身輕能行復六十日四通利復六十日顏色有光復六十日平調腹腸五藏皆實凶邪不傷復六十日身體堅彊復六十日

耳目聰明此是一歲驗也復六十日骨髓強梁復六十日手爪有光復六十日影響顯章復六十日精炁益長復六十日白髮還藏復六十日牙齒堅剛此是二歲之驗也復六十日道德達通復六十日六甲神從復六十日

神達身中復六十日志信神行復六十日心開目明復六十日遠知四方此是三歲驗也復六十日占視有光復六十日五神不亡復六十日不知饑渴復六十日百神來謁復六十日五藏不竭復六十日能寒能熱此是四歲驗也復六十日能浮能沉復六十日能淺能深復六十日能圓能方復六十日能弱能彊復六十日能縱能橫復六十日能短能長此為五歲驗也復六十日能好能醜復六十日能大能小復六十日能輕能重復六十日出入無間復六十日行廚在邊位為仙人此是六歲驗也長服不休與天相傾變形千化上昇太清

右出洞元五符經

高聖玉帝道君曰欲書白簡玄紀之名身登

玉清上宮之法當以正月一日上合之時沐浴清齋平旦入室燒香北向九拜朝禮五天畢北向平坐叩齒九通思齋室之內有青炁之雲虛生翁鬱周布一室存五老仙伯在青雲之中披飛青羽帔冠通天玉冠手執青文之錄司領仙玉郎著雲錦之袍冠七寶玉冠手執白錄之簡思見二真為我記名於白簡之上結錄於青文之編以我簡錄付監真使者定錄左仙上刺九天帝王七聖机下簡錄定名五老仙伯領仙玉郎化入我身明堂之中便呪曰

上合之日天元蕭清高上顯蓋玉帝臨庭九真命虛七聖齊靈上標玄記白簡之名勒注元錄落死刻生西龜結編係仙華青上受雲帶煥落五形給我羽服降我綠斬得乘飛霄上登紫瓊三景合光七元同明永係二儀天地長并畢又七拜禮七聖咽七炁止此上向聖結綠刺簡六合之法行之七年先無玄炁者亦得勒注於玄紀三元下降四極啓靈自然洞達得飛行太清也

太玄都四極明科曰九真中經太上太微天帝君所修八道九真結璘齋儀上奔日月之道以傳中央黃老君秘於太上六合宮中舊科七千年聽得三傳若有青書東華玉宇上清藏生紫絡之人七百年內聽得三傳並曰緇九十尺青絲一斤絳紋二十四尺此日暉之誓碧縉二十四尺月華之誓金環三雙無常童子之誓對齋九日二十四日北向盟傳給玉童玉女各十七人修此道七年乘龍飛行上昇太清其法尤重二犯伐功斷事四犯左右官所考七祖已身罰以刀山食火地獄三苦之役萬劫還生不人之道玄都左宮女青律文要者明慎奉行

右出洞真玉帝七聖元紀經

無上秘要卷之九十九

無上秘要卷之一百

孔九

昇無形品

高聖帝君曰欲刻名玄紀迴天九霄

以五月五日上合之時沐浴清齋正心入室燒香北向九拜朝禮玉天畢北向叩齒十二通思齋室之中有丹氣之雲虛生煥爛於一室之內存五老仙伯在丹雲之中披飛青之帔冠通天玉冠手執青文錄司領仙玉郎著雲錦之袍冠七寶玉冠手執白錄之簡思見二真為我記名於白簡之上結錄於青文之編以我簡錄付監真使者定錄左仙上相九天帝王七聖机下簡錄定名五老仙伯領仙玉郎化入我身絳宮之中微呪曰

朱明南丹慶合上陽天元交會六願內昌九真七聖齊靈瓊堂上刺玄簡結錄西宮刻書

正音明達四通丹雲迴霄來降我房飛青羽儀翼翼光左策朱鳳右控遊龍六變同舉超登華堂五老攜契四極齊雙長保玄暉日月同容畢又七拜禮七聖嚙七炁止行此七年則玄紀得道之名定於上宮九霄迴映昇

入無形

右出洞真七聖元紀經

道言修行是經得上仙者飛昇虛空體今無

形長與道同

右出洞元自然經訣

一誦諸天禮 十轉枯骨生 七玄昇朱宮

享福入無形

右出洞元靈章經

大聖眾至真之德得道之後昇入無形與道

合同

右出洞元黃錄簡文經

應變化品

高上玉皇上聖帝君九天玉真皆稟氣自然
託瓊胎隱秀紫元靈和感會得有人焉胤皇
流之胄生而成真結空洞以為字合三氣以
為名受號帝位應化上清總仙高虛撫任玄
玄四時改易推節變通沐浴冠帶鍊飾長符
運化形景應感而生幽冥恍惚道無常名深
不可測微難可窮天地規之得太玄協以
致清日月恃之以朗耀五行稟之以致靈觀

魏德宗蕩蕩高尊其道高妙非可勝焉元始
記錄藏之太上六合宮中後聖學上真之道
當鍊悉元始變化之形隨節改易以通其真
以反其氣以鍊其神

假令元始皇上丈人以立春之日納元始玉

虛之氣受皇上丈人之號此皆真形衣服正

色竟春三月九日中居真臨正至立夏之

日皇上丈人則變其正更受節化沐浴神真

謂變仙易景通真納靈致氣長存周夏三月

九日中仙魂沐浴神真感通至立秋之日

皇上丈人則隨節化形冠帶五常謂之仙化

氣通玄玄內充外溢光輝發明變真養氣致

氣無窮周秋三月九日中冠帶九天仙化

成真至立冬之日皇上丈人合真胎息反氣

自然解脫形神變景入光還其元始受鍊反

精養瑩神真光色混沌如雲之煙周冬三月

九日中結氣凝神還復正形四度迴周周

而復生此元始四改之化隨節易容天地之

運皆有盛衰否泰休息以應天關感則臨正

休則育養冠帶鍊精不失其常故天地長存

無窮此妙化之道也

右出上清元始變化元錄

會兼忘品

真人曰受靈寶真文行是齋自得此大福度
人為先所以先人後身倚伏兼忘忘其所忘

體與玄同

右出洞元數齋經

罪福不由他諒自發爾身大賢故閉口欲絕
諸惡緣滅念歸兼忘倚伏待長泯

右出洞元安志經

鍊胎返本初長乘飛玄梁斬畜喪天真散思
候復常斬伐胞樹滯心遊超上京願會既玄

玄悟我理兼忘

右出洞元九天經

入自然品

道曰自然者道之真也元為者道之極也虛
无者德之尊也恬泊者德之宮也寂嘿者德
之淵也清靜者神之鄰精誠者神之門中和
者事之原人為道能自然者故道可得而通
能无為者故生可得而長能虛无者故氣可

得而行能淡泊者故志可得而共能寂嘿者故聲可得而藏能清靜者故神可得而光能精誠者故志可得而從能中和者故化可得而同是故凡人為道當以自然而成其名吾前以道授關令尹生著道德二篇將去誠之

曰夫道自然也得之者知其自然不得之者不知其所由然譬猶若識音不能深曉人心知之口不能言妙哉道之綿綿言不盡意書不盡言所以為子書之者欲使子覺自然得之後以自成尹生日學自然奈何

道曰无取正氣自居无去邪氣自除此非禱祠鬼神之道非欲辟不清去不正清靜請命而命自延无期此豈非自然哉非吾異道之意非吾獨道也道不自然兮何道焉兮无欲无為兮道之所施兮虛兮无兮道安居兮寂兮嘿兮道之極兮澹兮恬兮德之漸兮清兮靜兮神所宅兮精兮誠兮神所榮兮中兮和兮神所化兮以无為而養其形以虛无而安其神以澹泊而存其志以寂嘿而養其聲以清靜而平其心以精誠而存其志以中和而

存其神安心遊志使若大水之自湛深閑居靜處使若蛟龍之自蟄藏懷虛而不虛泥而不泥使若南曜之忘虛也化德存神使若社稷之保光立尊神明使若宗廟之守處使世不見我若巨魚之在大水使人莫我知若日出之光東我之无窮若大道之根相致譬若山林大澤之自致禽獸虎狼若深林廣木之自致飛鳥百蟲若江湖之自致魚鼈蛟龍若

威德之自致太平麒麟鳳凰若清靜潔白之自致玉女芝英若中和嘉瑞之自致吉祥若災異惡氣之自致不祥禍殃

右出妙真經

飛天攜提遊宴紫晨握運留年永享自然道經云人法地地法天天法道道法自然

右出洞元空洞靈章經

飄飄大虛嶺 流景在上玄 經始无終劫 常保天地全 世主學致梵 道士誦得仙 賢者今奉受 依法以相傳 時无至德子 保秘不妄宣 宗之昇太清 棄之墮九泉 我說无為道 清靜得自然

右出洞元太極隱注

道言真人者體洞虛无與道合真同於自然无所不能无所不知无所不通

右出洞元自然經訣

洞冥寂品

帝帝各有鄉 真真各有宮 寂寂生霞上 翳翳太虛中 洞化丹霞窟 寥寥九玄通 冥思攜寂至 八景可飛空 太洞總三倫 元化有无形 寂寂无根教 蕭條有感靈

有物混成先天地生寂兮寥兮獨立而不改周行而不殆可以為天下母

右出老子道經

太上於崑崙治中進登天首大治七寶道德觀中召道陵而告之曰吾道出於虛无先太初之前无所從生靡而不成形吾昔於此觀上啓受妙法吾以聰明智慧攝意奉行既能潔身為道便得微妙玄通求道上仙致有道迹之名當求仙於仙求神於神求道於道无求滅度便得虛无之要空无寂靜為道宗也

至道常玄寂 言說則非真 取捨無變異
綿綿有物因 體解無中法 亦識有中神
去來無想念 忘懷與物均

右出昇元經

學仙絕華念 念念相因積 去來亂我神

神躁靡不歷 滅念停虛閑 蕭蕭入空寂

請經若飢渴 持志如金石 保子飛仙路

五靈度符籍

太上玄虛宗 弘道尊其經 俯仰已得仙

歷劫無數齡 巍巍太真德 寂寂因無生

霄景結空構 乘虛自然征 日月為炳灼

安和樂未央

夫太上玄微三洞初元至曠之詞幽而難聞

洛洛冥冥包匠品群若若玉德巍巍高尊至

真所棲眾妙之門

右出洞元太極隱注

太玄真人曰夫一切云云皆當空盡有無相

陶修德養神積空凝真真身乃定出入有無

隱寂極妙

右出洞元請問經

夫可久於其道者養生也常可與久遊者納
氣也氣全則生存然後能養養至則合真然
後能久登生氣之域望養全之寂寂親萬物
之玄黃盡假寄耳

右出道迹經

人生者如幻化耳寄寓天地間少許時若攝

氣營神苦辛注真將得久道道成則同與天

地共寄寓在太无中矣

若洞虛體无則與太无共寄寓在寂寂中矣

能洞寂寂者則視之不見聽之不聞

右出真詰

無上秘要卷之一百

三洞珠囊卷之一

懷一

大唐陸海羽客王懋修

敘導品

道學傳第四云任敦字尚能博昌人永嘉中
投雲陽山雲陽山者即茅山也服赤石脂時

復出入人間皆手執經科教示愚民於是遠

近穆然從化教竊歎曰衆人雖云慕善皆外

好耳未見真心可與斷金者又云杜旻字子

恭及壯識信精勤宗事正一少參天師治錄

以之化導接濟周普行已精潔虛心拯物不

求信施遂立治靜廣宣救護莫不立驗也又

云陸納為尚書令時年四十患瘡告吳云亦

世短壽臨終皆患此瘡吳為奏章又與靈飛

散謂曰君危命已過可至七十果如其言也

第五卷云嚴君平者名遵蜀都人也修道自

保與人子言依於孝與人臣言依於忠與人

弟言依於順各因其發導之以善蜀中化之

從其言者過半也又云劉凝之字志安小名

長年南郡枝江人也居衡山之陽採藥服食

受天師化民之道夫妻並共佩帶救物災厄

巫有神驗也

第六卷云諸慧開字智遠吳興烏程人也每以戒行自修拯濟為務齊大明八年天下饑饉慧開薄有穀實乃悉分與窮匿鄉邑賴之有三人積饑食飽而致死其家訴縣稱慧開飼殺饑人苦相誣誘縣令笑曰乞食飽死反怨主人法无此科而遣不問也

第七卷云陸先生宋文帝召之於內講理說法不捨晨夜孜孜誘勸无倦於時也

第八卷云陶弘景字通明魏郡平陽人也自號華陽隱居好行陰德拯濟困窮恒合諸驗藥給施疾者遠近賴之也

第九卷云潘洪字文盛會稽山陰人也為性好賑施一冬數過作寒服為施貧乏隨捨更營也

第十卷云東鄉宗超字遠倫高密縣人也巫經凶年常大施食遠近投集日中甚眾每至冬天輒多作襦襖隨緣寄人使為布施也又云嚴寄之字靜庭丹陽句容人也輕財好施拯濟困窮知識道義有縣官疾惱輒潛為

禮賤事故私辦酬賽至時也又云方謙之字道冲冀州趙郡柏縣人也入於潛天目山化被鄉村改惡行善請業依仁迴向大法又云掩骼結埋枯周窮濟急也邵陵王屢遣延請謙之不與相見行人至館嘗或相值而厚加賂遺也又云張玄徽字文舉司州義陽郡人也梁末大亂相隨入東綠糊口略存性命而恒與諸饑人共器煮食徹性仁讓不處他先常推鑄火使人前用雖有升合熟食每居後日日如此轉就困弊因之羸瘵一旦而終由

其後已先物故遂再其生也又云褚雅字玄通吳郡錢塘人也梁末時隱向曲山重施輕財拯物無厭營田若熟以乞貧者與人共居常早起灑掃取水遍以周給竟無薪乞人或夏月種瓜恣人來取也又云章旻字高明宣城人也手植松檟他有遺助一無所留持好賑施不畜財產法赴所收隨得隨散每出險難之所或他有禁物或同行有礙公私事緣不能自扶者旻輒方便負荷必使過度也又昇壇之夜祀寒酷烈是露左手執燭至曉不

懈每赴人法事躬親下役掃除穢濁盡其力用暑必讓惟帳寒則推衣被也

第十三卷云孟道養字孝元外名授平昌人也立性慈仁全以賑施為務饑年多餓死常作食餉之每恨貧乏施與不得稱心也

第十四卷云孫遊毅字玄達東陽永康人也殷勤誘接服膺受業者常數百人也又云雙子辯者梁時人也斷穀休糧長齋苦行出廣州布化南海稱為主人也又云許明業扶風赤岡人梁太清時人少年出家長齋蔬食周行山水拯濟為務是時饑荒人民困乏明業恒行賑救來者必給飲食身率門人作田播種稻粟微熟自往遠近要呼貧者任力收穫行見寒凍即解衣以施隆冬之月自服單布每進城中功德所獲贖物即於主人處散未嘗將出城門若有病者請營功德方便不赴命必不全若至人家忽勿去此處必有殃禍也

第十五卷云陸逸冲字敬遊海鹽陽濱人也少篤道法接物則貴賤均意善於撫眾為遠

近所依也又云鄒崇字文繪臨海章安人也少而出家為人幹事接物不偏也

第十六卷云般仲堪者陳郡人也為太子中庶子少奉天師道受治及正一精心事法不吝財賄家有疾病躬為章符往往有應鄉人及左右或請為之時行周救弘益不少也

第十八卷云鄧郁之字玄達南陽新野人也膏夢一鳥吐印以與之自是民間有疾輒以印治救不為章符病者自愈也又云諸葛緜字茂倫瑯琊人也奉道清潔每絕穀救他人疾及與自治皆不服藥餌唯飲冷水莫不蒙

差太元中緜眼臉上忽生瘤贅便就道門請水澡濯少日稍差也又云濮陽不知何許人也事道專心祈請即驗鄭歸女脚患跛躄就陽請水濯足餘以灌庭中枯棗樹棗樹即

生脚亦隨差晉簡文既廢世子而後無息陽時在第八卷為析請三更中有黃氣起自西南逕墮室爾夜李太后即懷孝武冥道之力

第二十卷云暨慧球吳興餘杭人也幼出家為比丘尼後捨尼為女道士遂入居天目山

斷穀服食人有疾急施一符莫不立愈也列仙傳上云太山下石父賣藥都市父自言三百歲後有疫氣民死者萬計長史至父所請救擁朱耒繫黃散以行民間散者即愈所活亦萬計也

列仙傳下云昌容者常山上道士也自稱殷王女食蓬萊根往人見之者二百餘年而顏色如年二十人能致紫草賣與漆家得錢以遺孤寡歷世而然奉祠者萬家云云

神仙傳第三云沈羲者吳郡人也學道於蜀中但能消災治病救濟百姓也

第四云黃盧子者姓葛名越其治病千里寄名與之皆愈不必見病人身也

第五卷云沈建者丹陽人也善能治病病無輕重見建者皆愈也

第八云王遙字伯遠鄱陽人也頗行治病病無不愈亦不祭祀不用符水鍼藥其行治病但以一八尺布帕敷地坐不飲不食須臾病愈便去其有邪魅作禍者遙但畫地作獄囚口招呼之皆見其形在獄中或狐狸鼯蛇乃

斬而焚燒之病者尋愈也

第九云李常在者蜀郡人也護病困者三日愈微者一日愈其不可愈者則不往護之又云千君者北海人也病瀕數十年百藥不能愈見市中一賣藥公姓帛名和往問之公言

卿病可護卿審欲得愈著明日雞鳴時來會大橋北木蘭樹下當教卿明日雞鳴千君往到期處而帛公已先在焉怒曰不欲愈病耶而後至何也更期明日夜半時於是千君日入時便到期處須臾公來千君曰不當如此耶乃以素書二卷授千君誠之曰卿得此書不但愈病而已當得長生千君再拜受書公又曰卿歸更寫此書使成百五十卷千君思得其意內以治身養性外以消災救病無不差愈在民間三百餘年道成仙去也

登真隱訣云南極南嶽真人左仙公太虛上真君姓赤諱中英初學道在金華山忽得疾病困篤經一十六年青童授智慧消魔經扶疾誦三千遍都愈也

道學傳第七云陸修靜字元德吳興東遷人

也宋大始七年四月明帝不豫先生率衆建三元露齋爲國祈請至二十日雲陰風急輕雨灑塵二更再唱堂前忽有黃氣狀如寶蓋從下而昇高十丈許彌覆塔堦數刻之頃備成五色映暖檐楹徘徊良久忽復廻轉至經臺上散漫乃歇預觀齋者百有餘人莫不皆見事奏天子疾瘳以爲嘉祥又云孟景翼字輔明平昌安丘人也梁竟陵王遇靈寶經一部看便以擲地少日便手發疽瘡痛楚特甚遂遣馮先生首謝先生爲作悔辭備加嫌疑雖蒙少差終爲此疾而亡也。

第十八卷云婁安樂譙國人也妻傅氏患風瘡十餘年治之百方不差唯專道門願得濟免宋元嘉七年六月天暴風雨安樂兄屋崩倒傅懼已室方壞將致頽壓忽走出中庭忘已脚疾於是復常由其信法故也。豈醫藥之足賴哉。玄母八門經云仙人趙成子服五石石發死幽州上谷玄之山六年間忽有一人山行見此死屍腹爛石出探而吞之別去四五年此

石飛出還入前日死屍之口屍起成人面生王先此盜石人被五老仙公切齒訶之此盜五藏寶石之人也此癩面人也即面上生癩比至一門大小遭癩俱死滅族之也。

神祝經第一云青氣者卒死赤氣者腫病黃氣者下痢白氣者霍亂黑氣者官事赤頭鬼持此氣布行天下殺其惡人也。

登真隱訣云崔文字列仙傳云太山人在太山下以藥救病人者赤君在金華山病十六年後風消得道也。

真誥第五云風消得道

真誥第五云風病之所生生於丘墳陰濕三泉壅滯是故地官以水氣相激多作風痺風痺之重者舉體不授輕者半身或失手足也若常夢在東北及西北經棲故居或見靈林處所者正欲與塚氣相接也墓之東北微絕命西北爲九危此皆塚訟之凶地若見亡者於其間蓋其驗也若每過此夢者則覺當正向上三啄齒而祝之曰
太元上玄九都紫天理魂護命高素真人我

受上法受教泰玄長生久視身飛體仙塚墓永安鬼訟塞毒魂魄和悅惡氣不煙遊魁罔象敢干我神比帝打制收氣入淵得錄上皇謹奏王晨如此者再祝祝又三叩齒則不復夢塚墓及家死鬼若經常得惡夢不祥者皆可按此法於是鬼氣滅也邪魅散形也又云

手臂不授者沈風毒氣在脉中結附痺骨使人然也宜鍼灸鍼灸則愈又宜接比帝曲折之祝若行之百過疾亦消除也先以一手徐徐按摩疾臂良久畢乃臨目內視嚙唾三過叩齒三通正心微祝曰

太上四玄五華六庭三魂七魄天關地精神府營衛天胎上明四肢百神九節萬靈受錄玉晨刊書玉城玉女侍身玉童護命永齊二景飛仙上清長與日月年俱後傾超騰昇仙得整太平流風結疔注鬼五飛颺塚氣陰氣相徊凌我四肢于我盛衰太上天下丁龍虎曜威斬鬼不祥風邪即摧考注匿訟百毒隱非使我復常日月同暉考注見犯比辰收摧如有于試于明上威

昔唐覽者居林慮山中為鬼所擊舉身不投
似如絲囊有道人教按此法皆即除也此比
帝曲折之法諸疾有曲折者用此法皆佳不
但風痺不投而已也唐覽今在華山得虹丹
法合服得不死

鄭子真則康成之孫也今在陽翟山昔初學
時正患兩脚不投積年其晚用鍼灸兼行曲
折祝法百日都除夫風考之行也皆因衰氣
之間隙也體有虧縮故病來侵之也若今差
愈誠能省周旋之役者必風病除也今當為
攝制塚注之氣亦可上塚訟章我當為關奏
之也於是注氣絕矣

昔鄧雲山侍當得道頓兩手不投吾使人語
之令灸風細曲津兩處也六七日間便得作
五禽按摩也若鍼力訖當語所灸處又心存
行道亦與身行之無異也

昔趙公成兩脚不能起旦夕常心存拜太
上如此三十年太上真人賜公成流明檀桓
散一劑即能起行後遂得道今在鶴鳴山下
又云夜卧覺存日象在疾手中握之使日光

赤芒從臂中逆至肘腋間良久日芒忽變成
火以燒臂使內外通而洞徹良久畢乃陰視

曰

四明上元日月氣分流光煥耀灌液凝魂神
火散景盪穢鍊煙洞徹風氣百邪燒燔使得

長生四肢完全注害考鬼收付北辰天學生
之道當先治病不使體有虛邪及血少腦減
津液穢滯也不先治病雖服食行氣無益於
身

昔有道士王仲甫者少乃有意好事神仙恒
吸引二景餐霞法四十餘年都不覺益其子

亦服之足一十八年白日昇天後南嶽真人
忽降仲甫而教之云子所以不得昇度者以
子身有大病腦宮虧減筋液不注靈津未溢
雖復接真景以餐霞故未為身益仲甫遂因

藥治病兼修其事又一十八年亦白日昇天
今在玄洲受書為中嶽真人領九玄之司于

今在也
鳳網口訣云道士有疾閉目內視心使生火
以燒身身盡存之使精如髮鬚疾病即愈是

痛存其火也甚秘驗矣

真誥第七云李整昔未入山時亦得風痺病

久久乃愈也又云范伯慈者桂陽人也家本

事俗而忽得狂邪勞病卧牀席經年迎師解

事費用家資漸盡病故不愈聞大道清約無

所用於是意變開沈敬作道士精進治病多

驗乃棄家俗事之得五十日病都愈後入天

目山服食胡麻得為玄一真人也

真誥第八云昔鮑助者濟北人也忽得煙風

口目不正風氣入口而兩齒上下恒相切拍

甚有聲響如此晝夜不止得壽百二十七歲

真誥第九云楊羲第三女昨來委瘵近來小

可猶未出外也又云許玉斧言楊舍人弟病

委頓也
真誥第十云許確字義玄為晉都鄉侯後惠

風不能言隆安二年亡年七十

道學傳第四云屬大疫瀉競造吳猛乞水猛

患其煩乃簾江水方百步隨意取之病者得

水皆愈也又云道士舒道雲病瘡三年治不

差吳猛授以三皇詩使諷之上口所疾頓愈

也

第三云戴甘露有惡疾流諸海裔云名正見曰可治也為治數日便愈又云治中抗侯大富女病經年千醫百道靡不畢祈增而不損云名正詣門云能使女差抗侯傲然未之接也凡諸言術而不驗者既多又見正之弊衣徒疏意以為狂而弗信正狀謂能治固疾請女出侯大怒且女病積久無能出理文忽問家人誰欲見我便著衣履整飾而出侯大驚正曰女郎已差便可還內於是舉家始服其神驗也

第四卷云任敦字尚能治病人有極惡之病人理所棄者得救救治莫不蒙濟如此有數少語言或時說將來吉凶咸如所言人有病問之者各云無所苦必不危亡然而不言則皆不救又云杜昊字子恭為人善治病人間善惡皆能預親上虞龍維鏡唐斯神並為巫覡據吳道王常相訪毀人以告昊昊曰非毀正法尋招冥考俄而稚妻暴卒神地隱疾並思過歸誠昊為解謝應時皆愈神晚更病昊

語曰汝藏鬼物故氣崇耳神即首謝曰實藏好衣一箱登取於治燒之豁然都差又云王羲之有疾請杜昊昊謂弟子曰王右軍病不差何用吾為十餘日而卒又云陸納為尚書令時年四十患瘡告昊云奕世短壽臨終皆患此瘡昊為奏章又與靈飛散謂曰君危命已過可至七十果如其言也

第五卷云安丘望之字仲都成帝時京兆長陵人也病篤弟子云沙都與安丘於庭樹下安丘曉然有瘥時冬月鼻聞香開目則見雙赤李著枯枝都仰手承李李自墜掌中安丘食李所苦盡除身輕目明遂隨都去莫知何在也又云郭文宇字舉河內人也得疫病危困不服藥云命不在於樂也不食二十餘日亦不消瘦後卒殯于餘杭臨安縣又云劉凝之字志安小名長年南郡枝江人也少抱疴病風眩迷謬累載彌增也

第七卷云陸修靜字元德宋時吳興東遷人也隱雲夢山修道誓下尋藥遙過故鄉停家數日女忽暴病命在唇刻家人因請救治先

生歎曰我本委絕妻子託身玄極今之過家事同逆旅豈復有愛著之心於是拂衣而出直逝不顧去後一日女病即愈也又云修靜素有氣疾齋藥入山別處一室俄而為火所燔弟子欲撲滅之先生曰不須救此是冥道不許吾持樂耳吾病行當自差少日而瘳也第八卷云顧歡字玄平一字景怡吳郡吳人也白山村多邪病村人告訴求哀歡往村中為講老子纂地獄有頃見狐狸鼯鼯自入獄中者甚眾疾者皆愈也

第十卷云方謙之字道沖冀州趙郡栢縣人也弱齡斷酒終老手不執杯雖有疾病不服湯藥未嘗鍼灸任命安危外身濟物也又云張玄微字文舉義陽郡人也與鄉人張貴孫講說貴孫忽感風病不能起居屏棄學業窮自料理出入穢器瞻視飲食涉於三年不以為累時人服其義烈也

第十二卷云賈稜字玄遜蜀郡成都人也少為沙門值寇還俗晚來服道與諸道士亟相是非暮年抱疾骨齒不缺言語寒妨於妙門

法座歎曰我今此病必由觸道所招所撰諸義多有遺亡也

第十五卷云桓闈字彥舒東海丹徒人也梁初崑崙山渚平沙中有三古漆笥內有黃素寫千君所出太平經三部村人驚異廣於經所起靜供養闈因就村人求分一部還都供養先呈陶君陶君云此真千君古本闈將經至都便苦勞瘡諸治不愈陶貞白聞云此病非餘恐取經為答何不送經還本處即依旨送病乃得差耳

第十六卷云孔靈產字靈產會稽山陰人也遭母憂居喪以孝聞譙酌珍羞自此而絕饘蔬布素志畢終身父在京師未之知也後出都定省見有毀瘠父惻然命廚精饌賜與同味即奉慈訓勉強進口而嚙遂以成疾父以仁也天性不可移不復逼也
第十九卷云齊明帝有疾每引法聚於內殿行道聞晉陵道士嚴智明字慧識在眾中詠經甚懷賞悅云疾為之愈及法席既解智明還外帝夜中每處不得安寢勅呼智明對御

轉誦即覺歡怡降長勅給傳詔車牛出則施賜道俗榮之也

第二十卷云梁元帝世子方等疾篤徐妃攝心潔已遣人到女官李令稱華林館作功德妃夜夢見二青衣童子容服異凡稱華林侍童被使相告疾者為取觀壇石宜送乃痊覺即問世子世子云近造山池取用遣送遠并遣侍讀王孝祀入山更建齋懺謝世子即愈之也

神仙傳第四云人有疾病者就河東人孫博自治博亦無所云為直指之言愈即愈也

第七云董奉字君異候官人也吳先主時還豫章廬山下居有一人少便病癩垂死自載詣奉叩頭求乞哀憐奉使此人坐一石中以五重布幕病者自使莫動乃勸家人共近之病人自說聞有一物往欲之痛不可堪無處不而度此物舌當大一尺許其氣息當大如牛許竟不知是何等物良久物去奉乃往解病人巾以水與浴之遣去告曰如是愈矣且勿當風十數日間也病者身體通赤無復皮

甚痛得水浴即不復痛二十日皮生瘡盡愈膚如凝脂也又云奉居山間了不佃作為人治病亦不取錢物使人重病愈者為我栽杏五株輕病愈者為我栽一株如此數年之中杏有十數萬株鬱然成林云云

第九云桂君者徐州刺史也病癩十年醫所不能治聞千君有道乃往見之道從數百人威儀赫奕至門千君不迎入室千君不起桂君拜而自陳千君問子來何為桂君曰無狀抱此篤疾從神人乞愈耳千君曰子侍從乃眾吾謂子欲求劫道子若信治病者皆遣侍

從身留養馬可得愈也桂君即去從官方留養馬三年亦不見治病不知病愈也又云茅君學道於齊後成道治於茅山人有疾病往請願當煮雞子十枚內帳中須更茅君一擲子還之歸破之皆無中黃者病人當愈若中有土者病即不愈以為常候雞子如故無開處也
第十云封君達者隴西人也聞有疾病待死者識與不識便遇之以藥治之應手皆愈也

又云趙瞿字子榮上黨人也得癩病瘡垂死人或告其家云當及生棄之若使死於家則世世子孫當以此病相注於是家人為作一年糧送著深山石室中又恐虎狼食之從外以木柴柴之瞿悲傷自怨晝夜涕泣如此百餘日夜忽見石室前有三人問瞿何人瞿應曰是窮人也瞿知深山窮林之中非人所行必是神靈乃自陳說叩頭求哀神人入行諸木柴中有如雲氣了不呈礙問瞿必欲愈病者當服藥能不瞿曰無狀多惡懼此惡疾已見。疏棄死在旦夕若則足割鼻而可得活者猶所甘心况於服藥豈有不能也惟乞神人巧其生活神人乃以松子松脂各五斗賜之語曰服此不但愈病而已當得度世汝服此盡此病當得愈而廢之瞿服之未盡癩病了愈身體強健乃歸家人謂之鬼具說之家乃喜遂服之二年顏色轉少肌膚光澤走及飛鳥也又云陳長者在約真上已六百歲約真上人為架屋每四時享祭之長亦不飲食無所修為諸事奉者疾病則已。器從長

乞祭水服之皆愈其命當死者長則不與水也。疾者太平經第三十三云真人問曰凡人何故數有病乎神人答曰故肝神去出遊不時還自無明也心神去不在其脣青白也肺神去不在其鼻不道也腎神去不在其耳聾也脾神去不在令人口不知甘也頭神去不在令入胸冥也腹神去不在令入腹中央甚不調無所能化也四肢神去令人不能自移也夫神精其性常居空閑之處不居汚濁之處也欲思還神皆當齋戒懸象香室中百病消亡不齋不戒精神不肯還反人也皆上天共訴人也所以人病積多死者不絕。太平經第四十五卷又云今天不惡人有廬室也乃惡人穿鑿地太深皆為創傷或得地骨或得地血者泉是地之血也石為地之骨也地是人之母妄鑿其母既病愁苦所以人固多病不壽也凡鑿地動土入地不過三尺為法一尺者陽所照氣屬天也二尺者物所生氣屬中和也三尺者及地身氣屬陰過

此而下者傷地形皆為凶也古者依山谷巖穴不與梁柱所以其人少病也後世賊土過多故多病也又云有問者曰今時有近流水而居不鑿井何故多病不壽何也答曰如此者是明天地既怒及其比伍更相承負比如一家有過及其兄弟也是知穿地皆下得水水乃地之血脉寧不病乎又云有問者曰今人或有不動土有所立便旦時有就故舍自若有凶何也答曰如是者行動不利犯神凶也問曰犯何神也答曰神者非一不可務名也。又云有問者曰今有起土反吉無病害者何也答曰皆有言但得良善地者不即病害人也久久會且害人也若得惡地即病害人也故大起土有大凶惡小起土有小凶惡是即地忿使神靈以此之災多病人也又云有問者曰今河海下田作室廬或無柱梁入地未三尺輒得水復當云何也答曰此同為害也宜復淺之者地之薄皮也近地經脉也若人有厚皮難得血血出亦為傷也薄皮者易得血血出亦為傷也夫傷人者不復道其皮

厚與薄也見血為罪也人不欲見傷傷之則

怒地何獨欲樂見傷之哉夫天地乃人之真

本陰陽之父母也而子何從當得傷其父母

乎又云有問者曰今子當得飲食於母故人

穿井而飲之有何過乎答曰不爾今人飲其

母乃就其出泉之處也故入乳者人之泉也

若地有水泉也可飲人也今豈可無故穿鑿

母皮膚而飲其血汗耶

太真科上云篤病救命名為義齋三日夜高

德一人為齋主五人為從官精誠好樂錄生

亦可從齋非好樂進德不得從齋也又云救

解父母師君同道大災病危齋官露壇大謝

闍格散髮沉頓禮三十二天齋中奏子午章

苦到必感依旨教誨齋悉門中然七燈祖延

光明又五燈井窰門閣各一致聰明福也又

云法師宣法眾官精苦行禮得節儀序不虧

病人受恩漸蒙差愈三日齋心尅有效者賜

師算三十從官小算二十齋日計倍為率也

三洞珠囊卷之一

三洞珠囊卷之一

三洞珠囊卷之二

大唐陸海羽客王翬修

貧儉品

道學傳第四云范射者巴西閬中人也或作

儕字容止都雅不言先見不說機祥閑恬無

欲終日默然結絡敗布以繩為網披苦纆得

蔽形冬夏徒跣脚不皴裂四時無寢肌音若

處子美姿顏應接恒笑眾咸敬而安之又以

宋太元十四年到荊州居于南郡枝江縣之

富城洲尾巴芒中亦有屋宇不障風霜以桑

柴為牀束葦挿其間有一空單一瓦瓶裝擔

枕倚以卧或有十日荷擔乞食口絕糲梁醪

醴滋味果實唯麤粟飯菜羹食一分許便過

旬日也行甚駛語甚急自非精意聽受各不

可解恒小坐恭敬不以高卑易心不與俗中

榮貴人語恒閉眼不聽聲樂恒卧而獨語人

問之輒云王建武來俄又作餘端應對不可

尋檢也又云生資一毫悉無算瓶悉空也又

云遙視其衣服雜色敗布帽又數十年故物

殊覺不淨既至甚香潔也

殊覺不淨既至甚香潔也

第五卷又云劉凝之字志安小名長年南郡

枝江人也王公贈遺一無所受家財事業悉

分與弟姪出於蒿菜之中而為環堵之室非

力作不取也夫妻齊操能以苦節自安不拘

小節常與妻共取茨車入市門隨物貴賤而

賣之周食餘便以乞人雖復荒年絕粒不革

其操妻梁州刺史郭詮女遣送豐華凝之悉

分贍親屬以盡為限婦亦無怙心也又云性

好山水乃携妻子跨崖越嶺為小蓬室妻子

皆從不知所終也

第十卷云東鄉宗超字逸倫高密黔陬人也

梁廬陵威王為起造房宇廊廡莫不華壯供

養法具咸悉精奇唯先生所居茅茨不改衣

服牀惟務存簡率常坐一圓枯杵移榆遂有

膝痕并冠莞席穿缺不換也又云嚴寄之字

靜處丹陽句容人也捨家入道菜食布衣體

無寸帛也

第十一卷云張澤字士和吳郡吳人也專心

道法沈浮世也隨時語默居貧守約處之無

悶也

悶也

第十三卷云庾承仙字崇光潁川鄆陵人也明老莊至行清儉布衣莞席長齋蔬食四十餘年恒以講說爲務也又云孟道養字孝元外名援平昌人也爲性慈仁布衣周身蔬食充口此外蕭然執行精勤未嘗殆倦行道禮拜不避寒暑也

第十五卷云戴勝字世榮晉陵曲阿人也少而出家貧蓋嘗爲鄉人劉表著作表是將士好田獵勝乃棄之入茅山也

第十六卷云孔靈產字靈產會稽山陰人也遭母憂燕酌珍羞自此而絕饘蔬布素志畢終身也

第十八卷云鄧郁之字玄達南陽新野人也隱南嶽行則獨住居無常室寒暑唯著弊衲衰不結髮長則剪之齊水明時人也

列仙傳上云幼伯子者冬常著單衣盛夏著襦袴形貌歲歲異後數十年更壯時人莫知也

神仙傳第四云孔元者許昌人也常服茯苓松實惡衣蔬食也

焦先字孝然河東太陽人也年百七十歲常食白石結草爲菴於山邊衣敗質新於市買故衣著冬常單衣顏色赫然休息常如暑夏飲酒之狀也

韜光品

大洞經下云太上大道君形沈八玄韜光萬源浩浩冥貫條條霞標神秀外覺氣彌炎洲容與大化寥寥本無太空任奇即色隨消道學傳第五云東方朔字曼倩平原厭次人也潔其道而穢其跡清其質而濁其文若乃速心廣度宏才廣辯僞博物觸類多能也又嚴君平者名遵蜀郡人也非其服弗服非其食弗食常賣卜成都市日得百錢足以自養則閉肆門下簾修道沈深不作苟見不治苟德久幽而不改其操未嘗仕年九十餘終于家

第六卷云諸慧開字智遠吳興烏程人也性處幽靜常習閑寂精思內修每絕遊往或問何能幽悒如此答曰論動則六合未曠語靜則環堵有餘

第八卷云陶弘景字通明魏郡平陽人也明帝時棲慧鍾嶺隱居更造樓深自潛匿也第十三卷云庾承仙字崇光潁川人也再徵爲本州主簿不出又遣就拜乃閉門幽遁使者不得前也

勅追召道士品

道學傳第七云陸修靜字元德吳興東遷人也隱廬山瀑布山修道宋明帝思弘道教廣求名德悅先生之風遣招引太始三年三月乃詔江州刺史王景宗以禮教勸發遣下都先生辭之以疾頻奉詔帝未能致彌增欽佇中使相望其在必至先生乃曰主上聰明遠覽至不肖根見採拾仰惟洪春術深慚傷老子尚委王官以輔周室仙公替金錫佐吳朝得道高真猶且屈已余亦何人寧可獨善乎即命弟子陳飄之出都也初至九江九江王問道佛得失同異先生答在佛爲留秦在道爲玉皇斯亦殊途一致耳王公稱善至都勅主書計林子宣旨令住後堂先生不樂權住驛騎航尾客子精舍勞問相望朝野欣屬天

子乃命司徒建安王尚書令袁粲設廣譙之禮置招賢座盛延朝考廣集時英會于莊嚴佛寺時玄言之士飛辯河注碩學沙門抗論鋒出倚角李釋競相詰難先生標理約辭解紛挫銳王公嗟拊遐邇悅服坐畢奏議於人

主旬日間又請會於華林延賢之館帝親臨幸王公畢集先生鹿巾謁帝而昇天子肅然增敬躬自問道諮求宗極先生標闡玄門敷釋流統並詣希微莫非妙範帝心悅焉王公

又問都不聞道家說二世先生答經云吾不知誰之子象帝之先既已有先居然有後既有先後居然有中莊子云方生方死此並明

三世但言約理玄世未能悟耳朝廷欲要之以榮先生眇然不顧宋帝乃於北郊築崇虛館以禮之盛興造構廣延勝侶先生乃大敵

法門深弘典與朝野注意道俗歸心道教之興於斯為盛也

第八卷云陶弘景字通明魏郡平陽人也篤好黃老備參道法自稱華陽隱居初想句容縣之句曲山登巖告靜及齊明帝踐祚恐幽

祇未協固請隱居詣諸名嶽望秩展敬遂周旋五郡經歷三年事訖迎還令憇鍾嶺使人往來月有數四餉賜重疊隨意所求朝野書疏交為煩黷也

第九卷云齊建武二年陶受勅東祈名山因尋經典也又云蔣負芻義興人也去來茅山有志棲託齊高帝於山造觀建元二年勅請於崇陽觀行道也

第十二卷云孟智周梁武帝時人也多所該通梁靜惠王撫臨神伎請智周講先宅寺僧法雲來赴發講法雲淵解獨步甚相凌忽及

交往復感其詞辯智周敷釋燦然僧眾歎伏之也第十四卷云孫遊嶽字玄達東陽永康人也却粒餌麻屑松與朮齊永明三年敕徵為興

世觀主也第十六卷云孔靈產會稽山陰人也深研道要遍覽仙籍宋明帝於禹穴之側立懷仙觀

詔使居焉遷太中大夫加給事高皇賜以鹿巾後襄竹素之器手詔曰君有古人之風賜

以林下之服登凡之日可以相存之也第十九卷云徐師子字德威東海人也陳武帝立宗虛大觀引師子以為觀主後六七年卒于館文皇勅賚秘器并無常與凡庶喪事皆取給臺焉

投山水龍簡品

洞神經第十四云凡學長生存神明者山仁水智動靜所依依仁者靜而壽也依智者動而樂也樂近水壽如山山居翫水長生之方也當投簡送各拜見山水之靈靈皇帝君結

護善人使弘仁智長生神仙也八節日寅午時朱書白簡一枚曰曾孫某州郡縣鄉里位姓名志求長生移籍太清改死錄著生符計字滿簡詣山向王燒香發爐再拜讀簡畢再拜長跪青紙裹青絲纏再拜巖石上勿令人見復爐還勿反顧也詣水汎舟中流再拜

訖向王發爐心拜讀簡畢又拜裏纏如法以淨石系之令沈立春為始三年二十四過必能降真若公私意外一節致闕者更從初始數滿未成功少行羸更動立功精謹修之久

久神降自知吉凶顯了然道成乃止也

赤書玉訣上云元始靈寶告水帝削除罪簡上法曰靈寶黃帝先生某甲年如千歲某月某日生願神願仙長生不死三元同存九府水帝十二河源江海淮濟溟靈大神乞削罪名上聞九天請詣水府金龍驛傳某年月朔日子於某國土地告文

右朱書銀木簡上以青紙裹簡青絲纏之金龍負簡以投三河之淵初用金鈕九隻連簡沈之後投不須三過都止投簡當於

○ 清冷之淵北向叩齒三通讀簡竟祝曰

元始五老上帝高尊十方至真太華靈仙赤文告命無幽不開上御九天請下玉文日月五星北斗七元中告五嶽四方靈山下告河海十二水源九府水帝溟靈大神今日上告

萬願開陳請投玉簡乞削罪名千曾萬祖九族種親罪相連滌及得我身普蒙削除絕滅種根記名水府言上帝前七祖父母去離八難上登九天衣飯自然我罪釋散萬神咸聞請以金龍關盟水官請如所陳金龍驛傳又

云元始靈寶告五嶽靈山除罪求仙上法曰

靈寶黃帝先生某甲年如千歲某月生命屬黃帝名係太山願神願仙長生度世飛行上清五嶽真人至神至靈乞削罪籍上名九天請詣靈山金龍驛傳某年月朔日子於某國某嶽告文

右朱書銀木簡青紙裹之青絲纏金鈕九隻金龍埋本命之嶽悉如上法於本命之嶽東向叩齒九通讀簡竟祝曰

○ 玄老開明元始監真上帝五老赤書冊文天地本始總領三元攝氣召會催促舉仙高上符命一道十夫日月星宿五嶽靈山天下地上溟靈太神監生主錄南上三門關領玉簡勒名冊編削落罪書上補帝臣千曾萬祖九族種親皆蒙解脫五道八難去離三惡魂昇

九天生死開度萬劫長存今日上告萬神咸聞請以金鈕關盟真官請如所告金龍驛傳又云元始靈寶告九地土皇滅罪言名求仙上法曰靈寶黃帝先生某甲年若干歲某月生命系九天中斗領籍願神願仙長生度世

飛行上清中皇九地戊巳黃神土府五帝乞

削罪錄勒上太玄請詣中宮投簡記名今願自信金龍驛傳某年某月朔日子於某郡國鄉里中告文也

右朱書銀木簡青紙裹之青絲纏金鈕九隻金龍一枚埋所住中宮悉如上法於中庭向王叩齒十二通讀簡竟祝曰

○ 天開地張九氣分靈三光同符十方朗清五老上帝開真領生丹書玉文先始上精普告天下九土皇靈今日上告萬仙定生我願我

仙請投玉名土府太皇勒除罪刑奏簡上官列簿華青昇得飛騰天地同靈九族種親禽骸更祭魂昇南宮受化仙庭吉日告命萬神咸聽請以金鈕表盟至情請如所告金龍驛傳

道言欲度諸天人民使離五道八難之中得過三惡世世與道相值當以八節甲子之日投三元玉簡除宿罪簿言名上天事事三過諸天三官九府更相屬寄上天友別萬神敬護五帝侍衛三界司迎門戶整肅天下地神

日月來朝千魔萬精不敢妄干志願堅白觸
向咸成七祖父母即得解脫三塗五苦上昇
天堂生死福慶影響相酬三官九府書人功
過其理甚明也
三洞青囊卷之二

三洞珠囊卷之三

懷三

大唐陸海羽客王懸河修

服食品

列仙傳下云斷食休糧以除穀氣呼吸導引
吐故納新內音玉字上云子欲為神仙不死
當去三蟲心下伏尸常以夜半雞鳴祝曰
東方青牙服食青牙飲以朝華三嚙止南方
朱丹服食朱丹飲以丹池三嚙止中央之野
戊巳昂昂服食精氣飲以醴泉三嚙止西方
明石服食明石飲以靈液三嚙止北方玄滋
服食玄滋飲以玉飴三嚙止如此三十日三
蟲皆死伏尸走去正神正氣自然定伏尸不
復還心中兆自仙矣此為五方五牙之法此
即是五廚也故老子五廚經云修奉太和
不虧不盈嘗之無味嗅之無馨子得聞之命合
真星一受不退長樂自然是也又太上黃素
四十四方經亦有此食祝之文也
天文上經云玄古之人所以壽考者造次之
間不食穀也
大有經曰五穀是剝命之鑿爾臭五藏致命

促縮此糧入口無希久壽汝欲不死腸中無
滓也
道學傳第七云陸脩靜字元德吳興東遷人
也雖外混世務內守貞操少已習斷穀別牀
獨處也

第十六卷云陶炎字愛靜廬江浔陽人也年
十五六服食絕穀初猶食麩復唯食棗也
靈寶齋戒威儀經訣下云道士食五穀斷無
所餌則飢若服藥物正中服之過中聽飲清
水飲而絕食平旦飲粥日中菜食

大真科下云受外內治錄學仙之人皆當服
食嚙氣却惡治病未能斷殺者食宜有常且
粥也中養飯也乾蔬鹽豉示止饑而已不得
適口貪香美味慎勿殺生肥鮮狼藉至於
醬醋亦不可多多則損性又不得過飽恒令
限少一兩口乃為佳也食已便行逍遙調適
臨食食訖悉存先聖洪恩垂逮街荷無窮普
念一切咸同飽滿當得甘露芝液無饑不復
食咬世間塵味若受他施食皆懇謝主人心
口願念施主富樂飽滿長年同得法味永免

災衰無饑渴想常有法食及世間食施與一切無有窮盡濟度舍氣不生悔恡終無嫌恨長共歡樂初食食訖出飯布散山水之中巖林之下籬墻之邊勿擲屋上蟲鳥發穿致漏弊也

太上黃素四十四方經云凡道士臨食當以左手持箸珠盤三過乃微祝曰

二玄上道四極清冷太一帝君百神黃寧受根三宮漑灌脾靈上饗太和餐味五馨魂胎

之命七液流停百關遍和五藏華明雙皇合景飛行上脣食畢又琢盤三過此名爲魂胎

受馨百神饗糧之道常能行之令人神明氣和魂魄安寧辟惡除試常保利貞

神仙傳第九云介象字元則會稽人也入山見仙女象叩頭求乞長生女曰汝血食之氣

未盡斷穀三年更來吾上於此待汝象歸斷穀三年更來乃復往也此女故在前處乃以

還丹經一首以授象合象曰得此便得仙勿復他爲也

九華經云日者霞之實也霞者日之精也服

之體生玉光霞映上清之法也

三皇齋儀云修道之人目中一食夜半生氣時食此日夜兩食皆取生氣時避死氣時也他時纖毫不得妄嘗必犯死氣也若疾患採藥或服餌休糧各隨所宜不拘制限夫食以

養身身安神樂不饑之者修學易成餓困虛羸功業不就也又云一食道時皆燒香以存

供養先聖臨目思見前神降見款費良久願念施及一切咸同飽滿

洞玄五符經云食月之精可以長生食星之精上昇太清也

登真隱訣第二云服雲牙可絕穀去尸也登真隱訣第四云服雲牙可修真一之道守

元嘯依若似饑當食麵物以漸遣穀却粒不得一日頓棄所謂損之又損之以致於無爲也

金簡玉字經云服食斷穀者忌食酒肉及五辛之菜皆當沐浴潔衣燒香也亦見大有妙

經也

太一洞真玄經云子既不能服食去穀清腸

研真者且當節諸膳穢血腥雜食葷辛之菜一爲禁絕者可以度生命之長也又云紫微真仙王夫人勸服木叙云真人養生太上所寶七經五華二溥內道演服用御衆藥採釋百草穰癘固命木爲最好流激百邪消疾耐

老體生光潤充肌填腦非夫勤慕可得謂無天然不爲木方必也枯槁矣又云養性駐年

玄髮不變此木家之所治也又云夫木乃辟塞邪津氣過鬼路矣餐其九餌則靈心四數

榮衛輕盈服其煎散百疾瘳除可以長生久視也合木之方爲文多故此不寫出也又云

以兩手摩拭面目今小熱以爲常每欲數也人之將老面皺者先從兩目下始也人之體

二氣少者先從兩鼻開始也謂此二處皺衰之戶人氣力之闡津故起居常行此法以辟

皺衰而氣力常保康和也

太平經第一百一十四云青童君採飛根吞日景服開明靈符服月華符服除二符拘三

魂制七魄佩星象符服華丹服黃水服迴水食瓊剛食鳳腦食松梨食李粟曰銀紫金服

雲腴食竹筍佩五神符備此變化無窮超凌三界之外遊浪六合之中

登真隱訣第七云服五石者亦能一日九食百闕流溥亦能終歲不饑還老及嬰遇食則食不食亦平真上仙之妙方斷穀之奇靈也

陶隱居注云雖一日九食而吸嚮流變不變不為滓終歲不飯而容色更鮮青君曰石

飢飯東青朱英一服立使人長筭千祀日服日延又清靈真人說霍山中有學道者鄧伯元王玄甫受服青精飢飯吞日景之法用思

房以來積三十四年乃內見五藏冥中夜書又云三蒸青飯非常來也又云食麵乃易滅穀也或補實易充耳腸胃填滿不復虛疎

服飢飯百害不能傷疾不能去諸思念絕三尸耳目聰明行步輕騰也注云丹青和

神養氣能禦却災厲故疾室不復犯既精魂諧樂無有憂悲雜念着穀既休尸蟲自然消

絕肝腎清潤耳目瑩徹筋強骨勁行動如飛又云凶年無穀或窮不能得者皆單服南燭

或和茯苓或以蜜和南燭或雜松栢葉也入

云夫斷穀不必長生必須斷穀者蓋以遵修靈妙息肴休糧之累服御靈石求易効之致又云因穀以斷穀化六府於毫漸又云吸引之易感無貴於七曜修行之早成不過於九道保守之貞固弗踰於鎮生衛用之急防莫

超於渾神藥石之速效豈勝於青精析拜之至感孰賢於朝謝也服五石鎮五藏若暫死白骨如玉七魄營侍二魂守宅三元歡息大神內閉外注皮肉假來附身故並應散朽但使藏府不壞色狀如生骨髓不枯筋腦相注

魂魄鎮守三官晏靜大神既不輪遊九變恒內閉於洞房須當生之日乃復周流也或四十年二十年十年三年隨意而出當生之時即便收血有肉生津成液復質成形乃勝於昔未死之容真人鍊身於大陰易貌於三官

此之謂也

天帝君云太陰鍊身形勝服九轉丹形容端且嚴面色似靈雲上登太極闕愛書為真人也又引九華安妃曰憂累靡干於玄宅哀念

莫擾於絳津淡泊眇觀領景共歡俯仰四運

日得成真視眇所涯皆已合神

正月四月三月十五日四月八月六月四日七月七日八月八日九月九日十月十五日十一月三日十二月十二日並朝玉是也正月九日二月八日三月七日四月六日五月五日六月四日七月二日八月二日九月一日

十月十日十一月十一日十二月十二日並朝太素也正月一日二月二十日三月二十七日六月六日八月二十日十一月三日十二月六日並朝太極也月七日十一月十五日

日存玄丹月一日十一月十六日二十一日

二十六日存寶鏡存寶鏡者存見兩目變成兩明鏡照我一體也月一日十五日二十七日服明堂符皇象符丁卯日朝青童君建除

日存三一寅時存上景符三部服玄真卯日服霧服日象仍服日芒服七星符解化符朝

太微朝玉晨服三氣足龍成時服月精服玄真服月芒亥時吸水祝三雲祝五笥祝六宮

存大君卧祝劍環仍存斗存下景存頭五辰丑時存雙景皆是修道之方也又云昇玄飛

步迴謝拘魂制魄亦是其方也

上清消魔經云琅玕鬱華七陽日嬰九琳之液八瓊之精四藥紫漿五珠降生三華飛剛健珠月明蘭液金粉甘露玉瓶神藥丹散雲柯連營琅玕朝結西皇素盈漱而變之以入

紫庭又云東極織女之水西盡長庚虞淵南窮陽光之根北測太陰液城又云北採玄廓之綺奈仰漱雲山之朱窠東極扶桑之丹楹俯探長淵之文藻上和九轉之飛玉下嚙青玄之霞寶太虛結鑠素嬰懷抱紫虬童子九包風腦太極隱芝絳樹目道太上虹李天漢大草南宮巨珠西卿扶老三梁龍華靈妃所討有得食之分神億道又云上清幽芝太和斑龍黑胎文虎白沫出于西丘七玄飛節九孔瓊珠雲縹琳液玄圃琅腴鍾山白膠金生青敷閩風石腦黑河珊瑚蒙山白洩玉肺靈丘蒼鸞金津東英朱瓜九節交結太微紫麻瓊華玉實流淵鯨波赤河絳璧比汲太極之井中撮文朱之脉雲庭神桃崑園玉液夜精日草青津碧荻上招神光下飲玄瀨仰握玄

圃之瓊精俯摘園丘之紫柰白水靈蛤八天赤蓮萬載一生流光九商有得食之太上之寶貴也又云九石鍊煙丹液玉滋荀首流珠斑華石精丹鑪金液紫華虹英太清九轉五雲之漿玄霜絳雪騰躍三黃東瀛白香滄浪

青錢高丘餘糧精石飛田太虛還丹太素玄堅長光流草雲童飛千亦能使人上飛輕舉也又云三十六芝飛鑪鍊煙陽水月華五公之腴鎮生五藏鍊貌易軀乃至瑰葩雲屑金粉玉柔亦能延年至萬歲也又云玄水雲華漿五黃鬱靈中精千石飢飯衆青朱英白車飛節之實流烏紫木之黃一服立使人長筭千紀也又云松栢陰脂山薑伏精葛蒲藜麥門冬巨勝黃精菊花苟杞崖蜜伏苓桃皮澤瀉萎蕤黃連升麻地黃赤箭朱英靈飛水桂服之小益也無上昇青天之期也
太一洞真玄經云太一吸取紫煙也太一者人身中之神八素經云月華日曜之氣映乎東井也二十四生圖云朝列五星精中翕日中津夕食黃月華八素陽歌九章云仰翕瓊

珠華俯乃覺明開

登真隱訣第七云歲月就遠精動無虧強體鍊氣修藥得宜然後五腴改貌玄水之七陽變質曲是鶴鍊沖虛九轉龍翻駕日珠玕錫書玉階誦也受事瓊室誦也吾道畢矣又云

飛琅玕之華漱龍胎飲瓊精服金丹抱九轉服靈寶行九真白琅之霜十轉紫華隱還白翳神散石精金光靈丸此是金劍經曲晨丹滓九宮右真公郭少金丹草丸方長森公子服木方扁鵲起死方胡麻散伏苓丸九琳玉液八瓊飛精太上制仙丸是八瓊丹也太極真人青飢飯上仙靈方太極真人抹服雲芽玉方高丘先生四扇神仙散方龜臺王女四童靈方太上八瓊飛精丹服胎法還神守魄黃赤內真保靈松煙流青紫丸初神去本制蟲丸赤丹金精石景水母此紫文服日氣法黃氣陽精藏天隱月此紫文服月精法黃水月華徊天玉精錄剛水陽青映赤樹白子緯樹青寶琅玕華丹太極隱芝九真五公石腴石精金精藏景化形法解鍊之道反行法服

玉液潮腦精心鏡道具百神守玄中道遁變
化景道通變隱景道隱解法九精鍊氣轉皇
存心術鍊魂法杖解法水行不溺法飛解脫
網道九靈明鏡守玄白術吞日景法服丹霞
道守五藏全日法服氣法食日精雲氣迴行

道服日月氣服日月象日在心月在泥丸行
九息服氣服三氣玄真法玄真服霧氣法服
五星氣服日月晨氣服胎氣丹砂幽精金碧
紫漿八瓊降液龍胎鳳腦雲琅玉華九鼎雲
散虹丹石腦九華丹北育火丹流珠丹鑪火

丹崕山丹虹丹之液雲華丹鳴丹金液導仙
八方石中黃雲漿太極真人遺帶白散青精
石飯流明散制仙丸制蟲丸澤瀉栢實丸澤
瀉木散

登真第七云五石雲腴青童君曰五公之腴
鎮生五藏鍊貌易軀已下出五石雲腴訣第
四登真隱訣引而注之
第三卷中有琅玕丹曲長丹九轉丹五公石
腴青精石飯四鎮丸四童散四扇散甘草丸
初神丸伏苓丸胡麻丸流青丸流鍊腴服木

又云朱黃塞耳消尸是鍊魄之要道割魄法
飢絕滅三尸雲芽絕穀去尸初神丸穀蟲死
三尸枯五行紫文以除三尸服白芒消去三
尸敷沐浴蕩鍊尸魄又云服食斷穀休糧山
林斷粒以清腸清齋休糧服飢飯五年穀斷

嚙雲芽以斷穀欲斷穀先服初神丸太一四
鎮丸亦以斷穀子不斷穀大洞未可得聞斷
穀世自有方此九條以斷穀為善也又云甘
草丸服少欲食協穀而仙次服飢飯兼穀勿
違益體除疾肌膚充肥然後登山詠洞講微

右此二條以不斷穀為善也
會以七白靈蔬合雜同消故云會也雲草玄
清者黑巨勝之腴者木之精雲草者以草潤
澤如雲亦論雲能合水草中有津也玄者色
也清者質也并醴華英者白密也醴泉卉之

英華釀之以為醴麥上精也五光七白靈蔬
者薤菜也薤音胡五者五月不動掘之避歲
火之害七者金數白薤辛金味也薤金之精
也靈蔬者謂神菜也白素飛龍者白石英也
白素衣其形色飛龍取其隱變玄水玉液玄

清之腴水也玉液石英之液也一名飛龍雲
腴飛龍石英名也雲腴雲腴草也一名鍊五
石之華膏華者英也膏者玄腴也扇南燭之
東暉招始芽之朱靈南燭陽物之精東暉伏
靈之光津始芽荊葉之軟也朱靈丹液之鮮

潔者五液夷派百關通盈五藏之液平和調
定而關節皆得宣溢故無復潤枯之患又云
復勵以晨漱華泉五方靈精鳴鼓王池呼吸
玄清兼用雲芽之法漱濯清泉以助充其潤
則氣質並康也華腴童於規方胃滿鎮乎空

青者密能變老還少使目青色潔空青鎮胃
補液故腸滿肌光又云所以千筭一啓壽隨
年榮歲與藥進飛步仙庭服盡一劑命不復
傾五雲生身體神氣精者青童云長筭千祀
謂一劑而已故言千筭一啓服十劑則壽萬

年五方之老來降青精之人神附體則成真
人也
太極真人青精干石飢飯上仙靈方也注云
此草有青精之神而又雜朱青以為干飯故
謂青干石飢飯也飢音此則諸宮上仙之靈

方非下法也豫章西山青米吳越青龍稻米是也青米理虛而受藥氣南燭草木搗取汁以淹青龍之米作藥服之其樹是木而似草故號曰南燭草木也一名猴藥一名男續一名後阜一名惟那木一名草木之王生嵩高少室抱犢雞頭山名山皆有非但數處而已江左吳越至多其土人名之曰猴叔或曰漆叔似柘子其子如茱萸清虛真人王君內傳說其方法大具也

○上元寶經曰子食草木之王氣與神通子食青燭之津命不復墮也青精南燭故兼云青燭也服之仙矣又云常漱玄池之華以益六液也注云勤修雲芽之道以充六府之氣也空青者虛曜而童面上上品石藥及草木也荆木者六甲陰符云一名羊樞一名空疏一名壯荆上清六甲內經有上清瓊宮五帝內思上法上清靈飛六甲內思通靈上法清虛真人醮靈飛上法

八素經云日精赤以金精石景水母之英鍊於日魂曜精八芒服之精元幽闡體生奇光

與日月同年月光黃華帝以月二十五日經於東井之上沐浴靈暉鑿飾精芒鮮明黃華也夫欲求仙當以其日採黃華於東井服陽精於月魂潤流九孔之內神鎮五府之宮修行其道上升月庭月魂在東井之內則日月通暉之戶

三元真一經云蘇林服保靈松煙流青紫丸令人長生出陰入陽顏色日少與玉同光又曰真人消子云必欲服食者當先去三尸三尸不去雖斷穀絕五味蟲猶不死人體重滯所夢非真顛倒翻錯邪欲不除由於蟲在其內搖動五神故也又云制仙丸者太上八宜飛精之丹也又有制蟲神丸也又云琴高先生受鎮氣益命之道又行補精反丹之法寶劍上經云太極曲晨八景飛精名之曰太極藏景錄形靈丸服之能浮景雲霄飛行太虛

三元玉檢云九天真王乘九色之鳳也

三道順行經云南極上元君受高上順行三道之要黃氣陽精之道翁御靈暉口歡呈華

仰餐飛根存七曜於紫晨三景垂映七精翼軒五靈交帶四司結篇西龜定錄名題高晨也

登真隱訣第四云太極真人服四極雲芽也寶劍上經云胡仙芝草飛天之華又有反生之香玉蜜之山也

金根經云餐霞嚙氣咀嚼玄根

大有上經云泥丸天帝三一者乃一身之靈宗百神之命根津液之山源魂精之玉室是以胃池體方以受物腦宮圓虛而適真萬毛植立千孔生煙德備天地混洞太玄故名之曰泥丸泥丸者體形之上神也又云兩眉間却入左有明童真君右有明女真官中有明鏡神君此三君共治明堂宮腰帶四玉鈴口銜玉鏡鈴並赤玉也若道士恐畏存三神使鳴玉鈴使聲聞太極使吐鏡光令萬文存見此三君口吐赤氣使灌兆口則千妖伏息萬鬼滅形若道士饑渴吸而嚙之須臾吐赤氣使灌兆口因吸而嚙之須臾自飽也又旦起皆嚙液三十過以手拭面摩目以為常存唾

變作津液也

太一帝君洞真玄經云欲存服日月之氣者當知日月景象日圓形而方景月方精而圓象景藏形內精隱象中景赤象黃是為日月之魂若知其道乃可以吐納流霞也服日氣

之法以平旦採月華以夜半存之令光景照我泥丸下及五藏洞徹一形常得長生又云存日入我口如稻味也存月入我臍中當命

門下照陰室之間也又云閉目啄齒五過以左手第三指捻鼻下人中七過以右手第二

指捻兩眉九過此為却癩三五七九封制百神門戶之法也

玄母八門經云太素真人所服之藥者靈草玄清者黑巨勝腴也一名玄清也卉醴華英

者白蜜也五光七白靈蔬者薤菜也白素飛龍者白石英也黑巨勝腴白蜜凝雪者又云

雲腴者味甘美疆而補精鎮生五藏守氣凝液長養魂魄真上藥又云腴蜜名曰玄水

玉液一名飛龍雲腴一名鍊五石之華膏也至十五年身有玉光內外洞徹長生天地役

使鬼神三年之後眼見夜書也此藥逾於八石之餌也又復五石入喉實鍊五藏五藏上皆生五色華也又云常服日月之精華者欲得常食竹筍竹筍者日華之胎也一名太明

又欲食松葉也松者木之秀也欲服日月當食此物氣以感運也太虛真人曰松者木之秀也其松栢皆曰秀木也

大洞經云道君散教養形吐故受新攝精逐穢漱晨華以招日皇挹夜明以抱月珠結璘

吸霄雙景合遊飛芝詭玄靈若被岫又云道君吐納七冥六度揮惠八解寄成略略遠暢

飄飄絕冥心泊節淡以廻孩嬰也又云道君仰簪日華拾落月珠摘絳林之琅實餌玄河

之紫蕋僊塞靈軒領理虎書又云醴沫三黃絳液易精九琳吐芒琅玕百變碧映水陽八

瓊飛景莖綠粲曲最乘霄沆金月明玄津玉液靈腴五公光葉散音一唱八張波若大

精伊離玉薑金鐵百會舍利鍊香鬱鬱靈寶化易文章力主既陳壽不可量寔真元之珍

藥上帝之所秘也或鍊五雲玉華靈金餌朱

魄綠藥華腴碧精南燭翠飢沈沙空青朝採五晨玉潤素漿亦能反故還新變老得嬰也

又云懸漿五鍊而水柔九琳洞合而玉成火琅遂珠流金採瓊有齊上契命胡可傾

登真隱訣第四云太極真人服四極雲芽神

仙上方揖五方元晨之暉食九霞之精也注云謂清晨之元氣始暉之霞精日陽數九是

曰九霞本文云所以神光內曜朱華外陳體生玉瑛注云形與明挹晨暉以止渴食霞精

以充糧藏府與神光合曜色貌隨朱華共鮮玉潤映體和氣明形皆五晨之靈鋒六禮之

淵液所能致也又云得九琳玉液八瓊飛精者則合終二景天地同符也又云虛淡內充

守元嚙液所謂真一也又云致神以六液五氣又云常嚙赤液以哺養三宮也又云雲芽

者五老之精氣太極之霞煙故採暉景之鋒以充於六液之和洞微冥感萬神來降幽映

相求不唱而應是以龍吟方淵故景雲落霄虎嘯靈丘故衝風四振陽燧招明而朱火鬱

起方諸罕陰而玄流湛湛自然不覺所測況

學者方棲心注玄精研道根穢累豁於中宵
眞正存乎三宮採五晨之散暉服六體之霞
漿稅九天之奇寶吐玄妙之祕言龍曜發躍
明光七煥味三華於皓齒取飽液於脣鋒內
鍊六府關聰微明呼吸天元魂魄鍊形也

眞誥第五云黃山君訣曰養性服食藥物不
欲食蒜及石榴子道士自不可食又禁房中
既令藥力不行又計食一斤損算百日也沈
羲口訣服神藥勿向北方大忌亥子日不可
唾亡精失氣減損年命藥勢如上

眞誥第七云漢昭帝時張慶之女名微子常
服霧氣自云霧氣是山澤水火之華精金石
之盈氣也久服之則能散形入空雲氣合體
微子云受此法於東海東華玉妃涇文期也
又云女眞傳禮和服五星氣得道也又云仙
女范丘林行挹日月之景服九靈明鏡之華
又云陳世京服木及澤瀉寒華也又云玄一
真人初入天台山服食胡麻也又云司馬季
生服明丹之華挹扶晨之暉令顏色如二十
女子鬚長三尺黑如墨也

眞誥第九云左採日華右掇月根也

上清九真中經內訣修奔日月祝曰食青精
日粒飲雲碧之腴宴八極之城登明眞之臺
坐希林之殿誅玉晨之詞也又曰日魂精神
珠景亦童使我西到六領之門入協晨玉宮

八絃素丘八景上房得帶千明之符佩流星
夜光之章坐太和之殿登七靈之臺飲月華
雲膏食黃琬紫津粒誄高上之篇吟玉晨之
詞也又云太上八景四藥紫漿五珠絳生神
丹方此丹有八名或名曰四藥華或名曰太
微紫玉腴或名曰五珠華丹或名曰絳生晨

華或名曰三華上丹或名曰太上飛剛或名
曰九晨上丹也
後聖道君列紀云黃水月華丹徇水玉精丹
水陽青映液也故太上真人宴觀七覺遊翔
萬方寔由四液之飛津五珠之丹皇也又云
服之唾地則爲日月之光也又云北都琅玕
華則絳生之丹粒也
七星移度經云渴翕良井洪泉玉芝饑納龍
胎瓊腴絳樹赤子

紫度炎光經云九皇太精北極眞君益我精
胎彊我三魂左引日華右拘月津

道基吐納經云道士修身吐納休糧一旬精
氣微熱顏色萎黃二旬之時動作眩冒支節
悵悵大便微難小便赤黃或時一利前瀆後

剛前至三旬身體消瘦重難以行四旬之時
顏色轉悅心志安康五旬之時五藏和調精
氣內養六旬之時體復如故機關調良七旬
之時心惡諱誼志願高翔八旬之時恬悒寂
寞信明術方九旬之時榮華滑澤音聲渙章

十旬之時精氣皆至其效日昌修之不止年
命自長三年之後炎癘除滅顏色有光修至
六年髓填腦實緣知存亡經歷九年役使鬼
神號曰真人上佐上皇與天同壽與日合光
傳非其人身受其殃

天文上經有龍胎金液九轉之丹守形絕粒
辟除萬邪五號先生儀有紫庭金液也
玉訣經下云元始五炁常以雞鳴上會靈寶
玉山玄都上官陽光初明散元始之暉流觀
諸天其氣鬱鬱其暉薰熏精如月珠光如紫

雲氣運轉如車之輪上御九天之關中固五帝靈山下注云學士五牙之根上宮衆聖大智真人皆以其時餐食其暉仰嚙其精與天相承致得無窮也後聖道士休糧長齋五嶽絕塵人聞遠思清真者得日日服日根之霞

吞太陽之精則立覺體生玉澤面有流光位為玉皇

道引三光經云三光者一名流精二名澤嬰三名法氣四名陽王五名雲華六名導守仙七

名九變八名定光謂三光仙道鍊胎之術也

道學傳第二云許邁字叔玄小時名映後自改名遠遊入新成道山服巨勝斷穀常服氣

一氣千餘息晉水和二年移入臨安西山也又云高平閻玄之瑯琊彭初皆就遠遊受業

遠遊曰閻君可服氣以斷穀彭君宜須藥以

益氣遂教彭以餌木並委質伏事三年遠遊

曰君以解此但當勤修之耳專修矣心如死灰形如委骸可各索清靜處以自精妙於是

玄之住於潛餌木為務也

第三卷又云王嘉字子年隴西人在東陽谷

口鑿岸為穴而自居不食五穀不衣華麗清虛服氣不與世交姚長慕容迎之不應也真誥第五云范幼冲遠西人華陽中監也受胎化易形今來在此恒服三氣三氣之法存青白赤三氣各如絃從東方日下來直入口

中挹之九十過自飽便止為之十年身中自生三色氣遂得神仙此高元君太素內景法

旦旦為之臨目施行視日益佳也

東海東華玉妃濟文期授含真臺女真張微子服霧之法常以平旦於寢靜之中坐卧任

已先閉目內視髮髻使如見五藏畢因口呼出氣二十四過臨目為之使自見五色之氣

相繞纏在面上鬱然久之常乘雲霧而遊也又云守玄白之道常旦旦坐卧任意存泥

丸中有黑氣存心中有白氣存臍中有黃氣

三氣俱生如雲以覆身肉變成火火又燒身

身通洞徹內外如一旦行至向中乃止於是服氣一百二十都畢道止如此使人長生不

死辟災却害尤禁酒肉五辛之味當別寢處

靜思尤忌房室房室即死又云夫學道唯欲

默氣養神閉氣使極吐氣使微又不符言語大呼喚令神勞損如此以學皆非養生也真誥甄命第四云體操高運味玄咀真吸引景曜凝靜六神煥領八明委順靈根變累靡干於玄宅哀念莫擾於絳津也

真誥第七云范幼冲遠西人也受胎化易形今來在此恒服青赤白三氣之法遂得神仙

也又云徐宗度晉陵人受風谷先生氣禁道也又云龍述字伯高後漢時人從仙人刁道

林受服胎氣之法託形解亡隱處方臺師定

錄君也又有劉阿平者居方山洞室中常服

日月晨氣顏色如玉似年三十許人也

本行經云昔禪黎世界隸王有女字曰絳音年至十四不言王棄之空山女之無糧食常

仰日嚙氣引月服精自然充飽體不損常也

空洞靈章云朝餐五雲氣夕喻三晨光又云食氣長阜穴嚙津黃水華閉夜拔朽骸還童

及素牙身入不死劫名係玉靈都

八素陽歌九章云七寶玉粒金丹紫芒隱芝左撥右拾夜光鳳腦虎沫雲瓊霜奇味一

御則身拂太空

奔日月二景隱文云飲月華雲膏食黃琬紫真之糍也

道學傳第二云無石鉛餅以鍾乳代之此二物皆石上之津所生在許邁傳中

真詰云周穆王北造崑崙飲絳山石髓食玉樹之實也

道學傳第三云燕濟字仲微漢明帝末時人也少好道德亦不仕於世矣初入華陰山服木及大黃精種雲母雄黃丹沙芝草也

第十四卷云雙襲祖字仲遠梁時人也初斷穀羸瘦有富人范欣請為辯名藥并給僕使採之俄更復常范氏所給水牛在山耕積年也

第二十卷云女官蕭貞東海丹徒人也少離

家入道山學道唯餌柏葉也

列仙傳上云赤將子與者黃帝時人不食五穀而食百草華又僂佺者槐山採藥人也好食松實形體生毛長數寸而目更方能飛行

速走馬也師角里先生受山隱靈寶方一日

伊洛飛龜秩二曰白禹正機三曰平衡按合服之日以還少一日行五百里能舉千斤一歲十易皮乃仙去

清虛真人王君內傳云主仙道君以雲碧陽水晨飛丹腴二升賜王君君即拜而服之積九年之中視見萬里之外能日步行三千里坐在立亡役使群神也

甘草丸方出南嶽魏夫人傳

第一者甘草六兩第二者丹砂三兩好者第三者大黃五兩第四者乾地黃七兩第五者白木十兩第六者五味五兩第七者人參五兩第八者伏苓四兩第九者當歸三兩第十者天門冬四兩第十一者木防己二兩第十二者豬苓三兩第十三者細辛二兩第十四者決明子二兩

右十四物並令得精新上藥不用陳久者先各細搗不篩乃秤散取兩數足乃入臼以次內甘草搗一千杵次內丹砂又搗一千杵自從次第一種以次內臼輕搗一千杵凡十四種藥合藥一萬六千杵都合三萬杵藥成以

蜜丸食後服如梧桐子大十九寧從少起亦可服三十九此藥內減病無毒無所禁忌食一年乃大得其益無貴且夕之急效也俗中女服之令人多子無傷病也久服神仙不死矣合藥當在別室潔處不得令雜人多目見之亦當沐浴齋戒三四可搗治之百患千病治之皆愈不能一一紀所善之名也其服食吐納事諸經大有此不更錄也

三洞珠囊卷之三

○

○

三洞珠囊卷之四

懷四

大唐陸海羽客王懸河修

絕粒品

道學傳第六云褚伯玉字元璩吳郡錢塘人也隱霍山鍊液養霞積年絕粒也

吐納經云絕穀不食元神之道也初服氣一日二日之時穀氣未定顏色鬱黃三日之時穀氣去精氣來四日五日之時精氣陰陽和調六日之時精神安定耳目聰明行步便利日已堅強七日之時常欲輕舉至道之故夢寤髮鬚上通神明八日之時神行八極能默然安為口中自甘志骨自強九日之時精神備形弱者強神氣日堅固不行自速不來自近顏色日悅十日之時諸神來至門皆闢王女侍從左右輕舉若駕雲中微翔道以待矣又云道以精為寶施與則生人人留則生身生身則未度世仙位也生人即功遂而身退隱也俗以為劇何況忘施而廢棄損不學多故廢老而命墜也
老君曰精者血脉之川流也精去則枯若是

以寶之也人以身為國神為君精為臣氣為民常行愛精此要道也

老君曰道者氣也寶氣則得道得道則長久神者精也寶精則神明神明則長生也又云長生道精為寶精者人之所由生也精為寶

故曰道也一日之道朝飽暮饑一月之道不失盛衰一歲之道夏瘦冬肥百歲之道節穀食棗千歲之道孤男無女是謂長生久視莫有能數也今謂此已上之文並出道基吐納經又云蓋聞八公有言食草者力食肉者勇食穀者智食氣者神聖人不食者不死也又黃庭經云仙人道士服氣非有神也積精所致和氣專也人皆食穀與五味我獨食太和陰陽氣故能不死也則休糧食氣為生道陰陽還精為重寶幸可修身至壽考空但慕遠謂無有更反於愚自使老千金送葬無益兆悲悼哭泣自懊惱不如長生最為好故記道幾言約少筆隨有真不妄修造之不釋昇太昊
太平經第一百二十云是故食者命有期不

食者與神謀食氣者神明達不飲不食與天地相卒也

第一百四十五云問曰上中下得道度世者何食之乎答曰上第一者食風氣第二者食藥味第三者少食裁通其腸胃又云天之遠而無方不食風氣安能疾行周流天之道哉又當與神吏通功共為朋故食風氣也其次當與地精并力和五土高下山川綠山入水與地更相通共食功不可食穀故飲水而行也次節食為道未成國象凡人裁小別耳故少食以通腸亦其成道之人次道基經云服藥食麥為善昔有甘始道士禦氣食麥而度世也又云合道不言得無之真晝夜不卧日月合光不饑不渴龜龍胎息也又云食穀名之穀仙行之不休則可延久長也不食穀者可以昇雲度世不死之矣又清虛真人王君內傳云太極真人曰夫受生氣於五穀者結胎育物必抱穀氣之流精也合真萬化亦陶五穀之玄潤也若子寄形於父母將因所生而攝其生矣不緣所生之始本而頓廢其所

因者未曾不枯竭於偏見斷年命以凋傷乎皆宜因其所由順其津源凝滯而和微而散根使營衛易鍊於日用六府化穀於毫漸矣故因穀者乃用生之良術緣本以去本者乃攝明之妙跡耶於是扇南燭之東暉招始牙之朱靈五液夷泯百關通盈神樂三宮魂素魄寧復勵以晨漱華泉五方虛精鳴鼓玉池呼吸玄精華腴童於規方胃滿鎮乎空青所以千算一啓壽隨年榮歲與樂進飛步仙庭也服盡一劑者命不復傾五雲生身體神氣精亦能一日九食百關流滯亦能終歲不饑還老反嬰遇食則食不食則平真上仙之妙方斷穀之奇靈也向云南燭者仙草也其樹是木而似草故號南燭草木也一名猴藥一名男續一名後阜一名惟那木一名草木之王生高高以室抱犢雞頭山巴錄服食品訖此方亦出登真隱訣第十也前服食亦說與此大同小異也

道基道士吐納經云絕穀斷稻米及餌清物者不得飲酒令人迷惑氣脉煩結百脉不通

又生熱不如不飲可為清潔也
太上黃素四十四方經云凡道士納和氣存神服霞修求長生之事慎不可食五葷之菜及為酒色之病敗也是故古之神人云五葷為伐藏之斧斤酒色為喪身之棺槨夫能斷斧斤之所傷塞棺槨之死宅然後可以陟長生之塗逕漸神仙之踐路也
元量變生經云食肉及五辛神不居人身中
金書真記云食五辛敗仙相也五辛者葱蒜韭薤興渠今俗間不詳之
神丹仙藥名品又第九卷服食品第
二十九隱山品並有
仙藥
太上八景四藥紫漿五珠絳生神丹玉經云
第一絳朱兒口訣云是丹砂巴越之精上
者第二丹山日魂口訣云是雄黃取洞明者
第三玄臺丹華口訣云是雌黃第四青嬰玉
女口訣云是空青第五靈華液腴口訣云是
薰陸香第六北帝玄珠口訣云是消石第七
紫陵文侯口訣云是紫石英第八東華童子

口訣云是青木香第九白素飛龍口訣云是
白石英第十明玉神朱口訣云是真塊拾芥
者第十一五精金羊口訣云是陽起石第十
二雲華飛英口訣云是雲母光明白者第十
三流丹日膏口訣云是胡粉第十四亭吳獨
生口訣云是雞舌香味辛者第十五碧陵文
侯口訣云是石黛第十六倒行神骨口訣云
是戎鹽第十七白虎脫齒口訣云是金牙石
第十八九靈黃童口訣云是石硫黃第十九
陸虛遺生口訣云龍骨紙之附舌者佳也第
二十威文中玉口訣云是虎腦第二十一沈
明合景口訣云是蚌中珠子第二十二章陽
羽玄口訣云是白附子第二十三綠伏石母
口訣云是磁石第二十四中山盈脂口訣云
是太一餘糧取中央黃者二十四種合為八
景四藥五珠絳生神丹也此丹服一兩即頭
生九晨之光面有玉華飛映寶曜洞觀天下
造詣紫虛出入玉清寢宴晨房也
太一餌瑰葩雲屑神仙上方云夫茂實者翹
春之明珠也巨勝者朗秋之沈靈也丹素者

盛陽之雲芝也茯苓者絳晨之伏胎也五華合煙三氣陶精調安六氣養魂護神能得其方位為天仙老素反玄嬰胎童顏千害不傷延壽萬年又云玄水雲華漿法亦曰雲茂朱漿日服五合使人體香而面有童華神仙方

也又云太一四鎮丸者神生五藏鎮六骨養七竅和九關鍊三魂明二童係一身長生萬歲也又云三神龍骨益六液養窮腸黑髮止白

太一菖蒲丸散方者守中鍊神長生久視填凝骨髓補滿腦血久服紫色如少女之形一名九轉始精菖蒲一名昌陽芝草

已上並出上清九真中經內訣以為主也大洞真經有九轉霜雪瓊瓊華丹還白玉玄水金液流精玉林結華日月之水皆白日飛

仙登天之道也又云仙母金丹一名西王母停年止老飛丹服之不死面有少容如女子紫度炎光經云飛丹紫華流精有百變之色又云玉胎瓊液之膏

飛行羽經上云金精冶鍊之膏食之一口得

壽七萬年

洞真太極帝君鎮生五藏上經云雲草玄清者黑巨勝腴也一名玄清丹醴英者白蜜也五光七白靈蔬者蕪菜也白素飛龍者白石英也亦見九真中經

後聖道君列紀云瓊瓊華丹藥種物

絳陵朱兒十斤口訣云丹沙丹山日魂五斤口訣

黃白素飛龍一斤口訣是青要玉女五兩口訣

是空紫陵文侯五兩口訣是碧城飛華五兩口訣

石口訣是比帝玄朱一斤口訣是九靈黃童五

兩口訣是五精金羊五兩口訣是雲華飛英

五兩口訣是白虎脫齒五兩口訣是流丹白

膏一斤口訣是倒行神骨五兩口訣是玄臺

月華五兩口訣是

都合十四種華丹若成一兩為一仙

白華者一名華一名華明一名華生一名華通一名華實

一名華靈一名華女一名華家一名華家一名華命一名華生一名華守一名華

十二部一名夜一名夜鳴一名夜精一名夜陰一名夜赤一名夜青一名夜

凡二十四名上應天地二十四氣服之方

寸七令人通神致福

文始內傳云老子與關令東遊登日窟常陽之山撥扶桑之丹樞散若林之朱華道學傳第四云交趾出葛洪之採者第十四卷云雙鬟祖字仲遠梁天監十四年

自往武陵尋丹砂雜樂公私施與數十金皆以賑救窮乏也

丹竈香鑪品

洞神經第十四云餌丹砂焚香用香鑪陰五

具也大洞真字芝丹青玉鑪鍊雲根柔金剛

之經也亦出上清三天君列紀經

登真隱訣云其燒香之鑪無言其形範者古

人多用博山及三足也八威召龍經有博山

香鑪也

太真科上卷云紫玄臺有大香鑪高五尺恒

焚香煙不絕也

昇玄經第六云玉童揚奇華玉女奉香鑪

第三云七寶之臺有七寶香鑪燒衆妙香馨

薰無量也

海空經第三云爾時海空智藏即起于席整

衣帔執香爐正對天尊恭敬而立瞻視目無他顧心無他想也

天文上經云日月垂光金爐隆崇或在離門或在命宮

八素真經云仙人唯知飛丹召霜煎鍊雲未

水玉解金九鑪作炎霄也

道學傳第十云東鄉宗超字逸倫高密縣人也嘗露壇行道康音中香盡自然滿溢又鑪中無火而煙氣自生氣氤周遍久之不歇也

第十四卷云雙襲祖字仲遠梁時人也好讀

經手不釋卷臨汝侯任郢州經塗要清使左右以香鑪匱一具置襲祖前更無所言而去

第十五卷云陶貞白以三真寶經封以錫函投諸巖穴又以真金鵲尾香鑪隨經供養之

第二十卷云女冠宋玉賢會稽山陰人也既

稟女質厥志不自專年及將笄父母將歸許

氏密具法服登車既至夫門時及六禮更著

黃布帑褐手執鵲尾香鑪不親婦禮賓主駭

愕夫家力不能曲棄放還家遂成出家也

大劫上經云天人玉女持羅天香業擎治玉之鑪燒九和之香也

三洞珠囊卷之四

三洞珠囊卷之五

大唐陸海羽客王懸河修

坐忘精思品

南華齊物論第二云南郭子綦隱几而坐仰天而嘘嗒焉似喪其偶也

第六篇云墮支體黜聰明離形去智同於大通此謂坐忘也

第四篇云支離其形役則不預又况更支離其德者乎又云無聽之以耳無聽之以心而聽之以氣氣者虛而待物也虛室生白吉祥止矣

止矣

道學傳第二云張天師周流五嶽精思積感真降道成號曰天師

第五卷引集仙記云劉凝之字志安小名長年南郡枝江人也奉道精進元嘉十四年於

精思所忽覺額上慘痛搔之得寶珠九枚即

沉以清水輝耀竟室于時臨川王鎮江陵求

者寶珠即分三枚付信也

道迹經云青童君曰夫精思者當先燒香於左右也

上清八景經云精思百日真人降形仙人詣房與子共言賜予神仙之藥授子神真之道也

葛仙公五千文經序云精思遠感上徹太上道君遣真人下授文帝五千文經希微之旨

也又云靜思期真則衆妙咸會內觀形影則神氣長存體洽道德則萬神震伏禍滅九陰福生十方安國寧家孰能知乎

莊子大宗師篇云夫坐忘者墮支體黜聰明離形去智同於大通此亦是精思之義也又

南華論齊物篇云南郭子綦隱几而坐嗒焉似喪其偶故行若曳槁木坐若聚死灰此亦是精思之義也

登真隱訣云五靈道人支子元乃於靜室精思存五星在頭上歲星在左太白在右熒惑

在膝中使鎮星在心中各見光芒氣色也久久行之出入遠行常思不忘無所不却也此五神因共人身則白日昇天也

裴君內傳云佛圖道人支子元裴君授以長生內術又云尋藥之與存思雖致道同津而

關源異緒服藥所以保形形康則神安存思所以安神神通則形保二理乃成相資而有優劣之品今慮神漏而形棄是存思之為優未見形去而神留服藥所以為劣其有偏用能通者亦同臻道岸而未若兼善使樂與思

交用形與神相入則指薪日續遊刃無阻生涯自然而立死地何從而來也

真誥第五云凡人常存思識已之形極使髣髴對在我前使面上恒有日月之光照洞一形使日在左月在右去面前九寸令存畢乃

啄齒三通微祝曰

元胎上真雙景三玄右制七魄左拘三魂令我神明與形常存畢又叩齒三七通嚙液三七過此名為帝君錄形拘魂之道使人精明神仙長生不死若不得祝者亦可單存之也

真誥第七云仙人張微子是漢昭帝時張慶之女也曾精思於寢靜誠心感處故得東海東華玉妃滄文期降之授以服霧之道也服霧之法始起於此又云括蒼山學道者平仲節河東人也受師宋君存心鏡之道如此積

四十五年中精思身形更少體有真氣中央黃老遣迎乘雲駕龍白日昇天今在滄浪雲臺也又云范伯慈者桂陽人也入天目山服食餌胡麻精思十七年太上真仙司命君下降授三十六卷經後服還丹白日昇天今為玄一真人也

太一金真記云昔有裴君止於崆峒山修行精思一年之中髮鬚形象二年之中五帝乘日形見在君左右三年之中終日語笑戲樂

五年之中五帝日君遂與裴君驂乘飛龍之車東到日窟之天東蒙長丘扶桑之宮八極

之城登明真之臺坐希林之殿授揮神之章九有之符食青精日粒飲空碧玄神於是與五帝日君日日而遊此所謂奔日之道也

上清變化七十四方經云若能精思於靜室棄累風塵誠注太霞之觀目羅上清之宮定

氣明於審止安神洞於太空則不旬日而觀神不移年而飛騰積感發乎一寸變璘鬱乎霄峯周覽極乎百圓化七十四方奇變之道福不可量皆神經之貴行寶訣之上仙也又

云若能夷心於林室思神顏於自然則氣達清霄澤流九津招靈景之幽華榮朽老以長存福慶銜於玄業元吉散於種親可謂生死享其祚祖考更生於胎仙大象之妙化巍巍乎靈文也

自然經訣云閉目存至真精思降十老昇仙水無為靈顏恒妙好渴飲玉池漿饑食金光草故陳先生修道會真必以精思為本存神入觀尅以靜念為先也

長齋品

太玄經第八老子傳授經戒注訣云夫齋供豐儉隨時施設大法清虛簡素為上也
登真隱訣第四云季偉昔長齋三年誠竭單思乃能服日月光芒之液於是神光映身也真誥第五云凡甲寅庚申之日是尸鬼競亂精神躁穢之日也不可與夫妻同席及言語面會清齋入室東向心拜存神念炁期感神明亦適意所陳也如此者玉女降侍也
夫學道之士當先檢制魂魄消滅尸鬼常以月晦朔之日庚申甲寅之日當清齋入室沐

浴塵埃正席而坐得不眠者益善以真朱筆點左目眇下以雄黃筆點右鼻下令小半入谷裏也點畢先叩齒三通微祝曰

上景飛纏朱黃散煙氣攝靈邪尸穢沈泯和魂鍊魄合形大神令我不死萬歲永全聰明

徹視永亨利津祝畢又啄齒三通嚙液三過并右手第二指躡左目下各七過當盡陰按之勿舉手也於是都按此二處是七魄遊尸之門戶鉞精賊邪之津梁矣故受朱黃之精塞尸鬼之路二景之薰姪亂之氣也此太極

上法常能行則魂魄和柔尸穢散絕長生神仙通氣徹視行之三年色念都泯也

無量經云正月長齋誦詠是經為上世亡魂斷地速役度上南宮七月長齋誦詠是經身得神仙諸天書名黃錄白簡前死上生八節

之日誦詠是經為九宮真人本命之日誦詠是經魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清也

真誥第八云辛玄子字延期隴西定谷人也

漢明帝時人也少好有道德奉法戒至心苦行日中菜食鍊形守精不違外物或遊山林屏棄風塵志願憑子晉於緱岑侶陵陽以步玄故改名為玄子而白字為延期矣亦見道學傳第四

小劫經云凡燒香朝禮日中一食

道學傳第四又云范材巴西閬中人也白哲而美髮秀眉明目容止都雅不言先見不說機祥閑恬無欲終日默然結絡敗布以繩為網披苦纜得敵形冬夏徒跣脚不敝裂四時

無寢太元十四年到荊州居于南郡枝江縣之富城洲尾巴芒中亦有屋宇不障風霜以桑柴為牀東葉挿其間有一空單一瓦瓶裝檐枕倚以卧或有十日荷檐乞食口絕糲梁醪醴滋味果實唯麤粟飯菜羹食一升許便過旬日也

第十卷云東鄉超宗字逸倫高密黔隊人也幼而離俗不涉婚宦立行精懇人所不堪日中而餐餐止麻麥門人眷屬皆慕蔬肴所處精廬鮭味不進也住希玄館梁武帝三教兼

弘制皆兼食雖有詔勅罕能遵用逸倫奉行於是館中法衆莫不兼蔬私有犯觸即加斥遣乃至廚黜不血味遠近嗟稱獨為清素也又云方謙之字道冲冀州趙郡栢縣人也外身濟物齋則六時六時必十方懺世中罕能

隨者乃多獨而行道臨當壽終廢齋七日而亡也又云章旻字高明宣城人也乃斥遣妻孥出家受道蔬食長齋常以七尺虛幻無勞愛惜隱安吳山靜處絕糧二十餘日凶人猛獸依其所止氣命羸微親實固請進食乃暫

許之粗已平復陳大建元年更絕飲食云將護此身會非長遠無益群生不營久住修道立行何必在此欲有更勸請者拒而不納也第十八卷云沈法義字世貞吳興武康人也住峯粵山大弘道士每以正月十五日招集

道俗建色齋繞山續明也

上清大洞戒九十二條科云修雌一之道平旦可小食勿令飽日中大食過此以後聽甘木果也

靈寶齋戒威儀經訣下云道士長齋過中聽

飲清水飲而絕食平旦飲粥日中兼食抱朴子曰洪意謂大齋日數多者或是貴人或是道士體素羸劣不堪旦夕六時禮拜愚欲晝三時燒香禮拜夜可闕也若欲一日一夜齋此可六時行道也

太真科上卷云學道樂生好法修術長齋兼食得道乃休此第一業也汝齋千日百日月日節食羸食服氣服藥飴食隨堪密行其間他事公私之急皆聽暫解事竟續之心形無急討成真仙空名苟修急慢增考

科曰凡一年正月三月五月七月九月十一月此六月應齋又一月之中一日八日十四日十五日十八日二十三日二十四日二十八日二十九日三十日此十日名曰十直齋皆天神下降精修得福也

太真科下曰長齋六時隨力所堪大法常修習經講吉日集齋皆可三時行道拔度先亡救濟危疾解罪度厄悉六時行道三時上經講者兩時夜可覆講亦可誦經也又云凡身為教主習道率人居宇有常衣服有法動靜

可觀所作可則是以聖人抱一為天下式行化守一天下同歸歸乎清虛守靜唯篤未能無待常學少私稍遣世務三業可修修三業守一以齋為本齋者齊也潔也靜也不必六時行道三時講經晝夜存神懺悔請福干噪

玄靈更失其一能得一者必由攝三能攝身者端拱不擾能攝口者默識審明能攝心者神與道合如斯為主成聖真仙未全此者攝身朝禮離殺盜淫也攝口誦經免妄言綺語兩舌罵詈攝心存神脫貪恚癡十惡既去十

善自來與道合真不能爾者勿妄為師彊立治化利養是規也赤書玉訣下云太玄上宮北帝常以庚申日制天民三尸魂神條人罪狀上奏帝君當以是日能修齋奉戒晝夜思神則三尸不得上天言人之罪地司奏人善功列言帝君太一

歡喜即記名左契長為種民也太上上宮至尊神常以甲子日遣太一中臺大使者下周行諸天諸地檢校神祇支散雜俗鬼精若其日能攝齋燒香中臺大使者

皆條善功奏上三天上帝上帝即為除監天領地上鬼神主書名玉曆長為真人

法輪經云長齋幽阜不倦晝冥切栢中餐潭

水露澄息影巖穴獨宿孤征與鹿為群倚林棲形窮默對躄飛鳥哀鳴風雲悽切萬古沈

零凝水填礪素雪翳庭寒厲切肌志勵殊精

契闕林岫艱苦備嬰勞不敢倦極不敢寧展轉求道遂感皇情

道學傳第二云張天師棄家學道負經而行

入嵩高山石室隱齋九年周流五嶽精思積感真降道成號曰天師諸經中長齋事大有此不具也

三洞珠囊卷之五

三洞珠囊卷之六

懷六

大唐陸海羽客王懸河修

齋會品

太玄經第八老子傳授經戒注訣云夫欲傳授道德而對齋者法限三十八人少不可減

六人六人為通齋官備足一人為師五人為保保者實也荷也明也證也度也成也相重

如實任荷可教明其丹誠證其業善度其試難成其至真齋法九日七日五日三日勿減

一日若減一日者此是會而非齋散財飯賢

謂之為會文書啓告請監會官也故玄都三會律云四月八日會天徒皆設謫食也注云出天徒皆風毀小贖徒人之罪也

前三十八人者一曰三師其一一人為正師即法師是也二曰五保二人為護師即六明六人即監齋是也四曰七證七人即侍

經是也五曰八度八人即侍香是也六曰九成九人即侍燈是也

右六品三十八人不能備者多少隨緣皆為神足弟子僑彥英才之人作五保七證

之師同為署受法之辭以修齋然後授其戒錄也三元經中卷云正月十五日天官七月十五日地官十月十五日水官此三官上會玉京山校定生死罪福簿錄也此日皆須齋會也

捨失戒品

太真科下云凡受道經科律戒錄因緣應捨許得捨之不可委叛叛不告而去後難以還捨而去後後必易歸歸乎至道无復去今應去者輸誠告師師設譬諫為立方宜方宜不立諫必不從為之燒香啓告三寶教之三禮心口發言經戒科律與其身俱空三界六趣與大道俱空諸法空一切空三言之訖三禮而去後適意隨願而行猶不得誹謗正法弊露祕言犯之長墮地獄无復入善之期嚴加宣明去後反悔重求受科先立功德効力輸財然後依法受之如初也

太真科下卷云凡是受戒錄忽然失去失去輸一半不須重受之也

正一法文下卷云失錄者更令罰薪五束朱

三兩飯賢三人失一將軍罰薪半束朱四兩飯賢五人失十將軍罰薪一束朱五兩飯賢十人失七十五將軍罰薪十束朱七兩飯賢五十人失百五十將軍罰薪三十束朱九兩飯賢百人凡輸罰畢得重受也又云非意失去某年月日時於家或在某處遺公私逼迫水火盜賊依實言之不知所佩之錄何在尋檢不得依自謫輸薪廚以贖罪更令得受不勝元元也

清戒品

太玄部卷第八老子傳授經戒儀注訣云凡受戒及經畢後月晦月半不可不齋齋則清戒溫戒竟夜誦之百遍千遍限外无數木堪如此者不可減九遍他日齋靜行來出入得誦便誦不必齋時誦訪友思而行之不須高聲心口相知在人衆中勿發於口審能在心然感通上聖也
正一法文下卷云凡為道民便受護身符及三戒進受五戒八戒然後受錄受錄之前未受戒者受錄之後依次受之誦習通利恒存

思行諸憶不謬忘則犯科未受錄時无所呼召受錄之後動靜呼神不行戒者呼之不至破戒之人吏兵遠身還上天曹考官便速致諸厄疾公私災橫輒軒衰否所作不成成切立德捨闇入明施善穰惡以吉除凶要在行戒神即祐之戒有別文精詳修習或有不解或有遺亡或有謬誤或冒禁故或尊上逼迫或畏死犯之皆是愆招悉名破戒即應懺悔首謝自新也

凡違戒者背負鞠言協道信邪雜事佛俗此為不專中心懷二愚迷猶豫或障纏深師三誨之必能改革守一不廻召神有效三誨不悛是為叛道爭逆師專法應奪錄入佛奉俗及无所事師慈改之不追咎責怨懟事他棄本逐末雖名奉道實犯正科諸官不得容受積久知悔更立切乞還聽許依德昇遷矣亦別有清戒錄無儀一卷以行世用之

立功禁忌品

太玄都中宮女青律云凡修上清之法不得北向及本命之上二處便廻觸件玉晨穢慢

本真五犯不得入仙也十犯被考左官死入地獄三塗之中萬劫還生不人之道也又云凡上學之士受三天正法四明之科佩帶真文出入三光及冥卧息不得露頭不著巾帽及脫衣露形毀慢身神辱真文令真靈遠遊空尸獨在三犯不得入仙也五犯死入地獄萬劫還生不人之道也又云凡上學之士受三天正法四極明科不得妄入淹穢哭泣悲淚吊問死喪五犯伐功斷事不得入仙也十犯死入地獄萬劫還生不人之道也

太上黃素四十四方經云凡道士存思上法及修學太一事皆禁見死尸血穢之物當以真朱一鉢散內水中因以洗目漱口并洗手足微祝曰
三光上道太一護形司命公子五神黃寧血尸散滅凶穢沈零七液纏注五藏華生令我仙度長享利貞

凡道士受學生法不得稱死稱死事者則生氣變動不居常宅故死氣運入魂神離棄是以惡氣遊尸陳其間孔矣將病將死之新也

真一條檢經云夫立功德者不得觸禁犯忌當與身神相和不可更相尅賊更相尅賊生災起禍也夫消災散禍不得用本命行年本命行年賊害汝身

本命日可行周天大度鍊氣生身不可妄失行年日可行生布氣養神育精不可妄失絕命日不可用之致災絕滅歲星日不可用之致縣官刑獄六害日不可用之致疾病衰危月晦日不可用之致災身枯氣喪歲破日不可用之致災家門凶禍

戊辰戌戌日不可用戌為天門辰為地戶戌將是狗辰將是龍戌是中王神也其日太上丈人詣太上老君對校天下男女應生者注玉曆九老丈人詣九老君對校天下男女應死者注死籍道德丈人詣道德君對校天下男女為功德者記名左契天帝丈人詣天帝君對校天下男女為罪過者著名右契仙都丈人詣仙都君對校天下男女應得仙者上名仙籙
天師還天曹校棟初角反簿錄分別善惡此日

閉天門塞地戶龍遊五嶽狗行河梁中黃大神備守天門中黃丈人備守地戶外事一斷其日不得燒香行道關啓章奏汝曹要有觸耗此日者中黃大神收攝汝曹魂魄付候獄榜掠六十日關啓章奏不得通關六十日考

竟遣魂魄還汝曹身中今汝曹軻軻衰耗亡失疾病口舌皆由於此若戌戌日卒有疾病縣官者當正心端坐思過悔請吾自懸知汝心自為汝曹寬俾考罰明日汝曹有文書陳乞即下赦恕之書汝曹也又云受太一法在身者遭父母喪經三月日暮喪滿月大切喪經月可得奉行道法章書啓乞也

受天真三一真一赤界法在身者遭父母喪經百日也暮喪三十日大切喪經月月限未滿不得奉行道法章書啓乞也

受黃書契令在身者遭父母喪一年也暮喪百日大切喪四十日小切喪滿月經麻經月月限未滿不得奉行道法章書啓告也若違犯落平陰獄獄中恒有泥塗滑不可走被考使走行塗中不得一步便自倒地如此三百

年考竟更生為人短悴衆人所輕也
真誥第九云正月庚申二月辛酉三月庚戌四月癸亥五月壬子六月癸丑七月甲寅八月乙卯九月甲辰十月丁巳十一月丙午十二月丁未

右上帝殺日不可請乞百事無宜

金書仙誌云夫學仙之人勿北向便迴仰祝三光勿北向理髮解脫衣裳勿北向唾罵犯破毀玉破謂歲下辰也王謂王氣之所在也勿怒日月星辰勿以八節日行威刑勿以月朔日怒恚勿以三月三日食百草心勿以四月八日殺草伐樹勿以五月五日見血勿以六月六日起土勿以七月七日思存惡事勿以八月四日市履履附足之物勿以九月九日起牀席勿以十月五日罰責人也勿以十一月十一日不沐浴勿以十二月三日不齋燒香念仙也諸如此忌天人大禁三官告察以是為重罪矣或令人三魂七魄流競或胎神所憎三官受惡之時也是以惡夢交於丹心妖魅乘其未闕精夜觸犯神真煩惱流變

多禁莫識奇術子能奉修則為仙才不奉天禁則為傷敗

黃順請問上經云受老子經不奉混俗祠祀又云受法之身常出入行來經履新生及新死之家及行逢死尸與棺木者還所住處香湯沐浴方得燒香也又云受法之身不入產婦之尸及不得見尸者謂異處斷隔於來往則乃朝禮無廢不拘日數之限若家無隔異者四十五日方得朝禮也

正一法文下卷云協道信邪此為不專中心懷二愚迷猶豫是為叛道乖逆師尊法應奪算

太上黃素四四方經云凡修太一之事及行上法存神之道慎不可見尸及血穢之物見一死尸則一年不得行事又却傾一年之切然此帝一之科常却罰於既往又進塞於將來若一年三見尸者則罰切斷事各三年也若過見二十四尸者皆不得復修行太一以求仙也又云凡脩受上法及雌一太一之事者兆身中三魂五神之氣常薰於巾服之

中七魄九靈之精常棲於履屐之下是以道士學生不雜席而寢故衣褐之服不借非已之器履屐之物常惡土穢之糞亦不得使雜人犯觸以驚三魂也又云凡存修太一之事欲有所禮願慎不可叩頭叩頭者則傾九天

動干真神官迴覆泥丸倒懸天帝號於土府太一泣於中田數如此者則存念无益三真棄宮七神埋散玄宅納凶是為太一五神之至忌也故有真之人但心存叩頭運精感而

行事不因類以祈靈也又云凡修行太一之事真人之道不得有所禮拜禮拜亦帝君五神之所忌也若有所精思行禮願之時但心拜而已不形屈也上清大洞戒九十二條科云修雌一之法不得哀哭哀感則五神號於上府太一泣於中田神喪精亡靈真去身空尸獨立復何仙冀哉又云不得見尸一年不得行事却傾一年之切若一年見三尸者則三年不得行事亦却三年之切滿見二十四尸子失道前文太素亦與此大同小異矣又云不得言稱死事恚怒願已之死也言滿

四十不得為真人以為棄生之罪三年身亡滅矣又云不得五色衣裳數華好服則真靈去身淫邪內發馳心猖狂三尸潛逸赤子飛廳長離玄室破形解骸身死名滅若衣勿雜色蘭布之服可以終日詠誦洞章莫求不得乘雲駕龍道遠太極也

靈寶戒三十六條仙內科云玄功之人當布衣草履不得榮華之服犯者失道也又云不得言及俗邪穢之事三犯失道又云祖父母已父母同法可拜不同不得拜伯叔以下同法亦不得拜犯者身亡也又云父母吉會不得預坐也又云父母兄弟妻子同契雖有骨血之切皆不得同牀而坐同盤而食其法不同皆為尸穢犯者失道又云夫妻不得同室而寢邪念在心長失道矣又云自非同盟不得同室而寢自非同契不得同牀而坐同盤而食同衣而服也

靈寶制服科云祖父母暮年之喪不得臨尸於別房制哀五日不得受吊伯叔兄弟同如祖父母九月服又云制哀畢沐浴復巾服不

得制世服犯者失道罪劇上科若已父母聽
展哀百日後復巾褐心喪三年无復哀喪此
靈寶聞科也若隱身名山无復哀哭也一自
都斷矣

玄都立身行道律第十五云身荷仙官靈錄
不得妄拜哀木得妄哭也又云於父母國君
官長二千石刺史三公皆設敬不得即設禮
拜也又入治律第二十云臨喪不踰月不入
治哭不過三日不入治穢汙不過賸朔不入
治三年不滿百日不入治皆謂哀戚犯穢罪
不敢觸神明也

戊辰戌戌不入治禁忌之日不得入治請吏
兵丙寅丁卯丙申丁酉戊申戌戌皆不入治
行道修真犯禁忌皆奪算減年也

破可以消災建可以立功刑害之日不用注
云不得用自刑殺害之日也若上章不得用
建破閉也

上章律第十三云寅刑己戌刑未子刑卯申
刑寅卯刑子己刑申丑刑戌未刑丑
第二十律又云不得齋持酒肉於治中飲食

濁亂太素罰素四十五注云小穢三日大穢
七日聽得解之也緣何今按三洞科起靖觀
宮堂第十一云民家曰靖師家曰治又引律
曰按靖立在天德天德甲乙丙丁地也長一
丈八尺廣一丈六尺凡佩仙符錄皆須安靖
治也

第二十律又云不得犯三師諱三師四世諱
違律罰算七人治時亦不得犯注云天師係
師也尸籍所屬師曾祖祖父師身四世名諱
也

受持八戒齋品

具街臣陸脩靖上啓

元始天尊无極大道感應靈聖一切神明今
有善男子善女人等求欲受持八戒清齋一
日一夜用以檢御身心滅諸三業罪惱者故
洞神經第十二云夫齋以齊整為急以齊整
身心身心齊整保无亂敗敗起多端大略有
八也

一者不殺生以自活二者不得姪慾以為悅
三者不得盜他以自供四者不得妄語以為

能五者不得醉酒以恣意六者不得雜卧高
廣大牀七者不得競習香油以華飾八者不
得耽著歌舞以作倡
今日善男子善女人等若能不犯此之八事
則八敗無從以起則八戒自然而立立久不
失則延年保命神通洞達是故齋者受持八
戒思真行道通而无窮顯驗必速皆如所期
也今請受既畢再拜再起來戒而退也

三洞珠囊卷之六

三洞珠囊卷之七

懷七

大唐陸梅羽客王懸河修

二十四治品

按玄都律第十六云治者性命魂神之所屬也五嶽名山圖云

陽平治屬金屬鹿堂治金元鶴鳴治木崑

沅治土房葛瓊治火心庚除治火尼秦中治

水箕真多治金斗

右八治是上治

昌利治土牛隸上治火女涌泉治木產稠梗

治火危北平治金室本竹治木璧蒙秦治火

星平蓋治土妻

右八治是中治

雲臺治火胃澁口治木易後城治土畢公慕

治金黃平岡治水參主簿治金井玉局治水

星北却治土柳

右八治是下治

已上二十四治並是後漢漢安元年太上

老君所立

岡互治水星白石治金張鍾茂治水具山

治土野地圖云此四治在京師東北

右此四治是張天師所加充前二十四治

合成二十八治上應二十八宿

平公治屬水配公慕治屬土配天台治屬土

竹賴鄉治屬金配摶領治屬金配代元治屬金

星雲利里治屬火配清沅治屬金配

右是天師更加此八治以配八品周布四

海鎮國化人也

第一別治有四者

第一具山治第二鍾茂治第三白石治第四

岡互治

右四品在外名別治於內名備治備治足

二十八也別與三八別也

第二遊治有八者

第一吉陽治第二平都治第三河達治第四

慈母治第五黃金治第六太華治第七青城

治有城山第八峨眉治

右八品是遊治也

第三配治有八者

第一代元治第二摶領治第三賴鄉治第四

天台治第五公慕治第六平公治第七利里

治第八清沅治

右八品是配治也

第四正治二十有四者

第一北却治第二玉局治第三主簿治第四

平岡治第五公慕治第六後城治第七澁口

治第八雲臺治

右是下品八治也

第一平蓋治第二蒙秦治第三本竹治第四

稠梗治第五北平治第六涌泉治第七隸上

治第八昌利治

右是上品八治也

第一真多治第二秦中治第三庚除治第四

葛瓊治第五滿沅治第六鶴鳴治第七塵堂

治第八陽平治

右是上品八治也

第五星宿治二十有八名上治一名內治又

名大治又名正治是上皇元年七月七日無

上玄老太上大道君所立上中下品二十八

治要訣

第一角宿上治無極虛无无形下治陽平山
第二元宿上治无極虛无自然下治鹿堂山
第三武宿上治无極虛无无為下治鶴鳴山
此三治主辰生

第四房宿上治虛白下治瀆沅山第五心宿

上治洞白下治葛瓊山此二治主卯生

第六尾宿上治三一下治庚除山第七箕宿

上治三元下治秦中山此二治主寅生

第八斗宿上治三五下治真多山此一治主丑生

右八品無上治

第九牛宿上治九天下治昌利山第十女宿

上治五城下治隸上山此合前三治主丑生

第十一虛宿上治元神下治涌泉山第十二

危宿上治丹田下治桐稷山此二治主子生

第十三室宿上治常光下治北平山第十四

壁宿上治金梁下治本竹山此二治主亥生

第十五奎宿上治六府下治蒙泰山第十六

婁宿上治一君下治平蓋山此二治主戌生

右中八品玄老治之

第十七胃宿上治五龍下治雲臺山此合前三治主

生戌

第十八昴宿上治隨天下治瀘口山第十九

畢宿上治六丁下治後城山此二治主酉生

第二十觜宿上治十二下治公慕山第二十一

一參宿上治還身下治平岡山此二治主申生

第二十二井宿上治拘神下治主簿山第二

十三鬼宿上治無形下治玉局山此非山

第二十四柳宿上治聚元下治北却山此三治主

生未

右下八品太上治之也

太上漢安二年正月七日中時二十四治上

八中八下八以應二十四氣付天師張道陵

也

第二十五星宿上治別形下治罔互山第二

十六張宿上治保氣下治白石山此二治主午生

第二十七翼宿上治五王下治鍾茂山第二

十八軫宿上治金堂下治具山此二治主巳生

天師以建安元年正月七日出下四治名備

治合前二十八治備應二十八宿也是宿治

隨天而立歷運設教劫劫有受命為天師者

各各申明濟世度人以至太平太平君出更
加有司隨其才德進位大神也

又張天師二十四治圖云太上以漢安二年

正月七日中時下二十四治上八中八下八

應天二十四氣合二十八宿付天師張道陵

奉行布化張天師沛國豐縣人也諱道陵字

輔漢稟性嚴直經明行修學道有方永平二

年漢帝詔書就拜巴郡江州令以元和元年

三月十日辛丑詔書拜為司空公封食冀縣

侯以芝草圖經歷神仙為國揀延年長生藥

以漢安元年丁丑詔書拜應太上方任遂解

官入益州郡界以其年於蜀郡臨邛縣渠亭

山赤石城中靜思樂情五月一夜半時有

千乘萬騎來下至赤石城前金車羽蓋出從

龍虎鬼兵不可稱數有五人一人自言吾是

周時柱下史也一人自言吾是新出太上老

君也一人云吾是太上高皇帝中黃真君也

一人言吾是漢師張良子房也一人言吾是

佐漢子淵天師外祖也子骨法合道當承元

老忠臣之後今授子鬼號傳世子孫為國師

無民無期於是道陵方親授太上步質勅當步綱躡紀統承三天佐國扶命養育群生整理鬼氣傳為國師依其度敷開立二十四治十九靜慮授以正一盟威之道誅伐邪偽與天下萬神分符為盟悉承正一之道也

上皇元年七月七日無上大道老君所立上治八品要設掌中伏虧造天地五龍布山嶽老君立位治以用化流俗愚者不貪此真覽競所欲仙道何足訓傳之於質朴也

第一陽平治在蜀郡繁縣界去成都一百八十里道由羅江水兩岐山口入水道四十里治道東有龍門拒守柵水二栢生上西南有大泉決水歸東治應甬宿貴人發之治王始終嗣師天師子也諱衛字靈真君為人廣智志節高亮隱習仙業漢孝靈帝徵為郎中不就以光和二年正月十五日己巳於此山昇仙立一治碑一雙在門名曰嗣師治也
右陽平治山山中有主簿治嗣師治系師
第二鹿堂山治治在蜀郡繁縣界北鄉去成

都三百里上有仙室仙臺古人度世之處昔永壽元年太上老君將張天師於此治上與四鎮太歲大將軍川廟百鬼共折石為要皆從正一盟威之道山有松栢五龍仙穴能通船渡持火入穴三日不盡治應元宿弓長發之治王八十年

第三鶴鳴神山太上治治在其上山與青城天國山相連去成都二百里在蜀郡臨邛界徑道三百世人不知之馬底子何丹陽得道處治前三水共合成一帶神龍居之有四

金釘二石金銀簪三斛亦言尹魯主之治應氏宿賤人發之治王六十年神仙傳第五云張天師遇中國紛亂乃入蜀鶴鳴山學道也第四滿沅山治治在蜀郡繁縣界與鹿堂山治相連其間八十里去成都二百五十里上有果松神草服之昇仙四龍神起騎之門范蠡主之治應房宿庶人發之治王二十年
第五葛瓊山治在蜀郡繁縣界與滿沅山相連去成都縣二百三十里去陽平治水口四十八里揚仙賢於此得道上有松栗山高六

百丈治應心宿道人發之治王九十年
第六庚除治山去平地三百九十丈在廣漢郡陽泉縣西去縣五里去成都二百八十里上恒有仙人往來可以度厄養性昔張力得道之處山有二石室三龍頭淮水遠之治應

尾宿當道士發之治王始終
第七秦中治山在廣漢郡綿竹縣東去九里去成都二百里其山浮昔韓衆於上得仙前有火水東有道路徑於漢洛治西有大石銅為誌治應箕宿癩人發之治王始終

第八真多治山在廣漢郡新都縣去成都一百五十里山有芝草神藥得服之令人壽千歲山高二百八十丈前有池水中有神魚著五頭昔王方平於此與太上老君相見治應斗宿女人發之治王七十年
無極元年十月五日真正无極太上立中治八品氣速設掌中
第一昌利山治在廣漢郡領縣東西十里去成都一百五十里昔蜀郡李八百初學道度八百唐公房之師也遊行蜀中諸名山常自

出藏於成都市暮宿於青城山上故號為八百也其山南有一石室容八十人前有三龍門為誌治應牛宿狂惑人發之治王五百年第二隸上治山李子先生學道飛仙治在廣漢郡陽泉縣東北百二十里山有二石室有一神并白鹿白鶴白鳩時來飲之有石在治前與慈母治相連西有赤石溪上有三松為誌山去平地二十九百丈昔中山衛叔卿於此得道治應女宿貧賤人發之治王百年第三涌泉山神治昔廣漢馬明生學道得仙太上老君至此化形住此治在遂寧郡小漢縣界上有靈泉治萬民病無不差愈傳世為祝水治去成都二百里有懸崖百丈近綿水猴猿百鳥來在其間治應虛宿野人發之治王三十年其山小而高四向有遊道

第四稠稷治在犍為郡南安縣去成都一百一十里汶山江水九里山高平地一千七百丈昔軒轅學道之處也治左右有連岡相續西北有味江水山亦有芝草之藥可養性命治應危宿貴人發之治王五十年

第五北平治在犍為郡南安縣去成都一百四十里山上有池水縱廣二百步中有神芝藥草食之與天相久昔越人王子喬得仙治應室宿道師發之治王四十年一名研山治第六本竹治山在犍為郡南安縣去成都一百二十五里山高一千三百丈上有一水有香林在治陌北有龍穴地道通峨眉山上有松栢昔郭子聲得道之處也後有林竹西去十五里治鑿通鶴鳴前水尾常有神龍遊戲其中治應壁宿龍門吏人發之治王五百年

第七蒙秦治山在越雋郡邛都縣西去城二十里去成都一千四百二十里治與越雋郡隔河水前有小山後有太山高一千丈昔伊尹於北山學道上有芝英金液草服之得度世後有漢中郡趙昇治應奎宿凡人發之治王九十年

第八平蓋治山在犍為郡武陽縣去成都八十里前山下有玉人身長一丈三尺昔吳郡崔孝通於此山學道得飛仙山西有大江南有長山北有平川中有龍門治應婁宿陰人發之治王千年

无上二年正月七日无為大道玄真立下治八品氣要訣掌中

第一雲臺山治在巴西郡閬中縣西去六十里上山十八里方得山足去成都一千三百七十里張天師將弟子三百七十人住治上教化二年白日昇天其後一年天師夫人復昇天後三十年趙昇王長復得白日昇天治前有巴西大山水有一樹桃三年一花五年一實懸七百丈下無底之谷唯趙昇乃自擲取得桃子餘者無能取之治應冒宿有人形師人發之治王五十年又雲臺治山中有玉女乘白鶴仙人乘白鹿又有天神來迎天師白日昇天萬民盡見也此天柱山也在雲臺治前有立碑一雙

第二瀘口治山在漢中郡江陽縣去成都二千九百二十里陳安世於此山上學道得仙安世京兆人也漢中水過其前山一名平元山西有長山東有流海帝王所在青龍門治

應昂宿俗人發之治王五百年

第三後城治山在漢中郡南鄭縣昔晏子然於此山上學得仙道左有大水後有重山山有神芝服之壽千歲一名黃陵山南有長山北有青龍東有松栢為誌治應畢宿凡人發之治王八十年

第四公慕治山在漢中郡南鄭縣去治一百里昔蘇子於此山學道得仙一名北逢仙山南有石坎北有懸流水治應常宿病人發之治王七十年

第五平岡治山在犍為郡南安縣去成都一百里昔蜀郡人李阿於此山學道得仙白日昇仙也治應參宿道士發之治王二十年北有三重曹溪南有持山為誌

第六主簿山治在犍為楚道縣界去成都一百五十里蜀郡人王興於此學道得仙一名秋長山南有石室玉堂松栢生其前治應苦宿微人發之治王八十年

第七玉局治在成都南門左二里以永壽元年正月七日太上老君乘白鹿張天師乘白

鶴來至此坐局脚玉牀即名玉局治也治應鬼宿千丈大人發之治王三世

第八北邱山治在京兆郡長安縣梁水在治左務成子於此得道大黃山東有穴泉南有東流治應柳宿仙聖發之治王六十年

天師以漢安元年七月七日立四治付嗣師以備二十八宿

第一岡互治在蘭武山應星宿第二白石治在玄極山應張宿第三具山治在飯陽山應翼宿第四鍾茂治在元東山應軫宿

嗣師以建安三年十月五日布立八品配治。滿沅治在玄山利里治在高平公治在牛公慕治在牛身天台治在黃山賴鄉治在山搏領治在平方代元治在山

系師以太元二年正月七日立八品遊治。峨眉治在蜀青城治在蜀太華治在京黃金治在蜀慈母治在城河逢治在平都治在巴吉陽治在蜀

系師者嗣師子也諱魯於陽平山得尸解仙道人立一治名系師治但嗣師治並主簿是

天師門下也又立一治今按玄都職治律第九云代沅治平都治是外遊治也是知峨眉治等亦是遊治也

二十四氣品

按玄都開闢律云二十四氣為天使一氣十五日一歲十二月月二氣終歲為二十四氣皆是自然之氣也

洞玄經云三元以三氣置立三天三天者始氣為清微天元氣為禹餘天玄氣為大赤天宋文明通門上云少陰太陰少陽太陽又與

中和之氣合以成五氣五氣就前玄始三氣成數為八即大洞經云三元各八合為二十四氣眾生品族於是而生也此氣散之為雲霧合之為形影出之為分化入之為真一又此氣之本謂元始大梵之氣分而為三即

成上三天也。若登真隱訣時日詮次訣云二十四氣者立春雨水驚蟄春分清明穀雨立夏小滿芒種

夏至小暑大暑立秋處暑白露秋分寒露霜降立冬小雪大雪冬至小寒大寒以為二十

四氣也

真誥第五云東方九氣青天南方丹天三氣
流精西方七氣之天北方玄天五氣徘徊亦
合為二十四氣也若是中央乃云中中央黃中
理氣總統玄真此不論氣數也以總統四方
為二十四氣之主也

上清三天君列紀經云夫氣之所在隨神所
生神在則氣在神去則氣去氣者即二十四
神之正氣也氣散則為雲霧合則為形影出
之為仙化入之為真一上結三元下結萬物
靜用為兆身動用為兆神也

三部八景二十四神品

出上清九真中經內訣已具錄出在前第八
名數八景品中此不再寫也

二十四地獄品

按太真科中卷云宛利天下鄴都之山在北
方於地山上有八地獄主上三官

第一監天獄第二平天獄第三虛無獄第四
自然獄第五九平獄第六清詔獄第七天玄
獄第八元正獄

中央有八地獄主中三官

第一玄沙北獄第二皇天獄第三禁罰獄第
四玄沙獄第五形正獄第六律令獄第七九
天獄第八清冷獄

山下有八地獄主下三官

第一無量獄第二太真獄第三玄都獄第四
四十九獄第五天一北獄第六河伯獄第七
累劫獄第八女真獄

右二十四獄獄有十二掾吏金頭鐵面巨
天力士各二千四百人把金槌鐵杖玄科

死魂以治罪罰也

二十四職品

按玄都職治律第九云監天職主監亂真
戾正也

督治職主督察諸治正一師性行貪枉不依

師法

貢氣職主選擇男女官正一師考察身體瘡
癥形殘跛辟務得端嚴質素

大都攻職主天下屯聚符廟秦胡氏羌蠻夷
戎狄楚越攻擊不正氣惡人逆鬼盡當分明

考錄

領功職主天下五方四海八極十二州百二
十郡國一千二百縣萬二千鄉亭市邑屯沙
聚石五嶽四瀆山川神祇之功賞直符伐殺
萬鬼盡當了之

都功職主功勞錄吏散民曉義錢穀金銀玉
帛六畜米物受取出入管籥倉庫府鬼神之
物禮信及治殿作舍橋道樓閣神室盡主之
也

領神職主選擇賢良貶退偽惡對會諸氣諸
有犯違盡主之也

監神職主考素所犯狀結文書開視利害縛
束謬誤化論戒勅

領署職主選署二十四職名籍功賞諸職文
書次第校投命籍

察氣職主察四方諸氣符瑞徵應

平氣職主質天下之氣平均四方八極氣候
主之也

上氣職主收萬鬼分別正氣邪精
都氣職主三會吏民請乞治救分別年紀郡

縣鄉邑所受官號

威儀職主教勅禮制衣服儀容法則起次位
彈邪正非施行法禮

領氣職主領五色之氣知其變異氣候并領
知氣職也一本無領氣職

領決職主鬼氣男女被氣傳語領決教分別
秦夷胡戎狄氐菟其偽

四氣職主諸治投言文書對會諸治戶籍口
數出死入生

行神職主布氣宣化顯明道教

道氣職主勸化凶逆化惡為善

聖氣職主贊對文書歲終功限謂狀言上者

承氣職主承治醫療著功之數

典氣職主典諸職高下次第

廉平職主監察廉邪均平飲食

行教職主奉宣師教勸化愚俗不知法者

建義職主表條功勞助時伏勤對應退也

按上章律第十三云男職女職二十四職即
此是也

地發二十四應品

按衆篇經云元始開闢地發二十四應上慶
神真

一者是時天元混沌未有光明晨難啓旦四
景朗清天玄地張成生五行

二者三萬六千日月於是下土同明光尚幽
夜照曜無窮十六

三者青鳥銜書以告五帝正天分度

四者白虎吐金安鎮玉靈

五者青龍奉符以告水帝制會促運江海開
張

六者瓊鳳喻璽以獻帝王安國保祚五鎮長
存

七者鸞鳳同唱飛鳴嘒嘒

八者群鳥翔舞飛欣天端

九者蛟龍踊躍鼓洋泙泙

十者河水滂流魚鱗交會

十一者甘露自生芝英霧霓

十二者冬不冰霜枯木並榮

十三者林木木稼冬夏生華結實繁茂無有
凋傷

十四者四氣調和災疫不行天人悅慶無有
夭年

十五者毒螫閉齒不生害心

十六者師子猛獸依人為隣

十七者天下男女育嬰疲病一時復形無有
疾傷皆得康強十七

十八者老年反少年不老華容偉貌精彩
光明

十九者鳥獸六畜懷胎含孕已生未生皆得
生育無有折傷

二十者婦女懷妊普天生男

二十一者地藏發泄金玉露形散滿道路無
有幽隱

二十二者天振地裂枯骨更生沉尸飛魂普
起成人天下歌唱欣國太平

二十三者地生蓮華天人稱慶莫不欣欣

二十四者五嶽開洞符經並出教導其天人
是時學者莫不飛仙也

二十四真圖品

按五稱符上經云欲求道法先沐浴去臭穢

當得東井圖

二十五性色者

按左玄論中卷第九品云眼聞五色耳聞五音鼻聞五香舌聞五味身聞五觸

第十三品云香謂麝焦雁朽芳也觸謂堅柔冷熱平諸者可知之也

第十三品又云具此五五二十五性色者合成凡夫小命也

二十七中法門名數品仙真聖二十七
大夫二十七
天人身
中二十七
生氣君

○仙真聖二十七品者按宋文明通門下云上品曰聖中品曰真下品曰仙也聖品以復有三也真品復有三也仙品復有三也合為九品也九品又各有三合為二十七品也

宋文明道德義端下又引八素經云上真給七仙童玉女二千人中真給玉童玉女千人下真給玉童玉女五百人迴元九道素經亦有差品

大洞經云從生得道從道得仙從仙得真從真得為上清黃老君則上仙但備上仙之道

未及上真也佛四果之人已稱賢聖成佛得道而號大仙道圓自始飛天而昇太極及成無上方號高仙邪法身云轉神入妙形魂為一身神並一則為真身而成道也

玄門論第十三位業品云界外三九二十七品賢聖之名者

太真科云小乘仙有九品一者上仙二者高仙三者大仙四者神仙五者玄仙六者真仙七者天仙八者靈仙九者至仙也中乘真有九品一者上真二者高真三者大真四者神

真五者玄真六者仙真七者天真八者靈真九者至真也大乘聖有九品一者上聖二者高聖三者大聖四者神聖五者玄聖六者真聖七者仙聖八者靈聖九者至聖也雖有三九不同而俱無欲並觀體不復無優劣故

有仙聖之殊七但上聖高聖大聖是聖之上品神聖玄聖真聖是聖之次品仙聖靈聖至聖是聖之下品聖品既爾仙真可知此三九人若望界內通是大乘也

二十七大夫者

按太真科云二十七大夫者聖真仙階各有九品三九二十七應宿也宿二十八日月相舍其一為隱故故二十七顯也

二十七天者

已具錄在三名數三氣三天部中訖

人身中二十七生氣君者

按老子枕中開闔經云人身中自有二十七生氣君者髮為青城君頭為三台君兩眉為八極君左目為瞻明君右目為玄明君左耳為聽明君右耳為決明君鼻為周天妙戶君

口為牙門君脣為玉戶君齒為二十八元士君舌為无極君咽為校尉君喉為九卿君肝為絳宮君肺為華蓋君膈為長命君心為丹田君臍為紫白君胃為太倉君脾為黃庭君左腎為玄妙君右腎為元正君大腸為食母

君小腸為道引君腸為衛道君三焦為玄先君左股為小車君右股為徘徊君左足為雷電君右足為雲氣君二十七生氣常當世隱甲身君勿得妄出也今若細數乃有三十一君不詳之

二十八中法門名數品

二十八宿者按三皇三十二天齋儀云北方東壁營室危虛須女牽牛南斗也東方箕尾心房氐亢角也南方軫翼張星柳鬼井也西方參甯畢昂胃婁奎也四方各七合成二十八人修三皇齋請二十八宿以釋天羅地網

基謫增延年算也

謝五墓醮儀云東方七宿者角亢氐房心尾箕南方七宿者井鬼柳星張翼軫西方七宿者奎婁胃昂畢甯參北方七宿者斗牛女虛危室壁凡人家四十六世以來有呪詛盤結者此二十八宿能為人解而散之

度星經云東方角宿字君帝亢宿字君明氐宿字君上房宿字君真心宿字君貞尾宿字君利箕宿字君長

北方斗宿字君子牛宿字君居女宿字君陳虛宿字君通危宿字君參室宿字君王壁宿字君嬰

西方奎宿字君時婁宿字君利胃宿字君明昂宿字君玉畢宿字君進甯宿字君明參宿

字君成

南方井宿字君節鬼宿字君居柳宿字君遷星宿字君明張宿字君府翼宿字君信軫宿字君乾皆能傳送亡人不令復連後生之人也前文二十四治山中亦俱列此名字訖

三十二中法門名數品

三十二天者按依如无量度人經云又內音玉字下云一曰太黃皇曾天九億九萬九千九百九十九重二曰太明玉完天八億九千九百九十九重三曰清明何童天七億萬萬氣四曰玄胎平

育天六億萬萬氣五曰元明文舉天五億萬萬氣六曰上明七曜摩夷天四億萬萬氣太真科中卷云為欲界天陰陽有欲交接胎生積萬歲也

義淵上云持十戒口業淨者登欲界身業淨登色界心業淨登無色界入九品行者登種

民天也此之次位已錄在前三中名數品之中三業內文也

內音云七曰虛无越衡天三億萬萬氣八曰太極蒙翳天二億萬萬氣

右八天屬東方始青之氣

九曰赤明和陽天九千九百九十九萬萬氣十曰玄明恭華天八千九百九十九萬萬氣十一曰耀明宗飄天七千九百九十九萬萬氣十二曰竺落皇笏天六千九百九十九萬萬氣十三曰虛明堂耀天五千九百九十九萬萬氣十四曰觀明端靖天四千九百九十九萬萬氣十五曰玄明恭慶天三千九百九十九萬萬氣十六曰

太煥極瑤天二千九百九十九萬萬氣右八天分度屬南方赤天十七曰元戴孔昇天九百九十九萬萬氣十八曰太安皇崖天八百九十九萬萬氣十九曰顯定極風天七百九十九萬萬氣二十曰始皇孝芒天六百九十九萬萬氣二十一

曰大皇翁重天五百九十九萬萬氣二十二曰无思江由天四百九十九萬萬氣二十三曰上撰阮樂天三百九十九萬萬氣二十四曰无極曇誓天二百九十九萬萬氣右八天分度屬西方素天

二十五曰皓庭霄度天九千九百九十九萬萬氣二十六曰淵通元洞天八千九百九十九萬萬氣二十七曰翰寵妙成天七千九百九十九萬萬氣

太真科中卷云此十八天為色界與欲界同陰陽有形不相交接人皆化生所啖香味無

復便旋年積億歲不夭不傷也二十八日秀
樂業上天去常融天六萬六千氣二十九日无上常融
天去王唐天五萬五千氣三十日玉隆騰勝天去梵度天四萬三千氣三十一日龍變梵度天去寶奕天三萬三千氣三十二日平育寶奕天去梵行之氣一萬二千氣

右八天之氣分度屬北方玄天

太真科中卷云此為四種民天學真堪為人
種王母迎之登上四天者名曰梵行雖危不
敗安諸種人不墜三塗方遊三清也業報經
中具說之已錄在前四中名數例四種入天
文內訖也及在三界名例文內也若作四方
分者方有八天四八成三十二天若三界分
者即如下文所云宋文明道德義淵上所說
者此三十二天則專主人福果異乎九天及
三十六天福果由於業行業行起六根眼耳
鼻口身心也於口業能伏身心等則隨功次
第生欲界六天六天者從太黃天至上明天
為六天也於六根中有猶入前塵者有緣塵
而不入者有漸不復緣入者凡三種三六為
十八則生色界十八天十八天者從虛无越

衡天至无極雲誓天為十八天也六根都不
復緣入者則生無色界四天四天者從皓庭
天至秀樂天凡四天是也所以止四天者六
根並淨但有仁義禮智唯四天故也若是信
者屬於道境故不生三界也此都合二十八
天為三界也雖伏而未斷習氣未除未能忘
想故未得長存猶在三界壽盡則壞隨行所
之也上從帝融天至寶奕天為四天號東華
南極西靈北真四宮洞入道境為世種民天
下隨劫壞就前二十八天為三十二天也
義淵下又疑曰太上五德同在一分唯取一
信將非矛盾之耶答曰五德悉屬太上而云
信屬於道不生三界者非言四德都不屬於
道正言緣三界而昇了信所以不緣三界者
經云其精甚真其中有信也

隱注云學道由丹信信為行本且登三清仁
義禮智即道之德緣次而至無異大戒備五
德而猶獨稱智慧也合通而言之則五德皆
道也
寶玄經亦云上德同天運與道合別而為語

則一信屬道也四行屬德無異
易云立天之道曰陰與陽立地之道曰柔與
剛而復言天陽地陰乾剛坤柔
玉訣云天無靈寶無以得生地無靈寶無以
得成而復云生天立地上謂之靈施鎮五嶽

下謂之寶又云在天曰靈在地曰寶合離通
別多如此例識沉心忘或非矛盾也
宋文明靈寶雜問云三界三十二天依如靈
寶內音分置在四方定志經圖正作三重今
義疏中解釋云如羊角而上與二事並違何

邪答曰此乃所以二事兩通也羊角者猶莊
子之義也
敷齋威儀太極真人云莊子是南華仙人故
其可據羊角則如勝道周廻而上上者轉高
此是重累亦是遍四方也

玄門論第二十云三十六天還是三清妙境
雖復位居界表變化難思小則存入三宮大
則遠超六合皆是聖應所分闡化接引通論
此氣非陰非陽玄絕清梵也次此已下按靈
寶經以三十二天往明三界故度人經云元

網流演三十二天其三十二天並在空无之中周迴十方起自東北扶搖臺羊角而上今依本元經配方如左

第一太黃皇曾天氣係西北方梵氣第二太明玉完天氣係壁宿第三清明何童天氣係

室宿第四玄胎平育天氣係危宿第五明文舉天氣係虛宿第六上明七曜天氣係女宿第七虛无越衡天氣係牛宿第八太極蒙翳天氣係斗宿

右八天位在東方木數納音九故總為九氣青氣係北方七宿

第九赤明和陽天氣係東方梵氣第十玄明恭華天箕宿第十一耀明宗飄天尾宿第十二竺落皇茹天心宿第十三虛明堂曜天房宿第十四觀明端靖天氏宿第十五玄明

恭慶天亢宿第十六太煥極瑤天角宿右八天位在南方火數納音三故總為三氣丹天係東方七宿也

第十七元載孔昇天係東南方梵氣第十八太安皇崖天軫宿第十九顯定極風天翼宿

第二十始皇孝芒天張宿第二十一太黃翁重浮容天星宿第二十二无思江由天柳宿第二十三上揲阮樂天鬼宿第二十四无極曇誓天井宿

右八天位在西方金數納音七故總為七氣素天係南方七宿

第二十五皓庭霄度天氣係西南方梵氣第二十六淵通元洞天參宿第二十七太文翰寵妙成天輔宿第二十八太素秀樂禁上天

畢宿第二十九太虛无上常融天昂宿第三十太釋玉隆騰勝天胃宿第三十一龍變梵

度天婁宿第三十二太極平育賈奕天奎宿右八天位在北方水數納音五故總為五

氣玄天中央土數納音一一以總四方故不別置又仰三清以為中止也此三十二

天運行不息氣係者陽動於陰陰動於陽也三十二天以次差馳旋方而上羊角道

周仍登梵行入三清也

隱注寶訣云玄階與扶搖臺在東方玄天也興起也言天階起發於扶搖也又內音及

五鍊生尸皆羅三十二位施置四方今聊依此文一途往說也問人屬天何不屬太黃皇曾赤明和陽元載孔昇皓庭霄度等四維天耶答曰維中无宿故

老君聖紀第十卷偽感品云此即玉清境元

始天尊位在三十五天之上也又云大至真尊聖紀云此即上清境太上大道君位在三十四天之上也又云大清境太極宮即太上

老君位在三十三天之上也又云佛者西胡得道位在三十天延真宮主此即翳賓王是也

三十二帝者

按无量度人經云一日鬱繼玉明二日須阿那田三日元育齊京四日劉度內鮮五日醜法輪六日恬憎延七日正定光八日曲育九昌九日理禁上真十日空瑤醜音十一日重光明十二日摩夷妙辯十三日阿迦婁生十四日鬱密羅十五日龍羅菩提十六日兜黎无延十七日闍真定光十八日婆婁阿貪十九日招真童二十日薩羅婁王二十一日

閔巴狂二十二日明梵光二十三曰勃勃監二十四曰飄弩穹隆二十五曰慧覺昏二十六曰梵行觀生二十七曰那育醜瑛二十八曰龍羅覺長二十九曰總監鬼神三十曰眇眇行元三十一曰運上玄玄三十二曰大擇法門通前三十二天並是諸天隱諱諸天隱名者也四方各配八天八帝四八所以為三十二天三十二帝

三十二牢獄者

按趙文和傳云三天曹門下獄北極司錄門下獄北辰主命門下獄將軍太歲門下獄太陰太陽門下獄司空主府門下獄五部土公門下獄宅中真官門下獄諸寒溫電君門下獄東嶽太山東門下獄南嶽衡山南門下獄西嶽華山西門下獄北嶽恒山北門下獄中央嵩山中門下獄二十八宿三十五官中門下獄雲中三十六魁門下獄河伯九江水帝門下獄十二河平候中帝門下獄北帝鹹河門下獄北鄰二十四獄門下獄社稷府君門下獄川神符廟門下獄流殃刑禱三粟門下

獄十二刑禱門下獄大耗小耗中官門下獄三丘五墓十二塚訟刑殺門下獄拘形破殺中官門下獄正王簡十二曹中門下獄延命生等門下獄十二月建中門下獄十二禁忌門下獄十者中官法曹門下獄尋按天師一千二百官章辭奏詣此獄明用分別治病人身之難莫令諸失即无得橫自然安穩長壽解脫至老之也

三洞珠囊卷之七

三洞珠囊卷之八

大唐陸海羽客王懸河修

懷八

相好品

上真始生變化元錄曰元始皇上丈人頭戴九色之雲丹錦百變之光丹紫二色之雲坐九色之龍也又云皇老三丈人項負十二相輪身有黃金之色也
上清九真中經內訣云中央黃老君日暉重曜連光映虛五雲翳蓋慶煙玄淳也
小劫經云通身黃金體頸有七寶圓光足躡蓮華行也

蓮華行也

老子自然齋儀云老子曰道无不在玉姿金相妙絕諸天人共仰存想之也

三道順行經云七寶之精化為七星七童子有七曜紫暉之光也

大劫上經云素黃君入洞穴中見一真人光蓋明耀形長一丈六尺項有圓光通身七寶衣也又云上皇上古真人七十二相八十一種好又云手耀六度淵含笑相好歸也
唯一五老經云黃素元君諱圓華黃刀字太

張上形有黃金之質也

三皇經云北方之人紺青色髮皆長八尺也

八景經云服降生神丹者即頭生九晨之光

面有玉華飛映寶曜也

二十四生圖云飛天普金容也

大洞玉經三十九章注云金仙者仙人色體

如金光之映也

老子十六變經云一變之時生在東方身青

慈父姓海母姓江也三變之時三十六色綺

羅文四變之時額上參千偃月十二行兩手

不開把文章

太真科下云太上虛皇金闕玉帝最尊最貴

无生无死湛然常存玉貌金容妙相符絕也

五千文十緯經第五云天尊放眉間之明珠

照曜天下也

太洞真經云玉清文始東王金暉仙公號曰

玉皇道君項有圓光體生寶曜朗如日晨手

把流鈴足躡七元仰眺太元俯指絕空

九章八難義云諸天相好者長眉高耳骨鼻

方瞳蒼腎綾文丹心錦肺也醜人相好者鶴

背龜膺摩頭鹿面魚口鳥喙羊鼻馬頰鹿頸
雉筋鴨踏豬脚也

九章仙相義云青肝紫絡蒼腎綾文也背誌

河魁者背上有黑誌如北斗形謂之河魁也

眼有四規者眼精有方瞳圓見也齒牙三齧

者齧刃也齒之與牙皆有三角之刃也眉角

有上千雙理者兩眉角有文雙千與上向頭

也順文成郭者以眼為城郭也各有橫文順

隨於眼也耳後伏晨者耳後有骨隱起見於

外謂之伏晨也

仙人劉京曰目瞳正方此千歲人也

无量經云玉眸說也

本際經第三云太上道君叩齒含笑九色寶

光從面門出照天師身吐柔軟音以告天師

也

珠韜玉札及西昇中胎與復命胞并金簡內

經說老子相好者身長八尺八寸黃色美眉

長耳大目廣額踈齒方口厚脣額有三五達

理日角月懸鼻有雙骨耳有三門足踏二五

手把十文

玄妙內篇云玄妙玉女夢見流星入口因而

有娠八十一年而生老子

上元經云李母晝卧見五色珠形如彈丸自

天而下因乃吞之即便有娠

老子十淨供經云真人三十二相八十種好

項負圓光光皆五色顯照淨明也

太玄部第八云轉輪得神仙緣我改心精受

報无窮量志定入福庭三十二相好皆從身

中明項負七寶光照曜諸天形

九章云天尊面放五明之色釋云五種智慧

之光欲救五道衆生亦云五德之威光亦云

欲照五方國土也

神仙傳第二云若土之相也深目而玄準

嶙嶙肩而長頸豐上而殺下也彭祖之相者

面生異骨體有奇毛

神仙傳第三云王遠字方平黃色少鬚長短

中人也又仙人麻姑侍從女子可年十八九

於頭中作髻餘髮散垂之可至腰也

神仙傳第四云太陽女者色如桃花口如含

丹肌理光澤髮膚有如十七八者太陽子者

雖鬢髮斑白而肌膚豐盛面目光華也太陰
女者飲神光之水身登王子之魁體有五行
之寶芝也又孫登者止山穴間被髮自覆髮
長一丈許

神仙傳第六云八公化成十五童子露鬢青

綠色如桃華也

神仙傳第七云劉根者字君安京兆長安人
深目多鬚髮鬚髮皆黃長二四寸也身毛長
一二尺

神仙傳第十云李根字子源兩目童子皆正
方也

按仙經云八百歲童子方也

東郭延年者山陽人也服靈飛散能夜書在
暝室中身生光光照左右也

登真隱訣立功品云生而骨通神接其

上清六甲內經云六甲旬中玉女並顏雲三
角之髻餘髮散垂下至腰也

无量變生經云

太上身體金色面有紫光也

太洞玉訣云金華仙人飲流霞之水則五藏

明徹面生紫雲

漢武帝洞冥記云仙人邊伯子食海中菱菱
骨輕身生毛羽也邊字或作鳧字也

上清命魔經云太保真人足排七度手秉天
機顯蓋玄辰合速二儀

八素經云服日月之精者體映玉光面發金

真又云面有玉澤體生金光又云面有金容

頭生紫光又云項生紫光面發金容又云三

門啓橫九戶受靈面發金容五藏華榮金真

咸暢豁落洞明神灼潛照寶光夜生

三九素語玉精真訣云面發金容五內華生

玉藏保氣神仙道成

玉帝七聖玄紀云西華之女金晨之童曜雲

姿於瓊側合金容於蘭房又云神奇異毛紫

胞玉絡也又云流精紫光內映外纏寶藏金

容

三元玉檢經云紫素元君頭建太真最嬰之

冠三角髻餘髮散之垂腰也又云金骨玉髓

玄名帝國也

三道順行經云通身光明面生青暉之精也

飛天綱步地紀經云西靈神童面有玉華也

又云南真靈妃紫靈嬌女面有金碧龍華也

又云關令尹喜項生寶明之光七十二相映

照一形又云尹喜心結紫絡面有圓明項帶

承天背負七元也

老子雜說云尹喜眼有日精姿形長雅垂臂

下膝堂堂有天人之貌又云頭負圓耀五藏

有文面有七星上象天文下順地理莫不備

足也

金根經云青要帝君面發金容體生靈符七

十二色洞映玉形三晨纏絡六氣齊并又云

金骸玉骨名書帝錄又云面有玉精體生紫

光又云太陽女面生金光也又云玉靈子項

上恒生紫光洞照十里中兩目有流精如星

玄映面發金容夜灼虛明又云九成公者九

天文人目圓口方聲如雷震項有紫光映照

十天洞徹太元

大有經下云玉清之母姓康名街頭戴七色

珠玉之結音又云上清女姓厥名四頭戴

玉寶飛雲之髻又云太極帝妃姓玄名虎頭

戴七寶玄雲之髻又云太上君后姓蓮名含
咳頭戴九玄玉精頰雲之髻並戴冠冠名在
衣冠品中也

大有經上云奇毛異質金骨玉名又云絳宮
玉童頭作三角雲髻常陽玉女頭作飛霞髻

戮雲仙童頭作三建雲髻赤圭玉女頭作頰
雲髻也又云赤子歎悅真靈下降面發玉澤
體生奇光洞徹幽微

玄母八門經云左紫素元君右白素元君中
黃素元君項上各有一寶曜日氣九色圓光
朗徹金華洞房存此之光名為三素唯一真

華練景或曰玉晨三素日耀形也
玄母八門經云仙人趙成子面生玉光玄髮
軟澤也

大洞經下云骨有五帝之玉暉面有流金之
浩泉如此皆天仙之相也

玉清隱書云太微帝君進拜於帝皇之几憑
瓊顏而妙感仰靈眸而陳詞也又云誦玉清
隱書萬遍既周則身耀金晨也

大洞玉經注云上皇真人項負寶耀圓光也

神州玉童云圓華耀太暉黃老治中真也
大洞玉經注云仙人色體如金光之映也
登真隱訣第四云司命自有流光面生玉澤
又云太極真人神光內曜朱華外陳體生玉
映也

真誥第二云服九轉丹面色似靈雲也
真誥第七云仙人劉平阿顏色如玉也
又司馬季主服明丹之華挹扶晨之暈得道
在大有宮中顏色如二十女子鬚長三尺黑
如墨也

上清九真中經內訣云服八景四藥五珠絳
生神丹者頭生九晨之光面有玉華飛映寶
曜洞觀天下也取八景丹滓搏日服一丸如
小豆身生玉光壽同九晨體香聞三十里
大洞經中卷云帝一體生六色曜金映流神
形

太洞真經云人之一身自無寶骨練血又五
藏無金玉之神光者則唯一帶一之道不可
聞見也又云兆體自無朱雲之液玉和之氣
發玉華於泥丸之內元鬱太素之精於絳宮

之內森瓊林之柯於命門伏九舞之羽於太
極之上者則大洞真經不可聞見也若兆無
此相好者上帝不令授子矣又云九光映形
洞照一身身體五藏萬關朗然也

化胡經云老子體有金剛七十二相頭髮紺
青色面目紫輝金色面有五色光也

七星移度經云願我身生萬怪七十二光奇
毛異骨飛羽衣裳乘虛駕空出入帝宮衆慶
來臻萬壽無量也

又至道七十二相具足則白日昇天者故靈
寶三部八景云二十四相在上分者一者兩
目有雙光二者兩眉如初生雙月三者髮如
紺青色四者頂生雲髻如紫金印五者頭頂
四圓六者頭部上圓下方如紫金山七者天
中光起八者金華分中有七寶光九者去丹

分中有雙天柱十者太皇分中方如玉童十
一者明堂分中圓如車輪自然白毫十二者
洞房分中有紅暈紫絡十三者泥丸分中金
精流液混合萬端十四者兩耳如金城郭十
五者面如紅蓮圓如滿月十六者睫如雙皇

太微十七日兩目臉如雙月上弦眼瞳清徹
緩而不瞬十八者兩耳後如北斗柄十九者
鼻如金柱具三牖二十者口如丹朱咽內三
處津液流出具足無量微妙聲音二十一者
通骨駢齒二十二者舌有金流廣長覆面二

懷八

九

十三者頰如師子頤如印科二十四者頭如
天柱具足三要

靈寶三部八景二十四相在中分者一者心
具九孔孔有九毛二者胷前如重文貝萬輻
相輪字相分明三者正身平立兩手摩膝四

者兩腋下平滿如樞星五者身相如璇璣六
者心左如太光官七者心右如太玄官八者
腹垂如懸盤九者膺如靈寶珠十者膺一具
足三要十一者龍顏鳳姿十二者陰相如蓮
子十三者背平直如騰雲十四者背左如東

華闕十五者背右如西靈闕十六者坐如蹲
龍十七者倚如牽牛十八者行如鳳翔十九
者髓化成骨骨如盤龍二十者華顏玉質二
十一者金暉紫貌二十二者兩乳如醴醴二
十三者兩乳下如南辰二十四者通身紫色

紅暈曜日

靈寶三部八景二十四相在下分者一者兩
足平滿如雙輪闕二者兩足下具千輻輞輪
相三者兩足下策如天河四者兩足指長合
縵網具足五者兩足下有蓮花相輪登六者

兩足跟具足滿好分明七者兩足跌高平好
與跟相稱八者兩足蹀垣然九者兩脛如雙
柱十者兩膊如覆金船十一者一孔一毛首
色柔軟右旋十二者兩膝珂如羈星十三者
兩膝內如羈寶十四者兩膝外如羈花十五

者膝上如玉匣十六者股如雙玉軸十七者
兩股內如玉衡十八者兩股外如金梁十九
者兩股上有玉光二十者兩股通有雙骨如
盤龍二十一者金骨玉髓內外洞見二十二
者通身廣長力如金剛二十三者色如紫金

懷八

十

不少不之二十四者通身明淨洞照十方多
諸智慧玄覺未然三界九道一切蒼生常願
聞見也夫大乘萬行圓滿具足七十二相斬
來人間超然白日昇天成無上至道萬仙之
宗乘聖之尊故觀身智慧大戒經云是見金

剛軀超太上仙故曰道中之道仙中之仙
三元經云元頂元巔元極元窮普察元量洞
明最上正真冥寂玄通大智慧源若不具七
十二相皆悉滅度更寄人間更修功立德從
微至著然同七十二相超然白成元上道

理無二乘故曰真一元始大道故三元玉檢
經云身洞紫虛神映金顏七十二相朗曜太
空也

法輪經云身得金剛七十二相項負圓明洞
映大空位登高仙又云三十二相好皆從身

○ 中明項負七寶光照曜諸天形

老子七十二相八十一好者老子有九變老
第一變身長六尺六寸冠魚鵠冠八緣鳳衣
第二變身長七尺七寸重疊冠白衣赤領赤
袖第三變身長八尺八寸通天冠服五綵之
衣第四變身長九尺九寸辟邪冠服羅袿衣
第五變身長一丈三寸龍蛇冠著朱光之衣
第六變身長一丈七寸虛無冠著黑毛羽衣第
七變身長一丈一尺元氣冠著龍蛇衣第八
變身長一丈一尺五寸百變冠服自然衣其

老子第九變之時身有七十二相應七十二氣八十一品也七十二相者頭圓法天頂象崐崙伏長盤鬱玉枕徐起皓髮如鶴長餘七尺虎鬚龍髯素潔如絲眉如北斗色如翠綠中有紫毛長餘五寸耳無輪廓中有三門高平於頂厚而且堅兩目鏡徹日精紫光方童秀朗規中綠筋鼻有雙柱形如截筒口方如海脣如赤丹氣有紫色其香若蘭齒如含貝其堅若銀數有六八上下均平古長且廣形如錦文玉泉充溢其味甘香其聲如金其音如玉頰似橫隴頤若阿丘籠籠日角隱隱月懸犀文直理龍顏神變金容黃色玉姿潤頰額有三理參午上達天庭平填堦面壽微腹有白痣頤有玉丸項有三約鶴素昂昂垂手過膝手把十文指有玉甲身有綠毛背有河魁胸有偃骨心有九孔外有錦文臍深一寸腹軟如綿脚方如矩雙躡法輪足蹈二五指有乾坤內滋白血外示老容身長丈二遍體鮮香行如虎步動若龍趨此是七十二相也左扶青龍右扶白虎頭生朱雀足履玄武身

若金剛貌若瑠璃圓光五明頭上紫氣貫前真字此九好兼前七十二相合成八十一好也

金書仙誌真記及後聖九玄道君列紀並云青童君曰夫有骨錄則好仙好仙之人皆有

其仙誌仙誌之人或疲或篤也疲則先世善功不足也篤則玄錄宿命將定也大都天錄顯於玄宮則氣候詠於軀形錄字彰於太極則心神正於丹房

若生有金闕玉名者則其人眼有日光青齒白血其為人也則仁慈而樂仙明穎而秀挺若上清有金書玉錄者則其人背誌如河魁胸前有偃骨其為人也恭和而下人德及蜚蟲

若太極有丹間青文者則其人手理有累人倒大之字其為人也密慎而好真清虛而容非

若方諸有玄素紫名者則其人眼四規中有紫光照鑿其軀此為人也修業淵妙清淨避穢

若雲房有玉緯內書者則其人圓眼方顴龍口細舌其為人也豁心體真監分明使若朱宮有丹字紫名者則其人驚行鳳躍臍宮光澤其為人也疎於間生開心靈濯

若太清有玉籍編名者則其人聲有玉音金響口方目圓其為人也弘施博愛親人如母若太素有瓊簡金名者則其人必白誌見於腹口中紫氣其為人也慈德而通神潛仁而下眾

若南極有丹文紫錄者則其人頭生五氣上接重樓之雲其為人也和仁而愛窮賤厄而濟難

若斗中有玄玉錄籍者則其人心中有九孔肺外有錦文頤下有玉丸目中有綠筋眉角當上有干雙理順文城郭禿髮露額明堂平白干理為通真之津廣額為受靈之宅其為人也慈愛窮賤仁及鳥獸

若玄宮上元有青金赤書者則其人丹心紫孔黃華繞骨口中氣香齒多玉液其為人也少好視日月之流霞樂星辰之光景質清骨

堅精誠深密

若玄都丹臺有白玉金字者則其人青肝紫絡蒼腎綾文玄膺精溢形淨神潔身體香軟血清氣澤其為人也躋存玄遠味景靈質好惠下已救施厄苦

若三元宮有琳札書者則其人紫腦錦舌玄誌鬢際綠腸朱髓方足圓額陰有仗骨軟髮紫澤孔門三闕起居似澁眼有流光青精凝液掌文四齒齒牙三齧其為人也靈心仁愛慈感發神好微敬信樂林與春愛水清流懷感山川願投名阿保魄養魂志凌清泰遠慕天仙

諸有如此上十三形悉皆上相必得上仙亦可學而得亦可不學而獲

其次鼻上有玄山玄山者鼻上有黑誌是也又當使腹上有玄丘對玄山也玄丘者亦黑誌也若闕其一皆不合仙相若口臭而性耐穢者都壞玄山玄丘之相矣其次青骨青骨者其為人也皆樂聞五香之氣好學神靈之事其次鶴行龍趨項生玉枕耳後伏晨脅下

有青誌體生絡文及心真膽靜耳堅氣寬此皆次仙之相也

高上虛皇君道經第一云羽衣命仙骨有玉映血成瓊泉生樂天地日月同年

內音玉字下云玉眸者流火之膏也既受赤

明和陽天中流火而鍊體生玉光絳府充盈萬神並歸

紫度炎光經云太上大道君遊宴之圓光上激九天之威下滅六天之兇玄光虛映道君之頂流照八極四十萬里也

龍飛尺素隱訣云身生寶曜項負圓光大洞雌一篇目云金姿曜於東華玉形蛻於

帝門神映五老騰躍三元靈羽披空氣浩慶雲又能身生水火放光萬仞項負寶曜浮遊九晨分形散景位為上真又云玉童玉女面

上皆有玉華金晨之光映曜一形

四極明科云項生圓明映照十天也又云得此上清隱書目有迴精面生紫容又云歸童

日輝虛生之章目有迴精流光之瞳上清變化七十四方經云南極長生之君王

易度面發日精目生電光也又云三天玉童

項有圓光體生玉精手把景雲足踐七元又云骨化結玉仙容華盈

神州七轉七變經云紫晨君面發金容體映玉光五色紫章七十二變精耀玉顏也又云

能行神州七轉舞天之道則體發金光面映金容七星絡軀乘雲昇晨

金瑤上經云目明徹視洞觀幽窈面有金容體生玉津又云面有玉澤體生奇光內外洞朗也

外國故品經云青童君頂生寶光映曜十天也

裴君內傳云清靈真人裴君字玄仁少為人清明顏儀整素善於言笑目中有精光垂臂下膝聲氣高徹呼如鐘鳴也又云目中有珠子正似北斗懸星自己下象如河魁此神仙

之誌也

本行經云阿丘曾衆好備發三十二相洞映

女形也

內音玉字上云凡修飛仙之道體生玉光也

五符云皇人身長九尺玄毛被體皆長尺餘
髮纒長數寸居在峨眉北絕巖之下

大洞玉經三十九章注云上皇真人頂負寶
曜體映圓光氣合三素靈洞五藏也

洞房內經序注云仙十相者第一生有金格
玉名第二大玄宮有素籙第三左手有大字

第四背有青誌象如河魁第五身有七星誌
第六頂中有紫光自照見其體第七鶴行龍

越身體絡文第八心中九孔肺下青穴第九
頭生五氣上接重雲第十玉聲金響口生紫

氣若生有此者不須學道期必仙也
奔日月二景隱文云高皇玉帝承玉虛皇流

之霄瓊骨金髓風腦龍胎也
上清真文玉經朝文云服有玄光口有玉漿

鼻有玉火耳有鎮神心有九孔上道九天足
有八史上造天門坐起眠息玉童執言北斗

七星常在胸前也
道學傳第四云范材者白首而美髮秀眉明

目也
三皇醮儀云今丘等得仙身生紫絡羽文也

道學傳第七云陸修靜字元德吳興東遷人
也及生之日踰^音有重輪足有雙蹠掌有大
字身有斗文也

第八卷云陶弘景字通明魏郡平陽人也神
儀端潔形長七尺二寸頭聳耳高兩耳各有

十餘長毛右股內有數十黑子多作七星文
眼中見有奇異光象也

第九卷云薛彪之晉陵人也服御衆藥年高
色少鬚髮縹潤也

列仙傳云陸佺者槐山採藥人也好食松實
形體生毛長數寸而目更方能飛行速走馬

也又云陽都女者都市上沽酒家女也生而
眉連耳細而長衆以為異皆言此天人也

妻鄰人犢子犢子與之俱去入山焉
列仙傳下云甯先生毛身廣耳被髮也

老子道德經云頭髮茂盛得道之根手足汗
津精氣充盈晝夜不卧日月合光不饑不渴

龜龍胎息也
本際經第四云太上道君以他心智及宿命

通無礙道眼遙觀宿因淺劣所悟未真也

四極明科云若有玄名帝圖紫簡錄字玉藏
金骨之人千年之內得三傳大洞真經也又

云九真中經秘於太上六合宮中若有青書
東華玉宇上清藏生紫絡之人七百年內聽

得三傳也又云太丹隱書藏於太上六合紫
房之內若有金名帝圖錄字紫骨合真之人

七百年內聽得三傳也又云青書要紫書若有
金髓玉骨名書帝籙七百年內聽得三傳也

太玄都右宮女青四極明科文云上清寶藏
玉骨之人得傳四極明科也

清虛真人王君內傳云王君諱褒字子登服
龍明珠絳和雲芝草即身有金映項生圓光

七曜散華流暉煥形也
南嶽夫人內傳云夫人之質霄景高煥圓精

重照鳳體龍骨腦色寶曜五藏紫絡心有羽
文也

太上八景經云服四葉紫葉五珠絳生神丹
者即頭生九晨之光面有玉華飛映寶曜洞

觀天下騰空上造紫虛出入玉清寢宴晨房
也又云飛步天綱秘於玉虛紫房之內若有

金名帝錄玉札上清骨相合真之人七百年內聽得三傳又云三天正法秘於九天之上玉清金房紫戶之內若有金名玉宇紫藏玉髓之人七百年內聽得三傳

金錄簡文經云閉眼存見體作金色項有圓光光如日象照明十方身中了然盡見內外也

消魔真符經云有金髓玉骨五藏生華體發奇光名參青箱得見洞經

紫虛元君內傳云景林真人語華存曰今視子之質霄景高煥圓精重照鳳體龍骨腦色寶曜五藏紫絡心有羽文是以形棲晨霞神交靈津也方協德太平理仙佐治挺應稱用才亦偉鑠夫人之任諒不虛矣

太極隱秘寶訣經云太極真人曰夫人有仙真相好者其要在慈心觸物以輔相好然後得仙矣不能忍性容非仙相敗矣

无上真人內傳云尹喜眼有日精姿形長雅垂臂過膝項負圓耀五藏有文面有七星上象天文下順地理莫不備足故寄惠鍊質遊

生末劫當為貴真之長也

諸天年號日月品

三九素語玉精真訣云九天丈人三天玉童以上始元年天甲吉辰時加北維移度傳軒三元齊景九帝理真登高上玉館紫虛之天

三九素語披解靈關玉精真訣總御萬仙也三元玉檢三元布經云清虛元年始天王

於明霞之館太霄雲房下教三天玉童三元玉檢之經也又云清虛元年歲在庚寅九月九日上甲值辰元始天王飛齋上清宮告盟

无。上无。無。无。色。无。影。无。形。无。名。无。祖。无。宗。无。極。无。窮。洞。清。九。玄。自。然。无。數。劫。道。授。三。元。玉。檢。三。天。玉。童。使。付。後。學。有。玄。名。應。為。上。清。真。人。者。

大洞經下云青龍元年太歲在辛亥九月一日夜受此大洞經三十九章於紫微王夫人

也

玉帝七聖玄紀迴天九霄經曰中皇元年九月七日七聖齊靈奉迴天九霄白簡青錄之

經解其曲理也

上清八景飛度經云九天丈人以建始元年歲在東維天甲吉辰清齋太空七寶瓊臺以金青盟天請受靈篇招靈攝魔豁落七元玄章也

登真隱訣云混皇三年太虛上霄飛晨中黃

老道君年七歲知長生之要

上清九真中經內訣云中央黃老以清靈上皇六年生也

七星移度經云帝君五願求仙上法者帝君帝以九月九日十月五日三月三日四月八日七月七日此五願十會之時也上登太極

瓊宮高上玉殿金室之內存五願於閑宮希玄真以自降虛无啓以玉章金音暢於太空

召五帝以衛靈度萬會於丹房故有感而致真真感發而降焉是其日當沐浴清齋入室

燒香心拜四方正東向平坐東向者是當陽始暉之方也叩齒三十六通以念願云

第一上願我生自然之氣氣中結成我身與三光齊倫長享无極之根

二願我身常處太空之上瓊宮玉房之裏朝

與玉帝同宴夕與玄母同凡渴翕浪井洪泉
玉芝鐵納龍胎瓊腴絳樹赤子

三願我身生萬瑞七十二光奇毛異骨飛羽
衣裳乘虛駕空出入帝宮衆慶來臻萬壽无

量

八

十二

四願與无俱生與无俱死死而又生生為帝
王封掌十天總領群仙

五願一切衆生已生未生同保日月三光有
道之人七玄之祖上昇南宮天下之福靡有

不當四方五願並會玉堂

○次上願九玄扶養我身魂魄真神恒居我宮
上通天仙下逮洞淵願天願地願風願雲願

神五願一合定籍長生天降紫煙地衛五靈
乘雲駕虛飛輦綠辮上造金闕進登玉清慶
及七祖更受胎生上願五合長享利貞

中願亦五願得道本根願陰陽願太空願太
无願太玄上宴玉房與帝因緣遊眇生門披
浪九天元父定籍玄母記年挑康結精保固
丹田身騰金闕名書玉篇七祖解脫福慶來
臻

下願亦五願太虛願大有願太上願太真願
神仙運身於五嶽之嶺飄飄九霄之際出入
開關之裏移脫死尸之外願天地為我父母
三光衛我萬神守九源之孔靈降自然之氣
八方五願舉嚮而會

龍飛尺素隱訣云上京元年三月三日元始
啓旦太真人忽感飛行羽經煥赫玉虛之
庭亦出白羽黑翮之經

上清變化七十四方經云上清總真玄錄南
極長生司命君姓王諱改生字易度乃以太
虛元年歲洛西番孟商啓運朱明謝遷誕于
東林廣昌之域長樂之鄉也

神州七轉七變經云元景元年撰上清寶經
一通以封西域山中也

王珮金璫上經云上虛元年正月一日天元

合慶甲子值辰元始天王與太帝君感得青
鳥來翔口銜紫書以授此二君也至中皇元
年三月一日庚寅天德值合之時元始於寒
靈丹殿瓊臺黃房之內命五仙都拔霜羅雲
錦之蘊鬱森之笈出玉珮金璫太霄隱書以

傳高上玉晨太上大道君也又云昔上開元
年九月一日有青鳥銜九天金書秘字以付
西王母也

隱元內文云中皇元年三月一日甲子天德
值合之時上相青童君清齋空山也

本行經云洪那臺以朱靈元年歲在丙午誕
於丹童龍羅衛天洞明玉國朱霍之阿也
金房度命上經云南極總司定錄上真蔡君

以始皇元年歲在壬午七月七日中時於上
禪无量壽天王國七寶洞虛鳳京紫臺瓊林
之下請問天尊度命迴年之訣至中皇元年

以傳南極上元君萬始先生金闕帝君也
老子節解序云老子以无極靈道元年七月
甲子授關令尹喜五千文節解圖受以長生
也

文始內傳云老子以上皇元年歲在丁卯正
月十二日丙午下為周師又云老子以无極
元年歲在癸丑十二月二十八日月中授道
德經上下二篇也又云以周元極元年歲在
癸丑冬十二月二十五日老子之度關也

今按二教要錄云上皇元年乃是人皇君之年號也在周前一十七君年代極懸也或可周家象此以稱或可象天上年號也會似地皇君稱赤烏元年吳孫權亦稱赤烏元年也似元皇君號開皇元年隋家亦象號開皇元年是也靈書經云至上皇元年諸天男女形故純樸心漸殆壞恐至凋零正教不全是故我身國國之造成就諸心也據此即是諸天年號又非人皇君之年號看似人皇君象此以立年號也按九天生神經上皇乃是劫名。在開皇劫前赤明劫後也

上清變化七十四方經云南極長生君生于東林廣昌之域長樂之鄉也又云固神宮於幽府定係籙於元圖陽離比朔之鄉陰會金雲之州文二氣以變鍊合陰陽以相扶則元始勒命於南極三真書簡於東華宛轉反香之煙遊觀紫霄之崖滅死結於元胞補上真於幽都也又云上元真高上玉虛之氣結玉清金相宮瓊天府八明鄉定真里號為元始皇上丈人也又云上元上真高清元太虛之

氣結玉清金簡宮太清府開明鄉通真里號曰高靈九天王也又云上元上真高玄元紫虛之氣結玉清丹靈宮開清府三合鄉元明里號曰玉真九天丈人又云上元上真高虛元洞虛之氣結玉清玉演宮金融府上開鄉

正元里號曰皇老三天丈人又云上登元上真高明元虛之氣結玉清瓊上宮丹明府三素鄉元正里號上三天玉童也上元上真高皇元六虛之氣結玉清啓金宮重賓府上合鄉六會里號曰玉寶九霄丈人又云上元上真玄上元玉皇之氣結玉清七映宮鳳生府上虛鄉化仙里號曰紫映九霄真王又云上元上真玄虛元上皇之氣結玉清元寶宮金上府離合鄉明光里號曰高上虛皇君

右此上清變化七十四方經鄉里之名大有文多此不具錄

神州七轉七變經云紫晨南造朱陵太丹極炎流火之鄉南極上元君請太丹之瓊章又云北造羽陰九玄寒鄉太陰玉晨九元真妃來受流精飛景寶章

龜山元錄下云北玄高上空皇君在玉清紫瑤宮丹瓊府金相鄉三皇里中廻真下映入此兩賢玉戶之口又云西華空皇君在玉清音元宮八坦府四明鄉極微里中廻真下映入兆肺之後門又云東明虛皇君在玉清紫微宮朱雀府南陽鄉洞生里中廻真下映入兆肝內九重之戶又云中舍空皇君在玉清金靈宮鳳嘯府幽神鄉合清里中廻真下映入兆脾府也

右此元錄下經大有諸鄉名此不具寫也

衆真戒第三云湯谷有建木鄉去會稽東方諸山六萬里也

八威召龍經云上造玉京基下至淵洞鄉大洞玉經三十九章注曰東華者仙真之州也在始暉之間高晨玉保之所治也始暉者日出之鄉也又云玄洲有弱水之津非仙人而莫越焉

道學傳第二十云張元妃字淨明寓居曲阿蔡坡村年十一便能長齋也

三天正法經有上皇先生也今看似老子以

上皇元年下為周師者定是天上後之上皇也。會似通門論上卷說云有前三元中三元後三元以相為例是也。似玄門論第七引洞神經第六云有前三皇君有次三皇君有後三皇君之相似也。似梁朝家道家太清境亦稱太清元年也。

分化國土品第一卷應通降生亦有分化語

洞神經第八云耶泥天下廣長八十一萬里地形如却月。

內音玉字經下云天尊與五老上帝十方大聖同於赤明世界栢陵舍中說大梵隱語無量洞章天書八會之字天尊有命諸天敬從於是四眾同起作禮天尊舉手指上俊手指下无上无下无極无窮无深无遠无幽无隱无大无小无数无終一切普度同更光明彈指告眾一切咸聞是時四眾同時抗手仰天彈指三十二天日月星宿一時俱明地下九幽无極之底光影洞徹无復闇冥幽隱普見地藏露形山川溪澗一等緬平冬華結實枯樹發榮慶加一切切戴眾魚龍踊躍鳥獸

欣鳴靈歌交會路无悲聲天靜地默三官潛寧簡對休息五道不生人神歡泰聖道太平五千文十緯經第五云多羅真人化行中國震旦之地震旦之地名曰閻浮閻浮人惡惡頑眾生多不信真經又分形化乎三十六國

又化奈全國王國王留之委任國政國王一從五千文三洞之法也。

昇玄經第八云吾以五氣周流八極或號太上或號老君或為玄宗或為世師。

昇玄經第三云中有見形為國師者中有見形作儒林之宗者中有見形執禮律者一日之中周遍十方不可以凡愚形質限量聖人也。

紫青金根經云青要帝君降生姓堯字伯淵棲心明霞之境放浪玉國之墟執持元皇之策落景九域之丘又云元皇玉帝登九老仙都之京九曲之房遊覽无涯宴樂九天又云九成公者九天丈人乘飛鳳玄龍遊於白水沙洲空山之土。金根經云玄丘玉國无涯之天溟濛九城之

濱青要帝君所誕生處也

三洞珠囊卷之八

三洞珠囊卷之九

懷九

大唐陸海羽客王慧河修

劫數品

上清三天正法經云天圓十二綱地方十二紀天綱運關三百六十輪為一周地紀推機三百三十輪為一度天運三千六百周為陽劫地轉三千三百度為陰蝕天氣極於太陰地氣窮於太陽故陽激則勃陰否則蝕陰陽勃蝕天地氣及天地氣及乃謂之小劫小劫交則萬帝易位九氣改度日月縮運陸地涌於九泉水母決於五河大鳥也於龍門五帝受會於玄都當此之時凶穢滅種善民存焉天運九千九百周為陽蝕地轉九千三百度為陰勃陽蝕則氣窮於太陰地勃則氣謀於太陽故陽否則蝕陰激則勃陽陰蝕則天地改易天地改易謂之大劫大劫交則天翻地覆海涌河決人淪山沒金玉化消六合冥一白尸飄於無涯秋奏悲於洪波大鳥掃穢於靈嶽水母受事於九河五龍吐氣於北元天馬臣營以徒魔赤鎖伏精於辰門歲星滅

王於金羅日月昏翳於三蒙之館五氣停掌於九嶺之上龍王鼓華於東井之上河侯受對於九海之下聖君顯駕於明霞五帝糾簡於善惡當此之時萬惡絕種鬼魔滅迹八荒四極萬不遺一至於天地之會自非高上三天所不能讓自无青錄白簡所不能脫也又云天關在天西北之角與斗星相御北斗九星則天關之綱柄王晨之華蓋梵行九天十二辰之氣斗綱運關則九天並轉天有四候之門九天合三十六候一晝一夜則斗綱運關經一候之門晝夜三十六日則經三十六候都竟三十六候竟則是九天一輪三百六十輪為九天一周九天一周則六天之氣皆還上上三天天改運促會以催其度三十六百周則為小劫小劫交則九氣改正萬帝易位民亡鬼滅善好清治六合寧一九千九百周為大劫終大劫終則九天數盡六天運窮六天運窮則氣激於三五群妖凶橫困時而行放毒滅民此皆運窮數極乘機而鼓以至於此也地機在東南之分九泉之下則九河

之口吐翁之靈機上通天源之陶注傍吞九洞之淵澳十二時紀推四會之水東迴一晝一夜則氣盈並湊九河之機晝夜三十三日機轉西北迴東北張西南翁張則溢翁則虧周於四會天源下流涌波是為一轉三百三十轉為一度一度則水母促會於龍王河侯受對於三天三千三百度謂之陰石陰否則蝕陰蝕水涌水涌河決山淪地沒九千三百度為大劫之終陰運之極當此之時九泉涌於洪波水母鼓於龍門山海冥一六合坦然此陰運之竟地氣之激也又云赤精開皇元年七月七日丙午中時登蘇瓊之都月之上館受符於元始天王開金陽玉匱玄和王女口命出皇民錄譜自開皇以前三象明曜以來至于開皇經累億之劫天地成敗非可稱載九天丈人於闕星定天元校推劫運白簡青籙得道人名記皇民譜錄數極唐堯是為小劫一交其中損益有二十四萬人應為得者自承唐之後數四十六丁亥前後中間甲申之年乃小劫之會人名應定在此之際

於此也地機在東南之分九泉之下則九河

陽九百六二氣雜合吉凶交會得過者將為
 免哉然甲申之後甲申之前其中壬辰之初
 數有九周至庚子之年吉凶候見其道審明
 當有赤星見於東方白彗干於月門妖子續
 黨於蟲口亂群填尸於越川人啖其種萬里
 絕煙強臣稱霸弱主蒙塵其後當有五靈萬
 瑞義合本根龍精之後續族之君平滅四虜
 應符者隆龍虎之世三六乃請民無橫命祚
 無危患自唐之後四十六丁亥是三劫之周
 又從數五十五丁亥至壬辰癸巳是也則是
 大劫之周大劫之周天翻地覆金玉化消人
 淪山沒六合冥一天地之改運真非所如何
 惟高上三天白簡青籙乃得宴鴻翻而騰翔
 飛霄而睇目耳此玄和玉女口命金陽玉匣
 論天地之成敗吉凶之是非也

上清八景飛經云大劫之周三道虧盈二氣
 合離理物有期承唐之世陽九放災前除危
 勃搜採上真也
 老君戒文云西向流沙中无量國有巨石高
 三百丈周旋一千五百里巨石北則有芥子

城壁方四十里四面石壇高二十丈飛仙一
 歲送一芥子著此城中以衣拂巨石令消者
 與平地无別芥子城令滿中芥子則時運周
 劫世轉一階也
 靈寶齋戒威儀經訣下云石如崑山芥子四

十里中天人羅衣百年一度拂盡此石取此
 芥子一枚譬如一劫之終若是之久誰當悟
 斯者也
 靈寶天地運度經云靈寶自然運度有大陽
 九大伯六也小陽九小伯六也三千三百年

為小陽九小伯六也九千九百年為大陽九
 大九伯六也夫天危謂之陽九也地虧謂之百
 六也至金氏之後甲申之歲是其天地運度
 否泰所終陽九會至時道德方明兇醜頓肆
 聖君受任於壬辰之年也又云至于水龍時

仙君乃方起弓口十八子彼經中有十條此
 不具錄也
 老子為帝師品

太平部卷第八老子傳授經戒儀注訣云老
 子者得道之大聖幽顯所共師者也應感則

變化隨方功成則隱淪常住住无所住常无
 不在不在之在在乎无極无極之極極乎太
 玄太玄者太宗極主之所都也老子都此化
 應十方數有无之妙應接无窮不可稱述迄
 出世化生乎周初降迹和光誕於庶類示明

胎育可以學真雖居下賤无累得道周流六
 虛教化三界出世間法在世間法有為无為
 莫不畢究文王之時任為守藏史或云處世
 二百餘載至平王四十二年太歲癸丑十二
 月二十八日為闍令尹喜說五千文也

化胡經云老子伏羲後生為帝之師號曰究
 奧子復稱田野子作元陽經
 神農時出為帝師號曰大成子復名郭成子
 作太一元精經

祝融時出為帝師號曰傳豫子復名廣壽子
 作按摩通精經三家共修无為各治萬八千
 歲致太平人民純朴无有餘治唯元氣自然
 為法不役伐道氣歸之无不服也此謂三皇
 之君矣

黃帝時出為帝師號曰廣成子作道成經

帝嘗時出為帝師號曰綠園子作道理黃庭經

帝堯時出為帝師稱務成子作正事經

帝舜時出為帝師稱尹壽子作道德經

黃帝至聖遂使帝業相承壽命有長短象之

五行更相剋伐強弱相凌此謂五帝

夏王時出為帝師號曰李子晉作元陽經復作德戒經

湯王時出為帝師號曰錫則子作道元經

文王時出為帝師號曰奕邑子復稱赤精子亦為守藏史

武王時出為帝師號曰郭叔子復稱續成子為柱下史

幽王時出為帝師號曰天老復稱老子為柱下史作長生經復與尹喜作五千文上下二

經復與尹喜至西國作佛化胡經六十四萬言與胡王後還中國作太平經後世當在人

間欲令世人修善行義尊奉德化以佐道法助國扶命憂勞百姓度脫凶年今遇太清之

中也已上數懸河今謂道德序訣云老子代

代為國師即此是也

孟智周法師老子經通題目云千二百老子此即其數千二百老子自別有經也又云後

學所成伯陽是也故知伯陽尊號始乎隆周也此號隱顯難可詳究矣

玉帝七聖玄紀云疊疊神匠靈德虛鮮曜龍

文於滄淵煥采雲於九天耀高貌於蘭玉發

金精於瓊泉列七紀於上錄明刻書於隱篇

括致沉豪運轉滯輪採結五象携集上真寔

高上之垂化以敷教于群方也

老子化西胡品

太平經云老子往西越八十餘年生救周之際也

鬼谷先生撰文始先生无上真人關令內傳云周无極元年歲在癸丑冬十有二月二十

五日老子之度關也關令尹喜勅門吏曰若有老公從東來乘青牛薄板車者勿聽過關

在後果見老公如是求度關關吏不許以關吏之言白之老公曰吾家在關東而田在關

西欲往採樵幸聽度之關吏再不許入白關

今令即出迎設弟子之禮老公故辭欲去關

令殷勤北面事之老子許之住也老子時有

債客姓徐名甲日崔錢一百老子先與約語

當煩還卿自然須吾行達西海大秦安息國

歸以黃金頓備錢限甲既見老子方欲遠遊

疑遂不還其直爾時有美色女人聞甲應得

多錢密語甲曰何不急訟求其直吾當為子

妻甲惡意因成即舉詞詣關令訴老子求錢

關令以甲詞呈老子老子曰吾祿貧薄无僕

役前借此人先語至西海大秦安息國歸頓

還黃金備直限其何負約見訟耶甲隨老子

二百餘歲應還七百萬老子謂甲曰吾昔語

汝至西海大秦安息國歸頓以黃金相還云

何不能忍辱今便與詞訟我汝隨我已二百

餘歲汝命早應死賴我太玄長生符在爾身

耳言畢見太玄長生符飛從甲口出還在老

子前文字新明甲已成一聚白骨喜既見甲

違心便死意復欲觀老子起死人因曰喜當

代還此直即具錢來伏願赦甲往罪賜其更

生老子愍之曰善此本非吾瞋甲甲負先心

道自去之老子復以向符投其枯骨甲即還生如故喜具為說之甲方叩頭謝罪老子令還汝直謝遣之也老子以上皇元年歲在丁卯正月十二日丙午下為周師也周道將衰王不修德弗能以道德治民此淫亂之俗不可復師故微服而行吾將遠遊矣吾復作禮曰願大人為我著書說大道之意喜得奉而修焉老子以无極元年歲在癸丑十二月二十八日月中作道德經上下二篇以授喜老子辭別欲行喜曰願從大人遠遊觀化天地間可乎老子曰我行无常處或上天或入地或登山或入海或在戎狄蠻貊非人之鄉鬼神之邦嶮難之中觀化十方出入無間坐在立亡子以始受道諸穢未盡焉得隨吾遠行耶子且止誦此二卷經萬遍道成乃可從吾遠遊子道欲成時自當相迎今未得去也老子臨去則告曰子千日以後於成都市門青羊之肆尋吾乃可得矣喜奉教誦經萬遍千日之後身乃飛行入水蹈火並不熱溺今道已成乃往成都市門青羊之肆尋老子經日

不見晝夜感念到九日見一人來買青羊由是乃悟問使人曰子何故日日買此青羊耶使人答曰吾家有貴客好畜青羊故使我買之也喜曰吾昔與彼客有舊因期於此子能為我達之不因以珍寶獻之使人曰諾君但隨我去當為具白此意喜曰若然白客言關令尹喜在外使人如其言白之老子曰令前拂衣而起登自然蓮華之座問喜曰別後三年之中子讀經何得何失喜拜而自陳曰奉教誦經令喜得常存不死也老子曰子昔願從吾遠遊道已成可以遊觀大地八紘之外也喜曰弟子宿願始申矣無復所恨老子於是命駕遠遊天地之間變化諸國也後入霸賓國闢岷之山精舍中行道屬賓王出遊問曰此何等侍者曰道士耳王曰道士乃幽隱在此乎後日復遊見之王曰何修也可以致福老子曰齋戒中食讀經行道上可得至真不死不生教化出入在意也下可安國隆家亦可從轉身得道度世入元為王曰善哉後日出遊復見之王曰道士道法最何為貴

耶道士曰吾道貴自然清靜无為及齋戒行中食燒香可從生天可從生王侯家得可從道度世以此為上王曰善寡人欲請道士中食行道可乎道士曰為欲請幾人耶王曰悉請也道士曰徒眾多難可悉供也王笑曰寡人大國何求不得而云不能供耶道士曰吾道士固曰貧道依附國王致有珍寶盡是王物今先欲請王國中食以為百姓祈福可乎王曰善但恐道士无以供之道士曰足有供之願王枉駕王曰刻日當到道士遂先請及群臣國人也皆使仙童玉女及四方飛天人請男女一十四日都畢王歎曰貧道士尚能作大福如此我大國王何所乏无而言不能供之耶刻日請道士徒眾大會道士到皆引諸天聖眾九品仙人四十餘日人來不盡後方日日異類或胡或僮或吳或楚或長或短王倉庫已半人猶未止王曰如道士言此人眾何其多吾誠恐中殆今无供具忽生惡念曰吾恐此老公是鬼魅非賢人道士可速收縛積薪市中燒殺之以示百姓於是遂縛

老子徒衆等老子爾時任其所作聚新都市老子語喜及諸從真人卿但隨我上此薪上傾國人悉來視之終不能害我等也如是國人視之其善心者皆難吃我王何故強請道士而中道燒之可憐可念火起衝天國人因見老子亦放身光滿天下老子與喜及諸真人在炭煙之中坐蓮華之上執道德經詠之及火勢盛猶在炭上坐不去王問老公已死耶使者曰老公故在炭上誦經王又令沈老公縲淵後隨王入淵入淵不溺國人見老子故光神龍負之龍光亦照淵方誦經並不能爲害王問道士等已死乎使者曰投之深淵龍王出負之老公放光照滿國內復不死不溺當如之何王曰燒之不死沈之不溺吾未如之何王顧謂群臣曰恐彼老子將天師聖人乎今欲事之何如群臣曰善恐老公徒真將亡國也願王早詞謝之王曰正爾自詣却說前事謝罪云云老公曰前我語王恐王不能供之云云而反燒我師徒何逆天无道耶上天不許王之橫殺无辜此乃天見我无罪

故得度險難也天將滅王國不久當至也王大謝罪願舉國事師不敢中怠老子曰王前有惡心今雖叩頭十下猶未可保信恐後有悔當何以爲誓耶王曰今以舉國男女一世不娶妻兒鬻鬚髮以爲盟誓約不中悔中悔當死爲誰何如老子曰善爾時推尹喜爲師令王及國人事之王當以國事付太子伊梨我當修道捨家國求道度世老子曰善既欲棄國學道吾留王之師號爲佛佛事无上正真之道道有大法若王居國學道但奉五戒十善自足致福去却不祥常生人道尊榮富貴亦可因此得道度世何必捨家也王及群臣一時稽首師前男女同日奉道焉爲作法衣守攝其心錫杖以驚蛇蟲乞中食爲節老子復爲造九萬品經戒今日就誦之老子曰授子道既備吾欲速遊八方遂還東遊幽演大道自然之氣爲三法第一曰太上无極大道第二曰无上正真之道第三曰太平清約之道也老子化胡經云吾以幽王時出爲師教化道

法觀其虛實爲柱下史姓李名耳字伯陽知幽王不可復師欲去之此衰亂之俗不可久周幽王將亡其國乃假服乘青牛薄板車去之於是幽王果爲犬戎所殺遂西詣蜀賓王至函谷關關令尹喜好道術內學仰知天文下知地理預知神九道當西行夙夜觀象是時太歲在癸丑十二月二十五日臘除道過來西度關關令尹喜先勅門吏今日當有老公乘青牛薄板車來度關告之勿令去如其言老子乘青牛薄板車度關關吏留之不聽度老子云貧賤老公居在關東田在關西明日當臘欲去取薪草幸聽度吏下而跪啓曰明府有教若有老公乘青牛薄板車留之勿令去願少留神吏便入白關令關令帶印綬執板而迎爲設禮老子曰吾是貧賤老公居在關東田在關西明日當臘欲往迎薪草耳令留如何尹喜執板跪而言曰喜是蜀郡成都人姓尹名喜自生以來至今以歷三千甲子也求先生當周旋勞苦暴露天幸今日相遇願少留神老子入舍共語三日三夜爲作五千

文主人上饌甚厚老子念无以報之為作五千文上下二經與之報其厚意辭別欲去尹喜曰願聞先生姓字老子張口吐舌示之曰口中齒皆落盡唯有舌在耳喜曰老聃齒在口中三十六枚儼然如霜齒今落盡唯有舌獨在故知柔者能制剛弱者能勝強欲令尹喜行柔弱之志竟不語姓字而去喜曰思道德之美願從西行老子曰吾遊越天地之表散氣於八壩或至小國或上昇天下入淵隨世教化无所不至子安能隨我去不尹喜跪而言曰入水入淵入地上天投身沒命願從先生老子曰子勤讀五千文上下二經却後三年會成都市青羊肆索我則可得也子今不得隨吾去矣於是太歲癸丑辭別而去尹喜遂修經夙夜不懈元氣歸其身日日加增得道之意知其真焉喜後以太歲丁巳詣成都市青羊肆索老子累日積月不見風夜歎息後乃見一人數數來買青羊於是心開意悟乃問之曰何以日來買此青羊耶使人答曰我家有貴客好畜青羊故使我買之喜

曰吾昔與彼客有舊因期於此子能為我達之不以珍寶獻之使人曰諾君但隨我當為具白喜曰若然白客言尹喜在外使人如其言白之老子曰令前拂衣而起登自然蓮華之座手捉九節之杖見尹喜言何以晚耶吾待子久矣喜再拜曰求先生累日積月不知先生所向何許道不奪願今得拜見恩覆之廣深也遠矣於是乃共說三年之中何有可忘尹喜稽首言曰與先生別後所得經者最夜讀之无有畏忘精邪鬼賊見喜皆自然化服萬神為之走知元氣之廣矣老子曰在此待子甚久知子不移之志當將子遠遊觀天地間元氣保子身形豈不善哉爾時太歲丁巳乃與喜至西國我欲教諸國人莫知之者至罽賓國乃入山中巖居穴處共修道法三年太歲庚申胡王出獵數數見之問左右曰此何等人也左右无能知者老子答曰我是老人積在山中王怪之謂是魍魎不知是聖人固欲賊害老子老子行柔弱之志以下其意乃設自然无極天廚欲請王國中人王聞

之掉手大笑曰此老公依附吾國得自生活當何得請吾國中人耶老公曰依附王國以得生活致有今日今欲還東國欲報王恩刻日當會王遣使者視老公請客之具老公設五行雲氣之帳縵西谷中白縵北谷中黑縵東谷中青縵南谷中赤縵中央黃縵延請國王上及王身下及國人胡王即召三十六國數千萬人往會老子五色雲縵之中飲食七日七夜廚饌儼然不為勞倦胡王歸國後欲請老公老公答王曰言不可請王曰吾大國之中何所无有何以不能請老公耶刻日當會到其日老子與諸道士共行就請有四輩弟子四天王百萬眾今日一種人明日復異種人日日人各不同如此四十餘日人來不絕王廚已盡王乃大驚語左右曰此為妖怪必非常人奈何殺之左右曰可積薪都市中燒之若不死者取大石繫頭著海水中當不死之耶胡王勅國中戶各取薪一束積與市上燒之老子與尹喜為胡王所繫薪上胡子於下放火燒之四十餘日薪盡火滅老子與

尹喜在炭中讀經如故王復沉老子尹喜以大石繫頭著深淵之中又復不沒胡王大驚今當奈何舉國惶怖欲來侍老子以為師也老子語王曰我非師也前與我共上薪被燒者是為師師今到諸天中索兵馬當來以伐王國以王前燒殺之故也須臾聞諸天鬼神兵馬來下皆長一丈四尺數百萬衆手持鐵杖滿王國中日日來之不絕唯欲以殺胡子并及王身故胡王大驚三十六國各各失魂王頭面指地不敢視老子老子即變作金剛五色大人身長一丈六尺七十二相面目紫輝見於虛空左入右出乍下乍上是謂十方空虛身也胡王驚怖語左右置向老公侍此大人耶老子知其欲化也此不為大人也此名太上正真之人耳此正真之人好生惡殺來至王國過不犯王王有何意積薪以燒之耶而今奈何復欲以侍之乃欲免耶胡王曰賜我生命濟活我國生死一心奉屬大人從今以誓不犯之也老子曰王當以何作信王曰我國中大小男女終身不娶妻當侍師至

死求免我罪於是召三十六國胡子向老子前皆當髡頭剃鬚自毀形容橫裙衣露右臂與天為信引地為誓又手合掌不敢移易老子見胡變化乃與作六十四萬言經无上正真之道令王舉國事法不得採葉破卵傷害萬物劫盜作賊九侵凌孤弱詛罵妬妬飲酒食肉妄言兩舌不得載車乘馬不著履屨為作錫杖欲令驚地生蟲不得傷害之又恐其變悔故為作三衣法服左臂露右臂常結著心前令以右手捉之不得放心也不令種作為刻木作拔婦以受七升今日月當行乞食家乞一升七家得七升得之便食之若至七家不得食自誦七日不食飲水而已以此為法化胡經乃有二卷不同今會其異同錄此文出也

時節品

太一帝君洞真玄云白日登晨者日之正中為白日也雞之始鳴登晨也
明真經云人之得仙白日登晨即此義矣皆取生氣時

司命解化方云白日去謂之上尸解也夜半去謂之下尸解也向曉向暮而去者謂之地下主者也
昇玄第一經云朝中日没人定夜半雞鳴為六時禮敬十方天尊禮從東方為始也
玉清隱書云甲子之日八節之日十此皆上元朝宴之時也

上清八景飛經云立春之日三素元君上詣天皇大帝遊宴之時元景行道受仙之日也春分之日太微天帝君上詣高上玉皇遊宴之時始景行道受仙之日也立夏之日太極上真三元真人上詣紫微宮遊宴之時玄景行道受仙之日也夏至之日扶桑公大帝君上詣太微宮遊宴之時也虛景行道受仙之日也立秋之日太素上真白帝君上詣五天玄皇高真遊宴之時元景行道受仙之日也秋分之日南極上真赤帝君上詣閻風臺詣九靈夫人遊宴之時明景行道受仙之日也立冬之日上清真人帝君皇祖上詣高上九天玉帝子遊宴之時洞景行道受仙之日也

冬至之日太霄玉妃太虛上真人上詣太皇
宮太微天帝君遊宴之時清景行道受仙之
日也先錄出在道例第九卷八節齋日品中
具說之也
三洞珠囊卷之九

三洞珠囊卷之十

大唐陸海羽客王懸河傳

懷十

叩齒嚙液品

金書玉字上經云暮卧常密三七叩齒三七
咽液陰祝曰

九星太精北極真君益我精胎強我三魂左
引日華右拘月津辰中黃景元虛黃真使我
飛仙上登紫煙神虛玉符常守生門萬邪伏
法受形斗君

平旦欲起常密二七叩齒嚙液二七陰祝曰

天元上一斗中七童上清紫精在兆身中華
辰紫蓋太素玄宮後聖靈氣下入洞房使我
飛仙得行太極金堂

五符云俯漱五華液還復反童顏仰托三辰
精保身永長安

夫叩齒以令神嚙氣以和真納和嚙六液以
運入制神須鳴鼓而行列也此名呼神

真誥第五云夜行常當啄齒啄亦无正限數
也殺鬼邪鬼常畏啄齒聲是故不得犯人若
兼以漱液祝語益善也

仙人劉京語皇甫隆曰夫朝睡起未澡洗之
前平坐漱口中唾曰玉泉令滿口嚙之即叩
齒二七止又更漱唾如前法又更叩齒如前
法夫叩齒者召身內神令其安之又令人齒
不朽夫嚙液者令人身體光澤津潤力壯有
顏色去三尸蟲名曰鍊精使人長生若能終
身行之得仙也

洞神太上隱書經云夫學道之人須鳴天鼓
以召衆神夫為正觀之道欲使邪氣不侵必
須集會群神以自巨輔也左相叩為天鍾右
相叩為天磬中央上下相對叩為天鼓或三
十六上應三十六天中應三十六國下應三
十六地或三十二通以應三十二天或二十
七通以應於九天三九之數以成二十七也
或二十四通以應於三八二十四神或十二
通以應十二辰或九通以應於九元或七通
以應於七元或三通以應於三元隨數所應
而叩召之也若卒遇凶惡不祥當打天鍾三
十過若經山辟邪威神大祝當椎天磬若存
思念道感致招靈當鳴天鼓

寒則為亂志之由亂志之由故須嚥液以
溉灌百神然後恬心以守三一之神其嚥液
之數所應者亦具如鳴天鼓之數也

登真隱設第四云服玉女津液存日月在口
中日色赤月色黃日有紫光九芒月有白光

十芒也芒直如弦以入於口嚥服光芒之液
常密行之無數前服食品通有此嚥液語也

真誥第五引太素丹景經曰一面之上常欲
得兩手摩拭令熱高下隨形皆使極巾令人

面有光澤皺斑不生行之五年色如少女先
當摩擦兩掌令熱然後拭面自順手摩髮如

理櫛之狀兩臂亦更互以手摩之使髮不白
脉不浮外

大洞真經精景按摩篇曰卧起當平氣正坐
先叉兩手乃復以揜項後因仰面視上使項

與兩手爭為之三^十四止使人精和血通風氣
不入能久行之不死不病畢又屈動身體中

手四極反張宣搖百關為之各三
卧起先以手巾若厚帛拭項中四面及耳後

使圓而熱溫溫然也順髮摩項若理櫛之無

在也良久摩兩手以摩治面目久行之使人
目明而邪氣不干體不垢膩以生穢也都畢
乃嚥液三十過以導內液

消魔上靈經曰若體中不寧當反舌塞喉漱
漏嚥液無數須臾不寧之病自即除也其時

亦當覺體中寬軟也
消魔經上篇曰耳欲得數按抑其左右互令

無數令人聽徹所謂營治城郭名書皇籍
又曰鼻亦得按其左右唯令無數也令人氣

平所謂灌漑中嶽名書帝錄
太上鍊濟發華經上按摩法常以生氣時嚥

液二七過畢按體所痛處向玉而祝曰左玄
右玄三神合真左黃右黃六華相當風氣惡

疾伏匿四方玉液流澤上下宣通內遣水火
外辟不祥長生飛仙身當休彊單嚥液二七

過常如此則無疾當急按所痛處三十一過
丹字紫書三五順行經曰坐常欲閉目內視

五藏腸胃久行之自得分明了也
石景赤字經曰常能手揜口鼻臨目微氣久

許時手中生液遂以摩面目常行之使人體

香

紫度炎光經內視中方曰常欲閉目而卧安
身微氣使如卧狀令傍人不覺也乃內視遠

聽四方令我耳目注萬里之外久行之自見
萬里之外事情心為之乃見百萬里外耳

中亦恒聞金玉之音絲竹之聲此妙法也
太上天關三圖經曰常欲以手按目近鼻之

兩皆間氣為之氣通輒止吐而復始恒行之
眼能洞觀

道曰恒以手按兩眉後小穴中三九過又以
手心及指摩兩目額上以手旋耳行三十過

摩唯令數無時節也畢輒以手逆乘額三九
過從眉中始乃上行入髮際中口傍嚥液多

少無數也如此常行眼目清明一年可夜書
亦可於人中密為之勿語其狀也目下額上

是訣眼保室歸嬰至道以手旋耳行者探明
映之術也於是理開血散皺兆不生目華玄

照精和神盈矣夫人之將老鮮不先始於耳
目也又老形之兆亦發始於目際之左右也

以手按額上內存赤子日月雙明上元歡喜

三九始眉數畢乃止此謂手朝三元固腦堅髮之道也頭四面以兩手兼之順髮就髻唯令多也於是頭血流散風濕不凝也都畢以手按目四眇二九覺令見光分明是檢眼神之道久為之得見百靈也勤而行之使手不離面乃佳已神成真人猶不廢也

夜即覺常更叩齒九通嚙液九過畢以手按鼻邊左右上下數十過微祝曰

太上四明九門發精耳目玄微通真達靈天中之臺流氣調平嬌女雲儀眼童英明華聰

吳朗百度眇精保合上元徘徊九城五藏植根耳目自生天臺鬱素柱梁不傾七魄滌鍊

三魂安寧赤子携景輒與我并有敢掩我耳目太上當摧以流鈴萬凶消滅所願必成日月守門心藏五星真皇所祝群響敬聽

真誥云梳頭理髮欲得多過通流血氣散風濕也數易梳更番用之也亦可不須解髮也太極綠經曰理髮欲向王地既梳髮之始而

微祝曰

泥丸玄華保精長存左為隱月右為日根六

合清鍊百神受恩祝畢嚙液三過能常行之髮不落而日生也當數易梳櫛之取多而不使痛亦可令侍者櫛取多也於是血液不滯髮根常堅

夜即先急閉目向上以手大指後掌各左右按拭使兩掌俱交會於頂中三九過存目中

當有紫青絳三色氣出目前此是內按三素雲以灌合童子也陰祝曰

眼童三雲兩目真君英明注精開通清神太玄靈儀靈矯翩翩保利雙關啓徹九門百節

應響朝液泥丸身昇玉宮列為上真凡四十八字祝畢嚙液五十過畢乃閉目以為常坐起可行之不必夜也要當以生氣時

一年許耳目便精明久為之視徹千里羅映神靈聽於絕響也此亦真仙之高道不但明目開耳而已

夫欲學道者皆當不欲令人知見所聞每事盡爾山世遠受孟先生法暮卧先讀黃庭內

景經一過乃眠使人魂魄自制鍊恒行之二十一年亦仙矣其為合萬過也夕得三四過

也

乃佳北嶽蔣夫人云讀此經亦使人无病是不死之道也注云此二十一年夕一過不得萬遍一恐應為七或八字不爾夕則三四過也

凡研味至道及讀誦神經者十言二十言中輒當一二過舐膏嚙液百言五十言中輒兩

三過叩齒以神會靈元和血氣使虛滓凝滿帝一欣宅所謂沖氣不勞啓血不洩也

學生之法不可泣淚及多唾洩此皆為損液漏津使喉腦火竭是以真人道士常吐納燕

味以和六液常以本命之日向其方面叩齒三通心存再拜而微祝曰

太一鎮生三氣合真靈胎上景女玄父元生我五藏攝我精神下灌玉液上朝泥丸夕鍊

七魄朝和三魂右命玉華左嘯金長令我神仙役靈使神常保利津飛行十天祝畢又心

拜四方叩齒三過此名為太上呪生隱朝胎元之道常能行之令人魂魄保守長年神仙

真誥第八云昔鮑助者濟北人也都不學道

亦不知法術年四十餘忽得迴風口目不正風氣入口而兩齒上下恒相切拍甚有聲響如此晝夜不止得壽年百二十七歲後乃遇大水隨長壽河中死也北帝中間亦比遣殺鬼及日遊地殃使取之而此數殺鬼終不敢近助鬼官當問其故天殺答云此人乃多方以制於常叩齒鳴打天鼓以警身中神神不得散鬼氣不得入是以无有緣趣得殺之也以此論之若助不行水度河亦可出千歲壽不當當是偶大寒凍步行水中口噤不能復叩齒是故遇因溺著河也患風病而齒自叩動者猶尚辟死却殺鬼也何況道士真叩齒鳴天鼓具身神那仙方云常吞液叩齒使人返少也

紫度炎光經云嚙液遂容保牙求仙上法云常以平旦二氣未分之始玄暉以映形神形神並降上會泥丸精液成生故是其時嚙而服之將來三年面生玉澤返形變顏頰華固根柯齒方生必能長修五老降房神仙昇玄壽齊三光不死之道非真勿傳至其時安心

定意令五神靜寧叩齒十二通思東方青要玉女齋少陽之氣青芝玉漿灌漱我身流溢紫微宮中祝曰

東方青牙飲以朝華玉漿醴泉滋液滂沱流潤六府玄注如河身輕體昇上躡太霞畢以舌舐上齒之外九過咽之

次思南方赤圭玉女齋太陽之氣絳芝玉漿灌液我身流溢絳宮之中祝曰

南方赤牙飲以醴泉絳芝玉漿流溢如川布潤絳府骨化生神服食太虛舉體皆仙乘雲駕霄上造帝前畢便以舌舐下齒之外八過嚙之

次思西方太素玉女齋少陰之氣素芝玉漿灌液我身流溢華蓋宮中祝曰

西方白牙飲以靈液玉水洪流玄芝奕奕灌我六府鎮魂固魄神安胃管名言金格畢以舌舐上齒之內六過嚙之

次思北方太玄玉女齋太陰之氣玄芝玉水灌液我身流溢太倉之宮祝曰

府光逸如丹如芝壽傾天地億萬同期畢以舌舐下齒之內五過嚙之止

次思中央黃素玉女齋中和之氣黃水月華之丹漑灌我身流溢玉堂宮中祝曰

中央黃牙白石我我饑食玉飴之丹渴飲黃水月華五藏充盈流潤如河壽同三晨萬無傾但形昇九玄控御飛霞畢便以舌舐上下內外四面及舌刺玄膚取之液十二過嚙之也

嚙液保牙之道中央黃老君太極真人常所修學色如童子膚如玉澤體充氣盈髮白反黑牙齒根固无有朽落遂致玄降名書仙籍位登清虛與帝同席子若修之當於金闕尋名玉闕无有仙緣不得披譯也

內音玉字上云以舌擦口上下中央令玉液滿口而三嚙之令人長生益壽也

若服東方青牙服食青牙飲以朝華畢便以舌擦上齒之裏舐脣三過令玉泉滿口而嚙之

三洞珠囊卷之十

雲山集序

九一

庚戌夏五月友人論伯瑜至自相臺話舊之餘忽出知常先生文集一編將以板行垂世且索序引義不得以荒鄙辭披玩數四而弗能已至於賦評論記銘叙歌詩或感物而造

端或因人以示意大率以演暢真風涵滌塵累為主意其宏才博識非夙學穎悟孰能與於此哉先生世本澤郡名族幼讀書習儒業業成涉大變因歸玄教盡棄世緣徑遂神遊八表之志何其偉歟借使當年值承平據素業展盡底蘊而兼善天下其積功種德為如何哉唯其時與事乖於是退而作獨善之計以修身養性日飲聖腴與古仙上靈為之侶時有著述以鳴道妙而啓迪後人此兩者蓋知常與時舒卷之勢然也初何容心哉七月

一日綠野雲孫長安裴憲子法引

道行乎教非文不宣蓋將以詔衆而傳遠也自黃帝老子垂世立教已有陰符道德二經出焉其後文元列莊立言滋多逮及唐宋著撰彌廣皆所以發天人秘密示學者之津梁

宋末金初有所謂全真家者以心傳心不立文字然重陽祖師以降急於化人皆有教言以惠後學近世栖雲大老化導緣深語錄一編高出前輩一傳而得吾知常子心地坦明問學該瞻六十四卦八十一章咸有解釋而

又作南華解義冲虛斷章言簡而意足義深而理明其可謂黃冠中之錚錚佼佼爾間於應物之際游戲翰墨其賦詩歌論碑記雜文坭坭可觀號雲山集長安裴憲子法已叙之於前其友李君提舉復求余說綴於後余與知常有平昔之好嘗為作易解後序今何辭焉歲朔蒙亦蒼君慎獨老人東明王鷄百一序

雲山集卷之一

知常真人姬志真撰

性賦

輝前照後博古明今出為生而入為死靜乃性而動乃心窮浩劫之靈源幽深恍惚軀無生之妙用隱顯浮沉當其未鑿混沌之前不動擅那之際示地文而冥會為定發天光而朝徹為慧蓋已超於幻境恍爾難名即自契於真常儻然無係故用有動靜語默即跡非味色聲香縱之則蕩於遠邇收之則入於毫芒猶寒灰之重熅若枯株之再芳煉真寶以成丹鬼神莫測搏虛空而作塊兵刃莫傷至如作止萬殊根源一其有以俏措拈弄者當機薦取有以澹薄安養者飲醇受用白牛之淚滅無迹寶塔之玲瓏沒縫壁間掛口不殊筋陡浪傳神捧裏翻身何異擲交拈作頌若乃物來斯照感而遂通甲星斗於澄潭之底現胡漢於明鏡之中運樞環於妙用即流波之太冲繫片段之舒開山雲莫比瑩圓明而皎潔江月難同彼且不飲神漢而妄恣七情

不保天游而相攘六鑿輕錢踴劍之所以飄
瓦虛舟之未若狝形器之所域背玄風之可
託大施之門無擁塞普化驢鳴不言之教甚
昭彰鴻蒙雀躍偉哉虎溪攜手而同笑南郭
仰天而獨嗟叙學有九年成大妙印可有一
宿證無餘蓋巨細洪纖頭頭至道飛潛動植
色色真如詭說公孫辨強名於非馬多方惠
施話至樂於游魚喚剝野老之雙睛斷山童
之一指參乎應唯而已貫回也坐忘而得使
迷則精術術士以填滄海悟則罔象求珠而
投赤水動手則差其一著開口則失之千里
雖因行而掉臂無妨落筆盡塵垢而已矣

心賦

性本於道情生乃心聚根塵之淵藪顧善惡
之喉衿念念遷流往不停而今不止新新嗣
續動斯顯而寂斯沉當其非有非無為想為
識出則麗事而著物動則隨聲而逐色捨之
不可去取之不可得立總羣魔之帥浩劫常
然坐為三業之魁無時自克若乃塵慮靜盪
神明晏居光發寒灰之焰祥生特室之虛隱

大無外藏微有餘脫盡簾纖到不知而若近
承當穩密隨所用以皆如至於撥火然香烹
茶掃地信手拈來者物物相應隨身放下者
頭頭皆是江河淮海勢雖異而水無殊釵釧
餅盤用有差而金不二若乃隨宜變態逐境
生緣其靜也凝而地其動也懸而天應於足
則移步盤膝應於手則握掌成拳作止擡拈
據獨化無形之主見聞知覺占當機用事之
先若夫超越乎十地三乘籠絡乎五行四象
在中立而不倚能內保而不蕩暫於向上之
消息即隨今時之伎瘳洙泗宗風何所在入
室升堂漆園妙處若為將推門放杖律哉一
竅虛通八面玲瓏珠璣玄虛之上丹圓寶鼎
之中混乾坤為一鉢奪造化與同功無象無
私若春陽之及物不留不礙如秋月之行空
嘻順事而安者就路還家因物而用者隨流
得妙大量江海兮無所不納高懸日月兮何
方不照物我一域有無同徹斯乃五常百行
之樞機萬聖羣真之總要

七言古調長篇

悟空

致生浩劫何礙迷引延若藕蟠青泥安知造
物故相戲豎舟夜半移東西攻心利欲黃門
劇目眩空花認為實風刀劫火自天來煇赫
崑山焚玉石俗緣一掃盡虛空及蒙大宥開
牢籠始信黃龍未炊熟忽驚鐘逆樓頭風放
眼纔知夢中惡細想從前事渾錯皇天賜我
好因緣跳出塵凡得真樂人問到了空無依
爭如撥轉重玄機功成卸却娘生襖五雲宮
闕乘風歸

證恠惑

道人遊戲真三昧變化神通如狡獪淵默雷
聲震九天尸居日照周沙界金雞報曉泥牛
走枯木龍吟頑石吼玉女吹簫作鳳鳴木人
應節翻筋陡毫芒消息天關機拍塞虛空無
盡期非有非無不可測或逆或順那能知大
妙九年必期進造塗七聖迷所之推問放杖
會未得脫眉弄眼空相窺

證夢感

昔聞穆滿遊玄宮清都絳闕雲屯空更移向

上或驚悸天風吹落歸樊籠又聞黃帝華胥
 國飛步履虛如履實雲霞微視山谷平仍似
 燔林壁中出神遊夢及未離方乘風遊月非
 其常一起直入崑崙頂本然固有誰承當塵
 世悠悠夢顛覆真妄顛預訟爭鹿槐枝勳業
 闌蚺蜉蝣角功名戰蠻觸覺兮夢兮俱鴻蒙
 我今寐寤猶同宗借問主人開眼未一聲風
 送樓頭鐘

招隱

君不見邯鄲枕中得如意磨鏡未明人換世
 又不見槐安宮裏尚金枝噫戰功名素一炊
 遍界盡為開眼夢化工幻惑閑般弄似寄懸
 絲傀儡棚窳許暫如山不動智也無涯生有
 涯悠悠千古未還家家園素有知何在誰趁
 東風賞覺花歸去來宜早早步步清涼除熱
 惱頃刻光陰下手遲莫待形容變枯槁

偶成

人間萬事輕浮雲消長起滅隨時新或吹繁
 華變霜曉或吹枯槁回陽春孰能肝腸如鐵
 石誰能眼孔如車輪盡情冗冗逐虛幻頃刻

一窖同埃塵何如進及真中真掃除萬慮清
 吾神丹成跨鶴獨歸去天地雖老存茲身

郭子淵之汗索詩

余生懶癖居林泉茅茨著書可憐一無所
 堪百不用推腫鞅掌圖安然上人垂教莫敢
 侮祇恐節外生因緣咄嗟贊形實大患出門
 未許披寒暄先生約我欲南去自信方物那
 能圓鳧鳥不飛風莫御兩足怕舉愁朕肝臨
 行惜別要詩句空洞此腹無雲煙溪藤落筆
 失真素墨池點破非重玄聖塚好在運斤手
 不期緩急新輪扁斲書此激出電笑擲瓦
 礫搖冷鞭

與杜教授母慶八十

康寧富壽人間優期願老耆希等伴長松鬱
 鬱貞石固玄鶴孤立靈龜游有數有形皆澤
 壑化工夜半移山丘何如麻姑相與儔坐斷
 黃龜幾出頭珠玕列植遠瓊屋山谷不躡雲
 霞遊交梨火棗日厭飲玉芝石髓尋常蓋不
 城拂石不可計幾回清淺蓬萊洲

祝真常真人壽

祝真常真人壽

簷楹佳氣鬱葱葱東皇戒旦驅融風雲飛四
 葉應真造九光霞映蓬萊宮霓旌月節捧麟
 馭不顯玄風大宗主世間甲子繞一周銅狄
 摩挲閱今古金堂玉室本無塵瑤林琪樹輕
 莊椿壽光寂照通理窟樞環圓應休天鈞清
 都永錫春難老拂石木城何足道命蒂栽培
 高厚先無窮豈與人求禱持拈心炷香非煙
 莫伸愚懇猶瞻天歌以長言薦雲几朱顏歷
 劫常依然

西岳老靜廬中或生筆長數尺索詩

歲寒孰在藏豐隆鬱鬱結盤桓懷道冲秉時順
 動莫可待自春徂夏黃埃中欲伸不伸化成
 物蟠根錯節遲天工荒叢雜沓不足賴阜尔
 突出西岳宮抽萌脫籜清且勁分枝布葉張
 其雄先生有道求入室倚門化作青衣童未
 容香嚴透消息妙傳得自懸壺公虛心內蘊
 縮地脉頃刻萬里猶乘風保護龍孫無少損
 琅玕莫比纖塵蒙異日功成藉斯力信步六
 合遊無窮

馮權教慶誕以壽山為祝

馮權教慶誕以壽山為祝

渾淪未判包乾坤有無巨細悉固存元始虛
皇建中極天柱卓尔名崑崙其上無蓋總天
目其下無底擎地軸官殿盤鬱山之巔璇璣
運轉山之腹挺拔峴巖羣玉峯直超象外無
爭雄大藐姑射與太華下視培塿輕喬萬神
人肌膚瑩冰雪心若淵泉與日月劫塵滄海
任更遷不古不今無差差但願老仙如此山
長春永不凋朱顏蠢尔具瞻履泰下悉開聾
瞽通玄關

跋非時桃花

物理榮枯自有時差時逆俗心自疑此桃開
花固非正韜藏結實無人知霜凌卉木百草
死卓然獨顯天生姿道人愛此異凡格連枝
折示誇奇特可憐此種非端根移向長春洞
中植開花結子三千年瓊味閻浮少人得

寄路才卿

造物弄人如弄丸無端幻惑巧相謾憶昔祭
未二三月搖蕩故園戈戟寒漏餘殘喘各逃
散千里區區行路難此命此身寄復寄先生
玉庇均平安何當六月政暑兩驚報此晉推

神姦具見路滑豺虎斃法氏風情雲水閑
邈來車朝朝暮發必料故鄉衣錦還歸心緣遠
西南道行色依稀上下山野夫政坐迷惘疾
忍附驥尾那能攀

五言古調長篇

勉世

人生約百歲倏忽如彈指俱為造物戲擾攘
不得已違違朝抵暮切勿憂與喜千已盡成
空況復非千已無窮分外事逆順相汝尔惡
念等山丘良心無一唯闔家老子來頃刻不
可止勸君且莫癡歸計求依倚跳出業火坑
不作舊行履撥轉又玄關長生從此始

寄道友論伯瑜

昔在紫峯下雲霞相對披危亭接軟語朝夕
心忘疲西風豁塵襟杖屨相追隨悽悽別鎮
陽目送行遲遲臨歧約鶴山乘流不可知勢
如羊角戾動有染絲悲西南雲水窟坐使心
旌馳逆順乃天理行止非人為彼意直如繩
此心圓似規千里共明月罔間毫與塵飛神
相來往恍惚無預期同遊天地一寧許斯須

離躡景并湊虛飄飄奚復疑從此三真會時
時承芝眉

住院

住人不住院寧論物成敗住院不住人何殊
俗衲搥友雲及飛觀熟視同草木彌費汗血
力數窮終至壞何如真箇人誦一言一話朝
夕飲瓊露默默得神解飄飄出六塵徑徒超
三界亘初明月珠肯向人間賣我來畧住院
不責寬與隘但覓雲霞友似欠多生債安心
處嘈雜名利非賢望天賦性寒凜坐致俗唾
○ 毗越起良獨難傲睨吁可恠患此重玄病肯
育爭得差未肯自束縛何能呈狡獪祥風吹
神襟杖屨輕且快南比與東西飄飄學行邁

幽居

幽居愜野情生事未嘗理交朋幾離合童穉
相汝尔連牆如有敵經歲不相齒世態冷於
冰人情淡如水鴉衣密補祝蠶食忘甘旨踈
散百無繫自得而已矣

形幻

有身故大患忘我復何憂形骸最親切畢竟

成土丘沉茲身外物無物非何樓大塊勞以
生冗冗不自由萬事素已定誰能分外求疑
團自粉碎休休復休休莫為空幻具還作真
箇因靡然自心安宜與化同遊於生無一為
姑置不復留穎脫出塵筮表裏絕網繆亘古

住月在輝輝天霽秋

世偽

閉戶懶出門衆議失和暢策杖走街衢冷眼
憎流蕩合境責紕繆絕交嗔矯誑緬相作人
難動止皆招誘自究心未灰秀然真作妄灰
心復忘形誰驚魔與障紛紛人世間非是無
定相各自立偏見同已聲相向大地盡紅塵
從交翻白浪重玄得品味頓悟通真況自性
孤月圓襟懷天一樣跳出死生關透入光明
藏

出觀

我初學守愚渾淪無學鱗久靜復思動多口
相誇說臭肉候來蠅行貨非待價數致窮
屈鼓舞不得暇未能無汝保相執莫非詐幽
鳥仰投籠白駒驅就駕馬步及雲集俱為化

所化世俗喜驚駭聞聽誑評清淨輔真寶
豈願人咨訝搏空鷄鷄飛寧知老鷄嚇萬塵
付一笑取次得休假明明向上事彼各不相
藉運入無何有受用如倒蔗末後竟何如天
下藏天下

法身

重玄妙法身物我皆具備微塵拆世界大量
包天地巨細億萬殊根源同一致譬如溟渤
中鱗甲同沾利悲哉隨有情復為形所累淹
沉生死窟輪轉皮毛類降本迷浩劫苦楚如
倒置賢聖垂方便救援無遺棄奈何聰不明
相對如夢寐

壺天

壺天接入境絕點純清涼殿閣倚空碧氣象
連山蒼薰風自南來頓遣祝融藏蒙莊及辨
惠揮塵談冰霜更上臨漪樓俯瞰澗流長野
鶴各自適高柳搖晴光主人有好懷不酌鴉
兒黃特製勝玉屑為我搜枯腸綠處破纖悉
逕及無何鄉至樂美四并受用烏可量誰問
東華主軟紅塵土香

跋董節副黃糧夢手卷

畫為開眼夢夜作夢中夢眼開膈合俱冥蒙
生滅廢興閑戲弄為蝶為周不自知眨眉舉
目端為誰邯鄲邯中獲如意蓋世功名泰一
炊塵世尤陰遽如許織鳥忽忽經旦暮情知
萬事徹底空大化忙忙幾人悟迺公獨得重
玄機放眼分明覺夢非未肯瞞預訟爭鹿五
雲宮闕早時歸

吊無欲真人

隴右老仙公壽歷先天未慈念落人間臨目
閔塵境八十有六年迅如彈指頃思復白雲
卿棄却丹砂并幻出彩雲容沉冥黃鶴影逕
入寥天一少焉猶鏡靜寶珠無遺摯眾瞻俱
莫省虛堂夜未央月掛松梢冷

世事

萬形寄寓靡動止高厚并化機隨用撥物理
逐時更交臂今成古轉頭枯與榮無情番變
態着力戲浮生提撥鴻蒙子施張傀儡棚交
唆童作劇攬弄蟻與兵虛幻一團物悲歡百
種情死生車轉較劫運芥填城自作無門獄

甘沈葉火坑轉流無暫歇苦楚沒前程大悟
如來免番身道上行莫於他處覓心地早填
平

寄路才卿

君今能著鞭我獨嗒若後來秋積雨霽涼風
吹宇宙行李青草鞋杖藜隨在手去去不計
程日月隨所有西山佳處約平分未必二兄
真許否

癸丑春送樊道錄赴關

識面不數月軟語接猶希無何復相別緩轡
策輕肥朔方晚春色楊柳自依依十一照關西比
往暗塵隨馬飛去天不盈尺作霖心莫違舉
首一明月萬家同是輝老我寄泉石俟君衣
錦歸

七言律詩

讚道

浩蕩神光徹太虛主張高厚定元初大包宇
宙極無外細入毫芒光有餘萬象斡旋通造
化羣生出沒賴吹嘘物情不許通消息動植
飛潛各自如

慶長春

霧捲千山萬里晴壺天春滿氣盈盈花心露
滴無塵慮柳眼風開不世情稚子執迷遊廣
莫老仙高會約蓬瀛坐傾碧酒歡無極醉裏
雷車倒載行

乞紙被

此形端似護懸疣勤破元真事事休任喚馬
牛皆不應從交雞犬不知求一瓢糊口生涯
足百衲沿身歲計周更向侯門乞紙被夜寒
蝸舍坐蒙頭

項年欲作紙被今幸成之

柔綿細疊軟溪藤自製青綾一線新畫捲野
雲飛不動夜披江月照無垠相宜質素功非
俗別得陽和煖似春老去癡鍾資火力矮床
枯几伴閑身

省迷

粹淳一散成澆漓悠悠弱喪迷所之視聽食
息作者誰流連不返徒自疲隋珠彈雀癡所
用取者愈輕索者重幾時勘破人牛非白雲
是躡帝鄉歸

又

儲金富帛自遺咎標社散袴那有欠玉通潤
色碎珉石珠出夜光剗蚌胎藏身不厭在深
眇外物已知真儻來直此報渠難自信又玄
關捷豈能開

倦住持

出家移入道人家換上清虛冷鐵柶既悟幻
綠非實相何堪病目認空花胥疏不及南山
豹跨時真成坎井蛙好藉十年闕杖屨水雲
遊歷興無涯

郭子淵北行索詩時在通州

此別燕山第一程潞川冰雪送君行道人簡
事為繁事對客無情似有情陰穴但宜容蛰
物搏風從此奮鵬程神遊八極無窮盡未卜
何時會玉京

瑞雪

大地纖毫色色空寒天望極一鴻濛夜凝冷
浸梅魂月朝拂輕回縞帶風身世密移塵境
外乾坤收入玉壺中虛堂瑞草瓊林合壓盡
蓬萊第一峯

打睡

放倒形山睫已交耳邊塵冗任喧呶香冥忘
記先生責勦駘寧知弟子朝何礙燕魚遊澤
國不妨為蝶戲花梢惺惺一點遂然覺遍界
縱橫無不包

中秋

塵世無能解所憂相邀携手上南樓道人午
夜亦何樂清坐仰天冥內遊乾坤表裏忽瑩
徹大千沙界纖毫收廓然物我忘所在真境
真歡無盡頭

月韜光

萬籟沉沉秋氣豪游雲薄薄天彌高度樓表
渚不成賞倚棹停盃空望勞月本圓明自如
故逢時掩靄光宜韜人生真為物逆旅憂喜
去來無所逃

覺夢

而今說者夜來夢夜來夢者而今說說者夢
者莫非吾如何覺夢生分別為周為蝶物之
化若為抽釘與拔楔一念回機覺夢空靈明
透出塵沙劫

希遇

萬世一過同且暮千里有賢如比肩兩曜忽
忽駒過隙羣生冗冗絮漫天識情暫與雲沉
隔念慮纒分物我纏今古是非俱倒置夢中
誰暇較頭然

獨坐

夢回周蝶兩誰分跨鶴腰金各勿論耐久兩
隣松與石虛明益友月兼雲鳥鳴風度張天
籟山色溪光示地文真境灑然塵事外不勞
重訪白元君

失已

道人所住無所住大用全機任逢遇有心觀
面不相逢失已亡行言意路楚些招魂魂未
歸利名終莫近難披微陽浮滾如麻粟徒趁
口鼓非實機

自照

靈風鼓橐應何常返照家家盡葆光絕相巖
前豐瑞草不萌枝上賸具香交梨火棗非他
物威風仁麟自致祥金籥玉匙開放得水雲
依約水雲鄉

空代

蠻觸未知蝸縮出槐壇空遠蟻交侵山河尔
汝虛興廢日月東西自古今得失不停翻復
手是非無定愛憎心誰能眼孔車輪大一見
空華盡陸沉

心迷

夢幻境中朝復暮利名場上是兼非紛紛乃
致太多事冗冗胡為寧不歸眉斧有情嗟自
伐鼻斤無質為誰揮幾時攻許愁城破撥轉
重玄向上機

初任長春觀

而今歷盡范萊蕪奎破尉空觀亦無敢杖威
願觀寂寞入門掩口笑盧胡安排冷淡為生
計指點虛無是所需不掛一毫閑打坐更於
何處覓衣珠

舊隱

野懷唯憶阮林垌杖履時時路數青眼界寬
舒無物隔耳根清淨絕塵聽逸籬花木新粧
靚脫栗蓬鹽舊典刑盡日經年無箇事也勝
鵬運上青冥

迎將

器小何堪濁以清人情推挽強披承正行自
與錢神背枯坐從教窮鬼憑將送豈能甘若
醴往來多責冷於冰請君點檢元常住無恙
庵西老葛藤

世情

啼鳥芳花總屬春箇中色色盡通神峭翹蠢
蠕隨時變雀鶴鷹鳩逐化新世態紛紛俱倒
置物情滾滾謾橫陳塵埃漠漠迷朝市但見
黃金不見人

訪友

鐵石肝腸傀儡身赤心青眼訪同人運斤去
聖難為質削鍊全天未即真人事執迷妖幻
惑世情般弄鬼精神相逢妙處無言說白首
仍須自斷輪

同前

試奏鸞刀學解牛世情推挽逆懸流明知幸
脫塵樊累爭肯甘為土木因遺劔刻舟流已
遠揭竿臨海父難求舉心一一成顛倒勘破
緣空萬事休

遣言

識解誇張未肯藏平生真似鬧蜂房文魔攪
擾心旌亂伎癢教咬舌本狂不審覆蕉誰得
鹿明知挾策亦忘羊咄哉多口成何事打破
疑團劫括囊

緘口

幸脫塵樊俗網羅可憐遠者聖賢魔紛紛未
遣心中物浩浩空緘紙上波既悟却同三悞
懾乃知猶有一無何從今卷舌宜緘口保氣
全神養太和

著假

革囊兩脚走西東誰向空中作主公驅遣百
骸通九竅橫生六鬼長三蟲一團骨肉從頭
幻萬種機關徹底空縱有本然真箇在丁寧
說著耳如聾

化機

化機刻刻變從新變觸關浮夢裏身罕見混
融生死友倦聞嘈雜利名人華陽不遇閑歸
獸齊代空差老斲輪幻世幻身同幻惑但能
虛妄不能真

襲明

傳薪續燭要重明伏火丹爐冷似水覺海夜
來新月滿天性時復瑞雲興壺中不種閑花
草物外元無老葛藤至理本從真實得莫教
心口不相應

修行

修行何處甚相親清淨無為達本真妙理且
初元具足幻塵消盡復渾淪靈根秀發隨時
現大用全彰逐日新若向一邊求所得到頭
虛妄不關身

洗心

心田荆棘前除平火爇交梨二樹生靈物本
然無少剩空花銷落自分明若珠若鑿圓而
靜如玉如水潔又清莫道又玄傳不得活機
時復向人呈

無事

羣魔東首罷心兵萬戶千門賀太平良夜雲
收兼月白聖時海晏及河清金勝夢到華胥
國不論時拘芥子城清淨本然無變壞寶珠
含攝大光明

雲山集卷之一

雲山集卷之二

九二

知常其人 姪志其撰

好爭

人我山高占一涯萬峯遮眼戟槎牙塵封古道無歸路煙鎖靈源不到家爭肯束心如縛虎秋須瞋目効鳴蛙一毫纔觸心兵發直得橫尸亂似麻

隨流

沿流端坐泛星槎悟徹靈源却是家經卷詩爨開戲具藥鑪丹鼎老生涯清溪道士邀明月白石先生卧翠霞相對兩忘三益友一篇秋水一盃茶

居山

盤石巍巍權實座柔荑冗冗代青槐靈巖月竇排幽勝風伯山靈助法筵溪水茂林俱演道野花飛鳥盡通玄須臾逕及無何有不待言傳總是仙

合俗

誰家雞犬放知求一片頑心不肯收耳目鎮為聲色役形骸常作利名囚向從薪者爭分

鹿懶逐庖丁學解牛顛倒是非無暫息轉輪生滅幾時休

參玄

嚼破重玄色色真金花出水淨無塵壺天風物時時別洞府雲霞刻刻新應化因緣俱幻相旦初消息自通神叢林草木無分別自是人中真箇人

迷家

弱喪淪流路轉差鈴辨千古不還家檀槐身世同行螳蠻觸閭浮等戰蝸聲色纏綿濃似密是非翻攪亂如麻誰能自立衝天志跳出迷津上月槎

獨行

印破玄玄得縱收須眉毫末盡天遊忘懷物外求雞犬恒服從人喚馬牛有質揮斤無犯鼻無情墮甌不回頭家寥月白風清夜江海飄飄一葉舟

味真

清淨無為躅妙玄一毫纔起汚心田伸眉頃刻生多事啓口分明落二邊有底坐同林塊

累幾多空被葛藤纏聚頭作相干何事勘破
般般不直錢

形味

元初撲入此形囚冗勞生不暫休般弄骨
骸呈伎倆簸揚塵土販何樓是非叢裏爭開
口人我山前競出頭只待鼻綿吹不動體骸
宜佔卧荒丘

勞生

附贅懸疣大患身從初特特認爲真貧窮急
迫無由歇富貴經營不暫伸名利場中漆氣
力私邪路上長精神到頭畢竟成何物苦恁
當機戲弄人

邪見

捨餌鯢鯨未見招迎吞比比盡陽喬浮萍點
水甘流蕩落絮絮因風易動搖眼病只看真作
偽心顛者想善爲妖執迷固久難回換更有
歸來助長苗

實德

纓生一念鬼神知元本良心不可欺濟物利
生忘取舍從人屈已事謙卑私邪偏冗尋常

撥忠孝仁慈上下移恭謹至誠無諂曲人天
何處不相宜

塵緣

交辨東西別有功此心難與世情同瓊漿淡
靜無知味濁酒喧呼自作叢鮮急下開蠅滿
側虛舟閑繩水連空蕙蘭不愠無人見依舊
清香拂晚風

自藏

事事俱休一味癡至誠唯與道相宜玄珠寶
藏封須密理藥瓊花發較遲丹藥煉成人莫
識神符飛處鬼難窺法身混合虛空界妙用
分明更不疑

像法

立像明真便失真朦朧昏眼更添塵丹青自
此遮玄藏土木何年露法身幻出因緣徒誑
世橫生機巧暗繩人護神諱鬼彌天過不長
闍家老子嘆

教網

入門戴上鐵籠頭牽去牽來不自由鉗束只
依吾教誠封緘不許外參求天堂妄想媒求

福地獄虛聲諱作憂久久薰成倡鬼例妖邪
惑魅死時休

趨時

侯門似海我如魚懸箔高門一一趨口自囁
嚅心局促身將擊踣足起趨道尊德貴斯爲
妄俗網塵情自是拘元本棄家園箇甚思量
渾錯用工夫

俗念

茫茫苦海浩無邊冗冗凡情總倒顛真偽顛
預無所辨是非淆亂孰能詮傾城共認狂爲
聖滿地唯看正作偏舉愛便宜爭敢逆何年
裁活火中蓮

心亂

貧窮勿濫富驕淫無足勞勞分外尋觸處施
張行跡偽動中搜索計謀深不生公正仁慈
念但蓄私邪利欲心積惡貫盈無可遣非灾
橫禍一時侵

妄作

擊破天眞事事訛日增人偽不知多闕神野
鬼畢呈幻走骨行屍自作魔利已害他常設

險貪生競物設張羅隨身惡孽必擔負果報
臨身奈若何

看經書

通書也勝不通書及至通書可笑渠只向口
頭閑咀嚼幾曾心上自躊躕是非人我旋增
長利欲私邪肯破除向上一機明不得之手
者也竟何如

點聰明

非破聰明總作愚聰明唯恐自糊塗文華秀
麗知而得清淨圓明會也無多在古失呈伎
倆少能心地用功夫何時字奉天光發始信
虛閑即道樞

凡俗

慳貪嫉妬愛便宜不顧危亡事事為數盡勢
窮無證據災生禍作莫稽持呼神喚鬼師巫
跳咒律書符善太醫香火旋燒纜欲善闔家
老子肯相隨

心醉

道人得味飲靈泉豈待黃湯醉裏顛非帶六
經窮奧有特宜三要會重玄名鈎出沒魚吞

餌利引東西蝨蒸醞酏萬緣俱不問卧看
孤月上瑤天

赤窮

聰明點盡性天虛浩劫塵情一一剝從此渾
身赤骨立肯交幻境撇抹拘收牛不見人何
在置地全空錐也無窮到赤窮窮不得活機
放出莫非吾

從正

從來結習縱貪婪膠擾心靈苦不堪正令乍
行邪並遣真功微契道能叅多生識冠知遊
北歷劫迷方意指南世世生主喚黃蘗乳糖
纜食便分甘

實行

後已先人謙又謙平懷本分自清廉利主接
物仁無失契理明真義亦兼真幻妖邪驚世
俗休生詭異誑閭闔本行德業能深積向上
機關不用拈

真功

休尋南嶽與天台名相虛頭盡吐回財色兩
忘心地穩是非雙泯性天開真誠清靜行無

間公正仁慈德備該外行內功俱有積巨容
圓滿寶花臺

劉輔之有女之戚

造物無情相戲弄笑中不覺成悲恸司花幻
出真可人醞造十年歡喜夢夢破俱空猶不
僅盡心粧點傾城送聲銷線斷各還家活墮
一場乾取哄

化空

造化相護人不識變態神通誰委悉電轉機
關不可防黠黠前程暗如漆翻掌存亡與消
息朝四暮三頭倒七憂喜橫生沒奈何一團
虛幻看成實

風波

風波易動懷恩怨結習難忘釀喜憂千古是
非爭未歇一世人我競無休英雄自致功名
縛豪傑尋為利欲囚大事因緣俱不問忙忙
終日替人愁

建化

元真非相相非真建化門庭總屬塵塵裏孰
能開正眼物中誰解露全身解粘釋縛無多

子拔萃超羣有幾人自料本行非大器且宜
清靜自頤神

住院

閭閻膠擾無休局人事將迎勞檢束徒輩擊
擔冷鐵枷院門住守風流獄一毫夫照心同
俗聚塊拈來泥裏浴慚愧西風著力吹斷雲
縹緲依巖谷

論經

羣經權作躡天梯黃葉拈來暫止啼過雨試
看荷出水因風尤喜絮沾泥豈宜鼯鼠乘車
馬未見鷄鵝樂鼓擊下里巴歌殆成俗陽春
唱出轉增疑

自縛

有生羶攪不知空戈戟槎牙塞滿甯非是海
中窮徹底我人山上長奇峯迷絕自縛三千
匝法網橫回一萬重妄想欲超生死窟知他
闍老肯相從

法相

莊嚴法相大施張一例亡羊穀與臧生死途
中虛出沒名言路上謾商量然香撥火迎歸

室擊鼓鳴鐘弄上場似此利名心未息如何
能做法中王

壇場

聚頭作相巧相籠直得羣愚立下風弄假像
真真作妄將無作有有何功指空畫空未必
得依實主實還在中呈盡許多閑伎倆化人
不覺自盲聾

未濟

劫運消磨惡轉遷幾人曾結善因緣火坑豕
墮身翻焰苦海瀾漫浪接天有底揭竿趨灌
瀆幾多鳴棹泛漁船昔年任老今安在不見
虹鈎搭餌懸

悟真

要解懸疣脫苦囊萬塵堆裏便回光多生積
習重重撥歷劫私邪羨羨忘不掛一絲形骸
裸丕承千古貌堂堂長春景界風光異玉樹
瓊林次第芳

甘貧

遠廬暫寄元非實何礙蒼懸空四壁之子方
能脫網羅乃心不肯甘沉溺積蘇累塊亦何

物拱璧兼金輕瓦礫幻化般般一筆勾分明
露出真端的

法身

無位真人躡若虛物來不已應斯須舒開寶
藏乾坤窄放出圓光日月俱巨細洪纖同蘊
此有無高厚莫非吾茫茫沙界彌羅極頃刻
收來黍未珠

忘外

具足莊嚴古道場活人芝草返魂香全提法
界藏真境未放吾宗出蔭光堯是祭非俱莫
辨鶴長鳧短兩相忘太平無象家家過拂袖
歸來入醉鄉

脫殼

夢中了了醉中醒表裏仍存一味清事事拂
餘真理足塵塵滌盡法身輕破臥度日飢方
覓營營居冬暖後行不在世間圍續裏自由
閑散過平生

塵累

萬塵堆裏喜擊擔衣要夫新食要甘費用關
心深計度向來如意引貪婪名纏自作投籠

鳥利縛尋為作質，委分外閑愁。認為樂騰騰，不覺一主癡。

疑網

明知萬法本因心，何更將心向外尋。自有丹砂求自得，誰為猿馬使。誰擒神頭鬼面，須臾革性迹狂蹤。倏忽沉大冶，洪鑪未經煨揚灰。終不見黃金。

尋山

咄嗟性癖愛尋山，及至山間却憶還。俯仰坡陀艱負荷，崎嶇磴節倦躋攀。力能熊飢虎時臨。側獷獵備樵暮，叩關爭似定心如。玉立卓然隨處自安閑。

遊仙人澗

信步登臨學采真，公和遺蹟鶴山隣。道鄉自屬雲霞侶，地僻元無車馬塵。石底靈泉寒浸月，殿前古柏暗藏春。草堂喚起山童問，還有呼風長嘯人。

訪五巖

五巖壁立列山顏，洞府深沉積翠環。華蓋彌羅懸玉室，石門幽邃透玄關。物經換世人何

往人去朝元，鶴木遠雅操。不聞遺跡在一天，明月嘯臺閑。

罷釣

白蘋紅蓼幾千秋，緜緜金鱗不上鈞。雲餌括囊徒自秘，虹竿收拾便宜休。離朱罔測還南望，狂屈難言知北遊。千丈洪濤滄海闊，滿天明月一虛舟。

溫邦瑞壽日

院宇朝來氣象佳，暗添福壽在君家。人間幻境他時識，物外真風此日誇。保命玉壺收絳雪，延生金鼎煉丹砂。肯來共飲玄洲上，坐看蟠桃幾度花。

偶遇

喚起昏昏睡，睡禪離難衝。破瓦中天無窮境，界寬如許大。解機關妙不傳，臨水近山新事業。好風明月舊因緣，目前草木皆通理。蟋蟀秋吟夜論玄。

自訟

造物分明戲，華囊區區猶著利。名場晚年不禁多，饒舌好肉閑劍自作瘡。益友逢迎溫泉

散幻身行止，夢愁颺世間。播擾難安穩，却憶白雲深處藏。

重陽日遊瓊花島

燕山重九約朋儕，杖屨瓊花島上遊。荒徑披榛穿古洞，危崖倚石翫神洲。蒼松古栢蕭森日，紅葉黃花冷淡秋。一事無懷幽興盡，却尋歸路棹輕舟。

與金坡老錢行

別話忽忽水雪寒，班如馬首望西山。箇中符籙方傳授，袖裏銀鈔肯放閑。真似去年離闕下，復從今日到人間。慙慙了却榮心事，趁取東風趁帝關。

送張文叔之和林

政尔天衢道大行，日邊風暖馬蹄輕。北遊玄水通消息，橫列青山備送迎。我亦冥搜窮鼠伎，君宜著力奮鵬程。和林咫尺天威近，共企恩光下玉京。

同前

年老情多惜別離，不才剛作送行詩。畫晴風度花飛日，春暖沈融燕語時。別後不禁重作

惡望中無奈即成癡暮雲煙浪程程速回首
尋盟未可知

送何巨川從真人赴關

鶴馭翩翩起自燕搏風直上約鈞天龍堆沙
漠幾千里南海北遊經半年別後更誰供一
笑坐中無與話重玄平生鐵石肝腸斷老眼
相看涕欲懸

同前

君逢若士學虛教一舉凌雲萬丈高往矣扣
關親帝座來斯署職列仙曹玄勳遠企通幽
壤大庇餘波及老饕不濟世間無用物也宜
林下醉蟠桃

北宮懷古

杖藜徐步覓宮庭大化潛移入杳冥草木別
沾新雨露亭臺無復舊丹青瑤階滅裂余蹤
跡玉陛摧殘在典刑水鳥不知人換世夕陽
依舊聚沙汀

秋遊瓊花島

廣寒高處野花黃荆棘叢生古洞房亂石地
垣新境界敗荷衰草舊池塘雲浮冠蓋亦何

在電轉山升無處藏試向西風問消息倚天
松栢自蒼蒼

同前

新秋仙子共尋盟風馭翩翩下太清百寶露
沾窺月窟九光霞掩映蓬瀛俯觀碧落纒雲
錦倒垂蓮花映水晶飛步廣寒開點檢玉霄
東畔幾人行

憶故宮

積木雲屯結建章長驅香露固金湯釀成蠻
觸鯨吞力變作檀羅埜戰場一夜官閣餘燼
末百年人物盡荒涼戴思鼎涕繁華日誰信
西風草不黃

西華園

輦輦蒙塵竟不迴五雲樓閣盡成灰昔年大
業光千丈此日虛名酒一盃造物機關同作
劇織鳥朝夕競相催御園花草還知否移得
東風別處裁

燕然感舊

全源失鹿走中州不覺灰飛五鳳樓掖衛宮
庭成草野衣冠人物盡沙丘鼓擊驚破華胥

夢雲水初期汗漫遊佇看西風小搖落白蘋
紅羨幾經秋

悼郝講師

憶昔漳川對語展偉哉今已返其真羽衣擲
地先除故冕烏飛空別換新步斗夢迴塵境
暮躡雲歸去帝鄉春玉鑪黃串融灰燼留著
清香付後人

宿五華山

真仙重葺五華宮盤鬱山顏錦綉中落落清
泉鳴靜夜瀟瀟瘦竹弄晴風地偏境絕排幽
勝人力天成妙化工借問鍊丹何所在滿山
喬木夕陽紅

真性

擬議形容已失真纔經唇吻落根塵一源始
發頭頭是六户分先刻刻新圓應權環皆造
妙撥迴關揆自通神幻成僕隸知多少誰是
元初舊主人

客有錦囊貯鳳喙以示人

纔出丹山德已衰況存遺味憶絳穗羽儀五
彩空傳不靈質九苞安在哉大蔡刻形非自

貴仁麟折足亦何來四靈不是尋常物也何人間越劫灰

同前

活機傳得已忘年今見人天道兩全卓立吾宗超萬古圓融事理具三玄宏開寶藏無鉗捷密應樞環拂正偏挽轉銀河乾作屋瑞光揮霍鎮燕然

送戩刺使赴闕

垂髫恩荷帝王家補袞何妨驟及瓜穩穩絳霄騰欄鷄迢迢銀漢坐鸞銜金甌異日名黃屋玉階嘉時薦白麻感仰吹虛回暖律一天春色遍河沙

祝清和真人壽

捧日開天下玉京玄門砥柱海山英三千甲子世間出九萬靈仙方外盟壽蒂永堅松化石年齡輕越芥填城真容浩劫常如此坐看黃流幾度清

顏益大師九月五日壽

素履麻姑金母倚偶乘風馭降中州蟠枕不吝東方朔火棗親傳許遠遊香靄雲和清持

室玉芝瓊蕊宴神州蓬萊清淺閑談笑紅葉黃花幾度秋

送賈講師之東平

菱荷香果送君行可掬歡容出鳳城暖日鬱蒸歸旆急薰風披拂羽衣輕驚回故國三年夢數盡征途十二程別後東西南北客幾時重遇話班荆

和楊西菴韻

洞府雲高未啟關飄零紅雨覺春殘恰回巖谷吹虛力又作江天霰雪寒風送敗船投鬼國人隨行蝗到槐安從來造物兒童劇且置忘懷不足嘆

同前

冥搜天理徹離微世事紛紛易見機新浴振衣皆必取躁求操瑟亦貽譏抵時投隙邪干正忤物櫻鱗是作非但得神襟建皇極用宜補袞捨宜歸

送彭宗道從師北行

此別何堪思鬱陶君逢若士學盧敖鶴先有意時常唳雲本無心勢轉高致遠不疑容展

驥解牛何慮澤吹毛宗師藉尔鈞罕用徒泛瀛洲釣巨鼈

送崔庭玉赴闕

竹月松風伴有年霏霏梅雨別燕然遠山得意閑搜句沙漠無人更著鞭亦水旱圖元事業青氈母失舊家傳懇懇要及通明殿附鳳攀麟朝上天

送趙子真送藏經于朝廷

憶昔同遊金鳳臺臨高望遠思悠悠重來又作燕山別不意翻為驛馬催寶藏玄輝天上去塞塵秋色鬢邊來歸期已定終年約莫遣丹心一寸灰

悼郭超然

寶藏香騰總不真遺編斷簡即蒙塵驚回卓尔音容古夢破遽然氣象新浸假臂雞人境暮穩乘神馬帝鄉春鳴珂逕及通明殿不管關情淚濕中

送王大師赴闕

補天親及翠華宮挽轉銀河別有功鶴報金書來紫府雲融彩色見蒼穹布揮東澤沾枯

朽搖蕩仁飈發敵豪瑞應合傳天上去坐觀
鵬翼又搏風

題遇仙宮活死人墓

靈源痛飲解吾宗浩劫師真面目同醉眼忽
開天地窄夢魂驚覺海山空輝輝金玉花爭
發璨璨珠玕樹作叢借問終南千古意百川
無語自朝東

送潘提點之永樂

仙公初出五明宮玉佩聲傳禦寇風三素雲
蒸頭上白九還丹結臉邊紅大明通密先師
意又繼純陽鼻祖功遐想中條山上月瑞光
澄徹萬家同

送李和甫歸秦

之子西歸出鳳城芰荷風襲羽衣輕遽廬天
地寸心事咫尺雲山千里程幸矣相逢親識
面惜哉重別澹交情終南祖意君偏得獨向
長安道上行

送杜天甫歸終南

忽忽話別思悠悠颺逸雲山道路長心係祖
庭忘酷暑行隨官柳趁微涼盛時着力須精

進老我無心自退藏記取琳宮分袂日晚風
輕拂藕花香

吊馮權教

文林載迹効玄微回首人間覺夢非且宅不
留真面目作家元有活關機雙鳧絕迹白雲
去短笛不聞黃鶴歸悽悽樓前舊花木西風
和露泣朝暉

送何巨川之祖庭

空山落洛水長流鶴怨猿啼歲幾周昨向壇
前陪鷺序今遊秦隴占鰲頭馬前風月程程
遠鴈底關河處處秋會得一網張萬目活機
輕撥早歸休

紫峯老師南行

乾坤徹視一遽廬變動不居遊太虛觸物皆
明承影似從人俯仰桔槔如洪津浩汗橫慈
航古道崢嶸連德重多少步趨瞻若從絕塵
奔逸到華胥

同前

阿師先得箇中真紫蓋峯前舊主人呼吸一
風號萬籟圓明孤月照通津北臨燕薊光塵

混南渡梁園草木新到處不煩吹暖律從容
寒谷為回春

老子過關圖

皓首童顏幻化身青牛薄輦踐黃塵月歌天
竺溪山曉風度函關草木新跨古騰今乘日
馭入無出有化庭輪欲窮妙處非名相不許
丹青畫與人

悼張文叔和林返真

活火丹鑪計已遲風雲閑置不我詩衝關八
極神遊日勘破三生夢斷時楚些招魂聊復
耳越吟思舊亦奚為空遺腐骨寒林下看去
秋來塞鴈悲

送左法師赴闕

元放傳家幾代孫數年矩步謁金門總聞風
旆離天關又報星軺復帝關分應王公希劍
訓力呼神鬼効劉根燒山符在隨時用輔正
除邪仰至尊

餞趙法師赴闕

驛程冰雪路賒長別語忽忽酒一觴篋貯符
符增氣焰匣藏神劔動光芒被除氛祲從王

事驅馭風雷及帝鄉。看一吹山鬼伏。蒐畋無復見彷徨。

吊順天府賈左副

政柄堅持觸化機。斷雲飄忽帝鄉期。枕中夢熟雞三唱。槐裏功成黍一炊。幻境厭離殊不惡。故衣更換亦何悲。請看圓缺金臺月。照夜清光似舊時。

別李府判

織鳥不息走西東。青鬢方瞳豈易逢。世夢短長俱幻化。人情非是一鴻濛。琪林特地黃塵外。砥柱滔天白浪中。出岫野雲飛不定。任交隨雨又隨風。

于公大師挽詞

阿師紫府謫仙儔。畢竟終期汗漫遊。心迹百千三昧了。世緣七十一年休。葉鳧飛去山街月。鄂笛聲遺黃鶴樓。望極渺茫滄海闊。斷雲飄忽鳳麟洲。

警世

春去秋來不暫停。兩輪催促太無情。蝸牛角上爭名利。石火星中寄死生。閻老判勾難抵。

當歎都決去沒期程。有條坦坦分明道。爭奈迷人不肯行。

天網

天網恢恢不可欺。冥塗黯黯卒難知。善因惡果因心造。地獄天堂各自為。餓鬼傍生貪裏得。淹魂滯魄性中癡。勸君絕早尋歸計。限到臨頭悔後遲。

寄南宮舊友

鼓笛聲中上戲場。粧成模樣作趨蹌。不知道物閑般弄空使傍。人話短長伎倆呈來乾懨懨。懼機關識破絕商量。虛堂月白風清夜。坐對温鑪一炷香。

同前

自笑從來底許迷。欲尋東海却投西。慈悲尔汝何須說。非是翻騰不可齊。世味嚼開濃似蜜。物情勘破醉如泥。而今各得心無用。月在青天水在溪。

跋真理融會堂

滑溜靜盡即成純。舉目圓融大法身。交際不拘通理窟。活機潛運即吾神。百川汨汨朝東。

海萬曜煌煌拱北辰。說與春風舊消息。野花芳草一時新。

同前

茅靡波流未出宗。箇中寧許辨渠儂。眉尖眼尾拈來是柳條。花前觸處逢削去。門牆無界隔。打開關鎖不緘封。虛堂靜坐人如玉。風度筠梢月掛松。

政坐忘園

乃公形似樛株拘坐斷。違違轉徙陰叅。忽有無同混沈乾坤。俯仰一蘧廬。忘懷健羨遼東鶴。不肯輕飛葉縣鳧。舉塊積塵休比擬。寥天大地莫非吾。

誠齋

誠意正心居此齋。名師良友喜相陪。庭前翠竹迎風立。塔下紅葵向日開。曉樹不聞天籟靜。夜窻分得月華來。桐飛一葉還知否。已布秋容遍九垓。

三山閣適

拙訥難分長上憂。懶窩仍喜初蒙頭。厚陳生褥趙三尺。易辨齋糧粥一甌。晝起夜眠無箇。

事夏涼冬暖更何求
杖藜時復生狂興
走遍三山與十洲

化工

搏塊嘗空夢夏爭
化工般迓太無情
眼前薄利空花壓
頭上虛名破鼓聲
長短百年為際限
有無千變沒期程
到頭畢竟成何事
空使形骸弄死生

造物

從來造物戲窮通
攢弄浮生一夢中
名利有無分變態
是非人我競雌雄
多生積習從頭假
萬事消磨徹底空
酪酏不知誰是主
落花飛絮趁東風

繼董德卿韻

十年不識讀書帷
料理真心與世違
深笑變眩憐彼此
冷看蠻觸竟纖微
一天風月閑倚
侶千里雲山舊
倚行李少煩塵俗
物破瓢藜杖著身衣

憶三山時在燕京長春宮

昔在梁園戴笑歌
採芝風韻氣我裁
方池曲沼景如許
瘦竹疎梅清更多
玄圃鸞頭心自

解草堂龜背意如何
唯餘夜夜三山月
依舊金花蘸碧波

雲山集卷之二

雲山集卷之三

知常真人遊志真撰

兄三

五言律詩

道性

明明不是物了了亦非心
浩浩通天地冥冥貫古今
有無常顯化生滅妄浮沉
神鬼莫能測聲聞何處尋

稟受

骸骨生從地靈明稟自天
六門陰鬼伏亘古谷神全
性月光輝普心珠照應圓
萬緣齊泯滅安穩到重玄

祛邪

纏身離世網着力斷迷繩
不取何樓子誰懸傀儡棚
好哉無影樹高點沒油燈
滿室盡虛白容邪安敢馮

求真

白玉石中出黃金鑄鍊成
寸心離愛欲一性自圓明
照破恒沙劫衝開納芥城
輪迴從此出無滅亦無生

委形

天倪收委質化物舞強陽擾擾是非海區區
名利場百年身頃刻千古夢悠揚向上忽透
脫元神歸帝鄉

是非

是非無正定分量莫能期物理時時別充陰
刻刻移蠅頭驅走骨蝸角闌行屍塗抹謾千
古無人解獻疑

塵世

萬塵深坎窞兩耀急跳丸蠻觸劫蝸世槐檀
役蝻官忠誠悲玉璞校槍泣珠盤幻惑無窮
事浮生眼自瞞

大身

乾坤融大體俯仰一蓬廬萬曜高懸鑿羣生
類數與有無神變化消長氣吹虛未出洪鑪
外那能遊太虛

夜坐

枯坐塵心滅忘言道味長不名蝸境界無夢
螳封疆炕煖頻燒葉鑪温旋炷香夜深何限
意明月滿虛堂

清淡

坐穩蒲團力形温衲褐功括香酬野容蒼若
命山童將送情何懶喧囂耳似聾住山宜淡
薄可愛底家風

疎懶

對客忘拈拂呼童倦擊鐘藥鑪餘燼在經卷
積塵封不意收雞犬那論孺虎龍般般無伎
倆留得一疎慵

觀中

苔蘚侵新砌松陰亂古壇煮茶燃木葉撥火
炷山檀壁月穿茅屋香風動藥欄洒然清況
味同志莫盟寒

大室

大室容真境遠虛映寶臺戶角三界隱簾捲
九天開擊玉雲軒集鳴金鶴馭催洞中人不
老碧酒鎮相陪

世事

世事元無限人生自有倪不明樞始用終被
物情迷獻笑防遮目臨危悔寧臍未然先薦
得扶起上天梯

雲遊

解放虛舟纜疎開冷鐵如聲身閑日用百衲
舊生涯踽踽人間世飄飄象外家虹竿好收
拾鈎餌飲雲霞

憶山

懶慢傲林泉誰論佛與仙揮開輕鎖符截斷
葛藤纏不苟人間世忘懷物外天野雲溪月
底逸興浩無邊

安閑

在處要身安無如方寸間窮通時所徂生滅
命相關妙體陰陽外遺形天地間冥造造物
者默轉是非環

紙被

匪自王家得先承蔡氏頒工夫成甚易受用
煖何慳掛壁雲歸岫蒙頭雪在山不求人世
重宜伴此身閑

春

茶微東野因寄十二詠
卜築喜栽培功隨造化開蔬畦臨井側藥圃
近墻優次第榮桃李愁勳闢草萊不知人世
事日用信優哉

夏

筵籬侵野甸，葦蒼接虛堂。秀木千章合，清陰四面涼。李繁堆樹熟，瓜噴滿園香。不必拈錢買，田家自請嘗。

秋

農家收百穀，爽氣自西郊。屢掃塔前葉，重添屋上茅。霜陵紅錦樹，寒促鬱金袍。不見人牛在，唯聞牧豎嘯。

冬

重扉簾不捲，炕煖紙窗明。不問庭前栢，忘懷雪裏英。燃香疑霧色，煮茗作風聲。宴坐蒲團穩，人間作麼生。

晝

茅屋靜蕭條，庖丁不用刀。山童煮狡獪，野客命遊遨。路細因人撥，畦荒植杖嫖。都無塵世累，真樂自陶陶。

夜

更闌戶不扃，被褐谷神凝。林際懸金鏡，崖牙骨玉繩。鑪中存活火，窻下續清燈。久坐形山歇，和衣枕曲肱。

朝

昧爽擊金鐘，虛堂振祖風。隨宜皆妙用，或使盡神功。寶鼎雲蟠結，茅簷氣鬱葱。孜孜為利者，寧共此時同。

暮

塵塵總破除，屋屋復于千。衲褐元相契，蒲團舊所須。封緘如意藏，葆庇夜光珠。運入無何有，令吾忘故吾。

行

策杖信心行，忘機犬不驚。踈籬蟲唧唧，高樹鳥嚶嚶。物順陰陽變，人隨造化營。草萊無盡藏，蘭蕙可憐生。

住

穩密因時住，無緣勝有緣。少為塵冗累，不被利名牽。昨日同今日，來年似去年。於羊潭葉意，何蟻慕腥羶。

坐

擁褐蒲團坐，黃塵不到門。默聽非拱默，忘我復吾存。祖意何須錄，玄虛且勿論。本然祗這是，安穩度朝昏。

南華

熟讀南華旨，機關會不難。放開無限量，收聚一團纏。在用光塵雜，歸源江海乾。銅駝街上立，無處問長安。

清況

藜杖撥溪雲，芒鞋踏山雪。細採活人芝，時冷延命屑。松梢月正圓，竹外風清絕。此況不易知，莫為名利說。

莫辨

一切俱莫辨，得處休矜銜。性命緊護持，私邪勤煅煉。冥冥幻物忘，高高陽神現。來去得自由，不憂生死變。

繼董德卿韻

人生貴適意，心閒身自安。草堂新坐具，齋鉢舊綿單。風掃庭除靜，月臨窻戶寒。沒絃琴掛壁，清韻不須彈。

繼具人天籟韻

其一

鼓索靈風振，何方不作鳴。馮于通衆竅，披拂動羣生。遠響歸圓寂，回機忽變更。向尋端的

意張口豈容聲

其二

隱几非今昔神風發太虛有形皆鼓舞何物
不吹虛妙體陰陽外聲傳造化初獨吹無孔
笛清響徹華胥

知常自傳神贊

此箇性形容從來夾槁同偏真真不得著假
假何功困憊丹青手常居虛白中百年回首
處茅索繫春風

長短句

日用

要行即行要坐即坐快時歌困時卧解語無
舌人逍遙如此過高閣雲和不用彈免勞更
覓松風和

性命

動若水靜如山坐通關戾默轉樞環有無俱
混合聲色莫顛預性了易命尤難陰陽莫測
神鬼何干物物皆從化頭頭不放閑習習東
風誰是主暗傳春色到人間

全真

全本無虧真元不妄本全本真二模兩樣開
口落名言揚眉成影像主人拂袖便歸來還
卿曲調如何唱

玄妙

萬緣休處更何言向上機關波口傳此外別
求玄妙理大家總被葛藤纏

真空

一竅虛空八面玲瓏舒開寶藏敷演靈蹤若
非吹掃纖雲力爭得寒光耀太空

冲和

性天暫復和氣橫流非陰非陽無喜無憂更
窮直上難言說高柳迎風笑點頭

精神

古老精靈馳騁神通縱橫自在變化無窮出
入金石踢弄虛空乾坤輕觸百雜碎一塌躡

無為

體三日聲威如虎勢如龍莫交撞入葛藤中
加一毫即多減一毫即少清靜本然真威嚴
無做造法身充滿太虛空却立一座座分微妙

識心

識是何人心是何物取之有餘捨之不足頭
上更安頭水母蝦為目三徑歸來舊主人剪
除藜藿栽松菊

見性

在耳能聽在口有辭擡手動足瞬目揚眉箇
中人知不知由君驅使更何疑若將見處為
真實即墮傍門第二機

魂魄

性是主人形是宅遊即為魂止即魄若將分
別論玄機毫末有差天地隔

覺照

照是誰照覺是誰覺鴆毒一生過模糊兩重
錯此處透玄關二邊空索索颼颼西風度晚
林一番紅葉瀟瀟落

藏天下於天下

無道處疾回轉有道處莫留戀虛空分付與
虛空天眼龍睛不可見

體用

水是破波是水有體即用有用即體不即不
離非一非二其隱也身入毫芒其顯也光照

天地同歸妙本自多岐密轉四時成一歲

無人無我

體無人用無我不即不離能唱能和非法非
非法無可無不可有無三際盡圓通立起一
塵看活墮

孤峯

已往孤峯如響如龍未來孤峯水泄不通孤
峯見在自西自東普天無不是何處更忝同
巍巍千丈澄潭側倒蕪無根上下空

生死

一念起一念滅捨身投身何時是徹改頭換
面不自知虛生浪死無休歇心若虛念自絕
除根本無枝葉獨露堂堂真箇人萬劫輪迴
頓超越

主賓

誰是無主人喚時閉眼顧六戶放光明四門
常擁護主是賓賓是主主人公休暮故月華
亭下行枯木堂中住一朝脫却臭皮衫三界
十方唯獨步

右一十八事答廉先生所問

客人扇頭

蟠螭廳中蟠龍蛇腕下走達則天下通窮則
一身守默然默然緘口緘口好將萬里奮鵬
心換作三山釣鼈手

七言絕句

勉進三首

大道無形體若虛肯心於此著工夫雲收月
出青霄上一段光明何處無

同前

靈空如橐靜無懷鼓動來來取骨骸截斷急
流生死浪却令灰滅効心齋

同前

一葉全明造化機毫芒鋒殺巧相宜莫言用
盡陽和力來往東風自不知

迷家

東塗西抹趁華虛何日回程返故廬本是主
人甘寄旅早來乘當莫踟躕

忘本

蹤跡玲瓏倒大癡強分枝派許多疑本源浩
蕩傳千古汨沒紅塵自不知

夜闌

碧落寥寥澹玉繩冷看孤月掛簷楹浮生正
逐槐根螻蟻擾華胥夢不成

芳春

桃李融融次第紛紛蜂蝶趁餘香不知游
戲真三昧忙亂東風上下狂

長春

零落桃溪碎晚霞未容消息到山家長春洞
裏無根樹不藉東風自放花

見兵

千形萬狀各分殊病眼看成鬼一車撥盡死
灰寒焰在拍天風浪任從渠

迹弊

已陳芻狗亂如麻幻惑行人病眼花截斷葛
藤無事去一軒風月舊生涯

贊毀

鑽皮出羽閑生事洗垢來癡錯用心勘破主
人休歇去遠山秋水自高深

知迷

向上玄關未易知窺城七聖亦生疑日新何

必師童子拜謝歸來更是誰

自得

遠脫希夷向上關。巨初靈物坐虛閑。關中自得真游戲。天關渾無處處安。

一氣

通融一氣自如。如無有相資。混太虛。撥轉玄關得。真息四生成。共入無餘。

心田

剪除荆棘樹芝蘭。固蒂靈苗子細看。功滿白牛眠露地。月明風裏主人閑。

心花

大化不能拘束得。聯芳唯許自由開。一枝亘古新傳授。魏郁香風遍九垓。

心符

魔魅勤除無足跡。縱橫馳騁大神通。提綱振領闕呈似。萬聖羣真立下風。

心月

掃盡纖塵萬籟沉。停停寒色印天心。舉頭即見家家在。無數空生指上尋。

心香

萬轉旃檀爇。與同溫。鑪活火。煖融融。劫前一

辨。然新炷。作麼垂瓜。礙不通。

心琴

萬籟消沉夜未央。無絃彈出韻琅琅。于期不解與人聽。摸索銅盤作太陽。

心劍

雪刃輝輝勢倚天。舉之無上直無前。豈徒氣焰衝牛斗。切碎虛空露帝先。

心鏡

收拾菱花不記年。晃然孤月下瑤天。虛堂掛起驚神鬼。瑩靜光明滿大千。

心珠

如意靈封無盡藏。夜光輝耀五明官。會逢知友親拈出。萬道霞光射碧空。

心燈

洪渺玄虛作短檠。非膏非炬放光明。乾坤不許絲毫隔。山鬼神竒敢放行。

貴點

人皆執我竟驅馳。畢竟元無正是非。大底衆中常默默。自然彼此兩忘機。

浮生

浮生彈指一聲中。擾擾膠膠自不通。盡被此團穢物枉教愁。殺主人公。

自悔

蝸角蠅頭著力。趁眾中叢裏。濫吹等而今。老大方知悔向日云。為愁是難。

原憲責賜圖跋

道到忘言。抵死親是貧。非病不須貧。吉祥端的存虛白。肯把真風說與君。

無情

無情不是傲。當時收拾精神。恐外馳。今日放行。方得力。平生底事。老來知。

元初

聰明薦取未言前。即是元初妙不傳。却向箇中分變態。下同坐壤上同天。

安閑

是非叢中無語句。利名場上不經行人情。世態非干已自在。安閑過一生。

從分

不羨食前方丈。玉精粗飽後。一般般朝三暮。

四從吾分贏得身心到處閒

平懷

懶衣蓬鬢人驚駭錦服金冠自不寧一色平懷無異相不求人重不標行

本分

不作顛狂不縱心平懷本分道中尋寥天自有家家月莫問浮沉與淺深

自觀

歷劫輪迴心自謾而今收作一團樂光明放出通寥廓不在他觀在自觀

無心

忻然有樂非真樂樂極哀來為有心莫若無心哀樂盡光明一道古猶今

懶惰

懶惰偷安未是閑前思後算兩相關秘交絕盡絲毫念不動巍巍若泰山

仙凡

得失循環不可爭平懷本分道中行仙凡一例俱休問取元初作麼生

玄門

身在玄門四十年醜雞銜破瓮中天縱橫自在寬如許蝸角蠅頭不直錢

物假

萬有浮沉水上漚化工不息販何樓癡童撥得閑拈弄瓦狗泥車打破休

適化

會得山舟密密移有心天地可逃之人中自有藏人處就路歸來更莫疑

默契

物情著莫寸心灰寒涕慵收口倦聞知有不客人會得洞房深鎖白雲堆

拂塵

修行大抵要修心削盡塵緣萬慮沉露出巨初靈底物不須知覺不須尋

空虛

修行心地要空虛利剝塵塵總破除却顯巨初真面目亦無銷滅亦無餘

形數

短長大約百年中擾擾勞生到底空向上好求真箇事密傳新大用無窮

放心

心靈漂泊委塵沙似向柴門掃落花措手不能收拾得隨風逐水不還家

治心

萬緣諸境擾心靈暴暴紅塵鏡面生匠手下功磨拭盡冷光徹底照人明

長生

長生豈論幻形骸數盡歸元土底埋唯有本真誰會得古今無去亦無來

生滅

輪迴生滅本因念念遷流古今磨滅成灰飛不動見然孤月上瑤岑

求已

自有天真莫外求幻塵土梗事俱休虛閑一片清涼地白壁黃金未足酬

閑居

太平園裏太平人林下山間寄此身霞友相逢無可道百花啼鳥一般春

拈舊

坐中更作仰天唵唱出陽關會也無影草探

竿俱放下大家依樣畫葫蘆

塵境

泊泊白浪是非海濼濼黃塵名利場無柰戰
蝸蠻觸氏不知身世兩微茫

形微

兩角蝸牛千古事一星石火百年身誰能眼
孔車輪大見徹漫天濼濼塵

說礙

拈枝摘葉漲波瀾浩蕩靈源總不干掛口壁
間閑坐去大家酩酊到長安

脫網

世網纒踈法網因檢身羈首自綢繆牢關一
抄俱零落杖屨西風笑點頭

獨坐

百衲雲披杖屨閑草堂聊復炷山檀客來問
道無言說笑指虛空子細看

守愚

不學寒猫伏鼠癡窓明炕煖衲重披客來相
對如欺魄問著人間總不知

坐久

雲映青山愜野心草茵盤石老松陰坐中更
入無何有不管寒天日欲沉

守拙

鑪中忘却燒鉛汞門外從他長葛藤事事不
堪閑度日盡文人笑百無能

草堂

荒蕪三徑絕交遊窓戶淒淒冷似秋却得可
人真況味畧無塵事到心頭

驚世

貪求深入利名場係縛勞心生愈傷棄重逐
輕顛倒用合隄防處不限防

虛生

役役身心不自由百年風激水中漚虛生浪
死無程限識破歸來便合休

安生

眈眉欲辨移新舊轉眼那知換古今現在未
來俱不識問誰誰許問安心

著物

浮名浮利意何深用盡機關使破心但為兒
孫千載計不防骸骨土相侵

逐境

目前濼濼蕩黃塵大化推移刻刻新生死窟
中人不覺捨身唯與利名親

名利

僕馬車舟歷險難區區名利兩相關細思本
欲圖安穩却使身心不暫閑

客至

或聞車從叩柴荆百衲旋披勉强迎自料無
錢置村釀一甌春雪淡交情

靜度

洞房無鎖未嘗高碧落家家月滿庭千古雲
和絃不續夜寒流水響泠泠

蛻塵

蛻塵蛻法蛻諸緣不說丹成上九天妄自不
存真不立更無言說到重玄

不知

千差萬異莫能齊跳出拘虛到不知却向箇
中分變態堆山積嶽總無為

機密

茅靡波流未出宗玉成自失想無功長於上

古先天地大振玄風處處同

復全

壽燭傳來不記年久滯人偽染諸緣諸緣削
盡忘人偽亘古天真依舊全

居士

自與雲山舊結緣煙霞占斷不拈錢溪邊石
上閑遊戲不問人間不學仙

南華九天

天和無喜亦無憂石女明知笑點頭酬酢萬
方閑日用本然之外更何求

其二

天籟形聲不可模摩生萬有自馮于一風總
攝俱圓寂物盡人空見也無

其三

天門開闔莫能知正坐全無一念時萬有萬
塵從此出落花飛絮自離披

其四

天光宇泰自分明射透闔浮破鐵城遍界疎
通無擁塞山河大地坦然平

其五

天機消息有無間軒運乾坤萬象閑撥動亘
初關庚子一時春色滿人寰

其六

天遊高目真能窺捨故趁新刻刻移握掌開
拳還過去活機無不隨今時

其七

天府無容無不容一毫包盡太空打開封
鎖交君見笑倒厖眉祖老翁

其八

天倪本分具神通一體洪纖用不同試向東
風問無語柳稍青淺小桃紅

其九

天鈞無我亦無人萬有浮沉局局新殘臘盡
時回棧律野花芳草一般春
雲山集卷之三

雲山集卷之四

知常其人 志真 撰

釣空

蘆葦瀟瀟幾度秋可憐人老未歸休細鱗不
食雲霞餌空向晴波浸月鈎

真樂

無樂無知有活機不妨人侮太愚癡誰知無
樂無知者一點閑愁許上眉

友山

杖藜宜訪知心友茅屋須隣得意山益友好
山相對面不妨終日笑談閑

養性

奪得玄珠唯回象正宜恬智交相養年深放
出大光明照破乾坤無盡藏

夜月

窻戶風清月滿懷灑然飛步到蓬萊世人不
得愁城破映及壺中麴秀才

貽湯

緒沫天倪勢不拘縱橫寰海任馳驅太平無
象人難遇赤水空沉罔象珠

玉替

閭苑飛瓊舞翠霞
道餐隨地長成花
聯芳不斷傳青白
付與雲山道士家

有詩

萬塵削落氣神安
默轉當空活眼環
不意有詩來觸撥
五雲歸路不相干

春盤山四詠

山色密傳真造化
水聲敷演道因緣
良心用處縱橫是
何必猖狂肉案前

夏

亭下風清衣袂寒
山前行客汗垂顏
仙凡不遠雲泥隔
名利催人不放閑

秋

暑去山中渾不知
恁來黃菊競芳菲
西風一日傳巖令
錯落半天紅葉飛

冬

霜雪摧殘錦綉空
四圍山色舊形容
夜深持室燃香坐
一色風鳴萬壑松

滯坐

句裏搜尋向上機
迷家稚子轉忘歸
不知突

破窓間紙放出癡
蠅自在飛

適身

海童戲水鷗先覺
病癯持竿蟬不知
深叟藏身無所住
季咸相見恰如癡

動靜贈許紹明二首

其一

動必隨他靜必癡
兩忘中有活關機
真交無舌人能語
始信名言果是非

其二

中原狼虎怒垂涎
幸有桃源隱洞天
流水落花依舊在
請君乘取斷頭船

同前

羣仙高會話方壺
笑指蓬萊水漸枯
莫更飯牛歌白石
好尋商象索玄珠

釣歸

枯湫死水無魚釣
輕餌篠竿盡日閑
不似會稽任老子
小舟和月夜深還

同前

弱農家園已不知
忘羊路上轉增迷
早回收拾雲霞餌
一棹清風明月溪

性月

浩浩靈風縱掃陰
性天揮片片雲無
乾坤一色如銀界
放出光明不夜珠

警世

倏忽先陰一擲梭
須臾衰老髮難磨
暗閤家不測來追
喚手足悼惶奈若何

心機

心機用盡幹家門
白髮垂垂眼又昏
未後不知何處落
臨行猶囑付兒孫

百歲

百歲光陰頃刻間
貪婪終日用機關
一針一草皆前定
剛使身心不暫閑

閨老

閨老無情孰不諳
目前光景且貪婪
莫防一日來頭上
沒可支吾何太癡

林泉

草木叢林總是玄
冷冷寒玉漱流泉
坐忘遺照人誰解
露滴松梢月正圓

閑人

風林月障照山花
崑石溪流共一家
唯有閑

人堪作主無情無我伴煙霞

修真

修真真處亦何修咄盡諸緣萬事休成就本

然功德性步隨明月上瀛洲

神仙

神仙莫向外邊尋止是元初一片心洒落萬

塵籠不住立教大地變黃金

延年

自有延年不死方好傾丹悃問醫王凡心割

盡投神藥蟬蛻分明脫苦囊

誦經

布網張羅積業多晚年信口念摩訶執迷妄

想來生福閻老如何諱得過

夢蝶

為周為蝶兩形分未見誰為作夢人栩栩遠

遽消息得寥天大地盡吾身

夢蛻

天具用處盡通靈穿貫無形及有形妙用驪

馳隨處是月明江靜酒初醒

漆梁

巨初無樂亦無知知樂纔生第二機循本却
尋知處起游魚彼我自同歸

解牛

塵事堆山積巖來解如無解刀恢恢交未

首剛批判密護神鋒不浪開

牧馬

聖智滑稽迷大隄野童病脊却師天織塵害

性須除削露出元初妙不傳

養雞

元初悟徹便休心自是無心功更深坐處木

雕泥捏似世間何物敢相侵

承蜩

丈人猶自未忘機蝸翼藏身蝸不知更到鬼

神不測處拈來信手更何疑

狎鷗

已之靈是物之靈已若無心物自寧空界偶

然通一線海鷗不敢下沙汀

養虎

人心猛過山中虎敢放斯須喜怒生安置本

然清靜地兩忘物我自和平

節孫

勞神為一不知同有識俱為造化籠敷定倒

顛無損益妄生憂喜怒狙公

變觸

妙玄靈跡浩無涯大地全形共一蠅塵世小

於頭上角可憐纖悉讓爭差

木鷹

不材山木自全真野鷹無能却喪身道用日

新窮變化或離或即妙通神

釣鯨

大器洪才未易求揭竿滄海餌懸牛乃公豈

是撈緞手蹲坐三年不上釣

拂子

不萌枝上刺龜毛在手蛟虻見影逃豎起示

人成按款坐着平地起風濤

樓扇

便面龜毛兼作拂犀牛不寫螺麈俗靈風隨

手澹相宜秋月逸山清可掬

自解

世事紛紛大足云一瓢一袖舊隨身任行任

坐無拘束自在東西南北人

道經或云道家無經止五千
經言而已故作詩以出之

端拱主人無語句臺與僕隸開喧闐者聲絕
相忘言處海水墨山書不全

種蓮

鑿破蒼苔種玉蓮圓明一點上通天俯觀生
極彌羅外日月星辰直下旋

三宜

淡靜虛空著此身宜愚宜拙更宜貧出塵安
穩真消息不可尋常說與人

幻化

萬事於人戲沐猴化工不息販何種癡童博
得閑拈弄瓦狗泥車打破休

化機

化機於物太無情不許須臾眼轉睛拈起頭
來還是尾片時作壞片時成

貪生

皮口朝朝索飯填肉身處處著衣纏用心到
底成何濟送入荒郊土底眠

浮生

浮生都在百年中畢竟勞勞到底空爭奈這
團腥臭物却交攪擾主人公

閑身

蛛絲網几壁生塵老去饜慵不厭貧却有這
等難可得水雲鄉裏放閑身

詩魔

詩魔潛迹懶看書拙訥忘情若太愚却坐太
平閑日月儘教人作馬牛呼

同前

詩魔今已豎降旗又着南華故紙癡打破這
團迷種子白雲鄉裏笑嘻嘻

蠢蠢

四十年來學蠢蠢而今頓覺老饜慵誰知此
子閑難得惱殺尾眉舊主公

多病

多病苦耽清靜癖好書猶著聖賢魔無端之
紀藏諸用奈此膏肓上下何

機關

些子機關苦不多緩行不至急行過從今放
下都休問唱出昇平一曲歌

幻形

幻形認有即拘墟跳出牢籠步坦途造物許
鏡先一著也勝猶執化人祛

宜休

白首須當急急修養身粗足便宜休心田潔
靜常安穩隄備閑家老子句

黃錄

幾排黃錄濟孤魂濟了孤魂依舊存自有祖
宗歸不得忙忙千古為兒孫

正眼

有心絕筆塵猶在立意忘言意未忘有日豁
然開正眼能言能筆又何妨

虛堂

虛堂坐卧無人問妙用機關只自知名勢結
交如水澹老來方覺得便宜

安居

生涯粗足獲安居無事逍遙步坦途寄迹仙
凡莫分別大家依樣畫葫蘆

天鈞

朝菌冥靈及大椿短長一例自天鈞而今七

十人間少管甚前程幾度春

神馬

穩乘神馬駕尻輪南北東西逐日新拖去棧
來從尔耳主人依舊沒疎親

性珠

一顆圓明自性珠本來無欠亦無餘家藏莫
使緣塵幕放出神光耀太虛

六言絕句

贈作針衛會首

揮霍機鋒快利疎通關竅渾圓恰似功夫成
就古今不許常存

同前

向上機關透脫匠成具體圓融妙用縱橫表
裏神鋒聯串虛空

述懷

風清雲翳飄忽地迥叅寥晏如鴈字幾行飛
去不妨書破玄虛

孤月

颺颺長風寂泊瀟瀟虛籟平宇萬里蒙天空
廓一輪孤月圓明

夢幻

青鬢朱顏易失黃雞白日相催夢幻境中識
破水雲鄉裏歸來

心安

山峙巍巍不動川流混混常閑但得心安若
此何勞別扣玄關

重玄

常啓重玄關捷執迷自間雲泥肉眼心存翳
膜瞋頭外覷摩尼

時光

展臂時光已失轉頭世事成空俗物幻形有
盡迷津苦海無窮

紅塵

足迹紅塵滾滾心田白浪淘淘自向洪波汨
沒何能紫府遊遠

白虎

白虎青蛟莫論丹爐鉛鼎休詳絳闕瓊林淚
幸金臺碧酒馨香

日月

日月東西出沒乾坤升降渾淪真宰默存厚

薄浮生分外貪嗔

形數

不苟不貪不愛無情無喜無憂此世此形此
數宜愚宜拙宜休

月輪

亭亭月轉冰輪萬籟消沉莫聞人影不須零
亂杳然徑徹無垠

輪轉

輪轉多生浩劫貪圖百計千方八識七情戲
弄四生六道承當

坐久

月透簾籠虛白風生几簟清涼坐久凝然無
際不知身世何鄉

真偽

色裏膠青混合水中鹹味顛預真偽欲生分
別舉頭不見長安

靈明

靜盡纖塵不立香冥三界彌羅物我不知所
在靈明透入無何

行止

時止時行莫逆滿坑滿谷同塵非物非凡非
聖能神能鬼能人

見在

見在何堪住著未來不可思惟點檢目前自
已起心已間雲泥

家風

松菊依稀三徑窻戶明通六如太平事業無
象淳正家風有餘

天真

聲利場中退步水靈鄉裏閑身順命不堪人
偽蓮生自樂天真

業識

清靜本然未悟貪忙業識無涯逐境心頑似
鐵隨流性亂如麻

趨新

夜壑舟遷捨故日車輪轉趨新緣木求魚妄
作刻丹記劍勞神

知覺

聞見覺知四病杳冥昏默多愚求者捕亡擊
鼓執之待兔守株

三教

為道為儒為釋水月鏡中三影皆從此處傳
來選甚黃冠圓頂

五言絕句

荆棘

荆棘除難盡凡四蘭樹不榮故園藜藿合十三松菊
可憐生

賞音

炷冷香仍在燈青焰亦微斷紋絃再續今古
骨香稀

真妄

妄滅真重遣心空性自圓百川俱湊海萬曜
不離天

智巧

智巧渾如拙聰明却似癡可憐千古意不許
等閑知

病眼

病眼唯觀物塵心只慕緣政如蚕作繭來去
目纏綿

著相

著相終難造求言未可知向人拈不出相對
只揚眉

燭焰

燭弄風前焰漚翻水上波不尋安穩地生滅
竟如何

心昧

莫向經中覓何勞相上尋博通今古事昧却
本來心

回頭

休探水底月莫認空中花兩足何常動回頭
即是家

今古

交臂成今古撞頭章故新一團空幻事謾殺
利名人

塵冗

塵冗何須錄浮生未足誇好我無影樹踪却
有情枷

生滅

落絮因風起飛花逐水流古今無定跡生滅
有時休

塵心

塵心忙似火世事冗如麻不省先陰從紛紛
逐落花

無盡藏

涸絕是非海治平人我山衝開無盡瓶跳出

有情關

愛欲

浮雲蔽杲日涼風敗秋蘭愛欲未能遣心君
爭得安

媒翳

○ 媒翳可射雉利欲能攻心丹田有靈物以不鋤

荆棘生

世事

世事無程限家緣沒盡頭不尋休歇地辛苦
幾時休

清靜

凡四

十四

清靜本然真隨宜盡入神不煩吹煖律寒谷
自回春

衰鬢

衰鬢星白朱顏漸漸枯不期罔老喚著甚

可支吾

生死

生死門中住輪理路上行此心來往慣爭肯
問前程

積塵

積塵昏慘慘長夜黑漫漫未達通三要何由

正五官

陰陽

陰陽為大匠天地作陶鈞從化隨時改趨生

逐日新

大道

大道理幽深迷人顛倒尋去身潭不遠惟是
本來心

跋

七真圖像

凡四

十五

寫真繪像是敬是仰只斯面目余將安做向
上宗師本無二相月印千江圓明一樣先天
不朽真容如舊得之孰見傳之孰受俱戴天
而莫測其高俱履地而莫窮其厚不古不今
非暫非久尋源循迹而趨步不停奔逸絕塵

而瞠若乎後狂屈欲言而忘季咸自失而走
離朱拭目而不見端倪黃帝聽瑩而不分可
否罔象索之於無條忽擊之於有品藻者因
其心雌黃者辟其口望洋向若而嘆豈容夫
點染於丹青之手

雲山集卷之四

雲山集卷之五

凡五

知常其人姬志真撰

瑤臺第一層

一點元真被妄想招來幻化身蟪蛄朝菌須
 史情識結習迷雲火坑十丈機詐萬端白浪
 黃塵謾橫陳向汙坑陷苦海沉淪紛紛
 存亡得失是非榮辱苦因循有時開悟癡團
 粉碎眼孔如輪性珠穿透方信蔭光函蓋乾
 坤自通神有壺天不夜洞府長春

木欄花慢

眩烏飛兔走競出沒疾如梭更影戲浮生繩
 提幻化攬弄教唆吹噓往來變態鬧紛紛平
 地起風波止是蠅頭蝸角古今翻攪如魔
 蹉跎勘破驚回塵夢冷笑呵呵悟本有元初
 靈明好在無少無多收藏更休點汗對野雲
 溪水唱山歌月下無人獨步杖挑雨笠煙蓑
 其二
 笑平生幻惑遇牢落物華秋對世路羊腸人
 心蠶尾剛變為柔紛紜戰酣白蟻向槐檀影
 裏覓封侯一覺黃粮未熟百年光景都休

推求往古來今成底事盡何樓勘富貴浮雲
 功名畫餅身世浮漚分明眼底見假便一刀
 兩段不隨流躍出迷津欲浪月明滄海歸舟

其三

選峯巒佳處結茅屋伴蒼松有藥圃芝田耕
 雲釣月香鵲靈風凭欄俯觀寰海鼓洪濤千
 丈接長空幾度蓬萊清淺香冥清混魚龍
 三山聖種猶存聲響輩瓦無縱笑阿母蟠桃
 安期遺棗誘引兒童任公巨緇好在簪鈞懸
 五十引長虹躡坐三年不見若魚何日相逢

水龍吟

萬塵諸累重重一時頽脫如懸解青鞋拄杖
 鷄衣百衲公身輕快南北東西浪洋風梗去
 留何礙許昂簪笑傲行歌立舞繁心事無纖
 芥不問壺天境界更誰分區中外如雲
 似水優游散誕縱橫自在轉首襟期世緣空
 幻到頭終壞待他時興盡雲霞堆裏結無為
 會

其二

此身幸脫塵樊累宜更選清涼地山靈招我

峯屏岫幌回環凝翠白石清泉竹軒松逕草
 堂林際揀憑高穩處儲風養月更誰問人間
 世壓盡壺天景致笑桃源落花流水箇中
 時復靈仙高會彩雲搖曳談笑滄溟幾番塵
 土劫灰彈指倒金壺碧酒鯨波一吸且陶陶
 醉

其三

古今興廢存亡落花滿地香風掃茫茫苦海
 洪波千丈無窮膠擾俱在天具浪遊塵境執
 迷顛倒自玄都別後流離宛轉誰更問長安
 道但念功名未了聚愁眉苦榮懷抱幾時
 會得三田靈秀活人芝草霞彩雲英竹風松
 月藥鑪丹竈煉深根固蒂長生久視永無衰
 老

酌江月

初機學道道無形著脚如何蹤跡只在靈源
 方寸地體正元初端的激濁揚清真削偽
 掃蕩諸邪僻迷雲消散塞通方外虛實主
 人堂上無為環樞應運不許纖塵及徑入無
 何真境界明秀高峯玉立瑞氣沖融祥光赫

奕忘盡塵樊道遙遊宴壽同高厚無極

其二

夢中駭鹿戲浮生得失悲歡離合見解分明
猶是夢轉昏沉難覺難口人情羊腸世路
各自爭頭角揮鞭舉棹一般熾險行脚 有

日猛省心灰塵樊識破方信從前錯林下山
間安穩地雲水無情相約自在時光道遙日
月脫盡拘束縛槐南枝上冷看黃蟻行樂

其三

功名富貴似無繩縛盡英雄豪傑古往今來
同影戲頃刻存亡興滅羅綺妻孥畫堂金玉
招人窺竊繁華粧點大都多少時節 自
造惡業重重頭皮改換苦楚經多劫爭似袖
身聞早省時把狂心休歇世網衝開玄關撥
轉自得真仙訣功成歸去一輪江上明月

喜遷鶯

欲明真趣便掃蕩多方亡羊岐路脫落皮毛
惟存真實絕盡向時行步一朵玉蓮蘭展不
受纖塵點汗收絳雪飲玄霜依舊神丹圓聚
自得無疑慮獨向翠微手植無根樹顯氣

橫空靈源浴月光彩一時揮布萬斛寶珠莫
比擁護收藏堅固神莫測鬼難呼功滿驂鸞
歸去

水調歌頭

端坐懶成癖雲水興何加襟懷洗盡塵物別

有好生涯選甚瀛洲仙閣鬧市花街柳陌觸
處是光華切莫問龍虎白雪與黃芽 不耽
詩不帶酒不拈花從來本面公事何必向人
誇畫覽故山風物夜被玄天星斗百衲掩雲
霞神鬼莫能測頃刻遍河沙

其二

徹底探囊篋那得一錢看從來底事活計不
與俗相干似得飲中賢聖滌盡澆心酩酊冷
眼視塵寰斬斷利名鎖踏破死生關 做此
癡撒此懶放此頑六門把拽不出蟄窟且踴
踰別有非常手段拈聚虛空一片澄澈夜光
寒會得箇中意何必問三山

其三

興廢閱青史榮辱夢黃糧空華電影蹤跡謾
弄恰如狂分外為蛇添足不省狙公賦芋憂

喜兩相忘回首舊鄉國風物盡荒涼 百年
身彈指頂鬢成霜人間更莫理會安穩處承
當靜夜月明風細相對雲朋霞友談笑興何
長一枕洗心若一瓣劫前香

其四

漂泊吳鄉客路碎軟紅塵歸來處處庭戶簾
幙捲黃昏南北東西行色費盡芒鞋多少何
處覓天根光曜問何有亘古實然存 入無
何遊太漠越崑崙風仙底箇消息未許等閑
聞亂眼空華零落桂魄團圓如舊穿透水無
痕高賴扶搖伯高捲嶺頭雲

憶法春伯瑜老

相遇會心友目擊契金蘭登天遊霧莫添雞
黍不相干常記崑崙亭下俯瞰茫茫滄海揮
塵笑談間靈捲鎮陽北雲隱鶴山顏 歲華
遷人事幸忽盟寒芒鞋藜杖猶在唯憶扣玄
關但願心圓如月表裏虛凝澄澈密密蓮樞
環一點遊無別千里共同看

滿江紅慢 兔劉圭簿

眩目空花紛紛盡如繩絨縛軟紅塵堆裏汨

沒認為真樂二陸來時忘後患兩跡見處誰
先著正夢魂隨蟻到槐安何時覺 興廢事
曾著甚繁華盛運銷落更不須人勸自宜對
酌古鏡磨開塵外境隋珠枉彈簷頭雀待悟
時回首進前程蓬萊約

其二

霞友相從雲房會笑談真息正鬱蒸天氣輕
汗靜中難敵冰玉旋敲新薦几玄冥坐使寒
生席命月團時復定金甌鯨波吸 除煩熱
澆胃臆功殊勝神通力笑玉川風味趙州陳
迹法界澄澄清可掬靈空浩浩光無極問箇
中真味口難言知端的

其三

萬論千經俱涉獵欲求真覺驗古今行迹移
在口頭渾錯不向心中團練就多生活劫空
牢落會本真神口未能言何方學 無一物
一物空索索常清淨通寒廊下功夫涵養不
須揮霍白雪陽春誰與和村歌社酒爭跳躍
看牛毛如許幾人知同麟角

其四

百煉千磨成底事襟懷冰雪向積塵堆裏
落要明心月根本泉源窮到底波瀾枝葉休
分別遍世間誰不是行人何須說 丹宜秘
臺臺結居無空行無轍更莫思人我是非優
劣鸚鵡雕籠因解語杜鵑枝上空流血對利
名車馬軟紅塵牢藏舌

其五

一片頑心何處子無窮生滅被化機般弄馳
騁許多顛魔取骨如山成底事迷情似海難
超越痛且初靈物久沉埋塵沙劫 求出離
須猛烈尋知友談冰雪下功夫磨拭壽光明
徹風定波波清潭底現雲開冷浸天心月問啞
人食蜜味如何無言說

其六

牢落多生無盡限紅塵蒙幕縱苦求聽解微
處不堪形詰孩兒五子摩挲潭底月癡兒咀嚼刀
鋒蜜更可憐法網自纏綿何時出 燕石寶
銅盤日渾淪聚浮洋實這一團打破自通消
息截斷葛藤閑惹絆破除蒼重狂蹤跡向本
來一點便承當真端的

滿庭芳

全真

全本無虧真元不妄從來何少何多靈源巨
古天地與同科奈染諸緣萬境生情識招致
羣魔難超越虛生浪死苦海任奔波 聰明
求出離回機一念沃證無何勘元初本有些
子散訛應現頭頭總是分明在依舊山河高
懸鑒又逐打破拍手笑呵呵

李老先生慶八十

南極儲祥少微呈瑞八旬應現人寰水雲踈
散金鼎煉神丹說盡長春洞府遺遠占物外
高閑無衰老龜旋鶴遠相對且怡顏 慈懇
重禱祝溫鑪澹炷劫外旃檀念旦初容貌不
許凋殘通古今如旦暮蟠桃見幾度華鬢常
常在金壺碧酒高會列仙班

李社長壽

桃蘊蒸紅杏開微白仲春風物宜人賞踈九
葉龍右降天真應瑞蕊惹佳氣寶靚炷劫外
濃薰鳴金玉琅聲裏高會洞中賓 良辰
當勸勉仙風道骨早早離塵悟人間虛幻著

莫因循看取蟠桃結子靈芝秀不羨莊椿常
如此洞天深處獨步翫長春

玉蝴蝶

擾擾夢中身世白駒過隙多少時尤使盡機
關方寸不暫清涼蓄奸邪更移鹿馬執迷網
顛倒玄黃最堪傷死生汨沒苦海茫茫難
忘恩繩愛索火坑塵網利鎖名韁一向貪饕
不知青鬢染秋霜覆焦隍空爭駭鹿多歧路
謾逐亡羊自徇徨白雲深處一柱心香

村居

○ 垆外地偏塵遠結茅小隱事事俱休脫粟黃
葦安分足可優游月徘徊昂簪緩步風冷淡
懸涕瀟收且淹留野雲歸岫煙水橫秋 唯
收隨身數物靜中悅手細櫛梳頭鉢置囊閑
杖藜百衲外無求唱哩囉招來牧豎相介汝
取次沙鷗更何憂素刀無礙不見金牛

金童捧露盤

夢幻闌浮捨故趨新倏忽化機潛換天地一
丘墟會心冥沖漢野雲舒卷寄迹虛舟鑿形
止水風激游絲斷空玉宇無塵清澈混物我

寬觀相忘鵬鷗鎮擗散此際穀食鷄居道遙
遊宴 聞乎無聲視無色罷金龜去膜作空
花觀窻戶有餘清浪人牛蹤跡素華明煥勝
槩幽遐洞靈縹緲直許羣真競步坦途搖頭
拊臂到醉鄉勝入高陽池館世情遠淳生瞬
息歸來晚

同前

高會雲朋談笑人間幾度海濤清淺天地一
吹嗟動閭浮出沒化機如雷覆手存亡轉頭
聚散物物虛零亂謾戲弄蝸蠻槐蟻向魂夢
悠悠雄圖堅遠無盡藏山舟密運丘陵移換
○ 團空人世竟無識絺形因浩劫浪傳餘喘
種性却回邪向銅盤聲裏太陽難辨試運金
鏗撥開朦朧眸子尋常見待細察蟪蛄若山
貫法界靈空惹雲彌滿了真觀方知下手須
史晚

玉女搖仙佩

先天有物未始難名彷彿氤氳元氣太極形
生雞黃乍判散作萬殊千異總被形因累恣
管管念慮多方百計競聲利揚波鼓浪唯是

無窮四事而已空膠擾人間取骨者騰終成
何濟 誰信火傳棄舊物禪迎新弄我真同
兒戲勤破搖頭伸眉一笑照徹多生凝滯妄
構闕非是總休論枉玷林泉風味秋靜夜雲
收空界纖塵不動月明如水人長在碧桃影
裏醺醺醉

東風第一枝

遠樊籠虛舟不繫披覽閑中真趣未嘗羨珂
里榮名未嘗羨金闈矩步乾坤俯仰開高牖
見朗庭衢會襟期徑入無何脫中奮然箕踞
○ 也不慕龍蟠鳳舉也不問文林武庫欲事
為無事無為欲思慮何思何慮儵然平滄涉
人世居居于于向故園管領光風歸來似嫌
遲暮

詠茶

圻封絨龍團闢破栢樹機關先見玉童製香
霧輕飛銀餅引靈泉新薦成風手段蚪鬚奮
擊碎鯨波仗此君苾子功夫瓊花細浮甌面
這一則全提公案宜受用不煩寵勸滌塵
襟靜盡無餘閑心月清涼一片羣魔電掃瑩

中外獨露元真會玉川携手蓬瀛留連水晶
官殿

江神子慢

詠香

玉童報朝徹仙夢斷華胥太平國素屏側金
鑪煖灰襯雲心虛白御封圻一辨纔拈清馥
靄氳氳滿靈空無間隔遍飄三境融融通高
厚貫金石 神州初疑玉釜記不萌枝上微
露春色幾人識塵凡阻豈許垂爪明得氣綿
容洞府高真俱默會遊蜂蝶紛紛無處覓香
然曳縷虛凝入寥天一

同前

蓮塘兩初歇波面倚瓊花照澄澈命童折銀
餅浸姑射仙姿凝潔默時說大地家天俱捨
聚無巨細收來藏貝葉放開微藥真光塵沙
界盡朝徹 一枝冥傳亘古向無聲色裏出
廣長古莫分別纖毫受入眼還同金屑拂陳
迹物物般般無盡藏閑挑李真容俱漏泄再
拈誰肯承當付花稍月

齊天樂

自為形所累寒餓交侵贅疣何異試究虛玄
從初本有一點圓明無際塵緣漠漠似千里
晴空幻生雲翳仗此靈風一時吹掃莫留滯
來之備然往馬適耳從伊粧點鼠肝蟲臂
變化洪鑪存亡皆可除外甚麼堪畏逢魔遇
阻駕神馬死輪去留誰計穩坐忘懷始終憑
此志

春從天上來

暮暮塵埃嘆自古悠悠不省沉埋利名場上
人我叢中單認這箇形骸念本來一點誰無
分都是仙材謾疑猜喚千聲酩酊不肯頭回
何日夢中驚覺管識破從前白蟻庭槐洞
天深度霞友雲明談水咀雪相陪對紫芝幽
圃香風裏碧酒傾盃信悠哉有龍蟠虎逸沉
醉蓬萊

天壽節

帝錫嘉祥正九五龍飛大業繁昌幹旋洪造
整頓乾坤雷轟電掣成章向玉京金闕威音
震騰裂選荒勝陶唐應羣真交會四海平康
寧論普天率土但蠢爾生民共賴胥臣蚰

翹端蛟奏奮傾心曷報惠澤恩光桂蘭薰瑞
靄祈黃屋枝葉聯芳祝吾皇願龍圖永固聖
壽無疆

其三

身世蠅蠻在一氣盈虛宛轉循環電光影裏
石火星中生滅如許時間盡勞神膠擾名與
利抵死相干自摧殘為一團虛幻百種機關
睫在眼前不見但認假為真倒大癡頑太
平難遇真道難逢識取舊日家山到無何鄉
裏雲霞步玉藥芝蘭會仙班慶長春天上來
滿人寰

其四

肥馬輕衫富貴裏功名心醉如酣枕中春夢
誰信鵬程摩天巨翼圖南被目前虛幻空櫻
擾枷鎖擎擔更何堪向蠅頭蝸角苦苦貪婪
他日眼開方省便聲利場中稅駕停驂著
鞭方外打破疑團冷笑暮四朝三現本來一
點凝然在秋月寒潭箇中參聽金童謠唱五
女玄談

其五

枯木寒灰寄野墅茅堂冷淡林隈地偏人靜
月朗風清窻戶絕點塵埃有自然消息銀霞
璨珠玉瓊瑰信悠悠看龍蟠金鼎鳳舞丹臺
舉世利名心醉更誰仗鵬程密網衝開此
言還信侷儻男兒休更撒手空迴認空生虛
幻何成濟枉玷仙材早歸來赴蟠桃高會談
笑蓬萊

兩中花

一點靈源澄湛照徹多生浩劫情塵有不夜
壺天風物亘古仍存踞闔玉麟哮吼對床石
女談論海童微念寥天晴雪不下鷗羣蛸
翹蠢蠕同入吹噓寒谷為我回春那更有越
吟思舊楚些招魂儘恁銅盤蠟炬摩挲晚照
餘曠神丹既濟玄珠好在默默昏昏

其二

林下山間入市處處天遊在在玄虛更不許
絲毫增損具足無餘漆桶甘沉點閣戲場自
作塗糊枯骸隱几蒼天誰問枉用吹噓形
名寓耳醜縷真容非鉛非汞非珠縱舉似百
端拈弄妙處難模誰有輪扁手段成風去聖

功夫頭頭物物洪纖巨細色色如如

其三

二十年間曾記對語山陽森碧琅玕談笑裏
蓬萊清淺陸漲波瀾驚喜靈根無恙雙明五
樹同看撥捨境裏漫漫長夜共話團圓余
生散漫江海虛舟一葉不撥循環俱老矣關
河千里晤語良難自笑烟霞痼疾半生風月
長閑別時好在雲根水骨相對怡顏

望海潮

春水初泮長川洶湧桃花碧漲波瀾海若幸
臨馮夷自笑靈源退鷁來還塗抹與闌珊便
截斷懸流撥轉機關回首人間底事膠擾蟻
循環遽遠世夢驚殘顧雲間岫愧月貴山
顏芳草藉茵森松偃蓋峰巒聳碧欄杆天地
許多寬方自在無拘心契金蘭寄語功成事
遂佳處莫盟寒

洞仙歌

百年光影綠鬢須臾改擾擾勞生是非海料
存亡隱顯盈虛與廢事盡默聽玄中真宰甚
狗苟蠅營為浮名薄利苦紫心萬般機械

閑中一著莫妄生枝派平地瀛洲故人在運
靈風掃蕩情塵須勘破生死牢關懸解便領
畧玄珠用無窮得自在逍遙去來無礙

同前

千魔萬難苦海沉淪慣枷鎖渾身強牽挽認
蒼瀾一點浮漚來又去識不破空華虛幻便
酩酊朝昏又誰知在本有真靈萬塵羈絆
夢回酒醒子細開青眼關裏光陰著心看觸
體元不會東西還戲弄千古輪迴無限但省
後收心便歸來莫只待西山日沉天晚

月中仙

浩浩靈源自先天恍惚難觀形狀殊非想像
龍兇角龜毛頭頭分明百般呈伎倆盡分外
無風起浪截斷亡羊路山雲野水相與復相
忘神光照應無方示灰寒地文舒縷天壤
低頭放杖便擊木無聲敲空作響不須求罔
象得自在無拘縱放手拈來用如意寶珠
無盡藏

粉蝶兒

箭蠟塵情誰知淡然無味販何樓一場兒戲

看成空渾不懂夢中身世謾橫陳使機關到
頭何濟省後俱休尋箇久長之計便收心破
除人偽遠樊籠捐俗物洞天嘉致結雲庵對
西山萬峰凝翠

其二

薄利浮名抵死向前忙幹更先陰暗中催斷
傀儡棚詳攬弄般般公案下場時盡虛都不
堪重看 風迎晨鐘驚覺夢中青眼覺從前
盡成虛幻火坑中安穩地自由人揀早歸來
莫祗待日沉天晚

其三

綠鬢朱顏那禁兩輪烏兔被恩枷愛繩纏住
重如山深似海渾身擔負轉頭看只贏得一
丘闕土 此子時光白乾自招憂苦早抽身
快尋出路水雲鄉閑笑傲開懷行步有玄珠
待歸來向伊分付

婆羅門引

一毫不立萬緣俱遣露真詮沖虛躡景冷然
莫向他方物外別覓洞天是韓擁遂塊陽
焰為泉豆初本源只這是更無玄默究端端

的的體用完全分分明朗放一段光明不記
年遠會得心月團圓

其二

古今擾擾大都奔競利名場舟車僕馬如狂
到底功勳事業分付夢黃梁甚剛求失鹿不
見亡羊 且宜自防須著脚水雲鄉截斷從
來去路步步清涼本然自得是千古圓明珠
玉房真箇事誰肯承當

其三

洞天物外自然真境妙難傳羣真寔實留連
鶴舞龍吟鳳嘯飛霧走雲煙擁霓旌月節羽
蓋芝軒 醉中論玄噴珠玉泝流泉笑指蓬
萊清淺幾度變桑田真容巨古縱劫火焚空
無變遷誰解此紫府神仙

其四

此身有限利名無盡苦貪求人間事事何堪
大抵百年光景贏得一荒丘似花稍展露水
面浮漚 省時使休須勘破此形囚千古迷
繩割斷跳出洪流道遠垣蕩煉一粒神丹物
外遊功行滿平步瀛洲

侍香童

天壤之間蕩蕩無拘束一二襟期賓野服何
處會心宜卜築萬壑松風一溪寒玉 炯茅
堂澹炷温鑪香味馥聽雅奏靈和塵外曲列
岫窻分真面目未到達瀛乃平生足

傳言玉女

靚面相逢一顧眼中人識會心冥處遙山寸
碧洞天雲影磊落翠島蟠石芝英好在幾經
秋色 淺淺蓬瀛談笑間滄海易換真携手
共遊天地一人間盡恁電轉風翻塵物玉峯
高會莫道消息

望梅花

布袍

麤布寬袍製就開掩快不須網紐虛豁襟懷
籠通腋下舒縮恣容雙肘別無有卧蓋行披
更兼宜眾中袖手 似恁全身領受又何妨
顧前時後雅稱芒鞋偏宜藜杖出入送迎霞
友有開口問斤兩何如便分明向伊抖擻

納襖

不用衣衫楚楚隨綠化布帛絲縷選甚青黃

從交橫順下手裏頭聯補見功處百片千條
紫穿連著身堅固 如意禦寒暑隨所在
別無疑慮轉肘肥撻渾身輓圖一任不須回
護没人觀自在縱橫敢承當箇中作主

暮山溪

平生懶散不識閑煩惱舍但容身更誰問
瑤臺瓊島比隣縱有三兩野人家忘取舍絕
將迎門外何曾到 煙霞痼疾妙藥難除療
只管放心閑未肯把靈源膠擾住行坐卧此
外別無能真箇事樂道便是前程了

其二

眨眉瞬目說盡重玄理黃葉止啼休莫只待
鋒鋒相抵玉關人老歸去罷論兵閑日月太
平年村釀家家是 橫擔杖杖唱箇哩囉哩
宜羨廟堂榮更管甚泥中曳尾錦鱗自在騰
躍禹門高收網罟撒絲綸不用垂釣餌

其三

從來習性塵冗知多少省後急消磨動靜裏
專專計較開非開是不掛一絲頭牢閉口緊
降心人我先除掃 住行坐卧莫把心三惱

向上有機關更不許愚迷便曉積功累行慧
眼忽然開芝草秀大丹成作箇仙無老

其四

蹉跎十載養就真無賴事事不榮心更絕盡
凡情世態將迎冷淡度日且閑閑翻著襪到
穿衣一任人憎愛 鑄就三尺龍泉快氣焰
徹天庭又不見金牛可解踟躕四顧不敢等
閑看隨身帶密封緘地久天長在

鵲橋仙

疑根未斷游魂不返多少閑情惹絆野雲溪
水自由身與利鎖名鞭許揀 塵緣一判凡
情盡遣却悔收心已晚五雲深處醉蟠桃管
不羨兒孫滿眼

其二

依山隱霧臨池影舞却披文皮自誤豫章楠
梓有何辜受斤斧傷殘無數 惺惺不悟還
同暮故身後虛名何處覓兒先景認爲真盡
忘了長生道路

其三

瓊分石碎珠離蚌壞文豹豐狐自害衆中誰

肯密藏身但鼓髻爭頭要賣 誇功即退成
名即敗鏡裏朱顏不再到頭畢竟化爲塵枉
棄却玄珠寶貝

其四

玄珠無類負容無對不許纖塵遮蓋字深團
練轉分明要天府收藏沒賽 全身輕快渾
無機械法網塵情俱解有人登壇欲商量此
不許人間販賣

其五

天真靈種華胥入夢趣取人間無月玄珠天
府密封藏誓不敢紅塵賣弄 魔軍齊鬧聲
音迎送饒取威嚴專重金毛披著上場來却
忘了如山不動

其六

妻男鐵鎖家緣枉欠煎迫猖狂怎麼蠅頭蝸
角有多來便捨命爭人競我 執迷不趨甘
心籠裏黑謎猜他不破只須闔老帖來勾待
不得兒孫長大

其七

曲釣魚關直釣無釣今古分明知道世情看

假畫成真總不識先天至寶 孤光圓照相
忘同調物物俱休迺料本來一點上通天向
姑射山中笑傲

其八

一團奸俏一團性氣動處欺天昧地傷他利
已損生靈廣作業交誰代替冥司斷制如
何迴避不許強辭批諱頭皮換却不如今受
苦楚何時出離

其九

靈源春渚芝蘭藥圃發我歸心雲舞玉堂金
室隱雲霞纜信及青霄有路 瑤臺瓊島珠
林琪樹香靄神風引步幾迴海上看桃花千
歲裏花開一度

其十

閻閻聽誑天真成妄俱喜攢頭裝相無名益
大步虛聲攬弄向願顛休上 無多利養做
些模樣呈盡平生伎倆到頭畢竟如何不
見了玄珠罔象

其十一 贈大方丈檀城

來時如覺去時如夢別我無情相送臨行囑

咐沒多言但莫把人情戲弄 真師宜奉仙
場選中乘取彩鸞為金鳳向蓬萊高會醉蟠桃
也勝似人間打關

雲山集卷之五

兄五

二七

雲山集卷之六

兄六

太常引

知常真人 姬志真 撰

夜深凝寂月明堂曳纒返魂香物我兩相忘
恍然在清微帝鄉 眼前今古世間藏殺一
例盡亡羊險處不隄防競奔走槐檀戰場

其二

滿山風物一溪雲猿鶴自為隣絕盡軟紅塵
向物外安排此身 藥鑪丹鼎鳳膏龍屑烹
鍊玉華新遊宴景長春要水當方壺舊人

其三

幻塵擾擾夢魂飛著脚履危機省後自驚疑
猛跳出樊籠制圍 草鞋藜杖素冠蓬髮弱
笠與蓑衣雲水任東西更管甚人間是非

其四

賢愚汲汲聞經營唯是和名渾似弄潮人
與千丈風波競爭 百年光景一堆塵土碌
碌苦勞生回首問前程望極目山河未平

其五

紅塵白首尚羈縻忙亂越多歧走骨關行屍

問來往驅馳是誰 一天風月一溪雲水此
處好栖遲說與更生疑似揜耳偷鈴自欺

其六

人生弱喪自迷方來往恰如狂泥裏弄泥團
竟不識神珠夜光 幾多風雨幾回磨歲爭
肯暫回惶何處是家鄉便指與疑心怎忘

其七

化工幻出是非囊般速利名場癡子競商量
便迷却家園故鄉 摧殘冰雪憂愁風雨幾
度變炎涼一念果難忘受萬劫輪迴自當

其八

非僧非俗不求仙茅屋兩三椽白石與清泉
更誰問桃源洞天 一鑪香火一甌春雪澆
灌淨三田閑想谷神篇忽不覺松梢月圓

其九

道人活計要清虛不受利名拘囊橐一錢無
似出水圓荷迸珠 一瓢糊口衲衣遮體此
外更何圖高枕及華胥向物外釣天曳裾

其十

情知萬事轉頭空穎脫出樊籠飲啄且從容

更不問三山五峯 一丸丹藥一枝藜杖來
往任西東隨處有雲朋盡出沒重玄道中

鷓鴣天

雲散風清雨後天新荷擎露碎珠圓清泉汨
汨流塵外白石巖巖賴醉眠 山色裏水聲
邊留連風月話重玄溪童欲問人間事笑指
漫空柳撒綿

其二

畫餅充飢必也虛刻舟求劍決然無癡心密
數人遺契妄念重尋兔守株 先聖迹古人
書糝糠難作夜光珠萬緣拂盡方知道妙處
那能說與渠

其三

翠翦紅裁滿故園無窮花木鬪爭妍東風不
許常如此捨故趨新別有權 花委地絮漫
天繁疊青子垂含煙無情不逆機關弄坐看
枝頭幾變遷

其四

暮落朝開木槿荼圓荷出水露珠傾火雲千
丈燒空際汗雨淋漓倦鬱蒸 虛白室誦黃

庭洒然風度有餘清坐看造化閑般弄執惱
浮生不暫停

其五

金菊踈籬擅化工草蟲切勿話秋容荷葉頹
老蘆花白捲亂西風墜葉紅 山減瘦水爭
雄驅馳萬有盡歸宗道人亦喜三彭滅清夜
無眠坐絳宮

其六

霜雪嚴巖百物殘不禁長夜苦漫漫化工自
促歸元命歲德回機養大還 蟠地軸定天
關玉封瓊島及三山真仙不管人間世幾見
黃塵滄海乾

其七

門外黃塵點洗人山童不敢啓雲扃石壇清
坐神遊北徑及無何接玉京 香蕩蕩氣盈
盈蟠蛟飛鳳會雲朋自傾碧酒重玄飲醉裏
乘風下太清

其八

造物兒童作劇狂懸絲傀儡戲當場般神弄
鬼翻騰用走骨行屍晝夜忙 非是海利名

鄉青蠅白螻自相傷隨聲逐色誰敲點拍手
歸來笑一場

其九

千匝迷繩不自由區區分外苦追求心中元
本無煩惱鬧處先爭要出頭 增我相替人
愁功名未了鬢先秋莫防風激游絲斷撒手
歸空萬事休

其十

事事無心恰到閑黃塵闔外不相干幾多著
網因名縛無限吞鈎被口謾 樊物外冰雲
閑不勞辛苦運樞環藉沙白石和衣卧野鳥
山猿相對看

其十一

弱爽飄流未肯歸玄關說與更增迷此行若
遇商丘老拚却枯骸更不疑 先犯早後遲
蓬箇中消息幾人知東風不解傳春信李白
桃紅自滿枝

其十二

人偽開張日漸深等閑不惜費光陰多方計
較愁無限百慮摧殘苦不禁 心事逼鬢霜

侵功名寰海妄追尋發言布袋中感蟬舉目
人間但見金

其十三

自較狂心忘世情從交相責冷如水人間會
盡頭休點物外行來眼自明 山寂寂水泠
冷滿天明月淡疎星松風却似知音者夜夜
招呼萬籟鳴

其十四

爭鹿人家夢未迴眼前觸物盡塵埃古人蹤
跡徒云耳宿世功名安在哉 明月窟亂雲
堆紛紛浪語總休該流霞一醉三千日莫管
紅輪上下催

其十五

販骨來來幾萬生煎熬裏裏謾崢嶸百年不
覺消死養千載無能息剗點 翻欲浪起心
矣迷繩自縛聚愁城幾將濁水澆曾聽倒語
顛言賀太平

其十六

過隙光陰抵死催浮生屈指有多來芥城業
識填將滿拂石迷雲撥不開 功打底罪爭

魁英雄呈徹死堆灰一團虛幻閑般弄有耳
如聾喚不理

其十七

自悔閑人合住山人間驅使不能閑交朋力
擁推離位鼓板聲催弄上竿 無伎倆轉身
難大家取笑有何安好心用處翻成惡煖氣
呵人變作寒

其十八

太極玄虛若鏡清乾坤元是鏡中形人身影
裏重生影物象名中復寄名 空外物夢中
評一團虛幻戲靈明有生不慧看成實夢裏
分空著力爭

臨江仙

舉世紛紛爭富貴道人獨占清貧清貧柔弱
得安身心閑無事過隨分樂天真 一點浩
然如古鏡圓明不受微塵護持功滿自通神
超凌三界外遊賞四時春

其二

歲月無情如雷轉人生不耐消磨前程路險
莫嗟蛇火坑千丈裏踴出上高坡 別覓清

涼安穩處掃除平地風波不移一步到無何
一枝無孔笛一曲太平歌

其三

我本世間無用物般般伎倆都忘忘十年冰雪
坐虛堂人情牽挽動般弄不能藏却憶雲
山尋僻地結茅小隱何妨竹軒松逕倍清涼
月明千嶂外風動百花香

其四

醞釀長生天上酒人間此味誰知玉壺旋貯
碧玻璃時時供小飲神彩更忘疲好會襟
期方外友同滄火棗交梨幾回滄海變塵飛
三山歸去日携手步雲霓

其五

自笑口頭閑伎倆口頭畢竟非真早知拂却
舌尖塵三絨常默默超出是非津屏盡千
魔并萬難閑中頓覺願神好風明月自相親
多生緣習斷印證本來人

其六

人我是非相戲弄渾如傀儡偏場中虛聲亂耳
不知空強分胡與漢塗抹走西東識破因

非真實事何殊拂面狂風與伊相對且雷同
安身非取此承當主人翁

萬年春

夢到華胥半天宮闕塵凡表異香縹緲曳縷
雲霞繞浩浩靈空不夜神光皎誰人曉與
君知道永劫春難老

其二

生滅無情古今輪轉平如水急須隄備作箇
前程計自有元初一點何曾離靈無比鍊
成具體壽量齊天地

其三

雲海蓬萊瑤林瓊樹真仙種彩鸞金鳳來往
相迎送說與人間不信成無用塵情重平
毛冗冗爭作槐根夢

漁家傲

拋却俗情纏鎖解般般放下身輕快絕盡塵
情忘世態無人來本來一點常安泰處處
唯求真自在誰能出貨圖人賣不是閑神井
鬼恠無相礙何勞盤果香煙賽

其二

伎倆全無癡情懂紛華世事看如夢贏得一
生心底空忘塵冗客來不管相迎送我自
情疎誰與共愛閑不願人欽重看罷南華無
所用休相哄老來生怕閑般弄

感皇恩

傳火付前新花縣葉綴燕下頑涎弄神鬼戲
亭子上抹土搽灰相繼是非名利裏虛生死
谷董謾他葛藤自繫試看棚頭五丁子聲
銷線斷伎倆都無如此謾爭嶠不省誰驅使

其二

合浦未還珠空撈赤水高自蓬心兩何濟縱
合垂手援溺孜孜為意奈洪波浩汗爭沉底
槐裏圓熟枕中得意說與重玄淡無味木
鴉休放三老歸來沉醉對晴波不用雲霞餌

其三

未始出吾宗波流變化欲假言傳又何暇平
懷本分日用分明真假更何勞向外尋嬰姪
八面玲瓏元無壘躡今古商量木管罷據
梧枝策都付閑中談話寶珠無盡藏誰酬價

其四

事事不追求隨緣且過欲作神仙安心大瑞
雲深處一拶牢關俱破更誰語自有真真箇
未及乘風相忘物我比著塵凡較輕可無
絃品弄不若閑行閑坐恐知音又有松風和

其五

雲海接瀛洲程浩渺換盡凡胎步方到神
仙底事紫府丹臺幽香縱分明指點人難曉
藥圃芝田靈苗瑞草滿地香風遺誰掃洞
天不夜月底行吟縹緲待知音付與玄中寶

其六

○清淨本然真紅塵積染世網情枷競趁詭茫
茫苦海鼓蕩洪濤激灑弄潮人不避風波險
彼岸高登家園點檢千古離魂自拓颯般
般拂盡依舊元初一點夜光舒洞府雲霞斂

其七

一念夫真常沉淪苦海六道周遊越情愛形
因物設顛倒何時懸解在人中分外貪婪差
死去生來千形萬態宛轉循環要享耐片
時光景不測頭皮更改勸抽身莫待臨時悔

其八

雀躍拊髀行推門放杖蓄缺支離未假傍屠
牛牧馬畫箇葫蘆依樣涉程途聖知生迷惘
不識不知如何趣向狂屈纒言又還忘百
般呈似種種施為俱妄要承當的的天真相

其九

物外迥無塵壺天閨苑雲影虛簷自舒卷月
魂冷浸不謝瓊花開展異香金篤稱通幽遠
高會誦仙蟠桃置宴滿酌流霞浩歌勸噴
珠咳玉走鳳蟠蛟酬獻指蓬瀛笑傲談清淺

其十

○天地一蘆廬形骸寄放彈指光陰遽如許眼
前心上暗鬼空華無數盡勞生冗冗同囹圄
塵境破除於中作主俯仰人間已今古忍
將一點甘受名囚財虜訪林泉自在雲霞侶

其十一

事事飽語知纒尋易簡種種施為盡虛幻飯
囊氣袋伎倆呈來羞報夢魂驚覺後開青眼
百不介懷蹉跎懶散法網塵緣莫推挽風
光野色溪月松風何限放閑身在無拘漢

其十二

著脚軟紅塵心君懊惱占得時光有多少窮
通利害得失存亡翻攪使機關見解何時了
爭似去來巖阿靜悄悄平步瀛洲幾人到風
林月嶂窻戶雲霞縹緲任縱橫總是長安道

青杏兒詠菊

春夏競芬芳天憐此秘惜藏光紛華落盡方
開展踈叢淡淡孤標冷落獨傲秋霜好在
水雲鄉無人知見又何妨賞心希遇陶元亮
新松相對金英依舊風逗天香

其二

○秋色滿林紅霜風妬物物皆空榮枯頃刻如
翻掌紛華識破疑根自斷躍出樊籠隨處
得從容身輕快具足神通人間天上俱無累
乘風御氣飛騰自在南北西東

其三

人世太愚癡虛幻裏自作羈縻妻勇眷戀何
時盡同枝宿鳥天明解散各自東西走骨
與行屍看不破傀儡開機一朝猛省方開眼
迷繩割斷牢籠跳出也是便宜

其四

沙暖神輕鷗從伊便喚馬呼牛構材擁腫元
無用臂難時夜及輪命駕江海虛舟無感
亦無求拈出處茅靡波流頭頭相與吾之耳
風清月白疎梅瘦竹都是天游

其五

一燕貫家冥冥裏孰謂鵬翮千形萬狀隨
空化乾坤運轉遊塵野馬都在扶搖曳綵
挈簞致真玉食肥馬金鑊煮酒乘風雖殊器
天鈞一點靈明不昧各自逍遙

武陵春

造物化成虛境界人我是非盡變觸交侵各
用功都在夢魂中勸飲一玉方外酒兩頰
鎮長紅醉眼朦朧望碧空著莫辨西東

其二

山鳥喚人歸意重佳處有林泉茅屋經營三
兩椽據分不拈錢萬壑風鳥千嶂月小有
洞中天石上松間坐與眠何處覓神仙

其三

斷鼻芒鞋秋後扇不是背時行側卧香鑪沒
底鑄著甚更嶒嶸此物只宜閑處頓相見

各無情莫性懣然冷似冰安穩過平生

其四

幸遇真仙來海上丹藥肯長留且古靈方秘
藏收傳與列仙傳試貯金壺成醞釀一飲
醉千秋海變桑田不舉頭冷眼視蜉蝣

柳梢青

人靜月明時菊漸黃者鑑中火滅心宇灰寒
古桐絲斷煙花蝶結惺惺夢及華胥迥表
裏冰凝玉凍魂氣沖融丹雲縹緲五明官闕

其二

明徹口頭三昧拂迹便忘言守拙古道潛通
先賢冥會太平時節長安陌上縱橫更不
在拈花摘葉處圓通頭頭皆是放開心月

其三

靈明本無圓缺先天易常存浩劫一受成形
隨流忘返死生磨滅會委百種遭殃設取
骨如山未歇正眼開時元無一物頓然超越

恣逍遙

圓名圓利爭人競我開眼後一場懨懨誰高
誰下誰強誰弱鬪老子一般籠裏事事俱

休般般打破無拘管住行坐卧風前月下
邊巖左且由俺快活則箇

其二

野服黃冠芒鞋藜杖無拘係水雲來往行歌
立舞玄談清唱也不論王侯高尚佳月圓
明神珠晃朗周沙界迥無遮障逍遙自在優
游偃仰人間事任他勞瘁

其三

昨日嬰孩今朝老大百年間電光石火筋聯
骨肉皮毛纏裹酪子裏認來是我競氣忘
形貪財引禍到頭待做箇什麼回頭認取本
來真箇這疑團一時打破

風樓梧

造物護人人不懂齊色場中傀儡開般弄今
古廢興取哄須臾感罷俱無用眼自不
明真籠統走骨行屍逐勢相迎送強弱是非
空冗冗虛生浪死輪迴種

其二

過隙光陰相戲弄幻出浮生變滅如旋踵
酩酊不知空日用思枷愛鎖如山重
錐刺不

疼針刺痛性命顛預外事多惶恐何日如輪
開眼孔惺惺不作槐根夢

一剪梅

雲水鄉中即是家性耽丘壑志傲煙霞清虛
已戰勝紛華世事從他擾擾如麻客至何
妨不點茶相忘交結冷淡生涯坐中無物向
人誇唯有延生一粒丹砂

其二

珠樹瑤林氣象嘉玉龍無力熟寢銀霞青童
旋撥貯瓊花瑩徹冰壺一色無瑕寶鼎初
浴火漸加濃烹團鳳極品黃芽塗金羔酒世
情誰此况誰知物外仙家

其三

薄暮餘霞天際紅反關無俗指點山童新泉
活火煮雲龍受用仙家兩腋清風千古埃
雲霧山曾陰魔除掃不敢形容玉川携手水
晶官月裏行歌縹緲孤峯

其四

畏日炎炎氣鬱蒸枯禪頰起靜勝無能先春
雪浪侵冬嶽喚起玄冥滿坐寒生北帝威

嚴正令行祝融退步酷滄潛形神通揮霍貴
心靈乘此清風歸去蓬瀛

其五

是非非非橫口開顛顛倒倒百種乖崖仙凡
何地可安排萬事無根空去空來一點靈
明大矣哉茫茫今古空有全該巫咸休作杜
權猜魔魅難窺寶鑿當臺

西江月

挾笑亡羊莫問覆蕉失鹿休窮大家都在夢
魂中夢裏重重作夢具足元亨貞利圓明
微妙玄通眈眈目擊莫形容拈出般般妙用

其二

拍塞虛空無外包羅天地難窮大千沙界盡
含容不是顛預籠統狂屈欲言還忘李咸
自愧無功試拈未始出吾宗驚破南枝午夢

其三

自性天中日月元真海裏舟航千門萬戶為
敷揚引入亡羊路上續燭傳薪莫會金盞
碧酒先嘗博山一炷劫前香鼻觀難通妙况

其四

絕相縱橫妙用離形左右皆吾善天下地盡
如同同象還同暮故守奉天先內發室虛
真宰常居没功夫處月功夫穩駕神舟歸去

其五

不在拳頭指上何勞眼尾眉尖本來一點要
安恬燕綴絲毫即玷莫帶蒲團竹椅休耽
象軸子籤此心冥處貫洪纖妙用頭頭有驗

其六

巨細洪纖在在飛潛動植芸芸乾坤昇降不
停輪借問誰為轉運妙理周行獨立真君
莫測冥存一針一草盡渾淪拈出虛空有墨

其七

浩浩彌天地冥冥貫石穿金千形萬狀內
浮沉往古來今只恁博塊當空未見遺珠
罔象能尋無生一曲少知音唱出諸方口紫

其八

覺性從來具足天真本自完全浮生多被眼
暗瞞並月空花繚亂八識元從孰起六根
本是誰般豁然打破這疑團吾道分明一貫

其九

莫問丹砂鉛鼎休披虎逸龍蟠中間妙處自相謾並識忙忙不弄六欲七情灰滅五行四象雲攢放行收聚一團樂赤水神珠炳煥

其十

物裏存亡有限人生光景無多不禁兩曜急

銷磨枉恁爭人競我見解明如龜鏡從渠辯若懸河到頭無計避閻羅著甚支吾得過

巫山一段雲

寂照山嚼月虛心出岫雲不留不礙賁天輪來往自通神誰向空中作主端坐放行收聚有無光曜遍乾坤真宰默然存

其二

法雨神山秀靈風瑞草香洞天無處不清涼日月景幽長玉珮金鐺搖曳飛步太虛遊戲五雲深處飲瓊漿沉醉太平鄉

其三

暖候飛灰律陽和入燒痕密傳春色滿乾坤枯朽闢爭新妙用無私無象雕刻萬形千狀不言品物自芸芸何必問東君

其四

秀木枝枝茂圓荷柄柄香化工園囿密收藏神秀滿池塘礫石流金畏景紈扇飲冰難勝有人身世兩相忘隨處自清涼

其五

雲散金風勁天開玉宇新亭亭孤月轉水輪

光彩破黃昏清坐翛然韻勝縹緲太虛真境不煩風馭與飈輪平步越崑崙

其六

弄玉歌清律飛瓊舞散花乾坤一色散銀霞何處是仙家表裏纖塵不立呈似太虛消息晃然高下盡玲瓏神鬼竟無蹤

蘇幕遮

少追陪稀赴會本分隨緣一任人憎愛勘破前程生死大自究元初晝夜休交昧不枉高不捏恠卓尔身心動止俱無礙贏得逍遙長自在行滿功成定是超三界

雲山集卷之六

雲山集卷之七

知常真人 撰 志真 撰 凡七

重陽祖師開道碑

原夫至道出自先天太上卓尔立其宗累聖襲而張其後靈源妙本既發而不蒙幽捷玄闢大開而弗聞從茲設教代不乏人然而順世汗隆乘時步驟去聖逾遠靈光不屬波瀾既蕩異派爭流枝葉方聯而紛華競出散無名之大樸遺罔象之玄珠忘本迷源隨聲逐色正塗雍底道闢荒涼由是聖人復起究天元一氣之初洪造更新應曆數萬靈之會天挺神授而力拯頹綱祖建宗承而載維新紐素華撫實稜溺導迷葦華鼎新而玄關復啓焉重陽祖師乃其人也姓王氏諱壽字知明道號重陽子本京兆咸陽人骨相魁梧神襟逸邁冥通廣漠容契參寥智徹真源行超法海大量以虛無為躡骸屋非于玄功與造化為憐情塵頭息破幻如摧枯拉朽斷疑如碎茵披茅穩掛洪鍾高懸寶鏡真自甘河之遇密授神丹靈從酌水之通衝開智藏是以性

天凝寂覺海汪洋塊坐南時淵默之雷聲忽震鳥飛劉蔣圓明之月照無邊猶示地文深扁天府活死名墓示絕後之重甦靈位為碑表且初之自在瓊英特秀而識之者希石髓重開而遇之者罕於是方求續燭知音之徒預知其在東海之濱也遂焚庵拂迹策杖雲行語人曰吾將於丘劉譚中捉馬矣世莫知其意謂徒以宰風命之而皆不信也時大定七年夏四月發程東邁及寧海登萊揭虹蜺之竿施雲霞之餌方便神化未及數年引出受道之器者七人內果得立劉譚馬為乃道中之龍也遂號馬公為丹陽子譚公為長真子劉公為長生子丘公為長春子四子之亞有玉陽子王公廣寧子郝公及清淨散人皆目擊頓悟各令隨方立志鍊已修真唯挈四子直抵大梁寓於岳臺坊磁器王氏之逆旅朝夕相從切磋磨曲盡其妙一日乃謂四子曰汝等性命各自護持儻有所疑質於丹陽吾將赴師真之約矣翌日果升霞焉時大定庚寅正月初四日也春秋五十有八其恍

惚神變載之別錄不可具述遷其靈骨而葬於終南時膺大朝隆興崇奉道德長春真人起而應召之後玄風大振教門日盛至於嗣教清和真人遂命徒眾營其所葬之地為重陽宮此昇霞之地遂崇修為朝元宮為嘗試論之世之所謂得道者必詳其迹之所為所謂得仙者必議其事之恠誕所謂長生者必欲留形住世而已殊不知神變出異幻惑靡常乃好奇者之所慕誠道家之所謂狡獪也至於自本自根自亘古以固存而不壞者豈尋俗之所易見易知哉祖師之來傳此而已則氣運之變不可復化機之動未始出道運於廣漠之鄉放任於曠垠之野隱顯莫測應變無方細入毫芒大包宇宙在有非有居空不空清淨本然古今常若祖師以此立本以此應世至於蛻形蛻法而直入於不死不生混淪胎合與道為一焉此亦妄測其迹耳固非其所以迹也其所以迹者雖大辯者不可言語矣輒輒驚銳敬為之銘

元貞壽海 混混茫茫 葆光天府

純純常常 祖師西來 傳此妙旨
 揮霍靈空 息默補劑 四子相從
 無為一宗 同心仰事 亘古真容
 丹成厭世 如蟬出蛻 蛻形蛻法
 復乎無際 時不可拘 方不能礙
 出入有無 神道自在 規此靈蹤
 建之一宮 薪薪續燭 敷暢玄風
 終南山棲雲觀碑
 全真之旨醞釀有年薪燭相傳古今不絕然而藏身深者未易發揚者蓋葆光滅迹遺物離人而為於獨者也其教以重玄向上為宗以無為清淨為常以法相應感為末撫實去華還淳返樸得老氏之心印者歟皇統之初重陽祖師傑出塵表存神造化方始輝光遂以是道傳諸海濱數子所謂馬譚劉丘之倫也雖復強本而其教未始大弘也至於國朝隆興長春真人起而應召之後玄風大振化洽諸方學徒所在隨立官觀往古來今未有如是之盛也門下有任公先生者其族相臺人也捨俗投玄北遊燕薊師事棲雲真人從

道有年密傳其妙乙酉春下山飛馬行化於秦晉之間以及終南至於重陽萬壽之宮東約五里有野曰梁家庄世傳古有洞清庵乃重陽神化之所立也未詳其實經易世之後荒蕪四合通馳馳之徑而已因有是迹及承京兆府總管給據令射占開擗住持先生乃率其門弟李志愨溫志清等數十輩同心戮力經營建立復成是觀前後約七十餘畝徑穿修竹環以清流堂殿僅完廊廡序列方壺在後特室處幽乃蒙宣差權省移刺公主張贊成其事清和真人為之題其額曰棲雲以為祝延

聖壽之鄉薦享祈禳之地心香頻炷光揚玄祖之風性燭常然開示全真之化落成之日命刻翠珉以傳不朽勉為之銘云

圓機日新 乃全乃真 持以重靜
保以真淳 祖師之來 如新斯旨
東海之濱 傳之數子 大振玄風
神丹普示 浩劫難逢 允宜立志
歸其門者 豈不尔思 夙興夜寐

勉而効之

洛陽棲雲觀碑

皇朝聖祖御極之初思徵有道長春真人應召之後化洽無垠道日重光玄風大振簪裳之侶霧集雲縈宮觀之修星羅棋布遐荒若此況中夏乎茲洛京之南及一舍古野曰朱葛左連嵩少右顧龍門萬安之山峙其前伊洛之川注其北中立道觀曰棲雲巖其迹之本未寔棲雲真人門下四子經始而建之也辛巳秋真人開道盤山方來修鍊之士多往質疑令聞遠播黃冠野服遊其門者不可勝計亦嘗時輔教之首出者而四子一曰崔志隱二曰管志道次曰董道亨次曰李志希俱在席下參學有年皆蒙印可其心莫逆相與為友甲午秋九月共議采真之遊乃自北而南遍歷燕趙齊魯之間乘流坎止未及覃懷當是時也始經壬辰之華河南拱北城郭墟厲居民索寞自闕而東十有餘里悉為屯戍之地蓋蕪塞路人煙杳絕唯荷戈之役者往來而已丙申夏四月數子渡孟津而游洛京

暮及陳昌遇故人石公見而驚喜相待甚厚眷戀不已留居數月周覽山川明秀與心會處以安蓬草而及朱葛顧視四方何其深山大澤迥絕人境棲真養浩不無助焉訪其隣定董道亨之故里也備知土地磽肥彼此畔埒皆荒蕪四塞藜藿叅天殊無主者惟存廢址瓦礫而已數子於是議經道觀為之張本繼而王揚江李壽至同心戮力有作爭先卜築垣茲艾雜壘擗摧枯拉朽剪荒榛枳棘之叢解穢除紛樹火棗交黎之木朝勤暮止日改月化幾二十年是觀浸興立正殿以奉三清後營堂以專眾聖雲會左右芬積居東附近門墻膏腴之田六百畝栽培覆護果實之木千餘株檜柏蕭森門庭清肅養生儲蓄取諸左右而豐敬接方未兼有自他之利尊師報本奉國薰修祝贊瓊圖析禳士庶雲靈萃止師首往還乃為東道主也甫成而後額之曰棲雲蓋取其師之道號云莫不忘師也三子之能事既畢從師歸跡唯李志希主之有年而不替克成其事善守者也崔子復贊成

其像歲次昭陽大淵獻春正月執事者不遠而來致敬祈予贊語以紀其實義不可辭勉從而直書其銘曰

大哉至道 無門無旁 不即不離 四達皇皇 聖人得之 終身所存

老氏發源 傳嗣萬世 近代重陽

其龍其光 長春相繼 真風益彰

棲雲至德 知白守黑 惠慈利物

為天下則 四子明儔 克紹箕裘

采真龜洛 朱葛興修 琳宇一區

芝田六頃 火棗千株 具瞻萬境

晨香夕燈 眾善奉行 目天降祐

何福不臻

盤山棲雲觀碑

道無形埒得人則行山無高下有仙即名此物理之冥符人事之脗合也漁陽西北之山本名四正古有田盤先生者田其姓也未詳何代自齊而來棲遲此山歲歷已久得道成真雖獮獵磨莫不敬仰遠近風化人因名此山為盤山焉茲山之巔紫峯之下懷抱爽

瑄明秀端正號曰中盤縹緲雲霞之洞府也累經劫代為浮圖氏所居會金天夫馭劫火流行陵谷推遷物更人換復為茂林豐草豺虎之所據焉時膺大朝隆興崇奉道德棲霞長春真人起而應召甲申正月復還燕然建

長春宮由是玄風大振四方翕然道俗景仰

學徒雲集門下有棲雲子者密通玄奧頗喜

林泉飛屐擇地其徒有張志格等庚辰歲預

及此山薙荒僻徑披尋故址巧與心會遂營

卜築辛巳春承本州同知許公議請棲雲真

人住持此山應命而至居無幾參學奔赴虛

往實歸日數之而不及也席下皆茂德耆宿

履踐皆抱朴明真徒輩日增遂營為觀丙戌

春疏請長春真人作黃籙醮事真人因題其

額曰棲雲觀焉厥後名播諸方京師官僚士

庶復請出山住燕京天長觀丁亥秋真人昇

霞之後大師由是率眾南邁所過者化郡縣

郊迎隨立官觀創新葺故者不可勝數皆其

門弟所主焉特於南京重陽祖師昇霞之所

鄭重傾心構朝元宮最為壯麗也原夫棲雲

大師立德建功造始於中盤大成于梁苑其贊助真風輔成玄教亦由時之盛者也此特紀其實迹而師之所以迹者殆不可以言傳也後之學者亦宜勉旃敬為之銘

田公先生 人物之英 玉石之榮

泉源之清 神變因測 不留影迹

山有其名 公懷其實 久假浮屠

於今始歸 猿鶴並集 雲霞以依

棲雲老師 復主張是 敷暢玄風

無遠不至 王之與田 削去二邊

千載一合 薪火之傳 松風竹月

水聲山色 出示吾宗 惟居之得

山丹密移 行莫遲遲 重玄向上

勉而効之

高唐重修慧沖道觀碑

無何之鄉廣漠之野有方外之遊者二子焉一日延真次曰永真延姓賈氏名志希永姓李氏名志端延真之祖出於鈞永真之家起於嵐鈞南嵐北途經數千之二子者相與遊於世胥如志也俱以服膺道術為業繼長春

清和之風而歷久不渝其純信之篤而能剗心厲志掃除狂妄以至骨立而能超卓於世俗者其所見無全牛而游刃恢恢有餘地耳時無止分無常水金禪代之交陵谷變遷之際諸夏雲擾朔南未寧生民塗炭迫側而心跡自致灰槁者有之况久於其道者乎懷玉於中同塵於外人無識者壬辰之運延與永相過於漂水之城隈目擊神會相視而笑莫逆於心遂與為友或晷飯相餉或力作自娛二十餘年猶斷金莫蘭未始相離也崇壙之顏有菴之故基二子於是拓椽瓦覺治平高下採之築之堂之構之畦蔬園圃倚阜臨溪列植蒼官雜以文木閣苑壺天之邃靈源洞府之幽未異此也是謂慧沖道觀之二子者挹挹然於其間雖市井之喧闐而耳若無聞境色之紛華而目若無見機械不藏於曾次虛白不昧於厥中所作與人同所養與人異真修混沈氏之術者歟與夫登壙而爭先坐乾沒而無足者固有間矣詎可同日而語哉亦內外之不相及已丙辰夏五月朔叙而銘

之其銘曰

玄教心銘 資深性成 了真非妄
惟一惟精 大跡完全 必靜必清
中主而正 自成而明 道傳二子
延承其名 斷金之友 蘭若斯馨
俯存方輿 仰事圓靈 若愚若慧
如醉如醒 在櫻而寧 與物皆作
山路不迷 洞扉無鑰 秀木蕭森
靈苗間錯 忘懷市井 無異丘壑
雞犬放牧 遯廬寄託 嚼蠟世味
分甘天爵 膏梁不顧 隨宜飲啄
無幾無時 仰叅寥廓
長春真人成道碑
真人族姓丘氏諱處機字通玄道號長春子
祖居登州之棲霞宿票仙姿聰敏博達神襟
逸邁識度不凡未弱冠之年穎然頓悟棄
累投玄而參訪馬大定丁亥春正月重陽自
陝右而來訪求知友始及崑崙真人聞而往
觀之目擊神會遂師事焉親炙左右重玄理
窟日以發明繼而同志偕來謂丹陽子馬公

長真子諱公長生子劉公玉陽子王公廣寧
子郝公數子同師遂結方外之心交泛金真
之法海荷師資授受皆能服膺而各得所傳
居無幾重陽惟挈馬諱劉立而行聲傳四海
已而之汴復寓岳臺坊之邱中頓致數子久
之付後事於丹陽無疾而返真馬四子護靈
觀而歸殯於終南襄事既畢各議所之分方
立志於是真人乃遊秦隴或迹磻溪單瓢不
置蓑笠隨身物我俱忘心宇泰定六年而造
妙以至出處語默動容周旋無非道用玄關
啓鑰天府開局知藏充盈辭源浩瀚一言之
出人競誦之聞其風者梯山航海以來觀遊
其門者步武樞衣而上問聲名籍甚山斗具
瞻大定戊申春二月世宗遣使徵赴闕庭掌
行萬春醮事特旨住全真堂屢承接見問保
安之道真人諭以抑情寡欲養氣順神發明
道德之宗剖析天人之理上大悅而益敬之
明昌辛亥復之海上而居濱都之太虛觀同
道者咸師尊之請益則以功行罪福為戒泛
應則如酌水投器隨方圓大小取足而已其

人多以自理於民草衣木食者有之志操相尚世莫知其所以也故教未易大行乎天下時膺皇朝應運奄有區夏朔南始道德譽上逮已卯冬十月上遣便宜劉仲祿率輕騎數十攬捨關道逕及海濱奉召徵師真人以天意所存不辭而發軔侍行者一十八人皆叢林之傑出者指程西北跋涉艱虞萬里龍沙繼及行在上嘉來遠之誠重慰勞之一日問以長生之藥真人曰有衛生之經無長生之藥上嘉其誠每召就坐即勸以少殺我滅嗜欲及慈孝之說命史錄之癸未春特旨復燕敕建長春宮主盟玄教天下之冠蒙者咸隸焉仍賜金符其徒乘傳往還奏對敕蠲門下賦役自是玄風大振道日重明營建者恭布星羅參謁者雲駢霧集教門以闡古所未聞真人年登耄耋席煖燕山普應諸方遠近咸化祈晴禱雨剋期而應蓋天人之相通毫髮無間也丁亥六月天大雷雨太液池岸崩而水竭北口山壁摧而聲震師聞之曰山之摧池之枯吾將與之俱乎秋七月朔後九日果

示寂焉享年八十有一墓靈骨於白雲觀之處順堂戊子嗣教清和真人承朝旨封尊號曰長春弘道通容真人嘗試言之真人降世厥德以常握太上之玄珠佩重陽之法印志堅金石性潔冰霜泯浩劫之塵情破多生之習障靈風拂袂性月橫空大明手根榦泉源滋蔓乎波瀾枝葉知常安靜復命致虛金丹大藥之成火棗交梨之實神通自在應變無方具天地之大全復古今之大躰周行不殆獨化卓然此真人所以成已而為天下大宗師也道之所在物自歸之和氣橫流無遠不至崇修宮觀建立門庭敬圖象外之尊教暢玄中之教指天真而開徑路濟苦海而作舟航登之者必通行之者必至凡有足者皆欲及其於道也此真人所以闡化羣迷維持正教也曩者國朝初興天兵暫試血流川谷內厭立原黃鉞一麾伏屍萬里馬蹄之所及無餘地兵刃之所臨無遺民玉石俱焚金湯盡粉幸我真人應召行在微言再奏天意方回許順命者不誅指降城而獲免論將帥以懸

物勉毫傑以濟人在急者拯以多方遇倖者出以賢購婢僕之亡從道者皆恕卑賤之役進善則放良救人於塗炭之中奪命於鋒鏑之下使俊惡而從善皆道化之弘敷也天下之受庇者多矣亦有不知其然者雖利天下不言所利真人有之德揆天壤性超帝先或者以耳目聞見妄測之皆得其迹也跡則非其所以也其所以跡者大智不能知大辯不能言猶戴天而莫知其高履地而莫知其虛妄測之者皆聽塗也李公大師不遠而來命紀真迹之崖畧將刊諸石以壽其傳亦報本尊師禮也義不敢辭輒從是說謹齋沐而直書其銘曰

長春仙公 冰雪其膺 山海之秀
 人物之英 微慮必克 純粹而精
 直超幻境 高居九清 降為帝師
 光耀神京 獨往獨來 即本即迹
 化機萬變 吾宗惟一 長生久視
 重德之積 千載逢遇 沉淪頓息
 不識不知 玄恩波及 大庇吾門

昊天罔極

咸寧清華觀碑

京兆之西四十里川曰華嚴山水明秀之所
 鍾竹木鬱茂之所庇左連杜曲右接白雲玉
 案之平極於南鳳樓之原倚其後中之野曰
 夏侯琳琅璅藹之間有觀曰清華蓋其所起
 自宣差總管田侯洎儒公大師之張本也貞
 祐南遷之末金湯盡粉人物劫灰河外陝右
 之民廢而後復之未遠寧也兵塵騷屑曠野
 平蕪視向之所有失之者十九思以振僵植
 仆救瘵民瘼誰其尸之蒙宣差田侯奉命來
 蘇疾小間也田侯諱雄祖全州人初以勇武
 聞壬午擢為隰州元帥兼節度使四方向風
 慕義不召而歸者多有之癸巳秋九月以征
 討有功遷陝西五路總管存郵軍民懷來郡
 邑治政之暇兼崇道德凡所管葺皆力資之
 與儒公大師有昆弟之舊聞聲勅而敬信之
 篤而能服膺履踐悛惡而善者從之釋俘虜
 之族千餘輩其易悟者歟儒公大師諱志久
 儒其姓也全州人自幼而道師事棲雲真人

親家有年密通其真教履諸方西遊吉陽丙
 戌者又請住祈真觀癸巳田侯請住京兆迎
 祥觀暨而辛及夏侯之里躋躡四顧清絕可
 觀曩為名公達士遊息來真之地忌視無沒
 縱狐兔豺狼之嗥嘯於其間遂擇隱約掖瓦
 雉荒垣而限之經內外之田以畝計者二百

八十有奇立文以界之儒公乃卜築於是
 以至聖宇真堂靖虛特室隨宜序立足以栖遲
 清侶鄭重薰修實敬盟真祝延皇祚以報洪
 恩之罔極也落成之始走請於宗師額之曰
 清華壬子夏四月真常真人承旨代祀名山

大川以暇及此喜其地秀人傑信宿而還觀
 夫天之開圖地之孕秀山之靜水之流蒼翠
 惟此君周旋無俗物潛入毛骨豁爽神襟宜
 手栖心鍊性者之所居固可朝夕於是造次
 顛沛而不離於是神物俯仰不無助焉其自
 得之妙可盡模哉一日執事者不遠而來囑
 予紀實不可以蹇淺辭輒從其說而直書其
 銘曰

森碧琅玕 風原之顏 觀曰清華

瞻藹之間 迥入毛骨 靜掃神姦
 雲霞其侶 玉笋其班 爰遊爰處
 以安以閒 居以持室 應以樞環
 靈扉無鑰 洞戶無關 所以為達者之
 遠廬真真仙之往還也

駱陵黃籙大齋之碑

道運而有氣氣變而有形形之變而有巨細
 洪纖飛潛動植氣之運則有升沉消長生滅
 廢興若萬象之斡旋無首無尾若四時之代
 謝不古不今此天理之常然造物者之無盡
 藏也在氣運故新之華時數終始之交未有
 安而待命順而不悞者也當其時則急於得
 而以力取差其時則執其失而以力爭以致
 伏屍萬里殺人盈城有死於鋒鏑者有死於
 木石者有死於水火者歷代無休連年不息
 原野厭人之肉川谷流入之血蓋逆天背時
 故如是也湯武而下禪代之際莫不如斯爰
 自大朝隆興金源失統干戈不息以迄今日
 幾四十年矣馬蹄之所及則金湯盡粉兵力
 之所臨則人物劫灰變谷為陵視南成北比

屋被誅十門九絕才身不免萬無一存漏誅

殘喘者孤苦伶仃覆宗絕嗣者窮年索窶

誰焉拔空負寒心沉在黃流之外疆場之郊

當此之危甚於他所驚魂滯魄長劫難伸須

仗玄勳始能解脫今蒙主其官等與大慈

願發上善心乃就其觀修設无上黃籙大齋

供養三清玉虛諸聖位昇仙與度現相對明

善惡之殊滄南昌與比府為隣示仙凡之異

格潔清壇輝整肅方隅延降高真希垂景貺

仍致請南京朝元宮棲雲真人掌行醮事意

者薦拔其路無主孤魂洎各家先亡滯魄有

親無力附簡提靈伏冀孝子順孫思宗念祖

各罄丹誠具瞻真聖香花燈燭藉為慧照先

輝星斗壇場權作彌羅境界俱沾惠澤淹沉

枯朽俱獲重蘇高蹈慈航鬱結幽明皆承濟

度親疎慶賴宗祖超昇上願皇國永固聖德

惟新邊鄙休兵士民樂業十方三界六道四

生有識無情俱蒙道慶今此玄壇潔備法事

嚴行畧序片言紀之於石

雲山集卷之七

雲山集卷之八

知常真人 姬志真 撰

京兆普度碑

己未冬十月西涼府太子下官八合宿有素願修建無上黃籙醮事即本府迎祥觀自春

抵秋葺營殿堂封治壇壝不速致請棲雲真人

人作大濟度師主張法席越某日召集羽流

布陳儀象發文預告三界明真上下神祇齋

戒精思庇物歲事望前三日肇行典禮恭紀

列聖三百六十分位意者薦濟宗族遠亡近

化泊率土無主孤魂兼有親乏祀之家投壇

附薦自此及彼無戚無疎俱賴薰修普祈超

度如是行道三日兩夜望後一日昧爽散壇

乃畢盡誠竭力亦仁孝之用心也嘗試言之

天地一氣物我同根方萬化之弛張布眾形

而區別雜以五行之生剋均以四序之推遷

其變日新化亦罔極此氣動用之常也而又

一受其形執以為我有於是相與靡刃對待

則有強弱廢興死而後已殊不知氣之所役

時之所運數之所存理之所在一債一起有

始有終得失存亡天之所造孰能禦之為之

若敗執之者失逆之者滅順之者昌角智者

窮角力者負蓋人之不可勝天久矣方今皇

朝應運奄有諸夏朔南漢北東海西涼異軌

殊途咸歸一統天下無二道率土無兩心向

之兵革屠裂備經之矣彼之宗祀覆絕俱見

之矣以今較昔萬無一存以己方人身獲安

吉枝葉滋蔓有人爵之從納自天之祐以身

之幸思天下之不幸以己之親念天下之無

親合氣同根得無感慨是以九懷素願披露

丹衷伏玄元救物之慈啓黃籙大齋之法仰

眾真之普力冀三境之垂光照燭幽冥開通

陰府收攝萬氣久沉之魄悉歸源混合百神

無主之魂皆拔率共乘和氣幽贊 皇圖一

混車書載秦弓矢多方順化四海歸仁亦臣

子之至願也 蘇潔備法事嚴行刻石紀功

庶傳不朽撫實而直書其銘曰

夫物芸芸 各復其根 往而不返

無主之魂 執守之魄 不得其門

依草附木 莫知所存 況在兵塵

連年不息 殄殲勦絕 萬不存一
驚魂失措 轉徙沉溺 隨化往來
動經劫石 今承黜主 發上善心
崇修黃籙 技擢幽沉 普天率土
往古來今 無踈無戚 俱賴咸音

虛魄以歸 遊魂復本 介見者潛
豕立者泯 何彼何此 咸居範圍
沖氣冥會 承平庶幾

黃籙大齋碑

人生天地間如蘧廬逆旅之暫寄距以百年
光景之速猶白駒之過隙忽然而已未有常
而不化者也而人在數十年中或壽或夭形
有定數各不自知朝夕如是求其出化機之
表入太漠之鄉者幾人哉自是而下孰能勉
之夫為子者乃父母之委蛇也生死之間特
何以報是以生當愛敬死當哀戚禮祀不忘
禮之常也載思其親回之在世為身為我及
諸葛屢誘引七情六欲之所謾昧無時不妄
無時不為過積丘山善無絲忽今也骨骸委
地魂魄投空滅而不續則若存而不滅果安

在哉其在此乎在彼乎隨冥府之考校乎遊
天上之宮闕乎其出入於六道四生乎其復
生於人世乎噫未可知也有居無事而推之
者矣若有真宰所司以幽明之異趣昧然罔
識冥冥悠悠而已可不悲哀耶是以孝心不
忘思親報本其恩固極泣血傷心匪仗玄勳
憑何薦拔回當竭誠致敬披露丹衷祈禱高
真希垂開度幸冀靈魂超越苦趣不逢亦感
通之理也茲辰某人奉薦亡父母於今日日
化當禱之辰謹修黃籙大齋供聖若干分位

敦請某師掌行醮事及命玄壇清眾進表上
章依科行道某日為始發牒至某日焚詞告
畢既來茲會潔赴靈壇各登丹誠同心薦拔
乃孝子仁人之盡心也威儀既備法事嚴行
報本之誠宜書諸石以示來者亦勸善之壺
壺也其銘曰

子之事親 死如奉生 以享一薦
泣血投誠 父母之靈 泊乎冥冥
思以報本 盡天之經 詣此琳宮
玉清之境 祈以涓潔 氣濁悉屏

羣真輻輳 眾聖同盟 雲霞輯集
師德成臻 慈雲法雨 如雷如霆
火庭煉度 炁景超昇

南昌觀碑

道無棄物物無非道通六合之內外貫萬有
之洪纖莫不皆存是以天得之而清地得之
而寧三景得之而明四序得之而運聖人得
之所以垂世立教蓋稟無名之樸降為鎮化
之師妙用滋彰神功昭著靈源一發正派橫
流雖步驟之殊時亦汗隆而順世道無增損
用有行藏開闢以來洪荒莫紀中古以來繁
舉其人伏羲之時鬱華子神農之時大成子
黃帝之時廣成子顓頊之時赤精子高辛之
時錄圖子堯有務成子舜有尹壽子禹有真
行子湯有錫則子之人也之德也皆出經傳
道代為帝師玄派洪濶波及羣品具載玄藏
間有銷聲拂迹嘉遜忘名者莫知極樞殿周
之世老氏出焉挂鏡解紛隨機應化復之以
虛極靜篤申之以治人事天二篇四輔之存
諸子百家之學瓊珠競秀蘭友爭芳霜雪靈

應之倫彼獨懷五月收星冠之侶負芟擔登
 經籍圖錄之支分科律典章之蔓衍製玉體
 瓊漿之飲服五金八石之丹或鍊形行氣或
 吐故納新辟惡祛邪行符治鬼此應世養形
 之急皆輔道之事非為道之道也其於歸根
 復命之理有所忽諸近代重陽天挺神授絕
 累捐塵建立夫根幹泉源掃蕩手波瀾枝葉
 輔之以清淨真實應之以柔順謙沖具天地
 之大全完古今之大赫也道傳東海數子皆
 能鼓舞服膺聞風唱和天下化之洎乎皇朝
 聖祖御極之初兼崇道德長春真人應召之
 後大闡門庭室中之席不虛戶外之屨常滿
 及嗣教清和真人作大宗師寵膺上命眷靈
 接迹宮觀相望雖遐荒遠裔深山大澤皆有
 其人茲歷亭之北里不及舍聚落之野曰屯
 庄富里之觀曰南昌爰自葆先大師之所建
 也師姓朱氏名志明本土居人葆先則其道
 號云盛年穎悟捐俗而道師事抱陽子劉志
 甫即太古真人之高弟也大師親炙左右日
 改月化大蒙印可中年復經父母之邦周覽

故居荒蕪四塞仍存基址而已大師率徒就
 荒開徑墾穉其地以畝計者頃之半及蒙州
 主張侯給文以主之於是採之築之經之管
 之鳩功締構曾未決辰大成其事太上有殿
 雲會有堂瞻真境之粹容副與人之至願薦
 飾蕭於穀旦篤香火於是晨昏丕贊皇圖延洪
 寶命善沾遐邇波及生靈報本尊師酬恩育
 德其在茲乎甫成之始請名於宗師額之曰
 南昌功成之後師藏其狂言與其不可言者
 而往矣古今相繼而傳者皆不聞可見之跡
 也跡非其本也其本則恬淡寂寞虛無無為
 乃天地之平道德之正存乎吾宗而已非見
 聞之可接也所以紛華泯絕枯朽回春人非
 幻化之人物非幻境之物此聖人之所以教
 人而有師資之道焉宮觀之作取象以明有
 乎顯若之禮所以為國薰修厥有旨哉知觀
 劉某不遠而來析余紀實將追述前人之功
 業冀未來之勉旃故不可以蹇淺辭姑從其
 說而直書其銘曰

歷代真仙 樞環應圓 汗隆順世

隱顯從天 重陽發源 長春尤盛
 大振真風 全提正令 有曰抱陽
 其嗣葆光 太古之祿 道價諸方
 故里經營 圓成勝槩 福羽以持
 德輔以載 遊居寢息 焚修敢忘
 皇壽以祝 地久天長 民福以祈
 簡簡穰穰 懇懇旦夕 一炷心香

巢雲過真記

秦有巢雲者不知族氏及何許人也避始皇
 版築之役而逃於大行之麓披榛攬葛登極
 延險直趨高遠深邃鳥道入跡之不可至者
 而後止焉木食澗飲尋及茂林叢灌營巢而
 處其上故號巢雲斯人也方自擾攘迫側之
 間捐其俗累出於世網如脫兔焉木石為隣
 鹿豕為侶幸免人世驅率凌虐之苦特以散
 誕無拘自樂將終身焉久習虛靜說閑中
 之日月始覺其長步物外之雲霞不勝其喜
 追憶曩日雜紛紜之白蟻冒汨沒之黃塵如
 在烘鑪沸鼎爰爆前查其苦楚可勝道哉今
 也雖踐豺虎之徑路攀猿猴之品穴而與世

殊絕豈有他哉其獲解緩輕安不擾性命之情故也或行或立或坐或卧躊躇四顧山寂寂水泠泠鳥之和鳴獸之馴狎草木競秀峯巖爭雄以爲壺天閨苑紫府瑤臺神仙窟宅無過此也時復松陰草徑被髮行歌林際溪邊孤身影舞其自得也如是棲遲有年俗慮泯絕不知人世之易爲漢邪爲魏邪不知自身之幻爲物邪爲我邪厭黃精飲蒼木飲清泉坐白石形解恍惚猶如假寐有一老仙青鬢方瞳美髯髻手拈芝草足履慶雲降於坐側指而呼之曰吾子癩疾山林膏肓泉石則與顛瞑於塵境者無以異矣待樂其靜久必繼之以哀而動矣吾今付汝以無名之朴以鎮之則可解汝之靜縛而起乎崑崙之上汝欲之乎巢雲遽然而起再拜稽首膝行而前曰敢問其方老仙咄令默坐瞑目掩耳乃以利刃剖其胷而刺其心然後合之傳以神藥畢曰無名之樸仙聖之種置之胷中矣汝當護持既而杳杳冥冥然不知其所以然而然也良久之間若寢之覺若醉之醒顧視

其傍失老仙之所在捫其心胷平復如舊頓覺空洞惺洒精神奕朗和氣橫敷具躄怡然天光內發清靜本然且初靈物寬舒自得滄海之濶不足以喻其大雲水之闊不足以比其優透脫玄關玲瓏智藏得無見之見解不知之知混冥與天地並生和同與萬物爲一無彼也無此也高厚內外一赫周遍巨細洪纖一性含攝然後鼓舞提携哦無聲之詩吹無孔之笛彈沒絃之琴唱無生之曲聲振天地而世未之嘗聞也以致龍吟鳳嘯鶴舞鸞翔躡景凌虛乘風御氣皆可爲之而能不爲也居山歷久樵獵者偶而見異之名不可掩漸通蹊徑間有一二好道者尋及參謁時有士人榮伯華聞巢雲之風不憚崎嶇而往觀之與偕來者數輩既至視巢雲山谷枯槁之狀責之曰大丈夫胃蟠錦繡氣吐虹蜺首出庶物澤及羣生建大功處大名步金闕鳴玉珂在鳥則爲鳳在獸則爲龍不曰寧爲雞口莫爲牛後此人情之所共欲也今子獨戚戚然局局然縮首於深山窮谷曾覩猷井蛙之

不若何不憤之堪乎巢雲舉首仰天而喑徐而對曰子不見夫天地之間一氣之流布陰陽之開闔雲雨之變化日月之照臨風雷之鼓舞霜露之生殺用各不同此本乎天而親上者也山之靜川之流火之燥金之堅木之植石之圓禽之飛獸之走魚之遊蟲之動蛸翹蠢蠕各異不同此本乎地而親下者也素分已定不可相易已定之分不可惡日新之變不可知而人以知識妄計將以力取安有躡等而得之者乎所謂不知常而妄作也然秋毫之微太山之大彭祖之壽殤子之夭崇之富憲之貧素分已定矣以道觀之有形有數倏忽皆空則大小壽夭貧富貴賤無以異矣吾有非小大非形數無壽夭無貧富無貴賤者存於中歷劫不壞亦已定矣復何慊乎伯華曰有奇材而用於世則能庇於人今子爲人而無用於世乃無用之人而已巢雲曰汝以無用爲苦而不知有用之害也物之生以身口之逼爲人所制而苦其生如馬之致遠牛之引重輻動在前鞭策在後特以芻菽

之安而殘其性命之情也故曰巧者常勞智者常憂直木必伐甘井先竭漆有用則割柱可食則折膏以明而煎炭以熾而焚蚕以蠶而烹鳥以言而籠此皆以世有用而不安其性命之情也伯華曰無用固善其如養生何巢雲曰世之所謂養生者不過充實其口鉢而已是知生之具而不知生之主也生之主者神也神存則生神逝則死貪生求養殘虐神主特以香味供其口鼻色聲娛其耳目六欲七情三毒五濁諸妄百邪皆傷其精神傷則逝神逝則身亡身亡則吾生何有此世之所謂養生者果不足以存生以不得無用故也伯華曰何謂無用之用巢雲曰汝獨不見天水之不動而澄鏡之不垢而明者乎物來斯照應而不藏往而不留照而無照用而無用所謂無用之用也無用之用故不勞其鉢而鉢常靜無照之照故不傷其明而明常然若心也自求有用則視不用目聽不用耳言不用口嗅不用鼻枯不用手行不用足四支百骸俱為不遂若風痺癱瘓之人也吾心

無用而百骸為之用昊天無為而萬象自馳大地無能而萬物自化無用也無不用也無思也無不思也無為也無不為也天地相通造化相同鬼神莫測巨細洪纖皆具吾性中經萬劫而未嘗變壞豈肯以塵垢糝糠幻化形物為事哉去汝鄙人也無亂吾事伯華茫然口張而不能弼良久拜辭而退

開州神清觀記

大道之所以興乎世世之所以興乎道道與世交與則俱飲玄化忘其覲觀攘竊之行人日遷善舉安其性命之情而無犯分亂常者不幾乎平泰之時矣道之於世豈小補哉方曆皇朝革命百廢俱作長春真人應召之後稅駕燕然石髓重開瓊函再啓天下之嚮風者奔趨接迹其立志超早為人之所不能為者有張公先生乃其人也名志信號道遠子彰川人賦性剛決芥視塵累丁貞祐南遷之亂居民嘯聚互相攻剽先生慮禍所及以身為大患自逸而之深山窮谷思所以出世之方而未之得也聞棲雲王老師開道盤山而

方來之學道者多從之遂不遠千里跣足往覘其所以而聶許焉久之獲預席下鄭重參謁曾無少怠曲盡其妙辭師下山鶴居穀食心之所存非向之有我者之能為也特以天地為蓬廬形骸為逆旅衣絮帶雲面垢首蓬歲時寒暑之易一如也自始及終其志不變若有人之形而無人之情視塵物之往來人事之膠擾猶鳥雀蚊虻之過乎前未嘗介意非有得於中者能如是乎蓋陰際守神藏身深眇而得其所謂大本大宗自亘古以固存者歟世以迹觀之特見其制行清苦而人不堪庸詎窺其闡奧而識之哉丁亥秋七月先生少及澶淵是俗洒然異之有尸而祝之意焉縣令趙侯見而敦請留居於靈顯真君之廟時往餉之自是遊其門者日數之而不及也其徒數百人坐不教立不議虛往實歸者有之會首蔡公喜其為人也以已廟側之田文而畀之別卜築締構俾居而廬之安撫使王公嘉其制行嚴謹裁成費助浸興是觀崇修正殿以奉三清次建堂廚以延靜侶

文室序列以宜福地吉成走請於宗師真人
 額之曰神清嘗試論之人由道立道由人私
 得之於中應之於外是以亢倉子之在魯而
 細民有社而稷之之思列禦寇之適齊而五
 穀有爭而饋之之敬蓋存己之性以混天地
 萬物之性則無所不通保己之和以合天地
 萬物之和則無所不至由是觀之動高厚感
 鬼神入水火貫金石巨細皆應而況於人手
 夫飲人以和者孰不愛敬之哉道遠乎張公
 可謂有矣其徒趙志完誦其人之志操思其
 所居之陳迹將刊諸石以壽其傳屬予為文
 固辭不可撓其說而紀之太歲強圉大荒落
 春正月望後五日記

雲山集卷之八

仙樂集卷之一

神山無為應緣長生子劉慶玄造

第一

天道罪福論

無火院罪賜清涼福 無貪淫罪賜安樂福
 無惡濁罪賜善清福 無憎愛罪賜清平福
 無苦惱罪賜知足福 無著身罪賜修真福
 無讚邪罪賜明正福 無毀人罪賜讚己福
 無萬愛罪賜萬清福 無妄想罪賜通仙福
 無分別罪賜善通福 無妬嫌罪賜歸順福
 無戀世罪賜洞天福 無怕哀罪賜松筠福
 無姦狡罪賜如意福 無輕人罪賜重己福
 無慢人罪賜天祐福 無戀假罪賜明真福
 無俗惡罪賜道善福 無攀高罪賜德歸福
 無縱心罪賜通道福 無壽者罪賜長生福
 無狐疑罪賜感應福 無恩宥罪賜仙伴福
 無動靜罪賜真常福 無退道罪賜祖先福
 無地獄罪賜天堂福 無有為罪賜無為福
 無生滅罪賜超昇福 無狠毒罪賜全身福
 無是非罪賜道德福 無妄傳罪賜大成福
 無害命罪賜延年福 無自高罪賜人敬福

無揀擇罪賜無窮福 無惡濁罪賜清真福
 無損氣罪賜頤神福 無懷惡罪賜心安福
 無私邪罪賜公正福 無戀富罪賜天樂福
 無戀有罪賜無生福 無剛硬罪賜上善福
 無人道罪賜天道福 無多藏罪賜萬光福
 無損人罪賜益壽福 無殺害罪賜修生福
 無嫉妬罪賜夷善福 無攀緣罪賜全神福
 無惡逆罪賜孝子福 無善道則賜輪回罪
 無公平則賜生滅罪 無忘貪則賜不足罪
 無常情則賜壽大罪 無通變則賜愚魯罪
 無情深則賜濁淺罪 無悟道則賜迷俗罪
 無厭寵則賜多辱罪 無就下則賜危險罪
 無善福則賜惡報罪 無三孝則賜十惡罪
 無明見則賜幽冥罪 無真禧則賜身墮罪
 無真常則賜榮枯罪 無厭世則賜萬濁罪
 無鍊形則賜販骨罪 無悟真則賜迷偽罪
 無愛善則賜墮惡罪 無福慧則賜墮落罪
 無大達則賜福業罪 無靈明則賜昏迷罪
 無遠小危賜大禍罪 無禁口非賜拔舌罪
 無順道則賜刀山罪 無害物則免鑊湯罪

無惡情則免死苦罪 無幻形則免去來罪

無生樂則免死哀罪 意善敬則免不平罪

無新惡則消舊業罪 順天條則免過去罪

積陽道行無陰路罪 修陽道勿救未沉罪

達無為道無萬有罪 悟驚食居無利害罪

悟三聖言無高下罪 出天地殼無萬物罪

去福地隱無應物罪 通明晦謙無自高罪

出五道轉無投胎罪 性今古通無惡執罪

悟天道通無多言罪 見道無形無著有罪

愛非理賄有填還罪 通天道夷無他非罪

搜已過違無昧已罪 救四生形無害物罪

通靈琴響無直言罪 知黑白明無殺機罪

明三皇始無弄文罪 見巨古形無著相罪

上元賜福中元赦罪 下元解厄三元救世

白蓮花詞

百歲人生速悟三萬六千有數晝夜忙忙鳥

兔限到難趁死路古今許龐家去也應都免

輪回苦

別有鉛房汞庫一點靈明是主道樂無塵無

慮欣則行歌道舞古今許龐家去也應都免

輪回苦

敬道高真祐護保命身安養素惡濁消亡作

做聖道難逢難過古今許龐家去也應都免

輪回苦

道救九玄七祖咫尺蓬萊有路三教超昇門

戶仙道千年一過古今許龐家去也應都免

輪回苦

世外仙官寶所得道真靈永住布德名傳萬

古救死哀生孰悟古今許龐家去也應都免

輪回苦

大難亡魂聖度亢旱難逢法雨清靜身心餐

素功德圓成仙路古今許龐家去也應都免

輪回苦

性始命油省悟便是真生妙趣道氣修成堅

同蓬島仙鄉有路古今許龐家去也應都免

輪回苦

意想千頭萬緒食足衣豐不悟有日無常獨

步魄散難逃陰路古今許龐家去也應都免

輪回苦

有德多謙少怒莫要嫌貧愛富萬事包容眾

輪回苦

語感動高天聖祖古今許龐家去也應都免

輪回苦

今世為人貴富必是前生有悟恐墮三塗陰

府未盡天元再過古今許龐家去也應都免

輪回苦

七寶過如須彌道果要成也未早悟金剛妙

理便是渡河超彼岸道全德之也貴大家總赴

玉華會

未達陰陽看易覺了通天做地厭濁聞然出

世守道古今有幾道全德之也貴大家總赴

玉華會

道妙清虛覺慧應變涌泉得意只要君心不

昧隱與五千至理道全德之也貴大家總赴

玉華會

欣則看書因睡洞外松前自喜保命願神養

氣抱一免沉下鬼道全德之也貴大家總赴

玉華會

秋月澄潭徹底現出圓光照體二八無虧真

喜撒手行來無罪道全德之也貴大家總赴

玉華會

玉華會

迷者多生謗毀戀色貪財競氣有日無常却
悔五七閻王問罪道全德之也貴大家總赴
玉華會

業鏡前來照你皺著肩兒垂淚難用在生辯
智到此兒孫難替道全德之也貴大家總赴
玉華會

頓悟名山福地雲水琴書活計一念無生弗
罪達者古今有幾道全德之也貴大家總赴
玉華會

得失上天入地三寸不來那世魂魄消亡為
鬼性命完全仙易道全德之也貴大家總赴
玉華會

恣樂清平無比石畔松間快矣鶴舞鸞迎唯
喜鍊就丹光殼就道全德之也貴大家總赴
玉華會

混沌至今萬有死去生來怎久一箇真靈不
朽命在南辰北斗子孫醮緣重遇敬信全仗
高真度

陰路久沉萬祖地獄無門出去上有十方救
苦造業眾生無數子孫醮緣重遇敬信全仗
高真度

既冇生老病苦死墮陰司惡處只為生前不
悟催上刀山劔樹子孫醮緣重遇敬信全仗
高真度

牛頭獄卒急怒到此口難分訴痛苦無停無
住拔舌生前毀主子孫醮緣重遇敬信全仗
高真度

沉在幽冥黑路陽道天光甚處萬劫千生受
苦十惡之人有數子孫醮緣重遇敬信全仗
高真度

天上人間兩路只愛貪煙嫉妬樂極難逃病
苦魄散魂消入土子孫醮緣重遇敬信全仗
高真度

曾看北邙塚墓古往多少貴富限到怎生越
去頓悟玄元道祖子孫醮緣重遇敬信全仗
高真度

世外仙家樂處異景都無四序得道真超寒
暑積行真人救苦子孫醮緣重遇敬信全仗
高真度

來謁名山洞府頂笠携筇信步認得金烏玉
兔

免妙覺傻猿縛住子孫醮緣重遇敬信全仗
高真度

狗臺安遠洎眾親靈虛觀助緣酬贈
以詩

長生濟度未為賢應化人間自肯錢黃籙醮
成通薦拔靈虛觀就悟良緣百朝累行明三
晝千日修功敬萬年上報四恩全道德無愆
保命免幽泉

疊韻詩

年春後又花殘景凋零木草全道慧靈無好
醜了真清意辨愚賢人背劍遊雲洞達士勢
琴住錦川近終南筠萬頃好來世外論長年

藏頭折字詩

訣布夷無上尊田鶴警守餘藩雲到處思三
孝午行來憶四恩覺鉛昇局地戶明乘降關
天門分萬法清通海省揚眉道第言

名徐甲駕青牛極初分預九州利天人昇不
夜昏下鬼墮冥幽明道德無為好達玄元汝
價酬卵倒顛成化造乎廉孝侍若侯

談聖教道興隆去朝元鶴馭適子怒消常歲

談聖教道興隆去朝元鶴馭適子怒消常歲

矜真福累永年豐皮破處黃芽現樹生時白
雪逢地因緣明化世輪飛走碧天中
外修行道性優真無意謁公侯通易免三空
罪達難趁九地囚口明傳人有惠心化度道
無收聞河上傳文帝對君王十二瓌

峯霞洞度昏朝射松筠勝柳桃甲鍊丹明異
景她吞籠飲香醪宮玉妃朝賢聖位金嬰遠
貴豪味羊羶俱盡戒分清靜隱蓬蒿

歷京華厭世塵龕雲洞性清新鉛鍊就天光
瑩汞修成降氣勻物有靈明道體心無想隱
真神申燕坐無憂喜達昇仙呂洞賓

養芝苗覺性閑年真了去無來閑靜看詩千
卷閒時斟酒一杯過玄元功行未達至道聖
賢催超寒暑陰陽外且無雲發迅雷
滾雲滿近碧天通法海命延年分玉貌過騰

岳箇金容勝美妍炁烹鉛成九轉嬰鍊汞結
三田傳秘訣蓮峯去訪仙家住錦川
清鍊意似寒灰降中央芳俊回子雲邊石女
訪真洞外木人催公未悟天中月性光明雪
裏梅到瑤臺遊閻苑知仙卉四時閑

後牛形中氣糶農九六喜生陽通世外雲煙
闊覺壺天日月長掛六鍊明性燭消三業藝
真香冥恍惚時時運子瑤池泛玉觴
長靈芽妙運陽令風雨散天香宮殿外三花
放位棲邊七寶粧帝題詩思太白華行道鍊

中黃仙聚會談今古口無爭眾樂堂
真守道求心灰降陰昇外道回子靈呼嬰炁
到真道攝虎龍來回萬偽身心定轉三空慧
眼開載清軒看古教華朝景泛金靈

頭食蜜形無槁卧煙霞泚萬巧手難裁不謝
花功易種靈芝草年鍊已洞天居道修真塵
外好後午前似一時常欣欣看莊老
時未卯覺先寅表俱明預暗陳海飛鳥銜玉

汞天走兔搗金新光不讓人問景圖難同世
外春往月來今古事翁幼稚死生均
忘名利下高杆甲金庚包暑寒九秋前花滿
檻三夏復葉盈盤斟玉液從朝飲獻瓊羞至
夜闌望碧霄雲外路乘鸞鳳有清歡

見晴空潰寸靈通三二道心交遊勝地潮松
竹隱仙園詠柳梅見殘春生滅夢逢缺月暑

寒催君認得圓光照鏡真明免去來
迴萬有寶光新斧開山見玉人轉三陽黃藥
綻纏四相雪花春來月往逢丁卯禮朝參遇
戊辰掛雲裳藏碧洞雲鍊出九霄身
來靈運寶光收去坐兒白徹牛地良因聞夕

旦心應變定剛柔金顛倒蓮峯住道須知彼
岸遊外逍遙修性命談范蠡一扁舟
餐美饌敬人催去天廚重造來見嬰兒先十
悟聞炁女又頭回傳玉訣超三昧射金光現
兩腮道窮通天地外陽樓上泛瓊盃

人未曉悟其寅洞仙遊關苑春月急催塵景
謝儀閣逐道光新傳汞藥雲中客訣丹經物
外賓寶祥光重出現嬰達了任舒伸
從入理真先見壺中日月長掛雲裳朝道
祖餐黍米鍊丹陽迪子後明紅燭降齋前慈

川香杳冥冥唯省悟恩翠竹到涼堂
龍蟠虎達其寅卦抽添應美辰悟海天雲浪
積明川地雷霜勾童引斡蓬壺景炁先遊洛
圖春月走飛生老變華粧點世塵新
翁小隱住青城道人間慈救生鍊汞鉛明假

翁小隱住青城道人間慈救生鍊汞鉛明假

合談道德悟真誠清積行憐貧賤耀修功愛
貴榮用無高休更下居出入似量衡
仙樂道住雲邊子閑吟物外編結垂光超九
地侵艷景達三天通易曉天元歲法難明甲
子年有三生真頓覺知俱泯是高賢

身飄逸到雲軒馬重來孰悟寬拽了然恩極
害心相應害生恩知漢將逢純祖見扶風遇
太原隱居山真混世經大度五千言

國真仙隱洞窟遊顯跡喜賢臣參萬妙全天
意覺千玄用率循視清平行道德聞讀上盡
修仁儀養就元初貌極時增福萬鈞

論京華隱大才寒寒去又溫來明道上如星
朗悟曾中似錦堆養松筠三季翫修艷卉四
時催全萬行朝元去想先賢德妙哉

遊雲洞寶光垂去超塵別有期滿虛心真弗
病盈實腹口忘飢緣內外誰人見悟中邊幾
箇知論天堂并地獄通無上妙堪宜

思罕見百年翁客具昇入碧穹穹開時多國
富荒亂後少民豐明覆載通夷行運周天達
聖功士農商崇善道胡欣樂讚王公

心通似錦江流火相交漢勇侯善一方風電
少明三界雪霜稠通廣累三千行運微傳十
二周款自然樞要悟常樂道喜歌謳
下羣賢論古今然達者是知音鳥每足通天
朗免攜光悟道心化意如須彌大謙靈似巨

洋深雲到處仙家好種黃芽土雨霖
歸雲路到陽天道虛無本自然降玉鑑光易
悟開寶鑑口難傳修乘藥超生死達丹書弗
黨偏道責華仙道實仙邀我去參賢

開海市化雲城按中央道氣生月有圓壬雨
淵年無缺赤龍耕通玉乘陰陽結纏金鉛麻
麥成戰爭心歸道善傳萬古讚清聲

極祥明照夜元明無上自然遷胡萬行超今
古慧千通達聖賢寶錢財時愛戀肝肺腎日
光圓非言是貪無足我螢飛燒大千

滅煙消混世居黃大黢闌紫蒲雲到處鴉居
性死超離驚食孤悟伏羲三畫像明易卦六
爻圖光認得真顯倒岸無爲有有無

年混世樂恬然鍊真鉛至行蓮子雲中尋小
隱虛物外近高賢都頂上靈風爽洞溪邊皓

月圓味要養仙獻果然功行仗三千
說真昇去不回公仙桂月中裁方艷卉三春
謝外天花四序開極調龍蟠藥并引鶴到
丹臺明具了朝元去想南華意大哉

西鳥墜日難回說無常意未灰見淵明來又
去聞丁令去重來金異位春前柳百回宮臘
後梅到禁煙仙客悟斟玉液勝瓊醅

見新春寒漸回談玄理去重來金闕隔靈陽
照水相交癸潤葦世總迷三月好今唯省四
時催公入藥園光應達玄元悟老萊

葉花開到海濱歸相近禁煙春生日沒都迷
假是人非孰悟真極翠霞常伴伴方賢聖未
爲鄰陽樓望長安道守希夷萬古新

分短盡福緣重達希夷至理窮內鍊丹金鼎
白中運火玉鑑紅從了道朝玉母載或真訪
木公去携雲三清倍來跨鶴九霄通遊閻苑

觀花錦紫瑤臺對月風滅尸亡無四序常順
道氣和融

仙樂集卷之一

仙樂集卷之二

第二

神山無為應緣長生子到處玄造

五言絕句頌十一首

念道覺真安命清勝鍊丹通天全至行跳出
死生關

昨日似陳團今朝憂又歡豐虛齋敬禮知觀
謝尊官

無爭禍不侵有道聖賢欽積行生貴福真
莫外尋

禪通明釋藏禪定真無相禪慧口難言禪天
無飲明

無事不貪求無爭不辨休無言只念道無喜
亦無憂

一別又經秋去都過保州尊官為念道寬轉
近西遊

垢盡寶光明碧天萬里青真平全至行應變
悟仙經

輔國置仙菴捨資道福貪辯能明萬有會得
却如慈

積行妙通天心真抵萬愁古今明了者命住

寶光園

大道本無修隨緣弗外求始終無變異歸去
列仙傳

食葷勿殺生治政似水清無事看莊老通天
至行成

無龜免煎熬火坑幾箇逃清涼福地別飢後
喫蟠桃

希夷為道毋赤子是真兒相見超生滅昇仙
行就時

真平至行全保命體延年三教明真理未仙
也是賢

看地見飛星沒中聖位靈兩廂蓋草舍松檜
四邊青

橋就更修道無事看聖教功行兩雙全了了
無生老

臨水望思山逍遙出世間這些幽雅景不讓
古長安

真通四相忘頓覺免無常得道離生滅蓬萊
去莫忙

莫愛也休憎真常神氣靈命清榮耀燦達理

自然昇

草舍近河山清居厭世間晝閑看道德夜靜
聽潺湲

菴傍近會稽遠却世塵非道覺真靈瑩澄光
萬耀輝

西南近黃白石窟真仙宅隱道伴松筠他年
蓬島客

福地靠三陽山前是道鄉龍華同一會旦望
預行香

山聳應天門清真酬四思有人來問道應對
敬其尊

幽居近北山無意想塵寰助道田三段養真
麻麥餐

臨水登山青碧天萬里平頓明全道德歸去
大羅行

前後有青山甲庚明二關一真顛倒妙空外
白雲閑

上善應清清行通似水平天青懸萬象性閒
命光成

甲地妙通清真明道象靈夷然全至行歸去

碧霄行

舉意掩他非希夷派見知應機明萬慧無著亦無雜

芽含喜清居閱看三教書自然明妙理世外樂無餘

亂作寄汾陽額人做馬王混塵真世外蛻殼到仙鄉

祈雨各逐村眾善天孫恩莫殺生靈福香燈茶果存

頓覺悟金剛其明四相忘無形性不老認得免無常

敬信辨真齋清通免去來始終心不變蛻殼到蓬萊

常開方便門出入敬真尊日日酬三孝時時報四恩

前廳對後堂冬夏取炎涼清善崇三教人間世苦少忘

順尊至孝全意靜勝象禪四相真忘盡頓明佛是仙

恍惚發珠光回光晃八方發明難吐耀天瑩

現具陽

忘世意休爭心閑看道經了真無老死達理自然明

真趣道眸開善清無禍災沖和全性命蛻殼到蓬萊

無惡氣清深忘情覺水金虛心真混合抱道鬼神歛

頓明世夢虛趁葉洞天居超彼靈峯畔欣時看古書

忘塵悟死生大達意無爭應變明真理他年功行盈

日用自然真沖和氣養神命清金耀結歸去了仙人

出入應環埒真通動靜忘卦文明坐卧陰盡變純陽

意滅覺真生微道道眼明無憎全至行命住氣神靈

常似聖賢隨自然意派癡蛾燈聞早悟真了碧霄歸

無欲似天青自然萬象明且靈與道洽應變

語如經

真悟松間鶴偽迷蛾戀燈濁清明兩路就死入油烹

早早悟骷髏命清免九幽金嬰調玉托真瑩上雲頭

清榮神氣靈盡愛命光成達理通天道真昇雲路行

無物道無傳真通結汞鉛要歸蓬島去功行積三千

造化隱丹經天青萬象明其光非意想顛倒甲通庚

冬凜採黃芽夏炎收白雪金嬰出玉峯到此離生滅

善清修性命喉慮除罪病道德自然通他年朝至聖

日用善清通氣神相見功忘情全命耀真去與仙同

物似鏡中形光通萬象明應塵無罣礙覺了行功成

頓明生死大常善居塵外巨海變桑田且靈

與道在

念道命光圓無形性達全自然通上善說教

是真仙

明道泯爭愛真通性命大堅志免輪回石欄

神光在

目前萬事假莫縱猿兒傻樂道喜松峯趨偽

真脫洒

身老真無老修行無忒早命延道德全也得

歸蓬島

無我神氣清忘欲發先停覺了希夷妙自然

大道成

世夢轉頭空忘塵見巨容仙鄉真景異雲路

仗修功

輪回幾萬遭達理死生逃養就真鉛汞珠光

釣巨鱉

真通泯世機頓解死生危道樂松峯下沖和

結坎離

濁惡變清善輪迴生滅免命全光不缺真了

碧霄現

到岸了無生靈峯雲外行樂其隱霞洞應景

對清平

道善悟無爭鍊真降火生癸光全法體說教

自然昇

念色想骷髏真沉墮九幽無生全道妙命住

訪瀛洲

喜怒寸俱忘真通性有常氣和全命耀說教

到仙鄉

日用自然真沖和氣養神意清全癸耀陰盡

碧霄人

損有了真無孤雲在碧虛往來何礙全道

是功夫

真明通理趣垢盡心開悟抱道樂清貧自然

達萬古

販骨幾千遭無生一念逃自然通萬慧保命

運陽文

上士悟無爭沖和道眼明真通全萬行覺了

自然昇

至死常清靜忘情究性命超昇免下鬼大羅

朝賢聖

念通明道理真了無憂喜降降氣神靈孤峯

覺岸彼

縛住傻猿用具明應不動清通全道德靈隱

華陽洞

善和道性通非是聽如聾掩惡全至道明知

萬事空

忘貪有甚爭無我覺真明照見巨初面功成

雲路行

清真保性命愛盡心猿定無罪免沉淪碧霄

朝至聖

從善悟死生命清神氣靈玉峯霞洞隱應變

妙通經

明虛可奉真降火變紅銀清志始終達修成

身外身

細思生死大到岸離苦海樂道免沉淪隱真

遊世外

日用縛心猿觸來滅黑煙真常成善果歸去

號神仙

明一是修行寸靈常靜清積行除憎愛歸去

自然昇

月缺變光圓命全了仙意清通道道妙功行

積三千

書院隱青山修真厭世間道免輪迴苦逍遙
松下閑

無情石變灰妙理幾人知這箇真無壞弗為
應有為

學道要真堅第二觸來莫發煙清通全上善盡愛
命光圓

失道墮傍生了真全命靈理明通古教厭世
洞天行

○。感愛戀燈光迷陰命怎常鶴思松悟覺真去
到仙鄉

堅志了無生修真有甚乎厭塵霞洞隱保命
悟仙經

達理真超彼古今通有幾清平功行全昇入
丹霄裏

清通全性命忘機派罪病覺慧自然明住行
如對聖

販骨死生大沉淪千萬載了真得道陽海變
松枯在

慧通明正理得道真超彼天瑩寶光圓寒潭

清徹底

日用去貪嗔真通得道因微明神氣結命外
更無親

派我無災禍知空都打通志堅得道傷應物
全因果

虛心念正通應變理無窮達了明無上乘鉛
交結功

他非似己過自是無事我捨惡揚人美德全
成道果

○。降耀覺冲明自然三觀靈塵真不染造化
甲通庚

輪回生滅大厭世遊天外堅志集清平松枯
性命在

真通和氣清天瑩寶光明妙覺真顛倒自然
鉛汞成

萬通歸無事念道超生死應變合真經自然
明異旨

至善真無惡世空毒莫著清平全道德了了
蓬萊約

妄滅慧光生善清道性靈微道全命難達理

行功成

心忘道體存存三嗣四恩他年功了了巨容
朝世尊

明道性真常貪嗔渴念忘清通三寶結蛇殼
到仙鄉

清一要真堅盡貪滅舊怨洞天修性命功行
積三千

忘愛命光圓意清似碧天真明全道理歸去
步雲軒

○。失道近傍生了真雲路行命清免販骨達理
自然昇

真常意似初世偽悟知虛認得無形貌道通
運黍珠

性光命似油靈焰照無休頓覺超生滅清歡
天外遊

明焰悟三元無虧寶鑑圓古今幾箇曉覺了
便通仙

悟道無人我光通運降火自然圓耀明無上
應仙果

奉真清志堅無物覺先天承明全二八未仙

混世賢

明道掩他非無憎賢聖知德全通上善真去

步雲歸

道用絕貪嗔沖和氣養神命清三寶結蛇殼

現真身

正理自然道中邊不殫功慧明鉛汞結真去

與仙同

日用要擒猿真如對聖賢清通鉛汞結功行

了三千

念道明真用松峯隱碧洞清平積行功性達

結鉛汞

柔弱悟真火無物通真我頓覺了真修應有

成真果

性光命似油早早悟骷髏情盡圓無缺碧霄

月正秋

愛道却憎貪真通身內三沖和全法體達了

蛇行養

日用運靈珠寶尤見若虛頓然真覺了三界

外無拘

無生萬業消清靜性逍遙妙用明真理命圓

喜寂寥

明一靜清常通微動靜忘德明真應物道慧

運天光

沖和道性寧清命漸通靈達理忘機了蓬萊

雲路行

滅惡通真善慧眼開時見三寶全修鍊得道

輪回免

大悟不爭空忘形見亘容理明全至行蛇殼

住仙官

厭世居嶽頂抱一通壬丙樂道悟希夷仙鄉

四序景

抱真悟死生天堦萬光明里礙心無了白雲

空外行

退志墮傍生進真道氣靈清通全榮耀平善

行功成

覺了自然常通微陽養陽虛無包萬化至德

隱佳祥

日用理通真道全物外因他年功行了朝聖

去携雲

人我障真修趣免福地遊松筠常伴真了

訪瀛洲

頓明通正理今古人間幾至德妙清平靈峯

道岸彼

真覺道眸開白雲去又來碧空常在鶴引

到蓬萊

大道本無名地天歸靜清閑通明萬化達理

行功成

丘劉譚馬敬忘形修性命清志有始終寸盡

萬愆病

丘劉譚馬善降火明修鍊結就汞和鉛勸人

依教典

丘劉譚馬悟別有祖師度忘世洞天遊雲霞

為伴侶

丘劉譚馬覺了道蛇凡殼昇入太無中豆靈

居杳邈

了真出死生應變自然平理洽天心正雲歸

朝上清

卦盡命先休忘情好悟修孤雲野鶴伴真了

到瀛洲

人我障沖和善清功行多命圓全道體歸去

出娑婆

迷陰沉下鬼抱道真超彼清靜托嬰歡樂安
道鍊已

悟道超生死真通明真自然微妙深行就
朝元始

應變道樞機冲和覺妙微真了光無缺碧空
萬道輝

性命在無中真空空不空自然包萬化今古
幾人通

天道善時清志超生死達理愛憎無鍊真
明真旨

妙清靈慧知道解死生危依得金剛偶通真
霄漢梯

覺照見天光神清道有常應歷明萬慧真去
禮丹陽

業盡無煙火謙柔弗競我氣神相見靈道證
無為果

明道通真用形忙心不動垂光照亘靈結就
真陽末

常授自己非達理掩他非道德真經悟不言

閑是非

覺了性無爭真清似水平德通全上善自是
行功益 頌曰

順真則生達道者死順真則平達道者濁順
真則柔達道者剛順真則福達道者禍順真

則安達道者病順真則昇達道者墮順真則
鍊鉛達道者喪命順真則神靈達道者氣逆

魂魄散為鬼陰陽聚成仙身心靜者為功應
變夷者為行志始終則達覺清善則通居山

則莫著於閑混塵則休生於動或隱洞天或
遊京華性似孤雲形如野鶴自然之道微光

有作住行坐卧萬物無怨訖殼真歸出離三
界未免輪回無來無去

三字歌

汾陽解易象明通天外汾陽解五千明不言

拜汾陽解金剛明真佛壞汾陽解萬物盡惟
道在汾陽解混世華無星礙汾陽解性命存

起三界汾陽解達希夷知沒賽汾陽解古今
明悟法海汾陽解近松筠道遠快汾陽解無

價珍錢難買汾陽解樂清虛常寧耐汾陽解

了真修結靈蓋自然解世人住我不愛

十二勸

有信人從有真歸奉有謙德順有通理明有
常無變有定無亂有是忘非常善無惡真愛
無著忘情無漏氣清通微全道神靈

十勸

一勸不得自知是愆過慢人縱意不改二勸
不得自失錯嗔人道著常起念怨人三勸不

得自衛已是直言常說他人非四勸不得誇
自高誠一切入道之人五勸不得不依經教

說道理六勸不得有始無終心意常要似初
相見之時七勸不得常說他世人之短只要

常言世人之美處八勸不得作事不平等不
得見有施利者愛見無施利者嫌九勸不得

定慧者修行之人不得不守靜末達理未開
悟不得不看書十勸不得執著有無不得不

悟住行坐卧心常清靜

仙樂集卷之二

仙樂齋卷之三

第三

神山無為應緣長生于劉處士造

四言頌

述懷

功成身退濟居養浩臨水依山開看莊老地
有松筠四時常好洞天深處要行便到修真
靈驗命往見効舊業消亡新愆莫造真崇至
道與世顯割歸去洞明先遊蓬島越了輪回
仙鄉無儻古今達士因通三教

又

無始已來死沉萬祖天元將盡黃籙救苦千
十一二真心肯悟意無憎愛高真見許人生
百歲只尋生路積業如山難越陰府十惡羅
重永居苦處陽功陰行怎生作做昔生教信
莫起別慮世財小可真實之語要動天地清
靜發素跡蹤幾日行行住住暗有吏神晝夜
察發察得無私五師來度上奏天皇洪禧廣
布森觀三光後死難過

又

百千禧助名傳萬古合宅全家意如龐許德

孝兩成為人貴富預修性命永無痛苦出離
生滅不來不去大羅仙鄉得道常住天光霞
彩化成寶所六鉢衣掛朝元異路闍苑蓬山
真仙會處過了天道緣難過三教無分全
真門戶無為應為誘人開悟清平功行真非
捨取陰陽之外先天之祖

又

向候到來即合參拜心交淡常意想不怪修
忽門東相別二載山水依然人多不在命如
珠露怎得無壞生在中華數盡難再寸靈道
寶萬金難買未盡貪爭都緣恩愛名利四業
人人都解却明道德真通法海祥煙瑞氣結
成雲蓋信步松峯神超雲外世偽知空死生
事大洞天清隱無拘自快幹運冲和二儀交
泰達了希夷真昇陽界做做許龐無思無害

又

百歲人生七旬稀少世偽知空何時有了大
道自然清平是妙萬物無怨勝如作醮古今
世夢頓明真曉識破得生總歸一笑性命之
外生前好掉

又

為官清正真無罪病上有四恩積行普救忠
孝治民靜心養性意不外遊自然神定掩惡
揚善非言莫聽去除憎愛常行平等弗戀世
華開步松徑綠水青山洞天仙景本來面目
鍊磨如鏡明令照古守道自省功德周圍大
羅朝聖

又

人生七十古今稀少世夢知虛都歸一笑閑
裏尋閑忘機是了萬種空華轉頭虛矯真崇
道德漸通玄妙意除憎愛勝修大離身中性
命一事非小似做清平陰公難叫

又

無中明有妙通神呪玉液瓊漿重樓上有醒
時清真命延福壽金剛四句經中慈救天道
難言無形不朽顛倒陰陽卯昇見酉希夷自
然三光靈秀闍苑仙花勝春花柳運轉南辰
慧觀北斗大達無為任從飛走

又

閑念真經勝言非是萬事知空闍然不二敬

真無退了明仙子松竹為隣守道清志始終
弗變天機暗賜妙覺真常俱忘動止亘初容
貌有形難以陰陽之外出離生死

又

子母相逢自然明道敬信真心歸依三教憎
愛去除應變通奧意泯食爭無罪無惱命似
珠露修行宜早認得亘靈未弗生老頓覺微
光雲路便到松峯樂道隨緣一飽結就汞鉛
養成內貌功行雙全真昇蓬島

又

帝用百貫買樹四株莫強他求只助功夫未
見之事少實多虛自願結緣敬信不無萬中
有一福行有餘武宮仙觀勸額靈虛

出家冷七翁昇化觀猴重辦齋道場

叮囑道人不得要看經錢

看經無錢只喫齋飯羽衣自願道場好看至
德洪禧掩非人讚未了真修多少魔難眼前
聲聞理明虛幻口心相應世間希罕慈救衆
生總超彼岸覺性沖和木金相間鍊就真形
一衝雲漢

又

父母生前幾箇真知人言上壽中壽者稀自
幼至老有悟有迷福愆兩事逐性相隨身如
月缺命全無虧明道弗妄了真何疑靈光透
出便見霄梯慧觀八極撒手東西天道難言
實妙希夷既通福行鬼使難追洞天咫尺闊
苑瑤池自然寶劍常鎮蛇龜物物無著三界
起離蛇殼真去空外雲歸

又

名鞭利鎖燒身猛火冤債恩情業緣難趨積
禍如山志成道果頓省性命競甚人我世為
知空般般可相近六旬萬種識破兒孫更
多難替這箇福來爭要災病自卧古今生滅
前程會麼虛空賢聖怎生謾那新愆不造陰
公饒過日沒之光息慮休何實心敬信哩唵
哩囉波波劫劫弗如閑坐從前失錯悔恨推
挫常行清善勝施財貨

又

四面青城似列圍憚佛仙隱處眼界寬明未
能達道闕看真經自然萬慧覺了無生無為

至行無愛無憎常清常淨氣鍊神靈古今悟
者依此超昇閑非閑是耳畔休聽始終敬信
福德雙成外如愚魯亘貌惺惺清虛忘世意
厭浮榮

又

衆生苦海漂沉萬載販骨如山恩極變害人
世忙忙幾箇悟解石爛松枯亘靈常在身似
浮漚未了冤債頓覺希夷真忘欲愛命耀光
圓神昇天外大道無形古今弗壞積寶過斗
妙玄難買出却陽陰一無星礙二物冲和自
然交泰養就胎仙淨清沒賽求免去來逍遙
真快水簾洞隱飛泉千派松峯樂道真居陽
界也無生老亦無成敗昔遇王馬中華曾拜
他年蓬島相逢又再

又

太上符籙二十四階道藏要妙寶壇常開天
元傳授點化仙材真修性命偽養形骸迷沉
六道悟去無來虛空賢聖救世心哀清魂淨
魄抱守仙胎理明萬慧至闍真齋時微妙
幹運三台自然無作乎善無乖天心正法不

愛人財弟造諸愆能消舊災一頓通教二氣難埋三寶鍊成四位安排五行之外六出七情陰盡八卦明坎九天昇入十極蓬萊

又

得到七十更有一紀得盡天年古今有幾頓修性命好事無比進真上仙退道下鬼大達清通無讚無毀不侵利害真無憂喜開着三教微通至理出離苦海神舟到彼累功積行美之又美

又

○觀今視古幾人肯悟休論出家且如龐許生在中華道德難遇父母之前真本甚處認得希夷倒顛烏兔妙達自然清平仙舉要修大藥何方好住洞天不遠携雲閣去巨靈不老幻軀有數命耀光圓無來無去

又

至道希夷今古誰知陰陽之外覺妙幽微道離空色無為應為清真弟變便是霄梯自然顛倒運坎迎離忘情保命皓月無虧白雲來往信任東西要調赤鳳真抱烏龜萬偽識破

外似憨癡只揚人美常搜已非頓忘憎愛意沒高低

又

真仙術用靈龜調鳳把捏陰陽虛無妙用萬景叢中無靜無動曾住京華混世忘夢道德希夷古今誰奉一顆神珠自然拈弄都監同監上呈拙頌道家清平所慮尊寵大羅聖降異香風送

又

近醜人聽戒軍身靜苦已無私得些功行若犯天條年災月病應物忘塵寸靈如鏡更神暗察念念心正去憎盡愛清通平等要免輪回歸依賢聖

又

巨海謙低萬泓清歸至道無形妙出毫肩湧泉智慧得意忘知願真係命今古誰依寂寥無變便是霄梯京華混世獨樂希夷自然達理無悟無迷頓明三教更有何疑藕在泥中連出青泥應化忘言無為應為修行真俏外貌如癡氣神相見結坎迎離世無肯省却隱

清溪周天十二閑飲刀圭昔年雲步曾歷關西恰似童稚白髮來催神仙未了鬼使難追鍊成魄寶鑑無虧陰陽之外烏兔常隨任他人世說是言非洞天不速到者實稀萬愆供泯未免輪回

又

知空塵去無爭真悟念道清平拂盡愁慮愛者不愛高真見許覺性明常寸無喜怒莫言非是閑談今古生在中華早尋仙路忘情保命清通子母

又

余不從酬贈

辛酉歲下元濱州放錄立余為度師。聖經符籙太上為師五師假度萬物無私深藏三寶終始一時古今仙賢箇箇真慈道傳微妙瞬目揚眉磨開慧劍靈鎮地龜中邊一弗達理無疑常讚人美只搜已非盡除我相德歸謙卑真平至行抱一無離住行坐卧運坎迎離知白守黑不讓園基自然萬慧明者實稀靈丹一粒罪病都醫修完性命鬼使難追真無喜怒碧漢霄梯認得真容勝禮牟尼

鍊成七寶免敗行屍救生拔死開樂希夷天
條莫犯國法遵依了真道貌似月無虧隱光
混濁外若愁癡洞天吟詠詩曲欣題松前石
畔神飲刀圭因何厭世無箇真依休昧方寸
賢聖暗隨去惡忘貪更沒災危出離五道免
了披皮朝元路上體掛仙衣海變桑田巨貌
無衰陰陽之外生滅難催應為功德福過須
彌授傳敬信下手休遲清靜到頭功有高低
上昇天堂下免陰司世迷情愛氣斷是誰如
龐似許承免輪回

又
真人大師未敢容易久聞至德清名無比廣
積洪禧昔年混世福地洞天也曾雲水磻石
松前烹鉛鍊已內功預了古今有幾頓悟歸
依蓬萊一會

又
人間世愛應景芬芳仙家美景四序有常覺
花無謝隱在中央天香墜落自然異香慧眸
能見別是重陽蓬壺闕死不謝真光雲亭仙
樂不讓高堂乘風要去却到仙鄉各全功行

慢慢休忙

又
處玄到州不要恁到各各念道始終常好會
上每月不得求告三請不來不要有懊却生
嗔怒死參閻老無罪歡樂勝貪苦惱天元將
盡難逢正教肯信余言真遊蓬島

又
甲辰登郡黃籙重興昌陽感應書見明至祖
師預顯下元文登白龜蓮觀真異分明冥聖
宮題昇化南京四友守墳曾近上清同后五
載雲水閑行天元將盡未得其寧汞鉛鍊就
別有其形

又
上敬奉三教道眾并述懷
萬經頓悟清靜功夫真要道成至死如初寸
靈明了外貌若愚夏涼冬暖閑看仙書松筠
石畔自在清居萬愆不造舊業消除鍊成三
寶蛇下凡軀趁却輪回昇入虛無大羅朝聖
未住天都
又
自揣難當廣惠道種我無功行勸德從長少

貪念欲增福安康田蠶要廣悟寶省亡時時
煎熬日日無常不修性命金寶多藏惡業將
去財與兒郎真心頓覺做做丹陽救生拔死
德徧十方厭居人世昇入仙鄉

又
子孫成行大限難替今古人間悟者有幾苦
海漂沉無箇超彼萬中未有一人無毀心違
道德只爭名利弗修性命怎免下鬼去盡貪
嗔神仙估計大限臨頭猶然戀世

又
名山書院閑掛琴劍萬卷聖經竹時頻檢自
然達理了真靈驗松峯霞洞世偽好閃高卧
磻石清居未占意想名利難趨巖嶮古木烈
士磨開一點迸出靈珠現出光焰燒見亘容
道有頓漸八卦微通色空弗染揚人之美醜
惡却掩功行周圍無思忘念

又
未能出去且如龐許全家了道名傳萬古意
派貪爭認得烏兔自然之道倒顛子午運理
明真便知宗祖頓覺真常也無捨取真樂清

平玉皇仙舉出離生滅大羅天住功行未圓志堅淡素始終不變聖賢來度三教高具便是師父

又 晉勸諸公先行孝道無事為軒閣看莊老令

古人問幾箇明與覺了希夷認得巨貌蓬萊雲路行道須到弗造萬怨寸無苦惱意洽天心出言妙教不論他非高真許好不測無常修真宜早得道成仙免參閻老

又 一別貴縣十有三年幻軀衰老真未成仙行未八百功過三千三教歸一弗論道禪見性成佛鍊汞通鉛天道無言聖道暗傳上士飛昇中下延全生在中華難遇天元

又 昔年遊歷曾到嵩陽達磨面壁九載真忘論大包天微出毫芒陰陽之外越了無常松峯霞洞勝住高堂盡天日月晝夜偏長清平妙用功行圓方火坑出了別有炎涼

尋常交易念道兩平應有買賣莫要相爭行在刀尺功認斤星真通好事出語如經和睦孝順勝似人情言他醜惡却要休聽心崇至德外應虛名真生敬信保命通靈抱道真常免墮幽冥他年歸去蓬島遊行

又 朝參暮禮常執名香清平福德勝論仙方戒殺生靈合宅安康悟道意闊迷俗心忙不造陰罪便見天堂松筠為伴四序炎涼瑤臺闕苑要去休忘真無量礙得到仙鄉

又 無能無德厚禮難當遠相接近又獻瓊漿尊官二姓共是重陽功成名遂却慕仙鄉人間萬事頭覺俱忘道性真通汞庫鉛房蓬萊雲路別有清涼

又 天道難言命住先傳休生愛欲鍊就汞鉛出離物我抱道通仙行全八百功滿三千靈峯洞外閑對林泉常養淡素意遠腥羶翠書為伴高卧雲煙他年歸去獨步朝元

又 明真之醮所料緊要薦拔先靈各靈管了休問使錢共用多少收支無私置曆二道臨醮眾入戒欲為妙且遠腥羶縱意壽夭吏神暗察罪福非小近醮朝真不得喚叫高功道法

又 顯揚大教所篆符簡眾職明曉追薦文字未光耀休分晝夜俗事除勅
馬姑到東萊州近二載滿郡奉道之家各見敬愛却要去都下所言有些

又 小事未了中秋旦後相辭信筆數言
自知未達曰
大道無為真應有為無形有相福行施為不造萬愆頓覺真為不貪萬有物外清為不生萬惡應化善為不起萬憎應化德為道闡萬

又 理應化賢為世明萬信應化經為金剛四句應化禪為周易造化應化卦為道德五千應化修為十方三界三教廣為萬法無分天下敬為上報四恩無為不為

無修有修無為應為無著無離無大無微無
憎無愛無是非無增無減無高無低無收
無取無消無礙無中應物無慮無機自然顯
倒言東悟西見喜却怒許省是迷道無形體
無想無知算常無變無妄無疑無來無去霄
漢之梯無動無作運次迎離無情巨貌嬰姪
相隨無物之象古今明掃藕在水中蓮朵出
泥既超彼岸丹陽教依

又

真隱遠陽放奉丹陽萬事無心漸得道陽盡
惡常善遠理明陽寸無貪爭體變真陽碧天
青瑩光顯太陽寶光無缺混合陰陽命清無
漏火鍊靈陽自然顯倒微妙通陽他年歸去
重禮重陽

又

空道無愆慧目觀天無中妙有未結靈鉛行
全八百功了三千像猿縛住迸出光圓沖和
黍米道意如淵自然遠理雲水溪邊琴書作
伴自在修仙冬藏雲洞夏卧松軒欣時歌舞
靜看詩篇楚節頂笠終始真堅古今達者清

隱高賢

又

昌陽石嶺有塔善敬茅屋仙居禮參大聖道
論陰陽釋明見性文宣五常外應百行萬法
千門無分平等盡除憎愛真無罪病不犯天
條遠理歸正真齋真戒身心清靜只修道德
利名休競去惡冲和忘情保命天榮光圓勝
如入定至妙希夷絕其視聽古往今來幾人
頓省賢聖虛空化世應影金剛四句善通敬
頂了一去朝上清真境

又

身似環牆四面生光無中明有真悟丹陽妙
通恍惚自然真常口應聲隨俗念俱忘世無
知音幽閣潛藏茅舍清居勝住高堂蓬萊雲
路要去休忙壺天妙景晝夜非常花開不謝
闌苑仙鄉海變松枯永免丘荒養成道體體
掛雲裳大羅歸去朝現天皇

又

方寸無塵靈真如鏡應物明通至性保命調
和道氣念無罪病苦處爭先一切平等依此

行持便是功行縛住心猿勝似入定不著有
無俱忘動靜憎愛是非益真可聽美言多邪
清一多正始終弗變了真朝聖

又

去惡善生忘情命生厭偽真生意平德生心
通慧生見道無生盡濁清生陰盡陽生性定
先生敬來應生大慈救生道用微空

又

既慕林泉耕透靈田苦形心盡保養真鉛松
前石畔趕了熬煎食爭遠却達道通仙隱居
世外高卧雲軒自然應變妙慧觀天理明釋
藏不讓來禪閑窮三教得意忘言

又

上士無爭應物常平不貪外寶道合真靈理
明正教敬信來聽方圓順救死哀生有心
忘世無意身榮六銖天賜換却偽形完全功
行勝備聲名了真歸去朝現三清

又

萬事知空頓忘人我外應福行無為成果真
通柔弱妙明降火靈耀常看金闕玉鎖自然

有作住行坐卧别開道眼迸出珠顆開裏無
心性如蓮朵理達希夷古今幾箇體變純陽
蛇形無墮

又

身混世境不動真靜幹運丙陽自然煥炳道

慧通天寶光如鏡應物德全達無罪病妙覺
真常破妄歸正氣神相見命住性定水善清
柔貫透剛硬上士無爭非是莫聽盡除憎愛
寸靈平等萬萬學道一二頓省弗思美饒乞
覓餘剩貧裏戴真他年朝聖

又

清靜真功應物微道身似藕根心是蓮宮白
雲出岫自在空中妄言濁氣口應如響至明
拒要不與世同弗辨有無道性和冲俊豫既
定伏住虎龍自然了了彼岸靈峯養成三寶

外若貧窮他年厭偽闊伴森松

又

昇降敬奉真動入眾只據會下錢少為從各
家艱難依平僉用天人暗察心休錯用無私
福多有愆罪重

又

節欲少病真平積行念道忘塵心猿縛定萬
鑑黃金難買性命三教歸依慧光漸瑩做做
許龐真昇朝聖

又

觀名集仙上敬九天位列三清法離二邊藏
經萬達化愚變賢自然之道鍊汞烹鉛行全
八百功了三千

又

道念寬慈世智克狠積業如山陰公怎忍惡
病纏身鬼使喚緊罪沉幽冥對前引

又

世偽非堅莫縱心猿修真出有免了熬煎清
平樂道舉意通天常善鍊汞抵情烹鉛行全
八百功累三千古今達士依恁昇仙

又

念道忘俗命全無欲萬怨不造自然清福松
峯樂性調和金玉寶光無缺烏生三足希夷
明妙霞友相逐

又

失墮傍生得通賢聖迷沉濁穢悟全清靜碧
天似水象明如鏡窮盡千金難醫心病服了
刀圭道洽性命

又

但見女男如觀父母意順三毒身受萬苦知
空厭世雲霞為侶出了陰陽性超寒暑氣結
神靈真明千古道樂清平無為仙舉

四言絕句

治政清通為官忠孝節欲身安他年蓬島

又

有緣再遇重到東州外應因果內隱真修

又

人到如見難當敬獻念道思真開看經卷

又

已未新秋處暑清且卧化超昇真歸霄漢

又

尊體安樂別有期約忘塵念道真通靈藥

又

無內修功應有積行道意通天一真得定

又

恁助柴薪我管功匠埽瓦燒成善去重訪

又

既悟修仙觸處無煙心清待道苦志常堅

又

修行日用去除情愛降伏心意應變通解

又

掩非和衆清通日用要全性命使後莫動

又

氣清無我妙用真火燒見亘初結成金果

又

多憎傷行多事傷神多欲傷命多迷亂真

又

事少心靈念少無拘明少多愚濁少通書

又

妙道希夷無著無離自然明了賢聖皆知

卷三

十八

仙樂集卷之三

仙樂集卷之四

卷四

神山無爲應緣長生子劉處古造

詞

上節使同知洎官衆道友并口號

物物心休道眼開 胎仙養就泛瓊盃

自然頓醒陰陽外 跨鶴昇昇難再來

江神子

道心不與世心同悟知空物塵容達理明真

應樂自然通憎愛是非俱不染遊福地伴松

峯 鍊成鶴體碧霄中任西東訪蓬官出了

陰陽仙壽未無窮海變松枯真不朽超三界

從仙翁

今日瓊林花正開 十分真樂飲三五

通遭酩酊何方去 蓬島仙鄉去又來

上平西

想百年如一夢幾多時妙身夷只是些兒諸

公肯信日常萬物意無私住行坐卧具平等

應變真慈 崇仙道明仙理通仙妙謝仙師

在靈峯閣採靈芝洞天清陽周天十二坎迎

離三田功滿朝元去却蛇行展

又

到仙園松筠翠牡丹紅樂清歡幾箇人同且

忘世夢轉頭萬事一場空月圓月缺如憂喜

悟愛心慵 真閑好得閑趣過閑妙覺閑通

運卦又識祖明宗許君龐氏了然先到碧霄

中諸公依此崇真道蓬島相逢

又

戀恩親恩生害死難逃氣不來身附荒郊改

頭換面輪回販骨幾千遭世華非堅如石火

火宅囚牢 任雲水登雲路遊雲外旣雲濤

厭錦衣喜掛麻袍清平道德修完性命隱蓬

茅他年蛟殼朝賢聖名列仙曹

又

想人生老與少似春秋恰幼年却變白頭莫

爭空假無常氣斷卧荒丘大都三萬六千日

多病多愁 崇真道教真聖明真理了真修

侍三尊至孝全周全家拔宅功成同去到瀛

洲出離生死無來去闍苑清遊

滿庭芳

三十年間幾番寵辱細思往事慵言也曹牒

登曾受

帝王宣今日山村且住他時去高卧雲煙洞
天隱松峯之畔保命是修仙 無愆全道德
自然達理鍊汞烹鉛未功圓行足開對林泉
真攀琴書為伴忘塵世越了熬煎逍遙好蛻
形真去昇入大羅天

又

遇七修齋庚申餐素禮參旦望行香時時念
道世夢頭然忘三教經書為伴真閑處勝似
貪忙迷雲散一輪皓月無缺照無方 從長
明大道暗中積行上達穹蒼傲許龐歸去萬
古名揚未往蓬壺闕苑筠軒坐吟笑笑潛藏功
成去陰公難喚跨鶴到仙鄉

又

今世榮光前生福行悟來更好真修外歡未
盡念動意^第憂清淡平常道樂筠軒坐至理
頻搜真明了碧天瑩淨命耀似新秋 休休
崇道德清廉治政應變全周待功成名遂霞
洞雲遊琴劍仙經為伴蛻形去真上雲頭如
龐許全家拔宅未未住瀛洲^{許真君全家拔宅昇天龐居士}

全家坐脫
立去

又^{嶺三}

馮曉仙住鉛汞成形罪盡神氣自然靈天明
萬象地淵涌泉平靜恍惚無缺命須停 誠
了了蓬隱勝似華榮若出戶眼界寬青林間
松檜洞深處看經觀分正塵斷碧霄行

又^{藏頭}

寸明真靈通慧無量凝清涼華混世人笑似
風狂祖丘劉譚馬消滅萬慮俱忘猿住通道
德豈肯外昭彰 分清靜妙嬰男姖雲路休
忙虛無造化汞結鉛光兀騰騰飄逸取骨越
了無常袍侶公甘鎮詩琴滿庭芳

又

三載施為十全八九有些未及功圓不曾行
疏所患自然錢也不修齋動眾一麻麥任潤
靈田非外覓無中造化有口妙難言 道傳
明易象倒顛光運天地之先覺無形應物非
帶中邊清靜金嬰玉姖虛無裏汞結靈鉛六
銖掛大羅歸去重受
玉皇宣

又

體掛雲衣身如布素應為莫厭清貧道無形
象大悟裏頭真憎愛心無有德俱讚美歸順
良因洪禧至開看法教松竹每為隣 真親
全性命明今達古混世忘塵若依余常善未
免沉淪蓬島仙鄉咫尺蛻形去現出真神碧
霄外大羅天上無缺寶光新

又

萬惡心除千思意泯自然罪病消亡寸靈念
道動靜兩俱忘清志如龐似許任雲水到處
為鄉仙家好茅齋幽閑勝似住高堂 無忙
看古教頻明至理上運三光也不須晝夜數
墨尋行養就真鉛真汞蛻形去天地難量碧
霄外大羅歸去重禮馬丹陽

神光燦

處玄稽首庫使尊官一別又過三年渴仰之
懷路遙未及人專辛酉孟秋仍熱遣來人復
去書傳詢動靜知豐行職任不久將遷 他
日功成厭世做淵明樂道閑伴林泉自在無
拘笑吟洞外松前養就真鉛真汞恁時節功

了三千朝元去現真形獨步雲軒

又

處玄拜上道錄高功日照別後難逢渴仰之
懷甚時得觀仙容即辰仲冬辛酉急焚香跪
領開封清河德又行緣闡離敬信無窮光

徧十方真了去大羅朝聖昇入高穹體掛雲
裳萬里要到乘風這番出離生滅任往來跨
虎騎龍天地外想古今幾箇真同

又

處玄稽首月帔張唐二公別後思量倏忽年
餘邇聞却住天長常記講師靜位說關西作
黥歧陽香花引那郝公見道大晒重陽便
繼處玄亂道酌江月一句寸念難忘踏盡鐵
鞋難寬恍惚靈光自然無中妙有道希夷無
物包藏功成去上大羅天賜玳瑁

酌江月

古今販骨想生來死去榮枯多少百載光陰
四序逼不覺形容衰老世偽浮華轉頭如夢
到底成虛矯無生一念念道真明達了最
好福地清居依山臨水自在携筇到占得真

歡霞洞隱無事閑看聖教功行周圓完全性
命勝似重修醮鍊成道體別有金書來詔

又

隴西余慮到濰陽秦臺空去貴府推官
同太守相訪臨歸叮囑壬戌新正欲邀到府
未見先生許處玄重答這裏元宵亦做四
序孰悟三元天官賜福下救陰靈苦生在中
華崇道德世讚名傳千古大醮洪禧青詞奏
聖感應應難過文山作醮白龜蓮襯王祖

又

壽過彭祖更官高一品石崇貴富古往今來
人世事覺了不堪重慮歸去淵明乘舟范蠡
先已超昇去真通道德越却死沉陰路雲
步閑苑蓬山仙鄉不夜各有逍遙所過了天
元無上道千載難逢難過石火光陰浮隱生
滅飛走烏隨免速修性命暗有賢聖提汝

又

碧軒閑坐頓忘言閣了詩書千卷松徑携筇
真念道妙奧天機深遠物外人間京華雲洞
慧眼開時見有無俱泯吟笑浮生不辯拔

宅龐許飛昇大羅歸去販骨死生免不夜仙
鄉無苦惱閻苑瑤池清宴海變松枯巨容弗
老世偽真無美六銖衣掛復去朝元重現

又

厭居人世似孤雲飄逸鶴昇霄漢自在無拘
空外去撒手直超彼岸到處為家琴書為伴
信筆閑吟嘆洞天高卧任他人笑懶慢夏
近百尺森松水簾響曉飛入龍泉澗渴飲霞
漿仙會處童稚唇歌舌誕越了輪回完全性
命迷者應難趕忘名絕利一任人非人讚

水龍吟

此時辛酉初冬下元望夜逢甘雨麥苗滋長
深根固蒂多歡少慮念道無災禍聖賢佑眾
生無苦遇天元將來群仙慶會功全行朝元
去別有天宮寶所了真修得昇雲路六銖
衣掛清平福救九玄七祖歸去無生老自然
性明今達古各全家奉道始終莫變管如龐

滿路花

霜林飄赤葉徧地涌黃金寶鴻離塞北足聲

音淵明歸去獨酌樂清吟酩酊真歡笑高卧
雲山忘塵世偽難侵 頽然覺應物無心道
妙自然深壺中仙景異外休尋四時花放論
古史明今要到乘風去三島十洲蓬萊別有
高岑

行香子

歷徧人間却羨名山洞天清坐聽潺湲萬株
松檜千頃雲煙好伴琴書真念道樂安閑
養就靈鉛命耀光圓行功成蓬島為仙出離
生滅萬古相傳既免輪回六銖掛去朝元

又

金鼎生光常熬真香寶瓶花四序芬芳虛空
賢聖咫尺西方上敬三清明三耀悟三皇
上古人醇厚實佳祥性通天與道無妨暗行
平等柔勝剛強意似仙真全仙行住仙鄉

山亭柳

退道者 隱
退道者 昇

退道愚生意亂心生夜命盡食生不畏神明
察日千愁萬過迷生死墮鄴都苦苦盡悖
生 進道清真忘世夢閑看聖教似書生達
理悟修生氣結神靈異自然有霞彩光生寶

鑑碧霄是耀真箇先生

驀山溪

七旬相近正好忘塵世世夢幾時休道德修
勝爭薄利恩山愛海火院鎮燒身聞身健覓
清涼一任迷人毀 閑看三教造化明周易
達理妙通天四相泯無憂無喜洞天高卧自
在鍊真丹他年去上青霄始現無為異

又

人間華屢恰似風前燭萬事轉頭空世外隱
仙家清福靈峯霞洞四序不知秋松為伴竹
為隣閑唱無生曲 琴書樂性道用調金木
鍊出九霄身六銖掛朝元去速未無生老昇
入大羅天任巨海變桑田真與神仙逐

又

人間萬事識破真跡笑恩愛與塵情譬無常
般般是了浮漚幻體生滅幾時休忘世夢去
貪爭達道真明曉 微光覺照應變通深妙
命性通天有自然無窮降耀陽純陰盡蛻
殼免沉淪遊閻苑既瑤池
玉帝金書詔

又

玉峯頂上知有田三段土潤長黃芽便萬斛
珠酬弗換一麻一麥服了自然安修性命體
延年別近雲霞伴 陰陽之外天地難拘管
得道免輪回厭世隱神堂古觀無為功行真
了去朝元六銖掛現真形三島十洲既

又

紅蓮池畔不讓遊山景鬧裏却無心身似藕
出泥花靜壺天妙趣別有四時春真應物寶
光明今古誰人省 真行道德顯化邪歸正
口應更聲隨只是要寸靈無病貪爭意盡道
眼自然開來世外混京華精行帝平等

又

王徐道友今日重相別甚日再相逢到來歲
新秋重歇一年一到百載幾番來且暫生意
休忙烏兔生還滅 人間寵辱辱似圓光缺
少喜慮多憂想憎愛是非慵說天元將盡奉
勸速修真遊洞府隱松峯無事看莊列

玉堂春

道德清平賢者真易化世夢知空幾人放下

厭濁清居周天運爻卦身是行菴到處家
養就圓光碧虛無執把萬里清澄自然懸掛
物外逍遙瀟瀟真脫洒悟者超昇學者麻

又

仙觀靈虛二年來來去破了重修星冠養素
應有真無齋科救萬苦達理忘言清靜居
道釋儒寬通為三教戶外應五常敬謙賢許
四相心無自然樂有餘出了陰陽現巨初

路雲行

昔辛酉歲仲冬十有二日經過大原
宅清且門外忽觀東南形霞信筆

遙望東南彩光分明忽然見了瀕州往黥綠
感○應仗高真昔年曾有劉高尚 德徧十方
度人無量萬清萬善理明廣他時歸去到達
萊無為道妙無虛妄

又

七十年先五千二萬隄防不測無常限假軀
拋下落黃泉平生應變時聞讚 頓覺靈臺
真超彼岸蛻形歸去昇雲漢天元過了去無
來路莎行者人難趕

又

聖道難逢真修易過自然之理明今古死生

販骨幾千遭這番了了無來去 蓬島仙鄉
巨靈無苦朝元路上高真許松枯海變未常
存他年萬祖離陰府

又

子母相逢自然明道出離物殼無生老茅齋
松竹每為鄰清居幽閑仙家好 敬信高明
真歡無惱各人性命修宜早功成行滿免輪
回○蛻形跨鶴歸蓬島

又

去歲周亭今年重到光陰似箭催人老世空
識○破好休心修行下手志宜早 不肯忘情
將來悔懊松峯樂道隨緣飽無中鍊就汞和
鉛鴛雲跨鶴歸蓬島

又

兒女全初愛情玉紐火坑牢獄身如因迷迷
到了似春蠶疾些出離無中守 晝夜忙忙
烏飛兔走浮漚生滅形難久速修性命免輪
回完全功行蓬瀛友

又

亂性糟漿願神玉液莫迷有有無中覓重樓

十二望蓬萊慧眸明處光無極 具樂陶陶
洞天遊歷道靈今古幾人識獲乃雲信步入丹
霄大羅歸去無為職

又

到處為家鶻居無總要行便去雲遊轉陰陽
之外物難拘長安咫尺真非遠 道樂希夷
死生未免巨初一點光如電自然照耀晃虛
無命清無缺成修鍊

又

一別三年重遊此地雲蒼寂閑忘心意有時
忻○則看仙經自然理達真明異 具藥希夷
道尊德貴俱捐無有忘憂喜洞天清隱混器
塵要登雲路先超彼

惜黃花

眾生萬過有天來大覺世夢知空莫爭人我
應變愛憎無競無災禍眼前事頓明識破
敬道修因果顯猿猴緊鎖得自然具慧住行坐
卧達理了仙經物外靈無墮隱洞天古今幾
箇

又

天元將盡去年卦盡這世夢寬親何時是盡
三寸不來休却變骷髏盡到如斯俗念心盡
道靈真無盡忘機業盡覺萬慧千通頓然
明盡外貌似愁癯吟笑風燈盡樂無極任他
物盡

又

大翁出去隨家店住且只似昔年混俗龐許
食肉愛生靈飲酒休做肯忘貪閑論今古
仙家樂處逍遙雲路隱世外修性金烏隨
免行就訪蓬山功了離塵所脫凡形禮丹陽
父

青杏兒

九月季秋涼謝尊官重獻霞漿難當厚禮重
重愛世中名利貪爭俗慮身生心忙 造化
怕無常三十年總敬丹陽東萊滿郡無疑妄
天元慶會這番歸去朝現天皇

又

念道玉漿多得真歡大笑呵呵自然醅酌道
遙快依山臨水雲霞洞外折後高歌 世景
急如梭戀思山灑灑波波若肯回頭歸真一

烹鉛鍊汞功成行滿昇入煙羅

又

迷者似河沙想世間學者如麻萬中敬信無
一悟觀今復古浮生濁夢箇箇都差 達了
莫矜誇訪洞天閑卧煙霞他年歸去方知得
瑤臺閻苑神仙樂處四序仙花

武陵春

遙望峒山山正好瑩瑩正芬芳佳節春溫春
書長最好泛霞漿 醅酌歡忘世慮吟笑
勝輕狂來往仙鄉住道鄉過此慶重陽

又

辛酉仲春遊坎上終日坐春園異景奇葩在
目前樹下勝筠軒 世夢知空且放下自在
似真仙美醞開樽會眾賢樂道謝高天

感皇恩

道釋與儒門真通法海易妙陰陽外自然解
金剛至理頓覺無爭泯愛五千玄言奧義明
大 微光運轉結成霞蓋霞輝常照體何里
礙松枯石爛巨貌古今真在他年功行滿昇
仙界

又

聖觀號天長星冠雲服養成金玉體真無朽
信知大道自然無中明有世華心不戀遊王
屋 外貧保命隱真居陋亘初無相貌勝豐
厚桑田海變這箇無形堅久暗祝吾

皇德齊天壽

望遠行

令子根苗喬雲水通行步頓覺了希夷微妙
明千古去塵寰歷徧看來都無伴侶世人愛
不愛高真許 達道完性命未免輪回苦隱
福地松峯霞洞自在處待養就金鉛玉汞真
無濁慮六銖掛始應過三清舉

定風波

臨離諸公戒行清動天感應福非輕壬潤瓊
田農盡喜秋成穀田珠長豆苗生 要報天
恩崇道德隨緣知足莫相爭旦望焚香餐素
饌無憎意平出語似仙經

又

甘雨及時貴似油今朝歡樂便無愁明夜耕
田野外鳴嗔牛動鞭輕打膠余脩 過了天

元難積行一麻一麥寸中收養就蛇嬰雲外
去優游命光圓若月新秋

又

月一焚香望日齋持些禁戒自消災甲子庚
申達七記開懷吏神暗察應時來 清靜身
心無病苦願真保命運三台功行周圍何處
去哈哈携雲跨鶴去蓬萊

又

癸戶雲封運卦又剔開靈竅虎龍交卯上行
來真見酉崑崙金翁輪線釣瓊鬚 道德清
通明法海萬光澄現九天高造化自然神運
轉難包古今達者列仙曹

望蓬萊

周亭去莊裏又相邀道念常如相見悟天元
覺了死生超萬業頓明消 洪禧至寶鑑顯
彰昭三界十方明徹了倒顛水向火中燒得
道未逍遙

又

近中壽意望百年期萬事轉頭都一夢兩般
罪福緊相隨念道聖賢知 性命達今古世

間稀了了不生真不滅自然結就坎和離休
覓上天梯

又

清河喜道錄是高功已在道門三十載秦臺
辛酉又相逢順化善緣從 他年去昇入大
羅中體掛六銖朝至聖這回未住九陽宮要
到便乘風

又

會首到太守便相邀請至藏春堂裏坐恁時
早晚旦清朝真福道能消 欲近離速去似
風飄道士靈虛分一半小師同到應焚燒賢
聖在丹霄

又

形如鶴性耀似孤雲自在空中無星礙來來
去去意無塵世外樂天真 大成拜三教理
超群結就丹陽蓬島去仙鄉別有洞天春道
象古今新

又

修行好應化學齋科旦望焚香參禮聖晝閑
夜靜眾吟哦智慧性明多 無為理萬法弗

能過外行內功真了了鍊成鉛汞出娑婆得
道免閻羅

仙樂集卷之四

仙樂集卷之五

第五

神山無為應緣長生子劉處玄造

五言絕句頌

輪回幾萬遭去愛命清逃造化無中有沖和
離坎交

物外逃生死常如初時志適真全妙慧可稱
修仙子

性尤命似油微妙閨中搜照見無虛妄碧天
皓月秋

輪回生死大覺悟通法海舉素合真經混塵
明世外

清通神氣靈上士悟無爭遠理全功行碧霄
雲外行

得道自然真青蓮出垢滓星礙心無礙蛇形
身外身

舉意除情愛形衰真性在頓明道眼開聖經
自然解

道覺明真趣慧通達萬古自然清志堅性命
光圓去

日用縛頭猿虛心微妙傳別開真道眼清意

見靈仙

清柔神氣靈濁惡性無明悟道超生滅真歸
天外行

善清脫生死天瑩萬光明真通全妙理歸去
路雲行

正理掩他非道通霄漢梯應緣無里礙功了
行無虧

美色悟骷髏知空意莫留頓明性命大真了
洞天遊

到岸了無生沖和道性靈命住圓成了夷然
功行盈

善覺不爭空忘塵見道功微通三寶結金光
射玉峯

輪回生死大保命忘世愛雲水伴松峯慧靈
觀自在

無我微光覺道成免取教理明至德全靈象
無中握

日用六根清悟真道理明自然全萬行歸去
碧霄行

他非似已過謙下真明我降火鍊金鉛行全

無為果

物盡道真常夷清至德長忘言明妙理命住
結丹光

德全憎愛盡天道難詢問覺了自然通陽純
雲路近

守道真無罪迷難悟則易天青萬象明昇仙
免下鬼

輪回萬萬遭見道死生逃出了陰陽殺沖和
離坎交

大悟不爭空至明萬事容隱仙真厭濁洞外
伴森松

清真悟死生保命氣神靈行通全萬善功了
到蓬瀛

遠道履薄冰愛迷性命沉俊猿擒縛住積行
聖賢欽

輪回生死大不悟思生害頓覺洞天遊理明
通法海

日用寸無愆始終仗志堅陽純靈耀燦無缺
十分圓

無爭至德全道覺妙微傳應變真明了蛇形

蓬島仙

見道性無爭沖和萬慧明自然全至行厭世
洞天行

進真入碧虛退志有艷都莫退也休進遊山
混世居

明真一遇仙日用汞鉛達了清平行道玄
天地先

得道不爭空混塵眾垢客他年真厭世洞外
伴森松

清虛志要堅世外好修仙道免輪回苦具昇
萬古傳

物盡真無死清道道慧生自然明萬化忘世
應緣平

保命通真福通天開慧自明元道寶全真去
朝元速

靈峯超苦海覺悟真明解得意却忘言道成
天地外

明知世夢虛幾箇出塵居達理明天道真通
今古書

守道悟完顏自然慧目看靈虛真弟朽清微

古長安

道覺超生死頭明明與旨清志有始終樞機
賢聖賜

忘貪去罪病達理修性命隱道伴松峯他年
朝至聖

輪回萬萬遭第五明道死生逃清命圓無缺變通
運卦爻

日用覺清通無爭萬事容真常明至道歸去
與仙同

出塵清志堅道覺養三田長就靈苗了真光
麻麥傳

通微道眼開真了到達來物外起生死巨靈
沒地埋

頓悟樂希夷樞機泯見知天青萬象顯祥瑞
透簾幃

正理悟清平自然盡愛憎道明全至行脫殼
現真形

念道真無罪新愆不造異清通合聖經保命
神超彼

柔弱氣神靈松峯之下行了仙隱福地達理

行功成

了真清一志得道超生死三寶變純陽昇仙
名達士

清虛悟性命去住如對聖厭世洞天遊隱真
積至行

女男如父母正念第五聖賢許真靜五蛇嬰歡道成
救七祖

洞天四面青雲外列圍幃松峯礮石坐無事
誦仙經

四假似環蒼翠煙萬頃貪靈龜隨皓鶴伴我
共成三

常善氣清深沖和無垢侵靈珠明道體結就
水中金

苦形欲念忘清命免無常守道通仙福具明
現實光

日用愛憎無超塵入碧虛真常全道德歸去
到仙都

正理悟道經天青道象明意清祥瑞燦照見
亘初靈

堅志不爭空真明萬慧通養成無價寶現出

巨初容

妙道微明用靜通尤運動氣神相見靈意厭
浮生夢

理明達萬古清志真仙舉蟬蛻免輪回雲歸
朝聖主

萬古死生大古今幾箇解清虛了性命海變
松枯在

守清神氣靈道理自然明萬行真平了語道
合聖經

萬物陰陽外道堅真不壞謙清上善歸應變
通元海

飽暖身閑意苦形降伏易命住道通真陽純
免下鬼

萬劫落輪回頓明實漢梯命全性耀燦雲步
樂希夷

真通萬慮忘得道第五免無常物外超大生死碧虛
現實光

道用縛俊孩形忘真自然微通祥耀燦射透
九重天

正理應方圓道通真滿泉開明全萬善達了

行功圓

抱道通生路心死命光住氣神相見靈至理
明千古

覺了陰陽外至真明道大命清無滅生厭世
昇仙界

清志有始終明知世愛空神舟超彼岸雲步
出靈峯

明我悟謙通混元虎逐龍自然三寶結真了
與仙同

得道免輪回靈峯霄漢梯洞天修性命今古
幾人歸

四假似浮漚真明月正秋人牛都不見光耀
照山頭

限到變骷髏知空一念休命生免下鬼了道
去瀛洲

出有無生死達理明具士清善始終志微妙
靈中賜

微通道眼開覺了見如來無生路上去雲步
到蓬萊

雲步到微通照明似燭紅世華真拂盡茶味

奕靈容

日用善清通住行坐卧功周天運降火光照
虎隨龍

萬愆心斷絕性似中秋月保命隱松峯無事
看莊列

日月頓無常二輪飛走忙俊孩縛得住真去
從丹陽

道通明性命意定真清靜有志免輪回仙鄉
咫尺近

進道死無怕如蟬脫下假都了上青霄清聲
實無價

順真無憎愛萬清通法海虛明道理解應緣
無罣礙

心靜至真靈真常道眼明自然通萬慧舉意
合仙經

垢盡道明真冲和氣養神清通為日用命外
更無親

正趣覺通明命清神氣靈自然全道慧應有
行功成

大悟不爭空混塵界垢容清平全道德厭世

隱靈峯

念動想骷髏真明鉛汞收道成別有體說
上雲頭

謙柔和氣清無濁命光停遠理全功行應塵
泯愛憎

頻覺明真我周天運降火燒見黃金體道證
無為果

世外不爭空身青如萬松潺湲通似性道了
虎隨龍

居山遠是非今古幾人依得道無生死命圓
霄漢梯

迷著似燈蛾油窩焦爛多孤雲伴野鶴自在
出娑婆

至德愛憎無具平萬病除了心三寶結道達
物難拘

擒猿志要堅意定汞明鉛生滅輪回免大羅
歸去仙

真清保性命垢盡如明鏡照耀自然光蛇形
朝至聖

心死性先生忘情覺命停道成別有體具去

自然昇

無生泯萬慾盡變命光圓柔弱氣神定真通
道德全

去除物我心日月理幽深覺了真明達陽純
神鬼欽

覺悟不爭空他非應變容自然全福行真了
到蟾宮

物盡道先生天青寶鑑明命清圓弗缺應變
自然靈

販骨死生大了真通世外道成別有體海變
松枯在

守真覺道安達理悟雙關微妙通顛倒垂光
鍊大丹

出家不管家混俗心無俗動靜兩俱忘道通
消三毒

氣降至神靈忘情覺命清自然三寶結達理
行功成

修行搜已過意定勝打坐世外伴松峯志堅
成道果

無爭全上士抱道憑清志動靜兩忘常了真

無老死

苦形濁念無世夢轉頭虛清靜調嬰蛇雲歸
蓬島居

通善氣神和去憎道行多慧靈天地外萬偽
弗能過

達道自然明清平功行益貪爭心意盡養就
氣精神

販骨死生大忘塵通世外命清寶鑑圓抱道
真光在

交錢收領契依理成交易未足寫文會代余
便去稅

大悟不爭我德全無上果周天十二通丹結
運真火

超塵遠生死性定自然靈命住光無缺理通
應變明

道明真悟堅空色兩俱捐達了忘塵慮人間
自在仙

受者却如寃人間第一賢許龐拔宅去雞犬
從昇天

大悟性無爭沖和覺慧明命清陽耀燦應變

自然平

厭濁洞天居了真達古書清通全萬慧雲水
樂無餘

無我覺真明冲和神氣靈自然金耀燦道達
出陽陰

迷陰蛾戀燈就死入油烹形似丹霄鶴蓬萊
雲路行

身若草頭珠頓明世偽虛萬年松檜下閣看
古賢書

真明道眼開清意性無災趁了無蓬業超昇
去弗來

形病真無病修行清保命道成身外身真了
朝仙聖

天瑩千光懸心清見本真實光圓不缺命住
兩全成

道全性命大至理深如海頓明物我忘古今
幾箇解

應塵似水平達道意無憎養就真三寶雲歸
朝上清

善光明道禧世外樂希夷達理通天行了真

霄漢梯

城燈爰是癡清命月無虧下鬼上仙路昇沉
悟與迷

修真要堅志學道終如始虛空賢聖知性命
超生死

混世隱名山俱忘動靜安真常性弗變跳出
死生關

身閑雜念多迷偽戀燈蛾早悟雲邊鶴飛昇
入大羅

念道真無病住行如對聖清平至德全蛻殼
光無映

大道本無修隨緣莫外求命全無價寶真去
列仙傳

正理離中邊性如出水蓮碧天雲散盡秋夜
寶光圓

忘塵覺性明悟理洽仙經命耀圓無缺自然
速死生

常善縛心猿真通結汞鉛道成別有體蛻殼
去昇仙

敬道了真修無歡意沒愁筠軒看古教達理

行功周

趁免恩生宮頓明性命大黍珠光運轉海變
松枯在

悟道不爭空真明萬偽容自然全上善應變
行功通

美貌想骷髏善清鉛汞修道全真弗朽歸去
上雲頭

知空清志堅愛者却如冤蛾戀燈光死雲開
鶴遇仙

俗念我人無真通性不愚養成金玉體換了
這形軀

大見悟無爭冲和神氣靈清平全至德真去
似飛星

謙清至德歸雲水任東西道性明樞要自然
結坎離

苦體已心消關中悟寂寥真常忘動靜歸去
上丹霄

清真脫死生縛住俊猿寧氣結神靈達了歸
雲路行

得一真明大道全通世外人間混俗塵掛礙

無罣礙

道免死生危了真霄漢梯命光如皓日愛泯

來無虧

卦盡休爭我功圓成道果天青萬象明照見

元初箇

他非如自過意定勝身坐不著有形物無怨

成道果

正理解清平自然明大成忘情全命耀道養

氣神靈

常善運真火靈通覺無我廣明萬慧應性似

青蓮朵

清平妙達明頓覺氣神靈達理中邊業自然

入大成

真通萬事容清志碧虛中承結神光深道全

了行功

無事道性强保命濁情忘求免輪回苦具歸

蓬島鄉

善通覺有明道關樂真榮厭世松峯畔功成

朝玉清

動靜兩俱忘自然覺性常汞鉛成大藥具了

到仙鄉

清善存三一擒後意不出真明應變通福地

去遊歷

對景省燈蛾志堅出愛河松峯霞洞隱得一

行功多

德平萬垢容清命與仙同達理真無變蓬萊

雲路通

善清爭性命覺了傻猿定天動氣沖和陽純

朝至聖

通善滅無明忘貪有甚爭天條心不犯歸真

道光昇

無我氣神清命圓大道成知明萬慧達真去

住蓬瀛

忘情覺命堅達理性明賢氣順珠光燦功成

蓬島仙

無我氣神靈忘情命耀成始終真在道歸去

到蓬瀛

志堅明性命矣盡心猿定妙覺氣沖和道成

朝至聖

道明出死生真養氣神精達理通靈慧自然

應變平

念道消三毒清心忘六欲志堅全性命知足

通清福

輪回五道轉不道萬愆免趁業樂清虛保命

真修鍊

苦形忘愛念命住修真驗守道有終始陰消

因慧劍

通經明正理道覺真無比混世却無心昇仙

免下鬼

休苦化人錢結緣任自然不貪清福廣守道

意無怨

虛心包大載達理涌泉通三教無分別修真

第一功

無情命耀圓無垢性光圓無惡黍珠燦無憎

功行圓

蛾燈迷愛光遠色免無常仙伴孤雲鶴命清

得道陽

通善滅無明道全神氣靈命光成補缺碧耀

晃虛清

臭爛變骷髏迷陰墮馬牛清真全性命蓬壺

闍苑遊

通善行清深自然火鍊金功成真厭世福地

僞難侵

守真堅忘了常善通微妙氣絕命光圓古今

明者少

無爭善氣清光照似飛星混合形神異碧霄

雲外行

先天乃道初生死物難拘清命圓光瑩陽純

蓬島居

垢盡見空虛真明景有無定光通萬慧達了

古今書

性光命似油忘愛了真修世戀骷髏夢千生

卧土丘

蛾戀燈光死鶴毒雲路生兩般由自己天墜

萬輝明

頓明厭世空高卧白雲中養就真鉛汞超昇

出寶峯

定光得志寧覺了巨靈明達理全功行命圓

脫死生

德全盡愛憎去濁寸靈明養就真鉛汞蛻形

十五

十六

朝上清

仙樂集卷之五

漸悟集卷上

崑崙山馬丹陽撰 第六

賀聖朝

贈王司公

祥煙瑞氣常敷布便覺心歸素世人為處我
無為更無思無慮 絳房蛇女嬰兒聚慧目
看烏兔輪旋離坎兩交宮這些兒誰悟
衣裳紙襖并麻布固亘初元素風前月下撫
心琴並無些慮慮 雲朋霞友常相聚看飛
鳥走兔玉中養就紫金丹這些兒誰悟

卜筮子

出家入道

扶風全道名通一道號無憂見畫骷髏猛烈
收心事事休 四旬有六霜侵鬢拂袖雲遊
休要剛留管似無常限到頭
行屍走骨貪名利分定剛圖不念身軀皮與
骷髏作殞居 勸人割斷攀緣索跳出紅爐
整頓元初有箇山侗着力扶
山侗捨俗投玄趣結正良因深謝師真便做
遠道自在人 我今誓不東歸去死在西秦

骸骨雖塵不與兒孫葬海濱

重陽師父百端誘化子終有攀緣愛
念忽一夜夢立於中庭自暗笑曰我性
命有如一隻細磁碗失手百碎言未
訖從空椀墜驚哭覺來師翌日乃曰

汝昨晚驚懼纔方省悟

呂公大悟黃梁夢捨棄華軒返本還源出自
鍾離作大仙 山侗猛悟細磁夢割斷攀緣
鍊汞烹鉛出自風仙性月圓

內容未顯名先顯事可傷悲壞道根基失了
元初更怨誰 尋思情慳勝伶俐做箇癡癡
無作無為綴甚閑詞寫甚詩

誓死赤脚夏不飲水冬不向火

我今誓死環墻內夏絕涼泉冬鄙紅煙認正
丹爐水火緣 師恩欲報勤修養鍊汞烹鉛
行滿功圓做箇蓬瀛赤脚仙

探春令

贈王知玄

洞天幾陣清清雨遙指瓊林堪覩一條玉杖
隨行探得性內金蓮吐 嬰嬌女姹來相聚

更有真龍虎自然顯出祥光覆載一箇靈明
主

惜芳時

贈李官人

伊子癸卯同生世不覺流年五十二我先入
道搜玄理自然不敢相遺你 無分晝夜常
留意詩曲謾書千幅紙勸公早把家緣棄免
交失脚黃泉底

贈無欲盧守慈

清清淨淨祥雲脚九竅內往來交錯誰知妙
用緣無作自然理鍊成丹藥 驪龍吐出神
珠燦現萬道霞光罩却虛堂瑩徹添光灼達
萊路有些期約

楊柳枝

贈趙道濟

日裏金雞叫一聲夢初驚清風枕上有餘清
酒初醒 霧卷雲收天似水月初明虛堂寂
寂絕塵情性初平

寄四鄉先生

楊柳枝詞掃一篇寄誰邊一子一郝二劉仙

訴些言 好與丘劉譚馬子共搜玄九還七
返行功全去朝元

贈雲中子蘇鉉

猛棄榮華兒女妻悟玄機騰騰兀兀任無為
做憨癡 雲水不遊芳草徑內行持功成行
滿獨何之赴瑤池

漁家傲

自覺

夢見嬌妻稱是母又逢愛妾還稱女因為前
生心不悟心不悟改頭換面為夫婦 從此
山侗常恐懼那堪更得風仙度決要淨清清
淨做清淨做紫芝彼岸通玄路

七十光陰能幾日大都二萬五千日過了一
日無一日無一日看着身似西山日 不做
修行虛度日悟來豈肯經終日輪運洞天真
月日真月日蟾宮裏面擊紅日

贈孫姑

奉勸孫姑修大道時時只把心田掃殺了三
尸并六耗無煩惱常清常淨知玄奧 休問
異名爐與電冲和上下通顯倒鉛汞自然成

至寶非常好霞光簇捧歸蓬島

贈眾師兄

奉勸同流聽子細斷葷戒酒全容易不戀浮
財渾小事深可畏輕輕觸著無明起 大抵
色心難拚棄算來斷制須由你便把如離如
活鬼宜速離第六至於夢寐須回避

又

叮囑危人常作善惡懃供養人休倦莫把煎
湯傾地面攤涼冷恐傷蟲蟻行方便 日用
柴薪井米麵無拋無撒無奢儉內外淨清忘
俗念真堪羨將來決得居仙院

又

牛駕重車途惡路索人不顧艱難處加力用
鞭鞭不住鞭不住牛兒忽作人言語 你為
養家才受苦我今憐汝須詞訴你若今生心
不悟心不悟我身便是將來汝

柳梢青

和古詞韻二首

悟箇不生不滅更不肯拈花摘葉忻則高歌
醉眠芳草夢遊仙闕 有時普勸人人莫訝

我叮嚀切勿走骨行屍貪財競色枉銷年月

又藏頭

輪不催生滅焰裏蓮開五葉得金花成芝草
分無嗣 生馬鉅愚人然悟家緣痛切劈息
山明千古談心月

迎春樂

贈汝先生

身中應候騰清秀何須律管染牛芝田憑仗
雲耕透更無用扶犁手 養生布德功夫就
黃芽過吐勝花柳玉洞產胎仙自然飲長生
酒

贈劉先生

斗杓運轉初臨震自然陽氣騰騰那堪青鳥
傳消息土牛擊知時分 日行西陸金光瑩
黃芽瑞草靈芝潤賞既九還丹開瓊宴宜齊
整

玉樓春

贈姜道全

先生飲罷瓊漿酒卧月眠雲閒弄斗依時幹
運不交差這箇功夫憑匠手 滿堂金玉無

中有國富民安神氣秀玉樓春色十分奇不
是鶯花并綠柳

夜遊宮

識破塵勞苦苦樂清閑恣情歌舞有似孤雲
來又去波濤纏得逍遙內自補 日夜調龍
虎時時蛇嬰相聚養就神珠空裏吐放光明
現元初相貌主

玉堂春

閑論修持修持非草草猛捨家緣方求大道
滅盡無明如軻能養浩肯逐人情似枯樺
驚食鴉居自然無煩惱垢面蓬頭心田頻掃
金木相生就中成至寶便覺靈光出一毫

踏雲行

三十首

贈曹仙甘仙張仙同居煙霞洞
兩縣三仙一心同處迤相傳授玄玄語水雲
溪畔樂逍遙煙霞洞裏忘思慮 鍊汞烹鉛
調龍引虎靜中結正三田主功成跨鶴去朝
元大羅天上為仙侶

又

自在閑人逍遙烈士清貧快樂忘塵事風前

月下撫心琴龍吟虎嘯來參侍 或隱山林
或居鄼市勸人回首頭頭是塵中誘化結良
緣雲朋霞友應翹俟

贈呂守真

此箇姑姑謫仙姓呂肯來販骨為商旅蓬頭
垢面道家風雲朋霞友非凡侶 莫騁容儀
一團臭腐恩情碎非斤芥心灰念斷樂道
遠大羅天上居仙府

又

六出飄颻萬峯潛翠瓊花墮地風吹起穿簾
透幕遙遙遙人前故要呈祥瑞 漁父莎披
子猷興至高陽酒價重增責萬民何事有餘
歡來年定是成豐歲

贈馮守慈

男女雖親死生難越浮名浮利浮雲朵萬緣
一擊恰如無長生路上修仙果 玉戶頻開
金闕緊鎖靈珠裏面持經課功成輕舉踏雲
行大羅天上瑞巖坐

又

重過重陽重悟道扶風馬子何愁老調龍

引虎弄明珠明珠出路應須早 以鉦為名
字呼玄寶雲中子得為佳號木牛小字字山
侗山侗指日登仙好

又

重到興平廣開言路暮然興盡思歸去踏莎
行計指長安願人早早心開悟 貧富由天
子孫陰注算來分定休慮聞身康健速修
持真誠傳箇真師度

贈無為散人

三髻山侗拜聞張氏看人布施終非是臨淵
休羨錦鱗肥退而結網勝瞻視 欲住蓬瀛
何勞翹俟達頭垢面忘塵事焚香百拜本夫
心同修願繼龐居士

贈Y髻姚玄玉

Y髻之中明藏兩吉師名頂戴休更易鐘離
昔日亦如斯姚公做徹寧無益 性燭修完
命燈挑剔靈光朗照知無極迎仙客唱踏雲
行瑤臺月裏投端的

師父贈諱仙詞曰張公喫酒李公來

李公奪了張公飲擊發鉦謹和

豁豁洋洋詳審審仙家出語何須恁山侗
自揣一鰲魚金鱗晃日如新錦 雲水逍遙
身心恣任欲為上士相爭甚大家共喜白衣
來玄中玄酒宜同飲

師父引馬鉦上街求乞

不說龜毛無論兔角幻軀閑想如蟬教怎生
亦得顯金容算來全在心知覺 志不回環
道非遙逸洞天白雪成紅電化為自在箇靈
童自然掌握長生藥

茶

絕品堪稱奇名甚當消磨曉思功無量仲尼
不復夢周公山侗大笑陳持強 七椀盧仝
趙州和尚曾知滋味歸無上宰予若得一盃
嘗永無晝寢神清爽

道士索

東布煙蘿西排雪柳秦川渭水添清秀四方
八表湧金蓮祥光瑞氣輕輕覆 九轉經管
一時功就自然玉殿成無漏三清高坐寶花
臺誰知此景無中有

赴劉公齋

玉液瓊漿調和玉屑便教玉案堆冰雪須憑
王杖作良工捍成玉餅輕輕疊 驚聽金聲
金刀細切金爐裏面烹無歇馨香軟美噉金
牛金牛飽後無生滅

葡萄

根帶蟠虬龍鬚圍繞枝葉葉青好三光
照耀結雲棚就中幾穗非常寶 初似瑠璃
終成碼碯攢攢簇簇圓圓小數珠相似恐人
偷馬風喫了歸蓬島

又

○三髻軒昂一般仙格宜手花戴青黃白這些
道意少人知馬風垂過親傳得 欲要修持
須依法則日來月往通關脉烹鉛鍊汞結金
丹功成行滿蓬瀛客

全真堂竹簾

白刃持蒲青絲作線一經一緯挨排遍功成
不敢掛茅簷全真堂裏垂方便 隔斷塵囂
內容自見閑閑不用他人捲月鉤高鈞入青
霄恁時爭看扶風面

又

馬鈺平生心平性善因師釣出牢平縣逍遙
坦蕩過東平平安無事身康健 得到興平
治平為念清平快樂無征戰雲遊地脉太平
官平平穩穩行方便

又

偶爾心明自然靈感寶珠出入驪龍領真常
常應顯昭彰性通通達無昏暗 處世慳貪
則吾豈敢緼袍共敵而無憾爭名競利我輸
君眠雲卧月君輸傲

真武宮道士索

○真武藏機真君素假榮華富貴須當捨手持
慧劍殺三尸龜蛇一氣相迎迓 靈應通明
神清幽雅知白守黑些兒話願人省悟踏雲
行好來相伴扶風馬

謝李師叔鞋

高上先生姓李憐予鄉遠三千里教言
滋味勝瓊漿尋思不讓元王醴 見贈予鞋
鞋非鞋履藏機隱密傳玄理從今無分踏紅
塵有緣走上青霄裏

贈駱道先為鐵匠

跳出紅爐身無燒烙水雲遊歷非流落晨昏
調弄自然琴清清滋味勝酥酪 逗引靈童
常交歡樂八渠流水成瓔珞兀誰占得此家
風知新進道長安樂

贈張公

不惑之年心宜不動常思王祖金枷重無常
一著可傷悲悟時速把良緣種 鄙了惺惺
莊成懵懂修完內貌頻看供功成行滿去朝
元瑞雲襯步香風送

先祖兄弟四人因唐末去山東一居

○萊陽一住黃縣一在文登一居牟平
祖住雲陽峯我山下自來生計之乎者却因
唐末去東牟到今三百餘年也 數世衰榮
不堪重話我今因遇家緣捨水雲遊歷入潼
關超然顯箇還鄉馬

件壽之生日設醮索詞

謹寫青詞專修黃籙香茶酒果并香燭鐘聲
磬韻透青霄科儀款款當宣讀 瑞氣氤氳
祥煙靄郁金童玉女傳言速不惟壽永過松
筠仁人可以同仙福

又
遍室清涼滿堂功德四方八表無遮塞靈光
萬道出崑崙人前豈敢誇仙格 絨口無言
及心有則姓名已錄華胥國逍遙自在看長
安金花玉葉親收得

謝于公鞋

走入玄門牽回白鯉綴詞感謝吾儕履從今
步步出紅塵無心著去觀桃李 採訪幽微
搜尋至理因師大悟離鄉里一朝功滿踏雲
行邀同去青霄裏

又

耳聽金經口噙玉餅手持象管書心印雖然
事事競相榮真如不動常清淨 欲要靈明
須磨內鏡居塵不染真常應真常應後顯胎
仙胎仙顯後真常定

又

捉住飛鳥牢擒走兔二輪日月常相聚光明
照耀洞中天清清雨降如甘露 撥散浮雲
寧留薄霧蓬萊仙子時時遇從斯道號號丹
陽將來決定朝元去

贈薛公_{兼頌}

敢輕傳專秘談豈比尋常說田震地坎離
攢珠顆顆須調攝 子佳人然離別主欲鍊
朝金闕生馬鈺踏雲行嚶囑汝心猿歇

卜筮子

人識山侗字誰曉山侗意大貌山侗人倚山
故作山侗謎 財色山侗棄玄妙山侗秘一
日山侗無道成未占山侗位

驚至清明近花到清明感奉勸清明遊賞人
別有清明景 我得清明永曠劫清明淨一
點清明無價珍便是清明性

我為中秋說休賞中秋節外景中秋不益人
內景中秋別 心到中秋歇塵自中秋絕金
遇中秋結大丹性似中秋月

洒掃陽關路開關陽關戶此箇陽關無點塵
堪餞陽關侶 既得陽關趣怎肯陽關住放
出陽關成道人起自陽關悟

師父重陽號鍊就重陽寶紫詔重陽赴玉京
方顯重陽好 我為重陽到菴為重陽造特
為重陽守服居符合重陽道

我遇重陽悟曾得重陽趣鍊就重陽絕盡陰
陰就重陽著 性命重陽聚三曜重陽輔不
到重陽不做仙仙自重陽做

和師韻

業重多思算豈悟之和彘深謝風仙特地來
便把頑愚喚 忿怒常思難性燭須教燦真
樂真歡散盡愁師弟常為伴

帶喝馬一聲

終日駕鹽車鞭棒時時打自歎精神久屈沉
如病馬怎得常遊冶 伯樂相師來見後頻
嗟訝巧計多方贖了身得志馬須報師恩也

又

天地水三官下界吹龍笛暮聽開元虎嘯聲
風伯雨師寂 至孝養孀親紅錦蛇吞麓六
路青牛駕寶車顯聖功端的

千祿已無心唯應三清舉鍾呂天差作試官
取捨非詩賦 考校實修持功行三千數相
應希夷得自然名錄神仙簿

恣逍遙

贈韓守玄

恣意逍遙逍遙恣意逍遙自在無營繫行坐
逍遙逍遙似醉逍遙到處似雲似水悟微
逍遙逍遙養氣逍遙裏面修仙計這箇逍遙
逍遙無比逍遙去蓬島十洲有位

長思仙

茶

一槍茶二旗茶休獻機心名利家無眠為作
差無為茶自然茶天賜休心與道家無眠
功行加

紫芝湯紫芝湯一遍煎時一遍香一盃萬事
忘神砂湯神砂湯服罷主賓分兩廂携雲
現玉皇

與劉處玄并示孟四元

看陽劉看陽劉福杖心持占岸頭眠雲枕逆
流萬緣休萬緣休金木相生性轉柔丹成
赴十洲

夢軒轅棄田園難繼夷門孟四元惟修性月
圓縛心猿認根源小小地兒俯視龜陽純
禮太原
過重陽牧青羊不著虛名遠遠揚惟修性日

賜慕荀楊樂飄颻豁豁洋洋豁豁洋洋通玄
風害伴

往南京撤取風仙靈觀

馬風乾有微言一別風仙恰二年恩心似倒
懸去無緣關盤纏乞化長安自肯錢成人

在眾賢

馬山侗馬山侗與箇丘仙和不同心交有始
終合西東合西東慧目相看別有功時時
現內容

正家豐不爭鋒猛烈灰心王宮風先歸三島

峯馬山侗過臨潼三髻頭梳似小童專專
化箇同

入南京赴蓬瀛顯出王風九轉成超然得上
昇寵何榮辱何驚三髻山侗絕利名何愁
性不靈

贈小張仙

小張仙小張仙款款搜尋采與鉛先須縛馬
猿氣綿綿氣綿綿龍虎相交玉蕊鮮金丹
一粒圓

贈任仙

左擊蒼右牽黃昔日存心飛走忙如今萬事
忘飲瓊漿宴明堂瑞氣祥光入絳房無中
得弄璋

葵銀鈺虎龍降自在逍遙吸九江從思惡肉
腔結紅霜赴蓬莊萬朵金蓮簇寶幢方知

好道龐

寄長春子丘通密

長思仙長思仙思憶長春子最賢何時得面
圓展花牋展花牋寫就清吟三兩篇專憑
鸞鶴傳

功要圓行要圓修鍊身中子母圓何愁性不
圓喜團圓十分團雲水風邀月正圓無分
晝夜圓

過重陽夢純陽發起心香禮正陽三師助我
陽鍊陰陽固元陽五色霞光簇太陽雲中

子抱陽

酒初醒夢初驚幻化何須戀利名灰心遠世
情月初明性初平倒泝清流過玉京黃芽
漸漸榮

屋貪多地貪多不若灰心厭事多崇真利益

多 天如何地如何富貴榮華待若何輪回
奈我何

贈魏害風

害風仙害風仙萬事俱忘理太玄調和汞與
鉛 結金蓮結金蓮九轉功成性月圓超凡

入洞天

贈零口權先生

出家兒處無為至死如同初出時何愁道不
知 內慈悲外愁癡絕慮忘機無執迷刀圭
有分携

朝清清暮清清淨淨清閑清淨清淨清淨清更
清 抱靈靈固靈靈靈顯靈明靈顯靈靈靈
靈更靈

墨浮圖墨浮圖悟徹浮生惡假軀回頭認本
初 莫躊躇莫躊躇急急修完無價珠功成

蓬島居

贈眾女姑

女姑聽女姑聽學取麻姑至淨清依他妙善
行 莫惺惺莫惺惺外做愁癡內自靈功成
赴玉京

贈六曲社丁李張三道友

休哀人休哀人急急灰心哀自身回頭結善
因 早搜真早搜真營養身中神內神功成
禮洞賓

望蓬萊 十七首

首化姚珩

破故紙綴襖可防風坐卧不愁寒水石雪中
敢採麥門冬從此得茯苓 浪蕩子常有自
然銅鼎內朱砂烹鍊就天仙子入白雲中蟬
殺顯山伺

馬風子獨自賞元宵別正命燈勝白晝放開
心月透青霄掌握紫芝苗 金童舞玉女更
吹簫酒飲瓊漿雖是美有些閑事不逍遙惟
恨少知交

馬風子因過蕭榮華乞蒼殘餘為活計真清
真淨做生涯烹鍊白朱砂 人莫笑一志實
堪誇大道朝聞甘夕死冰清玉潔絕纖瑕不
敢辱師家

馬風子昔日在迷津尋箇出期終沒計欲知
山上路兒真須問去來人 風仙至瑞的話

良因指我一條真捷徑無差無錯越紅塵晝
夜感師恩

馬風子忽想在家時火院熬煎無限苦心驚
膽顫哭聲悲悔恨出難遲 號叱罷感謝我
真師釣出凡籠修不二逍遙自在處玄機有

分看瑤池

開蟬

秋蟬噪聲細又聲長飲露食風聲不因聲聲
都了顯行藏使我起悽惶 堪嗟嘆模樣是
蟻蟻尚自超然蟬蛻去為人寧忍昧三元急
急養鉛霜

八日

來朝九今日訪龍山預賞黃花先落帽免教
鄭谷嘆多端終要久長難 馬風子別話一
般般性結重陽花緞郁萬年千載不凋殘未
永有餘歡

九日吟

酬佳節爭賞菊花忙盡說陶潛深得趣孟嘉
落帽與偏長終久落空亡 馬風子別有好
風光陽裏養陽陽養處木牛牽向牧牛場求

永慶重陽

十日吟

今朝菊人見意闌珊秋是秋香經一夜致令
鄭谷嘆多端終要久長難 馬風子別有一
般般萬頃白雲知去處金蓮花朵不教殘未
未道人歎

尋大道不在路迢迢雲水清閑真自在蛇嬰
相伴做逍遙此理有誰消 馬風子悟徹十
分喬兩脚輕狂街上舞往來獨許弄風颯明
月杖頭挑

道友修巷

丘與馬入道絕貪求欲報師恩常念三年
守服豈能休何處好藏頭 舊居址深謝許
同修但願我公同我志同心同德做同流同
步訪瀛洲

外顛倒愛慾似冤讎富貴榮華都不顧人情
濃處急抽頭物外做持修 內顛倒具火威
清流六月降霜麻麥秀三冬時雨潤丹丘雲
步訪瀛洲
修大道何必住深山混俗和光都看破萬千

塵冗不相干別有一般般 馬風子開裏更
尋閑見箇木牛哮吼走路逢石女笑癡頑喝
去入長安

馬風子業障忒愚頑不認洞天真供養却迷
俗禮假修完心意怎清閑 著外境欲要塑
師顏建塔修堂并立石不思施主出錢難罪
業積成山

馬風子創置屋三間動土興工經一載殺傷
螻蟻命須還死墮鬼門關 錯中錯這悔亦
應難造下業緣須受苦刀山劍樹定躋攀怎
得列仙班

羅公上樹隔環牆乞詞

馬風子不悟壞修行雖在環牆居處穩詩詞
引出假聲名惹得不安寧 誇伶俐却是不
惺惺自愧隱身身不密空成潦倒白頭生怎
得赴蓬瀛

春日鄆縣道友索

真消息律管定春期應候土牛先擊碎芒兒
閑散獨何之此理有誰知 馬風子憑仗做
修持恰到人牛俱不見澄澄湛湛入無為正

是月明時

西江月
四首

自勉

識破家緣冤苦忻然跳出鄉間秦川秀處作
蒼居未住未住未住 物外逍遙自在如今
寄甚家書還鄉便得赴仙都不去不去
長安運同惠道袍

昨日道袍破故今朝便著新衣有人問我這
因依且顯同知厚惠 又恐著他華麗棄之
更不生疑道家袈笠最相宜貧後安眠穩睡
心內常搜已過口中不說他非世人為處我
無為乞食街前不恥 日日飽食玉藥時時
爛飲刀圭一朝引出化生兒方顯道家活計
贈吳知網

學道休妻別子氣財酒色捐除攀緣愛念未
教無絕盡憂愁思慮 不得無明暫起逍遙
物外閑居常清常淨是功夫相稱全真門戶
又

學道休迷導引不宜修飾容儀相違世俗處
無為生計水雲無繫 功行修持何幸施為

殺了三尸一靈性月越瑤池奇異方知容易

贈清淨散人

一則降心滅意二當絕慮忘機三須戒說是
和非四莫塵情暫起 五便完全神氣六持
無作無為七教功行兩無虧八得超凡出世

贈明月散人

一道經花玉線二輪日月烹煎三車搬運入
丹田四海雲遊走遍 五色霞光出現六情
變作青蓮七真攢聚性圓圓八臂金剛伏善

又

地肺重陽師父呂公專遣雲遊秘玄隱奧訪
東牟釣我夫妻兩口 十化分黎匠手百朝
鎖戶機謀千篇詩曲找回頭萬劫同孟仙酒

又

不恥蓬頭垢面不嫌糲食羸衣不慚求乞做
貧兒不羨榮華富貴 一日功成行滿仙裳
天賜威儀星冠月帔履雲歸節步玳瑁玉珮

又

人總貪生盡死我今認死長生這般徑路少
人行悟後捨家勇猛 休說玄元難解我觀

容易分明要君守拙絕多能天地悉歸清靜

贈安靜散人俱守極

休要尋龍尋虎不須搜蛇搜嬰勿勞講論采
鉛精盡是虛名感德 只要心中清靜無為
便是功成慈悲相助氣神凝如此神仙有准

又

大道都來六字自然清靜無為有人依得合
希夷視聽何須眼耳 清靜內容歡喜無為
功就神飛自然雲步赴瑤池三島十洲仙會

又

莫論離龍坎虎休言赤髓黃芽勿談搬運紫
河車不說嬰嬌女姪 絕慮忘機最妙澄神
養浩尤佳無為無作路無差謬達靈根無價

又

守拙宜乎寧耐曾分秀氣三台龍吟虎嘯去
還來明月清風自在 五道霞光覆載神珠
養就鮮胎一聲霹靂洞門開始覺山侗奇怪

贈任守一

一不輕師慢法二遵清靜仙經三存精氣養
神靈四把塵勞拂盡 五戒無明業火六除

俗禮人情七擒猿馬未安寧八味瓊漿得飲

又

江畔溪邊雪裏陰陽造化希奇黃芽瑞草出
幽微別是一般香美 用玉輕輕研細烹煎
神水相宜山侗設罷赴瑤池不讓盧仝知味

又

海島丘劉譚馬因師各棄榮華逍遙自在樂
無涯休論高高下下 不會琴棋書畫些兒
營運無差眠雲卧月飲流霞醉後惺惺洒洒

又

是是非非遠遠塵塵冗冗捐捐人人肯肯解
冤冤步步灣灣淺淺 善善常常戀戀玄玄
未未綿綿明明了了這圓圓者者冥冥顯顯

又

物物般般認認常常戰戰兢兢心心念念恐
沉沉得得來來損損 日日清清淨淨時時
湛湛澄澄惺惺洒洒這靈靈燦燦輝輝未未

又

莫訝馬風厮閉人情且要和同至於行步敢
從容踏地仍懷恐痛 無作無為妙用常清

常淨真功住行坐卧逐王風豈敢心猿內動

勸劉先生夫婦

欲繼許君龐老捫心自付須知同心同德做
修持稍有相違遠離 三箇不如兩箇兩人
談是談非孤雲野鶴任東西豈有纖毫繫繫

又

盡說仙家飲酒仙家不欲糟漿自然玉液味
偏長澆醜黃芽榮旺 月下風前清爽薦盃
玉葉馨香醉經飽德訪蓬莊高卧仙宮方丈

又

學道腥羶不戒明知斷了慈悲五辛爽口慾
滋基怎比米精麥髓 二物包藏秀氣吾門
嘆素相宜修持功行稍相虧忘得長生久視

又

莫論心肝腎肺休搜南北東西勿言震兌坎
和離別有些兒奧旨 吸盡江河淮濟星辰
日月輝輝精神氣血赴丹池便得超凡出世

又

運用無時不可悟來有甚羞慚前三三與後
三三欲漏天機未敢 顧我完全玉性勸人

省悟銀鑿好歸物外訪玄談認箇不增不減

贈姚守清李守靜

學道須離火院搜玄參訪良緣守清守靜絕
般般乞覓於身大便 雲水須明內外牢擒
意馬心猿萬緣不著得神全酬了修行大願

贈虎先生

心坐勝如打坐心灰自沒心猿形如槁木目
安然物外般般怎染 養氣勿勞呼吸願神
全在抽添雲房深處求綿綿產箇胎仙出現

贈孫先生

學道完全性命養身乞覓殘餘真功清淨證
元初真行救人疾苦 此外並無作做心同
鷲食鶉居逍遙自在恰如惡應過三清仙舉

赴胡公齋

我會調和美饌自然入口甘甜不須醬醋與
椒鹽一遍香如一遍 滿滿將來不淺那人
喫了重添虛心寶腹圓根元飽後雲遊仙院

贈段知一

道隱身披布素心慈口遠肥甘逍遙物外住
雲菴昔日作為豈敢 伶俐番成情懂惺惺

變作憨憨段公休說不慳貪廣占雲煙似唵

又

卧化勝如坐化修行所貴真常假軀難以做
馨香何必臨歸者相 說破飛昇一著成仙
抵是神先天宮無用臭皮囊剪去深山掉樣

又

我欲只言清淨恐人入道徘徊聞揚龍虎去
還來初地多便奇怪 我倦論持嬰蛇恐人
別意胡猜誰知男子產嬰孩回首自然悟解

贈古知觀 截頭

貌先生姓古中不講之乎壬妙處用功夫道
是他省悟亦玄門得趣飛玉兔金烏君相伴
化頑愚意如同數畧

贈蔡悟真

我石榴栗果金却要公猜衣引箇白衣來是
人非不抹學非千大道元營養嬰孩端正
出君懷印何曾姓蔡

鳳棲梧

范蠡張良當日悟得寵還驚防患尋歸路若
戀功名夫險處如何却得達莊住 或問扶

風絲甚去京兆風仙遠遠親來度便覺靈明
常有主從今直入長生戶

物外逍遙修九九慕樂清貧寂淨無中有不

謁侯門常內守脫離天地人三教 子午門

封真卯酉白虎青龍對鳳頻哮吼佛面嬰兒

披錦綵蓬瀛路上堪遊走

清心月

起念破清齋貪愛必為災靈明何事別三台

竊蟠桃非止兩三次因謫降出蓬萊 豈比

棟梁林仙質肯塵埋大羅天上好安排鍊金

丹九轉功成日重去也免投胎

詭丹砂

一片無為霜雪心自然塵事不能侵長舒雲

袖舞雙林九轉丹砂生紫霧一溪白玉養黃

金山侗雅恨少知音

又

物外修持物外圍搜玄搜妙認根源牢擒意

馬與心猿先把虎龍收在鼎自然鉛汞得歸

元神凝氣結性團圓

過漢陂道支索詞

若匪雲遊到漢陂爭知此處隱瑤池人人怪
我不留題壁上珠璣碑上玉交光燦爛有餘

輝何須馬鉦再吟詩

贈趙公

萬種千般教得人怎生教你絕心塵悟來方

可得良因怕死自然恩愛斷忘機決定氣神

淳無為清淨合天真

寄南京道友

自愧無緣去大梁亦無心意學賢良夷門道

友我思量予在環牆調水火諸公何日絕炎

涼山侗叮囑悟黃梁

因觀無為菴記憶胡子金

霞友中條胡子金金波玉灑滌胃襟襟襟雲

水到如今看無為菴妙記記中字字燦于

衿衿拖光彩怎生禁

贈樂趙仙

一志投玄絕利名二無塵事氣神清三光攢

聚永安寧四序不分真造化五般霞彩結成

形六銖衣掛鶴來迎

又思胡子金

好箇中條胡講師通儒明道達禪機自然悟
解這些兒石女醉歸金虎窟鐵牛耕入火籠

池胎仙抹得紫靈芝

勸道衆

七十光陰似箭忙夜消其半可悲傷那堪日

日頻無常更想上床鞋履別尋思戀箇甚郎

娘不如物外做風狂

贈解劉仙

奉勸須看清靜經脫仙模子好搜尋湛然常

寂理幽深處處真常常應物自然無欲亦無

心運行日月作知音

贈劉處玄

無作無為道庶幾不須把釣坐漁磯常清常

靜好根基玉液通傳心絕慮全光灑濟性忘

機處玄通妙合三機

贈清風散人明月散人

鍊到無心正用功玉堂深處弄清風倒顛顛

倒結殷紅萬派寒泉枯藥鼎一輪明月出圭

峯本來面目赴仙官

自詠

昔日施為狡猾心聞人活路向前侵暗生荆棘
闌如林不顧傷神并損氣欲求積玉更堆
全行屍走骨作知音

又

今日常行惻隱心幽微玄妙要人侵雙垂雲袖
舞瓊林水裏搜尋木上火火中營養水中
金雲朋霞友作知音

寄呈道眾

澹泊修行不肯行常憂凍餒逞多能豈知飽
暖慾情生且恁寂寥瀟灑過休迷塵事與華
榮常清常靜大丹成

思郝仙

決烈修持是郝仙孤雲野鶴最翛然我雖環
堵望齊肩日日鍊心烹藥鼎時時運火補丹
田功成同上大羅天

贈張山老

休羨羅幃與絳綃紅爐跳出碧塵銷玄中玄
妙有緣消顛倒陰陽真了了不分白晝與清
宵一輪性月上丹青

贈馬姑姑

玉女瑤仙佩玉瓢芰荷香裏弄風颿西江月
內採芝苗九轉功成長壽樂三田實結恣逍
遙迎仙客去上青霄

贈王公

玄上玄玄且莫尋日常除剗我人心清閑歡
樂作知音莫向靈臺留一物自然結正水中
金恁時雲步上瑤岑

化卧單

三髻山侗化卧單諸公休要做艱難三條乾
布有餘寬每幅度量須六尺適為二九體長
安不愁炎暑與嚴寒

贈于瓦觀

瓦觀先生俗姓于三千里路乞殘餘逍遙坦
蕩稱吾徒常認此般真活計自然不受世情
拘修完性月照冰壺

寄趙居士

淨淨清淨淨淨清澄澄湛湛澄澄澄冥冥杳
杳杳冥冥末末堅堅堅永永明明明明明明
明靈靈顯顯顯靈靈

贈王公墨字

運三車入寶瓶花燦爛玉堂明光照耀鬼神
驚散陰魔精自秘藏丹顆性靈靈明出現
絕多能

西樓月

勉道友

閑行閑坐閑眠養丹田常把東西南北合和
煎處玄妙波中煉用抽添五彩霞光覆載
一胎仙

常清常淨常閑脫塵凡自在逍遙雲水訪龍
山瓊漿酒無中有養金丹鍊就重陽歸去
列仙班

拋毬樂

贈岳悟道

情忘念斷生光瑩自然現澄清景瓊花滿樹
都無影於中好掛心鏡光明燦爛分邪正

這身體終歸棄元初面目今番淨專候玉
童請

童請

夜行船

秘奧豈愁天地管處玄機故然貧懶守服環
牆高而不短馬風性無寒暖常蕪心香慵

執卷師恩報何時願滿功行周圍得歸銀漢
雲步向前相趕

菊花新

碧洞深藏真景致黃白花開金玉異不住有
祥雲甘露降瑞中增瑞 孟嘉落帽陶潛志
又爭知這頭瞻視日日慶重陽功行滿六鉢
衣賜

鍊丹砂

天水朔雲蒼遠勝精藍雲朋霞友日常參恰
似栽松招引鶴豈是貪婪 若肯悟清談管
有香甘田園分付與兒男欲住蓬瀛先改作
落魄婪耽

化生兒

和重陽真人

得遇忻然別東州訪地肺恣遨遊水雲自在
沒憂愁這攀緣第廿六變念休 保護根元二尾牛
運玉采倒顛流金丹結正不持修闡玄談般
若丹

臨江仙

乞覓殘餘真活計無羞無恥無榮捨身豈是

喂飢鷹亦非為虎食不著假身形 萬種塵
勞齊放下自然神氣靈靈心後意馬兩停停
無緣沉苦海有分看蓬瀛

長安新出家者

此箇龍西明大道看來俗累難拘報子天水
慕清虛彭城歸正覺割愛後來間 更有段
公明慧性悟來巧變癡愚山侗聞得證無餘
忻然如大醉認得本來如

贈鳳翔酒郎中

杜康造底昔日文君當壚沽底暮想古來畢
卓親曾偷底是劉伶十分偏愛底 帝前李
白曾吐底樂巴起慈救火遠嘆底司馬相公
常常尊尊誠底又爭知是郎中貴姓底

漸悟集卷上

漸悟集卷下

崑崙山馬丹陽撰

南柯子十二首

贈陳三翁

在俗非為俗居塵不染塵如運不著水之因
萬卉千花一葉不沾身 營養心中性修完
身內神各人了了繼何人龐老全家拔宅許
真君

予戒酒肉茶果久矣特蒙公見惠梨
棗就義成亂道一篇

悟徹梨和棗寧食酒與茶我今雲水作生涯
奉勸依予早早離家 我得醉醒趣君當
生死趁同子物外鍊丹砂九轉功成步步
煙霞

自誠

兒女心頭盡田園意上除金銀財寶與妻孥
物物般般屏棄恰如無 却著人情事堪嗟
性蠢愚不如一撥守清虛無作無為便是好
功夫

贈眾道友

心地頻頻掃塵情細除莫教坑壑陷毗盧
常靜常清方可論元初 性燭頻挑剝曹溪
任吸呼勿令喘息氣聲轟轟晝夜綿綿端的好
功夫

贈馬懷玉

意動心須動心除意亦除無無寂寂寂還無
神氣和同子母得安居 莫覓曹溪路何須
問尾閭真清真靜養真如真樂真閑真箇好
功夫

又

昨日因何喜今朝為甚悲喜他向道慕希夷
悲則因他華麗不相宜 既欲搜玄妙須當
做乞兒蓬頭垢面背景垂意靜心清便是上
天梯

七夕吟

天上初流火人間乍變秋鵲橋銀漢瑞雲浮
織女今宵何處喚牽牛 閨女離閨閣無愁
自起愁焚香乞巧拜無休恁肯灰心守拙列
仙侍

又

夢裏遊郊野骷髏告我來哀聲聲切勿聲哀
自恨從前酒色氣兼財 四害於身苦心心
竟不灰致令萬劫落輪回悔不當初學道做
仙材

又

王與馬相見心交應宿緣太原梁死已昇天
記得當初留語再相傳 守服須三載持心
更五年誇人歸善行功全此箇扶風重禮害
風仙

又

但願三丹結何愁兩鬢蓬頭垢面羅凌羅
十二時中謹謹養沖和 不羨相如志無心
繼伏波馬風題柱意如何不做神仙不過灞
陵河

又

無使名過實常教實若虛藏機隱密恰如愚
閑問心王何處用功夫 性做長生寶身為
大藥鑪鍊丹須要飲醍醐醉卧瓊樓調弄夜
明珠

又

不羨人先悟惟愁我未愚蓬頭垢面背虛都
身做行卷到處得安居 不著人情絆常教
我相除道速自在箇塵無物外山侗不解會
功夫

遇真人

重陽師父談爐竈全在心田了山侗亦認本
來真性停命住來是吾神 從今內外成
顛倒漸漸通明道故將詩曲勸多人猜得春
花秋月好為親

惜黃花

和師韻贈長安范公

棄財戒酒藥囊繫肘常清靜便把虎龍引退
心起大慈悲人人盡欲教化愚迷詩詞如呪
休要攀花柳速修神秀玉壺中有箇自然
紅狗日日吠青霄誰知合若口更披雲能飛
解走

無夢令

一首

贈景公

物外先生姓景酒色氣財常警稍覺偏頗
不待他人自做自做自得步長生內境

贈蓬萊散人

一志孤清守道十地遍生芝草百行謹行持
千日鍊成真實真實萬劫容光轉好

又

莫訝邇來栽竹非戀眼前碧綠惟愛歲寒心
使我自然不俗不俗清靜志堅仙福

贈岳散人

悟道散人姓岳祕密玄機把握終日撫心琴
便是蓬萊仙樂仙樂仙樂聆透身中華嶽

又

物外洞天金雨澆溉九還之數猿馬兩澄澄
自是性侔命住命住命住產箇胎仙飛舉

又

三髻山侗愛笑好弱歸之一笑不是我如斯
有箇內容欣欣笑笑真樂自然歡笑

贈京兆權先生

妻妾兒孫一假金玉珠珍二假三假是榮華
幻化色身四假知假知假說破浮名五假

又

一避無涯火院二避利名榮華三避敬欽頻

自是田分三段堪着堪着金玉結成光燦

感師

地肺重陽師父化我百朝扁戶却欲報師恩
三載頷心環堵養素養素體掛靈明紙布

又

譚馬丘劉四絕好弱各無分別因遇別東牟
故訪西秦養拙養拙養拙直要清貧做徹

贈傳散人

此箇散人姓傳不戀榮華貴富物外做修持
玄妙性中分付分付分付蓬島將來趨赴

贈李悟道

悟道姑姑姓李素了人情俗禮決烈似男兒
搜獲玄中玄理玄理玄理只在西江月裏

贈紀散人

悟徹人生能幾筮了滿頭虱蟻樂道處真常
十二時中鍊已鍊已鍊已做箇神仙網紀

贈于面前先生

惆悵煙霞伴侶堅意辭予歸去不念我伶仃
守一清清環堵環堵環堵終日無情無緒

又

志在環堵養拙是是非非不說終日似憨癡
逗引箇中歡悅歡悅歡悅便是山侗活業

又

馬劣猿顛濁夢虎遶龍蟠清夢無作更無為
性住命停仙夢仙夢仙夢氣結神凝無夢

又

寶殿金門玉鎖要看搜尋雲采無影鑰匙兒
便把轉關別過別過別過自是無昇無墮

長安賈散人

此箇散人姓賈悟徹身軀是假急急便投真
物外修完純嘏純嘏純嘏內飲何須持掌

贈宋知柔

歡樂滌除煩惱清靜自無塵惱真氣遍三田
結聚琉璃瑪瑙瑪瑙瑪瑙自是還金補腦

贈權知微

權老萬緣一擊意馬心猿頓歇杳默湛澄中
無影人人權悅權悅權悅性似清風明月

贈劉先生

不得迎之見首怎得隨之見後仰視愈滿高
鑽刺轉加堅厚堅厚堅厚悟徹頭頭觀透

贈元公

德茂元公兄弟月帔星冠遂意素勸更修持
爐鍊丹砂無比無比占得蓬瀛仙位

又

傳語兩宮道士日用剪除塵事爐鍊白朱砂

內境內容瞻視瞻視瞻視此際山侬參侍

又

傳語終南道衆早把良緣勤種保守氣精神

調攝烏龜赤鳳赤鳳赤鳳化粒金丹高聳

又

便把那人喝住莫使狂行一步日日處真常

自有神珠堪顧堪顧堪顧共作長生伴侶

贈謝散人

此箇散人姓謝富貴榮華不藉猛烈入玄門
修葺洞天臺榭臺榭自有花開不謝

又

信步如同雲水看遍秦川八水不似棟梁間
萬派逕留神水神水神水便是山侬真水

又

物外茅齋映竹一飽殘羹冷粥樂亦在其中

記得風仙叮囑叮囑叮囑保養靈明性濁

贈安靜散人

欲要病源除削便把塵緣拈却心上去憂愁
性內真歡真樂真樂真樂此者仙家一著

又

潑殺無明業火保守爐中水火固養本根源
决要水中生火生火便是山侬具火

京兆譚急脚索

且做塵中急足有日清閑願足隨分更隨緣
自是常常知足知足捉住金烏三足

五更寄趙居士

一鼓孤眠內守寶陸用雲耕透密種紫芝苗

自是洞天無漏無漏無漏坎虎離龍交媾

二鼓孤眠內守雲綻遍天星宿日月兩交光

自是寶瓶無漏無漏無漏起陸龍蛇戰鬪

三鼓孤眠內守重把玄門頻扣喚覺箇中人

自是玉闌無漏無漏無漏蛇女嬰兒携手

四鼓孤眠內守謹謹小心防寇慧照破邪魔

自是金精無漏無漏無漏一點靈光結就

五鼓孤眠內守湛寂無中得有應物處真常

自是神丹無漏無漏無漏顯現胎仙清秀

又五更

一鼓乾坤入洞便把虛無拈弄離坎自交宮
澄湛寂然無夢無夢無夢別我魔軍大慟

二鼓孤清妙用顛倒顛看供遍地長黃芽

便覺箇中無夢無夢無夢八味水流梁棟

三鼓玉金深種始覺元陽運動丹鼎紫煙生

氣爽神清無夢無夢無夢一點靈光堪寵

四鼓嬰兒跨鳳蛇女欣然持性命兩停停

自是睡輕無夢無夢無夢瑞氣祥光簇捧

五鼓衆星相拱應物無勞擒縱時顯夜明珠

無睡無眠無夢無夢無夢五絲雲蹤纏踵

木蘭花令

和師韻

諸公日日開團聚飯罷時時眼厮覷專專惟

望馬風言怎敢玄玄輕泄露常常只把氣

神護謹謹調和龍虎徐徐鍊就九還丹箇

箇成仙雲外去

萬年春

緣甚修持風仙釣出侵雲構靈苗秀幹運兵

毋非是調羹手 小過誰無語失當緘口班
行後怎生依舊除是隨風走

又

自己園亭無分晝夜宜重構黃芽秀欲携雲
毋那裏須垂手 無相人人驀地開金口明
先後須當遺舊拳出元初走

又

堪嘆人人波波劫劫貪名利何時已眼光落
地到此纔方悔 雖有兒孫要替應難替醉
生淚甚家滋味想著心先碎

又

奉勸人人塵中莫競錐刀利心先已勿欺天
地事在前頭悔 欲免輪回休望兒孫替休
垂淚道家真味把恩愛先鍊碎

夢得一枝白筆

昨夜山侖夢遊蓬島逢鍾呂文房數一枝純
素不讓蒙恬做 遠勝江淹五色何曾汚相
宜處書心開悟堪應三清舉

又

冬至陽生迎春撥雪黃芽好人驚早香如芝

草玉碾勝磨搗 神水烹煎自是除陰耗金
童報絕品珍寶跋罷遊蓬島

贈陳知命

地肺陳公白毫顯出非常異人難比希夷苗
喬肯著塵凡累 猛捨家緣物外搜玄理清
心意自然澆溉太一沖和氣

贈興國寺修塔僧

物外高僧澄澄湛湛真禪利真禪利心無察
察理趣常搜剝 玉性玲瓏處處皆通達皆
通達無拘無轄壘起黃金塔

甯解元許却菴門以詞督之

譚馬丘劉專專卓箇菴兒住修行處未知門
戶有箇先生許 翹俟嘉音萬望垂青顧如
無悞決登雲路豈敢忘恩府

勸道友

去去來來來去去何時了堪失笑利名纏
倒衣換知多少 奉勸人人早把元陽保休
虛耗結成珍寶得赴蓬萊島

詠李實菴名靜樂

常守行菴常清常靜常常快常搬載日常寧

耐自是常交泰 真樂真歡應物真常在真
無壞真如光彩得做真良价

詠李公慵軒

物外慵軒閑居放坦無為作無為作自然期
約心腎相交錯 二氣成形結就靈丹藥靈
丹藥銀霞覆却展起騰雲脚

巫山一段雲

贈三一居士

幹運清神境修完耀洞天九層臺上聚祥煙
端坐碧霞軒 開闢瓊林雅宴賞說箇中深
淺咆哮金虎戲波濤響動未成龍

又

玉女開金殿金公鐵玉關真清真淨養胎仙
雲透坎離間 貪看靈光上下忘了之乎也
者神珠吐出九般霞跨鶴赴仙家

又

赤子餐青母紅蛇咬黑龜祥光瑞氣可成衣
尚自更持危 調引蛇嬰嬉戲緊把玉關封
閉一輪性月晃清霄雲步訪三茅

又

霞友無塵慮雲朋絕事情氣神相結淨中清
談笑大丹成 好把碧桃採摘專獻蓬瀛仙
客大家同共慶重陽開宴一齊嘗

又

休要呼師叔相看若弟兄鍊心雲補玉京城
何必謁公卿 因撫心琴益壽謂飲刀圭戒
酒瑤臺上面放瓊花同去步煙霞

贈明了仙兄弟

會握青銅劍能銜白玉杯虛心實腹養瓊瑰
平地一聲雷 誑殺三尸六賊火裏金蓮開
圻自然顯現箇靈童雲步太虛中

又

鐘養長生藥園開不謝花充飢旋旋採靈芽
消渴飲流霞 閑看玉蟾光灼忽見金鰲躡
躍兩般遊戲上青蓮風曆怎排年

又

醉卧琉璃帳閑看翡翠簾自然俗慮絕毫纖
寶鼎玉花添 藝起心香性炷引動麟飛鳳
舞龍蟠虎逸戲神珠丹結赴仙都

又

黃鶴松間睡青鸞潤畔樓白牛因卧紫靈芝
丹鳳宿瑤池 唯有靈童放耍來往恣情遊
迢通天徹地月明中顯現至真功

又

洞裏乾坤異備然看不窮虎龍闖入白雲中
不見往來蹤 姪女嬰兒忒嗔爭把崑崙頂
戴瓊瑤撞透出靈胎踈鶴去蓬萊

又

玉線穿三穴金針透九關自然得見內容顏
雲袖凭來攔 正看瓊花爛熳地青衣叫
喚紫微詔下赴蓬萊仙籍已安排

又

性燭生青焰心香裊紫煙命燈結正玉花鮮
慧目看金蓮 此箇山侗雅趣出自風仙師
父一朝九轉大丹成玉帝詔仙卿

蘇幕遮

在長安弄鐵馬騎道友索詞

馬風兒悟玄理不向蒼楹看恁成家計參從
風仙何事喜舞袖輕搖撼動聲清美 勝驂
騶無縈繫不戀銀鞍免使人鞭捶轟地玳瑤

聲韻起自在逍遙直上青霄裏
闌角兒梳得好妙手奇功悟後呈些巧箇箇
踈來無倚靠各各怪怪蟻虱須教少 張打
由李飽老見我風狂鼓掌呵呵笑此箇機關
人怎曉返老還童內外成顛倒

贈張善道

耳門聞心煩惱日日憂愁不覺容顏老眼做
看門招病早口是禍門德喪身亡了 鼻玄
門通大道日用不勤喘息綿綿好傳透九宮
成至寶久規長生雲步歸蓬島

到萊州復歸寧海鮮墳

此回來緣甚故不謂營生不為兒和女不謂
榮華誇五袴思憶劬勞特地鮮墳墓 奠酒
時開地府九祖生天共結神仙侶非是修行
難救度何必三牲祭祀千千數

別鄉

棄榮華披破蓆養假崇真茶飯須求克忘了
從前親與識此別鄉閑恣意閑遊歷 主人
翁須愛惜六賊三尸慧劍頻頻劈引靈童
常跳躑真樂真閑大道成無極

勸長安道衆

苦海中勞四大競利爭名箇箇皆寧耐爭把
元陽都損壞前有輪回著甚機謀解 道門
中起三界太上巾包悟者欣然戴意淨心清
無罣礙固養靈根性命長在

看送孝

有微言深可說免死孤悲傷類聲悽切人見
人亡寧喜悅大限來時莫也無分別 願回
頭搜秘訣猛捨家緣頻把心猿歇修鍊金丹
收白雪九轉功成永永無生滅

別子

出凡籠無繫絆落魄焚馳日作無常觀十四
兒孫都棄拚自在逍遙風月為吾伴 背葫
蘆携鐵瓶壺貯瓊漿瓶內靈芝按渴飲飢食
增壽筭天助真風有箇瑯琊

自害風

遇王風風傳我風發颺颺風害家緣破拈弄
風颺團水火風子熾熾風韻閑吟和 順風
行迎風坐飲罷真風更枕清風卧施布仁風
功行大自許扶風風裏成因果

贈馬公

好雲遊是馬鈺幸遇華宗一見如親族拜禮
從今為骨肉仰荷恩憐終日閑相逐 告吾
兄聽我獨莫慮兒孫自有兒孫祿願早灰心
明性燭占取清閑修取將來福

鄆縣吳公惠勉

吳先生惠我麩親做危人妙手挽和軟細細
搓來成玉線致在鍋中水火同烹鍊 覺馨
香成美饌四箇平分各各無深淺欲要充飢
須九轉飽後雲遊處處行方便

風發

害風王扶風馬各做心風總把家緣捨吟詠
清風明月下風裏尋風搜得真風雅 順風
行隨風耍處處風傳結正風無價字握風颺
持玉竿馳騁風流共把風雲跨

自戒

不慳貪不諂詐不憶家緣不說鄉中話不著
世情不著假不做詩詞不教言行化 志彌
高心轉下雲水清閑內養丹無價樂在其中
欣放要姓氏人詢倦應扶風馬

又

過風仙心開悟人我心無無愛無憎妬一切
女男同父母三教門人盡是子師父 好清
閑喜歡舞書乞殘餘夜宿悲田所上下中丹
常密護九轉功成蓬島通雲路

在南京乞化

穿茶坊入酒店後巷前街日日常遊過只為
飢寒仍未免度日隨緣展手心無倦 願人
人懷吉善捨一文錢亦是行方便休笑山侗
無識見內養靈明自有長生驗

贈李哥緣梅要出家

李先生難捨俗出去還來壞了崑山玉覆水
重收絃斷續一事無成惹得空撈漉 悔前
非明性燭火滅煙消心上休懷毒欲與馬風
開廝逐直待年深看透伊心腹

勸李哥

羊兒皮虎兒質害物心機晝夜無寧息雖惡
肯將兒子食休逞威風真性宜調習 親非
親識非識雲水清閑內外常遊歷日用三食
憑乞吞滅盡無明便是波羅蜜

鄉中上街求乞

捨家緣須用斧劈碎恩山豈肯重修補猛烈
灰心尋出路自在逍遙認箇清閑處 有因
緣方可悟改變衣裳道服惟麻布莫訝鄉中
求乞去滅盡無明直上青霄步

和師韻

清淨門華弱戶忍尋家風朴實為公據無作
無為成活路自在逍遙雲水通行步 絕聰
明効愚魯兀兀騰騰不起關恩慮面垢頭蓬
身糞土萬事俱忘堪應三清舉

李公實索慵軒詞

不梳頭不洗面餒在其中喫飯心懷倦無病
開眼身懶轉有客來尋問著仍慵喘 不燒
香不禮念落魄嬰耽酬了今生願日用不勤
功怎見紫詔來宣大道無為願

懷甯伯功惠鞋

清更冠伯功履見惠山侗別有非常意使我
頂天并立地俯仰觀瞻無作兼無愧 得斯
因無限喜出戶迎賓何惠殊無禮更向就中
搜奧旨上下冲和得赴青霄裏

瑞鶴鳴

寄華清道衆

環堵圍合洞中天瑞氣祥先愈接連白鹿懷
中常穩坐青牛背上得閑眠 驪山不到經
三載華岳相連近四年霞友雲朋應怪我爭
知此處結金蓮

勸道友

清虛雖好戀家緣著甚因由上得天頂戴恩
山猶論道身居苦海尚擎拳 是非窟裏功
難就名利叢中果怎圓若回頭尋出路如
何只恁做神仙

住環堵

冬雖無火抱元陽夏絕清泉飲玉漿蠟燭不
燒明性燭沉香無用爇心香 三年赤脚三
年願一志青霄一志長守服山侗環堵內無
思相報害風王

過楊柳渡

馬風寧海遇過陽西入關來放肆狂好看極
溪楊柳渡喜遊竹徑杏花岡 秦川鋪錦宜
春睡渭水橫絲繫日長勝景無窮吟不盡命

工圖畫比仙鄉

詠茶

盧仝七椀已昇天撥雪黃芽做膳仙雖是旗
槍為絕品亦憑水火結良緣 兔毫盞點鋪
金粟蟹眼湯煎瀉玉泉昨日一盃醒宿酒至
今神爽不能眠

居卷

聞人相訪有何妨唯恐聞人話短長真樂真
閑無議論至微不至妙絕商量 是非欲說氣
神散名利繞言道德忘不若澄心常默然自
然彼此得清涼

督韓三官人

男兒決烈在言談口契相違亦害欺雖是韓
三疎馬二索何馬三憶韓三 養家便是甘
中苦學道須知苦裏甘甘苦甘還省悟出
離大院住雲卷

收家書

家書接得急開封正值糊窓要辟風我意難
隨你意去道心不與俗心同 行功未滿大
千數雲水須遊太一宮傳語兒孫并弟姪後

來書至擊牆東

又

心香藁起唱行香其察真閑興味長便覺眉
頭無利鎖何愁身上有名韉 昔年曾作肥
家子今日還為出舍郎到此道還常自在哩
唵哩囉又何妨

贈眾道契

修行何處用功夫馬劣猿顛速剪除牢捉牢
擒生五彩暫停暫住免三塗 稍今自在神
丹漏略放從容玉性枯酒色氣財心不盡得
玄得妙恰如無

又

道人財色酒雖無一點無明著甚除惡念不
生歸瑩素觸來勿競證元初 我人起處愁
無極煙火消時樂有餘欲學神仙須忍辱莫
交燒了那真如

聞鄉人來到以詞聊代家書

斬釘截鐵不思家永絕狐疑未棄家足履白
雲尋羽客杖挑明月訪仙家 鄉中園館非
吾宅物外蓬瀛是我家自在逍遙無宿慮何

須重話舊時家

又

人人學道總勞勞箇箇心高志不高煙火塵
除生怨惡塵情不斷起食餐 欲搜玄妙消
三業猛向根芽下一刀常淨常清常忍辱無
為無作列仙曹

又

昔年常被利名枷苦海波中喜戴枷堂下兒
孫如玉扭眼前妻妾似金枷 至迷馬鈺因
何悟得過風仙便脫枷開裏尋閑得閑趣如
今寧肯復投枷

又

勸人休要問前緣但肯回頭是宿緣不想浮
生難猛悟稍知虛患近良緣 無心入道須
無分有意投玄是有緣自古神仙皆出離在
家怎得好因緣

又

風仙風害得真風留下家風要害風通密丘
仙能纏躡山侗馬鈺應扶風 勸人休作夢
中夢學我能尋風裏風或問風因親說破投

玄遠俗做心風

贈斗門李公

不須遠遠尋師自是神仙自是師真淨真
清真至理至微至妙至真師 愛憎不盡難
求道人我仍存枉拜師你意不能隨我意我
心怎做你心師

又

秦川勝景果非常最好終兩珍藏鄉竹徑梅
溪生秀氣鳳巢龍窟吐祥光 雲卷處處成
雲集道友多多論道長劉蔣村名今改變人
人傳說會仙莊

過仙槎

贈清風散人

勸勸物外修謹謹心中掃漸漸絕塵緣細細
通玄奧 靈靈大藥成燦燦神光好得得過
仙槎穩穩歸蓬島

和師韻

三光固下元六度清中闕九轉上元燈照見
長生月 無分晝夜明光彩連綿發顯出箇
胎仙生死今番越

寄晏公

休心絕是非滅意除人我酒色氣財無生死
輪回趁 祥光結寶花玄露成珠顆自是遇
仙槎便得跨雲采

又

名成好息心利遂堪回首猿馬不輕狂龍虎
相交媾 常教玉戶開莫使金闕漏九轉大
丹成萬劫神清秀

養家苦

贈賈伯功

○ 養家苦火坑深萬塵埋沒不能禁遇風仙物
外尋 修行好鍊陽陰淨清能見水中金現
光輝罕寶罕
養家苦鎮常忙忙來忙去到無常作陰囚住
鬼房 修行好不曾忙開開裏守真常得
修完玉洞房
養家苦贍他人衣豐食足尚嫌貧運機心夜
了真 修行好作閑人自然憂道不憂貧鍊
頑心養至真
養家苦似蜂度抹花成蜜為誰甜肯隄防蛛

網粘 修行好做風度舌生津液玉漿甜澆
黃芽無惹粘

養家苦特食饕家豐又待望官高過危難無
計逃 修行好不貪養埋光隱迹恐名高處
無為生死逃

養家苦應塵緣鋪謀活計望千年奈凡軀不
久堅 修行好結良緣功成行滿不排年做
神仙因志堅

養家苦沒程頭一朝身死作陰囚見閻王不
自由 修行好有程頭三千功滿不為囚做
神仙得自由

養家苦喜相違常常思想死生危怕從前火
院圍 修行好處無為神珠光彩透簾幃現
靈童相貌威

養家苦沒休期危危險險似圍碁被人毆無
禱祈 修行好最稀奇蛇嬰爭把虎龍騎獻
胎仙鳳與麒

養家苦為妻男是非禁辱飽經諳限臨頭事
怎甘 修行好子端雨神丹燦爛乘行菴宴
瑤池德飽酣

修行易斷情難始初分解最艱難管無常破
盡難 心開悟沒疑難覺從前事養家難學
神仙有甚難

思微妙想塵緣兩般搜索要精研但知空向
道堅 心清淨意通玄自然知道沒言傳達
無為作大仙

解佩令

和古韻

山侗猛省因師法旨覺從前不是不是剔正
根源要日月壺中並至透玄關應希夷理
龍吟虎嘯能行能止割昏迷慧刀鋒利鍊就
神丹金盤托聊充微禮獻風仙博本師喜
摧強挫銳常搜已過處真常毋勞打坐每向
人前須做小無心做大坎離中虎眠龍卧
不憎不愛無人無我又何愁非災橫禍自在
逍遙與雲朋霞友唱和占清閑自家幾箇
梅花引
贈白先生
脫塵子逃生死物外逍遙雲水似起真慈起
真慈暗助真功常常得自知 逗引蛟龍歸

虎兒水裏燈光明久視結靈芝結靈芝携去
蓬瀛專專獻我師

贈眾師兄

子端午龍蟠虎莫使馬猿偷眼觀氣神魁氣
神魁海底靈龜依從鼻吸呼 女姪嬰嬌雲
裏聚欲赴蓬瀛路上去鍊江湖鍊江湖結就
金丹方知王性孤

贈老李先生

怎分曉迷虛矯愛戀家緣何日了著塵器著
塵器鐵做人遭他火院銷 猛悟無常非
事小跳出凡籠搜密妙樂逍遙樂逍遙坎虎
離龍降來入玉瓢

憶王孫

和重陽真人

心清步步入玄門意靜霽霽就本根薦地聽
聞沒口論性無昏一點靈光萬劫存

又

長安雲步去還來萬朵金蓮火裏開獨飲刀
圭勝濁醅雨三五滌盡凡心有甚災

又

麻衣紙襖度冬寒暖閣紅爐未不着認正些
兒理的端氣神安結就無為九轉丹

愁郭郎

贈重陽真人姪王周臣

休要强貪名利休要强娶男免輪回生死苦
做癡愁 清淨自然明道神氣自相參功成
朝玉帝跨雲驂

金花葉

贈徐安神

欲要靈明瑩徹向心上速宜解結便莫受家
緣火燄棄妻男產業 遲俊寧如養拙引龍
虎休教急切自然悟神仙妙訣本來真難滅

青玉案

贈染何先生

無涯火院常籠罩似醉夢難分曉費弄惺惺
非要俏爭財競氣戀妻男算到底終須掉
譬似無常坑害了便急急搜玄妙固養靈根
真火燎澄澄湛湛證元初大藥就天書詔

調笑令

和師韻贈張馬二公

調笑論微妙月內銀蟾端午跳中宵日裏金
雞叫坎虎離龍園遠忽然撞著姪嬰召共守
丹爐了了 山峭彩霞照一顆神珠常吐耀
無窮端氣長籠罩更有祥煙裊裊三清專遣
青童詔報道無為功要

四仙韻

丘劉譚馬幸遇風仙親教化一別山東雲水
秦川興不窮 清貧快樂自在逍遙無做作
清淨門庭闌出家風合聖經

又

丘仙遙密隱跡磻溪人不識過妙劉仙未住
終南昇萬緣 譚仙通正志在清貧修大定
三髻山侗頷處環牆也放慵

贈徐玄之

神翁由喬骨格非凡人怎比猛捨家緣物外
搜尋玄上玄 天長地久走玉飛金常在手
營養黃芽道疏從今稱碧霞

贈煙霞散人

謫仙狂悟富貴榮華都不顧改變衣裝道服
雲包似帶長 擒猿捉馬不騎容儀多姪姪

玉性無塵相稱煙霞一散人

又

譚仙通正悟徹長真修玉性馬鈺山侗豁豁
洋洋似害風 劉仙通妙把捏長生真了了
通密丘仙修養長春不夜天

又

處端遙正道號長真真上認自在逍遙撼碎
岩前汲水瓢 處玄通妙道號長生真了了
慎勿先歸且伴長春丘處機

又

山侖馬鈺學道宜乎除愛慾却殫詩詞怎得
功成現紫微 如何猛悟減字木蘭花裏許
百拜詩魔休似從前返倒何

又

詩詞作孽妨我清閑仙舉業猛悟心驚如向
深淵復薄水 便疎筆硯却與氣神相卷戀
懶裏尋慵無作無為是馬風

別南京折字

今拜別住逍遙金玉宅虛門開裏人人不復
來 金成寶脉嬰兒擎碼碯與山侖去蓬瀛

禮呂公

過靜遠鎮

兵尋我戰叢中誰解禍辯如鋒木和同是夏
公 今清脫免日烏同作活底然香謝恩人
魚鼓液

掛金燈

贈重陽師父姪王周臣

絕攀緣心上生光瑩朗然變化無窮異景這
竅妙教賢省 內貌宜乎速整悟後分凡聖
巨初靈明火內正勁煨煉出清中靜

滴滴金

贈蔡公

水雲自在逍遙客木金聚更無隔嬰蛇從此
認知識看無中顏色 虎龍戰鬪曹溪側鼎
爐內鍊黃白大丹成就有誰嘗蔡先生消得

德報怨

贈吳知綱

急性更為緩性意靜自然心靜憎愛兩俱忘
絕炎涼 虎達龍蟠光瑩丹結玉童邀請舞
袖出崑岡赴蓬莊

金雞叫

化李仲達

撞著鯨鯢須索釣拋香餌時時引調洋洋不
顧迷波淼休要和趁與你如膠膠 擲下金
鈞常攪擾如回首牽歸玄妙將來決定成仙
了朝拜三清出自我金雞叫

又

日日朝朝常報曉誰知道人人錯了孽孽為
利貪虛矯性命俱忘財色心奸狡 惡業無
涯陰德少將來事一場不小無常限滿艷都
召鬼使擎拳嗔不悟我金雞叫

又

日日朝朝常報曉徒人省搜玄搜妙孽孽為
善回光照勘破浮生便把家緣掉 九曲明
珠安九竅絲連蟻火光頻燎往來穿透功夫
了得赴蓬瀛出自我金雞叫

又

火院中間常火燎憂兒女形容衰了傍人替
你生煩惱投獻詩詞萬望心明曉 不測無
常非事小悟來後便搜玄妙蓬萊雲路通關

要鍊就金丹自我金雞叫

又

外騁惶惶非是倘內修持些兒最妙真如一
點三光照藝起心香自有祥煙罩 李四高
人如悟曉無中有非常冥香胎仙舞袖麾靈
耀跨鶴騰空出自我金雞叫

又

元是神仙何不曉聽予勸家緣事小迷津苦
海須當跳一箇靈明免使塵籠罩 物外澄
心通密妙常清淨龍蟠虎遶神丹結正騰輝
耀返老還童出自我金雞叫

又

日暮殘輝何不曉好收心回光返照宜乎急
急搜玄妙疾速修持莫待西沉了 物外修
仙非是矯早認取言鈞語鈞詩詞香餌吞些
小躍出迷津悟得我金雞叫

又

入道已蒙相許了火坑深宜乎猛跳男兒出
語無虛矯慎勿遲疑休使傍人笑 斷制家
緣回日早休似鶴留言華表從斯馬鈕登高

眺奉勸吾兄莫忘我金雞叫

又

三髻山侗開笑離鄉井無愁買惱憂他性
命無心了終日哀人忘了自家道 堪可垂
鈞須索釣且不免厮煎打炒耐羞耐恥頻
告謹勸賢家早悟我金雞叫

又

許我年時未入道想賢家心無虛矯勸公早
早家緣掉稍稍遲遲做出諸官調 若肯回
頭何事好樂清閑持盃歡笑撫琴月下沉香
曼搜獲玄機別有箇金雞叫

神清秀

寄看龐總管園趙公

些兒微妙非常好猛焰裏自然芝草王虎與
金龍密護三田寶 丹成九轉青童報便授
取紫微宣詔體掛六銖衣跨鶴歸蓬島

道成歸

阮郎歸改造成歸修行人喜知松峯影裏樂
希夷何須唱絕詞 蛇嬰動虎龍隨雲耕坎
與離三千功滿赴瑤池神光相貌奇

燕頭贈岳秀才

年苦志不求奇公尋者希夷猛悟笑微微華
枉用機 子偃嬰肥官祥瑞圍傳心印謹相
依靈神自飛

迎仙客

日中烏月中兔走飛子午何曾住虎隨龍
隨虎東西來往自是明瓊路 蛇娘歌嬰子
舞玉堂裏面金為主雲為朋霞為侶逍遙自
在閑闌全真戶

繫靈腰

崑崙山上丹陽子真得得過風仙今生相應
前生約訪秦川居地肺結良緣 離清坎靜
水生火嬰蛇蟠虎龍眠神凝氣聚靈光現駕
雲軒透祥煙去朝元

登仙門

師也師也重陽師也處玄機靜中清也起金
蓮玉花社有誰知也化人人漸歸道也 這
扶風非開悟亦非愚也辨假真稍能明也細
尋思心豁暢略無疑也 想師範没人過也

又

難也難也捨家難也絕愛憎屏塵難也處無
為清靜有始終難也譬如死又何難也論
玄元談微妙要人聽也但小童肯來詢也便
須當開言路與其進也我不能保其往也
漸悟集卷下

草堂集

五峯白雲子王先生撰

第八

詞

滿庭芳

因臘月二十二日迺重陽師祖憫

化妙行真人降跡丹陽師父順化
慈願真人昇霞衆道友修齋畢以
詞贈之

雪霽郊園水凝池沼時當深入窮冬重陽此
日降跡闡真風還是丹陽師父辭塵世飛上
天宮玄元理一昇一降顯現至神功 無窮
真匠手京南陝右河北山東但兒童耆老誰
不欽崇應物隨機順化番方便三教通同諸
公等從今已往何日再相逢

贈魏德純

利鎖名韉恩繩愛索兀誰不被牽纏但能省
悟早是其前緣那更苦求出離情深處翻作
僻窼應知否暗中真聖接汝赴天元 堅堅
惟謹謹收縛意馬擒捉心猿稍些兒放蕩損
壞芝田日用常搜已過居叢衆莫見他怨如

斯做本來一點不許不周圍

贈劉四郎

冷淡家風清閑門戶有誰着意搜求元初靈
識剛被火宅囚貪戀時聞恩愛終不道前有
程頭當省悟好學栽華一副萬緣休 優游
何似鷹離籠罩魚脫綸鉤信飄飄渾如解
纜孤舟隨分飢飽渴飲飽來後鼓腹歌謳無
榮絆功成歸去高步訪瀛洲

贈周信等

貴賤由天榮枯隨分分明不在強圖得之本
有夫者本來無謾使機關巧倖勞神智疲役
形軀癡迷客蠅頭利路食得又何如 蟾烏
飛走急百年限裏光景須更恰紅顏青鬢盡
變霜鬢不日無常來到問君待著其枝梧爭
如我虛閑寂靜保固大丹爐

又

一點靈明萬情牽縈豈曾時暫寧門輪回催
逼販骨若丘山由是迷心未悟誇的辯馳騁
伶奸還同似飛蛾投火蟻競循環 今翻
親得遇羣仙降世闡化人寰示全真大教直

指玄關常處常清常靜休持論返老童顏從
茲後除疑斷妄名姓列仙班

又

四業三彭七情六欲終宵未日教唆輪陀團
團難出黑風波起盡慳貪嫉妬生機狡無限
張羅堪嗟處從今至古誰是不遭呵 王哥
親說破直須決烈慎勿蹉跎把無情慧劍每
每頻磨假使當場臨陣加剛銳辟散羣魔歸
來後民安國富齊唱太平歌

詠三教

釋演空寂道談清靜儒宗百行周全三枝既
立迤互闡良緣尼父名揚至聖如來證大覺
金仙吾門相老君睿號今古自相傳 玄玄
同一體誰高誰下誰後誰先共扶持邦國普
化人天渾似滄溟大海分異派流泛諸川然
如是周遊去處終久盡歸源

答人問緣甚出家如何修鍊

閑寫荒詞謾成拙句略將管見鋪陳貪迷世
夢虛度二十春忽悟前頭路險拖恩愛孰敢
因循投玄教搜窮密妙坦蕩樂天真 清貧

活計好還淳反撲養素願神幸清風作伴明
月為鄰占得逍遙自在從烏兔東出西傾忘
言處些兒消息能有幾人間

示眾

衡正清油重羅白麩如牙細未春淘精嚴辦
供庖饌列珍餚皮恪行香點靜頻作禮豈憚
劬勞惟求望見存獲福亡者得昇超 吾曹
聽勸化休生懈怠道念堅牢在澄心滌慮勿
犯天條稍有違齋破戒無慚愧滴水難消虧
功行持來打算天地不輕饒

平州節使完顏驍騎命作懸索詞

和氣融融日遲風軟艷陽物景相宜園林鋪
繡桃李正芳菲鶯語鶯聲闌巧黃金嫩柳帶
低垂天風細仙姿是日分瑞向深閨 神儀
何秀及溫顏玉潤鶴態依佈志謙和慈惠大
善常持遐壽不須重祝真元性自有仙期俗
緣斷人間夢覺還去宴瑤池
佑國雄才皇家貴戚銜恩守鎮平山一方安
堵何恙不感怡顏規衆猶同赤子寬刑憲於恤
愚頑無私曲政聲流美應遍滿人寰 公餘

重精德投誠奉教使保心開又遠蒙見召祇
建靈壙巽謝諸天聖眾仗青裙開啓陰關從
今後真真降鑒名係上仙班

望海潮

自詠

昔年合愛平生做作而今一旦紛飛知命樂
天風前月下依山臨水幽樓柱口且如癡也
不管傍人說是談非盡日無餘事惟保守這
些兒 幽微暗洽玄機覺澄澄湛湛並沒歸
依與即唱吟欣來歌舞隨緣悅我希夷不整
外容儀放落魄琴耽自在無為但樂貧閑過
任烏兔走東西

玉鑪三澗雪本名西江月

和秦先生

策杖水雲遊歷一身到處為家洞天高卧養
丹砂茅屋柴籬入畫 收拾黃芽白雪合和
玉液金醪就中甘味不須誇奪箇仙魁無價
藏頭拆字
大非為堅固今迷執居家還悟得紫靈砂棄
琴碁書畫 載慈愍煅煉中養就名襟今知

味豈須誇日功成無價走四

贈顯異觀王右堂

欲首修行捷路無令馬劣猿顛頭物物絕
紫毫下問甚龜蛇相纏 常使靈臺瑩瑩自然
真息綿綿箇中仙子貌嬋娟便是本來頭面

贈安抱真等

魚在迷津苦海隨波逐浪漂遊闊拋香餌下
綸釣一釣戢然回首 也是宿緣深重一齊
萬事都休前途何處是程頭作箇羣仙領袖

又

欲要超離苦海先須割愛忘情從來坑塹剗
教平不入荒涼斜徑 幻景浮華識破疑心
妄念休生蕭蕭洒洒向前行步步蓬萊有準

又

既悟出家學道須憑一志堅堅假鏡心上起
諸緣全在慈懃殿鍊 處眾莫生異見利他
損己為先內功外行兩雙全得赴瑤池瓊宴

贈平州菩薩堂劉僧

大道豈分貴賤人人箇箇圓成休教方寸萬
緣生念念常歸清靜 達了這黏消息不須

屈體勞形靈臺皎潔騰水輪照破無明種性

嘆出家兒生煙發火

一等求真慕道令人堪嘆堪憐遠望止酒戒
腥羶做就出家行造 靜處閉眉合眼人前
說道談禪些兒觸著早生煙錯了從來知見

妙用

罷論古人公案且呈自己門風三更三點扣
齋鐘便是子家妙用 湛湛空花形像澄澄
水月儀容兩轆消息一轆同看如何拈弄

雙派

祖遺將何言說正宗著甚談論搖唇調吻早
差分背了諸仙心印 似此難為舉向不辭
略與閑陳頭頭物物露全身言下要君承認

謝道友訪及

魯拙僂貪世利踈慵唯愛山居深承道友喜
相呼來結良緣妙趣 但願徐登壽域更祈
重悟虛無塵勞放下萬緣除高卧白雲深處

鼎一溪雲一名玉山

贈孫志道王居易
紫陌憂危客紅塵名利家區區終日謾攻嗟

無計伴煙霞 儻悟浮生夢短咫尺蓬萊仙
館飢餐渴飲困時眠餘事總無牽

又

風定雲初欲潮平浪亦安閑揮輕棹帶蓑竿
再釣近江干 湛湛碧天如水那更月明風
細索何魚驚不吞鈎獨立蓼花洲

骷髏喻

日日迷花酒朝朝競氣財偶然命盡掩泉臺
郊外曝遺骸 任使輓敲棒打不似從來失
傻物人早悟此因由物外做真修

傀儡喻

顏貌胡粧點形骸旋合攢趁踏扭捏恁多端
爭信被人般 由自搖頭弄影日日當場馳
騁一朝線斷罷抽牽方悟假因緣

小重山

迷憶

猛悟塵勞跳出籠曾襟多少事盡成空道遙
物外恣愚蒙真脫洒端的好家風 啓戶對
松峯紅塵飛不到白雲中道心不與利心同
開懷抱高卧養疎慵

金蓮出玉華 本名誠字木蘭花

勉道友

全真妙道先把我人山放倒妙道全真決要收拾精氣神 功圓行滿竿下皮囊都不管行滿功圓朝拜丹陽師父前

無為清靜虎透龍蟠歸大定清靜無為子母和同出入隨 逍遙自在去來絕星礙自在逍遙一任山林與市朝

人非人是識破全然渾小事人是人非恰似春風耳畔吹 真功真行意馬心猿休內縱真行真功十二時中鍊氣沖

贈羅家莊道友

羅莊一境曲水環山相掩映地秀人賢慕道崇真種善緣 邀予至此供養感懃心不止報德無方惟願家安福壽昌

贈胡先生

子林苗裔談論清高超眾異夙骨靈肌半貌堂堂出世奇 身崇三教敬釋尊儒行大道暗養仙胎行看白蓮火裏開

壽明威縣君完顏明慧

嚴凝天氣萬物深根而固帶紫葉全開仙子移真下寶臺 松姿鶴質遠累齋心超眾異為祝遐齡福壽同臻等芥城

踏雲行 本名踏雲行

自遣

壬癸纜升丙丁已降往來澆灌黃芽長靈童採摘赴瑤宮笙簧迎引聲嘹唳 虎嘯祥風龍翻雪浪幹旋造化憑真匠鍊丹砂就月華清踏雲行處神光燦

清靜家風無為活計箇中別有真消息閑寂澄湛契玄機杳冥恍惚通幽理 七寶山頭五明宮裏陶陶恣飲醍醐味醒還醉了醉還醒醉還醒了醒還醉

又

世事紛紛塵情擾擾余閑思想真堪笑茶枯得失幾時休興亡成敗何年了 今日雖存來朝難保閑康認取無為道修持功行兩完全携雲笑指蓬萊島

贈安山李秀才

已矣馬哉之乎者也悟來好把祛祛捨童蒙

訓授費精神因循莫使頭生雪 飛矢年光忍教虛設慙懃說破修仙訣一枝丹桂肯躋攀與君共賞長生月

羅家莊梁秀才叔姪處化地建菴

長嶺峯前羅家莊後來山去水真明秀而今

若把道菴修他年應引神仙湊 為寫新詞聊充讚祝福緣善慶從來有叔姪暫結有為緣子孫永享無窮壽

贈羅家莊崇道菴長春邑眾

邑號長春菴名崇道其間隱與人難曉長春靈艷莫教凋真心崇道家緣掉 外屏喧囂內搜玄妙常懷忍辱心低小慧風吹散領頭雲一輪性月輝華耀

贈楊德遠

道號安閑法名德遠法名道號閑方便安閑常要性道遙悟其德遠歸真善 外貌如愚內通修煉下功進火猶爭戰金烏飛向曲江池玉蟾雖出通明殿

又楊德遠求詞

道本無言強求強索與憑詩曲強分解元初

模樣體真常隨機應物無纖礙 出入縱橫
往來自在目前一段光明快君還言下敢承
當不移一脚超三界

望蓬萊本名望江兩

贈家兄忠武訪及

頻失天迷悟理全羞富貴榮華君活計寂寥
蕭洒我生涯高枕卧煙霞 長生趣清與果
清嘉暇伴延齡千歲鶴閑觀不謝四時花何
處覓仙家

寄桃林口王都監

華宗士清譽久聞傳邇迨相逢青嶂表盤桓
共坐玉泉邊談論契真詮 從別後再會得
無緣切恐靈機迷愛欲不辭荒拙縱狂篇託
意在毫釐

寄張四秀才

清河氏聽取此根原自昔未達超岸棧而今
又值下坡年猶被世情牽 繁華境虛幻不
牢堅休向夢中重作夢便於玄上更搜玄修
補洞中天

無俗念本名念如

詠竹謹繼長春真人韻

一竿修竹有天然標本森然唯獨樞外憲前
橫翠影幽雅真非尋俗內蘊虛心外彰高節
起超凡材木靜吟風月韻同敲擊冰玉 可
愛素質英姿引鶴樓鳳四序清人目茂葉重
重光潤膩裊裊柔枝凝綠根曲蛟蚪氣含蔬
笋全味勝梁肉此君嘉秀並余遐筭遐福

九日

嵐光清翠動西風還遇重陽節暇丹葉黃花
相間隔嘉景真堪圖畫往歲茲辰綺羅絲竹
宴賞飛金竿而今追想盡成一夢虛假 有
緣悟入玄門塵情種種不許纖毫掛草舍紫
籬相掩映潔靜常教清雅盡日忘言通宵無
寐甘恁捱蕭洒何人同志共說無生之話

嘆世

蟾烏景急暗催人兩鬢銀絲如織終日區區
猶不省蓋為家緣煎逼蝸角虛名蠅頭微利
得也成何濟聞身康健好尋雲路活計 拂
袖落魄婪耽水邊石上笑傲閑吟綴一粒神
丹光燦燦免使塵情連累坦蕩逍遙優游自

在占得真消息功成歸去未居蓬島仙位

臨江仙

誠釋道相辯

禪道本來無辯證皆因古聖強名不須方外
護勞形人人俱有分箇箇總圓成 但把萬
緣齊放下切須戒斷無明給孤園內任縱橫
泥牛哮吼處日午打三更

贈石遇仙等

稽首同途聽教化休教虛度流年常生覺照
道心堅包容他過失整頓自邪偏 分上本
無人我相閑中認正根原但迷假合起攀緣
未沉煩惱海難證大羅天

晚景

向晚嫩涼生戶牖松巖獨坐襟願憑高一望
徹天涯孤城煙樹慘速浦片帆歸 萬里碧
天澄似水雲閑不動毫釐照明月弄晴輝
圓光舍法界靈艷射瑤池

聞杜鵑戲成

一片開心閑不倦騰騰兀兀忘機曉來微雨
過窻扉翠霞青嶂裏還聽杜鵑啼 句句不

如歸去明我今已應歸期功成自是步雲霓
何須施巧辯苦苦競相催

青蓮池上客本名青玉兼

贈烏林答德潤

而今既悟塵勞苦已是身遭過屏棄浮華宜

朴素常懷柔弱莫生貪妬言行須相副十二 閉

中不起閑思慮自得閑中妙玄趣管養三田
無旦暮陰消陽長氣凝丹結方稱全真侶

黃鶴洞中仙本名卜

示衆

奉勸修仙客各要常寧耐萬難千魔志轉堅

休把初心改 渾似蟾光大瑩靜長天外轉

運無私滿大千信使浮雲寨

贈程三

人似當風燭誰肯心回顧目下恩情緊絆牽

豈覺於身苦 幸有修仙路散散閑閑做到

處逍遙任自由功滿蓬瀛住

托鶯嬌本名惜奴嬌

山居述懷

泉石清幽好箇真游地香風散彩雲呈瑞日

暖天和更時有珍禽戲嘉致總粧點山家況
味 外景充盈內景還相契丹爐呼虎龍交
會女姪嬰嬌頻勤我傾金液沈醉但高卧晴
霞影裏

贈油麪王廣道

廣道王三天賦精誠藝將油麪十二和調運製應

物黏黏但做造由心意依理煉鍊在長生鑑

內 按候知時拈出真奇異光明燦馨香觀

鼻試與嘗來又別是甘甜味妙矣堪獻入仙
家進會

喜遷鶯

贈康德機

宿緣深重早省悟浮生都如一夢壯志回頭

專心入道塵事豁然驅屏棄脫死生輪轉認

取元來本柄甚為準待真君說破些兒捷徑

日用持清靜積累內功外行心平等次泯食

真調和神氣休放馬猿馳騁萬里黑雲消散

一照靈明光瑩仙路穩這回須免了改頭換
影

憶王孫

自詠

云何便會做癡慈只為黏黏世事諳度日隨

緣不外貪處雲菴渴飲醍醐味轉甘

又

逍遙坦蕩絕憂愁管甚流年春復秋露地安

又

眠放白牛晚煙收一曲高歌古渡頭

又

不持齋戒不看經不論金丹共五行玉瑟閑

又

調月正明韻輕清響徹瑤臺十二層

又

三田常用鐵牛耕種得黃芽漸漸生法雨時

又

時澆灌頻轉滷菜採摘歸來上玉京

又

幾人學得我風流疎盡塵緣散盡愁闌品堯

又

笛駕白牛好因由四大神舟任意游

又

本來真性喚神仙為愛幽棲遠市廛獨隱山
堂妙最玄樂恬然欣即高歌困即眠
四時流轉急如梭百歲韶華屈指過惟願人

人出愛河養沖和功滿超昇赴大羅

因王孫二舊友同日不期而會

閑閑闕裏憶王孫今幸相逢語笑頻各各勤
修精氣神行功臻同宴桃源碧洞春

好難鄉本名南 聖世

人本是神仙只為當初縱馬猿換骨更形無
定止連綿致使塵情種種牽 若解固根原
玉鼎金籙聚采鉛煅鍊三千功行滿還元復
返遂瀛絕變遷

○ 余隱居崑崙山清神洞常習不睡因

○ 久坐不覺雪降其夜稍暖巖溜半溶

○ 似乎有聲俄然而起出戶視之四圍

○ 山色盡為更變因倚松而作是詞

○ 坐久欲曉暗不覺天公祥瑞呈夜暖忽聞巖

○ 溜滴聲聲喚覺游仙夢不成 鞞履起開局

○ 四望遙峯盡變更唯有長松天性異堅貞獨

倚幽巖顯道清

余祖居利州有李仙者自彼而來言
族中親眷聞先生入道多歲矣未知
是王家那一宗派請示一書因成此

詞以寄之

聊與話行藏生死輪回豈盡量無奈頑心迷
愛欲滋彰千古悠悠不到鄉 幸遇祖重陽
開闢全真出世方寄語吾族當省悟消詳這
箇從來不姓王

贈崔妙信

一箇好明師洪範恢恢出世奇香味色聲難
染滯須知縱使波流岸不移 認取莫生疑
休費功夫向外馳坐卧住行相守定思惟瞬
目揚眉更是誰

秦樓月

詠松

煙霞客亭亭隱在幽巖側幽巖側霜欺雪壓
了無纖礙 蚪枝招飈寒雲外天然築質真
堪愛真堪愛青青別是一祛標格

詠竹

性貞潔柔枝嫩葉堪圖寫堪圖寫四時常伴
草堂風月 孤高勁節天然別虛心求求無
凋謝無凋謝綠陰搖曳瑞音清絕

鳳樓梧

山居遣興

滿目青青松間竹掩映山家有甚閑榮辱獨
自唱吟對美醜味濃醉倒和衣宿 清夢覺
來情未足重抱瑤琴品弄無生曲誰是知音
余伴侶草堂風月應相許

寄同道

世事紛紛何事苦死去生來輪販無停住有
幸高真開法宇引人同上無生路 路上行
人當聽屬屬付虔誠念道忘思慮清靜功夫
昭且著無生路上常相遇

勸遊春子

嫩柳垂金花爛坵隨處園林拂袂香風快無
限眼前閑景色只應粧點春光煦 游騎駢
駢馳雅態不道繁華暗換來顏改到底有情
終不耐慙慙說與尋芳客

暮春聞鶯

短景相催何大促麗日和風又送春光暮漸
聽流鶯枝上語綿蠻似把衷情訴 昨日花
開紅滿樹今已飄零狂蕩逐飛絮奉勸游人
生覺悟莫教失却來時路

清明前三日因微雨過示衆

割愛忘情惟謹謹免走烏飛催過年華迅又
是清明將欲近家家煙火宜防慎 和氣氤
氳當寶運細雨簾纖不負陽春信造化工夫
猶此進仙葩迤邐飄香韻

上丹霄本名上
平西

用張子雲韻

得真閑投真趣傲萍蓬任運命否塞亨通生
涯寂淡二十年罷倒金鍾頭頭返照破昏蒙
靈鑑非銅 或游戲紅塵境或棲隱碧巖松
掌譚馬遺靴餘風驅馳造化自然交媾虎和
龍上清仙舉要爭魁安敢耽慵

又

棄浮榮忘羈絆勝秋蓬樂天命所遇皆通隨
緣一飽算來奚用祿千鐘甘閑守拙捱清貧
豈顧頑銅 陪霞友逸風月臨溪石對巖松
論坦然出世家風烹金鍊玉斡旋扎虎與玄
龍而今重悟萬緣空意倦心慵

入道

死生催輪回迫沒休期向迷津苦海爭馳會

達聖代真仙垂教度羣迷頓然笑覺夢浮生
跡遠輕肥 頭如蓬面如垢情如醉貌如癡
處閑閑窮究幽微嘉祥得也料應塵世少人
知靈風飄蕩靜乾坤月照華夷

朝中措

抱俗

宦途好似水東流得失幾時休選甚王侯黎
庶無常限到難留 爭如解放名韉鎖且免
了悶愁異日三丹結正携雲却訪瀛洲

和孫圓明先生韻

頸拋塵世事無涯知命度年華占斷草堂風
月恬然欲對誰誇 平生據我無拘束寶鼎
養丹砂直待功成九轉飄游海上人家

訴衷情

九日

重陽嘉節興尤深勝賞一登臨天闊水清山
秀雲葉陸疎林 增雅趣助微吟息塵襟壺
觴滿泛清韻重彈誰是知音

繼古韻

瑞雲深處是仙家高枕卧煙霞調引箇中物

象玉兔配烏鴉 甘淡素棄輕紗遠浮華身
崇三教心敬三光頭戴三花

贈魏老

壽高由是躋就家斜日對餘霞不覺盡成皓
鬢難得再如鴉 牙漸朽服蒙紗少光華殘
年何異雨打衰桐風撼狂花

行香子

自詠

雲水生涯到處為家遠浮名淨利淨華三宮
界降上下無差要結靈胎收靈物聚靈芽
清興幽賒此外何如恣陶陶暢飲流霞大丹
熟也歸泛仙槎便曳瓊裾搖瓊珮戴瓊花

憶師父訓號白雲子名丹桂字昌齡

幼悟離塵錄汞烹銀把壺中造化區分虎龍
調處滋助陽初現巨來容元來面本來身
雲水為隣風月常親妙玄通方稱全真憶師
慈訓稍異常人便字昌齡名丹桂號白雲

示衆復用前韻

說甚根塵辯甚鉛銀這仙佛路徑明分何須
外覓不在勞神欲要全完當全道露全身

一體同觀無起踈親志常清常靜常真不惟
自利兼利他人定結祥光成祥瑞躡祥雲

滿路花

謝昌黎道友訪及

早年忘俗累雲水寄天隅羣峯藏弊舍養癡
愚寂寥孤淡默默守如如深謝崇真友步履
携筇不辭遠訪山居 奈門風冷落清虛相
待禮全踈微言頻勸諭省區區前程路險認
取妙元初物物頭頭上一段靈光本來無欠
無餘

贈小崔評

人間何最苦說著替君愁眼前生滅景象悠
悠虛名薄利隨分少貪求幸遇嘉時節乘興
偷閑訪尋實侶雲儔 更那堪猛悟回頭物
外恣飄游布袍襟袖闊好風流紛紛塵事一
筆盡都勾磨瑩先天寶燦燦輝輝恰如明月
當秋

歲日贈馮六等

節令頻移改寒暑迺相還光陰駒過隙古今
傳曉來萬戶歡笑賀新年誰肯回光照紺髮

童顏漸成衰鬢暗然 願人人早悟根原搜
覓妙中玄洞天風月下舞胎仙刀圭漱澗一
顆大丹圓捧入青霄路步步無生任從海變
桑田

贈兩山道友烏林答同盟等

東南形勝地極目鎖嵐煙海山鍾異秀產英
賢人多吉善息念屏囂喧是處追朋挹探妙
贖真共修物外因緣 願由斯道念彌堅早
早悟重玄愆勲營餐就火中蓮清香韻郁迺
互盡相傳異日真功滿拂袖携雲逕超無上
人天

月中仙

返照

歷劫昏蒙為恩情愛戀一向迷執爭頭競角
觀巨浪洪波豈顧沈溺幸今生覺悟便拂袖
閑懷暢意返照從前事行蹤過跡翻作大鱗
陳 飄然做箇閑人向青松影下白雲堆裏
怡怡自樂但詠歌談笑隨緣銷日晚來增雅
趣對天鑑澄澄湛湛碧次第銀蟾上昭彰奮離
三島跡

望海

暑氣方闌漸雲收四野山海明霽憑高放目
視萬里汪洋東連無極廓然風浪靜屢顯現
嘉祥至瑞大哉玄元體澄清浩渺浮動乾坤
勢 神功聖力難量信歸墟運轉無有休息
恢張萬化任雲物飛翔魚龍游戲混融千古
秀隱三島十洲異域直待功成後騎鯨笑傲
超於彼

齊天樂

得過

悟浮生幻化速把恩情愛戀俱棄垢面蓬頭
麻衣紙襖海前天涯飄逸摧強挫銳守柔弱
清貧忘憂忘恥劣馬顛猿頓然休歇香無迹
此兒去玄妙理對碧天澄徹別是一家風味
羅燈哩啜唇歌舌詎何有纖毫拘繫頻加敬
禮幸出自吾師昔年提芻異日參從共赴蟠
桃會

贈蔡德厚

用千方萬便惟把修行一一開靈至道幽深
玄機杳邈須仗十分勤苦韶華迅速念實運

呂期忍教度度此段因緣等閑失了再難遇
聽子重重付屬向舊來境上挑剔勿令差互
性燭昭彰心花燦爛無限清香敷布如斯作
做自然感高真暗垂加護行滿功圓步入丹
霄路

醉桃源 本名阮

釣烏林答二郎君

今生豪貴宿生緣分明說與賢回頭早悟
根原休教俗境牽 搜秘密訪幽玄鐘中鍊
汞鉛真功真行滿三千飛騰作大仙

贈趙姑

修行徑路坦然平直須斷愛情邪思妄念不
相縈三尸勢自輕 坐與卧住兼行常休忘
靜清一朝忽不顯靈靈輝輝晃晃明

贈趙戒師

略將微語破昏衢塵情立剪除色空空色兩
無殊真實理不虛 常湛湛體如如出離生
死途澄潭性月一輪孤光明射四隅

贈吾古論戒師善淵

本來一點踰牟尼瑞巖越世尋隨緣應物任

施為圓明合範圍 或顯用或潛機靈光出
入隨但能認正決無疑雲物外歸

贈庫使縣君完顏氏

全家一意道心堅皆因宿世緣精嚴精謹愈
精專真誠實可憐 聽教化悟微言塵勞漸
漸指內調神息兩綿綿功成自證仙

心月照雲溪 本名善

山居述懷

既拋火院塵事難拘檢物外樂逍遙總踈遠
征徭賦歛羸衣淡飯據分且隨綠青峯畔白
雲中獨把清閑占 茅廬一厦相稱平生願
裏面但容身也不在浮華粧點鎖窓寂靜恣
意任高眠紅日上兩三竿猶自柴門掩

又

五峯挺秀滴翠嵐光膩氣勢壓滄溟深對煙浪
雲濤無際碧巖深處掩映道人家忘寵辱絕
驕矜劫破人間世 野情幽興誰羨公卿貴
閑運妙玄機看虎龍盤旋作威嬰嬌女蛇歡
笑度金丹功成去步雲霓願我嘉祥瑞

贈魏德柔家中庵障權令牧羊

當初學道望脫塵緣累迤邐漸生魔是時間
些兒疑滯君還識破慎守勿因循心決烈志
精專別有清涼味 羊兒牧處收管休踈失
稍欲走東西在主人調伏斷制山間林下早
早趨歸期天欲暮日將沈關鎖牢封閉

牧牛喻

牛兒性劣奔競無時輟短棒與長繩每驅馳
牢擒痛決朝來暮往久久漸調柔芳草渡曲
江頭露卧如霜雪 牧童閑散無限情懷悅
獨坐古松陰短笛弄聲悠韻重堆菜笠拍
手笑歸來清風勁碧天澄現出家家月

贈趙德備

但凡入道屏棄繁華早柔弱守清貧把靈臺
時時拂掃塵心起處宜向死前觀憑乞化做
生涯餘事絕論討 日來月往勤鍊先天寶
默默內含光照綠鞋鞋顛倒無中還有此
理最幽深功成日行圓時自有天書詔

悟黃粟 本名善

贈劉九郎

人間何事最堪悲迷火院受驅馳不曾時裏

暫舒眉算何日是休期 況他衣飲各相隨
空熱亂又奚為明明生死眼前催放得下是
便宜

又

浮名浮利兩悠悠終不道把身囚多貪多敗
更多憂又著箇甚來由 願人識破早抽頭
從前事盡都休飄飄物外不淹留管有分繼
吾儔

秋霽

繼古韻述懷

肥遁人家對東南萬里鯨海橫碧蘭苑芝田
暖香風送不減鳳城春色壽松徑裏綠茵嫩
紋如織又還是鶴詔乍回猶聽九霄唳 天
教賦我此段嘉期寸心澄寂百慮蠲息向開
中呼童煮茗玉甌輕泛浪花白神爽氣和何
有隔沉真常道時時默運玄功湛然無為澹
然自得

武陵春

寄七河鎮陳都統

美譽深仁兼孝行遠近盡談揚為寄新詞細

審詳早早悟黃梁 一朵心花初綻處衰衰
吐清香風散餘芳入道場廓爾露禪祥

寄樂亭劉嗣昌

道念精誠閱已久皆是宿生因何日相陪願
結隣挑剔出迷津 自在逍遙隨分過元元
養天真火裏逢閑日轉新求未占長春

鍊丹砂本名法陶沙

孫義來說弟子昨夜夢丹陽真人化

弟子出家弟子言子孫未立家道未
成恐無出家緣分且只在家修行可

否真人笑曰吾固有云無侵妻抱子

神仙沒在家蓬島公豈不知也言訖

弟子覺來未知怎生因以詞贈之

稽首富春仙聽說根源金枷玉杻緊牽纏惟

要自家心決烈休道無緣 賢聖夢中言的

不虛傳家緣事事待周全更望一身成道果

掘地尋天

贈女姑郭守淵郭善知

奉勸二分陽略序行藏有緣身入道家鄉塵
事祛祛宜損損捨短從長 日用蕤心香返

照回光逢魔逢難敢承當盡始盡終無變易
決赴蓬莊

贈女姑張善行

狂語話真誠清眾宜聽不期白髮鬢蓬生前
有無常相等待著甚抵迎 除是做修行心
地寬平舊來熟境不相縈已過更能頻改正
功自圓成

贈徒單姑姑

確志慕前程寵辱猶驚五千奧旨均然明所
以百川俱湊海窪則富盈 上士處無爭柔
弱為憑外雖應物內澄清履道如斯常坦坦
步步逢瀛

悟南柯本名南柯子

和常顯之

宴坐心恒適幽居興可嘉靜鳴天鼓漱雲芽

吐納綿綿隨分保生涯 但解安時運奚憂

換物華三山瓊路信非賒未去權依積翠與

明霞

贈樂亭劉司候

猿鳥誠幽伴泉石亦近隣三竿紅日欲侵門

睡起從容無事暫相親 玄谷規千聖泥丸
聚百神些兒功用養天真遠害全生清樂未
輸君

涇州值雨阻道友留戀

落魄白雲子身無箇事榮閑思雲水下山屏
策蹇携童行化過東溪 暑氣潛然退秋風
分外清連連小雨未開晴有意相留不放出
門行

瑤臺第一層

崔大師生辰

歲運推遷時正遇十月小春天老人星燦玉
繩低縱銀漢高懸曉來佳氣聚慶謫仙初駐
雲駢應良緣漸重敷素艷復闌金蓮 飄然
塵情一蕩志歸清靜稟根原鼎鑪烹鍊河車
搬運丹滿三四洞房輝煥處會虎龍嬰蛇圓
圓表長年傲龜齡鷲莽永劫綿綿

元宵

時令相催又還是元宵報春回桂輪新滿金
蓮乍坼不待栽培六街三市徧列菴山輝映
樓臺競追陪簇香車寶馬馳騁多才 吾儕

情忘金蕊絳宮深處保仙胎覺花芬馥慧光
明燦別是歡諧玉漿瓊液泛結刀圭不讓樽
壘恣開懷任鸞迎鳳引游宴蓬萊

吳大卿壽日

陰極陽升當律應黃鍾正嚴凝昔年此際素
雲容喬瑞氣清英玉衡潛運轉顯弧南一曜
增明降仙卿漸風晴閨苑月玲蓬瀛 呼際
天才富瞻早年名遂與功成順天合道退身
養浩同輩吞聲客中開小宴會朋儔交錯霞
醜醉還醒表水姿玉骨壽占椿齡

春從天上來

贈首陽山李志朴

既悟塵緣擺愛海恩山蝎利蠅名樂然拂袖
絕慮忘情熟境慎勿牽縈抱始終一志但兀
兀莫問途程處無為捱蕭蕭洒洒靜靜清清
閑中做成修鍊鍊百脉通流四體和平虎透
龍蟠氣結神凝大丹一粒圓成引靈童歌舞
瑞雲房滿酌瑤觥與無窮保深根固蒂久視
長生

冬至日

兔走烏奔競西沒東生四序潛分亞歲方迎
萬戶千門歡笑共慶良辰暗推移務運正南
擔愛日初新考豐凶會銀臺占候史筆書雲
玄元大哉造化漸梅藥飄香檻竹偷春坦坦
幽人百福咸臻默然養浩全真體沖和妙道
自然理幹運蒙屯歲功成六陰文始盡復建
陽純

桃源憶故人

因趙元帥舍人出示用其韻

人生百歲誠稀少此事任誰明曉相見但開
口笑管甚閑愁惱 四時風月尋常好放下
心腸便了雖是身難恒少到底須遲老

又

愁思俗態知多少榮逸誰能分曉方欲強追
言笑翻復成憂惱 春花秋月雖然好總被
功名誤了纔見兒童年少又早容顏老

又

桃源憶故人來少獨占洞天清曉追想從前
失笑護結閑榮惱 琴書活計端然好一曲
山堂了了保護胎仙常少永永依黃老

再用前韻蘇頌

來萬事心頭少隱任他昏曉兀但忘談笑限
誰愁惱 閑愈覺沖和好後午前功了補衰
顏重少檢仙無老

水調歌頭

趙舍人又寫日本國人詞索和其韻
年華若飛天貪愛競無休西城始逢春色轉
眼又驚秋日月逝相昏曉暗裏消磨人老甘
遂逝波流爭似閒強健拂袖寬抽頭 放心
閑從體便勝封侯優游到處無繫渾似一孤
舟但得自家合道任使傍人笑錯忘恥亦忘
憂高卧晴嵐表吟瀟對石樓

趙相公壽日

秋色入林杪湛湛碧天長籬邊數盡黃菊次
第吐清香自昔羣真朝會共話人間興廢應
運佐時康遂命騎鯨客臨羽下穹蒼 東天
和懷信惠効忠良甘分重職調御大度愈恢
張況是從來聲價優渥澤霑膏高下民願庇餘
光獻頌期君壽未與鎮安陽

長思仙本名長
相思

贈平山劉志常神山劉志本

平山劉神山劉更易俗流作道流人情誓莫
留悟驪猨禁驪駟燦燦神珠得自由光明常
道通

贈濱州李志持

李志持做修持早把心田荆棘治休教下手
遲汲華池灌華池劣馬顛猿不騁馳功成拜
玉墀

贈平州劉志真

慕全真處全真舉動行為務正真惟憑一志
真合天真契天真十二時中守內真頭頭現
本真

贈平州宋志洪

脫樊籠離樊籠無變無遷抱始終直須顯志
洪積真功累真功真正無私合大空鑪中丹
自紅

步雲鞋本名靴
靴鞋

贈玄真觀單姑等獻履鞋
幸遇教風開和氣洽吾懷玄真清眾總仙才
志謙和恭順垂慈惠懇獻獻步雲鞋 妙手

巧劍裁珠寶砌雙顯一回朝禮躡壇臺待他
年真行真功滿超塵世赴蓬萊

浣溪沙

劉姑姑生朝

仲夏莫開四葉初仙姬分秀下雲與祥光瑞
氣共相扶 法性殊無塵事累靈安那有世
情拘自然退壽等麻姑

醉桃源

趙恭善生朝

前期三日是蕤賓芝軒別紫宸祥煙瑞霧結
氤氳同資誕玉真 才敏慧性敦淳常希道
德鄰人間短景不堪陳壺天別有春

訴衷情

九日登黃崖

重陽又早一年期景物正凄凄憑高暢情凝
望極目徹天涯 秋日短雲天低屬南飛詩
題紅葉酒泛黃花不醉無歸

木蘭花慢

中秋

又中秋屆候日初沈夜微涼對煙障雲屏良

朋益友逸興何長颯然玉輪究轉歷茫茫巨
浸躍天網碾破玻璃萬頃洞明三界十方
宜將火棗交梨開清賞勝飛觴肆雅志幽懷
遐襟曠迹百慮俱忘爰思教風始振感重陽
隱語示回陽桂樹香傳十九致余極味先嘗

用長春真人韻

憶當時穎脫道情濃世緣疎愛古洞深溪香
松翠栢萬景齊數單瓢粗為遣日樂貧閑沉
味勝蓴蘆千古昏昏醉夢廓然一旦蕉蘇
瑤圖寶籙幽微精勤佩未嘗辜慶靈艷昭昭
心花燦燦並沒凋殂威雄猛持慧劍屏三尸
六賊泯狂徒永保胎仙出入往來紫府清都
又
曠滔滔苦海任羣迷恣漂游被有限形軀無
涯愛慾一向拘囚空生萬千計較况百年短
景不常留貪為名深利切豈期水遠山悠
如流歲月相催宜省悟覓抽頭向太一峯前
雙林樹下早把心收從來既知是錯待鞋鞋
放下便休休撒手縱橫無礙狀同不繫之舟

洞仙歌

述懷

道家門戶寂淡清虛好榮耀誇自無擾向
千窟披玩道德南華除此外閑弄絲桐一操
秋光未老錦樹屏山繞適性莠筭任登眺對
茫茫鯨海觸目琉璃天一色何必搜窮窈妙
待他年功滿化飛仙越短浪雲濤直趁蓬島

示門人

修行日用試與重提領本為他家願性命下
虛心苦志挫銳摧強忘寵辱自得神安氣定
鞋鞋境上猿馬休教弄稍覺偏頗便改正向
關中鍊就一粒金丹成片段萬道寶光輝映
有青龍白虎共扶持遍三界十方盡來稱慶

九日

風高露冷又報重陽候過雨羣山倍明秀正
披巖紅葉接徑黃花堆錦繡裊裊裊清香依舊
疑神望久思入無何有回首溪邊聽長溜念
人生如夢世事無涯空汨沒爭似吾家拂袖
據盤石容膝坐忘機看天末飄飄斷雲歸岫
又
素天澄徹時令秋將暮恁高清虛寄巖谷看

雲中征鴈列序成行續復斷迤邐呱呱南度
忘情真侶共講玄玄語猶勝塵凡奮名譽待
放來舞袖睡即和衣全放下管甚紅輪西沒
雲時聞一枕夢游仙覺來也重行錦屏深處
達虎部落游仙觀醮畢眾人索

昭君怨

游仙一境上下川原秀背負高崗面長溜看
峯排千刃地占三陽佳氣聚相接居民淳厚
黃童白叟信道崇具久同啓衷誠薦枯朽命
替裳騰奏列聖高真頌惠渥符下宣惠赦宥
釋幽塗苦奏恣停酸保見在家家共沾福祐
贈女姑蕭敬善等
奉勸修真仙衆日用全憑實行鳥免疾如梭
莫蹉跎 過景勿令心動坐卧住行安靜只
此是功夫合虛無

草堂集

自然集

道詞

同一

點絳脣

道妙玄微先須要悟明心地非容易見放着古聖文書內隱着真消息

混江龍

若說着胎元根蒂只除是含光默默守虛極去動中求靜靜定是幽微默坐忘言方是道羣居穢口是道根基有一等明師自高自大狂言詐語道聽塗說自把他元神昧全不怕上天照察也不怕六道輪迴

油葫蘆

道本無言行妙理奪天地髓就中只許自家知無中生有人還會玉爐內常把陰陽來配要進火功莫得遲雙關透入泥丸內自然顯光輝

天下樂

金液還丹下玉梯烹煎白雪飛黃芽漸長生天地質體內真路不迷化瓊漿滿玉池

後庭花

餓中飽飽後饑飲醞滋腎水將地戶牢關

閉化真精吞玉藥吐虹蜺黃庭內相會見金公紅了面皮將嬰兒和戊己共元神相護持

柳葉兒

直赶到天宮裏相會有姍女雨淚悲垂丁郎

見了長吁氣配佳期霎時間聚散分離

金盞兒

山頭雪巽風吹甘露降飲刀圭調停火候功夫細久全陰靜養神龜丹成金滿屋烏兔任東西若是將坎離顛倒鍊魄養胎基

賞花時

暫選一片白雪滿地堆運二氣相交飲玉杯三田內溫習四相和合體五明宮守真實公鍊六尺身軀修自己變七朵金蓮到處隨配八卦跨鸞歸至九霄雲外十分的顯雄威

煞尾

十載苦修行九陌為活計八百行修成玉體七星劍從來除下鬼六合內參透希夷唱道習五祖無為四闋內功夫誰得知養三田聚美有二天神相濟現一輪明月照玄機

一枝花

自從俺學出家偶然把明師遇受辛勤十數載無明夜辦功夫傳的是道妙虛無教我緊把丹田固為殘生作道術行火候燉鍊增加入靜定方為沐浴

梁州

寂然不動分毫志鍊金丹除了兀苦離塵俗換了凡軀忘言滅語片時間收斂鉛汞聚有根蒂伏朴歸真有志氣騰雲躡霧有緣分飛上天衢初學馬志真言語見世俗人貪財好慾不顧殘生一箇箇要攢金珠大限到百事都無費精神使得乾枯從今至古神仙本是凡人做定浮沉認宿主收汞收鉛莫遲阻自問他可有無無

告皇天

化清香吹入中霄路一時間造化須臾舞翩跹海底尋鷗鷺喜的是冷淡蕭疎弟子徒徒笑吟吟同步赴仙都蓬萊三島歸家去晝夜功夫無思慮冥冥杳杳恍恍惚惚天門開放道清虛地戶牢關抽添無數澄澄湛湛功程

做獨坐忘言默語駕河車上下寬舒功成純
粹守似有却如無明明地不昧元來路包含
萬象體不掛絲絳

烏夜啼

運坤火乾天霧要懸惚守玉爐鍊真汞成至
寶烹白雪似金珠煨黃芽做地母飲刀圭習
真土將龍虎來擒伏呼風喚雨

煞尾

化金仙脫體乘風去一道寒光滿太虛有嬰
兒有姪女有黃婆配親女霎時間會雲雨衆
仙歡箇箇舞出了世塵離愛欲早則不回頭
一心竟鍾呂直至蓬萊伴師祖同共羣仙一
處宿昇降三宮到紫府調息綿綿鍊真土收
斂黃芽治龍虎騎坐白鶴跨鸞輅離却凡間
登仙路再共清風做伴侶又共明月做道主
飛入天宮翫仙府

新水令

我在這門中整窮究了數十年纔參透了聖
人機變定浮沉歸妙理進坤火鍊丹田先鎖
住意馬心猿更不把世俗纏

駐馬聽

行的是調息綿綿呼吸風雲有後先比及得
三宮昇變九還七返妙中玄駕河車搬運走
如烟化清風直至金公院若要道心堅黃河
浪滾泥丸轉

步步嬌

大道從來人難羨有影無形現臺中別有天
鍊就金丹養胎仙雙關路上蒸連連醞甘露
頻吞咽

沉醉東風

大限到來不選也不論福富貴高官直推到
幾時休幾時休每日價頻發願頻發願今年
推到來年擔閣修行行路兒遠生死輪迴怎
免

鴈兒落過得勝令

俺也曾遇明師將真道傳指與無為傳教我
少貪心少愛慾教俺多辦工夫多修善教俺
休把利名牽教俺多看些古書篇盡都是通
玄處教俺共真師子細研若是俺功全得造
化無人見正是心也堅心堅得自然

沽美酒

將鉛汞鼎內煎鍊至寶用乾乾妙在前孩與
後孩分明有路顯引元神赴官殿妙用三關
機變一炁來透徹三田九轉爐中烟燭龍虎
龜蛇蟠旋出於自然自然有一箇無為真人
出現

川撥棹

好教我笑喧喧共諸仙一處眠也不索訪道
參禪常要默坐忘言調真息若不蒸喘有先
天有後天

殿前歡

勸英賢請君常看指玄篇無為大道人都戀
要行滿功圓跨鶴兒飛上天方纔入無為傳
早則趁了修行願修一箇不來不去誰肯戀
在世長年

歌指調

這回再誰把世俗纏超凡入聖隨機變道法
雙忘緊固抽添唱道真至蓬萊闌花做下部
自然集早則是虛無為願心滿

袞繡毬

辦功夫定慧開鍊三皇結聖胎嬰兒猛烈驚
怪須臾間飛過靈臺到黃庭內院歡動陽關
將龍虎排雲時間打成一塊定浮沉煥鍊三
災三華聚頂泥丸路五炁朝元遠玉街下十
二樓臺

倘秀才

調和就鉛汞冶為見坎女離男打乖自有金
公一處理成造化笑詒詒快哉

端正好

誰知道我靜中行功勞大這回早不添塵埃
幼年間曾把明師拜教俺跳出迷魂寨

迎仙客

長將他玉爐開須要這八門開用坎離顛倒
我駕河車牛旋買搬載入宮來收斂在三田
外

紅繡鞋

坐卧處陽昇陰降一竅開百竅齊開九還七
返定三災呼吸開歸妙道調真息透盈胞治
精華歸燕海

鮑老兒

鍊元神觀自在養胎仙笑顏開三田炁滾透
曾懷嫩至寶功勞大萬語千言句句該都出
在道德陰符界發動天關潤九垓採藥物在
乾坤外白雲堆裏飛昇快變化累劫修來

耍孩兒

初學為志真心愛廣看些經書註解忽然間
心地悟豁然開自想往日沉埋果然實有登
仙路任意縱橫到處該還了這冤家債這回
萬緣齊斷不添千災

一煞

靜中功默默的行點刀圭分皂白靈臺無物
當寧耐脫離生死修真路倒把枯松日夜栽
權且將時光來待咫尺的是功圓行滿獨步
上天台

二煞

也不索看三教書也不索學七步才只要昏
昏默默將功程捱鍊成玉體乘風去一道寒
光入聖階做一箇蓬萊客全憑三千功行滿
便要離俗骨得仙胎

三煞

任時節跨青鸞飛上天駕白鶴復地來飛昇
變化登仙界黃芽漸長人難識玉兔窩中好
避乖權且將時光待咫尺的功圓行滿獨步
上天台

煞尾

有靜功有定功無罣碍無罣碍這回還了人
倫債跳出迷魂是非海

正宮

撇了是非掉了爭和闔把俺這心猿意馬
牢收我則待舞西風兩葉寬袍袖看日月搬
昏晝千家顛足可求百衲衣不官羞問是麼
破設設遮着皮肉傲人間伯子公侯我則待
閑逍遙唱箇道情醉醺醺的打箇稽首抄化
聖湯仙酒熬杖馱鉢便是俺的行頭我則待
今朝有酒今朝醉明日無錢明日求到來
散袒無憂

倘秀才

有一等積善與子孫未必盡收有一等積金
與子孫未必盡守我勸你莫與兒孫作馬牛
今日箇雲生山勢巧來日箇霜降水痕收怎

救得他烏飛兔走

哀繡穗

恰纔見元宵燈挑在手又見清明門前掃楊柳
正修禊傳觴曲水不覺的擊鼗鼓競渡龍舟
恰纔是十月七又早是九月九咱能勾幾
番兒歡喜厮守都在煩惱中過了春秋你見
這紛紛的世事恁待要隨緣過都不顧急急
先陰似水流白了人頭

倘秀才

有一等人造花園磨磚砌甃有一等人蓋亭
館雕梁畫斗費盡功夫得成就今日做了張
家地明朝做了李家樓剛一似翻手覆手

哀繡穗

剗荆棘做沼池去蓬蒿廣栽花柳四時閒如
開錦繡主人家能幾遍而來往追遊倦這裏
亭臺即漸衰花木取次休荆棘又還依舊使
行人嘆源流往常時奇花異卉千般繡今日
都做了野草閑花滿地愁這不是葉落歸秋
呆骨朵
休言道堯舜和桀紂則不如郝王孫譚馬丘

劉他每是文中子門徒充倉子志友休言為
吏道張平叔偃月的劉行首則不如關金真
王祖師道不如打回頭馬半州

醉太平

漢鍾離本是箇帥首藍采和是箇伴優懸臺
子本不曾去沽酒鐵拐李欠焚了尸首眉蘭
仙引定箇曹國舅韓湘子會造逡巡酒呂洞
賓三醉岳陽樓度了一株綠柳尾休言功行
何時就得到玄關便可投入我場中狂馳驟
苦海波中早回首四大神遊三島十洲神仙
隱跡埋名他則待目前走

又正宮

我做的利己脫身術恁做的害衆成家活恁
道我風魔你更風魔俺這裏無名無利都參
破你利害有他這天來大俺這裏笑一合利
名場朗然識破破來由為兒女劫劫波波便
償下不義財積下些無用貨死臨頭怎生逃
躲少不的打輪迴作馬騾明放着天堂有路
人行少地獄無門去的多落落魄魄
自然集

鳴真集序

同二

道本無言非言不顯道本無經非經不明今
未聞者聞使未悟者悟僕蒙拜玄沖師於汾
陰龍興觀侍歲餘師南邁綿山之右誘矣僕
北還姑射之陽寓焉時師歎唾珠玉不構思
或懷古或託物或贈答或逸興縱心所欲或
詞或頌俱明宗旨陳非心之心言不言之言
言言見諸句句朝宗其文簡其義淵鳴真云
無影樹頭花笑日不萌枝上葉含春又云兔
角敲開三毒鎖龜毛拂盡九衢塵斯言離物
象遠聲色非徹法慧目離念明智焉能究之
哉深若淵泉曠如太虛恢恢焉見見馬尊上
德之玄風崇長春之英華非詭詐以惑時非
佐道而街世玲瓏瓏如明珠旋於金盤清
光罔極煥煥輝輝似秋月朗於碧天瑞氣何
窮師亡金承安間有汾陰先生李公自海隅
而還故邑師聞之延長春之英徒也欲師之
固辭拜長者於是望拜秘奧得其一二悟
機解有萬千幸有蒲坂同道寄世老人王巨
川嗟憶師之珠玉特有英奇暢道之美云動

若行雲之安泰止猶谷神之無隅發歎不已
 有寂子揚公劉先生等袖出師之集目之曰
 鳴真集恐湮微散落命繕錄以廣其傳謁僕
 等飾題辭巨駭忸怩斗筭之器焉能納百川
 手再三叩命固辭不已綜覽如瓊漿羊羹羹
 其厚口也體道之妙得道之用吐辭發言可
 不為梯航耳夫鳴真者鳴聲散宇宙不屈愈
 出若東君而發萌真光射乾坤體在皆無如
 冰輪之鑒物明同果日響若雷霆茲妙備矣
 歲在辛亥重陽後三日愚曾忝職河巾道錄
 汾陰張志明謹題

玄虛子鳴真集

慧劍五首

利物從來吹斷毛安邦輔主鎮凶豪忿生殺
 氣乾坤窄怒發陣雲天地高三尺寒光驚鬼
 魅千條冷艷破邪妖一聲霹靂九霄外化作
 飛龍不見毫

非是雌雄別有鋒除邪破怪射寒空澹臺落
 處七星燦周處揮時萬泓紅素色陰陽無可
 攝清光天地不能籠自從戰罷蚩尤後已得
 清平不施功

匣中取出絕纖塵季札歸天無挂人寧受黃
 巢安社稷喜酬漢主定君臣動搖三尺諸邦
 息揮掃八方萬國賓當謝軒轅傳在世故教
 除佞佐明君

三尺龍象射斗牛不平之事便分憂磨開殺
 氣千魔息錯出陳雲百怪愁雪刃如風涼九
 夏霜鋒似月鑑三秋休休了却太平事挂向
 天邊永不收

吾獲寶劍已多年入地穿山得自然瑞氣鑄
 成犀怪匿清光磨就萬邪遷輝輝光焰射星

斗燦燦鋒銚覆地天閣挂碧霄宮殿側不須
 重舉伴神仙

聰明

頓悟圓融泯物情方知返朴顯聰明視之不
 見元無色聽後難聞那得聲覺耀遍周天地
 朗慧光普照鬼神驚包含萬象陰陽外獨露
 全身了太平

題重皮谷玄都觀

重皮古跡物風華地秀林泉隱道家疊疊嵐
 先生瑞草層層山色長靈芽時時曙氣連晨
 氣日日殘霞接晚霞真箇無為安穩地化龍
 巨海不停蛙

閑步玄都觀妙哉茂林脩竹隱仙才奇哉異
 菓時時熟最妙仙花日日開鶴鳴松上雲還
 去虎嘯巖前風自來此地清涼誰會得洞天
 何處覓瑤臺

俗事纏綿無出頭閑遊到此便忘憂風生九
 曲巖巒秀霧歛三峯草木幽門外雲埋樵子
 徑庵前溪隱渡仙舟人來問我藏緣事遙指
 白雲笑不休

我是人間晦跡徒閑尋幽徑到玄都豁然物
盡非難入頓覺塵念逝不拘心似團團秋月
朗性如片片野雲孤從他寒暑光陰速不計
功名無礙夫

中條山下一仙在此處安閑日月長山秀千

巖巖化玉地豐百草草開芳客來茶點松梢
雪夜靜爐燒栢子香若是有人來到此世間
萬慮盡俱忘

中條西北有玄都瑞色紛紛道氣敷翠竹叢
中藏道窟青松巖下隱仙間連峯茂長靈芝
草巨沼深容不夜珠道跡不聞塵事冗清幽
洒落小蓬壺

詠竹

實腹虚心君子才九包坐計好奇哉欺霜鳳
子迎風秀傲雪龍孫帶雨培蒼翠最宜松並
檻玲瓏偏稱栢同栽有時蛻殼施雲雨要見
應難越九垓
寒巖雅秀無多種惟有琅玕過歲華直節正
當恬養素虚心恰合道生涯迎風瑟瑟清來
冷戴雨瀟瀟淨更嘉誰並真常君子器偏宜

仙洞道家

述懷

一志無移便到家方知處處有煙霞摩挲星
斗言休話驅逐風雲是莫誇性定不離降五
靈命生何用運三車人人都有曹溪景咫尺
蓬壺路不賒

真閑真樂號玄冲七十年來養就慵處處林
泉新活計家家雲水舊家風千經歷遍知忘
盡萬法試周得不窮說與門生消息事月還
西墜水流東

道人活計本無憂性月輝輝得自由養素不
須身外覓修真何用意中求靈珠朗朗通天
地素月輝輝射斗牛妙道從來常潔淨清都
隱隱恣優游

題重皮谷深溪

條陽之北一溪流溉灌三田稼穡幽聲碎清
風山色翠氣連白晝水光浮千波滾出驪珠
窟萬派催行漁父舟好笑許由閑洗耳爭如
出浪快心頭

警世

紛紛俗事日時忙昧了靈源勿付量利害場
中揮古劍是非浪裏鬪屠鎗人間冗冗光陰
速物外寥寥春晝長只此榮華何可並豈知
沙界遍仙鄉

哀哉塵務苦忙忙競氣貪財事事傷千種繫
纏無可出萬端惹絆有為妨迴頭掣斷是非
鎖信脚踏翻名利場好去碧巖泉下隱安閑
養素保純陽

勸君莫進是非場萬苦千辛計漫張豈解利
名風裏燭那知恩愛電中光貪榮爭似貪仙
士趣富寧如趣道鄉若要躍出塵世網早歸
巖下蕪心香

命汾陰張先生

稽首知音張道人別來無恙樂天真征鴻不
寄蓬壺信遼鶴空傳闌苑春道院家家風作
伴禪堂悄悄竹為隣先生莫失詩中約同賞
瓊臺月一輪

弔馬

嗚呼驥驥好傷憫負我十年命終一性飄
飄辭世去三魂蕩蕩別行蹤空閤轡轡我無

力不勤鞭輓尔有功蛻殼還源歸去好春雷
一震化飛龍

傷嗟奇異俊驂驢思尔無方進步避日日適
周巡沙界時時普應復神州幾年布德無窮
力今日別思有徹頭願汝真靈起劫外却投

巨海化蛟虬

哀哉代步俊驂驢歷遍山川避避避令尔去
先功已就奈吾在後行難周數年穩跨騰飛
鳳今日將亡的化虬舟舟騰空昇紫府安閑
息步伴仙儔

安恬養素

道人活計不驕奢寂淨虛無度歲華默默順
神焉用酒昏昏保命不須茶安恬養拙純和
素慎德踈慵開莫矯鍊就先天無價寶乘
鸞駕隱隱去仙家

寂靜無憂

從來可憤皺眉頭本性安閑有甚憂明月照
人諸業盡清風過目萬緣休街前世浪從他
滾門外風波自在流學得希夷慵懶似黑甜
一枕恣齣豹

明二

七

無業無繫有何求灑落瀟瀟萬事休俗態紛
紛無惹絆世情冗冗不淹留神珠朗朗寧能
行性月輝輝豈有網閣苑不須窮脚力悟來
迴首到瀛洲

道貴自然

一點靈明本自然何勞脚力覓神仙雨霖寶
山石潤玉法海雲收火化蓮覺後不聞獅子
吼悟來屏盡野狐禪親師太上玄玄趣躍出
陰陽象帝先

修真不用費功夫切莫施為愚騃徒擺髓搖
筋皆是妄咽津納液轉乖迂神丹豈有多般
作真氣元無一事拘可笑諸人向外覓不離
方寸有仙途

閑中得趣

閑中閑趣不安虛何必雲山巖壑居默默罷
參三教典昏昏不舉五車書家風冷淡無還
有活計清虛有不餘豈存虛都閑打坐圓明
長鑑道如如
深溪幽處結茅廬不向市廛閑處居不夜宮
中無事客長明殿裏沒羈儒澄澄法海波瀾

息湛湛神潭淵浪虛罔象獲珠無措意不勞
神思赴華胥

贈道人李志遇

真箇閑閑李道人本來一點絕纖塵慧彰戒
定言難說志覺無為話不頻福地林泉皆是
友洞天雲水盡為隣迴光解得長春意躍出
陰陽劫外春

贈吳道判

老夫慵拈筆硯忙忽驚不覺鬢成霜眼前熟
景光陰速物外家風白晝長好學陳搏三覺
睡勿言杜甫九回腸休休作箇閑閑老脫盡
塵勞有甚傷

述懷

閑行策杖出茅廬極目郊原錦不如鴈別衙
陽天淡淡燕離海嶠雨疎疎一川好景妖桃
綻滿地春光楊柳舒日晚歸來無箇事願神
養素樂無餘

萬事俱忘不出廬藏緣無礙體如如人間利
害般般盡眼底浮華物跡與後蒲團盤膝
坐悶來土塌展腰舒而今已作疎慵更樂樂

開闢道本餘

題王官谷玄通觀

王官遺跡有星壇名號玄通觀隱仙山秀雲
埋棲鳳竹土豐霧鎖化龍泉一峯帝葉千年
在三詔仙亭萬古傳仙帝超凡俱不面清名
勿朽古今宣

七言絕句

初機

發心容易久長難一志無移若泰山割斷愛
緣塵不染自然灑落得清閑

○ 答王先生問道在何處

忘非泯欲要堅心道在虛無何處尋認取本
來真面目拈來放下是知音

○ 贈張先生不悟

掣開眉鎖抽身出割斷名纏便是休性若碧

天雲片片萬緣無礙快心頭

○ 贈李道人

絕念無為李道人般般放下是全真休休已
得長生趣躍出陰陽劫外春

○ 詠茶

金童採得靈芝葉玉女收將蘭苑芽若是有
人知此味清香勝過趙州茶

○ 神珠

團團無相亦無蹤萬道霞光射碧空照耀大
千含法界參天兩地豈能籠

○ 禪道

禪道無為道是禪道禪無二沒枯偏本來一
點無分別湛湛澄澄常現前

○ 坐淨

湛湛寂寂方丈居凝神默默養神軀魂寧魄
淨主賓會萬慮俱忘一物無

○ 玄虛子鳴真集

葆光集序

同三

伏以渾淪未判已含天地之真清濁將分遂
運陰陽之妙由是三才既立萬化俱成人物
咸亨異人間出如真人者姓尹氏世族滄洲
人也祖先一母三產九男中內七人各封八
縣厥後簪纓熾盛抑今碑銘昭然至真人愈
為盛事童年入定看乾坤造化之原壯歲出
家了性命超昇之訣接人救物考古規今窮
萬事之始終列千賢之先後博施廣化汎愛
寬容為而不爭犯而不校欲仁而斯仁至矣
○ 不善者亦善覆之蓋由違向背之情曉幽明
之故既已往而弗諫但將來者可追知進退
存亡怨大小多少流言不入任毀譽以何移
凡事飽語信浮沉而所適隨流若類混迹同
塵受垢安身託詞警世清吟編簡意傳萬古
以無遺法語敷揚志取一時之有補可以繼
全真而預教叙正派以流芳開衆妙之玄門
指三清之直路高懸慧日照破邪陰大振宗
風蕩除凶穢故使門庭洒落境界清涼屏幽
夜之迷途附長春之勝域擬開靈沼植萬朵

之金蓮空駕神舟載一輪之皓月是知人難調制道不加行可懷寶而坐忘或窩憂而遊戲不離方寸歷遍遐荒復挈大千納于毫末心田晃朗照知聞見覺之前性海淵澄湛成住壞空之後感而即應捨之則藏淡泊于無

生逍遙于寂滅如如不動冥超劫外之天了了常存永在現前之地般般勘破處處圓成信手拈來轉頭放下諸門遍曉悟萬法以歸心多劫曾修證一真而合道是以曩離塵世久處仙鄉優游于碧落之中宴賞于清都之內上方尅約等師父之十年下會來期誕自身于次日是謂至禮無體至讓無辭按美名無稱之稱合上古不德之德其緣有慶其故無私蓋懷弘道之微機以示化人之雅範不虧細行終累大功既足清標敢無美譽浪裁狂語冒讚幽情不防條罪之三千私發師真之萬一云耳夫葆光集者即真人之所作也自承教一十三年常坐于大長春宮寶玄堂之重室葆光之軒日有在京士大夫及遠方尊宿參問請益求索唱和或自述懷遣興點誠勸

示復因諸方遊歷經臨景物題跋讚詠所得詩詞歌頌編列次第分為三卷以軒名而立號焉或謂葆光者蔽也謂藏靈識不令外馳雖應萬變不失虛寂之體又光者照也謂照破昏闇坦然前進不致墮墜徑入希夷之域

又集者聚也謂聚積珠玉眾寶等類施設運用以濟貧苦之者述作之義大略然否或謂詩有四鍊鍊字不如鍊句鍊句不如鍊格鍊格不如鍊意意者志之用詩思之委也故在心為志發言成詩詩之成也不必字精句健風騷屬時之為美美者美于德尚于志也志者稟於道感而動之託于辭和而節之成于文文者奮于言言者無罪則思無邪也夫正情性明得失主忠信戒權謀止強梁守柔弱寶慈儉去奢泰崇高節美教化真人之詩為深得之如云心中實行真為寶口內虛詞未足奇又云智源起處森邪感禮貌彰時道德衰又云性暴每聞人化虎心慈果見木飛龍又云從他外境魔千遍一片真心不解驚又云寵辱不驚君子性是非寧動法王身九此類

倒為篇皆然幸覽者知之耳若懶慢而不覽魯莽而不知嗚呼哀哉唯沁州長官杜德康為當世賢者也一見此集普願眾聞遂募工鑄板以廣其傳庶使英明之士同器之流覽其文而知其實悟其理而得其趣豁然頓脫塵累高蹈真空名列丹臺永超生滅真謂仁人之心也哉昔歲在己亥重九日門弟子煙霞逸人三肅熏沐拜書

葆光集上

清和真人尹志平撰

七言絕句

金山自宣德州至田相公營約七八
千里乃金山之北也

西北行程近八千却成南下過金山金山更
向西南望纔見陰山縹緲間

又

曾從神仙日下遊五千里外水分頭時人只
解東溟注不見長河西北流

又

西出陰山萬里多一重山外一重河大河五
次親曾渡餘外山河未見他

過大石林牙契丹國大石是契丹語
學士名林牙是小名中原呼大石林

牙為國號

遼因金破夫家鄉西走番戎萬里疆十載經
營無定止却來此地務農桑

又

摩雄戰力得農桑大石林牙號國王幾帝聚

兵成百萬到今衰落亦城荒

西域物熟節氣比中原較早故記之
止渴黃梅已得嘗充飢素樸又持將時當小
滿纔初夏堪熟梅黃麥亦黃

師適有他往而雲水高人踵門者日

無一二因作此

師去交朋來往稀知心運似不相知曾中有
志忘人事與我真情正所宜

唯太守家李提控日逐一過

此道難行步步高時人見者謾徒勞隴西道
友知何意忙裏偷閑日一遭

自詠

世念如今已不生惟思道德未精誠蒙師訓
教經千百是處無過苦已行

段公覓得小魚放生

乞得鱗鱗免受烹放歸溪水任遊行莫言他
日成鯨去目下從容也暢情

寶玄堂作

出門開眼見西山只為緣輕未得還身在葆
光雖散誕此心常憶白雲間

和陳學士

西山終日有雲煙只為人心未了然誰肯迴
頭林下問本來面目是真仙

和趙講師

休向心田挂一毫囑君四句記來牢叢中不
見他人過便許先生道德高

劉宣差病索詩

欲求輕健得安然試伴長春向寶玄百日消
踈如肯受他年骨壯自神全

蒙師肯去山東別燕京偶得一絕

西域歸來萬里餘區區尚未得幽居他時若
到安閑處靜掩柴扉不出廬

和王道錄

物物知空任去來頭頭心上覺花開是非過
耳休重問道德終身莫下懷

又

教風普振遇長春豈擇官寮與士民箇箇携
將歸紫府人人點化出紅塵

真人有天上人間四絕依韻奉和

天上真仙無事忙人間愚昧自相妨不知心

是根源主終日空勞禮十方

又

天上羣仙心本同人間萬法總虛空不知道
德渾淪妙猶自談西與說東

又

天上莊嚴道力成人間法像善經營不知上
聖垂方便執性昏昧幾箇明

又

天上真功達者稀人間立像要歸依若人頓
悟無生理便是吾門最上機

燕京會首問作福

作福須從損已求修真只要肯心休古今賢
達無多事福慧雙全第一流

自詠

自顧微軀劣弱多尋常五臟却安和雖然未
達青霄去幸免今生苦戰魔

又

人羨剛強是俊英我憐柔弱得全生試觀舉
世倉名者盡在塵中苦戰爭

又

受教師真三十年幾迴責我不周全暗中速
改即成老死上頭來尚未圓

寶玄堂下得房二間

兩間靜室一間空片席安眠樂在中莫怪忘
貧隨分過都緣造道未精通

又

暖室明窻我則眠返思天下有餘寒三冬誰
得優游過多被刀兵歲歲殘

又

靜室安居明更清等閑不惹世間情從他外
景魔千過一片真心不解驚

又

本來一點最孤靈澆着人情萬事生欲要歸
根清淨去應須返撲入圓成

又

用時行道學長春捨則潛心默契真一性既
通非內外兩般消息沒疎親

又

苦思奇句竟何爭無礙狂吟信筆成樂性發
言聊暢道興來自得不求名

禪子出示墨竹圖索詩

收得黃山三兩竿展開付與道人看任他塵
世光陰急不識榮枯與歲寒

道友索茶

爽氣自生常灑落睡魔戰退得清涼有為終
是歸生滅無事天然定久長

登高

白露零時秋意深紛紛紅葉墜寒林黃花亭
上三般樂把酒高歌遠與吟

自省好靜

從來辯正在人先觀事徵求訪妙玄今日始
知當日錯忘言忘我性方全

又

每見恣情招橫禍未聞至道惹非災古今仙
分緣何得都是存心靜處來

寶玄堂月下聞鴈

燕山空澗夜彌清坐聽征鴻一兩聲豪客管
營心有着幽人寂寂耳偏明

又

寶玄秋後轉加清靜夜沉沉聞鴈聲默坐睡

魔難着摸月光心竅兩分明

看雞冠花

羣紅十日多零落純紫三秋尚耐風莫似閑
花看一例性根稟受不相同

談論各處見解未如實際贈陳學士

人間口鼓未能窮出世清談與箇中誰解窻

明猶紙隔外頭裏面兩般風

吳學士呈真人詩五篇和之

幸為男子長中州好占仙標第一傳學取龐

君并許氏全家輕舉免荒丘

又

一身本分樂幽居免却人間虛過暮性靜自

然通正教心閑何必苦看書

又

修真無志望天然推了明年又一年只待陰

公傳的信此時何處覓神仙

又

人無決烈不能閑暮去朝來鬢漸斑都道林

泉堪養道古今幾箇到家山

天長觀作

浮名輕淡即成魔況復人情事轉多着景因
循無決斷前程終久待如何

陳學士覓冠簪詩

愛與人交心見心等閑未肯許冠簪先生骨
相非塵俗林下何時肯重尋

燕京劉會首出家要住西山上方雲

峯觀贈詩二首

教在幽燕大闢開度人千萬會中來唯君得

味心先覺靜住西山更莫迴

又

入道彭城最有緣專投誓狀叩重玄而今便

作雲峯主未到蓬萊已是仙

寶玄堂偈得

看破身空萬法空寂然不動感而適真常應
物渾無礙變化神靈顯聖功

又

日逐東生西復沈浮雲短景更相侵行年六

十老將至但向虛齋寶寸陰

擬住無明

莫縱無明業火生無明起處是真情觸來看

破無明妙便把無明作我明

修行五更頌

晚參罷後一更初收拾靈光入太虛耳內不
聞塵事亂性中寂寂樂無餘

又

二更寂寂樂真閑一氣綿綿任往還行滿三
田陰鬼滅功成九轉列仙班

又

三更三點一陽生六甲三元五氣清不是性
根超造化如何命寶得圓成

又

四更魔退罷驅兵穩睡安眠賀太平夢裏分
明無所著覺來依舊有餘清

又

五更五點五更殘一志堅剛靜若山休道神
仙無處覓長生只在寸心間

又

苦辭真人往縉山

大劫紛紛尚未安辭師別衆鐵心肝道人決
烈將何喻死到頭來更是難

甲申年十一月二十四日辭師會劉

烈將何喻死到頭來更是難

甲申年十一月二十四日辭師會劉

便宜留數日以數騎送至縉山道院
數騎翩翩別古燕北關已渡興無邊飄飄得
遂終身願馬上閑吟入洞天

又

便風送我到嘉山枕石眠雲自在閑耳內不
聞塵市鬧心中乘興憶西關

又

三九嚴凝雪滿山東風送我過庸關人情却
盡天垂祐莫是前程有分關

秋陽觀作

聞說秋陽景物幽神仙親到此巖頭長春詩
句真堪畫處處流傳早晚休

又

我今信步亦閑遊詩賦長吟與未休遙想天
長名重客幾人再得到巖頭

又

名山曾度無窮數不似秋陽一景幽去歲真
仙曾此過今冬閑客也未遊

春日

秋陽地僻遠皇州未覺東君造化幽莫訝春

光來覺晚和風咫尺到巖頭

又

一身無繫任天涯蓬轉萍浮度歲華不問故
鄉安且樂因緣靜處便為家

龍陽觀清明日述

物上施為不動情六根安泰自和平三田氣
滿千魔盡一點光通萬法明

又

物外閑吟格調清爽人曾臆豁迷情慧風飄
蕩迷雲散放出從來皓月明

山後暮春雪

春盡寒雲忽作雷北山玉屑已成堆妖桃艷
杏何曾見只有梨花幾樹開

西關外與大使華宗選庵地

數騎翩翩關外來洞天遊戲散心懷不求親
戚人情厚唯願相知道眼開

又

關外閑居景甚幽山深河遠水長流不須洗
耳心常靜誰望聲名繼許由

龍陽觀新成後園可五畝有老松一

株周迴種瓜日耘其苗因憇於老松
之下呈同道

隨師福薄未同塵供養難消便退身自笑不
能成大器龍陽甘作種瓜人

龍陽觀後有老松一株馮君讚其孤
秀長久不更變耳

龍陽可羨古松青柯葉經冬不變更孤秀亭
亭堪伴豈同花草片時榮

灤陽東至縉山可二百里所產之物
他處未可及也

懷來王液德與花未讓中原景物嘉更有閑
人真受用一川麻麥是生涯

重午日與德興府道衆遊白貼山靈
境寺

為求出世遠塵寰一上西峯六十盤得到洞
天清絕處使人特地覺心安

又

白髮蒼顏學道流觀山既水且優游少年門
下多勤苦老後身心得自由

無所取實自然可用心耳

對月臨風最愛吟
枯來放去不勞心
自知出語皆空相
惟遇過人是賞音

仲夏過武川道友以詩留過夏答云
龍陽七月間
立殿有瓜已熟
因作是詩耳

因緣到處是生涯
功滿三千結實花
來日龍陽曾有約
上梁已許啗新瓜

五夫人宅見怪柏禪床作

古柏禪床稱道家
相逢真箇好生涯
終朝共坐忘言論
各守清貞度歲華

堅辭道友欲赴龍陽

武川住夏勝龍陽
六月軒窓風自涼
又恐無功辭去早
不能待得好小嘗

退居巖穴忽一日
潘士送師號賜清
和大師人迴有詩上謝

降心學道出塵魔
決要修真上大羅
三十年来功未就
虛名賜我號清和

又

昔日玉清曾往紫
今朝巖下肯披羅
幻身任使經千變
且保安閑一氣和

克己修真較少魔
從來本分可張羅
如今潦倒加師號
有愧神仙張志和

又

糲飯充腸戰退魔
弊衣遮體勝執羅
浮利忙中亂實行
實功靜處多

山中雨過賞月

兩霄西山瑩靜天
分明寶鑑碧空懸
道人賞說中宵坐
為愛靈光一點圓

又

雨過西山月最明
中秋共賞稱幽情
寒光照破昏魔膽
一夜無眠徹骨清

又

山靜雲收入夜清
月光澄徹九霄明
照人肝膽無他慮
惟有詩情與道情

借道錄段公詩韻述

行盡千山及萬山
觀來無處可開關
唯餘闕外煙霞景
却在虛無縹緲間

寶玄堂西齋號曰親妙堂以段公詩

韻偶得一絕

獨坐玄宮觀妙堂
忘言默默內韜光
有朝養就渾淪性
塞破乾坤沒處藏

和眾賢亦石詩韻

緒石頻磨不讓朱
解開疑句樂真如
秘因剖析羣經旨
一點能通萬古書

又

美石精金總在山
未同此物代來顏
點開玉訣分明處
疑惑都忘咫尺間

自嘆虛名於身何益

昨日名卑心不樂
今朝名重復如何
人情未解平常足
空惹貪求罪業多

詠今古

太古玄風事若何
無為無作自清和
嗟嗟衰世人情厚
種下無邊業障魔

人求題架鷓圖

靈明俊健貼天摩
降伏機關保太和
常似目前休歇去
等閑不放過新羅

深入峽裏遊團山道院留題

滾滾長河千里來
亂山重疊峽門開
勢隨曲屈無窮數
流入東洋幾去迴

又

二峽崢嶸氣象雄團山水浸畫屏中眼前妙
景紅塵外疑是蓬萊第一宮

武川送道友至樊山縣回三絕

武川別後却歸燕際會應難仗有緣早是琳

官催督緊那堪石炭關生煙

又

只為吾師葬古燕蹉跎應物且隨緣修真最
怕傷和氣養性休生火與煙

又

雪巖皚皚南接燕穿山渡水我因緣一朝得
違長春境香滿琳宮結瑞煙

庚寅年正旦閑吟一韻十絕

談玄論妙話頭清意曲心迷轉不明盡道利
他全至德何曾損已半分行

又

劫運殘傷氣未清天關象善漸分明羣生普
化歸真教萬象光輝合度行

又

萬籟沉沉一氣清三陽赫赫九光明人間榮

顯非吾願頗愛存心靜處行

又

寸心不昧氣長清舉意無私道漸明十載行
周三界上一時功滿九天行

又

物外閑吟別是清磨閑慧刃道心明萬花叢
裏披衣卧百尺竿頭進步行

又

至道夷然極目清縱橫無礙四方明時人未
信真空路試與閑人作伴行

又

仙宮紫府有餘清闌苑瑤臺眼界明六六洞
前乘鳳過三三天上步雲行

又

天無覆翳朗然清聖帝真王日月明共喜鬢
斑該詔下太平國內自由行

又

長春景物自然清西閣東臺四望明羽客仙
官交互轉蓬頭了髻往來行

又

了道真仙萬古清垂言立教訓聰明上人得
意忘言坐終日騰騰獨自行

庚寅年通仙觀醮罷復迴以詩別道

友元帥監軍

火厭人間酷愛山山中分薄又東還功虧未

免隨緣轉猶自區區不放閑

又

徘徊數日戀西山書疏相邀便索還自歎鬢
斑年已老人情仍未許教閑

又

千里縱橫一帶山數年留意幾來還行時不
避崎嶇險指望終身永占閑

又

燕中邀我出嘉山數騎翩翩東復還不是白
雲香火冷本心縱意且清閑

又

疊疊重重無數山道人遊歷不知還未通下
手全真妙誰得逍遙自在閑

又

五絕新吟別此山此山別後幾時還若將動

靜能雙達到處無心便得閑

留別河山道衆會首

水聲山色本無情山水之間神自清不是此
間人事重重來憶望樂平生

又

樂道忘機適本情遊山玩水眼偏明老來不
得安閑處却使東西南北行

又

玄教開迷遠世情絕盡道心明當初來
後無多事只為情深有死生

跋十老圖

十箇閑人閑又清清閑眼看甚分明教君試
向閑中坐閑裏功夫是怎生

攀山先天觀住夏因時勸衆

西南仍有大兵荒東北安居夏月涼宜向此

間行吉善勤修道德藝名香

又

大劫紛紛到處荒幸然此地得清涼勸君加
志修真福漸覺無為清淨香

又

曾從先師歷大荒歸來惟喜此清涼干戈未
息先康泰蓋為人淳德行香

又

人人未悟性多荒安得道還心地涼識破機
關歸物外自然道德自然香

又

鍊性通真意不荒任教造物變炎涼功成跨
鶴歸蓬島留得高名萬古香

別攀山道友

物外逍遙遠世魔無為無作保清和我來幾
度人情熱大理推窮善者多

又

抱一無離物外遊飄飄獨駕大神舟茫茫苦
海人無數誰肯灰心上釣鈎

又

忠言善勸早回頭勸不回頭陷九幽大聖無
由提得出目前認正早吞鈎

詠先天觀殿後湧金池作木牌於池

面戒物觸穢耳

涿涿靈泉歲月深分毫垢穢莫教侵世人只

見無涯水唯我看時不盡金

道過燕臺清水村馬公宅宿滯雨

扶風邀我動天心一夜雲生雨作霖萬物西
成將有信千金難買一知音

述懷

學道年深始得成一番魔過一番新頻逢魔
處心休變魔盡才明一點真

又

七真修德動天顏一舉玄風過玉關水調歌
頭明有驗大開門戶倚燕山

崑州赴供三絕

常足軒居恰一年身心自覺稍安然教門使
我知難免不避迢迢赴黥莛

又

嶺北風寒自古傳三冬遠涉鴈門川道人慈
惠堪為寶度死哀生作善緣

又

暫別燕城處順堂代師行化歷他方本非留
意攀緣動醜主誠心不可忘

題墨竹

墨君寫就四時春葉葉枝枝迥絕塵奪得化
工權在手一番拈出一番新

常足軒中自述

常足軒中海全更兼風月伴流年人求見
者無他語盡喚長春小洞天

又

小軒山海盡方全常足為名侏老年好向此
間閑自在更於何處覓壺天

過晉安府南新庄贈杜道人

六歲出家九十一真明透四三七今朝幸
過宿緣深法法俱忘事事畢

偶得

收拾輪竿罷釣釣諸緣頓息便休休情忘意
滅無多事彼岸高登不用舟

又

不迷香餌不吞鈎便得安閑事事休雨笠煙
蓑常伴清江穩駕一孤舟

又

好把諸緣一筆鈎修真須向死前休茫茫苦
海波濤急歸去來方得岸舟

示衆

塗川九夏清涼坐崇義三冬自在眠只為從
來懷道念雲遊到處得安然

又

莫慮年深功未全一朝行滿自忘眠修真非
是尋常事要識然中然不然

又

普勸高明後學仙莫貪著慾慾高眠時時道
德相參問自證元初合自然

和寂通居士韻

修真功果若機梭不是虛頭且恁麼頓悟寂
通無慾處箇中消息自然和

通仙觀作寄燕山馮公輩

一帶西山總屬燕燕山堪可度殘年吾門本
即修真客來向山中便是仙

又

也無香餌也無鈎空設輪竿傍釣舟目擊無
言知這意何須苦口勸同流

贈石殿試

我有清閑欲付人人無分量敢全真石中懷

玉還能保物外逍遙別是春

過高家鋪

犬山心裏小庵兒暫過何曾一日期却愛洞
天人不到遷延住了許多時

又

三三兩兩小孩兒也會擎拳作禮儀到處善
緣天意順前程不遠太平時

又

只因靜處見嬰兒試問行人何日知功滿三
千方際會行成八百遇佳時

過潭源亂嶺關

下冬一日出礬山三九初行亂嶺關會叢送
迎多歎息道人難處也開顏

又

時當歲久歷西山繞過關來又一關寒氣着
鬚真老相朔風吹面似童顏

又

九九嚴凝雪滿山恰如韓子渡藍關一行道
叢真堪畫雪鬚霜鬚鬚老顏

嶽神山小亭詩二絕

萬仞峯前一小亭橫眠正坐眼中明目目前大道人難見終日逍遙自快情

又

萬仞峯前一草庵終朝興味坐偏甘有人來話人間事閉目無言到晚參

懷仁縣平日作

去年崇義添新歲今日懷仁換舊年更過周天十二度賀正甚處弄團圓

崞州南陽村紫微觀和移刺中書陳

秀玉韻

三教雖同人不同既言西是必非東目前便是分明處了一真通不二宮

崇真觀劉講師請齋

初過鴈門逢地角漸臨潯水見天涯如今反作中原地四海和同即一家

乙未暮春因過交城縣秀野園有詩

三絕以廣其秀野之意

秀野新城當亂離單君好事特然奇園中花木俱非俗家內兒童盡賦詩

又

暮春秀野正當時棄下妖紅別是奇兩事不偏誰得悟圓明消息少人知

又

因遊秀野過疎籬入眼堪憐錦樹奇若解村東王老意請公休記百花詩

因得平遙縣清虛觀

每求淡薄念深山却得清虛佚老顏古柏靜觀堪作伴無心無慮四時閒

潞州東北兵兒谷口黎涉二縣長官會首接送往來不致有失兼立觀同

積福行耳書來以詩迴答

南北縱橫千里山君當要路涉黎間幸臨權勢宜方便接引行人出險關

贈靳寶童

蓬頭日用道心堅好伴高公作小仙外學應緣除四相內修活業保三田

忻州張同知見請未能即應以詩答之

平遙曾到平陽一箇身軀幾處忙常恨功虧無變化不能普照應諸方

乙未季秋至介休縣洪山明霞觀作
洪山佳景洞天幽下枕清巖瀑布流更上高原三四里興來閑步到泉頭

過汾州義常村靈源觀土壙宿

土洞彎跽可避乖寒冬打瞌日高齋有時暴客專相訪更入深壙不出來

太原平陽兩路經遊迎送若無間斷

兩路應緣春復秋來迎去送暫無休人心不讓汾陽水伴我西南直到頭

詠河津紫金山老君峯

我來親筆記行蹤四顧山河是要衝仙境清高名自古至今呼作老君峯

過河津士庶求詩

洪波三面北圍山中建津城禹稷間道過相邀連信速滿川香火盡開顏

與西巖張閑話

莫問林泉莫問山清虛都在片心間若能常把人情速速盡人情便是閑

題新張村庵

身輕豈慮天涯遠性靜何愁地角賒京兆歸

來富仲夏清庵快意日將斜

荅楊漢卿

青霄有路果能攀要識真閑非等閑情性磨
碧雞四相調和真息透三關

題馬谷觀音閣

馬谷來時正暮秋一溪雲水好程頭衆人不
解予心樂飯罷從容獨上樓

儒士郭公以詩求安樂法

浩然一點要方圓直養無私滿大千變化往
來三界外何愁耳順不延年

登前高山

地角天涯在目前前高堪作畫圖傳有人來
問予名字無數松間一散仙

前高山得平遙衆官請書遂寄

新得前高代嘒西松巖密茂數難知幼時常
慕山中樂老也閑居正合宜

身退三絕寄燕山同道

心退應當即有年而今身退兩俱全玄妙
妙忘談論淨淨清清合自然

又

承教行緣數十年燕山官觀稍周全終南再
舉皆天意恰正歸來事了然

又

學道隨師三十年功虧尚自未能全風波世
路經千險誰解心頭只坦然

示衆

松風入耳昏沉少世事經心濁亂多幸遇洞
天清絕處勸君休縱睡魂魔

又

莫問修行淺與深道人影子道人心既知道
理分明處可惜輕狂廢寸陰

寄平遙縣馬會首

馬公向老認前頭識破人間便好休且向太
平尋久計閑人相伴度春秋

長春宮同袍策馬於前高山下為雪

阻故賦一絕以寄耳

湛湛清虛不立言報人氣象應無偏迢迢千
里來相訪雪擁山門馬不前

前高山連日雪戲題

雪霧濛濛不暫休青松綠檜也添愁更因書

疏東來急一夜青山盡白頭

沁城龜山遊懋得三絕

銅川已見可開顏閩郡及蘇山水間更有清
高堪賞處與來閑步上龜山

又

上得龜山四望明世間觀透快人情我今幸
遇清涼地唯願諸方早太平

又

每到龜山照四方何處不窮荒從今覺
徹人間世酷暑來時心也涼

閑中

體性玄虛感處通還能應感便玲瓏玲瓏養
就無中妙妙體真空不空

又

修真要解祖和宗宗祖時時顯聖功借問祖
宗在何處能言能語性玲瓏

又

默地悟時識祖宗立劉譚馬好家風門中志
士聽予勸努力勤修要始終

丁酉歲中秋沁城寄燕山同道衆

燕山已別恰三秋萬丈風波到岸頭更謝衆
真憐我老銅川未麥勝他州

因看子瞻壁間錄偶得一絕

道人兀兀三盃酒禪客昏昏一覺眠似是似
非誰可辭勸君休聽俗家言

贈馬會首

逢人未話形容老見者先云道德高虛室只
宜常自在灰心莫掛一絲毫

重午日別平遠縣李酒使

○ 寂靜身雲任往來從教世俗有心猜時當重
午離仙院滿檻葵花不見開

答大名府請在路滌疾不近

○ 昔日曾聞師受魔而今傳付老消和前頭無
限真遊境不許功虧得見他

贈牛仙

○ 學道須憑識見高過魔不退轉堅牢若能悟
得無生滅免向人間更一遭

○ 淮陽住時有清遠庵數與閑上尋閑

○ 三十年後領養與緣至今七十却返
本矣

○ 昔在淮陽三十年今年七十罷玄談靜中記
得真閑處却似當初清逸庵

○ 道人劉志希獻雕木七真小像

○ 一點靈光用處真精窮衆妙自通神運能更
悟元初妙刻出從來無相身

五華山道院

○ 五華真本是林泉萬木崢嶸接水源試問往
來遊歷者山庵幾處得周全

又

○ 五華見者盡開顏平路行來便是山道院清
幽仙境界林泉靜處勝人間

又

○ 玉蓮池上玉蓮亭對水臨山眼界清走過人
間歸計晚五華堪可寄餘齡

○ 遊五華五絕答王子正

○ 從師應詔起淮萊教在燕山次第開昔日鍊
丹修養處今朝閑客又重來

又

○ 青荷柄柄出方池正闕陶潛金菊籬盛夏栽
培香漸吐重陽相待未為遲

又

○ 五華再變類蓬宮一片清涼眼界中天賜老
身閑自在五華池畔快哉風

又

○ 何人通得內雲遊八表縱橫不解憂清淨境
中無盡藏問君何處是程頭

又

○ 絕盡人情見道情道情仍是強安名若人能
悟無生妙越過南華與赤城

○ 五言全章

○ 贊清淨經

○ 三能清淨理知者悟真情上德本無我下愚
元好爭湛然遺所應應物轉分明至妙從何
入真常性自平

○ 戒不足

○ 有衣能禦寒有食可充飢兩事如虧一使人
心意歌還如衣食足猶自縱貪癡忽尔業盈
滿臨危更怨誰

○ 處順堂中秋作

○ 處順中秋靜雲朋和氣添魔精滄海角明月

出山夫萬國同歡賞千門共喜瞻相看終夕坐都覺性安恬

礬山先天觀作

先天終有意雲水已無心隱跡唯求遠埋名恨未深秋陽醉益友春暉訪知音為礬西山

靜免教人事侵

又

守道忘塵累安居慕德隣坐中無俗客席上盡高人養氣若龜息鍊形如石皴為求真實相認取本來身

緡山秋陽觀乙酉正月上元木凌降

垂柳千條白華燈萬盞紅上天呈異瑞厚地顯神工碧樹開瓊藥青山變老翁滿巖諸草木盡化玉玲瓏

自乙酉六月至丙戌四月八日尚無

雨時在山後龍陽觀因有是詩

秋無三寸雨春有十分風冬雪又太薄夏苗馬得豐何曾求已過都只罪神功我已西闡去猶嗟歲計窮

與隴西翁相別二十年識時未及心

交今會話間乃知其心同往西山故

錄之耳

昔時曾見面今日又論心共約西山去同登北嶺吟逍遙出京市放曠入山林萬壑峯巒遠前程步步深

屢有請疏仍加以真人號偶得五言

次歎

為礬直入行人因喚我真真功若果足何慮不長春學道非虛妄修真仗實因常如七祖志報應豈虧人

王禪師病以詩贈之

古道雖能執今時亦可通修真合要妙康泰自和沖法盡身輕舉丹無體茶癯本來圓相現不許一塵蒙

題南庵

閑步南庵去南庵最適情門前溪水綠窗外竹風清處險常知足忘食總不爭只因身自在一片道心明

木林老父病過歲今年辛卯成就下元醮事

幻身雖久病道念愈精誠黃籙通幽府赤書達上清死魂忻濟度生命賀圓成至道非由廣如何出死生

木林老仙去以詩弔之

子已返真去予今為子來知心十載外同伴二年迴來後身如夢歸時火作灰死生常理耳何必苦傷哀

崑州神清觀有道判莊公談玄之次因贈言激發之耳

見莊生性靜塵難染心通行易成能窮方外義一片道心明

五華山喜雨

四月風方息五華雨有餘羣生皆喜悅我亦保安居夏種苗將足秋成事不虛往來遊戲樂時駕小雲輿

己亥歲四月陰霧七日始觀日月之光耳

四月陽方壯忽然陰氣昇昏迷天地暗黯慘鬼神驚七日如混沌太陰不放晴一朝雲霧

樂時駕小雲輿

光耳

四月陽方壯忽然陰氣昇昏迷天地暗黯慘鬼神驚七日如混沌太陰不放晴一朝雲霧

欽日月一般明

答王子正

幸然達正法便是宿根深勿逐古人跡唯搜
自己心目前甚易見身外果難尋清淨一言
了勝如萬鑑金

五言長篇

辛卯東路益場醜過景州贈東方道

衆

不得西山去天教東路行心空常合道性僻
未全明觀妙入無相逐邊屬有情全真修實
德着假戀虛名見色如空色聞聲悟寂聲動
時無少欠靜處有餘清縱欲道難悟收心行
易成幻身元係假實性本來平莫覓鉛汞法
休教煙火生同流聽苦勸別有好前程

出京寄長春宮道衆

三十三

離京五十日紙寫百千張信士盈郊接沉煙
滿路香隨方皆造化無處不仙鄉鍊性通三
界馳名遍十方有心棲靜定無意戀膾揚行
道因師訓立身須自剛民安修善路國泰誦
經章應命無高下隨緣任短長七真開正教

萬聖助明王行住由天意奈何無處藏

重修五華觀喜題

昔日燒丹院今為養老庵愛山非謂景慕靜
不名貪四海水雲定五華歸計堪採新牆脚
址汲水窰頭南食粥渾身暖啜茶滿口甘一

真難妄想萬法更何參有客不迎送無賓罷
接談任教人見怪自喜老來愁

葛洪山周姑書來以詩答之

古燕相別後乘馬入山東有意尋王烈無緣
到葛洪書來知隱避人去表行蹤鍊性青松
下樓真碧落中修成高士體養就達人風異
日功圓了應同竹化龍

盤山棲雲觀

盤山路不深道院正當心一谷水流細滿山
松布陰庵前閑散髮亭上靜披襟羽客朝春
藥幽人夜操琴雲生添瑞景風動轉清音此
地全真樂予知勝萬金

五言絕句

段道錄數載始會面因出衆人詩卷
繼韻二絕

莫覓塵中景好尋方外春舍光成大德出語
自驚人

又

恰似初相別又逢幾度春滿懷風月事分付
箇中人

長春宮警世十首

三十四

劫運陰陽數天災人自招一心常吉善百禍
永潛消

又

性正出言直心偏口自訛正邪皆自定議論
復如何

又

心平憎愛少意曲是非多惡惡沉幽境歸真
潛大羅

又

降心知罪福縱性屬邪魔上士塵情少惡人
嗜慾多

又

好辯機關惡無爭滋味長欺謾成地獄平等
是天堂

又
有欲般般着無情事事休明心知道妙見性
悟真修

又
寂寂元無添迷迷自有情悟來絕四象覺後
現三清 三十五

又
般般心地濁句句話頭清得勢欺人重失時
禍不輕

○
澄神知道大絕慮覺身空了見元初妙慧光
無不通

又
三田丹竇實四海自馳名吾道千年遇先師
萬里行

題山水石硯屏

妙有通神化虛無含至靈能知天地始元氣
自分形

因魔示衆

達魔無動念臨事易安心叮囑門中士再三

惜寸陰

又

天魔難改即人事易勞心叮囑門中士再三

惜寸陰

又

魔深重發志事淺愈防心叮囑門中士再三

惜寸陰

又

因魔成實德遇境見真心叮囑門中士再三

惜寸陰

又

却魔慙有善滅我用無心叮囑門中士再三

惜寸陰

又

千魔無洩行百鍊盡九心叮囑門中士再三

惜寸陰

五華山寄王子正三絕

未明三岳約且喜五華春雖則近人世幸然

已出塵

又

暮年知短景度日謝長春訓我雖三毒應當
出六塵

又

五華觀不足四季盡如春終日條然坐却無
一點塵

古詞詩

同道友遊大山寺

山重疊河灣環道友邀子上大山山上雲庵
三兩間坐中無箇不開顏

乙未清明過晉祠

○
今太原古太原今古相參事杳然唯有晉祠
廟前水湛湛清流不記年

食豆粥寄燕京道衆

苦苣菜軟菘豆粥薄二味從來偏愛一真水
得安樂食罷後四大冲和飽足時六神踴躍

老來得這受用把世間事都盡忘却

語錄

示門人天真道人

全真之教專於性命道德之妙今之學者多
不參同子從得道之士丘劉譚馬三十年間

口傳心受妙語玄言日用罪福何啻千萬雖是達理真功實行常虧難以超九入聖耳今隴西公出家年深斯者不期而會堅求于平昔所得師真之微言以為己用兼誨後學不得已略書數端耳夫道者本不遠人奈人自速之耳人知道釋性命為一者多矣差別者亦多矣不知行持本有妙性都無眷處慧命相資助一性真定入大無礙法門混而為真一未起生滅得靈通自在目前有驗是為真道也如學人堅固行持未至於達乃宿功有闕也至如一志盡死不墮者再出頭便是。通達之人聖賢不肯放過輕提挈則心地便開通道不為難矣師言要明萬法又要不着萬法既不着萬法是諸法空相也着法者是執指也不着法者知指處也既知指處是謂諸法皆空也以此明白便是箇無拘自在希言保命之人更加物上施為能轉換決斷慷慨不粘不着內外融通積功累行朝夕於是至如便不飛昇做得箇超羣拔俗有見識好漢遇觸處無心假使聰明快言語底人道他

不着難為指點也欲要前程未死之間不可虛度時光寸陰可惜既為學道之人須要參到箇實際處於師友教誨不可日闕雖自己通明亦當切磋行持以至於見效耳以此方可獨立而不改周行而不殆今略書數事皆得道之人微言教誨於予伏願同志者共行趨於彼岸耳

直言

示重陽宮祐德觀道衆

祖庭因緣非小補耳不同他處此乃是上天容許衆聖闡化教門基業之地既在門下者重興修建須憑真實行用志誠心過魔阻不生退怠一志積功累行方可消得此箇地面道人會意積功一分比他處十倍如作業亦然若功業大則非要我知惟望衆聖知之如動得衆聖真差達我前去親自點勘汝等勞心請求望我前去若積功者少造罪者多一朝禍至非小事也今者人迴以真實之語布告重陽宮祐德觀道衆各令通知耳伏望有志道人再三詳審前件語言於汝等深有利

益汝等休疑惑便當誠心下手不可遲慢衆真必無虛負汝處

七言絕句

重陽將近素真人會五華觀詩贈之五華雖則三春秀莫比閑遊九月來萬木凋爛山似錦羣仙聚會小蓬萊

寄段真卿諸公

萬朵金蓮同結實五華秋暮正當時重陽嘉會人難遇報與雲朋早要知道

答王子正

休心何必更休書見盡情忘復太初觀透經中無礙處自然心地便清虛

葆光集上

蔣光集中

同四

詞

清和真人尹志平撰

西江月

秋陽觀作

我愛秋陽地僻松巖來往人稀不勞打坐自忘機兀兀陶陶似醉 坐上有山有水心間無是無非朝朝常見白雲飛可以留連適意

又

我愛西巖氣勢連山帶土豐肥青松綠柳嫩依依更有名花異卉 春水涓涓聲細秋陽燁燁光輝此中不用上天梯便是仙家景致

又

我愛秋陽道衆人人謙讓溫和終朝豁暢恣高歌日用不分彼我 福地安居自在松間閑步煙蘿先人後已行功多永沒非災橫禍

又

我愛西巖秀麗仙園地發三陽山形曲屈卧龍岡只此人間天上 雲舍茆庵掩映仙花異果馨香市朝客到見清涼舉手應須瞻仰

又

我愛秋陽天氣一指雲路無迷何勞身外覓曹溪了見三身四智 莫問天機深遠休尋大道無為目前認得這些兒便是全真苗裔

龍陽觀冬至作

又

月魄光通四海龍陽氣滿三田一聲雷動振山川迸出飛光閃電 法雨常加有道慈雲廣布無邊此時方顯太平年遂我一生本願

又

天上仙無懵懂人間性有頑愚門中有幸看經書法性堂堂開悟 達理真明妙有觀空體合虛無無恙通靈寶證元初誰解無文不度

又

進道須憑篤志收心慎勿狂遊聽予苦口勸同流莫待因循皓首 綠髮朱顏易改青春白晝難留爭如速悟便回頭認取忠言善誘

時在天長正當大暑歸山後恰值三

秋因事而作

九夏天長暑熱三秋山後清涼一川禾黍正蒼蒼了見西成有望 論甚天涯海角儘他關外山荒目前無事即仙鄉且恁隨緣豁暢

又

莫羨喧譁京市休辭淡薄山家猿啼鶴喚興還加心地清涼無價 夜伴清風皓月曉觀綠檜雲霞蓬頭鬢髻做生涯堪向幽幃圖畫

又

窻外橫山入畫門前流水堪聽洞天幽處少人行不是塵寰路徑 占得靜中風月却迴闌裏人情湛然六識自安寧一任閑歌閑詠

又

月裏金烏報曉日中玉兔方眠誰知萬法倒顛顛此理非深非淺 認得元初這箇須明無事真禪人人有分性周圓只為使他不轉

又

淺見有知有識深通無悟無迷了然頓覺入希夷此是男兒正智 達道豈離方寸明心

何在天西終朝閑坐細尋思裂轉機關便是

又

有欲難超老病無情易變童顏虛心實腹六
神安步步清涼彼岸 九載能除四相十年
法到三山蓬壺闈苑恣遊閑免却人間流轉

贈田道人

動處休將性動靜中莫使心疑目前端正沒
關機真靜真清便是 氣滿三田自實神通
八脉方知了然頓覺入無為到處安心穩地

贈萬蓮會衆

事事諳來心足般般捨去身輕本初一點要
圓成妙語言堪聽 縱意不知有我收心
自覺無明無明滅盡絕塵情便是識心見性

入西山路

石徑雲梯路險攀蘿擢葛難行洞天深處水
山明遂却塵寰視聽 土洞安眠穩坐松巖
耳靜心清不須更羨許由名便是超凡入聖

又

非愛青山綠水惟圖隱跡埋名處衣糲食絕
人情養就元初本柄 氣結神凝久視虛心

實腹長生一朝功滿現三清此是男兒正性

勸衆減睡

夏日勤修寶殿冬天好鍊頑心三更不縱睡
魔侵便是先生戒禁 學道休迷妄想修真
莫夫叢林無為功滿恣歌吟自在高眠穩枕

常足暢懷

盡日觀山觀水終朝常足心休老來休樂更
何求保我陽生九九 幸得為人通道道中
別有歸投功成雲步看瀛洲萬古名傳不朽

贈張先生

日用電頭然火時教突裏亡煙始終如一志
精專也勝往來打轉 放下紛紛塵事明通
朗朗玄言一朝功到性靈圓便是蓬萊中選

寄京師道友

只為功虧行闕故教不免東西自從別後二
年期路轉風塵萬里 詞寄燕山道衆聽予
至囑休疑外緣雖幹內忘機免却前頭懊悔

又

人事雖然久厭道家爭忍空歸不因勤苦到
關西馬得重陽慶會 說與門中志士祖庭

已見根基終南山色古今奇老者堪為父計

贈儒士王子正

本性元虛不二奈何情慾交加人能頓悟道
生涯世態分明是假 更要深通玄奧須當
拂去矜誇舍光默然養靈芽便是無為造化

巫山一段雲

秋陽觀作

十九遊仙子隨師歷八荒西臨回紇大城隍
到處見農桑 一種靈瓜甚美赤縣幾人知
味大千沙界有多般鶴駕復東還

又

塞北三年轉天西萬里迴飄飄雲駕漸東來
無不笑顏開 道德崢嶸功大行滿決超三
界十方仙子行功圓得見太平年

又

太上臨關日吾宗受道時七雄戈戟闔相持
何處起慈悲 直至西天行化大教普闡天
下古今古類皆同方顯道家風

又

北海修真士西巖放曠人別師遐遞過關津

物外不沾塵 學道須憑法烈一片真心如
鐵九年功滿步雲霞三島是吾家

又

性燭通天眼心燈放慧光湛然靈物自真常
無處不圓方 住世榮華不戀舉措常行方
便一朝功滿化雲歸獨步赴瑤池

寄天長道衆

山後春將暮龍陽景漸佳東園芭蕉正開
隨分有生涯 道友堅心長久相見時時稽
首自然恬淡日和平物外有餘清

携杖上禪房山

自在三山客逍遙四海賓孤身到處自全真
風月永為隣 識破浮華虛假誰羨望雲星
馬一條拄杖勝龍驄穩步上高岑

先天觀作

涿鹿今朝到蚩尤往日休坂泉冬夏水長流
今古幾春秋 因此強兵戰勝直到而今無
定一生一殺做冤讐早晚是程頭

道友堅留住冬聖地西北有缺可費
千功未暇修補待春暖可以完備因

緣故述之

我有林泉與君無補缺心一方聖境理幽深
物外結知音 還到春時圓備合是全真一
會功成行滿待他年携手上雲天

龍陽觀九日

白酒寬懷抱黃花噴鼻香此般真味度重陽
性月自圓方 山後三秋無別幽檻樂叢開
微雨軒各各關芳鮮雅勝洞中天

勸世

道顯清虛妙釋明智慧深仲尼仁義古通今
三聖一般心 不認忘名默悟只解分門別
戶一朝合眼見前程悔恨不圓成

卜居西關好山萬疊河在其中曲迴
上下不啻二三十里潭水波濤兩岸
赤麻映日人善地僻可為終焉之計

自號曰養老庵以小詞寄之耳

萬疊山橫翠千盤河曲長居民安土樂農桑
流水落花香 卜此安居養老一任形枯心
槁不搖不動寄殘年何處覓神仙

題通仙觀

列翠峯巒秀仙都氣象清三陽端正玉鰲形
一氣自天成 萬疊雲山深處別是洞天幽
圃何人能得久閑居清靜樂無餘

催衲禩

昨夜西風緊今朝秋意深道人雖則是降心
寒暑亦難禁 衲襖宜教寬大且要晝披夜
蓋一衣猶恐不銷任此外更何尋

龍門川溪水同程老實月

溪水迎霜冷山花帶露鮮良朋共賞玉蟾圓
高會興無邊 長記西湖萬里素魄澄澄一
體今宵相隔正三年潭似夢遊仙

贈龍虎夫人

北海功還未赤城行已周一身清靜水忘憂
何處得閑愁 四十正當不惑事事語來明
白樂天知命保安和真理本無多

清水作

應運關正教隨時見寶壇衆真降跡在人間
却要列仙班 化度羣生無數箇箇盡教開
悟一朝功滿到蓬萊劫運免三災

自詠

濕熱燕南地清涼山後天陰陽難曉倒顛顛
宿業自牽纏 二載登程酷暑終日無言無
語閣中功行未能圓使我志心堅

戒無明

一點光明大三千業障深勸君聞早細搜尋
莫待禍來侵 觸處將身迴轉慧性能生方
便這些消息汝還知便是上天梯

鳳棲梧

秋陽觀作

正教流通千載遇浮世忙忙幾箇心開悟猛
省輪迴尋出路回頭便是真仙度 行滿功
成蓬島去好伴長春自在無思慮更有奇葩
千萬樹塵凡未脫誰能覩

又

世事無涯何日了爭似忘機學我歸山早山
下林間常獨笑人心未悟誰能到 終日忘
言人悄悄暮去朝來更沒閑煩惱惜取真陽
身內寶不須服餌容顏好

又

問道參禪都不會境上閑遊只要心無昧踏

碎虛空離六對松巖一覺和衣睡 何用人
前誇口快一點靈明不許纖塵蓋法性堂堂
觀自在歸根復命超三界

宣德州見請以此詞答之

山後三陽都歷遍宣德朝元不晚須相見數
載師前人事倦區區獨自隨風轉 幾度天
長曾發願禱食羸衣隔斷人情面官責榮華
無意戀不如巖下成修煉

又

巖上春光將欲暮可惜春光無計留連住春
去秋來分四序一來一去成寒暑 歲計謾
人人不悟得喪悲歡盡是輪迴趣我欲留言
叮囑付人心未解無生路

先天觀作

山後風光何處好上谷靈蹤自古軒轅廟湧
出清流方曲繞森森綠樹知多少 雲水閑
遊今日到信筆狂吟自在開懷笑萬景難侵
心合道全真妙體圓明了

和碧虛壇詞

至道幽微何處究竟想邪思便是魔人獸欲

要三田苗長秀真常真靜真無朽 五氣朝
元真一湊萬語千言須俟陰消六令古迷人
觀不透神奇枉化為膿液

又

一點靈明當內究散盡羣魔趕退西山歌萬
樹瓊花如錦繡長春水占無根朽 四海雲
朋來往湊上下沖和漸覺陽生六一道靈光
通骨透清香換了胞囊瑣

述懷

天下周遊將欲遍十載區區恐負先師願老
也休休人事遠遊山既水隨緣轉 報與知
音聽我勸劫運刀兵箇箇都親見仍自貪求
生愛戀前頭路險如何免

太平興國觀作

古跡琳宮堪作計槍柏青靑宛有長春氣直
待功圓方濟會無心默默符天意 幸得安
然清靜地終日逍遙方寸無營繫老火不堪
心自退紛紛世事何時已

先師昔日屢言燕山天下最勝之地
當是時果葬於斯以小詞記其意耳

天下風光何處好山海潛通無比燕中道四海雲朋來往繞先師默悟知還到既入玄門須悟早誰解修真此事非草草天意分明容起廟燕山千里來懷抱

臨江仙

朝元觀請以詞許之

自別都門人事少心頭不掛微塵閑歌閑詠默願神有中皆妄想無內却全真取性道遙雲水客無情淡泊閑人隨緣安樂絕踈親三陽將欲遍五氣自朝元

袁夫人住沙漠十年後出家回都作

詞以贈之

十載飽語沙漠景一朝復到都門如今一想一傷魂休看蘇武傳莫說漢昭君過去未來都撥置真師幸過長春知君道念日添新皇天寧負德后土豈虧人

西山靜坐

靜坐西山深有益等閑人事稀逢終朝飯飽恣踈慵養成清靜體化出主人公三十年來都亂覓如今認證真容狂情滅盡法皆空

本來無一事剛恁費千功

又

本是一般孤另物被他添著難知迷雲消散慧風吹何勞身外覓端坐是天西萬語千言終未悟悟來一字成非竿頭進步勿生疑般般都撒手種種自皆離

又

參透全真清靜法何勞相上經求好於此處覺蹤由莫生迷執見休要不迴頭真性如何能寂滅真空外閑搜其中無慾認真修隨機常寂定應物自圓周

示衆

目對千差無可取心閑一境堪憑真常不昧谷神清羣魔從此滅一點自圓成物外清吟唯獨樂人間寵辱何驚勸君速悟問前程要求真實相休論假聰明

本行省請予往山東葬三師燕京道

衆并士庶皆不許感懷

一別淮陽過十載天涯歷遍西戎歸來燕國住仙宮立言明祖教演法繼師蹤天意如

何非易測人情到了難窮予心本自愛踈慵却教居海北未許過山東

偶得

談妙談玄人易悟真清真靜難依人間世事不堪為十方明眼漢學我沒操持既悟淳風須返朴終朝朴實相隨合光默默外如癡心明如朗月性靜合刀圭

又

有相有中容易覓無為無處難為終朝作伴影相隨愚人尋不見達者已先知此理勤參搜獲正一條大路無迷勸君速悟莫遲疑常常忘視聽步步入希夷

五華山住夏時有道衆見以詞贈之

數載崎嶇天下過而今幸遇林泉飢寒喫飯困來眠離城幾一舍別是小壺天坐水上山俱秀發池中開滿青蓮老來功行卒難全未能三島去先作五華仙

無俗念

龍陽觀道衆索

了心一法越三乘妙體果離生滅萬事知空

非可取慧性輝輝通徹靜裏乾坤開中日月
堪付知音說家山遂到自有無限風月一
點無相真如澄澄湛湛內外難分別要會玄
元端的處無縱迷情乖劣勤論幽微頻修秘
竅參透天機訣此時不了更待何日休歇

又

參差萬有盡瀟濛一氣生成無極擾擾羣情
皆有我寂寂真空非得有內尋無無中覓有
誰是知消息高真方便唱出玄妙端的此
箇隱奧門風須憑智慧清靜開胃臆了見元
初真面目豈羨浮華顏色身寄人間名收仙
籍不許纖塵惑神思不動自來天地難測

又

冬寒夏暑共春花秋月年年無別唯有形容
朝暮改不覺催生促滅萬劫昏迷一時開悟
好把心休歇纖塵不罣本來一點明徹開
對龜鶴松峯林泉幽圃自在開懷悅行滿功
圓朝上會方顯男兒英傑此理非深玄機不
遠未悟難分說人間誰解暗中虛度年月

又

天涯海角任縱橫到處一身開拓世事知空
風過耳別有些兒歡樂玉鼎烹煎金爐滾沸
鍊就丹砂藥服之歸去化身空外飛躍是
則仙道玄微凡塵脫去使得同期約達理通
真功德備豈在幽居巖壑四相消磨三彭遁
匿自是人情薄全真正教正大心地無錯

繼人韻

同塵混跡悟玄元與旨深窮莊列會集雲朋
扶正教相繼先師無別外貌悠悠內容整整
果是如愚拙門清戶靜自然顯出高潔長
春境界無邊清涼永占處處堪休歇物外壺
天清絕處遊戲白雲金闕身寄塵寰性通天
外萬事難縈惹六根不動便是無生無滅

大安山樓雲觀中秋賞月

大安高絕風露清氣爽中秋時節霞友雲朋
方聚會共賞山頭明月照徹千峯明通萬壑
坐覺心歡悅神清骨冷永超人世生滅看
盡此夕風光空勞筆舌妙景如何說普照千
門皆可說不似棲雲高潔小院巖前大寒嶺
畔髮髻天相接坐中默想此間堪可棲跡

通仙觀作

通仙地僻向西山深處倚雲樓跡俯視峯巒
千萬疊隔斷紅塵消息閑步烟蘿靜吟風月
此事何人識修真上士更於何處尋覓一
帶無盡山川洞天幽圃自有神仙域名利相
纏誰得到難伴清虛閑客碧洞高眠清巖穩
坐豈羨王侯宅我來幾度此中留意多日

論性

騰今跨古這靈明覺性本無虧少箇箇圓成
誰肯認逐境迷迷顛倒萬種施為千般做造
都向心頭了些兒玄妙問君何日知道不
入無相玄門浮名難捨貪看閑花草口解清
談心未悟不覺輪迴來到好契真機驚迴幻
夢自在遊三島長生有分永超人世衰老
葆光集中

葆光集下

清和真人尹志平撰

同五

江城子

和蒼蓋郭秀才韻

乘車坐馬走東西論玄規入幽微天下崢嶸
隨分立階梯吾教流通天地祐無不喜盡歸
依 其中消息與誰期解忘機識無為霞友
雲朋心地要平夷抱撲全真明日用神燦燦
性輝輝

龍陽觀冬至作

六陰消盡一陽生暗藏萌雪花輕九九嚴凝
河海結層冰二氣周流無所住陽數足化龍
昇 歸根復命性靈明過天庭入無形返復
天機昇降月華清奪得乾坤真造化功行滿
赴蓬瀛

又

道人活計日開顏性多寬六神安晦跡韶光
無事到心間養就亘初靈底物名利客不如
閑 人生能有幾多歡老摧殘死生關六道
輪迴來往苦艱難好認吾門親至道情慾斷

出塵寰

又

法光普照道門昌出天長入龍陽寶殿圓成
朝暮藝心香霞友雲朋休外覓心地穩是天
堂 燕南河北好悲傷正窮荒受風霜劫運
推移何日到仙鄉誰解閑居山後意灑灑秀
小蓬庄

詠臘雪

瓊花絳亂玉塵飛滿長堤擁柴扉暖焙窻明
安用繡簾幃夜靜雲收銀鑑滿看雪月闌光
輝 季冬真瑞古今奇助寒威顯豐期感動
詩人魂魄入希夷謝女多才吟不盡留與俺
道人知

西山之通仙觀卜以重陽作醮前數

日北風嚴惡天氣昏曉小雪微作衆

意憂惶八日發牒之後俄爾開霽兩

晝夜畢十日陰雪復作萬口一辭讚

嘆希有勝緣因作一詞以記其實

重陽佳節醮西山暮天寒葉斑斕和氣滿川
無箇不開顏滯魄孤魂皆受度功德備出幽

關 河清谷靜氣閑閑寸心寬保全安白酒
黃花高會列仙壇共慶吾門祖師祐衆真喜
萬人歡

庚寅年通仙觀醮罷復迴不遂本願
以詞別道友衆醮信

玉河別後出西山曉霜寒過重關書疏相邀
須索赴清壇度死超生雖好事年已暮鬢成
斑 修真未就積功難鍊心寬悟真閑造化
功夫都在片時間幹轉玄機全至德無可欲
列仙班

別樊山先天觀道友

先天欲別意沉吟就清陰散幽襟酷暑全無
蚊蚋不相侵清靜安居堪久計住一日勝千
金 此方道友果堅心日相尋演清音訪道
崇真通古更明今九夏待予無以報臨去也
贈荒吟

仲冬

龍祥蹤跡古仙壇水連山徑彎環玉殿朱門
高聳白雲間疑是蓬宮臨白淑真福地可開
顏 仲冬遊歷苦無寒道人攢子文歡看盡

三峯別後兩閑閑何日復來林下笑散後易聚時難

方壺過冬

嚴冬共喜小方壺稱幽居論元初話到三更皆似覺清虛萬事有心求不得憑象罔獲玄珠一言了了性如如樂無為駕雲車朝拜高真功滿赴仙都速悟人人俱有分聽予勸莫凝愚

義州作

紛紛世夢暫無安蟻循環少開顏悟道修真要脫死生關認得元初無一物除妄想斷高攀。老來佚樂正宜閑罷輪竿釣舟還物外清遊歷過古仙壇更待東君傳信息度遼水看閭山

又

修行還悟宿根深得知音便明心十二時中外境不能侵保命全真無別用好容易不難尋。一時勘破古通今信閑吟詠迢峯海角天涯都是好叢林繼祖承宗行教化享天壽受人欽

榆次縣真常觀作

真常應物要方圓且隨緣行功全眼正心明認得化工權日用無私當直養浩氣滿現胎仙。一時慶會興無邊透重玄永綿綿徹徹人間幻境豈能堅便約故園堪久計觀八水既三川

沁州神霄宮賞月

素光皎潔暮天晴十分明稱幽情賞既隨時高會盡雲朋今夜澄澄垂普照無此夕得和平。碧空如水月盈盈性珠停保長生四海清通何處不圓成更謝高明恩德重瞻萬國教門興

無夢令

龍陽觀春分其間作

道友三冬鍊睡鍊陳搏苗裔咫尺過新春晝夜須當加瑞加瑞加瑞點點直教着地春日龍陽春睡悟得春光真意紅日正三竿却被春風驚起驚起驚起萬事一場春寐

又

閑把心香暗爇三界十方通徹四海遍天涯都是全真枝葉枝葉枝葉撞透清宵明月

又

我向幽憲守拙勤破春花秋月得意便歸來好把身心休歇休歇休歇就一爐春雪

又

說破勞生如夢箇箇昏迷虛夢默地悟心開達了真通清夢清夢清夢誰信真人無夢

道無情

時在龍陽觀東川秋陽來請丙戌元宵後臨行以詞別之

每夜三更問話說破人情虛假箇箇悟真宗道心通。要望秋陽迴意莫縱高眠春睡指日復歸來笑顏開

又

不避春風迢遞來往默通真意那箇是吾家信天涯。本性玄通無托到處一身安樂了了沒西東住雲峯

又

身逐東川道友有客西山專候真意是如何

囉唻囉 七十古來稀少今我六旬還到浮
世不堅牢醉陶陶

秋陽觀作答宣德州道友請

深謝將書來請繞到西巖春令百鳥正喧呼
樂無餘 道衆滿川和氣離罷更看天意緣
契合虛空任西東

又

但願身安心靜誰羨往來迎請正教滿天涯
過流沙 師意真慈普度應係羣生開悟積
行要無邊性方圓

別西山道友

行過天涯海角未似西山心樂與盡復東還
鬢多斑 彼此年過耳順別後有何憑准唯
願各心休永無憂

又

三老共全清福終日遊山不足坐卧白雲中
看青峯 飯罷東坡石上談笑開懷豁暢妙
景可忘憂對清流

別蔚州道衆

十月蔚羅行化去送來迎車馬和氣滿山川

教風傳 別後何時再遇唯願各心開悟功
積要三千化靈仙

又

九九巖凝氷結山後朔風凜冽西去意如何
囉唻囉 道友一聲珍重慎勿使他心動志
氣要平和道無魔

又

隨處道人道友勿使人情濃厚凡百在平常
少災殃 別後應當西邁接待往來寧耐他
日要相參望終南

懷仁縣作

我愛懷仁冬月炕暖寤明堪歌天意不教悶
過南山 東去西來非願海角天涯將遍道
果尚難成又登程

老年退居沁郡奉詔還燕京大長春

宮

十月小春時令萬物歸根安靜獨我水雲間
過東山 直指古燕無定老也敢違天命迴
首望終南再來參

依韻別沁州長官杜帥

未達難通天令誰解動中生靜道在有無間
隔千山 去住絕疑心定任運逍遙隨命終
日不迷雨更何參

減字木欄花

秋陽觀作勸世

堆金積玉日日慳貪心未足上何求直待
荒郊卧土丘 迴頭有路爭奈愚人迷不悟
若悟迴頭免了前程無限愁

又

勞生喪命誰解衣衿皆分定恣欲貪癡積業
如山猶不知 一朝有報鐵膽銅心人也懊
受罪無休恨不當時間早修

又

頑愚不息禍福還如身逐影劫運天災都是
人人心上來 若明此理視物應當同自己
了見天真善惡臨時全在人

又

損人利己貪愛欺騙何日已害衆成家富貴
人前仍自誇 陰公暗記死上頭來誰肯替
天道無私報應分明各有時

又

天堂豈遠舉世迷人尋不見地獄非親無限
衆生塞斷門 聰明上士幸得為人勤發志
志在心平片善無遺道自成

縉山川有三觀皆有陽字此間往來

故云三陽道士

三陽道士坐對雲峯談不二萬法如通盡在
忘機冷笑中 無明實性此理難詮如何證
要證元初認取高空秋月孤

秋陽道友見過

○金波玉液除却鳩川無處覓玉液金波一飲
能教五氣和 還丹大藥服了令人常快樂
大藥還丹福薄衆生要見難

一道士出示杜甫遊春詩卷

遊春暢飲萬物熙熙花似錦暢飲遊春迷了
從來多少人 儒流道士幾箇能通天外志
道士儒流誰肯忘情言下休

示衆

年深學道雖未通靈神氣好學道年深萬景
叢中無物侵 同流聽勸薄利虛名深可遠

聽勸同流放下諸緣宜速修

又

身心裂轉便是元初真面目裂轉身心一志
如山超古今 些兒若悟免却波波來與去
若悟些兒萬劫希逢此一時

又

同塵混世誰解忘言無酒醉混世同塵落魄
道迷甘分貧 靈源不昧勝積無涯真寶貝
不昧靈源一氣清成要上天

贈龍虎夫人

○昏昏默默世智聰明孰可測默默昏昏無欲
能開衆妙門 全真抱璞無慮無思無做作
抱璞全真入聖超凡只在人

西山作

修真近俗初地難當心境熟近俗修真誰是
居塵不染塵 林泉恣興便是修真無可證
恣興林泉且作逍遙陸地仙

又

安禪聚落難免區區閑把捉聚落安禪佛祖
常憂恐落緣 山林雖卧無慮無思真快活

縱卧山林一點靈光無物侵

贈燕京萬蓮會衆

迴頭返照世事無窮堪失笑返照迴頭得意
歸來便好休 休休省也莫縱貪癡狂野馬
省也休休一任年光春復秋

懷仁縣

懷仁抱義五帝三皇因此治抱義懷仁天下
生靈一體親 勤參道德建國成家為法則
道德勤參更與修身作指南

西路請張道人於處順堂畫西遊記

○清河畫士處順存心堪發志畫士清河早早
來時意若何 全真宗祖畫向白雲傳萬古
宗祖全真永鎮燕山日日新

悟南柯

勸世

着假求仙果迷真覓佛心藝香禮拜恐徒尋
不斷無明空惹業根深 苦口如良藥忠言
似美金人逢善者作知音正教休憑萬禍不
能侵

又

生口無明重死時地獄深寸陰可惜勝黃金
速悟無生上士做知音 轉眼迷他起迴頭
認本心功成自是出陽陰物外真閑坦蕩賦
清吟

又

莫要欺人重須妨報應深羣真降世布清吟
勸化愚迷災禍免相侵 更悟真常性動修
吉善心長生路上聽仙音 正道無疑穩步赴
瑤峯

又

莫覓他人短唯思自己長處身謙讓性和光
與物無私心地得清涼 會滅無明火能生
智慧香何勞遠去覓天堂任運安閑處處是
仙鄉

青玉案

自遣

揚眉瞬目分明露認得元來處清靜無為香
滿炷十方道徹遍聞三界一任年將暮 此
兒妙處堪人顧關外棲真忘來去更有靈霞
三四侶清吟野興固窮樂道此外非他取

又

心頭遠惡常修善自得真方便至道夷然容
易見目前端正是非休論塔作長生伴 玄
言悟徹無分辯默顯真內光現係養神丹
成九轉化身空外六銖天賜換了如今面

又

浮華莫戀心歸道漸得通玄妙清靜功圓心
地了高登彼岸清涼永占更沒閒煩惱 長
春真境仙無老咫尺洞天誰能到心上塵情
都一掃琳宮仙院乘風清興遊雲蓬萊島

又

羣魔散盡真何亂萬事無繁絳一點光同青
玉案纖塵不掛永無障礙得見虛空面 勸
君早把塵情拚下手速修轉頭晚前有風波
深不羨神舟穩駕雲朋相伴笑指蘆花岸

瑞鷓鴣

與延真觀小實師

道人起念不尋常宿業牽纏悉禍殃積實修
真方得久淳虛學道豈能長 旋生旋滅心
難定不動不搖意易防早悟知常功累足悠

時許爾志堅剛

詠西山

西山深處道家養道修真何處加九夏高
眠無暑氣三秋結實有新瓜 亂山坡下宜
木黍潭水河邊長麥麻四季平和人事少三
陰終日是生涯

過龍泉峪

西山一帶好人煙曲水環山若洞天無是無
非無寵辱有花有果有林泉 家家奉道邀
閑客戶戶欽壇禮大仙如此動心行吉善太
平快樂遇豐年

示衆

論道談禪開捷捷騰騰合眼便昏迷貪名競
利心猶在損己安人行豈知 益友不侵賢
聖遠良朋難近虎狼隨一朝數滿無由悔聞
早收心莫縱欺

又

為人幸遇教門興折莫因循著世榮節食減
眠神自爽忘情去慾氣偏清 暫時戒慎離
災苦又遠行持出死生奉勸高明宜省悟聞

身強健早修行

勸世

長春教法付清和普勸高明出愛河道德動
修天賜樂塵情苦戀世生魔 目前放下遊
真境身後功深赴大羅我有忠言親說破看
君聽了意如何

又

六年動作小功成固蒂深根漸次榮東院西
宮閣客坐南來北往道人行 十方和氣精
神爽四海同心道眼明天運玄風來此地燕
山路上好前程

南鄉子

寶玄堂偶得

本性愛疎慵不厭無名不厭窮落魄隨緣無
所礙心道親透人間事事空 得失本來同
動靜何勞問吉凶兀兀前途真自得成功都
在忘言冷笑中

贈西路道人

幸遇好良因枉惹浮名受苦辛只為目前些
子事因循越過中間換了身 默坐守靈根

空外閑搜空外真認得亘初微妙物堪親喚
作神仙不喚人

虞美人

勸世

邇來似覺精神滂識破人間夢皆因恬淡樂
清和與物無私光照遍山河 如今普勸修
真衆莫待空無用一朝歸去恨身早悔不當
時動苦做修持

月上海棠

示衆

先師歸去功無量日赴千壇顯聖象化身千
百暗中度人來往休輕誇恐災禍臨頭怎向
一時開化通無上廣集門生普供養但持齋
戒志心各懷歸仰虛空裏常有神明賜賞

踏雲行

贈長春宮道衆

智慧男兒聰明上士修真幸遇先師指葆光
殿閣對青山白雲堪伴長春子 樂道明心
勝看經史神仙籍上書名字大家勤苦守靈
蹤皇天肯負清高志

自詠

薄利虛名誰人能戒前頭路險猶貪愛惟予
不敢着浮華中心有願超三界 廣布慈風
休生懈怠忘心懷忍辱常寧耐露開心地若虛
空分明見箇真難壞

又

暗地高真明加保祐白雲仙跡當成就吾門
七祖鎮燕山金蓮萬孕芬芳秀 衆會寧心
道人長久同修清德過星斗他年功滿去朝
元先師應賜長生酒

又

靜裏喧喧鬧中寂寂靈源妙用誰能識兩般
顛倒入塵無自然顯箇真消息 氣過三關
神遊八極綿綿來往無蹤跡此時休歇罷參
尋前程路上忘疑惑

讚師父仙體不朽

玉骨元清金丹已就長春不老何年朽圓成
一性遍河沙遺骸全體仍依舊 萬代稀逢
一時罕有天涯門弟來奔湊安居處順慶真
容焚香十萬連三晝

點絳脣

重九後五日作

體入虛空猶然未可為憑據真空路氣神相
聚現出陽神去 若遇知音此事堪分付君
聽取莫生疑悞行滿天將護

又

聞說修行十差萬別難依據真空路何人得
趣撒手堪歸去 行積無邊功要三千數心
開悟逍遙雲步應過天仙舉

又

學道尋真寧心耐意搜求正刃圭柄羣真相
慶一顆明珠瑩 照見元初認得頭和影神
通聖內容清興物外閑吟詠

又

學道難成無明觸處生烟火招殃禍時光虛
過生死如何趨 早悟前愆更不生人我還
真箇時時明破下手修仙果

又

曄曄重陽素秋氣爽添清興仙歌詠黃華相
稱朵朵如如性 小檻芬芳滿座人欽敬真

清靜香風純正萬戶千門慶

暮春遊五華山繼先師韻

昨日春遊一行恰似乘鸞鳳知音共適懷心
縱直入桃源洞 好向清溪閑聽琴三弄真
歡動任地迎送管甚莊周夢

卜筭子

王虛觀夜境中師父令和都要奔波

走上筭子仍易其名曰北地樂

真性休空走二物長相守這些消息阿誰知
便是無中有 寶鼎瓊花放玉戶金光透作
箇清涼彼岸人清靜工夫就

賀聖朝

義州醜罷命郭志全講道德二篇

古宜緣重善根深種志士心堅感吾門洪教
廣開緣共談論功圓 中宵不寐雲朋高會
參透玄玄向五千文內契忘筌見自己神仙

又

夜深人靜披衣閑坐琴聽無絃罷高談逸論
默通玄任龜息綿綿 陰陽昇降沖和四大
骨壯神全抱元初一點行功圓看歌舞胎仙

太平興國觀中秋賞月

海清山靜素秋光滿涼夜人圓恣開懷賞既
過三更更談論幽玄 圓明頓悟無私普照
善行周全向今宵覺徹性皆通證陸地神仙

一剪梅

依先師真人和移刺仲澤韻義州永

和庵作

九九方終暖日陽春和崇義無夢天長十方
三界恣遊行矣夏還逢不覺秋霜 悟得真
閑萬事忘自然佚樂心地清涼本來一點縱
寬舒散盡羣魔獨現威光

示衆復用前韻

外積陰功內固陽長春示衆此語偏長還能
頓悟入無為宿業猶如赫日消霜 不假澄
心六慾忘功成行滿越過炎涼騰騰兀兀任
西東覺徹人間且恁韜光

太平興國觀示衆

天賜平遙好歇心琳宮寂寂古柏森森清陰
密鎖洞天幽聚落相隣靜勝山林 清靜無
為孰得尋太平興國覓箇知音勸君速悟莫

遲疑言下承當賢聖加臨

寄蔚州道友

越過靈仙壺水傍西河錢送誠厚難忘未能
款話便登程度嶺嚴寒來意匆忙 幸得和
平達道鄉渾渾源豐足諸事安康有人東去寄
新詞報與知音表我行藏

詠前高山

新得前高一簇山清虛洞府亘古仙壇皇天
憐我苦奔馳伏我年高教我開顏 暗謝高
穹賜我閑松間石上斷了追攀忻然自得樂
無窮行也堪觀坐也堪觀

又

新得前高自發揚拳巒峭拔松檜成行道入
跡計出紅塵碧洞高眠無事牽腸 白髮垂
垂兩鬢霜青松影裏描邀難粧往來遊戲日
當斜行也清涼坐也清涼

又

新得前高孰可知世間清絕詩筆難題朝元
峯上試閑窺未赴蓬萊先到瑤池 一派松
風入耳吹仙音縹緲洞達幽微興來策杖步

雲漢行也相宜坐也相宜

述懷贈程老先生

學道無成天不慳虛名濫占實得應難從今
志氣更重加東望都休不下西山 深謝知
交忻崢間四時不關助我衣衾有時慶會上
朝元功行雙全日赴千壇

述懷贈柳先生

一點靈明本寂然隨通隨感應赴諸緣頭頭
認得這些兒動也方圓靜也方圓 日用無
私不着邊清虛消息此法堪傳指人頓悟入
無為行也忘言坐也忘言

下山

為愛前高自覺過天生阻隔不放沖和前頭
何處道緣深無福清閑有分奔波 老也功
虧一任魔長春教語慎勿蹉跎自來達道學
仙人功也無多行也無多

下手遲

義州熊罷勸衆

諸緣種種怎生休萬慮紛紛何日息情忘處
諸緣頓了意滅時萬慮俱畢 問君能有幾

多時猶向人間弄智識還知恁麼便迴光免
使臨頭愁戚戚

昭君怨

泉州洞真觀書于東壁

節令重陽閑步直至武清南渡極目看嘉祥
水茫茫 連日陰沉微雨正在蘆花深處遊
樂水雲間望西山

鳳樓梧

勸世

大教普聞天下轉返樸全身日用垂方便方
便真慈清靜願心通漸覺人情遠 上士高
明容易勸既悟玄風早早忘知見世事安能
長久戀不如認證元初面

葆光集下

西雲集卷上

洞明子撰 同六

七言絕句

山居十三首

擺脫名韉利鎖因歸來晦跡老林丘困時坐
 卧長松下拂拭紗茵枕石頭
 和氣氤氳洞天孕成靈質行功圓醉眠青
 嶂聞禽語喚出長生久視篇
 兀兀忘機出世籠飄飄雲水任西東醉來歌
 枕松陰下誰奏笙簧滿太空
 一片孤雲到麥閑兩輪日月任循還道人手
 段能如是歸去埋名碧嶂間
 一溪綠水遠柴籬四面青山列翠微門外無
 他車馬客洞中時復野雲歸
 山堂終日沒來人靜夜時經虎撞門心性湛
 然居一闕化成和氣上崑崙
 碧嶂巖前與友期忻然談笑夜忘歸眼前不
 見紅塵境頂上白雲映月輝
 林泉養拙人情遠方寸無塵仙趣佳信步閑
 遊山與水歸來高枕卧烟霞

靜夜興遊山色裏騰空撒手紫雲中妙高峯
 上猿啼月清淺溪邊虎嘯風
 十載身潛碧嶂間五雲堆裏自由閑閑人物
 外無人識南北東西自往還
 厭居塵世樂天真物外逍遙散誕身深隱碧
 霞無伴侶高山流水作比隣
 行少玄門未出羣得潛身處且潛身不求世
 上功名貴願作林泉守拙人
 洞天風月水和雲芝秀道開玉液醇昨夜青
 衣傳聖語都教分付與閑人

迷懷五十首

豈倦人來到我齋恐人帶入是非來不爭談
 是談非理悞却真閑真樂哉
 少年割斷攀緣網返照潛居老氏家散誕水
 雲為活計清貧柔弱作生涯
 心念猶如水上漚迴光照破波蹤由若人知
 此修行理和氣通身自運流
 不羨人間萬戶侯忘名棄利百無憂飢來隨
 分巡門乞飽後歸庵摩解牛
 方寸無塵出世籠忘言得意本來空青山有

石平如枕甘作人間打睡翁
 識破浮華利與名圓全性命行功成玳瑁聒
 耳雲瓊響跨鶴神遊上玉京
 紅塵堆裏眼慵開觸處無情性不埋雲破碧
 天秋月朗携筇獨步上瑤臺

落魄閑遊自在仙困時高枕卧雲眠夢中一
 點塵無滌化作金光滿大千
 玄妙機關總不推全身放下入無為寂然應
 物真空體便是男兒了悟時
 一真悟徹萬緣休更不蹉跎遂意遊氣滿精
 盈功行具騎鯨歸去赴瀛洲
 放下全身道可親心灰不復滌凡塵靈光上
 下通天地南北東西自在人
 死中又死死中死休了還休休了休鶴詔飛
 來三五次騎鸞纜縱九霄遊

手提寶劍戰魔軍戰退魔軍作道民穩駕白
 牛遊洞府閑人渾似不閑人
 通天手段人難測出世機關鬼莫知藥闕琳
 宮朝帝寵靈裳整頓寧瑤池
 心夾形槁罷干戈骨肉都飛上大羅俯視紅

塵車馬客區區名利日奔波
物外忘機合聖機天關撞透赴瑤池笛吹汝
孔誰人解琴操無絃只自知
觸境心休脫衆魔忘言得意罷干戈人間究
轉俱無盡只向庵中養太和

清貧柔弱做真修名利浮華事總休心地了
然無別物清風明月滿瓊樓
修行頓悟絕塵埃消散迷雲性月開煨煉洪
濛歸我關不移一步到蓬萊

清光耿耿絕纖塵浩氣綿綿養谷神有事不
如無事客無心雖羨有心人

和氣氤氳過九垓蒼龍穩駕十洲來通明殿
裏笙簧奏痛飲醍醐樂快哉

昨夜騎龍狂道士專來共我話玄風丹成幾
轉光明暗猶欠人間清淨功

頭頭識破本來無浩浩清風滿太虛認得箇
中真面目便將形體作蓬廬

頓捨浮蕞絕世情忘機忘物更忘形神凝氣
結嬰兒就縱去收來入窈冥

心忘諸境出迷河意不沉空道行多雲散碧

潭清皎潔靈光不昧氣神和
竹几蒲團小草堂儵然無事且韶光從今更
不閑吟咏免得教人話短長
紅塵夢斷樂無休應物無生得自由神氣調
和功行滿蒼鷲穩駕赴瀛洲

從悟全真沒一文一文不置是全真怪來布
被三冬暖分得壺中一半春

嫉妬慳貪何日息氣財酒色幾時休回頭猛
悟都拋却撒手歸來儘自由

百年光景四旬過一事無成兩鬢皤昨夜猛
然心省悟寓居環堵養沖和

因誦還丹九轉經十年醉夢一時驚無心世
上爭頭角有意山間匿姓名

遍遊南北與東西雲水行藏亦庶幾俗世生
涯從擾聒仙家活計自幽微

靜坐忘言自付量前程進步入仙鄉仙鄉怎
得教人見陰盡陽全道自彰

靜坐忘言自付量前程進步出塵疆丹田有
寶起生滅方寸無情即道鄉

塵緣頓捨暮修仙性命圓融得自然觸境心

灰無事客洞中高枕卧雲眠
兩端善惡出無由一種塵心不肯休拼死十
年爭鬪戰了時獨步太虛遊
隱居青嶂暢情懷高卧雲烟樂快哉心意忽
然塵世去神機猛省便回來

綠水青山絕點埃更於得處覓蓬萊
舍雖云陋無福誰人得到來

回先勘破人情意返照觀開世態心世態人
情心意盡不妨高枕卧瑤峯

不趨富貴守貧閑為甚教人冷眼看拂袖便
歸青嶂裏騰身高卧白雲端

功名富貴都拋却世務人情總棄他直入雲
山深處隱苒齋細細考玄科

十分拙訥十分靜一味清貧一味閑金闈山
深無客至一爐香火掩柴關

憂患業中憂患遠是非堆裏是非疎神機點
識行藏理天上人間信不虛

乾坤拍塞虎和龍掣電轟雷造化功天字爛
遊踪散客世人那有這家風

自入玄門二十年收心不放馬猿頭歸來拍

手巖前笑乾漢元來果是乾
蓬頭垢面似憨癡內箇靈明不放釋直待青
衣傳好語恁時方信悟玄機
三藏人我是非情一念歸根道眼明從此出
離因果界自歌自飲樂無生

譬似無常限到頭爭如好向死前休休休
到無為處方出俗流入道流

奪得陰陽造化權便為蓬島洞中仙蛟龍引
向山頭卧猛虎牽來海底眠

一聲鐘響夢魂驚三唱雞鳴出帝城獨步崑
崙山頂上俯觀淨世利爭名

道興五首

神劍自從藏匣裏魔軍啾唧骨毛寒十方世
界都遊遍一點靈明觸處安

歷劫輪迴今日悟頭頭劫破出九因閑觀洪
海峯前立偶遇靈樁天上遊

佩劍騎龍氣勢雄翱翔適意過蒼穹三山夜
過天猶早就宿瑤臺第一峯

一色青山聳碧空數聲幽鳥夕陽中鳥聲山
色無人悟悟者還能造化通

翻破諸緣出世間碧巖深處樂真閑卧聆溪
水潺湲響放眼西南更看山

偶作七首

翻破人情世務虛飄蓬雲水寄天隅亂山深
處藏茅屋更不人前美幻軀

飽語世務不牢堅避迹林泉養浩然直待神
丹成九轉倒騎玄鶴上三天

不論天機與世機松間卧看白雲飛有人來
問修行事笑指西峯冷翠微

臨頭境滅自心空和氣周流滿行功與即縱
吟青嶂裏倦時高卧白雲中

四圍山色鎖瓊陽一泓泉聲透草堂可笑世
人心太濁却於海上覓蓬莊

雲山四面挿穹蒼中有洞明道士堂好是暮
春三月裏落花狼藉水流香

金闕山藏一洞天古來招隱出塵賢一溪雲
水環青嶂萬頃烟霞鎖翠巖

閑詠二首

時時刻刻悟重玄物物頭頭見本元不語語
中機莫測無為為處理難言

衷情不訴世情機適意閑吟得意詩有事爭
如無事日無為勝似有為時

戲作二首

亭下長松四季春松邊無語立莎茵夜來行
到河堤上柳絮隨風也撲人

溫涼寒暑四時安甘苦辛酸一味餐雖有是
非來耳內並無榮辱到心間

西雲集卷上

西雲集卷中

洞明子撰 同七

谷神

物外忘機坦蕩身無中認得本來真天關湧
出歸蓬島此箇家風號谷神

死心二首

志得羣情念不與追思羣念只心生我心解
使生前死富國安民道自成

修真活計有何憑心死羣情念不生精氣沖
盈功行具靈光照耀滿神京

悟道四首

師傳祕語悟心開物外家風物裏培走遍世
間尋不得鳥從花裏帶將來

忘機兀兀悟真常法性堂堂滿大方鉛汞兩
般收鼎內鎔成一片水晶光

神仙元本在人修念斷形忘出世因悟徹亘
初無象物庵門不出到瀛洲

祕語師傳悟本初來時無欠去無餘歷年塵
垢指磨盡遍體靈明耀太虛

雲水

跳出九籠沒過襍飄飄雲水好因緣綠沙滿
地松陰裏閑伴幽人一醉眠

示衆二十首

視聽忘懷心地靜悲歡絕念氣神和元初悟
徹無來去這箇家風會得麼

心休乍作無塵客頓悟重修又復修性似遠
天秋月朗清虛影裏伴雲流

綠鬢盡添新白髮區區名利兩無成直饒豪
貴終何濟難買輪迴不死生

周秦漢魏今何在虛幻功名總不堪肯繼古
人張范輩隨吾歸去老雲龕

是非總付無爭裏人我都歸忍辱中若更身
心全放下靈光照耀滿蒼穹

休將玄妙把人籠玄妙予觀也是空空跡頓
除為進火丹砂爐內自然紅

日夜經營名利事朝昏整頓幻軀身直饒緊
綬金章貴爭及無名關道人

生死途中人度歲輪迴路上客流年可憐錯
把身心用不學長生久視仙

休將幻體為常體莫得談玄作又玄無象象

中窮實相不言言處悟真詮

離情去欲真男子逐利貪名不丈夫有象形
骸為糞土無名靈質本來軀

除情減飯去陰魔睡少神清氣自和十二時
中無暗昧三千功滿訪烟蘿

人人有分做神仙只為塵緣苦絆牽若把塵
緣都放下便能平地步雲天

可笑同流學道人迷頭認影作天真修行不
解忘言理畢竟難通象外身

前程子細話叮嚀荆棘叢中着意行精進十
年方事了自然九轉大丹成

鉛汞兩般收鼎內鎔成一片水精光此端勝
景休心得學者尤宜細審詳

外辟陰魔內固陽此方外更無方純陽煉
就陰魔盡性命端能得久長

四大九軀不久長百年終是各分張心灰始
悟真空體玉韻琅琅滿大方

丘劉妙理人難會譚馬機關世不傳此箇家
風清淨得行人方可悟重玄

閑人休作等閑猜散髮披襟養道才昨夜夢

遊歸我闕神光變化滿瑤臺
池淺風搖濁浪生淵深動處水波清修真行
淺心難定學道功深性易明

誠梁先生遊訪三首

請君休苦事奔波日用修行意若何善惡到

頭全放下自然神定氣沖和

善惡須知總幻緣未能超越豈為賢身心放

下還知否脫體全空象帝先

真仙欲慕斷攀緣性定方知命自全此理不

須從外訪區區枉費草鞋錢

示劉先生

匠手當宜造作時爐中新火舊鉗鎚打成一

段無名物絕像真人更是誰

述懷四首

騰騰兀兀度平生得失無驚寵辱輕此理被

誰還點破捨時却退用時行

靠水偎山構一窩溪田自種幾千科人皆笑

我生涯事伎倆別無做甚麼

避世慵夫伎倆無平生拙訥太愚疎不須更

說人間事贏得安眠兩脚舒

着我家風上畫幃瘦藤蓑笠草鞋輕人間歷
遍渾無意一片孤雲野鶴情

學道難

千聞唯有出家難百計尋閑不得閑懊惱心

機塵事染幾時歸去卧雲間

答道友問修行

休苦研窮說與君名韉擺脫自由人不居內

外中間裏遍體虛無總法身

答道友問妙教

妙語玄言事若何其中消息本無多身心放

下為閑客不昧神清氣自和

道友問如何超得陰陽造化

新德不造舊德消新舊德無神氣調煉出靈

珠光燦爛陰陽造化即時起

衆道友問修行有何憑據

修真事有何憑據清淨行持知去處看取無

生路上人境忘心滅蓬壺住

友人問長安

一回忍過一回閑境界臨時莫外千人惱自

家心不動算來只此是長安

答問長生

根塵盡處境幽清那裏人家沒死生有客若

能行到此無名靈質太虛盈

答人問煉汞鉛

水飛雲追上泥丸形槁心灰性自然只此便

為修煉術不須窮論汞和鉛

贈楊福應

楊氏全家敬上真朝昏香火極殷勤今生受

者前生積此世修完來世因

贈李先生

絕欲忘情心自創蓬萊咫尺是前途勸君好

把一來守悟徹元初一也無

贈劉伯達二首

心之所化性難量達者須知了大常若是渾

身全放下浩然神氣滿穹蒼

一篇拙語寄彭城百計無如守淨清與即肆

吟青嶂裏倦時高卧白雲京

贈楊去華

十年塵世訪真賢惟遇弘農一老仙兩手頓

開名利鎖一身沾得水雲天

贈魯彥通二首

俯視靈鷲戲黑波我來欲釣出迷河奈他不肯吞香餌回首空歸赴大羅
名輻擺脫出塵才閑把絲綸上釣臺拋餌夜闌魚不食相邀風月洞中來

贈蘇先生

區區南北走紅塵笑殺長安路上人把似種冤靈府內爭如吟笑樂天真

與杜秀才二首

虛心照破人間事實腹包含造化方應物眼前清淨界自然肘後有靈章
天地中間任意遊逍遙落魄度春秋雖然未得長生趣境滅心忘死不憂

寄王鵬舉

太原苗裔志精專方寸無塵性命全廣度愚迷離世網驂隨同禮祖師前

寄魯彥通

着手掣開恩愛鎖翻身跳下是非臺亂山深處煙霞客竚聽松關扣便開

魯彥通有出家之意無決烈之心二

首

丹田神水已枯乾鬚禿牙稀眼病殘來到寶山空手去前程咫尺受艱難
日久年深識汝心口談玄理性貪淫情拋却探玄理方許隨余住翠岑

贈傅先生

得失榮枯事盡歸來寄跡聚陽庵先生物外應難老常與迷人作指南

贈在家學道二首

幼稚修仙出俗籠猶然不悟本元容在家言了希夷理笑殺龐公與許公
在欲難通出世機居塵不許慕希夷若憑口說成因果書餅充齋怎濟飢

贈銀郭

進火不離爐竈邊丹成服却悟重玄請君乞取玄中妙不動鈴鑰誠自然

友人見訪

世態紛華總不堪韜光晦迹卧煙嵐不因知友來相訪更有何人到此庵

訪友人

綠水青山作近隣清風明月可相親飢餐飯罷無餘事閑步松巖謁故人

友人以詩覓丹藥索和其韻

休教一物到心間觸處無情覺性安牢固自家身內寶不須他處覓神丹

別友人

茆庵水迤竹籬邊仙友同居講妙玄別後何年相會遇駕雲朝禮祖師前

李先生索賦二首

莫問修行事若何羣魔戰退罷干戈天宮咫尺非遙遠方寸無塵即大羅
君還欲慕出塵才念斷人間絕往來象外家風休遠覓分明方寸有瑤臺

贈人壽日

不用莊椿壽贈賢聊將拙語對君傳殷勤牢固精神氣自得壺中日月延

劉節使壽

舍溥抱朴人皆望政事文章世共傳君壽不須山野祝壺中日月自綿綿

吊傅先生

身在玄門三十年無心跳出五行邊而今擊
下皮囊去却返從來象外天

宋老羽化

勘破般般業漸消忘機兀兀氣神調早午了
却長生事免向人間受寂寥

次魯彥通韻二首

割斷從前名利韁靈光發泄滿寥陽方知物
外家風好不復神魂夢在鄉
敲開利鎖脫塵韁雲水參師遇正陽洞府仙
人為伴侶已知別却死生鄉

次謙庵王韻二首

自心有病自心看行住相隨坐卧間十種愛
緣都割斷輪迴免却在人間
綠水青山不厭看此身渾似白雲閑閑中更
有些兒事恍惚神遊閻苑間

次孫先生韻

蒨庵水遠竹籬邊仙友同居講妙玄猿馬見
前牢固鎖自然肘後有靈篇

西雲集卷中

西雲集卷下

洞明子撰 同八

次高教授韻

清淨始知塵外境無為方免死生催人間萬
事都拋却笑指雲山歸去來

太平劉大師索和其韻九首

勸君日夜細思量絕盡諸緣沒禍殃轉玄
關離世網同歸蓬島禮重陽
修行別沒妙和玄守一忘形絕愛緣對境無
心真了倒騎白鹿上瑤天

萬里無雲萬里天心休不論妙和玄靈臺澄

徹真空體應物猶如寶鑑懸

白雲斷處見青天黑霧收時性月圓此理若

人還會得虛無妙體自周全

天道盈虛日月旋人心無垢亦如然醞酬半

飲昇霄漢玉韻聲喧慶大年

浮鷲捨盡道窮研物我俱忘始悟玄撒手長

空清淨體光輝直過斗牛邊

圖榮畢竟終防辱謀假情知却喪真此箇機

關還會得了無繫繫度殘春

晝夜磨刀學解牛朝昏齊物慕真修眼前黑
霧俱收盡肘後金精自運流
不在毫端與舌端只憑真實行功圓十年行
到無心處一段靈明屬自然

次元宮差韻二首

能除假事曰傷真真假俱除境不侵道骨煉
成蕭瑟奏流霞慶飲醉瓊林
陰陽搗碎安爐裏進火輕輕滾更煎大忌是
非財色滌服之箇箇定延年

次高教授韻

仙風悟徹淨功成垢面從人不眼輕心地盡
除無別物窮神惟有道資生

次李參議韻四首

吾齋瓊液滿壺杯盈碧桃花正開特下山
堂邀勝友奈何不果獨歸來

雲州勝槩追尋遍全關山中景最多流水一

溪清浩蕩蕩危峯四面碧嗟哦

幼稚離家遠世塵煙霞堆裏樂天真雖然未

得神仙去且與青山作主人

歸隱林泉考太玄收心不放馬猿顛紛紛俗

事渾無著浩浩神光滿洞天

次傳先生韻四首

浮世功名絕意研退藏高枕卧雲煙無違閑境都歸我明月清風不用錢

覺來懶把利名攀雲水生涯自在閑體性湛然歸洞府頌然無慮到人間

事事諳來總不成退藏高卧白雲京三光慧照羣魔散一念無生出五行

有心即究無心體無事為玄有是非但願此言人早省歸來下手亦遲遲

重陽

霜落吳江楓葉香籬邊滿意菊花黃幾時得見湖明老共對西風笑一場

中秋

更深雪退倍風清皎潔蟾光分外明有意醉吟同聚賞飛仙邀去說神京

重九二首

三徑黃花艷夕陽滿林紅葉醉秋霜掛冠歸去平生樂不羨參軍落帽狂

好是重陽消息近

飄飄紅葉弄西風西風紅

葉無人悟者還通造化功

春雨

童子傳宣下玉京蛟龍出海駕雲行乾坤便降清涼雨澍長黃茅滿地生

喜雨

久旱民荒禱聖祇蛟龍出海駕雲寬甘膏大降農夫興頂笠披蓑帶雨犁

聞杜鵑

全閣山前杜宇啼一聲聲道不如歸遊人誰識真歸趣始悟寰中達者稀

壬子歲居雲州樂全庵夏至後五日

急雪滿空離地丈餘化而成雨二首

半隨煙靄半隨風天上飛來地上融如似雲溪閑道士養成元氣滿虛中

暑氣薰人午睡濃覺來六出滿空凝陰陽造化知顛倒一片靈臺冷似冰

寒江獨釣

一片煙蓑一葉舟爭如袖手去來休情知月白風清夜那箇魚兒肯上鉤

醉醺

一架醺醺花正開幽人無語自徘徊昔年春去方歸去今歲春來又復來

白雲仙人招隱

大隱不須巖下去城居亦可慕真修和光混俗還知否形槁心灰性自由

愚齋

題紙扇

二儀競昧難分處一氣洪濛未判時回也不違參也曾此情惟有聖人知

題龍門九龍觀

咫尺仙鄉路不長靈臺無垢悟真常三焦暑氣穿腸熱一舉清風透骨涼

題龍門九龍觀

龍門晝夜水潺潺霧鎖煙籠沒淺山碧洞深藏無限景孰知蓬島在人間

題臨潼華清宮

陰去陽還體自然雲山深隱洞中天經全幾度桑田變鼎內丹砂依舊煎

題聚陽山明真觀

明真觀後聚陽山翠嶺層峯碧漢間內隱許多無事客白雲堆裏自由閑

丁巳秋日過縉邊

夢裏歸心到廣寒
覺來依舊客塵寰
西風一夜掀簾急
吹綻黃花滿曲欄

至元癸酉同奉御史公奉旨降香嶽

瀆過濟南

驛馬駸駸出帝京
水光山色動吟情
山源水谷無窮處
絕慮忘思却自明

泰山二首

石磴初登怯路難
漸昇雲表覺心安
天風披拂來何遠
身世渾疑到廣寒

三月中旬謁泰山
山行爽氣逼人寒
為觀日出峯頭立
俯瞰塵寰眼界寬

天壇

飄飄風袖謁仙壇
壇上無人獨往還
玉液滿斟時自飲
笙簧誰奏碧霄間

投龍簡二首

皇都別後到天壇
壇上焚香祝萬安
喜過仙燈昭瑞應
不妨良夜倚欄看
親承君命下丹墀
度水穿林入翠微
王母洞投龍簡日翩翩
鶴伴彩雲飛

同引進崔公叔文過洞庭湖

水澄風細瑞煙清
散熱名香禱聖明
拙句偶成聊遣興
洞庭書壁記曾行

題祝融峯

世務人情不足看
歸來晦跡掩松關
孤高絕頂無人到
獨駕蒼龍任往還

題居庸關二首

半年幾過居庸關
誰信閑人却不閑
白髮垂垂成底事
青山依舊水潺潺
松風啼鳥送人歸
小雨初晴路不泥
說與居庸關上客
長春指日到無疑

龍門

秋來兩度過龍門
頂踵無非倚聖恩
足躋黃雲歸故國
手提滄海上崑崙

蓬山

人間別後到蓬山
從此人間更不還
芣舍竹籬青嶂底
悠然相對白雲閑

過輝州

竹枝芒鞋短布裘
飄蓬雲水過輝州
催詩風雨無佳句
貪看蛟龍戲碧流

濟源投簡

琳宮醜罷承天語
龍簡膏來水府投
符瑞暮冬和氣盛
靈龜湧漾歲清流

投簡

敬持龍簡出皇州
濟瀆萬巖兩屐投
天為聖明快壽域
青山無盡水長流

嵩山次引進崔叔文韻

使星羽客喜同遊
和氣溶溶瑞氣浮
無限好山迎馬首
一峯還秀一峯幽
九月宿秋陽觀值雨

雨過黃花分外香
風吹紅葉送秋忙
山禽不語情尤遠
野草無名理更長

華嶽

恰睡泉聲喚覺人
風前月下訪天真
騰身直上南峯頂
返照迴光看北辰

過井陘二首

策馬凌晨過井陘
崎嶇長路動吟情
此行若被雞聲管
屢破遊仙夢不成
袞袞寒雲馬足生
馬頭迎翠亂山橫
雲山好景無佳句
貪聽猿啼虎嘯聲

題隱泉

山勢迴環枕涌泉，洞門高啓出雲煙。挽回世態紛華境，占得人間一洞天。

自述

渴飲醍醐天地髓，飢餐鏝饌虎龍肌。這些受用閑人事，不是閑人未易知。

余疇昔甚愛河中永樂純陽宮之西地勢極佳，嘗擬改葬先師披雲真人。未決忽一日靜中見先師過門，急從之已失所在，遂得一絕云。

不覺不知可便歸，明明白白也宜時。兩端事理從君用，遠近無為無不為。

答人問修行二首

略將管見對君陳，授玄言悟本真。雖是未能全了達，無心再作養蒙人。

心生種種塵緣起，意滅頭頭合聖機。若是人能知此理，不移一步到瑤池。

長春宮方壺述懷二首

曲欄幽園景非常，松檜森森下夕陽。瓊液醲來和月飲，玉簪風送滿庭香。

擬將滄海為佳釀，旋解葫蘆作巨杯。尊老敬邀連夜飲，松風竹月喜相陪。

蓬山上庵四首

十載山居遠世情，年來似覺夢魂輕。夜深無寐欣然坐，明月滿堂風更清。

三面危峯列翠屏，巖深樹老瑞雲橫。我來意欲忘歸計，爭奈劬躬行未成。

院內黃花四季開，雲山水竹透樓臺。休言好景無人到，風月不邀時自來。

倚山臨水建茆齋，對青松影裏開扉。尺洞天不到，白雲幽鳥去還來。

題中嶽嵩山

翠屏玉柱與金壺，歷遍諸峯總不如。芝草蕙蘭香滿院，水光山色遠茅廬。

孝子

忠順堅持忘世態，居喪謹守素淳。華人間孝子知多少，似此精誠肖幾家。

題峯山燕臺見一亭二首

燕臺見一臨清溪，錦樹屏山四面圍。一段煙霞人跡靜，携筇獨步看雲飛。

黃精蒼朮為佳釀，瓦鉢磁甌代玉杯。特下燕臺邀故友，奈何不果獨歸來。

示衆

南北東西總一天，其中理趣得真傳。萬機不向心頭掛，一段靈明屬自然。

至元癸巳夏四月，秘書監丞張君王被旨論山野作祠事，以老拙充病不果，故作是詩以謝。

喜遇知音話本因，門風敢不盡心陳。自慚濟世無才略，只與青山作主人。

題白雲庵

重陽佳節人爭賞，藜杖長拖與衆遊。仙館問云居甚處，白雲庵近白雲樓。

歸金闕山舊隱

老來林下度殘年，憶得先人詩一聯。寬著苦心消白日，靜閑道眼看青天。

贈瓦匠

青白瑤瑤四角平，依長闊厚兩無爭。如生破壞歸元主，故作荒唐詩為雅憑。

遺世二首

萬事從今總不干十年瀟灑隱林巒三千功
滿朝元去半夜騎龍到廣寒
和氣周流正性開煉神合道出塵埃騰空撒
手乘風去回首人間不再來
西雲集卷下

勿齋先生文集卷上

同九

太一官清心齋謝陳提舉

幼賜高古若衡義者齋符字年開是出揚名實撰

茅洞煙深繆執住山之斧竹宮天近忽頒赴
隴之書姓名誤徹於冕旒行輦輒先於冠褐
竊惟祠嚴太一是謂貴神星應少微故名高
士當建紹乾淳之際多巢由園綺之臣召對
禁中每談經而論道放還物外且錫號以賜
書比年以來此事俱廢何者蹊趨而徑入甚
於車載而斗量一洗而九馬空咸服明公之
能斷數行而彩鳳詔庶有異人之肯來如某
者平凡無奇孤潔自守結習偶隨於筆硯蹤
跡遂遍於江湖名山大川所到領攬諸老先
輩于時從遊間結屋以聚書將息陰而休影
濫修煙霞之長悅驚歲月之侵二十年不入
修門果能此道見五千言束之高閣未喪斯文
俄有命以自天俾陳力而就剋即清夜黎燈
之地掃積年鋪席之塵母若宗人然借日薰
藉之殊器猶吾雀子也或疑虎鼠之同官修
文輔教苟效寸長歸美報上庶伸素志終愧

荒唐之學難訓希闕之恩茲蓋恭遇英性票
高明躬持溫恪聖經賢傳匯玉海於宵中秀
句英詞榮錦囊於筆底書畫詣鍾王之妙談
鋒透老釋之微公餘蕭散於園池客至從容
於詩酒如其頤拔樂以甄收其感佩隆私激
昂晚節仰祝聖人之壽常瞻太尉之尊十事
夔封切慕愛君之种放三書袖入仍希望闕
之嵩高稍別庸流武訓異遇

代失儀降官謝丞相

摺屏弗恭愆儀九陞糾彈曰可貶袂一階戴
皇慈寬大之恩繇廟論優容之賜合誅而貸
識感于慙其塵翳性天津迷學海半世徒勞
於韋布一官竊蔭於簪紳愛子教之以忠僅
守過庭之訓事君犯而無隱永懷懸關之誠
自祇役於簡書每飾躬於水蘂導湖學製開
邊粗給於軍需見蘭渚負丞撫郡嘗被於荒政
浣叨列刻重累洪鈞分符服領以南矯首泰
階之下問民疾苦安得中和以作詩歌藉國
威靈所幸豐登而少公事壁苟全於細滿玉
愛食於長安局展當陽方披奏牘墜笏于地

遽失朝儀初非天之違類若有物以掣肘碎
牙俯拾敢希前輩之高風柱頰遊觀空羨西
山之爽氣槐綠之羞莫掩新祭之刑易逃負
芒以還席藁而待議從忠厚第削藉於宜教
施及顛隕尚寓形於坱圠頭顧自省骨肉知
歸茲蓋恭遇某咸一德以享天兼三王而施
事聲色不動作成擊泚之精忠名德相望保
用問卷之故物因侍邃嚴之譙曲陳末減之
條全此微蹤寔之薄罰某敢不銘藏厚德轍
戒前非加恐懼以修身期周旋之中禮措手
版付丞相休閑敢負於明時奉介圭覲我王
入對或存於他日其為推謝罔既款刊

代賀丞相除太傅

恭審敷制大建報功真宰帝怡愉而奉太后
載加冊玉之稱公燮理以備周官爰正面槐
之席事光典禮慶浹臣工茲蓋恭遇某柱石
壯材著龜先見五百歲孕靈於海岳二十年
宅揆於廟堂擁昭立宣不動色而安天下平
淮縛蔡當戮力而復中原精糧既摩於南郊
介福聿臻於玉母集搢紳而歸美寫琬琰以

成章法駕東朝肅領皇儀之盛玉音中出誕
躋公傳之榮轅田併衍於膏腴鼎路益隆於
體貌坐而論道對不呼名作宋一經見聖君
而賢相封齊四履矜異姓以真王某託命大
鈞勞心小邑捧黃麻而欲舞望赤舄以無階
時芻蕘時稷糧方備潢池之盜作藍梅作麴
藥永同藏石之瞻

兼領旌德觀都監謝京尹趙節齋

歸尋杞菊擬乞閑身領撫湖山迺兼祕宇雖
大府體召持之意恐先賢懷拜信之疑竊惟
觀以遁名境隨人重知章有學始專鑑曲之
煙波清老能詩故奉金陵之香火倘酒甕飯
囊之輩徒齋鍾粥鼓之羞伏念某略帶書癡
未除劍氣一壑足安於晚節十齋再入於舊
巢之萬高平賊之書漫云詣闕無兼衣通神
之術敢望禁官片文隻字屢送上方敗屋頹
墻如在傳舍公即清心而憐客吏言旌德之
缺人躡轡籠頭緜緜俱至以高士為主簿或
譏喬木之下鶯從天子作門生馬用小兒之
棄馬維私景居山三營別館而堯夫在洛十

置行窩使學徒有所指歸與者舊相為款密
至若現白鶴者按行於林屋袖青蛇者飛過
於洞庭何得拘攣等是遊戲為節齋一出不
惡向長隄獨步亦佳茲蓋某堂堂乎漢宗英
綽綽然京兆尹大而筆彙補家職之闕細而
新米得都人之歡間小隊以行春正新亭之
出日問坡仙之何在周旋靖白於一堂喚彌
明於此來管領侯劉之二子山判不移於請
囑玉音特許其往還某敢不强賦梅花賸載
楊柳環數十里皆水洗清坐客之俗塵後三
百年有人增入黃圖之新志

謝運使江古心萬里請住玉隆

兩街應制竊依藜杖之光十國出符俾轄錦
帷之衆溢榮褒於疏請借壯觀於齋居試言
道家之大山莫若旌陽之故宅冠袍所聚之
地領袖必得其人過者垂涎多買遊談之類
舌從而添指誰惜常住之眼珠此曹自輕吾
道幾墜伏念某江湖漂泊木石冥頑未能茹
商皓之芝固嘗讓許君之柏因元戎枉駕以
戾止為同列爭席而翩然識面目於山中屢

作天寶翠巖之夢送頭皮於官裏誤陪甘泉
 泰時之祠因內醮以進詩辱上恩而潤筆俯
 加訓諭未許言歸望閣公都督之繕政慚素
 昧設徐孺高士之榻忽傳好音熊魚雖欲而
 莫兼猿鶴殆驚而且怨茲蓋伏遇其名高日
 月威振風霜訪六一翁瀧岡之居登進郡最
 創二十士鷺洲之學作成人才游移青絲玉
 節之華併領畫練朱簾之勝爰披圖而問俗
 信拔宅以飛仙頗聞騰勝之區久缺焚修之
 長群鴉爭鼠已在吾目獨鶴昂鷄孰當人心
 左游丘右洪崖百聞不如一見近皇甫遠居
 易三占則從二言某何德以堪不求而得價
 非高於少室身難出於長安舍己事以勤館
 人申誦他日從公之語趁霜天而收柿栗空
 吟昨宵夢母之詩未先索榆尚可桃李

謝何漕卿請住玉隆不赴

懷歸得告暫離藥殿之班領衆修真府辱生
 臺之命屬愆期而卧疾方靈奏以祈閑玉音
 未俞鼎語奚答睽遊惟之福地虛轄席者許
 時豈郡仙之靈在天故悠悠而弄印蓋大府

之明如日不草草以卑人破信然投骨之爭
 俛角者為麟之出果字與論必費宣搜如某
 者厭飯湖而知休甘草木以俱腐三年去國
 誤叨命召之榮十載佳山自笑身謀之拙絲
 剛腸而嫉惡第洗手以奉公囊錢雖慳戶屨
 粗滿前使者從而過聽今明公所取材置

驛傳書示軍將打門之喜送州津路移太守
 勸駕之勤維名稱尚隸於帝旁恐職業難共
 於戲下兩微不起初非少室之山人一榻縱
 懸定有南州之高士允副權衡之選庶新鍾
 鼓之聲蓋伏遇某為儒者宗真宰相器當
 乘輅而問俗亟植蠹以臨民令下棘園無織
 詳於戰蝻手摩鐵柱有大造於屠蛟遙瞻井
 柏之陰森慨惜香花之牢落孰為主宰謀及
 國人忘虎符龍節之專加鶴擎鹿冠之禮某
 居憐薄命仰負盛心黑笠垂雲阻訪洪崖之
 舊未簾捲雨尚從滕閣之遊公如速歸僕則
 遲聽

謝郡守潘戶部減糶

烏條謂郡敢賒貨藥之僊白祭送倉特損敷

苗之穉即福地洞天而區別俾齋鍾粥鼓以
 交鳴一飯知恩雙壇齊壽甯故問皂授田之
 藉失於紹興經界之時南曰陽北曰陰沃壤
 咸歸於富室高不早下水豐年粗給於常
 堂會祠牒之日廉致食單之雲集朝廷初行

儲蓄之令官吏爭持操切之權違累聖勅旨
 而弗繩與三邑編氓而均配攫財猶肉揀粒
 如珠忍令田里之怨嗟皇恤山林之飢餓某
 濫居官轄合轉食輪因衆口之嗷嗷動我心
 之戚戚既乏鬼兵之運果真愁縣令之破家
 期兒童迎細侯除道幸先於紫馬定舍館見
 長者八城爰跨於青驪冒陳千一之愚樂殺
 什三之數文移庾氏宛同魯肅之指困惠及
 山人不費真卿之作帖所持者狹其說無疆
 茲蓋恭遇某秀出坤維望高乾緯一命落瞿
 唐之棹十年參文石之軌有宅占水精宮中
 自適其適無書至光範門下時行則行迺剖
 漢符遠臨蕭渚謂吾年五十姑守茲土然歲
 羅十萬幾倍他州推赤子內溝中莫救前入
 之失祭名山在境內務令廣衆之安於招徠

補發之間示委曲代輸之意其敢不謹持杓柄仍卜燈花飯顆瘦生戴笠已憐於杜甫酒杯春之卧樓更念於洪崖忘其在陳輒爾望蜀

謝句容王宰斷刺盜柏賊

山木千章素嚴禁宮牆數仞輒入偷兒斧痕幾類於乾陵公事遂干於偃室極懲不貸厚德何窮竊惟王母桃紅兒三嘗而啖帝董君杏熟虎四出以啄人神仙幻化固未易竊寇竊侵渥且不能免而況槎居海上駕乘或犯於斗牛桂在月中斬伐猶驚於蟾兔吏徒武昌門西之柳童抱杜陵屋上之茅誰無六根天亦五賊伏念其液滿局用盤錯非長許柏葛杉俱曾灑掃交梨火爨火自栽培來從句曲之三茅擬種玄都之千樹月明有鶴方吟峯頂之松澗響無人俄失庭前之柏雖異乎四十圍之溜雨本望其八千歲以為秋不堪鼠輩之欺爰出羽流之嗾慢藏誨盜非無鎖於洞門悉上送官蒙函囚之獄戶一辭毋隱五聽兼詳幸未爛於樵柯僅半存於隄鹿

見豕遇兩吉慶寬鄰里之呼荷校滅身凶悍按市朝之捷山賊寒心於路側樹精快意於城南匪賢令尹宸丁丁之聲則群不逞將旦旦而伐豎蓋恭遇某名者仙籍家近旃林苗裔三槐待擎天而作柱襟期五柳試滿縣以栽花愛人材於拱把之微恐山林有童顛之醜礙此穿墻之鼠妙於食且之難未論檜頂之昇僂足使桐鄉之愛我某守株知緣採藿懷慚期盡割於藩籬怕愈加於刀鋸召賊曹呼五百已啣赤縣之恩效隱者管卷夷尚奮

嵩高之勇莫如自治不在多言

謝縣宰免伐墓樟

墓木拱矣諸孫均霜露之懷匠石過之令尹赦斧斤之厄閻宗感涕行路齋嗟蓋蘭宰有民人一縣常誇於桃李誰無父祖九原謹護於松楸故法垂穿心禁步之條而禮若為室斬丘之戒曠言冷族居旁先塋墻間之祭序以私冠相承累世江邊之樹狀如車蓋其大十圍陰陽家謂陰益之宜子姪輩起科名之望適駭弟呼盧而罔利致貪夫阻僧以獻官

八亡書存操二十七年之白契神出鬼沒輸一萬千數之青銅巨堪刻木之舞文直為老樺而買命松因丹活縱挈呂仙之墨籃竈以姬完儘帶黃巢之劍跡茲蓋恭遇某英標傑暨定力擎天明堂梁棟有待於相材巖邑絳桐聊尋於寶氣市生柴炊塵飢初不與百姓交聽大風敗重門何以令衆庶見爰求鉅櫃載立崇閣庸新萬目之觀豈吝千金之費某亭之豬可祭也固莫逃黃霸之神吾子於虎又死烏決不墜泰山之猛桃且哉而未去桂雖斫而無痕苟非常家孰錫爾類某藤蘿息夢葛藟知元思召伯於甘棠之陰遺愛敢忘於勿翦畫道士於枯木之下深根庶保於長生

謝郡守王監簿

得食侯門歸休已晚免負主席董率何堪捧郡檄以知慚蓮公墀而言謝嘗聞山川以人而輕重鐘鼓隨時而盛衰維張葛夔壇記寰宇之福地有陳黃二士列政和之道官後先領袖以俱賢內外規模而畢備夫何近世頓

異前修頑嚚之惡滔天清靜之風掃地況秋
 田之絕穗致午飢之生塵中鉢如雲政張頤
 而待哺犁鋤得雨須乞糶以贍耕倉苗未了
 於半輸縣稅早行於預借負逾山積宿蠹根
 深必表裏練達之人辨上下煎熬之事如某
 者稟資苦薄識字無奇因浪走於四方偶從
 遊於諸老拄杖探桂林之洞推蓬讀洛水之
 碑八月觀潮屢倚樓於江下三更謀虜草
 檄於淮南謁海陵神翁之居酌黍石謫仙之
 墓騎驢而訪趙使招鶴而謁西山沂清漲而
 登鬱孤攀赤城而眺桐栢舟泛鑑湖之月觴
 流曲水之波卧念平生轍幾環於天下來歸
 故隱屋方就於雲邊編排滿架之官書布置
 繞牆之仙藥自甘終老無復他求誠知桂館
 竹官岩光京闕亦有石壇花院錯落家鄉由
 來天上無憑惜仙馬用世間不啻啣漢彼以
 爵而吾義人皆醉而我醒忽紙卷之探名上
 之官府辱筆頭之加點付以家山固貪青眼
 之榮奈破白身之戒甫消履而隸役時拊已
 以捫藁學問未充曷扶持於風教材猷不敏

定敗缺於公私非惟作杞菊之羞又將為桃
 李之玷茲蓋恭遇某名高黃甲班在紫宸別
 駕鐔津威鎮千村之狐兔專城瀟渚化行三
 邑之豚魚人妖首破於黔胥女魁適罹於旱
 歲愛民如子移粟於河振貸而活青州親見
 富公之陰德吐握而延白屋尤推姬旦之盛
 心故雖山林下人亦或俎豆間物女裳者鶴
 誤墨而蠅某敢不並緣詩書渝菰泉石庶幾
 我靜而民正萬一老安而少懷富壽多男從
 華封而祝帝中和樂職效益部以歌襄恐越
 歸列宿之行使遽失二天之託其於依戴罔
 既鋪陳

回臨江趙倅

一鶴玄裳甫現泥軋雙魚尺素忽到巖扉緊
 盈幅以成文墜多儀而為貺誦藏無數感耀
 俱深嘗謂高尚者不事王侯神仙者間遊塵
 市隱圖南於華頂貴客自來現洞賓於岳陽
 時人不識若夫住山應世出郭呈身平生所
 養已多一見安得如故比承某題輿榮上迓
 騎續前臣非黃冠師敢廢郊迎之禮公下白

屋士獲瞻山立之標小詩蚓竅而蠅聲歸夢
 鹿眠而鵬掛詎期專介寵俾芳函刺贊心刻
 箴缺信共西山之臭味投筆授墨馬解子雲
 之覃思纖蕉輕過於五銖釀桂香醲於一棹
 監州有饋行路皆驚某倦客江湖濫尸泉石
 幸依劉於此地知說項者何人文士中朝誰
 興懷於羽褐樵夫前路果乘暇於青鞋祗候
 按行庶幾傾倒文士煎鞋皆來刺中語

近郡守章吏部

銀克宅牧重境內之名山竹馬迎新喚雲間
 之孤鶴除道審實臣之至候關移尹喜之恭
 親以爭先禮云賀上敬惟其名垂宇宙學貫
 天人祖笏父衣鴈塔聯題於數世卿珪從索
 龍門獨擅於一時帝曰象賢官為博士晉編
 摩於宥府參綜覈於銓曹因襪被以退朝迺
 剖符而更治畫錦略榮於沈井曉帆恰漲於
 蕭灘五馬不受二毛方富壯歲兩劉以及三
 孔親挹遺風坐令安靜之化行時見中和之
 詩作然念斯民之困僅書去載之豐敷上產
 以隨苗樂錫稻梁於南畝指清江而索楮類

尋杜若於芳洲舊新之券俱輕公私之蓄咸
匱不有鞭霆之手曷施活國之方珥筆一雙
首轉移於風俗去天尺五亟選表於公卿伏
念某逃儒自初進道不敏未辦九還之鼎浪
升諸老之堂油幕從軍撤嘗供於庖墨金門
應制杖仍照於藜燈幸得請而號最閑合掩
關而作高卧誤狗家山之衆游登主席之虛
由外侮以闕端忍旁觀而縮手吾何愛此憤
使君實重於挽留人或學其弓兒輩輒從而
傾軋望旗旄之戾止信衡鑑之瞭然入岳陽
謁子京非敢眩瓢中之藥如全椒遇應物庶
容拾涸底之薪養倚兼厯鋪刊罔既

上提刑蕭大著

聞公子之名有日矣方圖上謁於霜臺謂處
士之虛無人馬頗覺包羞於雲壑或載短贊
仰瀆嚴威蓋聞君子小人有同牛驥深山大
澤實生龍蛇雖物情什伯之不齊豈書策二
三之無取賢如滅明必不至於偃之室學如
子路亦奚為於丘之門皇華茲賁於林塘王
氣倍添於草木神仙弗速但消金鎖之掣開

車馬曾看未必蘆花之深入畏權權向人之
熱笑敲推街尹之狂刺字縱漫吾古儘在忽
睹析屋五花之判幾令教門一葉之輕彼雀
角鼠牙聽訟固煩於名伯若龍頭豕腹聯詩
寧乏於彌明不勝憤然與語之慚殆有招之

使來之意恭惟其儒宗學博王佐才高結唐

室之相家瑤將及邁比漢朝之人傑吾不如
何既躋蓬山清切之聯宜掌蔽省雄嚴之制
出節肯臨於廣部登倉全活於饑氓就著繡
衣閣登席帽翔而後集投代之舉甚高死者

復生平反之德滋洽詔暑因而親錄言風駕
以周諷二使星明身俯趨於寶璋五原兩足
手倒挽於銀河母庸沂皇恐之灘當徑侍通
明之殿某謀身素拙於道無聞傳食四方不
作蠅營而狗苟歸休一壑可堪鶴怨以猿驚

正抖擻於塵編且摩挲於丹竈堅柴局而塵
俗客抱瓦缶以雜哇丁薄聞攬轡以按行莫
敢曳裾而造請春秋之貶猥及其類左右之
容孰為之先異三子者言點也倘蒙於殊顧

扣兩端而竭鄙夫恐坐於同科為容解嘲豈

予好辯

辭岳漕

使臣嚮有先將大轉木牛之粟先生飯不足
緣新移玉女之厨嘗聞先之齊家果於此乎
觀政其嗟可去惡得無辭其維其欠負郭二
頃田不自樂陋巷一簞食故起單於千里遂
傳食於諸侯門外東方何曾飽死山頭杜甫
元自瘦生備嘗殘杯冷炙之悲辛已決早韭
晚菘之歸計公由中而補外客驅去而復還
推鼓擊鮮或詫逢辰之有幸張願待哺焉知
過午而未餐以塗民之耳目為令太苛倘累
人以口腹於禮孰重借令東十圍篋亦能揮
飛張魁忍聽無天敢殿之雷笑玩行地亭亭
之日不起筆吏誰哀王孫既且羹得則生雖
草具易為食果念及門東之索禮貌有虧第
詰諸竈下之炊司存自謹豈期鞭扑反速與
臺縱技鼠何忌之云然打鳴之驚莫甚酒不
及而公榮無恙猶別觀踈踈忘設則穉生竟
行嘗明去就若尚懷總豆之念是愈負伐檀
之譏恭惟其稟天英靈有祖風烈為肥甘自

足於口每苦樂快同乎人搗油幢百萬之兵
曾趨漣水養珠履三千之客未遜春申偶然
忘由己之飢非不推食我之食曲行懲戒猶
示等差與其妻瑣瑣細故以撓人何患無磊
磊奇士以赴我請從此逝幸聽其歸因黃梁
而悟夢魂休說邯鄲之富貴有青精以好顏
色別為梁宋之遊遊懷刺在庭結裝問路

回太一吳郡監

太一燈明暹陪諸老蘇公堤近因就三賢得
之聊當於行寓議者或譏於幽谷伏承某法
參晉猛詩續唐均降膝六於中宵思榮象笏
挈鬱儀於左手光溢烏輪不惟精禱祠之書
抑且造修煉之妙方賡酬而相樂念離合之
有時華以大篇介之多餽旁出固慚於免窟
暮歸尚借於燕巢喚真人蓮葉之舟可能訪
我續凌士梅花之句定合輪君感在心藏謝
容面盡

右街鑿表謝提舉

身返齋居僅循故步禮成官謝迺伴初街信
名器不可假人顧富貴何有於我弗容還勅

殊覺厚顏伏念某苦無伎能頗有氣性清心
獨處難求師友之親白首重來不廢君臣之
義好賜疊頒於箱篋文詞每達於冕旒未報
主恩幸逢宗祀萬花簇駕獲觀天仗之儀一
札降廷忽預道官之選論知事則米鹽任責
較法師則符水通靈誰謂崇愚儼同會伍茲
蓋某事上畏謹知道慈悲憐千里之遠來頭
銜未改忍一夫之獨泣脚迹同升昔聞經略
之大師今見焚修之高士某臂枯欲脫囊澀
休看非錢不行免上貼麻之請有書可讀但
願乞骸而歸

太一官宮主謝提舉

心清事簡謹守齋規恩重望輕躡參官務雖
奏言之神速奈材具之荒疎竊惟貴神所宅
甲於御前道家者流仰之天上夫何近歲頗
異前聞非患非莊莫識濼梁之趣若臧若穀
俱為博塞之遊讀黃庭者誤字固多點周易
者研未能幾習違批於市井孤涵養於朝廷
欲挽頽波必資定力如某者知身有患於世
無管既縻披以還鄉復招旌而赴闕舍近取

遠爭者御筆之新除辭專居早但保青龜之
舊物效策馱於陋巷憶筍蕨於春山倍費彌
綸使填領袖與人而問所欲掉頭即控於牢
詞知我者謂何求親面訖承於寵渥曷出諸
君之右輒居方丈之西因閑就冗已失本心
欲去翔留真成繆計茲蓋某典刑前輩骨相
靡仙丹暖三田不服少年之藥香凝一室閑
看平旦之經佩彤弓狐矢以事君禱桂館竹
官而保國凡俸棲之羽服均披拂之春風某
敢不洗手奉公直躬率下少課焚修之報益
權進退之宜信今日之受非難逆大君之命
期來年然後已幸容處士之歸

謝徐叔寬見訪

解陳蕃之榻風暴當家訪子雲之亭忽臨吾
地惜定交之不暇辱委贄以甚勤伏惟某雙
劍產靈五車飽讀體物瀏亮每叉手而賦成
得風扶搖歎摘髭之第晚鼓篋熟蘆葢之味
擔簦撫山川之奇窮當益堅威不能屈曰恭
寬信敬惠兄弟以此五字為字此辭相對於紫荆從賢能
俊秀升即齊榮於丹桂某巖樓且老戶聞誰

來捧駢儷之大篇識清修之儁客楊氏為我
諒無拔毛利天下之譏徐卿生兒申誦回頭
驚賓客之句永歌不足小住為佳

回鄒元叔謝給飯牌

勸糶及山方隨苗於上產給符自庫迺繼飯
於先生非惟見憐客之心蓋亦示隆師之意
行供已久言謝何遲恭惟某富有紙田親傳
書種怕入長安而炊桂肯從閩皂以飯蔬諸
弟子事茲有年或笑從徒而安坐大丈夫不
能自食雅應進食以療飢雖珠孟子之養鍾
庸免顏回之執爨將軍未老從者皆與此日
一簞匙漫抄於雲子他年五鼎梓定進於賓
郎其夙負素困偶開舊店嗟吾山之豆落羨
君谷之黍生母嗜鎔焦歸遂承顏之樂兄因
釜頭毋貽給臂之嫌去榻即懸新條猶在

回茅山白雲觀林管轄

懸榻重來羞見堂前之青草絨書遠至曾分
嶺上之白雲當暑讀之有風清甚蒸惟素養
脫達掖勇求還丹發言為詩類不食煙火語
得時行道間亦結粥飯緣偶然值大兵而凶

年聊爾依阿姊於明月行曆一札入踐兩街
某年華向凋世味俱薄斷送未甘於官裏遊
戲只在乎人間我自倒行徒識子雲之字君
如哂笑同尋和靖之梅

回周子魯催詩

比承風馭肯顧雲為接塵尾之談信無虛士
示牛腰之軸云是鉅公游貽儷之緘履索
平凡之句方乞為寒水玉何以報綠綺琴詩
三百雖多奚為徒累洪崖葛袖之僕母七十
相依為命緬懷萬高棉粟之居深慚短章莫
究盛事擊唾壺而略讀覆醬甌以無疑

回雷應雷

歸閑一壑為去國之外臣投贄兩章有扣門
之熱客問其甲子生以庚辰正老泉讀書之
年亦康節望兒之歲高吟不讓遠到何疑謂
童子出視之試驗雷琴之清濁與先生並行
也少須霞佩之韻頰

回王秀才謝會

袖詩過我方嗟識面之遲樽酒延賓乃告陸
駘之厄維名山非容易可到幸佳客肯聯翩

而來本期衛嶽之雲開不料石頭之路滑蓋
文章類脫腕之敏而官職有折臂之祥偏袒
而露右肩想費良醫之塗抹持螯而用左手
還容老子之周旋

回曾道士求掛搭

三書諸闕焉用詩囊六驗歸堂合呈飯鈔縱
使無心而出岫豈應空手以入山舊識雖多
清規難奢學行脚去恐遭同舍之鵬取告身
來便駐橫江之鶴願文為惠佩意良勤

回趙簽判還管轄帖

息爭優老擬變前規求退得還甚非本志蓋
幘重千金之身打門驚屨屣之扶古杉欲搖
頑石亦駭念鳥飛之久倦况魁技以俱第三
叉路口已悔迷塗百尺竿頭焉能進步無阿
堵物從而回買非軍資庫可以寄留折洛陽
者舊之書幸察竟夫之非傲謝鄉里小兒之
米容教靖節之早歸略具粟酬切祈於體

回聶秀才

緇榻還鄉竊衣夜行之錦珠璣擲地誰書畫
卧之榻偶飛夢以遊仙遂愆儀於蕭容伏惟

某名居天北舉振湖南秀才三耳憶昔過從
觀音千手失令留挽莫遂樽酒論文之歎徒
深屋梁落月之懷冠履蒙裳俟他時之和會
靴袍手版勉即日之榮登

回張副官賀封額

鬼蜮混并緣作雙壇之長仙龍幸會併疏九
陛之恩未論吾教之有人聊補此山之缺典
伏承某應酬局熟佐使功深詣闕休上書期
挽河而洗甲坐石時得句甘捧鉢以抄雲鋪
張大篇光耀老眼某無他私意利我公家紫
誥黃麻偶成勳於一旦素書青策猶借舉於
諸方

回陳管轄

某松篁歲晚膠漆年多擊竹而和踏歌高寺
仙侶眠雲而謝丹詔遠振祖風雜旗鏜迎導
之聲惠金石鏗鏘之句某髮俱雪矣筆匪椽
如老馬為駒殊悔六州之錯後人收果儘多
九府之圖

回黃講師

某良心止水講舌生風讀易而至得妻竊鄙

屠蛟之壻入山而遇頑石親見牧羊之兄吟
詩七言夸我二美某名隨謗得事以志成帝
命維新辱權衡於楊子祖風可振勉衣鉢於
譚君

回王監宮

某棲心造道餘事談兵緒孤鶩落霞之文身
慣遊於南浦投七星斬邪之劍派親接於願
堂喜曠典之秩神賦新篇而遭我某偶然集
事久矣妨賢張後二王曷發才難之歎軍中
一范尚觀戰勝之功

再領官事回陳溪山

太一天貴神揖別竹宮之香火青檀吾舊物
喚醒葛岫之煙霞群譏驅去而復還誰識放
行而把住過勤膠漆之友寵惠珠璣之篇路
摧車映覆舟固人心之難料水斷蛟陸割革
惟吾力之猶能毋袖手以旁觀庶開誠而忠
告

代上趙憲催春劑

繡衣立霄漢之春發生有日寶塔合浮圖之
頤望賜如天游馳不映之辭拱聽惟新之令

竊攻選曹之立法最嚴憲節之舉賢興州幾
吏率係於部封一獄一訟審觀其職業縱圓
衆刺必出我門砥淮南滿寶之丹執無交色
得李布黃金之諾諒不食言重念某學淺過
庭材非八幘惟簡書之是畏幸齒髮之方強

能勿勞乎未了癡兒之事與其進也甚知丈
人之真當迎候於輕輶即褒存於敝帚察九
仞之泉於兼井約斗升之水於西江辰來何
遲祇俟孟春之徇輝仕如此急或虞半夜之
負舟忘喋喋之數窮申拳拳之三請恭惟某

間平聞望伊洛淵源用謀王斷國之規任明
刑折獄之寄周原從而歷按頓石為之安留
倚長劍於崆峒之類鼠子帖服懸明鏡於方
臯之目馬群逸空繇其許可之不輕是以搜
羅而殆徧某辱居屬籍願列師門譬傳神政
在阿堵之中如挿羽則便扶搖而上先宗盟
而後異姓維大造之有成待國士而報衆人
非小生之所敢歸依至切數控冀禪

代干制帥史尚書薦舉

擁帥幢開制閫大江均戴於使天攀相象叙

年家小草輒投於思地顧下寮之塵土仰葵
 塵之星辰忘其等威控此悃幅竊效累朝龍
 虎之榜號多士則有之若求兩家鴻鴈之行
 俱三人者鮮矣鼎立臨江之孔台聯香水之
 洪從奪競秀之榮誰篤同登之契維先君而
 二父託端殿之一門半刺史撐客而上鬱孤
 最崇交於繡幙令丞相省親而道溢浦特枉
 顧於綆屏書云情猶兄弟而姓不同意者施
 及子孫而思罔替然骨骸龍豬之別故飛翔
 鵬鷗之殊可言而言謂進則進伏念某斗筭
 何算寸線無長鎖應廟名僅取踏槐之效棘
 園運試尚希賜芻之傳偶遺露之露濡即微
 官而束縛讀荆園臨川之集訪蕭洲文選之
 樓貴人欲出我門猥蒙推挽癡兒待了公事
 靡憚勤勞奉食藥以飲水望望履丹而塗
 堅在脫選莫難於職判而乞靈二十二常扣於朱庭
 躬洒報函慨垂重諾捧崇垣之疾置增陋解
 之榮光與其挾劉公之書薰藉同器孰若致
 伯魚之問挑李成蹊庶因萬石之辭希樂以
 千金而事帝恭惟某嘗於天者渾厚輔以學

而高明身在沙隄習見鳳池之衣鉢量閩溟
 海平吞層氣之樓臺十年不出於長安八座
 峻躋於冢宰屬違頭之多變宜江面之無波
 用鋪敦淮濱之規模移揮壓輦轂之手段旨
 麾羽扇布置樓船軍聲大振於柳營虜衆悉
 潛於草地寬九重之憂顧贊百揆之疇庸父
 愛之子亦愛之奇士夙延於東閣主賢者客
 必賢者愚人或取於西家某託門墻借滌其
 鼠肝類彈者冒求於鴉炙願損有餘之惠曲
 矜不肖之孤早著土以成山免仞泉而棄井
 生匠石之園長伯樂之廐奚俯仰於他人侍
 公休之屨拜溫國之堂誓依歸於此世稍圖
 植立庸答鈞陶

回王監宮賀宣名

處士歸山仍居宰席使人赴隴促返齋廬升
 輅猶骰子之選官二十三詰關類胡孫之入袋偶然
 洗幽谷之恥或者與捷徑之朝寵詒詩篇極
 佩友誼方移庭而勒俗駕敢犯座而應容星
 較八斗一石之才言語浪考於子建觀九尺
 四寸之輪功名宜屬於曾交共載而東當復

于上

勿齋先生文集卷上

勿齋先生文集卷下

同十

初賜高士封號者皆字問其山皆宜無

代貼職官觀謝寧執

久闕田舍敢瞻堂察之招弄命者度訖遂伺
官之請職有華於寓直祿且仰以資貧感激

上恩控陳私謝伏念某生居村僻性稟平常
方隆師親友之圖何致君澤民之有粗償邑
債仍負州丞因多病以丐歸坐糜閑廩當引
年而未謝真戀明時聖皇躬攬以改元善類
同升而資治訪諸生之在否冠八士以呼延
遜積弗俞除書頻下鵠鴻並集許接武於道
山大馬既衰難觀先於天闕歷寫由中之怨
果蒙從欲之仁寵之東壁之圖書俾以中茅
之香火身不離於鄉曲名輒掛於班行於公
朝何所重輕倍煩造化在老境不翅滿足可
謂遭逢若集注之語言竭平生之精力金籟
教子居家聊用於講摩竹簡送官詔郡誤家
於宣取預慚膚淺無補光明茲蓋恭遇某名
震華夷功存社稷親擁宸淵之日靜排黃道
之雲湯於伊尹學而臣信格天之德懋齊舉

臯陶選於衆見稽古之謨申勤勞百廢之鼎
新指顧庶僚之晉用猥容衰朽均忝榮光某
敢不思見太平力延殘景擬聖主賢臣之碩
共黃童白叟之嬉笑背雖暄徒抱獻君之志
掛冠已晚調騰謝事之章

代賀趙大資沿海制置

某恭審宸廷作命制閩澄威公衣錦以居鄉
四華趨朝於魏關士持戟而失伍一言靖患
於蕭牆海水無波天頽有喜恭惟某高明而
傑持沉厚而疏通視天下之英才孰出其右
運宵中之武庫所向無前江淮十年旗鼓百
戰指畫斷匈奴之臂談笑取郢支之頭大勳
赫奕於旂常靜樂塗塗於泉石時方多事吾
豈久闕蜀國何茫然起一琴於清獻鄉隣有
聞者驚三箭於將軍方按轡以拊循亟投戈
而羅拜匪洽社台有賴疑潢池兵弄未休
吏皆趨庭帝且前席灘堆如象馬用從東吳
之船渭水非熊並入運西樞之柄息烽煙於
邊鄙壯磐石於邦家某江國晚生天街未至
登龍門而未遂還驪駕以何堪連讀綠綵聲

占紫氣晉公之貌孰似庶諧道左之迎大農
之穀幾何庸上關中之計其於慶倚莫既編
刊

代賀謝東安撫趙大資

某恭審青冥授鉞紫殿移珂席之前賞誼所
陳緩朝九陞陝以東周公是主坐鎮千巖誕
敷幕府之條密送京師之福恭惟某海山間
氣宗社重臣材氣無雙不數眼中之餘子咸
名有赫平吞塞北之匈奴屏江蔽淮井井其
規模足國強兵斑斑乎勳業偶作平泉之興
閩尋洛社之圖王曰邁歸撫稼秣於劔閣士
而失伍戡螳蝟於柳營與其五月以渡瀘未
若莫春而楔會爰改綸於宸掖迺植蠹於帝
鄉官殿天基申景命萬年之福樓臺雲影聚
蓬萊三島之仙風流文物全屬遨頭期會薄
書不煩老手稍奏保釐之績亟躋宥宥之聯
某繆聽朝難逢共流馬愧咨諏之何有唯曠
敗之是虞欣聆歷吉以啓藩甚幸依鄰而席
苾旌旄可望藥石攸資陪元戎出野焉徒想
鏡湖之集觀奇士留東閣尚隨輦路之塵贊

僕俱深教陳罔究

代賀淮東總領兼鎮江吳侍郎

其恭審抗獮領饗持索專城印何景業王人
跨諸侯之序鄂不詳詳兄弟繼馮君之歌臺
府鼎新衣冠甚盛恭惟其紫垣魁宿薄海僑
人有天地有君臣造大學中庸之道言文章
言政事登承明侍從之班妙年歷歷於清華
敏手恢恢於繁劇天當平治帝曰疇咨二十
石未兩輪豈薄江東之道院三十鐘致一斛
適多塞上之軍屯心燈相續於大蘇烽火不
驚於細柳以無雙之材氣壓第一之江山兵
食足民信之刀劍盡還於牛犢戎狄和國福
也于戈佇戩以虎皮逸歸紫索之懸徑陟黃
扉之拜其斐芻無補靈粟滋慚曾遊北固之
樓臺自笑東華之塵土聳聞異數敢叙同寅
天下稱兵竊晞蹤於循吏軍中有范仍拭目
於膚公贊扞居深教刑罔究

代賀浙西提刑魏少監

其恭審遵簡笋班分持繡節曰甸服五百里
臣惟命之東西謂國用三十年楮與時而高

勿齋先生文集 卷下

下臨建授變通之策稱提增舉刺之權星駕
有行泉流無壅恭惟其襟期掀豁風範温凝
邇事父遠事君深雅頌四詩之教上治內下
治外洞軍戎萬里之情影纒歷遠於鷓鴣除
器且專於蘭錡高折廣寒之桂載磨聞喜之

詩白玉為堂演綸有待黃金如土救幣莫前
小煩漢使之咨詠立見周家之殷富直天子
圖書之府未隔清光空無人刑獄之宇式符
明指巫被膝前之名益崇肺附之親其疇昨
侍朝於今聯治歷歷遊從之款依依離索之
懷鞭揚之批糠在前敢憶懋棠之舊臭味也
草木於我母忘誨藥之忠督係欲言剪莪莫
究

代賀史侍郎知平江兼提舉

其恭審跡榮魏闕移鎮吳門蕩節風生繼袞
秋之先踴雌堂畫水磨畫戟之清吟臺府併
新吏民交慶恭惟其神姿凝粹德寓恢恢八
葉名家親實相門之第一經教子密傳道學
之燈方富文度居膝上之時盡得陳平宰天
下之說論思益峻培養加深水斷蛟陸制犀

出神鋒於寶匣前鞭鸞後華鳳騰逸駕於華
涂頻分半竹之符又報嘉禾之政允仁心於
父母凜清操於冰霜童子中和之歌轉聞而
上公卿選表之用蓋歸乎來帝念姑蘇之民
地大扶風之郡迎送疲於數易撫摩庶其少

蘇雙旌啓藩萬物吐氣摘山煮海不妨拜使
者之麗聽履持衡即入侍玉皇之案其登畿
最晚詠隰何堪夢欲斷於朝雞技且窮於廳
鼠幸光華之密邇均蔭賴之扶疎同官為寮
敢附甘泉之法從國士待我定濟東閣之舊
人贊倚有懷敷膳罔既

代喜雪賀宰執

某伏以四時成歲冬且至以生陽一德享天
雲亟同而雨雪乾坤益瑞海宇均敷恭惟其
密運大鈞力凝和氣攻金穰之占野閱鐵甲
之屯邊謂宿麥連雲欲仍駢於厲鬼則飛花
剪水必嚴飾於玄冥湊繡紋一線之添慶瑤
陸六雲之集其終其清轉與親休祥嘉穎歸
周端叶豐年之夢潛故得奏兩聽捷書之音

代冬至節賀秀王

二五—五五三

其伏以漢得天統曆方行於萬年冬亞歲朝陽果來於七日偉聖宗之元老庸川至之嘉祥恭惟其德瑩象臺望高璿柄王曰叔父大開茅土之封天與善人端介椿松之壽對續紋之添線奉絲絡之送珍其問俗在原底寒知夏木牛流馬昌被軍續之温玉帶垂魚紙仰御床之近

代冬至賀平江史侍郎

其伏以鳳闕書雲協綬段而應候虎丘擊雪映麾節以生光順臨剛長之辰續集大來之福恭惟其清風肅吏愛日宜民東閣吟梅猶記調羹之味紫宸鳴玉魏通候對之班行矣賜環從而問笏其咨詠何補其覆居多巷陌張燈憶舊遊於大府殿庭稱慶迎新渥於脩門

代回慶元守賀冬

伏謂魯觀書雲動鼓戾而應候郵樓擊雪照茸轟以生光順臨剛長之辰續集大來之福恭惟其清風肅吏愛日宜民東閣梅開續衝寒於山意西湖水合懷倚月於欄干佇須黃

霸之金歸佩紫宸之玉其言詎何補其覆居多朝路隨君空憶瓊瑤之跡新堂領客猶聞絲竹之音贊仰有忱敷判同究

代回嘉興守賀冬

伏以鳳闕書雲驗微陽於玉瑄駕湖飛雪照瑞彩於牙旗順臨剛長之辰續集大來之福恭惟其半符易牧今榜與歌近尺五之天境因人而增重占丈三之景政與節以俱新稍陳履戰之儀歸遂填荒之樂巍登文石密侍甘泉其誦度無堪其依有素華聽昭樂喜聞叶氣之回異畝產禾更上豐年之奏其於頌贊罔究敷騰

代臨安倅章謝字執

伏以巖邑字民僅逃官謗神臯列倅遠悉恩除惟地近而格高愧人微而資淺鴻鈞所播泥軾奚堪竊謂天府之貳副車號稱小尹錢塘之一都會密拱大廷置負或過於三廡通決實關於庶務蓋彈壓輦轂以佐而長非平分風月以夸諸人遠若熙寧坡老居於是席近而嘉定諫臣出於此涂顧事任之不輕必

材能而後稱伏念其清若晚進小草微蹤押架書多致墮綺紈之習堆床笫少居懷之治之羞一同遠試於甌閩三載偶沉於樽故初無政最何有言揚全璧東歸爰索長安之米掃門上謂冒陳光範之書縱治中六百石猶階而可升如城南尺五天則夢所不到視提挈之力大蒙造化之功深日往月來毋多待

戎朝發夕至真是便家非惟撫鶴鶴之原得誨孤而治莽抑少慙難豚之社容息蹇以磨鉛當此僥踰若為報塞茲蓋恭遇其八荒開域一柱擎天蕭也規曹也隨歷歷奮庸而熙載房之謀杜之斷悽悽修政以攘夷器名每謹於繁縷人物率歸於夾袋有如塊鑿均沐挺鎔其敢不佩服隆私持循先訓庶題與而佐岳稍結綬以登畿展驥何為聽槐街之鞭策登龍甚幸廟材館之簪裾誓畢微生仰訓厚德

代回沿海制置趙都承

其恭審欽讓宥密進撰嚴謀帥誰先漢臣無出誼之右在師中吉周公其主陝之東辭

玉陛而有行合天朝而交慶恭惟其宵燭萬
卷筆倒三江自其少年奉負臺閣之望安於
平進歷更麾節之勞當朝廷救楮之時應君
子拔茅之象容勿百寮之上周旋二柄之間
過政事堂丞相每改容而聽用春秋法史臣
仍戴筆而書方將登法從簪橐之班相與定
勾奴金繒之議若時古鄖有事春蒐校六步
七步之愆士輒譁而失伍膺再命三命之寵
公甚壯而臨藩前茅戒嚴細柳改色親校青
冥之鉞開圍別墅之碁昌黎入廷湊之雷信
兒郎之帖服先弼代子儀之將見旗幟之精
明亟聽褒嘉歸陪論獻其侍朝甚幸將漕無
堪政依樞柄之餘輝擬預月樓之清集況未
轄之出鎮欣紫綬之增華竊懷竊感於別離
盛禮敢當於駢儷著鞭先我自憐骨相之屯
折柳送君騰祝功名之會襟期所共心畫奚
殫

代回嚴州衛守

恭審作命典藩簡衣植蠹書登金鎖密聯東
壁之輝車擁朱階高壓客星之次叔度之來

何暮文正之蹤有光恭惟其學富鄴叢疑
崑玉儼若思毋不敬威儀素習於三千進乎
道恢有餘肯榮畧經於十二振伯仲墳荒之
譽擅春秋蘭菊之芳宜在朝廷乃更州縣遡
牙樞於清瀨森榮戟於上游田廬間苦於白
催幣廩頗從而亦立規模自我必易局以置
其手段過人儘無麵而作餅稍修數月之令
亟騰五袴之歌入為公卿淨洗兵甲其使華
曷稱王事徒勞鏡中之髮既星江頭之潮如
屋政擬摩戩而賀上遽蒙惠翰之來前憶千
騎之過都僅一觴而臨水觀風幾左長哦結
筆參錯之詩假道棠陰行遂淵明歸來之興
報襄弗恪詹鄉加履

代回安吉州趙監丞

恭審選賢班綴分牧京畿得結輩十數人榮
佩銀兔之印封姬姓八百國清占水精之官
下車有初比屋相慶恭惟其行高天揖量大
淵渟博洽多聞映太一青藜之杖風流自命
披謫仙紫綺之裘人知直上以干霄我則徐
行而按轡既飛鳧而展驥載騎馬以聽難禁

嚮東床飽觀奇士判花西掖盡列從臣肯繫
薄於一麾試招徠於六客吏事綽然餘地歌
謠藹其近天燕寢凝香佇報冀黃之政都堂
並席定追富晏之蹤其漕轉無堪知憐有素
憶從容而扣閣欣振厲以開藩不因過客而
飾厨豈復追胥之打戶設施強人意信知於
此不九駢儷遺我書似亦未能免俗占訓甚
率馳仰徒勤

代回常州衛守丞

恭審改符作牧縮戍之官衛獄雲開勿膏車
而秣馬荆溪月滿真泛宅以浮家條教一孚
訝謠四達恭惟其金甌學富玉海文深不路
丹梯一第特恩子耳爭塵翠轂萬鍾何有我
哉典章淹貫於胷中政事笑談於筆底翩翩
數歷鵠鵲聲稱就零陵山水之鄉周爰咨度
作平泉花木之夢蚤賦歸來上萬念於世家
公出臨於隣郡山無貢錫坐疑燕寢之香驛
有賜環入試糜丸之墨甚星軺曷稱霜鬢堪
驚政懷曠敗之虞乃侈寅恭之幸浴手沂與
曾子騰思石浦之琴書瞻彼淇美衛公勉繼

沙堤之衣鉢貽賤首及報滌奚殫

代回新嘉興守余監丞

恭審用傳出關分符守在春秋為舊李雅推地望之雄輔京兆曰扶風未覺天先之遠先聲易達生意頓回恭惟某標致蓬萊子閩風器質黃鍾而大呂宵中書傳皆尊主氏民之方堂上精神得富國強兵之要謂升高而自下既歷外以居中余不負丞君子式嚴於戎器仲難為弟少公盍列於政涂肯榮薄而佩綢迺怡愉而戲綵帝念阜陵潛龍之所民惟泰山猛虎之奇出命維新改轅自近駕湖棹穩何異探蘇隄之梅鳳治詩來還勝夢謝池之草稍報撫摩之最邁歸還表之班某漕轉罔功託俚知幸銜神忽貽於駢製製巾惟謹於珍藏見爾送人殆取擲掄之笑轉而聞上佇傳宣布之歌贊後實厯稟訓莫替

代回江陰王守

伏審分符作守宅向服以惟良便道之官過帝闈而不入特屢書素諭想車音恭惟某源流雄奇被服温潔是父是子早競茁於蘭芽

其人其天今獨存於華萼維志澹而不躁雖步徐而自高既卧黃紬游憑緹軻柯山茶散訪一斧之仙蹤申水波澄應三刀之佳夢曷云不敵於壯跡足堪愛養於細民小試著宣急者選表某驅馳已勅蜚輓何堪律宜黜而乃升身欲歸而復駐解于非駿敢稱一漕之福星益部有襄及聽三章之童子占訓良率馳仰徒勤

恭審塗芝作誥列戟專城二千石起家分左符於漢殿八百國同姓輔東屏於周藩來暮有歌和衷甚幸恭惟某行高天揖量大淵滄博洽多聞太一下青藜之杖風流自命謫仙披紫綺之裘恢恢政事之科歷歷功名之會既飛鳧而展驥即騎馬以聽雞難學宰相居都司結綬歷更於二府以君子除戎器寰寰薄近於千巖蘭亭之樂未央宣室之思深切相攸翠蕩駕彼朱轡無嘆愁聲小借慈祥之父母有治理效過歸選表之公卿某莫稱班行猥共漕轉厭簿書之塵土夢松菊之田園一

代回温州趙少監

鶴隨公喜流傳於新政雙魚遺我愧先辱於華賤未以罪行庶其忠告

代回台州李監簿

恭審城專左輔星直中台竹馬填郊除道歡迎於新守木牛供粟同寮解后於故人想見部封便安條教恭惟某根蟠僊李響振天鈞論議長江家來流而不盡刺裁游刃恢恢地而有餘雖温良恭遜熟以持身故安靜和平見諸行事薄味監州之蟹亟聽待漏之雞章滿公車類朝奏而暮下軍多戎器爰內修而外攘聚精會神甫爾在廷更治考功於馬請郡駕言皂蓋陟彼丹丘未庸庭戶之令修頓覺閭閻之疾愈天非難而穀熟城不沒而江平五百茗花聊具石橋之供三千牘草邁歸金馬之班某將指何堪思歸未遂每憶侍朝之欵殊恨定交之遲俶茲寅恭幸甚蒙親課民二母寔知騰布於中和遺我雙鯉魚愧難勝於駢儷為報草草有懷卷卷

代回婺州陳郎中

恭審寓直宸奎承流寶瓊青德吾物弄印訖

以界堯紫馬君來騎竹續其迎後鼎傳初令
幸獲為寮恭惟其學博而文宏道醇而德備
一麟獨出士知韓愈之可師三鳳齊飛人惜
劉蕡之不第歷江淮之兩郡安立登著累年
何自為郎庶幾詠國菊猶存於茗嘗舟輒引
於蓬萊維明月之雙溪冠扶風之三輔桐鄉

愛我嘗鳴支邑之琴渤海勸農聊聽謙樓之
角尋麗澤詩書之化訪叱石神仙之蹤竹擁
鋒車徑登荷索其繆共漕輓何取容無粉省
分曹尚憶侍朝之喜黃堂報政側聞樂職之
歌方上日之戒期乃後時而言賀珍函俯速
華施難訓

代回建昌張通判

恭審跡思漢殿通守江城為氓而速一屋阻
郊迎於別駕呼童而養尺素辱郵置於都門
隴占布置之新可卜康功之效恭惟其詩書
正版名節故家為帝王師笑夜取若人之履
得江山助宜時稱大手之詞凡所居官綽然
餘裕高則建封之授鉞小猶萬福之麾舟當
國事之孔殷盡人材之餘出何其計左聊爾

治中作麻源三谷之遊麒麟擲脯踵文昌八
座之美鷓鴣催班其不移其愚奚適於用馳
隲未離於魏闕捍隄良苦於胥濤爰念毋以
巧麾殫天而闕允維桑梓恭敬止徒懷仲
愷之心存松菊歸來考終樂寬閑之野偶稽
慶福尚請誨言

代回林提管

伏以漢使乘輅根將隆指郵賓入幕首屈英
游槽丘之職徒以勞人顛洲之雋迺肯從我
瞻言一葦辱此雙魚恭惟其天材素高吏業
滋敏疊奏種桃之最擬為薦李之遊謂太微
二十五星蓋奪華於郎省如長安十千一斗
姑振領於兵厨稍展修能亟躋要列其莫稱
觀風之寄粗有慶賢之心故人斯來何事弗
集庶同出袖間之手豈徒流地上之錢繼西
湖賦梅花儘有餘暇比南豐持香辨則似過
情占報不臻晤言以釐

代回臨安劉通判

伏以我來君去莫留畫幕之賢德舉言揚少
見總袍之意高文有貺私謝何為伏惟其丹

穴產奇紫荆爭秀雙鳧遊戲蚤收墨絲之勳
孤鶩登臨曾續珠簾之句簡按既居於小尹
班聯行趣於大昕其老矣臨戎幸而集事憶
家山之荔子已趣歸裝寄江驛之梅花毋忘
宿契暑宜護重日聽褒遠

代回興國羅知軍

自天子所用更治以專城與父老言知阻飢
於墊水寬條俶布生意俱回伏惟其綽有父
風歷收吏最從軍油幕憤懣慷慨之詩借地
玉階屢吐呼噤之論賤富川之為郡匪衆澤
以橫流未蘇魚鼈之民況宿貔貅之戍上心
所屬敏手攸資人活青州親樵山而輦粟圖
開赤縣同備械以修車其雪去霜還心疲形
瘁得結筆參錯部內何幸蒙成容少游欵段
里中已堅歸計

代回蘇參議

帝簡儒纒出自黃間之孤官居議幕來看畫
棟之雲有惠書函足占僚契伏惟其溫良有
守恬暇無營迺奏最於弦歌肯賦閑於香火
郊垌可出屈工部於劍南境土未還致匈奴

於闕下有謀則就不約而同其偶幸族族已
堅祠請視小醜以鼠子何謂功多過少公之
桐孫庶窺文獻解嚴甫定襄報殊疎

代謝趙提刑舉狀

五位合乎天數冒干使斧之威一字華於表
褒亟靈公車之奏取之自遠聞者皆驚極感
琢於肺肝畧款判於筆墨竊謂官路每拘於
選調舉負尤重於職司并四者難尚鸚鵡矣求
而弗獲制一以詩猶龍睛點則便飛此下窻
切於歸投而崇臺樂於成就伏念甚叢然小
子縛以微官清江碧嶂素號富岡綠水紅蓮
合為苦海早蝗相踵田間多菜色之民羅輝
孔艱庭下少鴈行之吏方孜孜於職守皇汲
汲於身謀箭一失則廢前功姑穿楊而進步
丹九還而換骨因紙鼎以垂涎春光繞動於
鬱孤窻相逐圓於窻堵須冥坐井何有粹明
面牆若為閨敏責粗述於官謗能曷取
獎假過優揣摩增愧茲蓋恭遇某材
堪柱石身在江湖以道相傳續千載聖人之
脉得情勿喜盡一成君子之心居禮樂而有

先知賢才而必舉顧如彘瑣莫稱搜揚其敢
不屬志公廉謝恩特達氣象彷彿杏雲之樂聲
華薰桂籍之香庶幾報坐主於門闌抑以見
先君於地下豈他人不如同姓毛原幸得以
宗周毋爾音而有遐心籍湜敢從而叛愈丹
尙所嚮瞻日斯臨

代謝皮右丞相

慈恩託契上台記夾袋之名光範移書下幙
被繡衣之薦開雲霄於萬里收桃李於一門
恩重命輕威深涕集竊謂選人唯班改是務
舉主最職司為嚴并四者難儘連貫虎侯之
札缺一以待必勇奪龍舟之標非金剛杵有
以攝持則玉女盆何緣挂到不先不後如取
如携伏念某揆微芳駕駘寒步泛蓮依水
初微畫諾之能食蘂飲冰第謹律身之戒望
七階而勃窣繞三樹以彷徨同年豈無情特
荷老端明之垂睇他日又獨立仍蒙大水相
之興憐方紅旗路報於捷書正綵服親浮於
壽竿念郗氏一枝之桂下郇公五朵之雲何
德以堪其應猶響茲蓋恭遇其上醫扶國鉅

棟擎天魏公自督視而歸君臣相說汾陽居
令公之位父母俱存精神會于一堂威稜懾
乎四裔堅黃河如帶之約贖豐水有芑之詩
材無細大悉以作成官若中外從而器使故
令合顯樂以轉鈞某敢不恪秉素心仰訓大
造觀遠臣以所至不離父子兄弟之間報國
事以衆人即受天地鬼神之譴指縱惟命赴
蹈奚辭

回趙僉判賀宣召

應制非才久斷蔡燈之夢趣歸有旨仍霑樺
燭之香顧董轄之方新欲循墻而不可靖惟
忝竊實出吹颺未控謝屏篋車先辱贈錦繡
段因儂篇之從吏重行計之越趨非關人去
而山輕寧免林慚而猶愧雖夜對莫分於蓮
炬然春光久泄於柳條朕不棄卿敢誦止闕
隱廬之句公如送客請續南浦綠波之詩更
借言於開陳庶以禮而津遠舉莫廢也愛則
助之略此稟酌嗣圖侍登
與趙丞辭漕臺月俸
案畔掌書浪夸仙秩懷中草檄偶繼芳塵鞅

鉛徒弊於精魂印綬巫還於肺腑類無耕而用馬敢不獵以懸鵠違既甚勒控免難已蓋始因疾論待來年然後損之若仍以俸言則今日之受非也寧甘却長者之賜是粗守頑夫之廉善為我辭無出公右奢華歲節既沾沽酒之十千特達來言終免買山之百萬容聽響卜別拜隆頌

回王象先惠詩

高士不為穢瑩官務德公寡出謹執師喪及茲三退而強留迺辱兩章而言賀自量衰繆莫稱褒期維其因用藥而識君臣故不廢伐木以全朋友吾二人在耳想無下石之言臣百口保之儘有住山之日少安勿躁薄責尤宜

回赤城觀熊書記

效茅仙戲赤城夙窺英躅從子雲問奇字忽枉高軒袖街僂僂之文履折空虛之喜甚厭隨舉子親讀宜僚煮會中書傳之香領物外煙霞之趣文章一伎漫遊藝於筆端道德二經素嘯真於古本得時則駕而月斯征某勸

矣賦歸寒之過實金玉有定價慚非識寶之人風雲入壯懷宜擇立身之地矧當年少政要書多

謝蕭秀才贊見

盧簷曠日政撥老子之二毛滿座生風喜見秀才之三耳辱贈我錦繡段知同飲玻璃紅父客邊淮干戈未定乍歸鄉并松菊猶存何遽至啼飢而號寒要不害安貧而守約吾無隱爾難持嶺上之白雲君其圖之自有書中之金屋居慚地主聊酌鄉人

回王監官賀官居

虞士歸山仍居宰席使人赴隴促返茶廬升轄猶散子之選官諧闕類胡孫之入袋偶然洗幽谷之耻或者興捷徑之朝寵詒詩篇極佩友誼方移庭而勤俗駕敢犯座而應客星較八斗一石之才言語浪夸於子建觀九尺四寸之餘功名宜屬於曹交共載而東當復于上

勿齋先生文集卷下

洞玄金玉集卷之一

崑崙無為清淨丹陽真人述

七言絕句

重陽憫化妙行真人時在崑崙山居菴用三尺半青布造成一中頂排九疊九縫言夢中曾見名曰九轉華陽中師父風貌堂堂有若鍾離之狀加之頂起此巾愈增華潤誠為物外人也故作是詩以讚之

貌似鍾離實在身自然慳灑好精神怎知不是紅塵客九轉華陽青布巾

讚重陽憫化妙行真人

雲冠霞帔絳綃裙身入圓光別紫清妙行真人酬本願拯危救苦度眾生

繼重陽真人韻

不居廊庑不居村不憶妻男不憶孫志在環牆修大道幹開三戶入金門

述懷

身在儒門三十年不知一字大如天偶因悟徹風仙理頓覺靈明滿大千

又
虛無浩渺神仙國鬱壘宮隆自已天白日清
閑無冗事丹霄山人駕飛煙

又

道遠自在三山空坦蕩無拘一散仙清淨幹
開壺內景無為踏碎洞中天

和長安梁王二郎韻

雲遊水歷過中牟得遇重陽師太獎許我將
來了了歸洞天三十六仙長

重陽真人欲往寧海親筆畫一畫圖

與醴泉縣弟子史公宴收之鈺預夢

南園一仙鶴從地湧出經月有重陽

師父到來指鶴起處要修菴居鈺又

夢參從師父入一山翌日師父訓鈺

小宇山伺鈺隨師父到南京至年終

師父要歸遊鈺求辭世頌師父言我

在關中呂道人菴壁上預前寫下鈺

覆知師父鈺有三願一欲將師父全

真集印行師父曰長安決了二願欲
與師父守服三年師父曰劉蔣村有

我舊菴基址可住三願勸十方父母

捨俗修仙師父言罷昇霞余別大梁

經洛陽入潼關過華嶽訪京兆有道

友相留在孔先生菴內盤桓數日有

醴泉史公相尋來在東門裏茶坊相

見問及姓氏梁云醴泉史風子亦是

重陽真人門弟子余聞之甚喜師父

屢曾說與茶畢余往太平樓下街開

行有道大楊二郎邀住啜茶之次有

史公繼云史公又施拜禮余責曰汝

既是重陽師父門人何其多禮豈有

一日兩三遍具禮拜是何道人活計

余預知此公怕上街求乞故相撓之

我欲拌賢一銀酒主人不知可否史

公於懷中取錢余言非用此錢可上

街求乞錢沽酒史公熟視移時遂上

街乞化下來沽酒余獨飲之史公求

詩遂成十絕句以贈之
行屍走骨有何羞勿為衣食亂起愁學我上
街長展臂隨緣乞化最風流

又
雷貫榮華全小可於身性命天來大火風地

水似浮漚好把假軀先勘破

又
今朝端的拜聞賢休使家中造業錢降伏我

人求乞去自然日用得儉然

又
馬風非愛盃中酒引爾街前閑展手度日隨

緣助道長不勞出藥闍胡口

又
且把糟漿助我神須憑玉液養天真誰知越

醉越恠灑異日功成三島人

又
無妻無子亦無文天賜逍遙宜省悟休欺方

寸莫謾人暗有神明常察汝

又
從前愛底莫留心急急抽身物外尋搜獲不

離方寸地無私無曲作知音

又
天機未敢輕分付細細看賢悟不悟遇有艱

難方寸地無私無曲作知音

又
天機未敢輕分付細細看賢悟不悟遇有艱

難方寸地無私無曲作知音

又
天機未敢輕分付細細看賢悟不悟遇有艱

難方寸地無私無曲作知音

難不憶家恁時指汝長生路

又

浮名浮利尚難求利遂名成卧土丘不道神仙非小事須憑功行赴瀛洲

又

要做神仙須悟徹萬種塵緣當一掌常將身影更嫌多恁時自有仙提挈

贈長安眾道友

家家門下長安道戶戶庭前極樂鄉一脚不移超法界三難俱透得清涼

贈長安郭子聰機宜韻

清淨神光燦有餘自然猿馬不驅驅轉增開悟適玄路未審汾陽信也無

和盧知縣韻

一身便做箇環牆脫洒靈童住裏廂沒口能言玄妙語勿令猿馬縱輕狂

贈長安孔公昆仲彭子元

四旬有八到長安深謝諸公異眼看今日伸于知己者修行說破虎龍蟠

又

養主孔公彭子元暨諸道契早搜玄身中管養長生火壺內修完不夜天

又

心清意淨性逍遙坦蕩無拘不繫腰若要鑪中鉛汞結須教鼎內蛇嬰調

又

擊下家緣萬事休自然捉住好因由冲和秀氣穿丹穴怪灑靈童上玉樓

又

不迷外樂不貪嗔混俗和光語笑頻但願諸公如我志大家修進作仙人

又

道遠物外固精神絕慮忘機合至真悟取無爭為上士常懷忍辱作仙人

又

道家豁暢最相宜酷好歌歡又著迷清淨箇中真箇樂自然舞袖入雲霓

又

三髻山侷鍊大丹玉鑪裏面雪漫漫悟來不騎掀舞貌故要傍人下眼看

又

悟來不恥乞殘餘名利安能引我驅奉勸諸公休著有早隨馬銜學專無

又

遠宜一志鎖心猴般運清虛金木流九轉功

夫成大藥未為仙契住瀛洲

題京兆統軍司王令史欽古堂

王公賦性常欽古堂裏開調龍與虎日就月將得倒顛自然顯出胎仙舞

又

欽古先生容貌古悟徹鬪龍并坎虎歸依至理妙中玄敢與馬風街上舞

又

欽古先生遵太古先天地真龍虎出萬入坎任東西驚動蛇嬰來對舞

又

欽古先生通亘古無中管養龍和虎清淨淨顯元初脫灑靈童當面舞

到馬坊見小李講師看南華經

尋文討古要多知悟徹南華迷更迷不若萬

緣齊擊下淨清得一上天梯

贈馬坊菴主劉先生

一心入道徹程頭二氣調勻細細收三寶至
精神氣結四時攢聚赴瀛洲

郭縣小張索

小童問道道無言清淨能持至妙玄憑此家
風常保守自然有分做神仙

郭縣小王索

小童聽屬養靈聖自有因緣繼馬風清淨無
為須悟徹自然雲步到蓬宮

贈慶真徐清神

大院常就沒徹頭一身空為一家愁與他了
幹終難了不若灰心休便休

贈郭縣件解元

我遇神仙人遇我人還似我消煙火養氣全
真不染塵自然有分成仙果

贈郭縣獨孤五郎

修仙須要降人我更向水中養真火意滅心
忘無點塵性靈丹結成功果

遇郭郊漢陂空翠堂作詩贈耀州梁

姑

色即是空空是色色空空色兩俱忘自從悟
徹空中色頓覺心蓮翠碧香

醴泉裴公索

眼前兒女總成人顏上鬚髮似爛銀莫怪形
容憔悴損被他奪了好精神

贈淳化何先生斑竹杖為路躡

一技端的化龍材因擊三尸魁與魁血染斑
斑如玳瑁贈賢勇去訪蓬萊

丁酉下元日出環牆

舞得來來真箇促識得亘初真面目師父師
叔下界來嘉期直指在西北

再遇師父重陽懶化妙行真人
師叔王瞻番明燈寂真人

繞過扶風回首促特訪岐陽誇轅自再遇本
師得大丹教立東西南與北

仲冬二十八日復入環牆

風害嵐嵐風馬出西北雲遊月餘日却思舊
隱復歸來使把環牆重跳入

封門憲

崑崙三髻馬山伺便把門憲實九封幹運坎

高庚與甲不分南北與西東

予於大定戊戌孟冬自龍門抵華亭
太和菴居旬餘欲拂袖詣堂尚是日

只於東窗就公先生菴內居止一二
日時有劉昭信裴大器李大乘及坊

郭道友十餘人予化誘連夕無一回
心向道者翌日欲行遂留絕句

鍊就丹陽玉性開雲遊西北選仙材錦鱗不
得空撈漉收拾輪竿歸去來

釣中李大乘復用前韻

釣愚愚性豁然開一點靈陽稱選材心上勿
令塵垢昧清中傳過妙玄來

復贈李大乘四首

釣出迷津離苦海同行同坐恣遨遊心中別
性真分付遠妙通玄詭十洲

又

喜賢回首作同流悟取壺中天下遊雲水不
須勞足力自然步步到瀛洲

又

坦蕩逍遙一道流不隨名利離塵遊未歸天

上丹霞洞先步壺中碧玉洲

又

大乘體調事如何無著勝如百不歌性似孤雲與孤鶴道遙自在更無過

還趙公方帽

鑿昏劈暗不愚蒙黑白能分玉性紅烏帽先生悟明月赤松上士傲清風

李濟川夢得曼先生傳詩一絕子因

和之以讚美馬

曼公曾拜我為師一志堅持不暫移了了根源蟬蛻後偶然下界却留詩

贈華亭縣卷主張大悟

的端言語切須聽精同根源氣固神若使馬猿依舊劣隄防不測禍臨身

贈華亭縣道友

馬風慈願做維摩常病衆生受苦多勸化詩詞如省悟免教投火似飛蛾

贈何氏乃焦公之妻

青春已過懸粧樓堪嘆迷人不覺秋莫待十分憔悴損早搜玄妙早達頭

冬至日饒隴州同知李鎮國炭

一陽生發歲添新自笑詩人忒然辛呵筆狂吟書玉簡起心動念饒烏新

又

天道於人有兩般大家冬月不相關炎蒸蒙氣和水熱冷淡貧菴火也寒

謝隴州筆劉三郎羊皮被

同雲一色不多般六出飄飄鎖故關際謝彭城真道友贈予皮被敵冬寒

別隴州

水歷雲遊憑有則順行逆行人莫測箇內幹旋天地機了遠根源真一得

庚子七月二十九日題終南太平宮

南斗閣東壁

瞥然風害箇塵無誰肯處處也學予悟者回頭通妙用自然達鳥是程途

庚子八月二十四日長安祈雨

赤脚馬風祈禱雨心香裊裊投仙府一犁雲足待何時五五不離二十五

又

苗將枯槁萬民愁熱起心香瑞氣得再禱三

真齊下界沛然一澤好收秋

赴駕古謀克齋過鶴

雲朋霞友赴齋進步主峯在目前我訪青蓮池上客人看黃鶴洞中仙

五臺月長老來點茶詢予曰古人言

雲在青霄水在瓶如何

月師談論古人云雲在青霄水在瓶子會水雲顛倒過一溪風月酒初醒

和岐陽鎮趙殿試

牛鹿羊車顛倒般少人持論少人千我因得遇親傳得肯把十方父母謾

又

二輪迅速往來般自問年齡是若干學易已過將耳順忻然不受老妻謾

又

異名須是論多般休道於玄並不干秀士若憑風馬惑自然不受枕前謾

又

九轉功夫在運般休言赤妙不相干玄玄至

理人難曉未到明通且受護

又

捨了那般戀這般愛賢仙質耐羞千木金三
間玄中妙非是狂言巧計護

又

坎巽交位運行般得來來不外于我欲伸
于知己者素人執著却稱護

又

道法自然別一般妙玄因得至誠于天機深
遠非常道不過真師認者護

又

我咱悟得這般般不管人來于不干學道蓋
因真實得護人便是自欺護

又

龍蛇起陸氣騰般日月同宮匯于依此修
持仙必矣休言馬鈕把人護

又

仙經修鍊論持般卷奈迷人不肯于在俗管
家誇達悟分明自把自心護

和耀州銀王二先生韻

得過道玄興味長心開心悟好離鄉恣情慵

懶成真趣堪笑忙人不覺忙

復用韻贈河中侯先生昆仲

臺中烹鍊翠雲長修補園亭不夜鄉捉住飛

鳥奔走免自然日月不忙忙

和敷政縣雷公

鏡君聲價勝蘇秦不似韜光更匿名物外道

通真坦蕩亘初一點自然明

又

靜清便是長生訣捨拚妻男沒口傳悟後知

空寧者有自然獲得好因緣

元日作

春夏歸兮秋亦遷昨宵殘臘逐風過人言今

日添新歲我道浮生減一年

贈高陵劉殿試諱夢松

應夢能全十八翁算來怎比一靈通魏魏昭

著塵難染蕩蕩威儀性不空

勸遊春者

尋芳竟草騎蒼華怎肯留心嘆落花若悟榮

枯凋謝事回頭物外鍊丹砂

和小圃書事戒遊賞者

壺中修鍊有長春丁鳥尋芳竟草人休戀輕

狂蝴蝶舞恐迷花萼莫其身

又

下功夫裏熱裁接不住甘津香齒頰有志修

真屏睡魔無心者假措元葉

題紙扇

念斷情忘喜寂家心明靈顯白芭蕉動搖玉

景清風至不假霜統暑氣消

對榴花作

滿院榴花紅似火笑他桃李逐浮濶爭知霜

曉東籬菊爛熳馨香獨占秋

白馬河西淨業莊相公見惠學竹拄

杖以詩贈之

彎彎曲曲化龍材深謝公家惠我來與日功

成真了了身霞拋去訪蓬萊

嘆人只會喫飯粥來未嘗留心於性

命

穀車入子冀車出般逸往來何日早假使百

年壽命長大都三萬六千日

世人執古人句一聯先須歷過人間
事然後搜尋出世機於理未盡其善
世事無涯無了期若言歷遍却成非不如識
破都無著自是過玄達妙機

警愚人

堪嘆人人忒熱愚身居火院覓紅爐不唯不
得清涼地怎奈腥臊臭穢渠

警兇徒

喟然長嘆嘆兇徒恃勢欺人得自好日縱頑
心生不善將來惡趣怎枝梧

十六章

火風地水結成囊眼耳鼻舌四魔王人我是
非招業種氣財酒色斬人場

分邪正

風花雪月終無益酒色氣財盡是禪人我是
非招鬼趣清閑道德渡仙舟

勸人決烈入道

綿刀穗箭紙槍頭志奪仙標入道流慷慨男
兒真決烈要逃生死便回眸

贈眾道友

有心入道莫推延惟恐因循老了賢今日不
知明日事今年怎敢保來年

又

長生有路好追尋譬如無常好歇心雲水閑
遊尋好伴自然得遇好知音

示門人

一思一慮覺傷神怎敢留心惹絆塵斷割萬
緣潭是假修完一性決金真

又

人我山頭生死關勸人推倒我人山人我既
除心性善自然跳出死生關

又

欲要元初一點明須教猿馬兩停停心清意
淨三丹結虎遠龍蟠四象成

寄李濟川

伏藏聰俊不名愚猛拚榮華大丈夫敢棄妻
男真烈士志修道德稱吾徒

贈魯姑

一衝霄漢慧燈明八卦祥煙靄霧生九轉金
丹成玉性十洲瓊路坦然行

贈松溪散人薛姑

修行大忘好奢華打破般般鍊麥麻返覆陰
陽通造化自然鑪結大丹砂

贈紫姑

無為無作大修行意靜心清放慧燈照透九
關通出入崑崙山上得昇騰

贈霜溪散人顏姑

一心入道不回還八味瓊漿既大丹九曜合
和真玉性十分功滿赴仙壇

京兆府煤發還鄉故作是詩以謝統

軍

三髻山侗得遇尊來秦地鍊雲濤尋思把
自還鄉去不若廳前請一刀

既蒙煤發不得已而別京兆故作是

詩也

利名場上騁風流怎肯灰心物外修真怪綸
竿收拾去自知已句匪洪鈞

河中府安公索

安公須要悟長安悟得長安作內觀心意不
隨猿馬轉氣神調暢結靈丹

行化到黃羊店會王公解元話及黃

英卿殿試五十三歲及第有詩自詠

予因借韻賦十絕

道德陰符經卷擔星冠月披晃雲衫世人不

識煙霞客魔障扶風角髻三

又

腹內丹經免得擔麻衣紙襖勝欄衫我今拂

袖歸寧海道伴雲遊十有三

又

玉柎金初誓不擔無心短帽與輕衫修真勸

善遭官難除此前來已語三

又

肩頭重擔沒心擔趨與兒孫脫與衫悟六六

通明六六前三三證後三三

又

般玄妙不須擔欲傳來做綠衫內修完真大

藥然鞦韆六和三

又

家累辛勤重擔擔往來來往販皮衫看看又

入深坑窖怎得丹爐火鍊三

又

一捨家緣不再擔口談玄妙不言衫衣披袍

慈心懷道元本嬰兒匪念三

贈武陟縣薛押司

猛悟心無火院擔麻衣體掛勝羅衫保持清

淨無為理精氣神收寶結三

又

火坑跳出沒家擔坦蕩養衣勝著衫雲水內

遊蓬島路自然大藥結成三

勸淇門屠者

殺生完債的端擔決墮輪回失了衫若要解

冤須改業學他趙四與張三

開州道友求

馬風東去決西來道上諸公却要猜異日重

陽師再過勢雲同去赴蓬萊

和道友韻

識破浮生只恁麼自然身影却嫌多雲遊到

處道玄路接引人人難苦破

因見淄州李三官人秉白芭蕉扇作

馬風得過恣逍遙坦蕩無拘不繫腰真性芬

芳紅齒齒霜心舒展白芭蕉

繼淄州耿公大師韻

馬風得遇活神仙洞裏修完自己天龍虎遠

蟠觀性月馬猿澄寂賞心道

昌樂道友送余登途至孤山下共看

石上仙蹤余遂口占小頌贈素殿試

暨諸道友

人人爭競看仙蹤誰肯留心繼我蹤一志超

然歸物外自然有分步雲蹤

萊州鄭副內奉贈古詩徒單內奉昨

日偶得一觀因繼元韻奉賜來覽

鐘中鍊就丹無價養內何曾藥換錢昨日客

來青眼願今朝我伴白雲眠

和任公韻

通玄養就本來真德不孤子必有鄰意淨自

知丹不漏心清誰信性無塵

贈黃縣西高村回光菴主馬從仕

捨財積福福如山難免輪回去復還唯有身

心清表裏決無生滅脫巡環

呪黃縣全真菴枯竹

道家門戶號長生意要枯乾改變形長使數
竿常綠綠不教一葉不青

喜松活

我通生法幹旋生氣布形骸轉換形意外不
唯君子綠蒼前又喜大夫青

大定癸卯六月三日黃縣道友邀予

居金玉菴環堵於內新栽小松六株

因作三絕

六月菴前種六松故然反倒馬風風三番布
氣無多力六願還生有大功

又

時富數伏故栽松道友閑閑試馬風我說六
株無自活人傳三髻有真功

又

六月初三種小松六株色變遇扶風祈禁我
借重陽氣應効人傳三髻功

繼登州倉使韻

絲蟻穿珠粟了然微微火逼氣相傳九竅通
明成道果三光秀得良緣

繼登州祝同監韻

汞鉛相見用功催嬰蛇懼誥不用珠玉虎金

龍騰地去金烏玉兔下天來

和寧海孫公執殿試

唯願吾親早棄華慨然拂袖訪仙家眠雲卧
月流霞飲接引金蓮有玉花

又

勸君回首早知空絕學無為保守中決烈身
心如馬鈺自然飄逸得真風

又

願公早早早心明休要奔波逐利名物外研
窮雲外事無根枯樹自然榮

和寧海范學正

范公學正乃鄉賢競利爭名騁少年若悟吾
門玄妙趣灰心修補洞中天

還羨菴主葫瓢并背心以詩贈之

風仙留下一葫瓢菴主姜公有分清還汝背
心當省悟微子雲水恣逍遙

樂人楊和之索

休向人前呈要俏好於性上認玲瓏澄心遣
慾靈明顯得住蓬萊第一宮

換長闌于天錫拄杖

一條屈曲化龍材換得筇杖速勝財各自閑
携詩興至剔開真性有仙才

贈燭律師拐

叔祖海蟾携寶拐功成雲步超三界馬風得
趣贈何人燭律師真自在

述懷

豈前三髻馬風哥雲水飄飄且恁麼修鍊珠
玕常恨少觀瞻身影却嫌多

壬寅九月二十一日范明叔處作

執持闕要淨靈臺霧鎖煙籠竟不聞重過重
陽師指教清風吹出月明來

繼慕大成韻

師名頂戴髻蟠三好弱心頭著惹參不戀塵
寰粧景境唯便道味勝柑甘

又

得遇風仙屏子三超然物外共心參始知自
在逍遙樂方信優游怡快甘

又

譚與劉立師第三同予勸世道中參鸞飛鳳

舞靈光透虎遶龍蟠大藥甘

又

八卦爐中鍊六三通玄達妙不須參水生紅
焰添神彩火長青蓮滴露甘

又

精氣神收寶結三豈思短簿與鬢參光擔火
院應無苦得飲刀圭更沒甘

又

婦人心有毒地三悟者回光返照參色裏抽
身知苦苦清中得味覺甘甘

又

儒者茶二與李三之乎者也罷相參弄文活
計知爲苦學道生涯覺是甘

又贈堂下眾小童

牛鹿羊車運載三堪令堂下小童參累功玉
液勝糖味積行蟠桃賽扎甘

洞玄金王集卷之一

洞玄金王集卷之二

氣二

七言絕句

酬于天錫彎竹杖

人人休訝棄四圍此箇扶風過太原
華當告免一枝彎竹却還元

萊陽道友具錫供因而有作

供養扶風六銜錫我今食盡更無情
景非常景洞裏晴天別是晴

歌舞

小童引我閑歌舞高士嗔予放耍顛
生當作戲風狂裏面隱神仙

功成

掣斷名韃無俗絆別開利鎖沒塵牽
鍊三溪玉九載功成萬劫仙

赴萊陽黃籙加持高功李講師見胎

詩韻

正念三冬閨月寒

卷中怎敢憶華筵講師戲
我來干鏗笑沒丹經潤火淵

題文登于噎于菴主契過菴

好山好水好松竹契過菴前清我目
福地堪

名錦繡川洞天宜蓋仙家屋

立于噎契過菴池名

玉花 金蓮 龍吟 虎嘯 化生

托嬰 王母 洞天池上彩雲橋

九陽 圓滿池

王金龍虎誠堪看化作托嬰行路坦
天現彩雲九陽池內丹圓滿

功圓

斷情割愛沒憂煎絕慮忘機達妙玄
香三處秀命通性月十分圓

過靖遠鎮閣公問予曰幾時東遊以

詩答之

金閨隔玉花開外青童不住催問扶
後言甚日向東來

京兆杜公一日來訪予曰於十年前

曾遇重陽真人蒙留題假山詩藏頭

拆字一絕雲下拆云字云云安石作

山分削孤峯便出群忘却二句求余
聯綴意不容辭姑塞雅命云

云安石作山分削孤峯便出群悟太湖閉碧

眼觀色界似浮雲折字起

和譚仙韻折字起

公為作處來端侯賢家性更寬兀騰騰行教化歸關裏內峯觀

又

我雲朋處正端今行化性宜寬然師指蓬萊

海得長清在內觀折字起

聯珠前二

天之道執行端正無私性識寬大包容如法海清澄湛定心觀

又

賢戒酒立身端的修持性轉寬量有如東大海中蓬島慧眸觀

京兆臺院寺尼通師來獻香以詩贈

之撰二

尼姑割萬緣我相一齊捐清淨功成日起昇

忍辱仙

贈王孔目

訣親傳非外舞中龍勢來蟠虎然吐出夜明珠性昭彰超萬古折字起

又

傳心印嬰兒舞畫調龍并引虎地王公悟這些靈默默談今古折字起

和京兆府揚學錄詩

然學錄問修真說根源并養塵顆靈珠常踴躍生雲彩作仙人折字起

又

道馬風絕世年年雲水樂天涯峯山下超然

悟上常開五葉花折字起

又

段丹田屬道家能耕種長黃芽然玉裏金花綻是將來步翠霞折字起

赴子午鎮千道會

金間隔是三台訣刀圭產箇拔千建成千道會中穿海馬風來折字起

因覽鄆縣件壽之與眾道友唱和楊

清史東軒澤龍過母自適詩卷借韻

各賦一篇

從遭遇乞殘餘飽忘機事事疎帶子朝君有

分圭我飲覺清虛折字起

又

羨一笠外無餘志翕仙萬物疎下食吟過母草分枝葉腹空虚折字起

又

身四假尚為餘景繁華事可疎有箇中真箇物今牢落達冲虛折字起

又

悟玄元證有餘求深母母還疎知少有知音者地如愚實若虛

又

得風仙道粗餘居物外沒親疎心不縱成玄寶性昭彰是六虛

又

在玄門四載餘其天祿世塵疎間瑞氣衝霄漢火相生信不虛

贈鄆縣修全具堂會首許典史進味

言具屬過真人會金蓮養氣神氣清清清結寶珠瑩淨許全具

贈鄆縣劉姑

生一粒腹中留訣親傳化俗流火相生全性

命通性顯稱仙劉字起

贈單家庄田先生

公到此莫空回口教賢心死灰湧靈泉神得
憇然平地一聲雷字起

贈任守一任通一宋明一于清一淳

于抱一于知一劉真一

子因何鄙楮毫雖雖好引心勞不施号神不
散生兔角觸龜毛字起

再遊終南太平宮復月前韻贈知宮

元德茂題真君殿前西命燈亭壁

人雲水入重來甲金庚秀我才入元公成正

覺塵不染性靈開字起

余在終南太平宮會京兆府運副陳

公同眾官一時以詩相因予走筆應

和

中火發不須筌道先生自有綠蟻穿珠若若

悟心相許傲林泉字起

又

中得趣便忘筌與馬風應宿緣坎撮未歸一

虔誠營養本靈泉字起

和整屋縣劉宰韻

乎者也背希夷事消除自是奇與馬風常作
伴塵不染本真隨字起

又

然風害得投真味瓊漿醉箇人轉吾官修大

禮初說破有真身字起

和司竹監使劉公

華瑩靜自通夷我俱無理最奇訣傳來轉分

付珠靈顯與仙隨字起

又

知淨裏箇中真豚嬰兒號至人入運行丹結

就乘變作大乘身字起

復和劉宰

人問我道中夷我俱忘妙裏奇與馬風為益

友承許我求相隨字起

又

開真性自明真此因緣與達人得靈明光焰

起飛鳥兔在君身字起

又和運副

不勞足力走華夷處處觀來處處奇碧玉巖

前雲步處有誰肯與馬風隨

又

物外超然鍊至真自知不是等閑人人言女
子宜懷孕我道男兒也姓身

復和劉宰

絕其視聽應希夷運轉玄關得至奇玉虎金
龍飛走處坎男為女往來隨

又

幸遇重陽妙行真本師傳授四東人自知妙
裏通玄妙頓覺身中有法身

道過岐陽趙公綽殿試字起

來日問長春氣沖和號谷神在寶瓶清淨

出家人做洞天人字起

又

人休要苦遊春景牽情暗損神若定時通覺

性靈超遠做仙人字起

和吳元素詩

味瓊漿洗滌塵心歸道回精神中燕處思元

素蟻穿珠見本真字起

又

乎者也匪真空士農商好認風九尸三先滅
盡心修道本師逢拆之
字起

和隴州都目鄭承德

公詩債日如梭馬食牽氣象和稼即今生慧
草分功了洞仙歌拆之
字起

大定十八年八月一日復往西北雲

遊過鳳鳴蒙道友有詩餞行謹繼嚴

韻

乎者也遠文山過風仙釣出灣火相生成大
藥然歸去不回還拆之
字起

下龍門山訪亭川復用前韻

遊西北訪名山釣龍門趨大灣灣曲曲珠穿

透處亭川好往還拆之
字起

再遊鳳鳴復用前韻

遊泗水不登山悟心通觀透灣不施号馬用

失言得性樂然還拆之
字起

和隴州王全道解元

景先生化帝休人好悟此因由園一拼成真
趣上瓊樓勝瀟瀟拆之
字起

又

覺山侗性不迷乎者也匪仙機金間隔君還
悟口相傳道不非拆之
字起

余到華亭蒙終南縣趙主簿見寄佳

什謹依韻和之

士農商名利功行怎悟道和沖中火焰成顛

倒此方知空不空拆之
字起

又

風馬二性通遠于子歸處處香口相傳行教

化人省悟也飄飄拆之
字起

又

乎者也論神仙上觀天別有天抵心仄堪學

道初相勸水雲邊拆之
字起

又

因過吾師未放還道與西北比終兩迤來多

見人歸善相親修仙住草巷

和文登縣遲先生韻令往龍門山參

問立仙

凡清淨可求仙上參丘證妙玄惠衆生無佛
志還依我步雲天拆之
字起

贈張大悟

悟將來必遇仙侗先剔性中玄公明解通三
昧月交馳九九天拆之
字起

贈焦大覺

覺之人志在仙無塵事得玄玄今更屬清心

鏡玉成形走上天拆之
字起

贈裴大器

器晚成必做仙侗謹勸更尋玄中密妙須當

認辱能超天上天拆之
字起

贈程大椿

椿椿壽壽如仙事盡除認洞玄上搜公憑一

志忘境滅得昇天拆之
字起

贈荔菲大隱

隱鄧居作隱仙明水秀自然玄中悟徹公

理走金飛洞裏天拆之
字起

贈董大德

德之人決了仙居市隱志投玄傳心印靈然

物鹿羊車運載天拆之
字起

贈元大善

善之人不昧仙心搜索妙中玄今釣出深坑

火我俱忘禱漏天拆之
字起

贈趙大慈

慈仁者必為仙悟玄中玄上玄上更知么上
趣知壺內有真天字起

贈李大乘字起

乘根本是神仙失元初昧了玄見可憐堪下
鈞然修補箇中天字起

又

凡修鍊裏頭仙淨心清響應玄認六丁神沒
賽珠飛上大羅天字起

和李大乘韻

乎者也人來訪說從前事事非髻馬風傳秀
士心初志莫交連字起

又

子通玄來遠訪知今是覺前非丹要結須慈
悟許心交更不違字起

又

子而今秦渡訪知昔日作為非章四句言初
志願隨子誓莫違字起

和華亭先教院淨公長老韻

邊石上雲霞友得儒生是隴西門遊處吾師

悟上蓮花出玉漢字起

又

金間隔現真如訣相傳物外居住今來修佛
也前儒者履雲渠字起

謹繼祖師純陽真人韻贈李本確宴

鄭公

因師訓號維摩把輪竿與味多夕朝朝香餌
擲公休似慈燈蛾字起

和平涼府戶判耿朝列韻

重陽師父論雲遊非塵人間處處州路碎洞
天成雅趣趨開世網不耽憂

又

論壺中雲水遊端午正訪神州主開飲閑行
步項心閑道不憂字起

又

有疑有感須當問問是闕非且打過未悟心
神常著相悟來身影却嫌多

又

夕朝朝來我問傳清靜更無過乎者也雖然
好得一明厭事多字起

贈平涼府趙卷主

雲水飄飄任自然往來遊歷沒牽羈萬緣勤
破心無著坦蕩逍遙一散仙

聯珠

家活計甚富然動青牛玉鯁纏度分明通八
卦艾周濟性靈仙

藏頭拆字

我俱忘性坦然牛哮吼玉繩纏雲繞颼風吹
散兔靈靈搗藥仙字起

隨緣度日

個飲餽任天然滅煙消性沒纏長黃芽深雪
裏冠不整散閑仙字起

和坊州曹解元妻無為散人賈無二

韻

火同官兩交錯就月將顯光燦道悟真塵屏
却時定不沉沙漢字起

和澗州李先生韻

誰學我謹隨師訣辭家正及時下收心尋出
路人營養化生兒字起

借汜汜成解元韻

抵官司配我身千里路萬重津雲東過沙門
島到崑崙志鍊真折大

聯珠

修真鍊在吾身影嫌多離苦津液香甘澆玉
鼎中丹結可成真

截頭折字

水通流澗法身開自悟離波津中火發成真
趣上瓊峯現至真折八

又

風不動箇中身下塵勞跳出津火鍊烹成大
藥然同禮太原真折八

歐州縣道交買酒轉與老姚仙飲

危芳酒莫生慳與雲朋且助頰脉嬰兒如飲
龍髯雲采訪東山折一

歐博州任平丁家塊務酒官轉與老

姚仙飲

傳滑稽更清光兀騰騰乞化嘗美馨香非未
麴麻修鍊飲瓊漿折八

歐興利鎮酒監

無著先生惟好飲不待慙勳書狀請一筆揮

成醪酒詩萬望監官酬酌訂

歐沙鎮酒監

出卯芳卯人酉氣相交幹旋陡玉飛金入寶
餅了真功飲玄酒折西

歐豐齊酒監

口相傳鍊大丹通玄妙有餘懼神踴躍思清
飲後狂吟醪酒官折口

贈洪門道友

中有戶即非村德金方益子孫蟻穿珠心火
降分修鍊在洪門折戶

壬寅九月二十二日題重遇亭

屬身心淨裏清通恬淡自然醒滌天地閑搖
動過重陽重遇亭折丁

和蒸殿試韻

口相傳豈止三公玄妙好同參然開悟般般
不个分梨得味甘折口

又

訣相傳保護三靈初秀罷玄參通道大成丹
實味瓊漿分外甘折口

又

靈明六六與三三幹運玄機不索參日月同
鐘增晃朗乾坤入鼎愈香甘

又

段田耕雲種蒔蕪無我敢放心花成玉貌開青
眼視靈珠無點瑕折殿

繼燭律師韻

善心慈燭律公公悟徹達行蹤長雲脚蓬萊
裏八靈光兜率中折口

繼馬和夫韻

火相生說與人開真性顯圓成牙不舉心連
放信壺中涉大瀛折水

又

戰心無十四年人才祿且隨緣羊掌酒專專
戒載奉中不把錢折戈

繼寧海劉司判韻

居吟詠愈愉然降水昇道力堅長黃芽紅雪
裏冠不整散開仙折山

文登縣禪院哥監寺僧出示羅漢古

頌合于和之

然心上碧蓮芳到希夷且伏藏戒已無真性

明華瑩淨顯靈光新元

繼于瞳郭同監韻

倘真性未團圓訣傳來龍虎雲鹿羊車般載

動陽未喚決成仙新山

繼郭正卿韻

滅煙消事剪除今開悟故如愚蓮護郁真靈

現性玲瓏俗慮無新大

繼郭百安韻

人若肯死前休馬能牽備我傳算不由天注

載年功滿脫陰囚新大

繼郭六官人韻

我清吟掃一篇分功了決成仙倘暗告歸玄

理性昭彰度萬年新大

繼于五郎韻

子雲遊內四夷情疎盡得嘉期生玉牝天無

暮長金翠道不違新大

赴登州請道過王選店蒙泰亭子解

元見惠佳什勉繼高韻

味瓊漿溉鹿群牛相逐裏頭人然結就靈珠

穎證逍遙自在真新大

又

此慈悲獨出群談微妙日表人回向道同修

鍊木相交內顯真新大

又

具耕牛恰一祥能調引自隨人來徹地通天

勢不施為自得真新大

又

風不動不群群鹿牛車載箇人轉東歸君省

悟今西邁謹修真新大

又

修真鍊好同群處惟愁攪亂人猛悟來當獨

處機通妙得長真

繼秦亭姜先生韻

令慵懶倦看書月同宮性不區味心知恬快

味歸蓬島乞殘餘新大

繼福山縣馬德修韻

人口問心開戶深深隱玉臺至玄玄憑覺

悟心寂寂見如來新大

題文山孫會首書三仙圖

倘得過妙玄傳志修持一紀年戴環瑤常念

汝男了了好修仙新山

和密州王先生韻

然得悟碧桃春月交光晃坎瀆是客号客是

主公認正不身新大

明月道人于元通諒黃縣西高村馬

從仕回光卷謹次元韻新大

身端的箇行卷曜光明返照看匪塵晴寒變

煖無煙焰煖為寒新大

萊陽秦政索

蟻穿珠最是奇傳玄妙應嘉期華瑩慶神光

秀性之人俗姓秦新大

雲揮求問

今深厭閑林叢捨無心固守中訣傳來清者

驗風相繼太原公

和萊陽張殿試韻十首

火同鑪秀我神中燕處樂其身然靈物來開

導飲擊香湧美津

又

靈清淨自然功不施為性結紅蟻穿珠成九

竅人內就却如童

又

中日月兩跳丸轉功成性可觀得本真光燦
燦中湧出大波瀾

又

端一志素衣綿小靈童樂妙玄上么么人省

悟觀八水與三川

又

然來問鍊靈芽我玄玄是最嘉口相傳當省
悟無榮著路無差

又

乎者也陶真氣綻金花好守中訣傳來功有
驗風心地自然通

又

訣心通喜氣多陽樓上不觀他來收拾靈光
瑩報君家事若何

又

人難得心低下日隨子論死生句妙玄心覺
悟今許汝共同行

又

圭妙處在雲房轉心花五色芳勸賢家聽馬

鉦金成寶應仙方

又

風不動處無身斷家緣神氣親說玄元無上
道初清裏可修真

洞玄金玉集卷之二

洞玄金玉集卷之三

七言絕句

得遇

悟徹心開得遇人怕塵趨苦屏除辛水中焰
透丹成妙火裏蓮生道顯春

自覺

浮利浮名引調人勞勞深苦更深辛誰知勢
耀如殘雪我覺榮華似暮春

辭家

正做迷迷火院人苦中受苦更兼辛偶因得
遇通玄妙豈肯耽家戀富春

遊秦

散髮披襟落魄人心無傷苦與傷辛故來秦
地甘河鎮遠避家鄉苦海春

起惑

心願超凡化度人起惑救苦更悲辛勸人趁
閃寬親債學我收藏斗柄春

忘念

做箇道門輔弼人馬他哀苦更哀辛因觀關
裏秦川景不憶鄉中甲地春

氣三

示門人

能脫名韃利鎖人解趁火院萬般辛水中火
發休心景雪裏花開滅意春

又

損損休心無染人閑閑養氣不言辛九般雲

現乾坤瑞一點陽生天下春

又

三尸六賊總魔人征戰辛勤苦轉辛誅戮妖
精心內斂修完異景洞中春

勸世

酒色氣財四害人苦中最苦生辛貪迷世
俗浮華景不悟仙家久遠春

又

大風地水暫為人干甚勞勞苦又辛悟取仙
葩開四季休迷凡卉旺三春

又

農士工商四等人各貪功業苦中辛不知短
景催人老怎悟長真益已春

又

勸回屠獵與文人賞我心神更苦辛捉住無

為難者有發揚大道勝遊春

又

物外逍遙快活人修持非苦亦非辛鸞飛鳳
闕蓬萊景虎吼龍宮海藏春

又

做箇能清心鏡人奚論深苦與深辛趣中得
趣環堵景塵裏無塵出世春

又

心懷荆棘暗欺人空焚名香枉斷辛好削塵
情消滅業積成和氣轉加春

又

玄言補益十方人全戒腥膻分戒辛常飲醞
醞惺復醉未觀幽香景非春

寄鄉人

我匪鄉中下賤人何曾當苦與當辛遇師傅
授無為理使我休迷有限春

又

丁屬天涯海角人自須離苦更離辛閱觀八
水綠毫勢賞說三州錦繡春

又

學道修仙作異人一心趁苦更趁辛虎龍易
位成玄趣日月交光發好春

又

決烈男兒慷慨人怕投勞苦怕投辛斡旋造
化通神用反覆陰陽盡變春

贈京兆府徐孔目

火院空耽空累人算來空苦亦空辛爭如尋
覓長生路豈似修持不盡春

寄京兆劉法司

名利如同酒醉人迷迷耽苦更耽辛只知名
利時間好怎悟蓬瀛久視春

又

大限無過百歲人何須苦上更添辛抽身急
避金枷累發忘懇修玉洞春

贈鄆縣老張姑洵眾女姑

異人為作異於人幹運三奇與六辛玉樹常
榮常是旣瓊華不謝不關春

贈鄆縣王姑暨眾女姑

優游恬淡養真人不須酒肉與膏辛醞醞三
蓋千秋歲蟠桃一顆萬年春

贈郭縣趙姑暨眾女姑

無為清淨鍊丹人免受紅塵萬萬辛玄圃種
成無漏果水鄉枯盡沒殘春

贈柳蔣辛老宿

誰為吉善好心人柳蔣村中老宿辛悟道難

迷塵世景修真易見洞壺春

秦鎮酒都監王武德小娘子告出家

以詩贈之

投玄入妙樂天人鍊氣何曾苦上辛我悟收
來不到處自然不是嶺頭春

又

物外逍遙坦蕩人也無心苦與心辛爐中養
就清涼火鼎內燒成大藥春

寄咸陽小張錄事暨眾道友

咸陽陌上古今人利引名牽苦辛何似幹

旋三洞雪寧如修鍊四時春

贈乾州高常善

要做蓬萊三島人不須說苦更辨辛專恩天
上二三載已換人間百萬春

贈武功時先生

我奉風仙化導人免憂生死去和辛清心寂

寂靈靈性調息綿綿求來春

贈鳳翔小李仙

不貪不愛不凡人恬淡優游豈受辛玉樹枝
分千種秀金蓮花放萬年春

贈隴州賀孔目

萬萬千名利人有誰知苦更知辛若通吾
道玄中妙暗惠賢家臉上春

贈隴州尚書表

擊下金枷玉杻人悟閑肯受苦勤辛修完不

有修完處捉住虛無捉住春

余復別隴沂重訪龍門山有李子
和解元相錢至勾兜堡旅館同宿是夜

間隣舍人亡悲哀不已作此贈之

耳內常聞哭死人鼻中不覺瀝酸辛哀人豈

似常哀已見道勝如未見春

隴州李子和解元入道刻法名大莖

號靈根子

休要表他亡過人切須哀已嘆虛辛急修久
視長生景得實瑤臺閬苑春

儒醫高孝叔索

高公秀士智醫人拈弄苦參與細辛爭似修
完蓬島路寧如實既洞天春

贈隴州續玄機

清淨無為真道人並無苦苦與辛辛三千功

滿三千日十二周天十二春

贈隴州淡善柔

斷除酒色氣財人免向家中受苦辛決烈回
頭三島容修持定飲十洲春

贈郭善能

坦蕩逍遙物外人沒憂沒苦沒難辛牢收豆

古三田寶賞既元初四季春

贈魏道清

鼓腹高歌樂道人自然無苦亦無辛壺中有
景非常景洞裏藏春別是春

贈張玄成

無拘無管散悶人擺脫勞生苦裏辛撫動心
琴金鳳舞深藏瓊樹玉堂春

贈隴州趙八郎

惺惺伶俐最愁人貪為養家苦力辛不念百

年隨手過空圖榮旺暫時春

贈隴州辛司候七

巖前鶴唳草堂人喜見登科甲第辛學士要
還官一品散臣不博壽千春

隴州辛司候到官三月見余勸學道

渠云念某纔請得三箇月俸因而有

作

馬風詩上讀書人各自家風各訴辛入仕新
官三月俸出塵故友屢經春

又

我會搖頭不管人因何詩曲捧呈辛宿緣宿
契雲霞友修補修完洞府春

又

馬風春戀宿緣人時復狂吟胃潰辛奉勸早
尋蓬島路自然得賞洞庭春

又

些兒微妙付何人說與前生的友辛連步步
開紅雪徑雲蹤到碧桃春

隴州蕭公索詩兼呈辛公司候

的端鍊鍛了心人說與州官司候辛異日果

登三島路今朝喜過一陽春

贈隴州鄭承德辛司候橫三

禮上許何人三公衛鄭辛諾時文序子唱和
武陵春

贈華亭馬玄中

擺脫家緣離俗人自然免受苦中辛道修消
盡千重業丹鍊完全萬劫春

贈華亭董過師十三歲入道

少年休說異如人真實修持勿憚辛其向人
前誇黑首事知鏡內暫青春

贈白巖鎮魯周瑞

樂道逍遙豁暢人自無勞苦與勞辛洞內鍊
烹金丹藥壺中賞說玉樓春

贈化平縣朱玄覺

分明說與出家人戒斷腥羶厭五辛休向我
邊參久視便歸物外問長春

贈鄭善信

物外逍遙自在人調和甲乙與庚辛洞中常
伴長生客壺內閱觀不老春

贈化平縣趙至榮

猛烈回頭出世人免耽萬苦與千辛爐中九
夏涼如水鼎內三冬暖似春

贈坊州曹解元

勸認清閑不來人奈何寬素苦耽辛爭知歲
月催人老過了一春無一春

又

養家家累累迷人忒煞奔波忒煞辛苦死不
知苦是苦春去那能春復春

又

獨自擔家贍眾人無人分苦更分辛勞心著
假蹉跑老因悟投真掌握春

又

悟來脫俗不愚人免受勞生苦與辛命變五
行超造化性通九轉自然春

又

端的修行一志人何曾憂苦更憂辛太初丹
結玄中寶黍米珠藏物外春

贈寧海沙三翁

忻住環牆得趣人何曾愁苦更愁辛能收白
虎丹無漏會引青龍洞有春

贈文山周先生

披裘携杖杖慵人，豁暢心開怕說辛。誰信洞天玄圃景，無花無柳也成春。

又

氣財酒色最傷人，火院熬煎苦痛辛。往往不

愁秋後景，迷迷空戀眼前春。

贈長安李茂春

日相催老了人，然覺苦又驚辛。分閑信來投道，許長安李茂春。折日

又字起

每言子好人，怕苦恐粘辛。信得都因孝，皆傳李茂春。

七言律詩

重陽憫化妙行真人，釣子出家故作

是詩以謝師之慈悲耳

山侗閑想舊，縱由火院中間憂。裏裏愁為苦，千辛求富貴。千頭萬緒惹冤讎，每思生死如何免。服事妻男，怎到頭方欲尋歸。何事幸風仙，釣出恁雲遊。

又

山侗脫了火坑憂，入道來來不苦愁。日日道遙，樂吟詠時時坦蕩。喜歡誦翠霞紫霧常為伴，明月清風永作儔。誘化仁人歸大道，行功圓備赴瀛洲。

建德

道家無親無不親，哀物哀人哀己身。心起慈悲行大德，意無情念顯精神。有為境界時時撥，無漏園亭日日新。暗積行功功行滿，携雲歸去禮師真。

自述

頭梳三髻即非虔，人問因由事怎傳。揚顯師名宜頂戴，包藏士口處心堅。爭知在世山侗子，不讓朝元獨角仙。今日對君親說破，他年功滿步雲煙。

又

萬緣勘破總歸空，從此修行早見功。意為難為迷愛，愁心猿易得。做惡蒙氣神安淨，金丹結龍虎。澄清玉性紅，奉報同流。憑妙用大家修鍊，赴達官。

又

寵妻不是聰明漢，好色誠為情懂哥。稍留心遭毒手，微微掛意著他魔。精枯髓竭形容瘦，氣散神衰鬼使拖。我悟我驚當早避，何須直待鼓盆歌。

連珠頌

我心有病我心醫，人是人非人豈知。搜妙搜玄搜獲正，不爭不競不修持。常清常淨常生善，要道要行要拯危。懷玉懷仁懷救度，起心起念起慈悲。

完顏侍郎因謂子曰：不意先生肯住

茅菴環堵，受如此瀟灑，因而有作。馬家巷內馬風家，北宅南園不足誇。那箇榮華非活計，這般瀟灑好生涯。身心離俗修金窟，雲水投玄種玉芽。頭覺眼前天地窄，壺中日月結靈砂。

十一

詠秋景

一年嘉景在，三秋斗指西。方運火流成氣收，精通妙用飛霜迎。節應真修菊，開常有陶潛興。葉落全無宋玉愁，向曉風清溪月白。有人悟得赴瀛洲。

寄呈高陵劉伯虎殿試

彭城物外細搜求悟一之時萬事休坐卧不
妨牽白鹿住行無礙引青牛常清常淨須當
認真行真功決要周九轉丹成蓬島去專參
的祖海蟾劉

勉門人

修行須棄色和財慎勿貪益惹禍災速把我
人山放倒急將龍虎穴衝開丹成雪彈明金
鼎性結霜髓晃玉臺常有白雲飛洞口行功
圓備赴蓬萊

又

爭名競利苦忙忙不覺容衰兩鬢蒼貪為妻
男身受苦怎知道德事偏長願公速固精神
氣學我勤修鉛汞霜功行積成真性願大家
同共赴蓬莊

挈李大乘入環堵作

西北亭川環堵居此中堪可隱吾軀眼前碧
竹數君子面對青松二大夫流水假山兒戲
雨清風明月汝知平若能悟解予裁九九子於環堵
我差差故寫焉有分靈光赴玉都

呈岐陽丹霞觀破正夫

披雲引鶴訪雙林抱箇無為霹靂聚花亭樓
前逢益友昆明池畔遇知音三田珍寶明神
室八脉嬰兒出錦衾手掌夜光珠一顆不勞
足力步瑤岑

贈李大乘兼呈淨公良老

環牆裏面最脩然道舍清虛占兩椽深愛蒔
生君子志可憐松老大夫賢八渠淥水成清
醪五岳連峯聳碧蓮雖有儒生為益友不成
三教不團圓

贈涇陽張先生

六旬有四卦將休猛悟灰心離俗遊訪我投
真歸正覺搜玄索隱做持修頭分丫髻雲霞
友手顯擎拳風月儔稽首更明珍重理自然
得去赴瀛洲

和月翁老人

既知不二道先天符契山侗至妙言鸞鳳翔
翔投玉窟虎龍吟籟入金門壺中煮鍊乾坤
髓洞裏撼搖天地根一粒黍珠藏日月昏昏
默默不昏昏

和高內奉

既言仕宦著驚塵何必奔波過此生速剪萬
緣如斷梗免教一性似飄萍出離苦海心開
悟撥散浮雲月自明功行圓周超上界方知
馬銜啓丹誠

和霽伯功惠銀杏詩

七寶玲瓏珍藏鄉產般異菓果非常外成粉
殼渾金玉內結水晶半帶霜文或火炮增品
味棟梁水煑轉馨香想君先得此佳趣見惠
山侗正一陽

訪秀林長老張德通殿試

圭峯山下秀林村得趣高僧喜道人引鶴披
雲來就教家玄問妙去除塵無為清淨龍蟠
虎大道自然鳳產麟若得儒張知苦子遂成
三教話長春

吳正心趙霜心魏霖從余訪圭峯

三公相從九仙遊十二周天十二周憑仗九
三為妙用堪遷二六作風流好將水火爐中
養便把乾坤鼎內收異日功成丹炬赫共同
雲步訪瀛洲

寄蒲城陸德寧

休言在俗做修行休說家中非火坑對境心
迷難養氣逢魔意亂怎收精願君開悟除三
毒學我澄清屏七情拂袖超然離苦海雲朋
霞友論長生

耀州劉公夢海蟾學修行以詩贈之

海蟾入夢化劉仙遣汝投予學妙玄有說寧
知無說法無言怎悟有言傳能持清淨無為
理便達精微造化權天地悉歸金玉鼎神丹
結正性團圓

又

彭城何事不迷昏得過來投清淨門便認陰
符三百字好搜道德五千言就中得一通三
妙向裏通三得一軒莫使黑雲為障閉自然
返老復歸元

和三水縣王知觀

看者相近下坡年悟取賢家本是仙早訪林
泉指俗累速離宮觀棄塵緣無為性上通玄
妙清淨心中達妙玄功行周圍蓬島去侍香
鍾呂太原前

和司公周監使

物外逍遙任自然終南山下蘭良緣怎知我
得無無趣勸化人離種種邊坦蕩觀壺臺內
景慈愍修補洞中天功圓行滿乘雲去同禮
重陽風害仙

和寧海軍孫公執殿試

願公開悟萬緣休慎勿塵埃性上留功有幹
旋全水火箇無故歿沒春秋速今赤馬吞黃
馬便使青牛吼白牛烹鍊大丹丹短赫何愁
紫府詔來不

過修善村求齋

馬家巷內馬風狂得遇修仙萬事息養氣全
神成道果烹鉛鍊汞結丹陽清淨淨全光
瑩湛湛澄澄玉性芳一片霜心無我相人來
取火愈清涼

契遇卷

尋思最緊是修持急急修持尚恐遲坎虎離
龍常追引心猿意馬罷奔馳紫金山後通三
要白玉臺前種九池三壺心琴成曲調清清
聲韻應仙羌

福山縣周彬甫索

偶因煤發到鄉來得與周公屢接陪索我清
吟難拒命勸君開悟省貪財心澄白虎穿丹
穴意淨青龍上寶臺龍虎逢蟠成大藥胎仙
歌舞訪蓬萊

福山縣劉公索

劉公學道聽予言入妙門庭要志堅清淨堪
為仙活計利名豈是道因緣虎龍便合調
引猿馬無令放耍顛神氣沖和成大藥性靈
飛上大羅天

福山縣單一翁索

單公好鍊性溫蒸休似從前分外求猿馬引
心迷假合虎龍入腹應真修清中玉蛇歌無
歇淨裏金嬰舞不休固守根源丹自結功成
行滿赴瀛洲

贈黃縣馬從仕

為人須要笑哈哈對月臨風好把杯閑悶閑
愁閑放下自寬自樂自無災無為清淨登仙
路坦蕩逍遙上寶臺若悟如斯為活計大家
雲步赴蓬萊

加持馬從仕宅醮

悟來樂道恣情吟醮食須求麴一杯幸遇黃
冠行法事助他清醮謹讓災加持潔已居環
堵追薦亡靈上玉臺瑞氣祥雲相引去蟠桃
賞既宴蓬萊

和萊陽楊殿試韻

遐齡鳳曆不須推仁者從來勝壽眉鄉老盡
傳鄉行好道人又許道心奇奈何性上攀緣
累怎得玄中奧妙知但願賢家開悟早同歸
蓬島禮真師

又

遇予便合認具常性月靈靈圓更方竹處茅
菴辭峻宇喜陪籬障棄高墻勤修元首
三清舉遠勝名魁四選場定是將來仙得做
何須求問治膏肓

述懷戴頭拆字

蟠古髻古今希衲蒙頭孰敢依愛世華增我
相觀天道悟鳥飛儀流轉成玄寶脉沖和應
妙機上金花長久放今知是覺前非

自詠

恁恣意騁狂顛樂具閑得自然裏湧泉端的
秉中生火的端鉛龍嬉戲實紅珠虎咆哮吐
紫烟謂箇誰丹藥種陽師父害風仙

過圭峯即事

峯山隱九般霞段光輝段段華載鍊蒸成至
寶風不動結靈砂年悟取長生景子心開不
謝花導馬風行教化宜壺內做生涯

京兆府任公索

朝丁屬府推任我俱忘物外尋步不移雲水
至心捉住鬼神欽龍蟠迹呈祥瑞虎咆哮街
好音就月將丹結寶珠活樂出瑤岑

任判官求

朝酷告判官任我速除福轉深湧焰光焚碧
海清子淨舞米林金間隔成功擘月交馳願
道心毒俱無丹自結人忍辱步瑤岑

和月霽老人

金間隔冕胃襟殺邪魔理趣深裏神光成玉
焰中連藥結竊心靈瑩瑩通明旭曜輝輝蕩
散淫上山侗能養浩君保惜自瓊林

和吳元素

從無意羨馨纓蛇閑調素利名口相傳悉智
慧心不動點聰明烏月免清澄瑩虎金龍哮
吼聲目擊首難外騁風堅志救群生

和平涼陳學正

金有間莫輕拋子心灰髮不凋轉十州觀紫
府開三島看青霄中玉免常無味裏金烏自
是調易變通陳學正成仙契好爭標

和于內奉韻

德金方修九九動胎仙常啓口從得遇絕憂
愁上座情都擲撒載慈慈補漏天道轉旋如
用手公亦遇重陽師論清真任身朽

贈黃縣衛彥周

乎者也兀誰休是芝陽衛彥周訣三光須要
認花五彩欲持修開玉蕊全無事旋金蓮別
有由上田田丹自結人相逐馬風遊

和張公殿試

風吹動玉冠簪有張公怕事禁我佳篇詢意
馬君妙訣話猿心鈞三毒休胡枚種千般莫
要尋寸靈珠方寸內常清淨鬼神欽

贈三光會首周彬甫

人好離利名鉤口傳玄勸早修我心中當剪
截才意上莫停留田耕透三田寶玉生成四
玉牛載慙慙非用力主得欽行功周新吉
字起

和縣尉王武略

壬亥會得真問訪金方牒發還離塵情屏俗
事開心性與玄開扇戶掩居環堵就月將鍊
寶山見吾官神自喜傳微妙好躋攀新丁
字起

和寧海劉殿試

傳離俗樂然歸最華陽更問誰若諾時常作
伴違口契未難隨中玉免行來晚裏金烏叫
及時步能移仙舉應蓮五彩自然知新口
字起

和范壽卿殿試

儀攢聚結靈丹點元陽晃九關戶闌閑無俗
慮神安靜得真閑金間隔垂雲脚日交輝現
本頽味瓊漿因爛飲君詩憤片時閑新二
字起

又

人開悟悟終宵在行卷不照茅為官魔來故
郡尋仙契結知交天母地通三要姪嬰嬌弄
六丈動心清增慧力圭爛飲萬綠拋新才
字起

和于百壽韻

風清淨大乘功辦修持不落空注心香關穴
滿般槍法妙玄通乎者也非吾會月星辰在
鼎中訣授傳如省悟遠開後不愚家新家
字起

和崑崙于華叔韻

蟠虎遶助神翁化籽來再過風滅尸亡心意
淨昇火降妙玄通乎者也為開導德清閑合
至功勸于公并道友當早出塵籠新龍
字起

洞玄金玉集卷之三

洞玄金玉集卷之四

氣四

七言長篇

自喻

水雲蹤跡任飄飄寶樹琪花好撼搖鍊已勤
修金玉洞潛身投宿瓦磚窰天關地軸蟠吾
足瑞氣祥光纏我腰莫訝世間踈翹夔且忻
靜裏飲瓊瑤遵依師父持三要這引靈童舞
六公直待風仙來下界度歸蓬島永逍遙

臘日海上見海市用東坡韻

海家活路不知空長在洪波大浪中日日捕
魚招地獄時時進艣背仙官因何却得心悔
過過我穿鑿勝良工忻躍焚燒船與網慈悲
感動神與龍海市呈空驚眾目於中說倒白
髻翁時當臘八生異象希奇造化現來雄龍
虎遶蟠吟不盡神仙出沒盡無窮寶殿珠樓
水搖蕩瓊林琪樹氣浮融跨鶴金童敲玉磬
登壇玉女擊金鐘嘉瑞重重觀天閣慶雲窩
靄顯年豐悟來赤鳳翅調金倒把青牛尾乘
銅重遇重陽仙訓誨冰清玉潔樂真風

寧海軍判官烏延馬出次韻

臘八海市現寒空虛無氣象杳冥中紫霧化
 成蓬島洞紅霞變作寶瓶宮隨珠照海相連
 蚌蜀錦牽船豈見工風光搖曳奔山虎雲彩
 橫斜出水龍遙觀引鶴垂鬚子遠望披叢策
 杖翁乘鸞玉女異中異撲象金獅雄更雄便
 是坡公吟匪盡直饒道子畫難窮勸人回首
 投嘉趣顧我修真鍊氣融投玄幸悟無生理
 救命能趁過世鐘常有慈心扶眾溺却無俗
 念願家豐慳慳進道絕纖慮點檢行囊沒箇
 銅掌握幹旋顛倒法狂歌狂舞且佯風

次韻

萬頃琉璃襯半空陰陽造化在其中鵲橋橋
 度三山客鸞輿與訪九霄宮希奇樓顯摘呈
 手玲瓏塔現不凡工隊隊坎男乘白虎群群
 離女跨青龍背縮同心小小子帽裏三蒼老
 老翁忽爾騰空飛鶴勢偶然戲水巨鰲雄相
 契內事山侗富倒笑虛假石崇窮性住命停
 昭且著神清氣爽明然融慈悲句句如良藥
 語話琅琅似擊鐘罷鍊心魔并意亂却祈國
 富與民豐願無憎愛投嘉趣誓不慳貪積臭

銅三髻狂吟人莫笑一般風害害風風

復用前韻

琅琅海市秀臘空相次東坡十月中瑞氣結
 成蓬島洞彩霞捧出九霄宮我來西高行教
 化祥生北海顯仙工躍嶺奔山投穴虎噴雲
 吐霧戲珠龍異常造化三終日希奇驚倒一
 老翁蓋因漁父網焚喜感動天翁景變雄詩
 匠賦詩詩有盡畫工欲畫畫無窮白叟黃童
 誠大悅青天紅日顯明融四皓嬉遊縱狂舞
 八仙宴飲倒提鐘外施功行神明祐內鍊沖
 和道氣豐持戒已無心犯戒見銅怎敢手拈
 銅奉勸後來學道者懇懇謹謹繼子風

癸卯四月行化道過福山因借坡公
 海市詩韻以述懷贈諸道友

馬風得遇治虛空水養靈煙恍惚中輪動玲
 瓏珍寶藏剔開晃朗蕊珠宮性好清閑并道
 德教傳農士與商工調和鼎內龍蟠虎逗引
 鑪中虎遶龍鉛精汞隨歸根蒂於蛇嬰嬌惜
 主翁既悟無為真活計肯持有作假英雄專
 志投玄能離苦度誠索隱不憂窮心便環堵

攀原憲腹長胎仙傲孔融欽崇教主唐才呂
 遵奉講師漢將鐘常嘆一瓢為我累寧思五
 袴做他豐九載曾修三澗雪十年不犯一文
 銅誰繼重陽師父踵丘劉譚馬闍家風

予行化芝陽特承蓬萊道眾見訪相

別索詩為借坡公韻藏頭疊字贈馬
 仙說破萬緣空色色空眼界中下聞道必生
 怪我矜誇自有宮殿修完無用木金間隔不
 煩工巧難通水與火清易引虎和龍蟠虎遶
 投離女姪嬰嬌訪坎翁毋清靈生異相親威
 嚴別是雄哉雄哉真得得兮得兮亦窮窮究
 內事默而語話胎仙和且融融入妙開金口
 口傳玄扣玉鐘離傳呂呂傳王父傳子麻麥
 豐人儉已成仙契聖合賢惡鄧銅臭不如功
 行累功積行得仙風

黃邑修設黃錄邀予作度師既至加
 持子全真養備東坡海市詩韻以示
 道眾

亡尸滅得觀空士農商好守中訣投玄無地
 獄談入妙有天宮祖純陽曾構現父風仙昔

嘆工斬七情嬰跨虎通一竅蛇乘龍盈日具
顯黃婆昇火降助金翁翼生兮機莫測圭欽
兮雌變雄今不羨陶朱富無相繼范丹窮有
三丹千日鍊生五彩百骸融年罷用分茶盞
紀指持勸酒鐘遇隨緣行教化來勸世棄財
豐合醬黃非是道觀心鏡不干銅流若悟山
侗理昂如泥恰似風字起

勉唐彦濟海市詩韻橫三字

下天風仙王晒我太荒唐指予遊海島訪覓
地山陽矚看人業滿教勸如春暖從此網船
焚功尋不可緩馬風到北溟海市人認驚天
垂仙景異千變萬化生觀如蓬島上種子難
圖狀吞吐物物奇怎寫般般相驚動海邊漁
誑心寬怎通便焚曾與網神喜天亦愉快似
醉復醒語話投機訂性上問長春清淨成丹
鼎

又蘇頌
辨字

如點漆出自重陽王度丘劉譚馬唐訣傳玄
內雲水然三髻來芝陽居環堵加持滿歷雲
遊誰怕燒人報我望西高暮海市仍且緩喜

呈祥在北溟看異景眾皆驚風特地來行化
好依予戒殺生勸網焚船莫上論人形異魚
狀命魚命命不殊審生前魚甚相下為魚犯
甚漁魂冤債難避經懺悔非懺悔每改過
天自偷衣整得醉中醒起善心善事訂盟盟
誓不為漁魚戲海免湯鼎字起

又

疊心琴虞舜王藏西歸復至唐教經文當初理
看髻得過鍊丹陽心性功向滿雲遊予任
寒煖急行兮聞善緣來線兮不稽緩喜爭言
怕北溟喜爭言過悔驚喜爭言不造罪喜爭
言戒殺生然焚網不船上日道裝非俗狀透
自無名利心開豈有我人相觀漁者不為漁
耕適債免還通中誓不言長短上神明自喜
偷圭爛飲真心醒宿光臨妙言訂壬交會結
金丹得皆因清淨鼎字起

又

尸六賊怕心王過風仙別母唐訣傳來修道
德情削去鍊陰陽溪明月缺還滿曜清風涼
且煖朋選擇氣須調語慈悲性且緩蟻穿珠

入大溟火同鑪沒事驚重三光通久視知一
大學長生喜就下不就上悟無形亦無狀回
意馬聚精光綻心連生異相方人勸西高漁
魂斃命怎還通子四人焚大網靈生天天愉
偷見海市轉增醒涯改作善言訂寧更屬好
修仙斷塵緣鍊身鼎字起

五言絕句

得遇

悟微須憑遇得遇須憑做做徹清淨功神仙
自來度

嘆遼陽高巨才寧海曾携手同日遇風仙偏他

遼陽高巨才寧海曾携手同日遇風仙偏他
不回首

隱奧

天有三十六地有三十六天地入寶瓶七十
二候足

起慈

願救眾生苦悲心日日多上仙知我意批出
馬維摩

達妙

小小秦川道迢迢近水邊閑閑成恍惚得得遇胎仙

中選

王液泛金船玉性結金蓮玉篆篆金鈺玉詔詔金仙

通玄

六月嬰裏孩呼霜帶雪來馬風知得也決定赴蓬萊

長生

我有長生訣今明說與君玉鑪三洞雪金鼎一溪雲

僊伴

誰是山侗友今朝說與賢青蓮池上客黃鶴洞中仙

食菹九九之數也

馬風成斷酒好喫生生菹和菹也不喫自在逍遙走

嘆凌霄花

仰望凌霄花看來好不好時閒依勢生勢去成枯草

道友怪予清瘦

瘦則從教瘦不許皮兒皺鶴體與松形正是林泉叟

五體皮袋頌

皮皮皮皮皮我又不識你不若清淨乎直究掉了你

迷懷

悟徹是非海出離生死關人無息肩暇我有終身閑

隴州環堵至辛平蕭防判以詩贈之

臨行更相屬坑塹休深斷學取馬風風灰心明性燭

每見道眾無不敬奉遂成一絕謝之

偶尔相會面何須苦敬欽路遙知馬壯歲久辨人心

贈李大乘五言詩撰五字

李 憇 憑 惠

贈門弟子

志好志 欽常欽 口應口 心見心 遇仙亭

移并斗轉指遇仙亭與壬會合訣醉中醒星林起字

起字

又

計非尋俗口對茅亭起眉毛見誰悟醉醒生林起字

贈萊州醜首王永暨眾道友

受眾

生前恣狡極死後罪業多決入鑊湯獄難逃鐵網羅

追薦

孝子辨追薦亡靈獲福多決然離地獄免得

面閻羅羅

超度

七祖超昇廣九玄度脫多携雲朝玉帝降鶴看參羅

請聖

玉簡躬身執星冠點地多青詞采青目黃道

布黃羅

法事

赴醮星冠廣登壇月帔多

天尊齊和起法事越修羅

圓滿

滿空鸞鶴降赴會聖賢多符簡總圖備雲軒

上大羅

冬至日有作

一陽初運動一線始爭多漸有春消息仍無
衣薄羅

積行

修行行行廣積行行多九轉丹烹鼎六鍊

衣勝羅

累功

口訣靈根種玄言功果多養成真玉貌賽過
摩睺羅

贈李講師

常令心地善未解厭塵多棄假投玄趣修真

上大羅

贈萊州王道正

心性常令善塵情却厭多玄中搜妙理洞裏
看參羅

述懷

每懷行功少常嫌身影多倦聞名利眼不長
相甘羅

月下吟

開懷明月下快意清風多道復唯麻布漁中
作酒羅

改惡修善

惡者從今善修仙漸漸多將來朝
玉帝免得見閻羅

敬三教

待士非凡俗崇僧性不凡番三須重道決要
敬麻衫

應禱

天極高心早苗仙應禱需三朝

洞玄金玉集卷之四

洞玄金玉集卷之五

五言長篇

慎終如始

入道十一年常常搜已病我欲做神仙怎敢
昧心鏡我欲做神仙怎敢行邪徑我欲做神
仙怎敢迷塵境我欲做神仙怎敢受欽敬我
欲做神仙怎敢忘性命我欲做神仙怎敢虧
功行功行兩無虧神仙自來請

予因遊歷西北抵華亭化到李大乘
遂借喬君章韻以贈之兼示道衆

兼風仙誨每何處迂子遊地肺遠蓬島屠乘
理百骸華瑩四隅遊妻男離厥利名紆給常
作伴事豈能拘子能助勸初勸化儒今與霞
友覓雲鶴徒免飛鳥健甲起庚呼壬發春柳
酉耀冰湖靈龍虎穴脉蛇嬰娛道子雖巧了
性恁摹指中秋月見真形圖

借古韻

我雖未達者常好靜與清榮華非染著不羨
擁旗旌信筆寫詩頌意氣常鋒鋒湛湛成恍
惚澄澄生杳冥死灰比我心槁木類我形五

行傳五藏黑白赤黃青赤鍊真鐘竈實結見
 神京懷玉人難曉藐視公與卿大道不難學
 只恐無虔誠動行不可棄抱守不可輕解通
 玄又玄衆妙入門庭不惟龍虎伏自有鬼神
 驚同志日相訪茶屏未不扁靈芝常飽腹豈
 比羶與腥我因何所得能固氣精神期歸蓬
 島路驚鶴來相迎玉女奏仙樂殊無鄭衛聲
 靈臺為靜國雲收性月明超然成羽化豈與
 萬物并奉勸學道人不可外經營百年如一
 夢休戀利與名心香常爇起何必念仙經但
 存平等行清淨自然成願人同我志何患不
 長生

和坊州朝虛子曹琪韻

大慟悲紅葉大笑喜頭陀大志脫生死大願
 拯沉痾離身離苦海遠俗免奔波有分修靈
 室無緣過奈河清中清蛇舞淨裏淨嬰歌逗
 引神丹秀隄防猿馬魔

五言律詩

自述

心清眠夢少意淨瑞祥多靈灑如紅錦丹煙

似紫羅虎龍生羽翼猿馬罷奔波嬰蛇成真
 樂胎仙應物

和黃縣呼殿試韻

東有古精藍西城近道菴南山高翠嶺北海
 大深潭霞交玄中問雲朋妙處參人能清表
 裏默默自然談

又

養結衣襟藍身居物外菴道包天地髓氣運
 虎龍潭常有農商至寧無禪道參願公當擲
 筆早早悟清談

郭縣宰公高懷遠見訪求

世網包名利塵籠罩是非抹山尋藥去慕道
 逐雲歸立石閑垂釣望人早悟機若能懷遠
 慮定是達幽微

贈京兆楊學正

擇術立身法無過志讀書讀書便及第爭奈
 功名虛不若搜玄趣修完大藥鍊功成超遠
 去跨鶴赴仙都

和岐陽鎮張都監韻

嗟身常作觀地水火風成假合難堅固真修

易鍊烹形神得供妙龍虎自然拳響唳胎天
 地心中性月明

贈姚玄玉

心灰忘富貴意靜樂清貧塔作遺逸客當為
 自在人氣中閑養氣神內更顯神不著纖毫
 假境方得至真

和岐陽趙公碑殿試

大道勿難求宜守一志修途當離火院休要
 逐波流不作蠅螞客堪為鴻鶴儔自然逸妙
 用字握內雲遊

贈號縣段先生

物外絕貪求清中得進修木金三間隔天地
 兩交流菩薩為親眷神仙作侶儔青蓮池上
 客黃鶴洞中遊

吟二十

迷悟吟

養家受辛苦學道應仙舉養家者外求學道
 向內補養家隨輪回學道免來去本是一般
 人只爭悟不悟

罪福吟

勸教 道友

養家日日貪學道常知足養家為妻男學道
離塵俗養家造罪業學道成仙福罪福各自
招天堂對地獄

苦樂吟贈鳳翔府高師
元登程先生

養家受煎熬道修無炙烙家過損精神道錄

調經絡家累墮黃泉道成起碧落養家學道
人自招苦與樂

從長吟寄臨汾府權縣
戎功馬林谷

家緣堪可戀因何名火院道若不可修海蟾
就榮顯願人早悟斯學道從長便物外樂希

夷修完本來面

離塵吟贈王奉李慶
長登眾師兄

金初悟來碎玉扭怪來破妙手解名韉虔誠
敲利鎖迷津不陷身愁濃難源我作箇離塵
人物外修仙果

得遇吟贈沈陽鎮趙公師
殿試登眾道友

不縱馬兒顛不放猿兒耍心意自不高人我
自然下修鍊身中真斷制身為假東過重陽
師西整丹陽馬

逍遙吟贈沈陽鎮高武功道人黃富本姓高祖基進
請中誓不乘騎加之路遠不見楚社作此以贈之

因遇無羈絆通玄養慧苗心神常坦坦雲水
任飄飄疎散橫擔醜優游懶繫腰不唯身自
在更得性逍遙

行道吟題門

皓月照林霜華軒放彩光玉鑪生寶篆金鼎

釀瓊漿禮數無拘束平和得異常豈思為家
計行道萬緣忘

三哥吟論

勘破這屍骸須當救度穀直饒五馬榮難救
三哥撲潑慮滅三彭洗心按三角人甘貴名

高我獨驚超卓

證修吟題門人等
貼辨道

辨鉛須滅汞得汞却生鉛證佛得無量修仙
道有玄仙佛歸一趣道德在兩全謹謹心寧
貼行持志要堅

真一吟贈鳳翔府趙
祥觀眾大師

命清得長生性靜能久視命乃氣之名性乃
神之字氣是神之母神是氣之子子母成真
一真一脫生死

迷懷吟贈華子居深
靈陽子李大師

食乞且糊口身投清淨戶四伎不成真一氣
堪為主能將性月修解把心琴撫滅盡尸與
蟲免教苦中苦

日用吟贈華子居深
大悟登眾師兄

朝也防心動暮也防心動鍊氣做生涯願神

為日用常交龍虎調不使馬猿弄堪為睡覺
人免作夢中夢

固本吟贈龍州信德
觀王通正

識破四假身修鍊箇真身欲要成靈物須當
固本根清閑無一事疎散絕纖塵已作逍遙

客兼為自在人

無為吟自
錄

術法我不會打坐我不愛終日樂逍遙終日
占自在觀天行大道自然得交奉本師傳口
訣無為功最大

清淨吟贈華子居
字明成

鍛鍊這頑心鍛鍊這俗意心死情不生意滅
精自秘心清氣自調意淨神自喜人能常清
淨決證神仙位

自然吟贈龍州
蕭防判

頓覺萬緣空頓覺心開悟心據自然停意馬
自然住龍虎自然調神氣自然固金丹自然
結神仙自然做

落魄吟 贈吳陽子 米靈五

一身放落魄衣掛兩三索脫了妻男離免受

利名縛坐卧無羈絆住行無依托誰知落魄
人內隱踏雲脚

聖功吟 贈龐州 李鐵園

我有修仙術說破人驚駭淨裏撮乾坤空中
安鼎鼎扳倒崑崙山托起大陽海山海變桑
田性命久長在

全真吟 借山堂 吟韻

全真日兮金鳥飛全真月兮玉兔歸青龍戲
兮投虎溪是不是兮孰得知

頌

無有頌 三五

不悟無無迷有有爭知有有却無無人皆著
物物非物我獨如愚愚不愚

通玄頌

得遇投真修妙果玄中通曉些兒箇尋思性

命不由天幹運陰陽全在我

見性頌

一點靈光晃太虛丹青妙手莫能摹休將明
月關相比有缺因緣念類吾

和坊州曹解元次子曹守志

塞過龐公勝陳七俄驚生死忻然出願堅守
志莫忘初定是前程子得一

和完顏尼福海所聞空中頌四章

口不念經經自念足不登樓樓自上家鄉悟
做好離鄉心田耕了更無田

又

行也同時坐也同大悲手段絕聽聞救拔滯
魄與孤魂出離地獄入天門

又

大道身中物外求火裏青蓮滴珠露長在寶
瓶為供具慈悲心起常堅固

又

無鄉無里有鄉有里起慈起悲普學普提

贈華亭張四機宜

不染不著無為無作常清常淨真懼真樂

贈鳳翔府靈童張守清

道大道大無毀無壞悟者得之性命長在

贈苗一官人

脫塵離俗通三悟六養氣全神永占仙福

贈龐州小麻先生

清心淨意養氣全神功昭行著得做仙人

贈龐州染趙先生

惡死離死好生修生真清真靜性住命停

示門人

酒色財氣攀緣愛念憂愁思慮非道識見

又

清閑無事道遙自在不染不著得超三界

又

心清意靜氣和神定真息綿綿靈光瑩瑩

又

無為無作不染不著命變霜毳性通丹藥

贈于內奉先生

道眼不明心地不靈別無他事行道不精

修仙立忘集句

同共修仙萬緣一擊不忘初志旋添決烈至

死一著直要做命似清風性如明月

洞玄金玉集卷之五

五

九

洞玄金玉集卷之六

六

六言詩

題怡老亭

我有一卮芳酒待與知音同友看來塵世忙無似清閑野史

又

落魄婪耽因酒酒飲醉醒曾有有人問我誰家家祖扶風莘史祖諱覺字莘史

復用前韻贈隴州魏司判

好飲長生仙酒好向無中尋有好禮自心為師好做物外清史

繼胡公講師韻

張非為妙語舉世間談話句不如不語默默中妙話字起

讚史先生

史公得過得過重陽重陽傳授授授玄黃玄黃至理至理不忘內持修鍊外絕炎涼水火既濟日月交光龍吟離位虎嘯坎房本全間陽嬰蛇圓方刀圭爛飲知味聞香神丹結正晃耀晶陽風仙來度顯出嘉祥歌舞三日辭

別街坊唯云歸去趁趁遂莊復入巷內奄然而亡觀者雲集事理匪常一靈真性班列仙行

歌

濟度歌借東坡韻

我無去就心何處不搖不動三陽宇一志超然不外求萬事俱忘常內顧自衡無拘落魄人道遙坦蕩樂清貧身如野鶴無榮榮意似孤雲無點塵無功無法心打坐關是關非耳邊過人來請我求追薦再三再四難阻面環牆結夏應加持日禱一齋非下賤真經默念起慈悲救苦咄開地獄門孤魂落魄脫枷鎖狂歌狂舞亂紛紛承斯功德得速轉祥雲引赴瑤池宴我觀世事忒然空又把世人當酷勸求財求財須重義不義之財如刀利不如照破事情疎字六猛棄妻男大丈夫莫忘初志休生退日就月將知我輩視無所見聽無聲不視不聽得視聽法體無形自現法鼓無聲聲自鳴出門入戶自迎送迎送往來通妙用重陽傳授與山侗我今轉付與諸公自然霞

彩通車賦自然準望神仙職到此不分西與東何愁無分繼扶風人還悟此玄玄理方信蓬瀛指顧中

慈悲歌藏頭

然幸遇重陽仙我俱忘半拖袂冠不整效師

家羊不食非邊裔非邊裔訣傳來十三歲戰心腸久已無滅煙消三言誓行大善起慈悲念哀人勸世靈無染未清清氣調勻常細細常細細種丹田仙踵繼綿綿縮敵風霜惠賔人任破敵筆不侵利與名舌奚言犬與鼠來靈物吐紅輝顯教門詩曲綴有鶴跡來請子寧對我專發誓其追薦救亡靈志可憐慈可惠神默禱本師真此申開陰府詣下孤魂滯魄甦天超度如舟濟聲歌詠九臯禽有青鸞亦鳳唳折人字起

普救歌藏頭

色水流梁棟間鳥月免來共處誠守道得真懽意常清通妙語通妙語論傳玄鍾與呂訣復授王風仙伺得遇獲深趣觀玉蛇洞中歌喜金嬰空裏舞空裏舞年陝右居環堵來月

往揀停馬滅煙消龍經虎然熾發到山東德人來禱內補冠重整來追薦之加持報鄉土齊魂魄出黃泉歷雲遊歸紫府歸紫府之雲鶴不我拒哉普救免輪回子超昇仙盡與

發嘆歌

芝陽道友訪文登非是尋芳覓翠榮具說宰公投尺牘遊子掌醮救亡靈救亡靈事最好有些小事當分割惟恐後進相做學趕齋趕醮不修道不修道怎了仙了仙須鍊氣綿綿倒捲輪轆樹落斡旋宇宙性靈圓性靈圓當積行引人回首歸清淨慈悲援溺布橋梁側隱扶危立梯墜立梯墜作渡舟度人物外做真修奈何道友求追薦孜孜禱我救陰因救陰因如何是予乃無為清淨士未嘗赴醮和天尊不會登壇行法事行法事請黃冠深已登壇作內觀予應加持處環堵默禱本師

天僊官天僊官重陽也發嘆起慈行憫化千重地獄枷鎖開一切亡靈罪情舍罪情舍暨孤魂同遊紫府入僊門不夜鄉中得真樂長春洞裏捧金鐺

和胡講師韻

重陽真人尋友東遊寧海三髻懶漢選仙西訪長安長安大道如何者哉堪放落魄宜棄嬰孩既過玄趣當補形骸抽添運用次叙挨排飛鳥走兔雙戲俱燼煙消火滅銳挫強摧斷除煩惱洗滌塵埃心無染著齒免齷齪金花要賞玉樹栽培火生惹草木長靈莠常教靈焰潑潑無令神水漬漬常教命燈明朗無令性燭沉埋尋訪同心同德講論有倚有挨三尸拜降方寸六賊難會九坎要斡旋靈中日月須倒顛洞裏山隈得自然受慈星散得自然人我星碾大藥清靈于玉鼎胎仙歌舞于瑤臺堪嘆利名之切切堪嘆生死之哀哀好把塵緣大家勒破休教走骨時暫狂非泐要鍊形如同槁木泐要降心有若死灰異日丹成九轉携雲同赴蓬萊

立身法

立身之法分明說破意馬牢擒心猿緊鎖戒斷慳貪伏降人我節慎語言謹防口過莫起風波休生煙火忙裏偷閑中趁趁修仁蘊

德消災滅禍退已進人亦成仙果

十了功乃內事非眼前境界真清真淨自然得之

頂中霞彩流眼中光明流耳中沖和流鼻中玉柱流口中甘津流心中真火流臍下黃河倒捲流木金隨波運轉流自然天地兩交流十分功滿性風流

聯句

擺脫名韉三島客掣開利鎖十洲仙長生路徑當修補不死根芽好鍊烹修心要做長生客鍊性當為活死人鍊氣氣和神踴躍修真真淨性玲瓏專心學道須通堅志修仙仙決遇仙誰知神秀過才秀我覺心明勝眼明心沒攀緣神彩秀氣無凝滯性靈圓水中焰逆三丹結火裏蓮生一性靈學道男兒無我相借仙烈士沒人情志上博來心上悟道中通得妙中玄夢裏曾收無影劍法中去了有情心塵中無祭心中悟道神通玄性上靈陰裏藏陽陽短赫命中養性性玲瓏學道須憑心決烈修仙全在志堅剛石女吹蕭鸞鳳舞沈

牛入海虎龍和玲瓏玉蛇敲龍角涅澀金嬰

跨虎腰瑤池殿下青鸞舞闌苑宮中白鶴飛袖裏青蛇三尺劍腹中白虎九還丹青霞宮裏收紅雪碧玉巖前賞赤松心清意淨天堂路意亂心荒地獄門幹旋決仗無為力造化全憑清淨功一袖拂開沙世界三丹結正大羅仙捉住亘初靈底物得觀元始本來真六六陰消丹燦燦三三陽聚性靈雲根水骨歸金鼎汞髓鉛精聚玉鑪速把我人山放倒急將龍虎穴衝開踏碎龜蛇真活計和調龍

虎好生涯若要蛇嬰雙戲鼎須教日月兩同

官鼎內精金生五彩鑪中美玉結三光免走烏飛投氣海龍吟虎嘯入神京心猿緊鎖丹無漏意馬牢擒性自明降住天關并地軸輪旋坎虎與離龍猿猴馬劣難成道虎遶龍蟠易見真心中事少憂愁少性上塵多疾苦多有有中非有有無無無裏有無無

鉅因與僧燭律師殿試范壽卿於郡城之北三教堂一日焚香宴坐有王大師抱琴而來鼓之日具作琴操歸

山標蓋鉅有歸真之意也

能無為兮無不為能無知兮無不知知此道兮誰不為為此道兮誰復知風蕭蕭兮木葉飛聲嗷嗷兮鴈南歸嗟人世兮日月催老欲死兮猶貪癡傷人世兮魂欲飛嗟人世兮心欲摧難可了兮人間非指青山兮當早歸青山夜兮明月飛青山曉兮明月歸飢餐霞兮渴飲溪與世隔兮人不知無乎知兮無乎為此心滅兮那復疑天庭忽有雙華飛登三官兮遊紫微

癸卯歲師父丹陽真人一日俄肆筆

而書名曰委形質是歲果蟬蛻故集於是
衛身之光照耀非常衛身之獸風雲前後大哉登真委形而壽紺髮青眉紅頰素肌如龍換骨如蟬蛻皮不作易性奚為空衣兀然若睡卧黃而歸大哉登真路入青溪麟隨絳節鳳擇朱軒鳴鸞珮玉履虛步雲超受真詰上登玉宸天路何長天人飛翔擬金拊石散花燒香聲動三界眾來十方群魔欽仰六丁驚

違靈顛斯成幸無災螟却顧松栢非為退齡
山有時崩海有時田長地久永為列仙

洞玄金玉集卷之六

洞玄金玉集卷之七

氣七

論恩

天地日月父母恩不能使我脫沉淪弟兄姊
妹暫相識妻妾兒孫愈不親幸遇風仙傳秘
訣致令馬鈺得良因斷情割愛調龍虎絕慮
忘機產鳳麟玉内生金丹結寶水中養火氣
安神師恩深重終難報誓死環墻鍊至真

十報恩本名瑞

山侗一願報師恩物外生涯世罕聞鍛鍊玉
鐘三澗雪修完全鼎一溪雲 蛟龍宜向火
中溉猛虎堪於水裏焚一粒神丹光透壁不
神神彩獨超羣

又

山侗二願報師恩立誓修行志鍊心火焰滅
除火養木水銀枯盡水生金 木金三間通
玄路水火同流結寶本久視大丹成不漏携
雲歸去絕昇沉

又

山侗三願報師恩鍛鍊靈胎在玉京鉛汞烹
煎先有驗虎龍交媾豈無聲 三光並秀超

三昧五嶽同峯出五行三五丹成真造化自
然雲步訪蓬瀛

又

山侗四願報師恩天地收來入寶瓶日月山
川添壯觀虎龍嬰姤得安寧 清輕濁重陰
陽正博厚高明品物靈赫赤丹成全性命超
然跨鶴過天庭

又

山侗五願報師恩酒色氣財誓不侵便把日
烏先趕退次將月兔更牢擒 月輪重顯無
圓缺日色增輝沒縮沉功滿丹成何處去得
超雲漢絕陽陰

又

山侗六願報師恩坦蕩逍遙不惹塵識破假
軀端的假研窮真性的端真 方知可道非
常道始覺不神所以神清淨丹成乘赤鳳大
羅天上賞長春

又

山侗七願報師恩掌握虛無死水銀滿目牛
羊當道卧一軒風月證人純 清清淨淨難

迷假淨淨清清易見真龍虎丹成無九轉自然永未做仙人

又

山侗八顧報師恩返覆陰陽仗鍊烹火降水昇拋雪浪龍吟虎嘯發雷聲玉鑪瑞雪重重結金鼎祥光霽霽生無價丹成無老死長生路上法身輕

又

山侗九顧報師恩意淨心清路坦平便把無為為造化不憑有作作經營恰如逗引龍和虎還似般調蛇與嬰活樂丹成逢島去和公師叔遠來迎

又

山侗十顧報師恩劈碎金枷玉杻情久視門中修久視長生路上得長生昏昏默默澄澄湛湛者冥冥淨淨清靈亮丹成蓬島去重陽師父遠來迎

述懷

利名場上沒榮牽人我叢中絕焰煙舉意遊山山嶺上興心樂水水雲邊往來飄逸孤

如鶴去住安閑靜似蟬據此逍遙能有幾從教人道活神仙

上街求乞

人人休惜一文錢好與貧兒且結緣暗暗還賢增萬悟明明助我養三田捨慳自是閑心地割愛方能達妙女一日悟來離苦海道還物外共修仙

勉門人

道人活計不相侵各自衣食各自尋莫為閑言闕闕氣休爭俗事俗繁心搜去絕慮龍隨虎索隱忘機水養金清淨色身全法體一爐丹熟步瑤岑

道友問在家能修行否

神仙要做戀妻男忙裏偷閑道上象清淨門庭無意認姪情術法入心貪欲求家道兩全美怎悟寂家一著甘莫待鄴都追帖至早歸物外住雲菴

贈李校尉

一身便做箇丹丘於內常常雲水遊離坎交宮真子午甲庚易位設春秋五行四象皆

無用三馬十洲却有由功行無虧雲鶴引大羅天上列仙儔

遇禁煙道友索

禁煙禁火禁心猿真息調來未未綿雲水不遊芳草徑身心豈著杏花天為人勿作墳中鬼學我能修物外仙異日大丹成九轉騰空何必打鞦韆

贈涇陽張書表

六旬有四卦將休猛悟灰心離俗遊訪我搜真歸正覺搜玄索隱做持修頭分丫髻雲霞支手顧擎拳風月倚稽首更明珍重理自然得去赴瀛洲

贈段先生

公物外好生涯火相逢結大砂女盤桓看大藥牛哮吼戲靈龜雲鋪地丹爐赫子觀天碧眼華有三生君省悟中無事步煙霞

寧海長春菴主姜公同眾道友憐予行步艱難造一箕車工既成日就福

山來投故作是詞以報焉青牛白鹿與黃羊穩駕雲與晝夜忙運載乾

坤常會合推般日月永交光 法輪響亮投
玄窟雲輅玳瑁入道場九轉功夫如省悟自
然得繼馬丹陽

文登縣黃蘇贈道衆

崑崙三髻馬風歌得遇修仙厭事多我處無
爲酬本願人求追薦苦相魔 加持助隱居
環堵救拔亡靈上大羅滯魄孤魂識有幸一
齊超度喜無過

又

一從得遇樂清貧圻住環堵怕惹塵鍊氣氣
和神戀氣願神神爽氣安神 宰公請我求
進薦小子慈心奉善因救拔亡靈超上界孤
魂滯魄總朝真

蕤心香本名行香子

夫婦分離

你是何人我是何人與伊家元本無親都緣
媒灼遂結婚姻便落癡崖貪財產只愁貧
休也迷塵我也迷塵管家緣火裏燒身幸伊
情意役我心幸遇風仙分頭去各修真

上街化導

師父重傷真箇真師教馬鈺專做貧兒生涯
清淨活路無爲應撫心琴調龍虎欽刀圭
誓不山東緣在關西且和光混俗隨時笠籬
閑把惟望人知願不蚤歸休空過疾修持

示衆師兄

未至丹陽怎敢爲師對同流說破些兒長生
妙處似有施爲聚五彩雲五行氣五方圭
酉雉生東卯兔生西是木金間隔之時淨中
意會清裏心知願早清心早淨意早行持

勸衆師兄求乞殘餘

物外飄蓬餒在其中慕然開撞動齋鐘殘餘
求乞禱告玄宗念出家兒無家地道家窮
麻麥充餐消滅尸蟲覺虛心實腹和冲嬰兒
跨虎蛇女騎龍在虛無中來無跡去無蹤

又

悟道偷然出世因緣但聞人修建齋筵長舒
臂膊立在傍邊便乞殘羹覓殘飯度殘年
無恥無羞滅火消煙便留心搜妙搜玄闡開
玉蕊橫結金蓮覺氣神清精神秀做神仙

贈王五先生送環堵內飲餼

教去當除爭辦齋厨弟兄憑錯用功夫不如
休歇早認元初便充雲根尋雲脚履雲衢
喘息如龜似有無如無覺冲和來往寬舒斡旋
山嶽呼吸江湖得產仙胎成仙質赴仙都

詠香

不羨沉香開蕤心香布仁風處處聞香人人
向喜箇箇榮香願處無爲常清淨自然香
妙洞雲香虎嘯噴香更龍吟吐出馨香玉爲
寶篆金結丹香得赴蓬瀛超三界獻真香

詠鶴

雖處雞群如鳳氈穩自丁令化現如斯霜毛
朱頂玉羽瓊肌啞太湖澤潭鼻栗炭雲霓
朝戲之田夕飲瑤池待王喬來控富歸舞具
市顯乘衛軒奇便指蓬壺朝金闕赴丹墀

勸世

顏貌蒼蒼鬚髮斑斑愈惡迷嫉妬貪慳不憂
自己撫謂妻男便巧心生無心肯放心閑
苦海波中火院常就運機謀積業如山不求
大道一向癡頑算有誰知修仙易養家難

善惡報

造惡之人兇橫無過細尋思最易奈何生遭
官法死見閻羅向獄兒囚確兒搗碓兒磨
積善之人恭順謙和細尋思却總輸他難收
黑簿怎入刑科更神明祐家門慶子孫多

題件先生東廊

六月嚴凝臘月炎蒸這真功顛倒分明陽中
陰極陰裏陽生出五行中誰行到我行程
萬朵金蓮火裏常禁水中看紅焰昇騰兩般
攢聚一性圓成便戴三花梳三髻禮三清

贈張劉二都料

奉勸清河酷告彭城暨諸公休苦勞神速離
火院早出迷津縱水雲遊歸物外作閒人
端的修行洗滌心塵以雲朋霞友為親研窮
久視講論長生便悟玄玄通妙妙得真真

謝興平縣李公翁毋布施一子學道

布施非凡出俗因緣捨嬌兒入道搜玄人人
稱善箇箇稱賢便遠揚名名揚遠出秦川
父母深恩要報聽言我人除擒捉心猿氣通
八脉功滿三田救九玄尊七祖父共成仙

客人樊公索

三髻山侗嘆箇樊公販淄蔡苦海波中要除
煩惱助一帆風便棄繁華離燭火出凡籠
真箇遇運真不迷蒙守真清真淨真功真真
相濟真性玲瓏便得真風成真趣顯真容

贈彭官人

昨日官人今日仙儔悟浮生水上浮漚忽生
忽滅難保難留便做風狂成風雅騁風流
心意清閑雲水遨遊以氣財酒色為離法名
得得道疏休休認本來如無來去好來由

贈扶風縣揚公馬公

但願人人識破浮生速抽身猛棄塵情休妻
別子絕利忘名便灑然惺豁然悟頓然明
虎嘯龍吟氣爽神清做真修承鍊鉛汞心平
行滿丹結功成得跨雲霓朝
玉帝住蓬瀛

岐陽鎮張同監問修行

休問因緣各做修行古人言兩句堪聽人人
有分箇箇圓明但事情疎心清淨達長生
元氣盈盈大法成成初初觀日月停停光輝
瑩瑩龍虎平平覺本真真常寂寂永寧寧

贈閻知官

此箇知官本是神仙外修持錯了因緣聽子
勸化索隱搜玄便棄繁華離塵境訪林泉
淨意清心耕種丹田更常常鍊息綿綿命燈
燦爛月團圓待行功成超去得昇天

寄白水馮公滿陽長老

白水馮公寧海扶風更滿陽長老仙翁三人
一意一志三通便勒妖魔擒猛虎捉蛟龍
俗慮俱忘真氣和沖得自然曉達靈蹤金丹
燦爛玉性玲瓏待行功成超上界住蓬宮

寄柳巨濟學錄

奉勸書生早悟浮生捨榮華物外遊行無思
無慮無愛無憎便縱開心尋霞友訪雲朋
常處常真常淨常清做修持自是靈明鉛為
汞藥汞乃鉛精鍊大丹成乘鸞去赴蓬瀛

贈三水三老先生

猛悟無常頓絕慳貪脫輪回惡甚妻男出離
火院放肆婪耽更頭如達面如垢語如愁
萬事俱忘志鍊行蒼滅尸蟲敷布雲曇幽微
窮究道德相參便講玄玄搜六六論三三

贈靈陽子李大乘

悟徹陽元便把陽牽要陽陽徹地通天陽穿
八脉陽透三田覺一陽周一陽就一陽全
水養靈煙火養靈泉更靈靈真秀相傳靈砂
無漏靈物牢堅便結靈光成靈寶做靈仙

贈華亭張大悟

大悟之人能放心閑棄利名愛海恩山食無
求飽居不求安更不狂思不下忽不高攀
協氣橫橫甘露珊珊用牛羊車載循還坎離
交結龍虎盤桓得至精微水精熱火精寒

華亭縣西菴主王公請住方丈

誓戒肥甘欣乞餘殘以惺惺變作癡憨不居
方丈不住華軒把浴室來為睡室且彎跼
外樂無心內養真顏嘆塵中獨占清閑將來
功滿離了凡間向大羅天雲霞洞列仙班

悟黃粮本名黃粮

詞名本是燕歸梁無理趣忒尋常馬風恩憶
祖純陽故更易悟黃粮 百年一夢暫時光
如省悟葉家鄉常清常淨處真常累功行赴
蓬莊

終南居環堵

蒼宣強項豈尋常如鶩領印非殊掀髯虛長
不名瘡無破處又何妨 道家貧後計多方
無脫袋用皮囊揸願懸掛度炎涼裏西有萬
般香

贈興平楊先生

密密相傳理最深向水裏自生金箇人無口
解嘲吟能雲步曳雲襟 尋思今古修仙道
今如古古如今古今難得遇知音知音者似
予心

戰掉醜奴兒本名孫守

紫極宮加持忍聞左右宰猪之聲因
作是詞
萊州道眾修黃錄各各虔誠無不專精邀我
加持默念經救亡靈 奈何鄰舍屠冠劍不
顧前程宰殺為生猪痛哭嗚不忍聽最傷情

贈醜首劉大官

鼓城兄弟皆官樣富貴之家酷好榮華未解
回心悟落花路途差 吾親若肯搜玄理別
有生涯鍊鍊丹砂大藥燒成透彩霞泛仙槎

贈劉叔連馬長吉

吾親叔連并長吉兩箇同監未解焚脫來往
奔波名利貪似癡愁 勸他早把元陽整戀
甚妻男卓箇雲卷一句玄言匪俗談離塵參
贈萊州平等會首

詠筇杖

世傳斑竹佳人淚語話皆非因擊三尸血染
斑斑事最奇馬風知 專投正直無私杖休
笑輕微最好閑携屏盡妖魔王性輝赴瑤池
願君粧點逍遙客鶴膝同隨闊步雲霓笑傲
清風明月谿樂希夷 海蘆尚有三三節陽
數明知與道相宜好伴雲遊風馬兒莫推辭

自嘆

念身破舊如茅舍雨漬風掀惹火招煙鼠割
蛇鑽柱脚偏悉牢堅 過師變作銀霞洞修
整雲軒懸掛珠簾賞說光明不夜天決成仙

又

悟來修鍊身中寶不聘髯掀唯喜沉煙拖布
仁風無黨偏願心堅 勸人識破浮生夢戀
甚華軒更不觀簾隨我扶搖入洞天做神仙

自戒

我因醉裏曾踈脫誓不銜孟識破浮財氣不
鬪爭色怎埋免非災 重重得遇修行做洗
滌靈臺保護靈胎直待靈珠變箇孩赴蓬萊

又

前生不種今生福求乞街前凍餒連連心似
湯鍋沸鑊煎願哀憐 明明捨一文錢與暗
暗還賢最大因緣自古慈悲總做仙不虛言

又

茶來酒去人情事匪道根由惟獻惟酬酒去
無茶回奉休便為餽 憐貧設粥非求報建
德如偷更好真修定是將來看十洲步雲遊

又

恤飢共設三冬粥稽首諸公但願家豐些小
慈悲未濟窮好那容 道心長在常行善性
命圓融自是心通縛馬擒猿引虎龍赴蓬宮

又

世人箇箇便宜愛爭妻便宜關使心機贏得
便宜却是虧少人知 勸他好把便宜捨建
德施為非是愚癡暗積洪禧達紫微做仙歸

又

浮雲聚散如財物不義之財休要貪來那底
招殃惹禍災好生乖 不心地行平等各
不傷懷遠勝持齋定是將來免落崖赴蓬萊

又

三冬設粥宜長久歲歲如然惻隱心堅種下
今生真福田不虧賢 雖然出了些兒米獲
福無邊積行功圓定是將來證果仙上青天

又

齋前收拾行香火供養飢貧當辦辛勤決定
於中隱好人莫相輕 我今已得真消息說
與人聽須要虔誠恭謹如同祭祀神過真真

又

街頭凍餒求乞者歡喜哀憐供養如仙惟恐
中間隱聖賢要精專 勝如修建千壇懸別
種因緣福行周圓定是將來步碧蓮去朝元

又

三冬設粥當周急飢者堪憐美事堪傳他處
人聞此善緣亦如然 濟貧拔苦慈悲福功
德無邊勝藝沉棧定是將來得上天做神仙

又

當廚聽取扶風勸養粥休稀稠厚些兒慎勿
謾他人肚皮起慈悲 朝朝日日心休倦好
趁辰時兼解寒威積此真功莫要虧得洪禧

又

慈悲道友憐貧乏設粥三冬總獲真功更啓
虔誠有始終逐年供 惠而不費人聞得但
願家豐肯濟貧窮管取將來不落空赴仙宮

又

千門萬戶人聽勸好結良因恤念飢人共設
三冬粥濟貧福彌臻 一抄半撮慈悲米功
行非輕遠勝看經惻隱之心達玉京注仙名

又

風刀雪箭三冬苦當恤貧兒身上無衣口裏
無食常抱飢忒孤恓 人人正好修功德當
起慈悲採溺扶危設粥都來百日期立仙梯

冬天設粥益利甚多煩孫公副正留

心無令斷絕甚荷奉呈小詞二闕

三冬設粥來宮觀善事光臨休起愁心悟取
慈悲行最深足人欽 休生倦怠常寧耐勝

藝擅沉妙處闢尋水火相生玉裏金上瑤岑

又

孫公副正居何處紫極之宮待客謙恭高下
相看動已躬似張弓 勸賢早認真修鍊幹
運靈宮省可恭恭錦箭如絲射寶躬不須弓

離苦海別名離謹繼重陽師父韻

緣遇離苦海修真窠真家向真風裏捉真風
種琪瑤真真瑞滿青霄引真箇玉兔真箇金
雞自是能消更收聚真龍真虎絳繞真象肯
偏鏡 真恍惚真彰昭見真嬰真蛇相招訪
真離真坎真處要真真相濟服靈苗忽結巨
古真容因真清淨功力和調蓬島去拜禮重
陽師父未逍遙

洞玄金玉集卷之七

卷七

十五

洞玄金玉集卷之八

卷八

闕修行本名闕百
花正官

同流宜闕修行闕把剛強權挫闕降心忘酒
色財氣人我闕不還鄉時時闕悟清貧道遠
放慵閑過闕要成功果闕沒纖塵闕進長生
真火闕鍊七返九還燦爛丹顆闕起慈悲常
常似闕無爭闕早得獲雲朵

島鍊子闕雲中
子鍊鍊

雲中子是蘇公聽予休要頭攀鬆頂華陽巾
九峯當行化代山侗雲遊西北訪空尚闕喜
緣立教風

勸衆師兄訪道

馬風子未過玄性昏識昧不脩然倚仗予枉
了賢聽予勸莫推延速當離我便參禪就有
道而正焉

離塵

離塵網出凡籠髮頭垢面類愚蒙眼如盲耳
如聾金為箭玉為弓木人射透水晶宮赴蓬
瀛玉路通

贈中條山無為子

志為劍慧為刀石城劈玉見金齏戲青蓮躍
碧濤刀圭飲勝香醪六三公子著緋袍紫雲
腰萬萬道

華州王待詔乞詞

王待詔善傳神日常心意在他人便都忘自
己身如省覺出迷津道迥坦蕩囉哩咬樂清
闕得悟真

贈清淨散人

休執拗莫癡頑休迷假相莫慳貪休起愁莫
害慙聽予勸訪長安迢迢坦蕩得真權守清
淨結大丹

贈京兆藍亮謝敬人

休執者莫貪求心頭休要起闕愁住行處常
自由能如此應真修擒猿捉馬鍊霜甍行功
成赴十洲

贈李舍人

張都料最奔波蓋因手作忒儂恁恁儂沒
奈何聽予勸離巢窩闕闕裏鍊伸和得真
修上大羅

贈終南三道友

張謙天慕子逸李公實等戀家緣怎生得過
妙玄離俗海水雲邊會仙莊上種金蓮行功
成性月圓

贈三水賈仙

炎炎火滾深湯中間一點忒清涼更玲瓏分
外香生祥瑞吐祥光瑞祥光彩結紅霜產胎
仙現

玉皇

贈醴泉三畢先生

外休著外休搜外邊並沒好因由外無真外
事休內堪補內堪修內中清淨水雲遊內光
明內貌周

隴州蕭防判官將來宜人分兒是兒

是女有無災難索詞

好性子好性懷不須香火不須齋戴雲包兒
了災內修箇不凡胎忘機絕慮屏塵埃產靈
童有大才

連珠

先好補骸無破漏同靈胎清清箇孩兒要得
乖疎偏怕色和財無地埋

贈華亭完顏知縣

知縣女箇真真年將二六樂天真敢求乞任
求真天賦性慕修真將來功滿內全真跨祥
雲禮

上真

密州李節副求拄杖

靈壽杖寄何人隴西節副撥紅塵別開道難
苦津常勞執末為親擒猿捉馬氣和神桃園
相現本真

又

靈壽杖獻夫人檢開世網別開塵助行步出
愛津打有著柱為親敲昏琢暗未清神挑明
月顯至真

贈五會道衆

心平等壽延長修完七寶聚三光悟全真萬
事忘玉花綻金蓮芳馨香咄味滿齋腸行功
成現

玉皇

贈寧海州子清一

玄中妙沒言傳勸君休縱馬猿頭藝心香蓮

聖賢聖賢甚賜良緣暗中細剔根源性靈
靈得做仙

贈文登馬丹高

長壽酒安樂盃能醫百病正當時助清吟樂
道歸持進酒鳳凰街盃香山會上惜芳時醉仙
吟月下歸

贈張無塵先生

擒雲馬縱雲駝行歌踏舞放婆就任傍人笑
我慈明六六悟三三三三六六味香甘廣收
拾不屬貪

臨江仙和趙觀政

訪庚辛成造化常清淨童顏我表裏得豁然
生真水網去復牽還 子投賢賢不面卷辱
教來千分修鍊在三關人真宿契悟放心開

和無名先生韻

王往來神氣住翁穩踏青鸞風譚氏與劉丘
心歸正覺箇本環洲 火相生鉛汞結人已
連清幽侗不日上雲頭風牢把捉下好吞鈎

清心鏡本名紅雲

我當初為菴主勤勤接待雲朋霞侶時時地
踈遠塵緣漸漸成覺悟 悟心開便得遇本
師遣我專來化度闡妙玄穿鑿愚迷要薦歸
蓬府

又第八

善芽生為菴主終日相倍不凡之侶得自然
獲種良緣覺心頭開悟 心頭開決遭遇端
的修持更憑師度應仙舉功行無虧跨雲歸
紫府

得遇

過風仙論長便棄掉妻男不宜再面向物外
坦蕩逍遙離眾生識見 大丈夫志勇猛肯
為酒色氣財荏苒仗慧刀割斷攀緣修胎仙
出現

棄家

解名韃敵利鎖愛海恩山一齊識破棄家緣
路遠三千似孤雲野鶴 有勝心忒煞大今
日對眾須當說過嗟寂寥忍辱清貧更不許
兩箇

樂真風

馬風風風得好擺脫家緣無煩無惱自今後
不做猖狂便一心辦道 淨神鑪清丹竈鍊
承烹鉛屏除陰耗一陽生大藥靈靈有分居
蓬島

噴前非

初出家訪道友恰似猛虎下山遊走未曾經
鍛鍊頑心輕觸著哮吼 街多能誇好手抄
錄名方專行拯救平胃散雖則全無窮氣藥
煞有

喜今是

法燭兒任來藝無我無人煙消火滅專修箇
忍辱神仙肯是非分別 無嗔怒無喜悅拍
拍塞塞滿懷冰雪自然得心地清涼怎教我
發熱

搜已過

搜已過搜已過自入道來別無大過只不合
說破玄機是十分罪過 自知過自知過要
免前憐將功補過處無為心起真慈望聖賢
怒過

祖菴環堵

一蓮池二霞友三松四檜五株垂柳卓環堵
圍遠雲蒼屏繁華內守 青龍飛白虎吼玉
蛇金嬰自然清秀超造化結就神珠待聖賢
來成就

詠長安

論長安多美事端的日有三仙向市滿城人
半做經商半修鍊真氣 壽長人最多矣因
知罪福早開心地興善緣年例何如見千道
會起

寄譚劉丘三師兄鹿衣

長真兄劉丘弟長生長春法親同輩願懶衣
體掛鹿皮本師教恁地 弟雲包兄丫髻早
悟三覺一透明義我願心普化群迷拯內容
出世

贈鐵李先生

隴西公苦得別六月鐘頭掉鉗打鐵養渾家
都要清閑獨自受炙燴 火燒瘡汗滴血萬
苦千辛何時是徹馬風風誘引回頭向道門
中休歇

又
悟寬親猛離別男兒志氣斬釘截鐵水雲遊
誓不回眸起火院逼燒 得清涼無汗血清
淨玉臺自然瑩徹覺亘初一點靈靈絕塵緣
心歇

贈老程先生

這程公頌然悟家有六子六賊之數細尋思
總是寬家便不宜團聚 素紗巾冠戴取捉
住馬猿易調龍虎待一朝丹藥靈靈露祥鸞
歸去

贈京兆周七官

周官人家豪富長安通檢最為上戶十年間
興廢何如無割錐去處 嘆利名不堅固使
我灰心轉生閑悟行大道一志無移修不來
不去

寄長春丘師兄

君樂山子樂水樂山樂來何濟都不如
淨意清心鍊沖和真氣 坎離交木金戲產
無影陀嬰五明宮裏便頓覺丹結靈靈得真
體無比早來自戲水頭得其非復作此詞以示堂下恐有執筆者

贈小李仙

李宜僧僧學道重要玄機日常尋討論得
常淨常清清心意最好 好降心心塵掃掃
除淨自是通明秘奧奧旨任走玉飛金金玉
結丹寶

贈鄂縣小楊仙

修行人先禁眼見他婦女不宜顧盼牢擒捉
意馬心猿休緩緩緩緩 我人除事情簡清
貧柔弱道遠散誕謹遵依國法天條未不犯
不犯

寄西菴李法師

李法師驟子勸休苦哀人自先救授把心燈
剔正光明照箇中官殿 大丹成功夫徧惺
灑靈童自然出現著紫書玉詔來宣訪瑤臺
闍苑

贈嚴先生

大丈夫具烈士斬釘截鐵一心無二做修行
苦不還鄉過危難發志 清淨中玄妙至日
月交光虎龍交時飲刀圭保養神丹應重陽
奧旨

贈侯明一

侯姑姑心閑悟六旬有九境方修補衆人言
晚了時先馬風道未暮 氣不斷神可固先
把馬猿用功擒住自然得性命休管成仙
歸去

京兆全真卷

皮張仙修造主一身兩役兼為化主修菴舍
獨辦一間橋長安施主 論修行分賓主悟
取氣神與身為主是性命速了根源做遠來
洞主

贈長安李先生

李先生式執物全真堂下最難訓教學修行
不高扶犁道我自偏好 再三勸再四告認
取五色祥雲自然耕道種紫芝燦爛靈光便
得歸蓬島

贈薛道清

做修行細搜刷清淨家風便是大乘妙法下
無為無作真功心鏡上撥抹 自然明自然
達把九玄七祖盡行救拔向蓬瀛坦蕩逍遙
冠靈似善陸

贈劉先生

箇青牛引白犢向曹溪深處往來相逐更時
時卧月眠雲疎几間草木 餐三陽拔九畜
子毋溫柔免勞看杖待一朝得赴蓬瀛顯本
來面目

贈魏害風

風姑姑懷秘奧意淨心清頭頭是道自然得
真樂真權並無些煩惱 不詭詐不倨傲玉
花叢裏結成金寶便等侯紫詔來宣應通明
仙號

贈孫可道

孫先生能放下兀兀騰騰通真棄假處心與
萬物無私略無些詭詐 樂清貧得清雅逗
引靈童惺惺灑灑到如今好結善緣水雲遊
行化

聞吳解元昆仲身化

嘆浮生心灰盡小吳解元昆仲少年清俊又
爭知半月中間便一齊殞殞 人還悟人還
省擊下家緣完全性命真清淨脫免輪回得
長生有準

與平郭姑來投金真堂下修行

郭姑姑男子志割拚塵情畏其生死遠本夫
縫合陰門自古今無二 慎其終如其始自
有聖賢暗中提爾處無為清淨徹頭同麻姑
居止

蒲城陸先生

嘆箇人破舊觀不顧危亡更把道門相玩尚
由自不悟前愆怎免他大難 聽予言休著
絆恩愛塵情一刀兩段銷舊業再做修持博
馬風照管

又

頭如蓬面如垢萬事俱忘心無塵垢恣情慵
放肆萎乾乞殘餘展手 幸知無寧者有無
無亦無神丹無漏訪蓬萊功滿三千得縵垂
雲袖

薄待詔求問

薄待詔能捏塑誇妙手奇功不曾停住驕精
神糜水拖泥為養家之故 心還省性還悟
閑閑供養本真父母淨清中結就神丹跨青
鸞歸去

楊待詔求問

楊待詔塑得好弄泥弄水何曾養浩休厮閑
休乞詩詞好留心向道 細研窮細尋討淨
裏清中自通玄奧氣神精無漏丹成跨雲歸
蓬島

少華薄公文文索

薄文文薄文文八旬有四因甚發心修養看
重陽文集全真得知些味况 勿言老休壽
相外貌蒼蒼內容個儻氣不斷亦可修持速
澄心為尚

贈馬守清

馬姑姑復歸去日用無為清閑養素休譁論
女蛇嬰嬌更虎龍闕處 屏塵緣得真趣火
滅煙消氣神堅固內雲遊功滿三田上蓬萊
仙路

內修園贈徐先生

獨自園修園園踏哇踏籠即非行步把玉鑪
倒捲靈波又何曾手舉 澆灌頭芽甲吐漸
漸馨香滿園堪觀藥珠官迸出霞光效神翁
歸去

內採藥贈隴州老田先生

學修行如採藥，携箇清淨籃兒，並無染著。向白雲深處，遊行又何曾用鑊。呼青鸞引白鶴，踏開寶陸自然輝。霍見九轉一粒丹成，便收歸碧落。

內耕種贈木張先生

處孤清內耕種，心意安閑不拙。不動杳冥中，見箇金牛向溪田深實。清雨降紫芝，發赤鳳鳥龜前來，看供麻麥結黍米神珠上碧霄。進貢。

贈王菴主

養家時甚情況，被妻男逼得有如心。惹競利名來往奔波，忒勞躑躅。學道來常坦蕩，除性命二字別無妄想。占清閑自在逍遙，好豁暢豁暢。

予在終南居於環堵，鴈腿赤脚，並無大燭，相僅六年矣。驚然心動，信步雲遊。西至華亭，投宿於空壑，偶中土津。火毒吐血，發數病勢來之甚緊。眾道交饋藥拜而受之，不敢嘗。又謂予曰：

當食生葱，醜醋可解其毒。子再三思之，道家有病，他人莫能醫。當以自治。

手修鍊身中至寶，厥疾自瘳。因作清心鏡小詞一闕，拜呈道眾希來賜。

治病

馬風風五旬六雲水，飄飄灑灑清獨運。天風搖曳靈光轉，增明性燭。到亭川窰裏，宿不意中他上津。火毒欲要解四假，連和鍊身中金玉。

贈鞠得一

氣不通，脚膝患雲母膏，敷貼常常備。辦破傷風要可何如花，素石細搽。治心病，清神散醫性，僻附子理中。九彈靈寶丹，服得太多和骨骸更換。

河州鞠聽子說把般般術法，便當一擊論自然。大道無為，豈在乎細捏。清心鏡，常瑩徹。照破萬緣，無生無滅。這本來一點元明，便朗如秋月。

贈馬先生

好奕利好豁暢，坐卧住行逍遙坦蕩。細尋思

名利之人，怎知此味。况向閑中，搜修養銀鍊一顆神珠，見朗筭三次海變桑田，是仙家一餉。

贈華亭十殿試
尹虞卿樊祖訓明仲李蒙子伯子潤漢卿共信仲官人乃清河一姓。程德容李漢巨十箇吾儕，盡皆文俊，勸諸公名利灰心早修完性命。

贈靈陽子李大素

靈陽子來告別，送行不似相迎時。節聽子囑，遊必有方，待孀毋緊切。我人除煙火滅，莫忘初志，旋添決烈行。大道開闢，且初邀清風明月。

贈劉小官

一青牛二條尾，三隻眼兒仰觀俯視。四箇蹄雪白如銀，五方中嬉戲。六慾七情俱總廢，八味瓊漿飲來光明遍體。九鼎內變作神丹，十分功圓備。

贈寂然子
修行人聽子細齋食不可美之，又美更何須。

異饌多般但一味而已 恬淡中常遂意萬
神調暢蛇嬰權喜得自然結就金丹占蓬瀛
仙位

道友問修行

雲朋詢霞友答性命事大自當救拔免輪回
決在今生可細搜細刷 青蓮開白蓮發蓮
花帳內蛇嬰仰觀俯察向蓬萊路上前行舞
六么十八

華亭嚴因院主

劉子温性通達父子三人盡皆落髮便不歸
有相行持認無為妙法 箇內淨清靈寶塔
玉象金獅繞圍七布 暮然聞響呪珎瑤顯妙
音菩薩

道友問于甚家門戶

道友詢甚門戶答之清淨別無作做皆笑道
此是頑空執把在甚處 要執把說與汝意
馬心猿常擒穩住得自然地湧醴泉更天降
甘露

又

湧醴泉降甘露上下昇降不曾停住得自然

滋潤三田紫靈芝敷布 善芽生慧苗吐澄
焰焰兮晃搖瓊路便化為一粒神珠指蓬瀛
歸去

勉門人

休虛誕休虛誕不可倚而不倚道中相玩全
性命不比尋常下的端了幹 出家兒呈手
段把從前愛底頻然猛拚發一志決烈修持
與神仙作伴

贈裴大器

修行人要心善素素障相魔裂他不轉十二
時馬劣猿顛起沒已避惡念 辦堅志常鍛
鍊勤除絕跡求無征戰氣神和清淨丹成得
胎仙出現

贈荔菲大隱

修行人休失錯仔細尋思外樂不如內樂常
清淨自有清權本來真踴躍 無憂愁無染
著自在逍遙氣神輝霍行功成顯箇胎仙便
舞歸碧落

瓜李論

喜浮成怨沉李說破浮瓜自然悟理自今後

休術文章更不須講禮 水雲遊遠鄉里休
修外表唯修向裏定喘息未沖和飲長生
仙醴

又

蒂苦瓜香甘李去苦就甘自通至理滅無明
混俗和光且閑施俗禮 訪長安經槐里心
歸物外氣收補裏要無中養就嬰兒飲天然
玄醴

又

這儒生俗姓李悟無為清淨自然玄理應
玉皇仙舉爭魁勝孔鯉問禮 聽子言歸故
里再住環牆慙慙修秉碧桃熟自有瓊漿傲
申生飲醴

又

菜重芥菓珍季悟生死之苦懶窮文理薄滋
味速除色聲更倦看周禮 聚三光放三里
認三髻談論清淨表裏氣精神三寶丹成管
三清賜醴

顯決烈

出家兒要決斷一口咬碎無明火鎖道萬事

不繫剛腸堪稱箇鐵漢 志無移心不亂認
正古今神仙公案累功行不怕艱難待直超
彼岸

以示同流如此修持決證仙果

出家兒要決斷萬種塵緣一齊割拚便忘機
絕慮修仙把性命了幹 外惡癡內光燦聲
音笑貌有如愁漢樂清貧歌舞街前欣披蓆
把梳

又

修行人休失錯仔細尋思外樂不如內樂靜
清中真樂真懽笑壓生花等 無憂愁無染
著神氣沖和心無怨惡生大善救度愚迷同
超昇碧落

又

過寬僻當和解酒色氣財未除未戒行大道
剪截萬緣便略無罣礙 莫欺心休捏怪認
取其常道遙自在處無為心起悲心這功行
沒賽

寄四舍弟馬運甫

與人和休打鬪慎勿迷迷博奕飲酒暗風病

誑殺傍人疾些兒拯救 要病除須拂袖物
外持修且初清秀更有般真箇長安待來時
成就

戒捏怪

做風狂脫家累脫了家緣要清心地休捏怪
詐做好人莫謾神誑鬼 寒與暑須當避志
道休恥惡友惡食遵國法莫犯天條稱修仙
活計

戒掉粉洗麵

出家兒貪美饍不顧拋撒掉粉洗麵喫素養
包子假甚道家體面 美口腹非長便蠱
茶淡飯且填坑壑樂清貧恬淡優游別是般
識見

示當厨造麵者

造麵人聽子屬硬搓薄趕挨刀細刺燒鍋竈
不可遲遲便頻添火燭 覺馨香良久熱甜
棧調和虛心實腹齋罷後慎勿狂思清本來
面目

勸醉者

休放醉休放醉想賢豈敢對他官負恁地做

修行上士無爭實無心罪你 休恣意休恣
意者可貪益早崇善事把性命下手完全做
神仙活計

誦三教門人

九陽數盡遍徹三教門人乍離巢穴探春時
幸得相逢別是般懽悅 也無言也無說執
手大笑無休無歇覺身心不似寒山這性命
拾得

真實語

不言名不說利酒色氣財並無留意人閒事
總不關心別認些活計 要全真須養氣淨
裏清中虎龍嬉戲得自然箇內輪旋產胎仙
出世

勸僧道和同

道毀僧僧毀道奉勸僧道各休返倒出家兒
本合何如了性命事早 好參同搜秘奧鍊
氣精神結為三寶真如上兜率天宮靈明赴
蓬島

戒華麗

出家兒聽仔細居止慎勿修來莊麗要割置

悅目園亭與俗人何異 人問子如何是竹
籬茅舍柴門破碎更衣裝紙襖麻衣是道家
活計

贈趙先生

出家兒自推挫箇箇待要伏降人我素從前
罪業深深頰裂他不過 願心開早識破萬
事皆空相爭甚麼鍊我相便是功夫管將來
證果

勸門人問道

做修行除妄想細細尋思漸成嘉況早離我
訪道參禪我難為倚仗 長安中有高尚是
古月先生羊皮師長便謹謹侍奉他家學些
兒修養

贈郭法師

馬風風閑遊冶過靖遠鎮被他弓兵羅惹便
捉為探子之人更不容分說 惱後畢難施
設解在號略受他縲紲非保人恩府郭公唯
甚時是徹

嘆世

嘆人人識見短只知萬貫多如千貫豈思量

大限臨頭似傾山碎卵 如省悟家緣拚向
物外更不前思後算鍊氣神須要光明做蓮
萊仙伴

又

西施容潘安貌達者觀之一場失笑假大風
地水成形終不免坑害 願省悟願明曉騎
甚濟濟踏踏外表有內容深可修完得性命
了了

贈張先生

張先生名無欲表德無爭自然不俗更相稱
道號無塵樂清貧孤宿 玉中金金中玉金
玉冲和異香馥郁大丹成穩駕雲軒享蓬瀛
仙福

嘆世

嘆人人或驕銳得時休笑失時之輩爭知得
失時之人曾得時如你 嘆浮名嘆浮利有
若浮雲即非久計念生死訪道參禪修長生
久視

贈文登來法師

行法錄救疾普足知賢家行深昭著更宜乎

急急修真認氣神宗祖 鍊汞鉛調龍虎木
金開陽追流子午得自然結就靈珠指蓬萊
歸去

贈益都府李進

隴西公名去病表德去華道號去塵最賢得
悟來去盡般般當修完性命 心常清意常
淨法名更作谷神相應號這一亦是相宜字
仙卿相稱

嘆世

嘆人人忒拙計競鬪角虛名蠅頭薄利纜爭
得粟米頭高早笑他低底 厮是非講閑氣
豈悟修行超凡出世了性命些子功夫占蓬
瀛仙位

又

養家人無箇省各街惺惺慳貪鄙恪天來大
割捨驚人敢不惜性命 這性命於身緊一
息不來身為土冀願省悟疾速修持固氣精
神仙準

贈馬彥壽

兩親家各開悟把從前愛底觀如猛虎認無

為清淨家風並無些作做 不慳貪不喜怒
調息均勻綿綿內補待一朝行滿功成共携
雲歸去

贈靈一子

何先生聽仔細未到擊頭且梳了髻亦未至
求乞殘餘待悟來許你 得定慧入初地憑
仗無染無著無為活計心清淨通妙通玄得
來成仙契

因何先生往寧海作詞以寄鄉人

勸鄉人當省悟浮利浮名不堅不固妻男是
走骨行屍自身是臭腐 早回頭投真趣學
取馬風樂然歸去向物外耕種心田做神仙
伴侶

贈韋先生

公清火戲虛寂寂虎隨龍懸連綻勝似群花
緣行周濟 悟回頭真自喜訣無為清淨自
然通祕自得休別求人免不諱

白觀音

讚說不動動名為養拙人穿衣備舉臂契飯
懶擡唇面垢但尋水頭擊倦裏中塵勞不復

夢悟徹箇中真

又

久視長生法須當萬事忘守心猿易滅防意
馬難狂引虎居龍窟調龍住虎房兩般成一
物跨鶴赴蓬莊

馬靈妙方

本名賢

謹繼重陽師父韻

幸遇風仙別東州無榮擊縱雲遊得真懷樂
恣情語這塵緣一旦休 做做田單用火牛
駕金木倒顛流大丹尤顯不持修在迷津作
渡舟

洞玄金玉集卷之八

氣八

二十三

洞玄金玉集卷之九

氣九

五靈妙仙

借柳詞韻

馬風寧海過重陽十八愁愁地就中軒點六
塵絕縱道遠自在開懷豁暢雲遊水歷瓊瑤
路如水滑補天缺 下功收五彩經營活雪
調龍虎撞關衝節得真悅見晴空瑩淨圓
正正光輝晃朗元來自家心月

贈蓬瀛散人

願賢增壽算家豪散八兒孫孝盡皆軒點總
超絕效龐公許氏全家頓悟同登彼岸長生
路途清滑免角缺 往來遊戲看天花瑞雪
金莖秀迥無枝節箇中悅是靈童應淨真樂
無愁可解唯吟絳霄風月

贈趙八先生

馬風詞拜上真寧趙八常清淨內容蟠點馬
猿絕處無為無作通玄達妙瓊漿得飲馨香
味兼甘滑沒盈缺 自然神氣壯眠冰卧雪
欺寒者不拘時節這般悅自心知意解難言
難說通遠坦蕩清了洞天真月

贈扶風縣淡公

悟來降我相街前乞八臘地似癡如點萬
緣絕淨清中恣飲刀圭爛醉靈臺皎潔懼
自然光滑本無缺 玉鑪金鼎內黃芽白雲
真龍虎遶蟠闕即蛇嬰悅把崑崙頂戴衝開
雲霧天無晝夜長顯一輪明月

贈眾道友

馬風重懇告諸公道友休迷假內家堪守要
長久用真功全在清心淨意擒猿捉馬休令
暫時遊走得無漏 氣精神會合丹砂結就
無中相自然開口論無有這玄玄妙妙怡然
悟解元來却是真師暗中傳授

說丹砂本名沈漢沙廣師故玉增著
明陞家和人解世

撲住虛無撮住空豈分南北與西東丹砂只
在笑談中 性命不由天地管一聲珍重別
山侗羽輪馳駕赴蓬宮

起慈悲

馬鈺常憑佛作爲無爲心內起慈悲尋聲救
苦做行持 一切女男如父母見他生死十
分危須當立箇上天梯

立法梯

立箇上天真法梯無形無影亦無基一條捷
徑入無爲 自在逍遙真活計常清常淨樂
希夷自然天地悉皆歸

贈于先生

性燭光輝見玉壺心香馥郁裏金爐刀圭爛
飲醉具如 花萼樓前橫走馬華陰縣裏側
騎驢五靈年少捧神珠

贈郝先生

大悟浮生不戀家大乘體調不奢華大通玄
妙不矜誇 大德建修真活計大丹烹鍊好
生涯大功成就步煙霞

贈堂下道人

閑是閑非不可聽那堪日日自談論暗傷功
行損氣血 舌是禍根牢鎖閉尋常省啓禍
之門自然性命得長存

自詠

破戒山侗說一場契人恥辱不慚惶邇來酷
好飲瓊漿 玄玉玄金盈寶鼎真男真女滿
丹房貪心更待住蓬莊

述懷

外樂何曾內動心箇中無口會哦吟聲聲清
雅透瓊林 善聽要聽聽不得如聾似聾可
追尋恁時仙佛作知音

贈甘張二先生

清淨無爲鎖密機金波玉瀝結刀圭奇哉妙
矣至幽微 捉住杳冥昏默處能養能飲更
能携無中養就化生兒

贈朱先生

一飽馨香野菜羹臨溪對竹自吟廣不妨
運甲和庚 何是道人真活計日當卓午打
三更連雲和月一齊耕

贈寧海于瓦觀

水狗噴煙罩玉軒火牛入海種芝田白蓮花
朵間青蓮 碧眼胡僧眉拂地霜毛兔子角
銜天如來圓相本來圓

贈堂下道人

捨了家緣更捨身即非喂虎濟飢鷹幻軀識
破自忘形 無恥無羞無染著逍遙坦蕩氣
神清心中真佛現光明

贈華亭李濟川

十一吾儕一箇來十人緣糾未心交莫教失，
脚踏輪回 早早投玄離苦海開鍊氣養
靈胎功成同去赴蓬萊

贈張山

決烈修持大丈夫專心致志免三塗冰清玉

潔箇塵無 空裏人頭催笑落壺中斗柄轉

旋舒丹成九轉駕雲輿

贈王劉二先生

莫把修行作等閑身閑不似放心閑運行日

月莫教閑 保養下丹無漏泄方遷絳闕鍊

中丹上靈宮滿得三丹

復用前韻

養就三丹未得闕化人入道認清閑真僊真

樂應真閑 更把三丹通一鍊行功圓滿顯

神丹胎仙捧出紫金丹

贈堂下道人

意惡心頑煙火生口張舌舉是非生傷人害

已過潛生 辯者自然為不善善人不辯善

芽生無事上士得長生

贈閻先生

捨了榮華物外居的端妙處用功夫坎離官
內弄清虛 猛虎口中敲玉齒驪龍領下奪
神珠這般手段稱吾徒

平等會本名相思
會繼古韻

信口便胡轟不管無腔調暢我情懷歌舞一

任人笑還童返老志在無憂嚮向妙處下功

搜細勘校 瓊漿恣飲元氣充來飽鍛鍊神

丹無大無小胎仙養就捧出靈芝草便自街

這番兒道決了

洞中天本名騰瑞天
寄呈馬運甫

休賭休飲休保人滅些煙焰少焚塵能搜已

過焉長便不見他非獲好因 驚寵辱樂清

貧修心養性惜精神常憑如此成功行明月

清風作交具

贈負先生

暮想浮華痛我心暫時榮顯落沉淪爭如物

外過遺客豈似寰中自在人 忘俗慮樂清

貧住行坐卧囉哩唵鍊烹玉鼎長生藥保養

金鐘不死真

贈昭然子

勸公休要戀迷津華陽中換皂羅中不為汨
沒塵中客得做逍遙物外人 修道德固精
神虎龍蟠遠嘯吟頻乘鉛自是成丹藥跨鶴
騰雲禮至真

全真菴丹井

穿鑿須當二九深甘泉自有應清吟更新治

病名丹井相稱山個普濟心 人聽勸作知

音重陽妙趣好追尋紫芝氣焰生形象碧眼

真如上寶琴

玉樓春借柳詞韻
贈雲中子

洞天無夜還無曙常有紅光并紫霧靈波裏

面見金龍背上銀絲千萬縷 二神鼻嶺驂

風馭離坎相交傳密語鑿開造化至幽微會

得真功顯倒數

寄長春子

何須求富并求貴不必文章如白侍研窮性

命好生涯保惜根源真活計 藏機隱密玄

中最肯向人前誇提對瓊漿玉液飲千鐘霞

友雲朋酬一醉

寄長安子

洞中日月無朝夕見朗雲衢通寶陌上明紫
腦承三清下照黃河常五色 自然霞結玲
瓏宅內有長生三島客未彰雲外去時蹤已
到眼前來顯跡

寄長真子

清中悟徹祥中瑞堪做風仙端的齋廣收白
雪與黃芽鍛鍊神丹煮鼎沸 靈音管養如
瓊膩通曉玄玄真仔細明知天上二三年暗
換人間千萬歲

贈磻溪張先生

元陽煮鍊金光闕不使暗魔來盜竊常持清
淨有功能未結神丹無漏泄 閑心一片如
冰雪自有長生無夜月蓋因離坎虎龍調消
盡我人猿馬歇

蓬萊閣

譚公急急迎物外逍遙客道遠客專來緣化
幸無阻隔 焚燒船網無心測四方備譽難
名溺難名溺諸餘守舊轉增利息

又

投玄急投玄做箇聰明客聰明客靜清心月

不教雲隔 死生生死無人測做予入道能
超溺能超溺虎蟠龍遠性停命息

贈譚公

于郎急留心長在船頭客船頭客殺魚蝦命
罪根非隔 把予言語休胡測速燒船網完
現溺免現溺要全靈物踵間通息

又

熬煎急熬煎煎過熬煎客熬煎客妻男魔障
妙玄牆隔 遇予便把清涼測清涼路上難
緣溺難緣溺氣通和氣息調傳息

贈譚公子

人人急人人海上為船客為船客業緣長做
福緣長隔 遇予勸化深宜測焚燒船網難
功溺難功溺福緣善慶業緣除息

又

猿急猿不動真吾客真吾客傳靈樹金間隔
真修鍊非凡測珠光瑩難塵溺難塵溺生
靈焰消煙息

讚重陽真人

離西漢重陽來訪蓬萊閣蓬萊閣祥光浮動

果然侵廡 闡揚教典勝施藥道奪自是師
嚴惡師嚴惡僻人歸正要超碧落

述懷

離沙漠頓忘寧海軍中閣軍中閣我無回顧
志清天廓 虛無撮住堪九藥虎龍哮吼從
教惡從教惡勸人修道救人崖落

讚尹真人

無煙漠集仙觀裏飛仙閣飛仙閣魏魏高聳
半侵雲廓 尹真法體方圓藥人還心敬消
諸惡消諸惡本來靈物免教流落

詠海市

雲煙漠紅光紫霧成樓閣成樓閣鸞飛鳳舞
往來瓊廓 神仙隊伍迎丹藥虛無造化龍
生惡龍生惡蓬萊三島橫鋪碧落

借彼修租殿試韻

還鄉急闢兩牒發山東客山東客三千餘里
關山遙隔 當時枉把予閑測而今且恁身
如溺身如溺他年重話修仙真息

贈馬彥高

都同急務場無本為愁客為愁客禱他官長

免教虧隔 遇予呪酒忘憂測能醫百病如
扶溺如扶溺更宜規措自然增息

贈吳菴師

菴師急菴師和高迎仙客迎仙客香煙繚繞
把子眸隔 如麻觀者難籌測良緣共結功
無溺功無溺龍華三會熙熙消息

贈門人

修仙急超然一志非常客非常客值魔遭難
蕩關衝隔 精微妙處心頭測轉增閉悟難
迷溺難迷溺鶉居鶩食念忘情息

贈趙公

當周急慣曾為侶偏憐客偏憐客成人之美
自無障隔 遇予好把精微測拯危救苦扶
持溺扶持溺自然通道氣神和息

勸宋公輔

儒家急儒家不悟行屍客行屍客鑽研活路
無遮無隔 令人泛海誇強測豈思風浪扁
舟溺扁舟溺此般寧忍勸君休息

勸回

休急急儒家本是蓬瀛客蓬瀛客謫居塵世

暫時仙隔 亘初一點懸懸測搜來端正難
焚溺難焚溺回光返照修真調息

贈宋六郎

波波急波波急急憂愁客憂愁客恩山愛海
萬遮千隔 遇予出路須當測利名場上休
投溺休投溺進修仙道塵情俱息

又

宋六急急謀生計為船客為船客洪波大浪
並無遮隔 風濤惡處如何測好燒船網隄
防溺隄防溺不如閑坐謾調龜息

贈姑水蓮二翁

遲二急代予開導為知客為知客勸人歸善
不辭山隔 人焚船網何曾測這般功行誠
難溺誠難溺名傳世上自然無息

又

修持急急修持裏面真實客真實客內懷心鏡
暫時形隔 要通靈顯須憑測亘初悟徹能
離溺能離溺自然昭著萬緣齊息

贈邨三翁

邨三急隨物外修真客修真客聽予勸公塵

隔塵自是能真測真修鍊難歸溺難歸溺
沉無慮忘猿息

又

迷迷急氣財酒色愚癡客愚癡客遇予回首
一齊撥隔 搜玄搜妙深深測玄機既悟何
愁溺何愁溺鼻調真氣往來勾息

贈看焚船網人

行化急堪嗟背道愚迷客愚迷客是非海裏
利名關隔 遇予速把玄測澄心絕慮難
情溺難情溺精光神氣終身將息

又

人來急相隨相從林泉客林泉客化人行善
業緣攔隔 網船焚毀無疑測慈悲功行難
為溺難為溺看人獲福殺心皆息

贈門人

知心急佩章做箇超凡客超凡客萬緣堆裏
超然離隔 逍遙物外玄機測鍊成丹寶無
憂溺無憂溺猿心馬意自然停息

赤岸橋頭勸燒船網

緣行急前迎後送仙家客仙家客懂播寶蓋

香花相隔 數船網罟焚無測度仙橋上難
沉溺難沉溺濟人道路往來寧息

贈于瞳化網揚法師

行法急留心行法奔波客奔波客外行救治
內忘通隔 木金三間當搜測居於物外能
赴溺能赴溺氣和神暢于安母息

又

行法急斬妖斷祟書符客書符客振威叱喝
有傷和隔 過予好把修行測修仙自是無
仙溺無仙溺蓋因修鍊念忘心息

勸道

魔急魔急亂修仙客修仙客談玄妙男遠隔
求寸祿人休測鄉無漏難漂溺難漂溺儀

運轉行真息折字起

洞玄金玉集卷之九

洞玄金玉集卷之十

氣十

金蓮出玉花本名藏字木蘭 花贈大華先生

畢公好志官障私魔心不二決烈修持能可
移山志不移 塵緣一削世上榮華無染著
可備仙徒堪許完全大藥鑰

勸劉法司放鸚鵡

綠毛紅背因為能言還自累兼勸休何語得
分明愈著魔 不如省覺絨口藏機懷卓聲
人總嫌伊得出凡籠自在飛

寄張知觀

張公知觀性命堪搜常作觀勤破器塵灰了
凡心出世塵 內修內鍊真汞真鉛常鍛鍊
要見金蓮須是深深種玉蓮

寄任節級

任公節級肯救危難常濟急此去淳于報得
專專獻鉢盂第十 山東馬鈺詞寄賢家收養玉
玉裏生金無口能言話古今

贈劉公見惠鞋以詞贈之

贈子鞋履我賜賢家玄妙理休別猜疑早離
塵緣得所宜 論其元首清淨精光牢固守

性不沉流決繼海蟾的祖劉

姜公惠蒲扇

蒲編線定救苦成功生異景熱惱無憂招引
風來夏變秋 休言是草雖則物輕人意好
感謝姜侯惠我清涼免上樓

又

金永定富人榮非我影子何憂嘆浮生髮染
秋 生慧草早修心喘的好道勝侯袖携雲
訪玉樓折木 字起

萊州倉使盧武義

盧公倉使意在留心風馬二未解修丹送我
勞勞到武官 速回車馬欲要全真先棄假
功行須周定是將來看十洲

又

直饒呼使怎比清清修不二會鍊三丹遠勝
為人得好官第十 牢擒意馬緊鎖心猿寧著假
靈物圓周得看壺中萬萬洲

贈清淨菴主劉公

彭城菴主喜捨花園菴舍做設此良緣種下
將來福祿田 全家修善正是修行真地面

更好清心神氣沖和上實本

贈劉同監

圭爛飲後玄機宜再審上田田了真功得自然
中連綻是為仙無失陷了心休繼海塘的祖劉字起

繼張修祖殿試韻

傳天際小金嬰能補綴白絨清物隨針繡我心
靈無影八刀圭誰可飲友張翁客邀觀七寶宮字起

繼酒同監韻珠

○ 心數歲久休心成妙最好心磨琢心開疾似
投 飛玉性上無瑕真自淨有何愁惱吾官心不休

清真子姚公索

命中養性水裏生金真本柄虎遠龍蟠走玉
飛金結作團 刀圭恣飲產箇胎仙端更正別是生涯出入騰空步翠霞

贈范明叔搜扇

搜絲為扇堪與閑人常作善驚說蚊蠅款款
輕搖免殺生 添成幽雅相助逍遙塵不惹

拂盡塵緣意淨心清性月圓

于噲于吉先索

于公聽勸世事無涯難歷徧好認玄微稍稍
知空達妙機 宋綠擎掉雲水邀遊修大道異日功成跨鶴携雲赴玉京

牟平縣劉穉欲自焚身述作此詞急救其性命

劉公聽勸學佛修仙憑識見割素心塵不在
焚燒捨拚身 些兒修鍊鍛鍊神丹須九轉功行圓周相繼海塘的祖劉

姜公惠故紙

然傳旨下清吟專謝紙帛遲延筆書雙履見
前 開微寮孽障心當捨下惠群仙却剛君詩百篇字起

桃源憶故人重陽師父相引至蓬萊用

風仙同我蓬萊宴既蓬萊清淺海市蓬萊出
現虎嘯蓬萊苑 龍吟蟠遠蓬萊殿鶴馭蓬萊風聲丹顯蓬萊九轉堪應蓬萊選

又

崑崙山近蓬萊麻連接蓬萊雲脚異景蓬萊

輝霞霞變蓬萊鶴 金風吹轉蓬萊閣自有蓬萊丹藥仙子蓬萊真樂不負蓬萊約

又

馬風得遇修仙舉不羨人間富貴築筒環堵
居住且避風霜雨 靈光晝夜常修補異日功成歸去得佳蓬萊洞府侍奉吾師父

寄譚劉郝三師友

譚風劉郝雲霞友自在逍遙閑走與盡好歸
陝右共話無中有 常清常淨常無漏便覺虎龍交壘箇內不神神秀得飲長生酒

得遇

馬風裏日肥家子緣甚熟妻孥子便做飄蓬
貧子因遇重陽子 從斯道疏丹陽子塵事並無些子悟微男兒產子決定成仙子

自悟

父兄未老先亡過已後不須發謀決定輪排
到我生死如何趨 悟來便做風塵底一任人猜心破認正箇中些箇有分碧雲朵

思遠陽高巨才

桃源憶故人歸去別後常懷無緒未嘗官遊

何處忘了當初遇 我今物外修行做但願
他家開悟猛棄榮華貴富共結雲霞侶

贈孔菴主昆仲

孔公四箇親兄弟小者二人傾逝已後不須
卜筮想著先垂淚 死生生死如何避早把
家緣猛棄物外行功積累得得成仙位

勸長安三壇李法師

李公知觀聽子勸只憇未為長便悟取水雲
清淺玄妙心通顯 木人手段非凡箭便把
三乘救援射透箇中官殿得見如來面

桃源適客問道

桃源適客專來到問我些兒玄妙說破坎離
顛倒水火同爐竈 虎龍蟠透成丹寶五色
祥雲開導引出胎仙不老得佳蓬萊島

五臺月長老來點茶

五臺月老過三要便把三彭除勸運用三車
皎皎般般三乘妙 龍華三會心明曉頓覺
三光並照箇內三壇設醮日已三清了

贈蔡先生翁母

夫婦聽裁斷好生捨拚男兒休管俄然斷恩

愛無繁絳漸令火銀明明光燦山側喚

又

驚驚未老頭先白有甚因緣難測說破自然
會得蓋為貪迷色 人還省悟溪山舊物外
專修道德清淨神仙法則得住蓬萊宅

贈老姚先生

修行先把家緣捨莫順人情談話慎勿華高
忽下休著纖毫假 心猿意馬無今要真淨
真清幽雅神氣和調惺灑功滿丹無價

何先生欲遊海島以竹杖贈之

道家攀送呈玄趣膝上自然琴撫聲透九霄
妙處引下青鸞舞 流霞滿酌休辭訴九節
靈杖携去相助巨初行步直上蓬萊路

寄趙公緋殿試

今朝傳出些修鍊外把萬緣銀鍊鍊過更宜
重鍊識破何勞鍊 鏡方向裏關烹鍊六賊
三尸頻鍊鍊滅心忘丹鍊得得成真鍊

又頌

人在萬緣鎖若是勘得破又更識得破修行
做得過

寄張知觀

岐陽鎮上丹霞觀主張公手段段丹田照管
顧常明燦 然內景真堪看透性無紊亂道
祝賢退算得神仙伴

贈古劉二先生

前程合有修仙分競利爭名契頓遇惹逆情
愁悶逼得回頭緊 算來貪甚浮華境不若
完全性命直認無為清淨管取成仙準

寄主簿王彥文

前程合有修仙契分外難求名利所措莫能
如意激出修行志 算來生死無人替肯把
自身家累要占十洲仙位清淨功夫累

贈李四官

閑思今古回頭底是非功名遂往往事無
如意猛悟尋歸計 超然拂神無家累物外
行功積累博得聖賢權喜蓬島安排你

贈鄭先生

有心入道當回首况流年六九性命宜乎早
救莫待身枯朽 無為清淨功夫守自是神
丹無漏天地可同長久未作雲霞友

贈亭川衆道友

塵中箇箇貪名利要實石崇富貴事奈前程
不諱莫也難逃避 悟來詐做處處地便是
脫家奇計鍊氣全神圓備得赴蓬瀛位

贈董先生

戴頭 顯珠

子屬付須當認取本源清淨意清心除境滅
心忘盡 形八戒持來正冷靈靈心印結光
輝禪定是神仙準

贈董先生

泉西裏雲朋董訪扶風鉅洞詰真鉛真汞火
如何弄 分清淨功能總蟻穿珠九孔午倒
顯成珙性真堪寵拆部 字起

贈華亭仙大師

撰三

仙老真禪老萬緣拂掃下心最妙俄然了
神氣精三寶闍黎鑪窻丹成驚早真如好

赴黃錄贈道衆

尋聲救苦酬予願海角天涯心遍暗誘人離
火院物外真修鍊 尋思地獄心寒顛救拔
亡靈經念枷鎖自然脫免總赴蓬萊宴
舍弟運甯有書議葬事以詞答之

在生已是為米錯死後形骸醜惡合避三光
家廓埋了休拾掇 子孫辦孝如媒灼運葬
分明嬉謔併骨共同棺拂顯靈會惟樂

又

悟來頓覺從前錯怎敢起心生惡幹運蓬萊

銀廓箇內如擡掇 無中嬰姪憑媒灼須用

黃婆為義和會出離瓊梯天上長安樂

本名甘羊子 如果道友

唯願想像莊周夢蝶飛輕粉悟徹本無親天

道堪憑信 一志寂寥修行緊便莫惜假軀

婚嫁捐棄家緣須陡頓任女男妻恨

勸董公道友

奉勸離俗修持自有清清雨雨變雪花飛得
見青蓮浦 陪伴脫塵雲霞侶不要起筆綠
心緒莫戀金籠共鸚鵡聽馬風具語

本名梅花 借和詞韻

山侗正撫心琴仙調慕然想道契仇香姓趙

顯吾官早開悟事皆顛倒 匪智甚業情懂

呖去軒俏便做做許氏龐公全家物外箇箇
總了了

清心淨意通禪明道適適樂求無憂惱縱狂
歌任下士聞之大笑 笑則笑忘知得內貌
忒好待異日行滿功成管決有紫書來到

述著 引

口倖護人手談明指暗懷軒狡心腸只圖自

活一任你咱亡得勝無聲之樂笑他家不哭

之喪無慈念殺心打劫一向騁乖張 偶因

師點破回心作善入道從長便通玄知白守

黑雖鄉絕慮忘機養浩鍊神丹出自重陽行

教化闡揚微妙詩曲滿庭芳

嘆名利

利惹心猿名牽意馬無晝無夜奔馳波波劫
劫來往沒休期一向貪婪越煞心勞役形苦
神疲休迷執一箇口裏揶揄得幾張匙 堪嗟
虛幻事真男走骨自己行屍又何須相愛相

戀相隨好把輪回趁趁早參禪訪道尋師長
生活有些微妙端的上天梯

出樊籠贈京劉法司

掣斷名鞭敲開利鎖忻然躍出樊籠無拘無
管縱步任西東自在適適活計占無為清淨

家風無情念亦無憎愛到處且和同 不唯
身坦蕩心中豁暢性上玲瓏更不搜嬰蛇坎
虎離龍方寸澄清湛寂得自然神氣和沖神
仙事何愁不了決定赴蓬宮

重遇吟

重遇風仙重增開悟一心專做癡愚掀髯勢
己且倦箭虛都罷了高談闊論踈筆硯不講
經書從今後孤雲野鶴餐食更鶻裾 寒來
求紙布祈來歌舞飢充殘餘似孤舟不繫有
甚程途自在逍遙坦蕩更無著無染無拘人
來問看子活計何必更詢子

贈趙先生毋蓬瀛散人

京兆城中章臺街裏有箇真富楊姑道卷創
置與子不塵居燕處逍遙快樂戴雲包酷好
清虛陰德積憐貧愛老設獄祭魂孤 環墻
修十座衣衾獨瞻三處安厨壽長年出自道
力相扶臘月下旬有二與真人降誕無殊功
行累將來定是跨鶴赴仙都

覺覺覺

道法彌高教門洪大東西南北無邊闡開玄

徑別正路無偏行步逍遙坦蕩塵情事不許
榮牽明三覺精神氣湧清淨速相傳 自然
成造化木金間隔水火潺湲定虎龍交媾嬰
蛇牢堅結正金丹大藥銀霞內燦爛光圓飛
騰勢往來出入逗引大羅仙

離苦海贈張二官

人喜生兒誰知替你被他奪了精神繫伊心
意唯恐不成人養大留心何處惜妻男忘了
伊恩休惆悵聞身強健別否箇良因 怡然
離苦海斷情割愛絕慮忘塵訪雲朋霞友月
伴風隣講論長生久視通玄妙固蒂深根金
丹結功成行滿跨鶴去朝真

論金玉

玉洞玄玄金鑪燦燦清中金玉希奇金龍玉
虎玉走與金飛撞透金門玉戶見金蓮玉蕊
爭輝金玉好天風搖曳玉葉與金枝 錡錡
金與王金嬰玉蛇玉步金闌顯金光玉艷玉
貌金衣此箇靈金靈玉結金丹玉性無虧真
金玉鈺成玄寶出自本師知

處自然

清淨真功無為大道自然體用惺惚先天靈
物元本在吾胷南北東西相會慧眸開論甚
矇矓壺中景水生玉虎火內長金龍 祥光
數字宙三四丹秀八脉神通且披裘頂笠有
似漁翁聞出玄玄妙趣勸人人氣養和沖同
修鍊功成行滿相逐赴仙宮

冰雪亭題晏子禮

瑞靄浮浮祥氣冉冉捲簾隔夜幽光清奇峻
潔有類布濃霜恰似山侖內景瓊花皎玉蕊
芬芳瑤瑛結連城寶氣璣瑛射珪璋 何須
沉與麝自然馥郁不比尋常見銀塘吐耀轉
運圓方姑射真人放浪弄風行玉珮瑤瑤胎
仙現白雲深處恣意飲瓊漿

赴萊州黃蘇大願作

口口相傳真真相濟悟來意解心通玄中妙
趣明月應清風師祖鍾離傳呂吕公得傳授
王公王公了秘傳馬鈺真行助真功 彭城
并道友邀予追薦數次途中更同知節使節
副相容跪領尊官台旨加持在紫極之官七
靈福超昇天界了了道深崇

刀圭法

日月交宮虎龍共處不分南北東西五方秀
氣攢聚結刀圭十二時中鍛鍊尖鋒上迸出
光輝堪安插住行坐卧恣意倒顛勢 添鋼
增刃快斷除六賊消滅三尸便往來揮動剖
判昏迷誰信無中妙用變成箇惺灑嬰兒修
真理因師傅授轉付友人知

和張飛卿殿試韻

七赴皇都三經殿試怎知鍊氣綿綿心接休
歇意馬罷強頭燕處申申快意仗清淨回住
靈源玄玄處三光並秀照耀洞中天 勸君
開覺悟休馳才俊聽取余言有逍遙妙路無
說無傳決烈一刀兩段絕緣慮自是通玄真
功就留侯的裔繼踵作神仙

讚重陽真人顯異

憫化真人重陽師父頭頭物物皆通歸期預
指語話似心風果應南京行上昇霞後教訓
藏公師父重陽真人當日昇霞至暮時分賊
徒方知之其岐陽鎮頂冠下界為我再傳功
華再城西現救予疾苦氣布身中在文登

雲上顯出慈容縣宰尼虎虎見經頃刻復返
天宮真寶事古今希罕自是足人崇

退葵四翁所惠團襖

一紀環牆數年赤脚唯他寒冷如囚超然一
志決要行功周感得神仙下界向身中布氣
如流無礙滯冲和上下相應好因由 關西
牒發我遠來東土恣意貪求做天來大錯敢
受綿裘結裏身如固圉招譴責厥疾難瘳還
團襖滿滿洒洒灑灑樓顯真修

嘆憨漢

鏡內蒼顏梳間白髮猶然騁俊剛求不愁自
己貪為子孫憂日爭名競利時特地籌連
機謀堪失笑這般憨漢直待死方休 人還
依我勸無常事緊性命堪投願諸公惺灑慷
慨回頭莫說蓬萊路遠心開悟咫尺瀛洲真
清淨無為功滿得去列仙傳

心目笑

學道修仙累功積行常愁行少功虧勸人作
善於道最相宜稍稍緣行端正早傍人別意
猜疑心自笑圖他功行怎避是和非 華山

陳處士不侵耕織山下行稀尚有人相毀發
嘆吟詩清正無私無曲任前程寵辱災危隨
緣過騰騰兀兀歌舞樂希夷

黃縣金玉菴

東寺西城南山北海心中好結良因菴名全
王堂建號全真廡舍清風明月圍無漏不落
沉淪門清淨雲朋霞友燕處待申申 無為
環堵裏小松疎竹初種新新向寶花臺上異
事驚人眺望蓬萊山島又何必別覓長春堪
圖畫芝川一境馬銜略鋪陳

證仙果

牝鎖玄通龍奔虎走微微調息綿綿清風透
戶不放馬猿顯蛇女嬰兒相遇論清淨至妙
根源無作做自然成道決上大羅天 愚男
專懇告十方父母聽取兒言願茶坊酒肆遊
互相傳莫以孤言俗語是端的秘密幽玄憑
斯用人人有分箇箇做神仙

贈唐括氏兒捨子出家以詞贈之

冒雪行車迎風訪道投余特地參同說些修
養不論虎和龍講甚嬰兒蛇女無龜地日月

交官無水火亦無歎更沒按時功 的端
真妙用無為活計清淨家風鎖心猿意馬勿
縱狂蹤鍊息綿綿來往自然得子母和同全
性命紫書來詔直赴大羅宮

不看謁

不謁公侯不踈貧賤不求富貴榮華不貪美
饌不敢厭衣麻不發無明火燭不著境亦不
思家般般不不忘師旨鍊鍊白朱砂 道遙
真自在清閑活計雲水生涯對風隣月伴滿
泛流霞悟徹長生久視又何必馳騁誇誇將
來去祥雲瑞靄步步觀蓮花

夜叉婆

撲粉施朱畫眉補鬢巧言令色柔和暗藏機
狡名喚夜叉婆面善心乖性惡纖纖指鷹爪
無過誇體段取人性命入夜騎樓儼 過師
方省覺要逃業障須避冤魔縱水雲遊歷速
離巢窩急急完全神氣果功行豈敢蹉跎酬
心願勸人修鍊功到洞仙歌

覺前非

不待人詢須當自問如何用意圖財若非好

狡無有自然來心起慳貪嫉妬寧思想橫禍
非災欺天地暗懷狠毒怎不落深崖 陰司
懸業鏡難諱難說難問難推却不如聞早省
悟心灰物外追陪霞友論長生脫免輪回修
功行不忘初志定是赴蓬萊

懷修鍊

物物心休般般事已進入退已從長無爭上
士柔弱勝剛強垣蕩通遠度日處清淨成就
圓方懷修鍊亘初靈物決要鼎中藏 難忘
唯是道如飢思飯如渴思漿似嬰兒尋母專
一思量急救自家性命調氣息不要忙忙常
細細綿綿來往功到赴蓬莊

悟生死

七十韶華暫時光景尋思一向沈吟酸辛入
鼻苦痛事攢心生死都來兩字既生身有死
相臨堪養氣要逃生死物外去搜尋 心閑
通妙用火中養木水裏生金把乾坤骨髓收
向朱林龍虎變成嬰姪靈靈顯豈論陽陰無
生滅真真了了跨鶴上瑤岑

傀儡論

養膽渾家貪求活路身如傀儡當場被他名
利把戲引來忙牽惹千頭萬緒使作得舉指
猖狂誇體段搖頭弄影馳騁好容光 過師
親說破行屍模樣走骨趨踏氣懸絲相似莫
有無常急認壺中雲水叩玄關麻麥馨香龍
蟠虎汞鉛烹鍊丹結做蓬郎

自破坐

執法行功按時打坐奈何不得慳慳睡魔返
倒頭點點占胃鼻氣如雷響唳繞驚覺眼又
矇矓于自勸恁般修進怎鍊虎和龍 斯言
如不信偷觀同輩定是心過見搖船身分自
愧稍翁好認無為大道心清淨神氣和冲靈
光結三丹踴躍晃朗五明宮

降心魔

熱境纏綿心魔返倒下功決要降心住行坐
卧晝夜志防心方寸雖然不大起塵情萬種
牽心當識破上天入地好弱總由心 從今
生覺悟牢擒意馬緊鎖猿心把凡心裂另要
見真心日日澄心道慾更時時校勘身心無
私曲自言心正方可合天心

骷髏樣

樣子骷髏偏能取骨業緣去來來馳馳伶
例不肯暫心交轉換無休無歇騰今古更易
形骸空貪壽鏡經萬劫終久打輪回 過師
親指教創修一點免落千崖屏七情六慾保
護三台玉虎金龍並漆青蓮內捧出嬰孩無
生滅大羅天上仙位得安排

忍忍忍

刃下挑心頭插刃認來堪作良因無明降
住有辱不生嗔憶昔清河公藝高垂涕書此
和親無爭士常行大善不敢暫傷神 人猜
徑捏翅逢刀坦坦遇藥申申便是非不辯強
弱無論師父重陽教我消煙火悟假修真常
忍耐觸來勿競端的做仙人

得真樂

落魄閑人逍遙懶漢的端酷厭榮華怕耽火
院不會養渾家萬種塵緣拂盡仗心閑鏡養
丹砂松峯下水邊石畔遠興飲流霞 一靈
常皎潔優游恬淡真樂無涯論比之明月月
有雲遮若比孤雲自在風飄蕩牢落堪嗟予

親遇得超彼岸快活更無加

和芝陽靈元子衛信道韻

故懶生涯欣慵活計起心念念慈悲而今不
肯拘葉更尋技擊下之乎者也的端認違出
青泥閑閣裏捫心自付有似遇良醫 道進
真自在要成仙福憑仗心師志堅如山嶽不
許胡移日用無為清淨自然得捉住東西些
玄妙悟來通曉雖老不為遲

復用前韻

吊孝之人送終之輩當思兔死狐悲青春漸
老休要戀花枝好把精神收拾超彼岸出水
騰泥皈正覺自心有病物外去尋醫 良醫
無藥餌劈昏鑿暗便是明師要心無染著熱
境遷移神淨虎龍交媾任紅日東出還西無
憂惱長安路上行道不遲遲

離衆生示門人

盡說煙消皆言火滅觸來總起無明不知不
覺怎得離衆生道本易行易曉素心違難曉
難行心魔障未成大善方寸不能靈 同流
聽囑付是非休辯人我休爭嘆行屍走骨何

辱何奈急救自家性命氣神和清結真形靈
靈語瑤臺闕苑蓬島是前程

混元劉法師昇化以詞讚之

幼則隨群長而異衆一心法錄行持書得咒
水治病救災危建德如倫不顯厭華麗糲食
羸衣親曾遇重陽師父傳授入希夷 自知
功行滿速來訪我徑就歸期便怡然拂袖應
限宜時此者彭城了了馬風風當賦新詞長
生得芳雲仙去跨鶴赴瑤池

讚重陽真人出現

古郡登州望仙門外畫橋車馬難通重陽師
父對衆顯家風預說途何必壞經一紀太守
何公嫌峻峻令人拆毀命匠別興功 文登
重出現白龜蓮上端坐空中宰公尼虎虎得
遇真容忽見回身側卧祥雲動復往仙官人
爭畫家家供養處處總欽崇

又

妙行真人重陽師父過師呂祖玄通十年了
道歸去得乘風一紀三番下界性正直凡事
依公天上現無為手段超顯自然功 全真

文集裏藏機隱密妙在其中論龍吟虎嘯嬰
蛇嬌容玉內金光燦燦神丹結躍出靈宮人
還悟速修清淨休受世間崇

贈辛五翁姜四翁

囊富過人作為異眾萊陽姜鑑辛通文登赴
熊不憚冒霜風來往近乎千里投壇告馬鉉
姜公持孝道宰公聞得惠酒勞奇功 虔誠
達感應應儀纔罷仙現雲中命丹青妙手傳
寫奇容從此住行坐卧搜幹運陰裏陽宮忘
塵事鄉人欽羨相重更相崇

贈萊陽縣眾熊首

高密鍾真萊陽姜鑑廢坊辛氏名通邀予追
薦不避雪和風捧示眾官書跪跪領外承順
諸公居環堵一餐薄粥須辦十分功 加持
非草草玉山踏碎金藏願中要虎龍交媾產
出元容整頓精神惺灑救亡靈盡赴蓬宮人
聽勸齊心樂善釋道一般崇

赴登州黃籙大醮

松栢巖前煙霞洞裏清風吹動靈苗水昇火
降大藥自然燒歌舞相陪童稚利名素不讓

漁樵忘人我清貧為樂怕底是塵囂 人來
求追薦千言萬語苦苦相邀便加持齋戒遙
拜雲茶禱告重陽師父救亡靈得上青霄鶴
鶴引孤魂滯魄相從總逍遙

文山七寶會眾翻蒼告名因而示詞

七寶蒼中三清門裏金真堂建相當東西廊
舍堪可做雲房鑿石名為丹井水甘美有若
瓊漿玄玄處處修真環堵幽雅不尋常 雲朋
井霞友微中講論妙裏斟量處身心清靜便
是仙方調息如同龜息命燈內性月圓光齋
場上文山道友唱此滿庭芳

洞玄金玉集卷之十

丹陽神光燦序

連二

道在邇而求諸遠事在易而求之難者此世
之常情至於日擊而存不言而論此上士之
趣實丹陽先生得之也先生以先覺之明開
發愚徒穎悟後進其有不逮者又從而指示
之誠猶皓月流天纖悉皆蒙顯煥心燈在體
熱惱咸得清涼先生又作神光燦百首俾使
歌揚絢繹互相警策云爾嗚呼先生其化人
之心也深念人之意也重豈不若菩提寶樹
布清影於恒沙般若神舟濟塵勞於苦海者
歟姑以鄙言序其首大定乙未重九日筠溪
野叟甯師常謹序

丹陽神光燦

崑 崙 馬 珏 撰

滿庭芳

立門戶內持

全真門戶清淨根源住行坐卧歸元日用時

時擒捉意馬心猿常行無憎無愛便施恩先
復離寬下手處鍊沖和修補有漏之團 瑞
氣祥光深處收神水徐徐自沒潺湲紅錦蛇
兒雖小閑視靈龜兩般混成一物現元初性
月團圓恁時節禮重陽師父太原

立誓狀外戒

專燒誓狀謹發盟言遵依國法為先但見男
兒女子父母如然未除氣財酒色華榮華戒
斷經纏常清靜更謙和恭謹無黨無偏 布
素焚觥度日飢寒後須憑履手街前不得貪
財誑語詐做高賢常懷慎終如始遇危難轉
要心堅如退道願分身萬段永鎮黃泉

重陽真人昇霞之前

重陽師父遇呂真人養成神內之神心起慈
悲不住開闡良因時時出神入夢化人人要

出迷津登州共有布王曾見海裏騰身華
表巨才高氏在東牟郊外或見其真曾共南
京針李中都開鑄當初幻軀在日尚如斯出
現頻頻況今也得成蟬蛻永占長春

重陽真人昇霞之後

重陽師父預指南京果然得赴蓬瀛四假凡
軀素下真性超昇瀆儀橋邊出現勸臧公早
做修行垂教語速性命事大名利休爭 更
有丹州大薛在終南一遇端的分明劉蔣張
翁得養身體康寧昆明池西人見向空中舞
袖輕輕因得道做神仙久視長生

詠和師叔辭世

和公師叔猛悟良緣棄官納印休權達俗終
南山下春蓋茅椽身披麻衣紙襖樂清閑笑
傲林泉懷美玉便靴光隱跡二十餘年 因
甚山侗侍奉遇風仙曾說活底神仙端的非
常辭世滿室祥煙經年忽然空裏便貽子畫
釣詩篇專誠我莫教失見休要誇玄

謝咸陽王法師

山侗入道遠離巢窩專心一志如何決要煙

消火滅保養沖和誰知因而借宿稍相違便
起風波傷功行起無明怪劣詩曲嘲他 暮
想從前自呪將身比驢牛象馬駝騾追悔無
由不免放做廉頗專負荊謝罪望吾師痛
撻則箇琢磨過免教真性再見閻羅

邀姚公書

山侗稽首自別姚仙思心度日如年即此清
清雨霽遍潤芝田伏惟神明協相處安閑法
體備然鈺如昨荷尋常留念書信相傳 輒
有微言相懇譚仙去相邀鶴羽翩翩儻若夢
雲光訪感激難言些兒閑中閑事待賢來面
聲不宣山侗拜上玄中玄玉座前

寄馬行街董公書

山侗稽首董公道偉自達清論三歲渴德之
懷筆舌豈能盡意伏想邇來法候愈沖和燕
居無滯子今則處環牆養拙毋勞齒記 幸
遇便風經過把狂吟只牘通為一寄歲月堂
堂歸去有如流水性命速宜了幹答虔誠幸
恕借易山侗拜董公道偉及諸道契

贈劉守初

道家活計少說些箇清閑一味無過並沒攀緣愛念俗事相魔道遙水雲自在任東西日月如梭快遊歷便舞筇跋履頂笠披裘不論天涯海畔颯颯地如癡似醉狂歌外即雖然踈散內養沖和神丹一朝鍊就放霞光萬道非多恁時節禮拜風仙直上大羅

贈朱官人張書表

諸公聽我自有神京爐中亦有蓬瀛五色霞光上下來往飛昇識得水雲活計更無勞足力遊行固性命便般般打過有甚閑爭好事先人後已守清虛營養一點靈明應物真常自在動止安寧一朝功成行滿去朝元雲步身輕真了了似重陽師父無滅無生

贈龔公

蓬頭垢面秘奧埋名願神養氣忘形並沒纖塵挂染意靜心明道遠自然快樂握玄機修進長生清閑處管勝如火院苦海寬坑卧月眠雲弄斗調龍虎嬰嬌女妣堪馮翰運飛金走玉杳杳冥冥靈光一點來往現元初妙相身輕來鸞鳳指蓬瀛路上前行

贈權知微

因何絕利為甚忘名曾觀五嶽真形玉性如珠似印燦爛光明從斯假軀識破便灰心更不勞生尋出路恐靈光一點落在迷坑割斷攀緣愛念搜玄妙無中捉箇為憑靜靜清湛湛香默昏冥功成七還九轉挂仙裳鶴羽輕輕朝元去指瑤臺閣兜雲行

贈駱先生劉石二先生

諸公學道莫學奇怪無為無作無賽百不歌中四句偈內持戒身心木雕望捏過千魔萬難不揀常寧耐常寧耐常寧耐寧耐悟徹觀天之道執天行關要自是交泰常處真常常應常靜常在真常真懂真樂現真如超越三界真無壞真無壞無壞無壞

寄段錄事孫助教道友等

諸公學道畧聽予言如同幹句家緣試看登杆踏索走馬行船何曾說辛苦遇艱難轉轉心堅忘危險更忘身忘命忘後忘前不管傍人冷笑怒懃地常常謹謹專專假是蘇秦陸賈說不迴有人能如斯向道可搜真搜

妙搜玄無不悟又何愁不做神仙

贈王知玄

兒孫如和妻妾干戈惺惺靈利邪魔蝸角蠅頭名利寵辱驚者尋思上牀鞋履到來朝事節如何遮性命奈一宵難保事箇甚麼好伴山侗馬鈺松峯下逍遙醉舞狂歌膝上琴彈碧玉調格沖和籃中養成大藥現胎仙舞袖婆娑恁時節禮拜風仙同上大羅

藏劉石公獻石羊索詞

披山舉鼎射虎穿揚難同般運青羊悟得玄中玄妙豁豁洋洋自然如癡似醉遠人情風害猖伴環堵裏且埋光隱跡豈望名揚願人人似我內行持雲水恣意飄颻金木隨波流轉火運炎場自是虎龍交戰吐神珠結正晶賜恁時節駕雲軒歸去同禮重陽

贈徐道淵

猛拋俗海一志投玄全真清靜為先心上無思無慮無黨無偏無中得些雅趣守清貧度日隨緣自然理算從今至古罕有人言惟有神翁苗裔能承當身中自是周圍海底靈

龜靈口靈吸靈泉靈光復噴絳闕結金丹一
穎新鮮無生滅與山侗共禮風仙

贈宋先生

休誇富貴莫誇榮華無常事緊堪學雲
陽朱判利錄名如好繼風仙悟道棄家緣仙
路無差長久志鍊凡心似玉絕盡纖瑕度
日唯憑乞化態慈地逍遙雲水生涯常處常
清常靜常有黃芽無中功成九轉現胎仙手
掌靈砂恁時節與山侗同步煙霞

贈張小仙

松峯之下閑飲刀圭薦五火裏交黎撫動心
琴鸞鶴上下爭飛虎龍一齊哮吼便說迴六
賊三尸陰魔散覺天清地靜日月輝輝幹
運金光玉艷聚祥煙瑞氣結正嬰兒體挂仙
裳足履霞彩雲霓口稱不生不滅指蓬瀛路
上堪歸遮些箇道家活計說與人知

贈長安徐先生

一明玄理二曜交宮三才四象究窮通五彩
霞光來往清雨濛濛六慾七情滌盡八衢流
運轉迴風九竅內十分顛倒顯現真功十

極晴空虛白九重門開闈金玉重重八色瑤
璃洞裏卧虎眠龍七寶花開六出五方中四
位歸宗三光照二儀相從一箇神翁

贈姜師兄

持功打坐禮土哦吟冷霞霹靂看經符水精
專存想嗽咽勞形多迷房中之術服還元水
大為憑且不罪遮般般功法錯了修行若
悟無為大道絕攀緣愛念喜怒塵情意靜心
清精秘氣結神凝自然性停命住起真慈功
行雙成金童詔便携雲跨鳳得赴蓬瀛

贈眾道友

色財粘惹如漆如膠要他清爽交交那更名
難忘解利鏢難敲終日憂兒愁女又何曾暫
展眉稍火院裏把身軀陷了如炙如炮若
悟無常事緊將恩愛塵緣猛烈俱拋物外道
透性命便是知交日用心清意靜看雲濤龍
虎咆哮神光燦現本來面目天地難包

寄與平杜公

星移斗轉四時交換無人暫時恩算恰做嬰
童不覺漸為老漢酒色氣財賍遍好休心也

好捨拚好迴首好把元初事好生了幹奉
勸疾些下手恐箇羅不測差鬼叫喚早與丘
劉譚馬物外為伴靜意清心徑路便名為長
生彼岸神光燦跨青鸞歸去天地難管

勸道友

憐妻愛妾憂兒愁女一心千頭萬緒競利爭
名來往豈曾停住如蜂採花成蜜謂誰甜獨
擔辛苦迷迷地似飛蛾投火好大暮故上
啓阿爺老子火坑中誰是留心憫汝箇箇咳
賢貪愛他享富貴死來無人肯替願回頭疾
些省悟歸物外處無為清靜便是仙路

寄零口孫可道

幻軀摸樣走骨行丘冢來聘甚風流父母生
你之處殺你因由奉勸疾些識破戀兒孫有
甚程頭早迴首把家緣擊下物外真修一
箇無為清靜是仙家秘訣大道機謀憑此行
持何必身外搜求自然乘鈔易結九還丹數
日全周神光燦乘羽輪飄駕直入瀛洲

贈姜王二先生

人人學道次叙須知始初屏子休妻次則離

家乞食無作無為但見老人童稚便須當禮
樂先施行大善但生心舉意念念慈悲挫
銳摧強忍辱把攀緣愛念莫起些兒自是靈
臺漸瑩與道相宜山上赤龍承繞海中黑
虎鉛圍大丹執指蓬瀛跨及雲歸

贈趙抱玄

抱玄遠俗不戀榮華恬然滋味無加一片閑
心物外別有生涯無為自然清靜結些覓密
妙堪誇丹田便拍寒塞地白雪黃芽內
有真陽鍛鍊把元初根蒂復變靈砂得見通
明真性似玉無瑕功夫十分圓備訪蓬瀛步
步煙霞空虛裏有金童玉女迎入仙家

贈姚玄玉

道家活計坦蕩蓑衣住行坐卧相宜悟徹清
貧快樂絕盡孤疑生涯逍遙自在水雲遊海
角天涯無繫絆縱開闢來往有甚歸依把
握玄中妙趣除心病修鍊有似良醫誰信男
兒有孝不可思議氣結神凝命住產胎仙起
越九嶷恁時節顯朝元歸去容儀

贈嚴公

昨宵夢裏幸遇重陽授予秘密仙方杳杳冥
冥恍惚太白其黃便是刀圭顏色往來流飲
似瓊漿成丸彈服之一粒八脉安康
驚執增添剛刃生光彩輝輝晃耀明室說得
邪魔鬼魅速速潛藏自然化生兒現跨青鸞
得赴蓬莊遮玄妙示同流各要消詳

寄鄆縣晏公及道眾

山侖馬鉅閑吟閑詠不是誇強逞俊詣見人
居大院受苦不忍時時詩詞勸化啓丹誠闡
開玄徑常哭告望人人迴首箇箇聽信割
斷情纏索歸物外無繫無繫無病自在清
閑快樂修完性命一朝功成行滿有金童持
詔邀請如此事奈人人不肯折了伊甚

贈塗山于先生

閑閑搜獲人家兒女生前住在何處有甚親
親恩愛與他相繫生死不相替代甚勞勞為
他辛苦還省悟便須當拆火拂袖歸去雲
水恣情遊歷無繫繫自然忘機絕慮三疊心
琴引動蛇嬰歌舞虎龍一齊蟠繞結金丹轉
增開悟積陰德行功圓真師來度

贈淳化染何先生

染家為作閑閑思付講些是非試聽攪下綾
羅紈綺滿椿一醜緣甚鍊教傷孰為惜他顏
色故恁染軸了更須碾研且圓光瑩拋散
水漿無限遇人來取要即當便認解了瓊頭
纏縛自然見姓恰如修行一著無繫繫可觀
真性常清靜顯神光燦燦有準

寄興平張先生

超然悟道怡然捨俗空肯泥拖水灑決烈迴
頭越了恩山愛獄堪為風鄰月伴與雲朋霞
友相逐無繫絆在人間先占半仙之福那
更真修真鍊得逍遙自在澄心道慾漸覺溪
田芝草異香飄郁虎龍繞蟠何處在丹爐變
成金玉神光燦赴前程蓬萊寶陸

贈汝卓趙三仙

休言嗽咽莫說存想吞霞服氣虛妄打坐持
功抽手挽脚勞穰採戰神丹散失服還元水
火不當端的處是無為至理最堪倚仗心
好逍遙快樂做逍遙快樂常教豁暢神好清
閑供應清閑坦蕩沖和自然成寶得亘初一

點明明神光燦現本來面目模樣

贈陳公王先生

逍遙自在雲水遨遊身如不繫孤舟坦蕩無拘無管無喜無憂時時感情歌舞任傍人笑傲巖巖清志且隨緣度日誓不貪求處世虛空相似如蓮花不著水之蹤由便把三壇等死六度齊修自然果圓無漏心清靜超彼優游稽首禮無上尊聖佛道仙儔

師叔和公昇霞之後有臨潼縣開緣帛鋪張公久患治療不痊忽一夕夢

見師叔說以藥餌治療之法問其姓氏乃終南和先生也覺來依此照餌其病自愈至甲午歲重九日張公親詣師叔墳前燒香禮謝及立碣安于墓塔之上因以詞贈之

和公師叔昇霞之後奇哉妙矣若有醫可臨潼必死張公道友神仙不求人報望賢安省悟埋首誰知道却遠來地肺燒香胡走作箇小詞奉勸聲無常伏烈疾些拂袖物外降心修鍊虎龍交構一朝行功圓滿九還丹自

然成就神光燦跨鸞歸謝師拯救

贈皇甫先生

始初一著仙凡爭交須知關敵又艾俗意俗心力大投漆投膠真心裂來周正免火坑裏面身抱牢把捉切隄防失脚身卧荒郊若悟無常不測仗慧刀剛志戰退猿猴自是心清意靜龍虎咆哮神氣湛澄凝結大丹成天賜仙袍駕雲去赴蓬萊宴賞蟠桃

贈于九臯先生

休言百歲七十者稀那更不測之期閑想妻男自己總是行屍眼前榮華境界是昏迷性命根基如省悟把家緣擊下物外修持靈利翻成懵懂便逢頭垢面容護玄機真息綿綿祥瑞遍滿華夷欲赴蓬萊徑路仗三千功滿雲歸神光燦與大仙相聚有甚虧伊

贈湖口王先生

山侖謹勸名利人人只知富貴安身豈悟吾門一著出世根因虎龍交馳鳳闕更無中嬰妣成親誰信道並不忤凡俗夫婦婚姻金木三般間隔用玄機幹運混合成真頓覺男

兒懷孕不神而神性命不由天地自心知永占長春神光燦跨鸞歸來禮洞賓

贈姚元明

榮華不藉富貴不戀妻男任交生怨萬事俱忘一志十分修鍊心意常清常靜覺重中天開地展堪賞說見龍蟠虎繞坎離宮殿或變嬰嬌女姪向明堂便把翡翠簾捲祥瑞中間認得本來頭面手擎金丹大藥顯無為功成九轉神光燦使跨鸞奔赴瓊宴

贈三水縣三老先生

志當堅確性常柔弱心猿意馬牢縛愛慾塵情俗念一齊拂却過去未來事理莫尋思更休計度居物外守清貧瀟灑莫嫌寂寞慎勿憂愁衰老如有病心中轉生歡樂若是臨行好弱境界休著常守真常無伴得靈明白然輝霍神光燦管惺惺洒洒超昇碧落

贈寧海顏先生

降心一著有些法度要你自心省悟閑想骷髏模樣綠甚作做因貪氣財酒色損精神墮於惡趣如恐怖管不須擒捉自然得住覺

照心開坦蕩見浮名浮利如無歸素內外倒
顛顛倒道家活路觸來不搖不動遠未來一
點堪顧神光燦上九霄跨雲歸去

贈路宿劉先生

伊子同里自來交契各貪浮名浮利總悟無
常物物般般捐棄子先別離寧海又繼而賢
來關裏願同志更同心同德同搜玄理慎
勿攀緣愛念便寧心寧意全神養氣塵世之
中不染不著為最懇懇完全功行常清靜有
些消息神光燦發焰焰地是你真底

贈文登小王先生

身為環堵重封重鎖無若無漏無破關裏喜
闕闕中有閑功果常守常清常靜便獨行獨
坐獨卧忘機後更忘名忘利忘人忘我朴
實實心實做把多疑多惑多多打過得得來
來得得得箇甚麼真如如不動覺靈明靈
靈則箇真消息是真真相濟真真仙來賀

贈醴泉縣任公

任公決烈也待風流專心道上搜求子細研
窮何者名為真修認正即心是佛除心外匪

是良由無別法便澄心遺慾捉住猿猴心
上纖毫不挂更那堪時復闕想骷髏自是心
忘境滅真性優游常常常懷惻隱起真慈功
行圓周神光燦向大羅恣意雲遊

贈醴泉吳郎中

黃金滿屋白玉盈房兒孫羅列成行饒你般
般遂意難免無常要脫輪迴生滅除非是雲
水溪傍常清淨也不須禮念只藝心香做
做風仙了道繼史公歸遊豁豁洋洋兩箇神
仙盡是與你同鄉即非速年傳說是邇來親
見嘉祥但放下便管教雲步蓬莊

贈淳化老喬先生

頓拋世網猛跳迷坑物外兀兀騰騰恰似孤
雲野鶴來往縱橫遮放清貧懶漢謝心神不
肯勞生無染著另假假拈的做著修行藏
伏聰明智慧肯爭頭競角如賢嫉能萬事俱
忘清靜天地歸寧三田自然結實現胎仙當
面澄澄神光燦指蓬瀛便是前程

贈于瓦觀先生

有榮有辱有利有害有喜有憂相待有得有

失自是有成有敗為人有生有死但有形必
然有壞休著有自古來者有有誰存在好
認無為無作道無情無念無憎無愛無我無
人無染無著無礙無心能消業障遠無無人
還悟解無中趣得無生無滅超越三界

贈維州苗先生

休誇美貌休誇年少休誇惺惺俊俏休要誇
張能運心機姦狡休誇多才多藝更休誇善
馳家小休誇術也休誇富貴比賢技少閑
想輪迴生死開闔看丹經子書莊老闕裏尋
闕自是通玄明闕中澄心養氣用闕功鍊
成真寶得闕趣做清闕仙子最好

贈喬李郭三仙

修行之士不在居山勿勞環堵學路何必驅
驅來往遠遠相參休要持功打坐又何須耕
種艱難休勞苦更不須出藥博換衣食看
你留心何處但無些染著打破般般好向鄰
中展手乞覓餘殘閱看浮名浮利嘆死生友
了心間忘塵念管將來位列仙班

贈趙雷二先生

聽子叮囑休恹飢寒休執外樂歌歡休做風
狂九伯諂詐多般休起無明業火更休思名
利相干休心急也休迷休執休受人謾只
守平常度日處無為清靜自是長安大道沖
和真氣全在心閑欲要性停命住萬緣消自
結金丹神光燦定將來雲步仙壇

贈杜公及衆道友

慙慙香火謹謹看經專專供養他人種種作
福惟恐失了人身明明將來富貴奈區區販
骨艱辛終何濟願人人聽勸別有良因拂
袖歸於物外占逍遙自在無處申申相結雲
朋霞友風月親親翰運亘初一點鍊本來真
箇真真神光燦做長生久視人人

贈宋何二先生

捨家學道爭奈心魔心中憎愛尤多心意如
猿如馬如走如梭心生塵情競起縱頑心不
肯消磨心念惡罪皆因心造怎免閻羅奉
勸專降心意把勝心摧挫如切如磋心若死
灰自是神氣沖和真心無染無著起慈心更
沒偏頗心念善道皆因心造超越婆娑

贈曹八先生

妙玄易解心意難善窮究如何長便牢捉牢
擒爭奈馬猿跳徒十二時中返倒闖破人生
情起今當發願便至死來來與他征戰饒
你十分顛俊却怎禁堅志專專鍛鍊達悟知
空自是內觀不見纔方生育天地無爐中日
月運轉常清靜聖功生神明出現

看清靜經因作是詞贈徐司判

孤眠獨處不迷外境常常留心內認悟徹男
清女濁男勤女靜即非世間男女是無中些
兒結正誰信道却元來便是自家性命捉
住遮般妙趣便澄心遣慾絕手視聽香杳冥
冥恍恍惚惚相應其中有精有物覺男兒自
然懷孕常清靜產胎仙出現有準

贈道友徐司判

名種相引別離登州遠來積石時秋司判美
任止是一載因由纔到瓜期相逼豈都無行
色憂愁嘆往復是八千餘里畢竟何求好
學淵明解職做海蟾納印慷慨雲遊相繼神
箭浹烈物外真修保養先天之物運自然火

銀丹丘功行滿駕祥雲趨赴瀛洲

贈零口康先生

人人學道箇箇心急急要妙玄端的搜索刀
圭鉛汞洞天月日採訪木金間隔緊搜求天
機秘密聽予勸遮異名異相且休尋覓先
斷氣財酒色把塵心俗念速當洗滌萬事俱
忘精氣自無走失心清自然明道萬神靈自
通消息能如此望蓬萊三島咫尺

贈武功薛先生

同流相聚速相覺察須當外搜內刷闕做修
行有若爭頭競角見賢思齊休妬把神珠時
時擦抹如開悟便宜乎先覺覺乎後覺更
且聽予重勸論修行全在無爲絕學莫使塵
緣間隔本來素朴淨清能分真假自然明道
非遙邈功夫到達幽微神仙掌握

贈韓四機宜

機宜韓氏不就承塵無心進修舉業惟恐名
聲相引無休無歇更有一般高見鼓盃歌轉
生歡悅常落魄訪村孟閑飲不拘時節不
管兒孫生計便拖條藜杖遠離業六經載忘

歸惟好朝風詠月稍似山侗活路儻留心搜
尋秘訣轉開悟做真修仙班同列

贈吳知綱先生

外功外行作福因由不如身內真修調養真
鉛真汞上下交流山前金龍嬉戲大海中玉
虎遨遊便警動遮無形無影嬰姪綱繆走
上靈臺對舞更不須落口恣意歌謳爛飲刀
圭醉卧寶藏瓊樓結成胎仙踴躍引青鸞穩
駕神舟歸蓬島有金童邀赴瀛洲

化胡了仙兄弟

三尸調引六賊迷惑自然鬪亂冤冤鎮日爭
財競氣戀酒貪色舉意先存已便縱心機更
不羞勒索老子你身軀有限騁其標格壽
數休言百歲從今古人生七十難得計日都
來二萬五千二百那堪夜消其半更隄防一

著不測如省悟從山侗不為凡客

心任意亂歌迷酒惑損傷三鬼七鬼不顧危
亡一向貪戀財色追陪花朋酒友便聯鑣誇
街玉勒宴賞處向笙歌叢裏賣弄俊格縱
有石崇富貴遮朱顏綠鬢怎生留得止是行

屍走骨呆老九伯時間榮華雖好奈無常之
事怎測如省覺做修持非凡窟客

家緣猛棄更不疑惑辨認陰鬼陽鬼咄出尸
蟲屏盡氣財酒色好事先人後已做慙慙有
似彌勒修大道處無為無作漸通妙格物

外道遙自在真懽樂清中靜中招得功累三
千更要行滿八百時時運行日月遮些兒他
人難測真了了便得為蓬萊仙客

般般識破物物難惑自然安寃定覓規聽如
聾如瞽替絕盡聲色身心道遠自在沒家緣恩
愛繫勒無為作乞殘餘度日無恥無格道

歷恣情坦蕩似孤雲野鶴有誰管得不羨榮
華富貴筆車三百終日澄心遣慾覺玄機密
妙易測功行滿做十洲三島真客

夢中見珍寶不知其數至于衣襟盈

滿次有玄中子姚先生引章臺街趙

公父子人子環堵談話之次忽聞鐘

響人皆慘然于是趙公跪告詩詞方

受紙筆撒然覺來遂作神光燦半首
欽夢中之事錄呈堂下道友翌日却

有雲中子蘇先生引夢中所見者趙
公至言斯人新悟道專投全真堂下
修行渠見其詞不勝忻忭乞綴後篇

昨宵夢見遍地黃金珍珠瑪瑙盈襟滿目珊
瑚琥珀玉樹瓊林暮閣不特鐘響誑人人各

有灰心天子便前來稽首索我清冷接
得花牋象管方吟詠夢迴誰是知音幸有清
風皓月悅我心琴些兒的端妙處看何人有
分搜尋如同志定將來雲母高峯

和雷戒師師父

戒師和尚可稱吾徒明禪悟道通儒子細研
窮正覺並埃差殊溫良恭儉讓禮生老病死
苦嗟吁當修進鍊木金水火土證無餘三
教門人省悟忘人我宜乎共處茅廬物外玄
談句句營養毗盧常懷博施濟眾氣神和丹

結明珠歸梵率向大羅蓬島同居

贈三一居士張明道

昔年在俗常長三久二張綿被重重取笑風
仙訓誨三髻山侗古未馬氏三寶如今有三
披扶風三一法使恆來雪裏高卧三峯從

此依憑三教把三乘妙法子細研窮內運三
光照耀坎虎離龍存三守一三載覺三田一
粒丹紅三三數更心琴三疊得與仙同

勸沃州孫仙進道

神仙何處只在蓬萊逍遙堪蕩奇哉或向虛
無縹渺去去來來賞說十洲三島縱闊遊闊
苑瑤臺無窮樂與雲朋霞友携手哈哈開
闢瓊林雅宴遣青衣鼓掌引鳳毯穩玉女金
童不住歌舞傳盃醉卧清風明月任祥煙瑞
我來迴勸修道管將來得與相陪

示同流

修行之士莫要浮恍十方飲膳難消試看鋤
田日午汗滴禾苗匙鉢百鞭何嘗誑他人休
望天鏡還省悟覺寒毛聳聳似冷水澆若
要不還口債惟蕭蕭酒洒寂寂寥寥常處常
清常靜莫犯天條大慈大悲心起助真功奪
取仙標歸蓬島享天廚珍饈瓊瑤
見人錯失動我心腸交予怎不悲傷思想燃
指然臂頂上然香假鏡投崖喂虎儘捨身拚
命非常事知得有些兒妙理別是嘉祥清

靜無為鼎內覺心中真火下降腎堂腎水化
為真氣氣結紅霜常薰蒸四大便玲瓏響
嘒玎璫神光燦得撐雲歸去蓬在

勸道友

堪嗟夫婦錯了良因當元未結婚姻各自人
家兒女並沒親親都緣媒妁配偶貪淫慾敗
壞精神求後嗣得成羣成隊不肯抽身終
日戀兒戀女豈思量咫尺失脚沈淪身喪姐
蟲骸骨化作微塵若悟如斯冤苦便迴頭保
養天真神光燦向蓬瀛賞說長春

勸化

人皆好色妻常設計巧笑語言詐偽日日梳
粧圖要見他悅喜時時耳邊低呢緊咬人爭
財競氣存自便更不詢富貴義與不義歡
喜冤家沒解豈思量好意却是弱意畫要衣
衾入夜偷盜精髓悟來心驚膽顫怕追覓取
命活鬼歸大道處無為謹修仙位

破迷

名成利遂男婚女媾不覺容衰霜鬢轉使說
謊豈想大限將近小鬼傍觀失笑且從他殘

喘胡騎忽染患使虛醫扁鵲藥無相應 尚
自愛家念計追覓帖前來護方自省都謂兒
孫妻妾送了性命氣斷冤歸冥路自心知並
無功行闍老惡便教又去地獄承鎖

嘆骷髏

携筇信步郊外閑遊路傍忽見骷髏眼裏填
泥口內長出臭猶瀟洒不堪重說更難為再
騎風流想在日勸他家學道不肯迴頭恥
向街前求乞到如今顯現白骨無羞若悟生
居火院死墮陰囚汝烈灰心慷慨捨家緣物
外直修神光燦得祥雲觀步直赴瀛洲

贈洞雲散人陳姑

清清淨淨搜獲玄玄觀天可認根源數布參
羅萬象日月相傳做做女媧手段撮虛无五
色新解下火鍊大功成了了無缺無圓得
一清寧人地無為作自然水永綿綿杳杳冥
冥娠憶產箇胎仙便是本來面目更明知無
口能言恁時節有金童來報得去朝元
贈零口楊悟一

囊負腐誓不梳洗一志蓬頭垢面便披蓑策杖頂笠絕聰慧戒無明業火自常挫銳斷制男兒何似比追魂取魄索命活鬼富貴榮華棄盡更不留意常守常清常靜處無為自然之理功行滿向十洲三島占箇仙位

贈姚守清李守靜

休將清淨却做尋常可憑秘密仙方晝夜行持決要萬事俱忘奈何從前熟景使時時亂心腸常斷制似兩家征戰各舉刀槍勦盡尸蟲猿馬處無為無作無事之鄉常應常清常靜常得嘉祥更憑直慈相助行功成得赴蓬莊乘雲去訪重陽師父師祖純陽

贈小胡村李姑

姑姑修鍊聽予重告先要斷除煩惱擒捉心猿意馬休使返倒如同男兒洩烈莫躊躇更休草草速下手仗十分苦志免參閻老萬種塵緣一削得真權真樂漸通玄奧空護無為清靜自然之道應物真常幽閑氣神相結成丹寶功行滿跨祥雲歸去三島

寄長安王姑

奇哉慧劍無影無形純鋼新鐵截釘劈碎思山所斬愛慾塵情勦除三尸六賊不須彈神鬼皆驚常把握鎮龜蛇二物足下安寧此劍人人皆有但專心向道自願功能更以常清常靜淨刀光明自然通玄通妙又何愁性不靈靈功行滿也須當劈去蓬瀛

贈涇陽縣二女姑

奇哉至理常淨常清易知易曉難行要做神仙須索認此為憑休別搜玄搜妙便登心遣慾忘情無染著更無憎無愛無競無爭悟後觸來不動覺無中尺地悉皆歸寧日月同官晝夜團聚光明不神而神顯現駕祥雲奔赴蓬瀛朝玉帝顯真功清靜道成

贈長安吉祥散人王姑

死生事緊懸甚兒孫怡然跳出家門物外道遙住箇無事閑軒常常登心絕慮便名為捉馬擒猿念斷覺愜愜洒洒自悟玄言至妙精微去處在風鄰月伴兩脚雲根寂靜方知洞裏別是乾坤性命豈由天地遮靈明返本還元歸蓬島更無生無滅常存

贈零口通明散人害風魏姑

身為女子志似男兒悟來跳出門兒道上搜尋戀其美女嬌兒性似孤雲野鶴世塵緣不惹些兒真脫洒便堪稱比箇大丈夫兒認正本來清淨農何須謂認虎兒龍兒也不整理離坎妣女嬰兒無為大功成就產一箇無相人兒陽純了便得與太上做兒

贈眾女姑

嫌風怕日愛惜容儀畫堂深處相宜對鏡梳粧整頭金縷羅衣因聞風仙蟬蛻慕真修決烈無疑棄華麗便蓬頭垢面布素歸依昔日靈根受病知今却須當下手親醫般運身中日月直接天涯自然木金成寶現神珠晃曜清沂方知道遮些兒不可思議

恐人退道預誠之

人人學道因何退怠都緣心不寧耐富貴修行或遇艱難阻厄貧者受人供養自倚矜必然敗壞或好賄便自招自攬非常災害或有鍊心不盡起攀緣愛念決定破戒若悟詔光迅速生死事大常懷慎終如始處無為清

靜無養功行滿與九玄七祖共超三界

嘆世

行屍走骨迷利爭名傷神損氣勞形鎮日謾

天昧地不顧神明都緣爲兒爲女惹塵勞一
向貪生何事盡待無常限到送入深坑 金

玉珠珍棄了惟留得平生善惡爲憑甚處分

明打箠直至幽冥無情業鏡來照覺從前罪
業非輕放聲哭恨當初不做修行

師父畫骷髏相誘引稍悟

風仙化我無限詞章仍懷猶預心腸見畫骷

髓省悟斷制從長欲待來年學道恐今年不

測無常欲來日恐今宵身死失却佳祥 管

甚兒孫不了脫家緣街上恣意猖狂遭興雲

遊水塵別是風光經過無窮勝景更那堪得

到金方專一志鍊丹陽須繼重陽

蒙師父訓誨

丘劉譚馬四箇小鮮蒙師釣出深淵到岸纔

方磨琢取火搜煙冷柴痛如割切鍊頑心有

似油煎說得傲便常常屏氣似不能言 萬

種千般鍛鍊賴于適各各志確心堅苦處曾

二十六

丹陽神光燦

經樂處退步爭先惟恐猿顛馬劣見人人父
母如然常忍辱處無爲清靜謹修仙

因夢作

時當春社巷裏閑眠夢魂飛上峯顛忽見山
中神道萬萬千千箇箇無些喜色予閑問因

何慘然聞此語便一齊大慟却訴因緣 某

等當元學道都緣謂貪益愛戀腫臃罰做靈

祇以是失了神仙如今纔方省悟便見他酒

肉如克須當避勸先生進道戒行精專

看園基

爭名競利恰似園基至於談笑存機口倖相

謾有若蜜裏藏砒見他有些活路向前侵更

沒慈悲誇好手起貪心不顧自底先危 深

類孫龐關智忘仁義惟憑巧詐詭譎終日相

征相戰無暫閑時常存殺心打劫往來覓須

要便宜一著錯似無常限至扁鵲難醫

自詠

昔年在俗常用心機挑生剋死爲誰歡喜冤

家惹得一向愚癡恰如飛蛾投火身焦爛猶

自速速爭些箇被兒孫妻妾送了頭皮 因

二十七

遇風仙閑悟迴光照怨親不可相隨盡是狼
蟲虎豹蛇蝎狐狸把似養他毒物又何如物

外修持功行滿跨雲歸侍奉本師

昔年名利役碎頑心氣財酒色深沈方寸之
間荆棘彷彿成林因遇風仙省悟覺從前罪

業彌深使改正便改正改正改正改正 遊

歷天心地肺結雲朋霞友月伴風鄰自在道

遙快樂絕盡搜尋假使貧人退道得榮華富

貴人欽我不肯我不肯不肯不肯

山侗昔日火院中間千斤重擔常耽鎮日爭

名競利嫉妬慳貪萬般憂愁思慮又何曾時

暫心閑因箇甚養怨親人口二十有三 正

在迷津受苦風仙至專專救度愚頑二載纔

方省悟跳出鄉關如今逍遙坦蕩鍊身中七

寶還丹功行滿訪蓬瀛再見師顏

山侗昔日名利忙忙身如著箭香獐心似湯

煎火炙無暫清涼萬般憂愁思慮爲兒孫惱

斷肝腸不知苦似遊魚在鼎尚自遊颺 因

遇心方開悟覺從前爲作盡是刀槍說得心

驚膽顫遠離家鄉常祈夢也不夢敢生情起

二五六一六三三

念思量人問著覺渾身汗流失措憶惶

山侗昔日忒嚇暮故肯替兒孫死去正受艱
難忽爾風仙救度提出迷津苦海到長生彼

岸迴顧方知得在前時事錯養家冤苦 或
問鄉中俗裏先號吡而後恣意歌舞樂道聲

音笑貌有似愚魯此者傍人怎曉我咱知就
中元素神光燦處無為玄妙出自師父

波波劫劫劫波波愍歎葺壘巢窩只恐兒
孫不辦意要如何欲教輕肥具足更安閑坐

處笙歌與他幹肯留心向道自顧些箇 逼
得形骸瘦瘁生華髮流年漸下高坡尚自愚

頑不省罪業增多若非風仙救度定將來參
謁閻羅爭些箇落崖崖萬文好險馬哥

人居浮世身是浮生貪婪浮利浮名有若浮
雲聚散無準無憑浮華不堅不固似浮漚石

火風燈浮虛事奈人人不悟却以為榮 兒
女金枷玉杻廳堂是囚房火院迷坑妻妾如

刀似劍近著傷形無常苦中最苦細尋思膽
顛心驚說得我使迴頭却做修行

無涯火院如牢如獄氣財酒色拘束萬苦千

辛來往波波趨趨因悟迴光返照嘆從前冤
苦不足說不得使放聲痛哭痛哭痛哭 今
日十分識破妻男是冤家債主厭督有甚恩
情不可與他相逐既沒攀緣愛念覺心清易
詞金木神光燦是大羅仙福仙福

師如子產我似嘉魚兒孫有若校人故者慈
悲亨著何其不仁恩離須當別辨棄怨親家
從師真修大道免輪迴生滅跳出迷津 便
把凡心裂另常清靜自然結就良因坎虎離
龍嬉戲無價之珍瑞雲重重龍罩現胎仙丈

六金身神光燦向蓬萊賞說長春
專達靈海專遊陝右專來有何幹向專住環
牆專守天長地久專遠氣財酒色專清靜專

修九九專一志更專心專意專專知友 專
壘真功真行專專地專心勸人迴首專與雲

朋專鍊寶瓶真致專投玉關金鎖專同飲瓊
漿仙酒專等候有風仙師父專來拯救

人生七十罕希壽數我今四旬有五箇形
骸便是七分入土其餘晚霞殘照遇風仙纔

方省悟好險咱爭些兒失脚鬼使拖去 本

合陰司受苦却如今物外修行得做自在道
遙掌握幽微妙趣枯樹再生花卉占長生性
命堅固將來去向蓬瀛添箇仙侶

訪友尋朋

披蓑携杖坦蕩逍遙都緣識破塵囂終日狂

歌狂舞有似玉喬好與童稚嬉戲更有時相
伴漁樵無繫繫得真歡真樂真寂寞 閑

訪山居禪老使予心雲鶴引過溪橋月下歸
來拉得三兩知交松間菴前小酌撫玉琴寶

鼎香燒無俗論願將來同上丹霄

丹陽神光燦

悟真集卷上

錦屏山通玄子李先生集

連二

燒藥包歌

藥包藥包離我肘二十年來作知友也曾因
 你服綾羅也曾因你歡花酒有貧有富百千
 家無日無時編戶走昧并榮迷寸口災上添
 災亂針灸積行行功爲你無是非冤業因伊
 有今朝燒你没狐疑只爲儂心不仍舊藥包
 冒火奮神威聲出如雷聒天吼較些我送你
 鏟湯你悔身心先下手福源清罪根朽躡身
 跳出塵凡設障山千丈勢凌雲苦海千尋浪
 衝斗天道高兮有甚高地道厚兮有甚厚地
 有竅兮天有梯日月陰晴沒昏書青雲白氣
 淨時交黑霧紅霞空裏闌混合中央結寶光
 光明直徹青霄透无形妙體樂平生一樣大
 虛無極壽

昏鏡歌

嗟昏鏡嗟昏鏡淨體不堪塵惹定拈來堅確
 有銅形面日比初渾不學模樣雖然依舊圓
 中間昧了圓明性欲施妙藥復指磨洗滌從

前穢汚病全身透脫得玲瓏照破他人不端
 正玉匣深藏入洞房地久天長常清淨

悟謾勞歌

悟謾勞悟謾勞悟來甘分竅醜糟首陽山色
 枉含恨汨水波翻空怒濤十陣功成誅首劍
 一場拒諫剖心刀古人未識逢斯害何事今
 人識又遭明可現晴可韜知難不退亦愚曹
 焚尸吞炭三思短擲孰埋輪一著高我輩庸
 夫痴且拙紆青拖紫騁英豪速宜決斷收三
 寶莫待遷延白二毛夢中省物外逃輕裏羅
 帶換麻袍瘦筇七尺敲龍杖類線三尋縛虎
 條布袖拂開無事路草鞋踏破有情牢長明
 宮裏栽金粟生氣園中種玉膏難化鳳鯉變
 龍修真志氣抹雲高聲騰絳閣能鳴道渾似
 仙禽疾九皋

村醜歌

二儀高厚爲奇耦萬物生成從此有萬物之
 中貴者人人身幾箇能貴守昨朝自嘆我今
 生無辱無榮謝天祐也曾聚散結英豪不被
 飢寒事算第而今老矣舊形骸深恨傍人笑

村醜如聾似瞽半呆痴跛足弓腰絨利口等
 間不敢向人閑吐出忠言益知友華池輪轉
 八瓊漿澆灌無根樹不朽列人忙亂有中無
 我咱活計無中有或寅夜或白晝坐卧住行
 忘體究寂然澄定不時間輪動天輪運機曰

地氣騰天雨驟漲溢江河充宇宙龜隨蛇引
 覓爭馳虎嘯龍吟競交媾重樓棟宇玉崢嶸
 京山穴窟靈風吼乘此風昇返太空速徹天
 門衝撞透香雲馥馥捧蟾光瑞靄霏霏星
 斗修行莫道不艱難徒恁知他恐爲謬到還
 未到誓須到就還未就終要就發弘誓願誓
 心香乞與仙師共長久

嘆不識性命歌

修行不識真空性膠漆盆中磨垢鏡用盡功
 夫磨更磨到頭難得圓明瑩真空性真空性
 無色無聲難親聽隱顯虛空虛空尋之不
 見呼之應修真不識真元命摘葉尋枝強闢
 釘空見苗生秀不實失養元精果難證真元
 命真元命太極分形爲本柄萬物無爲造化
 中功超造化能成聖只修命不修性恰似烏

金飾頑磬打碎頑形空落空終身未免沉空
淨尸修性不修命水火不交如墮甌命不全
兮性不真頑空空亦遊陰境修之性修之命
出脫來時迷昧病性命兩全玄又玄一超速
離輪迴徑

嘆世知已歌

混元樸散兮物形胎物滅物生兮寒暑推世
泰世凶兮人孽兆情哀情樂兮事合離有身
有性兮來且昧壽長壽短兮去又迷我因悟
此兮速離害闕居陋巷兮心自懷一年過隙
兮春秋變一晷轉頭兮暘昧移竹籬茅舍兮
逍遙我名場利陣兮榮辱誰是非蠻觸兮辨
休辨煙霞蓬島兮期可期無為大道兮鬼神
重徹底至真兮天地知

恨不逢知音歌

道家活計兮人難覓縱逢蒼蒼者兮工他術圖
名索利兮外相嚴迷言滯教兮內功失道體
微德用密淨赤條條空寂寂說時莫說他徒
速憂時只憂自不及君不見千流萬派兮浪
雖殊得源得流兮終歸一又不見殊途異徑

兮步即差知轍和執兮同啓迪恢弘本性兮
體動靜之圓明養育真命兮剖乾坤之變易
面牆宴坐兮訪達磨之遺風高枕恣眠兮效
希夷之芳跡性停命住兮得杳冥之自然玲
瓏禪定兮顯靈源之消息或夢入於洞天或

飛行而遊逸或玉女以携漿或金童而捧教

三千功雖未滿足姓名九轉金丹籍異日圓

成功標仙曆問斯行則理必精通願安承

教者頓躡迷執忠告言須委悉切恐因循虛

度日性鑑昏時旋擦磨心燈暗處勤挑剔保

氣精鍊神液朝種暮收須自識箇中玄關是

真修此地不修修甚的舌上圓通心未通內

假外真術粧飾豈不聞子期身喪兮伯牙之

琴閑又不聞張華命逝兮劍雄而執擊既而

見用方文一席蟠螯身若也無拘天涯四海

飄蓬力願逢同契話行藏呼吸虹霓吐胃臆

嗟哉嗟哉這箇形骸既有也因何死去既無

也為甚生來為當是你能販首不知是我愛
投胎冀材冀材送我輪迴今番撇下儘拖儘

因道友惡疾歌

埋莫對畫指澆酒奠休尋綠鬢挽歌撞上士
讚揚下士笑一場兒戲送身媒心切切口哈
哈冗冗人情魚陣排搖頭不認無生餌收拾
綸竿下釣臺萬古清風拂襟袖一輪明月照
蓬萊

貽囑門人歌

召門弟子聽少有忠言囑我病也休醫我去
也休哭三寸真氣無四體尸筋骨送莫綠花
棺宅莫陰陽卜休占吉凶時使瘞靈煙谷盤
薦罷閭閻賻儀閑骨肉無罪住人天有罪歸
地獄莫求賢聖慈莫畏鬼神族設憑讚詠功
脫體罪難贖有箇出塵機預備修真福

七言

述懷

清閑無事志超然糲食纒衣絕萬緣目倦罷
看殘畫軸手慵不續斷琴絃息心常是耽詩
債樂性何憑買酒錢伸屈任隨緣分過萍蹤
蓬跡度流年
貧甘鴉結弊袍單不畏狂風透骨寒恐動一
身慵洗面怕勞十指不簪冠因眠石榻清還

爽興坐綿窩暖又寬頓覺身心人殼外雨傾
微發不相干

自樂

利鎖名韉滿世間傭貧且喜得安閑心頭白
境多殊勝身外紅塵任往還無事豈消投洞
水素茶何用隱商山柳陰深處繩牀穩默然
終朝不啓關

述懷警衆

心頭無事氣神和歌罷狂吟又載歌芝草榮
華舍地氣瓊漿流轉貫天河剪除俗念存仙
念趕退詩魔作道魔會得這些魔意思教君
比我更魔多

善惡同生用不同兩般元出一心中慈言喜
作養花雨怒氣休為送雪風鳳崖門前栽柳
老虎窩村外種瓜翁古賢不是無能智念道
忘言樂固窮

警世害衆

舌香腹是惡駸尋交結令人陷陸沉念色敢
違承色戒巧言徒昧慎言箴欺心起處心違
口誑口開時口昧心休忘只謀長得勝敗來

禍取海般深

勤修

悟真莫戀五湖水心了休遊萬疊山顛倒乾
坤昇降裏揉舒雲雨吸呼間五行鍊就三田
寶萬化驅令九氣還六尺皮囊無作相更因
何事不清閑

眼日述懷

門柳庭松地種瓜藥爐經卷老生涯戲鶯啼
鳥敲芳樹閑引遊蜂弄野花襟袖舞風從展
轉簪冠枕石任欺斜有人笑問安棲處萬疊
雲深是我家

與張大師參同

大道無爲本自然假禪勘合見真禪性融空
色無分別命扣陰陽會倒顛足底風生身翼
地頭邊月照背磨天初心誰信無中有鸞鶴
翱翔不用鞭

錢張公之陝西

物外幽人不易逢喜迎愁送意無窮德光散
作秦川雨道氣空遺晉地風今日戴言戴笑
裏後期一有一無中仙都揮塵雲霞外首齒

萍蓬暗首翁

誠儂塵勞

本務塵勞作悟頭塵勞反倦恣貪求一番造
作拊心懊百念艱難徹底憂七魄儘隨緣孽
散三魂任自賤魔偷若沉此理爲修養何日
登臨法海舟

勸未悟道者

修行未掩五重關豈解神機鍊九運空執持
齋爲淨戒謾尋服餌駐童顏五行不出陰陽
穀二物全拘造化間省得無爲無相理不離
不即樂閑閑

誠耽書

搜羅塵念枉顰眉損益從來是兩岐千卷古
書儒士解一壺仙景道人知少年且歷人間
事壯志須尋大道基爲報聰明宜早辨莫教
伶俐變成癡

弔衛先生

弔君終日燕雲宿洗了全真果的端蟬入青
霄金靸冷鷓歸紫府玉巢寒悅隨風月三天
上高立清標萬世看再啓蓬萊諸道契末期

相會穩驂驚

寄王先生背道向書

苦閱三墳敏九思終焉計劣謾羈縻好依孔
聖四禪頌盡奉純陽百字詩七返九還功就
日三乘一了道全時碧天皓月清懷抱羨甚
身榮折桂枝

初冬有感

秋光變盡又冬隨北帝功施料峭期白草交
加三徑滿彤雲黯淡六花吹收心急悟悟來
晚下手速修修太遲堪嘆飄飄紅葉落還元
云是入黨時

雪

四合彤雲似有期風催飛雪遍天涯
岸同銀色野樹家梅一樣枝嫌少孫公意外
夜恨多韓相馬前時茶餘煙暖無餘事論到
仙花葉上詩

問修行始終

迷徒欲識道人修煅煉純陽就則休三尺腋
囊盛快樂一條手枴撥憂愁青山可住優游
住綠水堪遊笑傲遊有客問予歸去路無言

笑指白雲頭

和王志隱新春

華故東君造化知鼎新春色景熙熙鸞鶴壽
木風猶軟燕近尋巢日漸遲半雨半晴桃露
臉輕寒輕暖柳舒眉一年一見一回老白髮
功名總為誰

勸友人感春

君多春感沒來由假見春光有甚愁一歲但
逢一歲了百年過盡百年休好消舊孽新緣
結恐隨來生今世修咫尺壺天極樂境大開
門戶少人遊

天道融和次第春乾坤泰象正交通根荻陶
鑄五行裏芽甲栽培二氣中歌管畫樓風細
細輪蹄紫陌雨濛濛試看結實從花後盡在
深根固蒂功

無常推許難

釋鬼驅馳推許難千金不諾買開顏豪家豈
許貧家替今日何容明日攀寂寂紅樓人院
落漫漫黑霧鬼門關奈何無限悲酸苦盡出
平生愛念間

誠酒

覽古尋常怨杜康與人為害酒為漿腐肝腐
肺傷難解消胃消腸病怎防引惹風波傾命
水顛狂神思瘳身湯勸君但飲休過度縱不
妨人已自妨

嘆孽招水旱

造化陰陽氣不調蒼生孽力自相招貧民詭
佞奸民詐富者奢淫貴者驕夏月及寒涼月
暑雨時成滂旱時焦年饑不足人多疫已蹟
天公未見饒

寄劉先生久別

仙顏一別十餘暮肺腑深銘引領思縱有良
辰歌舊曲珠無風使寄新詩雖然夢到言難
到終是身離心不離幾許臨岐腸斷處春風
淡淡日遲遲

寄張先生

備跡西山爾據東鱗鴻不見信難通身心動
止春飛絮蹤跡逍遙秋轉蓬六府無塵清淨
裏三山有路香冥中步雲一著休教昧恐屬
因循白髮翁

初夏河津雨

夏初雨力富農家斷送豐登不足誇
桑樵半香籠緒色櫻桃近熟襯丹霞
院前院後椒成顆村北村南麥放花
翠柳綠槐深影裏軋聲不斷絡絲車

山堂夏日

閒寂山家夏日深清涼一味滌塵心
披襟揀坐溪邊石策杖尋行柳下陰
旋折野花開引蝶猛敲芳竹戲驚禽
貪看螳螂搔董突不覺天西日半沉

度日

騰騰兀兀度光陰名利蝸蠅更不尋
鼎內夜動三捻炷窗前朝樂一張琴
杜鵑啼破華胥夢齊女呼醒禪
定心誰識箇中閑活計旋收白玉鑄黃金

寄陳講師

一列仙翁渺逸閒游思教墨鷹南還
煙迷曲直重重水雲映高低疊疊山
石硯有塵經月暗柴門無客繼朝闌
蒲團竹杖移陰坐北額掀髯逸駕攀

寄辭史元帥

結交俊乂樂平生行止常思寵辱驚
臂裏雖無扶藪力喉中端有喚雞聲
當時對語多忠節今日傳言愈至誠
徒指良辰期會面死生不得稱衷情

述懷

看甚人顏折甚腰青山雲水路非
遠老松豈逐霜寒謝璞玉那從熾焰
燒雞唱遠聞三里耳鶴鳴低徹九重
霄兩忘榮辱知何事抱道簪冠樂寂
寞

遠訪陳講師

足跡重生汗若霖不辭迢遞訪知音
義從肯讓丘山重恩顧迷連江海深
閑客性磨門客性達人心鼓達人心
風生席上憑高價一笑都還直萬金

警仗勢難久

數關人事有興廢冬去春來無古今
駭浪成紋空聚散閑雲藏雨護晴陰
前程倒指尅期盡往事回頭何處尋
試卧東風成午夢覺來紅日早西沉

誠僧恃強

冷笑緇衣話太過直饒獨擅待如何
幾般口裏刺坑塹三寸舌頭結網羅
鑑垢尚存仍點污囊雖已利更指磨
饒君深抱荆山玉愁甚人間沒下和

自嘆

白髮簪冠老道流一生天賦得優游
今朝不入他人彀明日從渠亦自由
七十人稀六十壽三千仙果二千條
昨非今是生涯了興即歌吟倦即休

重九冒寒謁友

重陽風葉動蕭蕭斷送寒威徹弊袍
遍體粟生驚凜冽哦詩齒震謁英豪
我深有意呈千首他只無心披一毛
那更狂朋不我恤柴門杖擊喚登高

裴先生坐化

夜夢金童捧詔宣今朝羽化老裴仙
一靈豁達歸真矣四大端嚴貌儼然
躍化龍威投海鳥翔翔鶴力上羅天
而今而後修真子少與先生可並肩

嘆休心

當時體段學風流年老髮尋萬事休名利盡
隨流水去是非都逐落花收懶千風月跡詩
社怕屬顛狂厭酒樓有客欲論榮辱事幾番
緘口一搖頭

述懷警門人

飲醉刀圭卧草廬香冥別境證功夫朱龍穩
跨遊金闕玄鶴相扶翫玉壺萬變定時三界
靜九天晴日一輪孤不知多少修真子此箇
家風得也無

警世

時危不用直臣籌認得膠盆莫刺頭雲夢韓
侯無罪滅社郵白起有功囚碧松林下高低
廟芳草堤邊新故丘試向碑間觀舉止都無
一箇稱心頭

勸俗自敘

俗眼艱窺道者流箇中別運妙機籌一輪明
月中天淨兩件神光內境收長短卦爻從補
圻丙庚水火自添抽春雷一震飛象廓淨體
縱橫天盡頭

已覺功名不遂成歸來寵辱兩無驚內收瞳
子休觀色外鎖舌頭不有聲心似半篙潭水
靜身如一片野雲行追思往事仰天笑險被
空花誤一生

寄門人先生學書

何事先生厭草廬不親有道只親儒苦食架
上三墳義豈顧壺中七寶珠強吃有緣榮利
祿不知無分淨功夫老骸病目看看近應也
長吁自嘆愚

誠執者

學道先須誠執剛執心自擅作強梁相如避
路忘顏厚廉氏莠荆乞雅當和氣至柔穿厚
地泉流雖弱貫高岡處謙受益終無咎違眾
超羣大不祥

自樂

衝開地網撞天關穩跨飛龍恣還眼底便
知為極樂座中深曉是蓬山忙忙二曜從渠
速湛湛一真自在開了不了兮休理會從教
白髮笑酡顏

問法眷弟兄

問君心事莫生嗔端的修真要遇真教兩洗
除心上垢道風蕩散眼中塵一壺變化夢中
夢三界飛行身外身此箇玄玄還不信更將
何物號陽神

警世

也曾求道也恭禪遍歷雲山不記年和尚發
言誇佛種道人開口驕神仙六經十論文徒
昧七返九還功妄傳已受皮囊囚禁苦猶言
父母未生前

寄雷祐之大軍後病中

快恢天網窳牢籠孰是常安覆載中多少合
離多少恨一番興廢一番空風前陌上屍猶
見雨後沙場血尚紅試問當年雜虎士幾人
得到白頭翁

自敘警輕命

世亂年凶事足諳抽頭隨分養真致當年小
子百千萬今日老翁一二三性命無根鈞上
鯉形骸有限關中蠶禁枯分定無差夫休使
欺心分外貪

嘆道

性珠無樣抱重玄應變縱橫得自然豁達諸
方明徹底經營萬彙體隨緣隱時寂寂歸毫
末顯即虛虛塞地天本是一般無礙物淨嶸
神用果無邊

誠貪

蒙索纏身發嘆聲始知地就害還成畏針當
眼培荆棘怕陷當途揶揄坑禍是愚人福裏
出福從賢士禍中生英雄若不陰公判項羽
東吳再起兵

誠妄說

欲話玄中顛倒顛須遊天內一重天心還有
物休論道性若無根莫論禪初地不栽泥裏
藕下梢怎結水中蓮莫將聖典狂猜解准擬
身招妄語恣

宋真人垂訓河中

披雲大闢塵人間一載河中兩復還披度德
光開九獄慈悲威力震三山嗚呼萬坎陰陽
變舒卷風雲天地闢爲報世人從此後不迴
向善大愚頑

夜坐

迢迢夜色正三更玄體飛行出玉京風欲野
雲千里淨光浮滿月一輪明銀星點點寒光
白碧湛澄澄浩氣清何事日烏離海上一聲
鐘送定初驚

樂境

大道淵兮在內觀淡手無味有真歡清風氣
透三山遠明月光飛萬里寬不約高低從變
化真分內外樂盤桓醒來獨對何人說盡付
松風一操彈

道無二

釋道從來本一如來老氏共登天箭穿鐵
鼓藏深理爐煉金丹隱至玄白馬東來傳祕
語青牛西邁吐真詮而今而後緇黃輩徒向
丹書世語研

贊知進退

閑來倒指黑婆家越相劉侯一著高三卷聖
書垓下祕一審神變會稽逃西施謾展羅鵬
網呂后空施陷虎牢小智欲謀成大事一如
魚餌釣鯨龍

答人問閑

既慕林泉笑傲閑便將瓶鉢伴青山陰符道
德經三卷蓬牖桑樞屋兩間紫府靈禽勤接
送丹山逸駕旋追攀坦然心上無餘事滿院
松風晝掩關

趙白二仙墳守而禮問

夜闌寶炷裊輕絲對塚披肝祝二師八百行
修成甚日三千功累就何時人間蓬島猶難
見世外羅天豈易知願入夢中明點破捨身
志道待歸期

慙慙凭塚問行藏謹契心頭一炷香索索固

窮三十載惶惶冒死幾千場任行坐卧百骸
老游息藏修兩鬢霜一著無生今未了不忠
不孝罪誰當

值人見棄

擔簣訪道片雲身漂蕩天涯二十春綠鬢
同多有蓋蒼顏歸故近無鄰朱門肯顧柴門
客孤獨誰憐泉榻人海鳥仙山歸未得任伸
任屈養天真

樂貧

四更鼓罷市聲諠我正躬躬忘意眠蓋片紙

衾枕塊石鋪條蒲薦，櫬堆綿或隨白鶴遊蓬。
鳥忽跨朱龍看洞天，此箇話難人世說。枉教
名利笑風顛。

中秋賞月

雲消塵斂，半天星斗分明。月正圓，白玉樓
頭誰品笛。水晶宮裏我，調絃瑩浮海，撒冰清。
爾光浸乾坤，冷湛然自古年年。昔此夜，世間
何處不遑眠。

上平陽廉訪使

百姓嗷嗷苦莫當，大僚經過便清涼。溫辭撫
俗寒添，續潤德雷民渴，逼漿到處成無風。雨
惡隨方名噴，屬蘭香流風不令朱門懼，抵聽
雷音賜寵光。

送王進之

離盃漱澀送知音，握手愁傾淚滿襟。窄徑危
橋當顧嶮，亂山孤館莫無心。落霞紅葉荒村
遠，曙色清霜野渡深。杖屨天涯雲水遠，末期
情復幾難尋。

屬楊先生

與君特地話行藏，道在清貧當自強。緊鎖五

關身有益謹持三寶行，無妨薦賢舉善得雙
美安。已說他必兩傷，君子所為須願學自然
福慶與天長。

道人作止果非常，德要謙謙志要剛。慧劍高
揮羣怪避，刀圭爛飲萬邪藏。五霄鼎內烹金
藥，七寶爐中煉玉漿。造化真修成，健體通天
徹地路堂堂。

嘆時

離塵在道莫心違，天地推遷世改移。察察小
人剛，長日謙謙君子道，消時仄心讓印垂三
顧。冰晒解金畏四知，大抵孽緣休理會。不如
塊坐樂無為。

誘衆

學仙一段妙機關，盡在生成造化間。水火推
移逢即返，木金動變遇須還。二輪日月陰陽
息，六合乾坤天地闢。此箇功夫行得到，始知
隨處有蓬山。

勸門人

舌了心頑學道人，叮嚀忠告莫為嗔。青春暗
去年年，老白髮潛來日日新。愛念重添心上

垢，紫觀收拾眼中塵。一朝耗蕩元真盡，伏枕
空嗟道遠身。

警虛度

當時釣爾不回頭，縱得回頭亦妄修。木上求
魚勤，旦暮水中捉月度。春秋幽明寵辱短長
夢神，臭榮枯多少愁。試拭青銅看皓髮，今年
更比去年稠。

壞袍

袍壞渾無一線聯，莫尋綢領不容穿。四襟方
竅與圓竅，兩袖長懸復短懸。灌垢條條隨水
去，拂塵片片逐風顛。而今卧月眠雲裏，儘亦
條條度晚年。

警妄解圓覺

圓覺真經無可說，強談圓覺廢功夫。空圓覺
了元無跡，大覺圓成顧絕樞。漚沒漚生空聚
散，雲來雲去謾馳驅。還知不說為真說，未肯
人前鋪席鋪。

家陽宮夜坐

獨坐家陽夜已闌，銀河耿耿月華寒。琴彈折
柱，炬娥聽劍舞，誅龍鬼魅看。八面玲瓏冰鑑

閨一天澄湛玉壺寬人間多少利名客不識
箬瓢抱大丹

誠人妄解書

狂猜妄解誑談論不識真常道蒂根手掬途
泥指堆子口含漆水洗膠盆張良指是孟良
叔揚子呼為柳子孫也待升堂謀入室豈知
遠隔幾重門

勸道人可遠鄉

修行切要遠離鄉不塵雲山道有妨月色到
天元皎潔水流入海自汪洋絮綿離柳飛南
北蠻觸辭鳩絕短長竈底無薪火自滅豈勞
指涕旋揚湯

警居菴幹私

得莫歡娛失莫愁幻軀六尺水浮漚今朝有
喜今朝樂來日逢愁來日憂一息不傳為朽
骨半星皮冕是骷髏聖賢遺教任龍韝甘為
兒孫作馬牛

誠妄修

學道元須玉鑿金天元真息理深深不於固
蒂根頭覓枉向空花梢上尋專氣保精能實

腹抱元守一自虛心知他多少惺惺病不肯
教人療一針

警親終南疎永樂

黃糧夢斷教為基雲指重陽作祖師千里終
南心喜去一程永樂脚慵移實從花後本來
見根在苗先自古推曩日人謠今可信始知
皮較一皮皮

夏日愁純陽宮

夏天誰不畏炎陽禪榻松風氣味涼茶乳滿
甌清露冷檀煙結蓋白雲香性中空色漸融
攝心外塵勞得坐忘卧看條山雲自散日移
花影上東牆

勸劉子高

道人器宇別持操不恥終身弊緼袍方外注
心方外支世間著意世間曹志須似水麟洲
弱氣莫如山太華高敢問後言休退有自愁
魚餌釣鯨龍

鶴雀樓避暑

鶴雀樓頭不暑天南來輕吹貫心田一塵塵
土離身外千里山河到眼前卧飲清風心醉

道坐忘瀾境性安禪中條山色半殘照紅翠
連線接暮煙

遊山菴

清迥山菴煙靄中雲封幽徑水西東雨餘澗
畔猿攀果日暖松梢鶴唳風裁藥畦中勤老
叟採芝席下戲髻重他年撒却人間事氣吐
虹霓逐太空

晚年述懷

白髮簪冠百不宜日常睡早起還遲月圓月
缺幾經見誰辱誰榮總不知閑說箇中君子
話狂吟方外道人詩一生不問浮生計除此
無為總不為

誠慳貪持勢

非理貪求甚太過心頭網罟苦收羅暑寒尚
被四時換晝夜猶隨二至那填海勢摧徐福
笑披山刀盡子房歌莫言得失由人造數到
頭來無奈何

警夢

道藉明師指到頭他人公案又搜求登天必
假登天墜過海須憑過海舟萬物生成從本

發羣波蕩漾自源流鄙哉蟻慕盲修者癡燕
猖狂戲屠樓

還鄉作

昔年訪道走西東今日算數復里中但可卷
懷藏進取不堪開口論窮通人情冷暖香騰
別世事與衰總不同多少孤裘貂帽輩霸陵
消息氣雄雄

勸門人服勞

積福塵勞苦莫辭欲高須以下為基營為不
礙乾坤合動作何妨日月移圓覺四禪依次
定陰符三盜自相宜一真不昧從終始久久
無中養就兒

中秋夜

風開雲幕正中秋拉友携琴宴小樓檀屑滿
拈添瓦鼎荻簾高捲掛銀鈎喜觀天西十分
月豈惹人間半點愁飲醉西風忘彼此不離
眼底看瀛洲

贈趙錄判

常道無為玄且妙世人多欲觀邊徼速流分
冰昧真涼直志除斜撮正要上士聞之信又

行下愚得也証更笑是以洪波懶擲鈎巨鼈
魚餌知難鈎

悟真集卷上

悟真集卷下

連三

錦屏山通玄子李先生集

詩

勸修行早離鄉

修行不遠離親愛只為當生泥水倩元本因
他泥水成下梢管被泥水壞

釣馬先生未許

苦海漂流欲釣龍見龍不敢下鈎撈奈何一
冰傾丹浪怒捲風波轉更高

內觀心月

自家宮闕徹天寬高掛團團白玉盤皎潔清
光無翳障簾幃深鎖愆情觀

鎖猿

赤帝山中黑色猿攀花摘果要難收而今打
得金剛索鎖在黃庭不舉頭

繫馬

靈臺赤馬太驕肥愛對風前月下嘶幸得民
安無戰陣舊槽繫繫不牽騎

問一暮不出卷

結制生涯戊己家慙慙特地造三車琢開古

轍崑崙過大道周流無障遮

痛飲刀圭灌玉花醉眠一任日西斜客來幾度敲門喚一夢遊仙尚木家

壺中境

天內一天少見知無生真境此為基道人箇裏曾遊歷休問修行無有為

試筆

心手相忘玉管搖聲如寒雨響瀟瀟不離兩紙兩三幅寫出龍蛇千萬條

春愁

人被春來苦不快等閑難上我眉尖尋思白髮無情理不問主人添便添

謁袁權府

三秋雨過曉風悲深處寒生試問衣小富欲成近大富茶靡故掩謁朱扉

誠諺傲

萬慮沉沉一氣冲朝昏常在香冥中人來話我我慵語識破人間事事空

錯認

聲色堂中休覓佛馨香洞裏莫尋仙請觀猿

摸波問月影動方知不是天

雪

雲生風送雪霏霏誰識乾坤造化機碧玉峯前童子笑黑牛變作白牛歸

夢飲

意倦琴書卧小軒夢隨劉阮酌桃源醒來復醉醉還醒寂寂無人啼曉猿

同人見訪

昨感良朋蠟屐來東臯笑傲晚慵迴樵童侍我臨流坐不賦新詩亦快哉

養志

收拾琴書歸去來鶴全毛羽蛤成胎得衝霄漢渾無礙高銜神珠見九埃

警送孝

臭腐化神神化臭輪迴一舊一番新明知物理渾如此何事生人送死人

居山

蟠跡茅菴已數年等閑無事不山前莫言閑樂不由已自是人心著萬緣

屋上峯巒映夕陽半林紅翠匝茅堂茶餘客

去茶門掩開弄流泉赴晚涼

別河津和馬先生韻

樂寓山菴未卜歸征鴻喚省思依依如今已得道遙趣擬學孤雲自在飛

道人心似白雲閑動止從容自在問憶出谷

時使出谷要歸山則即歸山

嘆生死

行尸休為死尸悲父去看看子亦隨陰薄星星明有限只爭為早與勾遲

月夜

風收雲幕露青天天地冰壺冷湛然萬點星踈銀漢淡一輪明月正孤圓

陽火

陽光上越一重天下徹無疆九壘邊星月伏藏陰怪滅一輪赫赫顯孤圓

牧牛

牧童晚唱樂江邊放下白牛不顧牽寂寂虛花煙水外一輪明月照青天

自樂

外無煩惱內無思不醉不醒不即離何事道

心清樂處碧天風細月明時

警昧真心

共說修心不識心真心別隱洞天深欲知不問修真士走遍天涯無處尋

寄楊先生

大法堂前授劍時囑教付與丈夫兒奈何落在雌柔手匣內悲鳴孰可知

勸學

天元真氣上天梯收拾栽培要灼知全會始終無退倦只爭成早與成遲

警言貪求

蠅頭利賂十分追不恤人難任四知一旦積成盈貫罪取招業債倩烏誰

諫招後言

忠言十九不機投面苟相從背變離范蠡悟來無後患夫差徒見子胥羞

賤利名

歸去來兮雪滿頭利名心上擊然休當機抵了輪迴債也是今生贏一籌

幽居

欄檻數竿君子竹矮窻幾卷聖人書遊仙夢斷松陰轉一操絲桐樂有餘

內巧

吹紅海底一爐火消却山頭兩片冰火自滅時亦自盡日光月色共圓明

嘆道寶

陶甄大璞作生涯耀古輝今無玷瑕放去收來天地窄崢嶸神用應無涯

雪後調琴

閑樂絲桐取次調坐親爐火恣逍遙貪憐微外琅然曲不管門前雪未消

晝眠

晝寢明窻况味高心頭塵慮絕纖毫甜然半覺遊仙夢又向壺天看一遭

兵後遊河中府

奔都樓閣冠天下幾逐灰殘幾度修唯有條山林麓在魏魏依舊過春秋

家陽宮西軒

西軒高卧性朦朧飲醉西風混太空空裏幾多真變化樂然分付不言中

寂寂西軒遠市廓寬藏法界我深憐侯門人到慵相對獨稱閑人宴坐禪

西軒雲愁枕書眠瓦鼎山檀最瑞煙一味清音偏貫耳瑤琴風鼓自琅然

登鶴雀樓觀河

地上長河天底山天兵怒激浪迴還爭如樓上無名客不起風波自在閑

夏日晚興

自南薰吹晚生涼散褐橫琴對夕陽三弄聲殘明月上矮童來請夜燒香

初春雨後

青雨初晴日漸長輕寒猶自勤羣芳道情樂景憑誰說獨傲東風立夕陽

家陽宮早起

幾韻金鐘送曉寒遊仙夢斷不成眠起觀太華峯頭月斜照條山影浸天

文秀才問道

常道真常常自知知常常道乃無為無為為得無言說說著真常道即離

寄山南任先生

塵談一列十年間幾見賓鴻設往還望斷前
山風月底想應一樣養高閑

贈張先生入園

禁身禁足動行道忘相忘言宴坐禪大覺圓
通明五眼不離當處是羅天

嘆日月催促

纔過中秋皓月圓又逢重九菊花天四時直
恁催人老攬撥一年又一年

警敏叟

生死朝昏事不訛壽長壽短一南柯臨喪莫
起悲酸念輪到頭來奈爾何

重遊河中

四十年前此地遊繁華幾換度春秋黃河不
在興亡殼依舊滔滔東注流

幽居晚步

麻衣拂地瘦筇長踏破雲山正夕陽回首黃
昏香火罷笑披風月入禪房

嘆害人者人害

蟬噪松枝興未休螳螂牙爪利如鉤一心只
慕甜蟬味豈顧黃鸝在後頭

明守分

平生無作為粟性太愚癡一鉢千家飯三冬
百衲衣般般常足意事事不愁眉何為窮能
困玄元說儉慈

秋赴河津立菴讚貧

兼笠離桑梓時當霜葉天琴書拋我友親鉢
謁他賢瓦解霜侵榻簷類雨滴椽虎狼蹤戶
外苔蘚滿窓前行訝顏淵老眼俛后稷綿几
無龍尾硯架絕鴈頭殘淺蘊禿毫筆濃磨破
竈煙興題袞憲傳閑閱范丹篇不怨人深怪
常思已薄緣固窮心不濫抱道志彌堅香
冥冥坐昏昏默禪幻軀培文室真性透重
玄內外融無二縱橫滿大千五行難造化二
氣罷催煎極樂清涼境逍遙自在仙妙機無
可說緘口待天年

警門人

修行莫盲志戒精誠天崩莫懼地陷休驚下
忘貧賤上做公卿閭中取靜死裏逃生內全
淨體外絕人情圓明五眼證果三乘斯言再
囑余弟余兄鸞飛真跡跛鼈慵行面從背毀

財重義輕樂從後要動學雞爭性迷聲色意
在功名問君端的曷幹前程

遺世頌

人聽清角不聞雷震我今歸去大限有盡好
事擬說說也難信余弟余兄道之可進

悟真集卷下

雲光集卷之一

連四

聖水玉陽王處一撰

詩

承安丁巳受第三宣於六月二十五日到都下天長觀七月初三日宣見

賜坐帝問清淨經師解之次問北征事師答云戊午年即止後果應次問

全真門戶師一一對答帝深嘉歎留

連抵暮方出翌日賜紫衣號體玄大師仍差近侍傳旨賜崇福修真二觀

任便住坐每月給齋廚錢二百銖時在修真觀作此一篇寄呈老母洎聖

水道眾

修真觀下信遙通往復祥光透碧空昔過明師開正教今蒙聖帝助玄風玉陽自此權行化法眾從茲好用功稽首慈親母少慮皇恩未許返鄉中

接窻使夫人患病求痊

天生天長順天修不論塵寰俗骨骸四假豈能朝鳳闕三尸那得赴瀛洲悟真內照忘新

願達本友心滅舊憂無色真空超彼岸穩乘自在大神舟

贈祖菴呂知觀

大悟威光朗太空先天真瑞信忽忽虛無清淨全今古至道流傳正祖宗三界十方通一

致千經萬論子無窮忘情自現天元主透出陰陽造化中

贈維州觀主太夫人

有誰遭遇活神仙的養靈明透碧天玉藏抽添真水火瑤宮凝結瑞雲煙形神俱妙人難

會空色都除理怎傳四海迴光齊奉教自然功德滿三千

贈助緣道眾二首

深謝吾門廣助緣始終如一苦精研存神默默塵無染養氣絲絲道自然開闡本元清淨主化生玄象舞胎仙璇璣斡運真三寶不動慈光滿大千

固窮守道無名全在人心運志誠一氣循

環清宇宙三光會合聚神明玉壇瑞象埋仙跡寶鼎祥輝隱化生說破內丹真口訣妙功

無住自圓成

師之舊隱崑崙朱北玉清觀號曰小

聖水實為勝地故有是詩

此函勝地古今稀緩步煙霞畫景遊三界聖賢垂顧盼一方道德盡精持雙轡香子擎花

節對對祥鸞舞玉墀鍊就金丹歸不久有緣相伴到瑤池

福山王押司因病求救

絲絲細細養沖和寂寂修心出愛河增長谷神常不漏流傳血脉永無痾全真發道忘生

滅見性通靈絕障魔劫劫蓋因功德正萬神齊捧出娑婆

留五舍人過夏

好同我處覓清涼聚結靈砂天外香四大回還清氣候雙泉灌濯玉容光調神不動災為福遇物無私陰復陽別有生涯閑度日寶經披論兩三行

脫世網二首

順天功德化生來法體光明徧九垓慧目澄澄無稍著神珠朗朗絕纖埃五方靈耀衝天

出一朵心花拂日開浩劫真容重顯現始知
處處是蓬萊

脫離世網沒繫纏已得丹成道自然紫府飄
飄飛玉雪瑤臺漸新吐金蓮神宮段段圓明
結法性虛虛照耀全內外鍊成金玉體蓋因

一遇大羅仙

述懷 二首

濁酒狂歌數十年空身放蕩夢海仙存心救
技通三界全體光明徹九天世外生涯唯我
晚壺中珍寶有誰憐東方雲海玉陽子度脫
○ 愚迷不妄傳

我當開化混三陽屯壘煙霞滿十方鍊出寶
珠含法界化生靈耀接穹蒼虎龍蟠繞積金
鼎日月飛騰照玉堂比及乘鸞歸紫府太平
國裏且和光

門人張志明問日用事 二首

吐假搜真苦琢磨體天法道養沖和三光影
裏搏心印萬法門中悟蜜多兩道清風穿紫
府六天如意出娑婆無無有有成圓指日
升騰上大羅

輝輝玉性光晴霄本是無為福慧招玄理通
融真自在妙光澄澈恣逍遙一聲仙樂朝金
闕兩道靈泉灌瑞苗認正本來真面目依師
且作度人橋

道理因緣

遇師決破好因緣與物無私合上天五道光
明攢慧性萬般霞彩簇丹田清音空外傳真
趣苦海波中運法船無證無修真了了本來
功行自周全

居塵不染

虛無疑秀結靈胎雖在塵寰道眼開酒色氣
財佗活計精神血脉自根芽都教元海同居
住任使崑崙恣往迴此箇因緣真得得無為
清淨到蓬萊

自詠 二首

東方雲海小風風終日無為話苦空一點圓
明真了了兩迴遭遇性融融三田鍛出留年
藥九載修成越世功每向朝元仙路看全真
光徹大羅宮
鉛汞相投結大丹服之立可變童顏色身澆

微陰陽數真性起離生死關八脉流通元氣
海萬神攢聚玉京山周而復始重羅列無極
天真自往還

示門人 二首

特為同流指勝緣始終如一志常堅清閑暗
使真真濟飽暖須教事事獨更向人間為實
行運同火裏長青蓮雲霞引步朝元去功滿
三千及大千

一切高明共結緣沈沈苦海種金蓮出塵香
艷難諸穢照體光明射九天開闢從初真道
眼修成無上大羅仙騰今跨古真靈性了了
都無一法傳

仙境

仙境巍巍世莫猜滿空異韻雜瓊埃霓旌絳
節朝金闕羽蓋雲旗曉寶臺三界聖真同際
會五方童子久徘徊古今不改誰能見除是
通靈道眼開

全真

我師弘道立全真始遇純陽得祕文性滿虛
空凝皓彩丹成表裏結祥雲頓超法界留玄

教傳化人天贊聖君救拔羣生諸苦難自然
寰海普知聞

遇師傳授

我嘗遭遇活神仙的養靈明透碧天心入絳
宮冥照耀氣虛丹鼎自迴旋形神俱妙煙霞
鎖動靜都忘性命全普願塵寰通此理一時
同泛度人船

贈眾道友二首

清貧柔弱喜顏紅本性儵然慕正宗更願全
神技內補使當棄假悟真空靈源固濟無諸
漏神劍揮騰殺九蟲鍊熟丹砂明火候坐看
烏兔任西東

天和地理與人安三教三才共一般性燭光
明常不昧靈童踴躍自追歡浮雲消散禪天
淨外事舍容覺海寬放蕩逍遙觀自在本來
模樣水相看

答人問安樂法

虛無大道全真設富國安民沒可越解脫靈
宮萬化生沖和氣海千疴滅定超無漏大神
舟輟出長空秋夜月一性圓明道自成周而

復始重羅列

贈新出家

迴頭欲覓長安道內外全空心上掃絕盡機
關逢香冥抽添水火明顛倒鍊烹四象與三
才吐出七情并六耗一性輝輝晃太虛玉京
自有金書報

示門人校勘功行二首

勸化行緣志在堅盡心皆與我同然金關啓
鎖玄風透鐵樹開花大道傳成攝萬靈齊慶
賀報通三世沒災愆十方眾友宜搜獲一悟
真空總了仙

天然一境實恢洪應合希夷理自同生育無
名清淨體變通不壞杳冥宗旌幢閃閃排雲
漢環珮珊珊下太空接引圓明真了了法輪
常轉運玄風

造化二首

妙行真功滿十年普同法道鍊真仙温温鉛
鼎神光綻赫赫靈砂火候全兩湊玄風通嶽
頂一溪寒玉降芝田孽開混沌觀無極豁達
靈根養浩然

保身清雅虎龍吟寂寂真慈轉古今太極本
宗開造化始清玄象走浮沈神收五臟邪難
入性滅三彭道自尋一粒大丹成熟後寶華
圓滿出瑤岑

法者

玉京仙眷我心交福注興隆禍不招地獄變
成傳道會火坑化作度仙橋開聽法鼓喧靈
嶽便整雲輿泛紫霄元始垂光弘救濟混元
三界恣逍遙

興題

前驅紫鳳舞雲光後引青鸞入帝鄉七寶洞
天常不夜九清科法普傳方五行四象明文
泰萬劫千生滅禍殃二物混成無漏體一靈
真性達穹蒼

出塵

跳出輪迴入道來玄機默默滿胃懷頓超內
外諸塵網不落周圍眾苦塵一點靈光無缺
漏四般假物任沈埋佗時跨鶴朝元去復返
天宮步玉階

贈益都統軍

本是虛無一點真降臨中國作賢臣威如遠
塞無邊事忠佐清朝用至仁不外玉陽同慶
會每於福地結良因百年定作神仙客善德
從今日日新

泰和辛酉詔赴亳州作普天大醮贈

衆

聖帝傳符出洞天金門演教慶無邊大興妙
供因緣普永保洪基海嶽堅欣樂太平齊慶
賀尊崇道德悉周全太清宮下同參事應是
皇恩第四宣

勸衆化緣 二首

聞說諸公廣化緣莫辭寵辱苦精研願神和
暢同修鍊養志安恬合自然開闢清虛觀性
月斡旋造化舞胎仙了真默默俱無漏不動
慈光滿大千

立志寧心骨化緣各酬洪願焚香煙宜搜道
理重開悟好把塵情一併蠲五臟輝輝生玉
葉三田湧湧吐金蓮十方靈寶騰空起一性
通朝不夜天

勸人棄假歸真

藉形託化仗前緣宿孽推臨事過前寶鑑神
珠遭汨沒風燈石火不牢堅諸公好把輪迴
咄一志宜將性命全收拾光明投內補悟真
達本復周圓

寄呈母親

子母修真同出家體天法道作生涯化緣處
處神明助勸善重重福壽加俗眷恩情都不
論玄門道德水無差內靈昇化投真越異日
功成達島誇

勸衆內外勤修

內超輪迴外救忙外持內照兩無妨助緣助
教功勳著扶因扶危壽命長一及金蓮離垢
穢兩般玉貌出崑岡隨時慶賀昇平圭密布
慈雲滿十方

贈淮州千戶信道士

往昔重重結勝緣心香叢叢透諸天塵中養
就真如體火裏長開不謝蓮普願搜真登彼
岸各須弘誓滅前愆丹圓果滿神光聚總達
無爲契自然

贈內侍局司丞 二首

好生濟物道心讓不必浮華錯用功自己琢
磨心垢淨佗時留駐內顏紅常行忠孝無私
曲應有神明指正宗不覺脫離生死海十方
三界顯家風

洪恩不斷古今稀悟徹塵情總不爲積德歸

依無上道累功去了自心欺萬神滂滂超生
滅一性如如弗動移佗日乘鸞遊紫府六銖
衣挂受天禧

贈遠來道衆 二首

同道知音任往還經遊聖水涉千山洗心妙
論通玄趣絕慮迴光究內闕金玉堂前烹鳳
髓煙霞洞裏鍊陽關清風皓月真堂體悟理
明宗頃刻間

吐盡塵根一物無清冷下功夫素光渺
渺開心月紅艷輝輝覆性珠既得元初真了

幹任他四大教無拘將來功滿承天詔穩駕
祥雲赴玉都

別道衆

修真道衆囑丁寧休緣輪迴死復生一切物
情皆可絕萬般塵事不堪爭身心和暢千病

散神氣冲融四序平了了時無可了玄玄
玄處證圓成

天壽節作醮

精修黃錄終真詮無限官民祝萬年普運丹
誠須薦福同行真孝必通天香煙裊裊超三
界功德巍巍貫大千一切有情登道岸太平
忻樂過良緣

仗李壽卿化木植

壽卿貴族莫辭難仁義通開生死關大藏因
緣非小可玄門消息好追攀增添福祿德具
行保養形神使內闕一志無私天地順善根
光結古容顏

安丘陳縣君出家求教

來住清朝法海中去遊蓬島不空空飢餐內
寶真元秀渴飲丹霞玉性紅一氣周流清淨
體萬神齊會絳霄宮迴顏換質無衰老開化
人天正祖宗

請惠先生修殿

惠仙能辨古今文師曠深聞性不昏學我道
遙觀寶月願君猛烈斷根塵兩朝聖帝開仙

路一舉玄科享道恩四大隨緣遊陸地闡揚
清淨好家風

贈日照縣水車溝會眾

水車灌出道芽新漸吐靈光透紫宸二氣根
元成造化滿天枝葉拂星辰玲瓏霞彩通三
界踴躍圓明出六塵結就本來真面目因師
開發悟全真

贈安丘縣令

安丘山水最清明特感忠良治此城和睡人
民天地喜豐收田斛廩倉盈因公正直無私
曲是處歌歡樂太平助國愛民功就日好窮
道德了前程

公姑問修行

公姑皆說道心濃不可奢華謬落空且悟真
修忘彼我勿令外覓走西東氣神欲得朝元
海猿馬須教鎖絳宮統攝羣魔無障礙逍遙
自在了仙功

贈文山劉彥充王仁美與丹霞觀

彥充仁美各高明起建丹霞志轉新東海文
山真古跡西秦師祖舊良因周全外行舍空

界混合玄功出世塵更把浮華都一擊迴頭
便作箇中人

贈關西呂清元充寧海威儀

清居寧海列冠裳絕頂蓬壺是故鄉竅考丹
經窮造化安存靈物免悲傷焚香祝壽功無
失報德酬恩道自昌動靜應和天地理他時
雲步禮虛皇

寄萊陽宋二先生

書寄萊陽宋二仙舊人用事必精專適因幾
處修齋醮速可同來結勝緣莫把勤勞如世
務須知清淨種金蓮全真內外功圓聚萬里
迴光透碧天

買杏山上清觀

東方雲海訪諸公各願丹成立祖宗三界十
方通一化普天眾聖演真真空皇天后土垂洪
福吉事遐齡表善功拯救人倫弘大道遞相
關度好家風

示眾

修真法會信深洪布祝先天大道通無內化
生闕活計有中變鍊好家風清音歷歷衝雲

漢玉性靈靈話正宗傳報世間明子細東方
雲海證圓融

贈李節判明成二首

既叩吾門訪道流勿令愚昧度春秋日魂月魄依時取未隨鉛精力收都集神明朝玉帝重開慧目賞瓊樓丹成內外齊升降有箇無為笑點頭

清心內鍊一輪光演道開真滿十方積德任教神鬼敬願真休被物情傷陰陽顛倒人難見性命圓成世莫量法界靈明俱透徹巨容天外自飛揚

贈文山修觀道衆

體天法道做修行天地人倫一化平若運肯心常不退汝明玄理悟無生葛洪萬卷終歸道惠子千箱謾數程爭似一超真實地本來功德自圓成

隨哥問修行

清淨身心養氣神烹金鍊玉出迷津三田暗種留年藥一旦欣逢不死人五道天光明閃爍六陽地氣發迤邐熏蒸關節透肌膚定是

朝元謁紫宸

長欄于二郎退道贈之

初入吾門衆盡欽誰知無分作知音青霄路速年光近黑簿名高地獄深范蠡張良非易學鑊湯劍樹不難尋將來受著無情苦悔縱顛狂一片心

盧宣武問道

一氣昇沈合大丹始知靈物自迴還收藏寶壁歸中位剔撥天機注內顏光綻九宮觀世界道成永劫列仙班青鸞穩踏騰空去從此清標鎮海山

贈卜者

推窮天理甚分明特與時人浚因程解察陰陽時否泰能通日月數虧盈順行九曜災難及復變三陽禍不侵莫待無常天限至和賢盡總落深坑

商河縣會衆求救

商河真遇自迴光步步玄風貫故鄉雲路交參天浩渺陰魔消散性昭彰清音歷歷為山鬼靈耀團圓滿玉堂一旦出離塵世外蓬萊

水水得清涼

都下張鎮國問修真

靈明納在性懷中固帶深根謹用功有寶莫令他物盜無心且與世塵同包藏微密真如顯補惜精華法海空瑞跡仙蹤無斷絕了然直赴大羅宮

北青州船戶張長者有問

一棹空舟越世間飄飄雲路列仙班運持靈秀攢金鼎把握陰陽轉玉環永出洪波離愛海就揮利劍劈息山蓬壺閬苑仙遊處一念心灰盡可攀

贈門人南呂哥

曠劫根源子細搜須知此箇好因由千祥丹谷收真彩萬派銀霞注逆流金木河車搬鳳髓癸丁鑪竈鍊霜髓周天數足神丹結五色威光簇十洲

泗州任哥問性命事大

圓融性命不為難孽盡光生道往還定息絲絲通正理安神默默鎖玄關收藏真秀丹須結打破虛空性自閑一顆靈光超造化雲車

搬載玉京山

贈蒲臺縣徐上押

念身四大足虛浮藉假修真別有由至道希微無斷滅元神脫灑不淹留温温鉛鼎金光綻寂寂靈宮玉焰收有箇主人當面立相逢拍手笑無休

示門人

虛无清淨立金壇撥剔輪迴生死關情性調和如止水氣神交結若回環靈珠燦燦騰雲外鶴駕飄飄出世間直到大羅天界上恁時歸正好容顏

寄萊陽長瀾珠四翁

書寄賢明孫四翁微微鍛鍊我家風澄澄察身心淨冷清清事物空細細綿綿還大孝惺惺了了返雲宮願公齊力弘真教普化人人悟正宗

登州會眾遊聖水贈之

法眷知音任往還雲游聖水涉羣山暫離百結塵埃網時叩重玄祕密關性上發生真智慧壺中認得古容顏全身放下無諸念便是

逍遙自在閑

贈寧海州王一翁化為醜首

請公目下細斟量既遇良緣便可當家道興隆因建德福星臨注必除殃願人有幸扶玄教學我無為達上蒼四海存亡都一化立教地獄變天堂

寧海太守屢嘗書召以詩奉荅

信香不斷累相招自有存心養瑞苗禁制姦邪因德政恤憐老幼顯誥誥常蒙帝闕恩光降足表忠心福行昭伏望功成名遂日也來林下論道遙

贈明水公殿試

心靈神喜悟真常日日無私達上蒼休帶儒門求外顯好搜道理惜元陽萬塵根斷超三界一舉功成貫十方試把前程相比校為官何似到仙鄉

答沂州趙知法問修行

雲蹤不斷瑞陽開悟徹塵緣心自灰但覺身中清一氣漸看鼎內聚三才青龍白虎鳴哮吼赤鳳烏龜戰往來羅列周天同際會道成

自有紫書催

贈揚都目化緣都下幹當教門

助緣諸物順時來都下光明轉轉閑不憚辛勤成好事須逢吉慶遠非災舊藩圻了重修奇善氣將殘復接栽深謝聖恩功德力願祈洪祚等天台

別遠來道眾

清景自下列相知普化人天處處齊若解靈中文日月便超空外步雲霓未歸蓬島朝真聖聊向塵寰度執迷好惡是非都不挂任他烏兔走東西

贈修真觀廚張

廚下清河志的端莫令拋撒謹修完精嚴每感諸仙喜節儉能招百行攢既向福田常潤益自然心地水舒寬他時功滿離塵土一顆神珠始得看

示門人 藏頭拆字二首

開法眼內無憂肯精持百行周吉遇遭金口訣言叮囑道宜修田上下通來往氣循環任自由載仙班雲外列圭服了忘遊遊

昇火降內觀修是人非物物性却臨金地
旺魂還向月宮囚傳丹訣真師見顯靈光玉
液周慶無涯真得得絲不昧任優游

張五郎問修行或頭折字

友纒蘭真道德曰不覺悟清涼山玉璞離塵

土性芬芳天外香累金雞常顯瑞頭丹鳳每
呈祥年成就無為理家金書度五郎

贈揚解元撰三字

來問古真宗相知盡始終子居塵世裏我離
有無中信受明真理三光話苦空竝超真造
化出現赴蓬宮

徐福店小宮姑毀容截鼻處志慕道
贈之

毀容截鼻志彌堅為脫塵緣結道緣一著根
源超等輩兩通盟著透青天三光密照開靈

慧四大冲和道漸傳光綫五明常不夜六波
羅密吐金蓮七情除滅圓明聚八洞神仙同
受宣九曲明珠穿頂過十方世界任周旋

海市詩并序

暫別東牟西遊登郡漸叩古黃西臯過海市

垂光顯異乃與道合真也故曰皇天發泄大
道舒張披三光而下降稟一氣而上昇萬化
人間莫知其道也是乃長養諸天大地冲和
四序炎涼洞煥太空化生玄象混同萬法之
根源符合大羅之眼目因借東坡韻述懷

水晶宮殿鎖晴空萬象澄澄碧海月中裏垣
娥觀寶鑑日中仙子翫珠宮乾坤運明真
理混沌重開越勝工萬道毫光攢坎虎千條
赤氣罩高龍滿空聖眾扶圓蓋玉女金童策
主翁紫霧紅霞纒綻處玲瓏七寶現威雄神
風靜默驚山鬼萬化參差世莫窮光壓水天
無勢力吾真三界得冲融放心天下無違礙
四大神州飲幾鍾雖說東坡真上士足知大
定勝元豐古今諸勝釣鼇手不論泥沙碎鐵
銅以道治身功行滿大羅天上一家風

復用前韻

混元三界俯觀空隱隱山巨海中和氣流
傳生瑞象清風明月透靈宮天男天女從空
有絳闥瓊樓匪世工滾滾波心生玉虎炎炎
火裏走朱龍泥丸公子鳴天鼓紫府真人舞

醉翁聚集萬靈同慶會飛騰八極示清雄掣
開今古神方秀劈碎虛空理不窮永永長生
超造化明明無相自圓融上今百代登霄漢
遂享洪恩過萬鍾助聞玄門扶內教方今清
世樂真豐仙胎道骨居塵境恰似良金混錫

守道

銅直待紫書親詔喚恁時顯出我家風
金精玉髓結神胎夾脊光明兩道開灌頂醍
醐生萬象二輪日月射瑤臺

絲絲若存

認得虛無動靜功流精實壁賞無窮周而復
始重羅列仙韻琅琅聒太空

返樸守拙

本源無漏定長生千葉金蓮耀日明心性了
然同一體希夷大道自圓成

溫溫鉛鼎

一氣清虛攝萬靈萬靈都會見圓明明明內
外天光結波證蓬萊沒死生

光透簾幃

純陽開化上衝天放出神光養瑞蓮道氣周

流通子午桂花吐焰照無邊

造化事馳

兩賢堂間風雨乳龍虎爭馳鳥兔走刀圭入
腹鬼神驚大地羣魔齊拱手

虎龍交媾

五色天光聚本容虛無運度杳冥中玉陽到
處仙歌聆隨步金蓮見太空

清濁兩分

順氣流行觀自在迎風歌曲醉沖融清涼境
裏神光燦漸轉虛无大道通

王公問如何學道決了生死

虛无元氣結神丹開闢輪迴生死關枝度十
方三界苦一靈真性自歸還

又問如何體天法道

大道不離開化數迅雷無失自然功推窮此

理皆同體應變人天弗落空

贈門人王哥

修行拍碎我人山脫俗超凡絕往還平等常
持心正直他時昇入碧霄間

張公問頓悟

達道空無一物形隨機應感度羣生重達浩

劫天元主了了輪迴十萬程

遊行

開觀山水遊蓬島滿地白雲風自掃暗想浮
生極苦辛誰能修此無衰老

得物

烏飛兔走入中央恍惚靈源得妙方一粒刀
圭通九轉昇騰變化滿宮蒼

悟真

悟來切切認真歡灌頂醍醐一氣寬大道沖
和通子午內靈光輒出泥丸

辨道

清濁浮沈復往來昏昏默默口難開雙眸不
欲觀乾象耳鼻通靈吸秀胎

順化

顛倒循環似醉人不憂不喜內全真精神動
處靈波滾三界清虛絕點塵

歸真

悟徹根源一點深靈臺願養紫芝金金光湧
湧超生滅玉性輝輝了古今

救生

會救空身一大災輪迴生死不能該靈源神
水透玄谷四序仙花火裏開

養道

昔年東海會初夏多謝明公管顧恩卻返仙

都聽紫招鈴開玉戶入金門

傳善

功圓行足自朝元莫越清時結束緣普願恩
迷歸至道助修真稿滿無邊

道光

衆立丹陽顯異碑端文仙跡妙雄威包藏微
密起今古補惜先天造化機

達本

虛心實腹志精專捉馬擒猿竟了仙清淨無
爲行大道不須苦苦問青天

識諱忌

十二時中善惡重錄抄名件覆天公校量功
行無虧失洗補仙階不落空

黃縣女冠劉志妙問日用

搜詳日用苦精研觸目迴光百行全預已錄

真弘大道前程自可誠諸愆

四會開化

七寶金蓮瑞氣濃玉華平等我家風三清上帝通真德一派光明處處同

蒼文登七寶會下見君

深蒙寵召布橋梁講論無生不死方七寶金蓮同結秀諸天慶會滿空香

劉公求三寶真訣

全身光結紫金丹須得靈明認內開會合五田真口訣聚神一撞過三關

金蓮會眾求教

法會因由道自然沈沈苦海種金蓮温温鉛鼎神光統輟出丹砂射碧天

復和

復本還元遠自然虛無清淨變金蓮通融四大心丹結萬道霞光出洞天

了真

黃金藏裏翻身出玉秀瑤池一點開風月飄飄天外境住行坐卧是蓬萊

贈福山仁壽保柳枯

今古真慈設大功三天始遇信忽忽愆紫漸漸通玄妙得一方知道合同

大定十五年有門人初志常欲往關西叅丹陽公師曰何必遠去他日此

處相見然不可慢汝之志作是一絕

寄呈丹陽公到彼履視言泄天機後

果東還

山東東路有真修本德為鄰自免愁一二三連一二九陽光滿向東流

觀遊歷道眾

道行仙功心上求莫隨波浪逐輪流愛河苦海翻身出一點靈光達岸舟

登舟李會首乞孝道頌

天池虛無生育恩出家須認道之根龍吟虎嘯明真秀女妣嬰嬌惜至尊

贈門人子了一

宿無靈骨護修仙遠本方知道自然減口忘機絕視聽巨初面目可周全

楊先生索守道詩

始初守護日精華暗種芝田養瑞芽漸透玄

關衝頂過滿空光結紫金砂

敬三教

三教同興仗眾緣真空無語笑聲連放開法眼全玄理蓮葉重重作渡船

捨俗投玄

絕盡塵情一點無自然無相下功夫明收四序先天景混沌三光結六鍊

詠查山石芝

日月精華結瑞苗玄光真氣內含包能滋五臟生金液暗補全身肌骨牢

讚黃籙精嚴

星壇月殿溢香風走鳳飛鸞聞玉龍讚動三天諸聖降度魂皆得步仙蹤

贈樂安藥舖王二翁

神農本草非為貴天上芝蘭味莫窮好把神丹超世藥山頭醫取主人翁

門人初小仙乞守一法

一點靈明認的端一輪皓月永相看一身神氣呈祥瑞一性騰騰萬化安

贈北青州道眾

出家道衆謹恭詳皆可達壺認故鄉攢聚精
神離苦海放開心月養和光

雲光集卷之一

連五

三五

雲光集卷之二

連五

詩

聖水玉陽王處一撰

大定丁未十一月十三日初奉宣詔

上騰和氣徹三台下布祥雲徧九垓化出空

中清雨降道橫四海一聲雷

到滄州無棣縣新豐村皇親四官人

道菴盤桓續奉聖旨委天長觀大德

宣至十七日復委棣州七駙馬支起

發錢二百貫臨行贈衆

諸天仙眷滿空浮帶我容光西北流統攝萬

靈澄浩渺翠光撥弄紫雲頭

入天長觀

入得天長正位宮交參殿宇映重重金壇玉
壁朝元像七寶玲瓏顯聖容

朝真

連五

香散雲霞接太空祝延震動絳霄宮羣仙共

集煙深鎖大德清朝講正宗

入靜位

法門玄教鎖雲空四大和光靜位中門化諸

天真妙道收神明月與清風

宣詔

恭惟悚息定神光閉目祈聞聖語詳伏願天
皇萬萬歲迴心三寶結嘉祥

賜小童侍伴

天恩不斷尺宣差特賜靈童運聖懷仰謝吾
皇功德力敕修道院謹修齋

賜紫登壇作醮

飛龍走虎下天來光滿金壇紫宴開八洞瑤
池空裏降昇沈天地一齊迴

戊申八月告暇還山復經滄州皇親

四官人請為黃錄濟度

恰如殘雪遇春光一切諸靈罪已亡萬物欣
榮逢道化瑞雲洋溢滿宇蒼

在聖水本觀夢中得此一絕後經七

日重宣

連五

紫府真人玉路催諸仙雲集走輕雷滿空光
顯瓊瑤象策命金書自往迴

世宗寢疾因憶特差近侍內族詣聖

水玉虛觀傳宮本乘駟馬車速來

八月中秋得暇迴洞天遊賞恣徘徊戊申臘
月重宣至駟馬輕車晝夜催

至巳酉正月初三日到都世宗已於
初二日崩少主即位宣使不敢奏見
遂乃還故

先帝昇霞注萬方洪恩厚德豈能忘公卿不
敢當今奏卻返雲蹤入故鄉

衆官員索

清廉正直應仙方福注興隆壽自長一一雲
收心月現實光攢聚紫芝香

黃錄滿散贈衆醮首

性靈空界別行香上祝皇恩徹萬方欣樂太
平齊設教寶華園滿自清涼
亡者生天更不疑見存烟眷受洪禧既知真
聖垂加護莫作欺謾度歲時

隨朝衆官員索

清時一氣靜乾坤萬壽無疆祀至尊四海盡
修無上道普天俱報聖明恩

贈劉先生

萬般方術都歸假千種機關總是空唯有靈

明常不壞百年隨手一團風

贈崑崙山東華契遇二菴道衆

東華悟得謹修持契遇方能種紫芝目下不
離清淨境將來一會赴瑤池

內照

一點靈明自得知莫從外假恣驅馳住行坐
卧心無病有箇真人緊廝隨

三人同志住菴學道

三人同志叩玄關認徹無為鍊大還功滿脫
離生死海各携雲朵赴仙山

了道後經半月空中忽現真異

仙語靈靈報下方想知決是馬丹陽飛神教
拔諸州難滿國欣榮坐道場

仙期

龍轉洪波去便休虎奔巖下是程頭凡人證
果神仙位行滿功成沒戀留

黃錄醮抄亡靈

透相隨處廣抄靈正直無私絕愛憎孝子順
孫同薦福拔亡解苦盡超昇

贈膠水孫哥

吐假搜真自琢磨精持無漏養沖和萬怨滅
盡靈珠現穩穉祥雲上大羅

乳山巡檢丁憂告別贈之

東書一到痛悲傷千里區區返故鄉我即昌
陽當濟度不能奉送亦回惶

寧海于公處乞錢買酒得四十六

買酒乞錢四十六通流五藏潤玄谷三田滋
養妙精華般運周天萬顆玉

福山張會首告出家

脫塵仙路好追尋背境觀心絕外音業盡道
生通秘密周天闕採紫芝金

示遊走道人

無限機籌總是空先天真瑞不相同本源覺
性成拋廢謾打輪迴一夢中

范用之索

輪迴苦海何時徹即可迴頭持猛烈愛子憐
妻度歲華百年寬苦空凄切

王六翁問學道

父母元陽謹謹留休教潑水再難收深根固
蒂無生滅暗解黃泉萬古愁

釋門張善友索^{二首}

一點真陽混始初仙家還有世人無神光萬象皆羅列日月飛騰大藥鑪

晨參夜禮轉金經雪白蓮花心土生更願悟真投內補進修百行證圓成

偶題

修真暫請別雲軒無質心者噴九天光發內靈除染滯玄功妙行滿三千

焚燒船網

救生戒殺契真修百禍消亡福注留心上化成玄妙理自然神氣得通流

贈鄧庫官

支收諸物細區分處正無私沒一文養浩又能通秘密始知內外總超羣

文登李公問真日用^{二首}

聚集靈煙入玉壺銀迴鉛錫出神鑪剔開玄道金關節火候仙丹過尾閭
悟真暗把內丹燒寂寂玄風養瑞苗漸透靈臺穿頂過了知平地上青霄

詠桃園

紅芳映日賞桃花此是人間景沒加奉勸諸公歸物外洞天深處更堪誇

黃籙大醮破用無私

支收買賣事紛紜各體無私抱正真內外都教忘懈怠存亡方得出沈淪

登州染韓一翁索

會染青紅皂與黃其餘雜塵同行不如內鍊真顏色赫赫天光晃十方

昇霞故題

走電飛雷擊太空先天大器恣威雄妖精魔怪隨風散獨顯圓成道德功

登州京王三翁出家贈之

不露玄機不出家出家心穴像塵沙本源覺海空拋廢忘得沖和發道芽

棣州崔殿試索

玄元大道不難通橫志清剛萬法空一氣包合天地隨了真直赴大羅宮
牛殿試施簡板求教
物物洪纖總合真都緣方寸得良因從教混

跡浮華境透體金先不染塵

田殿試索

虛闕境裏種芝田撮集精華結瑞蓮萬化內投清淨主洞觀無礙了真仙

濱州高官人索

欲脫輪迴生死關始初一點絕迴還忘情內鍊真三寶贏取逍遙出世閑

樂安樂鋪王二翁索

仙藥蓬壺不遠深時時內鍊水中金寶光發散衝三界便是靈明了古今

濱州七官人病愈贈之^{二首}

虛元元氣結成胎清淨光明轉往來會合三田無漏泄遇真一點可迴駭

米麥精華發道芽玉堂尊養紫金砂三才四象空輪轉九載携雲蓬島誇

贈萊州李孔目

事物洪纖總必知官司堆裏縱施為前程若到身危險悔不學他張今資人^{今資乃唐時史遷純陽出家}

嘆世

貪愛欺謾不欺心。心無真用禍須臨。本來神氣都消散。虛打輪迴戰古今。

鄒郎哭妻求教

深藏內秀朝仙闕。敗散靈根落土丘。兩路教君知損益。了身方術細尋搜。

贈于宅結怨無勸和

結成大怨如山嶽。萬禍臨頭猶不覺。累子害孫坑祖先。輪迴苦海爭頭角。

贈福山由官人

倏忽經年二紀餘。外容減之內精枯。無常催逼頭如雪。悔不修完大藥爐。

萊州劉大官人索

悄悄心停萬事休。淒淒無相把根收。澄澄觀察無中有。穩穩孤乘般若舟。

閩西董先生索 二首

搬精載髓過關來。夾脊光明萬道開。灌頂醍醐生瑞象。二輪日月射瑤臺。

這箇靈明不外求。玉堂絕學萬神留。烏光兔靜重羅列。赤鳳青鸞笑點頭。

夢游仙

醉卧高空翫大羅。誰人會我養冲和。瑤宮紫府親曾到。玉印常持勦萬魔。

贈萊陽二將軍

將軍遭過活神仙。返禍成恩福慧遷。更願收神投內補。本源清淨得延年。

丹陽致鍊無上道

丹陽致鍊無上道。東海西秦通受教。復返雲宮度歲華。這迴了了全真劫。

化俗

頓地俗海慕仙風。掃蕩塵緣萬法空。道遇先天清淨主。如如不動自威雄。

化六親

物物般般盡打迴。勿思寵辱自心灰。情忘愛絕瓊花綻。靈寶光明一點開。

化薊州玉田縣田先生

玉田靈寶結神胎。天地光明內往來。四大無生真了了。方知處處是蓬萊。

贈在都修真觀大眾

固窮守道苦叮嚀。觸目無私絕愛憎。一切女男如父母。自然心地得澄澄。

出身

三界空虛一主人。脫離天地倘難倫。常番萬化欽玄德。普釣鯨鼈出苦津。

福山姜姑問修鍊

學道猶如火鍊金。真金鍊出紫光深。玄宮運用身三寶。一顆圓明了古今。

贈李趙白三人作道伴

各悟浮華到底空。三人同志積真功。通誠內論希夷趣。以道相傳正祖宗。

嘆人未悟

人人不悟道根基。日用張羅沒盡期。耗散圓明無倚託。死生災厄緊相隨。

贈于公在家修行

萬般塵境任鋪張。千種浮華莫論量。正已存心行大道。性靈何處沒三光。

贈聖水山脚

聖水周圍奉道流。好於法會細搜求。修成內寶仙無老。洗滌身乘般若舟。

贈李講師手鑑

稟選真聖祝三光。發散祥煙滿十方。攝化本

源無有性虛无浩浩自馨香

會真

始青縣象在其間聚散三神一粒丹元是大
羅天上得有時相會各欣歡

詠治

二氣沈沈在混冥五光浩浩運無停剛風搖
動紅鑪熾鑄就人間萬物形

充本州黃錄濟度贈李講師

九朝法事謹宣揚供獻諸天禮十方士庶官
僚回薦福立身行道藝心香

濟南府張哥索

濟南西北藥山間陽氣昇騰合大丹何不故
鄉餐玉秀卻來我處覓芝蘭

中都張鹽副問超生死

本無衰老與來生只為塵寰染俗情惹絆精
神留苦海性靈無路得圓成

贈本觀高道人

玉洞收藏真玉髓金鑪鍛鍊紫金丹三田既
濟誰能悟五臟通明自得看

謝人寄物

公書香果已親收迴奉俱無闕拜酬有相因
緣當絕盡無形富貴好搜求

戲題鄉人多不信事

金蓮七寶我封裁充貫清朝處處開非是玉
陽無道德靈山尚不重如來

因丹陽一聯續成

清淨幹開壺內境無為踏碎洞中天靈明混
合諸天地大道空無一法傳

謝于公惠炭

二氣夾源萬物昌三秋鍛鍊去皮傍玲瓏五
色騰空起滅盡塵緣性骨剛

因別樂安空中忽有靈異響報

三界雲與聒洞天經於耳目不凡然慧人把
握玄鈞線鈞出輪迴決了仙

隨姑問心王

心是諸塵大法王莫教顛倒逐飄颻自然內
外真空結卻返蓬萊認故鄉

贈濱州大妙堅

清淨仙功使不難損心物物事休干神宮運
度真三寶七返圓融換骨丹

贈無隸縣林孔目

默辯藏輝道自生內停真遇性靈靈氣神交
結還元海寂寂無形出有形

贈蒲臺徐上押

保持精秀骨中砂引虎調龍養瑞芽無相寶
瓶晶火聚沖和四大步煙霞

登州小謝在病以此寄之

汝可頻頻進飲湯滿懷貧樂絕悲傷苦緣受
盡天開眼有分徐聞仙路香

勸眾道士

寬著肚皮弘大教放開心月轉虛空任從一
點空昇降不打輪迴無有中

贈劉從真

修真劫劫重修累積玄功得岸舟大志衝
天無量尋漸通仙路任悠悠

贈沙河道友

妙道真空塞世間俗流不認是還丹生身立
性因元氣養浩都離萬苦端

贈蒲臺劉四官人

吾官福德已清高更接雲根固濟牢海底火

行天上水虎龍交構列仙曹

贈鹿齋山會眾

鹿齋會眾莫沈埋內照三光性燭裁真化自
生無苦厄寶華圓滿上天來

小心

幼慕清虛學軟柔無心世路問蹤由只憂生
死無門趨獨倚空山瓦徹頭

遇師

慕聞高道抵山州三教通連一路搜萬法塵
情俱絕盡草衣木食契真修

投師

宿契心交見便休了真師弟勿言留玉堂同
會無生忍不露玄機笑點頭

述懷

大道元無一法傳悟來拍手指青天性靈密
與虛空合始覺光明滿大千

化生天道恣逍遙玄谷嘉祥舞六么日用循
環清宇宙了知平地上青霄

臘月二十二日齋憶丹陽

奔逐玄光宇宙空大丹一粒醉雲峰仙兄今

日朝元去圖畫昌陽顯異蹤

赴滄州朝元公請

黃河泛溢接諸方隨處生靈盡被傷即赴朝
元同會話急修黃籙禱宇蒼

孤心一點結知交方外清名轉轉高通閣內

丹光滿後道成宗祖出天曹

功成

大丹光滿自通天守假盈軀待聖宣
外濟十方三界苦內朝無上大羅仙

寄雲中錄并此一絕獻金紫夫人

清音妙行無私曲滴水之恩難忘足容向仙
宮遷紫陌姓名預備雲中錄

王妙真索

透骨絲絲道進程靜中時遇性靈靈兼修百
行無迴轉獨舞胎仙宴玉庭

太原張哥問收心

心生心滅在心休心上光明謹謹收心性了
然同一體虛無大道自圓周

贈道衆

了心心外顯真修敢把紅塵一拂休披正本

源清淨主同乘法海大神舟

徐公告救治

昨宵來日與今朝催促輪迴福禍招不若澄
心常默默依時養種玉芝苗

贈蒲臺胡四翁

先天之道細精搜全體光明上下流鍊就圓
成遣濟度便乘丹鳳入瀛洲

孝無不順上天知更熱心香透骨肌紋披陰
囚離苦厄志誠自得道扶持

莒州王哥索

一氣潛通萬化榮滿空吹散紫霞輕摸開天
地真心藥拍碎虛无道自成

仙韻琅琅出洞庭桂花香散滿空馨迴顏換
質無他事服了刀圭自有靈

勉劉三立身

人天之道立身難莫與兇邪共往還百行不
離真孝道未明如隔萬重關

贈萊州路會首

蓬島蓮宮沒託生亘初一物恣通靈三田九
鼎光難聚七寶金容豈見形

透骨流光心月香心香流注結真祥三爨五
苦隨風散百鍊沖和晝夜涼

馬大翁索

扶持內教性靈靈五色金蓮葉葉榮日用脫
離諸苦厄道芽仙福自然生

朝元公索

黑水紅雲化度真沖盈血脉益精神龍蛇蟠
繞光明聚白馬嘶鳴身外身

贈招遠三寶菴道眾二首

三寶騰輝出土來暗中換卻舊形骸仙風道
骨端嚴秀有分朝元步玉階
勿違國法莫欺心三寶光明自照臨認正本
來無相物一輪圓耀出瑤岑

徐公求口訣

日落西山性命枯速修速鍊下功夫灰心漸
得無長老陰盡陽純樂一鑪

夏悟真

本來面目向心開黑白金精盡點迴顛倒猶
環真火候無中自覺產嬰孩

龐哥說道贈之

一團頑鑛未曾磨雪刃冰鋒講密多臭爛皮
囊呼不二腥膻臟腑作天和

濟南張悟道索

不在頻頻問玉陽大家性命自搜詳玄宮仙
藥朝元設法海心珠了道方

外人相據

登萊雜密謾稱揚悟達賢明在裏廂日用進
修真大道普官教法滿諸方

贈牟平胡村劉大翁

時時用意細看詳心友無過擇善良參透玄
關真實事立身行道免災殃

嘆趙守一業重

業通三世罪寬深急急修真小著心禍滅九
陰除外假福生十地善緣臨

周抱一問生時狀

保生鍊出水中金逆擲神光妙行深抱一無
離澄正覺九陽都會盡除陰

自詠二首

超世清閑自得着了心同達上天梯虛無靈
寶圓光現照破昏衢永不迷

教門喜事一重重法會因由漸漸通信士往
來常不斷遞相傳授演真空

宮哥索

玉鼎金鑪鍊道芽翻騰今古小仙家萬神集
向無生路異日功成蓬島誇

萊陽望石神廟戶孫大翁十首

市民不住送名香薦福祈恩降吉祥昔日真
仙留古跡引人登此望仙鄉

每年季春三月三日聖水聚會是日
道友請說教遂作

聖水三三聚貴豪志誠祈福不辭勞為憂生
死同參論演大因緣化一遭

李大翁年老言日前錯了修行

欲把枯根復接栽世間萬事使心灰從前邪
氣離身去無限神光入腹來

謝王六翁惠香茶二首

深蒙頒惠好香茶同願迎光養瑞芽雷震一
聲分造化瓊漿玉液溉丹砂

三紀迴還訪故人十無八九可傷神光光水

祿重明秀道化依前日日新

寄長春丘公

身心內外結真祥香有玄科透骨涼凡聖同
源真喜慶人天寬布降仙方

贈內族縣丞

功臣內族格清高無限天恩同邁遭孝道雙
全人罕及他時林下訪仙曹

贈陳內奉

古今立法莫虧公念念無私演正宗澄察本
來真面目不違天理道相同

福山請主醮二首

長春高薦請書來便可奔馳免復催官吏市
民同會話莫知心印有誰開
吾鄉信士速相傳紀率名公結勝緣孝子順
孫同薦福新亡速化盡生天

贈宋解元

擲釣曾釣大鯨鼉搖蕩滄溟濼怒濤但願有
緣相濟會從之無不列仙曹

勸出家小童

第一須親德行人慙慙進道勿辭辛事功奪
行存終始方可通靈悟本真

福山高萬尸被差北征索

存忠竭力發威雄一擲麾關顯大功收得江
山歸聖主嘉名稱讚滿寰中

贈文年新出家眾

傳報清音滿故鄉文年法會愈恢張遂相弘
闡真空理七寶金蓮處處香

贈關西王遇真戒乃丹陽公小仙

戒付關西王遇真好憑妙理養靈根有緣靠
著真師範代代流傳道德恩

文登小崔欲出家二親難許不放

出家彼此福星臨爭奈頑愚不盡心一點俗
情無斷制故違天道罪根深

本觀三清暖帳化緣

興修須假眾因緣故向人間立福田更願迴
光搜密妙方知內外普周全

贈楊都目

都目精持道念深教門有分做知音添神補
壽光明衆退志違余禍必臨

禪門求教二首

真禪真道發真功真善真慈真苦空真樂真

閑真自在真修真鍊顯真風

真心真覺得真歡真行真功做一攢真悟真
玄真了了真空真化永真安

本觀書催還鄉

他方緣厚迴程晚到處因深起發遲大抵不
離弘教化此身行止任推移

中秋二首

八月中秋晝夜涼周而復始本真常明開天
地無瑕寶一氣清寧顯玉陽

秋雲消散碧天晴一顆寒光海内生照透玉
壺神彩結三田流注自圍成

了真

了真浹作大羅仙卻向人間普化緣搜覓鯤
龍朝上帝蕩穢浮世降重宣

贈張先生饋醬

陰陽精秀發神光得法調和一味長普勸人
間依此做若還食了永清涼

贈鄭先生

塵緣物物莫推窮用度千般總是空搜正本
源清淨主儻然猶見自家風

丘玉焦三小童頑劣以此示之

忽起狂心覓出家愚頑乖劣度年華因何恣
縱難調伏都為根源福不加

贈古縣陳公三百

萬法皆空莫亂猜元初一點絕塵埃還同出

水青蓮朵時吐幽香遠後來

道化三才天地人誰能達本復全真休迷陋

舍空衰老下手修完身外身

出世登真本不難萬緣無礙肚皮寬三宮運

度留年藥七寶圓成換骨丹

贈嶗山鄭先生

志堅心穩住嶗山華蓋古時曾茲鍊大丹無

限峯巒深掩映自然塵事不相干

按察使夫人因疾求教

古今生育道之常爭奈人皆背此方不惜本

來清淨主色身那復得安康

述懷十三首

大道無形生有我運行玄理出崑岡三光潑

潑流真彩一氣炎炎化玉陽

無無有有道真常寸步香花貫十方大悟靈

明滿天地住行坐卧觀三光

一點靈光空裏開空來空去沒輪迴懷包日

月通今古混沌無名任去來

浩劫容光不動移體天法道道無為自然變

鍊真三寶生育乾坤萬化垂

頓覺沖和發道芽三五漸凝真氣結丹砂二十三才四

象通顛倒方信蓬萊是我家

截般靈物體真閑把握圓明認內顏躍出元

神超造化飄然一撞過三關

無相容光內照真先天地作良因清心裏

面神明會一顆金丹出六塵

跳出輪迴造化間滿空真聖列雲端十方三

界堪遊賞隨步天光輟玉壇

認得元初一點靈無修無作了無生混同大

道真空體步步逍遙赴玉京

本源覺海聚神靈萬物同歸一化生要復本

源歸覺海無為功滿自圓成

光明攢簇一神靈千葉金蓮觀足生出離十

方三界苦不勞修習自圓成

悟真達本慧根通應化丹誠演苦空般若波

羅無罣碍希夷大道惹圓融

寶光圓滿欲情枯一切浮華過眼空鍊就金

丹無打算神仙何處不如如

題濰州石橋

七竅玲瓏湊玉泉法橋大度我同然搬合載

古誰能悟為向人間接有緣三十一

對月

真空境內現青霄寶鑑何曾有動搖若解憑

斯為體用方知神性本昭昭

題雲光洞二首

昔日雲光鍊大丹丹成頃刻變童顏上祈浩

劫天元主下披輪迴生死關

日月交飛射紫霞清虛朗朗徹天涯明開道

眼人難識頓覺蓬萊是我家

門人韓道溫往鄉中給公據求教

金花玉蕊結神胎橫志清剛別有階金骨鍊

開真玉性化生無相不沈埋

贈福山牟城柳二翁

一點真空沒處猜箇人心上把芝莪周圍種

下金蓮子自有良時道眼開

贈門人王守正

輕骨迴顏立本初清音妙行遠無餘還元一點開真性躍出神靈晃太虛

贈李志詮住白龍洞

白龍入腹化生來萬泓天光浩劫開日月昇

沈當日下坐觀依約見蓬萊

庚午年師在薊州王田縣因醮罷謂

衆曰北方面道氣將迴空中有神明往

來刀劍擊觸之象莫非生靈將受苦

邪作詩與官民為別繼乃北邊有事

○大道光明一併迴十方雲陣走星露皇天后

土垂真象世務浮華一點灰

憫世

世凡不悟道根基生化乾坤應物機會得此

般玄妙趣自然神氣達幽微

贈荅州千戶

一炷心香達上清無為妙道漸圓成高懸寶

鑑塵難昧照透前程萬劫明

虛無一氣化生來天地陰陽結秀胎浩劫真

容超造化碧空懸象絕纖埃

聖水洞南澗下澡浴請眾去垢作

大衆皆當赴浴池脫離塵垢絕昏疑各持精爽成修鍊千古如如不動移

脫垢明清出浴時人人方表沒瑕玼滌除內外身心淨一點真空步步隨

赴山前醮

苦海奔波出離難了真隨處布香壇登山涉水無辭訴技度存亡此願寬

謝宰公惠鄆州薄荷煎丸

濯頂醍醐一粒丹滋開千古好容顏芳華鬱

暢靈明顯撞透輪迴生死關

無爭

古往今來幾變更難逃生滅契無爭無爭自

是人稀悟若悟無爭道即成

靈童

出家一片始終心徧體光明照古今漸透靈

臺衝過頂迴還妙道罕知音

玲瓏玉焰一丸丹都出心田萬化關補足仙

功通道行太平端坐赤城山

喘息沖和萬化道真空迴出有無中宜符道

德真常理都在巍巍一性宗

別登州

雲收霧卷好閑遊已入圓成又復周明有大

羅真指示便承此理別登州

贈萊州李節判有意出家

脫俗搜玄自得知亘初一默合天機吾門自

有修仙訣顯武先生依不依

證明三寶作生涯天地中和養日華蓋世功

名都絕念玄霜結就紫金砂

本州同知覓蒼木贈之

○日月流光秀結成補添肌骨漸輕清能收四

季神光聚奪得仙丹變化生

和張殿試詩

萬塵漸斷志剛刀真行真功造物鏡鍊就寶

珠超世網大羅天上恣逍遙

贈修真堂女衆

無論老幼作真修各闡清閑到岸舟光滿十

方離苦厄永居天外最風流

勸門人校量心地

心目澄澄內校量物情堆裏別真祥收神養

氣為功行塵事般般任短長

文山郭解元求藥贈之

欲覓長生換骨丹旋除塵事故心閑閑中認

得真消息脫了輪迴生死關

壺山宋少翁施經作醮

修齋設教復抄靈拔罪消愆自有憑普濟亡

魂資道力盡離冤苦得超昇

空有

縹渺雲霞空復空內師天道本源宗依空又

被空漫昧從有還遭有蔽蒙

嘆迷惑

東來西去覓真詮自己靈明總未全萬法萬

緣如萬象須知同是一般天

贈大策楊先生

一點無生混香莊託胎順化養和光緣深悟

得全真理法道開宗處處香

因門人不語

百行樞機總五常不言之教滿空香潛心觀

察真玄妙默默昏理最長

憶萊陽宋二先生

鶴馭雲駢信不通幾時迴步玉虛中松窓雨
過琴書靜終日無人話本宗

勸行孝道

一心孝道順三光苦志精研滅舊殃今古昏
魔都絕盡鍊真去假變清涼

本州醮罷贈眾道友

雅命相邀入本州醮筵預備廣圓周志誠修
累真功德同往蓬壺看十洲

密州千戶請為黃籙濟度師醮罷贈

之
清康孝道鬼神驚上祝諸天攝萬靈聖水甘
膏同普濟沈魂帶魄出幽冥

密州官負市戶舉請修完佑德觀

佑德興隆總不難預觀和氣已回環始終如
一功圓就有分仙階列上班

勸化大眾興修

併力齊心勿訴難興修福地會仙壇事功奪
行遠靈職觸目無私暗結丹

贈密州李都目

都目先生厭世塵丹誠佑德結良因其間供

養蒙周備福慶從來賜吉人

嘆人未悟

十類羣生苦海中痛嗟誰肯立仙功指迷幸

有全真理隨處修完道合同

諸王醮罷示眾

無相無為一點真普同供衣大羅尊萬靈慶

悅承超度出離陰囚五苦門

示門人

透體光輝照室明一輪圓相沒虧盈方知便

是真元祖永脫沈淪應化生

密州崔道常猛烈出家贈之

捨俗投玄悟道常迎心保護內容光鍊開萬

古真靈性不謝仙花處處香

答人問三寶

古之三寶氣精神都會元田別有因光滿十

方丹就也大羅天上列仙真

大眾求教

道本無名絕外求靈臺丹谷細精搜五情六

欲都消散萬道光明顛倒流

大悟賢明事事除脫離塵網達元初三田靈

寶光圓聚一泓清歌聒太虛
物情堆裏絕純埋正覺心珠漸漸開照見本
源清淨體悟真達本應仙材
全體光明合大丹冲和返老變童顏道遠自
在真歡樂使覺昇騰碧落間

趙德靜索

德靜心清樂出家頗更凡骨養丹砂玉堂結
聚真三寶產箇靈童天外誇

贈楊殿試_{二首}

千古雲收朗太空先天真瑞信忽忽內靈光
散丹無漏一指清虛大道通
生身世世善根芽悟理明真度歲華功行無
虧通道德他時歸去步雲霞

宗州海陽縣張二郎出已錢物買觀

額度牒告立知觀遂令門人魏志明

充當_{二首}

戒付灤州魏志明體天布德順緣行清心建
立諸方所救物哀人道自成

登州郭下小王仙在病求救_{二首}

心香芬馥接青霄法海通光養瑞苗若悟真

空清默默千災萬禍一齊消

玉鼎金鑪鍊日華飛騰真秀走河車萬神集
向泥丸裏撞透天門未足誇

贈萊州西海鄭村李道義

慧燈明射古容光悟理通真達上蒼今日重

重叮囑爾別聞天外紫芝香

指迷

心地光明變化深盡隨緣業極升沈人人不
悟無生理謾打輪迴戰古今

病者索

人間若要識仙方休縱塵心向外狂愛念憂
愁都絕盡全身永得安康

大安己巳七月師在北京華陽觀時

久早在城官民懇禱於師曰苗將槁

矣安得重蘇師乃閉目良久復謂眾

曰虛空許雨一尺降於來日眾未純

信翌日果驗官民致謝作此絕以示

之

騰騰瑞氣接蒼蒼化育羣生大道昌光變十
方常不夜一時普濟滿空香

泰和癸亥詔赴亳州作昔天大醮

無作無爲出洞天普天法道薦良緣東方雲
海玉陽子特授皇恩第五宣

外國使謁辭不相見

只倦心拘身不安百骸上下聚成團這迴不

話人間事全體光明都內觀

贈通真散人

通真萬事喜顏紅養氣全神不落空海納百
川諸罪滅自然地獄變天宮

贈鄧先生

保惜雲霄火一團一身全德四肢安溫溫鉛
鼎神光綻萬古靈明悉併攢

贈萊陽浦裏子先生

悄悄心停福注留冥冥無相把根收澄澄悟
徹無中有穩穩孤乘般若舟

贈萊陽高姑

心是菩提大法王莫成顛倒逐彼忙自然一
點靈空結卻返蓬萊入故鄉

贈李都監

倦隨塵俗恣矜驕一志清剛別立標內蘊靈

光含慶悅功成天外永逍遙

謝人惠李果

大道元和莫損傷萬靈真秀競芬芳自然滋益精神別百味玲瓏透骨香

贈贛榆縣徐福店酒監

不捨塵情去又來救亡救苦免凶災化緣濟度開心月四序金蓮火裏栽

贈陳守元

青鸞赤鳳火雲飛集向玄宮飲玉池奪得陰陽真造化方知脫了死生危

棣州張姑求救

蘇頌詩字四首

生大道自然香有真師細校量路上通仙信息灰方得性舒長

喚高菴主

二首

傳要談道懷包覺心田真遇遭日化公休隱跡登雲步轉清高

人空裏真真搜把靈煙玉露收喜神丹俱內結系不斷道圓周

贈關西老馬先生

公切切認于交母恩深萬古牢絆馬牽離苦

海恬浪淨連風騷

登州姜權問心地

廣頌詩字三首

地光明變化深窮內鍊水中金鉛玉汞真三寶滿朝元因了心

鞠四翁問傳投口訣

然妙理不能傳化人間外結緣福合和真大道生光滿大羅天

又問初會修真若何

友初知大道源流神彩結芝田圓盡是三光秀氣燒丹決了仙

雲光集卷之二

雲光集卷之三

連六

聖水玉陽玉蕊一撰

詩

贈李局令

立德崇三寶修真括萬方化生真水火攢聚內容光混沌明交泰塵凡任短長他時功行足歸去赴仙鄉

搜玄立功

四海搜真趣三山擇妙玄稟持心解悟和合道因緣浩浩升仙職明明出洞天玉虛通一化隨步結金蓮

玄通

人事都除盡修真賞一陽運行常道德變現舊嘉祥性月輝三界神珠耀八方妙玄通正覺浩劫噴天香

太上出現像回奉陽信縣道士李仲

達兼請往中都

功德迴將去李公早早來道息無斷絕仙位穩栽培法性通天悟玄光拂日開闡弘真大教處處是蓬萊

悟理

金容超造化白首跨青羊大道因緣普玄門
況味長三才歸鼎器一點出崑岡浩劫仙花
綻隨風處處香

贈畢道判二首

道判行慈孝吾心恰一般若能明運度全勝
外相看悟理精神爽通真道德安光輝無不
徧歸去跨青鸞

熟境重重滅靈光漸漸生清神除罪苦靜性
補圓明玉液時時潤心花葉葉榮了真超造
化風月滿蓬瀛

贛榆縣諸王村下元黃籙醮贈眾

謹設三元醮同興祝聖筵香煙騰碧落法事
禮諸天薦福遵黃籙修真垢白蓮存亡皆快
樂功德普周全

述懷 五首

一點真空性虛無自往還根源深洞達動靜
悉安閑處世頭頭悟迴光事事剛飄然歸物
外端坐上方山
累世無邊業今生入道場魔軍皆潰散心地

現嘉祥四海騰金液三山發紫光鍊成真玉
體雲步泛穹蒼

法法盡歸空心真萬化通樓神虛曠裏付性
者冥中升入圓明藏完全無漏功度生超萬
類了道體皆同

四大任天然真空妙東傳二儀分造化一氣
自周旋赤鳳窺金鼎青鸞飲玉泉前程明了
了撞透九重天

一顆清心鏡光明塞兩間度生緣且立悟理
事都剛消盡多生業唯存浩劫顏時時堪內
賞龍虎正交關

宮先生問修行事

大道無移變生成自有時三花空裏結一點
世難知寶鼎存真性理盡滿玉池指迷還悟
解只此更何疑

徐法師索

認取此良因空飛日月輪玄關通造化寶藏
積珠珍混沌潛真火崑崙出至神一時超世
外萬劫景長春

王遇仙索

玉樹瓊花綻青童笑語傳結成真慶會占得
好因緣一鼎光明聚三身智慧全碧天風月
下證果大羅仙

登州高左衙索神靈詩

靈靈無相物悄悄獨歌歡默默重玄悟停停
萬化安盈盈離九地了了入三壇浩浩朝元
去騰騰跨彩鸞

贈田小二好事

先祖皆修德兒孫必定賢善根隨氣長家道
逆時違言慶常招集神明暗報傳昨朝真聖
過今日復迎仙

郝官人索

物物了然休般般絕外求虛名皆是妄實行
景堪修鍊氣超靈外願神到岸頭靈芽紫紫
府心月報空流

灤州劉悟真問疑心

隨物捉心鬼觀空入妙玄調神投內補見性
滅前愆默默流瓊液冥冥綻碧蓮全真功德
備光耀滿無邊

谷人惠筆來

宿賦玲瓏性清虛絕點埃純陽明運度天道
化生來玉洞傳真秀金壇發迅雷片時分造
化萬劫不輪迴

勸辛先生再出家

辛公曾出家日望跨雲霞爭奈俗緣重翻成
道理差速回前過犯再接善根芽達者無先
後功圓蓬島誇

勸善

正直神仙會皆逢化誘權惡緣宜省減善事
好周圓秉住三光秀修成一點鮮遇師親決
破逸選道相傳

銅嶺姜二翁施法鼓贈之

法鼓會羣仙人天喜化緣身心同捨施福德
自升遷響技阿毗獄聲開大洞天顯揚真孝
道功滿步雲軒

全道

養道千痾散修真萬法空氣神交結處性命
杳冥同光發玄元體精持固極功撮收真造
化明月與清風

謝齋

十方諸道契清信布香齋正念時時接真功
密密排百靈舍慶悅千載起枯骸了了起生
滅朝元步玉階

中都蔡校尉索

達道超生死輪迴自執迷瑤花開紫府仙藥
滿曹溪龍沼存金虎蟾宮看日鷄些兒還悟
得只此上天梯

勸堂下道眾

堂下諸局次精持日用功內真須灑落外行
亦圓融老幼相提挈朝昏各敬崇蓋能弘孝
道揭諦悟真空

請諸處道眾

蓋造玉虛觀須當各用功同流心至懇施主
力深洪段段如鋪錦層層遠接空共揚真正
道方外顯家風

復示眾 二首

一點古容光人人不忖量生身因造化迴首
是無常悟道心神秀開真壽命長運期天地
淨物外紫芝香
頓曉希夷趣無為守內顏飛騰浮世外混合

大羅間日月攢金鼎精神奪玉山道同師弟
訓一撞萬重關

早秋勉眾 二首

出伏漸秋涼清神轉骨剛一靈寬自在二氣
順舒張四大俱調攝三關結瑞祥五明重運
度六臟自安康

有箇妙玄方諸般罪業亡神丹俱內結出世
更和光表裏無形跡虛空顯道常本來真面
目法界自清涼

詮道

玄元傳大道靈寶結芝田水火符升降乾坤
合倒顛澄神觀性月隨步舞胎仙千日真功
就光明射九天

寄長春丘公

趙州圓正覺商水讚希夷玉陽不能去長春
自得知

門人劉悟真問疑心

萬事都休想千魔總是空布修真德行仙佛
體皆同

棣州三清觀上元醮作

一就上元節消災拔苦亡照臨天地靜福祿
自然昌

勉眾

既作出家兒功行莫延遲盡心真復實勤苦
道相隨

勸眾助緣 二首

側近諸堂下相煩共救忙建興真古跡磨鍊
內容光

世世善根芽生生福力加神天同救助功滿
步雲霞

回李講師

書信忽忽急真心不轉移雅懷無彼我雲外
作交知

贈濱州店戶趙會首

來迎三島客去送五湖賓教遇重陽會嬉遊
四序春

張廣威施宅修菴贈之

公宅改仙菴清心絕外談內靈舍慶悅知命
不貪婪

都下柴摩官索

正覺悟心王情枯萬慮忘神光穿紫府丹熱
滿空香

修內司馬校尉索

心善性舒寬包容內化安靈空清默默忘假
得真歡

重陽節齋後會眾求教

法界同真會齋餘歇晚涼千門簪瑞菊萬戶
慶重陽

文登縣張村邢四翁久列再會

舊友重重喜真容漸漸開昏魔宜遣去靜性
可收來

贈朱解元

好繼丹陽業了真四大安九玄登上會一點
跨祥鸞

三州五會

七寶金蓮子三光從玉華常持平等行步步
是仙家

文登王會首問道衍

精持真大道達理性飛騰一點通今古金光
自降升

贈密州孫悟明

一壺藏萬化二物鍊神丹悟得超生滅雲
步玉壇

萊陽縣東長直菴結冬

印經買紙墨結冬在長直補接日精華搜藏
玄妙理

贈設貧會眾

老幼一般看扶緣道德寬始終無變異所履
自平安

睡中有感

五色祥雲裏三天聖眾詮神明側耳聽勸化
謹修仙

張小仙求教

捨破塵勞網跳出是非坑寶鼎存真秀心花
吐月明

房志明索

補惜真空體愛精鍊玉堂倒顛禹坎位續續
紫芝香

李大達索

認正本元道般般心上掃靈明透肌骨寶鼎

祥光罩

敕修新道院與眾管李東

此果美甘香靈空真味長虛心非冷淡惟願眾仙嘗

董官人問如何通悟

大道不難通心灰丹自紅抽添木上火補塞

藥珠宮

萊州張志真問收神定命之理

收神定命基方可應玄微進火添丹鼎朝元指日歸

霍會首問三教歸一

無生真妙道達本體同然吾教宜歸一通融理自全

孫一翁見子出家大哭故贈之

販骨如山嶽時來暫託生保朝不保暮出離是前程

題丹陽百不歌

百不如意處茅廬土穴清靜清消舊業一味道中恬

誠睡語

一氣號玄精全真自降靈迴還無漏泄步步到天庭

贈劉真一

巧使千端計陰公暗折磨不施平等行四首

贈中都趙知觀

頓忘天下欲漸赴大羅鄉日月交光綻靈明滿十方

于周問吉凶

逐處有凶吉心幸超避難百年隨手過覺則道中看

自在

處世如虛空浮生似夢間悟真超造化步步出塵寰

楊公出藥求教

壺中一粒丹心腎兩相關水火真加減服之見本顏

于志常問清閑

平等元神定道遙玉性閑心空觀自在一脫萬重關

孟知常合藥索

性若金剛利心如大藏寬結攢元氣髓和合紫金丹

買文登七寶堂觀額

七寶丹霞觀通光結勝緣萬靈同慶會百福

買寧海州金蓮堂觀額

寧海龍祥觀金蓮順化生福星都結聚道德自然成

禪師問道

悟達真空體無生自往還物情俱喪滅唯現巨初顏

贈濱州高官人

天堂非路遠俗眷豈能長悟道歸真理全神納伯祥

勸棘州崔殿試入道

存心養道芽尤勝度仙槎聚合真三寶丹成步彩霞

催行真大道過理起生涯一片清虛境逍遙度歲華

贈福山劉一翁

善惡兩還報賢愚不並酬百年隨手過都在眼前頭

贈道士張守道

歸依無上道守得水銀紅性命還元主清音

駱太空

謝人施物

善性崇三寶真息微九霄全家重志慶似我樂道遙

○ 中亦于少翁命祿盡禱余接壽

○ 大海無根樹令余苦接栽捨身難用力石火豈迴來

讚火德星君

混元一氣主化生天地人明真起法界濟物妙通神

明天道

恢恢天道大不與物情同悟達真如理歸源却返空

行化

東海西秦去南京北闕來客塵都不染端坐

是蓬萊

勞山採藥

放蕩真如性道遙養內丹寸靈無彼我百草變芝蘭

太古郝公昇霞門人送道袍不受以

此贈之

○ 彼物迴將去分文沒往還一靈真性在脫盡死生關

述懷

○ 巨初無相物默默獨歌歡動靜還元主玄風幸得觀

文登擇福地作丹霞觀

三寶與緣地諸公可察詳不唯身富貴更得性清涼

萬事信天然隨方結善緣一壺藏造化四序

景新鮮

順天者昌

好事如山嶽精持每用功立身弘大道法性自圓融

逆天者亡

森懶心機巧頑情不順天教門真惠害地獄苦因緣

出塵

一點真如性居塵不染塵虛無元體脫脫離度天人

頌

昔在平年縣活水莊遲二翁宅說教大露天機全家跪聽皆如尊者及見遲公壽數不長故以言警之

○ 休把黃泉戲弄全體內懷珍重違天百禍臨身達道萬靈感動

宣在都下眾官贈衣物并鞍馬不受欲超生老病苦叮囑宜修仙舉忘情絕了塵緣萬化還歸本主

朝元子劉公精誠奉道施惠過多欲

因此頌激勵出塵之心

欲求長生之因欲了自然之道欲修真實福田欲作扶緣演教

泰安州王稟告全家入道

異哉王稟全家各修清靜根芽分別爭逃死

路鍊烹日月精華

述懷

昔日區區守道今時真聖應報大羅玉簿名
向後學修仙早早

盧宣武索

大道開闢以來無相化生萬類人還物我同
觀返照深根固蒂

行化至蒲臺縣夫馬寄呈朝元公詳
察

失馬虛空一化的望朝元清雅懽心體用仙
機別有祥鸞穩跨

贈棣州防禦七駙馬

為官王事所拘學道虛空掌管四民各藝事
忙達者不論長短

贈馬悟真

悟真全然去假縛住心猿意馬寬宮虎闌龍
蟠赤鳳青鸞穩跨

馬智真索

內鍊本容變化一氣冲和上下脫塵認得圓
明皓月清風會話

寄東鄉道眾

稽首東方法會道要真心不退各懷一志精
專照破萬緣無味

因小輩仙榜作

小兒尖唇利舌不欲人前分別皆因泯絕是
非故得出離生滅緣茲加遇三宣獨步清風

明月莫待拂袖雲歸的有含悲哽噎

贈諸處道眾

既作同流莫學奇怪四序炎涼三光否泰清
淨教風勿令懈怠道弟道兄洗心寧耐竭力
奉公事緣洪大外謝神天內持真戒全體光
明併除陰翳絕盡舊業洞觀無礙入眾妙門
鍊真無壞箇箇投真人人悟解昇入無形徧
合法界一點靈光古今常在

贈老王先生一首

龍虎坎离鉛汞求嬰姤無像無窮一氣自在
龍行兩施梯屋香隨人懷道德萬化扶持

得道二首

大道本宗天地否泰出離我身混元三界
靈寶金丹顛倒循環靈中日月輕骨迴顏

勸緣

伏望諸公好事推窮一心齊力大教興洪
楊先生問本來模樣

無形無相化生心上趣有著空本來模樣

初守道住菴求教

學道同初抱守神珠證明三寶不動如如
于了一問心地

姜哥問住菴二首

心是汝師莫放東西其中一點蓮出青泥
獨坐茅廬般若靈虛手轉日月安在鼎鑪
世事一撥推窮本末物外全真心死命活
修真體道洪護正宗三教萬法普濟無窮

贈濱州李四郎七首

心是道道是心心合道古今通
心辨道性然香真一點出崑岡

心了悟性靈明真自在達圓成
心無影性無形神光綻韞金精

心中道性持齋行與坐是蓬萊
心了了性休休真無漏住悠悠

人我死物情休真大道了無憂

金丹訣

酒色財氣絕世事般般徹三尸陰魄消六賊
十惡滅魔山竭底摧都休亂扭捏乞食紙布
衣頓把心猿歇一意不真常慧刀分兩截動
靜兩俱忘不得誇清潔性命穩栽排深藏精
氣血萬神自歡諧靈風透骨節上湊朱靈宮
下通龍虎穴保養氣精神慎勿輕心泄四海
發雲光三山落白雪際會玄元宮絲絲無斷
絕水火自抽添周天自擺列神氣自然靈真
師自提挈百骸自豁暢容貌自然別日月自
循環金丹自然結嬰兒自然欣姪女自歡悅
五氣自朝元四大俱調攝玄理自然通萬神
自超越大道自然成陸地自然別定正箇中
真暗把心香藝光散化成神神光如電掣鍛
鍊金丹成現出家家月一撞過三關仙班雲
外列開廓天地清陰靈飄蕩徹日月交光轉
參羅碧凜冽圓光滿世間說中非有說九轉
大丹成永承超生滅清歌聒太空浩浩朝金
闕混元三界中囑付叮嚀切東牟王一書傳
此金丹訣

歌

朝元歌

靈寶堂金剛纂不假浮沉空漫漫點運天心
不動移投神一點空無絆輟金精自澆灌湊
聚煙霞天外伴開關純陽運化生玄宮法界
都穿貫喜顏紅真無亂萬古精魂都著岸混
沌重開顯正宗玄元寶壁時堪說感皇恩明
詔喚兩帝三宣功德素紫衣師號朝聖明萬
靈慶會都來竄透三光昭洞煥一體通融無
間斷杳杳虛空道自然五明攢單清涼館走
雲光金雷散諸地諸天呈手段赫赫神光晃
太虛巨容浩浩超雲漢皓月堂圓明觀玉象
金獅遊內院下振黃泉竭底清太平湧湧神
交換歸去來無打筭三界十方光漸滿四大
空無一點塵留傳大道誰當管

會真歌

會真歌會真歌宿骨靈光事若何不論物情
真富貴無窮無漏道根科真一點沒言多空
色色空莫問他心滅情忘離幻境攝孽性命
上高坡真妙用養沖和抱一無離謹球磨混

洞赤文超造化無形水火出安寧真內寶絕

沈痾暗度清琳九曲河二十四鎚金鎖骨尾
悶關節枕龍噴頻烹鍊莫蹉跎日月流光出
黑波顛倒循環清宇宙須知迴首看南柯重
清爽滌昏魔一顆圓明世莫過守殼盈軀隨
分飽不親世上假僂儂金雷吼玉人呵脫體
全空一剎那無極諸天洪正教十方三界普
周羅

晉叔歌和丹陽韻

三人遣大遇性命安閑處清裏得真歡相投
真實語真實語鉛散漢鍾呂結就紫金丹永
中得真趣重陽道論量仁馬居環堵神氣永
絲絲明中自歌舞自歌舞出現真龍虎回光
三界中下方來濟度我度出幽冥從此離塵
土鍾聲更莫言問之歸紫府歸紫府信受沒
為拒聞說我宗風天人無聲譽

得道吟

自從一得長生訣萬里天光如電掣日月精
華補漏源真空水火凝交結運行真氣結靈

砂道骨仙風碧凜冽七寶金蓮晃太虛三宮
明照秋天月頓開萬法沒言詮浩劫之家莫
可越蓋古騰今一點真諸天濟會同夔謁

養浩吟

虛无一氣浩然新四假包羅無價珍仙命莫
今塵惹絆苦空不得話艱辛願真養性存精
秀聚乘烹鉛守谷神一氣昇騰超造化二儀
變鍊會初真周天加減留年樂全道滋榮妙
色身幹運內丹憑火候載般烏兔走蟾輪三
田應化靈宮雪五臟冲和甘露律內寶完全
無漏果純陽混合古今因清音塵歷動山鬼
雲宴喧聒海濱會遇諸天弘大教時逢聖
帝御嚴宸惟祈忠佐千秋歲仰祝皇基萬萬
春大德大功成大道大羅重會舊交親

妙化吟

普化清心公清心道合同般般心上掃物物
莫推窮定性存今古願神續祖宗遇師親說
破默默步雲蹤妙物騰空起玄珠落絳宮絲
絲調玉虎細細運朱龍赤鳳舒金翅青鸞舞
太空神鑑烹玉貌金鼎鑄朱容表裏光明結

丹臺雪暖紅了真超造化明月與清風

開化吟

無為清淨內修完始遇天元道不難自得無
生相混合玄都靈物鎖幽關炎炎大氣空昇
降赫赫天光輦玉壇寂寂萬神空裏隱亭亭
元寶接崑山攢攢玉蛇投玄谷聚聚金嬰列
瑞斑處處青蓮開滿日空空玄象始歸還騰
騰五色圓光颭燦燦流霞萬化攢細細神風
輕縹緲靈靈全相自耕鑿清清寶盤桓住
淨淨靈砂透骨歡默默了真非有說明明全
道事都刪玄玄守護真三寶妙妙功成一顆
丹浩浩銀霞常覆罩輝輝玉性自追攀飄飄
舞袖超三界混混朝元顯內顏朗朗閑如秋
夜月煒煒常在玉霄間惺惺了了仙家樂湛
湛澄澄道性閑曠劫真容離苦海古今圓象
出波瀾大羅一會同歸去悟理明真子細看

顯道吟

芸芸懸象滿空飛應報入天萬化機絕妙神
仙留秘訣須知父母未生時陰陽造化全直
理一點靈光總不知混沌變通超物外內靈

隨步躡雲梯先天圓覺真空體性命合先天

地齊百骨通靈心悅樂無情童子笑微微洗

心法雨明洗灌開道光明出汚泥般運珠珍

通上下抽添水火併東西玄元四大開心印

祕典靈文越世奇句向只敲心髓病言言直

指達無為逍遙叮囑長生理暗合天真不動

移傳道洪綠玉陽子濟危拔苦度愚迷

真一吟

真孝真慈真校量真心真遇聚真涼真師真
訣通真鍊真行真功真道場真靜真清真大
道真玄真妙結真祥真明真悟真無漏真語
真言合上蒼真虎真龍真造化真山真水養
和光真閑真樂真無染真聖真賢滿十方真
性真容真灑落真禪真道顯真常真真天地
布真德真聖真真仙處處香

青童吟

寂寂寥寥一醉中蕭蕭灑灑喜顏紅清清靜
靜全真理默默虛虛守內容細細絲絲吞紫
瑞澄澄察察飲霞風盈盈聚聚天光結香香
真真立祖宗遇遇遭遭超彼岸端端的的話

真空靈霄俏仙家樂喜喜歡歡度歲豐

回光吟

告暇得回歸修真不動移化緣離苦厄賢友
作交知隨處同參論人天度眾迷六塵通舊
塞三寶妙精持空外玄光聚神明不敢欺清

風貫四大皓月上整容儀白首上全上古今上金身括

四維上儒童皆拱手真相等頭齊法本空無住

真功自不虧運朝天地靜烏兔任東西變化

真靈性朝元自有期諸天來稽首三界悉歸

依悟者投真趣修仙絕妙機無生出混沌道

俗顯草甲
玄真吟敕修新道院住持作

宣住真仙院情乾絕外非恩童賜一小童
傳本作伴供

兩飯靈物飲刀圭四大俱調攝三光不暫離

六塵無染著八脉自通微一句金丹訣都超

萬化機七明通一聚九轉不難知十地圓明

結真空話祖基大通觀自在一點鎮無為放

曠天衣祿道遙絕世羈化生真水火日月兩

交飛悟徹先天理昇騰自有期沖融明了了

道德實希夷

授教吟

師遊東海道方行從此玄門日日興至教人
天扶聖化法言空外契黃庭壺中密鍊金今
古幹運璇璣宇宙清氣化本源無漏體神真
一點碧霞精衝開玉藏通三寶放出圓光射

五明洞達虛空方自在回還養拙漸神靈慧

風飄蕩千痾散真一沖和萬化生寶璧流輝

投王海真祥變鍊結朱嬰純陽加滅天光統

水火浮沉道進程灌頂醍醐人怎曉出塵手

段世皆驚山鳴谷吼連天喜揭地轟雷發笑

搜真吟

聲得道無為真了了周而復始自圓成

浩然無極真空體落在迷囚不辨真酒色氣

財權本柄憂愁慮慮長元真悟來掣碎肩開

鎖省後修完性內真玉洞雲封堪養浩丹臺

雪暖漸全真千重寶焰橫神室萬道天光罩

本真皓月清風同一體無為無漏自朝真

脫塵吟

大道留傳小小真下方雲海遇良因仲尼蘊
行同成侶白首金容可作鄰三界十方歸一

化千門萬法妙通神蓋因緘口清心地運轉
精光日日新萬萬靈明常守護千千萬鶴白
相親諸天諸地皆通徹未肯輕傳與世人

元命吟

真一善人唯德是輔廣演慈悲拔止濟苦蒼

浩通靈真祥及哺積慶無涯福星臨注俗契

恩深投胎父母化成身體補修根祖苦行實

心包懷今古接眾指迷百靈加護內鍊真空

普施甘露混世光陰瑩然而住萬劫定基俱

無作做地獄天堂從人所慕解脫羈轡誓無

回顛日月流光每遭真遇養火投玄祥光敷

布透入晴空展開雲路法界周旋萬神攢聚

跳出輪迴滿空歌舞洞煥太空我之門戶玉

籙書名一闋千悟上達諸天下開冥府法道

通真皇天后土金液還丹洗心堅固擬學神

仙莫存能所自遇真師專憑養素皓月知音

清風伴侶朗照無邊欣逢正主四大五常迴

光返補了了無為盡朝元去

雲光集卷之四

聖水 玉爵 玉英 一撰

連七

沁園春

予自七歲遇東華帝君於空中擊要
不今昏昧至大定戊子復遇重陽師

父因作此詞用紀其實云

元稟仙胎隱七歲玄光混太陽感東華真跡
飄空垂顧悟人間世夢復遇重陽窅叩玄關
潛施高論皓月清風煉一陽神丹結繼璇璣
翰運羽化清陽欣欣舞拜純陽又虛妙天師
同正陽命海塘引進旌陽元妙古任安尹喜
關令丹陽大道橫施驅雲天下絕蕩寬魔顯
玉陽諸仙會講無生天理空外真陽

滿庭芳

住鐵查山雲光洞作

俯視滄溟屏山掩映萬重松檜森然金波滾
滾雲鎖翠峰巔畫對清光浩渺更關顯月印
新鮮圓明聚紅霞影裏捧出洞中仙元初真
面目如今了了高卧雲軒為丹籙無漏願養
三十聖祖垂光下降諸天舉聖子朝元功成

也金書紫詔常在玉皇前

中亦于大郎索

一點靈光無中顯現太平高步煙霞清風皓
月流注玉京砂五氣三元結秀升騰虛雲路
交加蓬瀛會瑞光縹渺盈座散香花堪誇真
妙用仙丹一粒洞煥東華滿太虛寥廓清境
無涯認得元初至性因修鍊清淨根芽圓成
也玉蟾影裏趕大羅家

上京劉朝真索

四大容儀三田靈秀鍊成九轉丹砂虛無自
在道作生涯淨土祥光瑞彩玲瓏貫天外
煙霞沖和處鳥飛先走同運紫河車真仙開
妙趣菩提佛果一理無差指玉清境界此際
何餘竚聽金書紫詔人間事元沒交加當歸
去慶雷高會風景向誰誇

贈盧宣武

日裏金雞月中玉兔變通玄象盈虧無形幹
運三界現慈悲長養諸天大地資三教天下
歸依真明了觀天之道清淨更無為十方諸
道眾迴頭猛悟拂袖雲歸養神胎靈骨鍛滅

陰尸定是回頭易質通玄真物外精持丹圓
滿根源了了皆作度人師

心藝真香神妙妙供滿空遙送丹方收藏靈
寶嘉瑞自呈祥一點穿聯浩劫兩儀內及復
陰陽全真樂園圍月光散滿空香搜詳玄
妙理根源無漏道德芬芳聚神砂玉液無致
傾亡結果真仙妙道超三界無極清涼全家
悟順神養浩皆得到蓬莊

贈萊陽縣宰劉顯武

今古相傳昌陽勝地好修六度三壇休心絕
慮願養紫金丹玉洞收歸萬化崑岡上風月
珊瑚雲光聚三田結秀返老變童顏玄關牢
鎖閉金嬰玉托仙詔追攀挂六天如意復採
芝蘭香者長大高舉飄飄聚羅列仙班君知
否緣深行廣達道本非難

因福山縣王遠村北丹竈山道友聚

話論及此山乃方平修煉之處話問
空中忽有報應遂作
丹竈為岡清洋蟠繞昔居王遠家莊八山聳
翠四水聚賢良五彩祥雲覆罩三天上仙韻

琅琅金童報九霄傳道無外我容光空生初
請問真如善應大法空王演苦空般若左右
圓方立教分乘引度通十地諸聖行藏虛空
裏希夷大道浩劫永無疆

贈出家眾

米麥精華沖和恬悅自然造化成神無生妙
道迤邐變良因既得長生久視明顛倒月伴
風鄰先師教願真了性富國更安民清新騰
朗耀天威掃蕩穢滅秋氛布大慈甘露廣被
人倫却返生前混沌重加遇枯朽逢春方知
道三田寶滿一性免沉淪

三宣到都住持天長觀復教修新道

院乃作

詔赴天長教修堂宇道弘一布歸真我師玄
化譚焉並加恩七弄金蓮顯異清朝喜優渥
惟新重宣至車乘駟馬祝謝聖明君皆成諸
法會親王宰職裏外忠臣遇太平真樂道德
洪因更望參玄衆交遵三教千古同欣齊回
向吾皇萬壽永永御楓宸

讚丹陽公

久官東牟清門高廣自然別有行藏呂真遺
訓一指遇重陽拂袖西秦順化真功就復返
吾鄉朝元去迴顏換質處處顯嘉祥昌陽留
異跡普天設教勸發心香得靈源開悟獨處
清涼寶鼎成九轉明顛倒返照迴光同成
道稱揚盛德呈上滿庭芳

黃縣久旱請作黃籙醮得飽雨作

暫別東牟西遊登郡萬靈遙列金鄉無窮仙
眷空外總呈祥休道蓬萊路遠諸真聖都會
芝陽星壇下涼天靜夜雲宴禮虛皇十方同
法會丹誠對聖出罪行香度九幽離苦悉觀
三光見在俱蒙福祐霑甘露同免災殃道遙
樂壇壇罷散齋唱滿庭芳

龍轉西江金光搖曳躡身飛上穹蒼與雲吐

霧威力大施張攝穢俄逢飽雨人心盡欣喜
洋洋將何喻如收瑞寶恰似到仙鄉真陽勝
朗耀虛無象外剔現容光住混元三界永劫
無央深荷三清降福為東南雲海行香休言
破太平隨喜以道證真常

贈范明叔

寸步西流衝開牛斗清風皓月容光滿空聖
衆把我好相將俯賜鸞駉鳳駕獻金鼎丹藥
馨香天河轉星壇月殿端的景非常老來雲
漢去皮囊脫下一列吾鄉返玉京金闕仙路
悠揚穩挂天衣可體靈風散瓊瑤瑤瑤朝元
會十方三界齊唱滿庭芳

示門人今往文登設貧

彭李劉哥三人一志能和滿縣知文寧心効
力相助各堅牢今日文山去也設貧會無論
早高嚴冬苦迎風冒雪認取莫辭勞撇柴并
運水依時救濟粒米休拋粟合堂高意寵辱
含包滅火須憑法忍除陰鬼全仗禪刀真陽
動真金鍊王永列仙曹

贛榆縣諸王廟黃籙醮贈眾

海郡行緣贛榆闡化良因復顯諸王謹修黃
籙特地召嘉祥萬里雲收霧卷微風息燈燭
焚煌星壇上步虛聲舉月下正悠揚頻頻施
拜跪虔誠仰徹列聖聞香降無邊慈惠普救
存亡從此皆成快樂離陰府升上天堂開雲
宴保生接壽齋唱滿庭芳

抄化孤魂經紙

杳杳窮魂冥冥長夜沉沉莫辨年齡全無知
識何處問親情一自飄零浩散空愁苦寧得
超升同垂救巡門拜覆乞紙復抄經明公宜
省察慈悲願廣福利咸增感三天諸聖悉副
微誠火翳翻為蓮沼恩光射枯骨迴翼皆遭
遇永除愆過悉得悟圓明

述懷

苦海奔波荆山勞役欲求寶璧嘉祥周而復
始督地悟真常兩湊玄關運度升靈曜飛出
扶桑迴光看璇璣萬象一一現明堂人還窮
此理塵緣悉屏世夢都忘覺身心和暢無限
清涼萬化收歸鼎內紅光透丹熟馨香吞服
了還童返老出自滿庭芳

丹陽昇霞作黃籙醮龍憶師述作

的祖純陽隨時顯異密傳師父仙宗重陽憫
化遺教馬扶風幹運玄機順應真功就三界
圓融垂光降亡靈濟度都在碧霄中諸公還
悟解頓拋俗海禮道皆同聚玄珠丹寶返老
還童定是超凡入聖騰雲外光滿山東真無

妄承成九轉直赴大羅宮

贈出家

厭貴辭榮甘貧慕道謙和柔弱行藏通真內
鍊隨步變清涼一點靈空頓曉明顯現千古
嘉祥因緣濟玉陽自此同保見重陽心香通
內外氤氳過徹三界十方感大羅仙眾俯降
恩光總救九玄七祖離幽夜高赴仙鄉天元
會萬神慶悅齊唱滿庭芳

贈廣陵鎮散人

聖訣仙方玄機妙理無文口口相傳幸蒙師
誨誠破未生前默把周天轉運見參羅萬象
推遷成造化真龍真虎真汞與真鉛黃庭交
會處五行顛倒八卦穿連仗玉鑪金鼎巨火
烹煎九轉功夫數足丹成也陰盡陽全長生
道非遙非近非缺亦非圓

撰三字

三光從道神守清涼悟正遙唱滿庭芳上朝
歸去性光泛純陽觀闡者同我證真常我開
化信順福壽延長仁丹結四大圓方明中叫
笑出通關嘉祥語道德隨步任飄颻

神光燦

石中隱玉蚌內藏珠須憑匠手功夫裏面真
光顯現恰似元初欲要明心識性把般般打
破空虛清淨處見天如玉案秋夜蟾孤自是
十方明徹握陰陽樞要塵垢難拘古往達人
因此妙入無餘論甚千枝萬葉與儒門釋道
同居常歸一證圓成了了得赴仙都

滿路花

普天諸道衆的可認真修九關無漏果萬神
留金鉛玉汞水火自添抽三田雲浪滾般載
金丹玉人穩駕神舟乾坤淨日月交流功行
悉圓周一靈真性在任遨遊滿空仙眷接引
接雲頭浩然超法界應化人間大羅玉簿名
收

贈三州五會善衆

文山崇七寶寧海滴金蓮二光同照耀玉華
天能持平等結果好因緣五方清雅致和氣
盈盈化成瑞靄祥煙吐仙花四季新鮮光焰
射雲軒收藏天地隨上朝元金嬰玉妣不語
內傳言萬神皆佇聽都會龍祥大金東土神

仙

寄朝元公

深蒙頻見召驚悚可奔馳三州緣未盡不能
離諸方主醮叨忝度羣迷忽承佳翰至不久
親來再同一話玄微善稱揚大道根基開發
衆心疑前程關要處謹精持玄珠收得時復
飲刀圭寶華圓滿後透過晴空玉京別有嘉
期

贈文山周先生

仙花常爛熳不減四時榮因憑真水火鍛金
精功圓丹結步步彩雲輕滿頭風月夾一粒
刀圭太虛仙路親行任消除萬劫塵情別有
好前程這迴無老死得長生仙風道骨自覺
太孤清萬派銀河轉撥弄天關大羅真性圓
明

木欄花慢

翰翰縣諸王村三殿廟黃籙醮罷作
恣逍遙豁暢乃容膝小金山用妙力加持與
洪大醮真聖臨壇恩光徧施下界救存亡離
苦列仙班明貫從容法體宴居一味蕭閑迴

還誘演出深將內外事都刪聚五蘊清涼天
寧地靜撞透三關皇天助弘大道度羣生萬
類不為難指日金書詔下永辭俗海塵寰

一枝花

藥方

普勸門中友妙藥時人有先師親說下與君
修一味真心繫縛休教走柔弱為引子低下
服之論甚食前食後大忌氣財并色酒開處
稀開口忘情恩愛斷罷憂愁依方修合更不
傷懷袖謹服三五載返老還童管得長生不
朽

軟翻鞋

謝人助緣

清信出寬懷都莫亂來猜累蒙施惠宴重開
又百無回奉相酬賽春深去夏歸來齊會好
編排增福更消災始終如一不生乖守無為
清淨真功滿離塵世赴蓬萊

青玉案

初宣作

奉宣請住天長觀聖語何曾斷持助量量為

管伴隨機賞宴百端嚴備舉上雲霞宴玉樓
金殿空中滿萬象相交貢一顆明珠光燦爛
瑤池仙會萬神都聚永永居霄漢

第三宣作

自從得遇真空伴獨把頑心鍛現出天如青
玉案神宮起火內丹光滿了性真無亂三宣
賜紫天長觀一闌清風岸掃蕩妖靈無打算
十方三界化生清淨天外無拘管

詔赴太清宮普天醮作

上天容許清貧漢隨處香風散萬禍千災真
不亂寧心行教普開心月了悟迴光看太清
宮下重遊說萬事俱無絆仰答皇恩酬木願
道遙迴步密州安化復隱元居觀

謝師恩

謝師提挈沉淪外生死難交代不墮輪迴超
法界諸天運度化生無相一點圓明在蕩搖
浮世常安泰閑把瓊芝採護法神君威力大
流鈴擲火掃塵千里揆盡諸魔害

贈皇親四官人

出塵同結道遙伴更不爭長短自有元初真

容面增延福壽妙通玄奧品位重遷換靜調
龍虎常交戰靈寶攢心轉四大光明同一煉
昇輝降霧電馳雷震督地神重現

贈眾道友 二首

玉陽一過疑雲斷不落昇沉絆試問青州雲
侶伴俱懷妙用每持齋施步步心香變福星
空外明昭煥應化真無亂寶瑤花通內觀
金丹結就紫書來詔指日登雲漢

隨緣順化行方便豈敢微生倦唯望英豪皆
向善遵崇內教外施洪行各把頑心鍊兩肩
童子相攀總報應頭頭顯家道興隆多喜宴
同躋福壽永除災障勿昧修真願

請觀頌度牒

須知塵世光陰短當種福興仙觀浩劫長存
功德案添名注壽補還愆過出了陰司管慶
雲繞繞恩無斷霞友雲朋喚共賞仙花香爛
燦流霞泛飲醉歸何處宴息蓬萊館

贈福山縣仁壽保善衆

福山仁壽堪予羨各各施方便感得天公垂
照管遷恩布德滅愆消過福祿隨年轉搜真

去假心無變漸漸通修鍊俱得擎雲親手段
先亡往逝盡令超度滿却平生願

李悟真索

大都七寶真如體不可空拋棄玉藏常收無
根水純陽鍛鍊滴成珠露變化真祥瑞三般
妙物騰空戲雪暖金花麗無色神容方顯異
鸞駢鳳駕一昇霄漢占斷清涼位

卷皇親見召

三冬凜冽彤雲布六出飄飛絮地凍天寒難
進步滿途冰雪喚回重稚且向茅菴住貴州
大難無推訴必要功圓聚遠逝新亡皆濟度
加持妙道展舒雲宴一會朝元去

警俗迴心

好兒好女心頭氣生死難相替不測無常先
到你皮囊具爛骨骸分散空惹冤家淚悟來
不使心猿戲慧劍屠教利六賊三尸都趁離
炎炎紫焰載般丹寶上獻三清帝

文登丹霞觀 二首

市民官吏同興觀立志皆無倦起建丹霞功
不淺修真養浩絕除貪愛一點重明顯混元

三界光輝滿了了登雲漢下拔存亡都著岸
施弘正道永超無礙有箇靈童喚
保身功德須圓滿認取元初面早把前程同
了幹三田運度二儀交泰上下先明貫知音
推舉相邀喚此理誠幽速皆作天元真法眷

神超雲外更留名姓記在丹霞觀

贈龔榆善衆

神光欲列真仙位道德休輕棄默養玄珠無
玷類五般光彩一輪圓相見了生慚愧兩條
玉路分天地箇內呈嘉瑞躍入雲霄朝玉帝
永無生滅到茲方契般若經中偈

前後帶喝馬一聲

就中偏許通音耗一例誰能曉有箇人人靈
復值攢星步斗暗符頭倒金書報升降朝元
道碧虛仙眷重遷疏方喜圓明了皓月堂前
天風掃晴空來往我從玄教仙無老超越蓬
萊島

江神子

述懷

青天爲被地爲毯覆靈源照心田玉汞金鉛

兩脉吐流泉自是道芽橫碧漢頻澆灌再新
鮮雲朋霞友暗相傳意緣緣運胎仙密鎖玄
關光透九重天丹就萬神齊慶負真靈性復
朝元

進道

神光涌涌透穹蒼漆靈陽悟真常般運三車
都會聚羽堂撞過天門歸紫府無衰老免危
亡寄身浮世效風狂性芬芳骨堅剛了了圓
成不假暗遮藏八表飛騰無量礙隨萬物顯
圓方

投真

本源真性靜寥寥任飄飄恣道便是虛空
天外顯靈苗獨樂閑閑無彼我呼皓彩吸清
飆青蓮池上瑞光搖赴層霄玉名標慧劍揮
空除恠斬羣妖開闢古今清淨道洪普濟法

輪播

暮山溪

示門人

出離苦海須要明修鍊漸漸滅塵情默默神
功斡旋虛无造化丹鼎紫芝香金花結玉泉

流全體神光滿千災不染萬病都消散七竅
總沖和通八脉飛升內院九宮十地六賊香
無形三光顯二童傳一性無移變

贈都下門人

都城吾輩辦道休生退百行勿相違常體三
光不昧天玄地妙真慧撮靈明親蓋友論長
生此理應無賽太平逸樂亘古真無壞一粒
化生珠兩道光明作對人天法界隨處藝心
香超造化越娑婆穩赴瑤池會

于二翁染疾求救

青山涿水獨我為生計百病總消除一性圓
明不諱丹成果滿都會玉虛壇觀自在樂道
遙別有神仙位公還猛悟萬事俱拋棄細細
數前程速速超離濁世結成仙眷積累大功
深通妙理脫凡籠永永無傾逝

贈劉七翁

清心靜坐自是天加護處處鬼神飲復感仙
賢救助善星羅軍黑部絕尸各常快樂永安
閑千載成遺遇心香不斷丹懇重敷露目下
顯嘉祥貴子賢孫雲聚若還迴首別有好生

涯清養浩靜願神法得真師度

贈卑一翁

欲通微妙聽取些兒活性定乃神留一顆圓
明運化靈宮起火深鼎玉泉流噴紫焰輟金
丹表裏光明射銀河灌頂滿面天風灑空外
走蟾輪擺弄周天八卦雙關撞過真性達穹
蒼忘世夢出陰陽自在逍遙也

歸朝歌

繼古韻 五首

業盡神生光一簇願養長生真面目心明還
似月當天神清有若風搖竹醉唱仙部曲更
令般載瑤臺玉透崑宮星壇月殿日射貫紅
綠不向人間貪福祿時得諸天常整覆五方
霞彩結成雲洪波裏面金丹漉燦爛明勝燭
七寶九宮光透熟轉玲瓏刀圭入腹不論驚

榮辱

四大圓光攢一簇明月清風開慧目法身養
就道根芽仙童手執天花竹會彈絃外曲本
性瑩若荆山玉樂真歡閑吟碧洞門出祥煙
綠苦盡甘來天賜祿日月交宮真反覆無中

別有好家風免投胎舍重揚渡性燈常照燭
應化太虛通純熟箇靈明白羅萬象出離生
死辱

玉蛇金嬰圓繞簇玉華金蓮清骨目金光龍
單玉鱗龍玉泉澆灌金稜竹玉鋒鳴勝曲玉

樓金殿金間玉玉金文玉鑪金鼎煇道青黃
綠玉飯金漿非世祿玉兔金烏常往覆玉山

玉海玉乾坤玉人玉性無淋漓玉蟾明匪燭
玉樹蟠桃仙果熟玉京丹玉陽服了不被諸

仙辱

無限神光常團簇瑞靄祥雲盈滿目青鸞亦

鳳舞仙宮不投塵世棟凡竹性珠明九曲靜
中鍊金并鍊玉做生涯坐觀浮世幾度黃河

綠天女天男天衣綠仙語仙言仙稟覆謝天
謝地謝神祇免教玉性拖泥瀝聖真常照燭
不虧功行丹漸熟透晴空太玄之外無籠選
無辱

羽蓋霓旌滿空簇暗合朝元真數目道遠自
在樂真歡何須一派喧絲竹洞仙歌雅曲珮
環時響清韻玉做奢華瓊漿玉醴不讓金盃

綠宴罷高真重賜祿從此靈明無蓋覆迴嗟
塵世謾貪饕餮皆將根本成波瀾不知昏性燭
蓋因那邊光景熟恣起界復投幽暗刻地遭
凌辱

踏雲行

一得沖和重觀幽勝鳥飛兔走交相應化成
天理任縱橫丹鐘萬道金光送開度諸天祝
遼真聖升騰發顯如如性福生無量見元初
這迴了了無修證

贈劉妙真化緣

普化行緣心清步穩通玄路上同來論丹誠
修鍊滅兌頑建成大福相資潤技度昏迷點
開心印十方父母皆巡問今生既得遇全真
歸期自有神仙引

贈文登王志明

箇箇修真人人辨道玄機妙理須尋討時時
常藝寶瓶香朝朝每記白掃步步清涼神
光覆罩十方賢聖加恩報紫霞堆裏玉容光
長春境界無衰老

登州閣一翁索

神氣沖和光明集聚三曰上下流瓊素闕中
時復飲刀圭金鉛玉永攢然住女媧嬰媯雲
朋霞侶無生無滅乘空步教傳四海奉全真
功成有箇師來度

贈登州韓一翁

咫尺蓬萊三山相叩金波玉浪鳴嚶翠光
搖曳接宮蒼清風皓月籠星斗萬派銀蟾圓
光並濤玲瓏七寶真祥聞人還似此作修持
玄元大道皆成就

詠鐵查山石芝

四海雲膏三山靈秀採芝須要忘形友充飢
濟渴養瓊苗添神益算光明透鸞鳳翔翔虎
龍戰闕金獅玉象鳴嚶吼已曾携去獻高真
人還服了無衰老

贈道人

博瓦高行治鑪妙性琴棋書畫粧鑿玉鑿鏈
繩墨與薰縫接裁出藥俱選請速踏雲行暮
山溪嶺長思仙路重相等西江月下望蓬萊
逍遙樂處全真省

行香子

過師

定八年間得過重陽感直慈訣破心王清中
誘化靜裏斟量見紫霞生祥風至聚雲光
抱一無雜應物圓方喚東牟得道嬰郎丹成
果滿披挂霓裳便見三清朝玉帝普行香

贈瀕州小胡

有箇真方誰肯承當聚煙霞馥郁清涼沖盈
法體補益神光定本根源無生忍返嘉祥元
氣充飡渴飲霞漿混玄精與道為常碧蓮自
綻瓊萼芬芳結紫金丹清真果滿宮香

謝聖水會眾

獨倚蓬門作箇行香讚虛無道德清涼穿金
透石空外呈祥便飲刀圭添丹鼎鍊真陽那
散長空得遇仙方謝諸公頌賜衣糧重開道
宴補惜靈光自享遐齡增福慧速悲傷

贈萊州劉小童

無相容光莫放飄颺散玄珠寶顆真祥隨情
流轉定落空亡更道難成功難就業難當虔
志精誠把握陰陽遍靈宮寶殿行香金童作
對玉女成行得五門開雙關透出崑岡

勸人改惡遷善

欲趨災凶心喜顏紅把般般萬事休窮當持
淨念慕玄風每樂真歡搜真趣悟真空朗
月當曾照破邪蹤有雲朋霞侶相逢同超法
界共返仙宮禮大羅尊諸天聖玉虛宗

謝公主惠香

怵息回惶廣啓心香謝清頌檀髓沉香金鐘
篆起法界飄香獻玉虛尊諸天帝普聞香仰
祝吾皇稽首焚香讚金枝玉葉馨香一人布
德萬國傳香顯本來真元初性自然香

一點圓光妙洞真香恣逍遙三界行香沖和
道體浩瀚天香得大良因長生果性靈香清

淨仙香無價名香遇清朝遠近欽香太平逸
樂花卉偏香願大功成朝元去滿空香

勸徐老奉善

苦海茫茫深可悲傷箇風風稍悟真常衣冠
不整俗業消亡乃了真功忘彼我没參詳身
入圓光寶現嘉祥瑞煙籠七朵蓮芳重開玉
藥復結銀霜透太虛中無衰老永清涼

贈不語王哥

真樂開關口過刑刑養沖和屏蕩愚頑圓融
法性復變童顏便出三乘超十地不為難五
彩回環烹鍊金丹看仙鑪虎繞龍蟠陰陽數
足撞透天關就躡祥雲朝元去列仙班

蘇幕遮

誠道人相學

出家兒須決斷自己搜尋不論他人短性命
休令塵惹絆謹謹修持獨把頑心鍊養沖和
神不亂點滴靈砂般般載登雲漢玉蛇金嬰呈
手段無作無為物外真空伴

寧海趙信武索

五明宮三光照八脉嬰兒九轉通玄妙七寶
林中常舞跳十地玲瓏一箇真歡笑杳冥冥
冥香香今古諸仙永水同相召外道天魔都
未曉方喜圓成了了還重了

迷懷

我風狂真九百豁蕩乾坤爽氣猶嫌窄大道
通融非有隔地靜天清寸步輕輕暮晚雲收
秋月白萬象參羅燦燦流清色休道東牟無
羽容妙用玄機得得真常得

丹陽祠堂

彦明姜鍾子政文舉先生三友於中省各發丹誠用得正助闡玄門轉化昌陽境玉陽王為袖領外誘諸公結果全真行工匠同流須至敬感動扶風專向蓬萊等

姜鍾二公法名

鍾守中姜守靜接引丹陽濟度諸靈性志懇心堅人盡敬遠近聞風一布欽真聖到如今誰復聽工匠艱難倒把鋒芒驕多少良材皆棄屏先要交錢不敢違他命

徐公問因果

守靈芽般瑞果七寶金蓮應結長生果無作無為成道果出離凡籠沒證真仙果老來修難成果透漏真元敗壞祇困果拍手空迴沒因果譬似無常速鍊全真果

請丹陽法體往西關

嘆車夫達正道巧使機謀護佞姦邪狡敗壞宗風無處告破鏡鷓鴣和我難分曉到如今誰敢保密裏藏破碓反辱全真教東海西秦皆被惱曹費來為須有天神報

示李梁張三人

李張梁聽少告休德躋躋縱得心顛倒每恨玉陽無答報似此修行何日歸蓬島大唐僧九度老萬種艱辛一志終須到東進佛經弘釋教相契如來證果真常道

勸休綱目

我生來元怕死固蒂深根方證長生位一切含靈無稍異普願安全此是天公意運慈悲呈雅瑞赫赫靈霄萬道祥光起三界高真興法喜祐護人人各各無災沴

勸迷徒

嘆迷人如大醉敢使機謀爭眼謾天地殺盜邪淫呪神理一向無知不顧臨時罪氣歸空形委廢性識區區走入幽牢裏無限冤魂誰救你鞭棒摧身她狗爭吞噬

勸船戶

勸諸公富發普網畢休施善處尋生計自有神明照察你福壽重增別享甘甜味得真歡除濁穢一性圓明萬法都捐棄靜看靈源生雅致返老還童占斷清涼地

勸修鍊 三首

識三田通八脉九轉光明一點無塵隔放蕩真慈通杳默丹寶靈芽般戴青黃白透崑宮仙桂宅逢出神珠空外呈紅赫奉勸塵寰寄宿客早早收心了取真功德

做修行須體究把握靈源莫遣丹砂漏此箇功夫世罕有內得神全外得身長兼辨沖和明交媾玉液瓊漿吞嚥三光秀上下循環通九九撞過天門水作煙霞友

白蓮池金液沼龍戲明珠紫霧常圍繞虎撞羣羊山下開驚起白牛九曲江邊跳赤鸞飛朱鳳嘯海底嬰兒抱定龜蛇笑長就黃芽通節要陰裏生陽幾箇人知道

贈蓬萊李一翁

說修行蒙見許端的迴心戀甚妻兒女好漢不教人數賦苦海奔波充箇前程路脫塵寰出幽府七祖先亡救拔升雲步既沒輪迴真漸悟行滿功成決應三清舉

行化

遇行緣逢知友法水洗心滴滴靈明透收在

鑑中無外走二氣升騰顛倒祥輝湊泥丸
通肘後晝夜懸懸不許纖毫漏奪得玄珠呈
好手雲步青霄大道方成就

望蓬萊

寄朝元公

朝元子偏共道相親宿契良因今日現未來
妙果再鋪陳日日轉清新造化空外走蟾
輪認正本來清淨主瑤臺闌苑四時春方稱
箇中人

示門人

○修真子物外細搜求既得出家須惜福各增
功行度春秋諸事一齊休持內照心月按雲
頭二物沖融成大藥三關流轉旋添抽元海
把根收

贈小童

諸童稚謹意學文章萬事不令心散亂忘情
緘口養和光開悟內丹方添清爽一性轉溫
良大抵儒風并道理若能運用兩無妨了了
赴仙鄉

述懷

天之道妙用不虛傳一點生成真法性二儀
錄就出塵仙隨步結金蓮明了了顛倒顯根
源四大扶持真水火五光照徹九重天七祖
盡朝元
雲光集卷之四

重陽全真集序

枝二

全真之教大矣哉謂真者至純不雜浩劫常
存一元之始祖萬殊之大宗也上古之初人
有純德性若嬰兒不救而自治不化而自理
其居于子自適自得莫不康寧享壽與道合
其真也降及後世人性漸殊道亡德喪撲散
純雜情酒慾殺靈於中愁霜慧大魔於外性
隨情動情逐物移散而不收迷而弗返天具
盡耗流浪死生逐境隨緣萬劫不復可為長
太息也重陽憫化妙行真人博通三教洞曉
百家遇至人於甘河得知友於東海化三州
之善士結五社之良緣行化度人利生接物
聞其風者咸敬憚之杖屨所臨人如霧集有
求教言來者不拒詩章詞曲疏頌雜文得於
自然應酬即辨大卑誘人還醇返朴靜息虛
暖養亘初之靈物見真如之妙性識本來之
面目使復之於真常歸之於妙道也或問真
人者曰人生天地間雖曰最靈亦萬物中一
物耳孰能逃陰陽之數孰能出造化之機有
始必有終有生必有死此自然之常理也不

真異氣仙不可求不契夙緣道不可學豈可
苦身約已如繫影捕風鑊冰雕朽為必不得
之事求難成之効哉真人喟然歎曰長生妙
理人具仙林孰不可求有怠而弗成者顯而
至多有勤而取驗者隱而甚少世人以多見
為信以不見為疑遂以仙事茫茫為不可期
也試以物理驗之鑊之鍛鍊可以為鐵銅之
點化可以為金魚起呂梁而為龍雉入大水
而化蜃冰之易消者也藏之可以度夏草之
易衰者也覆之可以越冬人能割愛去貪守
雌抱一遊心於恬淡合炁於虛无亦可以高
舉遠致躋景登虛逍遙乘禦寇之風往來飛
應真之錫騎鯨而遊滄海跨鳳而上青冥千
年化兮如遼東之鶴望日朝兮若葉縣之龜
與安期美門之流洪崖洞玄之屬同列仙班
不為難矣古今得道輕舉者不可勝數子謂
無微如聾者不聞有絲竹之音聾者不知有
丹青之色彼淺見說聞烏足以語道哉問者
屏息汗顏而退真人開方便門示慈悲海出
人於炎炎火宅提人於浩浩迷津識性命之

祖宗和氣神之子母有无會於一致空色泯
於兩忘使入是門者如南柯夢覺由是路者
似中山之酒醒返我之真無大無餘復入於
混成歸我之宗不墜不失復同於太始真一
之性湛然圓明變化感通无所而不通也真
人羽化之後門人哀集遺文約千餘篇辭源
浩博旨意弘深涵泳真風包藏妙有實修真
之根柢度人之梯航也京兆道衆聚財發軔
雖已印行而東州奉道者多以去版路遙欲
購斯文不易得也長生劉公教門標的仙宗
羽儀為一代之師真作四方之教主謂全真
之風起於西興於東徧於中外其教廣矣大
矣乃命曹瑛求靈玉徐守道劉真一梁通真
翟道清等化緣特詣吾鄉求序於擇以真人
文集分為九卷載開版印行廣傳四方俾後
人得是集者研窮其辭如鑿井見泥去水不
遠鑽木見烟知火必近使人人早悟而速成
實仁者之用心也噫自古修真之士或跣足
尋師而師不遇或斷臂問法而法不知至于
皓首窮年莫知所措虛過一生深可惜也今

全真文集散落人間妙用玄機昭然易見學
者宗之大修則大驗小求則小得士之志於
道者通過斯時何其幸也大定戊申清明一
日寧海州學正范澤德裕謹序

重陽全真集卷之一

終南山重陽子王嘉謨

七言律詩

結物外親

一姪二子一山侗連余五箇一心雄六明齊
伴天邊月七葉俱邀海上風真妙裏頭拈密
妙晴空上面躡虛空東西南北皆圓轉到此
方知處處通

一弟一姪兩箇兒和余五逸做修持結為物
外真親眷擺脫塵中假合屍週匝種成清靜
景迥相傳授紫靈芝山頭並赴龍華會我趁
蓬萊先禮師

先生於寧海軍裝伴哥街市乞化背

紙一大幅上書此二詩以誘馬鈺同

去乞覓

圈眼王三乞覓時被人呼作害風兒五般彩
色於身見一點靈光只自知貼觀一收八句
字指期須願七言詩長街兩面諸豪富不道
蠶歸是阿誰
白為骸骨紅為肌紅白裝成假合屍昨日盡

呼重陽子今朝都看伴哥兒別軀異體皆非
悟換面更形總不知世上枉鋪千載事百年
恰似轉頭時

孫公求問

於身切莫論賢愚好對三光認太初剔正四
門通教化弼端一性便開舒清涼境界逍遙
住閑暇光陰自在居奪得仙丹起造化有餘
其樂證無餘

答戰公問先釋後道

釋道從來是一家兩般形貌理無差識心見
性全真覺知柔通鉛結善芽馬子休令川撥
梓猿兒莫似浪淘沙慧燈放出騰霄外照斷
繁雲見彩霞

呂公欲退吏求問

掌條行法每兢兢恰似臨淵履薄冰三選好
歸投侍奉一身從妙做清澄靜中煨鍊開心
月得處光明放慧燈自有真師來度汝玉峯
山頂去昇騰

王公問五門

五蘊山頭闌五門氣神交結碧桃潭決令見

性靈無慧定是於真瑩不昏外物青霄應久
聚空中朗月永長存青童捧出金丹妙唯許
元初自討論

馬公問平等

往來須認定盤星出入還應辨斗青見彼過
如余口過願人靈似我心靈自通天地神尤
真得親鳥蟾性轉馨便是修行真妙訣若能
依此達天庭

張姑求問

九葉金花永展舒八渠瓊水任相於七門得
得俱通達四象明明總寂虛一粒神丹歸正
路二條銀線結元初光輝燦爛知分付果證
無餘樂有餘

磨鏡

磨鏡爭如磨我心我心自照遠還深鑑迴名
利真清淨顯出虛无不委沉一片靈光開火
道萬般瑩彩出高峯教公認取玄玄寶掛在
明堂射古今

和落花韻

不謀輕舉望昇飛碧洞無勞開玉扉久厭世

情名與利素嫌人世是和非須知謹謹修心地何必區區術道衣門外落花任風雨不知誰肯悟希夷

題紅白牡丹

紅白絞綃剪作團青羅帳上穩排安清香遠噴无差別異質雖殊各正端塵世久遺三島種時人休作兩般看我今折得同歸去步步雲霞代彩鸞

進法師註道德經

遵隆太上五千言大道無名妙不傳一氣包含天地隨四時輪運歲辰玄五行方闡陰陽位三耀初分造化權窈默昏冥非有說自然秘密隱神仙

劉仙求問

悟徹韶華六已通能將一己會飄蓬閑闕不用焚香火得何須看教風好把靈明開遠近便令性耀出西東投真換假光輝至步步蓮花接上宮

邢公問七十二歲修行可否

便如百歲未為遲只在心中換過時今世不

能全了達來生應許做修持臨行一點須搜正收取三光亦復隨只是投新遺舊念能除新念得靈芝

示學道人

修行只被巧心多却把金剛喚阿楚外貌人前誇俊雅內容目下愈蹉跎性中難以開金訣真理焉能悟玉科枉把妻男空棄捨將來罪業看如何

贈柳蔣張夷仲

為受張良講道經便遊勝景得清冷足穿水石通連路面瞰雲山展畫屏萬戶人家三島瑩百般花草一般馨我今回首公休恁却赴中南碧洞庭

春兩

一澤如膏賀太平天垂歷祐洽民情行雲作蓋三光射和氣呈祥萬彙生緣出慧心尤寂靜洗開道眼愈分明攜筇便踏雲霄路請箇清閑倒玉瓶

訓愚魯

學仙英俊喜逢遭慧魯應當苦熬熬開暗須

吹心上火發蒙難許笑中刀如能省悟從余訓若肯歸依是我曹吉言吉人王嘉總無思無慮樂陶陶

化造鐵罐錢

若使於身誠黑烟八都山上認三田靜來便是歸虛寂闌處那由覓妙玄木上如求金上虎水中須養火中蓮諸公要識刀圭法願助王風鐵罐錢

題逍遙軒

逍遙逍遙這道遙笑煞松篁信任敲從此白雲來洞口不須綠水逸山腰滿江才子空嗟濁投閣詞人謾解嘲遠識這般知這箇龜毛兔角一齊拋

楊公求問

七尺堂堂假合親衣餐恰恰比三人莫誇骨格尋常貌便認金容文六身覺悟西方通妙用晚明東度結圓因化形千尺應無礙好向凡間轉法輪

送軍判弟求安樂法

欲求安樂稟良因須是心開離垢塵闌裏莫

令營植氣靜中應許食全神自然認得三光
秀決定通和四序春外假瑩明內真樂凡人
不覺做仙人

上兄

同胞誰悟水中金已卯壬辰各自尋顧我已
歸雲水老勸兄休起利名心思山愛海何時
徹火宅凡龍每日侵莫為土坡牽惹住蓬萊
別有好高峯

修行助饑寒者唯三事耳乞覓上行

符中設藥下空如此無作用亦未是

乞覓行符設藥人將為三事是修真內元作
用難調氣外有勤勞易損神不向本來尋密
妙更於何處覓元因此中搜得長春景便是
逍遙出六塵

王公求放生

知公能作自身觀物命於人沒兩般只是形
骸分別異便令飛走復全完仁同山嶽橫息
嶺德洽江河注福滿陰理无差皆盡報捧其
仙壽在仙壇

題麻真人觀

卷二

九

躬參真聖望崑崙影嵐光鎖大虛秀氣銳
招湖客至害風塢與彩雲居黃金鑄就真靈
性白玉裝成善始初休說終南山色好神仙
何處不如如

問龍虎交媾

莫問龍兒與虎兒心頭一點是明師炁調神
定呼交媾正精虔做煦熙平等常施為大
道淨清不退得真慈般般顯現圓光就引領
金丹株玉芝

孫公問三教

儒門釋戶道相通三教從來一祖風悟徹便
令知出入曉明應許覺寬洪精神先候誰能
比日月星辰自可同達理識文清淨得晴空
上面觀虛空

任公問本性

如金如玉又如珠兀兀騰騰五色鋪萬道光
明俱未顯一團塵垢盡皆塗頰頰洗滌分圓
相細細磨措現本初不滅不生聞朗耀方知
却得舊規模

木魚

無腹無心掛殿庭箇人敲擊響瑤玕種成因
果能招飯喫起僧尼使念經水難不容垂餌
線火災猶未脫身形忽朝月夜清風至吹斷
攀緣一任馨

詠慵

自哂踈慵號可勤夢中因筆記良因與人還
禮穿開口見飯懷饑不動唇紙襖麻衣長蓋
體蓬頭垢面永全真一眠九載方迴轉由恐
勞勞暗損神

鐘

取像西風鑄作形空中懸起顯身禁八十一
下陽爻數一百八敲陰德名遂使道家分子
午亦令釋子辨虛盈傍人若肯長為力便是
能明自己聲

麥粥

塞團雲子白於霜雅稱清明別有香寶刃輕
輕分玉片銀匙旋旋灑瓊漿金童捧出瑤芳
瑩仙客嚼開雪彩光五臟盡令更改正從前
永永得清涼

鼓樓

黃昏拂曉角聲哀急鼓同祛疫癘災水滴按時分刻正錚鳴應點定更迴百年光景宵宵逼一世韶華夜夜催奉勸索詩人早悟莫教耳內五更來

姜公建鐘樓

精藍三寶實心依結構重樓願顯明圖使響音空外響任教清韻世間清徧聞一顆真金吼擊動十方自己聲大小盡能歸仰處總令一一證圓成

問禪道者何

禪中見道總无能道裏通禪絕愛憎禪道兩全為上士道禪一得自真僧道情濃處澄遠淨禪味何時淨復澄咄了禪禪并道道自然到彼便超昇

赴登州太守會青白堂

青白堂中一水泉清靈澄浩又深淵源源滾處流無竭潑潑來時潤有緣窓外透光穿玉液門緞撒影弄金蓮馨香滿室靈波聚捧出明珠上碧天

曉達

搜開本有自分明放出真光滅盡情三寶決然攢正覺一靈何慮不圓成得通妙用通澄湛會認玄微認淨清凡體化為雲外客長生路上步前程

遊興慶池

信脚閑遊興慶池元來只是這些兒雨饒荷葉珍珠迸風捲筠梢珮玉枝春綠夏宜紅萬莖秋澄冬顯碧琉璃琉璃清徹源流處問著源流總不知

禪門初洪潤乞無相

修行須是辨西東勘破凡軀物同白雪嶺頭搜正覺紅霞山上弄虛空此般消息春光裏這箇因緣月影中休泥庭前栢樹子自家真性是家風

老僧問生死

平生已得正摩訶玉韻金聲總處和正覺途中登迥嶺菩提路上出高坡慧雲逾白蓮果真性還超祇樹柯從此不生應不滅定歸般若與波羅

善友問耕種助道

十一

世間凡冗莫相於清靜精研禮念初慧照時頻剔撥心田日日細耕鋤增添福炷油休絕勒剪煩苛草盡除登瑩苗豐功行滿登苗攜去獻毗盧

蘇公求退吏清閑

人人若論識清閑除是蓬萊第一仙無極雲霞為伴侶半空風月作因緣用通要到飄然到使慧如遷即便遷公把凡軀仍脫了請來此處話長年

夢

嬉遊外景日相親每到中宵睡裏真七魄樂隨魔鬼轉三尺喜逐耗神津心猿緊縛无邪染意馬牢擒不夜迴四假身軀販白晝筆來何異寐時人

呂善友索金剛經偈

金剛四句首摩訶其次須尋六字歌仗起慧刀開般若能超彼岸證波羅識心見性通真正知未明鉛類蜜多依得此中端的義上騰碧落出娑婆

于公求自幼不食五穀

十三

此因只在玉京山不必盤餐注貌顏養氣每
憑真水潤願神長似白雲閑行功盈滿超中
位鉛汞相投出此間直待外邊滓穢盡甚時
光彩始迴環

問清閑

心中澄湛莫煎熬性上恬然舉慧刀挫碎紅
塵搜得得劈開黑洞認陶陶穿峯明月為吾
友過嶺孤雲是我曹作伴為隣歸去後任遊
三島訪蟠桃

人戲言欲盜脚引

幸中有幸遇鄉侯豈肯將余脚引偷你等不
遭三毒苦我咱已出九幽離心如朗月天心
運性似清風道性流短引再蒙長引在管教
東海一靈周

閩都監問長生

閩公忠顯問長生方是高樓打一更時刻分
明全五氣甲庚顯倒鍊三彭願求當日黃金
器須出今朝赤火坑認取蓬萊真正路瑤臺
穩坐泛瓊醜

宋公問修行

剔正心靈事事通便今生出玉花叢三田珍
寶迎朝露一粒丹砂袞曉風艷艷紅輝還潔
白明明白曜復殷紅自无實相虛應顯空裏
依空現本空

修行

這箇修行總不知元來只是認真慈赤衣上
士遊山水烏帽先生入火池白馬嘶時金亦
吼青牛耕處玉無玷衝天柱地震光照籠罩
翁婆最小兒

大器修行不厭華玲瓏頭俊屬吾家清風裏
面全真氣明月前頭結實砂常把舊容常點
檢便將新相便拈拳一通擲在青霄上透過
虛空顯像芽

龍吟引起虎咆哮雪浪兼風旋旋拋滌蕩一
靈添到瑩調和二氣便相交鳥龜行向海中
戲赤鳳飛來頂上巢明月一輪光燦燦玉峯
高處照三茅

自從一得見天真今日方知舊日人離俗復
為雲外客脫塵不作土中賓蓋緣往昔捨來
汞全是當初定水銀一點靈明歸靜界圓光

裏面轉金輪

玄關奪得不追尋鍊就重陽滅盡陰從此類
添木上火由斯再煮水中金萬般神應還誰
見一箇真雲只自欽兼則為形散為氣晴空
來往永無心

胎仙舞出做神仙都為從來得正端何用丹
田金虎繞不須寶鼎玉龍盤叱迴鉛汞應清
靜換過陰陽愈喜權一段紅霞生岳頂迴光
明明照青鸞

斷雲飛盡月光明返照神舟傍岸行水火相
逢開正路木金間隔定長生黑鉛赤汞分南
北白虎青龍換甲庚依此修持真了了空中
結就玉絲棚

既然朗照絕搜尋不必區區論淺深正坐的
端通子午迴頭又復見了了五般彩色頻頻
步一箇玄機每每侵捉住虛空真妙景應將
此景作嘉音

吸呼吸息妙非蘆養就從來一顆珠子母相
隨真彩結氣神攢聚異光殊倒顯交媾分機
密上下沖和得要樞好向深山最高處怡然

獨放月輪孤
從初更會捏風顛撒向瑤池種玉蓮生出一
枝偏皎潔拂開五葉各團圓昔能已見通玄
妙今則還知得自然既沒四時催逼去長春
境上不排年

修行須用九陽圖認得陽圖事事難智者便
知超造化愚人在了下功夫得來勘破無中
有成後何如有若无无有有相有中
无相達天衢

能知下手免三塗咄了從前這匹夫入火肯
教成煇熾渡河難以滿漂浮日中精艷長生
瑩月裏瓊林永不枯此箇大丹歸物外逍遙
來往入虛无

永學道人

虛誇修鍊鍊何曾只向人前術已能難曉儒
門空怯士不通釋路却嫌僧色財叢裏壽起
越酒肉林中覓舉昇在俗本來無一罪蓋緣
學道萬重墮

心中端正莫生邪三教搜來做一家義理顯
時何有異妙玄通後更無加般般物物俱休

十六

著淨淨清清最好誇豈切真人重出現這迴
復得跨雲霞
果然慕道沒牽纏孤僻身軀獨自眠靜裏靜
生唯得妙關中關至決投玄德時放肆知恬
淡度日清涼稟聖賢休望神仙休說了教公
自坐白花蓮

去年寧海軍中坐今歲文登縣裏行兩過歲
除寒復暖二經年節暗還明這般顛倒誰同
曉此箇陰陽我獨精一兩真金纜出火不須
團打自圓成

好相如知莫外持心神便是汝真師古人公
案須搜獲自己家風要騎馳細細得通前覺
性盈盈澄正舊慈悲慈清淨俱雙立頓悟
全无物物塵

認得心花便害風玲瓏玄妙永鉛通三千內
用千朝法十載中傳九轉功彩艷萬重鋪潔
白明光一點吐殷紅虛空返照虛空影照出
真空空不空

幾箇同流會養軀我今獨自術癡愚饑來糲
飯長嘯啜寒後羸衣任蓋鋪詩句不能分密

十七

妙心間難以認惺惺豈唯得時須守應是
還他父母祖
一字至七字詩
詠茶
茶茶瑤華瓊芽生空慧出虛華清與神氣招
召雲霞正是吾心事休言世味誇一盃唯李
白與七椀屬虛全家金則獨能烹玉蕊便令
傳達放金花

酒酒惡唇膩口性多昏神不秀損敗真元消
磨眉壽半酣愁腑腸大醉推心首於已唯恣
猖狂對人更沒慚慚不如不飲永醒醒无害
无災修九九

色色多禍消福損金精傷玉液摧殘氣神敗
壞仁德會使三田空能令五臟惑亡殞一性
靈明絕盡四肢筋力不如不做永綿綿无害
无災長得得

財財作孽為媒唯買色會招益更令德喪便

財

惹殃來積成三界苦難脫九幽災至使增家
豐富怎生得免輪迴不如不要常常樂無害
無災每恢復

氣

氣氣傷神損胃轉程得甚滋味七竅仍前二
明若涕道情勿能轉王法寧肯畏關勝各街
僕儼爭強轉為亂費不如不作好休休无害
无災通貴貴

七言長篇

詠酒

雲朋霞友每相親滑辣清光養氣神滿坐談
開三教語一盃傳透四時春知自在亭中
景便是逍遙物外身默默昏昏風伴伴冥冥
窈窕月為隣異香旋旋虛空過翠霧層層上
下伸清靜並無生愛念醉來舞袖復尋真

全真堂

堂名名號號全真寂正逍遙子細陳宜用草
茅遮雨露亦非凡屋度秋春一間閑舍應難
得四假凡軀是此因常蓋常修安在地任眠
任宿不離身有時覺後尤寬大每到醒來愈

愛親氣血轉流渾不滿精神交結永無津慧
燈內照通三曜福注長生出六塵自哂堂中
心火派何妨諸寇積柴薪

呂公求指訣

禮念焚香作福山不干道道中玄外邊假
合開中寶裏面真人認得賢處處無心為煨
鍊家家有性現精研一條白線堅遠潔一粒
金丹瑩又鮮兩路相隨成曲調雙關共透願
詩篇蓮花出水騰顏色葉葉分明是箇仙

文山程法師問內事

從來分得三光秀撲入凡軀土底攢結性不
能超造化於身偏會做饑寒如通須是搜元
有要見還應只內觀莫泥水升蒸火降休推
虎逸與龍蟠神精氣住超雙關日月星旋微
一團便是修行真捷徑碧霞裏面裏金丸

修行

下關牢固火能然雅氣無侵漸至堅一九住
時添秀麗二關通後得完全既能已結成初
有復速中間認始先直要真清真寂靜更令
沒染沒繁牽須史既濟同相見頃刻沖和共

自傳穩坐明堂括實炷復遊金洞赴瓊筵飢
寒脫了堪來往生死指除會倒顛有箇青童
持紫詔請公水永伴神仙

述懷

慧刀磨快劈迷蒙對碎家緣割已空火焰高
焚端子午水源深決潤西東上中下正開心
月精氣神全得祖風既見舊時親面目更無
今日假英雄五重玉戶光生彩一粒金丹色
變紅自在真人歸岳頂手攜芝草步蓮宮

茶言湯語是風哥芝草問談果若何不可人

前誇了了須知物外笑呵呵赤龍攬海漆離
水紫焰安爐養坎河木馬還能從水虎金翁
須是要黃婆汞鉛巨昔交加作兒女今朝嬰
姪多坐客同歸迴首度教君也得出高坡

和傅長老分茶

坐間總是神仙客天上靈芝今日得採時惟
我識根源碾處無人知品格塵散瓊瑤分外
香湯澆雪浪於中白清懷不論死生分爽氣
每嫌天地窄七椀道情通舊因一傳禪味開
心持蕩滌方虛寂靜真從茲更沒凡塵隔

和玉長老古調

慧觀緣空絕昇沈瑞氣杳裊闊遙岑此地常
過三山客往來相隨九臯禽重樓清冷酒甘
雨洗滌自沒凡塵侵神水撞透紫金窟瑩瑩
寶洞尤邃深洞前古栢青且綠狀若月中蟾

部林樹下問祖西來意口不言答提裾襟既
已彼此總明了定中達達那搜尋無身無為
亦無漏勿論實腹弄虛心教君一通通這箇
八脉嬰兒纏錦衾有誰能令胎仙舞唯我三
疊鳴心琴

五言律詩

早行

正做真間客前程道路通長途無曉暗促步
任西東誰識中宵月獨知半夜風為行平等
會不與利名同

詠寧海軍

寧海軍中身清虛道富豪依山知飲淺近水
覺居高善膳能滋味仁人得過遭迴光通返
照相從喫蟠桃

了了修行

其二

三

慧劍空中舉光芒射太虛勤除馬院幕斬斷
水鄉蕩兔苑金花綻雞官玉葉舒黃輝白耀
顯此箇是毗盧

遊香嚴院

鐘韻知金吼魚音聽木聲火靈香炷引水住
寶瓶盛四事誰能悟三乘教愈明達斯玄妙
理便是證圓成

僧淨師求修行

依首念彌陀清涼氣候和要金三曜照須認
六波羅般若常令顯菩提每見多真如應得
悟歡喜出娑婆

述懷

一箇好門兒關關善護持金童齋玉鎖玉女
捧金匙閉後無人見開來只自知常常扁與
開出入紫靈芝

要見菩提相應當識密多結成三藏寶顯現
六波羅物物無頭腦般般有脚窠介然通穎
脫玉液潤金波
氣壯神清爽心閑性逸安重樓傳玉液雙關
鍊金丹了了通三道圓圓做一團不無紅焰

遊蕪有紫光讚

這箇為根本靈光要至誠搜窮物外景滅盡
世間情四序傳中氣三光在上明如通顛倒
法何慮不圓成

道在性長在身愁心不愁黃芽徧地長白雪

滿園收姪女尤歡喜嬰兒最樂優刀圭第一

法此外更何求

會步修行路應先上寶臺仰瞻超廓落俯看

免輪迴清淨真靈現玲瓏慧眼開須憑顛倒

法怎得倒顛來

五言長篇

二十二

上登州知州

方面蓬萊路朱樞喜色通車行行德雨扇動
動仁風前擁雙旌貴旁馳萬騎雄裁棠齊召
伯闡化類文翁政治靈光顯言專性理融位

登槐府後應與我心同

述懷

功成玉四父風害第三孫督地迴頭處認得
自來懣孽開真道眼跳出是非門已作空中
客那為地下魂名山三座總好景四時溫物

物非非是非非是勿論

眼暗耳雙聾明聲總不通勸伊休唱諾舉事
便和問不去欽賢聖何勞重害風般般俱是
妄物物盡皆空妻女千斤鐵兒孫萬秤銅忘
知投黑暗尚自騁般紅惡業常穿積良因忘
得蒙身邊誇體段心下若飄蓬幾箇知元本
何人憶祖宗肯憂歸地府曾話上天官只會
貪財色無非滅視聽如行平等意走入五花
叢

藏頭七言長篇

○ 繼贈王子容都院

此華宗字子容風雅頌好相從端錦綉塵凡
物馬豬羊世俗蟲是九條獨出戶為三箇趕
離宵生寶壁開心曜進丹丸壯腎宗祖若知
通造化神稍悟得和邕中莫戀超三境底休
尋上二峯舉崑崙山頂現聞林屋洞天封光
返照元初路下方堪擊玉鐘

重陽全真集卷之一

重陽全真集卷之二

枝二

終南山重陽子王嘉謨
七言詩 藏頭

別境

凡修道本如然滅煙消占得先元騰騰慵謹
戲虛寂寂懶狂顛心故別境前土性須成物
外仙上不唯余顯跡令七祖盡生天

贈僧肇法師

地因緣離土丘心作解得真修分道眼高羅
漢溉靈根越趙州利天宮昇局寶京山上拂
雲頭皮黑去黃芽現箇青牛吼白牛

贈傅太丞

云傳說類桑君辯心靈過古文定膏肓別有
按存性命沒差分圭善用陰陽字午能交水
火紋細失無功行得非呈硬便攜雲

述懷

三一味獨馨香日閑中道眼光元不侵除鬱
悶門俱得覺清涼傳三教誰能看觀三光我
細詳說世人惟好賄誰認得這風狂

贈王道人

來月往愈身輕是雲車穩又平日怎知雲水
貴仙相聚氣神榮牛運用人難鑿虎咆哮我
有聲遠是非心樂道先勝地實清明

和純陽真人韻

人到此弄清泉洗塵勞物外天是人非難泊
汨生日沒往千千年修鍊方歸且日應成自
恍然裏白連今已見神正得大羅仙

勸化

失人身萬劫休人不悟百年愁懷愛海長思
憶戀恩山每悵惆備般般方入道先箇箇總
淹留中珍寶誰能置待荒郊卧土丘

喜再到醴泉

火相建溉濟全三綠此養丹田年功行為中
士日清閑作上仙谷幽居雖滅閑鄧大隱得
真詮神知命皇天覆喜今朝到醴泉

終南劉蔣姚二官設醮

談心應遇佳時下脩成大醮儀俗喜逢真舌
善今雖有最慈悲懷道德洪禧助拔先宗勝
廣施謝聖賢多擁護人名姓已天知

自述

分修進有何憑下明珠鍊要精麥哺餐金籍
蔭陽運轉莫生情無雜念除思憶不胡遊處
淨清火相達成既濟將嬰媿賀昇平
公詩債接金科米須將白麵和齒契時滋味
別去分處往來磨頭女子分明說口嬰哥返
復呵意要知顛倒法看一首沒言歌

贈學正來考中

金間隔有誰猜目高朋道眼開外三光寧就
觀中四假肯心灰坑跳出歸蓬島頂閣居勝
殿魁語筭言今謹示人專上彥中來

王德昭求學道

談舌舉却牽情印其靈道自生性本來圓又
滿儀能辨濁分清從上善歸燒鍊起中丹得
去程參要公心裏悟開此理並無名
裏無么萬事和中有口百般多昏一片靈光
振顯三重白氣波肉血筋休起念肝腎肺不
生病誰能運兼能轉問先生會得麼
和郭縣楊清史綠荷軒
皮皮顛綠荷坡上青青葉葉射雲軒真淨
灑澆玉軀肯相欺中直節通三昧後虛心旺

四時下和詩唯似暗風獨過萬重波

述懷

誦將來出世鄧豪乞覓且隨緣來緣去成真
拙有八無任自然裏白蓮金露滴中紅焰玉
繩牽兒不見芒兒去看一輪明月圓

時有幸做嬰孩後須將寶劍裁下明珠人不
悟中丹藥孰能精龍木上无驚怕虎波中沒
怯摧入泥丸如得得無罣礙到蓮萊

贈終南主簿趙文林

金相滿事无侵是人非總伏欽稅一方蒙大
陰因千行積洪音修仁德皇天眷下恩禧聖
主臨位最高誰可議咱先保趙文林

謝齊伯公

謝前親慧道根蔬珍饌總馨香高騰罷投新
墓裏安身是故莊隨益筋顏駐艷神定氣眼
生光誰似得王夫子了殘餘好並嘗
心乞食謝喉粮麥須知勝異香寬三餐滋臭
齋完四假處冥莊肥身體勤行善朴形軀老
漸光元騰騰功行廣婆嫁我味誰嘗

開德府東傳公送別以詩贈之

著余心十里因凡送路越紅塵牛哮吼精光
銳馬嘶鳴造化勾物舍和功行且靈明爽氣
神真人傳友真惺洒出陽關有故人

贈道友

此幽居我屢來方取正道眸開前瓊樹風前
燦裏金蓮水裏猜目人人瑤性廣芽箇箇玉
靈恢中清淨長無有下交伊上寶臺

道友索如何是修心定性

靈慧照得真修要心頭裏面周慶先成歸庇
廢陽脫後沒淹留中瑩寶光頻出上明珠焰
不休馬搬馱歸淨界然超過大神舟

道友作醮篆符簡

抵良辰集眾仙將玉篆遂同編絲不斷依從
古口相傳各取闡字金書誰敢悟田丹訣我
惟先然水木火金土一靈符便奏天

天長觀王師求

過華宗理性寬公真妙彩光完初面目分明
旭轉靈根自在攢德火生紅焰鏡花水湧紫
芒寒殿已結今先賀脉嬰兒飲大丹

文登韓公索修行

凡修鍊妙中玄裏通公道可傳把五行無用
作將四象有新鮮能離水金鱗騁解迎風玉
脫金詰詩詞須謝蔣公同處洞中天

贈馬鈺名

詢修鍊好追尋寸塵光寸寸金得果成無漏
果分音韻有緣音輝月耀三田磨魄陽魂九
轉臨位玲瓏真性鈺花臺上倚瑤岑

海

方大水敢誰猜浪銀濤類大才正三菴金體
現初九曜錦紋開通瑞氣明蓬島放祥峯聳
玉臺此波心無地陌川東注傲然來

贈道友韓茂先

兀騰騰任自然中認取水巾蓮綿俗冗何時
盡器塵勞每日牽子拽迴無一籠兒見處有
三田分清淨公休挂上言誰韓茂先

七言絕句

遇師

四旬八上得遭逢口訣傳來便有功一粒丹
砂色愈好玉華山上現殷紅

壽期

害風害風舊病發壽命不過五十八兩箇先
生決定來一靈真性誠搜剝

端午

離上新池逢端午不知誰會伏龍虎白雲草
霧得道遙勸公好把三光觀

元死作

人人只會哭家親誰肯能哀自己身若把已
身哀得慟無生路上作閒人

知縣邀余拜亡靈余不從

師僧鼓鉦讚亡靈唯有王風獨自醒若是骷
髏從拜禮不從拜禮沒骷形

和武功趙清明

三百六十金骨節段段圓明有分別地雷震
雨出山頭沆濯黃芽調白雪

不飲酒

醒來不飲塵中酒連後別傳物外杯莫倚白
雲隨處有自然舉步到蓬萊

金丹

本來真性喚金丹四假為鑪鍊作團不染不
思除妄想自然出入仙壇

警知天命

得勢那堪更得時得時全不畏陰司也宜積
行修因果惡業隄防有滿時

燒庵

茅庵燒了事休休休有人人却要修便做惺
惺誠猛烈怎生學得我風流

誠濬十四郎省語

王詰今逢濬利賓他能綺語敢相親想君舌
竇非皮肉銀裹金楞鐵口唇

一輪明月絕纖埃一片靈光照玉臺一粒金
丹人不識一生性命有誰猜

贈四梧公

七松處士絕蕞塵五柳先生脫愛津知縣將
來名遂後隨余堪喚四梧人

四林梧樹驚還訝兩本薇花笑似瞋坐久清
風來召我今宵却與月為隣

贈董德夫

乘閑隨步復尋真冷淡清虛作主人光遠正
堪誇綠鬢德夫依舊走紅塵

贈京兆杜先生

休言白雪與黃芽莫說鉛銀與汞砂試問杜公修大道崑崙山屬甚人家

贈劉蔣村僧定院主

玉名慧定定根芽不滅無生證麥麻顛倒若能談定慧圭峯好景屬公家

贈趙資深戴月桂

此花誰悟四時開細細清香遠遠來不是她娥曾下界肯留仙種世間栽

贈京兆稅院馮五郎

身賢認得得真賢便是逍遙陸地仙一點清虛歸本位紅霞長鎖白雲巔

山邊人立便為仙口訣十分得寶田允地言來震地說一中大悟便升天

紙鷲放起線長牽斷了方知出世纏空外清風來駕馭一衝直上大羅天

塵泥莫使汗行庵捉住清風好放愁明月過來須訪我三般滋味一般甘

修行須是默中言養氣無勞靜裏喧占得長春真境界百花香裏給孤園

活死人引子

先生初離俗忽一日自穿一墓築塚高數尺上掛一方牌寫王公靈位字下深文餘獨居止二年餘忽然却填了

活死人兮王詰乘水雲別是一權諧道名喚作重陽子諱號稱為沒地埋

生來路口不忘懷行殯須是掛靈牌即非感眾窺圖利為使人知速儆排

活死人墓贈甯伯功

活死人兮活死人自埋四假便為因墓中睡足偏濕洒壁碎虛空踏碎塵

活死人兮活死人不談行果不談因墓中自在如吾意占得逍遙出六塵

活死人兮活死人與公今日說洪因墓中獨死真嘉話並枕同棺悉做塵

活死人兮活死入火風水要知因墓中日服真丹藥換了凡軀一點塵

活死人兮活死人活中得死是良因墓中間寂真虛靜隔斷凡間世上塵

活死人兮活死人害風便是我前因墓中這

箇真消息出水白蓮肯惹塵

活死人兮活死人須知五教助身因墓中觀透真如理喫土餐泥糞養塵

活死人兮活死人晝眠夜寢自知因墓中有箇真童子笑殺泥團塵裏塵

活死人兮活死人空空空裏是空因墓中常有真空景悟得空空不作塵

活死人兮活死人活人珠玉問余因墓中境界真家計不免臨頭總化塵

天地高深覆載人人心姦巧不憑因只知名利為身寶不悟身為物裏塵

尋思到岸下船人笑指白雲便是因丹插在身無價寶自然光耀絕纖塵

人人不作是非人遠此無由地獄因三界超昇靈物在仙宮那得有飛塵

有箇逍遙自在人昏昏默默獨知因存神養活全真性骨體凡軀且渾塵

人能弘道道親人人道從來最上因若把黑雲俱退盡放開心月照繁塵

風月為隣也是人水雲作伴得真因便攜塵

鶴歸蓬島此去無由却墮塵

忽然認得岸頭人不可思量議厥因謂甚便
教成一曲曲中識破隙中塵

我今嗟彼世間人來路前生作甚因但恐性
乖來路失歸時轉轉入灰塵

胎生卵濕化生人迷惑安知四假因正是泥
團為土塊聚為身體散為塵

酒色昏迷惱殺人用斯濁惡轉推因將來失
脚輪迴去甘作沈淪泉下塵

外人不識裏頭人喚出門來得此因明月清
風休笑我這迴似你速紅塵

笑殺愚迷枉做人人人皆說養家因家人便
是燒身火乾了泥團却變塵

我今欲勸世中人正好追尋道果因稍悟這
般知道箇風前揚却一堆塵

陽人不合懸陰人都被陰人損善因鍊取純
陽身七寶無生路上不生塵

閑來默坐觀常人箇箇鑽尋無路因恰似水
魚魚戀水只知塵體投塵

世上輪迴等等人各分神性各分因百年大

限從胎死五蘊都歸塵下塵

穩駕青牛古聖人白牛枝葉出斯因儒醫夫
子成三教墜關愚速怕落塵

生來死去萬千人善果良因間有因嫉妬慳
貪誇富貴我今與你不同塵

誰識鄧中這箇人無為無作任其因白雲接
引隨風月脫得塵勞出世塵

往往來來人看人人心厮弄各論因三光塵
外分明鑒照爾身形盡土塵

迷懷

水雲遊歷到西方拾得真金堅又剛放在絳
宮封閉了滿宮明耀現霞光

金丹頃刻剎那成不在三年九轉行同葦若
能先悟此碧霞深處是前程

偷然獨對正峯前瑤藥瓊花景致全一粒金
丹成大藥並無下事不須煎

玄機妙理不難窮只在无言靜默中搜出從
來端的事休分南北與西東

會修真藥按名方搜得玄微理漸長從此鳥
龜投碧海炎山上喜朱郎

一團真實漸生光四象方能盡屬陽五葉金

蓮開爛熳萬絲瓊藥密舒張
午前子後正文鋒奪得金精顯戰功一顆入

頭當下落提來歡喜獻丁公
金蓮一朵自生來只許高人道眼猜吸取清

香頰服餌合和二氣結成胎
萬神精銳沒魔軍戰勝千邪不用賓獨顯光

明輝日耀方知此處有珠珍
玉峯山上採靈芝壯氣全神主本基一點光

明尤燦燦五般霞彩不相離
靜中勘破五行因由此能指四假身返見本

初真面目白雲穩駕一仙神
於身四假乃為賓裏面靈真是舊觀獨住三

峯誰作伴清風明月共三人
能知戈戟肯輕狂虎戰龍爭獨敢富奪得光

明珠一顆便令消盡九冬霜
白雲堂下夜深深細雨霖鈴滴滴金好醉蓮

菜須品令聲聲慢唱鳳蕭吟
修行先要識偏傍南北東西接四方水火木

金俱不用明珠一顆出中央

內觀一得見知音
明月山頭自在吟
萬首詩成誰會解
若教會解總無心

紫雲芝甲始先萌
採得來時旋旋烹
玉液瓊漿和合了
重樓咽下便長生

自從收得水中金
使用刀圭割盡陰
一朶瓊花開向日
晶陽返照運天心

馬猿捉住是修行
物物皆亡總不生
肯向畫樓擊更鼓
天明那用打鐘鈔

修持如會識金丹
只要真靈本性全
請看崑崙山上景
碧霞光彩接秦川

姓王名詰知明字
道號重陽四味全
一性易為風害
做千金難買日高眠

從此擘開真鐵網
今朝跳出冗塵籠
便將明月堪拏弄
撥斷繁雲好害風

玄機妙理最幽深
乾了銀霜死了心
駕取鐵牛耕戊己
滿園盡許種黃金

莫希奪舍學投胎
便向瑤池下手栽
生出白蓮花一朶
清香直許透天台

真修得得易非難
道用觀天合上天
占取二山真境界
王花蕊裏結因緣

瑤池裏面看黃芽
瓊蕊金枝綻玉花
朶朶玲瓏清氣上
玳瑁聲韻屬吾家

一生清淨養三田
今則方能論寂然
光瑩明珠歸岳頂
雲霞捧入大羅天

便做能尋空外響
直饒會捉水中泡
千機百計隨心轉
怎免臨頭這一交

為人不作鄉中鬼
指日須歸物外仙
這箇自然知去處
那般消息便精研

喚出元初子細看
瑩然結就紫金丹
明明圓妙應無比
五道霞光做一攢

能衣白布水中爭
會戴青巾火裏行
四味合和成一味
綿綿永永得長生

唯余會養紫金丹
煅鍊成珠故不難
放出光明光燦燦
萬般霞彩一時攢

玉液流時無箇識
瓊漿湧處有誰知
今朝獨灌金花樹
放盡馨香滿四維

唯余會喫青鸞肉
獨我能餐白馬肝
兩段合和歸一處
傍人遙見各心寒

驀然捉住這元初
幻化方知不屬余
一箇光明真了了
五般彩艷自如如

承鉛相見入長途
性命堅牢得永甦
擺徹水泉傳火氣
撥開煙焰指冰湖

誰識終南玉塞風
長安街裏任西東
問來矯首滄溟上
釣出鯨鯢未是雄

再知
一輪明月一清風
內外交馳西復東
夜出崑崙山頂上
照吹明爽自為雄

贈丘處機
細密金鱗戲碧流
能尋香餌會吞鉤
被余緩緩收輪線
拽入蓬萊永自由

贈桑公之子
桑公積行久深洪
鑄此兒郎事事通
稍悟內歡非外樂
好求月上弄清風

唐公求修行
修行切忌順人情
順著人情道不成
奉報同流如省悟
心間悟得是前程

學道修真非草草
時時只把心田掃
悟超全在絕塵情
天若有情天亦老

贈諸生

贈諸生

贈諸生

諸公在坐盡高才俊又聰明道眼開莫為功名牽繫住也應隨我到蓬萊

寧海乞化書紙旗上

害風人問有何憑術法俱無總不能每日作為只是上頭喫飯下頭登

贈登州奉道

一輪明月吐光輝桂樹香傳十九枝正到中更當子午放開靈耀射瑤池

贈馬鈺先生嘗於陝西作此詩及到寧海軍馬鈺初相見得姓名再書以

贈之

一列終南水竹村家無兒女亦無孫三千里外尋知友引入長生不死門

自畫骷髏

此是前生王害風因何偏愛走西東任你骷髏郊野外逍遙一性月明中

贈皇哥

多收惹草廣添油一點明燈在裏頭照見五門皆洞達教公拍手笑無休

贈孫二姑二姑乃馬鈺室家先生兩

次以梨割割與夫妻分食之意欲俱化也鈺從化一年許孫氏亦出家奉

道

分梨十化是前年天與佳時主自然為甚當時不出離元來直待結金蓮

在家只是二婆呼出得家緣沒火爐跳入白

雲超苦海教人永永喚仙姑

馬鈺從化以此贈之

擲下金鈎恰一年方吞香餌任綸牽玉京山上為鵬化隨我扶搖入洞天

無常鐘

鐘不依時聽者愁定知人世此時休數聲又逐斜陽去遺容無言暗點頭

馮先生求問

百年光陰總不同迴頭便是出迷家教公對景知顛倒孽碎微塵踏碎空

圓相

一輪圓相自家知王嘉於中正是時來出崑崙山頂上英邀風月到天池

織造人

織造之人得也麼街前獨自騎機梭若還似我道遙客爭肯千頭萬緒多

雪

六花偏與我相違飄落人間壓是非碧洞自溫無四序肯教點汗六鉢衣

題竹

人言瀟洒月明中我道清虛本意深不是害風來到此怎生引動此君吟

題淨業寺月桂

誰將月桂土中栽事忍塵凡取次開折得一枝攜在手却將仙種赴蓬萊

七言絕句詩 歲頭

贈萊州平等會首徐守道

來乞免意何如口言公善事舒內珠珍常自守心先祖姓其餘

贈仁法師講懺

能消懺勸人初利天中自展舒利佛前香菓起知師父作具如

贈京兆馮五郎

休棄業莫別妻疑兒嬰自有時把心香頭熱

起將名姓達瑤池

言可語没人磨内深藏玉潤和納甘津公莫

怪家也得喚憑哥

京兆來學正覓墨

中松寶號陳玄一幽微貴遠煙裏鍊成三箇

字來便是大羅天

贈張曲通

已仁人號曲通乎者也有奇功田不悟清涼
境道先生守固窮

驪山

常訪飲樂真閑間金花鎮遠山自神仙來此
地知身在白雲間

文官花

時春景好頗看親群花不一般岸得超堪可
賦官園裏見文官

贈京兆杜先生

要直方行要清源澄澈稱知明中見黑銀蟾

吐苦心甜顯志誠

吹玉笛舞嬰哥面金花瑩不磨女唱時休占

認中拍手笑呵呵

因茶坊賞四郎換茶

靈木德歲新芽舌甘津別有華得風生勝杖

柱翁歡喜換新茶

別燈杖

妙身生百草叢來折得浸油中端會把昏燈

撥出靈光顯爾功

邀客賞清明

人王詰越華筵壽諸公盃醴泉洗清明真可
愛逢此景會神仙

警史四哥

道非常道不和甜心苦把人磨中火焰誰能
覓有從邪史四哥

守時堂

常到此並無思愛前親每作詩說街中虛六
案時堂裏見安時

和蓮法師韻

直弓彎射有為中水滂兩相宜通道德遵公

注意無為只自知

道友請食餅

上津生床餅粘中秀氣我新失抵三餐真箇

別圭滋味自然甜

請史四哥啜茶

金間隔並無邪正其心起彩霞段接生雲外

物兒迴首得新茶

學公擊鐘

重言語好相容口教公莫放慵裏猿兒捉

住人歡喜擊金鐘

風火水已相忘内靈根降吉祥爾一言真箇
妙年有分白雲堂

題淨業寺雲版

言擊此衆僧内新聲法雨分利天中振教
響音誰悟鐵生雲

勸崔彥橫

葉無風秋氣清天不語甚分明烏月兔長飛
走我休爭勸彥橫

題韓茂先藥鋪

時性不似斯孩千身軀是死灰滅煙消悟真

拙籠便是見蓬萊

題木魚

根清淨尾尤顏潔身軀別有名内銜珠能會

食展須響腹中聲

題温涼扇

為柄子縮為腮爾勞勞救熱炎院已離君莫
恠余別有好風來

儀作用覺心寬熱招風冷復攢竹柄兒堪執

林君無暖亦無寒

贈浴室

見公家澡浴室控成就得清涼心便是清涼
境要鑿控作洞房

見董知縣會客坐上嘆落花

道王三已棄家羊滋味久相趨中貴曾皆春

寐肯將心悟落花

贈道友

從認得使休尋步移來動好音在公家如可
見人自處水中金

仁法師說三六弟子王詰小名十八

郎遂悟一十八戒

三二六不相干八郎來子細看下仁公傳妙
語今已得免飢寒

五言絕句

化馬鈺未肯從欲鎖庵門坐百日示

家風以化之鈺問先生寒冷否遂以

此贈之

莫慮王風冷王風自不寒百朝颯地過出路

你咱看

述懷

寶結三田聚蓮開五葉金葉珠宮裏看見箇

白光圓

有錢須得使不使太慙癡莫待荒郊裏臨風

咬齒兒

攢三圻字并七言引子

如要讀時莫要思三言攪作七言詩若交日

裏金雞叫須養蟾中玉兔兒

五言絕句

贈馬鈺

馬相見 詰相應 處處中 做方便

五言律詩

王風子 總不求 分子午 旭春秋

炎離坎 出虎牛 鉛與汞 結成休

重陽子 仙豈求 思大洞 問中秋

槌金虎 鋸木牛 初午得 子時休

重陽子 詠好吟 從有口 詰無心

千篇就 萬首臨 出去也 卧高岑

重陽子 分正仙 鉛得鎮 汞憑泉

照開卦 見微緣 神氣出 光昇天

藏頭詩書紙旗引馬鈺譚處端教化

呼知已亦如然滅煙消去覓錢地種成黃器
壁峯長就白花蓮連直訪海邊友訪終南山
下賢脉嬰兒麥田整邀風月五人圓
重陽全真集卷之二

重陽金真集卷之三

杖三

終南山重陽子王嘉撰

詞

黃鸞兒

塔嗟浮世如何度酒色纏綿財氣沈埋人人

都緣四般留住因上上起榮華節節生迷誤

總誇伶俐惺惺各開機關皆結貪妬今古

幾箇便回頭肯與神為主任從猿馬每每調

和無由得知知宗祖唯轉轉入枯崖越越投深

土大限直待臨頭難免三塗苦

心中真性修行主鍛鍊金丹津液交流澆淋

無根有苗瓊樹常灌溉潤瑤枝密葉黃鸞語

瑩靈聲韻明眸正覩嬰兒兌方騎虎堪訴

姹女踏青龍四箇同歸去本元初得靜裏還

輝迴光使胎仙舞應出上現崑崙得復蓬萊

處我不妄想雲霞鸞鶴天然與

花心動

緊鎖心猿悟光陰塵凡百年過速下手頭修

元本真靈此日要除骸屋居家坑壟先須跳

將身已便令孤宿靜无觸氣財色酒一齊躡

逐俗景般般絕欲要捨盡爺娘共妻骨肉自

在逍遙落魄清閑認取裏頭金玉瓊英瑤藥

花心動放香味滿空馥郁異光簇祥輝結成

九曲

玉堂春

得得修行能令捷徑走子午俱無何須卯酉

只用兩珍於余堪廝守鉛汞從從教結作絺

絳則成丹般般盡總透擺正真風名傳不朽

搜出元初那箇為的友到此方知是徹頭

又鎖門

玉性金真人人皆可化玉液金丹頻頻迎迓

玉兔金烏光光相次亞照玉欄千種玉芽

瓊藥金莖長生不謝玉女金童常常看舍

玉鎖金匙門門開闢下賞玉堂春對玉花

有箇王風時時頻睡卧無夢無眠無災無禍

白虎青龍自然交媾過水火相逢上下和

這箇因緣元來真打坐試問諸公應還會麼

似我修待交君得功課不在勞形苦已多

慕山溪贈文登縣守清

守清守淨各各開明性兩兩做修持你箇箇

心頭修省虛虛實實裏面取炎涼尋自在覓

逍遙漸漸歸禪定教言教令一一須當聽

急急上高坡便穩穩尋他捷徑玄玄妙妙子

細認天衢行得正立來端步步蓮花並

又于公索神龜詞

洪波浩浪澄滢源流遠此處隱神龜敢吸盡

西江大水任眠任睡喘息幾曾聞能服氣會

吞霞自在長遊戲異光殊彩迸出真祥瑞

火焰正炎炎便走在當中取利任燒任烙旋

旋聚清涼能曳尾會搖頭獨上白蓮蕊

又款驢兒

驢驢模樣醜惡形容最長耳背偏大更四隻

脚兒輕快肌膚羸瘦佗處不能留換車買更

馱騎拽獨家家碓任鞭任打肉爛皮毛壞

問你為何因緣箇甚於斯受罪忽然垂淚下

語向余言為前歲踐跌欠負欺瞞債

換骨散款脫病不改過

昨過幾年為甚累增勸教怎奈向人人恻憐

越貪心生狠妬百端毒巧計較騁風流青倩

也元底忽爾臨頭却被問王來到問罪過

諱無談矯當時間令小鬼將業鏡前照未床
和骨骸軟了也元底

勿慕清閑長年間便登道岸上高坡細搜修
鍛遇明師授秘訣分關片段堪讚真性靈際
際也元底 功行雙全占逍遙出塵看翫觀

長天化成仙觀向雲中有一箇青童來叫喚
風漢凡骨骸換換也元底

又歎食英

嘆彼人生百歲七旬已罕皆不悟光陰倏箭
每日家只造惡何曾作善難勸酒色財氣戀
也元底 福謝身危忽爾年齡限滿差小鬼
便來追喚當時間領找到閻王前面愁漢和
骨骸軟軟也元底

又贈道友王十四郎

一新紅崖按闊狹方能及大橫梁架細如秤
杖在中間誰做下柴窩圓椽被拉浪裏面把
龜兒放也元底 擬欲前行恐失脚怎生取
向退後來全無抵當設搖頭空擺尾萬般惆
悵轉悒快和般兒軟脹也元底

黃鸞兒

思算思算四假凡軀于甚厮說元來是走骨
行屍更誇張體段 明靈慧性真燦爛這骨
骸須換害風子不藉人身與神仙結伴

又頌門

且住且住十月小春當宜鎖戶一百日鍊就
重陽也並無作做 渾身要顯唯真素掛靈
明紙布信任他走玉飛金自恬然不顧

又韓公索歎世

且聽且聽汨汨塵勞如何得醒女男是玉扭
金枷把身軀縛定 百年韶景風燈影怎留
他光瑩早悟斯疾速修行永完全性命
玉性玉性玉鎖緊嚴金關穿釘玉房深百日
清清玉輝光一併 玉起開闢通仙運玉門
中傳令玉童來便許全真玉皇宣已定

玉女搖仙佩

終南一遇醴邑相逢兩次凡心蒙祿便話修
持重談調攝莫使暗魔偷適養氣全神寂裏
道遠自在閑閑遊歷覽清淨常行穴地應用
刀圭卸要開劈三田會明靈結作般般光輝
是勸 先向天涯海畔訪友尋朋得箇知音

成聞直待恁時將相同步處處嬉嬉尋覓暗
裏矚矚觀你為作如何鋒鏑會舉箭張弓
對敵百邪千魅戰迴純皆無愁感方堪教可
傳端的

御街行

玉芝一味通賢聖這藥治真靈性虛空曰內
穩鋪排金剛杵搆成精瑩摩訶般若寥寥和
鍊熟後槌為錠 大悲千手丸來正太陽火
烹炮定堪宜下使用黃芽八瓊水共煎清淨
從茲服了得長生使水水成功行

燭影搖紅

燭影搖紅暗垂珠泪如言語無情本不起斯
因轉使余頻悟勸汝何須憂慮已當日終南
遭遇拂開眸目剔正心神東臨瓊路 占真
闕水靈遊歷成霞步天涯海畔是前期此處
堪傳住等候明師父闍玄妙長生門戶彩
霞光裏現出蓬萊相隨歸去

八聲甘州

處清涼界迥然別闌一家風得闌闌闌裏
真甜美味甘露應同洗滌三焦六腑五臟盡

玲瓏流轉無凝滯顛倒皆通 白氣充腸盈
滿助起初本有唯要深窮待時分朗來往
識西東恁方知惺惺容貌這般形狀出高宮
圓成顯放光明照永住晴空

紅芍藥

這王詰知明見菊花堅操便將重陽子為號
正好相倚靠每常却要綴作詩詞筆無停自
然來到心香起印出仙經便實通顛倒便實
通顛倒 早得得良因速推深奧女玄妙
妙任窮考又更餐芝草白氣致使上下盈盈
金丹結鍊成珍寶恁時節水處長生住十洲
三島住十洲三島

留客住

但人做限百年七旬難與奪名爭利強恁徒
勞辛苦金飛玉走催逼老死還被兒孫拖入
土余今省悟捨攀緣愛念一身無慮歸去
雲水長遊清閑得遇識承知鉛氣滿精牢神
聚金翁却期黃婆匹配能養嬰兒姪女刀圭
足數又蓬萊客至上山留住

醉江月

正陽的祖又純陽師父修持深奧更有真尊
唯是叔海蟾同居三島弟子重陽侍專玄妙
手內擎芝草歸依至理就中偏許通耗 至
本自在逍遙金丹傳得一點靈明好皆出幽
微俱助正本有清虛顛倒復住晴空還居香

逸此事成須到將來去後恁時公等知道
本初面目稟三光精秀分來團聚得得成形
唯自在應占道蓬門戶一箇靈明因何墮落
撲入凡胎處輪迴販骨幾時休歇停住 搜
獲虛幻身軀榮華富貴莫也非堅固頓悟如
如緣合後深謝真師垂顧秘訣親傳依從做
微達了憑遭遇雲朋霞友並歸蓬島瓊路

摸魚兒

嘆骷髏卧斯荒野伶仃白骨滿洒不知何處
遊蕩子難辨女男真假拋棄也是前世無修
只放猿兒傻今生隨下被風吹雨灑日曬更
遭無緒牧童打 余終待搜問因由還有悲
傷那得談話口銜泥沙滿眼堪向此中凋
謝長曉夜算論秋冬年代春和夏四時孤寡
人家小大早悟便休誇俏騁風雅

戚氏

陳雲昌出入綠遼徧舒張直上玄凝滿空濃
靈現嘉祥六花妥瑤芳輕飛綵舞恣飄颻須
史漸漸俱縞物物因跡盡均粧選甚高下那
拘遙迥一同不辨偏傍更新鮮潔靜添素加
彩增至輝煌唯親晃濼無方應是瑞氣接引
在中央成佳致自然盈尺歲稔時康 顯青
蒼間點碧漢雲歸片段日放晶陽任溶任聚
正是流酥獨許仙客堪嘗淡味偏能好渾如
道玉液與瓊漿細想雖無馥郁便深宜寂暗
藏香別生景趣盈盈再騰妙妙靜裏開具相
復作冰為寶玲瓏狀風剪剪聲韻瑤瑤夜靜
來轉覺嚴涼運星斗皓月豈尋常最相當度
明明瑩徹返照交光

拋毬樂

此來玄化塵世搜獲藏善忍長天嘉氣瑞瑞
雲液滔滔暫然敷徧聚聚凝凝結成雲漸漸
瀝文橫飛霞廣布列列嚴凝凜凜寒威拋擲
真堪羨似玉英瑤瑤瓊花璧屑也知都被風
刀細剪撒迥遙輕舞任他頽形如鋪練最均

平同色寧辨 上高下低深淺正比賢聖惹
悲畫施救普與行方便奈暗空開日曜返照
消殘舊面又還復故元醜般般皆見福薄分
微重業自迢遮了重重現勸汝懺急急捨彼
就斯迴頭總願修持鍛鍊功行兩雙全誠遠
勝六出時間顯麼則好歸十洲清選

沁園春

自問從初少年如何每每所為好細尋重想
當時做作恐違天地或昧神祇及至如今恁
貌顏將老限盡臨頭著甚醫還知否有聖賢
三教莫也堪隨 閒中認這慈悲更長藝名
香竅見知把淨清靈靈耀明顯一齊速鍊下
手脩持口印金科心傳玉訣舊業除消誠未
遲搜前路得歸依玄妙證道無疑

王詰惟名自稱知明端正不羈更復呼佳號
重陽子做真清真淨相從相隨每貌仙經長
燒心炷水火功夫依次為堪歸一處閒然雅
致有得無遺 偏宜用坎迎離聚珍寶成丹
轉最奇結玉花瓊葉光瑩透頂碧虛空外捧
出靈芝定作雲朋決成霞友自在逍遙詩與

詞盈盈處引青鸞彩鳳謹禮吾師

玉蝴蝶

捉住玉山赤鳳神舟同泛激浪漂浮便使鳥
龜開口顯出嘉謨吸洪濤枯乾北海吐巨放
澆既西湖自舒敷水紋花面皆是金鋪 无
珠盈盈照耀恰如明月晃晃方隅普徧騰輝
畫成霞彩覆環紆見圓珠深深漸現結寶丹
空外起踰得瓊途大羅天上永水惺甦

南鄉子

好紙造成為占得風來便有緣放出空中雲
外路無邊休戀搭兒用線牽 端正莫教偏
仰面人人指點賢從此逍遙真自在如然斷
却緣麻出世纏

永遇樂 抽大契

失笑王三元當幼小典了身體直至今四
十八上方是尋歸計獨擔辛苦為誰歡樂決
要掄抽文契這工錢不曾取過從前並無縮
繫 銳然走出没人拘管欣許深根固蒂水
畔雲邊風前月下占得真嘉致怪怪了了玲
瓏清爽復入爛銀霞際一團兒紅炎炎就中

妙細

正好回頭堪當下手搜尋密妙此箇圓成無
教洗滌須是令分晚火坑休認凡籠莫入兩
事銳然先跳怪來後贏取三光時時頂戴長
照 靈明一點常隨五彩九轉使通關要透
出崑崙瑩傳清淨朗聽金雞叫月華輝耀呈
生盈滿此處玉花香裊得玄玄裏真宗這
纏了了

水龍吟

若脩仙子圓成永真誠做他上士明明了了
惺惺灑灑搜尋妙旨決烈回頭是自不肯拖
泥帶水便斬釘截鐵塵緣悉屏無罣礙做清
此得長生久視更盈盈行功齊至頰頰嚼
付一靈耀金光早起五彩同如此相扶助入
丹霄裏有青童接引前來迎迓執瓊瑤藥

川撥棹

鄴都路定宜箇凌遲所便安排了鐵牀鑊湯
刀山劍樹造惡人有緣觀造惡人有緣觀
鬼使勾名持黑簿沒推辭與他去早掉下這
屍骸不藉妻兒與女地獄中長受苦地獄中

長受苦

蓬萊路顯自在逍遙所現長生景瓊花玉葉
金枝寶樹作善人得觀觀作善人得觀觀
童子青衣掌仙簿行功成上昇去結就一粒
金丹深謝嬰兒姪女永不遺三界苦永不遺
三界苦

調笑令

調笑說玄妙姪女嬰兒舞跳青龍白虎搖交
叫赤鳳烏龜繞繞驚然鼎未召性命從茲了
了 山峭日光照碧漢盈盈圓月耀森羅萬
象長圍罩一道清風裊裊真靈空外天皇詔
住在蓬萊閣要

晝夜樂

便把戶門安鎖鑰內中更蘊奇畧安爐竈
鍊金精養元神修完丹藥一粒圓成光灼灼
虛空外往來盤礴五彩總扶持也無施無作
冥冥杳杳非投託占盈盈卦盟約蓬萊路永
結前期定長春瑤英瓊萼等接清涼光得爍
放馨香自然靈作裏面禮明師現真歡真樂

又諺云云鏡能照他人不能照自

百鍊青銅圓又小平平正吐靈耀向人前相
對相觀別辨容顏分曉好醜姪妍并老少塵
凡一齊勘校彼此假中來怎生道內貌 別
有輝輝親密要煥心鏡主玄妙偏能會顯古
騰今又能鑑從前虛矯艷艷光輝宜自劫把
當初佳珠返照裏面得全真永明明了了

瑤臺月

攜雲放肆投閑路清風明月長載迴光返照
瑩徹澄波青黛鬢髮裏遠望嘉山靜至收歸
寧海前生約今生在遇明了便明對相愛照
然景致願然聚會 這箇密妙堪賽內外須
常常頂戴香煙起盤盤盡成雲蓋每從依仙
伴同遊定處看霞軒神憑三曜通三昧論文
友交泰無礙靈明一點逍遙自在
修行便要尋捷徑心中長是清淨搜推妙理

認取元初瞻聽四象內只用澄鮮湛湛源流
端正探深奧觀遙迥戴三曜依三聖功併仍
兼行滿俱憑悟省 玉潤金銳光瑩吐彩艷
重重永定靈明現圓相一團紅映向虛空冥
香騰輝在物外悠悠能整從來性本來命歸

雲路出山頂堪慶蓬萊島遺書謹請

滿庭芳

今世豐華此生貧窘算來總是前緣茶枯好
醜無黨亦無偏只在靈明布種唯招召善惡
相傳花開謝開為福地謝是禍心田 英賢
如速省時臻命至減勢藏權若能運使盡却
復如然好把根源取正休著染也莫孜煎推
真妙不論貴賤便是大羅天

又劉公索賢

智慧皆全癡頑總至兩般自是殊方一能明
若一箇性迷荒盡是靈中分定各分別此理
昭彰還知否上人九竅下沒膏盲彷徨思這
事暗中積行便得賢良 稍胡為做作愚蠢
來匡奉勸諸公速悟行平等水清涼真誠
顯唯邀本有前路趁仙鄉

又於京兆府學正來房中處免墨

毛穎歸余楮生從我陶泓三事奇瑰陳玄不
止尚未得相陪日夜搜神定思在何處多隱
文才誰堪訪高明上士唯有房中來 潭材
如見慧便教磨出雲浪恢恢畫靈符寶篆教

苦消災願使家家奉道人悟總免輪迴成
功行前程路穩同去宴蓬萊

又未欲脫家

未欲修持先通吉善在家作福堪當晨夜
禮長是藝名香漸漸財賄色減看分寸營養
爺娘擒猿馬古來一句柔弱勝剛強 從長
凡百事先人後已勤認炎涼與六親和睦朋
友圓方宗祖靈祠祭饗頌行孝以序思量達
佳節懽欣訪飲齊齊唱滿庭芳

又欲脫家

既欲修行終全閒謫出離塵俗相當莫憑外
坐朝暮起心香須是損妻捨事違鄉土趁却
兒娘常歸一民安國富戰勝又兵強 長長
瀟灑做搜尋玄妙認取清涼又憑空渺邈大
道無方只在圓光自照明來後堪用衡量重
陽子迎霜金菊獨許滿庭芳

又修行

陰盡陽純命停性住先須汞誠鉛知白堅黑
國土馬木牛隨卯酉常從子午庚辰取坎
迎離刀圭至震龍兌虎赤鳳闢烏龜 堪宜

真水火癸丁鐘竈丹結何疑漱瓊漿玉液神
水華池滋潤靈芽瑞雪日雞叫月兔推移金
翁喜黃婆立便養姪女嬰兒

又文登張公邵公要起玉花社

玉蕊身留玉花社舉此因都為張侯遠而邵
氏庵舍不能修後悔人人猛悟兔兒起拋甚
靴越還知否斷絃無續覆水定難收休休各
處分我雖眷戀誠沒回頭願諸公心內念憶
同流別意離情已動金蓮子光滿西州當歸
去文勝景不復再重遊

西江月

養甲爭如養性修身爭似修心從來作做到
如今每日勞勞圖甚 好把幽微搜索便將
玄理思尋交君稍悟水中金不肯荒郊做恁
德王孫

人云口是禍之門我道古為禍本根不語無
言沒討論度朝昏便是安閑保命存

蘇幕遮

少煩人稀赴會我自無思莫把他人怪廉倫
溫良身自在莫追陪免得常耽債 有錢時

人見愛及至無錢親也金珠待且見世情如
此態察盡人心暗想除非外

金雞叫警則公

占得虛空呈俊俏玄中玄妙中絕妙自然五
彩道靈照一顆明珠萬道霞光畢 淨淨清
清冷冷晚晚昏昏默默冥冥窈窈森羅萬象
輝輝耀月裏蟾鳴日裏金雞叫

桃園憶故人

瑤瑤枝上瓊花鵲舊萬間成瑤瑤鳥玉葉兒
偏好四件誰能討 靜中認得真家寶艷彩
識非草草唯有箇人知道共得歸蓬島

重陽全真集卷之三

重陽金真集卷之四

枝四

終南山重陽子王嘉謨

詞

南鄉子

物物要休休打破般般是徹頭認得本來真
兩目修修一箇靈芽穩穩求 火裏好行舟
焰裏白蓮素臉幽靚郁風前通遠迥悠悠透
過青霄得自由

又誠入禮拜

堪歎這頑夫空恁區區用力轟五體相逢投
地面休愚尚自勞勞禮假軀 大道本虛無
玄裏藏玄妙不教內有元光人不識唯吾日
日觀瞻自吸呼
物物不追求擺手行來事事休返照迴觀親
面目無憂自在逍遙豈有愁 乘此大神舟
玉棹瓊棹渡正流剔出急波俱絕盡機謀超
上十洲三島遊
又于公索幻化
幻化色身繞電脚餘光水面泡忽有忽無遙
速甚如飄過隙白駒旋旋飄 何不悟虛驚

早早迴頭養玉苗苗上金丹光潑潑影昭透
過雲衢入碧霄

又邵公索要下手修行

我命不由天熟耨三田守妙玄甘雨澤深先
布種金錢徧地黃芽最色鮮 養就玉花蓮
葉葉分明永永堅瓊葉被風吹撒動香傳一
道靈光任自然

又風琴

妙手喜新成十六條絃別有名掛在宮中雲
外路風迎便許能招自己聲 不入俗人聆
占得仙音講道經唯我傍邊全善聽叮嚀攜
爾蓬萊在玉庭

小重山翁牛子

堪歎犢兒不喚牛性如湍水急碧波流只知
甘乳做膏油長隨母擺尾搖頭 漸漸騎無
休奔馳山谷路入溪溝未從韁絆恣因由貪
香草怎曉虎狼憂
堪歎寰中這隻牛龍門角子穩騎風流身如
浸墨潤如油貪聞壯牽找不迴頭 苦苦幾
時休力筋都使盡卧犁溝被人嫌惡沒來由

開水草難免一刀憂

刮鼓社

刮鼓社這刮鼓本是仙家樂見箇靈童於中
俊俏自然能做作長長把玉繩輝霍金花一
朵頭邊燦便按定五方跳躍早晨起踏雲脚
早晨起踏雲脚 會戲謔正洽真歡樂顯現
玲瓏玳瑁了了偏體纏絡遂引下滿空鸞鶴
迎來接去同盤礴共舞出九光丹藥蓬萊路
有期約蓬萊路有期約

恨歡遲

名語排三本姓王字知明子號重陽似菊花
如要清香吐緩緩等濃霜 學易年高便道
裝過淵明語我嘉祥指蓬萊雲路如歸去慢
慢地休忙

山亭柳

急急迴頭得得因由物物更不追求見見分
明箇把般般打破優游淨淨自然瑩徹清清
至是真修 妙妙中間通出入玄玄裏面細
尋了了達冥幽穩穩拈銀棹惺惺駕大法神
舟速速去超彼岸雲靈現住瀛洲

武陵春

天地唯尊人亦貴日月與星臨道釋儒經理
最深精氣助神情 四箇三般都曉徹丹結
變成金衣上明堂透玉岑空外得知音

甘草子

塵所不肯修行箇箇貪歡聚轉轉戀榮華恁
肯將心悟 直待陰公教來取便急與相隨
去早被兒孫送歸土金玉誰為主

迎仙客或曰既是修行因何齒落髮

白答云我今年五旬五尚幸苦而收

獲耳

五旬五過半百諸公把我頻搜索眼如遮耳
如開口中齒豁頰上髭鬚白 外容蒼內容
黑金花地上真粟麥稗兒鈿穗兒摘三車搬
過便是迎仙客

惜芳時

諸公學休胡別且莫放猿頭馬劣閑中認得
玄機設無言說自然歡悅 淨清便把虛空
拽待問你不生不滅答言功行須交徹有真
師分明來接

甲龍入火分明看庚虎在水中遊翫往來相
送同為伴自然是兩家拘管 善能調養成
片段裏外更使成交換空中有箇青童喚佳
時節一衝霄漢

點絳脣先生鎖門及十旬將啓戶又

以梨一枚割做十分與馬鈺夫婦二
人食之既啓戶了唯鈺捨家緣做弟
子至此耳又以詞贈之

十化分梨我於前歲生機構二人翁母待教
作擎雲手用破余心笑破他人人口從今後令
伊依舊且伴王風走

俊蛾兒勸吏人

見箇惺惺真脫灑堪比大丈夫莫睚眦下俊
蛾兒壞了命兒 早早迴頭搜密妙豈養姪
女嬰兒道袍換了皂衫兒與太上做兒做兒

南柯子

白鷺江心立烏龜水底鑽紅雞翡翠竹間攢
四件將來鍋內鍊成丹 五味調和美重樓
信任餐充盈六腑得宜康康養就真神跳躍入
仙壇

會歎風中燭能嗟水上漚一生一滅幾時休
恰似輪迴來往業淪流 知有驢和馬非無
驟與牛等閑撲入怎抽頭幸得人身急急做
真修

夜遊宮

身向深山寄寄步青峯恁情如意冷即草衣
慵即睡餐松渴來後飲綠水 養就神和氣
自不寒不饑不寐占得逍遙清淨地察真閑
入紅霞翠霧裏

江神子

虛中空外認盈盈喜前程看分明占得真堅
懸照助新聲五座門開通出入任來迴好遊
行 高峯上便縱橫結雲棚勢崢嶸衆出靈
光一點似朱櫻彩色般般籠罩定處清涼永
長生

賀聖朝

修行須是身衣布受寂寂餐素道心不與衆
心同絕憂愁思慮 內中認取金馬聚并開
明玉兔赤鸞抱住黑龜精這些兒誰悟
長思仙鄒公問識心見性

莫哦吟莫追尋這箇玄機與最深如何識本
心 好鈴擒好登臨明月孤輪照玉岑方知
水裏金

蘇幕遮 滕奇放龜

此神龜深謝放厚德深恩杳冥冥廣毛寶
當時還岸賞答報於公別有明明相 戲金
蓮通揖讓千載遐齡就壽增嘉况返顧精神
添瑩朗一氣煩公送到雲霞上

又秦渡墳院主僧免

善看經能禮懺金面胭脂正好頻頻轉轉
殷紅紅不淡色裏金真裏成清港 仗鉛
刀擎未整劈暗鑿昏迸出銀霞艷萬道霞光
攢一點般若波羅得得無增減
莫端身休打坐擺隨搖筋噓嚙稠粘唾外用
修持無應和贏得勞神枉了空摧挫 要行
行如卧卧只把心頭一點須猜破返照迴光
親看過五色霞光覆燾珠明顯
五臺峯三羅刹八識俱明四象靈光匝羅漢
回頭看菩薩佛果圓成這裏無言答 證虛
无騰可恰清淨全扶澄湛尤相洽休袞神珠

分等甲彩色傳揮再現黃金塔

又寄與譚哥唐哥

訓人人休碌碌搜尋密妙長修福慧慧明燈
參性燭謹謹營軀食食年平祿 拜風風為
叔叔兩兩姪賢莫戀余相逐切切依從新格
曲了了唐琳達達真譚玉

又贈京兆藥市街趙公

趙公邀喫水飯顆顆珍珠粒粒靈芝蔓食蔬
圓明生園苑開闡瓊花不作凡軀擅 合三
光分四憲壯起精神寶鼎童兒徒五色霞光
同一建此則充盈得得平生願

又勸化醴泉人

醴泉人都作善急急光陰似水還如箭榮貴
虛勞休自羨四假凡軀恰似蠶身緣 各縛
纏誇做買賣了真靈直待鍋兒煎這箇王三
行方便不信之時不見害風面

又勸化諸弟子

兄弟憊安脚手擎破微塵跳出三山口月出
東方日入酉焜耀明星三箇相隨走 氣傳
清神運秀兩脉通和真行真功就衝上晴空

光猛透方顯無為始見歸無漏

又贈京兆府王小六郎

這仁人忒伶俐問我修行便出非常意恁奈
時間家事累更有一般妻子應難棄 勸明
公休出離日熟名香謹把三光貴萬事心懷
方便起歲舉時臻也到雲霞裏

又勸修行

莫行功休打坐如要修持先把心猿鎖黑氣
收歸無漏破慢慢昇騰保養靈真麼 姪娘
嬉嬰子卧搬上中田總向明堂過折得白蓮
花一朵攜去虛空放出珍珠顆

又勸同流

教門人聽我苦清涕稠津喫了成虛耗五穀
滓餘難化造恰是限隴惹甚鬧煩惱 會修
行知顛倒別有一般滋味天然好神水華池
通正道灌漑丹田指日歸蓬島

又贈打車

木無情生有作都被良工妙手成軀殼黑積
黃健惟挽索牽入紅塵難免輪迴脚 靜中
忙閑裏作恁得逍遙自在真歡樂直待白牛

來跳躍一朵蓮花萬道霞光燦

又勸世

歎人身如草露却被晨暉晞轉還歸土百載
光陰難得住只戀塵寰甘受辛中苦 告諸
公聽我語跳出凡籠好覓長生路早早迴頭

仍返顧七寶山頭作箇雲霞侶

望蓬萊燒了庵作果有二弟子自寧

海來復修蓋住

重陽子物物不追求雲水閑遊真得茅庵
燒了事休休別有好歸頭 存基址決有後
人修便做玲瓏真決烈怎生學得我風流先
已赴瀛洲

又醴泉覓錢

醴泉好偏愛養貧兒為破彈虛華業余從捉
住俊猿兒無女又無兒 街兩面願助小錢
兒同共買成金麥飯三時喂飽鐵牛兒耕種
老嬰兒

真大道能結坎和離認取五行不到處須知
父母未生時此理勿難知 須速省下手便
修持上有三光常照耀中包二氣莫分難採

得玉靈芝

修鍊者須要覓前程窈窕冥冥除我相昏昏
默默絕人情真裏正中貞 方曉悟開至淨
中清物物般般都打破頭頭脚脚便分明圓
曜自然成

修鍊事子細好鋪陳外做四肢安樂法內觀

五臟倒顛因便是得全真 堅守定營殼要
申申二氣合和開本性三田搬運助靈神只
此喚仙人

真大藥要見甚昭然二氣包囊三疊妙雙關
封鎖九重玄自曉豈相傳 古仙頌兩句最
精研凡骨渡河誠用筏聖功到岸不須船越
越害風顛

揀馬住性命自然知一粒刀圭開四象兩般
鎗法殺三尸神水溉華池 公看取便是坎
和離土馬趕回金虎子鐵牛耕出玉龍兒方
見遇明師

真鍛鍊驅惑去迷昏踏碎月明通正路劈開
風景入玄門方顯道家尊 無把捉一點出
崑崙復住空中超造化得歸物外越乾坤那

論若亡存

重陽子飲水得良因洗滌塵勞澄淨至灌溉
根本甲芽伸滋養氣精神 恬淡好甘露味
投真滴滴潤開三教理涓涓傳透四時春流
轉一清新

能下手便曉這元元為甚得通三一法都緣
悟徹五千言立起本根源 重著脚跳入水
晶盤喚出那人人不識至今有自自揚掀越
越害風虔

回首處便要識希夷鍛鍊須將情滅盡修行
緊與世相違勘破是歸依 蟾玉走認取箇
金飛交位東西通地髓沖和上下合天機方
得妙中微

修鍊者四事倒顛論地水火風應化去色聲
香味怎生存方是顯良因 全得得窈窕與
冥昏慧性來迴清淨路真靈出入妙玄門空
外九光輝

真大道滋味不相饒明月光中騰瑩瑩清風
颯上出么么從此見芝苗 無狹闊又豈有
迢遠圓現圓成成自在一能一得得逍遙方

顯見彰昭

鶯啼序

鶯啼序時繞紅樹應當做主。騁嚶嚶瑩瑩聲。音弄晴調古。秤羽潛身在朱林茂處。愈綿變百般言語。喜新鉛新汞。俱齊叫歸宗祖。喚

覺呼惺頓曉。本元初天然。規矩定分他。甲乙庚辛九宮八卦。門戶驅四象。通推七返。用千朝鍊成文武。這金丹。由此三年。漸令堪觀。

嬰兒跨虎。蛇女騎龍。白雲招翠霧。各各擎鋼刀。慧劍接刃。交鋒隱密。藏機兩家。無懼烏龜。赤鳳前來降伏。和合罷戰。休兵成被。靈童結

搆同相聚。從茲慢慢。搜尋寶貝。完全要見。便教知數。明珠萬顆。吐出神光。倒顛籠罩。住進一條銀霞。裹裹撞透。清霄見耀。晴空偏開瓊路。中間獨現。真妙具。玄星冠。月帔。端嚴具

把雙眸。高舉頰。回顧觀瞻了了。清清湛湛。澄澄宮風得遇。

啄木兒

觀浮世為人貴。捨榮華。全神氣。保養丹田絕滋味。便將來免不諱。自諱自諱。修取長生。

計自誓自誓。今朝說子細。且通邊際。開靈慧。酒色財氣一齊制。做深根。永固蒂。怎生得虎龍。交位如何。令蛇嬰同睡。把塵勞事。俱捐棄。二道合和。歸本類。想玄玄。尋密秘。

自行自行見性。不用命。自惺自惺。黑颯先捉。定使倒顛。併唯堪。詠兩脉。來迴皆吉慶。辨清。清與靜靜。烏龜兒。從茲擊省。放眼耀。光明。煥炳。恣水中。遊濤間。逞望見。赫曦山上。景轉。波恬又浪靜。

自住自住。離宮受坎。戶自悟自悟。汞中建鉛。庫好頻頻。顧長相。觀上下。沖和知去處。漸漸。入雲霞路。赤鳳兒。飛來振羽。飲盡烏江。見水府。與神為主。作宗祖。只把刀圭。長安撫。方能教子伴午。

自坐自坐。木上見真火。自舒自舒。從前沒災禍。兩東方。安誠堪。可潤葉。滋枝。成花朵。結團團。寶珠顆。翠霧騰。空外徧。鎖白露。疑虛上。負荷。換構。交睡同。舒他性命。方知無包裹。不由天。只由我。自卧自卧。西方懋。息麼。自佐自佐。靈臺聚真。

火發庚辛。課相應。和物物拈來。都打破。元來現此一箇。跳出後。無小無大。敲著後。不剛不懦。便却如這音聲。那響。曉玳瑤。明堂過。遇玲瓏。共慶賀。

自知自知。只此分明。是自此。自此。得一無。四在虛空裏。撒金華。萬道霞光。通表裏。復元初。見本始。要鍊正靈真。範軌。更不用木金火。水。把良因。壘從心。起方寸。清涼無憂。喜證長生。并久視。重陽子。害風。是王喆。名知明。字說。修行旨。沒虛詭。啄木詞中。開真理。向諸公。取知委。

重陽全集卷之四

重陽全真集卷之五

枝五

終南山重陽子王喆謨

詞

探春令鎖庵門化馬鉅

要知端的默默細想須憑因果至今喜悅投

歸玄妙便把門兒鎖惺惺了了真堪可有自

然香火靜中寂闌分明一箇師父來看我

美醪奇饌信任恣飲豐餐最好醉經飽德唯

歌自舞喜樂論道頻頻拈弄靈芝草使異香

來到雲霞覆畫鶴鸞前引却赴蓬萊島

月中仙自詠

自問王三你因緣害風心下何處怡顏獨晒

為死生生死最分明據轉令神性悟更慵羨

人誇玉袴愈覺清涼地皮毛無用那更憶絲

絮枝五渾身要顯之時這巾衫青白總是麻布

葫蘆貯藥又腋袋經文拯救人苦竹携常杖

柱侍自在逍遙鍾呂道余歸去路煙霞侶

阮郎歸

暮然撞著阮郎公無何兩目紅盈盈醫膜礙

非通如何見寶腫 真妙藥便修崇良醫顯

行功金篦一刮直緣空三光本秀同

又詠紙衣

蔡倫助造阮郎歸於身顯紙衣新鮮潔淨世

間稀隔塵勞是非 瓊表瑩玉光輝霜風力

轉微寒威戰退達天機白雲自在飛

喜遷駕贈道友

問公為善這大道無言如何迴轉猛捨浮華

搜尋玄妙閑裏做成修鍊認取起初真性捉

住根源方便本來面看怎生模樣須令呈現

親見堪相戀請向絳綃宮裏開瓊宴會上明

明霞輝萬道射透玉絲瑤霰一粒寶珠晶瑩

衣出光同飛電徹中央大羅天歸去永除遷

變

歸朝歡

天地初分何處寄父母無生名甚字須將這

箇要分明推窮此理寧論是細細傳不二一

能仍究從前自往來頻不知迷迷甚日得言

賜 忽爾真靈前面至認得元形歡喜示惺

惺觀著甚端嚴輝輝返照通容易時唯密

秘妙玄微雅中深遂出圓光五般顏彩復本

總祥瑞

減字木蘭花拜世

凡軀四假便做長年終不藉水葬魚收教你

人咱業骨骸這迴去也一顆明珠無有價正

是真修穩駕逍遙得岸舟

又自詠

小名十八讀到孝經章句匪為慶清朝愛向

樽前舞六么 呼盧總會六隻骰兒三沒賽

儂得唯新刮鼓叢中第一人

七年風害悟徹心經無罣礙信任西東南北

休分上下同 龍華三會默識逍遙觀自在

要見真空元始虛无是祖宗

時當五九道用謫仙三盞酒絲仗風流為示

農耕擊土牛 東君德厚放盡山梅并岸柳

得得真修一顆明珠出玉樓

青山綠水自與今朝長是醉綠水青山得道

之人本要閑 清風明月占得逍遙無可說

明月清風共是三人我便同

心低大小細細搜尋玄裏妙大小心低酉上

為東卯作西 心高火出走了三田錫與賽

火出心高轉轂輪迴又一遭

神清氣爽樂處清閑堪一唱氣爽神清鼓出
從來自己聲 清神爽氣長就黃芽綠醜濟
爽氣清神認得前程這箇真

又贈王家飯店

涼淘要結妙手輕團如握雪要結涼淘瓊藥
紛紛入寶槽 挨刀細切碗內銀筋挑玉屑
細切挨刀又分隨余採碧桃

又化破帛

長居海畔非帛衣身應不暖海畔長居溫煥
凡軀性自如 於公願管轉化多人為首讚
願管公於養就仙胎得展舒

浪淘沙唐秀才索春寒秋熱詞

氣色做交加四序無差上疑下出兩相磨暖
律欺寒寒逼暖易位難越 恰似這浮華人
做生涯得時溫煥失來邪貧富熱寒應不定
浪裏淘沙

和氣欲超昇寒色沈凝清涼內爽亦能騰却
被外炎相伏定春冷秋蒸 陰照復陽登陽
喜陰增人當裏處轉誇能天欲明而仍暫暗

禍福交承

又欺左祖

石火不相饒電裏光燒百年恰似水中泡一
滅一生何太速風燭時燒 公等在浮蓋悟
取虛韶福油好把慧燈挑光焰長生明又朗

返照芝苗

人要悟黃芽忽戀榮華俗家出了做仙家物
物拈來都打破藉甚嬰娃 蓬島現光華翠
霧紅霞長春園裏看靈葩覆燾清光仍自許
得得休誇

鷲山溪

玉堂三老唯識王三操復許辨三台更能潤
三田倚靠自然三耀攢聚氣精神運三車依
三教永沒沈三道 須通三寶方見三清好
真性照三峯陡免了三焦做造休論三世諸
佛現前來得三乘遊三昧瑩瑩歸三島
修行學道切莫憑嬰姪只是這些兒把塵俗
般般不惹自然蕭索寂寞與他依餐燂飯著
羸衣飽暖休相捨 常從坦蕩守養身軀假
閑裏得真閑覺清涼惺惺灑灑暗中功行直

待兩盈盈靈明顯做逍遙師父看來也

水中漚起來往相隨走旋旋被風吹便生滅
暫無還有忽亡忽聚速速没人知如浮世不
堅牢名利難長久 諸公早悟休要迷花酒
養聚氣和神更認取三光靈秀朝昏調攝保
護結金丹添真瑩放明光永得逍遙壽

又贈劉可會判頭面

公能刀鐸將彼安頰接刮削與提搦甚偉當
心冷意愜如描似畫眉秀鬢鬢齊添嫩貌減
裏容又更增言捷 內靈和協無質無腸頰
妙手有何述敢把此分明拈捨若還會得慧
劍便磨龍呈白刃顯青鋼剝出圓成擘

燕歸梁

這箇修行理最深水裏淘金見清淨處細搜
尋唯風月是知音 綿綿永永無令歇如撈
得稱嘉吟一從携去上高岑方能顯道人心

掛金燈劉蔣庵

好池亭華麗於中瑩善修外景紫成內景這
兩事誰能省 謹按黃庭經整表裏通賢聖
水心炎炎火焰猛勁既鍊出真清淨

金蕉葉

撲入塵凡世俗這思牢更兼愛獄被玉掛金
枷緊束受無窮不足百歲光陰迅速更朝
磨夜磨催促早離了家緣孤宿結神仙眷屬

祝英臺

無事閑行郊野過見棺函板破裏頭白白一
骷髏獨瀟灑愁愁為甚因緣當路卧往來
人誹謗在生昧昧了真修這迴却休休

定風波

贈馬鈺
萬萬人中這箇人忽然自悟說良因恰似白
蓮花一朵尖新泥沙脫了出迷津邀住清
明開嫩臉朗竅明月作毗隣住向空中騰馥
郁靈真此回占得四時春

空裏追聲枉了賢水中捉月事同然隔靴抓
癢越孜煎細石作絃何日撫鑽木待火幾

時然恰如撒地覓尋天

耕熟晶陽一段田九還七返五光全清清淨
淨顯新鮮物外閑人雲外客虛中真性洞
中仙晴空來往步金蓮
淨世都憐假合身勤人認取裏頭人本來面

目好相親返照迴光知去處逍遙自在樂
天真銳然穎脫出蒼塵

江梅引

寧海茫明叔逆飯覓月桂花
凌晨靜坐樂倍倚欄隈觀奇材正是蟾宮餘
影世間來遂得晴空甘露力潤根芽發修條
律又瑰能綻粉苞加紅艷按周天四序開
葉撒黃金騰馥郁道曠堪猜豈許安陸地混
塵埃呼取好風同引去上瑤臺復靈根月裏
栽

金雞叫

寧海軍結金蓮社
社結金蓮都不曉金盤獻七珠明了金陵河
裏知多少要現金光須得金匙攪牽過般
密妙金風內好香籠罩金枝玉葉同成俏喚
出金翁便做金雞叫

又

寧海軍結金蓮社
識得希夷方見妙自然是無煩無惱妻男孫
女長絲繞愛獄思山把身軀緊縛扒苦要
玲瓏於已俏把慧刀快磨頻挑萬斤鐵索都
碎了奉報劉公省悟我金雞叫

感皇恩丁亥年十月初一日先生要

化馬鈺故鎖門百日欲令鈺見家風
而肯從

百日鎖庵門擒頭縛像閑閑澄中靜養真假
箇人歎問直恁如斯滿瀉我咱知得也誠清
雅別有一般分明好畫頭頭親擊出暫隱
掛那滿要看萬斛珍珠酬價恁時傳說下些
兒話

瑞鷓鴣

長春景致等長年不夜鄉中永不眠自在從
容除我想道遠來往有誰權唯知物外渾無
物獨看天中別有天五彩霞光長作伴金花
圍繞大羅天

修行莫鍊外容紅只要當中起赤心從此能
生木上火自然養就水中金瑤芳寶樹同相
守玉葉瓊枝共厮侵休去他方尋伴侶箇中
真箇是知音

修行孰是鍊金丹鍊就方知兩事全七返不
容關四戶九還應是轉三田氣神交結為珍
寶靈性分明作大仙今日却歸元本路自然
清靜水恬然

惜黃花

昨朝酒醉被人縛肘橋兒上撲到一場漏逗
任叫没人扶妻兒總不救猛省也我咱自呪
兒也空垂柳女空花秀我家妻假作一枚花
狗我謹切提防恐怕著一口這王三難為開
走

豆葉黃

奉報英賢早些出路卜靈景清涼恬淡好住
開闢長生那門戶便下手修持真功真行真
性昭著 姪女騎龍嬰兒跨虎把珠玉瓊瑤
顛倒換取正是逍遙自在處結一粒明明金
丹金鏡金擢攢聚

聖葫蘆

這一葫蘆兒有神靈會會做惺惺占得逍遙
真自在頭邊口裏長是誦仙經 把善因緣
却腹中盛淨淨轉清清王杖挑將何處去緊
隨師父雲水是前程

愁郭郎或問難免惜愛心

深憎憎愈甚深愛愛尤多兩般都在意看如
何 他歡如自喜他病似身病心中成一體

各消磨

郭郎兒慢

日放銀霞甘雨滴成珠露召清風氣神同助
便致令相守鎮相隨更寶種三田九轉靈丹
聚 碧虛前徧生玉芝金樹綻瑤花滿空無
數爛熳開瓊蕊吐馨香正韻都當中心一點光
明住

自在逍遙清靜悠閑行走拄靈杖慢垂寬袖
任彩霞縈繞緊相隨更遠透香風翠霧同來
誘 忽昂頭驚觀瑩瑩景添秀見青衣半空招
手便喚余休更別追尋指白雲深處這裏神
仙有

受恩深

性亂因醜誤結綠色妬眼神傷敗被財役
住鼻濁如何只為氣使警清去浮世人難悟
端四事相牽淪落苦處 達士怡然殊不顧
上淨真心於下元陽堅固左養取青龍右遵
白虎咆哮做都總來攢聚便成結金丹大羅
歸去

折丹桂

氣財色酒相調引迷惑人爭忍因斯染患請
郎中鬼使言你且儘 不須把脉休煩診死
病今番準這迴須去沒推辭復勾追交帖緊
進來陰府心寒慄對判官詳審高呼鬼使急
挈挈不凌遲更待甚 鏝湯浴過鐵牀寢銅
汁頻頻飲哀聲禱告且饒些後番兒不敢恁

木欄花慢

論修行鍛鍊只元是這些兒也勿取翁婆姪
女嬰子相隨休言木龍金虎更何須黑赤坎
和離奉報諸公入道莫令形容苦神疲 堪宜
正好搜尋時坦蕩准希夷放落魄清閑任雲
任水真靜真慈靈然養成內寶聚玄機密妙
不難知開闢當中一點瑩然明照無為

河傳令知縣董梅夫小

德夫知縣坐上將余便索河傳令堂下落花
你咱分明親見杜五稍知空這攀緣都不戀爭如
修取來生善早悟光陰急急同飛箭足愛前
親好心長行方便若回頭隨我訪神仙面
虞美人 先生嘗云余嘗從甘河携酒
一瓢飲歸庵道逢一先生明云苦風

肯與我酒安否余與之先生一飲而
盡却令余以駭取河水余取得水投
與先生先生復授余令余飲余飲之
乃仙耐也

字風飲水知多少因此通玄妙白麻納襖布
青中好模好樣真箇好精神 不須鏡子前
來照事心頭了夢中識破夢中身便是道
遙達彼岸頭人

又戰公索修行

安爐燒出清涼景捉住風飄影輕中盈滿得
逍遙自然心月空外顯彰昭 當初元約怪
尤省天詔應邀請仙音一派瑩聲招此時還
許返本上丹霄

恣逍遙

若要修行須搜子細把金關玉門牢閉上下
冲和位交溉濟得來後怪怪又同猜謔來入
虛空却投根蒂亮光在爛銀霞際玉色新鮮
真靈瑩膩分明徹淨清閒然細細
擺脫濁醪憑憑傳清水這滋味香甜真美過得
重樓金無滓穢五門開澆淋就中式鏡上寶

滋榮三田溉濟十分用刀圭和秘結作真晶
明明殊麗山峯上風月共邀出世

臨江仙

每日行持都不是今朝頓覺舒寬和交媾聚
成團嬰兒投姹女虎繞與龍塔四象同房搥
玉線一穿透過金丹自然光艷出泥丸有言
言不盡無說說非難

又大術產先生出常背此以貯酒也

每向街頭來走走誰人識此葫蘆長盛美酒
宣須沽時時真暢飲日日不曾無 自是於
身唯了事相隨肯暫離余杖頭挑起趁江湖
一船風月好千古水雲舒

繫雲腰自詠

終南山頂重陽子真自在最逍遙清風明月
長為伴響靈嘯空外愈趨偏鏡 蓬萊穩路
頻頻往只能訪古王喬丹霞翠霧常攢簇弄
輕颯繫雲腰上青霄

迎仙客

做修持須搜索真清真靜真心獲這道青那
邊白一頭烏色上面殷紅赫 共同居瑤瑤

宅瓊苞瑤藥瓊花折玉童歌金童拍皇天選
中山正是仙客

這曲破先入破迎仙客處休言破勘得破識
得破看看把我肚皮都斃破 會做麼是恁
麼奈何子午貪眠麼說甚麼道甚麼自家暗
裏獨自行持麼

這害風心已破咄了是非常持課也無災亦
無禍不求不覓不肯做墨大 大仙唱真人
和金塢堂裏無煙火無憂子共三箇頓覺清
涼自在逍遙坐

重陽全真集卷之五

重陽金真集卷之六

枝六

終南山重陽子王詰撰

詞藏頭

滿庭芳

問修行家住坐金木水相當中起火五事並
施張許神仙全氣爽都是絕盡高荒原正傳
妙用兩液味堪嘗 漿頻做作通瓊路顯現
嘉祥金丹真耀瑩彩輝光元騰騰渺邈遊處
聲韻琅琅辰見人得得出自滿庭芳

又與戰公望字復折王字

論修行翁喚住人須要開張推密妙玄裏細
消詳點真功永固淳厚實行堪當中寶花韻
郁上下似銀霜 望詰觀中一點便是明光
誰會白黑青赤兼黃脉俱通九轉搬運透出
崑岡頭看前瓊茶合此滿庭芳

又京兆李吉甫見杆者述書此

聞杆者心萬轉情注意完望神搜思彼此巧
生妙道鋪機關爭如會自己雙關留住人這
著默斷破癡頑 顏好看前敲打鬧裏清閑
從庚虎哮吼在高山道分明不識白黑知守

交頰前勝中仙桂誰與我躡攀

又邵公攝公為家錄物警告詞

論饑寒公來問中怎奈爺娘牽兒絆妻室惱
愁腸卦分明有說田正震地清涼南看前一
點何不趁時詳 琅序至金木水火放炎光
然見真景本有舒張觀紅霞出入開後慧芳
揮鋼花紋系接引水永滿庭芳

又贈毋希揚

話虛无中蓮出人得遇希揚高勝我事事總
暉光元騰騰自在風動與道相當藏寶花開
後空裏撒真香 傍銀浪森達煙焰暑氣成
霜青芽金葉片片清涼兆城南嶺立字得天
外鋪張生憶懷詞曲須唱滿庭芳

又留別京兆

勸韓公歸東路人子細消詳談教我須要寫
詞章地惡尊幾旦輪顯圓相明光誰得心無
礙吉慶好施張 長真善做心靈點常使玎
璫聲敲振動響畫琅琅友須憑行果花紋金
桑馨香鳥朗瞻現處正照滿庭芳

又黃色子公乞修行

論修行翁甚喜律堪作瓊漿清火赫顛倒吉
運昌顯金烏甚朗中現玉兔精評談正處暑
氣爽成霜 當內寶珍珠壁一一收藏尤良
善善性燭施張現靈明愈羅中土本有真光
冥點烟散盡堪慶滿庭芳

驀山溪

猿拱整是修真格各得其門長閑便歸陽陌
年光景悟此得清涼兆有中仙下貧人憶
業書誨日頻搜索意上來閑邊聲恁生掩閉
前蹤事別是一家風尸段和松敢溪山蒸

喜遷鶯

門開悟此去難為雙眸迴顧得雲耕怡然穩
駕颯外樂聲堪親他舊朋霞友舞袖前來談
吐中素知余唯有慈悲公據 主風做里不
能重步離上已清涼圓明返照出自家園圓
吉瑞祥嘉慶今也宿於何處誠露非遙欣指
朝元觀所

瑞鷓鴣

黃麥秀變隨林內燒身日日憂被兒孫長與
便遭妻女每添愁 中感威多般恪內孜孜

少得休棄金花如覺悟今專勤早回頭

臨江仙

此態懇求一訣傳清靜奇瑰驚神駭目自殘
摧公入藥鏡照道眸開 外邪魔都盡勦能
治病樓災紅水綠一聲雷田田內寶印到蓬
萊

又發牌

外庭中呈玉翰衣列行齊分圭已許奏新文
詞同轉把信章焚 焰起時雲雨至神遽送
無紛系接引連天君傳回語道聖知聞

又

白簡書金訣錄他名姓亡魂驚神駭各思存
蒙追薦你受生門 戶別開玄妙做人同和
天專光一點永無昏輝月照水出崑崙
一定風波

裏闌人戶外闌方遊歷白雲間射日臨光景
媚矚前明朗見崑山 得怡然諸事略中珍
寶好躋攀裏金花開覆額馨透過玉門關

如夢令贈僧子哲

口中校祖葉德茶香點蕪滅與煙消似圭峯

秘訣切言切利天中子哲

永遇樂與登州安國故人二首

位粧變鄉取瑞性分明滿心中端布政理无
清爽凡五馬他輔弼性感恩舒暢身處安閑
散神搜尋道家珍藏 因好討光明射裏真

丹有沉戶長燒門頰既得堪依仗生須要男
交會下且休貌狀時間方面了了待為宰相

子來觀人歡趣筆詞做友琅琅朋密密每遙
瞻觀空聲現瓊樓景兆妙玄同所門開風月

清明四序長春堪度 宜縱酒時卯上醉還
醒復悟逸懷摠消情滅喜謳吟處誠致禱延

彭祖助本元堅固今有真樂神仙到斯永遇

又郭公索

得呈鋼花吐瑞藥香燦鍊清泉洗紅焰盡財
俱削圭一粒精麥髓變俗容消却山頭遊說

四時長春酒類斟酌 同卯共方澄靜看嬰
為媿作喜調和傳津液夜光明錯年有幸分
豆旭轉結成靈藥長生久視蓬島過遭永樂

又郭法師求

綠煙紅絲不斷斧通聖制先依非莫管法心

頭整行真錄地名姓死自教分定瑞財金寶

於身一一不須受領 公精瑩花開闡甲潔

嚴修省下靈符來有則劍懼中惺辰月日頭
頂戴象轉運仙逕遊處天然歡樂遇遭永永

卜算子黃庭經上得

于知公瑩在鄧中騁意猿心不肯收論榮華
命 尚存真性處清中靜向虛无境內尋虫

蓮萊景
前後各帶鳴馬一聲

算詞中話上甘津灑養靈煙火養蓮意馬爰
俱齊捨 內丹無價在山邊掛有包家玉線

縫野馬月同安下

蘇幕遮

坑休顯貌脉嬰兒鍾飼長令飽定真元誠復
俏似清風明月玄中妙 如麴若豹勺歸期

見地誰堪詔吐桃花香香妻內珍珠金得三
光照

又焦姑求

聽聞闌戶滅蟲亡鐘窻堪安固粹常純空外
觀徹清清寂靜無思慮 頭忘按住結金丹

透入明堂所芥長施鋼劍擇薦真元直赴蓬萊路

又二首李法師求

人談煥助與泉源交結相同怙木真元牢鎖住掌法持精氣長堅固 中甜上素小嬰兒 妮女顏看觀外空邊誠雅趣入祥雲便得神仙做

靜青黃燭滅煙消白黑紅光旭轉靈丹令沐浴口長生五彩從前簇 宗評籙法錄寬金書拯救災回福及歸依功行足現金丹奉出崑山玉

武陵春憶道友

葉雲涯別有景曲武陵春日清閑沒苦辛載得全真 是人非俱不管尊肯相親史可時說一新斧斷迷津

日醍醐長灌頂丙反相觀有瓊漿與玉津火養精神 地醒來寅地醉九按三巡子於金得味銜賞武陵春

又京兆趙公勸酒不飲

處林泉別有酒卯按篇章二層樓飲玉漿菓

火生光 兀陶陶頰醉醒夜最堪嘗味來迴轉轉昌出越蓬莊

怒道遙

氣全神神燕坐來與四方聚課說靈根坤對過乎恁麼么妙自無人我 戟鋒交平相賀中寶結成一顆是惺惺清沒和津負荷須用這箇那箇

又承社先生傳語

識攢上身憔悴難解怎生速體元固壯還養氣精麥隨散潤任緣歡喜 誦經書捐名利主法且休整理鍊金鎖窠緊閉關要洗須認分中閑貴

漁家傲 蘇鐵觀先生出外常携之

住靈臺清淨觀公四假須溫暖日便教携甌密畔和米麵瓊漿按 竈為鑪頻鍊煅炕鉛汞長煎燬動錢腸白氣滿中看前一點真堪觀

又付京兆先生

陝高名身姓社金間隔從來做壽年方七十 五能住人百歲超塵慮 淨跡清明又著常

認得梨花數行已知藏洞府仙簿功元入蓬萊路

又二首李公求

聖老子元姓李今正是遺風起向他方求出離明位從坎暗清源地 便施仁兼富義遠略叙闕中意內無心真活計分美都水火須交濟

德修真年七十從鶴髮童顏出上靈泉流得急如密尸去盡腸充實 道穿虛同入室令鉛汞成丹粒便逍遙尤靜謐休詣人常與神仙集

河傳令 贈京兆趙公

心合眼瑩耳聰意靜鼻通舌辨說山頭一派清流落瀾中烹煅兒緊不慢 西金解東方版片便令虎龍同打盼得明珠諸般不教與販春來金生花復綻

又贈京兆席向押

衫敗易處俗情正好知白守黑院脫離好把明珠恰惜年時因緣怎生積 心約已為規則圭一粒細思非難覓性識真便是神仙端

的明公專上都押席

踏莎行

道脩真人會歎中說得終無斷刀磨出慧鋒
開頭自有仙家讚 動光明常圓滿清泉瑩
堪教看前只是這些兒心認破山頭說

說脩持文詞雅生玉璧光輝射中文煥永和
鉛傳甲木唯惺灑 火翁婆男不寫公別指
清涼話根甘露是真因都得此丹無價

守丹田分德麼公認正真無墮包四象立虛
名言千日成功課 作良緣絲纏鎖花開處
瓊英安人返得丈夫身身風了千千箇

又別道友遊白鹿觀

要吹燈中有作離暫別休疑却遊白鹿觀頭
看前便是成行脚 要歸來宵為約絲不斷
真嬉詭誠語扑決重權間緊把猿兒縛

醉蓬萊

時間有吏拱手前來謹傳台旨晚難參俟辰
先起至庭階爭通報上人心喜出尊談推學
道須留妙理 液瓊漿生三寶脉光門華麗
美抵神清俾氣無睡下知州圭休稟自然仙

瑞現靈芝遊寶洞蓬萊一醉

又冰雪

然間雲霧霽布長天偏空呈瑞屑飄飄舞風
前輕墜面凝酥山頭鋪粉又爽蒸鮮媚姹嬰
兒相將携手同來遊觀 裏全真實中迎寶

滿挿瓊花榮貴脉和明更三光分銳地生輝
震方通耀放爛銀霞起見師呼仙童邀我蓬
萊一醉

重陽全真集卷之六

重陽全真集卷之七

終南山重陽子玉詰課

詞

解佩令

庵中住坐塵勞越八貪米麵着待經過趕杖
按刀磁碗五瓦盆筒匙筋杓甑沒堆垛 掃
田刷釜點燈過火入門關出門安鎖本要清
閑被許多日常殃我難為駕五色雲朵

轉調醜奴兒

苦苦勸愚人被財色投損精神利韃名鎖休
貪戀韶華迅速如流箭不可因循 早早出
迷津樂清閑養就天真性圓丹結方知道蓬
萊異景元來此處別有長春

又贈馬鉉

扶風宜甫聽余教旨你從前入道未是終有
洪禧舊交朋陸山復至一一須聽他玄理
山頭休去此中居止兼乞寬庵報便利直待
盈盈恁時節同將師禮住十洲大家歡喜
如論性命須搜夕晝光明照有甚肥瘦日月
西遊當中幹樞機斗天花綻異香無漏

空空皆出虛虛盡透清涼處道遙交媾自在
躋真輕飄外任飄精秀聚雲朋更兼霞友

又茶肆茶無絕品至真

茶無絕品至真為上相邀命貴賓來往盞熱
瓶煎水沸時雲翻雪浪輕輕吸氣清神爽
盧仝七椀喫來豁暢知滋味趙州和尚解佩
新詞玉宮風新成同唱月明中四人分朗

又受看柳詞遂成

平生顛傻心猿輕忽樂章集着無休歇逸性
撼靈返認過修行超越仙格調自然開發
四句七上慧光崇兀詞中味與道相謁一句
分明便悟徹著卿言田揚柳岸曉風殘月

菊花天

此藥神功別有權專醫性命完全名喚紫金
丹服之一粒永保康安 寶結三田搬運過
明珠透出泥丸五彩九霞光共至並攢捧入
仙壇

又風

此藥神功別有華專醫徧體頑麻下事是三
家不拘溫酒選甚盪茶 服了便令筋骨換

亦教結就丹砂頓覺神清氣爽最嘉最嘉步
雲霞

又服

此藥神功別有名專醫兩目多情一點變澄
清自然仰面認得前程 更用金篦輕掠刮
便教換了塵睛觀俗緣空朗照至精至精三
輝騰明

又嗽

此藥神功別有情專醫肺裏謳吟治正水中
金教公免了分外聲音 傷重寒風并熱冷
五般無復重侵節色減財攝養古今古今性
命來尋

又食

此藥神功別有方專醫五臟膏肓一服下隨
湯即時傳透便得安康 更使真玄推妙訣
諸公子細消詳養氣全神保固壽長壽長永
處清涼

卜筮子妙覺寺僧索

妙覺證慈悲便入菩提路日日常開方便門
慧照生靈炷 生雪釋迦尊面壁達摩悟觀

此因緣行果成先率天堂住
前後各帶喝馬一聲

信任水雲遊欣放靈猿便要去隨霞恣害風
乘良馬穩坐香羅帕 南北與東西選甚高
和下處處來迴得自如呈弓馬會把明珠射
一疋好驂駒精彩澤如畫却被銀鞍縛了身
著絆馬恁得逍遙也 不若騎顯狂掣斷無
挂擺尾搖頭既捩遠做野馬自在遊治

此箇真真也瑩徹靈靈也出入虛無縹緲間
騎風馬信任飄飄也 占得惺惺也光輝明
明也來往晴空碧落中乘雲馬自在逍遙也
趕逐日中鳥捉取月中兔便著晶光覆了身
金馬住方是重陽做 交位顯真功換質成
真趣到此還知自在遊玉馬走走入雲霞路

尋知友前後帶喝馬一聲

有箇害風兒海上尋良价只為心頭忒緊圖
意馬隘惹出渾身疥 欺欺細搜求日月年
時賽遂得中央四寶珠祿馬快走入關西界
卜筮子開門了化出馬狂
你待堅心走我待堅心守百日扁門化出來

方是余開口 開取四時花 綻取三春柳 認取元初這箇人 共飲長生酒

卜算詞中算卦象 分爻豕海島 專專知友來 堪把扶風喚 莫怪頻磨難 只要分明燦 決定堅心沒惱愁 永結長生伴

又雪中作

誰識這風狂 誰識斯三喜 恰遇炎蒸得清涼 正寒也成溫熱 因仰至人言 遂獲真仙訣 九九嚴凝花正開 三伏中却下雪

又歎世途

堪歎世間人 誰肯望天覲 北斗南辰日夜移 飛走烏和兔 恁地被煎催 尚自生貪妬 忽日艷都勾你來 著甚詞因訴

脩鍊不須忙 自有入來過 已與白雲結伴儔 常作詞和賦 靜裏轉恬然 歡喜迴光覩 一箇青童立面前 捧出長生簿

漁家傲

跳出凡籠尋性命 人心常許依清靜 便是修行真捷徑 親禪定 虛中轉轉觀空迥 認得祖宗醒復醒 紅紅赫赫如金定 漸漸圓明光

又瑩通賢聖 無生路上長端正

又凡去後贈姪元弼元佐

元弼前來并兄佐 尊親遠債還知麼 昨日笑兄心轉破 休摧挫 後番決定安排我 這箇傳來唯這箇 輪迴生死如何越 棄墓趁墳離

枷鎖除災禍 無生路上成因果

誰識王三能 買賣道心堅 處難為退 每把三光頻頂戴 頻頂戴 孽開世網居塵外 害得風來風得驟 今朝錢覓人休恠 占得逍遙真自在 真自在 携雲却赴蓬萊會

又贈道友

這箇王風重 拜見珍珠水飯 誠堪羨 盈腹充腸白氣顯 白氣顯 今朝專問梨花片 有說之時 關一徧 無言對後 馨香善滿樹高 高真玉現真玉現 月明正照清涼院

又贈寒生

夫喚三郎妻九姐 兩椽合得一間舍 骨作樁梁皮做瓦 休誇說 父娘成就伊居也 兒願室家女願嫁 舅姑修葺 何時罷 日日功錢難答謝 聽余話 長行孝順酬斯價

又京兆道友

得得中間尋得得 王三默訣惟王六 若要清靜如白玉 獨自宿余自須要 除情欲 這箇靈童明似燭 惺惺能唱無生曲 日住公家公不識 休尋覓 心澄便是真消息

又莫春山石門庵

入得石門山上住 弟兄手脚無安措 一日三時長 厮覷廚裏去 搬柴運水投鍋釜 若勸同流 疾作做 心頭一點休 教誤我 待分明說 一句從開悟 天機不敢輕彰露

五更出舍郎

反會做他出舍郎 便風狂成功行 到蓬莊 奉報那人如惺悟 好商量 五更裏 細消詳 一更哩 囉出舍郎 離家鄉 前程路 穩排行 便把黑氈 先捉定 入皮囊 穿封繫 任飄颺

二更

二更哩 囉出舍郎 變銀霜 湯燒火 火燒湯 夫婦二人 齊下拜 住丹房 同眠宿 卧牙牀

三更哩 囉出舍郎 最相當 神丹就 養兒娘 一對陰陽 真箇好 坐車廂 金牛子 載搬忙

四更哩 囉出舍郎 得清涼 重樓上 飲瓊漿 任

舞任歌醒復醉愈堪嘗真滋味萬般香
 五更哩囉出舍郎沒隄防無遮礙過明堂一
 顆明珠顛倒袞瑞中祥崑崙上放霞光
 認得五般出舍郎黑白彰當中赤間青黃哩
 囉囉哩囉哩妙玄良玲瓏了便玳瑁

卜筮子詠奉

兩人鬪勝俱誇會路路相逢子細挨依劫盡
 方和解了圍 愚迷不曉雙關意各自藏機
 孰是孰非却被傍觀冷笑微

又述懷

廊中有箇修行子火院難離只被推辭恁不
 回頭候幾時 今朝不保來朝事大限誰知
 可憐愚癡直待荒郊咬齒兒
 昨宵獨卧冰凌道三耀常觀自在心安愈覺
 清涼不覺寒 尾閭過來夾脊上轆轤長掀
 透入泥丸返老長生別有歡
 曹溪一路人難悟怎捨妍妻難受孤恹獨自
 眠時越越迷 分明有箇長生路孰是能躋
 說甚東西誰肯抽身出汗泥
 凡人若會通三耀便結良緣搜見真玄方信

虛空出大仙 金丹一粒無為漏得德精妍
 明瑩光圓萬道霞光簇上天

如夢令

寧海人人省悟此別何時再遇唯願重金蓮
 好把良因作做歸路歸路滿目白雲翠霧

又贈縣令

日日此中閑宴食肉諸公總善唯有害風王
 莫怪頻來見面知縣知縣正好與人方便

又蒙友惠詞

明月古今長有恁奈華宗海口黑窟裏頭居
 黯黯不分夜晝吾友吾友問你如何下手

楊柳枝

夢悟青霄月正高射蟠桃一枝白筆得逢遭
 更兼刀 應手詩詞隨寫染運風騷玉牋上
 面起雲濤任陶陶
 一息來時象氣毳騁風流不來一息破胞抽
 這回休 若要依前常達販復從頭胞兒裏
 面氣重收再儻儻
 誰識天邊一井金紫光侵朝朝日日眼前臨
 沒人尋 惟我靜中知去處自堪任盡斤盡

兩人珠林出高峯

搗練子

猿騎馬呈顯俊難擒難捉恁生捨哩囉唛哩

囉唛

慧刀開齊下殺教君認得根源也哩囉唛哩

囉唛

水兼火坎和離兩般消息恁生知哩囉唛哩

囉唛

休燒鍊莫修持元來只是這些兒哩囉唛哩

囉唛

搗練子害風哥一身躡出死生波哩囉唛哩

囉唛

便是逍遙真自在没人拘管信吟哦哩囉唛哩

哩囉唛

用力圭剖昏迷合和一處恁生携哩囉唛哩

囉唛

人頭落現虹霓白蓮花朵出青泥哩囉唛哩

囉唛

名利海是非河王風出了上高坡哩囉唛哩
 囉唛

纓候十年功行滿白雲深處笑呵呵哩囉唻

哩囉唻

三丹寶難分割昏昏點點怎生保哩囉唻哩

囉唻

在虛空長懷抱緋衫裏子新為帽哩囉唻哩

囉唻

踏莎行

莫驕兒群休誇女隊與公便是為身害脂膏

刮削苦他人只還兒女從前債 悅目亭臺

衷心念愛直饒鐵打堅牢 睺多多罪業自家

就一朝合眼如何戴

又別家春

妻女休嗟兒孫莫怨我咱別有雲朋願脫離

枷鎖自心知清涼境界唯余見 步步雲深

灣灣水淺香風隨處噴頭面崑崙山上樂逍

遙煙霞洞裏成修鍊

又自詠

人被錢迷錢由人使一來一去何時已頑銅

尚自有消磨凡軀著甚逃生死 聞早回頭

疾搜妙旨細推休道無師指腹中兩路顯然

開心頭一點分明是

來裏泉清鉛中火赫倒頭澆溉傳甘澤虎聲

震動甲方青龍吟喚出庚方白 認正田原

分門阡陌金挑親種親收摘玉童掌內任擎

來瓊筵會上堪分掌

大道無名害風有作踏莎行裏成歡樂因緣

脚脚修鍊成蓮花步相隨著 透出清泉

上衝碧落成雲結蓋須磅礴外馨接引好輝

光內明照權真丹藥

不識慚惶要人津送情生念起般般動心神

指引乞為緣三餐飽後休胡用 豈許醫看

莫交人重行符呪水良因種哩唻哩囉囉哩

唻長隨走蓬萊玉洞

又奉酬人惠

種穰余留木盃分納微誠用表相酬答百般

茶飯任經營千般滋味堪嗚咂 恬淡真人

朴純菩薩都緣此物成超達好將鉛汞裏頭

收須教盈滿休拋撒

又贈友生

前歲麻收去年麥覓一麻一麥傳消息左邊

金餅一陽生右傍銀器純陰匿 偏黨無私

倒顛有則心燈朗徹緣挑剔終南街裏不遊

行京東路上知端的

又詠燒香

身是香爐心同香子香煙一性分明是依時

焚蕪透崑崙緣空香裊呈祥瑞 上徹雲霄

高分真異成雲作蓋包玄旨金花院裏得道

遙玉皇几畔常恭侍

又贈友人

一點靈明兩條坦路怎生下手如何做好教

稽首上天堂莫令失脚遊陰府 日轉金烏

月生玉兔森羅萬象同躡度勸君休要泥長

生時時字把金精固

又崑崙山園庵

做就園模且休蓋椽諸公怎曉余方便水符

不向此中行因緣已到文登縣 各謹持修

速歸煅鍊內容顯現親頭面如今款款漸投

玄炁時得得頻相見

又燒庵

數載辛勤謾居劉蔣庵中日日塵勞長豁然

真火暫然開便教燒了歸無上 奉勸諸公
莫生悒快我咱別有深深沈唯留煨土不重
遊蓬萊雲路通來往

睡裏搜尋眠中做作目矇認正恒歡樂相成
三寶自神靈結成九轉真丹藥 攢聚祥雲
往來碧落後隨前引唯驚鶴白尤萬道遶圓
生紅光一點當中樂

重陽全真集卷之七

重陽全真集卷之八

枝八

終南山重陽子王詰謨

詞

如夢令

如知九九妙中談明月分明照碧潭會得雙

關真箇理前三三與後三三

九九明詞要正修整巨初元性須是返陽陰
决作清吟雅詠賢聖賢聖容許陳如夢令

九一初寒有自朔氣任從開肆是處巖巖疑
正遇中冬節至藏異藏異內隱新陽欲施

九二女陰凜凜白雪徧鋪綠甚還許潤靈根
接引黃芽悉害如恁如恁壯海神龜暢飲

九三隅維積降水面盡為凌凍奇性最堅貞
任放明光出衆遙送遙送返照天涯端竦

九四寒風似箭威勢徧行方便射退這群魔
吉慶嘉祥得見堪羨堪羨隱顯晴光一片

九五天池盡泮淑景漸令堪識看領頭梅
衝暖已成爛熳香案香案獨占真陽一半

九六舒張瑩氣上下沖和溉濟週匝普流通
正顯道尊德貴經緯經緯欲放瓊苞寶卉

九七門開八脉洞達永無相隔渾似吐氣氤
運轉週迴素白難測難測一點當中堪赫

九八般般洽協普徧盡歸調變處處見光輝
燦燦尤增煒燁相接相接長出瑤枝玉葉

九九八方端鎖團聚光明如火焰焰做紅霞
裏面天花徧妥成裏成裏瑩瑩明珠一顆

九九榮詞已徹誰做姓王名詰雅字稱和明
道號重陽子別懼悅懼悅一粒金丹永結

西江月四假
堪歎大風地水為伊合造成形教人受苦日
常經撲入味香視聽 獨我搖頭不管朝朝
居止黃庭自然閑寂聚真靈五色霞光覆定

又四氏
堪歎工商農士各誇本業多能就中機巧日
騰騰限至依然閑勝 獨我搖頭不管唯將
淡素常憑清如澄水結如冰自有圓明果證

又四害
堪歎酒色財氣塵寰被此長迷人人慕帶似
醜難亂性昏神喪慧 獨我搖頭不管介然
甘守孤栖麤衣糲食淡黃養養就胎仙既濟

又四方

堪歎東西南北迷途役損行人任來任往走
紅塵只為名牽利引 獨我搖頭不管靜中
精固形貞陶陶團結氣和神永樂天真有準

又四時

堪歎春冬秋夏奇葩異卉爭開流年不覺暗
相催事到頭來怎悔 獨我搖頭不管唯將
內彩追陪青紅黃白黑純體覆素真金鼎器

又四寶

堪歎筆硯紙墨結繩制度規模尋常寫染水
成書偏稱文房注疏 獨我搖頭不管教大
記錄元初靈光一點便開舒復把真如返觀

又四物

堪歎琴棋書畫虛中悅目怡情內將靈物愈
相輕忘了從來性命 獨我搖頭不管有緣
淘出無名長生路上證圓成空外靈光隱映

又四景

堪歎風花雪月世間愛戀偏酬追歡賞說幾
時休不悟陰公等候 獨我搖頭不管內將
玄妙尋搜瑩然顯出那因由正是余家本秀

又四續

堪歎江河淮濟長長運渡迷愚洪波急浪接
天衢只是西來東注 獨我搖頭不管輪流
玉液瓊酥三田澆灌結成珠七寶山頭使住

又四苦

堪歎生老病死世間大病洪疴傷嗟難強
添和怎免輪迴這箇 獨我搖頭不管時臨
還與他麼玉花叢裏瓊瑤科五色雲中穩坐

又六首贈友修鍊

米麵隨時加減汞鉛依此抽添 三光真秀轉
甘甜不請生情起念 七子便鋪金篋九門
各看銀蟾香煙盤繞玉峯尖方得長生證驗
常把內真願看休教外景長侵火牢尖上細
搜尋正見嬰兒弄影 雅詠高吟吐笑清風
皓月次臨分開傳作紫共金艷逆斗花萬錦
酒飲清光滑辣果餐軟美香甜兩般每日做
抽添八味依時給贍 信步六街走須尋
七寶粧嚴三田九轉似銀蟾一性孤靈有驗
人要修行猛做我心除盡堪為不將筋力謾
胡施閑裏真清漸自 白雪變成姹女黃芽

行香子

養就嬰兒兩般消息有誰知悟徹分明便是
酒飲清光滑辣肉餐軟美香甜世間迷誤總
無厭箇箇臨頭路險 獨我悟來口速唯余
省後心嫌十分戒行愈精嚴放分都都赴點
悟徹兒孫倖貌奪衣曰奪餐有笑欣悲怨類

行香子

咆哮正是豺狼虎豹 不與同居打鬧回頭
便戴青包任隨雲步訪三茅同話清虛道教

行香子

一鼓纔鳴水德行香看鳥龜波上呈祥鼻全
喘息眼眩昭彰會戲澄濤遊澄浪隱然江
黑霧凝凝充滿皮囊牢封繫信任飄颻沖和
上下流轉邊旁便變成雲結成蓋積成霜

行香子

二鼓纔交金德行香虎兒上坐箇嬰郎腰懸
白刃手執青鋼把百魔驅千魔勸萬魔亡
廣現森羅編吐銀芒斗辰端拱正魁罡西南
的位指出芬芳得善因開良因闡吉因昌

行香子

三鼓纔分火德行香月初端正照心王紅紅
赫赫輝煌煌煌見本真生靈真慧太真巨
三處均勻一路平塵觀青天瑞雷舒張縱橫
攢聚能皇圓方早弄珪環持珪璧執珪璋

四鼓纔平木德行香青龍上坐箇嬌娘口貴
 赤氣身挂朱裳更戴瓊花餐瓊藥飲瓊漿
 往來諧歡交媾相當欣然用顛倒陰陽衝開
 卯甲日放晶陽窠大明珠通明焰過明堂
 五鼓纔成土德行香偏能將四象包藏如今
 盡顯聚在中央沒白歸青紅歸黑不歸黃
 已證空虛便出崑岡金童來秘語宣揚天皇
 賜詔授與風狂水處清閑常清靜得清涼

又自詠

有箇王三風客狂顛棄榮華乞化為先恩山
 愛海猛捨俱捐也不栽花不料藥不耕田
 落魄婪耽到處成眠覺清涼境界無邊蓮葉
 穩路步雲天得樂中真真中趣趣中玄

又贈弟子

再索新詞不寫藏頭分明處說箇因由諸公
 不省尚自相求被風流事常汨沒幾時休
 悟取玄機認取持修丹成後神氣精收前程
 穩路三島十洲你早回頭應與我共同遊
 如要修持依恁相當出真慈真慧無方上從
 父母下順兒娘待放瓊花飄瓊屑飲瓊漿

做就金園建起瑤房這朱郎常熱心香命聲
 響唳性韻瓊瑋便得清冷成清淨處清涼
 要飲香津唾盡稠粘將華池神水相兼東西
 澆溉上下抽添便景星呈明月正太陽暹
 漸入亨通方識甘甜器珍成不用鉅鈴閑中
 轉寂靜裏加恬得住晴空居物外出山尖

得道陽

得道陽來得道陽自然碧洞隱雲房玉訣靈
 符清氣聚金丹大藥勝衣裳豈似人間輕薄
 郎徒誇黃白滿箱筐我寶三田常運轉吾家
 一性沒驚惶

正月寒威漸漸回靈花九葉向東開玉液流
 時專益氣寶芝採處物生莖養就重陽現兩
 臉蟠桃嫩臉笑瓊釵七魄三尸隨臘去五方
 九轉逐春來

二月還知水氣和風生本德自然歌元兀轉
 生離內女怡怡笑殺月中娥耿耿分明天下
 河我今回首出高坡三萬六千神曜聚重樓
 十二液津多
 三月清明滅盡煙百花堪綻艷陽天姮女聚

柴新焰畔嬰兒弄水舊池邊寶鑑當曾只自
 懸翁婆媒合好因緣朱雀騰雲方出眾青龍
 駕霧得高遷

四月朱明和氣清心花七寶愈分明教你會
 時獨自語請公休暮百舍聲火焰纖長漸漸
 生從茲萬木得嘉名十千位中吾獨走五行
 宮裏我先行

五月炎蒸陽氣嘉正堪端坐問南華這箇不
 能誇肝木那人偏愛放心花煩惱俱無遠歎
 嗟日當卓午不教斜玉兔過來添白雪金烏
 顯處吐黃芽

六月純陽盡入莊陰魔趕退出街坊壬癸止
 方添腎水丙丁南嶽熱真香鬼魅妖邪盡總
 忙群魔難聚沒隄防子後看時知日短午前
 坐處覺宵長

七月庚辛海水深一輪明月運天心飯熟須
 知薪趁火未成不離線因針修就無為七寶
 身還今當日到如今白虎吼時頻擒捉黑龜
 行處轉思尋
 八月清涼白露旬萬民安樂養真身窈窕冥

冥雲外客昏昏默，月中人雖是居塵不染。
塵也無意怒亦無瞋，既處逍遙生瑩滑自然。
聚散去皮破。

九月蒼天爽氣高，重樓復降雨瀟瀟。
龍真自在迎風木，馬首無寥每向鄜中作繫。

腰六鉢衣挂勝紅綃，醉後恣眠青蘇塌。
醒來頓抹玉芝苗。

十月紅雷又更清，黃婆得半入深瀛。
乾盡水銀唯我健復生，神氣更誰聽有緯須知先有。

經織成統綺便堪行，離火便生紅芍藥。
坎泉傾下雨霖零。

十一月嚴風作威，月中玉走日金飛。
結就三三三處寶，得披六六六鉢衣。
乘鳳携鸞踏霧歸，上天降勅不相違。
功滿三十綠業盡，行成八百落塵稀。

十二月圓成錦綉，四時技業不乾枯。
看取火中頻取水，自然水裏却安鑪。
龍虎龜蛇認吸呼，百骸俱滿立須臾。
一顆明珠三下有，三般惡物一齊無。

已得靈符萬事休，百冤退盡任他愁。
好把瓊

漿添滿腹更將金髓灌，盈頭都為十因得此。
由翁婆嬰姪住網繆，教我携將三直柄。
請公認取一尋鈎。

紅窓迥
五千言二百字，兩般經秘隱神仙好事靈中。

省悟徹玄機，結金丹有自得。
一惺惺通不二處，逍遙景象致超然。
永遂共紅霞同彩雲，歸翠籠住祥瑞。

五更令
一更初鼓聲俊，槌槌要敲著心猿。
意馬細細而擊動，鈴鈴使俱齊擒下。
萬象森羅空裏，挂潑焰焰神輝。
惺惺灑灑，明光射入寶瓶宮。

早兒嬌女姪
二更分鼓聲，按勻勻打自然。
虎龍交換精氣，神各住丹房也並無錯亂。
撞透重樓知片段，這玉液瓊漿往來澆灌。
便須教溉出黃芽，漸生來好看。

三更端鼓聲，正襲襲響韻音轉。
令鳴瑩其中，便聒現靈根會通賢道聖。
慢慢來迴遊捷徑，傳銀箭這番穿成雅令。
用親鏞鏞上紅心。

現清靜
四更高鼓聲，銳忽然間振動。
天花徧墜，前面却有箇真人戴星冠。
月帔得此妙玄成，吉利望北斗杓星西南。
王指看看底，剔綻瓊花做祥瑞瑞瑞。

五更終鼓聲，聞被那人搥動。
做成顛倒金盤，內托出神珠放霞光。
萬道窈窕冥冥真箇好，從此復通他當初至寶。
如今却歸去何方，住十洲三島。

雨霖零
東方甲乙見青芽，吐早應時律。
南陽正現紅焰初，將熾炎夫濃密。
西勸金風，颯颯致清真。往來飄逸，吐氣候和寒。
嚴嚴凝聚，結成冰瑞中。吉肝心肺腎，勿令失四門。
開瑩徹都歸一。金丹棘在空外明，耀顯五光齋出上透青霄。
唯占逍遙自在寧謐，到此際還得無為永水綿綿畢。

重陽全真集卷之八

重陽全真集卷之九

枝九

終南山重陽子王喆撰

歌詞詩

了了歌

漢正陽子為的祖唐純陽子做師父燕國海
蟾兮是叔主終南重陽子弟子聚為弟子便
歸依侍奉三師合聖機動則四靈神彩結靜
來萬道玉光輝得道遙真自在清虛消息常
交泰元初此處有因緣無始劫來無罣礙將
這箇喚神仙窈窕冥冥默默前不把此般為
妙妙却憑甚麼做玄玄稟精通成了徹非修
非鍊非談說怪怪何用論幽科達達寧須搜
秘訣也無減也無增不生不滅沒昇騰長作
風降并月伴水隨霞友與雲朋

竹杖歌

一條竹杖名無著節節生輝輝灼灼偉矣虛
心直又端裏頭都是靈丹藥不搖不動自閑
閑應物隨機能做作海上專尋知友來有誰
堪可教依託昨宵夢裏見諸虬內有四虬能
跳躍杖一引移一脚頂中迸斷銀絲索攢眉

露目震精神吐出靈珠光閃灼明艷挑來固
樂然白雲不負紅霞約

窈窕歌

人人只要生害風只要死生則無著摸死則
有居止不戀皮肉脂不戀骨筋髓藉甚髮眉
鬚藉甚舌牙齒安用脚手頭安用眼鼻耳小
腸能成水大腸能成米米太茫然晝夜何
時已認破醜機關須當分彼此別般二物合
和真元來一道分明是這箇在何處這箇在
那裏教公會得時也飲清涼水直待正純陽
方稱重陽子

元元歌

父雖父母雖母論著親兮沒說語只為當時
鑄我身至今今日常懷古兒非兒女非女妻
室恩情安可取總是冤家敵面讎爭如勿結
前頭苦我咱悟我咱補喚出從來清靜主要
見玲瓏好洞庭須開端的真門戶便知宗便
知祖了了惺惺歸紫府離鳳空陪北海龜甲
龍枉伴西山虎仗靈刀擊慧斧劈破崑崙將
寶數萬顆明珠戴玉冠無窮彩艷衣金縷這

元元迴光觀五五不離二十五依此行持依
此修姓名預錄長生簿

得得歌

陰變為陽只自審冰鑽結火能唯恁有緣獲
見古今真無始却來呼箇甚呼箇甚喚神仙
窈窕冥冥不記年撞著良因五劫祖相隨直
入大羅天大羅天通妙景故開明耀須更頃
盈盈一粒任綿綿寂寂圓光傳水水傳水永
做靈靈處此清涼絕視聽何用醍醐香韻那
不誇環珮響瑤玕響瑤玕聲滅歇別生彩艷
重超越自然瑩瑩寶中珠返照輝輝天外月
天外月走蟾輪怎此如如沒價珍正一悉除
生滅相端嚴堅固妙玄因妙玄因誠秘訣那
曾瞋怒并歡悅虛空上達晴空言說說前
非有說非有說愈昭彰得得歌中現道場曠
切未分新雅致從今傳出這名方

惺惺歌

謂何四大復牽纏汨汨當時那箇仙好把圓
成從雅正莫將假合做因緣殷紅再結雙關
寶潔白重開五葉蓮得得先須修九轉盈盈

首上養三田養三田為定壽金毛獅子頻哮
吼日端午上看玄陰夜半子時分螢畫常食
休窮萬物機運神奪取三光秀外容馬用顯
光華內貌多方類整救類整救是元初此事
今應信有諸遊歷先逢太赤祖歸來遠見秦
中珠七般珠戶通開闢六道銀光任展舒百
寶臺頭唯仰觀這迴親現這真如這真如實
不錯逍遙服餌靈丹藥輝輝燦燦甚分明了
了惺惺尤灑落迎日堪誇翠露身臨風透出
紅霞脚崑崙頂上玉峯前一朶瓊花為誓約

勸道歌

修行便發好枝條不會修行枉折腰經教豈
曾窮義理香煙只會謾焚燒苦心苦力多憂
慮勞體勞神愈悻悻沒智強搜無漏果未過
閑想有緣攝他人公案長傳說自己家風敢
擺搖靜裏邪生神鬼位執中迷入散凡包謹
持符水唯端正却被衣餐做諭要誇說清虛
干淡薄尊隆高大眩彰昭風花雪月為愁景
酒色氣財是業苗煩惱門閑談覺悟是非路
闌說道這晨昏嗽燕增空耗子午功夫謾颯

飄已上般般皆勿用從今字字最堪消自然
清靜真功著信任慈悲實行超寂閑恬淡宣
潔白香冥昏默受和調虎龍莫放遊三界嬰
蛇休教舞六么壯矣根源能應拍孤然靈物
善吹簫二儀交泰同沆捏五欲消除類木雕
捉住空中真響亮吐迴性上假咆哮一雙女
子投金鑛兩箇童兒入玉點折取木梢重煨
鍊火開泉水再淋洗亭亭顏色難裝點簇簇
形容怎來描貌態玲瓏通眼目光輝燦燦射
瓊瑤放歸仙館稱嘉號只許吾門喚阿嬌得
得得中長得得任詩任曲任歌謠

自歎歌

嗟余幼年父母惜長思孝養當竭力情知難
報罔極思區區春戀惟多積如今不肯自焦
勞一味貧閑肯賣高喜得逍遙真自在日中
打睡恣陶陶愚迷不識余家意晚夜忙忙空
闕智四般拘執盡貪婪酒色更無財與氣事
如風害便抽頭無慮無愁更遠憂雲水青山
待樂遊願歸三島赴十洲出凡籠入碧洞假
合身軀休戲弄恁時猿馬總歸空一輪明月

唯余用

秘秘歌

刀圭刀圭好刀圭幾箇能通盡執迷便做悟
來知去處怎生安霸怎生携這刀圭又能飲
洗滌中間十樣錦萬葉千花轉轉新五方顏
色皆分品這刀圭亦團團透出靈光只自攢
澄艷艷子無可比也知賽過紫金丹這刀圭
刃子快歷劫已來不曾壞智者見時放慧輝
愚人昧了愈疑怪這刀圭真是鋼空中自在
吐光芒唯有害風敢拈弄便令分出本清涼
這刀圭緣亘古不是陰陽不是土只是一般
哩噯哩噯囉上開宗祖

定定歌

修行便發好枝條不逐輕飄信任飄翠綠常
蒙雨露潤軟柔寧懼雪霜凋由斯活樂津方
大似此滋榮氣漸調休倚散九求德行莫恣
待水望昇超古人公案須通透自己家風好
擺搖外景勿侵外事絕內容搜出內香燒媯
媯女子投金鑛俊俏郎君入玉點一則鑛中
栽寶樹一唯馱裏種芝苗雙頭廝見歸三秀

兩體相逢舞六么十指纖纖能擊鼓七門關
聞喜吹簫炎炎猛焰波中迸泛泛洪波焰上
漂正覺逐新除垢膩圓成路瑩出塵囂紅霞
覆燾疑青漢翠霧盤旋住碧霄妙妙玄玄無
星礙惺惺了了永逍遙

逍遙歌

簡聲頻簡聲快休妻別子斷恩愛往昔親情
總休怪害風不把三光昧鄴都鬼使已迴頭
黑府除名無追對口能言心能行蓬萊穩路
是長生

玄玄歌

峭崿峯安萬丈杆杆尖有箇嬰嬰走清風裏
面騁狂顛明月前頭誇好手旋旋拈拈擊碼碯
丸頻頻趨弄珊瑚斗丸與斗弓失落無等閑
失落費功夫撥開銀浪觀瓊浦正見金龜在
玉壺氣氤氳噴琥珀眼光燦爛射明珠孩
兒方是下杆來奪得明珠言誓約不教驪龍
領下藏揉入雲霞投碧落香香冥冥不記年
從茲頓覺無為作

達達歌

修持便要發佳謨會做搜尋廣擺鋪二八佳
人安手脚六分公子下功夫娉娉未貌知金
鑛俊俏烏顏看玉壺自飲自沽醒復醉任歌
任舞笑還偷撞開陽路傳珍寶通過陰關出
鞭轡漸上崑山呈片玉復歸巨海弄明珠般
般拈捻齊玄旨處處遊行見坦途瓊華滿頭
藏妙有瑤花盈足趁虛無能教面目長來往
養就根源是吸呼周正元初真等覺的端豆
始大惺惺孤然朗照何曾異五道光輝總不
殊緣結黃花成一得如喬赤烏化雙鳧清清
三鳥應同去瑩瑩十洲合共趨寂間雲衢唯
洞達逍遙永永列仙途

贈友歌

海之秀氣誰能討寧海軍中鄒正道金浪銀
濤洽本源來迎復看蓬萊島蓬萊島在何方
杳杳冥冥接上蒼自在逍遙孰同處唯公與
我住清涼住清涼真箇有青童捧出長生酒
便令傳透四時春明珠一顆光如吼光如吼
吐紅霞覆燾晴空顯異華直下靈波澄不動
騰高霄漢邈無涯邈無涯誠可見妙妙玄玄

鐵罐歌

容顯現再聞雲車入碧虛大羅天上成修鍊
成修鍊得元根便是無為大道門唯願回頭
通此著果登無漏絕談論

鐵罐歌
鐵罐歌鐵罐歌一從打造按金科腹內空虛
成妙果這般消息孰知麼
鐵罐成鐵罐成頻添玉液滿盈盈火煅鍊時
拋雪浪水澄清慶賀昇平
鐵罐撐鐵罐撐響聲敲動振愚迷若要響聲
人會得不分南北與東西

鐵罐新鐵罐新內光外耀自相親添鼎須憑
津液水調和全藉氣精神
鐵罐寬鐵罐寬氣騰騰處雪漫漫方遣虎龍
蟠逸定便將鉛汞裏頭安
鐵罐深鐵罐深凡塵俗垢不能侵作用焚燒
木上火行持煎煮水中金
鐵罐光鐵罐光三光照耀瑞中祥每到用時
能造化欲將歌處便清涼
鐵罐燒鐵罐燒昨宵今日與來朝按節安爐
全藉地依時養就玉芝苗

鐵罐能鐵罐能中元元與騰騰杳杳冥冥
風作友昏昏默默月為朋
鐵罐堅鐵罐堅虛心大肚貯幽玄內外鍊成
金玉體一衝直上大羅天

西江月

堪歎西南地順燒柴都是真銀火中焰逆兩
般身一半金花綻盡認得斤星有準即時分
付良因西江月裏弄精神顯出靈童真印
堪歎水流一道須憑漆鼎千遭海心萬丈裏
竿牢定後天生芝草會得功夫早早自然快
樂陶陶西江月裏採芝苗剪去十洲三島
堪歎離門坎戶須隣甲地康唐暗中拍手笑
相呼歎歎合和一度既把金關鎖住白羊隊
隊成珠西江月裏玉蟾孤朗照長生穩路
堪歎雲生頂上騰空別有嘉祥幽微玄妙總
生光鼎內煎成銀浪漸鍊成金相瑤花朵
朵飛颺西江月裏飲瓊漿萬道紅霞分朗
堪歎木金相間甲夫庚婦開顏笑聲美處水
潺湲一泓清流出澗滋潤黃芽無限便教白
雪循環西江月裏我躋攀步步銀蟾領時

堪歎日時更改頻頻換拭靈臺明光一點絕
塵埃瑩徹那分內外占得逍遙自在苗馨散
盡寒梅西江月裏桂花開香引清風一會
堪歎白蓮吐秀三車齊駕金牛自然紅艷覆
山頭不在勤勞做就全藉精光護祐丹成照

西江月

耀神舟西江月裏看瀛洲一派仙歌共奏
堪歎這般曲調感他石女吹蕭山頭謾說水
頻澆海底虛言火煉遭逢圓明正照真風廣
布清飆西江月裏喫芝苗味將來了了
堪歎一靈真性得來笑殺惺惺不燒香火不
看經走入這條捷徑便把那人唱定今朝說
與叮嚀西江月裏最分明堪用家風清瑩
堪歎青霄碧漢高空景致充寬今朝清瑩有
餘惟拈出我家公案方顯平生手段騰身便
入雲端西江月裏跨祥鸞直上虛無仙館

悟真歌

余當九歲方省事祖父享年八十二二十三
上榮華日伯父享年七十七三十三上覺華
耽慈父享年七十三古今百歲七旬少觀此
遞減志當廿三十六上寐中寐便要分他兄

活計豪氣衝天恣意情朝朝日日長波醉壓
匆匆人度歲時誣兀罵嫂慢天地不修家業
不修身只徒望他空富貴浮雲之財隨手過
妻男怨恨天來大產業賣得三分錢二分喫
著一酒課他每衣飲全不知余還酒錢說笑
禍四十八上尚爭強爭奈渾身做察詳忽爾
一朝便心破變成風害任風狂不懼人人長
恥笑一心恐昧三光照靜慮澄思省己身悟
來便把妻兒掉好洗面好理頭從人尚道
騁風流家財蕩盡愈無愁怕與兒孫作馬牛

五年二上光陰急活到七十有幾日前頭路
險是輪迴舊業難消等閑失一夫人身萬劫
休如何能得此中偷須知未老聞強健棄穴
楚墳雲水遊雲水遊方別有樂無慮無思無
做作一枕清風宿世因一輪明月前身約

贈弟子頌

譚仙入道慧刀能舉棄妻割愛捨了男女却
要隨余余應便許羨公決烈羨公顯靈我吐
真誠却有少訴入道非難亦非易做苦中尋
閑關中沒苦休竟嬰蛇莫搜龍虎只要真清

妄識真趣絕盡人我絕盡思慮或饑或飽或寒或暑便戴青巾便衣紙布決要上街覓錢乞去些小絹帛些小綿絮遮藏微體長令淡素三人同行三人同處常用一心不得二慕只是兄弟並無師父惟談惟笑共歌共舞落絕清閑任詩任句如在庖廚大家管顧不可獨勞也無獨措自有金烏自有玉兔認得真閑長生門戶

自在亭頌

自在自在真自在不論高低及內外照見五藍即皆空咄了八方無罣礙維摩笑我因何退我笑維摩尚禮拜教公認得這害風大家總赴龍華會

四果頌

果來海角天涯果應師指希夷果得前生知友果然會我心機

指迷頌

無無有有有無端有有無無有有擯無有有無無有有無無有有無看

劍頌

這口劍真有力無始劫來人不識今朝撞著害風兒吐出光芒顛倒纖兩道明輝只自知三峯頂上呈紅艷到斯不肯落凡來撮入晴空端又直

傳神頌

靈昏性昧若凡體自畫自描自傳起借他俗狀做形軀擠聚火風并地水陽作骨骸陰作膏眼耳鼻前安箇嘴四般迷執各誇強渾身便用肉山墨我今省悟達玄微却認初真不用你若還只恁累我神撲入坑中教見底。來自何方去由何路一脚不移回頭即悟。假合形軀誠是假何勞更恁重描畫諸公莫使達人知惹得一場大笑話

贈道友

自然消息自然恬不論金丹不論仙一氣養成神愈靜萬金難買日高眠紅紅火焰三峯秀白白蓮花五葉鮮勤破行切無作用於斯便可認玄玄

四時睡頌

子時睡子時睡玉繩杆下端嚴逐一輪明月

過天庭照破中宵暗昧事卯時睡卯時睡緣空直看真嘉致當中一點皎然靈瑩裏光明精又銳午時睡午時睡香煙正撞於夫位自然馥郁任拈拏透入晴空傳不二酉時睡酉時睡恬然飲盡西江水便令澆溉出風流一朶瓊花呈玉蕊

贈友入道頌

若是要隨余去絕盡平生思慮心中物物不著塵事般般休序饑後麤細皆餐寒來只消紙布常睡莫起憂愁知行休生恐怖不得言是談非不得辯辛道苦長懷平等之心人病須要救護長把假身搜獲永將內真正願直待涓盡舊業萬事般般勿做行功堪可證明有箇真師來度

四不得頌

不得受人欽重不得教人戲弄不得意馬外遊不得心猿內動

四得頌

得承陰消盡得鉛陽自團得命顛倒至得性見金丹

玉花會疏

切以能全呼吸定喘息實非難會養氣神調
神和應甚易性憑三曜命變五行出陰陽造
化之端在清靜虛無之上要開金縢須種玉
花馨香吐而透入晴空明艷顯而朗舒碧漢
得自然而輕九轉得自然而沒七還自結大
丹自通玄妙既為脫殼便是登仙願露赤心
請題芳號

金蓮會詩

諸公須是助金蓮願出長生分定錢遂月四
○文十六字好於二八結良緣
長生永結 蓮社有始有終無諂詐諸公不
可半途止直待王風去則罷
勸君莫戀有中無無無休失無中有有有養
出玉花頭頭結取金蓮首

辭世頌

地肺重陽子呼為王宮風來時長日月去後
任西東作伴雲和水為隣虛與空一靈真性
在不與衆心同
重陽全真集卷之九

重陽全真集卷之十

枝十

終南山重陽子王結 撰

詩

贈王俊

害風故故謂華宗三教唯公道話同此際遇
逢齊上下中間會聚各西東須知冬至青和
白認取春分綠間紅急急三光如可悟忙忙
四假盡成空圓明一點皆能有物裏千般總
被蒙覺性自然通水湛達心那入百花叢般
般打破仍歸妙箇箇還迴便見終飯食充饑
機兩妙面前相對王玲瓏

贈道衆

盡知長與道為隣搜得玄玄便結親悟理莫
忘三教語全真修取四時春養成元氣常充
滿結住靈神沒漏津十九圓光如我願敢邀
相伴樂天眞

詠雪

得其真趣絕搜尋物物般般總不侵碧落湛
澄非有意白雲來往本無心盈盈明月增生
致細細清風送好音舉目慵觀嶺岳賦治顏

懶撫伯牙琴外除花卉游人靜內蘊芝苗只
自臨決要三田歸至寶亦令一性上高峯養
成幻體如光瑩舞正胎仙似嘯吟杳默昏冥
長作伴寂虛水保水中金

問多夢

捉住心猿治住神自無夢惱內中真尾閭不
動金精氣腎海長添乾水銀內則愈能增覺
性外來應是養生身廣行法籙頰施救便是
逍遙得岸人

于公求詩

無思無慮是真修養氣全神物物休且却容
顏須要見元初光彩決重收莫將外景心中
蘊好把靈丹性上求依此自然超彼岸都綠
清淨大神舟

諸散人求問

修行須藉色身修莫帶凡軀做本求假合四
般終是壞真靈一性要開收聚成無相成無
漏結作丹九作備周五道光同是伴能超
清淨大神舟

贈王哥

修行學道並無師只要心中自己知淨處常
常生智慧閑居每每起慈悲搬柴運水唯聞
做觀相存思各自為戒食忘情為慷慨任歡
取樂是修持救人設藥功尤大戒酒除葷行
最宜直待開門說宿性當緣堪可便相隨

問內事

修行事理說叮嚀只要心中靜裏明眼界不
生龍自住鼻門無閉虎長停舌根退味心神
悅耳內除聲腎水清南北沖和同一體東西
交燐戒三彭木金斷仗盤桓處嬰蛇相隨自
在符結就金丹出頂上五光射道緣雲棚

喫酒賭錢

心遊閑散染浮華放肆開懷是產涯飲酒菓
教維孝順賭錢休要壞居家道門好入時時
重王法須導可可奢平等能行方便事也教
隨我伴煙霞

學士勸學

宰予晝寢不堪看惜取光陰倦膝發癢痛勤
勞非取辱茅堂修進敢求安隔窓映雪心常
樂閉戶懸頭性自惟大志不須持一寶孫公

正好學倪寬

問曉達

搜開本有自分明放出真光滅盡情三寶決
然撥正覺一靈何慮不圓成得通妙用須澄
湛會認玄微貴淨清堪做無為雲外客長生
路上步前程

自述

殿紅瑪瑙閣中懸清靜玄中在眼前便把瑠
璃安甲室更將琥珀頓庚田四般珍寶字收
取三耀光中謹密傳此法得時空外去彩霞
深處步金蓮

問生死

常常知足善縱橫莫要深深總火坑性上分
明開兩路午前認取打三更一具自顯靈光
結七竅皆通瑞氣盈正合慈悲超法界清涼
路上得長生

友人獻酒

登途上路不由吾雲霧相招本性甦萬里清
風常伴一輪明月每為徒山青水綠程程
送酒白梁黃旋旋沽今夜一盃如有意放開

紅焰照水壺

友來清靜

黑雲散盡月偏明照耀塵寰滅有情煩惱不
生全妙理是非去微出深坑山頭別有微風
至心下重將小雪迎面壁散人知此味逍遙
路上證圓成

宗華不替是良因遠遠非非眼眾新八識精
研通不夜五門光顯照長春由斯更許超三
界依此應靈出六塵一朶金蓮歸上界圓成
永不墮迷津

贈友人

大道無言不可聞禪宗坦蕩乃同群兩般打
坐誰能悟一炷香煙孰會分奪得三光真秀
氣使消四大散紛紅團圓權彩投空外方得
逍遙似白雲

友人求問

自然消息自恬然不論金丹不誇仙一氣養
成神愈淨萬金難買日高眠紅火爐三峯
透白白蓮花五葉鮮勤破行功無作用于斯
堪可認玄玄

詠眼

如日光明似水晶，燭人鑑物愈惺惺。只觀粉貌空虛景，肯覓黃庭內外經。眸子正安難見道，童兒端坐不瞻形。教公若遇金梭子，刮盡塵睛慧自明。

自悟

齒落髮華現老軀，本靈猶自戀癡愚。市中來往千人祿，山上清虛負月孤。擺徹水泉團火氣，撥開煙焰指冰湖。從茲舒展紅霞脚踏碎，純陰這轆轤。

詠劍

惺惺寶劍最分明，越礪磨礪對我呈。高舉劈開新道眼，一揮斬斷舊心情。朝生瑩淨渾無染，夜吐光芒更有聲。戰退妖魔邪氣力，盡投空外化成形。

仲正宅

今日清明賞水廳，堪為住宅總康寧。兒孫女婦，渾家慶德行荷蓮。一道磬退已進入，唯仲正休心積善勝。看經時來同處青山外，萬頃白雲作畫屏。

昨宵夢請八神仙，便付鸞衣降玉編。數幅寶牋鋪錦繡，一枝象管走雲煙。廣留教法開心地，善寫詞詩種福田。祕審天機誰得悟，宮風風害獨能傳。

聞鶯啼

今朝三月二十八，耳邊忽聽鶯聲發。鶯開道眼一觀膽，羽翎新用黃金刷。見子轉轉弄清吟，他意還應會我心。恰似琴聲初調品，無情風月是知音。

初春

世網擘開肯染塵，名園恰似洞中春。問公還識道，遙客顧我堪為自在人。坐上詩篇俱濟濟，醉中醪醕任頻頻。四時不老花芳別，唯有清香一蓋均。

凡籠跳出並無塵，此日誰知物外春。對景肯從指紳者，將身已作散閒人。詩緣毛穎傳來速，酒泛芳卮轉得頻。認取祖宗真實地，蒼茅澆灌滿園均。

留題友人樓

深羨孩兒樂使牛，不須裝裹急梳頭。清閑自

是觀香火勞役誰知遠，依優咫尺蓬萊人不見。道遙紫府我先酬，愛河猛捨尤清淨。別駕輕軻泛十洲。

贈友詠雪

密布彤雲慘白沙，舞空亂目閉天涯。嘉祥自是封盈尺，應瑞依然結六花。景外畫圖歸釣叟，壘中清淨屬仙家。晚來皓月開濃霧，一派流光射素霞。

贈姪

一首新詩贈七哥，予言勿記莫蹉跎。遵隆國法行恩義，謹守軍門護甲戈。飲膳共為通神讓，言談歌出用謙和。先人後已唯長策，時看歸來唱凱歌。

上兄壽

祥雲瑞靄生賢哲，五百時臻遇三月十一日。辰尤最奇三千年見蟠桃結，莫辭金筆酒頻添。好把玉爐香滿，執仰祝遐齡無可比。有弟今朝細分說，若比金玉均可缺。若比江海亦不竭，若比鐵石俱可裂。若比松柏皆可折，未若兄之愈眉壽。水永綿綿不可絕。

日中已過艷陽天嫩綠微紅是禁煙恰到清明真火得不迷濁酒道心堅自知一性通長壽何恥凡軀掛舊種燕語呢喃全蛇妙鶯啼晚脫觀嬰賢三田誰識虛中寶四假予知嶺上看但把五行顛倒使便教他日遇神仙

述懷

閑閑閑得漆章篇顯出文房內四賢烏帽嬰兒添硯水朱衣蛇女運陳玄白顏公子傳銀笏綠鬢佳人鋪錦牋九轉鋪排真玉漾一揮寫就寶珠圓明光粲粲千般瑩彩艷團圓五色鮮親自擎將空外去十分堪獻大羅仙。害風王詰遠山隈信脚同雲近海垓八百行成雙樹果三千功滿一聲雷更無意馬遊情色那有心猿探世財財色兩能長滅絕色財盡許不追陪水除失脚黃泉去久得回頭道眼開任處碧霞光熠耀朗隨風月過瑤臺

贈李道友

見公逸樂無涯道在真全去世華雜句公明謫仙子遺風正是老君家須知文苑高韓愈墨作芙蓉感伯牙有箇王喬遠識不同歸

蓬島跨雲霞

又繼韻

雲根上起任天涯到處臨風弄月華對水雙鶴由我跨輞川一景屬吾家清虛益氣憑師教恬淡通津愧易牙占得逍遙真自在何須服藥與餐霞

詠赤目

耳中何事轉加聰兩目如盲爛爛紅恰似禪僧初入定正如大道始行功內思不出澄神住外想俱無忘閑空意馬心猿重捉住頂門玉路自然通

詠磴磨

磴大驢微力不勝鳴驢人早便生嗔一心發恨嫌行慢兩手扶鞭打得頻只為不知輕與重更交轉受苦中辛伊能見麼無仁德只此分明後世因

師父鎖庵化馬鉦有治平寺無名和尚將為守靜有頌曰開閉深藏有甚

因無言靜坐去貪嗔高樓畫角如春夢釋海波清見本真了了了時心便

了微微處水澄清為觀俗事愚癡子故守禪堂不出門師父每句復酬三句完之為八絕按八識

閑閑深藏有甚因都緣眼界絕紅塵白駒點點難相染野馬紛紛任自申

無言靜坐去貪嗔耳內繁華勿我親不鼓聲音唯作伴無絃曲調自為隣

高樓畫角如春夢鼻息沖和言不用此別分明善果生這迴只把良因種

釋海波清見本真舌中五味不登唇三時恬淡唯清淨一味甘甜沒價珍

了了了時心便了身中一點圓光小從茲默默與昏昏又更冥冥還杳杳

微微微處水澄清意盡心忘滅盡情無漏無為登正覺不增不減證圓成

為觀俗事愚癡子妄想難除生與死迴光返照這裏來識心見性投玄旨

故守禪堂不出門並無煩惱性中昏未酬救微衆生願好把玄談細論

贈釋友號無名

贈釋友號無名

法師今已得清涼一性昭然顯瑞祥却把無
名為雅號釋迦元住在何方

友人求問

青春應是好看書義理昭然覺自如若赴選
場須決勝榮家顯已掛金魚

閻學士寫上四句續和十二句

輪迴生死如何免認取亘初真正面三珍五
彩一齊攢長生路上霞光現
欲愛貪財甚法離真清真淨是精持般般物
物俱無著一箇圓光上玉池

過隙光陰能久矣人人總悟非行使間中等
取真箇真得後逍遙共歡喜

衰顏寧再去年時裏面真人本不衰莫戀外
容著假合嬰兒相貌示無移

贈鈞翁

這箇魚兒廿十要更顯錦鱗潑潑躍清泉金鈞三
擲吞香餌一掣神仙凡案前

贈童子修行

白袍青包宿世因有緣遇我脫迷津雖然未
達玄中妙已作蓬萊小道人

贈修行友

跳出陰陽造化關一心向道莫迴還淨清便
是神仙路只要閑中養內顏

紙旗上書

占得風來便有緣朝朝贏得日高眠飢時街
上來求乞只要人間自肯錢

和道友韻

奪得真容不問年滿爐香火五千言儵然燕
坐通恬淡獨晒明靈出玉軒

贈劉四友

常把鏡中人別辨莫教珠上起塵埃有緣體
貌捐新業無相身軀產舊孩

夢裏逢子睡沒言須知正訪害風虔公還要
得煩談論認取冰中冷處喧

命中福淺少因緣只為勞生日業牽若是十二要

居閑散地長令清淨改憂煎

稍留片語輕提耳直待一身無一事此時方

可共逍遙路遇仙人談不二

一指長生路上遷待公性分有因緣亘初那

箇分明見何患將來不作仙

一想前言是沒緣在公只要志牢堅推心朴

實無偏黨未作神仙已做賢

尋思遭遇幸然間怎會閑中那箇閑人不堪

憂方是樂佳時與我共躋攀

勝如不見先生面只要公心長作善藏吉嘉

祥不離身明珠一顆分明現

夢裏逢師是睡仙從公知道這因緣若教足

下還如此也沒驚憂自在眠

佳時三月此花開檀作斯心玉作腮折得一

枝冠上挿也應隨我到蓬萊

畫骷髏警馬鈺

堪歎人人憂裏愁我今須畫一骷髏生前只

會貪寃業不到如斯不肯休

為人須悟塵勞汨清淨真心真寶物奪得驪

龍口內珠便教走入崑崙窟

詠月

上弦金月下弦銀上下金銀各半斤被我各

為十六兩內中星分怎生均

詠矮槐

無極真人種矮槐清陰覆地有誰陪今朝對

此成歡悅記得當時是我哉

遊白鹿觀

觀有清涼號集仙臺名白鹿昔昇天我來到
此君休笑已在白雲洞裏眠

無何霍氏太言深昨日天晴今日陰天意若

教人數得不高不廣似人心

不寒不暑好風吹金餅團團照我衣武曲星
臨文曲位上元節比下元時

題友人池塘

孫氏池塘似溪波前瞻波面靜無聲轉頭却

見潑潑處流落輪迴為不平

六月聞蟬

皂衣脫了覺身輕便作金蟬樹上鳴已得清

風真伴侶誰人此日悟新聲

退下烏軀體便輕高槐美蔭喜長鳴道遙披

上亭亭坐自在風前款款聲

詠中秋月

怪來天氣逼人寒湧出金盤宿霧殘不比尋

常三五夜勸君休作等閑看

剔燈杖

輕微纖細爐為隣長在油中汙本真愛把燈

光頻剔撥怎知紅焰返燒身

詠竹

夜月照時金瑣碎清風拂處玉玲瓏歲寒別

有非常操不比尋常草木同

詠茶

昔時曾見趙州來今日盧仝七椀猜烹罷還

知何處去清風送我到蓬萊

以扇贈姪洗塵

是人洗拂酒羔羊我有霜紉與七郎除垢招

風開道眼教兒永遠得清涼

和十五夜月

日暮雲收爽氣寒冰輪輝映向更殘清光此

夜分明別休與凡常一例看

題茶坊

已喫蟠桃勝買瓜此般風味屬予家直須換

假全真性指路蓬萊跨彩霞

歎世

堪歎世間名與利朝貪暮愛沒休時悟來恰

似觀碁者迷後潭如敗者碁

急急修行急急修我今題寫此骷髏從來世

上爭名利不到而今未肯休

欲東行被友偷了引相留

脚引誰留慢慢收元來不用這憑由今朝已

得前程路便是逍遙達岸舟

脚引伊將誠見察扶風真行成搜刷足知王

詰得因緣會要修持遵國法

閑意

一輪明月一清風內外交馳西復東滾出崑

崙山頂上照吹明爽自然雄

對鏡

誰知將鏡異中觀分出南山與北山我把靈

臺頻自照不須別辨好容顏

自詠

從此擘開真鐵網今朝跳出元塵籠便將明

月堪拳弄撥斷閑雲好害風

詠出籠鸚鵡

書成鸚鵡不嚶嚶跳出牢籠雖死生告你蛇

蝶休弄侮如今不向此中行

離親詠

心淨神清質不華水雲便是我生涯休交死
後渾家送贏取生前出離家

五月一日

奉白金蓮社裏人裝履月一起良因諸公若
悟靈山食暗換長生不老身

五月十五日

闔家安樂吉祥先次後心頭用火然燒見本
來真面目望中觀喜看團圓

玉花金蓮社

勸君莫戀有中無無休失無中有有有養
○出玉花頭頭結取金蓮首

贈鈞吏

鈞罷將歸又見菴亦知有分列仙曹鳴榔相
喚知千意躍出洪波萬丈高

崔千戶求聰明以詩贈之

秀氣要清清於中性用真自然開智慧應是
出聰明為教同其閑延年共比彭並通三教
理遠遠得期程

邾昇化餘打破罐因贈二絕

撲破真及罐却得空風觀真待悟殘餘有箇

人人喚

欲要心不亂般般都打斷子午卯酉時須作

骷髏觀

闕吟

自哂這風狂因何喜和光隨緣消舊業無復

造新殊意馬須牢繫心猿切緊防道修如急

急日日得馨香

歎骷髏

此是這王語前生心性劣脫了你骷髏現出

中秋月

詠清涼

清涼何所似不與苦寒同半夜臨潭月初秋

過雨風

贈范才甫

有姪喚作王五郎其妻喚作我姪女二人做

取好因緣兩箇休遭破疾苦若便尋思這未

鉛便令調養真龍虎真龍虎人不識赤鳳山

傍各一隻守定巢窠共結成東西換過成交

易成交易正好行丹田界上殺三彭無人會

得雙關義有箇靈童打五更打五更傳消息

一派甘泉正好契便是醍醐灌頂來此中惟

我知端的知端的休休休姪女姪兒急急修

若還不肯聽予言荒郊定作兩骷髏

金蓮社開明疏

竊以慧燈永照須憑玉藥之光性燭長明決

得金蓮之耀內沐三光之秀外消四假之名

步虛躡空探玄搜妙洗來瑩淨之卿出入芳

馨之咯各懷珠璧共捧瓊瑤顯要全神須不

養氣稍通斯訣請掛芳銜

玉花社疏

竊以玉化乃氣之宗金蓮乃神之祖氣神相

結謂之神仙陰符經註云神是氣之子氣是

神之母子母相見得做神仙起置玉花金蓮

社在于兩州務要諸公得認真性不曉真源

盡學傍門小術此是作福養身之法並不干

修仙之道性命之事稍為失錯轉乖人道諸

公如要真修行飢來喫飯睡來合眼也莫打

坐也莫學道只要塵冗事屏除只要心中清

淨兩箇字其餘都不是修行諸公各懷聰慧

每日齋場中細細省悟庶幾不流落于他門

行功乃別有真功真行晉真人云若要真功者須是澄心定意打疊神情無動無作真清真淨抱元守一存神固氣乃是真功也若要真行者須是修仁蘊德濟貧拔苦見人患難常行拯救之心或化誘善人入道修行所行之事先人後己與萬物無私乃真行也伏願諸公早垂照鑒

重陽全真集卷之十

重陽全真集卷之十一

文二

終南山重陽子王拙撰

詞

醜醜香

自在隨緣信脚而無思沒算名清隱邀皓月同為侶伴步長路成歡樂唇歌舌彈忽經過洞府嘉山堪一翫正逢著祥瑞頻讚異果名花滋味芙蓉香撒散對良辰雖好景難為惹絆任水雲前程至天涯海畔便遣過清淨神丹超彼岸這迴做真害風漢

鶴冲天

迷棲惑去正好修行做清靜是根源真門戶切莫他尋恐遺遺望仙路閑閑更閑處靈根元明轉轉愈為開悟功圓行滿唯有紅霞乘往昔得遭逢親師父此則專來教長生訣頻頻顧方知今得度便許相隨永永共彗雲步

望遠行

晴空日照逢澄夜月吐銀輝屋瑩運三光處五彩騰明做作靜中瞻聽窺見真修真鍊氣

神攢聚便許窈遊良逕這盈盈功行於斯已定端正應是細搜細刷現出箇本來元性葉葉皆靈枝枝總秀精瑩永成清淨雲外青重持詔傳言授取天皇宣命謝十洲三島神仙來聘

又詠雪

祥數瑞布瓊瑤安片片風刀裁下窈拋虛外偏撒空中頃刻粉鋪簷瓦鎖綴園林粧點往來熬逕真箇最宜圖畫報豐登珠寶應難比價清雅解潔盡成澆瀆更爽氣愈增惺灑萬壑都平千山一色遐邇不分原野恰似子家仙景澄澈瑩瑩蓬萊亭榭現自然光耀長明無夜

滿庭芳

選子奇瑰依時轉種自然生發靈苗風滋雨潤漸漸引枝條長就方能鈔刈池隍漚日變青梢令人羨新鮮淨潔款款起皮臙須教軻作線織成密布一任槌敲待伊家熟軟裁剪縫線做就仙袍甚穩誰能掛唯我堪消成功行六銖衣換方顯爾功超

又呂先生作醮託請涇陽道文

平昔閑懷今朝闌離就中別有清歡風朋霞
友皆至並擎丹唯許涇陽舊契俱澄淨眼界
數寬專邀請諸公上士總願赴仙壇 同攢
崇大道不須箋乳何用沉檀把心香熟起衆
聖來觀察得功圓行滿還應是齋在雲端修
真事故宵並喜一一盡垂鸞

又職公求問

逸志清虛放心坦蕩莫令煩冗縈牽修身養
性隨分樂因緣便是崇真素道甲丹內長蒸
靈煙通閑趣恬應得味定許處長年 如然
須了了免除苦若煨煉流傳便優游自在做
作新鮮直待元根漸瑩時節功行完全還
知否蓬萊路到見且是人仙

又贈友人問題

院落荒蕪庭樹滿灑就中牆壁頹踈自云妻
喪父子奈何如王詰聞言大哂天分付獨樂
清虛公還悟火坑裏面休更覓紅爐 縈紆
須剪斷攀緣愛念截割如無作風隣月伴正
是吾徒前趁蓬萊穩路超生滅不入三塗真

端的白雲深處別有洞天居

又贈姪

非樂美材都緣業重奈何學父相陵暗思揣
己豈昔並無能最苦於身學淺生徒擁戰戰
兢兢來咨問心中說得恰似履薄冰 寧曾
為摸範果然當死偏得人憎又番成羈絆早
晚起昇拂袖崇真向道前程訪霞友雲朋真
消息蓬萊路穩相從去須登

黃河清

根固源澄冥鎖戶清清堅守深洞轉加溫暖
悉屏嚴凝寒凍別是風流雅致頗知得超昇
管中自然開悟長生遇玉花正好拈弄 元
初本有真靈明處這迴搜見鉛汞便令結
成一粒金丹堪貢顯現祥光瑞耀更來往隨
鸞引鳳十洲三島神仙喜慶迎共拜

又按一百八款

九鞠黃河分九轉洪波大浪清淨九江共同
合就俱來歸正九鼎中間顯現九宮閣端流
一定玉翻金潑盈盈處倒侵九耀開影 九
霄翠碧相齊九阜有鶴鳴迎接精瑩九光洞

明返照靈暉堪並九曲神珠跳躍九仙至如
然游泳湛彈澄澈成功行九天通聖

漢宮春

正好修行得深深幽密玄玄微妙樞機是茲
仗此便成關要惺惺了了更做就風流真俏
頰內少元從文巨昔圓聚那般輝耀 三光起
初朗照却於今認見當本聲調清音泐泐響
唳轉動七竅崑崙出去為一箇青童來召金
線釣靈明投取天書紫詔

夏雲峯

做修持應不在端坐子午雙時鉛汞自然要
結只用真慈捷中玄運誰會得獨我怡怡密
妙放閑閑坦蕩微細推移 漸令靈曜吐奇
變霞彩光艷還照相隨蓋緣昔堪宜白雲深
處元正是地肺明師便許共丹霄直上同處
無為

守桂林無作用空外獨卧高峯石枕草衣偃
仰極目觀臨水桃山杏隨分喫且盜陽陰款
款脫塵軀俗狀三疊琴心 舞胎仙論淺深
自然見不須重恁搜尋已通玄妙得步瓊林

玉花叢裏從此便養透真金
瑩靜與清風皓月長做知音

瑤臺月

閑閑景致真閑悟
清清方可分付元來那箇
本有須令堅固便結作一粒金丹
五色霞霏
數布同相守能相聚
迴光射返光顧遭遇圓
成快得真師舉度
此則助正解素更永永
綿綿嚮慕應知道
遠處豆初存住逐瑩瑩瑞
彩祥輝珍寶珞玳瓊步胎仙舞神仙路
金童引玉童論堪赴瑤臺月照瓊筵雅聚

聲聲慢

金闕叩戶玉鎖扃門閑裏不做脩持
杳默昏冥誰會舞弄嬰兒
睡則擒猿捉馬醒來後復
採瓊芝每依時這功夫百日只許心知
自在逍遙做就唯舒展紅霞光影
敷罩定靈明方見本有真意
一粒神丹結正三重焰緊
緊相隨過瑤池透青霄頂上無為

絳都春

天然省悟此一遇轉增清涼
尤憶定裏鉛汞結就都緣
壬逢丙元初面目成瓊頭返照長

生安靜速令歸去前程已許
久通堅永好景光傳煥炳
見空外萬道銀霞齊整漸漸近
來相接相迎須臾頃蓬萊路
闌神仙境有箇金童邀請謹持
玉詔親教害風受領

二郎神

觀塵境盡總把浮名修整
此假合形骸皆不悟
猶然待巧粧馳騁百歲韶華
能有幾到七十難逃逝景
隱裏面真真罪業愈重無由祛
屏如省當初一點瑩清明炳
速認他從來呼甚麼元是圓成
光影又喚金丹仍燦燦好
做主重令永永願凡世人箇箇
迴頭澆淳休逞

上平西

向終南成遭遇做風狂便遊歷
海上嘉祥開闢得得任從詞曲
作詩章自然神炁共交結
認正心香真清靜唯清湛還清
徹清涼赤青黑白又兼黃五般
彩色近來圍罩寶珠光這迴應
許碧霄上明耀無方

齊天樂

做修行要知捷徑如何置爐安
憲便把丹田

寶貝萬象森羅總齊祈禱都歸
此處向藻珠官前盡教開導
擁出靈明一顆神珠袞顛倒
得得晴空上面玉皇宣詔青童
謹捧金誥此則緣功與行兩雙
全瑞祥敷燾綿綿永永在大羅
天中執携芝草了了真玄頓覺
無為

登仙門

歸也歸也本元歸也兩郡人沒
觀瞻也被清風白雲全日常括
也王害風此翻去也勸諸公尋
玄妙更休思也看假軀不如無
也到今方起彼岸我咱知也要
重見這迴難也

醉蓬萊

整六十三歲三月良辰十一日
賀瑞氣祥雲香煙重鎖此際高
穹選降星郎又天花亂妥冰玉
形容神仙標格有誰知那謹告
賢兄今為見在名利榮華石中
明火猛出凡籠頓悉除人我自
在逍遙全真真樂把無覺趁埵
摘蟠桃蓬萊舊路同行則箇

雨中花

金菊初開銀蟾漸顯新蕊皓色
為倚綵清芳

空外素魄深秋便謹按中央雅致又應當望
夜圓周稱子家賞既正許邀枝迎照瓊樓
堪餐秀色細艷好鋪明卧影兩兩相酬頰省
悟靈英玉兔因由馥郁盈盈噴噴嬾嬾瑩瑩
悠遇重陽七八香傳三島光滿十洲

轉調鬪鶻

一箇靈明作仙子材響徹瑤宮蓋金自開爲
忒玲瓏出蓬萊降下來謫在凡間托生俗胎
只恐身便酒色氣財混一迴風流此心便灰
復悟前真免輪迴沒甚災看看却得重上玉
臺

滿路花

元初由大道過理做生涯卜居風月伴捨榮
華盈盈白氣旋旋結紅霞五般真彩艷射透
圓成裏頭偏吐黃芽 三千同八百數滿更
無差路中添雅致放金花枝枝秀麗朵朵聚
奇葩香點昏冥外一撞晴空異香擁上丹砂
焉山溪
觀公形貌俊爽偏清秀慷慨又雄豪你肯把
清閑拯救只知名利前路做茶華論文章說

佳吉衣紫金章綬 肯來隨我聞早植休咎
切慮逐波流但肯還迷情慾酒稍知玄妙略
得悟道遙明月裏弄清風蓬島同携手
人人不省日日光陰急檢路是輪迴前途事
暗中似漆觀公風貌俊格最青春多清淨少

貪求善事休交失 虛情嬌態恰似蜂便窠
晚夜採花忙合和成誰人啖汁若還悟此目
下便回頭蓬萊路彩雲端有分相隨入
一靈真性二物包囊定三寸主人翁四方遊
各來邀請五情六慾七竅總相連八山僻九

宮深十地如何證 十分修鍊九轉通賢聖
八道湧瓊漿七門開洞通清淨六街五彩四
象盡歸依三光照二儀從一顆明珠瑩
修仙慕道爲甚都擔閣妄想太虛高皆由騁
外緣歡樂內中珍寶未曉是無爲只誇強又

誇能誇裏還銷錄 非知下手怎會重安脚
每謾度饑寒爭似把陰陽做作白純紅赫光
艷燦然珠一方圓十方明方現真丹藥
公尋做作認取烏隨兔上下要沖和更左右
交加龍虎搬傳大藥須是入紅爐成煅煉變

銀霜一朵金花聚 清香遠透透過崑崙去
裊裊上青霄結雲光輝輝塔觀玉堂裏面來
從大羅仙自怡喜得長春正處逍遙路
筆兼紙墨硯子同爲事甲乙緊相隨缺一物
難能作使開來靜坐屈指細尋思要爲書不
時思須用清泉 恰如四季春夏秋冬是
溫熱與涼寒相結就年何擬議元來就上別
有妙玄微按真玄合天機閨月方成歲
凝神遐想始固鉛中雪滋長是黃芽使金烏
相攀朗月黃婆匹配別是一家風龍吟嘯虎
咆哮此箇誰分別 人還去怨酸辣冷須節
滋味要堪嘗任清虛五神暢悅元陽守定育
養得神靈功成就去朝元住世無休歇
凡軀四假正好堪論討有限是因緣却何不
修行早早塵勞不染別顯一家風沒牽縈無
繫絆於已除煩惱 稍能悟曉財色難相撓
養就本元神這真理真靈倚靠崑崙山上一
點處道遙對紅霞成自在鶴引携芝草

解紅

嘆嗟浮世被榮華驅策名和利人人闔作機

心起百般毒計嫉妬愈增伎巧重生俱相效
皆貪愛何曾得住常若是各街女誇男孫奉
侍更酒迷歌惑望長遂還知七十應難值便
百年限來無有推避 早早悟前途不如意
急回頭便許脫了生死投玄訪妙搜微察察

幽秘管取自然神氣雙全分明見元初箇真
真圓性誠恁似玉貌瓊顏奇又異瑩寶光瑤
彩吐祥瑞金丹結就虛空萃處清靜大羅天
上仙位

凍雲凝住積瓊瑤祥瑞唯同遇輕拋細舞風
刀剪旋旋敷布頃刻徧鋪原野山川并溪澗
蕪溝隰長橋孤渡皆一觀對此景暮江堪畫
處見三兩漁人笑相覩披策荷笠歌聲響指
酒旗招颺投飲歡聚 廣鎖緜園林與樵路
更能迷迥邈點點鷗鷺鮮勝皓鶴且奪白鷗

素晚霧霧開微顯斜陽銀霞著門迎照潭如
仙趣羅玉戶自有箇祝融來吐耀射虛外崐
崙列礎路方當夜靜清霄瑩放一輪明月光
彩交乎

尾犯

舉世總癡愚貪總財色無不迷錯一箇舟識
趣輕肥為作三耀照寧曾畏慎四時長追歡
取樂越頻頻做恰似飛蛾見火常投托 光
中方省悟體爛忘追却悔恨遲遲已遭逢燒
烙能遠害焉今禍患會全身那經灼爍請於
身看只被利名榮華縛

解愁

堪嘆世間迷候轉轉增隆怎得趁難被他同
等一例相讚每每攢頭聚復散總做作百端
纏亂這鬼使暗裏常常把你細算待臨頭看
癡漢越騁惶惶伶俐高強欺慢無懼大過尤
罔聖味神厮說此則看者業限貫怎生趨避
也難逃窺見追帖箇箇添煩惱共拚儘除司
斷

綠頭鴨

嘆平生景光奔走尤適利名牽休空勞攘不
須煩苦孜孜這榮耀越時顯現似風燭終勿
牢堅走玉常催飛金每促更兼愁惱緊纏綿
觀浮世推來暫處四序換流年齊捐捨爭如
善根結取良緣 慧刀關劈迴猛烈智鋒舉

刺轉英賢自家聲能調雅趣舊奇韻堪應斯
絃認取元初搜尋本有幽微密妙總投玄得
歸一長春景致還也任如然無來去蓬萊島
中作箇神仙

惜黃花

大仙師父常來救苦且作凡間人說些宗祖
地下一聲雷震動山頭雨怎知道鐵牛耕土
坎離斧子午擒龍狻虎這般事無一箇與心
為主越闢巧機關大限數來取看你得那箇
門戶

人須猛省人須猛悟獨不省獨不悟巧機越
做有日闍王知差著箇特俏措喻賊底趕我
來去 行到半路滾珠無數告鬼使這裏且
暫停住小鬼喝一聲莫要理冤苦對判官你
儘分訴

主人居屋絳官長住日行持常關鎖閉門封
戶裏面種金錢箇箇堪分付好緣願即時覺
悟 行到清涼處並無思慮妙中妙機密目
通玄語來時復還來去後復還去再休迴入
蓬萊路

又重九日

萬紅憔悴秋光獨銳別有看顏色按中央殊
麗時分惜黃花九日同天意冒濃霜放開金
盞 籬畔淵明喜白衣來至忽然間走出箇
重陽小子應手攬清香認得頭間瑞插三枝
蓬萊一醉

這重陽子今來生此是非去煩惱退道還白
遂擺脫一爐香何用三叩齒又不用那道家
活計 暗笑俏措的暗笑伶俐暗笑他將相
并工商農士唯我靜中清唯我閑中肆要到
處跨雲便至

花心動

漸漸東方漸沖和鮮明秀靈相接漸次轉運
南陸陽晶熾赫暑炎光暎漸令西墻金華聚
漸輪在北相凝淡漸成悟漸見四時怎生拈
捨 漸漸須臾歲業漸別作仙家景堪拈攝
漸把氣神鍊變真丹就上愈加調燮漸知行
入前程路漸分明足開雲躡漸無做漸高道
成德獵

迎春樂 春日

致晨瑞氣陽和早泥牛示古農曹風流綠杖

輕輕考誰以我重耕道 實宴懷中珍和寶
滋味廣餐芝草便許結金丹復歸去蓬萊島

雪梅春

親塵世人人盡總聞芳客街珠珍金玉綾羅

錦繡情悰兒女妻孥共團聚管弦歌舞趁時

從沒休歇昨夜今宵來晚重重顯顯 日常

做怎得迴頭省悟深灑直待陰公取來恁則

方忖千狀悲顏釘心劍百端愁思歛眉峯見

追帖茲番悔恨難已藏蹤

鳳樓梧

稟性清閑歸寂寂占得風程雲水長遊歷搜

出明珠頻洗滌更將霞彩重開別 任坐任

行還在觀靜裏親知有箇相尋覓每每遭逢

金露滴蓬萊穩路投端的

茶瓶兒

孝順先知金母更無能背爹尋父朝朝供養

排簋簞便認得自家宗祖 呼兒女騎龍虎

正好與神為主惺惺奉侍歸茶府也管錄姓

名仙簿

柳梢青

天然米精麥髓誰得悟予知與首保養沖和

增添靈慧更無神水 三光秀氣通傳應助

正真陽本始結作金丹明明歸去亘初家裏

解珮令

金郎察察玉娘握恨堪同壽方年二八住在

何方一居水一居山北入離門坎戶皆劫

時時相拉頻頻搜刮九條街坊坊俱達尋得

靈珠取瓊漿神水澆抹放光明萬道旋幹

害風王三前時割稅為酒愛飲中沉醉往往

來來眼前事全然不記與仁人當街打睡

賺袋頭巾盡皆遺棄有經文裏面訣秘深謝

明公發善心與予拈起解珮令報賢好意

山亭柳

能置田庄買得浮桑蓬萊路做清涼漸漸成

作用崐崙上別有嘉祥每島各開三戶殊名

號九般房 漸見初聞寂生祖次通長聚見

元陽流轉過明堂好看炎炎景暎毗隣現出

毫光處此安居已定住瀛洲是仙鄉

春景精研花草新解夏日赫綻紅蓮忽然秋

早至見山亭柳上鳴蟬颺地朔風來到飄白雪徧山川 百歲光陰如撒指一靈真性好搜玄得後摠周金養就神和氣結成丹燦燦團圓五道耀明齊聚簇擁上大羅天 性本慈悲要覓玄機妙理上欲尋思一身無

可脫被家緣火院驅馳愛欲猛措樣下忘奈向那妻兒 此箇丹成分兩處若教行坐總相隨但恐不由伊變全全聚得人人盡學取無為清靜到頭各就只龐居士同知

耍蛾兒

不會修行空養肚腎肺心肝脾祖五圍臭肉恁為主先犯黃婆吐去 趕退青龍兼白虎不用嬰兒姦女諸公要覓長生路別有一般門戶

如會修行尋捷路開闢全真門戶乘知鉛見作宗祖管取性命住 便是陰陽顛倒數今日分明說論只依四箇字兒做指日得歸仙去

七騎子

真箇重陽子得箇好因緣因緣待做做做神

仙神仙惺惺誠了了了金丹一粒圓圓圓祥雲送上天 上天明師更與白花蓮花蓮瑩景景最新鮮新鮮輝輝清灑灑清香馥郁妙玄玄玄上長生玉帝前 縱步閑閑遊說出郊西見骷髏卧卧卧沙堤問你因緣由恁似為應兒孫女與妻致得如今受苦恓 眼內生莎口裏更填泥氣氣應難吐吐吐虹蜺雨灑風吹渾可大抵孩童任蹈躋悔不生前善事稽 重陽全真集卷之十一

重陽全真集卷之十二

交二

終南山重陽子玉誥課

詞

迎仙客

做修持須搜索真清真靜真心獲這邊青那邊白一頭烏色上面殷紅赫 共同居琉璃宅瓊苞瓊蕊瓊花坼玉童歌金童拍皇天選中正是迎仙客 這曲破先入破迎仙客處休言破勘得破識得破看看把我肚皮都繫破 會做麼是恁麼奈何子午貪眠麼說甚麼道甚麼自家暗裏獨自持麼 這害風心已破吐了是非常持課也無災亦無禍不求不覓不肯做墨大 大仙唱真人和全真堂裏無煙火無憂子共三箇頓覺清涼自在逍遙坐 香山會

香山會

白光生青艷至紅輝總好騰玄耀妙黃深奧般般彩色把明珠覆素晴空外來往仙道 卦成永號便受玉皇宣詔雲霞裏上真惟到

香山會聚發瓊言闡道同歸去長住三鼻

紅芍藥

唯會做惺惺便能誇可淨清消息見得那
正好孤眠卧這子午致使運轉精神寶瓶官
肯教放過限防取玉戶開時把金關緊鎖把

金關緊鎖 永不過淫風也非遺業火六道
輪迴總趁趨自在逍遙箇上下盡是白氣沖
盈一粒丹結成金顆空中早仙樂來迎感天
花徧妥感天花徧妥

塞孤

自家聲唱出誰能測有箇頭青容白正是石
娥來應拍身窈窕腰如擗偏柔軟舞婆娑金
璧珠都索要皆令盡酬此功格 纔聞玉蕊
香正是瓊花拆兩段薛薛同色便使靈童令
採摘相合就堪怜惜呈妙妙出玄玄超碧漢
分明顧動新音未作仙客

雙鴈兒

奉勸伊家去西州放散誕做雲游恁時教你
永無憂這愁煩漸漸休 款款牽迴六隻牛
認水草便風流渾身白徹得真修上道遙達

岸舟

又自述

意馬心猿休放劣害風姓王名詰一從心破
做頭願恐怕消些舊業 真性真靈有何說
恰似曉風殘月楊柳崖頭是清徹我咱恁情
攀折

愁郭郎

清閑真道本無事小神仙謹修增些福免黃
泉 愚迷都不曉只愛幾文錢一朝大限至
告蒼天

迷神引

偶暇追遊無凝礙獨望錦波青嶼回頭處忽
見荒林外一堆兒骷髏卧綠莎內孤慘誰為
主與排賽空街雙眸闌土塵寒 雨灑風吹
日曬星光對轉業增添重重戴異鄉殊域甚
方客何年代牧童來頻頻打欲零碎前世貪
財色從聽愛遭過迷神引怎生奈

紅窓迤

劉悅道誠有力平等社識來不識便是道德
根源為清靜利益 願公早把良因積向真

道心中尋覓誇則誇秤秤端停且莫令點滴

磨著墨木硯瓦窓前竹我看真箇瀟灑試
問點茶人人得行行者 慈悲慈悲不可
捨作善緣敲盞何須音啞試問自在逍遙教
積善得也

觀貌好堪我相空提去提來道違家向能藏
薄醋菜盞蔬干成麵醬 奉報張公穩收掌
切莫令失手撲在地上百雜碎片片分離恁
時節掉樣

七十三三十七恁時節思量王吉王吉崖畔
險也兀底却隄防脚失 奉勸回頭休要執
戴包巾只在來年元日若依前意馬心猿管
終壽九十

但為人須仗福莫慢天欺地衣食自足今宵
却有箇王三伴父母獨宿 也不往來無被
褥和衣睡靜中肯教動觸覺來後愈覺清涼
唯言詩曲

到明年大豐熟這驗懺心中全然不燭越越
底劫劫波波貪名利遲迷 地變黃金由未
足因何却不種來生好福豈知兩兩三三看

五五六

把兄嫂好供養便是我見在父母誰人敢向
這裏却有箇王三更朝夕思想 哥哥嫂嫂
休怏怏休煩惱好把心來滌蕩熟名香三教
俱看得善芽增長

這王三風得賽便吐了氣財色遊三昧因何
却不斷香醪我神仙也愛 獨自行來真自
在要到處掩然悉除百恠多心經記得分明
無星礙無星礙

王語我從來有些施設道日日勤持搜秘訣
地府不願管天堂上自然歡悅蓬仙島如歸
修做徹

夜行船

王語害風都不管樂清閑恁情慵懶紙襖麻
衣教人說短我咱自知涼暖 一炷名香經
十卷三千日行成功滿穩駕祥雲獨通霄漢
儘你夜行船趕

黃鶯兒

平等平等復過萊州須行救極害風兒闡化
勻均化良蹄善肯 二儀三耀常為正察人

心恰如斛秤若不高更沒於低也神仙有應

小重山

堪嘆犢兒堪嘆牛若還省我語是同流性如
燈燭命如油相滋引明焰出山光 照破一
齋休前程除險路沒深溝這迴與你說根由
成功行達嶽永無憂

世上人人做有為榮華并富貴能為錦衣
肉飯闊多為鏡君會一品又奚為 王語不
施為麻衫無紙榭自堪為隨緣攝食日常為
唯長久真外認無為

一箇麻囊一箇瓢我咱三口子過清朝饑來
長揀玉芝苗克腸腹水向火中燒 舞袖拂
風飄青鶯前引路躡雲梢蓬萊須訪舊王喬
重相約同共上丹霄

又 迷夢

夢見街前一隻牛偏能行得穩性溫柔繩來
牽拽便迴頭高峯上卧月最風流 隨我任
遨遊調和真逸樂沒憂愁淨身白徹正堪留
趨靈岸相從入瀛洲
失笑迷陰化不來愚頑心鎖硬怎生開直鏡

富貴沒殃災天年限終久落輪迴 鬼使早
相催兒孫難替得有何推恁時悔恨哭聲哀
方知道學道是仙材

又 道友求問

養性休教起怒嗔外身須認正裏頭真日施
方便做慈因清涼至只在氣精神 財色莫
相親自然通大道覺申申金丹結就出迷津
登雲路玉洞看長春

菊花天

肉銜花鮓酒街油肥軀潤已那休兒女共嬉
遊金銀財寶壘似山丘 何不道前程將不
去限終鬼使來勾方悟平生總錯點頭點頭
悔恨無由

苦勸伊家省自煎須知每每居鄩贏取日高
眠賣花天氣別有玄玄 這箇元來滋味好
自然滅火消煙要入無生路上趙仙趙仙只
在心田

又是春來虛不空今朝聞撮和風使我得飄
蓬前遊雲水大路長通 雖是心慵身莫懶
但予好藥名芍服了身輕體健積功積功須

上穹窿

臨江山

遊歷都京并府郡更兼縣鎮坊村並無術法
沒談論一般真箇好六業鐵聲渾莫恠時
時清韻響人人喚出家門磨伊心鏡不教昏

滿輪明月瑩光射透崑崙

正已修行無怠墮推心上應天機內容整肅
吐光輝靈真搜得瑩方可許瞻睇謹謹授
持專一守靜中清裏歸依法憑條制不相違
九玄并七祖連汝共昇飛

掌法遵條常謹守饒人蘊德尤先孝心自許
合神天長長能後已永永瞻家緣便是修
行真實路正端無黨無偏放開心月照金蓮
馨香衝碧漢堪獻大羅仙

又說四象

性命陰陽如可論心脾腎肺刀圭更兼南北
與東西甲庚丁與癸雀武虎龍齊子午冲
和連卯酉春冬秋夏相斝白青赤黑吐虹蜺
坎離并震兌水火木金躋

又許葫蘆

一隻葫蘆真箇好朝朝長是隨予腹中明朝

瑩中虛貯瓊漿玉液滋味勝醍醐日日飲

來依舊有自然不用錢沽杖頭挑起入雲衢

三清前面過參從黍米珠

絳帳今朝重到此榴花對景先開坐間誰悟

害風來四悟知我意三羅散子災既得相

逢休酌洞中別有樽壘繞倒一盞免輪迴

自然雲滿目舉步到蓬萊

又道友問修行

潔已存心歸太善常行惻隱之端慈悲清靜

亦頻觀希夷玄與旨三教共全完別子休

妻為上士悉捐財色真餐長全五臟得康年

功成兼行滿真性入仙壇

太一混元真法籙清心精銳行持先擒自己

那蟲尸香煙通上界威力暗施為救拔亡

魂消舊業見存廣得洪禧鬼驚神駭懼勾追

行功惟顯著指日彩雲隨

吸取西江金浪水朝朝用此盤纏循環流轉

復清泉肌膚偏瑩淨壽算得遷延北斗自

然拘姓籍南辰生注長年減財節色是因緣

作為体上帝棄世做神仙

又目錄

為甚風狂偏愛酒非干恚意多輕此般道眼

最分明頂門三路顯得伴道人行三教幽

玄深遠好仍將妙理經營麒麟先悟仲尼餓

青羊言尹喜舍利喚春鶯

又題贈道友

杜公尋妙訣道本先求認得急持修恩慶斷

便迴頭黑煙都去盡出得無愁雲友與霞

倚蓬島路語同遊

翁婆成匹配跨虎擒龍給帳作三重夫婦美

好相從午前并子後煉就殷紅住在絳房

中雲外路到蓬宮

昌時須默默清微名澄總棄總無能軒好景

便依登趙州茶味好悟曉如冰雲友與霞

朋分別得正昇騰

定風波

每日閑遊西復東隨緣且過住塵中杳杳冥

實今古在蒙雲風風裏得飄蓬蒙公且只知

浮蟻動我今偏愛滿室紅照破當年昏暗事

空空靈臺一點透穹窿

昔日嘉山第一程今朝臣海載清重泛瑶池真得得盈盈昂頭堪認自家聲玉浪銀波別景致瓊濤未溜作高名湧出白蓮花一朵呈呈馨香直入大羅城

剔銀燈

今與重添惺惺只是那亘初元性急急修持盈盈圓滿子細剔開周正通玄傳令煉燉出自然清靜一顆明珠堪敬就上楷磨精瑩不則本師三真共至更有虛空賢聖齊來俱慶這仙子此中前定

風馬吟

意馬擒來莫容縱長隄備瑤滴瑤玕被槽頭糊糝相調弄攢蹄舉耳早臨風瑤滴瑤玕捲上韉兒緊纏鞵這迴你瑤滴瑤玕待馴良牽歸白雲洞道遙自在更不肯瑤滴瑤玕

卜筮子

初見青鋼劍戶內曾加點木上安來出一絲乾馬占害後隨風颭得此修行漸日日頻頻揄暗喜歡時只自知天馬膽與我長生驗

又謁友不遇

曩者見張公索寫詞中信王詰今朝故故來甚沒箇人相近回首跨清風隨足雲霞赴却入全真復舊堂把一點靈明認

特地新

天地人生同來相遇應將甚昭彰顯務道門開釋門關儒門堪步識元初習元本觀元辰元陽自固日月星辰齊旋踴度唯臨蒞虛空照布精關高氣關達神關起露粟三才立三教得三光三丹寶聚

又勸世

騁俏多能身呈體段把衣衫頻頻脫換穿茶坊入酒店總誇好漢慕然過天高這精神早減了一半奉勸風流流惺惺早斷併元陽休教紊亂稍迴頭開道眼金蓮長看玉花放異香來吐光明滿空炳煥

畫堂春

雲水王三悟悟甘河鎮祖師遇遇元本靈明便惺惺也真箇詩詞做做丹藥內中頻顧顧道遠處三光觀觀全得當時害風風真箇

神仙去去

青玉案

上元佳致真堪看更片片行雲散現出天如青玉案放開心月慧燈明照兩曜交光燦毳裝七寶玲瓏煥把性燭當中按一對金童呈手段瓊杵推轉順風歸去袞入那蓬萊觀

帶馬行

巨初獨許能騎坐這駿駒從牽拖直走盤旋雙慶賀三山骨健力筋偏大馬輔佐萬文紅崖過謝伊馳出深坑橋街玉轡金纓驪喊霧嘶風遊水火月華前面四蹄輕鎖馬負荷與我成因果

元初一得從初過便端正昭彰著轉作重陽晨影煦晴空來往碧霄堪住瓊馬駢引入長生步靈光不動神光聚便攢簇銀霞護滿插金花頻返顧青衣鸞鶴共同來赴瑤馬駐般在清涼路

既要修持心不曉這火院須先跳猛把家緣都不要元初一點認來真所做箇惺惺了欲要妻男回處妙且只在紅塵單節色做財

應事俏慈悲廣施作均平也決定分分曉

又綠化子弟

鎖戶真成也百朝甚慳灑米餐菲苟且玄妙
就中超躡馬眸粘惹 恩愛俱齊捨鬧遊冶
教余同幽雅仙子共成修寫馬明星下

瑞鶴鳴

昨朝今日與來朝飲水無加只自饒醉後恁
鋪金薛甲醒時復採玉芝苗錦衣公子談三
島皂帔佳人舞六么一曲合成玄妙處白雲
片片恣飄颻

我○咱別有赤窮窮物物俱無事事通清裏清
來全寂閑關中關至住虛空能邀迴照堪親
日會捉輕颯便害風此際黑雲何處去瑩然
窠出一團紅

三才判判做輝華三教分明吐甲芽三寶煉
燒紅焰寶三車搬運紫河車三峯影裏觀真
宅三耀光中是本家三息十洲堪搗藥三清
十極聚青霞
今朝細細問朱郎因甚常眠黑鬼房得與青
龍為伴侶亦令白虎助清涼便將鉛汞堪成

寶好把刀圭更入鋼斫斷烏龜四隻脚夾邀

風月上崑崗

堪當蛇女嫁丁郎認得嬰兒住蔡房幸有甲
田知出入不無兌地做炎涼鉛刀起處通神
妙汞劍開時仗慧鋼殺却三尸陰鬼盡一團

紅焰覆瓊崗

白靈根蒂長晴空碧綠枝條象細風葉粟月
華添雅翠花憑日氣離殷紅四般顏色雖然
異一道馨香分外濃透過丹霄歸甚處便教
收在蕊珠宮

石○中大隱怎生胎水裏金藏要却遭石火須
憑心火取水金丹得肺金淘火教煅煉真鉛
汞全要增添快劍刀二件相投成一件大羅
天上列仙曹

這迴捉住四時春奪得溫和養本真跳出世
情居異世儘教人道不凡人何須苦苦調精
氣不在區區嗽液津瑩處晴空開日月銳然
特放九光新
踏莎行
東海汪洋西山詳審金鈞釣得歡無恁一頭

活樂大鯨魚萬鱗燦爛鋪白錦 隨我遨遊

水雲信任青山綠水相過甚張公喫酒李公

來李公奪了張公飲

又千友打斧

版斧如求那由選揀良工欲造無錢換今朝

專禮我華宗慈悲為首諸公辨 若得堅鋼

劈開道眼靈臺熠耀持金簡腰間柯爛決忘

歸白雲路上成家產

又詠鏹

鐵鏹神靈我心有則隨身應手開端的種成

大藥稱伊功哉生善果憑君力 剗倒恩山

打摧愛嶽是非煩惱頻頻斲斲然敲碎砒砒

頑便令發出崑崙玉

又總詠

斧鏹堪擊隨緣斲斲鋼全生就今分局一司

管刮水中金一司管伐山頭玉 窳于方長

攀兒圓促頭頭柄柄常相逐劈開金母紫芒

攢判通玉祖紅光簇

又詠宦途無定

名路求高官途無定一來一去緣心性稍知

分守得優游能通止足參賢聖 莫使偏頗
須存直正花開須是依時今日輪耀處吐光
輝月華朗後添清瑩

漁父詠

北海鯨鯨人不識金風長是傳消息予把釣
車寧費力堪憐憶香鉤擲下離灘側 吐出
神珠光焰赫化鵬展起垂雲翼日在扶搖無
有極能搏陟青霄一舉應端直

又詠假借漢

奸黠人人常不遜外裝內喜能談艷色衣
裳香遠噴頻整頓重重結景巖如固 眼去
眉來常騁俊前攀後拽誇身分我便去前親
去問休風韻遮藏臭腐并堆糞

又問題

生死輪迴何太速改顏換面人難識有箇風
狂常自足常自足逍遙處處孤眠宿 愁煞
諸公歡折哭恰如堂下三間屋屋底你咱煩
惱黑煩惱黑堂中我且燃燈燭

又贈友人

名官為盜判室內同公案開心各一半讚分

過如何斷 好將雲水伴夫婦山頭看清風
明月喚說結就無涯筭

河傳令

竹冠頂按更竹作水瓶至今常將手與竹杖
竹籃竹笠竹車竹鑽竹林中竹笛鳴聲自喚
木鞋襯脚真熟暖木做盤兒鏡磨明圓滿木
筋木匙木杓木盃木椀木陰間木牛耕田三
段

營軀手段這飢寒未免上街須當唱喚提箇
淨清了了惺惺鐵觀覓殘餘聲聲叫道攝亂
極承貴府人憫歎唯願諸公心懷常照管選
甚冷突將來腹中煎燂煉重陽方堪看害風
漢

害風落魄便飄蓬信任到處並無離落遊歷
水雲管甚身軀零落覓殘餘傍人家鬧院落
衆皆笑我貧淪落教他骨頭無福長流落看
你不知將來何方下落免伊憂恁時節起碧
落

凡軀莫藉把惺惺了了自然明明構架行住
坐卧須要清清閑暇氣神和結成珠塔教化

張弓舉箭能親射紅心正中趕退周天卦塚
貼中間遂出霞光無價五行違脫陰陽超造
化

惜芳時

緣重下手并安脚頭得來真真沒錯金鑪立
起瓊花作燒煉出這般丹藥 三田九轉明
光燦八脉上四門閉却虛空一點成灼灼無
言說自然邀約

諸公學道應徒甚細細把玄機弄荏頭邊認
取清涼枕當風月瑩然成寢 刀圭滋味頻
頻飲漸漸放千花似錦馨香如要詳還審惜
芳時曲中評品

又詠紫燕

我觀紫燕泥巢壘便下卯朝朝抱子雛兒喂
大辭窠起背父母分飛去離 為人養小還
如爾明知得攀緣越熾爭如修取長生理樂
清閑好遊雲水

又友索說陰陽

未分混沌何方有直待定天高地厚乾坤一
判三光秀在身中沖和奔走 水中火起頻

類聞又白虎青龍交媾兒嬰女乾休相守王
害風別有朋友

拋毬樂

扶桑祥瑞生芝草便移在蓬萊島金枝玉葉
自然好崑崙上變珍寶霞光四面添玄奧
明焰裏通顛倒青童捧詔添嘉號無為處這
迴到

探春令

兀然真性杳杳默默無微無大一團瑩寶光
明圍繞五彩同隨那逍遙自在堪經過有
玉童相賀滿空馥郁盈盈裏面來伴神仙坐

南鄉子

百載鏡中容仰手為祥覆手凶生死榮華今
在目休逢疾速迴心認祖宗得得妙相從
滅盡三尸九箇蟲一氣浩然調養正冲融免
擊精藍過世鍾

重陽全真集卷之十二

重陽全真集卷之十三

終南山重陽子王喆撰

六三

詞

望蓬萊

聽我勸公莫謾風流猿馬不閑空踐野光陰
虛過度春秋怎得免荒丘如省悟急急把
心收對景直須把妄想於身若是少貪求何
用道人頭

醴泉好風物雅幽幽須把惡緣如省悟宜將
善事急持修關裏莫投頭予省也遂把內
丹收對景摠情橫寫字有時歸去到騎牛道
號號無憂

又紙旗上書

邊境靜乞覓得便宜戰鼓復為韶樂鼓征旗
還作化緣旗便見太平時那減捨第一莫
遲遲王喆害風無憂子當三折二小錢兒伏
願認真慈

又詠鍊鉢

食店好鉢鉢最奇瑰玉屑無窮博作塊瓊瑤
一片細勻開須使寶刀裁呈妙手用意穩

安排枕內梨花新貼樣筋頭銀線穩挑來餐
了趨蓬萊

又誦勸道友

趙公好偉貌正青春莫把先陰虛度却願將
功行實相親與我作比鄰清閑在認得出
迷津稍悟浮生除愛念如知幻化絕貪嗔便
是洞中人

未入道休要執中迷先且牢擒劣馬子切須
縛住耍猿兒款款做修持如省悟勘破女
男妻自在假身常煅煉逍遙真性得推移應
是上瑤池

詞謹勸見在好持修淨名淨利何日了勞神
勞氣幾時休塵世莫淹留須早悟三教理
玄幽擺脫恩山祛愛海得歸蓬島赴瀛洲只
在此心頭

詞意悟就上好修修意馬心猿都捉住攀緣
愛念一齊休善事莫遲留三教好妙理最
深幽擺脫浮生并世事這迴前路赴蓬洲此
箇是歸頭

又題杏花

春景好艷杏吐紅頰笑日仙姿真美麗倚風
嫩臉最奇瑰不羨臘前梅 人豈識唯許對
予開折得一枝應在手馨香滿袖任還迴
汝到蓬萊

武陵春

叮囑閻公歸故里傳語體泉人可可貪求莫
恨嗔贏取好精神 只此堪能為大道何必
苦尋真稍稍諸公悟此身便是出器塵

又詠別道友

王詰已東遷經過甘河上眾賢性內飢寒由
未免盤纏乞覓諸公自肯錢 得得迺相傳
慧我同為出九連多少各人心意會恰恰此
去如來本氣傳

我已入南京甘鎮人人箇箇聽敬重三光須
要認休輕五穀中間得致精 此去決前程
寫盡平生自己聲若是却來重一過靈靈總
看真形一氣清

富貴與身貪肯把榮華只取仁前定緣由今
世用心純自是陰功榻自臻 休更苦中辛
惡業休貪作善因奉勸愚迷須省悟休嘆萬

事由天不在人

蘇幕遮

少煩人稀赴會我自無恩莫把他人恠廉儉
溫良身自在莫強追陪免得常耽債 有錢
時人見愛及至無錢親也全疎待且見世情
如此態察盡人心暗想除非外

性為真身是假認取圓成可可頻占惹自是
康強復復濼靜裏搜閑急急投嬰炁 說良
因談道話開廓靈明拯出根源也一顆神珠
無有價裏上瑤臺永永長遊冶

會傳盈經每醉能喫殘餘得飽長長睡眼裏
清開祥又瑞時復觀瞻白黑黃紅翠 出虛
空無墜墮瓊蕊玲瓏顯現真嘉致最顯靈神
來望視移入金盤天上誇奇異

女休猜見莫識情慾偷精盜髓筋力奉勸
迴頭尋歇息認取身中三箇真端直 蛇娘
親嬰子得專委黃婆鞠養成淵默暢飲刀圭
通十極四句同歸隨步雲霞陟

又買背籠

柳條柔麻線細妙手玄功密織牢纏繫合格

身兒都捏膩堪與王風背上成家計 水雲
遊靈性慧應用衣衾裏面深根蒂脫下凡軀
猜得謎了了超昇全是伊相濟

又點化道友

箇人人常守鋪瓦裏合頭鐵索纏縛住怎識
從來光耀處元是神仙何不開心悟 覓清
涼搜穩步若要飄蓬除是風狂做也肯依憑
雲水去占得清閑走入逍遙路
箇人人二句八勿首迴頭性命成搜刷撲入
沉淪常墜壓鏡子前來著甚言談答 是神
仙何不察劈破凡心認取佛菩薩一顆明珠
頻擦抹七寶宮中壘起真金塔

又贈道友

這華宗能順我淨意清心認取逍遙卧日日
凡塵仍便趨管取教公快樂無摧挫 早回
頭休漫過滅盡無明速了尋常火一點靈光
山上鎖穩駕白雲五色霞中生
又詠友人嘆身

省其身鈔其口贏得清閑自在逍遙走隨分
為生應永久不義之財且縮拳雲手 少追

陪微飲酒節色搜身新認元初秀認正三光
兼孝友不祝神祇也得長春壽

又白告友人

正青春紅貌聚苦肯迴頭這下分明覩願得
迴頭心早悟與道為鄰也處道這所善緣
來惡緣去搜見真強知向靈臺住七座門開
通的相跳出之時便入長生路

又贈于道友

要修行須發憤除了憂愁破盡情懷悶仗慧
刀揮五蘊劈開雙關穩穩成三分從商量
休斷問只把前篇日日頻搬運好向家中搜
土真撥見明珠劈入清涼郡

又誄贈道友

善修文能應舉九轉金丹何不搜尋取若肯
回頭時暫觀兩足輕狂走入雲霞步按三
光隨師父別有一條穩穩長生路自在逍遙
開玉戶好與王風指日同歸去

又訓徒衆

弟兄德事下手與世相違日日長鈴口休論
汞鉛并卯酉開關鋒宮自在逍遙走二儀

真三程秀我欲親傳未肯相成就直待同流
觀得透款款停騰敢把天機漏

問真修聽我斷莫著凡軀物物煩思弄打破
般般常內看坐卧行住須作骷髏觀漸令
成常謹按八畝瓊田別有新條段性上分明

堪正說量得無差便到清涼岸

道無言禪沒說兩道白光唯許紅霞設具玉
山頭常擺拽潑灑灑芳返照靈峯雪念愈玲
瓏尤皎潔射透晴空瑩瑩神光別到此玄玄
玄妙微一朶金花裏面金丹結

那公分剖舉恩情割斷靈光照內蓮生真可
要蛇嬰嬌和會通玄妙憂愁樂道氣收來
結作成珍寶玉宇藏五彩耀透崑崙日月真
修造

浣溪沙

大道無名似有名達磨面壁九年清釋迦坐
雪六年精奪得真空真妙用一通門裏出
圓明大羅天上聚圓成

會看虛空七寶園能開寂靜六華軒希夷微
妙在坤乾理透陰符三百字搜通道德五

千言害風一任害風度

綠水傍邊上雪山銳然跳出玉門關虛中空
外一開顏渺邈那邊歸正路的端便是穩
居間白雲難比此清閑

又重九日

金虎咆哮金馬傳金公重九撒金錢金風過
處舞金鈿金地徧成金蕊泛金童折得步
金蓮金盃裏面獻金仙
一箇詞兒十二金修行謹按日時尋急將猿
馬緊牢擒五戶自然開闢盡玉花叢裏洞
門深舊來那箇是知音

又誄筆

毛穎從來意最深江淹夢裏莫生心班超投
處好追尋放逸真閑據雅致詩詞不寫自
高吟這迴撈出水中金

憶王孫

四宵得得並無寒深謝孫公青顧看霞袖分
開拂霧端入長安迴首教賢結金丹
長安爲甚便歸來使我蓮花五葉開別有清
光舊鎮醅獨傾盃免了輪迴九獄災

又贈馬鈺

人云口是禍之門我道舌為禍本根不語無
言沒計論度朝昏便是安閑保命存

離別難

遊歷水雲兩郡人休起無家看清輪認取風
颯晃瓊瑤嘉氣滿丹霄玉花吐馥郁金蓮馨
香二物誰消隨緣從覆燾紅霞繚繞翠霧不
相饒時得得日昭昭準蓬萊定信頻招見
空中彩鳳來往又金童前捧紫芝苗此却要
再覩吾顏除非能續絃斷重調勒汝等各
修持一去洞天遙

昭君怨

奉報早離火院弃了一家攀戀自在水雲前
樂安然便結長生煨煉得做上仙親眷搜
出碧潭玄月圓圓

搗練子

搗練子十怎生關來關去好修行囉哩唛哩
囉唛若逢迎得圓成從頭一一說前程囉
哩唛囉哩唛

一為人做凡身四般假合怎生真囉哩唛哩

囉唛搜玄路出迷津靜中調養氣精神囉
哩唛囉哩唛

猿騎馬運頭要難擒難捉怎生捨囉哩唛哩

囉唛慧刀開齋殺下教君認得根源也囉
哩唛囉哩唛

此圓通住虛空冥冥香杳怎生窮囉哩唛哩

囉唛分南北看西東悟來只在笑談中囉
哩唛囉哩唛

重陽子全真理陰陽顛倒怎生使囉哩唛哩

囉唛這頭行那頭止冲和上下分明是囉
哩唛囉哩唛

用刀圭剖昏迷合和一處怎生携囉哩唛哩

囉唛人頭落現紅霓白蓮花朵出青泥囉
哩唛囉哩唛

從來性本來命無形無質怎生惺囉哩唛哩

囉唛采中明鉛中瑩霞光裏面通賢聖囉
哩唛囉哩唛

水中金玄幽深玄玄妙妙怎生尋囉哩唛哩

囉唛從初得到如今西風時復送清音囉
哩唛囉哩唛

三丹寶難分割昏昏默默怎生保囉哩唛哩

囉唛在虛空長懷抱緋衫裹了新高帽囉
哩唛囉哩唛

水煎火坎和離兩般消息怎生知囉哩唛哩

囉唛林燒煉真修持元來只是這些兒囉
哩唛囉哩唛

開心月圓皎潔人前教我怎生說囉哩唛哩

囉唛淨清水玲瓏雪交光朗照知明詰囉
哩唛囉哩唛

搗練子真了了開行闌坐任歌吟囉哩唛哩

囉唛我咱知人難曉曲中有箇三光照囉
哩唛囉哩唛

搜芳翠西輕盈蕩然聽得賣花聲乾陽天氣

候明朝雲白晚風清速藏吹轉藍珠精放

馨香滿樹紫

點絳唇

可惜嬌兒惺惺伶俐聰明作靈臺廓圓明光

樂我許蓬萊約 斷却麻繩正好修丹藥如
今却買條銅索縛住踏雲脚

又贈友人

觀公形貌青春伶俐真性瀟灑偏幽雅自然嬰
姍莫放猿兒耍 認取清閨異日成嘉話之
乎者便休書寫養就丹無價

又詠拾菜人

昔日人言拾菜郎根芽茅甲總盈蔭春夏秋
冬開不得溫炎涼冷鎮長忙 今日予言截
綵郎能為幹運做經商願靜一心休作用好
將四季細消詳

春季裁量十四郎風流玉貌好輕狂每夜房
中憐美婦常時腹內痛飢腸 以此街前來
背箱利多撲入絲帛行刀尺使時無作念妻
兒愛處越馨香

文三

夏季裁量十四郎炎炎火焰越忙忙百巧場
中誇意銳萬人叢裏用心剛 絲綃羅紈鋪
內藏金銀珍寶架頭光獨做辛勤心自苦渾
家豐足業誰當
秋季裁量十四郎憂愁慮慮動悽愴陟改紅

顏衰體瘦漸生白髮老容光 腰曲頭低力
不剛耳聾眼暗淚汪汪日往月來添疾病妻
嫌女怨受恹惶

冬季裁量十四郎百端疴瘁早粘床五藏受
寒內結積三焦發熱外生瘡 一息不來四
假殭兒孫搬出卧丘荒七魄有緣歸地府三
魂無分上天堂

爭似休休事事忘虛無境內覓清涼若是會
探潭底月便教認得雪中霜 共我為鄰住
洞房憑經作伴蕙心香不日修成功與行騎
鸞跨鳳入仙鄉

恣逍遙

物物枯榮般般打破惺惺用玉匙金鎖瀝瀝
澄源炎炎焰火盈盈處上下倒顛換過 妙
妙神機玄玄性果清清做靜中堪可現現虛
空靈靈真箇明明表光瑩寶珠一顆

千秋歲

汨汨塵寰擾苦苦无涂窈長繫絆不分曉日
生還恁地夜夢魂驚香聽分表都綠切切波
波絳 急急心開攀早早俱除勦迴首處見

明瞭一般真箇好萬道銀霞繞這香了秋潭
皓月波光晶

巫山一段雲

對月成詞句臨風寫頌章一枝銀管瑞中祥
隨手染清涼 玉洞門開深淺寶樹花分象
香蓬萊仙鳥是吾鄉宴罷後瓊堂

侍香金童

大道修持物物俱盡悔莫起黑煙生靉靄雲
水淨清須慷慨逸優游做成奇駭 壘這功
行便恰如山與海得閑裏真閑誠自在一塊
紅霞龍寶排化玉成形轉生光彩

菊花新

對月無何添雅致叢綠花黃偏有異正是遇
重陽霜露冷宜呈祥瑞 清香覆我如言志
害風來且休攀視應共到蓬萊瓊筵上衆仙
頒賜

木蘭花令

鶴兒每每常相聚點點蒼苔啄食覷青霄空
外啖天時明月光中頻警靈 逍遙鮮潔理
毛護自在遊行惟顧步怡然呼取舞風來六

箇隨余蓬島去

虞美人

四郎須是安爐竈莫把身心關玲瓏便是本來真氣精養住便得好精神 汞鉛得得知顛倒方見無名道今宵飲酒是何人認取清

風明月日相親

文三

十二

又以嫂為見在父母

害風王詰遵隆道自在逍遙好降眠之外總無知百花笑我不會見便宜 功成行滿仍須早雲步歸蓬島好同見在赴瑤池共摘蟠桃往昔結實枝

月中仙

遭遇中秋近初更氣爽風定雲散虛空露降闌萬里晴天顯青玉素舉頭瞻海洋湧出金盤爛爛不特門門煥人人共喜貧富總爭看誰能曉悟清輝這銀蟾裏面深隱陽筭星稀宿罕使鵲鳥飛去與誰為伴一輪圓又滿正當午恰分子半愈放光明燦庵前召我衝霄漢

金花葉

名利牽纏怎徹誰肯把善緣總結在火宅居常炙煬尚穿聯惡業 關巧爭如守拙早離了機心切切稍能悟三教秘訣也無生無滅

楊柳枝

性命須將自己觀細詳看一刀項下好疼酸

文三

十三

最艱難 不信且將針略試痛多端發心要喫覺心寒遠佳餐

刮鼓社

刮鼓社這刮鼓食中拍且說說且出來後却勝如大小麥便接著五方顏色青紅黃黑更兼白又同那五方標格蒸炒煑燒生喫蒸炒煮燒生喫 刮鼓社這刮鼓食中飽我看說豆將來後且圖起須入窖莫收多不須收少上頭自有三光照似象茶何勞打砲有幾箇人知道有幾箇人知道

西江月

於已搜尋藏善慮思絕泯為先減財節色保丹田對景須行方便 老幼自然有祿且休苦苦夜煎放開一朵白花蓮管取西江月現王詰心懷好道害風意要離家攀緣悉去似

團砂不怕妻兒咒罵 好對清風明月寧論海角天涯來來往往跨雲霞此箇逍遙無價養甲爭如養性修身何似修心從來做到如今每日勞勞圖甚 好把幽微搜索便將玄理思尋教君稍悟水中金不肯荒郊做恁

川撥棹

這修行訣便安排得有次卸把清靜天機今朝分明漏泄使人人玉花結 從頭一一穩鋪設向五更裏看擺拽將此脫殼神仙玲瓏玳瑁做絕害風兒怎生說

一更裏瞥看參羅萬象列搜出那坐正星內中位貌偏別向地方也玉花結 銀素將來細得熱把烏龜牢纏總然後四隻脚撐撐子一齊打折害風兒怎生說

二更裏瞥看天河沈無竭忽見耿耿洪波瀾

熾熾底昭徹向西方也玉花結 灑出黃芽

色非担甲尖上搏白雪有此一箇靈童擺手親自去折害風兒怎生說

三更裏瞥看銀蟾圓不缺吐出一輪光明滿天瑩然有別向南方也玉花結 白鹿前來

行得竊便銜他新皎潔將去圭峯山頭獨自
口中啣鬻害風兒怎生說

四更裏瞥看斗斗光如蕪照遍滿空清虛放
盡靈輝深測向東方也玉花結 攢燭三山
似電掣燭耀如瓊瑤屑被這惺惺了了一齊

中宵盜竊害風兒怎生說

五更裏瞥看魁魁無差缺正合天心幹運堪
作上天唯舌向中央也玉花結 捉得清虛
這迴決便永永除生滅此箇自在逍遙唯予
獨會拈捨害風兒怎生說

曲中詞徹把來歷事親堪說住京兆府外縣
終南方孤雲白雲自觀得玉花結 活死人
子放些劣沒地埋真惟悅道號重陽子字知
明姓王名詒害風兒怎生說

性問伊家命要嫁這東頭兒郎馳騁昌肌膚
瑩昌肌膚瑩 又三 鉛汞合和正轉氣神定天上
面急藏金鑲玉卷李真仙省李真仙省

慈郭郎

牛子却如洗墨牽拽不迴頭向川原食水草
騁風流 禁得這茫兒躁加力用鞭勾渾身

都打偏瘦霜皚

醉江月

放心坦蕩樂閑閑應使蟲消尸去清靜長施
憑雅正封寶瓶 一守護關關雙闕非能運轉
也得全精固三陽相見五神分朗團聚 由

此雖寢無眠頤頰養浩潔白盈盈數直待澄
解方是徹愈覺真靈開悟性結成丹圓光耀
赫決遇明師度紅霞繚繞德時迎引歸去

梅花引

少無福早孤獨憔悴一身無告囑日常思日
常思此事分明皇天便得知 見遠促見遠

促侍來備親增汝祿孝心推孝心推致感神
明洪禧得共隨

為人福生中國衣飯除公注定祿命中無少
嗟嗟天與之貧不得富安居 尋思人似草

頭露爭奈係朝不保暮莫剛求莫剛求假使
強圖入手却還休

隨緣過隨分樂惡寬慳食都是錯貴非親富
非鄰孤孤恤老取捨合天真 當權勿倚欺
凌弱須防運去相逢著減欺慢減欺慢不論

高下平等一般看

蘇莫遮 荷葉五

認得之時休送碧岩深洞瑤瑤耀光希龍蟠
虎繞玉花垂西江水上來往見烏飛 直待
青童交位德時休去頂戴翠華冠渾身錦繡

那人謾方知此處有箇水相隨

巫山一段雲道交問變化

堪嗟萬物陰陽內造化因功休論西東只在
三光秀氣中 公如會得疾安脚便做飄蓬
脫了凡籠一箇真靈入碧空

又崑崙山

扶桑日出分明照蓬島相鄰若要親親除是
清閑只一身 逍遙無事方能到俯瞰迷津
煉就重繞頂上孤峯現寶珍

浪淘沙

事事少相侵物物無心固精養氣本源深得
得先人添側隱猿馬牢擒 玉樹可先臨花
綻黃金清香窈窕出高岑萬道銀霞攢簇住
方得嘉音

又火裏生蓮

陽氣透蒼天照綿綿地戶猛焰亦如然發
出水中真覺性一朵紅蓮 早早認清泉結
取因緣烏龜口內吐靈煙助正丹田香馥郁
葉葉新鮮

又貴賦附口爲文

附口做生涯休寫交加憑他實語莫虛諱便
是於身增福祿膽已榮家 見似浪淘沙若
勸深嗟若還不使到廳衙兩主休和歡又喜
公跨雲霞

錦堂春

試問修行纔登戶牖應是下手何如便先令
歡樂於已開舒待款款尋來的當端正意減
情祛做嬉嬉坦蕩更認閑閑裏安居 從
前一一細想好搜玄揣妙時復親書頌省悟
怡然超出苦海迷衢這番見真真那箇唯分
明本有元初却還舊處返光迴照獨證無餘
瓦盆歌

不肯爭人我除煩惱滅心火日日隨緣過道
遙自在任行坐功成行滿携雲朵帶殼昇騰
恁時節方知不破

賀聖朝

仲冬佳節靈童來報陽氣初昇黃芽齊吐玉
漿澆溉榮布層層 甲方瓊秀庚方金彩相
間星能把明珠祥瑞瑞光迎在雲外騰騰

晝夜樂藏頭

全相隔休教錯年間怎生作前頭說甚惺惺
辰下重安手脚被瞻光啟運交平時從根摸
索事有神功清強氣躍 下於子尋倚托文
上沒丹藥天知命惟高中談談中別著公決
要覓清涼兆府城南登閣各得其宜晝歡暮
樂
重陽全真集卷之十三終

重陽教化集序

交四

甚哉高尚至人世不常有也譬如景玉塵雲
非遇聖朝昌運則豈泛泛而見自太上出關
之後有闡令尹喜傳襲其道下逮鍾離處士
呂洞賓陳圖南者皆相繼而出于今得重陽
真人及丹陽先生亦接踵于世噫家家手幾
千百年之間此數君者未易多得可謂高尚
至人世不常有者也丹陽先生馬宜甫本冠
裳大姓富甲宦海自童稚時其仙風道骨灑
落不凡已爲閭里欽重長從鄉校積學爲文
便能入第一等忽遇重陽真人以一言悟意
棄金帛如弊屣視妻子如路人幅巾杖屨之
外一亡所有澹如孤雲悠然西邁以爲物外
之遊意將不受幻化儻非夙緣定分了悟生
死者其孰能與於此先生入道之後凡述作
賦詠僅數百篇一一明達至理深得真詮門
人高弟等命同其議哀綴成集門人靈真子
朱抱一命工鏤板將行於世迺屬本府醫學
博士韓辰同扶風馬川訪予求序諄諄懇切
適有客在坐聞之則披髯抵掌捨席趨進而

問曰道家者流嘲弄風月固當如是乎予即應之曰噫嘻子亦快矣且如明眼禪和欲傳妙道亦必垂一則語以示後之學者矧茲高尚至人力欲恢弘正教闡揚家風必以言語訓誠發為文章而啓迪迷人庶有覺悟況此冷淡生活本是道人風味兼其間無一字塵凡氣殆非吟詠風月者無用之空言也子無請焉客乃醒然改容悚敬請退曰僕誠淺陋言且過矣其徒所請既堅子益序之予因作此俚語以書卷首大定癸卯冬十有一月上

休日營丘府學正國師尹序

丹陽先生遇重陽真人頗不異哉真人一性靈明風悟前知自終南至於吾鄉地之相去三千餘里不辭徒步之遠而有知己之學大定丁亥中元後一日真人抵郡竹冠弊衣攜筇策杖徑入於余姪明叔之南園憇於遇仙亭丹陽先生馬公繼踵而至不差頃刻可謂不期而會焉二人相見禮揖而罷問應之際歡若親舊坐中設瓜唯真人從帶而食衆皆異之丹陽先生先題詩於亭壁有沈醉無人

扶之句真人讀而笑曰吾不遠數千里而來欲扶醉人爾又問如何是道對曰大道無形無名出五行之外是其道也清談終譽坐者聽之纏纒忘倦使人榮利之心驕氣淫志頓然釋去先生邀真人就城而館之待以殊禮日益恭謹卒至於成因命所居庵曰全真究其相遇之由若合符節苟非夙緣仙契孰能至於是哉先生系出扶風累世青紫吾鄉顯族也生而異稟識度不群其所居之第馬范二街相對與余世為姻家有朱陳之好幼同嬉戲長同講習在郡庠數十年間花時月夕把酒論文未常不相從為樂也先生資產豐厚輕財好施故能捨鉅萬之富揖真一之風真人遂以方便誘夫婦入道尚恐未從乃出神入夢以天堂地獄警之俾漸悟焉至於鎮庵百日密付玄機謂石火光陰難得易失如不早悟虛過一生下手速修猶太遲也謂攀緣妄想動成罪業索梨分而送之兼以粟辛賜之使知其離分而立遇也謂不捨冤親煩惱不斷去邑里之冗為雲水之遊則鄉好離

也凡詩詞往來廡唱迭和皆余一一目覩而親見之雖片言隻字無非發揮至奧冥合於希夷之趣也是以收聚所藏編次至三百餘篇分為三帙共成一集丹陽門人靈真子朱抱一欲鐫板印行廣傳四方屬余為序余志其固陋即其意而序之既美其至人相遇之異又美其仙風勝槩可垂勸於後人使修真樂道之士玩味斯文豈小補哉大定癸卯寧海州學正范懌謹序

仁人之用心也大矣哉身已過於正也欲天下之人皆去偽而歸真矣吾鄉丹陽先生之徒行是道者也先生舊為寧海著性祖宗皆以通儒顯官自弱冠之年遊庠序工詞章不喜進取好虛無樂恬淡已深悟玄元之理一日重陽真人自終南徒步而來一見而四目相視移時不已及聞談笑語如舊交夙契或對月臨風或遊山翫水或動作間宴靡不以詩詞唱和皆以性命道德為意謂人生於電光石火如隙駒朝露不思治身妄貪名利儻修之不早若一入異境則雖悔可追常以是

而深切勸勉其一悟而起脫塵世顧丹陽依違而未決乃歎曰下手遲也遂入環堵令丹陽日親饋一食自十月朔而處所須唯文房四寶布衣草屨枕石而席海濤隔窻隔而求詩詞者接跡舉意即就畧無思索當隆冬積雪之際和氣滿室居百日而方出嘗入夢於丹陽整之以天堂地獄又索梨栗芋每十日而分賜之自一以至五十五為陰陽奇偶之數皆以詩詞往復酬和而顯其旨意於是丹陽夫婦開悟厭塵俗而樂雲水書誓狀願師事於真人茲分梨十化之由也自此易蠶衣分三誓日從事於重陽視富貴如浮雲棄子孫如弊屣忻然達鄉里西遊梁汴之間盡傳其道不久而真人脫昇遂西入關陝至終南重陽舊地築環堵以居焉無塵事之累無火院之累專心致志以精窮內事雖和寒酷暑不易常服或忽然長嘯而自歌自舞已得希夷之真趣故人心歸嚮無賢不肖咸願為門弟子吾邦之士素慕其名德不憚數千里之遠往而求見者無虛日斯見離五行之外而

越俗出世者也豈不曰好離鄉乎凡當符之一篇一詠不徒然而發皆所以勸戒愚蒙免沈溺於愛河慈海非專為於已也故門人哀聚二先生之詩詞分為三集上曰教化下手遲次曰分梨十化又其次曰好離鄉共三百餘篇玩其文究其理者則全真之道思過半矣自丹陽得遇殆今一紀有餘闡揚其教四民瞻禮多入道而從化下手遲三集雖關中已鏤板印行以道途遠邇傳於山東者百無一二而樂道之士罕得聞見一日丹陽門人靈真子朱抱一訪予曰先生因重陽真人之誘掖而棄俗究重陽真人之詩詞而悟道或以篇章或以言說廣行其教欲人人咸離迷津超彼岸得全真之理豈肯獨善其身哉茲見仁人之用心也廣大矣況此三集皆在吾鄉所作有目有耳者皆親聞見之實丹陽發跡之根抵而得道超脫之因盡在是也欲命工重雕印造以廣其傳俾世人皆得以披覽稽考知趨正而歸真矣求予為文以叙其事予老矣昔與丹陽隣里同在郡庠又相交好

不唯常仰丹陽之道高德重抑又見門人之仁心弘遠也雖才學淺陋不足以形容其事然於義固不可辭姑以當時之親見以道其實其在他指出處之跡顯異之行前數公序之詳矣此不復載大定癸卯寧海州學錄趙抗謹序

有生最靈者人人生至重者命性命之真弗克保全其為人也末如之何語所以保全性命之真者非大道將安之乎世之人徒慕乎高爵之貴以為榮豐貴之富以為樂謂可以滋益性命於永久而不知富貴之中蝨食華衣饒給於口體繁聲艷色侈奉於視聽心猿易放情實難窒嗜慾耽荒皆因以萌驕奢淫汰靡所不至而勞神傷德氣戕性命之患舉在於是良可鄙也豈俾乎過世違凡栖心係道黜聰明去健美所樂者淡薄所守者清靜紛華弗容盡於外情欲無所啓於內純純悶悶專氣致柔久而靈臺湛然神明自得全真契妙仙昇太清不其趨歟這是理者今吾鄉丹陽先生其人也先生本儒官名家金穴家

士自幼讀書聰敏之性異於髫髻輩迨冠染翰搦藻衡視秀造吾儕亦咸所推重每於暇日親朋宴集間多笑發名談雅有方外趣鄉黨以是知先生亦留道念之深也大定丁亥有重陽真人自終南而來一見先生謂宿有仙骨可與為閨苑達壺道遙侶乃溫顏青眼傾蓋交談勸其遠俗脫塵坐探道妙先生初以家貧廣貯妻孥愛深未之遽從迨重陽多方警化屢示以詩詞激切勸諭識其玄機微旨昏神仙語忽爾覺悟願執弟子禮從真人遊將所示篇什依韻齊酬以形服教進道永矢弗渝之意已丑歲重陽西返道徒從焉先生乃銳然捐產捨家違妻離子顛髻體褐躡後而行徑入梁汴間栖泊蒼月重陽謂吾道之玄微授先生者已竟乃蟬蛻仙去先生復絮徒西上之終南訪重陽舊庵所築環堵而居遵師踵武養道闡教居人及鄰州不以長幼敬慕而宗師者無慮千餘輩閑禩逾紀至壬寅仲夏先生默想鄉邦遐僻之地意其苦海愚迷喪真積蒙者眾即振策東歸深慈悲

之念躬拯化之勤庶使人人悟過修真俱登道岸杖屨所至亦靈異之微屢昭臨井呪泉而泉即變甘救旱祈雨而雨遽應降修醮儀而彩雲集於庵上焚漁網而海市見於臘天餘多異跡謂非顯然眾所共見者難以縷形遂致遠邇之人咸欽風服化其卅髮緼袍願受教為門弟子者日差肩而前不可數計先生既化行如是復想其遇師得道之始與重陽唱和詩詞數百篇皆發揮道妙足以為破迷解惑起凡度世之梯航要廣傳於世伴玩辭味旨者率醒心明道遠塵勞之苦全性命之真異時俱為丹臺籍客也曩者雖門人已嘗編集分卷命名印施陝右尚慮其傳之未周及知其中多有舛謬字句由是門人再行編集詳加釀正欲於鄉中募工鏤板普傳四方委丹陽門人靈真子來抱一辯其事一日朱公惠臨圭竇喻予作序予自商理汗椎魯奚足以發揚玄旨固辭弗可遂勉撫先生遇師得道闡化之崖略濡毫燥吻作泐湏下俚語姑酬其請云時大定癸卯歲寧海州鄉貢

進士劉孝友序
嘗聞之得其道則仙可成遇其人則道可得以此知仙之難成道之難得人之尤難遇也彼道家者流例多不遇至人徒學搬運燕漱區區屑屑殊可笑也夫至人之道其甚易知其甚易行所傳於人者豈徒然哉必視乎有仙風道骨又知乎聽風昔之契雖相去數千里之遠必動動懇懇付之道而後已此有以見重陽之於馬公也重陽豈遇至人口傳至道乃結廬於甘水之上既而雲遊山東直抵寧海蓋預知有人可以傳道也一見馬公情契道合其一語一言未嘗不以下手速修為喻然馬公寧海鉅族家貲千萬子孫洗洗雖素樂恬澹亦未易猛擠也重陽乃於孟冬之首鑠庵百日出神入夢以天堂地獄為之警勳又嘗以賜馬公梨一枚詩一篇其後十日索梨一枚分而為二又賜以芋栗各有其數真合陰陽奇偶之妙無非託物以喻意假言而明理馬公一旦開悟以所賜詩頌依韻賡和欣然棄家易於去弊徒矣於是師重陽西

遊汴梁之間重陽既傳道於馬公屬以後事遂尸解仙去馬公果能數暢玄風發揚妙理遠近奉教者不可勝數其前日齋唱詩頌有欲願見而不可得者門人遂收散亡共三百餘篇欲鐫板印行傳之四方偉哉用心之廣也一日馬公門人靈真子朱抱一攜下手選集以求序於余曰某欲刊行斯文意使棲心向道之士諷其言辭味其旨趣以之破迷解惑皆知石火光中雖務速修猶太遲也余聞是言加以素慕全真之風兼目觀其實不能

以鄙陋為拒姑叙其大槩云時於卯歲寧海州東牟鄉貢進士梁棟謹序

夫全真之教妙矣其道以無為為本以清淨為宗其旨易知其實易從然世之人類履之而無終行之而鮮久者何哉以其信之不篤執之不固抱兒女子之惑無烈丈夫之志徒眷眷於大宅不能高蹈遠引而去故也今丹陽先生其能終始足道而得至於仙者歟先生世居東牟資產鉅萬貌偉神秀無一點塵俗氣自總角知書澹手無仕進意混處閭里

德不外耀鄉人以是慕之已而重陽真人徒步出關直造寧海具謂與先生有夙昔之契因警之以詩悟之以詞要與俱遊於八極之表先生始而疑中而信又終而從遂執弟子之禮而師焉一旦撥置家務棄去井邑而偕為汴梁之行無復有繫着念雖使涉危蹈傾

冒艱復困竟志類鐵石確然而不之變也以是而盡能傳重陽公之道若夫陰陽造化之理性命保全之術點化傳度之訣無為清淨之旨靡不洞索而通明之以至於重陽歸真卒赴其託而主其教焉故全真之風於今廣行無智愚賢不肖願從而歸之者惟恐其後

先生事師凡四年而師終師終凡十餘年而又不返則先生離鄉之志可知矣然先生之離鄉豈徒然哉蓋有說在焉僕為先生里人迺得其詳方先生之過也心雖許之從而身未之逮也姑以私第南館名其庵而居一日重陽真人招先生而誨之曰子知學道之要乎要在於遠離鄉而已遠離鄉則無所係無所係則心不亂心不亂則欲不生無欲欲之

足無為也無為為之是清淨也以是而求道何道之不達以是而望仙何仙之不為今子之居是邦也私故擾擾不能息於慮男女教嗽不能絕於聽紛華種種不能掩於視吾懼終奪子之志而無益於吾之道也子其計之

先生乃懼而悟顧而笑即日拂袖去用能斷俗緣剔塵染寂然與物無著杳然與物無累乘雲馭風飄飄為神仙中人矣先生自受師前言而至於了達然不敢嘿然自蓄於胸中特取晴音唱和三帙舉其一以名之曰好離

鄉庶覺諸未悟者必式此以為進道之階噫先生之用心可謂仁且大矣僕敢不竭慮而讚揚之因丹陽門人靈真子朱抱一求序姑序其萬一云大定癸卯歲寧海州東牟鄉貢進士劉愚之謹序

重陽教化集卷之一

終南山重陽子王誥

遺丹陽

一別終南水竹村家無兒女亦無孫三千里
外尋知友引入長生不死門

丹陽繼韻

得遇當歸劉蔣村真人言我在終南山劉點
妻棄妾屏兒孫攀緣割斷雲遊去誓不回眸
望舊門

贈丹陽

只為迎風雀目馬都緣戲水錦鱗魚丹陽先
韻幸遇須當擒意馬忻然作箇化鵬魚重陽
真人曰恨他嘆化逐更其句云只為迎風千
里馬都緣戲水一頭魚丹陽先生玉線牽迴
真野馬金鈞釣出大鯨魚

過仙亭俗山

急急迴頭得得因由物物更不追求見見分
明把箇般般打破優游淨淨自然瑩徹清清
至是真修妙妙中間通出入玄玄裏面細尋
搜了了遠冥幽穩穩拈銀棹怪怪駕般若神

舟速速去超彼岸靈靈現住瀛洲

丹陽繼韻

喜喜蓬頭達達根由永永誓不貪求漸漸歸
于正覺申申燕處優游萬萬塵緣識破專專
志做持修遇遇風仙傳口訣疑疑滌盡更何
搜燦燦不昏幽玉五金光結心心願做渡人
舟累累功成行滿真真去訪瀛洲

拆字口號

哥宜甫丹陽俗是同和髓慧精會得麼一幽
微玄妙處誠須認入庵歌拆字

丹陽繼韻

從教訓鍊沖和訣傳來是恁麼悟妻如活鬼
子心常喜鼓盆歌拆字

五言詩續三

馬相見 詰相應 處處中 做方便

丹陽繼韻

扶風見 重陽總 恰應時 出家便

七言詩續字

人姓馬字宜甫勸便將精緊固稟心依肯自
匡風歡喜庵中住拆字

丹陽繼韻

遇投真辭運甫運甫乃丹陽心緊把精神固
中不說是和非間木金空裏住拆字

贈丹陽

眼蓬頭臉上紅牽烏兔在西東方一得金鄉
覩說伊子總害風拆字

丹陽繼韻

滅尸亡心性紅糸逗引出山東金間隔成玄
寶水三川秀馬風拆字

贈丹陽

我道遙惺復洒秦東海來游治是常許作詩
詞命長生宜甫馬拆字

丹陽繼韻

我本師做滿酒大漑濟如陶冶口傳來最妙
玄上么么風害馬前

贈丹陽

氣相生真喜悅田震地通明哲傳金訣玉科
靈性圓成歸日月拆字

丹陽繼韻

曜相交真自悅中朗徹知人哲傳妙訣性靈

靈采金花捧明月前同

緣丹陽再要展修庵詩作是詩義拼字

居塵屋不須寬假披真處內看擊正堪同步
躡聞不喜再修完初一點尋清淨去三田要
運般上逍遙超彼岸分明了赴仙壇拼起土字

丹陽繼韻

生眼界外便解寬識爭知向裏看現托嬰獲
喜悅觀神氣兩全完來合拚須當拚了那般
得這般載靈光通出入然飛上會星壇拼起一字

三光會合併

扶風且住聽予言語決定相隨去此兒少慮
對公先訴遇難阻飢寒雨露有恹惶處眉
頭莫要聚長生好事只今堪做何必候時數
青巾戴取更衣麻布得離凡入雲霞路功
昭行著真師自肯度

丹陽繼韻

鄉關不住謹依教語脫身要歸去何思何慮
略而分訴任他魔阻丹誠顯露真心定處雲
朋霞友聚修行美事在乎懃做九轉大功數
無中要取箇中數布得瞻眉宇可登雲路性

靈昭著神仙自是度

勸丹陽與弟子運甬和睡

道非常物物和傳心印接金科符俗器皆休
作我塵容好自磨女閉門收本業牛耕地出
高坡膚血肉俱無認辱方能呼馬哥拼起可字

丹陽繼韻

從師勸弟兄和訣長生忍辱科稼甚芽添感
應田惡業頓消磨羊石虎餐瓊葉馬木人上
王坡顯中央真氣結人便是馬風哥同前

贈丹陽

人雖巧怎生通子玉風好去東上十四火焚綠池
漏中金聚見玲瓏紫自飲刀圭出嶺獨登性
命同裏無言公莫怪頭一點發顏紅拼起工字

丹陽繼韻

系不斷性靈通于先收西與東衷金生綠漑
濟中火結得玲瓏蟠虎遠乾坤明白風清書
夜同口相傳唯這箇精鍊氣大丹紅拼起系字

贈丹陽

糸不斷做神仙上清風月正圓念真經無不
應持妙訣謹擎拳當玉簡宜遵禱戴金冠自十五

今天抵般般唯願頌公便得好因緣拼起系字

丹陽繼韻

分卦象是風仙下扶風果未圓訣傳來當養
性魔咄去勝揮拳持象管書符簡射銀蟾耀
洞天道無形歸不二能通得達良緣拼起系字

贈丹陽

上半年分下半年誰知十二箇周天日時亦
有通更改歲月惟無合倒顛會使心中神熠
耀能傳性上壽遷延守功守行真師至度作
遺遺物外仙

丹陽繼韻

尋思急急潤年怎敢因循失補天鍊藥須
教鉛汞結收心不放馬猿顛命燈清爽精光
毓性燭澄明壽筭延功行積成無漏果趁然
作箇大羅仙

贈丹陽

認取這般為的祖休要背爺更覓父會得之
時且小心會不得時大看肚

丹陽繼韻

神是宗兮氣是祖通斯玄妙因師父如今認

得本來真豈敢依前空養肚

贈丹陽

修行先要識傍偏今日分明說與賢認取根
源成了了便教性命永綿綿

丹陽繼韻

從來無黨亦無偏幸遇修真出世賢賜我無
為玄妙訣心清意淨氣綿綿

贈丹陽

四假假合終歸土一箇真靈直上天不滅不
生起達去無為無漏大羅仙

丹陽繼韻

傳得無為無漏果何愁無分不昇天三田清
淨三丹結出自風仙決傲仙

心月照雲溪俗慕山溪

一身之內二物成真寶著意辯三才列四象
五行化造六賊門外七魄莫狂遊八卦定九
宮通功行十分到十分修鍊九轉成芝草八
位上仙知救七祖遠離六道五年功滿四大
離凡塵三清路二童邀抱一歸蓬島

丹陽繼韻

一心離俗二氣調和實清淨聚三光四時花
五方運造斷除六慾不使七情牽持八戒九
關通十載功須到十年鍛鍊九變金光草八
脉總和勻有七聖六丁助道五行咄出四假
不中留禮三清成不二一性投仙島

心月照雲溪

一身得得好把道遙做莫戀色和財又名利
榮華不顧心中逸樂管取絕憂愁處清涼無
熱惱事事成開悟任任住坐卧皆從所玉
訣與金科這兩般頻頻覽觀玄機密妙訣許
自陳明結圓成文四積瑩玉捧入長生路

丹陽繼韻

我今得遇便向難中做決要脫家緣細尋思
不堪迴顧點妻屏子絕利更忘名聲去離鄉關
歸物外稱箇超然悟馬猿捉住修葺真園所
豈敢戀寃親要龜蛇時時厮覷聲去援解其性命
出自太原公掌元初成圓相踏碎根源路

心月照雲溪

無常二字說破教賢怕百歲受區區細思量
一場空話耽他火院剛憊苦熬煎早收心採

黃芽藥就難酬價名山寂靜悄悄實瀟灑斷
念去貪嗔把意馬心猿繫下神清澄淨一點
鎮長明無為裏作功成不許誇軒軒

丹陽繼韻

死生生死鎮日常驚怕忽爾遇風仙便說開
些兒妙話忻然頓覺猛烈棄家緣向無中做
經營烹鍊丹無價投真得趣自是增惺酒方
寸要清涼把塵緣般般放下願神養氣心月
照雲溪處無私憑真實無論亦無詐

黃鶴洞中仙俗喝馬

○ 正被離家遠衰草寒烟染水隔孤村兩三家
你不牽上他馬獨立沙汀岸叫得船離岸舉
棹波如練漁叟停船問行人你不牽上他馬
月照江心晚

丹陽繼韻

火院須當遠塵事難為染因遇風仙棄寃親
做箇投真馬得得起彼岸既達逍遙岸鍊氣
如素練專下工夫分假真做箇惺馬悟道
何愁晚

黃鶴洞中仙

夜宿山村店不覺頻嗟嘆獨自尋思告他誰
只聞得那馬耳畔頻嘶喊國秦兵戈偃頃畝
農夫羨不動槍旗動酒旗你不放他那馬兩
國無征戰

丹陽繼韻

身是精神店無箇人曾嘆舍漏垣賴主翁行
也不見他馬怎得聞嘶喊我悟塵頭偃富貴
無心羨離坎相交玄更玄般運動也馬來往
如同戰

黃鶴洞中仙

真人劉先生法名通全道進號無受子

卜筮詞頻話莫放孩兒耍疾速先須調托嬰
全道馬好把家緣捨一箇真惺酒雲路堪同
跨自在逍遙永廝隨害風馬管取玲瓏也

丹陽繼韻

拯救扶風話逗引扶風要故遣扶風顛更狂
扶風馬家累扶風捨業火扶風酒雲鶴扶風
跨這箇扶風靈更靈扶風馬真稱扶風也

黃鶴洞中仙詠瓦觀

瓦觀泥中寶巧匠功成造修鍊之時向鑪中
內有金光照有耳何曾曉有口何曾道攜向

街前叫一聲莫教拋撒了

丹陽繼韻

瓦瓶真真寶須假良工造十二時中下火燒
自有三光照大肚物能容圓正通明道清淨
法身守護持不敢破壞了

無夢令

船丹陽
坐卧住行有別自是逍遙做做大道本來真
驀地哂中歡悅無說無說勘破春花秋月

丹陽繼韻

人我兩無分別箇內須教空徹管養本來如
漸覺真歡真悅親說親說得見洞天明月

無夢令

春暖迴頭不肯直待九冬洗洗凍得不惺甦
丹藥難為救拯將死將死却覓長生且等

丹陽繼韻

入道休愁不肯迴首不過寒洗一志不榮身
願把衆生提拯救死救死救死心行平等

無夢令

吸盡盞全七椀方把趙州呼喚煮碎這機關
明月清風堪說光燦光燦此日同超彼岸

丹陽繼韻

不論趙州幾椀更不虛全請喚禱告太原公
免了睡魔廝說明燦燦得見長生道岸

無夢令

此日方知顛倒一切因心善造決怨便迴頭
換面更名堪討全道全道正好安排鑪竈

丹陽繼韻

師父說問顛倒別是一般運造外事削來無
便得裏頭專討大道大道清淨身為丹竈

無夢令

詠開棋
下圍碁取樂閒白鳥交錯者好關機度輸贏
憂誰作言作看這番一着拆字

丹陽繼韻

視手談歡樂子觀之迷錯木運玄機箇却為
戲誰作言作怎解搜這着前同

滿庭芳

頌
寬殘餘蒙庵主邀便出黃梁中生秀唯我敢
堪當內沖和九轉般運二氣飄颻颯動樓上
下出入吐光芒映取象滋羊味酒醴俱忘靈
真一點圓照瑋瑋印白蓮秀艷清淨別恁馨

香華靜水前引齋唱滿庭芳

丹陽繼韻

感真人然下訪是得悟黃梁精麥髓弟子謹
供當上田田難種懇告神怎飛颺仙祖初心
善無刺亦無芒而無死毒珠能語句句難忘
懷真寶寶背換珥璋內金花自綻知得別是
清香常謹談妙用不久性芬芳

滿庭芳

莫驅馳公全迺來真性明光誰知得便是水
中霜應相從相見人悟物物俱忘中有華耀
處怎奈被雲藏詳語鏡田起屋震地安房教
認清外別益馨香射崑山片玉風共誰話琅
琅辰動陽佳節金菊滿庭芳

丹陽繼韻

謝王公今身脫田耕出祥光然省悟永內結
鉛霜識塵緣恩愛須當念斷情忘猿退乎者
也從此便潛藏藏堪可用分修尋玉洞金房
通得玄妙知味聞香日逍遙豁暢申處同話
琅琅辰好端午正玉性自然芳

贈丹陽歌

謁扶風庵要住人歡喜心神許前鈴汞卯通
攷後刀圭酉廝助看金飛過曲江蟾玉走超
玄步年四十五輪明月圓光觀公眉宇準規
模使雲霓遮道忤裏白蓮向日開前黃菊重
陽猜暗閃閃輝輝赫燦炎燦燦燦燦燦燦燦
分地戶蟲皆滅現天台傳義相假上人人物
外迴子隨予師禮訪知銀海載蓬萊

丹陽繼韻

時一見相邀住公不阻忻然許子認死心自
灰滅煙消道相助收神氣與精光兀騰騰縱
雲步行伍通五靈心月漸堪觀人巧詐騁機
模也留心難逆忤前子後坎離開闢門為慧
目猜龍建甲金方皓虎起庚木德魂走金飛
通九戶亡蟲滅顯三云傳秘自假他火院便
頭迴乎者也從今罷知別有好蓬萊

四言長篇

一箇朱郎姓也不要思量如不去時彼此清
涼如要去時多搜藥方二人同行路上糞糞
我若獨行依舊飄颺恐公作伴却惹愁腸如
依得我萬事無妨怕甚暮兩懼甚衣霜也無

煩惱也沒恓惶也無妻妾也無爺娘也無財
產也無家鄉任雲住水乞食為長尋師訪道
只繫心香丈夫剛志豈有彷徨今日明日不
保死亡堅心向道陽助吉昌詐心誑道陰降
百殃向道則生背道則亡願公早悟請公細
詳

丹陽繼韻

此箇仙郎得遇忖量始知秘密幹挑炎涼收
聚木德耕種金方伏降我相求乞道糧精宜
牢固神要飛揚道遙堪蕩散盡愁腸蓬魔達
咀無礙無妨懼甚靈靈怕甚嚴霜無煩無惱
無恓無惶戀甚妻妾藉甚爺娘捐棄財產違
別家鄉定無見短決要行長以志為主以心
為香男兒決烈意沒彷徨若是退道即時死
亡身遭苦楚家無言昌水沈下鬼萬劫受殃
形骸俱喪魂魄俱亡立此盟誓請師審詳

贈丹陽

得覽盟言真決烈信心消盡平生業海濱知
友是扶風從今堪可隨王壽隨王壽在兩中
又添一吉字喜齊肩同行同坐各搜玄

水雲遊歷歸何處好向關西謁陸仙
舊知友三箇逍遙天下走無思無慮竟無為
開舒暢飲長生酒長生酒勝醍醐自然盈滿
不須沽常令醉後成顛倒每到醒來任吸呼
任吸呼行正道養就金花玉芝草大家折得
神葦崙超然同赴蓬萊島

丹陽繼韻

得遇修行當猛烈不造新殃消舊業心中疑
網豁然開從今永永師王嘉師王嘉攀齊肩
埋光奮響處玄玄常淨常清龍虎吼忽然驚
動箇胎仙為的友何必尋人相伴走逍遙坦
蕩安何為閉閣恣飲無中酒無中酒賽醍醐
能駐童顏無價沽滌除塵境通頭倒灌漑靈
苗悟吸呼悟吸呼真常道玉中營養金光草
功成紫詔下天來大家同去居蓬島

金蓮堂借頭

家自悟今觀親扶風安手脚未知門戶鬼作
乖疎下如何做人來金相觀秉為誰主風語
汝還嬰兒復炁寶瓶牢固聖說因緣系能結
慕真洪登雲路折起

丹陽繼韻

傳心悟中堪親嬰嬌并女炁會封門戶滅更
蟲銷木相交做事絕財不觀內箇中主從識
汝昇火降自是丹陽堅固往與今來人誰肯
慕子明通玄路折起

報師恩俗端

地仙中仙與天仙認得三田月正圓自己若
能施笑面那人未肯便與拳撒恍弄脚虛粘
地猛烈迴頭合上天若被利名牽絆住十分
失了好因緣

丹陽繼韻

弟兄離解過風仙從此和同喜面圓不習儒
風不叉手便遵道教便擎拳九玄決救離於
地七祖超昇得上天更對師前當發誓化人
修善結良緣

贈丹陽

肩壽方將四十六諸餘於已常知足三田養
取好明珠玉戶收藏真瑩玉休打坐莫行功
捉取身中西與東致使水源千道綠便令心
性一團紅莫亂尋依此做天邊飛走烏和兔

從今識破這玲瓏速鍊行持休暮故搜妙
問玄玄只要心中只自專退已進人功行著
自然脫殼做神仙

丹陽繼韻

重陽師父真三六許我將來為上足玉鑲裏
面鍊精金金鼎中間收羨玉行與坐自然功
斡旋南北與西東香默昏冥火棗白澄清湛
寂水銀紅絕搜尋無作做蓋因傳得真烏兔
閑修雲洞幸知新肯對書窻再溫故通妙
連玄玄謹持謹守謹精專積行累功當開教
虔誠一志繼風仙

折丹桂丹

氣財酒色相調引迷惑人爭忍因斯染患諸
郎中鬼使言你且儘不須把脉休頻診死病
今番準這迴須去不推辭復勾追文貼緊

丹陽繼韻

父師痛教頻頻引在俗心寧忍須當酒色氣
財捐到如今有甚儘沖和氣脉何勞診一志
修行準參隨鶴駕縱雲遊離鄉關心意繫
折丹桂

近來陰府心寒凜對判官詳審高呼鬼使急
擎拳不凌遲更待甚饒湯浴過鐵床寢銅汁
頻頻飲高聲禱告且饒些後番兒不敢恁

丹陽繼韻

養家想著心先凜何必重重雷殘軀已過下
坡年不灰心更候甚家緣擊下安然寢飢渴
求餐飲天機秘訣暗傳來外琢磨直要恁

折丹桂

宮風故著言談引全道應難忍榮華攀受已
捐除縵調和教你儘好將心脉時時診道服
須支準前篇詞意請消詳這番兒催得緊

丹陽繼韻

父師不住威言引弟子忻然忍尋恩世事悉
皆空不灰心且自儘悟來八脉閑調診虎嘯
龍吟準修完性命敢遲遲念前程生死緊

勸丹陽戴青布華陽巾

於家心堅久於家未脫離都緣三字絆使得
一身疲怎識鉛和汞難分坎與離青巾如戴
起方認紫雲芝

丹陽繼韻

七四

二十六

慧劍揮三子家緣要出離不教形體苦肯使
氣神疲專志搜鉛汞留心認坎離青巾歡喜
戴清淨種靈芝

見丹陽母和詩詞篇篇猛烈有凌雲
之志然未識心見性難以為準故引

古詩云

一種靈禽舌軟柔高枝獨坐叫無休聲聲只
道燒香火未必心頭似口頭

丹陽繼韻

口善心慈性亦柔萬種塵緣一旦休若是心
口不相應願受鐵鉗拔舌頭

贈丹陽

三移床三更飯為題絕句

故把床移飯改移三三如六怎生知教公會
得雙關事雪裏瓊花總是誰

丹陽繼韻

能可移山志不移蓋因玄妙頗通知雙關未
曉須求告除了師父更問誰

警丹陽夫婦

堪嘆人人憂裏愁我今須畫一骷髏生前只
會貪冤業不到如斯不肯休

七四

二十七

丹陽繼韻

得遇來來散盡愁忻然更悟這骷髏從今便
是逍遙客打破般般事事休

重陽教化集卷之一

重陽教化集卷之二

文五

終南山重陽子王希撰

玉女邀仙輩

終南一遇醴邑相逢兩次凡心蒙滌便話修持重談調攝莫使暗魔偷滴養氣全神寂冥逍遙自在閑閑遊歷覺清淨常行允迪應用刀圭節要開劈三田會靈明結作般般光輝是勸先向天涯海畔訪友尋朋得箇知音成閑直待恁時相將同步處處嬉嬉尋覓暗裏矚矚檄觀你為作如何鋒鏑會舉箭張弓對敵百邪千魅戰迴純哲無惑感方堪教可傳端的

丹陽次韻

我今得遇把氣財并酒色心中常滌縛馬擒猿牢封緊閉唯恐精光觀滴漸漸知空寂况余今已向下波年歷當歸道相宜進迪俗念塵情慧劍頻劈憑師教通關節要功夫懃懃妙勸調引烏龜赤鳳般運青龍白虎同成幽闌箇內得乎真歡真樂更不閑搜閑覓應自然符檄烹鍊三丹靈鋒鳴鑼使散盡妖魔罷

敵永成嘉趣性增明哲無憂感蓬萊路幸知端的

香山會

白光生青燧至紅輝總好騰玄耀妙黃深與般般彩色把明珠覆盡晴空外來往仙道封成永號便安

玉皇宣誥雲霞裏上真唯到香山會聚發瓊言闡道同歸去長住三島

丹陽次韻

木金交天地活真真漸好澄清湛寂深通與祥光瑞氣把丹砂覆盡方知得人能弘道仙承妙號定是受金書誥玄中妙淨中來到心通意曉這天機大道當行教薦赴蓬島

贈丹陽

這箇為根本靈元要至誠搜真物外景滅盡世間情四序傳中氣三光在上明如通顛倒法何慮不圓成

丹陽繼韻

風仙來化我萬荷啓丹誠認正本師教焉能著世情心中無罣碍性內得圓明永永常清

淨仙名稱道成

化丹陽

凡人修道先須依此一十二箇字斷酒色財氣攀緣愛念憂愁思慮

讀晉真人語錄

大凡學道不得殺盜飲酒食肉破戒犯願

知丹陽喫酒贈頌

道成尚喫酒豈惜千年壽訪飲若依前不過四十九

丹陽繼韻

誓戒糟漿酒玉液增靈壽凡聖兩俱忘得真九九

今丹陽下山權與陸仙作伴

我行符水公修藥餌一居山一居鄴市兩處崇真暗相洽即非彼此無為扁共成不二扶風儒士同為教旨辟得正上合天意行滿功成去蓬萊却尋舊止如今且休言異寄

丹陽繼韻

風仙符水陸公藥餌兩處住一山一市遺鈺居鄴敢相違便當離此懷真一難為有二乎

非秀士道通與旨認根源伏降心意縛馬擒
猴覺狂遊鳴聲便止休相侮假身是寄

七寶玲瓏

人人每日問我要求玄你便待做神仙四四
一十六箇字二十八字在眾賢會得之時也
未然既要修行先念樂花蓮次棄了冗家緣
物物拈來俱不染打破般般出上田一道光
明入碧天

丹陽繼韻

至愚至魯怎曉妙中玄便再拜告風仙口訣
全身長丈六二十八宿會聖賢此理方知合
自然坎虎爲龍蟠繞五方蓮漸漸得好因緣
大裏木人能採藥海底泥牛會種田迸出靈
光入洞天

金鼎一溪雲

對月成詞句臨風寫頌章一枝銀管瑞中祥
隨手染清涼玉洞門開深淺寶樹花香篆
蓬萊仙鳥是吾鄉宴罷後瓊堂

丹陽次韻

淨裏傳章向清中悟句章通玄達妙得嘉祥

自是絕交涼玉戶三封清淺金鼎一溪雲篆
蓬瀛方丈是家鄉卧月醉雲堂

上丹霄

向終南成遭遇做風狂便遊歷海上嘉祥閣
閑得得任從詞曲作詩章自然神氣共交結
認正心香真清淨唯清湛還清徹處清涼赤
青黑白又兼黃五般彩色近來團圓寶珠光
這迴應許碧霄上明耀無方

丹陽次韻

遇風仙心開悟騁顛狂熱妻屏子使迎祥道
遙坦蕩恣情吟詠謾成章就中行化否知友
同共聞香烹丹鼎下丹結中丹熱大丹涼不
須鍊白更燒黃自然玉性萬般霞彩射人光
上丹霄去住蓬島水永圓方

踏雲行激發丹陽

東海汪洋西山詳審金鈞釣得歡無恁一頭
沾樂大鯨魚萬鱗燦爛鋪白錦隨我遨遊水
雲信任青山綠水相過甚張公喫酒李公來
李公奪了張公飲

丹陽次韻

懇告玄言師前重審傳來秘訣元來恁方知
我是一龍魚養鱗晃日如鋪錦坦蕩無拘道
遙恣任利名識破千求甚專歸物外下功夫
清心淨意刀圭飲

四果頌

果來海角天涯果應師旨夷希果得前生知
友果然合我心機

丹陽繼韻

因遇波離海涯因悟怨事用希因得風仙至
理因曉天發殺機

贈丹陽

爲人須悟塵勞汨清淨心中真寶物奪得驪
龍口內珠便教走上崑崙窟

丹陽次韻

心昭性著無塵汨識得元初至真物參從風
仙雲水遊將來決住三山窟

憶王孫誠丹陽語言

人云口是禍之門我道古爲禍本根不語無
言絕討論性難昏便是長生保命存

丹陽又韻

方知口是是非門緊閉牢藏吾禍根訓我無
言更不論削迷昏性命從今永永存

引丹陽上街求乞

白為骸骨紅為肌紅白粧成假合屍昨日盡
呼重陽子今朝都看伴哥兒別軀異體皆非
悟換面更形總不知世上在鋪千載事百年
恰似轉頭時

丹陽繼韻

火風地水合為肌只是愚速走骨屍幸遇風
仙修道德致令馬鈺棄妻兒玄機傳向心中
悟妙訣投於性內知直指秦川雲水去暗修
功行應天時

街中求乞

圈眼王三乞覓時被人呼作害風兒五般彩
色於身見一點光明只自知貼觀已收八句
字指期須顯七言詩長街兩面諸家富不道
蠶歸是阿誰

丹陽又韻

因緣緣合正當時師父來尋物外兒傳得妙
玄唯自悟暗修功行望天知上街求乞辭家

計下筆揮成捨俗詩除了譚公并馬鈺後來
惺洒未知誰

踏雲行

昨日青巾今朝紅角脂腮粉面別軀殼改頭
換面有誰知更形易體無人覺奉勸諸公詞
中想邈百年迅速如雷電早為下手鍊精神
頓安鑪竈成丹藥

丹陽繼韻

因遇風仙頭分丫角從今陡頓忘形散攀緣
愛念上心來被予慧照先知覺景滅澄明道
光遙邈鑪中露結靈靈電功成專待紫書來
胎仙捧出長生藥

激發丹陽

百日高門非顯功只圖足下出凡籠癡頑縱
有長拖戴決烈全無沒始終公意休令時復
想我心不與日前同大家相見如新語歡喜
分離西又東

丹陽繼韻

相親師父聖傳功感謝提携已出籠但願有
鄰而有德休愁無始亦無終時聞只見塵埃

昧日久方知志氣同莫把山侗容易捨忍將
宿契各西東

挈丹陽居崑崙山煙霞洞因心未死

于是感疾患偏頭痛其痛不可忍有
若斧劈令其下山在家調治其痛愈
甚有人上山報云某來時馬先生已
痛死聞之因鼓掌大笑曰我來欲化
為神仙肯教死了為他不信感此疾

有詩云

清淨修行合上真敢將此語昧天神為公不
信偏頭痛顧我無緣正法親苦口怎知良藥
味甘心猶戀入迷津如今轉入塵勞夢難做
惺惺睡覺人

丹陽次韻

專心專認本來真修鍊精光氣與神既悟雲
霞為伴侶肯思兒女結冤親摩開世網繫開
路躍出凡籠跳出津極謝本師深教悔不磨
不琢不成人

聞丹陽欲上崑崙山以詩寄之

公住山時我下山我心終是厭愚頑斷絃無

續寧成曲覆水難收已不還昔日謾傳千口
氣經今轉隔萬重關不如只作塵勞客相見
之時免厚顏

丹陽次韻

戀他愛海與思山豈覺癡心忒然頑深謝風
仙相引出莫愁馬鈺却歸還要登雲路開瓊
路牢閉金關闌玉關京鍊大丹丹不漏自然
得見內容顏

鍛鍊丹陽財色心

從今休更問修行怎奈燈蛾戀火坑既是鑿
開赤鳳髓已知走了黑龜精般般見處非無
意物物拈來總有情前有深潭闊萬頃如能
跳過得殘生

丹陽繼韻

悟來一志在西行趨避家緣罪業坑心淨緣
擒猿與馬神清因鍊氣和精身如野鶴無些
事性似孤雲有甚情參從本師歸物外逍遙
坦蕩證無生

詩與丹陽

猶豫猖狂忒軟頑如今難以舞胎仙我機狂

設三千里公罪重增十百年歡喜定將煩惱
對憂愁只與是非牽姓名已錄鄴都部他日
臨頭怎奈賢

丹陽繼韻

不開不悟騁愚頑省覺來來志在仙道眼剔
開能久視塵心灰盡得長年使擒猛虎水中
戲却把蛟龍火裏牽異日功成歸上界與師
同處自然賢

余在煙霞洞與丹陽抵足同眠向曉

因令丹陽舒過手來揆我後腰間近
日生起亦有半指厚緣我急圖爾等
作黃鶴洞中山

有箇害風兒海上尋良价只為心頭忒緊圖
意馬隘惹出渾身赤款款細枝求日月年時
賽遂得中央四寶珠祿馬快走入關西界

丹陽次韻

三髻馬山侗未稱真奇价恣縱心猿放耍顛
馬兒隘惹出吾師赤驀想死生危宿世因緣
賽寶內忻然占一珠馬風快奔赴秦川界

余在崑崙山趕丹陽下山不要同處

後令丹陽燒誓狀以詩贈之
擲下金鈞恰一年方吞香餌任綸索玉京山
上為鵬化隨我扶搖入洞天

丹陽繼韻

風仙化我已經年悟徹吞鈞任線牽參從本
師雲外去功成決上大羅天

藏頭詩

德新芽別有由端詩曲愛藏頭黃合醬醬
粒菘和酷作麴仇轉丹砂隨日旦靈真性覺
風流清日現澄堪誼甫相從上玉樓丹陽俗字宜甫

丹陽繼韻

向妻男取解由園付與便回頭方風送當歸
旦志真修合避仇我俱忘得因果金運轉逐
清流中養火生祥雲散斜陽返照樓城起字

藏頭詩

時甚物得追陪耳香瞻四事惟是人非靡莫
管高官顯更休猜腫認取金烏赫氣騰赤玉
兔材火銀泉相溉濟心箇箇到蓬萊城起字

丹陽又韻

來往往日相陪設方知性上誰我俱忘無俗

念神安靜得真猜龍爪拓靈靈伯虎口吞燦
燦材秀金生光彩結人決要離東萊前

無夢令 藏頭

趁心頭事少綻玉花不老要認良時豔分明
北道腦腦返餐芝草早起

丹陽繼韻

載憂多歡少所謂父母併遇修仙無老者離
家緣蟻穿珠通道腦首腦郎田生瑞草早起

歌贈丹陽

神為宗子氣為祖不須紐捏鳴天鼓常交龍
虎往來行引動胎仙自歌舞歌得喬舞得喬
誰人解得此般喬領天男長天女不藉榮華
棄田土也不餐也不睡不須穩不須被惺惺
洒洒離凡地又似癡又似俏本來面目須明
曉曠代劫來無箇知只知名利是便宜你休
嗔你休喜今日分明說與你雲中清雨細如
絲滋潤靈苗在根底

丹陽繼韻

頭分丫髻尋宗祖手拍肚皮打喬鼓反老還
童見本源兩脚輕狂街上舞行也喬坐也喬

喬來喬去似玉喬也無男也無女也無妻妾
并田土飢來餐困來睡也無穩也無被自在
逍遙只恁地半似癡半似俏半癡半俏無箇
曉自家自得自心知不問人前宜不宜任人
嗔任人喜人喜人嗔誰采你落鬼婪耽恣意
喬喬話風狂直到底

重陽教化集卷之二

重陽教化集卷之三

終南山重陽子玉誥誤

紀夢

古道心中性三田用內觀九文陽極數一字
了然看開德神應奕扶風氣自團於子真有
助精糧入雲端

丹陽繼韻

內境勝外境如何向裏觀不勞雀目視須用
慧眸看丹藥清消秀神光燦燦團九重陽焰
捧真性自然端

遇仙槎

鰲魚海裏遊首尾長搖擺百日下午金鈎釣出
蛟婆界應無離水憂鵬化扶風快隨我上青
霄同赴龍華會

丹陽繼韻

迷迷苦海遊緣甚塵拋深謝本師鈎釣向
關西界心無喜與憂化道崇真快未敢上丹
霄且結金蓮會

風馬兒

意馬擒來莫容縱常隄備噶滿瑠玳被槽頭

糊穠相調弄蹄攢身舉早臨風瑤滴瑤玕
上韁兒緊纏鞋這迴你瑤滴瑤玕待馴良牽
歸白雲洞道遙自在更不肯瑤滴瑤玕

丹陽繼韻

意馬顛狂自由縱來往走瑤滴瑤玕更加之
心猿廝調弄歌迷酒惑財色引瑤滴瑤玕幸
遇風仙把持鞋便不敢瑤滴瑤玕待清清堪
歸雲霞洞渾身白微再不肯瑤滴瑤玕

趕出丹陽不待在金蓮堂住當日令

上街求乞

分梨十化是前年天與佳時主自然為甚當
初不出離元來直待結金蓮

萬年春

十化分梨我於前歲生機構傳神秀二人翁
毋待教作拿雲手用破予心笑破他人口從
今後令伊依舊且伴王風走

丹陽繼韻

悟徹梨分常清常淨新營構神添秀食其真
毋展出拿星手從此收心磨琢慵開口道前
後始知元舊叅從風仙走

報師恩

言云語莫聽聞眼味香不屬君內滅除人我
相前無有死生分圭和合憑三照水焚燒按
九變又武平清淨出頭臨月弄祥雲

丹陽繼韻

云言語已曾聞下山侬再告君訣傳來成造
化情咄去沒毫分圭爛飲醮醮醉卯相吞燦
燦雲義顯彰真寶球京山上箇眼雲

詩藏頭

詢修煉好追尋寸塵光寸寸金得果成無漏
果分音韻有緣音輝月耀三田陰魄陽魂九
轉臨位玲瓏真性鈺花臺上倚瑤岑

丹陽次韻

次祖宗決要尋珠出自玉和金靈玉貌當窮
究轉金丹證好音裏金澄心地明中玉瑩性
光臨傳玉印金科訣透玉金結寶岑

蓬萊閣

溟溟今忘了登飛閣登飛閣人自省身居銀
廓能俱養靈丹藥樣穩駕銷諸惡銷諸惡頭
一點肯教字落

丹陽繼韻

漠沈滌蓬萊閣蓬萊閣浮動撼搖瓊廓鐘鍊
丹陽藥鎮日精神惡精神惡狂得訣無墮落
和韻

清清淡淡漂漂運轉蓬萊閣蓬萊閣盈盈箇內

即非凡廓炎炎火鍊起昇藥時時虎嘯龍吟
惡龍吟惡真真驚起永無沈落

和韻

雲煙漠往來浮動蓬萊閣蓬萊閣虎龍蟠遠
飛昇靈廓自然結就金丹藥豆初真性難生
惡難生惡功成行滿得歸碧落

青蓮池上客

鑠尸真成也百朝惺酒冰餐非苟且玄妙就
中起鞦韆馬時粘惹恩愛俱齊捨鬧游治教余
同幽雅仙子共成修寫馬明星下

丹陽繼韻

財寶俱捐也憶些瀟灑真修無苟且調暢自
然舒鞦韆馬回公惹鐘鍊丹難捨功如冶山侖
成清雅神彩莫能摹寫馬天高下

青蓮池上客

元初一得從初遇便端正昭彰著轉作重陽
晨彩照晴空來往碧霄堪住瓊馬駙引入長
生步靈光不動神光聚便積簇銀霞護滿揮
金花頻返顧青衣鸞鶴共同來赴瑤馬駐般
在清涼路

丹陽繼韻 文六

馬風忽爾風風過自然得昭然著協氣橫橫
和氣煦永鈿交結虎龍蟠住玉馬駙相叟雲
霞步根源寂寂靈源聚元神顯天神護道可
成金丹可願青蓮池上客來同赴金馬駐直
入蓬萊路

青蓮池上客

巨初獨許能騎坐這駿駟從牽拖直走盤旋
雙慶賀三山骨健力筋偏大馬輔佐萬文洪
崖過謝伊馳出深坑禍銜玉鑾金纓揮喊霧
嘶風遊水火月華前面四蹄輕鎖馬負荷與
我成因果

丹陽繼韻

將來一志環牆坐沒水漉并泥拖且望何須
人拜賀有心做小無心做大馬自佐鎖鐵從

前過淨清力壯無災禍見祥雲奈頭驛玉戶
金門封燭火青蓮池上客來開鎖馬感荷得
得真功果

青蓮池上客 上元看 雜登卷

上元景致真堪看更片片行雲散現出天如
青玉案放開心月惹燈明照兩曜交光燦
粧七寶玲瓏煥把性燭當中按一對金童呈
手段瓊杆推轉順風歸去輒入蓬萊觀

丹陽繼韻

元宵內景閑閑看見雲霧風吹散洞裏天晴
如碧案一輪心月十分明更性燭非常燦靈
臺結箇燈毬煥慧照中間按不使三尸分片
段青蓮池上客來推要輒入長生觀

黃鶴洞中仙 俗下 雜子

卜算詞中算卦象分爻象海島尋知友來
堪把扶風喚莫怪頻磨難只要公明燦決定
堅心沒惱愁永結長生伴

丹陽繼韻

得遇無思算自是能明豕極謝風仙特地來
把我專專喚要脫輪迴難鍛鍊神光燦真樂

真歡不沒愁願作雲霞伴

黃鶴洞中仙

暗裏修持做不合名張露却使人人轉敬歛
所以難疑停住謹對扶風訴結伴關西去卓箇
庵兒與示行功同步煙霞路

丹陽繼韻

清淨功夫做自是生玄露密酒靈由既紫芝
漸覺氣神住謹謹須當訴決定參隨去物外
勤修六藥成同入蓬萊路

黃鶴洞中仙

修鍊不煩忙自有人來遇已與白雲伴伴倚
常作詞和賦淨裏轉恬然歡喜迴光觀一箇
青童立面前捧出長生簿

丹陽繼韻

知味又聞香因得非凡遇更說祖師兩箇來
教我修行賦一志訪秦川鄉井寧迴觀火滅
煙消心死灰名掛神仙簿

黃鶴洞中仙前後各唱馬一聲

趕退日中烏捉取月中兔便著日光照覆了身
金馬住方是重陽做交位顯真功換質成真

趣到此還知自在遊玉馬去走入雲霞路

丹陽繼韻

癸卯到人間本是非凡充因為玲瓏罰下來
馬氏住願再修行做復遇害風仙傳得深
趣黃鶴洞中仙道成馬風去直指蓬萊路

黃鶴洞中仙

一疋好驊騮精彩渾如畫却被銀鞍縛了身
著絆馬怎得逍遙也不若騁顛狂掣斷韁無
掛擺尾搖頭脫轡違做野馬自在成遊冶

丹陽繼韻

一箇本來容妙手難畫風貌清嚴神彩英
無意馬永安閑也浮利與得名心上何曾
掛黃鶴洞中仙子成乘雲馬出入常遊冶

黃鶴洞中仙

信任水雲遊快放靈猿要要去隨霞窓宮風
乘良馬穩坐香羅帕南北與東西選甚高和
下處處來過得自如呈弓馬會把明珠射

丹陽繼韻

因遇出器塵終日常顛耍狂舞狂歌任自然
無意馬收得靈靈帕真水涌來高真火降來

下黃鶴洞中仙要成扶風馬兩曜交光射

黃鶴洞中仙

此箇真真也瑩徹靈臺也出入虛無縹緲間
騎風馬信任飄飄也占得惺惺也光耀明明
也來往晴空碧落中乘雲馬自在逍遙也

丹陽繼韻

大悟明明也大智閑閑也大道行行應自然
風風馬永永逍遙也大水高高也大火炎炎
也大藥輝輝是寶瓶真真馬馬得得長生也

黃鶴洞中仙

與化時說
與坎等
初見青銅劍戶內曾加點木上安來出一絲
乾馬占客後隨風颭得此修行漸日日頻頻
檢暗喜歡時只自知天馬膽與我長生驗

丹陽繼韻

傳得清虛劍心內深深點木上金絲來往牽
馬風占更把風搖颭卦象常推漸功行時時
檢黃鶴洞中仙要成馬風瞻日有真靈驗

黃鶴洞中仙

與坎等
算詞中話上甘津酒養靈煙火養蓮意馬院

俱齊捨內丹無價在山邊掛有屯蒙王線縫
野馬月同安下拆訣

丹陽繼韻

日風仙話我惺惺洒去關西闡妙玄么馬宅
須當捨利子無價事心難掛德方而著德圓
口馬月齊高下拆起

玉鑪三澗雪

決烈修行要猛存亡莫擬先生心田可否自
親耕休賴他人僥倖出離須憑福幸捨家迷
裏難行空宵愁起滴長更尋甚金山銀鑪

丹陽繼韻

大院出離勇猛發心急救殘生丹田難仗本
師耕豈敢常懷微倖得遇明明有幸通玄暗
暗懃行便教日午打三更玉裏掏開金鑪

玉鑪三澗雪

引卧於寧海將宜甫為憑交霞友做雲朋朋
分明為證定便除色欲神玄化清澄昇火降
兩相吞內敢言游泳拆起

丹陽繼韻

別鄉闡寧海持真實為憑懷三教作良朋內

日光為證悟清淨淨知湛湛澄澄中養火
虎龍吞訣傳來游泳前

黃鶴洞中仙真

北看余燈鍊陽周鏡照他人返逼驅兒省下
清中瑩藍出銀缸面菱花靜似鞘光不騁馳

兒惺內觀真景折定

丹陽因燈有自悟謹繼前韻

裏悟傳燈鍊真如鏡把光輝滿載驅風省視
風輪瑩內顯瓊缸面靈童靜肯焚塵復載馳
風惺月仙家景前

定風波

萬萬人中這箇人忽然自悟說良因恰似白
蓮花一朵尖新泥沙脫了出迷津邀住清風
開歎臉朗窺明月作毗鄰住向空中勝馥郁
靈真此時占得四時春

丹陽繼韻

做箇逍遙出世人都緣傳得好根因收聚瓊
花香馥郁新新自然不住飲甘津便把虛無
常伴伴更將清淨永為鄰貪養胎仙室者假
真真真真能占萬年春

越彼岸

凡躋莫藉把惺惺了了自然明明構架行住
坐卧須要清清閑暇氣神和結成珠堪教化
張弓舉箭前能親射紅心正中趕退周天卦梁
貼中間進出霞光無價五行遠脫陰陽超造
化

丹陽繼韻

家緣不藉遇風仙傳得修補清虛之架懶裏
尋慵懶裏更尋閒暇上街來除我相先乞化
木人箭指雲溪射覺正中周天通明八卦見
粒粒丹煉爛果然無價水雲遊訪秦川行教
化

三州五會化緣榜

竊以平等者道德之祖清靜之元首看萊州
終歸平等為玉花金蓮之根本作三光七寶
之宗源普濟群生遍拔黎庶銀藍冲盈於八
極彩霞蒸滿於十方漸生良因用投吉化有
緣因蒂無果重生人人願吐於黃芽箇箇不
遊於黑路夫玉花者乃氣之宗金蓮者乃神
之祖氣神相結謂之神仙陰符經云神是氣

重陽教化集卷之三

之子氣是神之母子母相見得做神仙起置
玉花金蓮社在於兩州務要諸公認真性養
真氣諸公不曉根源盡學旁門小術此乃是
作福養身之法並不干修性命入道之事稍
為失錯轉乖入道諸公如要修行飢來喫飯
睡來合眼也莫打坐也莫學道只要塵凡事
屏除只用心中清靜兩箇字其餘都不是修
行諸公各懷聰慧每齋場中細細省悟庶幾
不流落於他門功行乃別有真功真行真真
人云若要真功者須是澄心定意打疊神情
無動無作真清真靜抱元守一存神固氣乃
真功也若要真行者須是修仁蘊德濟貧救
苦見人患難常行拯救之心或化誘善人入
道修行所行之事先人後已與萬物無私乃
真行也伏願諸公早垂照鑒

後序

太上有言曰吾所以有大患者為吾有身及吾無身吾有何患蓋古之至人尚且以身為累況於其身之外者乎且家盈百口徒益勞生室累千金難逃化物可不諦惟泡幻漸遠世緣故當滌去根塵獨露全體其有寂心暫住熟境未除火宅炎徒起亡家之念仙都杳杳妄與脫屣之懷不念玉蕊金蓮豈產行尸之腹瑤臺絳闕肯容詖痔之人自非澡雪神情捐棄塵累則何足以仰膺師訓深造道樞從乎汗漫之游達彼逍遙之趣惟我丹陽真人冰清玉立淵渟谷虛視富貴如涕洟等聲名于桎梏嘗遇重陽真人親受秘旨所謂目擊心會色授神與者矣而重陽公又復著為詩詞發明真要丹陽公隨機酬和如響應聲前後僅數萬言辭質而義明言近而旨遠其勤勤懇懇如此者蓋欲指示學徒易為開覺故也其門人靈真子朱抱一等相與哀集編次計三百餘篇離為三卷嘗請諸其

師而名之曰下手邊曰分梨十化曰好離鄉集既成一時修真之士共珍秘之惟恨得見之晚一日其門人靈元先生衛公攜所謂靈真子朱抱一者奉是集而來謂余曰此吾之師重陽丹陽二真人唱和集今好事者傳寫之不暇竊惟此編真詮妙論了見古人直截下手處實為昏衢之指南儻獨擅于已而不廣其傳者不惟有負吾師著述之意亦豈仁人之心哉有志于道者誠所不忍也吾將刊本以貽諸同志前此雖已有總序子其為我各為之引滋辭以不敏非特不足以發揚玄奧恐適以為贅疣之累耳況此集一出將見如夜光尺璧紫芝瑞雲璀璨燦爛人爭先覩之為快又豈復俟茲為之引而後顯耶衛公曰有是玄哉且子亦嘗游吾師之門嚮聆吾師之論議者屢矣吾且以子為頗造其闢闢者竊謂子必喜為之而吾與子復有平昔之好故以吾為介期子之不我拒也豈意適自謙抑誠非所望焉雖然必強為我

著之既不獲請滋逶伏而思曰惟二師之教章章然著在人耳目故不待傳而傳矣念衛公者昔以詩書世其家實好學能文之士方年少時藉藉然有聲於場屋間晚節養高自晦甘於恬退不妄然諾今從丹陽公游鄉里所共好之滋亦嘉其信道之篤而靈真子朱先生意復益堅故不敢復讓勉留其所謂好離鄉集再四披繹大率皆以剗心遺形忘情割愛畜神挫銳體虛觀妙為本其要在拯拔迷徒出離世網使人人如孤雲野鶴飄然長往擺脫種種習氣俾多生歷劫攀緣愛念如冰消瓦解離一切染著無一絲頭許凝滯則本來面目自然出現此全真之大旨也而凡夫之性計我我數人人違心高自認賊為子不識本源徒自執著虛妄流轉觸滄生無有窮已為可憐憫故因目是集為好離鄉將使學人因文解義離其所染者離其所愛戀徧離一切諸有以至於離無所離之離真清真淨無染無著至實相境界則舉足

下足無非瑤池閻苑矣一至於此則前所謂吾有何患者果何有哉愚之妄意以為如此因撫此而勉為之序其他則備見於後總序此不復紀登州黃山王滋德務述

重陽分梨十化集序

交七

丹陽先生系出扶風大辨之宗親也家資鉅萬子孫說說自幼業儒不偽利錄謹性好恬澹樂虛無嘗謂其人曰我因夢過異人笑中得悟大定丁亥秋果有重陽真人別終南遊海島欲結知友向赴蓬萊共禮本師之約東抵寧海首往范明叔之過仙亭丹陽繼至參謁真人一見驩然昔傾蓋自擊而道存知丹陽夙有仙契遂丁寧勸以學道修真丹陽識其誨海敬請真人詣至郡城居之南庵命其名曰全真日夕與之講道於其中必欲丹陽夫婦速修持棄家緣離鄉井為雲水遊其初夫婦易從也真人誓鑠庵百日是孟冬初吉賜渾梨令丹陽食之每十日索一梨分送於夫婦自兩塊至五十五塊每五日又賜芋栗各六枚及重重入夢以天堂地獄十犯大戒罪警動之每分送則作詩詞或歌頌隱其微旨丹陽悉皆酬和達天地陰陽奇偶之數明性命禍福生死之機由是屏俗累改衣冠焚誓狀夫婦信嚮而師焉逮己丑歲從真人西

歸至梁汴間居閱歲真人蟬蛻仙去丹陽盡傳其道迺與其徒西走終南訪真人舊隱築環堵而居之十稔宗闡其教徒弟雲集不可勝數歲在壬寅丹陽飛錫東來復還鄉邦一日語諸門人曰真人乎昔著述已有全真前後集又其遊吾鄉時所著類皆玄談妙理哀集得三百餘篇分為三帙上曰下手蓮中曰分梨十化下曰好離鄉此集關西雜已刊印然傳到鄉者何其罕邪門人共對曰真人向至寧海化師父寔其根始他處尚且刊行况鄉中乎當重加校證編次亦作三帙命工鏤板以廣其傳丹陽門人靈真子朱抱一携是集訪余謂余曰鄉老先生范趙劉三公已作總序每帙別求為序引余答曰僕方且對燈窻事雕篆以謀進身繼纂裘之緒得無媿於忘名利出塵世者乎然自謂為兒童時素識丹陽有慕道之心又親覩真人鑠庵勸化之事不能以淺陋辭因留其分梨十化一帙故樂出是言庶使四方嚮道之士知全真之教有利於人也夫若夫二先生戒勸之文神

異之跡其他記序歌詩載之已詳姑叙其丹陽夫婦出家入道之本末云時大定癸卯歲寧海州東牟鄉貢進士馬大辨謹序

重陽分梨十化集卷上

終南山重陽子王詰謨

水雲遊

且住且住十月小春當宜鎖戶一百日鍊就重陽也並無作做渾身要顯唯真素掛靈明紙布信任他走玉飛金自恬然不顧

丹陽繼韻

不住不住火院當離深宜別戶害風仙化我高門這修行須做腥羶戒盡常餐素掛體唯麻布待百朝鎖鑰開時效吾師內韻

贈丹陽絕句

成一今朝正一時渾梨滋味忘生知若能會飲西江水直與王風緊廝隨

丹陽次韻

風仙成日鎖庵時賜我渾梨味頗知心已離家雲水去道通秘奧虎龍隨

水雲遊

玉性玉性玉鎖緊嚴金關牢釘玉房深百日清清玉輝光一併玉匙開闢通仙徑玉門中傳令玉童來便許金真玉皇宣已定

丹陽繼韻

玉性玉性玉戶牢封金門緊釘玉房中見箇驪龍玉虎來吞併玉關能啓通捷徑玉童傳宣令玉皇天至矣無私玉詔令審定

贈丹陽夫婦

唯公芋栗兩般餐道味應同此味甘六六正當呼十二前三三與後三三

丹陽次韻

芋栗今朝喜得餐滋味如同玉液甘箇內修完三十六世上爭知十有三

贈孫姑

二婆猶自戀家業家業誰知壞了錢若是居家常似舊馬公無分做神仙

贈丹陽夫婦

十一離分馬秀才直須款款認頭迴三塗苦楚安排放兩坭泥團總不猜棚下冷言無活計樓頭暗應沒家財願惺願悟休相喚便是教賢出得來

丹陽繼韻

風仙得道稟高才落筆成章釣我迴一性不

文七

教塵裏味三光須向箇中猜真心悟後忘人
我慧眼開時棄色財今日又知離子味有緣
拂袖不歸來

贈丹陽

肯上葫蘆酒滿沽無中却有有中無清光滑
軒般般識月裏瓊林永不枯

丹陽繼韻

瓊漿玉液不須沽舌上甘津不暫無傳得風
仙澆灑法靈苗慧草永難枯

贈丹陽夫婦芋栗

○ 栗子前來看芋頭二人共食過重樓三三便
得三三味六六須知六六由用劍能揮身外
影將針會捉水中漚饒君做盡千般計怎免
荒郊一土丘

丹陽又韻

從今垢面更蓬頭不憶歡歡舊酒樓趁避家
中冤業債追陪物外好因由嗟身有似風前
燭歎命還如水漚得遇修真生正覺免教
一性卧荒丘

水雲遊

思算思算四假凡軀千甚廝說元來是走骨
行屍更誇張體段靈明慧性真燦爛這骨骸
須換害風子不藉人身與神仙結伴

丹陽繼韻

思算思算妻妾兒孫休來戲說這冤親繫脚
繩兒宜一刀兩段靈源悟徹元燦爛這一番
更換馬風子辭別家鄉與風仙作伴

分梨詩

三塊滅三塗人人一二舖味能枯北海香會
透西湖玉浪溶溶滾金波密密鋪恰如文義
○ 顯全在者之手

丹陽繼韻

一遇出泥塗沖和味得舖龍吟震山谷虎嘯
透江湖欲要金丹結須教玉篆鋪通斯感變
化何況於人手

蕙心香

坐殺王風立殺扶風只因伊貪戀家風爭如
猛捨認取清風好同行好同坐共携風我即
真風你即伴風小春天總賴溫風將來雪下
怎奈寒風窓兒裏門兒外兩般風

丹陽次韻

此箇扶風勿習儒風遇風仙傳得清風風狂
便做總笑余風這風風風風得煞似心風脫
俗宜風雜境收風向玄關要捉雲風香風不
斷悅我松風待好風來靈風至便乘風

與丹陽

芋栗遺賢往不還休心何用在機關常怜家
計為繁絆怎得身軀暫處閑一對沉愁頻輓
轉兩團猫食最凝頑若教會得清涼語也許
○ 隨余住好山

丹陽繼韻

便尋出計不思還打破氣財酒色關滅火消
煙未遇樂立身行道放心閑須教已後成功
行豈敢依前放軟頑大抵男兒憑志氣將來
決定住三山

悠道遠

若要修行須當子細把金關玉門牢閉上下
沖和位交漑濟得來後惺惺又同猜謎觀入
虛空却投根蒂毫光在爛銀霞際五彩新鮮
真靈瑩賦分明徹淨清閑然細細

丹陽繼韻

二氣綿綿調來細細向瓊臺裏頭封閉子午
宮前玉金周濟這玄妙分明免教商謎天上
靈苗海中根帶霞光布燦無涯際忽見真容
如同玉賦通元始修行在乎子細

與丹陽

害風遊歷水和雲六葉輪迴鐵板分敲過世
間俱不曉心知唯有箇人聞

丹陽次韻

寶瓶宮裏看祥雲雲去雲來邪正分分劈心
琴成曲調調高聲韻自然聞

與丹陽

一箇渾梨作四分翁婆共啖莫紛紛梨分不
為分難事果結須看結裏文水湧類教烏兔
飲火來休把赤心焚若通水火成顛倒冷淡
清閑自喜聞

丹陽繼韻

分梨悟到四離分漸覺心灰性不紛妙妙虎
龍寧有說玄玄金玉豈關文靈苗宜向火中
灑慧草堪於水裏焚直待大丹丹不漏真消

真息自然聞

神光燦

金關叩戶玉鎖扃門開裏不做修持杳默昏
冥誰會舞弄嬰兒睡則擒猿捉馬醒來後復
採瓊芝每依時這功夫百日只許心知自在
逍遙做就難舒展紅霞光彩敷披罩定靈明
方見本有真慈一粒神丹結正三重焰緊緊
相隨過瑤池透青霄頂上無為

丹陽繼韻

風仙鎖戶馬鉉辭巢寂然澹手自持了幹根
源豈肯攀戀妻兒識破氣財酒色憑清淨固
養靈芝當下手暗修完功行不許人知隱密
藏機蓄響便須當做箇玉褐懷披潑殺無明
火燭自是心慈忍辱得何味況善芽生仙佛
常隨通玄妙這真功却是無為

與丹陽

粟與芋芋與粟兩般滋味休教失性與命
與性兩般出入通賢聖都要知都要知便是
長生固帶時休想瑤臺并闌苑六家珍寶出
天地

丹陽繼韻

重陽仙設芋栗贈我夫妻莫前失要知命要
知性從此超凡要入聖妙玄知妙玄知身中
子午倒顛時水鄉無漏金丹結自然雲步赴
瑤池

真歡樂

便把戶門安鎖鑰內更蘊最奇略安鑪竈銀
鍊金精養元神修完丹藥二粒圓成光灼灼
虛空外往來盤礴五彩總扶持也無施無作
冥冥香非投託占盈盈赴盟約蓬萊路永
結前期定長春瑤芳瓊萼等棲清涼光徧燦
放馨香自然震作裏面禮明師現真歡樂

丹陽次韻

酒色氣財闊遠鑰事務簡當而略方堪可水
裏尋金固元初修持仙藥鍊鍊須教明更灼
祥煙裏自然磅礴這箇好功夫並無步為作
昏昏默默無依託湛澄中有期約真消息只
在靈臺對雲霞瓊瓊林花蕊燦爛光輝真漸燦
性靈靈有何佳作聞大道清吟顯清歡清樂

與丹陽

今展誰曉五分栽陰二陽三口各開知味不
遭三界苦通甘免却九幽災乾坤未判何方
住父母生前甚處來悟得此因成大覺從今
款款鍊靈臺

丹陽繼韻

攀緣斷制自心裁心地開時性亦開返照只
知家業苦迴光頓覺火坑災志隨靈鶴先歸
去意在林泉不復來物外逍遙功行累丹成
捧出上瑤臺

蕪心香

這箇王風自小胎風大來後變做心風通行
遊歷正是狂風每鬧鬧處詩曲作似長風謁
馬儒風說與仁風說他成急急驚風亂為下
手鎖了防風便怎生醫得你破傷風

丹陽又韻

此箇扶風不會祥風過風仙傳得玄風奇哉
風味清淨家風這一般風風得好屏淫風施
布仁風闡出祥風教風行處處聞風知風妙
趣捨俗如風補破傷風風光好得真風

與丹陽

這番道番芋頭粟這迴須要知詳悉恰似錫
和蜜五穀中來花藥出甜則一般甜熱冷兩
般怎生詰又似膠與漆皮膚中來樹裏汁粘
則一般粘陽陰兩般如何述築箇環牆上有
蓋四面無門何處入三歲孩兒娶了妻六十

老翁無家室若能會得此機關摩訶般若波
羅蜜省省省吉吉吉沒口婆婆長叫屈屈曰
故將亂道惑公心惑去惑來直到底惑得動時
你是我感不動時我是你

丹陽繼韻

風仙五次賜芋栗夫婦同餐各知悉大道如
同錫與蜜攀戀宜乎家跳出清清滋味甘
甜難說難言不可詰俗情恰似膠與漆攀戀
無異飲銅汁猛悟迴頭無結粘物外超然閑
著述不羨榮華車與蓋眾妙之門深走入無

中嬰地結夫妻日月交光是神室從今達達
玉玄關般若波羅蜜中蜜省省省吉吉吉一
靈真性無沉屈頌曰凡心滌盡見真心澆漑
靈根雲脚底自然陡頭忘人我始覺元初父
母你

王花洞

要知端的默默細想須憑因果致令喜悅投
歸玄妙便把門兒鎖惺惺了了真堪可有自
然香火淨中寂閑分明一箇師父來看我

丹陽繼韻

得其真遇怎敢怠慢勤修功果緊擒意馬無
令顛劣便把心猿鎖逢魔逢難全然可蓋謂
無煙火本師說破无初這箇爭甚閑人我

無夢令

今則與公照燭無夢令中詳錄古聖富春詩
六白瑩光如玉丁屬丁屬三塊各人知足

丹陽次韻

師父今朝傳燭塵事不堪齒錄離別富春姑
各自鍊烹金玉聽屬聽屬了了真如願足

蕪心香

誰號王風實有仙風性通禪釋貫儒風清談
吐玉落筆如風解著長篇揮短句古詩風斤
運成風鵬化搏風恣雲遊列禦乘風冬寒閉
戶念見高風更坐無鑪眠無被任霜風

丹陽繼韻

仙侶王風來化扶風啓虔誠特顯家風出神
入夢跨鶴乘風要馬風風取信便隨風見
景投風藉甚儒風脫家緣故做心風不迷假
相直認真風更捉風颺乘風馬駕雲風
重陽分梨十化集卷上

重陽分梨十化集卷下

文八

終南山重陽子王姑誤

黃鶴洞中仙

你待堅心走我待堅心守栗子甘甜美芋頭
翁母同張口開取四時花綻取三春柳一性

昭然全得他玉液瓊漿酒

丹陽繼韻

不敢心狂走極謝師真守芋栗今番六次餐
美味常甘口不作東牟更不應東風柳參從
風仙物外遊共飲長生酒

黃河清

根固源澄宜鎖戶清清堅守深洞轉加溫煖
悉屏嚴凝寒凍別是風沈雅致頰知得起昇
管中得自然開悟長生遇玉花正好拈弄元
初本有真靈明明處這迴搜見鉛汞便令結
就一粒金丹文八堪貢顯現祥光瑞耀更來往隨
鸞引鳳十洲三島神仙喜慶迎共壯

丹陽次韻

師父專專封閉戶非干固濟雲洞亦非誇術
能受三冬飢凍爲我愚頑德俗用機化玄言

必中等待子自悟知其過捨家物外拿弄怡
然頓覺元初捐塵累便烹鉛更烹汞於澄湛
中保養神珠爲寶直待功成行滿恁時節莠
雲跨鳳赴蓬萊島仙童遠遠來迎那

憶玉孫

分明七寶更休論七座門開各有門一四一
三各彼吞返陽魄便是長生保命存

丹陽繼韻

風仙師父妙談論說透無爲清淨門舌上甘
津味得吞溉精塊陰裏陽生萬劫存

玉京山

失笑迷陰化不來頑惡心鎖硬怎生開直鏡
富貴沒殃災天年限終久落輪迴鬼使早相
催兒孫難替得有何推恁時悔恨哭聲哀方
知道學道是仙材

丹陽又韻

慷慨男兒跳出來名鞭并利鎖豁然開宜手
了幹死生災超彼岸休望再頭迴師父教言
催道裝當結累役心推任教妻子哭哀哀關
西去做箇駕雲村

臨江仙

粟芋味招全道子真人劉馬先生法名通芋一字全道號無憂子
 頭滋味引迴頭各人喫了並無憂四三通十
 二箇箇下重樓喫得過時冰是水中兩點
 浮漚一來一去幾時休若教同我頷管取得
 真修

丹陽繼韻

大悟立身養益好過技相應迴頭訓予全道
 號無憂慧眸觀玉洞雲步上瓊樓赤鴈頭鑽
 清晏地白鷗足捧浮漚兩般混合最休休要
 降三界苦堪把一靈修

黃河清按一百八數

九曲黃河分九轉洪波大浪清淨九江共同
 合就俱來歸正九鼎中間顯現九宮闈端流
 一定玉龍金澄盈盈處倒侵九曜開影九霄
 翠碧相齊九臯有鶴鳴迎接精瑩九光洞明
 返照靈輝堪並九曲神珠跳躍九仙至如然
 游泳湛潭澄徹成功行九天通聖

丹陽繼韻

九曲黃河流轉九陽陰逆順清淨九池之內

涌出龍泉端正九會亘初湛寂九關現靈波
 永定美芝祥瑞天然秀九莖自是無影九霞
 覆鼎澄輝九還火鍊神丹轉光瑩九玄祖先
 要救癸仙肩並九九重陽口訣暗傳得非凡
 游泳累真功行將來去九霄參聖

臨江仙

八卦分明鋪擺定二人各四陽陰中間玄妙
 細搜尋若能知此味便是得真金恬淡隱藏
 清與淨甜甘却顯佳音八都山上出高峯正
 當堪眺望方是好登臨

丹陽次韻

八識通知心已定徧觀物物皆陰不如留意
 則追尋水中閑養火玉內要生金直待陽純
 丹不偏恁時可稱知音超然雲步上瑤岑不
 勞極目望自見好光臨

詩與丹陽

百日高門意已投定須堪可作朋儕馬猿返
 性緣攀戀桃杏為人也害羞從此果能成决
 斷端然真箇好因由撐篙已在中流裏難下
 逍遙得岸舟

丹陽繼韻

今朝誓狀謹相投做箇灰心物外倚鍊氣願
 神常有樂上街展手畧無羞孽開世網歸真
 趣跳出樊籠得自由參從本師雲水去逍遙
 坦蕩駕神舟

絕句

謾說修行學大道切須先向身中考勸公第
 一莫多情天若有情天也老

丹陽次韻

得遇明師歸正道迴光返照心頭考自然開
 悟絕塵情箇內修完仙不老

莫思鄉贈丹陽

粟子味堪收更出馨香是芋頭今後喫時思
 想定追求為甚般般各六籌細認細尋搜芋
 有青苗粟有藟空外地中歸一處休休說破
 玄玄你越愁

丹陽繼韻

意馬下功收不放心猿暫出頭一點靈明歸
 太素何求通六幽微羅運毒芋栗更開搜知
 味聞香識破蘄須向空中尋響亮無休真樂

真歡散盡愁

贈孫姑

在家只是二婆呼出得家緣沒火鑪若會修行成鍛鍊教人永永喚仙姑

望蓬萊

逢九變逢九變須用寶刀裁陰鬼莫隨魔鬼轉陽蒐合趕好梨來今已免輪迴公聽取公聽取道眼正堪開四假身軀宜鍛鍊一靈真性細詳猜有分看蓬萊

丹陽次韻

通真九通真九箇內下功裁便使龍蛇騰地去却教雲鶴下天來晨看暮潮迴白蓮綻白蓮綻自有碧蓮開清淨門中通出入無爲路上免掉猜定是到蓬萊

丹陽問余不住飲冷水何故答曰我

自甘河得遇純陽真人因飲水焉故作是詞

害風飲水知多少因此通玄妙白麻衲襖布青巾好模好樣真箇好精神不須鏡子前來照事事心頭了夢中識破夢中身便是逍遙

達彼岸頭人

丹陽繼韻

馬風得遇心塵少通得玄中妙自然恥戴卑羅中真息綿綿營養不神神慧燈不住通天照性命須當了金鑪便是鍊丹身坦蕩逍遙

做箇散開人

茶珠宮

栗子二三箇這芋頭的端六箇分付清閑唯兩箇尋思箇甘甜味怎生箇五臟明明箇又六腑不差些箇更有金丹此一箇十二箇請

翁婆會則箇

丹陽繼韻

芋栗又分六箇遇拔三謂懷真箇芋者遇也皆長立故有是

樂不愁些箇或問扶風因甚箇報君知捨那箇得這箇

贈丹陽

莫慮王風冷王風自不寒百朝款地過出路你咱看

丹陽繼韻

有漏常愁冷無情不覺寒要通雲外境捨俗慧眸看

感皇恩

百日鎖庵門分梨十化閑閑澄中淨養真假箇人嘆問直受如斯瀟洒我咱知得也誠清雅別有一般分明好畫頻頻擊出暫懸挂那應要看萬斛珍珠酬價恁時傳說下些兒話

丹陽次韻

鍾呂遣風仙專行教化故鎖庵門即非假用機誘我暗剔靈明惺洒脫家風狂做棄儒雅真箇內容難描難畫六銖衣光彩體披掛手擎丹顆瑩瑩光明無價蓋因傳得些亦帝話

報師恩

爲何不倦寫詩詞這箇明因只自知一筆書開真正覺三田般過的端慈迴光返照綠觀景園蒂深根恰及時密鎖玄機牢閉戶喚來便去赴瑤池

丹陽次韻

今朝跪領本師詩秘密玄機喜得知勘破萬緣忘假相滌除六慾起真慈男婚女嫁休心日意滅情忘捨俗時恭從吾師雲水去將來決定到天池

贈丹陽

酒初醒夢初驚月初明性初平如覺悟是前程

丹陽次韻

醉中醒睡中驚暗中明箇中平心開悟得前程

捨丹陽

子孫入道七祖出離地獄子孫得道九祖生天如退道累祖先

悟南柯

芋栗令嘗微窮惠雨共餐一能陽氣做團團一箇沉淪陰鬼愈推殘來者歸清淨迷人俗冗盤通全跳入好仙壇恰恰同居言言永相看

丹陽次韻

立遇心通徹清香味得餐水中紅焰結成團

雪裏瓊花爛漫不凋殘性燭引金闕神丹晃玉盤齊修六度與三壇出自吾師內景自然看

絕句

二婆只識世間居不識蓬瀛有玉壺若肯迴

頭修覺悟名傳永永喚仙姑

玉堂春

玉性金真人人皆可化玉液金丹頻頻迎逐玉免金烏光光相次亞照玉欄杆種玉芽玉藥金莖長長生不謝玉女金童常常看舍玉鎖金匙門門開闢下賞玉堂春對玉花

丹陽繼韻

玉悟金通心心從教化玉虎金龍時時相逐玉醞金波澄澄成次亞見玉溪中產玉芽玉葉金枝榮榮無朽謝玉妃金嬰闌閣看舍玉戶金闕明明開上下唱玉堂春賞玉花

重陽真人分梨十化集卷下

三訣同卷

重陽真人金闕玉鎖訣

重陽真人授丹陽二十四訣

馬自然金丹口訣

終南山重陽子王結撰

重陽真人金闕玉鎖訣

或問曰如何是修真妙理答曰第一先除無名煩惱第二休貪戀酒色財氣此者便是修行之法夫人之一身皆具天地之理天地所以含養萬物萬物所以盈天地間其天地之高明廣大未嘗為萬物所蔽修行之人凡應萬事亦當體之難曰天有昏暗地有動搖山有崩摧海有枯竭日月有盈缺且人有疾病無常如何治之答曰欲要治之除是遠太上煉五行之法

問曰如何是五行之法訣曰第一先須持戒清靜忍辱慈悲實善斷除十惡行方便救度一切衆生忠君王孝敬父母師實此是修行之法然後習真功訣曰第一身中東西要識庚甲卯酉第二身中南北要識坎離鉛汞訣

交九

曰庚甲卯酉者為晝夜甲卯者是肝之氣八節中立春春分口中為津也庚酉者是肺之氣八節中立秋秋分口中為液也坎離者寒暑離鉛者是身中心氣八節中立夏夏至身中為血也坎承者是腎中氣八節中立冬冬至身中為精也精生魄血生魂精為性血為命人了達性命者便是真修行之法也訣曰精血者是肉身之根本真氣者是性命之根本故曰有血者能生真氣也真氣壯實者自然長久聚精血成形也

問曰既為人因甚生死先後者何也答曰先死者為其人心著欲樂貪戀境界是男子者損精婦人損血白日不斷無名煩惱夜中不斬三屍陰鬼男子婦人已無常也

問曰不死之人何也答曰不死者為其人身清靜無垢惜真炁在丹田精血不衰其人死也難曰多見今人清靜休妻亦不能成道者何也答曰雖是此人清靜却不達真清靜之功其人雖是一身清靜却不能定於精血養真氣此人身清心不清其身靜意不靜豈

不聞清靜經云夫道者有清有濁有動有靜清者濁之源動者靜之基經云不垢不淨若論真清靜者眼內無淚鼻內無膿口內無唾不練大小便男子養精女子定血萬邪歸正萬病不生方可是丹田清靜令人說清靜者都是假名夫修行若內外相應未言大乘先說小乘心經云能小能大未言過去先說見在過去者是果見在者是功又云功成果滿未言真是說假惟一靈是真肉身是假相借煉假成真虛合為一訣曰見在一身安樂為小

乘都是大乘之根初地法心為小乘結果為大乘小乘為根大乘為梢訣曰梢根相借梢借根而生今修行者不知身從何得性命緣何生訣曰皆不離陰陽所生須借父精母血二物者為身之本也今人修行都不惜父精

母血耗散真氣損却元陽故有老老有病病中有死既有無常何不治之夫真道者空中有寶寶中有空經云大道無形生育天地大道無名長養萬物從真性所生為人者亦復如是昔日老君煉金木水火土留下三乘妙

言行行滅罪句句長生第一上有神仙抱一第二中有富國安民第三下有強兵戰勝問曰何者是神仙抱一抱一者天下人身之根本一者是萬物之根本一者為道也昔為初一者真水也水中生氣氣中生水萬物者

從一生萬物是長養一生二生三生萬物三智功五服德起六根掃蕩七魄運開八卦說九思真道德無漏果圓融意想自神長在丹田抱守元炁莫教散失此者是抱一之法

問曰何者是富國安民訣曰男子女人身中各有九江四海龍宮庫藏中有七珍八寶莫教六賊偷了此是富國安民

問曰何者是強兵戰勝訣曰夫戰勝者天下少人知夫戰勝是常之法難曰既論清靜之法何得說戰勝理解曰今人不達戰勝之法又能治於病疾無常戰勝者第一先戰退無名煩惱第二夜間境中要戰退三尸陰鬼第三戰退萬法此者是戰勝之法若人會得三乘者靈殃惱為福也夫修行者常清靜為根

本大乘之法欲為大乘者須索從小乘而起清不離濁動不離靜靜中便生動濁中便自有清有天地有日月有水火有陰陽謂之真道經云純陽而不生純陰而不長陰陽和合者能生萬物令人修道者却不修真道者了達性命也性命者是精血也人有萬病是病者皆傷人之命矣有疾病者盡不干五臟之事都是損了精氣血三寶欲要安樂長生者除是持清靜之識或有未出家之人年少時不能持清靜之果從小乘入中乘上乘初地達法心為小乘覺悟者為中乘了達者為上乘第一是化城第二是銀城第三是金城似一根大樹先有其根後有其梢如常時只宜清靜大為正道也

問曰假令一身清靜却逢天魔之日如何治之及假令逢外道波羅請曰如何治之答曰波巡者界也境界皆有只要識進退三要辨清濁若逢陰陽者加火入水却濁不相煎之法訣曰假令魔軍來時急須準備檢三千強兵訣曰三千疏真功強兵者為其氣也有來

無去千息數積其氣在丹田不散只教暖不教冷自結胎仙為妙法也若人得如上妙者永得如上真功功成果滿永得安樂長生一切修功之人臨有難之日小心準備

問曰如何治之解曰人臨有難之日先見其死相

問曰如何是死相訣曰天柱動搖樹倒山摧六神俱亂性命不能保精神恍惚天地闇日月無光便是無常之苗也有漏之身為地獄無漏之果為天堂人有漏之身須證無漏之果圓者皆共成於道果

問曰假令白牛去時如何擒捉訣曰白牛去時緊叩玄關守鎮四門急用仙人釣魚之法又用三島手印指黃河逆流掩上金關納合玉鎖如人斬眼白牛自然不走名機出水登彼岸之法有十般定性命之法訣曰一名金關玉鎖定二名三島回生換死定三名九曲黃河逆流定是名無漏果圓者皆共成於仙道若定了寶時休教滯了腰脚昏了眼目此是定三寶之法

問曰若有人收定三寶搬運歸寄何處先用蘆芽穿藤之法烹氣衝寶爐骨運氣直至湧泉補於二足然後七返還丹之法如氣滯定腰脚時便行鐵車黑牛功然後開宰門如得元炁寶壯者先行肘後飛金晶之法如不用行此功者不行穿膝之法不行七返三島之法便行肘後搬精補腦之法望長生不老令人行功顧上不顧下如小兒建塔下不堅牢也如何是中炁寶要堅牢也又於坎宮使用羊鹿大牛三車搬從荆山運寶訣曰荆山却近有一人姓卞名和有一日荆山打柴却見一鳳凰落於一塊石上卞和便知石中有寶將來獻帝帝大怒削了卞和雙足訣曰卞和者識也意頑石也鳳凰者是真氣成是身玉者是骨中精髓剛者是兩足不行穿膝之法訣曰善清靜名曰下元寶成如日月相便用三車搬運上崑崙頂嘆曰今人能道不能造能說不能訣又曰行功心行意不行令人多迷不修身體第一神性是大牛之車須索動青牛拽車車中載寶是鹿車第二行白牛

拽車車中載寶第三暖氣行火是羊車赤牛拽車車中載寶三車行時初離荆山尾閣中入地軸過天關過下雙關腎俞二穴是腰腿入曹溪地夾脊上傑關夾脊是也雙射上苑巖分水嶺二名天臺嶺三名女子運寶前安乳吞頻進真火如行此功一年令婦人如童男意想鉛汞二珠射蓬萊腦後開天門自開透紅霞真炁入髓海自暖令人頭白再黑名曰肘後飛金晶之法我師言曰皆見提井人不用用繩兒無雖後生有神水還丹田夫行功之時子午起跏趺坐搓手如真氣煎體過天橋過額顛是也只教上腮下腮上用意分真氣兩下流轉太陽元中落於腮上流牙齒從左口角右口角取液又為玄珠甘露用赤龍攪得勻停漱為雪花白有甘味也口是八色瑠璃渠一中八味水二水中能生八識口合藏真氣真氣中分八卦良為立春震為春分巽為立夏離為夏至坤為立秋兌為秋分乾為立冬坎為冬至八卦中各生陰陽陰陽中各分寒暑訣曰咽津為陰隨後行氣乃為

陽須索陰陽水火停分二清津分三兩咽常留二停恐樹枯竭又云惜水流不得江河斷絕又問七返訣曰咽神水到氣顛中肺化為液善治諸咳漱漸生於魄又云咽津到心上令人心開悟解又是洗心神水洗心見性頌曰見花五葉開步步入仙臺神水化血又咽神水到肝肝為木假名為青龍龍得水時必旺善治一切眼氣化為津又咽神水到脾脾為土土得水者能生黃芽腹為大小腸九曲至臍中一寸三分方圓一寸左青右白前赤後黑中黃戊己名為丹田田內一座官宮中名曰黃庭官中有一爐名為丹爐爐上坐定一隻金鼎下頻進真火上頻添神水水火者坎離也夫水火是君火臣火民火三火者為真味也心性意是也今人未了達三般者第一味不明第二味不悟第三味智不成道矣若人達三般者三明六通也進火時上用水洗下用火煨經云身下出火身上出水其上合下閉乾坤相合教龍盤金鼎使虎遶丹田者為妙名曰鑪刀圭也若人行此功者永得

安樂長生也問曰既刀圭何者言為一粒刀圭何者自飲刀圭何者為鐵離刀圭訣曰三刀圭者為寶也是指氣血也訣曰一粒刀圭者津液自飲刀圭者咽津服炁鐵離刀圭者是真炁行功不退變萬邪皈正如行功時飢食金針渴飲玉漿冷時進火熱時進水火者是真陽水者是真陰此功者是抽添加減之法訣曰抽者從上收真炁添者從下進暖炁入丹田若人腎宮暖者萬病消除問曰男子女人忽時便有疾病無常何如也答曰為一切男子女人心著慾樂貪戀境界之事白日不斷無名煩惱夜間境中不能斷三尸陰鬼男子損却精女人損却血炁三寶走却元陽故乃人有疾病無常也不聞神仙之語人似破漏房屋主人不修補者官殿倒塌壞其梁柱是人有疾病也難曰因甚小兒清靜不損三寶亦有疾病無常者何也訣曰小兒有病者昔日在母腹中因母血氣虧弱受母十月胎氣不足又或犯風濕暑濕四集不忌受胎小兒故有疾病無常也

問曰因甚有醜好之人何謂也訣曰貌正者是日父母二氣感應日月午時已前丑時已後便得端正真實長命有衣祿貌正得父母喜悅之心午時已後丑時已前受胎有一貌不正者或病聾喑瘖多性劣不得人意命窮無衣祿壽命不長也此是造化之根本也

問曰假令逢冤魔者如何治之訣曰宜清靜忙中偷閑閑中取靜若人有難之時急須回避心王須用灌想之法急驅神意入上泥丸神宮正坐意想眼見前仙男仙女各動仙藥叩齒定意看崑崙山景見上牛羊鹿馬玉兔。意想上拿住繫定功時忽思上有一寶樹樹上有花花開結子意摘取吞之是喫了此物者永得安樂長生此是修正法一句了然大牢鎮四門訣曰血海命門氣定無開閉戶精定不思外境神定精血散者性命也一意者為真主人也齒是為玄關閉丹田者為下玄關拱金精上玄者為金關緊叩齒者為玉鎖六根不動者是六度就都關下納氣為勒陽關上腮為頂陽關鼻為天門夾脊為雙關行

功之時一齊開鎖神不動者意不亂也意者恍惚也此是清靜之法也及春夏秋冬但小兒小便黃色者是丹田虛敗失却下元存真急急用穿九曲之法又名九轉穿小腸九透真炁入腎堂小便自然青白色也一身便得安樂

問曰何者是三乘之法訣曰下乘者如新生孩兒中乘者如小兒坐地上乘者如小兒行走若人通此三乘便超三界欲界色界無色界是心性意顯具三身清靜法身圓滿報身三昧化身三者各有顯跡之神第一會太上煉甲乙木是虛坦會老君著青衣度三千青衣道士者轉青神黃卷三十六部靈寶尊經留下九轉丹黃芽穿膝之法絕國第二會釋迦佛留下煉南方丙丁火身披烈火袈裟三千赤子比丘僧人留下十二部大乘尊經射九重鐵鼓之法盧芽穿膝之法龍華三會夫子在魯國之習學堂煉西方庚辛金三千白衣居士留下十卷論語并穿九曲明珠蘆芽穿膝之法三教者如鼎三足身同歸一無二

無三三教者不離真道也喻曰似一根樹生三枝也

問曰大道之中離幾等神仙解曰聞傳道集中有五等神仙第一不持戒不斷酒肉不殺生不思善為鬼仙之類第二養真氣長命者為地仙第三好戰爭是劍仙第四打坐修行者為神仙第五孝養師長父母六度萬行方便救一切眾生斷除十惡不殺生不食酒肉邪非偷盜出意同天心正直無私曲名曰天仙當日初發善心處便是吉祥之地為善法大修行人後有禁忌之文訣曰男女五月六月宜清靜大忌十一月十二月宜清靜又男子五月六月大殺之月勿近婦人為五勞七傷男損性命女人損性者是精血氣也損者令人左癱右瘓赤白帶下若損五行真氣為勞損七寶為傷萬病者各有來處。問曰病從何生訣曰萬病皆從八節不正之氣而生。問曰何者八邪訣曰八卦中陰陽不順是八節中氣令人入邪者是飢飽勞役風寒暑濕

飢來痛飽寒極憂心遠行困倦及冷熱身醉亦不可行功變成大病也宜清靜行之行時舌上收玉液丹鼻中收元陽丹腎堂中收金液丹如精髓滿骨實者死經百年筋骨不解名為連子環鎖骨訣曰二十四忌大丹者是一年二十四炁上令告我師願求妙訣須索意自息肯捨重金淨財第一捨身布施第二將花獻師第三令膳而供養解曰捨身布施者若見師長父母危時捨命求命將花獻師者若師長須打罵須將喜笑迎之面上無嗔怒令饒而供養者食有美味先奉其師此名三布施也仙人言曰堅者為道歡喜者為緣若求師不勤豈至於道呂翁曰不因師指此事難知又云學而不知者不學而悟之學而不從師名為盜學也是法中賊若掩祖上師得促自己壽與常人同例自揚已得是斷行做作此人可以成道乎其人謂輕師慢法不堪為師末學修行先持救濟他人者為救自己者憑功德行人各認祖宗科牌太上為祖釋迦為宗夫子為科牌自從三教既寂已後

一切男女在愛河內煎煮苦海漂沉受其煩惱六道沉淪不生不落去住三教聖主三界聖母却來救度兒女名號記顯現分明壽印信為其勸同解曰一身為金受戒者為記心悟了達者為火隨求經云如意寶印從心顯

名為號有十號者為十善十號者為能人一號元修二號轉分明三號通三界四號長生五號光明現六號意通七號全身主八號福祿增九號天元修十號者為能人一加性十號無漏功德自然成三教者是隨意演化眾生皆不離於道也古人言曰世間性命事大修行者生老病死苦令人各不曉真道往往著空盡落空現在亦不能了何言過去之事又聞達磨經云過去非言實未來不為真太上煉九轉還丹令人去病疾了生死夫子教仁義禮智信忍人招業在身令人修此亦能治其疾病問曰如何治於病疾訣曰除眼大良藥解曰長大歡為良藥訣曰歡喜者是藥之根本常煩惱者是萬病之根本或常清靜者是大道

之苗但見今人修行或僧道五戒男子婦人却因甚病疾無常或男子女人有夫無婦者丹田走却靈龜耗散真炁下元虛冷漸生萬病男子清靜六十四日精炁滿女子清靜四十九日血炁滿物極者則返清為濁返靜為動返心意散失九竅走却真氣炁濁令女子月水多男子夜夢陰境盜了七珍八寶故人有疾病也

問曰陰鬼如何治之答曰用刀圭之法曰何者為刀圭訣曰刀圭者一也有水有氣能生萬物也炁為圭為雲水為兩又曰出炁為刀入炁為主行功為萬有驗者為刀圭是返老還童也經云身下出火身上出水水火為藥訣曰蘆芽穿膝上下河車安壺竈是紫河車搬精補腦之上車進火時水暖進水時火涼水火雙行者是溫溫鉛鼎鼎中入氣起休交上隨車火時散入百脉皮膚滋潤身體光澤此是修養之法難曰因何人肥者先衰訣曰肥人者修外不修裏骨中無髓丹田走却真炁故衰病也修內道者安樂長生之苗訣曰

長教龍盤金鼎虎遶丹田震卦起雷巽卦起風行功時漱津一大口分三度咽按氣下行三偏自然有龍吟虎嘯之聲亦能除腹中萬病耳聽之如雷槌畫鼓上者為昇下者為降頌曰真空妙理無人知曲江端坐看鳥飛震地雷聲驚鬼魅正是陰陽造化時子後午前加減用水火烹煎龍虎隨金公帶酒黃婆醉拽定王公問是誰

問曰金公是神黃婆是炁陽炁是嬰兒陰炁是姤女青龍者是肝之炁也白虎者是肺之炁也坎離者是精血訣曰行功時坐如泰山立如寶塔牢鎮四門緊叩玄關漱津一口為猛三咽下按炁過離隔活作三度自然龍虎之炁復如行住坐臥禁口閉目耳不聽聲眼視內景一日正觀丹田意中想見隨呼炁下降隨吸炁上昇不過離隔不教注面目上六炁各到中元相見清炁右行濁氣左行各轉九遭炁上下不能出左右結成鑪竈號龍盤虎遶氣自然和會又嬰兒姤女為夫婦之法炁聚於脾上安爐號黃婆匹配之法又名天

地交泰之法又名坎離交媾是體交神不交之法神不交者是清靜之法千徧不搖不動之法今人者多修外道不修內道見在道過去法夫修行者外有條大道教內有正路無人知處大眾前行三里見三條大澗亦無底怎生過去訣曰三條大澗者是三教三乘起三屍定三寶起三界向前又行三里見六條深溝不能前進是何門訣曰是六度萬行六根清靜斬六賊戒六欲樹六梯向前又行三里見三產枋是實淨枋七林屍多便是臨作用行三里又見一座園名為含果園一翁看定園門有綠者空手得過向前園又行三里見一根大樹上繫定金牛河邊上有座臺男子黃金臺女子鳳凰臺神仙釣魚臺安樂千花臺若無常望鄉臺河口有三箇女子渡口便是魔女眾滿舟船過此河又行三里見一座大山名是須彌山山東坡有一隻青羊是老君之炁西坡見一隻白羊是夫子之炁正南見一隻黃羊是大覺金仙之炁三箇羊兒引接大眾入山名三陽聚鼎山中有一座

城名為北城有四門門上有牌牌上有字東是開光門西是長生門南是金光門北是大淪門此是眼耳鼻口入得四門見四洞府天樂洞白雲洞竹國洞長生洞入得四洞見四寺無淨寺玄空寺竹林寺 有四果安禪羅漢斯陀舍須陀洹阿那舍阿羅漢為四寺主此是四果仙人也向前又見五觀第一功名觀第二醫藥觀第三安陽觀第四真如觀第五兜率觀五觀中有五宮雙女宮是眼大龍宮是口上白宮是鼻水晶宮是耳天秤宮是心內坐大樓閣上下十二呼吸名曰十二重樓也有中宮樓月宮樓天仙樓寶樓聖井樓法炁妙音樓識道樓禪頂樓景陽樓鐘鼓樓二聖樓每年十二月一日十二時人身中有十二月樓樓者按經十二經十二支干四面又見九宮是人有九竅也夫九竅宮者東有風雷宮雙林宮南有紫微宮牟尼宮西有聖母宮惠羅宮北有梵宮水晶宮中央號安宮此名為九宮猶地列九州也又微府元共計十州也是十國焦祖國牟尼國開花

國鹿巖國金色國琉璃國舍衛國南禪國天竺國重陽國十國者便是十地每一地中一坐泰山身是甚物是治種大病皆傷人命身有四大海津為東海血為南海髓為西海氣為北海更有九州小腸是也更有五湖身是洞庭湖精是玉湖甘露是醍醐心為玄湖小腸為江湖日月星辰三消血氣精衰也三消是山崩海竭地裂一日十二時辰中得坐莫越其人功成果滿男子鍊形如童男子鍊形如童女經云形神俱妙與道合真此是抽胎換骨之法陰陽顛倒五行真訣五行合金木水火土春木旺內木不旺人多病眼疾夏火旺內火不旺人多瀉痢秋金旺內金不旺人多咳嗽冬水旺內水不旺人多疝氣碑為土四季分了脾氣陰陽顛倒返復也五行各有相尅金尅木木尅土土尅水水尅火火尅金水火者是陰陽也一陰一陽真道也精血也人有萬病盡不干五臟之事都是損了父母精血丹田弱便生病疾也急收神定性九仙經云道者一也人得一者萬事必成行功

時神氣轉悉逐意行運時前趕前衝為陰左將陰神六甲驅轉六相八識巨一真靈內遊九宮看翫十國長生降臺使嬰兒蛇女丹田安爐竈進火燒藥意想見爐紅竈熱丹藥方成意想青龍在左白虎在右朱雀在前玄武在後四坐大神各手執長鎗闊劍看定藥爐自服妙藥若人累行此功未得長生令邪氣自散真氣自生口若飲荆山玉泉口中自然香甜也二下穴通達腎堂隨呼吸氣取之寶氣入口嗽三十六遍為雪花咽入丹田為雪也。隨後便上合下閉乾坤相合真氣滿足脾暖者萬病消除似竈中燒瓦時到自然成如雞抱卵婦人懷胎不計時候但覺身中疼痛者便是鐵黑牛搬車也是真一氣真一性黑者是下氣也痛氣大便出腫氣小便出又有降天關地軸法望項陽關泥丸官鼻中長引真氣入口大呵作六遍天關地軸如死不動每日行宮者常調和陰陽冬至日一陽生夏至日一陰生冬至者是子時已後望東方日出為陽夏至者午時已後日沒是陰也陰陽返

復之理也地氣上騰天雨下降三日一風十朝二雨風雨順時人民便快樂便是一身快樂無病長久也人有萬病者每一病各一般真功治其病自應也第一大煉九轉還丹之法有黃芽穿膝之法射九重鐵鼓之法太子遊四門之法有金鞭指輪之法有蘆芽穿膝之法有軒轅跨火之法有玉女摸身之法有鍾離背劍之法有呂翁釣魚之法有陳希夷大睡之法三教內行法門者盡各治於疾病也更有能超生者人行轉此功丹田養熟真氣夜間多夢見山上放牛其牛者是赤牛或青牛或仙人道士宮觀寺院大道好房高車好樹夜見小兒女并大官人者並是丹田氣壯若夢見小道荒棘惡人趁破房屋塔墓樹倒河渡恐怕並是丹田氣衰弱宜用補之訣曰對三人休言說六耳恐漏神仙之機訣曰此三人者第一對夫不孝之人第二對夫不敬信之人第三對夫不傳戒不善之人莫說此訣除此等外不分男子女人僧道官人皆得傳法受戒此修真成訣者價直須彌金取

諸經為祖對安樂者是小乘之法雖是小乘却是大乘根本因果經中俱言修行有八般福田救苦看病福田者是第一救生性強如南寺燒香北院送供救一人之命如造七級寶塔若男子女人收得此訣勿可亂傳如有亂傳者輕泄仙人妙機九祖盡墮於沉淪永鎮鄴都不得人身慎之戒之信受奉行

重陽真人金關玉鎖訣

馬自然金丹口訣

玉液還丹人人有人會得身長久逢人莫說百般能不過明師難下手道人拜了千千箇只說行功并咽唾按摩導引及休糧朝朝每日空打坐不知火候真消息夜夜起來空費力搖動擺骨至三更使得渾身汗如水三十年來海上遊直至如今無地頭訪師求道尋妙訣也只一箇真氣修又憂生又憂死我共他人如此六十四年都大休吾遇海蟾為弟子向我耳邊說一句似飲菩提與甘露玄微妙訣無多言只在眼前人不顧內有金丹十六兩送在西南坤地上誰知此物是還丹只在泥丸宮裏養還丹還丹從此識本在人身体外覓夜飲任著不嫌麤飲食盛飡無所益記說下手如中五大笑交君不合口元來盡是這些兒往往教人天下走莫非身外悟息念合精神元神若不散至寶自長生二親須配玉爐煙造化無差合自然修士三同皈一室須憑雲雨共三田血是南邊沙中水水洋精散水底鉛此箇大羅天上法教他相

知是神仙大道玄玄遇者希達人未肯說天機恐君不信玄妙法試看園中杜接梨杜木接為胎就梨一般根性換靈基眼前放著三條路人人都有上天梯壓沙家油是等閑鎖水取火也不難火裏生蓮金小事正法慈尊得遇難九轉還丹第一功得訣脫殼出凡籠是人都道你收得先生身體面回童九轉收得自家知裏明外暗合天機上下如同金世界混合陰陽運不迷不戴簪冠不剃頭俗中隱道放白牛庵口自有長生路何與道遠白玉樓道釋本是俗根由強戴簪冠強剃頭人出來粧外像箇箇不望裏搜求鉛汞鼎中居燒成無價珠都來兩箇字了盡萬般書有紅有白有緣對衆人不肯明分付人人不認本根源箇箇迷踪失來路來時不省去時迷枉到人間走一回放著人間去採實合本合利都撒了識得一萬事畢使得二去處是認得三不索參認得人跳出塵收得赤金方採得菩提子運得崑崙風長壽無生死九轉還丹不計年仙師出示世人傳對天曾發私誓

顧跳出凡籠便是仙

馬自然金丹口訣

重陽真人授丹陽二十四訣

馬丹陽問重陽祖師曰甚是論祖宗性命根蒂龍虎鉛汞刀圭金公黃婆嬰兒姹女龍蛇心猿意馬賓主覺照太上三寶九星五剛三才抽添火候金丹出離三界七返行住坐卧祖師答曰宗者是性也祖者是命也名曰祖宗丹陽又問何名見性命祖師答曰性者是元神命者是元氣名曰性命也丹陽又問何名爲根蒂祖師答曰根者是性命者是蒂也丹陽又問何者是龍虎祖師答曰神者是龍氣者是虎是性命也丹陽又問何者爲鉛汞祖師答曰鉛者是元神汞者是元氣也名曰鉛汞丹陽又問何者名是金公黃婆祖師答曰金公是心黃婆是脾丹陽又問何者名爲嬰兒姹女祖師答曰嬰兒是肝姹女是肺名曰嬰兒姹女也丹陽又問何者是心猿意馬祖師答曰心是猿意是馬也丹陽又問何者名爲賓主覺照祖師答曰賓者是命主者是性也悟識真假爲覺照者是自己伶俐聰明爲覺照也丹陽又問何者名爲龍蛇祖師答

曰龍者是性腎也蛇者是心中嘉炁也是不離性也丹陽又問何者名爲三寶祖師答曰有內外三寶是道經師者爲外三寶也內三寶者精炁神也丹陽又問何者名爲太上祖師答曰太者是大之極也上者是至重高之極也名曰太上丹陽又問何者名爲出家祖師答曰出家者萬緣不望自己靈明乃是出家丹陽又問何爲修行祖師答曰修者真身之道行者是性命也名爲修行也丹陽又問何者名爲長生不死祖師答曰是這真性不亂萬緣不掛不去不來此是長生不死也丹陽又問何名是道祖師答曰性命本宗元無得失魏不可測妙不可言乃爲之道丹陽又問何者名爲清靜祖師答曰有內外清靜內清靜者心不起雜念外清靜者諸塵不染著爲清靜也丹陽又問何者爲三命祖師答曰黃庭經云存精是元始天尊存神是太上道君存炁是太上老君名曰三命也然後再尋三命枉費工夫神炁相同太上再留方便之門轉化人道常有也在三者東華帝君是心

文九

三十一

也化十方諸靈大帝是野也除此外不可尋也。天有九星人有九竅。天有四時人有四大。天有水火風人有心精氣身。天有五剛地有五剛。人有五剛。天有三才人有三才。丹陽問何名爲九星。祖師答曰是北斗七元星。左輔右弼二星名九星。丹陽問何名九竅。何者名爲地有五剛。祖師曰恒衡岱華嵩五嶽是也。人有五剛。肝膽脾肺腎是也。丹陽問何者天有四時。春夏秋冬也。人有四時。四肢四大是也。丹陽問何名天有水火風。人有地水火風。師曰天有地水火風者。金木水火土也。人有地水火風者。心爲火精爲水氣爲風身爲土。乃是地水火風也。丹陽問天有三才。日月星地有三才。乙丙丁人有三才。精神炁是也。又曰眼爲窓口爲門。戶心腎爲日月。除此一身之外不可外求。丹陽問何名爲抽添火候。祖師答曰除一切塵垢一切雜念。又神氣常存於本性不昧。名曰添火候也。丹陽曰何名爲出家。老君曰人能常清靜天地悉皆歸。有功行修真之德者爲出家。丹陽問何名太

上七返師曰一者少言語養內炁二者戒心性養精炁三者薄滋味養血氣四者戒嗔怒養肺氣五者美飲食養胃氣六者少思慮養肝氣七者寡嗜慾養心氣是也。徐神翁註但精神無惱唾少爲中修行人也。乃三教聖人之意。凡人出家絕名棄利忘情去慾則心虛心虛則氣住氣住則神清神清則德合道生矣。孔子曰仁義禮智信若修行之人仁者不棄義者不汙禮者不自高智者不爭信者不妄言金剛經云無諍三昧人中最爲第一也。修行之人溼其心而神自清。晉真人云心清意靜天堂路意亂心荒地獄門。丹陽師云要知上天入地好弱由心。孟子曰我善養吾浩然之氣故不動心。太上云出家若不降心百年之後無得中處。重陽真人云出家若不降心返接世緣道德損矣。性命書云洗心對越乃萬物之根蒂。經云心生則性滅心滅則性現也。心滅者是實經云諸賢先求明心。本是道道即是心。心外無道道外無心也。重陽真人授丹陽二十四訣

礪溪集序

文二

王峯老人講經四十年緣深未斷丙午春演羲易子條陰之北郊有三仙者自隴山來謁我。我祇宮爨出一篇乃礪溪丘公長春舉揚玄諦開誘迷朋而作也。啓緘閱焉其文豪縱意出新奇蓋匪俗學所能知者。昔王官李樂然與王峯俱出。斲秀覺之門而李自頽悟玄言驚人非世才之所能窺。既與序而傳之矣。嘉我道之聰非世之聰也。道之言非世之言也。何以微之乎。俗學者雖能鼓頌。毫不過歌詠情性。搜選景物。至造理者。明天人之際。助聖賢之教。亦可與日月爭懸。若夫悟真之士。特不斯然。發無言之言。上明造化。彰無形之形。下脫死生。信手拈來。不勞神思。空啗自震。奮爲雷霆。本文不作。煉成斗星。王峯老人今於群仙而證之。不求高而自高。不期神而自神。豈非一氣通徹。六憲洞開。動容無不妙出。語總成真。本來如是。非假他通者邪。如礪溪集云。手握靈珠常奮筆。心開天籟不吹簫。又云。頂戴松花喫松子。松溪和月飲松風。又云。

編撮山頭三伏暑都教化作一團冰又云有無皆自定貪愛復何爲又云酒傾金露滑茶點玉芝香又詞云般般放下頭頭是選甚花街弄柳市虛空體本來一物無礙滯又云天下周游身不動人間照了心無用又云踏盡鐵鞋迷不出菴門透略舉二三數讀者當廣知也嗚呼今之仙緣必宿有仙契者乎昔在東菴與王風仙全真結緣在長安與馬丹陽結緣去秋澹州人來與譚仙結緣唯丘公遠處隴上是數者皆風仙之徒今悉得結其緣非人力之所能致也雖然丘仙之道豈爲吾而顯也蓋光輝之大世有不可掩者於是乎亦得與結緣焉時大定丙午歲五月日中條山王峯老人胡光謙序

蘭生深林不以無人而不香鶴鳴九皋自然有聞而及外高人勝士或幽棲窮處甘枯槁於山樊或混雜同塵肆沉淪於鄜市雖室邇而人遠覺心靜而地偏飄飄泛泛喻孤飛之雲不繫之舟隱起滅於丹青滄溟之際將何往而不自適耶加之玄元爲師秦和爲友遐

襟曠跡淵停谷虛做內觀之達人法勤行之上士修真養命累功及人間亦寄興言懷高吟大著邊皇人之紫筆演大洞之空歌文辭章句往往見於世焉是以蘭之吹香鶴之聲聞乎我俄國之今長春子丘公非斯人之徒歟而誰歟公本登州棲霞人與劉公諱公馬公俱圖學於終南王風子先生著名海上遠近敬仰號丘劉譚馬若古法或論所謂神仙道士若太上說養性得仙三十六法寂寞在人間者也門人弟子齋公所作詩曲雜文來

謁序引余素未遂觀止臨江之表而獲觀雄編嘉其恬淡閑逸縱凡儂俚無所拘礙若游戲於翰墨畦運外者不離不琢匪丹匪青土鼓晉梓之不求響奏玄酒大羹之不事味享知者知美其在斯乎唐蔣防稱靜福山廖冲曰仙書無文仙語無詞以心傳心天地不知放情遺逸今古爲誰予丘公復云時大定丁未長至日文林郎前太常博士兼校書郎雲騎尉致仕平陽毛鹿序且夫至道之妙不得以聲色求而不得以形

迹窺必賴至人爲馴致計摘章捕句俾得傳誦之歌詠之而漸能游聖域而造玄門者也然而句之警策文無淵底則烏可以歆艷當時而激勵後學者哉今見長春子丘公磻溪集片言隻字皆足以警擊替而洗塵囂也寧

非生而穎悟未弱冠而志于道不寐者餘四十載日記三千言身行萬里地三教九流貯蓄於胸臆照耀於神識故也宜乎聲馳丹闕有綸音之邀契偶真仙喜金鱗之得因知從重陽之役者無慮千百輩唯丘劉譚馬四公時爲秀出然翹翹之譽獨有歸焉適有舊友隴西公才道自東萊直抵奉城郡署懇求集序拜手而加穎者數四自知弓刀簿領之手不足爲形容髣髴然稔慕風聲恨未披際沉李侯之來引繩不可把故讓之無計而勉書數字時秦和丙寅歲重午後一日昭義大將軍武定軍節度使兼奉聖州管内觀察使提舉常平倉護軍漆水郡開國侯食邑一千戶食實封一百戶移刺縣題昔蒙莊者書三十三篇大率寓言藉外之論

後之談道者然以點聽去羨顧神養氣為本
至於接物誘俗章頌釋蔽亦不免託默於語
東州高士長春子丘公世居登之棲霞未冠
一年游崑崙山遇重陽子王宥風一言而道
合遂師事之王遺以詩有被余綬綬收綸線
拽入蓬萊永自由其深入理窟可知已久之
與同志馬公諱公劉公陪從重陽子游南京
識者目丘劉諱馬為林下四支居無幾重陽
子稍館四人護喪歸殯終南廬於墓次服除
各議所之適惟公樂秦隴之風居磻溪朝六
年龍門山七年勺食飲以度朝夕聲名籍甚
大定戊申世宗皇帝聞之驛召至京師賜以
冠中條服見於便殿前後凡四進長短句以
述修真之意上嘉歎焉及還山之後接物應
俗適宜答問有詩頌歌詞無慮若干首文直
而理到信乎無欲觀妙源造自得者歟其徒
衷為巨帙將鉅木以廣其傳謫文以冠篇首
愚以謂古隱君子有三際或自放草澤名往
從之人主之尊猶物色而招訪或持峭行不
屈於俗雖有所應終不可縻以物務使人人

想望風采或賓搗薄而樂山林逃空虛而不
返使天下常高其德不可加皆長春子兼而
有之宜乎以野服承聖問使四方懷想而企
慕焉非如放利之徒假隱自名欺愚誑警為
得計哉先生今在棲霞太虛觀未有承顏接
膝之期所以序其崖略者庶他時邂逅不以
我為生客秦和戊辰閏四月望日翰林學士
中順大夫知制誥兼國子司業輕車都尉穎
川縣開國伯食邑七百戶賜紫金魚袋安東
陳大任序

磻溪集卷之一

棲霞長春子丘處機撰

七言律詩

秦川

秦川自古帝王州景色蒙籠瑞氣浮觸目山
河俱秀發披顏人物競風流十年昔志忘高
卧萬里甘心作遠遊特縱孤雲來此地烟霞
洞府習真修

磻溪

故人別後信天緣浪跡西遊住魏川宛轉風
塵過萬里盤桓巖谷洎三年安貧只解同今
日抱樸疇能繼古仙幸得清涼無垢地棲真
且放日高眠

磻溪鑿長春洞

我峩峻嶺接雲衢古栢參差一萬株瑞草不
容凡客見靈禽唯只道人呼鑿開洞府群仙
降鍊就丹砂百怪誅福地名山何處有長春
即是小蓬壺

幽居

臺邊水谷尤清曠野外山家至寂寥絕塞雲

收天耿耿空林夜靜月蕭蕭揚眉瞬目開懷
抱散髮披襟遠市朝自解偷生巖嶂窟誰能
闡化法輪橋

春曉雨

雨晴春色倍光輝風引泉聲出翠微宿鳥繁
吟朝闢巧遊人遠適夜忘歸參差綠樹初騰
秀浩汗青苗乍長肥洞口時聞三島鶴天隅
來訪一蓑衣

堅志

吾之向道極心堅佩服丹經自早年遁跡巖
阿方十九飄蓬地里越三千無情不作鄉中
夢有志須為物外仙假使福輕魔障重挨排
功到必周全

自詠

自遊雲水獨崢嶸不惡紅塵大火坑萬頃江
湖為舊業一簑煙雨任平生醉來石上披襟
卧覺後林閑掉臂行每到夜深雲霧處燈光
影裏學吹笙

答甘北鎮孟秀才

一別家鄉整十年飄蓬雲水入秦川衣寬放

蕩秋來補食飽蕭條處處眠陝右不干浮世
事天涯曾遇大羅仙功虧未得長生信坐待
嘉音曠峪前

答李四秀才邀住渭北

本來今歲合雲遊性劣那堪道未周故我身
心隨日月與他巖壑度春秋深承饒邑多才
士遠訪磻溪遁跡流不在相邀居北郭此中
亦可論真修

道友邀遊磻溪太公廟以詩辭之

自無狂興不追遊識破諸餘萬事休誰向磻
溪消鬱悶閑居巖壑且淹留昔逢海上三千
里曾涉途中二十州看盡名山無限景大都
身外沒堪酬

磻溪廟覓馳馬

聞說磻溪隱太公巖高樹密壯祠雄花朝石
窟龍吟霧月夜山門虎嘯風萬載龍巖名不
朽三春馳馬獻無窮詩為覓千餘尺染翰
聊為度日功

答宰公子許秀才

森森綠檜鎖天涯峭壁中藏野客家碧洞經

年無火燭青山終日有煙霞虛心實腹唯求
飯待客迎賓不點茶自樂安閑微得趣門風
何足向人誇

答清河氏

神明雖是落凡胎氣直終須有道材只恐丹
砂臍下去重教白雪耳邊來如何脫免紅塵
境似我登臨碧嶂臺步步嬉遊天漢出時時
騰踏野雲開

贈涇州跌跌郎中暨劉解元

凡為道友欲相尋不用浮財僅數欵物尤
輝難買道人情拘束易勞心疎慵寡學文章
淺淡泊幽居歲月深格外閑愁都絕想雲中
來聽一高吟

贈王周二生見訪

二公何事挈榮餐出郭嬉遊草莽間宛轉尋
村來訪道因循樂道暫偷閑深知舊有道遠
志速看虛無華嶺山盡日閑懷恣談笑夜深
同步月明還

東道友問修行

余今蹤跡任蹉跎寧論修行事若何道眼無

光備入市天心難合且隨波飢時只解巡門
乞飽後兼能鼓腹歌除此一身愚作外萬般
餘事不知他

寄道友覓敷布故履余在西號六年
未嘗一新衣履每至中秋唯完補褐

衲耳

秋風忽起雨天涼木葉蕭疎草漸黃褐衲懸
鵝唯關補老鞋伏兔不能在有身易着饑寒
苦無福難逃日月長但願諸公懷惻隱扶持
同步入仙鄉

次韻銀張八秀才

鬱鬱煙霞滿谷中冥冥心跡體虛空長歌愛
屨臨春水獨坐看雲對曉風遠害誠能依道
力施恩未解接神功經書突與君常究返照
何須更繫東

號縣銀張五秀才處借書

威族文章舊得名芝蘭玉樹滿堪庭光輝代
代生豪傑講論時時聚德星顧我微才弘道
晚知君博學賞心靈嘲吟不用多披覽續借
閱書混杳冥

中秋不見月

幾年明月不昭彰玳席虛勞設萬方每恨他
時遭雨隔那知今夜復雲藏仙城莫是簪花
睡玉免還為搗藥忙世俗歡娛無所益冥冥
物外且韶光

見月

沉沉雲退晚風幽皎皎蟾光奮九州萬里碧
天清照夜四郊黃葉冷飛秋高空似觀蝦蟆
現大野還知翹翹囚脫灑圓明孤且潔飄飄
塵外不淹留

王宅月桂

太原門下景幽深一簇仙花壓古今根絲發
從雲上面祖宗來自月中心香苞灼灼披紅
粉茂葉重重鎖綠陰朵朵精神皆異俗飄然
特使東人欽

又栽月桂

匠手親封月桂栽幽人自植寶花臺靈根妙
絕非凡種秀氣冲和是道材日月交流千古
異乾坤獨玉四時開英賢好顧長春景莫把
群芳一類裁

山居 三首

龍門峽水淨滔滔南激朱崖雪浪高萬壑泉
源爭湧湊千巖石壁競呼號周流截斷紅塵
境宛轉翻開白玉膏勝境無窮言不盡臨風
時顧一揮毫

不怨深山

不怨深山自採樵山中別有好清標幽居石
室仙鄉近不假環墻世事遙飲食高呼天外
鶴摩雲仰看峽中鵬時時皁白浮沉景顯貫
真空慰寂寥

獨自深山

獨自深山搃寂寥閑雲伴伴屏喧囂耽慵
不念生涯拙好靜唯便熟境銷著假空貪齊
李杜明真何必等松喬研窮壽筭文章力豈
奪虛無造化標

芭蕉

一葉青牋仰掌開三漉白浪散花埋
秋日中有客頻來賞月下無人獨自陪造化
乾坤難比大
留君日日當金案與客時時慶玉杯
不見使人而金案
玉杯自來人前

讚丹陽長真悟道

馬氏譚君達聖朝疑情萬古一時起雲中採
藥烹金鼎火後收丹貯玉瓢手握靈珠帶奮
筆心開天籟不吹簫看看跨鶴乘風去海上
人間影迹遙

鶴

一種靈禽體性高丹砂為頂雪為毛冥冥巨
海游三島矯矯長風唳九泉灑落精神超俗
物飛騰志氣接仙曹搏風整翮雲霄上萬里
呼嘯自不勞

嶺北西京留守夾谷清神索

東海踈狂猶日斷西京留守未心閒去年奉
勅三冬往今夏齋書九月來北地官榮何日
罷南山道隱幾時迴直須早作彭城計燕國
家風自不賸彭城乃海

易州西山睽公堂

高高雲外睽公堂閃閃雲霞照洞光千仞峯
巒排左右萬株松柏互低昂山翁不解談今
古野客時來講混沌休道一生空打坐也勝
塵世走忙忙

福山縣黃錄醮感應并序

明昌甲寅秋九月建黃籙于福山縣二十
八日午後將符受戒有鶴十一翔翔乎
壇上終夕不去越一日設醮聞天關震響
北極下紅光燭地可辨纖悉士民靡不見
宥

華燈照耀積金山人在蓬壺咫尺間下士傾
心開地府高真威力動天關十門列祭嚴香
火萬口同聲啟笑顏三界十方功德備彩雲
仙鶴自迴還

永安丁巳冬至後苦雪時有事北邊

冬前冬後雪漫漫淑氣銷沉萬物乾出塞馬
驚山路險防邊人苦鐵衣寒雖愁海北邊靈
苦幸喜山東士庶安日費國貲三十萬如何
性命不凋殘

平山堂四首樓賞
太虛觀也

年年三伏上平山山上遊人絕往還目視青
霄雲澹澹身橫碧落性開關孤高迥出林巒
表曠望殊非海岱間白日紅塵車馬客誰能
到此一凭欄
山堂高潔倚天涼天外清風入坐長青鳥有

時來顧盼白雲終日自飛 金壇玉宇知何
在絳闕瓊樓古未詳爭似山家休歇去身心
不動到仙鄉

山堂畫靜客來稀而坐亭亭列翠微碧漢無
瑕紅日轉青山不動白雲飛參差萬有彰神
化渺邈三靈合範圍終始蓋由清淨道人能
天地悉皆歸

三竿紅日眠猶在十里青山坐對闕不覺人
來幽園外時驚犬吠白雲間無心自得成長
往了一何須問大還只恐逡巡下天詔悠揚

無計樂平山之聊戲
耳

海上觀濤

大風時起北溟寒萬里驚濤靄雪山怒色衝
天昏氣象雷聲出地駭塵寰江神洶浪濤輸
款河伯咸靈溢汗顏白馬素車空有勢非仙
無路可躋攀十三

題諸潘菴

登郡西南十里餘大開泉石致幽居山深海
闊相依映地僻雲閑任卷舒夾道清池遙熠
耀倚天高柳挂蟾蜍鳴琴坐對煙霞客笑指

勞生一夢虛

中秋日與道友遊諸藩時有將赴秋

闈者

爽氣清高暑氣闌園林欲變錦紋斑長風渡
海來沙漢短晷經天下玉關設席邀賓龍樹

側鳴琴待月虎溪間良朋自得真佳趣不待

燒宮把桂攀

秋旦與蓬萊道友游西溪

臨水登山跨曉風虛心瞪文強切目俯秋空雲

迷海嶠沉沉碧日射天輪燥燥紅游興不隨

他物轉和光聊與世塵同三年四度乘嘉會

又到山西漲海東

途中作明昌二年十月余到棲霞三

年五月蓬萊道友相邀度夏自後數

年為例五月相邀耳

年年五月到蓬萊麥秀金銀花七次第開野客

充飢饒紫萼行人止渴待黃梅雲頭勃勃連

山聳兩脚泚泚拍海來朱夏勝遊多壯觀情

如天網亦恢恢

送陳秀才完顏舍人赴試首

六合之中萬物生人於萬物最高明能窮物

外陰陽數解奪人間富貴名自昔丹砂唯九

轉而今天路只三程謂今請仙才調無留滯

坐看飛騰上太清

丈夫高節氣凌雲十載潛看萬卷真滿腹詩

書雖合道出群頭角未驚人奔牛計策元無

敵立馬文章自有神異日功成心爽悟黃梁

驚覺夢中身

泰和辛酉清明後三日霜

兩後方看麗景韶風前忽耳萬花凋園林一

夜無顏色氣候三春太寂寥正過東君時作

巧那堪青女勢還驕生靈跋扈知難免造化

根源尚未迤

落花

昨日花開滿樹紅今朝花落萬枝空滋榮實

藉三春秀變化虛隨一夜風物外光陰元自

得人間生滅有誰窮百年大小榮枯事過眼

渾如一夢中

赴蓬萊狄氏醮踏曉登山

鷄鳴喔喔動精神閉息登山上湧身路惡纔

分督竊道林深不辨往還人披雲直下觀東

海絕頂孤高映北辰日用琴尊為善者虛心

牢落且同塵

赴濰州北海醮溫迪平

北極陰風渡海扇海山風物盡蕭然山陰積

雪寒鋪地海上層冰凍接天鴻鵠預辭千里

塞蛟龍深卧九重淵道人守拙何為耳皓目

冰霜赴醮筵

昌陽黃錄醮

十月昌陽五穀饒追思黃錄建清標華燈羽

服羅三殿絳節霓旌下九霄法事昇壇千衆

集香雲結蓋萬神朝從茲降福穰穰滿一縣

潛性百禍消

過蓋公峴山

峴石崎嶇馬不禁溪風蕭颯虎難尋山橫劍

戟參差大氣鬱煙霞曉鵲深道東不游閑景

色天涯都是好叢林因循北海修黃錄寔轉

東萊謁琴峯

避事過蓋公峴

乘閑杖策躡仙蹤度石穿林望蓋公西海有

雲波慘澹東山初日氣濛濛崎嶇萬壑深潛
跡牢落三州暗轉蓬出處自非心染着從教
著棒打虛空

驟雨

萬壑濃雲雷雹屯千尋白雨下山門陰陽氣
激風雷急草木聲號宇宙昏鳥獸相迷煙慘
慘魚龍交錯水渾渾一時造化驚天地咫尺
中間孰見根

季冬八日大雪

昨夜南風又北風曉來天地一濛濛零珠碎
玉隨高下萬壑千巖合異同日月不知安頓
處山川塞在杳冥中返觀性命陰陽理始識
虛無造化功

昨夜南風又北風曉來天地一濛濛山村野
店家家與柳絮梅花處處同石室松堂雲歛
後瑤臺瓊榭月明中何須更問豐年瑞紙此
深住大道功

訂前

法宇沉沉不下幃清齋兀兀坐忘機紛紛滿

地天花落浩浩盈山海月微淡日悠揚金殿
曉衝風散漫玉塵飛三冬瑞雪真嘉慶萬古
何人識是非

瑞雪飄飄野興濃開門杖策久從容貪看六
出瑤花墜不覺三清寶殿封暗室郊原彰玉

馬斜拖鬩角隱金龍高人冷冽寒巖下莫辨
遜山第幾重

竹軒太虛

小軒幽檻不栽花只種琅玕度歲華直節自
非凡草木虛心真合道生涯風吹瑟瑟香選
冷雨洗消消淨更嘉不待歲寒方見重冷窻
朝夕思無邪

登臨有感

陟彼高崗馬足蹠觀乎大地我心搖山河氣
象連天闊洞府神仙避世遙白玉黃金終莫
守春花秋月固難饒百年一覺浮生夢萬事
俱非恨寂寥

定海軍節度使致政劉師魯挈其子
見訪于樓霞太虛觀

數騎翩翩出郡城西風搖蕩菊花清吟詩馬

上無橫槊訪道人間暫濯纓露下天高秋氣
爽金聲玉振曉霞明山堂盡日蕭然坐似覺
浮生夢且輕

師魯先生有寔息之所勝曰中室又
從而索詩

一陰一陽之謂道太過不及俱失中道貫三
乘玄莫測中包萬有體無窮高人未悟猶占
僻下士能明便發蒙儒釋道源三教祖由來
千聖古今同

次韻答奉聖州節度使移刺仲澤佳
什

忘機不用苦清談大隱何煩住小菴海印發
光吞寶月天心燭物邁寒潭黃庭雅弄琴三
疊紫府高吟酒半酣西北文章賢太守肯將
珠玉寄東南

送蓬萊州節度使鄒應中移鎮兗州

人生七十古來稀不夜功成賦式微便欲休
官裁菊去還令杖節與心違行藏未出陰陽
數風夜難逃變化機異日挂冠須在早莫教
林下有人識

讚道

造物悠揚氣勢雄三光日夜轉鴻濛冥冥會
合陰陽秀矯矯神奇幻化叢春去秋來生殺
異天長地久古今同靈臺有箇真消息未悟
那堪性不通

達士

隨機接物外同塵應變無方內入神心地出
離三界若洞天游賞四時春金丹大藥經年
久火棗交梨逐日新一服定超生死海不知
誰是有緣人

靈虛觀賞梨花

妙景從來說武官周天迴幹暮春看千株白
錦凝霜雪一冰香風吐麝蘭羽客徘徊昇月
榭高真依約下星壇神功暗結靈虛秀化作
無邊碎玉團

舊遊

秦川渭水好行程不問長亭及短亭西嶽雲
開仙掌白南山雨過佛頭青丹霄髮髻舒晨
彩碧岫參差列畫屏海上交朋聞我道虛心
側耳盡來聽

磻溪集卷之一

友一

十九

磻溪集卷之二

友二

樓霞長春子丘處機撰

七言絕句

關中土民純質嚮善者其衆道門尚
七釋氏轉八每至年交各大集其衆

午後於聖前禮誦經懺謂之禮正至

一月終方畢

雪霽春光顯太平風和日暖倍鮮明高歌合
會休懷悶大黃圓焦作禮正

答樊生

莫問天機事怎生唯修陰德念常更人情反
覆皆仙道日用操持盡力行

劉二道友索其人愛飲酒奕棊

歡來日飲千鍾酒靜處時捋一局碁白髮流
年當遠鑑紅塵鬧事莫多知

警涇陽強居二首

隋何陸賈總歸空千古惺惺一夢中爭似忘
機合著口潛心捉住九天風
百年萬事一場空急景渾如過隙中浮世奈
何人不悟癡心剛待撮春風

寄楊五信士

題詩欲寄紙還無檢佚搜文得故書復殷
勤題一絕囑君行善莫踟躕

還楊五所惠紙扇

謝公惠我白芭蕉山谷多風不用招城市炎

天無爽氣請君執捧自閑搖

答喬生彼新喪偶欲休心入道

物外歸心絕大魔關中遣興益高歌靈臺著
慾於今少健骨乘風已後多

題楊五紙扇

突兀高峯上倚天巉巖絕壁連合煙披襟自
古嵩陽客傲世從來華嶽仙

題王生紙扇

自愛寒天夏日長誰憎酷暑火雲昌三焦毒
熱多年盡一握清風萬古涼

題喬生紙扇

炎炎赤日火雲飛路上行人汗浴肌碧洞深
山無事客優游松下正枰碁

題王二紙扇

麤賓節後轉加炎毒熱薰蒸無處潛唯有長

春碧巖洞清涼終日自安恬

題周道全紙扇

谿風颯颯如霜下瀾水泠泠似雪翻盡日殊
無勞役重何時更有鬱蒸煩

題龐氏藤扇

織纖妙理織銀絲習習輕風散玉姿秋後雖
然颯運爽待君應也不多時

灤裏陳氏草堂

茅堂高結半原陰喬木參差翠竹深車馬不
聞名利遠安閑終日好棲心

段生放棹值水漲漂沒空身還歸

段生放棹下西山時值波濤盡出關四首無
心怨河伯高歌且喜脚輕還

飛仙

蓬萊方丈及瀛洲三島神仙一處游混合九

天無罅礙飛騰八極信周流

鍾呂畫

無我無人性自由一師一弟話相投談經演
法三山坐駕霧騰雲萬里游

景福山居

虎嘯烈風潛獸愕魔交長夜睡魂驚何時樸
直道心顯慧日開張天眼明

景福淹沉人事少龍門闕澹虎溪清時聞結

果加宅語似聽鉤輅格磔聲山間一種紅雞

入山樵採者戲語以西安也下作結果加吃聲

述懷四首

我道欲求神自放龍門時復虎相干山頭烈
火三冬熾澗底陰風五月寒

清虛妙理橫天下大樸淳風滿世間至道有

名那見實通人無語自知還

入道根源唯自許出塵消息有誰知南華始

遇逍遙樂北海終投汗漫期

野鶴孤雲闊活計清風明月道生涯千山磊

落收雲氣四海光明耀日華

隴州楊氏携月桂栽見訪四首

汨沒塵埃甚可憐追隨俗態幾經年偶因上

士遊山水得遇高真伴聖賢

一枝孤秀倚寒山四海群芳懷醜顏若遇清

風佳氣會天香飄落滿人寰

遊初稟氣得真詮續艷聯芳似火傳世上百

花難逐月人間唯此可窮年

樹密山高隱地蟠風多露少怯天寒他時復
向蟾宮裏五嶽雲收四海觀

放鴈

放去欲齊支遁鶴籠歸寧傲右軍鴉雖符莊

子能鳴義恐學茅君著愛魔

隴州堂下清夢軒

清夢軒中清士居清開高卧養真如真如養
就清無夢無夢清歡樂有餘

○ 隴州蕭防判書召因事別隴山過

亭川届石灰寺盤桓數日趣起未決

○ 公書忽至欣然乃還

俄聞寵命發汧涯便欲安閑卧隴西黃鶴不

思千里舉白雲猶戀故山樓

○ 自亭川回路次望龍門山

南望龍門一豁開東遷鶴馭再頭迴深知此

域因緣重未許他方道德該

○ 答曹王妃休休道者書名

山潛洞壑非高尚自揣襟懷寔蔽蒙無益虛

名相混雜不教閑坐養盲聾

○ 答京兆統軍夾谷龍虎書名

伏休道者方歸去赫赫王侯又到來自愧中
心無道術空教外跡播塵埃

○ 贈雲外子孫可道西州行化

歷歷西州向道多道人行止足乖訛公當策

寒尋山郡糾察無令外道魔

○ 寄扶風榮宰

原心自得魚鱗大用指何妨馬骨高居室有
誠還可信下堂無智亦徒勞

○ 惻隱

狗病無人煎粥湯驢寒倒地四肢殭為人
解修陰德轉殼何由免禍殃

○ 下手違

日月忽忽頂上飛光陰忽忽眼前移回頭返

顧即成老下手速修猶太遲

○ 聰明

修行大抵要聰明祇恐聰明向外呈外假內

真兩相起一邊敗後一邊成

○ 棄本逐末

一念無生即自由千災散盡復何憂不堪下

劣衆生性日夜奔馳向外求

○ 進呈世宗皇帝

九重天子人間貴十極仙靈象外尊試問一
方終日守何如萬里即時奔

○ 答寧海書名

雪滿群山路不通天教車馬不西東可憐寧

海官民意目斷西山一望空

○ 聞詔起玉陽公戲作

三竿紅日自由睡萬頃白雲相對閑只恐虛
名動華闕有妨高枕卧青山

○ 春晚登眺

殘花冉冉飛紅雨落日依依散白毫遙望西

山官妓子倚天孤聳一拳高

○ 春寒

海上春風日日顛山頭春色幾時妍清明過

了朱明近未有紅芳到眼前

○ 陽九百六

劫運天災不可當高真上聖救無方直須受

盡豐年孽罪得昇平入道場

○ 公山余鄉公山之陽故作是詩

首

公山隱棟蒼宮松影森森鎖碧空頂戴松
花與松子松溪和月飲松風

松風習習透松煙習習松煙散九天天外輕
盈籠萬象交光日月共廻旋

千尋瀑布清明秀一派嵐光氣勢雄時被祥
風吹作雨瀟瀟漠漠灑虛空

青城華嶽與天台怎比吾山至大哉一簇峯
巒千萬仍儀仗不讓蓬萊

公山高隱白雲宮宮壓公山第一峯峯上白
雲飛不斷悠悠來去惹青松

參差山色有無中半入幽溪半入空依約天
涯尋不見飄飄常被白雲籠

公山自古白雲多結蓋層層入大羅出沒群
仙常不見雲中唯聽洞仙歌

仙歌縹緲入公山漸入公山太一壇壇上諸
仙安樂鼎時時燒出大還丹

撞開天漢拂星辰獨坐蟾宮抱日輪夜收靈
龜朝引鶴飢餐松實冷披雲

山頭點起一輪燈天下妖魔盡不生唯有堂
堂圓覺士松間獨弄寶珠行

公山春

闕遣青龍轉月華同舉白虎律黃芽黃芽欲
發雷霆震迸出青龍白虎牙

公山夏

陽光潑潑火雲凝海底蛟龍即上昇偏撮山
頭三伏暑却教化作一團氷

公山秋

雲興霞燦映天衢松窰山高壓地圍絕頂峙
嶸人不到昭昭獨放月輪孤

公山冬

同雲漠漠雪霏霏凜冽寒風刮地威吹起山
中無限景瑤花瓊萼滿天飛

東萊即墨之牢山三圍大海背俯作或
平川巨石巍峩群峯峭拔真洞天

福地一方之勝境也然僻於海曲舉
世聞其名亦不佳予自昌陽醮罷

抵於玉城亦真觀南望煙靄之間隱
隱而見道衆相邀遲延數日而方屆

遂閣吟二十首易為鼇山因清暢道
風云耳

卓犖鼇山出海隅霏微雲秀滿天衢群峯削
蠟幾千仞亂石穿空一萬株

道祖二宮南鎮海謂上清宮大明三峯北當
途謂太平與國是知物外仙游境不向人間
作畫圖

初觀山色有無時十日遷延尚未之咫尺洞
天行不到空餘吟詠滿囊詩

浮煙積翠遠山城疊嶂層巒畫屏造物建
標東枕海雲舒霞卷日冥冥

三圍大海一平田下鎮金鼇上接天日夜潮
頭風輒雪彩霞潑處有飛仙

佳山福地隱仙靈萬壑千巖鎖洞庭造化不
教當大路為嫌人世苦臆腥

牢山本即是鼇山大海中心不可攀
上帝欲令修道果故移仙跡近人間

重崗複嶺勢崔嵬照眼雲山翠作堆路轉山
腰三百曲行人一步一徘徊

松巖鬱岷瑞煙輕洞府深沉氣象清怪石亂
峯誰變化巨初開闢自天成

因持翰墨寫形容陟彼高崗二十重南出巨

平千萬壘一層崖上一層峯

四更山吐月猶斜直上東峯看曉霞日色麗

天明照海金光射目眼生花

天柱峯巍我獨建標上穿雲霧入青霄不知

日月星辰謝但覺陰陽氣候調

洞有佳名號白龍也洞不知何代隱仙蹤至今

萬古人更變猶自嵌巖對老松

洞有仙名喚老君也洞神清氣爽獨超群憑高

俯視臨滄海守靜安閑對白雲

華蓋真人宋太祖時得道者也上碧霄道山從此鬱清

標至今絕壁幽巖下尚有群仙聽海潮

修真野客非才子行到慈山亦有詩只欲洞

天觀海日不勞雲雨待青詞

白髮蒼顏未了仙遊山說水且留連不嫌天

上多官府只恐人間有俗緣

修真却似上山勞脚難移步步高若不志

心生退怠直趨天上摘蟠桃

盤山三面海浮空日出扶桑照海紅浩渺碧

波千萬里盡成金色滿山東

山川皆屬道生涯萬象森羅共一家不是聖

賢潛制御乾坤那得久光華

可歎巍巍造化功山河大地立虛空八荒四

海知多少盡在含元一氣中

大安己巳膠西醜罷道眾相邀弄遊

齋山復留題二十首

上清宮十首

醜罷歸來訪道山山深地僻海灣環棹船即

向波濤看化出蓬萊香靄間

群峯峭拔下臨淵絕頂孤高上倚天滄海古

今吞日月碧山朝夕起雲煙

青山本是道人家況此仙山近海涯海關山

高無濁穢雲深地僻轉清嘉

怪石嵌空自化成千奇萬狀不能名斷崖絕

壁無人到日夜時聞仙樂聲

曉日曛曛漸起雲山色慘澹不全真直須更

上山頭者似駕天天風出世塵

巨石森森嶺上排巔峯岌岌到無階三秋水

凍澗水結九夏雲寒疊嶂霾

海上觀山勢轉雄清高突兀倚虛空朝昏磊

落生雲氣變化皆由造物功

陝右名山華嶽赫江南尤物九華奇蓋山下

枕東洋海秀出山東盡不知

重重疊疊互相遮簇簇攢攢競聞嘉眼界清

涼心地爽神仙自古好生涯

五嶽曾經四嶽遊群山未必可相儔只因海

角天涯背不得高名貫九州

太清宮十首

煙嵐初別上清宮曉色依稀路徑通纔到下

方人未食坐觀山海一濛鴻

雲煙慘澹雨霏微石洞留人不放歸應是洞

天相顧念一生嗟我到來稀

雲海茫茫不見涯潮頭只見浪翻花高峯萬

覺連雲秀一簇圍屏是道家

松風澗水兩清幽盡日清音夜未休野鶴時

來應不倦閑人欲去更相留

溪深石大更松多鬱鬱蒼蒼道氣和不是歷

年樵採眾浮雲蔽日滿巖阿

貫世高名共切雲遊山上士獨離群仙卿貴

重三茅客任族尊榮萬石君

西山仰視刺天高山上仙家種碧桃桃熟幾

番人換世洞中秦女體生毛
清歌窈窕步虛齊月下高吟鳳舞低談笑不
干浮世事相將直過九天西
煙霞紫翠白雲高洞府群仙醉碧桃鼓透碧
巖雷震駭滿山禽獸盡呼號

道力神功不可言生成萬化獨超然大山海
嶽知輕重沒底空浮萬萬年

八月十日自昌樂縣還濰州城北王

清觀作中秋詩十五首

西縣東來至玉清金風一掃暮天晴開懷便
賞中秋月只恐臨時晦不明

萬木西風徧九州嚴光一夜向西流出塵英

氣清人骨是處歌歎不解留

初離海嶠有餘清萬國歡心賀太平但願寶

光無照朔不教天質有虧盈

渾金璞玉上天衢抱雪凝霜耀太虛四濤百

川無不鑿群生萬象悉安居

一片清光萬里開無分茅屋與樓臺家家盡

得開吟賞更有清風助快哉

有客徘徊望太虛開尊專欲賞蟾蜍蟾光不

解留人意澹澹青霄只自如

金波晝夜不會閑淡蕩清輝出海山素魄高

昇游物外恩光下照滿人間

碧漢崢嶸自有期天光照耀本無私却憂下

土昏魔重不見金輪出現時

團圓皓月挂空虛百鍊青銅鑑不如一切水

中皆影現群魔摘膽盡消除

桂影朦朧下照人縱橫萬古不知因何宮跡

鶴雲霄上俯視青天白玉輪

雲去雲來不暫停朝昏恍惚變陰晴今宵幸

對蟬始質刺作新詩暢道情

年年此際殺生多造業彌天不奈何幸謝吾

皇嚴禁切都教性命得安和

聖主登基萬物安仁風感殺自朝瑞邦君士

庶皆僭德好放蟾光與衆看

靜夜迢迢起黑雲東生無分樂天真空中自

是雲遮眼天外何曾月避人

百歲光陰瞬息間中秋幾度得開顏不如鍊

性如秋月是朗身心自在閑

磻溪集卷之二

磻溪集卷之三

友三

棲霞長春子丘處機撰

青天歌

青天莫起浮雲障雲起青天遮萬象萬象森
羅鎮百邪光明不顯邪魔王

我初開廓天地清萬戶千門歌太平有時一

片黑雲起九竅百骸俱不寧

是以長教慧風烈三界十方飄蕩徹雲散虛

空體自真自然現出家家月

月下方堪把笛吹一聲響亮鎮華夷驚起東

方玉童子倒騎白鹿如星馳

遙巡別轉一般樂也非笙兮也非角三尺雲

璈十二徽歷劫年中混元斷

玉韻珠琅絕鄭音輕清徧貫達人心我從一

得鬼神輔入地上天趨古今

縱橫自在無拘束心不貪榮身不辱開唱壺

中白雪歌辭調世外陽春曲

吾家此曲皆自然管無孔兮琴無絃得來驚

覺浮生夢重夜清音滿洞天

吟六首

先天吟

空山靜夜微雲作淡月疎星寒氣錯忽見長
 庚耀太虛迴觀北斗潛家廓乾坤舒慘即時
 改宇宙紛紛何所託必有機關動搖憑虛
 反覆相酬酢大哉無極玄元道何者不家靈
 應藥點化三光轉碧空滋榮萬物開花夢騰
 今跨古未嘗壞歷險衝艱殊不弱浩浩洪流
 自激揚紛紛大化誰斟酌混元一氣首與變
 無上至尊唯獨惡踏碎虛空出杳冥聲開混
 沌生揮霍陰陽升降作門戶日月縱橫為鎖
 鑰暑往寒來晝夜分時通運塞興衰各既而
 上立乾坤鈕復乃下鳴師範鐸建德隨方料
 物宜因時設教從人樂三皇五帝皆宗祖六
 道四生咸唯諾至聖文才尚發蒙猶龍道德
 何其博

度世吟

山深路僻行人少盡日幽巖聽啼鳥無客相
 陪皓月中有時獨立青雲表雲表孤吟百邪
 遠天涯一覽群山小調高風急韻悠颺清絕
 步虛神縹緲憶昔重陽泛天角清吟欲序乾

坤樸釣扶風人不知測量大海余先覺入
 神妙致應難辨出俗玄談非所學返觀今日
 道崢嶸始得他年功卓犖首及東牟演仁孝
 未能化俗閉籠罩五會軒軒之五名寧海金
王華萊州平等文三州袞袞崇三教出神入

夢人驚駭擲蓋投冠予計較師居東海乃猶
 龍馬入西秦還變豹丹陽私道陸於氏右也
丹陽等數人從重陽師自文登如寧海時道
龍泉日氣稍熾師令余等前已執余在後距
半里許余忽迴顧見余騰空而起余遂走
門之云持杖而不上不知其然而然初余起
無所也時余法暮餘陽子王公隱于東海
之查山山到文登一百一十里文登到牟起
處又七十里牟起乃辰時及臍陸牟陽公卷
前柄內余陽子道號往賜之焉余字篇韻本
無乃師之所撰余自後查山下輩公家藏之
本寧海范明叔家借用者范後知往取之而
弗肯予授冠者初師之登城北觀海頭上竹
皮冠忽墮水漂去
已而復還食音竹

十洲三島兮巨海之中瓊樓崑崙兮差半
 空松陰密鎖兮無畏日紈扇不搖兮有清風
 流金熱佩玉真仙未嘗說水晶宮殿開寶座
 星辰列碧虛懸象遠樓臺清淨化身非骨血
 本來身自通神談笑忽驚天上人

道遙吟

瑤臺蘭苑兮碧漢之中祥雲瑞炁兮盈盈滿
 空祥仙出沒兮灑清雨萬化開圻兮動香風
 炎蒸熱那裏人家不曾說煙收洞府閉門倚
 星河列九天時復會嘉賓萬里不須乘汗血
 物外身自清神誰羨登樓撫扇人

自在吟

余觀天下形勢壯觀自潼關以東淮水
 以北無出登州因作望海吟用紀其實
 蓬萊僻東隅壯觀天下絕地隣仙聖域山枕
 魚龍穴憑高望羲和目極猶未徹蒼蒼天水
 迴泛泛雲霞泄長風起波濤萬里卷霜雪憑
 凌登島嶼澆莽失丘垤有時靈氣和變化非
 常別森羅無限景欲辨難措舌大哉百谷王
 沉沉洞清徹隨時潮有信歷代早無竭人間
 頃畝地是處廣開列比之鯨波大狀若蛙井
 劣望音洋不見端瀾天自嚴潔衆流莫渾濁
 萬古趨生滅

望海吟

仙游吟
 闕苑紅塵外瑤臺碧漢間洞中仙不老雲外

容長閑亦鳳吟丹穴紅猗吹藥欄青衣傳詔
下白鶴送書還宴赴瓊林會詩裁羽容班浩
歌金母殿長簫玉龜山果結三十歲樓高十
二環穆王何日到方朔幾時琴姑射肌猶潔
雙成兒更散飛瓊投月窟弄玉鞦韆髮命駕
遊天三已得風過百蠻周旋窺海嶽奮擲上天
關渺蕩空無極滔滔興未闌恢然超法界不
復戀人寰

頌三首

讚道

前賢後聖無差別異派同源化執迷太一混
元開戶喻玄真直指上天梯

去惑

他人之言不可聽自己之心但可正若憑他
口是非言壞却自身功德性

示眾戒色

勞生有萬種最大無過色不唯喪命報復乃
銷陰德速能戒此一酷勝其他百慕道修仙
人從來是標格

步虛詞二首

曠蕩修真教飄飄出世門先師開戶牖歸馬
動乾坤陋室迴仙觀高名軌帶關雲朋霞友
會朝禮太虛尊
寶性成雲篆華燈簇夜光星河初煥爛鐘磬
乍悠颺醮主承嘉會虔心禱上蒼諸仙來願
盼接引下虛皇天三

世宗挽詞一首并引

巨 應機以大定戊申春二月自終南召
赴闕下蒙賜以巾冠衫繫待詔於天長
觀越十有一日旨令廢機作高功法師

主萬春節醮事夏四月胡徙居城北官
菴越二日己已奉聖旨塑純陽重陽丹
陽三師像于官菴彩繪供具靡不精備
後五月十八日召見於長松島秋七月
十日再召見剖析天人之理頗愜宸衷
薄簷言歸翌日途中使賜桃一槃座機
不食茶果十有餘年過荷聖恩即唱一
枚中秋以他事得旨許放還山仍賜錢
十萬表而辭之逮己酉歲春途經陝州
遽承哀詔時也風塵瀕洞天氣蒼黃士

庶官僚盡皆素服處機雖道修方外身
處世間重念皇恩寧不有感謹綴挽詞
一首用表誠懇云

哀詔從天降悲風到陝來黃河卷霜雪白
日
賸塵埃自念長松晚天恩再詔迴金架賜桃
食厚德實傷哀

古調十五首

速備

一日一日復一日短景渾如電光疾天長地
久磨古今春去秋來變時律大夢沉沈無晝
夜浮生衮衮差勞逸人情不斷猶著空我志
雖高尚憂失殼昧游魂如陷穿心懷嗜欲同
憐寒宴甜有味何日忘奔黑無明幾時出出
拔須憑高尚行修治評不假虛僥術但能物
我却醜醜自然神鬼難凶吉吾身道性未開
眼土塌紫扉且容滕和光同塵隨是非化聲
相待無相詰

時八月間令人持詩於縣中覓破布

衲衣西說也

白露將殘寒露深山家冷淡觀遊絕樹頭黃

葉陸千林身上麻袍聯百結舊布重煩七里
市到城七衲衣復待三冬雪城中豪富各仁
慈庶在磻溪長守拙

隴山松

我居西山時六年山西上有松孤然朝雲霏
微接闕塞暮雨浙瀝交洞天天生此境為吾
伴隔湘相陪速相看鬱鬱蒼蒼氣色佳蕭蕭
瑟瑟風聲貫連枝合抱垂重陰受命已經千
載深如何今歲上春月平地忽遭樵斧侵斧
聲丁丁響溪谷松煙慘慘愁山麓也知天意
我將歸故遣靈巖爾先覆爾有夏禹廟其靈景七人散
復何陳空山黯淡悲遊人白鶴高飛失行止
蒼龍偃卧無精神亦知物象終難固凡百有
形皆有數高敬物外歸去來大隱鄠中益開
悟

贈雒陽唐括姑乃叔丞相之女弟也

予時在隴山京兆統軍夾谷公專人

書召姑尋至

東萊之姑性玄遠蘊德含章自超技未能撈
漉今古原西出長安戴脂牽馱勤邀吾於隴

山余時杖策徐東遠還到長安舊遊處故人
不死多蒼顏迴頭為報姑明取百歲光陰一
寒暑速拋家業遺物情早作閑人伴仙侶壺
中自遊日月長身外不復衰殘踳古騰今
別無事只由大德心開張

因早作

玄元大道統陰陽造化乾坤萬物昌高下如
能各處分始終即得免罹殃今之易故多哉
障蓋為人心胡縱放美食鮮衣器用華狂明
怪侶邪淫王陰陽交錯古來傳恩害相生本
自然逸不能廉度日因循直致早經年青
霄碧落常無雨紫陌紅塵唯播土鱗石流金
萬物焦鎔腸裂背群生苦有時率眾取秋祈
齋肉粧繁自嗜飢儂慢加之傷物命噫呼何
足動神祇哀哉俗態荒聲色箇箇傾危身反
側安得人心似我心免遭痛切臨頭厄

贈華州沙澗寨劉校尉

劉公滿室皆行善供養闈人心不倦巧行設
天我不為至心奉道人甘美殷勤種德養靈
芽闈郡生民有幾家佇看異日功夫到共躡

祥雲阿母家

愍物二首比廣飢寒相仍之故也

天蒼蒼兮臨下土胡為不救萬靈苦萬靈日
夜相凌遲欲氣吞聲死無語仰天大呼天不
應一物細瑣徒勞形安得大千復混沌免教
造物生精靈

嗚呼天地廣開闢化出眾生千百億暴惡相
侵不暫停循環受苦知何極皇天后土皆有
神見死不救知何因下土悲心却無福徒勞
日夜含酸辛

六月庚午喜雨

我聞東山雨千載無西行胡為闈今夏屢及
滂池雲昨日午時後一洗茅甲生今日申時
前再傾車軸烹千山日慘慘四野雷轟轟平
地涌三尺大河侵五更蛟龍出池沼旱魃填
溝坑雲漢復何有天衢從此亨

題劉節使所藏顯宗御畫莊子

顯宗好道當年壯手筆南華古形狀南華去
世千載餘狀貌風格知何如只是今人重古
道髮髯氣象加襟裾至人胸中本無待萬竅

吹噓任天籟，楊柳松阮心不同。到了各歸於大塊。

冬日郊外閑步

草木既凋殘，冰霜何凜冽。長空鳥飛盡，大海魚遊絕。商榷不行舟，昆蟲皆閉穴。誰能豐足外，解把孤貧設。

秋風海上

蓬萊有客無家鄉，身擬學仙遊。大方大方洪水浸天闊，東極萬里青茫茫。曉來雨過西風急，策杖憑高者。呼吸鴻鴈連天飛，棗睛魚龍戲水操。舟入千尺絲輪直，下垂碧波深處釣。鯨鯢紛紛魚鼈不肯食，巖鹹波瀾空自迷。挂席未能超彼岸，乘槎再欲浮天漢。天漢高高萬象明白雲，誰是長生伴。

登州修真觀建黃錄齋

渾淪至道急如箭，反覆陰陽自交戰。太極茫茫造化開，平空落落神奇見。群生萬象參差出，六合八紘粧點遍。跨古騰今逐日新，流形返撲隨時變。有情無情不可窮，大智小智交相攻。不有聖賢開教化，那知動植本虛空。千

經萬論垂方便，寶笈琅函與衆善。自昔根源發杳冥，迄今道德猶光顯。邇來天下教門興

達士隨方化，有情我亦周流。三十載還鄉復

到海邊，城城南落修真觀。氣勢清高接河

漢，俯視滄茫渤澥深。仰觀卓犖星辰煥，城中

信士往來多物外，交朋意氣和承安。四年冬

十月大興黃錄演金科，赤書玉宇先天有。白

簡真符破邪久，三級瑤壇映寶光。九厄神燈

摘星斗，峻岳破錢鄴都山。列峙昇仙不可攀

四夜嚴陳香火供，九朝時聽步虛環。千門萬

戶生歡悅，六街三市齊鋪設。金花銀燭相輝

映，表裏光明自通徹。忽聞空外顯嘉祥，蕭索

輪困有異常。玉帝傳宣行大赦，仙童騎鶴下

南昌。幽魂滯魄皆超度，白叟黃童盡欽慕。天

涯好事未嘗聞，壓盡山東河北路。

濰州城北千戶新觀

清閑不在苦幽棲，心上無塵到處宜。北海葱

蔥郡城角地多花木，景多奇昔年車馬空擗

亂今日翻為玉清觀，觀中遊戲是何人。天下

往來都散漢，池塘寂寂鎖煙霞。大寶蓮開十

丈花，借問經營誰施主。龔封千戶大均家

題萊州招遠縣雲屯山觀

雲屯山上雲冥冥，天風蕩搖飛雨零。神奇幻

性不可測，千變萬化無常形。雲收雨霽杳無

跡，但見群山羅翠屏。山高谷深復何有，白石

磊磊松煙青。春游浩蕩滿山谷，直上似欲趣

天庭。心虛目極淡天闊，俯視漠漠環滄溟。昔

居菴地走三郡，人多呼舊址。今為洞天朝萬靈

虛空舊基作新觀，人為舊址。萬世不朽傳佳

銘

五言短句三首

警世

粉黛與珍玩，繁華虛熱亂。欲知萬事空，須作

百年觀

登膠水北山

憑高望南海，極目天蒼蒼。天際白雲起，凌空

飛杳茫

雪霽

澄澄東海月，皓皓西山雪。殘夜忽巖凝，清光

何皎潔

五言長篇 五百

示眾

性逐無邊念輪迴幾萬遭五行隨變化四大
 不堅牢暫假因緣活空貪歲月勞不知身是
 患徒就物為高在事雖能幹於身大沒操六
 塵飛冉冉三界走教眩惑疲雙眼貪求逼
 二毛剌心無膽氣戀色有脂膏白首潭如雪
 蒼顏不似桃未能從教化尚自騁兇豪勁捷
 穿雲鶴頭狂挂壁榛有時生狡猾無事起波
 濤罪孽如山積精神似海淘無由伴松栢直
 待掩蓬蒿

海上述懷

海上風清冷天根水杳茫水山雖斷絕暑氣
 自銷亡雅志橫高節虛心適大方披雲遊汗
 漫鼓櫂泛滄浪獨立明千古周行視八荒天
 星非有落地脉杳無疆幻化漚千點浮生夢
 一場精神隨手變花木暫時秀百歲光陰短
 三山道路長求仙悲漢武失道歎秦皇採藥
 重應老乘槎客未詳空餘三島跡時復顯嘉
 祥大竹山小竹山車牛島為
 祥之三島嘉祥即海市也

秋日艾山

秋風蕩山嶽曉日驅雲煙嫩菊黃鋪地明霞
 翠埽天登臨思海嶠游戲挹山泉巨石危猶
 壯寒松老更堅巖花香馥馥潤草綠絲絲適
 跡潛行道虛心不坐禪觀空雖自在遇景且
 留連放筆紅塵外馳名紫府邊猶慚金母訣
 致道玉皇宣住世過三樂安時邁七賢翰光
 終返樸應物且隨緣蝶夢驚驚千古神游待百
 年人人還得遇口口自相傳

武官梨花

白帝離金闕蒼龍下玉京地神開要妙天質
 賦清英色貫銀蟾媚香浮寶殿清參差千萬
 樹皎潔二三更艷杏無光彩妖桃陪下情梅
 花先自匿柳絮敢相輕最好和風暖尤佳麗
 日晴游人期放曠羽客賀昇平未許塵埃染
 常貨雨露榮郭西傳舊跡山北耀新聲爛熳
 鶯穿喜扶踈鶻踏驚琳宮當戶牖芝室近蒼
 楹綽約姑山秀依稀華嶽精會看年穀熟普
 濟法橋成

登道士谷山

波蕩春風暖暉和曉日遲寒寒登詰屈絕頂
 說幽奇北海洪濤間南山大澤卷東風青鳥
 下西嶺白雲垂眼界空濛極煙光縹緲隨精
 神何灑落道德自扶持髣髴丹霄外未差碧
 漢涯那煩採芝術直赴上仙期

磻溪集卷之三

磻溪集卷之四

友四

棲霞長春子丘處機撰
五言律詩

博州戰姑庭楸詩并引

聊城之南鄒氏之室有戰姑者本蓬萊

人生含巧思以絲縷^子結鳥獸魚蟲花草之類隨物變態不待規模而應之於手其精理過於生者遠甚自中年後守寡信道甚篤建菴設食以待四方煙霞之侶且有日矣無何能薄者構成謗讟之私用澆松筠之操姑知不易明辨即會其戚屬指庭下枯楸而祝之曰今仙聖在上妾身若無毫髮過願樹復榮苟或不然妾自負矣吾誓不與若等共天日祝後歲幾半官無朕兆里人笑而

朝之曰繫樹若生不特爾之貞而我亦富且貴矣始聞之春夢然彼楸樹者以大定庚子歲始植既植即死風摧雨剝殆幾五稔形質朽殘固無生理越明年建巳之夏即姑始禱之月也忽爾靈芽

筍發於枯樹之下狀如朱草日引備條

茂葉蔽于階砌予初在陝右屢聞是說然未詳所見逮明昌辛亥塗經此州聞

閭里讚道及寓宿于姑之家庭而後悉其事為不誣自樹之後榮于今六載矣

高可倍尋枝幹扶疎異於凡木其傍枝

四出偃蹇道勁森然有技俗凌雲之氣象長春先生曰至誠感物明德動天戰

姑之謂乎孰謂道之云遠人病不誠其德耳因得四十字用紀不神之應時某

年月日

外口生非謗虛心禱證明長楸根已爛朽朽筍重榮孟氏悲黃竹田真歎紫荆昔年聞孝

義今日表忠貞

答號縣猛安鎮國

酷愛無人境高飛出鳥籠吟詩開度日觀化靜臨風杖策南山北酣歌西坂東紅塵多少

事不到白雲中

答號縣李四秀才

嚴冬極滿灑短晷急周旋獨立紅塵外孤吟

碧嶂前側身窺洞口明目注山巔遙望青峯雪皚皚白映天

訪終南懷道村審之道留宿竹園

懷道訪之道樽情遠世情安居神自爽欲睡夢還驚仙院風光雅瓊林月色清儒生真得趣奚戀紫袍榮

讚長生先生

法春我昏耳仙僑誰福手東萊高士徠西洛大名殊後獲宗乘教出家後先開道德揆深知童子力乃感聖賢扶

讚王陽先生

故國真仙子東方大達人清高何異俗奕邁不同塵表裏天俱賜行藏世絕倫時時期禍福微驗默通神

寄題磻溪太公廟

一景通高下三峯鎮古今路穿雲洞滑相隱釣溪深出竇飛泉迸麥天古栢陰快哉清絕地堪暢野人心

春日登覽

時出碧雲堂迴旋望八荒雲收千里淨風散

百花香欲海愁思遠春山興味長
檠筇登眺罷深入醉中鄉

初雪

昨夜雨成雪今朝地變銀
窻明不是曉野暗即非塵
出海金波淡彌天玉樹新
乍觀清入眼堪動作詩人

秋雨

信宿天飛雨清秋地湧波
沉陰船日月滄瀟澗江河
紫塞歸鴻恨青山隱士歌
不防居石室高枕詠煙蘿

出都

乍出皇都外高吟野興馳
開籠鷄鶴俊展翼鳳凰奇
白馬翩翩驟青山隱隱移
長安一片錦指日到無疑

登易州西山

寒裳步不毛絕頂望秋毫
深谷杳冥峻亂山重疊高
森森骨髓戰兢兢日晴勞
自笑無心客何如挂壁猱

題艾山

一朵黑雲寒亭亭香霽聞
天垂滄海闊地鎮

白雲開五嶽名雖隱三神道
可攀時觀觸石化甘露沃塵寰

望崑崙

舊隱崑崙地東南一望嘉
玉峯排海嶽雲錦散天花
氣鬱鍾三秀神清邁九華
時當春雪霽盈眼白朱砂

登蓬萊閣

一上蓬萊閣虛心瞪目遙
雲移山自長水到海還消
俯視蛟龍窟傍觀鳥鵲橋
何憂遠輕舉咫尺近丹霄

望海

海色吞天色風聲雜水聲
雲翻魚鼈駭雷動鬼神驚
射激千巖險汪洋萬里平
時無釣鼈手擲猪引長鯨

山堂雨霽

曉日三竿麗千山一望平
高吟神愈暢遠眺目增明
雨後蒼前潤風來座上清
心非同道者不使過門行

夜深對月二首

耿耿中宵月無人獨自行
下連滄海白高滿

太虛清蒼跡離三島游
空照萬城城中多少客
睡重不能驚

耿耿中宵月無人獨自明
天邊維斗暗地上百邪驚
野鶴依稀辨群龍天橋鳴
尋常三五夜未有一般清

初冬括馬值雨

十月滂沱雨三更洶湧聲
浮雲連海嶠激水灌山城
野暗風放急泥深道路傾
行人兼走馬一夜到天明

初雪

行看十月盡偶見六花飛
散漫迴風急續紛入夜微
山川淡屏帳星斗失珠璣
曉色銜天淨銀霞爛日輝

遊春

一夜春風暖三竿曉日華
有山皆著錦無地不開花
金谷人多感桃源路易差
迴頭皆是夢說與道人家

春夜雨二首

山光猶冷淡景色未銷陳
細雨偏霑物輕風不著人
融和三月暖次第百花新
靜夜軒中

卧閑吟海上春
春色來何晚清明不見花開軒觀翠竹撥土
認黃芽夜雨微微作光風漸漸嘉參差三月
盡桃李滿天涯

雲峯

九夏時炎赫千山氣鬱蒸翔空初漠漠變態
復層層爰業真堪畫孤高不可异何當仙去
也跨鶴上憑凌

修殿之材令工師棧木海北至濱阻

風殆十餘日秋八月有九日方西南

風棧木乘之始達膠東

日落金風順潮平棧木開雲帆爭岸急晚日
映天來海北雖多難膠東幸少災不憂成大
厦已見得良材

自述

白髮年來長紅顏日漸凋未能明道術欲去
問松喬罔象如何竟還丹著甚燒欵依三洞
訣得使萬緣消

五言絕句

藍田

萬壑舒紋錦千峯列畫屏雨餘藍水白雲斷
玉山青

復歸隴山

鶴性還山好雲峯當夏奇避風權過海得雨
不留池

獨坐長松下孤吟亂石邊夜騎未頂鶴時訪

白雲仙

愍物

皇天生萬類萬類屬皇天何事縱陵虐不教
生命全

陰陽成造化生滅逸浮沉最苦有情物難當

無善心

秋夜

露氣含秋爽天光照夜明隴頭殘月暗溪上
曉風清

玉露夜漫漫銀河秋耿耿風含水谷清月耀

天衢冷

清曉

銀河初變色星斗欲翻空殘月半輪白曉霞
千丈紅

舞鶴夜初曉游仙夢始驚月銜山轉大風度
水偏清

清興

三冬遊海上六出滿天涯為訪神仙窟經過
道士家

酒傾金露滑茶點玉芝香神爽得三昧清和

消百殃

造物

造物通神化流形滿大千群迷長受苦萬聖
不能俊

太混一時剖空花千古繫神奇億萬變道德

杳冥存

萬化隨時出三光合度明九霄宮運轉八極

自生成

示眾

色身元有限情欲浩無涯癡似蜂貪蜜狂如
蝶戀花

六根誰是主貪欲自招殃一念色心動百骸

秋氣傷

外物於身患狂心不自監病深方省欲禍極

始知貪

最愛三田寶難禁五欲情後生須自重元氣

莫相輕

四大本無託百年還有期衆人皆不悟三教

莫能規

失道本無命得時元有期有無皆自定貪愛

復何為

紅顏若春樹白髮似秋霜俯仰一時過驅馳

三界忙

繁華媚春雨衰草淡秋煙日月暗相逼古今

經幾遭

羅綺千箱滿金珠萬斛盈只知他物好不覺

自心榮

厦屋千間峻波田萬畝平自心非實相他物

是虛名

世事無窮變悶愁不測來志心行言之門戶

少充災

禍福相生滅榮枯遞獻酬不窮天外樂那免

世間憂

精神多削弱機巧益增嚴未及開籠鳥還同

作繭蠶

遇戰皆奔北逢迷執指南身心多自後道德

有誰參

物裏光陰促人間興廢多覺來潭似夢貪得

又如何

彼此衆生性朝昏雜念魔靜觀無以救長歎

復如何

假饒身富貴不及性圓通道德希夷妙春秋

殺伐空

大夢何時覺浮生曠劫迷乾坤無晝夜日月

走東西

妙理無由得狂心不奈何念隨空變化精自

欲消磨

愛欲時光短前程地獄深莫教空度日切要

緊降心

寬容無怨害柔弱勝剛強滿口齒先落終身

舌未傷

江海無拘容乾坤自在人子陵猶傲帝王霸

不稱臣

石髓能延壽丹砂解駐顏葛洪遊大海王烈

遇深山

觸情常決烈非道莫容差忍辱調練馬安閑

度歲時

眞陽加滿腹遐壽可齊天世事皆虛耗心神

莫倒顛

像教終難入名言不可求心中無雜念境上

得閑游

浮華皆是夢外物豈能堅若不通三一如何

出大千

可畏風前燭堪嗟水上漚百年如反掌千古

暫迴頭

衆生多患難大道苦希微不有神仙福難明

造化機

衆生皆為口終日苦勞心目眩空花亂身隨

萬物注

衆生心不盡大道理難明若要開天眼須當

滅世情

日月交加迫朝昏返復催光陰留不住生死

突將來

自然生有漏誰解入無餘不見眼前欲方知

心上虛

有情知道遠無事覺心寬造化開天窟精神

奈歲寒

茫茫三界闊混混百邪深萬古常存道群生

不了心

五福准高壽三靈獨配人優游閑卒歲放浪

不拘塵

聖賢非道遠功德在人修不向此心覓更於

何處求

修道

眼耳離聲色身心却有無自然通造化何必

論精麤

鍊氣清心士千雲拔俗標心如山不動氣似

海常潮

萬緣如蠶蠟三毒似銷冰既出陰陽殼那論

大小乘

五眼元同體三身共一枝寸心無我後圓覺

照空時

自生還自滅無淺亦無深不悟身非我難明

物是心

踏碎虛空界崩開造化權浮雲收靜境慧日

照禪天

一言何所在萬事不相干造化開天窟精神

耐歲寒

眼根雖有用心地了然休且向一生夢聊隨

萬化游

身猶方丈窄心若太虛寬四海千山隔三靈

一體觀

寂滅無心地光明耀太虛瑠璃含寶月網絡

貫天珠

登真無濁氣邁俗有清標急急離長夜冥冥

上太霄

玉鼎丹砂沸金壺碧酒香鬼神心莫測天地

壽難量

夢斷華胥國神游紫府天興邀三島客閑訪

十洲仙

道因無事得法為有心生若解除三毒應當

出五行

道自無為顯心因有法生混元含萬象太一

起虛名

有動緣無動無為即有為三光不照處萬象

顯明時

本自無心得何勞用意思五行不到處萬化

總歸時

月上中天皎風來半夜清洞天不到閑客

自相迎

藥園芝田淨金壇玉宇新壺中天不夜物外

景長春

十洞高真列三天上聖居白雲能送客青鳥

解傳書

大道元無極長生豈有涯劫終權返實時運

復開花

道德元無象丹青畫不真聖賢潛濟物今古

默通神

道德三網啓乾坤萬象陳山河蟠地軸日月

走天輪

恍惚神為幹氤氳氣是芽乾坤如長葉日月

似開花

道運陰陽秀天成造化功鬼神精不見山海

氣潛通

道運陰陽秀天垂雨露精三光同照耀萬化

悉生成

道運陰陽秀人雷雨露恩幽明隨日月造化

出乾坤

大朴含元氣無方稟至神至神通造化元氣

合經綸

大聖開天地長空布日星迴還分晝夜今古

照生靈

日月騰光彩風雷震杳冥含弘無作用變化

有神靈

磻溪集卷之四

磻溪集卷之五

棲霞長春子丘處機撰

詞

無俗念居福

孤身蹭蹬泛秦川西入蟠溪鄉域曠峪巖前

幽澗畔高臺雲龍樓跡煙火俱無筆瓢不置

日用何曾積饑餐渴飲逐時村巷求覓選

甚冷熱殘餘填腸塞肚不假珍羞力好弱將

來餬口過免得庖廚勞役壯貫皮囊熏蒸開

竅國使添津液色身輕健法身容易將息

其二歲寒
守志

同雲瑞雪正三冬鬱閉嚴凝時節寂寞山家

孤悄悄終日無人談說敗衲重披寒控獨坐

夜水愁難徹長更無寐朔風穿戶淒冽求

飯朝入西村臨泉夾道玉葉凌花結陝西有

長二尺許不知名秋冬則上莖死下莖活

晚寒則於半莖之間結冰二種如箭羽狀

手頻呵仍自恨濁骨凡胎為劣晝夜參差饑

其三拜茶

友五

前程路遠未昭彰金玉仙姿靈質寂寞無功

天賜我碁局開顏銷日古栢巖前清風臺上

宛轉展餐畢幽人來訪雅懷開開機密初

似海上江邊三三五五亂鶴群鴉出打御衝

關成陣勢錯雜蛟龍蟠屈妙籌嘉謀斜飛正

跳萬變皆歸一合弘神用不關方外經術

其四讚師

漫漫苦海似東溟深闊無邊無底逐逐群生

顛倒競還若遊魚爭戲巨浪浮沉洪波出沒

嗒怒如癡醉漂淪無限化鵬超度能幾唯

有當日重陽惺惺了了獨有衝天志學易年

高心大悟掣斷浮華纏繫十載丹成一時功

就脫殼成蟬蛻從師別後更誰風範相繼

其五羨衣

深溪古岸到秋來莎密茸茸無極揀擇修織

歸洞府虛落晴天吹炙兩束絲乾千條繩就

不假良工織開軒親自結成漁父裝飾時

伴樵牧嬉游青山綠水帶雨和煙適妙絕堪

珍幽徑晚披雪衝開蘆荻我本忘名人皆易

號喚作羨衣磻溪皆呼羨衣先生他年功滿化雲天

上無跡

其六

虛心翠竹稟天然一氣生來清獨月下風前
堪賞說朝諫令人無俗嫩葉蕭蕭隆冬掩映
秀出千林木英姿光潤狀同玄圃寒玉 好

事東里田侯乃東清南溪新種使我開青日
盡日高吟窗外看風颭筠稍搖綠弄舟幽香
蕭蕭踈影坐臥清肌肉雲龕閑伴雅懷惟稱
仙福

其七月

假巖傍隴音長更蕭索昏魔非一皓月澄
澄山上顯天角輝輝初出露結霜凝金華玉
潤淡蕩何飄逸清臨窠宇發揚神秀姿質
悽愴六合群情淹沉幽昧慘怛劬勞疾大關
良因弘濟度皆得逍遙寧謚浩氣騰騰餘光
鶴鶴至性那虧夫圓明法界法輪常自充實

其八暮秋

霜風蕩颭舞飄零木葉斜飛阡陌極目長郊
凝望處衰菊爛編猶點點蒼苔漫漫朝露
漸結清霜白山川高下盡成一片秋色 瀟

灑萬物摧殘淒涼天氣愁損征途客水谷雲
根無可託獨有蒼蒼松栢悟道真仙志機逸
士亘古同標格欺寒壓眾自來天地饒得

其九述懷

群山四瀆暮天晴揮斥陰魔潛伏太一巖前
風道快千尺波翻蟾足怒雲驚濤衝堤拍岸
雷輶雲翻逐青鷗白鷺月明江上飛速 高
下萬疊千群相呼相召會合清江曲實月神
珠時逗引輶出都忘鈴東踴躍飄飄玲瓏燦
燦價忽連城玉舍弘光大上天入地翻覆

其十仙景

十洲三島運長春不夜風光無極寶閣瓊樓
山上聳突兀巍峩峩千尺綠檜喬松丹霞密霧
簇擁神仙宅漫漫雲海奈何無處尋覓 遙
思徐福富時樓船東下一去無消息萬里滄
波空浩渺遠接天涯秋碧痛念人生難迹物
化怎得游仙域超凡入聖在乎身外身易

其十一樂道

迎今送古如春花秋月年年如約物換星移
人事改多少翻騰淪落家給千兵官封一品

得也無依託先陰如電百年隨手偷却有
幸悟入玄門孽開疑網撞透真歡樂白玉壺
中祥瑞罩一粒神丹輝霍月下風前天長地
久自在乘鸞鶴人間虛夢不堪回首重作

其十二性通

法輪初轉慧風生陡覺清涼無極皓色凝空
嘉氣會豁蕩塵煩曾臆五賊奔亡三尸逃遁
表裏無蹤跡神思安泰湛然不動戈戟 信
步紫陌紅塵飢餐渴飲度日隨緣覓物外閑
中天地寶時復玳瑁敲擊後約參師前程歸
路自有真消息鶴書來召坐昇雲漢游歷

沁園春示眾

世事紛紛似水東傾甚時了期歎利名千古
爭馳虎豹丘原一旦總伴狐狸枳棘叢中桑
榆影裏亂塚堆堆誰是誰君知否謾徒勞百
載空皺雙眉 爭如歸去來兮放四大優游
無所為向碧巖古洞完全性命臨風對月笑
傲希夷一曲玄歌千鍾美酒日月循環不老
伊童顏在鎮龜齡鶴壽罷唱黃鸝
列鼎雄豪免走烏飛轉頭悄然似電光開夜

雲中乍閃晨霜迎日草上難堅立馬文章題
橋名舉恍惚皆如作夢傳爭如我做忘機息
慮返樸歸原 壺中異景堪憐是別有風花
雪月天龍四時時現祥雲瑞氣三光光罩玉
洞瓊筵滿泛流霞高吟古調骨健神清丹自
圓真堪愛待功成一舉永鎮飛仙

智慧男兒速悟塵勞勿將性疲但此身彼物
皆名幻化多虛少實不可追隨萬種纏絲千
般汨沒荏苒光陰老却伊爭如向太玄真教
法討論希夷 乾坤蕩蕩無依似一片閑雲

出世奇悟性宗合道息山易挫神舟得岸苦
海難迷行滿功成仙游羽化物外何如土底
歸無他事要昇天入地俱在心為

其二 心通

大智閑閑放蕩無拘任其自然寄雅懷幽興
松間石上高歌沉醉月下風前玉女吹笙金
童舞袖送我醺醺入太玄玄中理盡浮沉浩
浩來自繚絲 音哉妙景難言筆別是人間
一洞天傲立身敦厚山磨歲月從他輕薄海
變桑田神氣沖和陰陽昇降已占逍遙陸地

仙無煩惱任開懷縱筆在寫詩篇

其三 九日號蘇

擘擘重陽秀氣飄飄廓周大千正故卷交會
賓朋浩浩青霄依約鴻鴈翩翩是處登高銜
杯逸興放曠猶如陸地仙朝真會讀金風凌

蕩玉露新鮮 黃花嫩蕊塔憐散最長清香
滿坐傳使衆人得味皆明至道群鶯無語獨
王聲秋天艷杏妖桃繁華春景莫與凝霜敢
闢堅乘嘉趣對芳叢爛飲一醉三年

水龍吟 西說

鳳鳴南邑清嘉大仙降跡行鸞地琳宮寶閣
星壇月館槐陰竹翠煙蓋雲幢影搖寒殿往
來呈瑞向虛亭東望平川似錦洪河泛渺天
際 山秀水甜人義適坊村各生和氣我來
不忍輕歸劉蔣天心地肺須待他時暗洵真
秀育成丹桂去長安路上眠水卧日作終身
異

其二 擊世

算來浮世忙忙競爭者欲開煩惱六朝五霸
三分七國東征西討武畧今何在空樓愴野

花芳草數深謀遠慮雄心壯氣無光彩盡灰
稿 歷過長安古道問郊墟百年遺老唐朝
漢市春宮周苑明明見告故址留連故人消
散莫通音耗念朝生暮死天長地久是誰能
保

其三 夜晴

夜晴寒廊初寒淡天螢徹瑤璃翠無陰樹下
長安樓上月明風細百榻潛滴萬家同賞一
般清味見金星朗朗銀河耿耿交光燦滿天
地 流轉碧空如水任縱橫略無凝滯銜山

拍海傾光騰秀綿綿吐瑞達了從茲寶餅堅
固王漿時泥把衷情欲訴何人會得且陶陶
醉

其四 春興

吳天空闊初晴氣迴萬物欣欣茂亭臺俯仰
山川高下粧成錦繡碧洞清泉響聞迢遞一
聲長溜更時時注目悠悠遠看青峯上白雲
湊 無限靈禽異獸慰閑心不辭柴紫舍風
翠柏雙崖爭長千株競秀耀日丹臺四時為
伴百年隨壽任寒來暑往星移物換得高眠

畫

洞天春色盈盈亂山秀出千堆錦雲收雨歛
曉晴煙淡碧空橫枕高卧怡怡頓開懷抱釋
迷忘寢看仙花瑞草迎風照日騰光彩異凡
品 歡慶時豐歲稔萬邦寧百邪俱禁太平
國裏長安陌上縱橫有甚大道無疑傍門斜
徑不須詳審是從來浩劫神仙過路但曾經
恁

其五道運

混元南嶽初開瑞雲透出崑崙表星移電轉
陰昇陽降紅光縹緲鶴舞鸞翔看烏龜共赤
蛇蟠遶盡鴻濛一氣烹成造化神仙道片時
了 雲散十洲三島洞天深月明風裊此時
占得長生門戶返齡體調吟詠從他海移山
變石枯松老伴煙霞獨向非非境外恨知音
少

滿庭芳 述懷

漂泊形骸顛狂蹤跡狀同不繫之舟道遙終
日食飽恣遊遊任使高官重祿金魚袋肥馬
輕裘爭知道莊周夢蝶蝴蝶夢莊周 休休

吾省也貪財戀色多病多憂且麻袍葛屨關
度春秋逐唾巡村過處兒童盡呼飯相留深
知我南柯夢斷心上別無求

其二警世

百尺危樓千間峻宇艷歌出入從容幻身無
賴何異燭當風舊日掀天富貴當時耀絕代
英雄百年後都歸甚處一旦盡成空 諸公
聞早悟抽身退跡躍出樊籠念本初一點牢
落無窮幸過時平歲稔偷閑好消息圓融忘
機處靈波湛湛獨鎮水晶宮

其三

余回求道西留關中十五餘年
開鄉中善士為義先考此不勝
感激遂成小
詞寄謝云

幼雅拋家孤貧樂道縱心物外飄蓬故山墳
壙時節罷修崇幸謝鄉豪併力穿新壙起塔
重重遺骸並同區政墓遷入大塋中 人從
關外至皆言盛德悉報微躬耳聞言心下感
念無窮自恨無由報德彌加志篤進玄功深
回向虔心道友各各少災兇

其四九日

塞鷹聲迴園林色變暮秋別是風光練波橫

地錦樹映天長過雨雲山磊落迎霜茂金菊
芬芳佳辰會千門萬戶歡笑慶重陽 嘉祥
誰得遇吾門四友極味先嘗乃頻需清露時
倒霞漿飲罷醞醞灌頂歸來後月滿虛堂無
愁思陶陶快樂酌酌入仙鄉

其五神光燦

悲歡絕念視聽忘懷從初號曰希夷不曉根
源剛強說是談非百般拈花摘葉護徒勞使
盡心機這些事算人人易悟箇箇難依 不
在唇槍舌劍人前開怪怪廣學多知上士無
爭只要返樸除疑冥冥放開四大把塵勞一
旦紛飛認得後管教賢拍手笑歸
推窮三教誘化群生皆令上合天為慕道修
真行住坐卧歸依先須保身潔淨內常懷慈
物慈悲控剛銳乃初心作用下手根基 欸
欸磨孽情性餘貪愛時時翦拂愚迷福慧雙
全開悟自入希夷靈臺內思不疚任縱橫出
處何疑徹頭了儘虛空裁斷是非
修真門戶大道家風長春境界無邊秀氣盈
盈開裏別有壺天中自然快樂運三光日

月周旋忘伎巧任淳風坦坦聖道平平一
念還鄉寂處三宮曠清靈萬派歸源浩浩神
光來去透骨綿綿行人頻除造作待功成指
日登仙未行者向詞中明取一言

上丹霄迷談

洞天清神山秀少人行盡貧戀世夢崢嶸山
風瑞景眼前雖雖却如盲愛河終日競浮沉
來往縱橫 東方出西方沒南方死北方生
四方轉異類翻騰區區甚日道眸開闢欲心
更願將靈質悟空華彼岸高登

其二 臨京兆府統
軍夾谷龍虎

感皇恩承天詔控西南大門敞高對煙嵐雙
權再任過期無代復登三晏然軍國事和平
災害封緘 年將暮心歸道投玄路訪清談
降尊寵讓下無慚山人放曠本來無得有何
參但能慈忍戒荒淫名挂仙街

其三 荅隴州防禦
裴滿鎮西

厭塵勞拋家計慕清閑向物外觀照人間須
史變滅蜚樓歌側海濤翻暫時光景轉身休
百歲如彈 掀天富傾城麗過人勇徹心姦

盡逐境顛倒循環紛紛醉夢往來爭奪苦推
殘不如聞早伴煙霞高卧雲山

月中仙 賞月

日色西沉上高臺迥觀天地寥廓星隱現
空一輪明月昭昭無著皓然三界外似百鍊
青銅鑑躍處處息光被家家照臨庭戶啓溟
漢 長生萬里清風助乾坤蕩搖雲霧難作
仙宮寶殿正爛霞金碧相輝參錯大哉銷夜
景鎮千古合私磊落有志攀青桂蟾宮免邊
看搗藥

其二 山居

側磬懸鐘慕巢由隱淪活計蕭索天然耿介
愛一身孤僻逍遙雲壑利名千種事我心上
何曾挂著幸遇清平世諧軍宴安刀劍罷揮
霍 民歌雨穗之豐教門與我忘三島之約
來賓去友逸日常幽谷騁鸞騎鶴洞前無限
景異花秀香風噴薄更謝沂源眾友餐助余
長嘯樂

其三 對松

落落長松倚浮雲天山高占幽僻亭亭隱士

受洞天巖穴深藏虛極對門開是景挂株抗
離羅峭壁盡日無他事唯調虎龍交媾坐磐
石 時時鶴聽嘉音動笙簧轉流空外飄激
人明至道惡管絃幽壺花間沉溺出群常羨
此歲寒重孤凝黛色鍊性超於彼身閑水同
居壽域

瑤臺月 自註

平生懶墮只贏得無憂一枕高卧蓬頭垢面
不管形骸摧挫任三光日夜奔馳放四大林
東掩荷深溪畔幽巖左青山擁白雲鎖災禍
雷轟電掣無由近我 日午起行了還坐把
舊習般般打破清閑處唯有這些兒箇倦貪
心樂受貧窮愛恣意慵與煙火糧無貯丹無
貨蕭然唱灑然和堪可神仙未了優游且過

其二 勸酒

得名浮利歎今古悠悠頭人泥茫茫宇宙
多少含靈愚智盡勞生終日貪圖競抵死奔
波沉滯觀烏兔嗟身世百年壽一春寐虛費
爭如滿酌流霞送醉 助四大聊壯神氣辨
萬化休論富貴時時訪山谷道人游戲做獨

狂物外高吟慶滑釋杯中羨味開懷抱忘愁
繫解其紛控其銳遙致青松鶴絲絲度歲

木蘭花慢轉輪

歎靈源曠代本無極信優游自橫散形生銷
曆混沌落入行囚矜竅四方究轉向迷津大

海若淹留法界群情擾擾夢魂千古悠悠

淪流敗骨如山知何日是程頭好銀鍊具空

三光慧照萬劫雲收終須捨身拚命更惜頭
護面幾時休裂碎中間一點便超得岸神舟

其二西號作善者多而感應至

佇登臨曠望湧雲氣北山興旋恍惚陰陽虛

無變化窈廓充盈奇峯狀如太華霧稜層峻

極染空青急雨翻盆潑墨迅雷激電飛聲

威靈大駭神通三伏暑結凝水歎是處飄風

良田遇害屢屋遭傾唯斯道鄉幸感隻濟濟

至也忽然輕深信皇天輔德善因惡果分明

望海潮學道

神仙風範長生門戶從來道德為基餘外萬
般留心一念顛狂造作皆非真教示開迷自
上古軒轅龍駕騰飛代代相傳授至今日盡

歸依 虛無千聖同規蓋推殘嗜欲剖判天
機貪利偷離觀身是夢華躑不整容儀恬素
返希夷任垢面蓬頭紙襖麻衣行滿都拋却
泛寥廓步雲霓

其二脫俗

堅牢基址清閑門戶生涯不比塵緣幽曠大
山通明上士遙遙做做神仙勤動向巖前緩

植桂栽松藥圃芝田萬仞高峯下伴龜鶴度

流年 吾常忘僻心顛愛草瓢淡薄詞翰朝

掀幽洞小溪開懷取興時成短句長篇馳馬

勝花殘任奮筆狂吟走霧飛煙放蕩如如性

混終日恣乾乾

醉蓬萊九月十八日西號劉氏照

乍三清鶴降萬里雲收吳天空翠玉磬琅琅

動乾坤聲銳盡日修齋虛堂設醮慶大仙恩

惠滿獻霞航長歌妙曲留連師意 二九良

辰菊花開遍正是重陽素秋佳氣爛熳香風

健飄飄丹桂秀景希逢上具難過幸一時相

際鴈影沉沙澹光照夜醺醺同醉

齊天樂憶法華

自東離海上元本三州四人同契異域殊鄉
同行並坐終日相將游戲談玄論妙究方外
清虛道家真味唱和從容一時法春情何義
如今分頭迥然苦志動心磨鍊各逃傾逝既
是飄零難為會合幽僻關山迢遞乾坤間隔
望落落猶如曉星之勢非遇何年駕雲朝上
帝

漢宮春苦志
二十年間大魔交正陣約度千重狂弓迸箭
暗窻寒落無窮因心睡覺透歷年無礙真宗
興慧劍群魔自然消散獨騁威雄 出入銳
光八表箬神機莫測天網難籠驅雲掃霧蕩
搖法界無蹤飛騰變化任太虛蕭瑟為風巡
四海崢嶸往來幾箇人同
留客住借道

四元過過華山共臨泰地詠歌談笑暗關重
陽嘉趣無為自令人化有幸天使官磨相間
阻東連海上奮三公高義大開門戶 教行
普敷我離群忘形慵舉內省無憚外患何憂
何懼三光盛衰交變萬化恩害相生天地數

留身且住待青霄得志坦然行步

梅花引 磻溪舊隱

無名客無牽迫無桑無梓無田宅古巖前老
松邊長歌隱几徐徐考太玄玄中默論無生
死實際何曾分彼此貫千經協三靈包含萬
化都歸一念冥 行不勞坐不倦任行任坐
隨吾便晚風輕暮天晴逍遙大道南溪上下
平溪東幸獲忘形友月下時斟消夜酒杯
停月華清披襟散髮欣欣唱道情

六么 合法性

○ 渾淪撲散天地始玄黃鳥飛兔走漸生群物
類間張一點如如至性撲入瓊皮囊游魂失
道隨波逐浪萬年千載不還鄉 錯了鴻濛
體段憎愛日相望却認父母形骸做我好客
光劫劫輪迴取骨受盡苦和殃何人間早尋
他歸路瑩然恢廓舊嘉祥

芟荷香 乞食

日冥為信騰騰逃村覓飯克飢攔門餓天撐
突走跳如飛張牙怒目待操心活餓人皮是
則是教你看家寧分善惡不辨高低 可數

信信此物蓋多生幸劣一性昏迷談科演教
叮嚀搖耳難知雖然太上駕親臨無處慈悲
為人早早修持還到慈時發慈應遲

喜遷鶯 鍊心

要離生滅把舊習般般從頭磨徹愛欲千重
身心百鍊鍊出寸心如鐵放教六神和暢不
動三尸顛蹶事猛烈仗虛空一片無情分別
關結除絲絀方遇至人金口傳微訣頓覺靈
風吹開塵障形似木雕淫捏既得性珠天寶
勘破春花秋月恁時節鬼難呼唯有神仙提
掣

磻溪集卷之五

磻溪集卷之六

樓霞長 春子丘 養撰

詞

鳳樓梧 寄東方 學道者

天下風光何處好八水三川自古長安道錦
樹屏山方曲遶天涯海角誰能到 既是拋
家須早早雲水登程莫戀闌花草直至潼關
西嶽廟教君廓爾清懷抱

其二 道友見訪 于磻溪

○ 狐僻堪巖清淨界鑿玉安身抱道忘知解道
友相看唯莫恨貧閑守拙無相待 富貴功
名堪倚賴多是多非尖嶮多成敗玉食馨香
終不耐單瓢寂淡常安泰
今日思量當日故知我前程迢遞時難度福
祐不私天不助忽忽欲去無門去 走骨行
屍心已悟魂夢悠悠且向磻溪住幸謝街坊
豪傑戶時時舊請來相顧

其三 述懷

西轉金烏朝白帝東望銀蟾皓色籠青桂漸
扣南華排菊會滿斟北海醺醺醉 醉卧終

南山色裏山色清，高夜色無雲蔽。一鳥不鳴，風又細，月明如晝，天如水。

雙雙鷺春山

春煙淡蕩，青山媚，行雲亂飄。空界花光，石澗秀出，洞天奇恠。戶牖平高，萬丈盡耳目，臨風一快多生浩劫，塵情曠朗，渾無纖芥。堪愛

逍遙自在，疎枷鎖，拋離業根。冤債風隣，月伴道合，水晶天籟。無限崢嶸，勝景盡賜與，山堂教責。千聖寶珠，酬價問君誰解。

萬年春土垠

土垠秋來溫溫漸，覺陽和勝幽樓。興道家偏稱，踈懶多貧病。凜冽天寒，葉落山川淨。窻前競雪飄，風勁熱焙開吟詠。

其二衲衣

衲襖秋來著，身漸覺時相稱。霜天淨暢懷游興，不怕西風勁。五六百片千條，上下穿聯定。寬還正外，踈狂性內，放明珠瑩。

其三杜鵑

春暖煙晴，杜鵑永日啼芳樹。聲聲苦勸人歸去，不道歸何處。我欲東歸，歸去無門路。君

提舉有何憑，據空說閑言語。

其四鷺鷥

秋夜沉沉，漏長睡，酷多思想。須依仗道情和暢，不縱魔軍王。打疊神情，物物離心上。虛空帳，慧燈明放，坐待金鷄唱。

忍辱仙人號靜元 押司求

物外天機，唯不審人間世事。無過恁縱你英雄，官極品，身如僧。貧饑逼迫，應圖甚。我自飢餐，并渴飲，布裘不羨。披綾錦，飽暖之餘，邪僻禁虛堂，任曲肱，展脚和衣寢。

其二春澤

數載田苗，長亢旱。今春雨雪，何滋漫。嘉兆分明，知過半。將來看，掀天大熟，譎謳滿。二月花開，成片段。千株柳，發排堤岸。又待教人裝好漢，相呼喚。提壺挈榼，爭跳窻。

其三春興

一澤天恩，齊慶賀。群生地，著無飢餓。愁能眉間，都蹴破。遠真箇，盈街堆畝。收田課。醞酒邀賓，時唱和。排筵看，食重堆。穉飽，腥膻心不挫。驕矜過，却憂福裏還生禍。

春日春風，春景媚。春山春谷，流春水。春草春花，開滿地。乘春勢，百禽弄舌，爭春意。澤又如膏，田又美。禁煙時節，堪遊戲。正好花開，連夜醉，無愁繫。玉山任倒，和衣睡。

其四聲色

豪氣衝天，居列鼎。笙歌聒地，排淫境。玉銜飛虬，衫帽整。風流騁，不知撲入，瑠璃井。滑壁千尋，光似鏡。交加出路，無門徑。饒你玲瓏，機巧性，難逃命。與他送却，頭皮影。

其五妙用

千古聖賢，皆一軌。亘初得，得從心起。除此道，遙安穩。地無餘理，自然消息。恬然美。不在勞神，并苦已。般般放下，頭頭是。選甚花街，并柳市。虛空體本來，一物無礙滯。天下周游，身不動。人閒照了，心無用。閑把虛空，頓趕弄。行雲從八方，上下輕收縱。兔角

其六黃鶴洞中仙

錐兒鑽骨痛，龜毛拂子敲。山重掃蕩，邪魔靈物空。清風送太平，國裏乘鸞鳳。

其七贈同

都要奔波走，誰肯堅心守。南北東西，總一般。

此外無他有 踏盡鐵鞋迷不出 菴門透水到渠城本自然行滿功還就

其二號縣謂南樂裏

此地風光勝人物俱相應水竹深藏數十家 戶戶知天命 我愛清虛景策杖尋幽徑每

日巡村轉一遭信步閑吟詠

其三自述

故里在天涯海上無名士因遇終南陸地仙 挈我來遊此 素愛斷蓬飛野鶴孤雲志頂笠披蓑人不知便是風狂子

望蓬萊贈王喬二生

王喬地一曲甚清嘉古道礮環連水石垂楊 檉檉帶煙霞桃李間桑麻 其中有崇道兩三家知命固窮皆淡薄樂天清儉不奢華隨分保生涯

其二秦川

秦川好一片錦紋華日出雨晴山色秀月明 風急水聲嘉千里淨無涯 余到此喜慶後難加天祐時豐堪養道地靈人傑不生邪時復伴煙霞

其三南漢行

南溪竹騰秀入青冥真節虛心功未顯深根 固蒂道先明霜雪豈凋零 休悵恨大器晚圓成自有孤高樓鳳質能教個儻化龍形他日看超昇

其四遊興

飄蓬客天賜水雲開自在行時無日月相隨 到處有裴巒風雨亦開顏 修鍊事地軸鎖天關出有入無三尺劍長生不死一九丹名列上仙班

青蓮池上客入關

重陽羽化登仙路兄弟如何措各各勤修生 覺悟通無入有靜思忘念密考丹經祖 一時浩浩劫真容露放蕩情懷任詩句直待人間功行具雲朋霞友爽邀風月笑指蓬瀛去

其二幽棲

一從東別長安道西往磻溪廟漸扣南山名 跡香洪濤冷淡土龕瀟灑北府何曾到 夜深陌上行人悄獨聽巖前子規叫切切松梢啼到曉聲聲相勸不如歸去爭奈功夫少

報師恩物有

不僧不道不溫柔九百人前不害羞覺性一時起法界知身德劫是吾囚 改頭換面人難悟走骨行屍我不憂得意忘形還撲去從教人笑不風流

其二渭南

一方勝景滿川稀水竹鬱環四面園籬極名 花紅冉冉當門幽檜綠依依 爭教稚子春風舞闌巧靈禽曉啼啼社內人家三十戶崇真修道壓磻溪

一橫嘉景日常新古栢森森四季春福地清高狶俗事名壇時復會仙賓 人人盡喜生中國戶戶虔心敬上真唯願諸公皆省悟同登無漏出紅塵

其三贈道

神仙縹緲太虛私世俗無由得見之幸遇門庭開教化臨逢齋醮莫推辭 擔家造孽常終日作福治心只暫時更到時來心不謹終身何以報恩慈

其四詳備

懶看經教懶燒香
兀兀騰騰似醉狂
日月但知生與落
是非寧辨短和長
客來座上心慵悶
飯到唇邊口倦張
不是故將形體縱
養成貧病療無方

金蓮出玉花 得遇行化

重陽師父昔日甘河曾得遇
大道心開設教東游海上來
天涯迴首翠得吾鄉三四友
魏國昇遐驚動秦川百萬家

其二 自述

蓬頭垢面不管形骸貧
賤抱撲順神恬快無憂樂本真
冰姿玉體到了難逃沉土底
子羽潘安泉下枯骸總一般

其三 法門寺李生求

一團臭肉千古迷人看
不足萬種狂心六道奔波浮更沉
天真佛性昧了如何重顯證
寶範仙宗覺後憑君訟蔽蒙

其四 夏早

時當正熱正值天高時
雨闕萬里晴暉雲欲生
來風旋吹如鑪天地盡
日炎炎鎔暑氣物困人疲
憶得前春嫌雨時

其五 西鎮南村

南村地勝曲水橫
斜穿柳徑是處池塘拍塞
荷花映粉牆
高堂大厦戶戶如屏
堪入畫
峻嶺崇崗日日生雲
遙降祥

其六 青峯

雲收雨霽露出青峯
寒骨野靜天空岌岌
高橫碧落中
南溪無景與爾
夏天銷日永
水日題詩不賦閑
愁只賦伊

其七 魏州典并陽致慶作

登萊離密四海皆聞
頭挿筆愛爭多詞不肯
饒人些子兒
余今向道非似從前
生計較
好弱都休腦後如今
沒筆頭

悟南柯 下元醮齋生筆齋

白露三秋盡
清霜十月初
群花零落共蕭疎
唯有重陽佳景獨魁梧
爛熳真堪愛
馨香不可辜
人人皆挿滿頭
數試問喬公
替著一枝無

爛熳黃金葉
輕盈白玉枝
重陽留得下元時
醮謝星官特地獻真師
牒奏三天主
聲聞九地司
存亡福慶已潛資
大道洪恩兼付出

家兒

其二 關表滿子

浩浩塵埃境
翩翩幻化軀
中情不解了須臾
任意奔波顛倒走崎嶇
逗引中丹壞銷磨
內藏虛慈悲災患共
榮紆百便千方醫療不
能除

鍊丹砂 關表

守分莫強圖
遣日閑居樂
天知命忍蕭疎
萬事休論成與敗
兀兀前途失也
本來虛得也
如何百年返覆
刀須更不似中心存
道念賢聖相扶

清心鏡 寧教

萬靈中人最貴
超群化數屬三才
品位愚夫甚却
騁兒頑便將為容易
殺害生靈圖作戲
全不念地獄重重
暗記一朝若大限
臨頭與他家愜氣
鬼神擒鞭撻跪
跪開眼強欲思量
巧計當頭把業鏡
高懸那冤家
怎諱拔舌剜心
酬快意全不似舊日
馨香美味三塗任
百毒陵遲再生人
卒未

其二 贈離東信內
強公病室

建齋筵須省可休羅列看食重重推播本來
要薦福求恩却招殃惹禍 強老先生還見
摩莫不是受用於身太過如今縱百味珍羞
眼相看嚙唾

王鑪三洞雪 勸止同
道遊梅

最苦三冬水雪難當萬里風塵天涯海角不
離身何處夢同心印 況是中舟宛轉徒勞
外景因循爭如作伴到青春看我行藏遠近

其二 勤勞

物外雖分端的天心未放玲瓏區區陌上走
西東也學浮生作夢 夢寐更勞數載巖龕
復度三冬待他消息顯真空放出凌雲蟠煉

其三 自諒

夜宿磻溪古廟曉登竹徑荒村日中無事餒
巡門淡飯求他一頓 不會深窮造化隨緣
且度朝昏是非人我絕談論却返生前混沌
一性昭彰乍顯二儀混合初融飄飄法界任
西東到處神光覆擁 萬籟寒泉湊頂八方
瑞靄騰空怡然獨向九霄中坐看浮生作夢

其四 暮景

落日西沉遠隴輕颺南起洪崖飄逸興爽
情懷吹斷愁思俗態 漸漸放開心月微微
射透靈臺澄澄湛湛絕塵埃瑩徹青霄物外
日落風生古洞夜深月照寒潭澄澄秋色淨
煙嵐獨弄圓明寶鑑 認得心田要妙吐迴
世俗貪婪自欣山谷卧松巖情願披纒食淡

訴衷情 九日
後作

紛紛霜葉亂飄颺時令過重陽黃花爛熳依
檻猶自吐清香 秋漸老夜彌長道情昌雲
蒼入定法界游仙不動淒涼
孤城寒角韻悠颺風送入斜陽池塘萬萼無
色蘭畹有餘香 秋日短暮天長月華長空
空寂照蕩蕩虛心一片清涼

其二 風景

長安風景古今奇吾道少人知天心地肺時
正生殺按樞機 靈物秀玉芝肥射虹霓山
頭凝望目下三川歷盡華夷

解冤結 贈贈
衆

山河已定干戈不起太平時八方和義齋醮

頻修盛答報虛空天地謝洪恩暗中慈惠
千年一遇神仙出世幸遭逢莫生輕易供養
精嚴但一歲勝如一歲遇良辰大家沉醉

其二 自諒

當初學道憑空鍊已志衝天人間無比放曠
山林次後復道遙雲水過夷門又臨秦地
飄蓬十載遊程萬里度關津崎嶇迢遞事事
請來但悟了般般總棄只隨緣布裘芒屨

其三 見飯

北方一日南方一日共東西四方交日夢寐
沉沉且往來遊行銷日待他年道心開日
百年短景都來幾日暗推排今朝明日不覺
推排到聖賢佳音來日洞天開是吾歸日

翫丹砂 遊歷

雲水飄飄物外吟醜醜默默醉中斟神仙活
計道人心 容易肯爭三寸氣尋常不貯一
文金清貧柔弱禍難侵

其二 上壇

仙院深沉古栢青森森影拂苔輕蕭條終
日爽人情 洞冷不知門外暑心閑唯覺腹

中清遶身渾似積冰凌

其三 題道

劔樹刀山雪刃橫千磨百拷死還生哀聲流
血苦難登 針刺著身猶害痛銅劍剝性莫
非疼如何溼放不修行

無漏子樂道

去年未今歲麥陸地如雲充塞豐稔世太平
年黎民各坦然 衆心安閑容易到處逍遙
無事昏告宿餒求餐坊村沒阻頰

其二 秋齋

夕陽紅秋水澹雨過碧天如鑑籬菊綻塞鴻
歸長郊葉亂飛 上西山對北海酌酌神游
仙界霜夜冷月華清醺醺醉未醒

其三 假驪

一團膿三寸氣使作還同傀儡誇體段騁風
流人人不肯休 白玉肌紅粉臉盡是浮華
莊點皮肉爛血津乾荒郊你試看

恣道遙 贈道文

昔種良因今生福地虛空感上真加衛開壇
闡化垂恩普濟凡一月於中建成三會

至日相呼臨時莫避乘齋且散心游戲家中
不足眉頭長繫也則是浮生過了半世

忙裏偷閑師前取意勝如那苦求庸昧連朝

抵暮食生不已也道我為人過了一世 假

使狂圖兼能巧智多方便蘊成家計兒孫有

靠金珠沒底終比做精神狡些憔悴

桃源憶故人 荅丹陽

虛空照耀明如鏡好弱頭頭皆應隨逐狀同
形影稍錯還提正 他人說說渾虛倭遠道
狂言無證切告後來休聽默默依賢聖

故人別後閑吟罷寂寞雲溪瀟灑百尺孤松

影下獨弄周天卦 清風皓月雖無價妙手

奇工難畫欲向世間誇說誰是分真假

好離鄉 述懷

獨坐向南溪一事無能百不知所愛冥冥煙

雨後東西雲綻我列翠微 蒼骨太虛齋

舟舟寒光映日飛何事中心看不足忘歸似

有膏盲病著肌

亂草獨響踏鼓腹高歌自在閑一枕游仙清

夢斷怡嬉笑傲聲喧碧嶂間 日午啓柴關

雀躍徘徊望遠山山下有人來問道知難雀
躍無言笑却還

蓬萊閣 仙山

蓬萊閣漫漫巨海深難越深難越洪波激吹
怒濤翻雪 玉霄東畔曾聞說虛無一境天
然別天然別麓山不動蜃樓長結

其二 述懷

棲霞客西游棲在南溪側南溪側千尋赤岸
萬株蒼栢 無心只有輕雲白舉頭不見繁
華色繁華色空花雜亂世人貪得

養心香 學道

大道無形方寸何憑在人人智見高明能降
衆欲解斷群情作關中閑忙中靜濁中清
情態如嬰懷抱如米自蒙龍覺破前程吾言

至屬君耳深聽下十分功十分志十分成

征鴈回時野菊爛爛向深溪古洞彎跼孤吟

靜境獨鍊還丹被夜蕭條控局促坐艱難

一性參差數載留連到如今方露因緣瓊珠

達地寶月通天便出玲瓏忘機構沒技煎

下手遲 自許

落魄閑人本姓丘住山東東路登州自少年
割斷縲緣網從師父西遊 兀兀騰騰不繫
留似長江一葉孤舟任紅塵白日忙如火但
雲濛無憂

物外優游散誕身似青霄一片閑雲任虛空
來往呈嘉瑞但不惹纖塵 八表天游何所
親會三光日月星辰向閑中別沒生涯事且
作伴為隣

心月照雲溪 喬生 喪偶

陰陽變化萬古同於此得失暫時間又何必
欣生惡死存亡壽夭都在百年中迴頭看北
邨山累累皆相似 身如賃舍性假權屠止
何處是家鄉任六道循環驅使覺來放下不
用苦孜煎非眷屬莫憂他且要隄防自

離苦海 贈周 道全

知君好事從來慕爭奈染淨華難去雖然欲
意字飄蓬被繫脚繩兒縛住 忽忽頂上旋
烏兔切莫把光陰虛度神仙咫尺道非遙但
只恐人心不悟

武陵春 渭南楊 五生朝

新歲繼交生萬物時令近元宵瑞霏濛濛降
碧霄方誕誦仙苗 貌態堂堂殊勝敏歸道
厥凡蓄石爛枯壽更遙龜鶴等都饒

水雲遊 自詠

且住且住且日向碧巖忘機絕慮自知得分薄
緣輕卒難為顯露 支離幻化藏名舉搯年
光時序共礮溪一帶豪民結良因妙趣

望遠行 因早贈渭南王坦 公麟上諸道友

九夏疲天早萬物傷時熱算都為人心分外
生枝節闌衣鮮馬壯火班行引拽小兄弟
虛耗村村結下士無邪正上帝分優劣做咱
心不同彼志胡漂撇啓虔誠修齋念善因循
歲月望賢聖空裏相提挈

烏夜啼 戒洗 能

嗚呼俗態行樂恣宵襟蓋論人情華世度光
陰陰陽返覆天地有浮沉福謝殃來悲痛怎
生禁 統年繞過腸胃飽初侵洗麪淘筋還
是競貪淫人無遠慮必有禍胎深禍未萌時
誰解預防心

賀聖朝 轉東

夕陽沉後隴收殘照相鎖寒煙向南溪獨坐
順風長聽一派鳴泉 迢迢永夜事忘照性
琴弄無絃待雲中青鳥降祥時證陸地神仙

其二 無夢 今

陝右人人聽我福地好修因果天下不如斯
貧富一般行坐輕可輕可輕可驕矜太過
皇統年時飢餓萬戶愁生眉鎖有口却無餐
滴淚謾成珠顆我禍我禍我禍臨頭怎惹

○ 磻溪集卷之六

水雲集序

友七

東牟古牟子之國齊之大郡也戶口浩繁人性質朴東連滄海煙浪雲濤浩渺無涯不知其幾萬里南揖崑崙層巒巒嶂峻極于天不知其幾千丈海山鍾秀人傑地靈異人名士代不乏人宜乎真人仙子相繼而生也譚公先生名處端號長真子吾鄉大族也生而穎悟識度不凡善草隸書為人剛正有操行鄉里敬憚之大定丁亥歲重陽憫化妙行真人飛錫東來仙遊海上以往契風緣訪尋知友於吾鄉得丹陽子馬公長真子譚公於東萊掖水得長生子劉公又於登州棲霞得長春子丘公結為方外眷屬所謂譚馬丘劉是也相從真人之遊西抵夷門真人付以口訣囑以後事厭世而上昇四子殯葬禮終挈徒而西至終南山即真人之舊隱傳襲其道十有餘年自時厥後各從所之長真先生往來於洛川之上行化度人從其教者所至雲集其述作賦詠舉筆即成詩頌詞章僅數百篇又述語錄骷髏落魄歌警悟世人皆包藏妙用

敷暢真風引人歸善其有益於時也濬州全真菴主王琬輝等鑲板印行廣傳四方值丙午歲大水漂沒其板散亡掖水長生先生劉公運慈悲心開方便路遣門人徐守道李道微于悟仙等詣吾鄉屬余為序欲再命工發

槧以永其傳可謂仁人之心也竊嘗謂長真先生與余同鄉里年相若而志頗同幼為兒童之戲長為朋友之遊而先生中年遇師學道蟬蛻登真余蒼顏華髮高區區於名利之場甘分待終隨物衰謝何其愚也余將掣肘稍老牛舐犢之愛去硯鼠畏人之貪逍遙於自得之鄉笑傲於真閑之境學先生之道誦先生之文高養天和以寄餘生未審先生異日有舊遊之念肯乞飛霞佩乎嗚呼先生已羽化矣後之學者不能見先生之步趨聞先生之聲效其玄機妙旨遺範餘風詳味斯文則可矣大定丁未歲正月望日東牟州學正范懌德裕序

水雲集卷上

崑崙山長真子譚處端述

七言律詩

題洛陽朝元宮

宮門寂寂鏤祥煙古跡靈蹤尚儼然雲罩連枝烹藥鼎霞生靈井漑丹泉日魂煉就華胥國月魄收將不夜天紫詔師真歸去後未知孰繼大羅仙

遊靈山寺

闕闕雲水訪禪林密密琅玕映碧岑玉柱峯高塵不染靈山寺隱境難尋媵交白雪勻鋪玉閣隔黃花亂點金清徹古潭秋靜夜桂華獨現本來心

遊劉公花園

衆賢邀我賞芳菲雨霽晴明獨過扉倚檻牡丹爭秀麗繞庭蛺蝶聞高飛風吹柳眼無情意雨洗花心絕是非萬物盡成春一氣無私普布吐辭辭

贈新中郭四翁

幾人到得白頭翁生老病沉是始終濁穢腥

殮除壽算怪貪嫉妬轉昏蒙有憎有愛難起
世無慾無情定脫空幸有天堂地獄路聖凡
迷悟總由公

贈雲陽程仙

修行大畏是頑銅如着頑銅沒行功心起妄
塵沉地府意常清靜步天宮須依貧樂同顏
子莫要慳貪愛鄉通學取終南師叔馬亦窮
窮地堵環中

贈鄭仙

捨俗幽居物外菴潛心滅跡絕論談妙除濁
穢清貧樂用滌無明淡素甘蓬戶不高何所
礙一瓢常飲為忘貪安神寂默脩然坐認透
星光日月三

贈韓家郎君在家修行

崇真起善立玄堂謹奉朝昏兩炷香內侍孀
親行孝道外持真正合三光常行矜憫提貧
困每施慈悲挈下殃他日聰明如省悟也應
歸去到仙鄉

贈門人安然子等

風子微言啓衆曹等閑休把氣神勞欲求海

底成多寶須鍊山頭絕一毫心逐有情傷氣
火意遊攀愛害神刀願公早悟虛華境免向
人間再一遭

贈楊姑

投玄八十道姑楊一朵瓊花秋後芳玉蓋滿
添清靜水金爐須發慧靈香如今已獲將來
福從此何疑過去殃寂港虛堂無罣碍自然
寶鼎現霞光

題孔先生壙中

空門寂寂鍊靈泉喜趣靈泉玄上玄僻靜每
招閑客至幽居常共馬風眠清涼境界超塵
路履此方知別有天行者肯來低處見便教
瞥地見神仙

贈濟州王三校尉

王公吉善愛玄流勸我勤勤倒玉甌積善迤
於心上起壘功須向性中求利他損己通真
理忍辱慈悲達妙幽平等順和常大道三人
同上大神舟

題雲溪菴

雲溪高隱卧煙霞默飲陽晶與月華霧斂丹

臺生瑞草雲收靈腑結瓊葩青龍吐火烹金
茗白虎跑泉溉玉芽龍虎媾交功九轉刀圭
一粒捧丹砂

述懷

自慕貧閑採妙機便知身入白雲飛逍遙物
外起塵網脫灑懷中解垢衣恐損陰功搜已
過慮傷道德法人非他時九轉丹砂就同約
三仙從我歸

又

挫銳摧彊作善良頓然心法兩俱忘鼎中頻
起金剛焰爐內常燃般若香玉蘂乍芳惟獨
採蟠桃初熟與先嘗莫言遐邇華胥國了了
空虛路不長

又

一條捷徑入仙源洞口靈雲覆翠巔風浪起
時揮慧劍玄波澄處採金蓮蛟龍降去南宮
卧猛虎擒來坎戶眠二物定閑人事盡功圓
行滿產胎仙

又

為慕仙源景物長滌除靈地布瓊芳南宮赤

子居涼殿北海烏龜住絳房清靜洞中囚白
虎無爲山上牧青羊自從鼎內雲收後常飲
醍醐卧醉鄉

又

寂寥瀟灑道人家守弱隨緣度歲華禦冷麤
衣唯紙布充飢淡飯有齋忒忘言淡薄人情
遠絕慮幽閑道況賒着戀妻兒名利者限臨
猛悟悔如麻

又

天機深遠少人知一粒刀圭午上持霧捲古
潭秋靜夜雲收碧嶂月明時蛟龍捉得囚高
鼎猛虎擒來鍊坎池煉就仙丹趨造化去奔
蓬島禮真師

又

瑟瑟飄飄風入松遊遊物外與仙同性如朗
月流青凜心似閑雲任碧空猛虎擒來囚坎
穴蛟龍降去鍊高宮周天頻起金剛焰假鍊
爐中一粒紅

又

光明一點照樓臺了了無生絕去來七寶山

頭紅焰滅三宮靈地白蓮開煙霞紫府應將
到雲路瀛洲去不迴不夜玉京誰有分長春
仙子四人陪

又

青蛇三尺袖中携一粒丹砂結正時霧草清
演囚馬子煙籠碧嶂鍊猿兒千朝行滿龍投
火九轉功成虎入池奪得虛無真造化天機
深遠少人知

又

慾情巧勝染多言悟此方離種種邊愁斷情
忘通妙理煙消火滅達幽玄口張舌舉功難
就意出心生行怎圓絕了人情無箇事寂寥
孤淡任殘年

又

真功真行密安排十載殺動細細裁俗境心
忘超彼岸凡情意滅到蓬萊地埋寶劍光衝
斗畔隱明珠暗養胎修鍊須憑真造化欲窮
造化鍊心灰

示門人

出得俗家入道家恰如平地步煙霞塵寰物

裏光陰短仙境堂中日月懸落魄水雲真活
計虛無清靜善生涯常觀無怒人情迷不覺
爐中結大砂

又

守一真持認內閑精勤善行鍊心端玄元有
路非容易方寸無塵也不難十二時中常覺
察三千功裏莫欺謾前程如兔無來去深作
無人無我觀

又

摧彊挫銳做修行滅我降心斷世情默默琢
磨除俊辨昏昏鍛鍊去程穉無明起處真靈
暗柔弱生時道眼明每與無明經聞戰一迴
忍是一迴贏

又

滅惡除情作善良好將名利兩俱忘山頭澄
殺無明火靈室常添般若香塵垢盡除明鏡
現荒蕪如去玉蓮芳修行莫厭華胥遠了了
虛空路不長

又

修行須要認靈源認出靈源一點鮮情慾永

除起法界癡，滅盡離人天。休生顛倒貪，諸
有莫起塵。心染衆緣空，寂性中無罣碍。自然
闕裏產胎仙。

又

虛堂默默爇心香，便是吾門真道場。走入虛
空尋自在，撥除煩惱見清涼。象德高坎安爐
竈，卦按周天鍊白黃。永水綿綿依此做，功成
九轉結鉛霜。

又

修行休向法中求，著法尋求不自由。認取自
家心，是佛何須向外。昔過遊靈源，慧照塵休
昧。應物般般，意莫留。兩道清風開玉戶，一條
銀燧出山頭。

自詠

從初割愛做修持，守一清貧志不移。竹笠羊
皮常伴伴，破毳袋每相隨。肥羊細酒全無
愛，淡飯殘羹且療飢。木椀乞錢新置得，杞柳
猶是出家時。

暢道

雲水遨遊物外仙，刀圭一粒斷塵緣。真空結

就三田寶妙，用圓成五葉蓮。火滅煙消，因銀
鍊心清。意靜為精，專道遙放蕩。長真千萬里，
飄飄般若船。

又

雲水道遙逐處家，任他烏兔易年華。關中慧
水添金鼎，靜裏靈田種玉芽。海底養成紅芍
藥，山頭結就白蓮花。我今說破超塵寶，本有
如如即大砂。

又

雲水道遙物外仙，閑閑靜靜本來天。存心滅
我，開金鎖。損意忘情，折玉蓮。彼岸頭，搜索
妙靈山。山裏得良緣，丹成九轉清風送解纜，
飄飄般若船。

繼胡子金先生韻

修行非易亦非難，薄外願真認內閑。憎炎火
坑急出離，清涼道岸早躋攀。常觀無欲通玄
理，妙趣虛無絕愛性。清淨無為全在忘，存心
弱固寂寥間。

寄姚先生

受人欽重是譚哥，結罪重重在網羅。省過悔

前孽自少知，愆不改罪還多。心生貪好招災，
甚意着浮華。積罪過換，存存低下做未知。
賢聖肯饒麼。

藏頭拆字

其一

袍布素理幽機，甲金庚鍊玉飛氣。相交須換
穀丹運，就復更衣開真性。頭頭是悟元，初種
種非姪處名師。叔鈺蓮四朶步雲歸。

其二

頭浩浩湧靈泉，湛澄澄照上天道。要除情與
慾，忘境滅積功。十分把捉，休邪覓本元。初合
自然鍛鍊成無價，室京重會害風仙。

其三

兀騰騰任自然，中涌出白花蓮。朝鍛鍊無窮
室，志真修合上天道。割除情慾，斷刀劈破孽
因緣。頭莫向靈源掛，結神胎管得先。

七言絕句

遊華山

糲食麤衣度歲華，白雲高卧隱煙霞。心香禍
炷靈源起，定觀蓮峯十丈華。

在洪門鎮為衆人每日求藥因此作
智術多能巧作愚無為守一養靈珠儵然頓
覺塵勞夢獨飲無生酒一壺

詠孤竹

一竿碧玉出芳叢直節虛心衆莫同耐雪欺

霜堅歲月自然時復有清風

詠月桂

綠葉柔莖結翠紅精神采采弄晴風歲寒堅
耐同松竹盡占年光造化功

詠鶴

停停獨立對秋風黑白分明造化功休訝得
延千紀壽為他頂上結丹紅

三教

三教由來總一家道禪清靜不相差仲尼百
行通幽理悟者人人踏彩霞

述懷

不會搜空向外尋蛟龍猛虎倒顛槍朝昏懶
慢修香火十二時中只禮心

又

昏昏默默探玄玄清靜無為守自然真性得

凝真氣助無窮變化可冲天

又

我今雲水是前期細細常觀八句詩若要延
齡增壽算金精專固認真慈

又

一月二十九日飲百年三萬六千場世間盡
不聞吾事歸去來兮入醉鄉

又

從前頑惡勢難康今日存心望尊消十二時
中常覺察知他天地肯相饒

又

蠟燭燈光焰不知魚食香餌亦如斯蠟燭魚
爛君知否好向祇園寄一枝

又

譚馬丘劉四箇師逍遙自在做修持周天磨
鍊無窮寶一片靈光自得知

又

古佛靈巖是我家清涼境界絕憂嗟道人活
計無他做唯採三光鍊碧霞

又

如今識破燈蛾愛餌迷魚戲黑波本是一
團腥穢物塗搽摸樣巧成魔

遊懷川

了了心源萬事休此玄玄外更何求便便大
肚應無染且向懷川任意遊

又

為官清政同修道忠孝仁慈勝出家行盡這
般功德路定將師去步雲霞

又

雲耕寶陸三十里月破黃昏十萬家清夜碧
潭澄皎潔蚌吞銀燧產胎砂

贈張殿試

百歲先陰如閃爍殺勤爭似修仙約假饒一
舉狀元歸正悟黃粮夢裏錯

五言律

贈長安趙先生

牙髮重生黑延齡三事因至誠遵道友精謹
奉高真靜意擒猿馬清心聚氣神處瑞聊拜
上稽首壽長人

勸衆修持

聽我洗心方脩然滋味長無無中妙用有有
內合光人被慾情染情生神氣傷人還情慾
斷步步履仙鄉

五言絕句

勸眾修持

學道假除假修真空鍊空本源歸一處明月
與清風

又

酒色氣財盡憂愁思慮忘攀緣愛念絕五葉

王蓮芳

又

大道常清靜無為守自然自心不迴轉何處

覓言傳

又

獨坐若環菴孤清味最甘脩然無一事默默

守三三

又

採得波羅藥製成般若茶湯洗清淨水豈罷
見黃芽

又

常觀慾為世瓦礫變黃金觀身如糞土明月
照瑤岑

又

心生清爽少語默氣神和清淨消諸孽無為
解眾魔

詠晚鐘

啼落城頭月呼將日出東妙哉真德行喚覺

夢中翁

戒筆

絕筆塵方盡忘言道可親聲聞真道眼損了

假精神

頌

其一

學道修真與世違孤身飄逸斷蓬飛隨緣且
過消前過視死如歸一不歸垢面蓬頭摧壯

銳纈衣淡飯遠輕肥常清常淨無為作十二
時中暗察思

其二

把捉詢予付少言本來無法可相傳是非絕
盡方通妙人我俱忘始悟玄清靜貧閑為伴

侶氣財酒色似饑寒今生若要登雲路不合
虛無不得仙

又

寶殿玲瓏倚碧空端嚴慈像瑞雲龍三千功
裏勤香火十二時中禮聖容真體垢除因銀

鍊靈巖煙散為玄風閑鼎內雲收處一粒
丹砂結就紅

又

十年常默默今日露玄機水生赤鳳子火養
黑龜兒清風吹徹頂明月照寒溪降魔神劍

親傳得捉住蛟龍把尾提

又

心涼腎熱得修持悟此方知達妙機十二時
中無作用馬猿放蕩損靈芝

又

毛吞大海誰人解芥納須彌幾箇知日用居
常知損益功圓行滿見菩提

又

酒色財氣一大闕意情滅盡出塵索絲毫莫
向靈源掛如掛靈源不結丹

又

向靈源掛如掛靈源不結丹

又

又
六年鍊盡無明火十載修成換骨丹湛湛虛
堂無罣碍已知跳出死生關

又
恰十年來學得癡騰騰兀兀任東西欲詢風
子修行事垢面蓬頭火滅時

又
野鶴孤雲無伴幽玄至妙忘談默默昏昏獨
守湛然秋月寒潭

贈薛八郎
靈物常開假身不病清淨自然性停住命

又
雪山六載面壁九年道非容易成佛成仙

贈穆先生

太華山陰穆老仙專持清靜探幽玄修補祇
陀無漏園常流慧水溉心田擒猿縛馬翠峯
巔定觀不用買山錢捨俗投玄心契悟善惡
之由夙世緣心香福炷起靈源杳杳冥冥達
上天秋月碧潭真了了野花啼鳥謾喧喧鼎
中火滅開金藥木上無煙結玉蓮聖功積行

滿三千性圓丹結去朝元

歌

其一 無相

採得玄珠非貨貝靈山一道香煙快熏成無
漏步無生五道霞光撒慧蓋這靈靈處處在
妙用虛空無內外無有皆空空亦空法果
因俱染愛種種離起三界覺即如來頓明解
尋文理義謾區區說聖談賢運捏恠不修完
無毀壞境滅心志觀自在恒沙瑩徹則塵埃
出入無疑為妙最獅子兒祇園內怒吼狐狸
安敢對明月堂前玉蕊芳氛盈結就金蓮會
熟惺惺杜聰解本來自有何須買山頭浩浩
涌靈泉洗出虛空無證昔遇重陽明教誨也
無進芳也無退自從入妙認貧閑便知滅了
前來罪絕討論去知解藏伏光輝如暗昧任
他烏兔兩忙忙且這隨緣寄皮袋

其二 骷髏

骷髏骷髏顏醜醜只為生前戀花酒巧笑輕
肥取意歡血肉肌膚漸衰朽漸衰朽尚貪求
貪財漏卮不成收愛慾無涯身有限至今今

日作骷髏作骷髏爾聽取七寶人身非易做
須明性命似懸絲等閑莫逐人情去故將模
樣畫呈伊看伊今日悟不悟

其三 落魄

我落魄我落魄渾身紙布為衣著擺手行來
萬事忘且喜一身空索索飢時鬼困時睡元
初本住清涼地慧劍輝輝奪日光無限邪魔
皆遠離樂真閑成真趣邪迳荒涼我不去真
靈剔正漸分明超然走上煙霞路得真修應
了徹實即得時無可說水晶宮殿鎮安閑劫
破春花與秋月

又

我落魄我落魄衲布衲常恁着信意飄飄
物外遊到處空空無倚托或居山或城郭不
會書符并貨藥飢即巡門覓一錢飽來萬事
齊拈却處閑閑無用作人情細細須除削龍
虎嬰姪總不能默默醜醜常飲酌不做善不
生惡坐卧去來空索索一片清閑冷淡心從
他四大任淪落絕開機無付度不望乘雲與
踏鶴逍遙自在趣貧閑贏得綠悠安樂

繼丹陽師叔了慧吟讀

鍾呂海蟾為宗祖繫玉鍾子動金鼓撞透中間一點明跳出靈童當西舞我修喬不是喬喬話其中隱不喬真正言無詭語絕盡塵埃機與慮提离男翠坎女符領黃婆遊淨土住與行坐與睡或披氍或紙被靜靜清清常悠悠地半如癡半似俏癡俏中間還自曉這般消息少人知一味清虛寂淡宜喜是嘆嘆是喜顛倒元來我是你千魔萬錄見元初了了了心方到底

示門人語錄

凡人輪迴生死不停只為有心得山云心生則種種法生心滅則種種法滅若一念不生則脫生死何為有心蓋緣衆生有貪嗔癡三毒孽無明心師父云跳出三山口是也悟人所以修行割情拚愛摧強挫銳降伏除滅衆生不善心要見本來父母未生時真性本來面目是也何為不善心一切境上起無明心慳貪嫉妬財色心種種計較意念生滅不停被此孽障舊來熱境勝昧真源不得解脫要

除滅盡即見自性如何名見自性十二時中念念清靜不被一切虛幻舊愛境界勝昧真源常處如虛空逍遙自在自然神氣交媾沖和修行如了此一事更有何生死可怖更有何罪孽可懼如稍生一念不為清淨即是罣碍不名自在如何到得只要諸公一志如山不動不換向前去達大魔盡此一身永無迴顧前期必了晉真人云心清意淨天堂之路心荒意亂地獄之門

水雲集卷上

水雲集卷中

崑崙山長真子譚處端述

友八

醉江月

香門三祖是鍾呂海蟾相傳玄奧師父重陽傳妙語提挈同超三島慢慢搜真靈根固養漸吐黃芽草無中還有慧風時送嘉耗一點瑩微無窮週遊沙界物物圓明好種種皆空歸本有內外般般顛倒此理幽深清虛縹緲行者人須到昏昏默默暗中賢聖知道

又

自然之道稟根元真正精神圓聚一點靈光無內外明徹輝通玄戶寂淡偏宜貧閑最好物外逍遙處長長不昧湛然神室常住無論妙與難窮須憑慷慨認把元陽固搜取天真勤鍛鍊觸處般般迴顧火裏蓮生山頭焰滅端的緣相遇風仙重會共遊三島雲路

又

一靈真性又因何撮入凡胎塵域迤染浮華貪愛纏展轉昏迷真跡曠劫難逃如今又錯罪孽重重積本來模樣怎生分解尋覓須

屏視聽雙泯捨情雲水物外搜玄理寂寞孤
清趣妙有豈顏形軀瘦役捉住風塵玲瓏輝
燦點點烹金液神丹昭著死生煩惱寧息

又

玉花漸吐被清風催結金蓮光聚歷劫昏迷

齊照破直透無爲門戶七返迴光三空覺照
間隔金花處處殷勤鍛鍊自然嬰姪常住 此
子端的幽竒自從下手永永基堅固蓮結瓊
芳靈蕙長深感慈悲頻顧鼎內雲收爐中丹
結九轉終重過參師雲步會遊蓬島仙路

詠竹

愛君嘉秀對雲菴親植琅玕叢簇結翠筠稍
津潤膩葉葉芊芊柔綠漸胤兒孫選生過母
根出蟠蛟曲瀟瀟風夜月明光透節玉 雅
稱野客幽懷閑窓相伴自有清風足終不凋
零材異衆豈似尋常花木傲雪欺霜虛心直
節妙理皆非俗天然孤淡日增物外清福

上元夜觀月

上元佳節正一輪西步天渠飛躍素魄當空
澄湛湛獨現寒光無着皓彩乾坤無私遍照

萬古無瑕膜澤如寶鑑瑩然懸向寒廓 姑
射絳闕瓊樓群仙赴會雲墜停鸞鶴瑞氣祥
煙籠寶殿金碧霞輝交錯爛醉蟠桃彩雲歸
去殊袂飄香絡嵩山遙對爛銀盤裏期約

題酒

杜康得妙釀三光真秀清澄醇耐太白仙才
乘興飲一斗佳篇百首倒載山翁襄陽重雅
笑唱齊拍手陶潛籬下醉眠門外五柳 東
里生死俱忘待賓截髮陶安歎賢友文學無
憂樽滿酌香醕頻開笑口喜遇堯年醉鄉豐
樂古所希聞有玉壺春色綠延益筭眉壽

神光燦

譚哥昔日瞻養家緣積孽有若山丘因遇仙
師東歷海島三州勸誘頑愚向善悟輪迴捨
愛迴頭隨緣過守清貧柔弱雲水閑遊 因
過懷州仙府後閑行貴縣時遇深秋迤入巖
冬寒冷得避無由不免化些紙布望諸公念
憶同流如省悟結雲朋霞友物外同修

又

長真稽首遍覆諸賢修行只要心堅戰戰兢

兢日上常恐生慙淡素清貧柔弱未安寧休
做詞篇真功行在摧強挫銳寂寞忘言 無
則巡門乞化對人前休騁俊雅風頭藏伏光
輝點點銀鍊丹田千朝功夫做就這些兒暗
裏相傳功行滿跨祥雲歸去朝元

當初學道迤入玄門遠遶物外優游占住菴
兒日夜不免尋求教勸來來往往惹塵勞怎
悟真修道蹤跡看何時功滿符赴瀛洲 督
地廓然猛省勘元初一點有甚閑愁落魄禁
航雲水恣訪仙儔有似開籠後鷄又還如解
鎖猿猴我去也把般般打破使休

奔名逐利愛慈牽纏昏昏轉轉迷蒙虛幻浮
華不覺暗易顏童百歲雲間電閃限臨頭那
肯從容不肯悟到如斯悔懊箇箇還同 連
悟前途險路早迴頭步步却入仙宗袍布青
巾結交霞友雲朋休外他搜密妙認靈源連
結丹紅趣真處觀山頭明月清風
茫茫苦海逐浪隨波便宜識取抽頭恩愛妻
兒都是宿世冤讎因循浮華光景把元陽拋
撇無休限到也看賢家着甚計脫冥幽 不

悟如斯噫嶮騁機關日夜計較貪求頃刻輪
迴千生萬劫沈流猛捨投玄入妙免三塗六
道經遊早下手與風人物外結取朋儔

茫茫苦海逐浪飄淪癡如蜂窠蠟燈一向迷
迷妻妾兒女恩情遭他恁般繫絆限臨頭獨

赴泉冥如省悟奪浮華恩愛處靜修行細

細塵情疎滅漸棲心養氣德跡埋名淡飯羸
衣默默保鍊靈明逸而真人現也向無中金
玉成形大丹熟這一靈真性永永存存

贈穆先生

修行門戶叙次通知先須屏子休妻猛捨塵
情寂寞瀟灑相宜無則街前展手禦寒時紙
布為衣隨緣過守清貧柔弱火滅心低日
用擒猿縛馬處無為清淨暗契真師境滅心
忘神凝氣結靈芝得得逍遙自在任詩詞勸
誘愚迷功行滿指蓬瀛路穩跨朵雲歸

贈趙先生

趙仙入道猛烈投玄割除頓悟浮華對境修
持不若火長蓮花子今誠言少付遇戈才寬
納教他若有病便卷中如死也莫還家常

傲如斯堅志管聖賢暗裏熬釜無差火滅煙
消靈臍自吐黃芽無私性停命住意心清玉
結丹砂功行滿赴蓬萊鶴引彩仗雲霞

贈張九郎

天堂地府善惡由心死生迷悟爭先悟捨家

緣忘心展手街前淡素消貧柔弱任雲水遊

歷飄然持堅志守天長地久永永綿綿舊

孽如將消盡定聖賢玄妙暗裏相傳意淨心
清自是寶結丹田若有分毫故犯返招殃罪
孽難言如了了赴蓬萊三島做箇神仙

寄長安馮師兄

勸人行善自做修行兩般於道相宜須避俗
中鄉土且要相違妙藥沈痾救護更不擇貴
賤高低自然理徇隨西師父戒行行持修
鍊須憑猛志似大川山嶽安穩無移外行周
圓他日得處無為雲水逍遙自在氣神和功
行雙齊大丹熟指蓬瀛穩路携朵雲歸

寄長生劉師兄

處端稽首上覆劉仙一別倏忽三年安遇臨
風對月思渴高賢忽爾遠承教字方就審法

候安然第且喜無勞齒錄存念綿綿自愧
塵緣未斷在磁洛兩郡且恁隨緣不果來期
希恕老拙無愆首春即當拜覲履高秋願素
不宣處端望師兄通妙几前

滿庭芳

欺昧成家慳食積富靜言獨坐思量養他數
口罪孽自家當催促光陰似箭縫青鬢容改
衰蒼百年裏誰人盡數兀兀謾羅張身強
聞早悟知愆悔過速改行藏向閑中細細增
福消殃更有高明大志拋鞭鏢物外飄颻修
行好遊山說水日用蕤心香

煙歛雲收蟾孤秋靜湛然獨顯希夷常從坦
蕩默默飲刀圭寶鼎祥煙橫聚氣神會結就
靈芝閑遊好飄飄雲水物外訪相知隨時
緣分過飢來覓飯逐處投棲任忙忙烏兔物
換星移且恁塵中閑散功成後別有師期將
歸去一輪明月獨步赴瑤池

咄這慈牛頑狂性劣侵木迷稼傷蹂鼻繩牢
把緊繫刀須收舊習無明常亂加鞭打始悟
迴頭忘思處孤拳困卧默默萬緣休漸孽

前步穩芒兒閑散心意何留趨雲山自在真
樂謂謳兼笠開堆古岸短笛弄新韻悠悠黃
昏後人牛歸去唯見月當秋

莫見東西休搜南北玄真只在身中萬緣齊
斷神氣始和沖祗要君心慷慨慧刀舉劈破
昏蒙遂知否般般撒手性命可圓容 真空
離色相閑閑裏慢慢休恁恁焚燒布素物
外飄蓬飢則巡門覓飯飽來復明月清風道
遙處哩唵囉唵落魄恁西東

贈濟州王三校尉

蛾戀燈光蜂貪花蜜問君終久如何欲成修
鍊須出黑風波慧劍攀緣割斷離鄉土趁却
娘哥煙霞客水雲步穩隨分養天和 消磨
除舊孽焚燒布素信任磨拖興詩詞吟詠舌
誕唇歌古往今來達士自家與無少無多神
仙話休論蓬島似是上高坡

贈福昌縣趙殿試

儒業尊高文章顯貴算來世路營營苦心勞
志求望步雲霞假使登科攀桂黃根夢空悟
咨嗟無常到相如老杜著甚理逃趨 浮華

須勤破塵緣擺脫物外生涯起開閑雲水保
鍊根芽得得心清意淨三光秀凝結丹砂功
成也三清舉過趨上大羅家

水龍吟

欲修無上菩提便合下手須頭段莫令帶水
拖泥土粘結此兒紫絳生死明來也全無在
自家決斷把凡胎濁骨煙霞路上輕輕漸都
抽換 步步清涼彼岸趣開閑忘機休算煙
消火滅冰凝玉結長生侶伴自得真空妙玄
因作無人我親待丹成九轉重陽再會遊蓬
萊館

又

本初一點來時幸然體態淳和好蓮生增愛
綠塵蒙昧無窮真寶箇箇人迷到如斯盡逐
情生老把仙胎容易浮沈苦海隨波浪成虛
耗 速悟輪迴返照把塵心須當顛倒煙消
火滅冰凝玉結長生芝草默默志論討常堅
守自家爐竈向三千功裏殷勤鍛鍊定將來
世傳海有三山內藏羽化仙芝草秦皇信此

使令徐福東遊蓬島雲水風濤浩浩男女丹
中成老望仙源縹緲煙波杳杳肝腸斷何時
到 堪嗟人迷顛倒設區區空生煩惱不知
自起妄塵遮礙先天真實頓悟家緣掉守清
淨無為功了得心清意靜性圓丹結餌仙芝
草

瑞雲捧出三峯上真下化宸遊地祥雲深鎖
瓊樓寶殿琳宮幽邃萬頃嵐光裏依稀降玉
泉蓮水望仙人掌上彎彎初月常晶瑩無瑕
翳 碧嶂層層蒼翠亂峯巖嶺叫鶴唳我來
感數塵中纏絆恩情名利滾滾甘隨逝波流
轉幾人攀躋現停停雲漢安然不動作陰陽
隨

如夢令

鏡藥以來守拙不過知音難說古鑑要手磨
點處便交光徹歡悅歡悅衰出一輪明月
又
竹笠竹冠竹枕與我日常為伴坐卧去來空
便是清涼彼岸風漢風漢日月輪催不管
又

只把靈臺頻掃惜取自家真寶火裏長蓮花
便是修行玄奧顛倒顛倒境滅心忘了

又
一片靈空為伴因把慾情割斷日上鍊虛無
常住神堂古觀風漢風漢此外別無手段

又
隨分養營皮袋坐卧去來明快境上樂閑遊
些子無生罣碍忍耐忍耐占得逍遙自在

又
物外遠遊落魄步步清涼雲脚閑裏弄虛空
別有蓬萊期約這着這着細細人情除削

又
大道無名無說休修護生分別火滅與煙消
便是良辰佳節宜拙宜拙認取春花秋月

又
大道根元歸素絕盡人情思慮火滅與煙消
認取元陽收固此做此做便是長生捷路

又
因遇重陽師父引入全真門戶慧火鍊靈空
不敢胡行一步一步一步一步近如一步

又
清靜無為做徹高下休生分別滅盡我人心
自有真師提挈提挈提挈雲綻家家明月

又
日用滌除塵垢擒縛馬猿不走展手向街前
守一不生貪構貪構貪構怎得功成行就

又
不染俗情非是不慢下貧趨貴不敢受人欽
自在逍遙雲水雲水雲水守一無為徹底

又
休訝弟兄不常只要人情疎遠不敢受人欽
不喜輕肥杯鬻舒展舒展銀鍊丹砂九轉

又
落魄無拘野叟自在逍遙閑走他日返家山
重會雲朋霞友知友知友共飲蟠桃仙酒

又
日用靈光內鎖保護真心不破金玉得凝澄
生死無由近我功果功果歸去獨携雲朵

又
寄濟州道友王四郎
傳語濟州道友休戀隨情花柳最好逐諱風

保護形軀不朽不朽共飲長生仙酒

贈王三校尉宅三姑

欲做俗中修鍊先滅我人分辯柔弱守清貧
堅忘始終無變真善真善損已利他方便

贈修武賈信實

入道先生姓賈日用持心低下要見本來真
閑裏擒猿捉馬擒要擒要須勁譚風害瘥

贈張李二公道友

堪歎浮生不久盡迷氣財色酒如悟捨塵緣
共結雲朋霞友知友知友保護身軀不朽

贈閩鄉縣酒賈

深愛賈公吉善水雲遊歷玄便他日處無為
得得虎龍交戰交戰交戰丹結永除千變

迷懷

一點靈光不昧出入往來無礙處處圓明
物物頭頭應解解耐耐耐耐萬禍不能侵害

西江月

役我盡因心意滌除般若玄機不勞南北與
東西方寸些兒便是 寶鑑塵埃蒙昧須從
磨鍊輝輝光明一點照無為直入蓬萊幽邃

又

學道休於外覓靈苗出自心田鐵牛耕透見
根元全在殷勤鍛鍊 認證元初面目端身
勿使邪偏六鈞弓硬拽來圓箭箭紅心有驗

又

頓悟輪迴入道時中鍛鍊綿綿存存損損恁
專專要免將來流轉 火滅蓮開五葉煙消
玉結三田欲超無上離人天了取空虛古殿

又

欲入全真門戶行住坐卧寂寥存心乞化度
中朝塵事般般屏了 莫論黃芽白雪休搜
龍虎嬰嬌色財無掛火煙消便是蓬萊三島

又

堪歎光陰迅速日生思慮憂愁愁愁甘作逝
波流迷戀氣財色酒 日月暗催人老利名
不使心休爭如放下觀山頭明月家家盡有

又

寒後添些紙布飢來展手巡街殘羹冷飯且
充齋柔弱清貧遠害 萬禍皆因心起無心
無禍無災自從心定守真胎雲水逍遙自在

又

寒後添些紙布飢來乞覓殘餘野情喜不擇
麤疎且要遮形楂肚 自歎愚蒙過甚徒勞
設藥防拘從今放下樂清虛做箇憨憨暮故

又

作伴修行未是飄飄物外行持孤雲野鶴任
東西何有些兒礙滯 淡飯尋他兩頓清清
淨淨無為寂家瀟灑最相宜別有一般滋味

行香子

得得無修無惑無求放心間無喜無憂逍遙
自在雲水閑遊趣空中玄玄中妙妙中幽
落魄婪耽垢面蓬頭恣陶真樂歌謳隨緣
一飽真箇風流這般來無無來有有來由

又

朝也防心暮也防心恐心生熱景來侵多能
術藝書畫蒸琴更不生貪不着愛步瑤岑
善也由心惡也由心善心開惡意狂尋心生
虛度日月光陰便如雲行如水去訪知音

雲霧歎

匿光輝認愚罔兀兀騰騰閑裏尋閑步垢面

蓬頭衣纏縷乞食忘慚方稱煙霞侶 絕驕

矜趣真素不受人欵不擇貧卑處認正丹陽
師父語了了惺惺功滿歸蓬路
做修持休輕侮認取雲中細細清清雨淨淨
冷冷靈芽吐心外尋求謾了虛辛苦 坐與

行卧與住閑裏閑搜閑暇逍遙做結就金花
開玉戶一道光明直射無為路

告行人聽少訴着假求真也好迴頭顧勘驗
行藏休慕故不合虛無忘得蓬瀛住 認元
初歸壘素勤拭靈臺勿使塵埃污心上貪瞋
癡盡去暗裏功成有箇真師度

臨江仙

得得全真真妙理無為無作無修自然清淨
行功周祥雲圍絳闕瑞氣繞瓊樓 心似閑
雲無罣碍身同古渡橫舟真空空界可相酬
白牛眠露地明月照山頭

虛幻浮花休苦戀南辰北斗頻移暗更綠鬢
盡成絲百年渾似夢七十古來稀 奉勸人
人須省悟輪迴限到誰知修行早不宜遲
從前冤孽罪要免速修持

從前冤孽罪要免速修持

從前冤孽罪要免速修持

從前冤孽罪要免速修持

稽首吾門諸道友降心向外休尋等閑容易
費先陰修行何是若不了我人心 滅取無
明三孽火勿令境上相侵本來一點沒昇沈
具閑如得得步步上高岑

連理枝

浮世愚癡輩一向貪名利愛海恩山拘繫鎖
迷酒色財氣箒華富貴電中光好迴心改
悔 早早尋出離默默搜玄秘寂寞閑隨
綠度日道人活計守無為清淨行功周赴瑤
池宴會

贈京兆府安王解元

太原公疾苦聽予告切聖賢待把伊提挈好
休歇算人生七古來云少者看到也做箇
放下决烈 割攀搜趣閑閑歸營素安恬養
拙認靈源鍊磨明徹從前孽向三千功裏徐
徐消滅青山綠水五人共賞風月

贈獲嘉王法師

譚風偏喜王三父夙世良緣休更推延妻惡
兒嫌出世鄧 修行外用無為作囚馬擒棟
不返家園定做逍遙物外仙

驀山溪

修行鍛鍊休覓嬰和姤認取本元初起塵埃
須除莫惹常生正覺宜向觸來看絕人情去
浮囂俗事般般捨 長行坦蕩閑裏調和假
空裏做真修恁清清冷冷脫灑日中靜慎真

正合虛無樂道遙趣閑閑步步無生也
鄧中碌碌虛幻名和利休恁苦勞心鎮區區
傷神損氣迴頭是老悟即便抽身拚榮華絕
財色樂道超浮世 恩情愛戀鼎內如魚戲
休論早修持甚一日推他一日風人低勸微
語破迷癡早下手速為之做箇前程計

青玉案鳴馬

師真引入修行路默默無言句慢慢持修歸
眞素般般返照盡成空馬兒悟證內外無塵
慮 眞清眞淨投眞處細細搜尋妙玄趣勘
破浮華清虛做降魔劍斷孽緣休馬兒度步
步入長生戶

阮郎歸 諫卷

陰陽初會一聲雷靈芽吐細微玉人製造得
玄機烹時雪浪飛 明道眼醒昏迷苦中甘

最奇些兒真味你還知煙霞獨步歸
閑閑雲水任東西靈空一片隨昏昏默默往
來飛前程事已知 眞大道出塵機般般種
種離重陽許我白牛兒而今便是誰

卜筮子

四大因緣做苦海憑船渡一棹清風到岸頭
得上無生路 人歎風貧苦我步閑閑趣脫
體全空沒一文勝似石崇富
自入玄門戶寂淡清虛做靜裏披搜四假身
勘破塵行路 悟上還重悟得得眞閑趣收
住身中無價眞豈逐人情去

風漢閑中做彼岸神舟渡萬里晴空無片雲
月照曹溪路 割斷冤情苦默默明玄趣一
任傍人笑我貧肚裏非常富
水雲集卷中

水雲集卷下

崑崙山長真子譚 堯端述

友允

沁園春

受欲無涯有限形軀休苦若疲這宿緣分有
兒和女是他家衣飯各自相隨護使心機空
生計較大限臨頭執替伊當須悟早抽身物
外也是便宜 蹉跎下手猶遲切莫外週遊
覓妙微但塵心起處皆魔孽認元初本有銀
鍊昏迷真靜真慈玄波滌蕩自在逍遙境上
持千朝後現靈臺一點光射無為

虛幻浮華百歲光陰歎一刹那謾區區碌碌
爭名利縱榮華富貴貪得如何蜃氣樓臺虹
橋碧落些子時光長久麼聞強健出熬熬苦
海速上高坡 聰明切勿蹉跎算世事皆空
身莫過認元初本有無窮寶染塵埃昧慢
慢指摩保養靈根頻頻澆灌水間金花結玉
柯超生滅這本來一點無少無多
好沒來由名利區區幾時盡頭算榮華富貴
名高位顯妻兒艷女肯做修冷淡玄門清
虛妙道苦澁難行執意留修行路悟輪迴生

死有分仙流 除身盡是閑愁猛割斷冤情

去便休頂青巾布素隨緣度日逍遙雲水物

外遨遊閑裏尋閑損之又損火滅煙消絕外

求將歸去這鄧都路變蓬島瀛洲

自古愚賢日月輪催盡沉下泉歎張陳義斷

因名利恣奢華後主破壞家園楚廟江邊漢

陵原畔勢盡還空皆亦然英雄輩盡遺留壞

塚衰草綿綿 嗚呼往事堪憐染虛幻浮華

逐逝沿又爭如省悟塵勞夢趣貧閑歸素保

煉丹田越過輪迴超昇苦海直上清涼般若

船逍遙岸會玄朋瓊路同訪桃源

倏忽光陰四大浮空是非久堅這輪迴誰保

朝昏徹披家綠恩愛繫絆遷延一箇真靈千

生萬劫苦海浮沉逐孽緣當須悟在伊家憶

慨生死爭先 聰明切聽微言好放下閑愁

搜妙玄認貧閑寂淡休生惡劫元初一點擺

出新鮮直正無私常行平等坦蕩道遙任自

然真功行向閑中慢慢積累成千

望海潮

全真大道無為清淨重重障礙堪嗟每歎自

緣招且不免閑遊雲水他趁無念誘誹邪願

人人早悟急景浮華道祖西昇去尚猶避過

流沙 歸地肺復仙家會雲朋霞友真樂無

涯虛堂宴賞蟠桃爛熳瑤危共飲流霞滿坐

戴瓊花得玄玄結正一粒丹砂此際功成行

滿同泛渡雲樞

堪嗟浮世誰能省悟人人俗景迷迷顏貌日

衰殘由尚苦貪求愛戀嬰娃慾海浪途賒被

二輪催促易鬢霜華忽爾無常限到著甚理

迷趕 爭如悟速拋家屏塵緣外絕內固根

芽三千密要陰功八百真誠鍊行無差雲水

步煙霞認三光真秀凝結丹砂異日功成去

也牛斗泛靈槎

恣逍遙

自慕貧閑來懶惰惹惹地並無災禍殘羹

冷飯全無煙火喫一盃肚暖則箇 他是他

非於予可眼前事近來識破騰騰兀兀隨

緣且過悠逍遙任行坐卧

南柯子

頻剔靈明燭勤磨智慧刀萬緣一豁絕絲毫

鍛鍊元初終始莫辭勞 水底霞光起山頭
雪浪拋虎龍蟠鼎繞週遺鍊就仙丹步步上
青霄

雲去南山靜風來渭水寒凌波凝結一團團
萬里晴空清爽此時觀 雄鷄鳴開世人頭

落玉盤一輪明月上欄杆了了從斯心意始
閑安

黃鶯兒令

活鬼活鬼日日市鄺爭名競利為戀他好女
嬌兒把根源輕棄 早早不肯尋出離大眼
來何計想你也沒分昇天却有緣入地

菩薩蠻

慧刀揮處人頭落虹霓萬道衝雲脚滅盡我
人心何勞向外尋 白蓮生火裏法忍無生
死忍辱兩皆空龜毛兔角同

瑞鷓鴣

修行休覓虎龍兒只要靈明識本機昏則彌
陀成外盜悟來煩惱是菩提 常搜已過心
明願唯見他非性轉迷打破般般休歇去虛
堂深處伴牟尼

修行休覓虎龍兒火滅煙消財色離內鍊氣
神成九轉外除情慾却三尸 居常休話他
長短處淨宜搜自己非長使靈根無罣碍自
然證果佛菩提

修行頻剔性中燈照破從來闇裏昏物物頭

頭休染著昏昏文九默然絕言論 超凡入聖非

由我地獄天堂總在君唯有一條真正路居

常牢閉四城門

人人學道慕腥羶嗜酒迷花罪孽纏心慕腥

羶傷物命意生貪愛損根源 唯論藥術矜

能解豈信金科秘妙玄如悟本空休歇去一

齊放下學修仙

修行心鍊似寒灰放下癡貪氣色財人我怎

生成道果是非難得產真胎 無明滅盡朝

金闕情慾俱忘拜玉階修鍊直須煙火滅為

心低處有蓬萊

本來真性是玄機只在靈明悟得時火滅煙

消成大藥境忘心盡見菩提 虛閑清淨真

仙路寂寞無為出世梯一法不生無罣碍修

行唯是這些兒

修行頻唱落花蓮損換閑閑任自然日上莫
談他事短時中頻整自心偏 休離方寸搜
丹藥莫外週遊覓妙玄長使靈臺無一物便
成九轉產胎仙

修行非易亦非難應物慈悲認內關意上有

塵山處市心中無事市居山 常耕清淨田

三段定守無為合一閒地久天長專一志自

然結就紫金丹

莫言容易做修持損損存存恐礙違兩飯慮

頻侵道友一錢外恐損希夷 衆中戒口忘

矜俊獨坐防心斷騎馳十二時中常返照猶

疑暗察有無私

贈王公雲庵

王公幽隱遠佳餐保護靈根守內關意上有

情山處市心中無慾市居山 願神須要常

溫暖鍊氣功成拒暑寒專一始終無變異自

然凝結寶瓊玕

贈郭公

休心損事養根源寂淡清虛守自然積德仁

風師孔孟辭潛高潔劬顏原 定觀明月三

秋夜妙趣玄風九夏天詩酒琴書誰可並野
夫常許似龍眠

望蓬萊

真大道瑣瑣做修持到處受人飲供養得便
宜是落便宜步步入青泥 為貧漢寂淡莫

相違外貌常教人見畏內容默默採靈芝指

日起師期

聽咨告少事要君知萬事苦求終害已得便
宜是落便宜伶俐不如癡 真修鍊心外莫
行持祇挺眼前為見在自然煩惱不相隨步

步入無為

行大道認取坎和离一點來時顛倒處兩般
消息與搜披玄妙不難知 休外覓識取自
菩提有相身中成鍛鍊無為路上證牟尼指
日跨雲霓

全真妙無我亦無人無作無為絕視聽謙和

柔弱沒疎親寂寞守清貧 玄玄處得得好

良因一點無生真自在湛然常寂本來真功

滿列仙賓

長真子日計旋尋求隨分隨緣消舊業蘭慈

閑悶一時休明月照山頭 常澄湛無證亦
無修自在不居因果界道遠顛脫出沉流功

滿到瀛洲

滿路花

因師超苦海捨俗探幽玄頓居歡喜地認貧

閑是非人我豈論與愚賢步步清涼路信任

遊遊兀誰知恁恬然 也無心遠望神仙到

了分隨緣堯年豐歲稔謝皇天水雲活計只

覓一文錢損損閑閑趣寂寞無為任他歲月

綿綿

重陽佳節至雲水寄天涯玄朋邀共飲賞黃

花特臨雅會南望翠煙霞極目嵐光裏隱約

依稀瑞雲深處仙家 任陶陶暢飲喧譁觥

泛笑擎論樽前唯對酒喜何加浮金激灑點

點採靈葩飲罷還重勸不醉無歸月明初上

窈窕

上無三瓦舍下沒一犁田水雲真活計且隨

綠樹前展手化筒有綠前此四字以獨步歸

來晚萬里晴空卧聽虎嘯啼猿 趣閑閑真

樂無邊一泓深靈泉鼎中真火降未凝鉛虎

龍蟠遠真秀結根源默默無為坐獨守孤峯
一輪明月流天

搗練子

搗練子具如何從前罪孽暗消磨囉哩哩

唵囉從初得認波羅色財勘破撲燈蛾囉哩

唵哩唵囉

又

聽分剖這風哥尋常只恁囉哩囉哩唵哩

唵囉些兒話不須多交賢會得笑呵呵囉哩

唵哩唵囉

清淨法越婆娑神舟穩駕渡沉波囉哩唵哩

唵囉早下手出迷河伊還不悟轉蹉跎囉哩

唵哩唵囉

浮華事夢南柯流年電閃下輪坡囉哩唵哩

唵囉早脫離出漩渦兩輪日月疾如梭囉哩

唵哩唵囉

風人唱破迷歌迴心與我見彌陀囉哩唵哩

唵囉十搗練要調和恩情慾愛是冤魔囉哩

唵哩唵囉

漢宮春

甲子天元遇明朝聖代神仙出世仙師密遣
故我水雲東歷小逸路遠難阻豈辭遐遠
惟念念人人未悟虛華戀著家計 輪迴最
苦省悟照前賢作用如何脫離塵緣屏絕漸
速可親玄理功成氣結得指日身起仙位歸

去後鸞鶴引赴蓬萊真會

欲入無為樂閑中閑裏秋這此兒惟論目下
未來已往休披常行坦蕩遠財色人是人非
新來恁怕怕內樂境上無掛毫絲 昏昏默
默得也向無中捉住真箇根基惺惺灑灑無
用無作無持頭頭返照自然理觸處暉暉誰
會得清風皓月湛湛兩箇人知

自慕貧閑便摧強挫銳柔弱和光塵緣煩惱捨
慧燭朗蕤靈房七門返照用七寶密密鋪粧
擒猿馬邪生智巧銀鍊列另端行 清淨自
然守守無為常善一炷心香平康宴樂玉
液酬泛瓊觴雲朋霞友笑證詳金玉玳瑤人
去後雲收霧歛澄澄月滿虛堂

長思仙

朝思仙暮思仙思憶真師四五年惟愁功未

圓功須圓行類圓功行雙全作大
洞天

又

外奔馳痛鞭持習性調和路不迷
肥芒兒歸牛兒隨明月高空照古

見時

金要多銀要多奴馬田園苦要多
多貧如何富如何萬事無心只恁
我何

道人心處無心自在逍遙清淨心

心利名心縱貪心日夜煎熬勞役

歇心

修行心包客心一片清虛冷淡心
心滅真心去貪心寂寞清貧合聖
本心

好顏容似花紅莫待馨香逐晚風
空妙搜窮脫凡籠猛烈灰心出世

島峯

遇風仙接幽詮雲水飄蓬鎮日閑
元結真鉛既清泉須信壺中別有

時損壯龜見元初萬道霞光攢寶珠
茫茫苦海兩無邊無限迷魚 黑淵我擲金
鈎釣有綠線兒牽引上神舟採玉蓮

減字木蘭花

全真門戶靜靜清清無作做非易非難財色
無明盡結丹 真龍真虎境滅心忘知去處
鉛汞相傳交媾須離種種邊

又

逍遙自在去來無罣碍一片靈空處處
圓明無不通 無分內外瑩徹周沙合法界
遍照無私明月高穹秋夜時

心願意要難辨身中真共假意要心願招得
全生罪孽愆 心寧意定裏閑閑明慧力
意息心寧道自歸而神自靈
遇而不悟可惜惺惺逐慾去目下蹉跎教我
如今怎奈何 他時若到悔晚投玄親妙道
早早廻修免向三塗六道遊
水雲皮袋似水如雲長自在自在關人關裏
搜尋物外身 任行任住色外真空閑裏做
欲覓真空祇在南山盡靜中

塵心起處隔了逍遙雲水路不起塵心色相
還空猿馬擒 而今勘破保守天真關裏過
欲識天真白玉黃金鑄就身

武陵春贈李道人拆字

日勸君君不省下越貪忙識常常內轉傷肯
恁思量 養靈根牢固取目好迴光兀騰騰
萬事忘內契仙香

南鄉子

物物不追求免有人前寵辱憂世路巧機齊
放下休休順著人情不自由 最好把身囚
落魄隨緣雲水遊乞食存心消舊孽修修譬
似無常限到頭

永遇樂贈濟州王三校尉

飄逸闕行坦然穩路任雲任水落魄焚乾蓬
頭垢面朝日常如醉騰騰兀兀遨遊閑散去
住並無繁繁覓殘餘填腸塞肚到處夜來闌
睡 人人未悟修持都是自著難為割離愛
慾無涯煎熬苦海生滅何時已一莖一莖隨
緣且過便是道人活計你咱自迷情未肯且
祇恁地

踏莎行

雲水關人焚乾布素逍遙物外煙霞步存心
乞化度朝昏巡門答諾須分付 水定雲閑
不隨他去煙消火滅清涼趣此遊聖境又空
迴携筇獨上長安路

屢勸聰明聰明不悟尋常相付留詞句詞中
唯是勸迴修何曾詞裏依他做 早悟輪迴
速尋出路二輪催促朝還暮今生榮貴是前
緣來生果報將何去

捨俗修行起塵歸素安恬寂淡忘思慮顛狂
猿馬鎖空房靈源一點常教住 莫覓金翁
休搜龍虎清清閑暇逍遙做慈風吹散嶺頭
雲一輪月照曹溪路

步步無生緣親禪道明來暗合通莊老風仙
十載去朝元處瑞雲路將應早 悟正身中
無窮真寶因緣漏果何須造關活計我家
風逍遙坦蕩吾門好
既得修真須搜去理心中事事都忘棄因師
妙旨悟元初山頭一點光明起 落魄生涯
水雲活計遊遊坦蕩紅塵裏諸公休訝這風

人尋常只恁哩囉哩

贖贖慈慈無言無說自慚設虛分別從今

更不外奔馳其中尤妙偏宜拙 收捲精神

藏輝跡滅空生煩惱齊休歇 抵陀圍裏種瓊

花芬芳一朶金蓮結

繞見春花又逢秋月春花秋月何時徹 勸君

速悟勿踟躕 壺中別有嘉時節 斷愛起塵

當須猛烈元陽固 鍊搜玄訣神珠磨鍊莫交

昏無來不去起生滅

忍辱常餐水除濁酒洗心滌意忘諸有存存

損損了空虛安安穩穩無他走 靜靜清清

天長地久春花秋月堅堅守騰騰元元向前

行昏昏默默合着口

一顆玄珠從來蒙昧貪真癡染難分解 頓修

滌滌不交昏輪迴生死都無礙 急急行持

休生退息綿綿銀錄須寧耐了心何處是歸

期彩雲鶴引蓬萊會

贈興平趙六士

百歲榮華星移光烈人身難保朝昏徹 恩情

春愛已收空不時大限將分別 早悟輪迴

驚生慘切割情捨愛觀玄訣公還猛烈入清

虛風人許你開心月

寄京兆徐公

方寸靈田何曾拂掃塵埃久暗生荒草神泉

散漫不凝澄如何結得長生寶 雲水尋真

逍遙訪道離家便是離煩惱聰明如悟肯休

心孤峯共飲蟠桃老

贈王三校尉

稽首王公微言少告殘年霜鬢君今到攀緣

恩愛幾時休閑身強健灰心好 深理幽微

世情顛倒寂寥瀟灑搜玄奧水雲同步訪丹

陽孤峯共飲蟠桃老

贈澹州王四郎

賢兄來到說公深淺我聞聽忽生歎羨一奴

三枝背長情安忍心變悔前非改行方便

聰明省會速來見面與仁兄和顏十四惟宴稍有

達情定風子決成宛轉水雲去更無所見

浣溪沙辭賈公

雲水飄飄物外遊垂綸獨釣大神舟 遇迷苦

海不吞鈞却返碧波歸去後家山重會馬丘

劉王臺金液宴仙僑

長生先生作滿庭芳讚道釋寄助緣

盧公武德

釋氏禪宗老君道祖呂鍾海蟾明天重陽立

教東海關良緣唯度丘劉譚馬分異派王郝

先傳將來去十洲仙會霞友性團圓 成仙

非難易行修八百功了三千待天書紫詔性

命完全要出陽陰之殼常無染萬物無愆真

了了龜蛇蟠繞陰盡去朝元

後序

人生天地間圓首方足抱識含情稟五行之

秀為萬物之靈佛性仙材無不具藥爐丹竈

無不備若能屏嗜慾榮華絕貪求去名利

靜息虛凝則可以長生久視長真諱公仙人

以宿緣符契壯歲得遇重陽祖師十五與丹陽長

生長春同師也厥後相從真人西抵汴梁付

以口訣後至洛川積功累行先厭世而登真

有留語錄詞章僅數百篇皆包藏妙用窮達

造化命之曰水雲集傳之四方又矣值丙午

問濬郡大水漂沒其板神仙長生劉公聞之不勝憫悼即命工重刊於東萊全真堂今又值累年兵革天下無有全者路鈴高文并其妻孟常善舉家孜孜慕道往來於淮楚間訪尋真人遺藁乃於門弟子處疑若神授得其全快恐其斯文泯絕今復鑲板印行於山陽城西蒼實見高君用心於教門之切也嗚呼真人羽化已久斯文不可再得及見僕先父所作前序又屬予為後跋遂不揆荒蕪勉述

又

○僕一日編類諸仙降批詞頌珠壁集間忽有高牙大纛森擁蓬扉僕愕然與之而迎其門乃蕭師故來下盼相揖而進之謂予曰頃有道友張志全不遠數千里而來携斯長真子譚師父平世述作水雲集一部特以見遺某然而不解又墨忝於教門粗斂慕之奈屢經兵火將諸全真玄奧之書板集俱已焚毀殆盡唯有此集幸好事者藏諸屋壁仍存焉若不拜行鑲板傳於四方誠恐泯絕又聞將來慕道者參訪耳願為重刊之序僕應之曰曩

者有東牟范學正父子才高歆向學富固虎已序之矣僕安敢措手耶屢辭不獲聊為散語以塞雅命云爾昔己丑年重陽日

水雲集卷下

友九

十六

太古集序

友十

余少時在燕趙間聞太古真人之名然未嘗瞻拜履錫聆聲款之音頗為悵恨每一思咏風烈如想蓬萊瀛洲方丈中人也今適得親見真人法嗣普照大師范君君為人聰明照了八憲玲瓏其在東平之正一也道俗瞻依風聲千里雲集檀施興建道場廣殿齋廚寘寮廩舍纔四三年已不啻數十百楹矣一日過壁曰圓職所以區區成此功德者亡他政欲推廣先師道範俾行爾其先師太古真人舊有崑崙文集當時刊行者蕪裂訛漏極多圓職以謂宗風準的道學淵源在則人亡則書蓋不可須臾離也雖覺焚浮圖增九級之高曾未若心印書傳無片言之誤衆人徒見回職營建葺累之勤孰知於崑崙文集補綴闕遺改正差繆亦頗有一日之勞焉書已補完子盍為之序引壁曰少時傾嚮真人風烈以不及瞻拜履錫為恨今得附名於文集間蓋甚幸也然嚮所得皆傳聞語大師實為法嗣親炙日久知真人之詳莫如大師請追述

真人道德風烈之一二以實叙引以信後人大師因手錄行實見其錄如左師俗姓郝世居寧海為州人之首戶昆季皆從儒學兄諱俊秀舉進士第官至朝列大夫昌邑縣令師獨幼年穎異識度夷曠倫然有出塵之姿祖師重陽真人大定丁亥自秦適齊抵寧海一見師即以神仙許之後於崑崙山對眾傳衣師自傳衣之後亦不以得道自居蓋自輟暇往往乞食於真定邢洛間過趙州南石橋之下因持不語跌坐留六年寒暑風雨不易其處童子來劇者見其土木形骸至以瓦石周擁其旁師居之晏如也昌邑君之李女適真定少尹郭長倩會郭夫婦偕往真定車騎甚都道出石橋問知師在橋下駐車拜禮以衣物存慰者甚厚師藐然若不相識一無所受夫人感泣長情嗟異移時而去師於世錄堅決乃爾故能專意於道歲月浸久精神感格一日至灤城南神人授師大易名大開悟事多前知名滿天下大安中朝廷賜以命書廣寧金道太古真人即其號也自灤城授易

之後言人禍福毫髮無差且自知其壽數當七十有三至期辭誠門人無疾而逝所著書六帙實錄所載如此然則曩燕趙所聞猶未盡真人之所有也序既竟大師謂壁曰子作先師文集序而載正一興造得無贅乎余應之曰語錄記述以傳心也功德興建以示跡也余年七十有五回首嚮來燕趙傳聞如隔再世非大師稟集遺文追錄行實則真人之遺風餘烈無自發明況後學晚生寧易知此大師憑藉真人道蔭興建正一功德昭耀東方今舉之所以聳動學人俾易知耳古人有言曰雖無老成人尚有典刑在意正一功德其亦真人道蔭之典刑歟大師曰唯唯大師諱圓感甫宋名相文正公之裔也前翰林學士馮瑩序

下風其言議宏深有懷灑落飄然非塵土中人余驚且服遂館於其宮踰兩旬相與之意甚厚將別出一編書曰此予師郝崑崙太古歌詩今將重鈔本以傳子當為我序余受而讀之則已有馮丈內翰題其首因細繹再四歎曰是亦古之有道者歟何其言之精而理之妙也嘗謂士大夫生而為學則曰吾欲兼善天下致君澤民然志不與時偕鮮克遂所願幽憂憤悲及自傷其身者多矣所謂兼善不能而獨善又失深可歎嗟彼方外之士初無濟時心則決然修鍊惟以壽命為事精專為慎其功日新雖不能白日飛昇亦係體完神康強終世與夫逐逐於外物為虛名所劫持耗智利精而無補吾教者相去亦遠矣若今郝公幼而立志挺挺不表其地處數年有玉潔松剛之操一旦談玄論易神解心融著書立言傳於身後而范公能發揚其師之道使大振於時而又刊定遺文以開悟晚學俱為方外偉人故余有激而書以予吾儕之兩失者云是秋八月渾水劉和序

先師廣寧金道太古真人郝君遇師於寧海傳衣於崑崙神人授之以易大安錫之以號略見於內翰馮公之序不復容聲惟是平居製作若三教入易論一卷示教直言一卷解心經救苦經各一卷太古集一十五卷內周易參同契簡要釋義一卷師西來日真定諸人已攻本行於代歸老之後又多所撰述至於舊集所傳時有改定世俗抄錄往往訛舛欲改新之蓋未暇也竊惟先師之道獨得於曠代不傳之妙粹之以易象廣之以禪悅精

微宏廓遺世獨立法言道論人所願見乃今魯魚莫辨真偽交雜疑惑後學在於門人弟子寔任其責回職不敏蒙賴道蔭今得灑掃東原之正一居多暇日謹以師後來所正及世所未見者點校精審按為定本刻而傳之敢以蕪辭冠之篇首夫至人遠觀物無不可故辭旨所發務以明理為宗非必駢四驥六抽青配白如世之業文者以聲律意度相夸耳在禪學則曰巖言及細語皆成第一義在孔門則曰辭達而已矣又曰以意逆志為得

之矣學者不志於道而惟華求其求豈為道日損損之又損之道乎向上諸師聞師一言一句即以神仙許之至待為方外眷屬生平教督嚴厲斥公足為玄門之臨濟使今而尚存必能高提正令坐斷大千雖師子象王且

知欲避狐狸野行吾知其不能群矣倒景滅沒可勝浩歎雖然師之書故在也試取而讀之意必有目直而不能視口喏而不能言者矣歲次丙申長至日崑崙野服嗣教范景謹序

大道恍惚從無而入有乾坤造化自有以歸無夫有入於無故無出乎有元之一氣先天地生既著三才浸成萬物萬物之動有生有尅有利有害有順有逆有好有惡有是有非方而類聚物以羣分尊卑有序泰道將興上下失節不時斯邁臨事之始而可潛當事之期而可躍復霜致堅冰之至龍戰則其血玄黃屯利居貞訟孚靈惕矯世以童蒙而處申令取毒蠱而明剛進待需柔而行有剝出門貴乎同人禍發基於大過艮止之兌說之賁

華而難麗寒滯而坎陷睽背也恒久也取新可以固鼎失律所以覆師光明則海內可觀蹤跡則山林可避非神化靈通其孰能與於此乎予嘗研精於周易刪正義以為參同畫兩儀四象三才八卦六律九宮七政五行星辰張布日月度躔有無混成以為圖象迷懷應問詩詞歌賦共一十五卷分併三帙以慕太古之風目之曰太古集夫太古者太謂太易太初太始太素古謂遠古上古遠古亘古務使將來慕道君子知其不虛為者也且夫

氣象莫大乎天地變通莫大乎陰陽天地之英華陰陽之根本二氣之謂也木龍金虎赤鳳烏龜四象之謂也六七八九其數之謂也刀圭鉛汞生成備物之謂也神遇氣交性命之謂也紫府丹宮靈臺翠宇瓊樓絳闕玉洞珠簾玄關陽道地戶天門玉液金精黃芽白雪真水真火姤女嬰兒石人木馬九蟲三尸金翁黃婆芝草丹砂骨五行造化之謂也大抵動靜兩忘性圓命固契乎自然自然之道甚易知甚易行而天下莫能知莫能行者蓋

情慾緣想害之之謂也人若去妄任真超塵離法混俗而不凡獨立而不改抱一而不離周行而不怠於仙道其庶乎顏子有坐忘之德孟軻有養素之功蓋亦專於一事也今舉其大綱開諸異號所謂同歸而殊途名多而理一示之可以益於後學能使道心堅固真正無私若執志待終則位標仙籍永作真人神通萬變羽化飛昇矣如是則非我門而不入非我道而不然然而然於不然而然也大定十八年歲在戊戌仲冬望後六日自序

太古集卷之一

廣寧子都 大通 撰

周易參同契簡要釋義并序

教者道之所以生也道本無名彊名曰道教本無形假言顯教教之精粹備包有無故以無言之存乎道體以有言之存乎器用體之以為無用之以為利若曰有形生於無形則乾坤安從而生用教化於無知則真知安從而出若夫太極肇分三才定位布五行於玄極列八卦於空廓發揮七政躔次紀綱垂萬象於上方育羣靈於下土是故聖人仰觀俯察裁成輔相信四時而生萬物通變化而行鬼神通精無門藏神無穴寂然不動感而遂通至於修真達道之士用之德化十方慧超三界升沉而龍吟虎嘯消息而蛇隱龜藏一往一來神號而鬼哭一伸一屈物我以俱忘當是時電激而八表騰輝雷震而三山動色鶴飛鳳舞鹿返羊迴沖氣盈盈瑞雲密密萬神羅列羣魔遁形玄珠迸落於靈臺芝草齋

生於紫府覺花綻放法海淵深直入玄都永超陸地所謂毛吞大海芥納須彌木馬嘶鳴石人唱和比昏開悟後覺不得已而為言是道也用之以順兩儀序而百物和行之以逆六位傾而五行亂非夫至極玄妙其孰能與於此乎於是略叙玄文刪為節要云耳時大定十八年歲次戊戌孟夏十有九日序

易之道以乾為門以坤為戶以北辰為樞機以日月為運化以四時為賦宰以五行為變通以虛靜為體以應動為用以剛柔為基以清淨為正以雲雨為利以萬象為法以品類為一以吉凶為常以生死為元以有無為教故知教之與化必在乎人體之善用必在乎心變而又通必在乎神以一神總無量之神以一法包無邊之法以一心統無數之心自古及今綿綿若存是謂周易參同契簡要釋之義也

天體道廣
清虛廣遠純陽不雜

乾用德普

運行不息應化無窮

善始嘉通

會合群靈通物理性

義和貞固

協和濟利堅固真正

大妙至哉

法此行道隨時變通

玄元聖祖

規矩後人光澤天下

資于萬物

衆象之宜資取乾用

統御雲雨

雲氣流行雨澤施布總及萬靈無有壅蔽

克明初末

克明萬物終始之道始則潛伏終則飛躍

可潛則潛可飛則飛是明達乎始終之道

時乘六戶

陽有六則陰有六則健用隨時始終如一

若不以時而用者應潛則飛應飛則潛應

生而殺應殺而生六位不以時乘而反害

矣

伏虎飛龍

陰伏陽飛陽生陰殺

式宙控宇

升降不息運轉無窮

變力化功

應用之道革故從新為之以漸謂之變一

有一無忽然而改謂之化言乾之為道使

物漸變者使物卒化者莫非資始生養萬

物總統隱顯之功

性端命輔

乾之為用見乎變化變化之功使物各正

性命性者天生之質若剛柔遲速之別命

者人所稟受若貴賤壽夭之屬故知無形

生於有形有形之所累也惟天道有形能

健而不為所累者蓋謂乘變化而御大器

靜專動直不失大和乾之為體靜住之時

則專一不轉移也其運動之時正直不傾

邪也不失大利益非正性命之情者邪乾

能正定物之性命物之性命各有情也所

稟生者謂之性隨時念慮謂之情故以真

言之存乎其性以邪言之存乎其情情去

性存命自歸而輔之

保合太和

乾之為用純陽剛暴若無和順則物不得

利又失其正若能保安合會太和之道乃

能永固使物各正性命而久長也

利貞迺甫

貞固幹用利益於物

剛專柔直

內則存乎剛健專一不移轉也外則用乎

柔弱正直不傾邪也

匠衆規矩

君子所以能行此道匠成萬物教化無窮

者也

君子自強

運用不休終而復始疆而又壯君子之道

備矣君者主也子者愛也主臨上位愛人

濟物學道之者通乾用而行大利益晝夜不

息無有虧退君子之人自強勉力不有止
息惟施於衆

教令可取

此明君子之人體道用事內剛外順靜專
動直若雲行雨施四時以序萬物以生一

切群品無不周普

地體道大

沈實純厚無所不載

坤用德隆

柔和厚載包容衆垢以順羣生通理物情

猶乾之德其德隆大

長益羣品

長養利益羣靈品類始生萬有各得通暢

事備曲通

順時待物屈已伸人

攸改君子

柔順幹正嘉美之功

雌極化雄

不為事始待唱乃和謙尊卑先已若進人

必人進已先雌而化雄也

西南不利

陰柔不立物有所害

東北立功

志意和同性行柔弱臨事決斷不有私曲

正此義也

乘此達彼

得正順志利保守常

黃委宗風

惟政是從隨時渝變

資生萬有

妙用宏闊無所踈遠

承順天聰

行不違權柔順不邪

厚能載物

至順包承不亂羣也

至理無窮

居中得正任其自然

含弘光熾

和光同衆俯仰不獨

品類庶沖

和氣沖滿物得生存言善則遠道歸群品

始終不懈君子之正

實相非相

依尊履正行命有功返視內觀相實非有

非相之實實非相故

真空不空

不居任不造為空真不存不空之真真不

空故

全其衆妙

質素不奢修仁守正

器與玄同

清淨精潔固志在一恢弘博施中正不偏

安乎得失變通隨時成其道果

太古集卷之一

文十

十三

太古集卷之二

廣寧子郝大通撰

友士

乾象圖



其數九
稱老陽

乾者為天之用天者是乾之體天所以清虛
高遠純陽不雜一氣冥運萬物化生乃可法
天之用不可法天之體故曰乾象而稱老陽
其數則九謂乾為天有三畫三因之得九此
卦重之六爻而各稱九是也夫天之道勢如
偃蓋狀若雞卵取坤為妻而生六子也

坤象圖




其數六
稱老陰

坤者為地之用地者是坤之體地所以純厚

廣載純陰不雜二氣昇降物有變遷乃可法
地之用不可法地之體故曰坤象而稱老陰
其數則六謂坤為地有六畫象之稱六此卦
重之六爻各稱六是也夫天有三畫而兼坤
之六畫故稱九也惟地屬老陰而不得兼陽
故稱六也

日象圖



太陽之精
其數七
稱少陽

日者太陽之精象離卦也其數則七而稱少
陽者為離卦上下俱長中虛則短成四畫而
兼乾之三畫故稱七數而為少陽者乾天之
道覆陰萬物清虛廣遠純陽不雜一氣冥運
名曰老陽日之為道雖無此大而光明著於
八方普及天下出則為晝沒則為夜故云少
陽也

月象圖



太陰之精
其數八
稱少陰

月者太陰之精象坎卦其數則八而稱少陰
者謂坎卦上下俱短中實則長成五畫而兼
乾之三畫故稱其八而為少陰者坤地之道
大有所載名之老陰月之光明有圓有缺出
則為夜照耀無窮如地之大故稱少陰夫日
月為天地之子而得兼乾而不得兼坤所謂
子從父也


天地交泰圖



不交則否

天地交而泰不交而否者謂天之陽氣下降
地中之陰氣昇而天上此謂天地交而成
泰若天之氣上騰地之氣下降者謂天地二
氣不相交感而萬物則有所否閉不能通暢
故天地宜交不宜不交萬物宜泰不宜不泰
不泰則否故天道十有一年而泰十有二年
而否也一紀之年全其否泰


日月會合圖



會則稱旦
不會而稱弦望


日月會而合不相會合而成弦望日則一年而行天之一周月則一月而行天之一周一歲之內無閏則十有二月月各會有所合故曰日月隔壁謂之朔朔者旦也旦者每月一日各有會合於日之下名之曰朔日月相衝謂之望四分之一謂之弦此者不相會合之時也光盡體伏謂之晦相近於合也

天數奇象圖



天為純陽而有陽數陽數有一有三有五有七有九總而論之共得二十有五成乾之陽數而為奇者謂奇為四正方而兼乎中此之是也天數有五自相乘之則得奇數故曰此一東三南七西九中五皆陽數也陽之數一三五七九是也

地數偶象圖



地為純陰而有陰數陰數有二有四有六有八有十總而論之共得三十成坤之陰數而為偶者偶者為四正方而兼乎中此之是也故曰東八西四北六南二中央十皆陰數也陰之數二四六八十是也地本方故稱偶天本圓故稱奇


二十八宿加臨四象圖



天象有二十八宿度則三百六十有五四分度之一者分布於十二分野之中而經星之常道也所以日月五行七政為緯循環周度變化生焉以分四維四正之義者東方南方西方北方自得其數同天地日月之功有蒼


龍焉有白虎焉有朱雀焉有玄武焉此者亦象春之與夏秋之與冬也

二十四氣加臨七十二候圖



天地定位日月運行八節四時自然運轉所以暑往則寒至春去則秋來而成一歲之功歲功之內有七十二候焉候謂應時之候明物有自然應節氣則五日七分而為一候者也自立春至大寒之後凡為一年則有之十二次物候自來應時之氣也

河圖



天地奇偶之數而成河圖則有五十有五惟此圖書則四十五數而遍九宮象龜之形狀頭九尾一左三右七二四為有六八為足此自然之象也背上有五行而可以知來占兆吉凶故通神明之德以類萬物之情天生神物聖人則之以為圖書一三五七九為奇屬陽也四正方二四六八為偶屬陰也惟地數十在於龍腹不有所顯故存之不畫也

變化圖




夫易之道非神功而不可測非聖智而不可知故有太易仍未見之氣也有太初氣之始也有太始形之始也有太素質之始也氣形質具未相離者謂之混沌混沌既判兩儀有序萬物化成混沌已前則為無也混沌之後則屬有也一有一無而為混沌混沌沌沌天地日月會合交泰之時也

五行圖



五行者水土金木是也凡天地之數而各有合生於五行者所謂天一與地六合而生水地二與天七合而生火天三與地八合而生木地四與天九合而生金天五與地十合而生土天地之數五十有五而生成五行五行之數可見矣七言得之水九言得之火十一數而得之木十三數而得之金十五數而得之土此為天地而生五行也


天元十干圖



天元十干者謂甲乙象木丙丁象火庚辛象金壬癸象水戊己象土夫木之為體象春而

生乎萬有主魂而靈見於苗火之為體象夏而長乎萬物主性而神見於花金之為體象秋而成乎品類主魄而氣見於實水之為體象冬而就乎萬有主命而精見於根土旺事加四季之正逐時而有也

三才入爐造化圖



白雪 華少族 大在澤下謂之雪
王爐 歸珠中台 地氣上騰化而為雪
雷行澤上謂之雷

夫三才之道者天地人也天元有十干之屬地元有十二支之屬人元有五行八卦之屬此三才而配於支干五行卦象之屬而入乎虛而出乎無虛無之間而生長成就萬物之功不有怠倦者因造作而必得所化化之與

造為者本無為之化也爐有三層十二門火居於中煉乎三才之真氣而合成道也

八卦收鼎煉丹圖



黃茅 三三 太極
全鼎 三三 黃鐘
天在風上故謂之非
雷中有真氣

八卦收歸於鼎者謂乾象天坤象地震象龍發乎雷巽象虎生乎風坎象雲降乎雨離象電閃乎光艮象山通乎氣兌象澤說乎物因乾健而運自坤順而動得此三男三女妙乎大用而利於萬物此則明雷風雲雨電閃之屬本自晴空而來復歸晴空而去故謂之鼎太十一鼎之為器下存於火中煉其天地雷風火山水澤而成大丹也

十二律呂之圖

子
丑
寅
卯
辰
巳
午
未
申
酉
戌
亥




夫黃鐘之律以應太十一十一月用事則九寸三分損一而生林鍾以應六月用事則三分而益一九生太簇以應正月用事則三分損一而生南呂以應八月用事則三分益一而生姑洗以應三月用事則三分損一而生應鍾以應十月用事則三分益一而生無射以應九月用事則三分損一而生夾鍾以應二月用事則三分益一而生夷則以應七月用事則三分損一而生大呂以應十二月用事則三分益一而生蕤賓以應五月用事則三分損一而生清宮黃鐘九十分損五十七分而生仲呂以應四月用事則生執始執始生去滅去滅生南事凡自黃鐘之節至應鍾而為十二管其有清宮執始去滅南事以為律管之終故附之于下

太古集卷之二


乾坤生六子圖

虞寧子郝六逸撰



乾卦為老陽坤卦為老陰因合而生六子也。乾得坤之一氣而生巽長女也乾得坤之二氣而生離中女也乾得坤之三氣而生兌少女也坤得乾之一氣而生震長男也坤得乾之二氣而生坎中男也坤得乾之三氣而生艮少男也故曰乾生三女巽離兌坤生三男震坎艮是也。

八卦數爻成歲圖



乾卦三畫長每畫別九之數故知三九二十七其乾卦重之有六畫每畫別九則六九五十四此者乾爻之數也坤卦三畫短每畫別六之數故知三六一十八其坤卦重之有六畫別六則六六三十六此者坤爻之數也此明一陽稱九一陰稱六外有震坎艮巽離兌陽陰不等互相推求而各有自然之數也八卦總其數三百有六十半之得百有八十也象一年之數也。

二十四氣加臨乾坤二象陰陽損益圖




冬至之日一陽始生而成復卦大寒之日二陽始生而成臨卦雨水之日三陽始生而成泰卦春分之日四陽始生而成大壯卦穀雨之日五陽始生而成夬卦小滿之日純陽而成乾卦夏至之日一陰始生而成姤卦大暑之日二陰始生而成遁卦處暑之日三陰始生而成否卦秋分之日四陰始生而成觀卦霜降之日五陰始生而成剝卦小雪之日純陰坤卦用事所謂損之而益益之而損也。六子加臨二十四氣陰陽損益圖。

乾坤二象象天地之大用由未盡其理者再



明日月之運行風雷之出沒山澤之通塞據此六卦三男三女所行之道亦自冬至之日為首以陽變陰以陰變陽至夏至之日為首以陰變陽以陽變陰陽陰錯雜各有所變變而通之以明化物之功本自無為之治出於自然而然也

八卦反復圖



乾一世乃有所變而得姤二變而得遁三變而得否四變而得觀五變而得剝此者自下升上上至五爻變之至極故自剝卦之後自上變下者名之遊魂而得晉卦晉卦之後下體三爻齊變而為大有名之歸魂卦他皆倣

此乾一變☰乾二變☱乾三變☲乾四變☴乾五變☵乾六變☶乾七變☷乾八變☰他皆倣此

六十甲子加臨卦象圖



夫天地之道而生萬物貴無過於人也則成三才之道而配支干納音為六十甲子故有乾坤二卦而生六十有四數則有萬一千五百二十象萬物之數也象象之內以屯為初法此甲子有六十而自相配偶六十四卦而通萬物之情性以存品類之吉凶悔吝憂虞存亡得失無不備矣

二十四氣加臨卦象圖




起自冬至之日以中孚有信陽氣始生至夏至之日以咸相感一陰始長故知卦有六十經遊二十四氣之間凡三百六十而成一歲之功一年之內則有三百五十四日積之閏餘故知自冬之日至滿一歲度有三百六十五日四分度之一每一日管行一爻六日七分而成一卦內有閏餘共成其數也惟坎震高兌而歸四正不在其間者也

五行悉備圖




五行悉備三才象之宜八卦四維之屬以明變化之功有類一方之所自有生尅而為順逆之時且如目主肝以情怒者必可以引金主肺以情哭而誠勸因此自相感而為相尅之勝負若不以金則用火火主心以情笑而接之其怒情漸去者為相生之故也他皆倣此以明五行順逆生尅之道也

天地生數圖




天陽而地陰相交而有所生生而各有其所天一與地四而為生也天三與地二而為長也凡生長之數而天地之情可見矣故曰天地交而萬物通天地不交而萬物不通之故也今則陽數一三五陰數有四與二此陽之與陰共成一十有五陰陽各半而成天地之道故曰生長而名之生數者也

天地成數圖



地者陰也乘天之陽氣而可以成就萬物終始之道始則潛伏終則飛躍皆物之自然也地有陰數六八十天有陽數七與九故地六與天九而成地八與天七而就凡成之數則見天地之情其於天五與地十自相交通共成其數者凡天地之數五十有五而生長成就萬物終始之道也

五運圖



五運所行經綸十干而成五氣且如甲己之

年土運時行乃為黔天之氣也他皆倣此故知五行之象象曰五星木德歲星行逆之時木運行也熒惑行逆時火運也太白行逆時金運也辰星行逆時水運也鎮星行逆時土運也法此五星分布十干而成五運星則有伏順遲留逆之數

六氣圖



六氣者明三陽三陰之氣而行十二支神神之相對謂寅申之年少陽主之卯酉之年陽明主之辰戌之年太陽主之巳亥之年厥陰主之壬午之年少陰主之丑未之年太陰主之每年之內有六氣焉且如少陽司天厥陰在泉他皆倣此一氣有六十日也

四象圖






此少為老陽
此多為老陰
此少為少陽
此多為少陰


夫四象者重明天地日月之道六七八九之數如乾之老陽稱九坤之老陰稱六乾之少陽稱七坤之少陰稱八故知乾有六爻文各稱九以四因之爻別三十六策坤有六爻文各稱六以四因之爻別二十四乾陽爻一百九十二坤陰爻一百九十二總之得萬有一千五百二十之策當萬物之數也

北斗加臨月將圖



天垂萬象以北辰為之樞機統領眾星無失其時者也夫北斗七星之列各自有方主之則曰魁枕參首杓携龍角斗巨蟹者明知此北斗第一星謂之魁星第七星謂之杓星自魁至杓凡有七星而布南方七宮之辰也故曰成爲河魁辰爲天罡凡經七辰象北斗焉


二十四氣日行躔度加臨九道圖



冬至之日日行牽牛夏至之日日行東井牽牛之宿南極之星也東井之宿北極之辰也自此極至於南極一屈一伸共行二十四氣

經於二十八宿布三百六十五度四分度之一循環九道以明消息之功達其昇降之理者皆日行之道備矣日一年行一運月一月行一周故知日行則有盈虧月行則有疾有遲日行一日一度月行一日十三度者謂少一十二度象一十二月以成一歲焉日經十有二年而行天之十有二運月行之道即不然也謂一年之中無閏而行天之十二周有閏而行天之一十三周故知月之細度一日行一十有二度三十七分也日月之行閏餘生焉

三才象三壇之圖



相配三十五字

夫三才者天一地二人三也今則不然所謂

天在上地在下人立乎中以象三才非取一二三惟取上中下品是也故知上品類天之萬象以明十干之類是也中品類人有萬事此者皆自天之下自地之上而居於中以明八卦五行之屬是也下品類地之萬物以明十二支位是也此具三品以證三才易曰有天道焉有人道焉有地道焉天道廣矣地道大矣人道備矣天道雖廣若不以人法之而地道不能顯著地道雖大若不以人則之而地道不能成就惟人道獨能法則於天地變化於萬有興廢於萬事者亦自此而然也

太古集卷之三

五十二

十一

太古集卷之四

廣寧子郝大通撰

金丹詩

虛無之神統御萬靈先天地祖運日月精列光垂象造物變形推遷歲紀應用生成旁通恍惚鼓盪杳冥乾坤布化導引群情幽玄奧妙賢劫聖因

其一

宇宙之中幾丈夫惟神惟聖法規模無為善入群生性獨立能開造化爐不逐東風吹柳絮休教秋月照冰壺金丹運至泥丸穴名姓元來記玉都

其二

五五純陽足有功大圓乾象以為宗降形直入滄深窈混體依躋窈窕中有過坎男騎白鹿無為禽女跨青龍當期一遶三千日鶴化烏龜石化松

其三

紅鼠黑蛇越世奇神仙此際泄天機雷聲一震三山裂日出同光四海知見說老人呈皓

首又聞赤子掛青衣先生謂彼敷真理報道郎君來得遲

其四

黃羊化作白猿猴猛虎留蹤待赤牛兔在穴中狸在火玄通妙處道根由挺靈降跡推遷運十二春還六十秋道氣歸身逢至友蓬萊會上約瀛洲

其五

一七元中九六年始知我命不由天炎風鼎內消紅雪假月爐中煉瑞連斜枕曲江方睡覺海經三度變桑田南柯昔日黃粱夢說與崑崙太古仙

其六

恒星不現即如來靜止安恬別立階四變艮宮成妙體返形華命達真胎學人悟此通心印覺者知之理性才解得箇中弧矢意千經萬論一齊開

其七

三月雷轟一二聲始知天下鬼神驚風乘雲勢三千里虎假龍威九萬程萬化門中為主

宰八絃境裏作經營震之內象文俱動上德
皇君具姓名

其八

鼎器從來六有三一敵一側一安鏐金鉉玉
質通嘉致供聖養賢煉瑞丹風火家人能返
照變形易體改容顏須知烹飪成新法傳得
鍾離道不難

其九

父家有卦號歸魂返老延齡別有門少女聘
時須待命長男交日見重孫口中安口如何
說身外有身豈可論休道神仙無覓處蛻形
忘跡道常存

其十

三千甲子一仙人天地之根造化神把握陰
陽都一指幹旋萬象統微塵多應父少兒還
老料想邪魔却是真解得神機顛倒理壺中
長是笑欣欣

其十一

蒼龍開虎不曾閑少女驅回六長男會向黃
庭頻俯仰寧知玉戶默包含寶瓶頰綻紅蓮

朵獅子潛行黑玉潭力士擒將歸洞府萬神
羅列競來參

其十二

八卦相乘定主賓五行生尅驗君臣青鸞撞
入火龍窟赤鳳飛吞金虎身夫婦相交調律
呂父男和順得中純皆因神氣能常守一息
沖融一寸真

其十三

欲識丹砂分兩齊西南北位配三奇九陽宮
裏開金戶陰六堂前攬玉池鉢別三百八十
四斤分十六兩須知午前子後隨時用萬道
霞光罩玉輝

其十四

鈿承須分陽與陰半斤銀合半斤金火雲飛
入牛郎鼻霜月穿開織女心神水貯藏金井
滿道源澄照玉泉深昇沈顛倒明离坎未悟
之人何處尋

其十五

日精東畔月華西正是丹天壯盛時二八佳
人呈雅態九三君子騁容儀水晶簾掛珍珠

砌碼礪幢懸翡翠帷試問本來歸甚處七星
樓上不曾離

其十六

刀圭元屬甚人家赤鳳端眸看落霞岸上草
逢添瑞色灘頭石遇結靈砂北溟幾度鏹犀
角南浦屢曾摘象牙更有一般堪賞慶天池
裏面放金花

其十七

問云何是最相宜奪得神功造化時虎踞碧
潭風颭龍蟠朱洞雨霖霖雲英散却雷霆
息露滴成須星斗移直待東方橫素練彩霞
捧出一輪曦

其十八

淳風高曠世非同不達幽微止謂空得意詩
情唯自樂知心道話幾人通都緣執性迷真
性盡散淳風味教風一粒金丹爐內有料無
仙骨辛難窮

其十九

陽九宮中大覺僧整素端坐誦黃庭神光射
透虛空藏瑞氣清凝聚寶瓶遊宴洞天呈手

其十二

其十四

其十五

段過資法界騁威靈從茲解得西來意混沌
之前豈有形

其二十

學仙須是程金丹鉛汞將來鼎內安用火周
天依次叙添功歲月莫盤桓存神先使心頭
靜養氣休令舌下乾十二時中無懈怠自然
性命保全完

其二十一

五氣同宮共一家相資運轉務生涯河車不
離長安道竇貨常留桂月華鉛汞混融成上
瑞氣神靈慧結丹砂全真妙用符玄用燭飲
流霞頰彩霞

其二十二

如何得得飲刀圭無血羊兒是可剗山澤氣
通雲出谷地天文泰木生梯坎离匹配知頭
倒龍虎回還顯悟迷解得於中消息理管教
平地路雲霓

其二十三

常聽壺中金石聲凡情除去道情生陽神全
後渾無寐陰魄消時更覺清火裏生蓮猶是

可水中搏塊次然成圓融二物常相會穩駕
雲車赴玉京

其二十四

閑引金烏宴月宮偶然會合便圓融神光照
徹靈空體妙道衝開造化籠心識始知蝸舍
容慧眸方見主人翁從茲悟身為患不執
虛名是大通

其二十五

學道先須絕外華修真養素屬仙家忘情盡
為烹金液息慮都緣程紫砂一性朝元攢五
氣萬神聚頂放三花從茲得達長生路永向
清霄混彩霞

其二十六

出家稟意望求仙必在真師口訣傳爐內飛
鉛常固濟鼎中結汞永新鮮流金作屑銷龍
骨滴露為霜長玉涎心鏡一磨明照徹本來
面目自然圓

其二十七

修行休強做逍遙莫向空房守寂寥紫府不
令群虎闖丹官能使萬神朝遊山每達青霄

路渡水常登剝木橋採得靈芝頰服餌何須
林下掛簞瓢

其二十八

三一壺中景異常長眉翁坐看松篁六鉢絳
彩裝金相十二重樓飲玉漿白鶴樹邊頻俯
仰烏龜池畔任低昂靈童款步前來立獻與
先生續命湯

其二十九

元氣混成清淨體彩雲突出五方霞金丹結
就純陽子玉液洗開不夜花無相門中堆白
雪虛空藏裏產黃芽長生路上行人少祇是
仙家與道家

其三十

天風吹綻洛陽花六合同塗意不差閑採壯
丹煎嫩藥靜收芍藥程英華調和二物清神
氣斲濟三田餌麥麻携酒宴閑乘興逸坐騎
白鹿入雲霞

太古集卷之四